


續修四庫全書

《續修四庫全書》編纂委員會編

續修四庫全書



上海古籍出版社

三〇七・史部・別史類

弘簡錄二百五十四卷(卷一百六十一至卷二百二十四)

〔明〕邵經邦撰

2285/07

弘簡錄卷一百六十一

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之六

劉保勳 劉蟠子籍 宋瑄 袁廓 樊知古附李順

張雍陳世 索湘 袁逢吉 姚坦 魏羽子璠 葵

王子興 鄭文寶 董儼 何蒙 慎知禮子從吉

張佶 胡則附龍 張采父諤 黃震 邊肅

劉式 魏廷式 盧之翰

劉保勳字脩業河南人五代時處讓之子少好騎射後唐清泰

中攝潞州左司馬隨著彰德軍衙內都校父卒補供奉官習刑

名之學頗工詩桑維翰奇之擢太常丞歷漢為祕書丞周廣順

初以詳練法律薦兼大理正遷工部員外郎歷掌鄆宋楚三州

鹽剋商稅宋初改戶部母喪起復掌新日惟茶徙雲安監鹽制

置使歲滿獻羨餘百萬開寶初遷司封員外監左藏庫六年知

宋州太平與國初遷祠部郎中通判晉州二年遷為江南西路

轉運使賜錢百萬三年徙兩浙東北路親征晉陽改戶部郎中

為隨軍轉運借侯陟勾當軍前諸事會陝西北路轉運雷德驥

調發沁州軍糧後期又命保勳代之太原平擢知并州逾年入

判大理出知昇州召歸點檢三司開拆司權領鹽鐵事遷兵部

郎中兼判三司勾院八年右諫議大夫知開封坐冤獄免雍熙

二年復起權御史中丞兼勾當差遣院北征知幽州行府事子

利涉以開封兵曹督芻粟隨軍濟巨馬河王師不利保勳馬陷

淖中利涉自後撤出之力不勝人馬相擠壓遂俱死年六十二

贈工部侍郎命恤其後擢孫巨州祕書正字後至北部郎中保

勳性純謹未嘗忤物精於吏事不憚繁劇受君命不辭難接同

僚多得其歡家無餘貨故聞者痛惜之至道三年又錄次孫世

長為正字咸平初妻卒贈錢十萬

劉蟠字士龍渤海人漢乾祐進士解褐益都簿宋初歷安遠軍

河陽節度推官保義軍掌書記性清介能攻苦食淡然事苛刻

好設奇詐以售知人主乾德五年召拜監察御史典染院事太

祖多臨視蟠偵知駕將至輒衣短後衣芒屨持炬督役頭蓬不

治遂出迎謁上以為勤事賜錢二十萬命代蘇曉掌京城市征

頗稱幹集太宗生辰命為使開寶七年與殿中丞劉德言同知

淮南諸州轉運事部民販茶者衆蟠獨乘羸馬偽稱商人抵民

家求市民家不疑出與之印擒真于法太平與國初就遷倉部

員外郎改轉運使歲漕江東米四百萬斛以給京師頗為稱職

秩滿乞留許再任賜金紫改駕部員外八年內艱起復知京城

陸路發運會河決韓村大發丁夫塞之命調給其餉朝議東封

擬拜水陸計度轉運使索湘副之俄歷工刑二部郎中充河北

水陸運使入判本部事籍田畢遷左諫議大夫淳化初兼同考

京朝官差遣卒年七十三賜錢十萬給其喪事 子錯初蔭大

理評事咸平二年擢進士嘗獻幸太學頌真宗頗嘉賞之出示

輔臣召試命直史館累遷至戶部郎中終三司鹽鐵副使

宋瑄字寶臣渭南人監察御史鸞子乾德中及第解褐青城簿

辟吳廷祚承典書記擢著作佐郎知綿州太宗改右贊善大夫

峽路運副代還賜緋魚出知秦州有善政就拜監察御史充陝

西轉運使以治績賜錢五十萬再知秦州安集諸戎部內清肅

雍熙初召歸賜金紫授度支判官遷屯田郎中知益州屬歲饑多盜以方略擒捕招輯盜屏息下詔嘉獎端拱初就拜右諫議大夫為西川轉運使加左諫議改陝州性清簡歷官三十年未嘗問家事好寫書常聚至數千卷以貽子孫曰使不忘本也淳化中移蘇州值三吳饑疫瑞病卒年六十一上聞嗟悼錄其子明遠為浦城簿復登淳化進士為都官員外郎柔遠亦及第垂遠開門祇候

袁廓劾州梓潼人舉進士入宋歷雙流西平二簿勾稽漏籍得民丁萬餘州將薦其勤職遷上蔡令課最振右贊善大夫御史府分領推事掌樞貨務性岑誕敢大言好詆訐太祖待以奇士太宗遷殿中丞出知楚州歸掌京師市征歲中增課數萬緡賜緡魚資錢五萬命按錢假納土得以便宜從事藉浙中諸州

弘簡錄 卷一百六十一 三 庶官宋五

軍倉庫之物悉輸京師詔罷異之每公宴必別席而坐復命知邠拜監察御史通判房州幾察秦王廷美賜白金三百轉殿中侍御史戶部度支判官與陳恕李惟清專計度芻糧改戶部員外郎籍田轉本曹郎中判戶部勾院廓強項好爭數與判使等較曲直於上前上每優容之然以勾稽過密由是簿領擁積為部吏所訴詔御史辨問廓謁見宰相趙普曰理普面責與侯莫陳利用交通狀廓驚慙泣下不能對數日出知温州就遷鴻臚少卿與同郡袁仁甫不協互有論奏上遣光祿丞牛韶往按廓以憤死上聞追悼驗仁甫所訴無實特免韶官削仁甫名配隸商州贈廓右諫議大夫錄其子丘賀為奉禮郎樊知古字仲師其先長安人會祖偁漢州司戶參軍祖知論事吳為金壇令父潛事李景知漢陽石埭二縣因家池州知古初

名若水應舉不第謀歸朝偽為魚釣往來采石江上以小舟載繩維南岸疾抵北岸以度江之廣狹開寶三年詣闕上書言江南可取狀太祖令送學士院試賜及第調舒州軍事推官恐老母與親屬留者為江南所害詔煜令遣之煜聞命厚給齎裝護送至境七年召拜右贊善大夫王師倚為鄉導下池州命領州事州民保險者擊之連拔二砦擒其魁以獻餘潰散獻議造浮橋先試於石埭口移至采石三日而成不差尺寸事平拜侍御史乘傳按行江南諸州詢訪利病兼知轉運事奏蠲江南官茶

十分之八征其餘以便商人增市直以惠小民罷鐵錢十當銅錢一民甚便之太宗即位改今名授庫部員外郎換金紫轉京西北路轉運使加虞部郎中改知邠州移鳳翔入為鹽鐵判官出領荆湖轉運使雍熙初遷比部郎中會河朔用兵分諸郡為東西兩路以給漕輓以知古為東路運使端拱初遷右諫議大夫移河北西路二年就加措置營田使奏請脩城木五百餘萬牛革三百萬上曰所請過當恐重困吾民令有司量給官物與之

弘簡錄 卷一百六十一 四 庶官宋五

度支李惟清請發河南十七軍州轉粟以備河北軍儲上恐妨農不許惟清固請上遣左正言馮拯乘傳與議知古請俟農隙令民轉餉所言稱旨拜給事中知古性明俊有才力史幹捷給措辭辨治累任轉運甚得時譽然以李煜時用兵權宜調斂知古悉奏為常額又知古微時辱於豫章洪氏至是以洪氏嘗掌昇州推酌通鐵錢數百萬償銅錢以快意時論少之俄為戶部使頗以職事不治詔書切責聲名益減素與陳恕親善上嘗言及計司事有乖違者以為知古輕佻恕具以告後因奏事自解上怒怒漏泄兩罷之出知梓州改西川轉運使知古鬱鬱

不得志常稱足疾未嘗按行郡縣蜀中雖號富饒然土狹民稠耕種不足以給兼并者益規厚利自歸朝後庫藏悉入內府有司於常賦外更置博買務禁商旅不得私市布帛蜀民重困淳化中青城民小王波語其眾曰吾疾貧富不均為汝輩均之乃聚徒攻陷青城掠彭山殺縣令齊元振旁邑響應是年冬小波中流矢死眾推其妻弟李順為帥初黨與纔百人州縣失於備禦所在遽起遂至萬餘攻蜀州殺監軍王亮及官吏陷邛州賊勢益張舉至數萬陷永康軍雙流新津溫江郫縣縱火大掠往攻成都燒西郭門不利引去陷漢興彭州旋陷成都官吏走東川知古坐擅離所部制置無狀朝廷特宥之詔復令掌兩川漕運尋改知均州以懲悖卒年五十二上嗟憫賜其子漢公同學究出身

弘簡錄

卷一百六十一

五

唐書卷六

張雍德州人姿貌朴魯中丞滕中正次其異日顯達考以女妻之開寶六年以毛詩中第釋褐東關尉太宗遷至秘書丞開封推官坐與劉保勳同免尋復為御史臺推直官淳化中累遷戶部使出知梓州就命為西川轉運使王小波亂雍訓練士卒得三千餘人募強勇千餘守城董綿州金帛以資幣藏命推官陳世卿書記施謂權璽謝濤治戎器伐山木為竿銷鐘磬為箭鏑紐布為索器械悉備賊渠相里貴眾十餘萬附城下雍與監軍盧斌登堞望之兵皆老弱無鎧甲斌請開北門出擊雍不可曰賊或許見老弱設伏誘我且城中吏民心未定脫墮姦計非良策也俄果有卒凭敵樓呼嘩將為外應雍亟斬以徇賊設梯衝火車晝夜鼓譟城中大恐雍命發機石碎之火箭雜下賊稍退復於城西北隅治攻具雍命軍士曰開東門出擊賊賊望見

果伏精甲於城東以待雍乃密絕敢死士百輩出西北焚其攻其自午達申殆盡賊驚以為神凶黨數乘城戰皆不利一日北風甚賊乘風縱火急攻北門雍與斌等領兵據門立矢石間固守不動賊為之却長圍八十餘日會石知頤來援始潰去遣謂入奏手詔褒美擢雍給事中餘遷擢有差景德初雍累遷至兵部侍郎同知審官院車駕朝陵判留司尚書省出知鄧州以尚書右丞致仕卒年七十雍小心吝嗇事勤怡好為米鹽苛察以肅下恃其清幹愛知益矯厲以取名譽所至晏犒幸皆裁節公錢聚為羨餘會集賓佐纔糲食而已在三司置簿籍有按前悉馬前悉急中急之日頗為時論所訾子太冲官殿中丞陳世卿字光遠南劍人登進士為衡州推官改梓州世卿素善射賊薄城時獨當城一面親射中數百人賊為稍却丁外艱雍表其有材復出視事就改掌書記還遷秘書郎歷廣州通判加博士召見賜緋景德初擢福建轉運使規畫南劍安仁等銀場歲增課羨累遷荆湖北路轉運使屬澧州慈利縣下溪等四州蠻侵縣境朝命與祇候史方知澧州劉仁霸同討之還還所侵地標正經界取其要領納還所掠漢口復置澧州武口等砦以控制之賜詔嘉獎還朝屢述溪洞利害召對願効煩劇授秘書少監知廣州加賜金紫至郡奏除計口買鹽之制人多便之卒年六十四錄于南安主簿儼為太祝

弘簡錄

卷一百六十一

六

唐書卷六

索湘字巨川涪州鹽山人登開寶進士調鄆州司理參軍受詔鞫齊州大獄連逮千五百人事隨以白太平與國四年和峴薦其能累遷監察御史命與戶部推官元玘按行河決民田改河北運副經度供餽以能幹聞加屯田員外郎會君子館敗契丹

乘勝據中渡橋塞土門將趨鎮州諸將計議未定湘為田重進
畫謀結大陣東行聲音高陽關敵果擁衆進于平鹵城我師
乘夜而南入鎮陽據唐河乘其無備破砦柵敵兵遁走雍熙中
召為鹽鐵判官改駕部員外端拱二年陞虞部郎中河北轉運
使有訟其擅易運絲自用者責授膳部員外知相州會羣盜白
晝抄劫湘擇精銳三百掩擊盡擒之運使王嗣宗狀聞詔復舊
官為河東轉運使遷忻州推官石宗道憲州錄事胡則為幹職
自隨所至州郡勾檢其簿領明年大將王超等率師趨烏白池
抵無定河水源涸絕軍士渴乏湘命輦大鉢千枝隨令鑿井衆
賴以濟真宗即位入為右諫議大夫復充河北轉運使秦罷郡
民族釀并靜戎威武二軍鬻茶及北砦山麓銀冶德州舊賦民
馬給驛又役民為步遞湘至悉代以官馬兵卒人皆便之疏言
弘簡錄 卷一百六十一 七 唐宣宗大

權楊易雜姦偽恐啓邊釁又新樂蒲陰兩縣地非屯兵之所
皆秦罷之湘長於吏事所歷邊郡必廣儲畜為備豫計出入軍
旅頗著能名建議茶茗與書考互市道遠多損許商賈緣江載
詣邊郡既免道途之耗復有征算之益咸平二年入為戶部使
受計詳定三司編敎坐與王扶父相請托擅易版籍責授將作
少監後復知廣州卒其子希顏護喪歸葬

袁逢吉字延之鄂陵人曾祖儀仕唐以軍功至黃州刺史祖光
甫尉氏令父蟾大理評事逢吉四歲能誦爾雅孝經七歲兼通
論語尚書周太祖召試賞其精習賜束帛開寶八年擢三傳第
釋褐清江尉知州王明薦其能就除豐城令運使張去華條上
治狀召為春秋博士淳化中累遷至水部郎中呂蒙正薦其經
術宜任學官會蜀叛授西川轉運使至道初徙荆湖北路俾遠

不赴罷知夔州川陝採訪使上其治迹與朱協李虛已薛顏邵
暉查道劉檢同賜褒諭祥符中歷官鴻臚少卿卒年六十九逢
吉性脩謹練達時務鄆州牧馬草地侵民田數百頃牒訴連不
決命逢吉按視至則悉還所侵田民咸德之兄及甫歷京東峽
路轉副使至駕部郎中子成務比部員外郎京東轉運副使從
子楚材至虞部員外郎

姚坦字明白曹州濟陰人開寶中擢第調將陵尉歷知潯州太
平與國初召還為著作佐郎諸王出閣選為皇子翊善賜緋魚
歷轉考功郎中仍為益王府翊善坦性強固王嘗為假山既成
召賓僚樂飲坦獨俯首王強使視云但見血山耳安得假山王
驚問故對曰此山皆民租所為每見州縣催科捕人父子兄弟
鞭笞流血被體非血山而何時大內亦為假山問而毀之王好
弘簡錄 卷一百六十一 八 唐宣宗大

佚豫坦每暴揚其事上諭曰元傑知書好學亦足為賢王少不
中節須婉辭規諷頃之左右教王稱疾不朝太宗召乳母問狀
答曰王本無疾徒以姚坦檢束居常不得自便故成疾耳上怒
曰吾選端士輔王為善王不能用而詐稱疾病此必爾輩為之
謀耳因命梓至後苑杖之召坦慰曰卿居王宮能以正道為羣
小所疾大為不易卿勿慮諷問朕必不聽王薨改衛尉少卿判
吏部南曹真宗即位以其賈直取名不得大用景德初求補郡
知鄆州運使表其治狀詔嘉獎之祥符初復知光州卒年七十
五

魏羽字垂天婺源人自少屬文李煜召置弘文館時建當塗為
雄遠軍以羽為判官王師渡江以城降擢太子中舍仍舊職金
陵平知興州太平興國初知棧州改京兆府六年詔詣瀛州覆

軍市租得隱漏數萬計因言有司調遷失平疏遠何由上建本
 州錄事參軍郭震十年未代河間令崔能前任卽墨未滿歲遷
 秩請罪典司以肅欵弊賜詔褒諭遷太常博士歷官戶部郎中
 疏言三司職官頗衆願省其半可以責成仍條列利病二十事
 詔下有司詳議皆以爲便改鹽鐵判官時北邊多警朝議耕戰
 之術拜羽河北東路營田副使改兩浙轉運使淳化初遷爲度
 支鹽鐵使先是三司簿領繁積吏緣爲姦雖嘗更立所制未爲
 適中羽請依倣唐制分天下郡縣爲十道兩京爲左右計各置
 判官領之以羽爲左計使董儼爲右計使中分諸道以隸焉未
 久復以非便罷守本官出知滑州真宗累遷權知開封軍駕北
 巡判留司三司再爲戶部度支以疾解職三年五十八羽強力
 有吏幹小心謹事出入計司凡廿八年習知金穀之事然頗傷
 私簡錄 卷一百六十一 九 唐宗宋六

煩急不達大體太宗亦言其有心計但無執守與物推移耳歷
 劇職始踰四十鬚髮盡白 子璿守川之奏補校書郎知開封
 倉曹參軍持法精審明吏事上元起燈山宦者挾勢誅索璿密
 以間諱杖遣之以大理寺丞知衡山縣歷官提點廣南西路刑
 獄邕州獠戶婦女緣道負沒爲備者千餘璿悉奏還之就除轉
 運使獨劉錡時雷化欽高州計口稅減柳州無名役四百召爲
 度支判官徙梓州路轉運累遷太常少卿知廣州疏東北城門
 鑿東西澳爲水閘時其啓閉拜右諫議大夫坐送貢餘柳子煎
 餉京師降知鄂州復陝西河北運使以給事中知開封政事嚴
 明吏民憚之俄因內東門關得賂遺物付府窮治獄未上內降
 釋罪璿不行執奏諫官吳奎論劾降知越州儂寇發獨廣州城
 堅不能下論功遷工部侍郎集賢院學士兼廣東經略安撫使

召還糾察在京刑獄進龍圖閣直學士知荆南五溪蠻彭士義
 叛條上三策以招徠爲上守禦爲下攻取爲失卒如所議徙澶
 滑鄆三州以吏部侍郎致仕卒璿居官所至整辦與人置對未
 嘗屈然專任機數不稱循吏 弟琰字子浩以恩授祕書正字
 爲吏強敏名齊于璿累官司農卿知福州徙廣州以疾告知江
 寧晚昏眊奏劾召判刑部進衛尉卿卒

王子與字希孟莒人曾祖甲以義勇爲鄉人所推唐末淄青徐
 兗皆南結吳人以拒梁梁得三鎮吳人北侵益急沂密尤被其
 害州民聚爲八砦以扞寇廷署甲爲八砦都指揮使祖徽襲父
 職晉末賊帥趙重進掠高密徽戰沒父璉復嗣其職周世宗平
 淮陽始去兵卽農厚自封殖命子與業文辭登大平興國進士
 解褐北海簿歷大理評事使西蜀決獄還累遷太常博士真宗
 私簡錄 卷一百六十一 唐宗宋六

遷殿中侍御史因對與三司論列利害推子與爲長轉度支員
 外郎每事上計司移報稽滯求兼省職因命爲鹽鐵判官仍領
 制置城課五十餘萬咸平三年充淮南轉運子與精於史事周
 知利害裁量經制公私便之所至郡縣以公事申請者文牒紛
 委頃刻待報皆決遣略無凝滯明年召拜右諫議大夫戶部使
 方奏事疾作什地掖出至第卒

鄭文寶字仲賢襄城人南唐右千牛衛大將軍彥華之子以蔭
 授奉禮校書二郎煜歸朝不忘舊恩欲一見衛者難之乃被囊
 篋冒爲漁者以見煜以爲忠後補廣文館生受知李昉登太平
 興國進士除脩武簿再遷光祿丞獻文召試改著作佐郎通判
 潁州外艱起知州事拜殿中丞使川陝均稅次渝涪聞夔州廣
 武卒謀亂以計平之遷陝西巡副許便宜從事歲內誘棄民出

粟活饑民八萬餘口會秦隴賊趙包聚徒數千將趨劔閣附李
 順文寶移書蜀郡分兵討襲殲焉前後自環慶部糧越旱海入
 靈武者十二次曉達蕃情習其語言經由部落每宿會長帳中
 往往以父呼之遷太常博士內侍方保吉誣與陳堯叟交游故
 薦其弟堯佐驛召置對文寶上書自明太宗察其誣坐保吉罪
 厚賜文寶而遣之俄加工部員外郎有龍猛卒戍環慶七年不
 得代思歸謀亂文寶矯詔以庫金給將士自劾請償詔免之建
 隆初文寶白鹽許商人轉安邑解鹽於陝西官獲其利而諸羌
 益內行之數月戎人乏食相率寇邊內屬萬餘帳亦叛上遣錢
 若水馳傳往視悉除其禁名諸族撫諭乃定朝議城古威州遣
 內侍馮從願來訪文寶言城之便但環州至伯漁伯漁抵青岡
 青岡拒清遠皆兩舍而清遠當羣山之口扼塞門之要芻車野
 弘簡錄 卷一百六十一 主 庶官宋六

叙其地利本末且言靈州可棄狀時方遣大將王超授靈武即
 復文寶工部員外郎隨軍轉運甫至環或言靈州已陷文寶乃
 易服單騎間道抵清遠盡得其實遂奏班師就除本路轉運使
 上疏請再葺清遠軍王漢忠以為生事遂徙河東又上言乞徙
 置管內廣銳兵萬餘於近南諸州就糧宰相李沆等言其非便
 上命錢若水詳議若水所對與沆同乃罷之先是麟府屯兵悉
 仰河東於魏河潤裁數十步而往來阻隘土人利於艱至則芻
 粟增價乃言文寶於府州定義軍經度置浮橋人以爲便繼遷
 圍麟州令乘傳晨夜赴之阻解遷刑部員外郎賜金紫頃之寇
 準薦其熟於西事可備驅策復任陝西轉運復有言其張皇者
 又代以朱台符景德初契丹來犯仍徙河東安輯所部募鄉兵
 張邊備領蕃漢兵赴河北手詔褒諭未幾復涖京西陳和議經
 弘簡錄 卷一百六十一 主 庶官宋六

薦已知益州不遂與都監趙贊密奏觀音酒廢職觀具述求薦
反覆狀責授山東南道行軍司馬會赦起知郢州病疽卒年五
十四儼俊辨有材然不學無操行所至以賄聞又廣畜姬媵頗
事豪侈用傾狡圖位終以是敗士夫醜之東封恩復其官子仲
容仲宗並為太子中舍兄偉至殿中丞

何蒙字叔昭洪州人少精春秋左氏傳李煜時獻書言事署錄
事參軍入宋授洺州推官太平興國五年調遂寧令太宗征契
丹送作詩以獻召見授右贊善大夫三遷水部員外郎通判廬
州郡中火燔廨舍權務俱盡蒙假民器貸鄰郡麴米為酒既而
課增倍部使上其狀詔資緡錢獎之稍遷司門巡撫使潘慎修
薦其材敏驛召至京訪以江淮茶法蒙條奏利害稱旨賜緡魚
及錢十萬後二日復對又上淮南酒榷便宜特改庫部郎中因

弘簡錄

卷一百六十一

三

唐書宋六

命至淮右提總其事歲有美利使還留提舉在京諸司庫務求
外知溫州坐舉人不當削一官真宗名復前資請開淮南鹽禁
時下袞楊允恭以禁鹽為便共排抑之出知梧州改水部郎中
上所著兵機要類十卷歷官至光祿少卿致仕卒年七十七
慎知禮衢信安人父溫其有詞學仕錢俶終元帥府判官知禮
勿好學年十八獻書署校書郎為掌書記宋初從俶子惟濟入
覲歸署營田副使入朝授鴻臚卿歷知陳州與元府母年八十
徐居宛丘懇求歸養退處十年縉紳稱其孝及服除表請納祿
至道三年以工部侍郎致仕自幼至白首歲讀五經周而後止
每開卷必正衣冠危坐未嘗少懈咸平初卒年七十七子從
吉字慶之倣之婿為元帥府長史歸宋歷將作少監改太子右
庶子真宗倣儲換衛尉少卿即位遷詹事頗以文酒自娛士夫

多與之游景德初判刑部留意法律天下所奏成案率多科駁
取所積犯人告身鬻之以市什器祥符初改衛尉卿糾察在京
刑獄拜右諫議大夫判吏部銓選人舊試多藉地而坐從吉為
市筭席給之改給事中臨事敏速動心公家所至務敬察嘗請
對陳事上多其無隱八年權知開封請屬一無所受適彙民張
斌妻盧氏與姪質交訟被構削職天禧中復起以光祿卿致仕
卒年七十喜為詩時有警語兼工醫術子孫登第入仕甚衆紆
朱紫者數人家富於財精治生又善為器具分遺權要晚年進
趨彌篤以至于敗物論鄙之子鏞金部度支員外郎秘閣校理
錯太常博士

張信初名志言字仲雅本燕人徙河南父昉有史料歷知雜御
史官郎至殿中少監信少有志節蔭補殿前承旨以習儒獻文
弘簡錄

卷一百六十一

四

唐書宋六

求試換國子監丞遷著作佐郎監三白渠知涇陽縣端拱初為
右贊善大夫命按曹州民被誣殺人者發掘獲伏民究得雪至
道中通判陝州部送芻糧赴靈武就改國子博士咸平初為陝
西運副賜緡魚至延安遇夏人入寇親督兵擊敗之三年徙西
川運副討王均餽餉有勞遷虞部員外郎賊平分川陝為四路
授利州路轉運使有薦其武幹者召還授如京使歷涇原麟府
鈐轄兼知鎮戎軍率兵與夏人戰親射殺酋帥俘獲甚衆餘黨
遁去詔書褒獎賜錦袍金帶景德中徙益州鈐轄領宜州刺史
遷文思使御軍撫民頗有威惠蜀人懷之祀汾陰以為西京舊
城巡檢禮成加北作坊使充趙德明官告使以薦知秦州置四
門皆開拓疆境事具吐蕃傳時朝廷方務寧邊以信輕信易事
邊境數投徙邠寧路鈐轄天禧初召為契丹國信副使再遷西

上閭門使涇原鈐轄卒年六十九信法微書史好吟詠勇敢善射有方略其總戎護塞以威名自任子宗象兵部員外郎直史館至度支判官

胡則字子正永康人登進士補許田尉調憲州錄事參軍時命李繼隆討靈夏轉運索湘命則部送芻糧計足支一月則言為百日備尚恐不支奈何僅一月耶湘懼無以給遣則入奏太宗因問邊策對稱旨命中書記其姓名項之繼隆移文言兵且深入糧可繼否則謂彼師老將歸欲以懼之為辭耳始以有餘報之湘從之後其言果效改著作佐郎員州觀察判官再遷提舉江南路銀銅場鑄錢監得吏所匿銅數萬斤籍為羨餘不之罪改江淮制置發運使遷戶部員外郎真宗幸亳遷擢三司度支副使與丁謂厚驟得進用謂罷出為京西轉運使坐部內訛言

弘簡錄 卷一百六十一 五 庶官宋六

相驚徙廣西按宜州重辟十九人活者九人累遷太常少卿乾寧初復坐謂黨降知信州徙福州以右諫議大夫知杭州入權吏部流內銜坐失舉又責池州未行復改知永興軍徙河北都轉運使以給事中權三司使通京東西陝西鹽法人甚便之俄坐假御史王浩官舟販鹽其子又祈買酒場為張宗誨所發山知陳州劉隨言其好貪復徙杭州再遷兵部侍郎致仕卒則果政負材善交結尚風義謂賤賔客皆散則問遣人至海上備問如平山在福州有前守陳絳所延客龍昌期為人講易得錢絳獲罪併械昌期至即破械館以賓禮出俸錢為償所費昌期蜀人嘗註易詩書論語孝經陰符經老子凡百餘卷薦補四門助教文彥博守成都置府學改校書郎以殿中丞致仕嘉祐中年八十餘詔取其書昌期野服自詣京師賜緋魚并絹百匹

劉敞言其異端告道其說詭誕穿鑿至詆斥周公不當推獎奪所賜罷歸卒

張乘字孟節新安人父諤字昌言南唐祕書丞通判鄂州與州將許昌裔歸款太祖召見勞賜良厚授右贊善大夫蜀平選知閬州太平興國中除西州運副建議土人罕習舟楫因置威權軍分隸管勾自是漕運無覆舟之患後終荆湖江浙制置茶鹽副使乘儀狀豐麗屬詞敏速善書翰太宗喜之擢冀州科解褐將作監丞通判宣州遷監察御史為趙普所帶妻以弟之女薦知鄭州還直昭文館遷右司諫命副趙昌言制置茶鹽入為右計司河南西道判官累遷工兵二部郎中真宗時判昭文館為左諫議大夫連知穎襄二州徙鳳翔訴母老貧重詔給裝錢改江陵母憂起復知河南景德初換河陽瀘州駕當巡幸又徙滑

弘簡錄 卷一百六十一 六 庶官宋六

州迎謁華城俾預從官侍食遣與齊州馬應昌濮州張晟往來河上部丁夫繫凌以防契丹南渡召歸拜工部侍郎知審官院歷通進銀臺封駁判科察在京刑獄與周起同試東封路舉人出知永興軍祀汾陰為東京留守判官轉禮部侍郎加樞密直學士知并州御製五言詩賜之徙相州暴疾卒生平無顯赫譽臨事少斷好諧戲飾衣服潔饌具每公宴或朋友會集自詔有膳而往家貧常賃衣以給黃震字伯起浦城人登進士累遷著作佐郎通判遂州時有詔給軍士錢東州獨未及軍士欲為變震白主者曰朝廷豈忘東川耶始詔書稽留爾主者以為然即開州帑給錢如西川眾乃定未幾詔果至震歷遷江淮發運使以論李溥與交訟奪一官罷畏丁謂權不敢自直謂既復起知饒州徙廣東轉運奏罷廣

南歲進異花道路便之卒詔進其官一等

邊補字安國應天府楚丘人登進士除大理評事知於潛縣改太常博士魏羽薦為戶部判官祠南郊趙薦慶支員外郎至道初太宗以三司鈔取無法置行帳司以會財用之數命肅主之帳成遷工部郎中真宗幸大名經度行在糧草改判開拆司出知曹州徙邢州先是州屢地震城堞摧圮會契丹大入鎮魏深趙磁洛六州閉壁不出帝密詔肅若州不可守聽便宜南保肅因請不發督丁壯乘城大開諸門率所部兵嚴陣以待老幼趨城者開門納之契丹莫測居三日引去樞密直學士徙宣州車駕朝陵徙河南還勾當三班院出知天雄軍徙真定累遷給事中與代者王嗣宗有隙諷通判東方慶訟肅貶岳州團練副使久之徙武昌安遠泰寧三軍節度副使連知光潤泰三州卒

弘簡錄

卷一百六十一

七

唐會宋六

子調終兵部員外郎福建轉運使

劉式字叔達袁州人李煜時舉三傳歸宋遷大理丞贊善大夫通州豐利監端拱中初三年磨勘法命式主之賜緋又建議置主轄支收司以謹財賦出納遷秘書丞與陳靖使高麗至道中併三勾院為一仍命式領之轉工部員外郎賜金紫式深究簿領之弊奏免舊日江淮間橫賦逋積至多人以為便然多所條奏檢校過峻為下吏所訟免官卒真宗追錄前効賜其子立本學究出身次子立之復為國子博士立德立禮並進士及第立禮殿中丞魏廷式字君憲大名宗城人少明法律監軍魏咸美以同宗延置館舍善待之中太平興國進士授開州法曹掾運使李惟清奏其有吏材擢知桃源縣遷將作監丞改著作佐郎通判潁州

淳化二年始命李昌齡判審刑院以廷式明練刑章奏為詳議

官屢進對太宗悅其明辨遷太子左贊善大夫時初較廷臣殿最命與承旨趙鎔李著同勾當三班院多所規制越王生日令持禮物賜之趙拜主客員外郎尋出知利州討李順就命充陝益二路運使入奏事不時召對問方略稱旨賜錢五十萬賊平入判大理寺至道初乘傳河朔決獄復出知宋潭二州湖南地土沃衍民喜訟產巧偽難辨至則立裁之吏民咸服轉吏部員外郎知桂州真宗改工刑二部郎中會王繼恩有罪下吏命同按之踰宿而獄具俄知審官院通進銀臺封駁司拜右諫議大夫知審刑院出知涇州卒年四十九錄其子舜卿太祝禹卿同學究出身廷試所至以嚴明稱剛果敢言上頗厚遇之然性傾險喜中傷人君子憚其口而鄙其行

弘簡錄

卷一百六十一

六

唐會宋六

盧之翰字維周祈州人曾祖玄暉鴻臚卿祖知誨人雄軍掌書記父龍蔡州防禦判官之翰少篤學家貧客遊館于單州防禦使劉乙登第授大理評事知臨安三遷殿中丞通判洛州募城中丁壯決滄御河以固城壁契丹入不能犯吏民詣闕借留名還遷太常博士歷河東京西轉運副使建議導淇河合于淮達許以便漕運累遷吏部員外郎討李順兼西川安撫轉運使坐薦大理丞李憲犯賊抵死又心知副使鄭文寶禁蕃商貨鹽非便不為勸止左授國子博士領使如故尋復職補洛河之敗詔分三道護送之翰違詔擅併為一大失輜重詔博士王用和乘傳逮捕繫獄除名貶許司馬明年起為工部員外同勾當陝西轉運真宗復吏部以久次召拜禮部郎中賜金紫復遣之任咸平初有疾代還未幾復為京西運使朝議城故原州以張守

為之翰沮能之其後西鄙不寧詔葺為鎮戎軍帥之翰知歸州
三年授廣南西路轉運就改太常少卿知廣州無廉稱與運使
凌策不協陰發其事徙知永州卒年五十七

弘簡錄卷一百六十一 終

宋史卷一百六十一 九 庶官宋六

弘簡錄卷一百六十二

庶官 宋六之七

明刑部員外郎仁和弘齋邵經邦學
皇清翰林院侍講學士四世孫遠平校閱

陳靖 林勳附 邵曄 劉師道 盧琰 宗子士 王陟

李士衡 子丕 靳懷德 梁鼎 楊覃 從子大雅 馬元方

凌策 宋搏 鄭向 趙賀 李垂 子仲

陳知微 李防 梅詢 陳貫 子安 狄棐 子遵

郎簡 張若谷 陳大素 馬壽 張傳

崔立 張逸 張旨 鍾離瑾 張洞

陳靖字道卿莆田人父仁璧仕陳洪進為泉州別駕洪進歸朝
有豪猾負儉為亂靖徒步謁轉運使楊克異陳討平之策授陽

弘簡錄 卷一百六十二 宋庶官七

翟縣簿契丹犯邊上五策于朝曰明賞罰撫士衆持重示弱待
利而舉帥府許自辟士將帥專制境外太宗善之改將作監丞
為御史臺推勘官父喪起復秘書丞直史館判三司開拆司會
上欲復井田未有能建議者靖慨然上疏以為法難遽行宜先
命大臣為租庸使或兼屯田制置副以三司判官通知民事者
二人兩京東西千里檢責荒地籍逃民產募人耕作賜以室廬
犂種口食不足給以庫錢別其課為十分責州縣勸課分殿最
為三等其最者令佐免選超資殿者增選降資每州通以諸縣
田為十分視其殿最以行賞罰候數歲盡罷官屯田悉用賦民
然後量人授田度地均稅約井田之制立為定法頒行天下太
宗語宰相呂端曰靖此策深合朕意命召見賜食下三司陳恕
等雜議詔以靖為京西勸農使擇大理丞皇甫選光祿丞何亮

副之選等言其功難成帝不謂然後以羣議終不同罷之出請
知婺州再遷刑部員外郎真宗即位復列前所論勸農事言國
家禦西北戎仰東南食設有不足則誤大計請自京東西及河
北諸州大行勸農之法以殿最課州縣官吏歲可省江淮漕百
餘萬有詔條上除為京畿均用使請令刺史行春縣令勸耕賜
孝悌力田者爵置五保以檢察盜籍游惰之民以供役作行
三司議皆不果行後歷度支判官淮南運副兼管勾發運司公
事徙河南轉運使論前李氏橫賦於民凡十七事詔罷其尤甚
者徙知潭州祀汾陰為行在三司判官歷京西東轉運使知泉
蘇越三州歷遷集賢院學士知建州復徙泉州拜左諫議大夫
與丁謂善以老疾轉秘書監致仕卒平生好學通古今多建畫
於農事九詳 林勳者賀州人登政和進士為廣州教授高宗
弘簡錄 卷一百六十二 宋史官七

弘簡錄 卷一六一

綿率倍之行之十年則民之口算官之酒醋與凡茶鹽香礬之
權皆可弛以予民其說甚備書奏以為桂州節度掌書記到任
又獻比較書二篇大略謂桂州地東西六百里南北五百里以
古尺計之為方百里之國四十當墾田二百二十五萬二千八
百頃有田夫二百四萬八千出米二十四萬八千斛祿卿大夫
以下四千人祿兵三十萬人今桂州墾田約祇萬四千二百頃丁
祇二十一萬六千六百一十五稅祇錢萬五千餘緡苗米五萬
二百斛有奇州縣官不滿百員官兵五千一百人蓋土地荒蕪
而游手末作之人眾是以地利多遺財用不足皆本政不修之
故朱熹甚愛其書陳亮亦謂此書考古驗今思慮周密可謂勤
矣後世為井地之學者孰有加於勳者乎要必有英雄特起之
君用於一變之後成順致利則民不駭而可以善其後矣
弘簡錄 卷一百六十二 宋史官七

冊曰井田之學悉為空言聊存其槩以備化原
邵鼎字日華其先京兆人唐末喪亂曾祖岳舉族之湖南彭玕
刺全州辟為判官遂家桂陽祖崇德道州錄事參軍父簡連山
令聯幼嗜學登太平興國進士解褐邵陽縣簿改大理評事蓬
州錄事參軍知州楊金性暴率誣民張道豐三人劫盜悉寘于
死鼎自令核實不聽既而捕獲正盜金坐削籍鼎代還引對太
宗嘉獎以能活平民賜錢五萬擢光祿寺丞仍以金事戒諭天
下尋使廣南採訪刑獄歷遷工部員外郎淮南轉運使景德中
假光祿卿充交趾安撫國信使會黎桓死子龍鉞嗣兄龍全弟
龍廷殺鉞自立龍明復率扶南兵攻戰事聞改命鼎為緣
海安撫使許以便宜為設方略貽書諭朝廷威德俾速定位明
護等聽命奉龍廷主軍事有詔俟其事定即以黎桓禮物改賜

新帥驍上言不若俟龍廷貢奉別加封爵而寵賜之真宗嘉納使還改兵部員外郎賜金紫嘗上邑至交水陸路及宜州山川等四圖頗詳控制之要判三司勾院坐失舉停任祥符初起知兗州表請東封就命為京東轉運使禮畢拜刑部郎中再遷右諫議大夫知廣州鑿內濠通舟楫不能害卒年六十三

劉師道字損之開封東明人右樞密澤之子登雍熙進士授和州防禦推官歷保寧鎮海節度從事凡十年王化基呂祐之薦于朝擢著作佐郎遷殿中丞出知彭州就加監察御史運使劉錫馬襄上其治跡名歸會浦洛之敗奉詔劾白守榮太宗獎其勤面賜緋魚命使西川時經李順之亂有言川陝豪民多役旁戶小民為佃客平居伏如奴隸有難則鳩集之請釋豪民為耆長送主旁戶有勞則授以官師道還奏送使主領則爭忿滋多

弘簡錄 卷一百六十二 宋真宗七

署以名級又重增授害非便罷之改祠部員外郎出為京東轉運使進度支副使咸平初范正辭薦其材堪長民徙知潤州三年改淮南轉運兼江浙湖發運使以漕事入奏累遷三司使從幸澶淵判隨駕三司充都轉運使坐弟幾道舉進士與考官陳堯咨交通責授忠武軍行軍司馬郊恩起為工部郎中知復與秀州祥符二年改兵部郎知潭州遷太常少卿生平敏於吏事所至有聲吏民畏愛長沙當湖嶺都會剗煩析滯案無留事歲滿復加樞密直學士換左司郎中留一任以暴病卒年五十四性慷慨尚氣善談世務與人交敦篤工為詩與楊億輩酬和時論稱之錄幾道試校書郎 盧瑛字錫圭淄州人右諫議大夫浚子登太平興國進士解褐歷城縣簿以大理評事知安吉縣改太常丞通判并州就除博

士為開封判官古謝日真宗特召升殿面諭賜緋錢尋奏獄空有詔獎之遷工部員外郎為河北轉運副使時北鄙未寧調發軍儲糧道不絕瑛以職務修舉進秩刑部郎賜金紫會城祈州命專董其役幸澶州瑛單騎赴行在名對勞問轉大理寺丞契丹請和優拜吏部判三司勾院兼侍御史知雜事祥符二年為三司度支副使祀汾陰判留守三司加吏部郎中拜右諫議大夫知永興軍勤於吏職所至以幹集聞頗知命先母而卒年五十九母尚年八十餘上憫之官其子士倫太常博士給祿終喪至工部郎中度支副使 士宗字公彥舉五經為臨州判官歷

審刑院詳議編敕副定官提點江西刑獄待講楊安國薦其經術仁宗御延和殿詔講官悉升殿聽士宗講易明日復命講泰卦授天章閣待講賜三品服加直龍圖閣判流內銓言李參郭申錫兩人皆為時用決河訟當驗問不宜遽鞠詔但黜申錫為州進士宗直學士知審刑院通進銀臺司仁宗神主祔廟禮院請以太祖太宗為一世而增一室士宗據禮太祖之廟萬世不毀其餘昭穆親盡即毀示有終也今僖祖親盡當遷合於典禮不當添展一室後卒從增室之說議者咎之出知青州入辭論知人安民之要勸英宗守祖宗法以病改沂州熙寧初以禮部侍郎致仕卒年七十一士宗本以儒者長刑名之學在刑部審刑前後十數年人多稱其仁恕

弘簡錄 卷一百六十二 宋真宗七

王陟澶州上黨人登淳化進士補嵐州團練推官督運有勞遷晉州觀察推官至道初度支李擇言薦為著作佐郎通判大名真宗尹京留為開封司錄參軍前司錄閻仲卿喜議論敢為屢升殿奏事真宗頗不悅之陟獨以謹幹被待遇即位召賜緋魚

袋改著作郎進推官乘傳陝西督餉靈武咸平初遷太常博士
為河東轉運使賜金紫時趙保吉納款屢遣陟與內侍張崇貴
裁度邊事正其經界又副崇貴使夏州賜誥命代歸與刑部員
外董龜正同考試貢士改工部員外郎知棣州召入判三司鹽
鐵勾院卒上以京府之舊甚憫之錄其子若拙奉禮郎後官太
常博士若谷太廟齋郎

李仕衡字天均父益家饒於財由成紀徙京兆登進士調鄂縣
簿京尹田重進命鞠五死囚士衡平反活其四重進稱之曰君
有陰施必高大其門徙知彭山就加大理評事遷光祿丞父坐
不法誅仕衡除名會赦寇準薦復其官領渭橋葦運通判邠州
遷秘書丞知劔州王均反度不能守棄城焚芻粟犇金帛東守
劔門賊至與鈐轄裴泰迎擊之斬首數千級入奏擢度支員外

弘簡錄 卷一百六十二 六 宋 唐 官 七

郎賜緋魚復論棄城罪降監度州稅召還判三司鹽鐵勾院時
因梁鼎言調丁夫輩解鹽官自鬻之仕衡以為困民不可聽已
而關中大擾乃罷鼎擢仕衡荆湖北路轉運使徙陝西歲計軍
費悉皆自辦罷出內帑帑錢真宗幸洛獻粟五十萬斛餽京西
三十萬斛上多其材召為度支副使言關右既弛鹽禁而永興
同華耀等處猶科率賣鹽年額錢詔悉除之遷司封郎中為河
北運使又奏罷內帑所助緡錢民苦歲給諸軍帛七十萬皆預
假里豪倍償其息仕衡請方春戶給錢至夏輸帛民獲利而官
用足會封泰山見上于行宮獻錢帛芻糧各十萬遷右諫議大
夫祀汾陰又助錢帛三十萬與林特同提舉兩京陝西轉運事
權知永興軍進給事中以樞密直學士知益州旱蝗發粟賑民
多以所部供軍物為貢及邊備闕議者以為言帝不之罪累遷

王刑二部侍郎權知天雄軍徙青州盜起淄青間以計誘梟賊
首獻于朝名為三司使更陝西入粟法使民得受錢與茶又許
吏私市羊送京免其算聽民自採木輸官用償其直免羊道死
并漂失破產之累帝作寬財利論以賜遷吏部侍郎仁宗拜尚
書左丞以足疾改同州觀察使知相州更陳穎二州坐壻曹利
用誣誤降左龍武大將軍分司西京卒追復同州觀察使生平
才智過人前後管計事二十年頗以貪聞積家貲鉅萬建大第
長安里中 子丕緒初蔭將作監簿歷虞部員外郎請削官侍
養十餘年父喪服除起為永興軍節度判官歷通判知解與華
州至司農卿致仕卒居官廉靜不為矯激家多圖書集歷代石
刻為數百卷

弘簡錄 卷一百六十二 七 宋 唐 官 七

靳懷德本名湘博州高唐人祖昌範殿中丞父隱焉城令懷德
中明法科解褐廣安軍判官秩滿授鴻臚寺丞歷判相廣滄莫
四州知德州運使劉通言其疊有善政連詔褒之徙知密州代
還鹽鐵使陳恕判官王濟薦換如京使連知邛與滄州祥符初
滄州吏民詣轉運李士衡借留遷文思使時江南旱歉命為洪
處十州安撫都監改知曹州選為益州鈐轄加領長州刺史就
遷北作坊使在劔外軍民甚畏愛之入拜西上閣門使領昭州
刺史知瀘州與陝州悉心撫治頗著政績卒年七十三懷德素遊
寇準門下歷官以強幹稱然酗酒多失真宗常面戒之
梁鼎字凝正華陽人祖鉞仕蜀為劔門關使父文獻乘氏令鼎
登太平興國進士解褐大理評事知穉歸縣遷著作佐郎端拱
初獻聖德徽號頌試文遷殿中丞通判歙州以能聞詔嘉獎徙
知吉州豪猾為患鼎悉其凶狀諒杖遠徙太宗賞其強幹代還

特賜緋衣犀帶寵之仍記名於御屏淳化中上書言今之知州
 卽古之刺史本朝考課承五代之後祇拘州縣之例徇名黜陟
 其有治狀顯著不加尤異或方略茂聞亦復任用大夫勸懲之
 理寔成苟且之風是故水旱薦臻獄訟填溢今欲致治太平宜
 詔有司申明考績之法務資實效庶幾官得其人民受其賜矣
 歷三司度支判官至道初與陳堯叟建議興三白渠及陳許鄆
 穎蔡宿亳數州水利墾田事具食貨志遷都官員外郎江南轉
 運副使就改起居舍人徙陝西坐討李繼遷還奏軍儲失期削
 三任連知徐密二州真宗復舊官咸平四年遷兵部員外郎知
 制誥賜金紫時三司督逋限嚴有久被留繫者命鼎與薛映按
 籍詳定多所蠲免踰月拜右諫議大夫領度支使建議西鄙未
 寧應令陝西所在官醫解鹽詔從之卽除制置使移文禁止商
 人約束乖當又奏運咸陽倉粟實邊會粟已陳腐鼎又請以粟
 與民俟秋收易新粟言者病其煩擾命林特乘傳與張詠同議
 可否鼎坐改作非是罷守本官景德初內艱起復知三班院通
 進銀臺封駁司出知鳳翔以居憂哭泣傷目求判西京留司御
 史臺卒年五十二賜二子申甫吉甫出身鼎俸姿貌磊落尚氣
 有介節居官峻厲好學工篆籀八分嘗著隱書三卷史論二十
 篇學古詩五十篇

弘簡錄 卷一百六十二 宋 史 官 七

續詔嘉獎就命知州事丁內艱州民列狀乞留詔奪情永興節
 度田重進選覃與林特同判軍府事賜緋魚仍賜御書曆給以
 實俸重進不法事多抗執表求徙任不許就轉都官員外郎時
 討李繼遷調發芻糧務以促辦爲斯人情怨嗟改職方員外遷
 屯田郎中三門發運使呂蒙正薦其材入判三司磨勘憑由理
 欠司咸平四年春呈上言古之用刑皆避三統之月漢舊章斷
 獄盡三冬之月唐太宗凡斷重刑日勅減膳徹樂今春陽方盛
 時雨尚愆輦轂之下獄繫甚繁望詔有司死罪未得論決俟時
 雨降乃復常典仍望自今凡決重刑依唐故事以彰至仁之德
 嘗獻時務策五篇曰禦戎用兵爲政選賢刑罰文多不載明年
 同知貢舉出爲陝西轉運使賜金紫言繼遷雖死其子尚在且
 伐喪非禮請詔邊臣謹守斥候毋得輕舉俟其衆叛親離則亡
 無日矣與副使朱台符不協徙知隨州移唐州景德二年召還
 屬河北兵革之後命詣澶濱棣德博等州巡撫振給之俄知潭
 州王師討宜賊軍須多出長沙曹利用以聞詔書褒勞加刑部
 郎中祥符二年任淮南江浙荆湖制置發運使改太常少卿直
 昭文館知廣州勤於吏事所至以幹濟稱且著廉名俄加又諫
 議大夫卒年五十四長子文友奉禮郎次子敏揚州司士參軍
 從弟蛻及從子侃傳並進士第蛻官司封員外郎 侃後避諱
 名大雅字子正素好學日誦萬言雖飲食不釋卷歷新息鄆陵
 二縣簿改光祿寺丞知新昌徙知潯州監在京商稅遷秘書丞
 咸平中交趾獻犀牛因奏賦名試遷太常博士又獻所爲文直
 集賢院出知筠袁二州歷官右諫議大夫集賢院學士知亳州
 卒侃樸學自信無所阿附天禧中使淮南遇風覆舟冠服盡喪

弘簡錄 卷一百六十二 宋 史 官 七

時丁謂鎮金陵遺以衣不受深恨之王欽若亦不悅在集賢一十五年不遷出其後者往往致位榮顯或笑其進世嘆曰吾不學乎今之世人而學乎古之聖人以故至此吾之所有不敢以薦於人而自獻于天子嘗因轉對上原治十七篇所著有大隱集西道集職林兩漢博問傳于世

馬元方字景山濮州鄆城人父應嗣嘗知頓丘太宗攻幽州部芻糧沒敵中元方行求父屍不得訴於朝上哀之特為官其兄元吉元方登淳化進士為韋城縣簿改大理評事知萬年縣諸將討李繼遷閣輔轉餉瀚海多失亡獨元方所部全十九以勞遷寺丞為御史臺推助官遷殿中丞陳恕奏為判官言方春民貧請預貸庫錢至夏秋令以絹輸官行之出知徐州改太常博士梓州路轉運使後知郫州以酒過降知宿州徙滑州為京

弘簡錄 卷一百六十二 宋史官七

西轉運使知應天累遷太常少卿右諫議大夫權三司使王旦以為盡心官職然性下急又不納僚屬議論歲餘以煩苛罷進給事中權知開封改并州官至兵部侍郎卒

凌策字子奇涇縣人幼孤厲志好學渡江從姚鉉於廬州登雍熙進士夢人以六印加劔上遺之初調廣安軍判官改西川節度推官以強幹聞淳化三年就加光祿寺丞代還拜左贊善大夫通判定州賜朱衣錦章御書會討李順策自陳舊諳民俗命知蜀州巴西當餉餉孔道徙綿州加太常博士還朝為廣南西路轉運使進屯田員外郎戶部判官請由陸路運嶺南香藥至南安汎舟而北大省轉送之費改職方員外郎直史館賜金紫又由英州大源洞伐山開道直抵曲江人以為便代還知青州東封以供億勤勞超拜都官郎中判三司勾院出知揚州屬歲

儉盜起兼淮南東路安撫使進秩司封王旦言其蒞事和平可寄方面值洪州水選為江南轉運使饒州產金縱民販市官責其算人甚利之名拜右諫議大夫集賢殿學士知益州果六任蜀策克勤吏職處事精審所至有治迹代還知通進銀臺封駁司糾察在京刑獄真宗稱其敏而能防拜給事中權御史中丞時茶法甚敝詔與學士李迪御史呂夷簡同議經制稍寬其舊有疾遣醫存問遷工部侍郎致仕卒年六十二錄其子將作監簿璫璣並為奉禮郎兄簡官國子博士分司南京

宋搏字鵬舉掖人治毛詩登第補遂寧尉歷濰州司理參軍收自虎令膳部員外郎薦遷右贊善大夫知利豐監徙知滕州改殿中丞通判洪州復薦召還改監右藏庫遷國子博士通判西京留守司賜對便坐徙江南轉運使就遷度支員外郎真宗改

弘簡錄 卷一百六十二 宋史官七

司封員外為河東轉運使奏大通監冶鐵盈積可備諸州軍數十年鼓鑄願權罷採以紓民力又請科諸州丁壯為兵以增戎備在任凡十一年兩至夏州界部發居民教詣闕奏事稱旨河東接西北境邊疆未靖屯師甚廣籍博經制清選以幹治稱屢詔褒飭就加祠部郎中賜金紫景德四年判三司勾院為戶部副使復善其職祥符初進刑部郎使契丹卒年六十六賜其孫出身子可法至太子中舍舜元登進士自筠州判官為著作佐郎

鄭向字公明陳留人登進士為大理評事通判蔡州累遷屯田員外郎知濠蔡二州名試集賢院除三司戶部判官修起月注遷度支員外鹽鐵判官出為兩浙運副疏潤州蒜山漕河抵于江人以為便權知制誥同勾當三班院使契丹再遷兵部郎中

提點諸司庫務以龍圖閣直學士知杭州卒五代亂亡史冊多漏向著開皇紀三十卷撫拾遺事頗有所補

趙賀字餘慶封丘人舉毛詩登第補臨朐縣簿有幹才為寇準

所知淳化中調丁壯塞澶州決河衆多逸去獨賀全所部而歸

父老張樂迎賀準使由譙門過以旌其能改大理評事鹽池吏

歎緡錢選賀往鈎校悉得其奸真宗幸澶淵遣使八人省州縣

賀以太子中舍安撫京東改殿中丞歷明宿二州通判徙知漢

州為政精明吏不敢欺名權三司戶部度支判官出為京東西

兩路運副益州路轉運使尋糾察在京刑獄遷工部郎中提舉

諸司庫務為江淮制置發運使軍將分部漕船舊主于吏受賄

不平富者或數得饒郡因商販規利貧者至不能堪賀乃籍諸

州物產厚薄分劇易為三等視其功過率自裁定吏不得施其

弘簡錄 卷一百六十二 宋高宗七年

姦歲漕米溢常數一百七十萬蘇州太湖塘岸壞並海支渠多

廢水侵民田詔賀與兩浙運使徐奭兼領其事伐石築堤浚積

潦自吳江東赴海流民歸者二萬六千戶遷給事中判宗正寺

知壽州卒賀事繼母至孝以嘗得運使李中庸薦改官後中庸

沒無子賀為主葬圖其象祀于家子宗道終集賢校理

李垂字舜工聊城人咸平中登第調湖州錄事參軍上兵制將

制書名為崇文校勘遷著作郎館閣校理又上導河形勝書三

卷欲復九河故道累修起居注執政丁謂惡不往謁罷知亳州

遷穎晉絳三州明道中還朝閣門李康伯稱之曰君文學議論

當為知制誥但宰相未相識盍往見之垂曰我昔謁丁崖州則

乾輿初已為學士矣今老大焉能看人肩膊翼推轂乎道之不

行命也執政以為傲復出知均州卒年六十九 五子仲昂最

知名銳于進取嘗獻計修六塔河無功自殿中丞責英州文學

參軍

陳知微字希顏高郵人咸平五年進士解褐將作監丞通判欽

州擢著作佐郎直史館俄充三司戶部判官使契丹還太常博

士判三司都磨勘司出為京東轉運副使奏還東平監所侵民

田六百八十家又決古廣濟河通運路罷夾黃河歲減夫役數

萬計遷右司諫徙荆湖南路轉運使召拜比部員外郎知制誥

淮南儀遺巡撫所至按視儲糧察諸官吏能否使還判吏部銓

兼刑部又判司農寺糾察在京刑獄為玉清昭應宮判官卒年

五十平生詞藻雖無奇采而平雅適用思亦敏速儀狀甚偉沉

厚有材幹不務儼察時人許其能處劇有集三十卷子舜卿奉

禮部堯卿祥符五年進士

弘簡錄 卷一百六十二 宋高宗七年

李防字智周內黃人登進士為莫州軍事推官括磁相二州逃

戶田增租賦十餘萬因請均定田稅凡縣有破逃五十戶者令

佐降下考百戶殿三選二百戶停所居官能招攜者旌賞之改

著作佐郎通判潞州遷秘書丞體量兩浙民饑建言逃戶田宜

印名人耕種使人不敢輕去喇敵而官賦常在京師請置折中

倉聽人入粟償以江浙荆湖物權開封推官請與判官間三五

日即府司軍巡院察冤獄出為陝路運副以城卒代沿江水通

歲省民丁加意農作陞梓州路轉運使入為工部員外郎三司

戶部判官景德初江南旱防與張知白並為安撫使言六義增

江淮兩浙荆湖權酷錢民頗煩擾詔止之移江南轉運言制司

官鬻淮鹽役使兵夫輦載民以為病且多漂失之患請一切報

罷而仍令商人入錢帛勿糧給以鹽斤公私皆利後多采用其

言徒知應天鑿府西障口為斗門洩汴水民甚利之徒與元復
除判三司鹽鐵坐失舉免官後起通判河南累遷給事中知延
并耀潞四州卒生平精力過人多識鑿好建明利害所至必有
論奏朝廷頗施行之在江南識晏殊於童子命賦詩薦用皆由
此

梅詢字昌言宣城人少好學有辭辨登進士判利豐監遷著作
佐郎御史臺推勘官預考進士於崇政殿真宗奇其占對詳敏
名試中書除直集賢院會討李繼遷請以朔方投潘羅支使自
攻取遣行未至而靈州陷還為三司戶部判官屢上書請遣大
臣臨邊募遊手擊賊論曹瑋馬知節可用傳贊楊瓊當誅田紹
斌王榮可責其效以贖過凡數十事其言甚壯後屢坐事降通
判杭襄二州知蘇濠鄆三州徙兩浙運副判三司開拆司湖北

弘簡錄

卷一百六十二

西

宋史

陝西轉運使坐薦朱能貶懷州團練副使徙池州嘗夢人告曰
通判呂夷簡必為丞相詢待之甚厚果得其力起知廣德軍累
遷翰林侍讀學士羣牧使至給事中知審官院仁宗御邇英閣
覽歷代戶口登耗之數顧謂侍臣今天下民籍幾何詢對曰前
代帝王恭儉有節則戶口充羨賦斂無藝則版圖衰滅炳然在
目自五代之季生齒彫耗我太祖受命太宗真宗休養百姓天
下戶口之數蓋倍前矣因詔三司及編修院檢閱以聞為人性
儉薄兼以卞急好進侈於奉養至老不衰久乃出知許州卒
陳貫字仲通相州人徙河陽少儻以布衣論邊事言朝廷寬
傳潛張昭允之誅故復致楊瓊王榮喪師請自今凡遇合戰奔
歸主枝皆斬大將死裨校無傷與奔軍同軍城圍別部救不
至以逗留論真宗識其名舉進士擢寘高第調臨安縣簿召為

著作佐郎歷知衛涇二州督察盜賊禁戢無賴簿書筭賦租
出入皆自檢覈嘗語僚屬視官物如已物州憚其嚴擢利路轉
運使歲餼出職田以賑計富民口悉發其餘徙陝西累遷河北
轉運使請疏徐鮑曹易四水與屯田徙河東歷三司戶部鹽鐵
副使刑部郎中直昭文館知相州還朝卒嘗著兵略上形勢選
將練兵論三篇大略言地有六害今北邊既失古北之險自威
武城東距海三百里沮澤磽确所謂天設地造非敵所能徑入
由威武西極狼山不百里地廣平利馳突此必爭之地凡爭地
之利先居則伏後起則勞宜有以待之又言昔李漢超守瀛州
契丹不敢視關南尺寸地今之將帥大抵用恩澤進與國初不
同故敵勢益張外兵不振幾二十年至於禁旅但賴稟給賜予
恬于休息目不識攻戰可以衛京師不可以成邊境請募土人

弘簡錄

卷一百六十二

五

宋史

隸本軍籍丁民為府兵使北捍契丹西捍夏人敵之情偽地之
險易彼皆素知可不戰而屈人之兵矣世頗稱之 子安石字
子堅以蔭及第嘉祐中為夔陝運判民蓄蠱毒輒捕誅又圖示
以解毒藥方患日衰息擢提點陝西刑獄攝帥鄜延諜聞敵動
靜勅邊民備禦寇至無所獲而去聖書嘉獎歷使京西河東淮
南京東不肯保李定持服士論多之遷戶部副使集賢殿修撰
河東都轉運使佐韓絳行鹽法謂典事當有漸急則反擾令出
鹽券付民使隨所貿易鬻畢而歸券私販為減進天章閣待制
王中正帥東師駐白草平命持四十日糧彌月未至發民再餉
李舜舉劾其專詔會遣俄而他路餽糧多不繼神宗察其無罪
赦之名為戶部侍郎進吏部選人久次將改京官臨當引對往
往沮以微文一跌不復安石特為奏免以絕宿弊遂為後法出

知河陽軍至龍圖閣直學士卒年八十一

狄棐字輔之長沙人仁傑十四世孫少以文謁路振深器愛妻之以女登進士調大理評事知分宜縣轉開封司錄改知壁州與寇準厚薦通判益州累太常少卿知廣州加直昭文館代還人稱其廉拜右諫議大夫龍圖閣直學士權判吏部流內銓出知滑州進給事中徙天雄軍會給郊賞帛士卒譁謀降知隨州進樞密直學士歷知陝鄭二州河中河南二府復判流內銓卒其為政愷悌不為表樹死之日家無餘貲 子遵度字元規少穎悟篤志於學每讀書意有所得即仰屋瞑視人呼之若弗聞以蔭任襄縣主簿不久棄去好為古文著春秋雜說多所發明嘗忠時學靡放作擬皇太子冊文裴晉公傳人多稱之尤嗜杜詩一夕夢甫為誦世所未見詩及覺纔記十餘字因足成之

私簡錄 卷一百六十二 宋 唐 官 七

為佳城篇官至侍御史卒有集十二卷

郎簡字叔廉臨安人幼孤貧從學四明朱頰長學文沈天錫登進士試校書郎知寧國縣徙福清有石塘陂歲久湮塞募民浚築溉廢田百餘頃邑人為立祠調隨州推官真宗引對除著作佐郎知分宜徙寶州有縣吏死于幼贅培其貲于長屢訴不得直簡為直之又徙藤縣興學養士俗為一變始有舉者歷通判海州提點利州路刑獄度支員外郎廣南東路轉運兼知廣州擢秘書少監捕斬賊馮佐臣入判大理寺刑部出知江寧歷右諫議大夫給事中工部侍郎致仕卒年八十九簡性和易平居宴語惟以宣上德救民忠為意尤喜賓客即錢塘城北治園廬自號武林居士導引服餌晚歲顏如丹尤好醫術遇人有疾多處方療之有集驗方行于世知杭州孫沔榜其里門日德

壽子潔從父之官頗無廉稱後終都官員外郎

張若谷字德繇劍州沙縣人登進士調巴州軍事推官遇蜀寇掠隣境若谷率眾守禦賊引去更全州真宗召見改大理寺丞知濛陽擢廣寧鑄錢監歲餘所贏三十萬給權知處州歷江湖淮南益州轉運江淮制置發遣使入為三司度支鹽鐵副使累遷右諫議大夫知并州朝廷欲通敵情歲以繪錦令麟府市蕃部馬廢罷已久若谷奏復之馬歲增入邊戎兩利改提舉諸司庫務權判大理寺進樞密直學士歷知澶與揚州成德軍江寧府入知審官院通進銀臺司糾察在京刑獄移應天府改龍圖閣學士徙杭州歲饑斥粟設糜以賑權判吏部流內銓復知洪州所至有循良跡不矯激取名宰相張士遜引拔累官尚書左丞卒

私簡錄 卷一百六十二 宋 唐 官 七

陳大素字仲華河南緱氏人家行修治登進士由大理評斷累至少卿號稱明習歷官二十餘年遇朝廷大疑獄必召大素預議大素為推原人情傳以法意據文直斷不求曲當眾皆釋然以為不及或所論有不中臨案每忘寢食雖寒暑不變子弟有止之者答曰固圍之苦豈勝案牘之勞哉以耳疾求罷上多其任職弗許累遷兵部郎中歷知江陰軍究明二州皆著政績卒 同時有馬尋者須城人舉毛詩學究判大理寺稱明習法律有饑民羣入富家掠粟尋奏其情與強盜異得減死論著為例歷提點兩浙陝西刑獄廣東淮南兩浙轉運知湖撫汝襄洪宣鄧滑八州終司農卿 又有杜會者濮州人為吏號知法嘗言殺人者死傷人者刑先王不易之典律謀殺已傷則絞蓋甚其處心積慮陰致賊害爾至於故殺初無意必須已死乃有殺

陳救荒之策命知安豐縣募富民出粟以給餓者浚河三十里疏泄支流注芍陂為斗門溉田數萬頃外築堤以備水患再遷太常博士知尉氏縣徙過判忻州元昊反遷屯田員外郎過判府州府舊依山為險無外城旨固請創築未就寇遽至乃聯巨木補其罅守以強弩中外不相聞者累月人心震恐旨矯詔出庫中雜綵數千匹賜染城卒皆東望呼萬歲賊疑以為救至會賊先斷汲路至夜開門令官軍壁兩傍護民出汲賊不敢近又督居民乘城力戰賊死傷者衆方解去以功遷都官員外郎徙知萊州葉清臣舉旨材堪將帥名對改知邢州擢提點河東路刑獄范仲淹歐陽修復言其警武有謀除開門使累遷光祿卿知潞晉二州以老疾權判西京御史臺卒

鍾離瑾字公瑜合肥人登進士為簡州推官以殿中丞通判益州擢開封推官出提點兩浙刑獄徙淮南運副歷京西河東河北轉運使改江淮制置發運使置旆揚州名伯球旁人以爲利因奏計多致東南物以賂權貴御史臺請劾狀帝面諭亟還所部累遷刑部郎中三司戶部副使除龍圖閣待制至直學士知開封府卒

張洞字仲通祥符人太常少卿惟簡之子軀幹長大眉目如畫自幼開悟卓犖不羣日者異之謂當以政學顯日誦千言爲文甚敏未冠睥然有聲遇事慷慨自許以布衣上討元昊方略名試舍人院擢將作監簿復登進士調連水判官親喪改穎州推官民劉甲主使弟乙毆婦死吏當夫法洞以律分首從既非夫本意當坐主使遂出其夫朝議從之由是知名晏殊知永興奏洞管勾機宜文字改大理丞知鞏縣留守西京復奏爲司錄深

敬之殊晚節用刑頗驟洞自以不負所知輒爲諫止高若納吳育薦充秘閣校理知太常禮院會宰相陳執中死謚榮靈其孫訴之洞奏生不能正其法死猶當正其名聞者避之劉敞議郭后附廟謂春秋之法不二嫡當許其號不許其禮洞奏后嘗母儀天下無大過與哀姜之惡不同敞議非是轉太常博士判登聞鼓院在館閣久數有建明仁宗方嚮儒術以洞爲知經賜飛白善經二字洞獻詩爲謝復詔獎轉祠部員外郎出知棣州會河決甫退強弱冒占不均官爲標給蠲其租以緩新集上奏河北東路民富蠶桑契丹號爲殺緡州朝廷以內地不復置慮滄景當孔道兵守多缺契丹時以販鹽爲名往來境上不可不察願度形勢置帥增戍以控扼之復與歐陽修極論天下久安籍紳崇尚虛名類以寬厚沉默取名遇事無所補益非朝廷福又

言諫官既重其任不數年輒至顯位自今當緩其遷使端良之士不亟易而浮躁者不妄進名權開封推官英宗轉度支員外郎上方在疚或經旬不御正殿疏言陛下春秋鼎盛宜自此冲幼之主當躬萬幾攬羣材以稱先帝付畀之意朕元元之望命試開封舉子賦題孝慈則忠上意其譏諷韓琦爲之解又論唐宗室多賢宰相蓋知學問使然國家本支蕃衍無親疏一切厚廩不使知辛苦婢妾聲伎無多寡之限至減禮義極嗜欲若今祈國公宗說恃近屬驕貴不道貸之則亂法刑之則傷恩宜因品秩立制度更遷老成教授之轉司封員外權三司度支判官大臣忌之出爲江西轉運使值荐饑奏免徵民積歲逋賦民輸油絹不中度者命計尺寸輸錢民便之移淮南轉工部郎中卒年四十九

弘簡錄卷一百六十二

弘簡錄卷一百六十三

明刑部員外郎

皇清翰林院侍講

士四世孫遠不校閱

庶官 宋六之八

陳希亮 單煦 朱壽隆 盧士宏 張田 楊仲元

連庶 程師孟 石揚休 周湛 徐的

田瑜 楊政 許元 俞獻卿 袁抗

張元 范祥 子育 傅求 田京 劉閔

任頴 鄭僅 子望之

陳希亮字公弼其先京兆人徙青神又遷洛陽希亮幼孤好學其兄使治錢息悉焚其券業成論兄子庸使學俱登天聖進士調大理評事知長沙縣有僧海印出入章獻后家交通諸貴倚

弘簡錄卷一百六十三

宋無官人

勢據民產莫敢發希亮捕寘諸法一縣大聳又辨郴州竹場偽券給輸戶送官事覺當坐察非所造出之已而果得偽印賜五品服遷殿中丞徙知鄆縣俗多火災巫覡歲漁民財託言緋衣三老人行火希亮為嚴禁之勒為農者七十餘家毀淫祠數百區遷太常博士去之日父老泣送以母老乞侍親復知臨津服終改開封司錄福勝塔火詔有司更造希亮上言願以此費餽陝西用兵又言青州民趙禹奏元昊必反可賞不可罪人聽其言擢徐州推官坐外戚沈元吉誣訴引罪廢居踰年盜起京西殺守令富弼薦知房州房素無兵備希亮取半城卒維幽河戶得數百人日夜部勒民恃以安有殿直雷甲不能戢下所至為暴當行軍法願捕盜自贖獨治其為暴者遣使供奉官崔德贊捕劇盜黨軍子不能得妄殺竹山民向姓父子三人冒充之

察其冤抵罪流德贊通州人告華陰人張元走夏國為謀臣詔徒合族于房饑寒且死希亮奏其疎屬奏釋之老幼走哭畫像祠焉移宿州作飛橋以便往來賜緜褒獎始下其法自畿邑至泗州皆効之皇祐元年入奏事仁宗忽憶昔沈氏事勞日知卿疾惡已甚改提舉河北便糶轉運魏瓘幼其摠增物價廷辨直之奪瓘職希亮力請罷提舉還知滑州會河溢悉發禁兵捍堵廬所當決處水不為害盜起宛旬劫張郭鎮執通判井淵改希亮知曹州不逾月悉擒其黨方淮南饑遣使賑調里折役米

十三萬石米驟貴希亮請悉蠲之旁郡皆得除幣壽春守王正民坐劾為自其無罪正民得復官久之徙知廬州虎翼軍謀反伏誅餘遷者疑不自安竊入府舍將為不利希亮貸而流之盡以其眾給使令守倉庫眾感德誓為効死改提點江東刑獄遷

弘簡錄卷一百六十三

宋無官人

度支郎中徙河北嘉祐二年入為開封判官判三司戶部奏蠲榮州鬻鹽三十餘萬斤歲久滯竭民破產籍沒三百餘家盡還之俄兼開折司日夜課吏自天禧以來末帳六百有四明道以來生事二百一十二萬得免稽留會接伴契丹使還請外除京西轉運使賜三品服石塘河役兵叛其首周元自稱大王震動汝洛希亮即日輕騎出按斬元以徇流軍校數人餘悉赴役如初轉遷京東捕大猾號截道虎者流諸海島徐州守苛暴以細過籍民產誣小盜抵死希亮劾廢之移知鳳翔歲餞請以陳易新官民皆便于關使者入朝預戒譯者宴勞如禮至日羅拜庭下食畢護出其境無一人譁者英宗即位遷太常少卿自劾求去分司西京致仕卒年六十四贈工部侍郎為人清勁寡欲不假人以色自王公貴人皆嚴憚之見義勇發不計禍福所至奸

民猾吏易心改行不改者必誅然出於仁恕故嚴而不殘少與蜀人宋輔游卒後養其母終身以女妻若子端平使同諸子學後登進士子悅度支郎中恪滑州推官恂大理寺丞慥見逸民單照字孟陽平原人性友愛幼仰兄照以養照歐人至死照慨然願以身代會所毆者復甦得免登進士知洛陽縣妖民以幻術相傳捕獲當受上賞照不肯自言轉知昌州有詔治蜀城言於運使曰蜀地負山帶江一旦毀離垣與板築非但民力不堪且虞他變請但築子城從之徙清平軍使有二盜共殺人不肯承照不加刑但縱使同食甲食既乙食不下咽訊之果殺人者入為御史臺推直官江南人誣運使呂昌齡賄賂中丞張昇救照往治卒直昌齡以不阿其長乞外知濮州徙合州合居涪漢間夏秋每患淫潦為築東堤以禦赤水縣鹽井澗奏獨其賦累

官光祿卿卒年七十七

朱壽隆字仲山諸城人以蔭知九龍縣吏告民家火七人偕死

判日寧有盡室就焚無一脫者殆必有姦逾月果獲盜乃殺其人而縱火也擢知宿州會州多劇盜至白晝被甲攻剽為患乃設方略愚耳目捕斬千餘人轉提點廣西刑獄諸州新經儂寇各修城障民不聊生壽隆悉為經理老稚婦女不能自還為資遣之溪蠻自相侵暴殺人皆不讐壽隆更為立法殺人者必使相償蠻始畏戢歷鹽鐵度支判官夔路轉運使巴峽地隘民困於役為免其不應法者數十百人轉京東賜三品服歲惡民移壽隆諭大姓蓄為田僕富室舉貸官為置籍貧富交利擢少府監知揚州卒年六十八性和厚接談怡然必當于理尤不肯屈權貴狄青欲殺裨將孫沔不能諫漫語曰儂賊殺人萬計此

何足惜壽隆徐曰王師之來以除民害顧可效賊為暴耶青感其言而止

盧士宏字子高新鄭人以蔭入官屢更州縣以清勤著名知信陽軍有妖術餘黨羣聚山谷請滅其罪招之相率歸命後為良民知漢州校實民產使力役不濫人咸德之徙洋州圭田多虛籍較令隨實輸納自部使而下十損七八文彥博包拯皆薦其廉能入判三司開拆司久之擢夔路轉運使移知廣州謀傳安南人入界舟數百艘泊海中將為寇士宏知其非是不為動民賴以安受代還引疾丐便郡得知鄭州以光祿卿致仕卒年七十三

張田字公載涇州人登進士知應天司錄事歐陽修薦其才通判廣信軍夏竦楊懷敏建議增七郡塘水田疏論此非禦邊之

策徒壞良田浸冢墓民被其害調監鄂州稅通判冀州發內侍

張宗禮縱恣罪配西陵酒掃尋擢度支判官裕享太廟請自執

政以下差戒資費唐介論其虧損土恩出知蘄州俄提點湖南刑獄司馬光又狀其傾險改知湖州徙廬州治有善迹移桂州故時僉使假道朝貢守皆與抗禮至是引拜於庭而竊賂加腆土豪劉紀盧豹素為邊患訖去不敢肆奏禁兵遣戍不習風土恒苦瘴癘請罷之為調喇丁訓以兵法時稱其便交趾李日尊兄弟內自相殘懼邊將乘之詭言出兵九萬謀襲特磨道田謀知其詐民以無恐宜州人魏利安負罪亡命輒從西蕃使龍以烈入謁田詰問泉利安首欲并斬以徇以其事聞上密請朝命貸之熙寧初加直龍圖閣知廣州兼市舶使臨政以清毫髮不汗城舊無外郭民悉野處始築東城環七里賦功五十萬兩旬

丙成又作欽賢堂繪像古昔刺史有清望者日夕拜之蘇軾嘗稱其人可俾古廉吏然抗直自喜好嫚罵氣陵其下卒年五十四人無哀者

楊仲元字舜明管城人第進士調宛丘簿民訴歲旱守疑為吏所導自言吏實仲元守慚得免稅擢知沁水縣民持物來輸視其價留之及官有所須聽以所有與官度相當則止河外用兵督餉轉西界幕宿洪谷口相其地寇所經由亟命去之諸部果夜被劫沁水獨免初軍期尚緩仲元督行其急至則務有不集者皆可賤市後期者數倍其價民始知惠後二十年其子過縣父老尚泣謝曰河西之役非公無今日矣州以買羊病民仲元遣吏市羔於他所畜之不科一錢徙知鄆歷光皮號三州進光祿卿改中散大夫入官五十年未嘗以私怒加人法有兩比

弘簡錄 卷一百六十三 五 宋庶官八

必傳經典曰吾以是報國也卒年七十五
進庶字居錫安州應山人登進士調商水尉轉壽春令興學尚文尊禮秀民以勸其俗開瀕淮田千頃縣以大治會有大水議取淮南王舊壘為城庶言于州守曰弓矢舞衣藏于王府傳之百世非為必可用蓋惜古物傳于今不可毀也壘因是得存尋以母老乞監陳州檢管送客出北門見冠蓋憧憧不已日西風急塵土汚面慨然叩日求歸久之歐陽修祖無擇薦其文學行義宜在臺閣起知崑山縣辭不行終職方員外郎弟庠亦登科敏于政事號良吏終都官郎中兄弟皆守道好修退居二十年非其人不交非其義秋毫不可汚也初在鄉里朱郊與邢嘗依之及後貴遠一無所求至郊孫義年為應山令始作堂於法典僧舍繪四人像而事之

程師孟字公闕吳縣人登甲科知南康軍轉楚州擢提點鹽路刑獄治所舊在萬州以瀘戎數犯渝州邊相去遠遠有警難遠奏徙治之渝無常平師孟首議建置適凶歲民得振給復徙河

東晉地多土田旁接川谷春夏大雨水濁而黃俗謂天河可以灌溉師孟勸民出錢開渠築堰溉良田萬八千頃朝議哀其事為圖頒之州縣遷度支判官知洪州積石為江隄浚章溝揚北閘以節水升降後無水患判三司都磨勘司接伴遣使蕭惟輔言白溝地當兩屬今南朝植柳數里何獨罪北人漁于界河對日兩朝誓約有案願可覆君捨文書騰口說恐致生事惟輔魏謝出為江西轉運使盜發袁州北吏為耳目師孟械吏送獄盜即成擒加直昭文館知福州築子城建學舍治行為最徙廣州儂寇毀城至者皆言土惡不可築為更作西城雄壯過之凡居

弘簡錄 卷一百六十三 六 宋庶官八

六年交趾生變間有備不敢東時師孟已名還追念前功擢拜給事中集賢殿修撰判都水監尋為契丹生辰使與爭坐位罷歸復起知越青二州以光祿大夫致仕卒年七十八生平累領劇鎮政簡而嚴罪非死不以屬吏發隱擿伏如神得豪不逞必痛懲之至勦絕乃已所部肅然洪福廣越皆為立祠
石揚休字昌言唐兵部郎中覽之後由江都徙京兆七代祖藏用右羽林大將軍明于曆數知天下將有變獨為最安乃去依其親眉州刺史李滿遂家焉揚休少孤力學登進士高第為同州觀察推官遷著作佐郎知中牟縣中牟當國西門衣冠往來之衝地瘠民貧賦役煩重奏免富民隸太常樂工僥倖免役者改秘書丞累遷判鹽鐵勾院修起居注故事起居注得侍坐楊休奏史官以記言動宜令立侍詔從之轉刑部郎知制誥同判

太常寺內出香祀溫成廟誤書帝名奏改之兼勾當三班院為宗正寺修玉牒官遷工部郎中使契丹道卒平居喜聞放養猿鶴玩圖書吟咏自適所擬上封事十餘章大略請增諫官以廣言路置五經博士使學者專其業出御史按察諸道以防壅蔽復齒胃之禮以強宗室擇守令重農桑禁奢侈皆有補於時者然為人慎默世未嘗以能言稱之至於誥命非其所長

周湛字文淵登州人程第為開州推官中身言書判改著作佐郎通判戎州戎俗不知醫湛取古方刻石教之禁為巫者累遷都官員外郎知虔州提點廣南東路刑獄有略良人轉鬻嶺外為奴婢悉聽自陳為設方略搜捕得男女二千六百口給飲食還其家徙京西路入為鹽鐵判官三司帳籍浩煩為立勘同法歲減天下計帳七千餘江南西路轉運使亦以案牘滯混令州

弘簡錄 卷一百六十三 七 宋庶官八

縣立號以月日比次之百姓苦于徭賦不均巧為避匿因條其詭名挾制之類十二事許民自言凡括隱戶三十萬還為戶部判官判鹽鐵勾院更夔州路轉運使歲省雲安鹽井賦民耕茅俄以太常少卿直昭文館充江淮制置發運使大江歷舒州長沙其地最險謂之石牌湖為役三十萬眾鑿河十里以避之人以為利除度支副使拜右諫議大夫知相州卒湛脫易少威儀然存歷頗劇得其要領喜條上利害前後至數十百事天資強記吏胥滿前一見輒識其姓名以是稱之

徐的字公準建安人登進士補欽州軍事推官欽土頗鬱人多死瘴癘的請於運使鄭天監徙州瀕河因使的辦役築城郭立樓櫓盡地以居軍民為府舍倉庫溝渠塵肆畢具自是無瘴癘之患民大便之遷大理丞知吳縣移梁山軍通判常州歲饑設

粥以食饑者遷屯田員外知臨江軍擢廣南西路提點刑獄安化州發攻殺將吏部下畏誅謀欲內叛的馳至宜州慰使出力討賊猶可立功自贖眾皆聽命改知舒州徙荆湖北路轉運使開示恩信招諭辰州蠻彭士義黨悔過自歸攝江陵府悉籍城中惡少故時縱火為盜者使相保任其患遂息洗馬歐陽景循橫不法為里人害的發其奸宄之遷兵部員外淮南江浙荆湖制置發運使以便宜調兵夫濬治通泰海安如阜漕河凡出積滯鹽三百萬計增漕錢八百萬緡山東賊王倫轉掠淮南的立資格團兵待之遷工部郎中直昭文館為度支副使慶曆中區希範誘溪洞環州蠻蒙起等倡亂復出為荆湖南路安撫使希範降會郊祠近亟召的還計事賊復叛仍留討之卒于桂陽

田瑜字資忠河南壽安人登進士歷袁郢合三州軍事推官遷大理寺丞知鹿邑延陽二縣徙江州遷司封員外郎提點廣南西路刑獄瑜習知南方事會計區希範就除荆湖北路轉運使督轉粟以守要害兵所至不乏檄屬郡募民擊賊賊勢大挫徙兩浙轉運使杭州龍山堤歲決舊賦芻塞之瑜更令民每芻十束輸石一丈率五歲得石百萬丈易為石堤自此歲不煩民累

弘簡錄 卷一百六十三 八 宋庶官八

選右諫議大夫權三司戶部副使儂寇發瑜條上用兵禦賊十事具言南方山川險要所以備守之策及平以瑜充廣南東路體量安撫使還糾察在京刑獄同判吏部流內銓除龍圖閣直學士知青州屬歲凶多盜立賞罰格設方略掩捕之境中肅然徙知澶州病疽卒為人謹厚少文於吏事頗盡心然御下急無廉稱

楊政字樂道保靜軍節度使重勛曾孫政本出將家折節喜學

問登進士授校書郎并州錄事參軍遷大理丞知岳州慶曆三年湖南僭唐和等劫掠州縣擢殿中丞提點水路刑獄至則募才勇深入討擊南方久不識兵戰於孤漿喇前士氣畏懦遂潰敗踏巖下籍淺草得不死益厲衆平六峒以功遷太常博士復坐部將胡元戰死降知太平州賊益肆用御史薦改授東萊院使荆湖南路兵馬鈐轄賊聞敗至踰嶺南遷詔往韶連等州招安之明年春賊復攻陽山敗率衆出嶺外涉夏秋凡十五戰蠻平仍遷屯田員外郎直史館知隨州名爲三司戶部判官丁父憂僞寇反名敗入對除起居舍人廣南東西路體量安撫使至韶州賊勢愈熾敗不能抗降知鄂州移光化軍徙鄂州復爲河東轉運使三司戶部副使久之擢天章閣待制兼侍讀判吏部流內銓嘉祐三年上疏言漢成帝時日食地震哀平之世嫡弘簡錄卷一百六十三宋庶官八九

身遷侍御史嘗欲與施昌言分行二浙江南調發軍食仁宗語輔臣曰東南歲比不登民力匱乏嘗詔損歲漕百萬石而元與昌言乃更欲分道而出是必誅求疲民以自爲功非朕志也下詔戒飭既而又欲專六路財賦收羨餘以媚三司憚諸部不從請以六路轉運司自隸朝廷可之轉運使多論其罪遂寢尋擢天章閣待制再遷郎中歷知揚越秦三州卒元急於進取以聚歛糾剝爲能在江淮十三年多聚珍奇賂權貴尤爲王堯臣所知發運使治所在真州官舟爲衣冠求者日數輩視勢家貴族立推巨艦與之即小官悍獨伺候歲月不能得人以是憤怨而自以爲當然無所愧憚

俞獻卿字諫臣歙人與兄獻可少以文學知名皆登進士有能稱獻可歷吏部郎中龍圖閣待制三司鹽錢副使獻卿起家安弘簡錄卷一百六十三宋庶官八十一

豐尉有僧貴寧厚積其徒謀殺之托以遊方不歸獻卿給言素與寧善豈有不告而行其徒色動因執之得所瘞尸一縣大驚調昭州軍事推官公使緝錢盡用平糶積穀數萬會宜州陳進亂象州守不任事欲棄城走檄獻卿往佐之至則爲畫堅守計州賴以安改大理寺丞歷遷殿中侍御史三司鹽鐵判官言天下比祿符初穀帛日益耗物價日益高稻苗未立而和糶桑葉未吐而和買自荆湖江淮間民愁無聊轉運使務刻剝以增其數歲益一歲何所底止誠以景德較之天禧凡官吏之要冗財用之盈縮力役之多寡賊盜之增減其利害較然可知加以國用日侈大甚于前夫卮不盈者漏在下木不茂者蠹在內宜與公卿大臣朝夕圖議而亟更之帝納其言爲罷諸宮觀兵衛除無益之費以鉅萬計淮浙鹽利不登命往經度更立新法歲增

課甚眾徒開封判官選為陝西轉運使奏選臣邀功涇原鈐轄
擅於武英州鑿邊塚置堡若度必招寇亟請罷之未幾敵人果
至殺將士塞所鑿塚而去徙京西條上邊策言趙振瑛將帥范
仲淹明鎬可大用除福建都轉運使還判三司鹽鐵勾院累遷
集賢院學士知杭州江湖溢大發卒鑿石作堤數十里民以為
便還勾當三班院加通進銀臺司最後知應天以刑部侍郎致
仕卒

袁抗字立之南昌人同學究出身調陽朔縣簿薦補桂州司法
參軍撫水緝盜舟且至抗即楊梅石門兩隘建水柵二據其衝
賊不得入後因置戍不廢事平遷衡州推官改大理寺丞以國
子博士知南安軍擢提點廣東刑獄浙東叛卒鄂鄒鈔閩越抗
率州兵逆戰海中值大風有告鄒溺死者抗不信鄒果趨占城
弘簡錄 卷一百六十三 宋世官入

遷除度支三司判官金部員外郎為梓州路轉運使徙益州值
三司歲市上供綾錦鹿胎萬二千匹疏奏蜀民困憊願少紓其
力以備秦中他日之用是年郊祀遂蠲其數之半黎州金山前
後五部落仰歲售馬以為衣食詔擇不任戰者却之抗言朝廷
與蠻互市非所以取利苟一旦却之彼失利侵侮不知費直幾
馬詔如舊制除江淮發運使名為三司鹽鐵副使以老罷知宜
州遷光祿少卿分司南京明堂覃恩改少府監卒家藏書至萬
卷江西士大夫家鮮有及者子陟少刻厲好學善為詩終殿中
丞

張亢字公壽父餘慶生兄奎及亢皆有名與子壽俱登進士亢
由大理寺丞簽書應天西京推官判廣安鎮戎二年母憂起復
換如京使知安肅軍元昊反歷涇原鄜延兩路兵馬鈐轄知鄜

州累遷右驍驍使忠州刺史上疏請約諸路軍馬之數下韓琦
范仲淹分按每馬步軍萬人已上擇才位兼高者為總領其下
分三將一為前鋒一為應策一為後陣敵小則偏將出敵大則
大將出每將以使臣忠佐三兩人分屯要害出兵應接所謂常
山蛇勢也昨延州之敗蓋由諸將務張邊事以媒進邀賞每報
賊至不問多寡凡主兵者皆出出又不能相知如劉平救延州
前鋒已陷敵平猶不知趙瑜部馬軍從間道出而趙振與王遠
趨塞門至高頭謀言敵駐山東振磨兵掩襲乃瑜也若不明示
節制必誤軍事請令邊臣預定其法敵寇某所則某將為先鋒
某將出某所為聲援某城若相近出敢戰士某所設伏又令鄰
路取某路出應皆潛用旗幟為號如此指揮庶可取勝又諸路
騎兵不能馳險計其芻粟之費一馬可養步卒五人馬不及格
弘簡錄 卷一百六十三 宋世官入

者宜悉還坊監止留十之三餘以步兵代之其諸路弓箭手生
長邊陲父祖效命宜予之進擢之路以示激勸又言山界諸州
城砦距邊甚遠夏兵雖精其間戰不及山界部族而費糧又盡
山山界若于十月後令諸將分番出界撓夏人不得耕牧隨以
步兵負十日糧使脩廝囉及九姓回紇分制其後必能蕩覆巢
穴至于陝右調發之苦數倍常歲宜一切罷減他役專應邊須
鄜州四路半當衝要宜益以閑慢廝囉兵卒團併兼運庶邊計
未至失備而民力可稍寬矣疏上後多施用進西上開門使屯
延州奏邊機軍政措置失宜者十事言王師每出不利皆由節
制不立號令不明訓練不至器械不精或中敵詭計或自我貪
功或左右前後自不相救或進退出入未知其便或兵多而不
能用或兵少而不能避或為勢權所逼或因懦將所奪或人馬

因饑而不能奮或山川險阻而不能通。為將者未嘗深究為之措置。徒益兵馬。未見勝御。皆切中時弊。語多不錄。會元昊自後河川襲府州。縱遊騎鈔麟府。開二州。敵壁不出。民乏飲。黃金一兩。易水一杯。詔徒亢為并代都鈐轄。管勾麟府軍馬。事亢單騎叩城。既入。即縱民樵采。出沒以州東焦山。有石炭穴。為築東勝堡。下城旁有蔬畦。為築金城。堡州北沙院。有水泉。為築安定堡。悉置守兵。募人衛送。咸得其宜。謀擊琉璃堡。使謀探知。無備。夜引兵攻襲。大破之。敵棄堡去。又築宜威。砦于步馳。以捍寇路。時麟州。倪尚木。通亢。自率三千騎。護送貨物。敵復出兵。趨柘子砦。來邀。遇大風。順擊。斬首六百級。蹂踐死者不可勝計。乃修建寧砦。夏人。數出。爭逐。戰于兔毛川。亢自抗以大陣。而使驍將孫出。伏短兵。強弩。數千于山後。搏戰良久。伏發。敵大潰。斬首二千級。

弘簡錄

卷一百六十三

宋庶官八

奎復治反。坐吏罪。改大理寺丞。知合肥。以殿中丞。通判瀘州。命往按秦州。鹽課虧損。事連十一州。還奏鹽法。本非先王之政。令商人轉負。已非得已。又設重禁。壅閼之益。為民病。詔悉除。所負遷太常博士。召為殿中侍御史。連知江楚。滑邢四州。母病。割股和藥。而愈。母後。以壽卒。奎。盧。慕。負。上。手。植。松。柏。服。終。授。度。支。判。官。歷。進。知。御。史。雜。事。安。撫。京。東。募。民。十三萬。為軍。奏。州。縣。吏。能。否。數十人。還。為。戶。部。副。使。擢。天。章。閣。待。制。環。慶。路。經。略。安。撫。招。討。使。知。慶。州。歷。遷。吏。部。郎。中。右。諫。議。大。夫。知。江。寧。府。府。解。焚。毀。奎。簡。材。料。工。不。踰。時。復。完。還。判。流。內。銓。徙。審。官。院。知。河。南。府。以。政治。聞。宮。闕。歲。久。摧。圯。大。加。興。葺。按。唐。街。陌。分。勝。諸。坊。因。復。興。齊。王。祠。道。錄。在。弘。歷。歲。餘。遷。給。事。中。加。樞。密。院。直。學。士。知。鄆。州。卒。

弘簡錄

卷一百六十三

宋庶官八

財力大困求令但輸本州轉錢以供邊糧民受其惠兵食亦足
名為戶部副使范祥納隴右蕃酋趙獻古渭州地繕城屯兵
又括熟戶田諸羌斬之相率叛夏人欲得渭地移文索之後帥
張昇言祥貪利生事請棄其地詔求往觀奏言城已乾役且已
得而復棄非所以強國威乞詔諭羌衆祇反其田渭本非夏有
不應索兵遂解進天章閣待制陝西都轉運使加龍圖閣直學
士知慶州環之定邊若蕃官蘇恩以小邊疑懼遁去將佐議討
恩涇原兵已出求謂恩非素攜貳者若加以兵必起邊患但遣
裨將從十數卒扣其帳開以禍福恩感泣還若入判太常丞權
發遣開封府選樞密直學士知定州復以龍圖閣學士權開封
御史言其春秋高出知兗州卒年七十一

田京字簡之世居滄後徙亳州鹿邑舉進士歷除著作佐郎大
理寺詳斷官元昊反學士李仲容薦知兵法擢通判鎮戎軍夏

守贊奏兼管勾隨軍糧料入對陳方略賜五品服尋為經略安
撫判官參夏竦軍事不為竦所悅會遣學士晁宗愨即軍中問
攻守孰便京謂夏人未易破師出必敗不如講和未幾敵果陽
使黃延德叩延州乞降陰以奇兵出原州敗大將任福京坐改
通判蘆州徙知邵武軍提點河北刑獄請擇要官守滄衛鑿西
山石曰廢道以限戎馬聚義勇教練給糧置卒守烽燧用奇正
法訓兵徙職馬內地以息邊費凡十餘事仁宗嘉納入為開封
判官坐械囚送獄道死出連知蔡相邢三州復河北提刑王則
反絕城趣南關入號健營撫士卒保州振武兵焚民居欲應賊
京捕斬之賊黨征象偽出降責其妖言賊衆命斬以徇由是營
兵二十六指揮在外者皆攝服不敢叛而關民衆多于城中得

不陷賊京有功焉京督士卒攻城賊係京妻子于城上號呼
緩攻京叱諸軍益進射殺其家四人賊率妻子去及平以不能
預察降監鄆州稅御史言失察過輕志家義重徙通判兗州知
江陰軍累遷陝西都轉運使拜右諫議大夫卒京尚氣節喜議
論少時與常山董士廉汾陰郭京相友善俱以倜儻聞著天人
流術通儒子十數書奏議十卷

劉開字靜叔青州北海人以孝力為軍校從延州軍出塞遇敵
矢貫左耳酣戰不顧衆服其勇從文彥博討貝州次城下攀屋
欲登賊以曲戟鈎其甲裂之而墜地道穴成開持短兵先入衆
始從登陴引繩而上遇明師舉入論功第一擢虎翼指揮使累
遷辰州團練使韓絳宣撫陝西詔開自河東為犄角至鐵冶溝
人大集衆懼問自殿後率驍銳搏戰飛矢蔽體不為却敵解去

為冀州駐泊總管河水漲急請郡守開青揚道口以殺水怒莫
敢任其責開躬往濟泇水退冀人賴之以左金吾大將軍致仕
卒年八十五

任頴字誠之青州壽光人學究出身至衛尉丞以獻文賜第擢
鹽鐵判官陝西鑄康定大錢議壞五為一以一當十頴言恐犯
法者衆卒如其言押伴夏使楊守素以納款為名要請十一事
欲去臣稱男自置椎場買賣且通青鹽增歲賜額一切曉以義
辭折而去出為京西轉運使奏計京師適元昊為其下所殺復
遣守素來告哀頴問其主所以死守素不能對訖去不敢肆改
知鳳翔入判三司憲由司為諒祚冊禮使采摭西夏風物山川
道里出入攻取之要為治戎精要三篇上之進直史館遷河東
運使每行部必擇僚佐之賢者一人與俱凡事必與議未嘗以

胥吏自隨人安其政入為黠鐵副使僂寇亂掘天章閣待制知
潭州有宣毅卒當補軍校顧察其色動必有異志執按之具服
為僂賊內應蒐其家得所記潭事甚悉梟首以徇詔書褒激賜
白金進龍圖閣直學士知渭州徙徐州積官戶部侍郎以太子
賓客致仕卒年七十八

鄭僅字彥能彭城人第進士為大名司戶參軍留守文彥博奏
改司法遷寇氏令河決府西檄夜下調夫會方閱保甲盡籍以
行先他邑至決遂塞留守王拱辰言於朝曰微僅民幾亂矣時
河朔饑盜起獨寇氏無之且相戒不敢犯境又知福昌縣值歲
饑議振貸民不流亡當第貧不肯自列擢提舉京東常平入為
戶部員外郎至太府卿加直龍圖閣為陝西都轉運使論魏餉
河湟功進集賢殿修撰顯謨閣待制請籍鎮戎德順開田為官
田宋史官入

莊收穀十餘萬會高永年賊沒帥臣歸咎官莊奪屬荒地致其
怨畔詔罷之改知寧州時諸路爭進討奏捷又多殺老弱邀功
僥獨保境不生事寇亦不犯徙秦州召拜戶部侍郎改吏部侍
郎知徐州進顯謨閣直學士通議大夫卒年六十七贈光祿大
夫諡曰修敏 子堃之字顯道少有文名山東皆重之登第自
陳留簿累遷開封參軍以治辦稱高宗時以吏部侍郎論航海
不便忤旨奉祠起知宣州復徵伏閣待制致仕卒年八十四贈
中奉大夫

弘簡錄卷一百六十三

弘簡錄卷一百六十四

明刑部員外郎仁和弘齋邵經邦學
皇清翰林院侍講學士四世孫遠平校閱

庶官 宋六之九

蔡挺 兄抗 蘇宋 周沆 陸訢 字師 李師中

宇文之邵 李恭 王廣淵 弟臨 許遵 熊本

字文昌齡 字 姜潛 陳舜俞 俞汝尚 程之邵

盧乘 父華 杜純 弟絃 韓琦 孫長卿 王光祖

苗時中 林廣

蔡挺字子政宋城人與兄抗俱登進士調虔州推官秩滿父希

言當官蜀以遠乞代行授陵州團練推官安撫王堯臣辟管勾

文字為人諳而多知人莫能窺其城府初為富弼范仲淹客頗

弘簡錄 卷一百六十四 宋史官九

泄其幾事於呂夷簡以自售從弼使遼至雄州嘗書有所更易

遣挺還自得名對便殿使歸仲淹奏挺通判涇州改鄜州遷知

博州時河北多盜挺申飭屬縣嚴保伍得居停姦盜者數人貫

其罪使之警察由是每發輒得遣均博平聊城二縣稅歲增鉅

萬三司下其法於郡縣擢開封推官提點府界公事坐六潔河

復決漂兵夫劫榷停官數歲起知南安軍提點江西刑獄兼提

舉虔州監兄抗時為轉運使乃相與協謀課民植松夾大庾嶺

驛路以休行者又簡僚吏至淮轉新鹽明賞罰賊黨破散宿弊

阻絕改陝西運副進直龍圖閣知慶州上書論攻守大計時諫

祚親攻大順挺料城堅不可破而柔遠城惡亟遣總管張玉將

銳師守之賊果移寇柔遠玉斫其營夏人驚擾潰去又先布

鐵蒺藜城旁水中賊騎渡水多躓驚言有神諫祚督兵決戰挺

遺黃廉訪察奏至如轍所陳貶主管東嶽廟久之起知蘄州紹
聖初復置常平官李清臣即遣使河北尋加直秘閣復領秦蜀
茶事一切如初會布用其奏公馬事請令蕃漢商人持馬受券
於熙秦兩路印驗而請直于太僕明年會綱馬之籍死者什二
而券馬所損幾百分之一詔漢之賜以金帛改陝西轉運使加
集賢殿修撰知秦州諸道方議進築多被爵賞師閔獨無預快
快不憚布議使督本部兵赴熙河師閔承命踰躡集兵四萬以
待而章惇陰諷熙帥鍾傅先出塞救令聽傅節制築邊井與虜
驩皆不成而還傅更檄會兵于顯耳關未至復御秦鳳之師再
出再返勞而且弊言者乞加責不聽旋進寶文閣待制召爲戶
部侍郎坐秦州許增首功事落職知鄜未幾還之歷河南永興
軍延安府卒

弘簡錄

卷一百六十四

六

宋庶官九

李師中字誠之楚丘人父緯涇原都監夏人犯鎮戎緯帥兵出
戰別將郭志高逗遛不進緯坐責降師中年十五詣宰相辯父
無罪由是知名第進士龐籍辟知洛川縣民有罪恐妨農時輒
遣歸令農涼自詣租稅皆先期而集或負官茶寬與之期許鄉
置一匱日投所負一錢以上比終歲逋者盡足邊粟過縣有返
者多賤售兼并家師中獨令願輸者聽數日得萬斛嘗出鄉亭
見戎人雜耕言之經畧使并索旁郡者署諸絕塞藉薦其才名
對轉太子中允知敷政縣權主管經畧司文字提點廣西刑獄
桂州靈渠故通漕歲久石室鑿而通之邕管地險阻無所事騎
有馬軍五百遇夏多死特奏罷之土人稱攝官餘投無法權在
胥吏師中悉記其名使待除于家交趾叛邕州蕭注宜州張師
正邀功生事欲以所管蠻峒會豪往討不用朝廷兵食師中駁

曰脫有敗劾誰當其咎議始罷會銜人申紹泰入追亡者皆巡
檢宋士堯注張皇駭奏仁宗爲之肝食師中疏劾注罪言無足
憂注得貶即命師中攝帥事交趾羅兵鋒言將入寇爲草六榜
揭境上披露其情遂不敢動已而紹泰懼亦委巢穴遁去儼智
高子宗旦尚保火喇前將多規討幸賞師中移檄諭以禍福因
率其族帳并地來降邊人化其德畫像立祠事之不敢名還知
濟兗二州濟水壘塞訪其故道自兗城西南鑿之遷直史館知
鳳翔府西夏駐兵綏銀檄諸路出兵牽制師中論其害兵獨不
出旣而果罷熙寧初拜天章閣待制河東都轉運使西人入寇
命知秦州詔賜以班超傳其爲帥持重總大體簡善守者列塞
上而使善戰者居中令曰卽寇至堅壁固守須其去出戰士尾
襲之約束旣熟常以取勝坐與王韶議築渭涇上下兩城撫納

弘簡錄

卷一百六十四

七

宋庶官九

洮河諸郡不合削職連知舒洪登齊四州起復待制知瀛州在
官不貴威罰務以信服人至明而恕去之日民擁道遮泣馬不
得行呂惠卿誣爲罔上貶和州團練副使安置還右司郎中卒
年六十六師中負氣節好議論尤善知人方王安石知鄆縣時
或言包拯爲參政朝廷自此多事矣師中曰包公何能爲安石
眼多白甚似王敦他日亂天下必斯人也後二十年其言方信
師中每見上多陳天人之際君臣大節請以進賢退不肖爲宰
相考課法杜衍范仲淹富弼皆薦其有王佐才然喜爲大言以
故不容于時而其氣未嘗少衰
宇文之邵字公南漢州綿竹人登進士爲文州山水令縣地狹
人貧耕者亡幾運使以輕鎌價高其價使鬻於民之邵言方歲
饑儉羌人散入安可復困之以求利神宗卽位求言乃上疏曰

天下一家也。祖宗創業守成之法，具在陛下。方居諒陰，語誠委
依之人，屏伏未動。正當念列聖之功，德嘉與海內休養。前者教
令蠶除一切通負，而有司操之益急，澤不下流，而細民益困。願
擇賢才以為三司之官，稍假郡縣以權，使除民瘼。又言京師者
諸夏之視，儆俗宜敦厚尚儉，戒浮薄侈靡。公卿大夫民之表率，
願以節義廉恥風導之，使人知自重。然後監番聚駭橋之失，以
保安外戚，考棠棣角弓之義，以親睦九族。典墜典拔淹滯，遠考
毗來忠讜。如此則天下之人，思見太平，可拱而俟也。疏奏不報。
喟然嘆曰：吾不可仕矣。遂以太子中允致仕。年未四十，自強于
學，不易其志。日與交友為經史琴酒之樂，居十五年而終。范鎮
稱其位下而言高，學富而行篤。少吾三十一歲而先吾掛冠，屬
念塵嬰未嘗不憊然也。司馬光曰：吾聞志不行，願祿位如錙銖。
弘簡錄 卷一百六十四 宋 盧官九

道不同，視富貴如土芥。今於之卻見之，其為人推尚如此。
李叅字清臣，鄆州須城人。以蔭知鹽山縣。歲饑，所活數萬。通判
定州，遷知荆門軍。歲以冬伐竹木於荆南，造舟令牙校預度其
費，餘募商人市之，均得其利而無害。歷知興元、淮南，為京西運
副。陝西運使部多戍兵，苦食少，叅審訂其闕，令民自隱度麥粟
之贏，先貸以錢，俟穀熟還官號青苗錢。經數載，廩有羨，蠲熙寧
之法，端肇於此。朝廷患邊費益廣，叅建議釐錢邊郡，以平估糶
權罷入中法。比其去，省權貨錢千萬。英宗時有疾，改判西京御
史臺。起知曹濮二州，歷河北、河東都轉運使。擢知荆南，復為三
司使。叅政孫抃言其承風刻剝，困天下之民，改羣牧使。王安石
置局經度園計廢黜不任事者，叅以附安石加集賢學士。知瀛
州，賜黃金百兩。神宗有賜再轉樞密直學士知秦州蕃酋葉家

族作亂，討平之，得良田五百頃，以募弓箭手。神宗欲大用，叅書
姓名於殿柱，以年七十四轉知永興軍。未行，卒。叅無學術，性剛
果，深喜發擿姦伏事。至即決簿書，纖悉不遺，時稱能吏。
王廣淵字才叔，明會孫也。慶曆中，以家集來上，詔官其後。推與
弟廣廉，俄登進士為大理直法官。編排中書文字，裁定御書十
卷。仁宗嘉之，英宗居藩，私自依托，因見親昵，獻所為文，即位除
直集賢院司馬。光言廣淵奔競有名，當治其罪，而更賞之，何以
厲大臣之節。帝不聽。從容語曰：朕于洪範得高明沉潛之義，剛
內以自強，柔外以應物。人君之體無出於是，卿為朕書之於欽
明殿，屏以備觀省。歷羣牧三司、戶部判官，加直龍圖閣。帝有疾，
中外憂疑，自為詔諭言朕疾少間。廣淵喜，宜言於衆，有劾其漏
泄禁中語，出知齊州。神宗立，改京東轉運使。時方議散青苗錢，
弘簡錄 卷一百六十四 宋 盧官九

適廣淵奏方春農事，與民苦空乏，兼并之家乘急要利，乞留本
道錢帛五十萬貸之貧民，歲可獲息二十五萬。其事正與青苗
合，朝議從之。安石以為可用，名至京師。中丞呂公著復據舊事
劾，遂故官程顥、李常又論其迎合朝旨，指克抑配以困百姓。安
石謂廣淵力主新法而遭劾，河北運使劉庠故壞新法而不問
舉事如此，安得人無向背。由是言皆不行。徙河東，擢贊文閣待
制。知慶州，俄因慶卒亂卒長吳遵，斬關山坐州兩秋。明年進龍
圖閣直學士。知渭州，卒年六十。贈右諫議大夫。廣淵小有才巧，
能附會所辟，置將佐非貴游子弟，即胥史輩。至於濮邸書吏亦
預選焉。元豐初，以被遇先帝，故賜其子得君進士出身。直昭文
館。弟臨字大觀，亦起進士。判雄州。嘉祐初，契丹遣使來求聖
像，朝論疑所以應臨言，遂方饑困，度何能為。然春秋許與之義。

不可不謹彼嘗求馴象可拒而不拒嘗求樂章可與而不與我
已兩失之今使來求聖像果可與哉朝廷善其議程也田員外
郎治平中詔求武略川近臣薦換崇儀使知順安軍改河北沿
邊安撫都監進副使上備禦數十策大略自治為多會遼刺人
為義軍來歸者數萬或請遣還臨曰遣還恐名亂不如因而撫
之詔從其請自是來者益多契丹自悔失計歷皇城使知涇那
二州廣信安肅二軍名對還文階歷遷寶文閣待制知州河中
府卒

許遵字仲塗泗州人性強敏明察登進士明法二科擢大理寺
詳斷官知長興水災民多流徙募民出米振濟竟以無恙益興
水利溉田甚博邑人立石紀之移知宿州改登州時王安石執
政悉罪異已者許以避入判大理建因欲立奇自街有田婦阿
弘簡錄 卷一百六十四 宋世官九

云許嫁未行嫌其婿貌寢伺婿以田舍中婦懷刃斫之不殊被
執詰問吐實有司當謀殺已傷律議殺遵按云納采之日母服
未除應以凡人論且被問即承應為按問今當謀殺非是事下
刑部劾遵為妄詔以贖論未幾果判大理遵恥用議法坐劾益
持前議云勅令所載許合免所囚之罪今棄勅不用但引斷例
一切按而殺之舉其自首之路殆非罪疑惟輕之義有旨會議
安石獨主遵自是延論紛然司馬光及中丞滕甫侍御史錢覲
皆言遵所爭多戾法意安石竟從之自後雖累問不承者亦得
為按問至兩人同為劫盜吏先問左則按問在左先右則按問
在右獄之生死在問之先後初非盜情天下益厭其說熙寧間
出知壽潤二州再判大理寺尋奉崇福祠致仕卒年八十一
熊本字伯通番陽人自幼知學郡守范仲淹異其文登上第為

撫州軍事判官遷秘書丞知建德縣通判戎州上疏媚王安石
言陛下師用豪傑改修法度得稷禹皋夔之佐天下之治有因
有革期於越時適治其始安常習故之羣四起交合衆用持盈
守成之說文苟簡因循之治陛下出大號發大政燭見至理獨
立不奪今雖少定後必將伺隙而逞宜深念之勿使兜羅之衆
得以窺其間而終萬世難就之業天下幸甚由是得提提舉淮
南常平檢正中書禮房公事熙寧六年瀘川羅晏夷叛詔本察
訪梓夔得以便宜從事本習聞其俗介十二村豪以為鄉導故
能擾邊乃以計致百餘人梟之瀘川其徒股栗願矢死自贖為
請于朝寵以刺史巡檢之秩豪皆踴躍願命獨柯陰一會不至
本鳩合晏州十九姓衆奮黔南義軍強弩遣都監王宣鈐轄買
昌言進討敗之黃葛下追奔深入柯陰窘急乞降盡籍丁口土

田重寶善馬歸之於是烏蠻羅氏鬼主諸夷皆從風而靡願世
為漢官如選刑部員外郎集賢殿修撰同判司農寺神宗勞曰
不傷財不害民一旦去百年之患至於檄奏詳明近時解儼特
賜三品服西南蠻用兵始此蔡京時為秀州判官本薦其學行
純茂練習新法擢為幹當公事河湟初復法禁濶略蓄積不支
以本為秦鳳都轉運使奏省冗官百四十員歲減浮費數十萬
渝州南川獠木斗叛又命本安撫進營銅佛壩扼其吭焚積聚
以破其黨釋熟獠王仁貴于獄留置麾下摧鋒先登木斗氣索
舉漆州地五百里來歸分四砦九堡建南平軍大臣議加天章
閣待制帝謂熊本當典書命遂擢知制誥數稱其文有體命院
吏別錄以進文彥博爭范子淵浚河之役命本行視議如彥博
安石怒出本分司西京居三年起知餘與廣州名為工部侍郎

宜州蠻擾邊道除龍圖閣待制知桂州請選將練兵代戍益市馬以足騎兵因遂無事民蔡寶珍扇能番與峒戶相讐殺欲引兵致討以為功本縛寶珍投諸海蠻驚以為神時賜李乾德以順州疆畫未正交人緣是輒暴勿陽地而逐儂智會本檄問狀乾德敏兵謝因請貽以宿桑八洞不毛之地南荒遠安入為吏部侍郎踰年請外知洪州言者以乘入洞為失謀奪一官徙杭州江寧名還卒有文集奏議共八十卷

字文昌齡字伯修雙流人登甲科調榮州推官辟經略熊本幹當公事凡攻討招集建南平諸城皆出其畫遷大理丞擢提舉泰鳳路常平神宗患司農寺圖籍不肅選官釐整留為主簿拜監察御史鄭延帥奏所部劉紹能與西羌通將為患合昌齡往鞠之因請深戒守臣毋生事徵賞以靖邊人之心使還賜

弘簡錄 卷一百六十四 主 休德官九

五品服尚書省建除比部員外郎改吏部時官曹更新統紀未立昌齡悉力從事雖抵罪亦程吏不止其所立綱要請於朝而行之出為京西轉運副使召改左司送遷使至雒州當宴請其使揖而後坐遷太常少卿議郊祀合祭奏言天地之數以高卑則異位以禮制則異宜以樂舞則異數至於衣服之章器用之具日至之時皆有辨而不亂夫祀者自有以感於無自實以通於虛必以類應類以氣合氣然後可得而親可冀其格今祭地於圜丘以氣則非所合以類則非所應而求高厚之來享不亦難乎後竟用其議改直秘閣知梓州歷壽州河中府鄧州青三州徽宗立名為刑部侍郎徙戶部建言陝西餽糶於邊舊制令內郡轉給頗為民病乞令止輸其州取道里費助邊糶歲省糶價五百萬公私便之以寶文閣待制知開封歷青杭越三州

卒年六十五 子常字權可政和末知黎州或上書乞於大渡河外置城邑以便互市詔訪利害常言自孟氏入朝藝祖取蜀輿地圖觀之畫大渡為境歷百五十年無西南夷患若依今議徠情搆或邊隙開非中國之福遂能尋提舉成都路茶馬先是熙豐以來歲入馬蕃多至崇觀間其法始壞提舉官歲以所入為羨餘吏緣為姦市馬裁十一二且負其直募人皆怨常盡革其弊馬遂溢額加直秘閣改知夔州進秘閣修撰官累中大

夫卒 姜潛字至之兗州奉行人少從孫復學春秋用田况舉名試學士院為明州錄事參軍以母老求致仕吳奎封還教與韓絳共薦徙之兗州奎又辟為鄆州教授升堂親拜其母俄遷國子直講王官伴讀湯宗正允弼吏引趨庭不答遂以客禮見熙寧初

弘簡錄 卷一百六十四 主 休德官九

應詔同舉凡三十七人神宗聞其賢名對延和殿訪問治道以二典三謨為對擢知陳留縣青苗令下知民不願出榜縣門已乃徙之鄉落各三日無應者遂撤榜付吏不赦一錢司農開封各遣其屬來驗對皆如初條例司劾以沮格潛知不免移疾竟去縣人詣府請留之不得卒年六十六 陳舜俞字令舉烏程人博學強記登進士舉制科第一嘗乘官歸居秀之白牛村自號白牛居士熙寧三年以屯田員外郎知山陰縣青苗法行上疏自劾謂民間舉財物雖約償緡錢而穀粟布縷魚鹽薪菽糧鉏釜錡之屬得雜取之有識者老尚戒其子弟不令質貸為苦今朝廷立約有司責償烏可如私家設有貸者勢不能償富室藏鏹坐待逋欠其勢必至於鬻田宅質妻孥愈為兼井地爾况又使十戶為甲浮浪無根者毋得給依則

乏絕者已不蒙其惠矣。雖分爲夏秋二科。而秋放之月。與夏放之期等。夏放之月。與秋放之期等。不過展轉計息。以給爲納。無有窮已。是別爲一厲禁。以疲敵海內。非王道之舉也。其言切實。有理。奏上。責監南康鹽酒稅五年卒。蘇軾爲文。哭之。稱其學術。才能兼百人之器。慨然將以身任天下之責。而一斥不復。士大夫識與不識。皆深悲之。

俞汝尚字退翁。歙人。少時讀書崑山。爲人溫溫。有禮讓。論不苟發。澹於勢利。不以貧乏撓其懷。聞人嘉言善行。記之不忘。時復爲人道之。登進士。歷導江新繁二縣。令無營心於進取。所資公田。悉以周舊令之家。熙寧初。簽書劄。兩西川判官。與趙鼎同僚。鼎每退坐。便齋。諸吏莫敢至。惟汝尚排闥入。相對清談。竟暮。王安石當國。患一時故老不同。或言汝尚有清望。可驛召。

弘簡錄

卷一百六十四

高

宋庶官九

請京真之御史使以次彈擊。知所以薦用之意。汝尚力辭得免。親故言責以不能爲子孫地者笑。曰。是乃所以爲其地也。還家苦貧。未能忘祿。養又從井。青州以屯田郎中致仕。優游數十年。二蘇孫覺李常皆賦詩文。歎美之。妻黃氏亦高尚。當六月暑甚。寢室不可居。出舍于門。語曰。人生七十者希。吾與汝皆過之。可。以行矣。妻應曰。然則我先去。後三日。妻卒。爲作銘。甫庀其喪。告諸子曰。吾亦從此逝矣。相去纔十日。隱几而終。孫侔紹興中至。敷文閣直學士。

程之邵字懿叔。眉山人。曾祖仁。霸治獄。有陰德。之邵以父蔭爲新繁主簿。熙寧更役法。使者欲槩州縣民力以羨。乏相補之。邵不可。曰。成周均力。遺意當各以一方之力。供一方之費。豈宜以此邑助他邑哉。察訪使熊本歸。語諸朝役法。初行。成都路爲最。

詳之邵力也。入爲三司磨勘官。得隱匿數十萬緡。從副使。寒周輔計。度江嶺鹽。還除廣東轉運判官。周輔得罪。亦罷。知祥符縣。改泗州。復夔路。運判。勅。夔守。亂。狼不奉法。罪之前議。大率并鹽稅。牛以供公上。餘鬻於民。病先輸錢。鹽不足。給因盡發所儲。與之商。買既通。關征增倍。除主管。秦蜀茶馬公事。以羨茶入。熙寧易戰馬。革黎州買馬之弊。歲以仲秋爲市。至四月止。移知鳳翔。民負債無償。自焚其居。有主藏吏殺四婢。皆發。擿之。岐人傳誦。徙鄭州。元符中。復主管茶馬市。馬至萬匹。得茶課四百萬緡。童貫用師。熙岷運茶往博羅。發錢至二十萬億。以佐用。度連加直。龍圖閣集賢殿修撰。爲熙河都轉運使。秦鳳出師。復命。經制云。已備十萬騎。食可三百日。徽宗喜。擢顯謨閣待制。敵犯熙河。復攝帥事。屯兵行邊境。賊解去。方錄功。轉大中大夫。病不及拜。而

弘簡錄

卷一百六十四

高

宋庶官九

卒。贈龍圖閣直學士。官護喪歸。子唐至。寶文閣學士。盧秉字仲甫。湖州德清人。父革。少舉童子科。知杭州。馬亮見所爲。詩。嗟異之後。二年。登第。年纔十六。慶曆中。知冀州。蠻人入寇。桂管騷動。革經畫軍須。先事而集。移書安撫使杜祀。請治諸郡。城及易長吏之不才者。又言嶺外小郡。合四五不當中州一大縣。且無城池。甲兵之備。宜度近遠。并省之。未幾。儂寇發。九郡相繼不守。皆如革慮。後歷官福建。湖南。轉運使。以光祿卿致仕。秉未冠。有雋譽。嘗謁蔣堂。見池亭華飾。林木未成。秉謂亭。洛如。臨位時。或有之。林木如名。飾非培。植弗能立。堂賞味其言。曰。吾子必爲佳器。中甲科。浮沅州縣。二十年。人無知者。王安石擢置條例司。奉使淮浙。專提舉鹽法。究索利病。出本錢。業民戒不得私鬻。還奏。遂爲定制。尋累遷。制置發運副使。革時年八十二。尚

無恙許成一歸親乘乞解官終符帝數詔諭勉時以為榮東南
 饑餘和民捕蝗充食詔損上供米以糶價雖賤貧者終難得錢
 乘請但償糶本而以其餘振之時發運使多獻羨餘乘百職在
 董督以時上納安得羨今稱羨者率正數也請罷從之加集賢
 殿修撰知渭州五路大出西討惟涇原有功進寶文閣待制夏
 境胡盧川距塞二百里恃其險遠不設備乘遣將姚麟彭孫襲
 擊之俘斬萬計遷龍圖直學士夏酋仁多鬼丁犯熙河定西
 城乘治兵瓦亭分兩將駐靜邊步指其來路曰吾通明坐待捷
 報及明寇果至見宋師大驚曰天降也縱擊之皆奔潰鬼丁死
 詔褒賜服馬金幣元祐中知荆南劉安世論其鹽法虐民迫脅
 連保罪及妻孥降待制提舉洞霄宮卒封其父通議大夫
 杜純字孝錫濮州甌城人少有成人之操伯父沒官南海其孤
 弘簡錄 卷一百六十四 宋庶官九
 弱不能還純自父請往如期而至以蔭為泉州司法參軍與
 知州關詠絕不預蕃舶事熙寧初以河西令上言時政安石具
 之引其條例司數與論事薦充審刑詳議官議復肉刑或云先
 以刑代純言若知不死犯者益眾是為名輕而實重也遂寢受
 詔勅郭逵與王韶訟安石變其獄坐免官韓絳復之為檢詳三
 司會計安石再相請監池州酒久之為大理正上言比來告訐
 者眾或徒謀觖望或民相怨仇或意冒賞資泛云某有罪某知
 狀官不識所逮之囚囚不省見逮之故若許有司先計其實而
 坐為欺者以誣當無不竟矣俄坐議論立議廢于家元祐初交
 薦除河北運判初更役書光稱其論議詳盡予書曰足下在彼
 朝廷無河北憂純因建言河防舊隸轉運今乃屬都水外丞是
 以出財之司常變費以為緩而不急用財之官恆過計以為患

而嘗憂不如併使歸一後如其言名為刑部員外郎大理少卿
 推待御史言者詆其不由科第改右司郎中尋知相州徙徐州
 陝西轉運使還拜鴻臚光祿二卿權兵部侍郎謝病以集賢院
 學士奉崇福祠卒年六十四 弟紘字君章幼時純教養成立
 登進士為永年令歲荒官給印券使相稱貸約歲豐督償小民
 咸得食無死徙者神宗聞其才用為大理評斷官檢詳樞密刑
 房修武經要略每議獄必傳經直有幼女養於壻家而死吏當
 如婚法紘言禮婦三月廟見未廟見而死則歸葬于家示未成
 婦也律定婚而夫犯論同凡人養婦雖非禮律然未成婦則一
 也議乃定擢刑部郎中元祐初為夏國母祭使遷右司郎中
 累官集賢修撰為江淮發運使知鄆州獄多繫囚處決立盡有
 姦民揭幟城隅妖言為變州民震懼使皆請大索紘笑曰無
 弘簡錄 卷一百六十四 宋庶官九
 墮其術中吾可膠擾亂發耶未幾奸民果獲按誅之徒知應天
 府卒年六十二紘篤於風義居常事兄盡禮以兄亡不得臨迎
 柩詣闕哀動行路悉以奉錢給寡嫂復推恩官其子若孫宦京
 師時有里人馬隨調避病逆旅載歸醫視之死為治喪其天性
 如此
 韓琦字君玉汲縣人登進士知定州安喜縣為政盡力能使吏
 不求賄琦薦為開封司錄歷判官嘉祐寬恤諸道分遣使者
 尋言京師為諸夏之本獨不蒙惠乃具徭役利害以上詔司馬
 光陳洙詳定條式革大姓漁并之弊攝提點利路河北刑獄熙
 寧初為梓州路轉運使會更役法琦首建併綱減役之制綱以
 數計者百二十有八衙前以人計者二百八十有三凡省役人
 五百悉裁定之安石褒之曰琦所言皆久為公私所病監私背

公養譽莫之或恤而特獨能體上意宜加賞乃賜帛二百入為
監鐵副使以右諫議大夫知澶州坐失舉降太常少卿河決晝
夜扞禦神宗念其勞復故官以大中大夫判將作監轉正議大
夫致仕卒年七十七生平吏事絕人閭接續終身不忘澶州民
懷思之他日郡守或欲有所為民必曰此事已經韓大中矣輒
止

孫長卿字次公揚州人以外祖朱異任為校書郎知楚州糧料
院郡倉積米陳腐為酌新舊均之通判河南秋大雨軍營壞詔
言洛兵叛城中譙然長卿馳往諭推造言一人誅之衆始定詔
汰三陵奉先卒羣謀府下長卿具言不可朝廷為止改知和州
有富民殺其弟反誣他人謀害鞫問服罪郡人皆神明之累擢
江浙荆淮發運使歲漕米入百萬時將弛茶禁收其征召長卿
私簡錄 卷一百六十四 宋 庶官九

議條上不便十五事不從改陝西都轉運使踰年知慶州城據
險無水長卿為鑿百井皆及泉泥陽有羅川嶺上構危棧下臨
不測之淵過者惴恐因訪得唐故道開為通塗行旅便之加集
賢院學士移知河東拜龍圖閣直學士知定州有園利八十萬
悉歸之公適熙寧初地震城郭倉庾皆潰以其資盡力繕補神
宗佳其能轉兵部侍郎留再任卒年六十六長卿性潔廉無文
學而長于政事

王光祖字君俞涇原將珪之子也以蔭歷官提點河北刑獄公
邊安撫都監進副使熙寧中界河巡檢趙用提北邊契丹將蕭
禧引兵數萬壓境造浮橋將欲濟師光祖單舟臨之或以為
危答曰彼來欲得趙用耳避之則勢益張吾死不足塞責已而
契丹欲相與言即命于襄曰白刃往語故意果在趙用襄隨機

折之蕭禧遣押兵去且邀裹食付所載青羅泥金笠以為信光
祖即上之除為真定鈐轄尋徙梓夔命與內藏庫使楊萬皆受
熊木節度征討渝獠分三道進師木疑光祖不為用使將後軍
出黃沙坎比發日已暮夜半抵絕頂質明獠望見大駭一鼓而
潰萬等困於松谿又亟往援出石門救其險促黔兵先登賊舍
而去光祖夜泊松谿上且始遇萬遂與俱還本愧謝上其功第
一吐蕃剛茂州復領兵三千會王中正破雜宗關賊據石鼓村
扼其平道中正名諸將問計光祖獨請行抵其處釋銳兵分襲
吐蕃背出其不意皆驚遁瀘州夷乞弟犯邊寇戎州兵官王宜
等戰沒詔光祖從韓存寶會兵討之軍于梅嶺夷屯數萬衆欲
老我師光祖勸存寶早決戰不聽林廣至復從征蕩其巢穴積
功至四方館使知瀘州初置瀘南安撫使俾兼領邊事聽韻決
弘簡錄 卷一百六十四 宋 庶官九

遷客省使嘉州刺史歷涇原河東定州路副總管卒
苗時中字子居其先自壺關徙宿州以蔭主寧陵簿邑有古河
久墜請開導以溉田為利甚博人稱苗公河調潞州司法參軍
郡守欲入囚於死執不可守悟聽之熙寧中以司農丞使梓州
交人犯邊摧廣西運副師次富良江久不進時中度賊必從間
道來乘密遣備之既而果從上流來襲賊敗去遂納款俾存
寶討乞弟蠻糧道阻遠時中創為措運法食以不乏遷兩階為
發運副使存寶逗遛不行促之不聽代者林廣論乞弟降旋復
逸去將士相視失色廣自分必死及暮刁斗不鳴時中說曰天
子以十萬衆付公豈以一死為勇耶今入其境變且不測廣悟
亟整軍以進時中以功遷直龍圖閣知桂州至戶部侍郎卒
林廣萊州人初為捧日軍卒累官內殿崇班從環慶蔡挺麾下

諒祚寇大劇城廣射中之引兵西入破十二盤攻白豹金湯皆先登夜過洛河卷甲疾趨慮夏人來襲楊舜選烈岸側敵疑不敢渡嘗護中使臨邊循山而行夏兵伏烏雞川道遇謀者詭為熟羌以險告不答又因開柔遠城戒士卒毋輕動明日敵至益修守備夜募死士斫其營夏人數失利引還廣遷禮賓使韓絳奏為本路都監慶兵據北城廣在城南挺身出論以逆順皆投兵聽命遷鈴轄還徙郡延攻路白城功最轉皇城使進討洮州羌加帶御器械環慶副都總管又討西南夷權龍衛四廂都指揮使領茂州刺史至即閱兵合將蒐人材勇世三分之曰夕肄習間惟牛犒勞士心皆奮乃決策深入陳師澗水率將吏東鄉再拜皆師衆皆踊躍挾所得渠帥及質子在軍而用次會護餉以是入經管進無鈔略之患乞弟遣叔父阿汝納款

弘簡錄 卷一百六十四 宋 朱 廣 官 九

身尚未至廣策其有變設伏以待明日乞弟擁千人出降猶豫不前廣發伏擊之登奔遂斬阿汝弟乞弟從江橋下脫走得其種落三萬監軍先受密詔聽引兵還乃班師加廣衛州防禦使馬步軍都虞候西兵未解求而陳方略得名見言韓存寶功多雖有罪不至死還部至聞鄉疽發背卒年四十八廣輕財好施臨事持重長於料敵通左氏春秋掛益八陣圖撰約束百餘條邊地頗推行之名聞西夏乘常將內侵歷舉中國將帥獨畏廣聞其南征乃舉兵然在澗拾遺已降而殺之適被危疾乃其報也

弘簡錄卷一百六十四

弘簡錄卷一百六十五

明刑部員外郎仁和弘齋邵經邦學
皇清翰林院侍講學士四世孫遠平校閱

熊官 宋六之十

趙尚 游師雄 王韶 子厚 高永年 王君萬 子勝

張守約 蕭注 沈起 劉彛 張詵 徐禧 子俯

李稷 高永能 曲珍 俞充 羅拯

張問 沈立 王文郁 劉紹能 李浩

向寶 王恩 趙隆 賈崑 張整

趙尚字公才邛州依政人起進士為汾州司法參軍郭進宣撫

陝西辟掌機宜文字種諤擅納綏州降人朝廷以其生事議誅諤疏言種諤無名典舉死有餘責若違歸降人反故地恐彼

弘簡錄 卷一百六十五 宋 朱 廣 官 十

未必聽順徒損國威不若論以彼眾餓孽投死中國雖邊臣擅納實無所利特以往年俘我蘇立景詢輩爾今若遣詢等還降人交歸各遵紀律以寧疆場計之上也如其蔽而不遣則我留橫山之衆亦未為失及遼帥耶延壽為移書執政授種世衡招蕃兵屯青澗城故事請存綏州以張兵勢先規度大理河川建堡砦畫稼穡之地以處新附之衆朝廷從之活降人數萬為東路捍蔽熙寧初又議納塞門安遠二砦還其綏州尚言綏州形勢之地宜增廣邊障以觀其變於計為得各入問狀對曰綏之存亡皆不免用兵况所降人入吾肝脾不可無備神宗然之除集賢校理提點陝西刑獄時宜撫韓絳督河東兵西討尚言大兵過山界皆砂磧乏善水草又亡險隘可以控扼切為危之若先經畫山界控扼之地招誘山界人戶處之生地然後乘兵威

可以遠攻不爾未見其利絳以尚權宜撫判官加直龍圖閣知
延州夏自失綏州屢欲款塞每以虛聲動搖詔問方略尚審計
形勢獻破敵之策奏言夏使必欲畫綏界願聽本路經略司分
畫歲賜則俟通和之日復焉朝廷用其策明年賜名綏德城尚
遣梓將曲珍呂真以兵千人分遠東西路遇夏衆四萬自開道
方欲取綏道遇珍皇駭亟戰真繼至夏衆敗走初鄜延地皆荒
瘠田不出租諸酋各占所有尚因招問曰往時汝族戶若干今
皆安在對以大兵之後死亡流散所存止此詰曰其地存乎曾
無以對尚曰聽汝自募丁使占山充兵吾欲得者人備田不問
也諸羌皆感服始檢亡籍悉補之又募騎兵七千括公私閒田
七千五百餘頃給之前此蕃兵祇提空簿漫不可攷屬餓饉尚
因議沮其手願刺者貸穀一斛人皆樂從又訓練以時精銳過
弘簡錄 卷一百六十五 宋忠官十

耿端彥將兵四千趨之李照甫蕃官歸仁各將兵三千左右分
擊選三蕃官各引輕兵五百取問道邀其歸路端彥與戰賀
羅平敵敗果趨平夏伏發斬馘甚衆生擒鬼名弁首領六人獲
戰馬七百牛羊老幼三萬餘遷龍圖閣直學士復帥延安元祐
初夏將入侵徹西路將劉安李儀領輕兵襲洪州擣其腹心俘
斬甚衆遷樞密直學士夏既入貢有梁乙埋數擾邊尚間使諭
以善意遣之戰袍錦綵乙埋自是不復窺塞乃縱問國中疑而
殺之五年拜端明殿學士遷大中大夫未幾卒年六十五贈右
光祿大夫給諫中以與夏人四皆議罪入黨籍
游師雄字景叔武功人學於張載第進士為儀州司戶參軍遷
德順軍判官鄜延將劉瑄欲自延安入安定黑水師雄以地薄
賊境可慮請由他道既而謀告黑水之傍果有伏瑄還謝曰微
弘簡錄 卷一百六十五 宋忠官十

黃河飛梁阻青唐十萬衆不得度詎破洮州擒鬼章及大首領
九千斬首千七百級捷聞百僚表賀遣告永裕陵將行厚賞言
者恐邀功生事乃止加集賢校理自後于闐大食佛林迦黎諸
國皆懼悉遣使入貢除陝西運判提點秦鳳路刑獄夏人侵涇
原復入熙河師雄建言蘭州距賊一舍通遠不百里非有重山
復嶺之阻宜於定西通渭之間建安遮納遮結珠三柵及獲耕
七堡以固藩籬此無窮之利招討范育從之入拜祠部員外郎
遷陝西轉運使言往者邊土不耕悉仰給於內今積粟已多軍
食自足宜令內地量致之直以免大費報可拜衛尉少卿哲宗
數訪邊防利病師雄上慶曆以來邊臣施置之臧否朝廷謀議
之得失及方今禦敵之要凡六十事名曰紹聖安邊策出知邠
州收河中府進直龍圖閣知秦州徙陝州師雄慷慨豪邁有志
弘簡錄 卷一百六十五 宋史官十

王韶字子純江州德安人自幼客游陝西熟聞邊事登進士調
新安簿建昌司理參軍熙寧元年上平戎策三篇大略以為取
西夏當先復河湟則敵有腹背之虞夏人比年攻青唐幸而不
克萬一克之必併兵南向大掠秦涼之間將牧馬蘭會斷古渭
境盡服南山生羌西築武勝遣兵時掠洮河則隴蜀諸郡皆擾
竊聞由武威南至于洮河蘭鄯皆故漢郡縣所謂湟中浩盪大
小榆枹罕土地肥美宜五穀幸今種類瓜分莫相統一此正可
并合而兼撫之時也諸羌既服喃氏敢不歸喃氏歸則河西李
氏在吾股掌中矣今喃氏子孫惟董氈賸征兄弟差盛為羌人
所畏若招諭之使居武勝或渭源城糾合宗族制其部族習用
漢法為肘腋之助且使夏人無所連結策之上也神宗異其言

名問方略以韶管幹秦鳳經略司機宜文字蕃部命龍珂在青
唐故大節因按邊引數騎直抵其帳論以成敗遂留宿明且遣
其豪隨以東久之龍珂率屬十二萬口內附所謂包順是也自
此鑿空開邊附于王安石言渭源至秦州良田不耕者萬頃願
置市易司籠商賈之利取其贏以治田帝從之改著作佐郎即
命提舉其事經略李師中謂韶所言乃指極邊弓手所占地耳
又將移市易司於古渭恐秦州自此益多事所得不補所亡安
石主韶議為罷師中代以賈舜卿且遣李若愚按實若愚至關
田所在韶不能對舜卿檢索僅得一頃迺又罷舜卿而命韓縝
縝遂附會其事遷韶太子中允秘閣校理後郭達上韶盜貸市
易錢安石以為不足校徒遠涇原帝志在復河隴築古渭為通
遠軍以韶知軍事五年引兵城渭源堡及乞神平破蒙羅角抹
弘簡錄 卷一百六十五 宋史官十

耳水巴等族諸將以羌保險謀置陣平地韶謂賊不捨險來關
我師必徒歸今當使險為我有乃徑趣林邦山壓敵軍而陣令
曰敢有言退者斬賊乘高下圖韶躬擐甲胄麾兵逆擊之羌大
潰焚其廬帳而還洮西大震會賸征度洮來援餘黨復集韶戒
別將山竹牛嶺張軍聲而潛師越武勝迺首領賸藥等與戰破
之遂城武勝建為鎮洮軍進右正言集賢殿修撰復擊走賸征
降其部落二萬更名鎮洮為熙州合熙河洮岷通遠為一路進
龍圖閣待制知熙州六年取河州遷樞密直學士連拔宕岷二
州凡得城五斬首數千級獲牛羊馬萬計進左諫議大夫端明
殿學士七年入朝轉資政殿賜第崇仁坊還至興平聞景思立
敗賊聞河州帝為肝食議乘熙河韶日夜馳至熙命撤城守選
兵二萬令諸將曰賊所以圍我恃有外援也今知救至必設伏

待我且新勝氣銳未可與爭當出其不意以攻其所恃所謂批
亢擄虛形格勢禁則圍自解乃直扣定羌城斷夏國通路賄征
知援絕果拔柵去詔還熙州以兵循西山繞山踏自後焚八千
帳賄征窮蹙丐降俘以獻帝聞大喜拜觀文殿學士禮部侍郎
資政觀文二殿執事官其兄弟及兩子賜絹八千匹未幾驟除
及而除者什論始 樞密副使熙州雖名一路實無租入軍食咸仰他道運判馬城
數摺撫官吏細故欲罷職安石不許自是與安石異歸曲謝
廷極論安南之役貪虛名而忘實禍帝不悅乃罷知洪州又坐
謝表怨慢落職知鄂州卒年五十二贈金紫光祿大夫詔起孤
生用兵有機略每戰必捷臨出名諸將授以指不復更問背夜
臥帳中前部遇敵矢石已交呼聲震山谷尚鼻息自如人服其
量晚節言動不常頗若在狀遂病疽洞見五臟人謂多殺之徵
弘簡錄 卷一百六十五 六 宋史官十

去其母龜茲公主與諸酋開門降遂入廓州超拜武勝軍節度
觀察留後明年羌焚大通河橋以叛圍宣威城新疆大震降厚
鄧州防禦使懷德復納款仍還舊官提舉醴泉觀卒贈寧遠軍
節度使諡壯敏 宋字輔道好學工詞章登第至校書郎
高永年河東蕃官為麟州都巡檢王賡取青唐永年總蕃兵為
先鋒直抵宗哥城開省章峽路擊走叛羌結陣還青唐羌攻甚
急復擊之去會苗履姚雄以援師至戰溪蘭宗堡履稍却永年
領勁騎斷羌為二乃退又戰于乾溝永年馳萬眾中單馬援矛
刺殺羌酋彪雞斯斬其首餘眾宵遁遷皇城副使及雄乘涅部
以永年殿歸崇寧初進四方館使知岷州蔡京復開邊使帥兵
六萬克安川堡遂至湟仰知州事加領利州刺史為熙秦兩路
都統制羅撒萃精勇據高阜欲衝官軍時永年將左軍揮選鋒
弘簡錄 卷一百六十五 七 宋史官十

解部川其計匿客省使兵馬副總管生貨結羅錢轉運孫迥糾之互相構訟貶鳳翔鈴轄籍家貨償通遂以愆卒 子瞻為人狡狴因李憲進立功至皇城使領開封團練使元符中知河州說轉運張詢謀取賂征朝廷罪其專奪十一官猶領河州賂欲以功贖過乃密畫取青唐之策遣客詣章惇言狀惇下其事於孫路以為可取然知贖難制使總管王愨統軍總副之為前鋒引兵趣邈川將渡河賂思愨分其功給言食畢乃發夜半輒起平明入邈川徑上捷書不以白軍府愨訴其事路欲掩其功故抑賂專以兵柄付愨而賂思愨也邈川遂與愨交訟言路指畫相違惇主賂不直路曰首謀者賂也乃徙路河南罷愨統制以胡宗回為帥日夜督出師諸具宗回傳賂懼無功掩攻隴撈及心平等皆山降入據其城詔建為鄯州進四方館使領維州團練

私簡錄

卷一百六十五

宋 趙鼎

榮州防禦使為路鈴轄賂縱所部剽斂羌衆搆貳心平等結諸族帳謀復青唐賂遣將李賓領二千騎襲戰敗北貳心平等九人悉捕斬城中羌有錢羅結者嘯集外叛數千圍邈川夏衆十萬助之王吉魏劍种朴相繼敗沒書聞帝震駭轉運李總秦希甫劾賂盜取二城財物因致變又殺心平欽也以滅口會布言其創造事端貶右千牛將軍房州安置配昌化軍行至覆縣縊死崇寧初錢過訟賂功及王厚平都廓蔡京追賂保平軍節度觀察留後除其子珏通事舍人 張守約字希參濮州人以蔭主原州戡原砦招降羌酋水令通等十七族萬一千帳擢廣南走馬承受公事當僂寇之後詣闕陳南方利害皆見納用歐陽修薦其智略權知融州峒將吳儂恃險為患捕誅之修復藹可任將帥為定州路駐泊都監徙秦

恩括生羌隱士千頃募射手築礮石堡甘谷城守約常出巡邊遇夏人萬騎來寇守約簡兵五百迎戰挺身立陣前發強弩殲其酋敵遂退王韶開熙河以為鈐轄加通事舍人仍統秦鳳羌兵駐通遠軍會羌衆三萬欲復舊地守約渡洮水擊破之取密粟食軍羌老弱畜產走南山左右欲逃之守約曰彼逃死耳戒勿追鬼章圍岷州守約提敢死士於高山鳴鼓張幟賊驚顧而遁降其首領千七百人遂知岷州遷西上閣門使知鎮戎軍徙環州慕家族頗很難制搖動種落守約勒兵討擒之進環慶都鈐轄知邠州徙涇原鄜延秦鳳副總管領康州刺史夏人十萬屯南牟畏其名引去徙知涇州涇水暴輒壞城每歲必增築隄堰勞費不貲守約至適歲饑命罷其役故有河神祠在南壩禱而遷諸北以殺河怒一夕雷雨河徙而南其北遂為沙磧遷龍

私簡錄

卷一百六十五

宋 趙鼎

神衛四廂都指揮使名還道卒年七十五凡典州郡皆有惠愛復善知人所薦燕達劉昌祚姚麟王崇極劉舜卿皆為名將從征靈武至清遠軍言于高遵裕曰此去靈州不三百里城中惟僧道數百若棄十日糧直搗其城可立奇功又勸令士衆護糧餉以防抄掠不聽果以敗還 蕭注字巖夫新喻人磊落有志喜言兵登進士攝番禺令值僂寇圍城勢危甚注自圍中山募海濱壯士得二千人集上流乘大船因風縱火焚破賊舟即日發懸門納援兵民持牛酒芻糧相繼而入城中始有固志自是每戰皆勝蔣偕上其功換禮賓副使廣南駐泊都監賊還據邕管將蕭誘諸洞余靖患之以屬注乃挺身入蠻中施結恩信伏青疑注倚賊聲勢為姦利欲誅之賊破始信前功以注知邕州智高走大理圍其母與二弟寓

特磨道注帥師往討獲一裨將引致臥內與之語具得賊情悉擒送闕下拜西上閣門副使又募死士入大理取智高至則已為所殺函首歸獻轉閣門使居邕數年陰以利啗廣源羣蠻密繕兵甲疏言今不取交趾異日必為大憂願馳至京師面陳方略未報而甲洞申紹泰犯西平五將被害諫官論注致寇罷為荆南鈐轄再貶泰州團練副使未幾收鎮南節度副使近臣訟注廣州功起為右監門衛將軍邠州都監熙寧初擢禮賓使知寧州管幹麟府軍馬移知桂州入覲會又有言交人挫於占城眾不滿萬可襲取者神宗以問注對曰昔者臣言時溪洞之兵一可當十器甲堅利親信之人皆可指呼而使今萬不如昔矧交人生聚教訓又十五年謂之兵不滿萬安也至桂種曾皆來謁注延訪山川曲折老幼安否得其驩心有獻征南策者不聽

弘簡錄 卷一百六十五 宋史一百一十

尋因沈起自任平蠻罷注代歸遂卒年六十一注有膽氣嗜殺亦善相人韓絳方安撫陝西帝問施設何如對曰算謀深遠臣不能窺所知惟位極將相帝喜曰果如卿言絳必成功問王安石何如曰牛目虎視物如射意行直前敢當天下大事然不如絳得和氣為多惟氣和能養萬物王韶始為參軍注許以他日功名類孫沔但壽不及後皆如其言

沈起字興宗鄞人少喜談兵註孫武書以自見范仲淹器其材登進士高第調滁州判官監真州轉般倉父憂終喪遷知海門縣地負海潮至月民田舍起為築堤百里引江水灌漑田日益闢民徙業者相率而歸立祠祀之中丞包拯舉為監察御史立縣令考課法設河渠司領諸道水政乞采漢故事擇卿大夫子弟入宿衛選賢良文學高第給事官省勿專任宦官宗室袒免

親令補外官復府兵汰冗卒書數十上以論興國錢官事不合出通判越州改知蘄楚二州京東歲饑盜起除提點刑獄至則開首贖法揭其黨類轉相束縛收開封府判為湖南轉運使所部羽毛筋革舟楫竹箭之材吏挾為姦漁獵無制起至則會計常用官與商人貿易所省什六七名為三司鹽鐵副使直舍人院熙寧三年加集賢殿修撰為陝西都轉運使慶州將寇長安率兵討平之會韓絳城絳州不利罷知江寧府入判吏部流內銓故事吏以賊私結法無輕重終身不遷起論其情可矜者可限年敘用遂著為令奉使次丹至王庭其位中與夏使等起辭不就升東朝立遂為定制六年拜天章閣待制知桂州一意攻討言南交小醜無不可取之理妄稱受密旨令疆吏入溪洞歸土丁為保伍授以陣圖使歲時肄習又命指使督運鹽至海

弘簡錄 卷一百六十五 宋史一百一十

濱集舟師教水戰故時與州縣貿易悉禁止之由是交人益貳大集兵丁謀入寇知邕州蘇緘遣以書請止保甲罷水運通互市不聽劾緘沮議起亦坐罷命劉彝往代交人率眾化境連陷廉白欽邕四州死者數十萬事聞貶起團練安置邕州卒 彝字執中福州人幼介特居鄉以行義稱從胡瑗學所立綱紀規式彝力居多第進士為邵武尉調高郵簿移朐山令治簿書恤孤寡作陂池教種藝平賦役抑姦猾凡所以惠民者無不至熙寧初為制置三司條例官以悉東南水利擇為都水丞久雨汴派彘請但啓楊橋斗門水即退收兩浙運判轉知虔州虔俗尚巫鬼彝著正俗方以訓盡斥淫巫使以醫易業俗為一變加直史館知桂州以交趾叛坐貶均州團練副使安置隨州又除名編隸涪州徙襄州元祐初以都水丞召還病卒年七十著七經

中義百七十卷明善居陽二集各三十卷

張說字樞言浦城人登進士通判越州民患苦衙前役說為科別貧富籍人戶當役者顧充以錢皆稱其便改知襄邑權變路運判建議拓濫夷地錄功加直集賢院為陝西轉運副使神宗閱章奏與蔡挺有所論欲識之名對賜金紫明年授直龍圖閣知秦州前此將吏貪功多從羌地獵射因起邊患說至中令毋得犯羣羌感悅遷天章閣待制知熙州董道遺鬼章逼岷州說率兵往討破之于錯鑿城斬首萬級元豐初加龍圖閣直學士知成都會靈武出師復命權熙河經略事越使倍道行時倉卒治戎有司計產調夫民多流亡師罷徙知杭州道過京師帝訪以西事對曰彼勢雖弱我師未銳願以歲月圖之終正議大夫年七十二說孝友廉於財不殖田業以拓地進用清議少之

弘簡錄

卷一百六十五

主

宋唐官十

徐禧字德占洪州分寧人少有志度博覽周游知古今事變風俗利病不事科舉新法行獻所作治策二十四篇命以布衣充經義局檢討神宗覽其策曰朝廷川經術士十變八九然多蹈襲人語不求心通此言良是宜試於有用之地即授鎮安軍節度推官中書戶房習學公事歲餘召對擢太子中允館閣校勘監察御史裏行有道術李士寧故與王安石善嘗見趙世居贈以寶刀世居神之又贈其母康氏仁宗御製詩知諫院范百祥因劾士寧妖妄併言世居不軌禧奏士寧所遺詩實仁考所撰烏可指以為反朝廷命官參治百祥坐不實貶進禧集賢校理檢正中書禮房俄坐參鞠呂惠卿貸華亭富人錢事陰右惠卿中丞鄧綰劾之出為荆湖北路運副元豐初惠卿力引名知諫院神宗采川惠卿更蕃漢兵戰守條約將推之他路遣禧往經

弘簡錄

卷一百六十五

主

宋唐官十

畫復是其議故不次擢用母憂服除試知制誥兼中丞因疏縮過帝知前發左遷禧給事中會种諤西討得銀夏宥三州議察城守之詔禧與內侍李舜舉往相其事禧言銀州雖據明堂川無定河之會而故城東南已為河水所蝕其西北又阻天堽實不如永樂形勢險阨竊惟三州陷沒百年一旦興復於邊將事功實為俊偉軍鋒士氣固已百倍但建州之始頓費不貲已與沈括議築砦堡各六砦之大者周九百步小者五百步堡之大者二百步小者百步用工二十三萬諤還自京極言非計禧怒奏諤跋扈移守延州大將高永亨亦言城小人寡又無水不可守禧以為沮眾欲斬之械送延獄遂城永樂凡十四日而成夏兵傾國來爭高永能曲珍請及其未陳擊之禧不聽俄鐵騎度水犯陣鄜延選鋒軍最號驍銳先敗而奔夏人乘之後陣大潰

弘簡錄

卷一百六十五

主

宋唐官十

上卒奔死幾半遂圍城據水砦掘井不及大半渴死夏人蟻附登城尚扶創拒關夜大雨城陷禧舜舉李稷高永能皆死事聞贈金紫光祿大夫吏部尚書子俯字師川以父死投通直郎累官司門郎中致仕建炎初奉祠內侍鄭誥使江西得其詩傳聞禁中胡直孺汪藻迭薦起為諫議大夫舍人程俱以喧朝論封還詞頭紹興二年仍賜進士出身兼侍讀三年遷翰林學士簽書樞密院事明年兼權參知政事朱勝非言襄陽上流所當先取帝與趙鼎謂知上流利害無如岳飛者俯獨持不可帝不聽會又欲許劉光世入奏鼎固爭俯乃求奉祠去九年知信州王次翁論其不理郡事復予祠踰年卒為人才俊與會幾呂本中游有詩集六卷

李稷字長卿邛州人龍圖閣直學士絢子以蔭歷官管庫權河

衡之政不修因循苟且寔以成習乃有司自取敗事未可歸罪於歲也加集賢殿修撰提舉市易司歲登課百四十萬辭免故事賜錢元豐間以薦擢天章閣待制知慶州州兵素驕充嚴約束斬妄言者五人於軍門卒有痛苦則巡撫慰勞死不能舉者出私財周其喪以故莫不畏威懷惠環州與夏境交錯多棄田弗理充移檄所部以時耕植每至收穫移兵護之慕家族山夷叛舉戶三百亡入夏充遣將張守約耀兵塞上夏人亟反之充知帝有用兵意屢倡議請西征言夏將李清本秦人說乘常以河南地來歸其母梁氏知之遂誅清奪乘常政而幽之梁復宜淫恣其凶虐國人怨嗟寔當與師問罪之秋願得乘傳而陳攻討之略其後永樂之禍始此詔令據屬入議未及行暴卒年四十九

弘簡錄 卷一百六十五 宋 蘇官十

羅拯字道濟祥符人登進士歷官知榮州城介兩江間每漲輒北拯為作東西二隄患遂息選知秀州除江西運判提點福建刑獄典泉水壩盛合請勿征海運竹木經一年民居皆復遷轉運使邵武之光澤不惟酷以課賦民號黃翅錢拯均之三邑人以爲便高麗自天聖後職貢絕至是其王欲命使與泉商黃謹俱來拯轉以聞神宗許之遂遣金梯入貢自此復通中國改江淮發運副使先是官吏避謹不受陳粟故無積倉漕舟繫岸下入米卽行至拯始於江淮建倉凡米有不可上供者積以廩軍貯浙西米于潤倉以時運至自是漕增而費省加天章閣待制轉正使居職七年徙知永興軍歷青頴秦三州卒年六十五拯性和柔有直不校與運副皮公弼不協御史劾公弼貸官錢拯力爲辦理諫官錢公輔嘗攻拯短其姻黨在部內拯往往薦

進之或譏其以德報怨拯曰彼以所見異故不協此以所職舉故盡言吾何尤哉時論服其長者

張問字昌言襄陽人起進士通判大名郡有瘠牧地歲久冒入於民易數主有司持詔書按舊籍括之至奪人田慮發丘墓間立爲罷之擢提點河北刑獄大河決議築小吳問言曹村小吳南北相直而曹村當水衝賴小吳隄薄水溢北出故南隄無患若築小吳則左必強併傷南岸並京畿將爲害獨可於孫陳兩埭間起隄以備之耳詔付水官議久不決小吳卒潰歷江東淮南轉運使加直集賢院戶部判官復徙河北轉運所部地震河再決議者欲調京東民三十萬自澶築隄抵乾寧問言隄未能有益災傷之餘反復勞民非計神宗從之入爲度支副使拜集賢殿修撰改河東坐誤軍須貶知光化軍未幾復使河北諸葛

弘簡錄 卷一百六十五 宋 蘇官十

公權之亂郡縣株蔓連逮至數千百問疏爲申理止誅首惡熙寧末知滄州時新法不除十年黜考課妨不阿時好歲饑言民苟免常平助役之苦反以得流亡爲幸王安禮薦任六曹侍郎帝以好異論不許歷知河陽潞州元祐初入爲秘書監遷給事中累官正議大夫卒年七十五平生處已廉潔嘗仕鄜延幕府與种世衡善父喪遺以汝州田十頃辭弗受還其子古亦不納田蕪者三十年後汝守請以給學朝廷命反諸种氏沈立字立之歷陽人起進士簽書益州判官還提舉商胡埭采撫大河事迹古今利病爲書曰河防通議治河者悉守爲法遷兩浙轉運使蘇湖民艱食縣介豪民發粟以振立亟命還之而勸使自稱貸須歲稔官爲責償嘗著茶法要覽言茶禁害民歲抵罪者甚衆而官僅得錢四萬乞行通商法三司使張方平上

其議罷推法如所請名為戶部判官奉使契丹欲令從其國服立折之而止遷京西北路轉運使會方輿六塔河名立與議請止修五股等河及漳河分殺水勢以省役從之加集賢修撰知滄州進右諫議大夫判都水監為江淮發運使居職辨治加賜金數詔嘉之歷知越杭二州審官西院轉江寧府徙宣州提舉崇禧觀卒年七十三性好積書至數千卷神宗問所藏上其目所書有山水記三百卷

王文郁字周卿鄆州新泰人初為供奉官至府州巡檢韓琦薦加閣門祗候麟府駐泊都監熙寧間數敗夏人於吐渾河其將查崖夜遣使以劍為信欲舉眾降許之眾情忽變大譟而出文郁擊之追奔二十里賊據險大戰矢下如雨文郁激將士曰爾曹皆百戰驍勇今前迫疆敵後背天險此韓信破趙時也士感

弘簡錄

卷一百六十五

大

宋臣官十

奮進擊大捷遂降之遷通事令人夏人踰屈野河掠塞上文郁追至長城坂盡奪其所掠而還神宗召見問以招納香崖之議對曰此乃致敵上策恨未能多爾並邊生羌善馳突識鄉導儻能撫柔之所謂以柔攻也帝於是決意招納多獲其用文郁善左射帝親閱試九發八中官其二子知鎮戎德順軍預定洮河功遷左驍副使知麟州夏眾踐稼文郁襲敗之部使者劫為生事奪郡印未幾為熙河將從李憲討靈武遷路鈐轄夏人圍蘭州已奪兩關門文郁募死士夜縋而下持短兵突戰賊敗掃營去擢東上閣門使知蘭州謀知夏將大入清野以俟夏人果趨皇蘭文郁乘城禦之殺傷如積圍九日而解收其尸築京觀以功累遷殿前都虞候知河州築安西城金城關進秦州防禦冀州觀察使卒年六十六

劉紹能字及之保安軍人世為諸族巡檢父懷忠官內殿崇寧閣門祗候元昊嘗懸王爵遣金幣招之懷忠斬其使後遇力戰死錄紹能右班殿直為軍北巡檢擊破夏右樞密党移賞糧數萬眾於順寧又為先鋒毀夏人圍大順城柵至奈王川遂邀擊於長城嶺熙寧中又敗夏人於破囉川皆策功最累遷洛苑使英州刺史鄜延兵馬都監特詔與漢官商仍以故職傳襲其子元豐西討名詣闕賜對言俟西成後因糧深入乃可得志神宗以為然手詔言其戰功最多忠勇第一紹能以世將為敵所忌每設疑間之帝獨明其不然紹能捧詔感泣守邊圍四十七年大小五十戰終皇城使簡州團練使

李浩字直夫家本綏州徙西河自幼通兵法以父定蔭入官從波德智高及韓絳城囉兀浩領兵戰賞繁嶺川殺大首領訛革

弘簡錄

卷一百六十五

大

宋臣官十

多移斬首千三百級積官供備副使廣西都監夏西北疆事著安邊策謁王安石又從章惇引兵入敘州討舒光貴破盈口柵下天府會于涪州懿州蠻酋田元猛元詰合結狎拒官軍浩分兵擊殺結狎降元猛元詰遂城懿州進討黔江蠻復城之惇上其功擢引進副使熙河李憲討山後羌浩將右軍至合龍嶺會戰遣降羌乞墜輕騎突敵帳俘其酋冷難朴李密撤遷東上閣門使為副總管知河州安撫洮西五路大舉浩將前軍復蘭州還引進使隴州團練使知蘭州兼熙河澤原安撫副使坐西關失守報上不實貶秩哲宗立連戰吃羅瓦井加忠州防禦使歷鄜延太原永興環慶路副都總管再知蘭州卒贈安化軍節度使向寶鎮戎軍人少善騎射年十四與敵戰斬首二級及壯以勇聞為御前忠佐有虎踞五原甲邪州東西百里人跡皆斷寶一

矢殫之道過潼關遇巨盜郭退山搃，中金帛子女而東，實
迎射走之，盡得其所掠，皆至太原，梁適授以四矢，發凡三中，適
薦其材勇，曰：今之飛將也。神宗亦稱可比，薛仁貴換禮賓使，涇
原秦鳳鈐轄累遷龍神衛四廂都指揮使，嘉州團練使，卒厚振
恤其家。

王恩字澤之，開封人，以善射入羽林，神宗閱衛士，挽強中的，且
偉其貌，稍供備庫副使，為河州巡檢，與夏人搏戰，蘭州城下，中
兩矢，拔去，復闕意氣，爾厲遷涇原將，嘗整軍出萬惠嶺，士饑欲
食，恩倍道兼行，衆始洵洵已，而遇敵數萬，恩引兵先入壁，井甕
皆具，諸將始服，羌和壁，願見恩，單騎徑出，遙與語，一夕引去，哲
宗名見語，左右曰：先帝時宿衛人皆傑異如此，留為龍神衛都
指揮使，遷馬軍都虞候，伴契丹使，聞其名，相視嘆息，出為涇原
副都總管，并護秦渭延熙四路兵，城西安築臨羌天都十餘壘，
毛圍平夏諸枝，欲出戰，恩諭以賊傾國遠寇，難與爭鋒，宜以謀
制其敵，乃堅壁清野，使萬人設伏，羌無所掠，而退，師果大獲徽
宗立以衛州防禦使，徙熙河，改知渭州，括隱地二萬三千頃，分
弓箭士耕屯為三十一部，以省餽餉，邊臣獻市戰議，恩言：古今
相去益遠，人非所習，恐緩急難用，先自取敗，遷馬步軍殿前都
指揮使，武信軍節度使，賜居宅，又賜城西地為園，固有疾，以檢
校司徒致仕，卒年六十，贈開府儀同三司。

趙隆字子漸，秦州成紀人，以勇敢應募，從王韶取熙河，大將姚
麟出戰，被重創，語曰：吾渴欲死，得水尚可活，時已暮，有泉近賊，
營隆獨身潛往，漬衣水中，賊覺追之，且鬪，且行，得歸，衣取水
以飲，麟乃甦，又從李憲破西市，師討見章，外河諸羌將應以兵

隆先至，斧其橋，鬼章失援，遂受擒，擢為涇原將，戰平夏，川功最
多，崇寧中，轉熙河鈐轄，將前軍出逸川，復鄯廓，夏人寇涇原，詔
分兵深入，無令專向東方，師至鐵山，隆先登，士皆殊死，戰寇解
去，與童貫論燕雲事，極言不可，貫知不可，奪以知西寧州，充隴
右都護，羌蒙信服十二種，戶三萬六千，願內附，大將劉法西討
以奇兵襲光潰之，城震武，遷涇州防禦使，龍神衛，捧日天武都
指揮使，仍為本道馬步副都總管，卒，贈鎮潼軍節度使。

賈崑字明瞻，開封人，少善騎射，起家從戎，神宗選材武以為內
殿承制，慶州荔原堡都監，林廣討瀘夷，辟前鋒，又為河東將，敗
西夏兵於明堂川，累功轉莊宅副使，遷路都監，紹聖中，夏兵數
萬圍麟州，神堂甚急，崑以數百騎往援，令其下曰：國家無事
時，不惜厚祿養汝輩，正以待一旦之用耳，今力雖不敵，吾誓以
死報，衆感厲，即循屈野河行，且五里，據北瀾坡，樹上一矢，殫其
酋，衆駭潰，哲宗嘉歎，賜袍帶，遷知皇城使，威州刺史，為路鈐轄
崑在兵間二十年，有智略，能拊御士卒，所鄉輒勝，累擢，濠州團
練使，卒年五十二，贈雄州防禦使。

張整字成伯，亳州鄆陽人，初隸皇城司，御龍籍，補供奉官，為利
文州都巡檢使，邊夷歲鈔內地，吏懼罪，反遺之物，留久乃去，整
惡其貪暴，無已，密募死士，待其來，掩擊，幾盡，神宗壯之，調荆湖
將領，拓溪蠻地，築九城，董兵鎮守，又破蠻于大田，歲中三遷，猶
餘萬衆，乘舟屯托口，迎黔江城，中守兵纔五百人，情大恐，整伏
其半於托口旁，戒曰：俟吾且度金斗崖，舉幟則謀而前，及旦，率
其半縛縲，衝掩旗鼓，泝流急趨，賊望見大笑，幟舉，伏發，前後合
擊，人殊死，鬪蠻騰踐投江中，殺獲不可計，升廣西鈐轄，坐殺降

後責監江州酒稅復為涇原真定京東環慶鈐鑄監軍殿整
哲宗嘗訪于輔臣名之入對擢龍神衛四廂都指揮使管幹馬
軍司領威州刺史卒

弘簡錄卷一百六十五
終

宋高宗十

弘簡錄卷一百六十六

明刑部員外郎仁和弘濬邵經邦學
皇清翰林院侍講學士四世孫遠平校閱

庶官 宋六之十一

家愿 曾孫大百 高賦 韓晉卿 王吉甫 葉康直

孫路 楊柳附 彬衍 毛漸 張近 何常

余良肱 子才 周常 李朴 張常 孫構

鍾傳 黃質 張頴 陶昉 路昌衡

姚祐 許幾 蕭占 陶節夫 李伯宗

王祖道 張莊 趙道 張蘊 何灌 子蘄

災革

家愿字處厚眉山人父勤國及其弟安國定國皆從劉宜遊與

弘簡錄 卷一百六十六 宋高宗十

二蘇為同門友嘗憤王安石廢春秋著春秋新義又作築室作

室二論言熙豐之紛更元祐之矯過讀者疑之愿弱冠遊京師

由廣文館登第對策惟以守九年所已行者為言蘇轍見而驚

喜曰故人子能不為少年進取計他日必當以直道顯調晉州

樂至今元符三年日食應詔極論時政其大要有十謹始以正

本敬德以格天謹好惡以防小人審信任以便君子開言路以

求直諫詳聽言以觀事實破黨議以存至公登預德以服天下

從寬厚以盡人才崇名節以厚士風疏上入邪下等請監華州

西嶽廟禁剝不測者十年黨禁解始改秩知雙流縣通判文州

郡守鄭行純邀內侍劾自恣罷蕃夸互市啓邊界愿爭之不從

徑下令復其舊守怒文章互奏俱報罷以舊嘗入黨籍請監英

州酒稅量移黃州數年始予祠帥臣王庶薦通判果州高宗南

馮振知開州移彭州有論邊防書名曰罪言以乞骸歸卒淳祐
開會孫大酉侍講經筵理宗宣取所上疏讀之改容嘉嘆親書
西社同門友元符上書人十大字以賜 又同郡丹徒人楊恂
字信仲元豐五年進士知廣都縣亦同時上書入邪下第五等
其書以火不存

高賦字正臣中山人以父任為右班殿直復登進士改奉禮郎
遷太常博士歷知真定縣通判劔邪石三州成德軍知衛州衛
俗尚巫鬼蓄蠱毒值閏歲害人尤多與人忿爭輒毒之賦悉為
掄治患遂絕徙唐州州經兵亂後田積年不耕前守趙尚寬雖
聚而榛莽尚多賦繼其後益募兩河流民計口給田使耕作築
陂堰四十四處比去田增闢三萬一千三百餘頃戶增萬一千
三百八十歲益稅二萬二千餘璽書褒諭宣布治狀以勸天下
弘簡錄 卷一百六十六 宋唐官十一

兩州為立生祠擢提點河東刑獄加直龍圖閣知滄州程昉欲
開西河繞州城而北賦曰滄城近河歲增堤防猶懼奔溢矧妄
有開鑿乎昉不從後竟不成復歷蔡潞二州入列太常寺進集
賢院學士在朝多所建明嘗言二府大臣多僭舍委巷或散處
京城公私非便宜倣前代丞相府于端門前列置大第俾居之
仁宗朝為充國公主治第用錢數十萬緡今有五公主若悉如
前此其費無藝願講求中制裁為定式又請諸道提點刑獄司
置檢法官職專平獄使民不冤又乞於禁中建閣繪功臣像如
漢雲臺唐凌煙之制言多施行尋以通議大夫致仕退居襄陽
卒年八十四

韓晉卿字伯修密州人幼時口誦千言既長五經中第歷遷知
同壽明三州奏課第一擢刑部郎中兼兩浙轉運使差役法行

諸道處畫多倉卒失措獨晉卿視民所宜而不戾法入為大理
少卿遷正卿大理自仁宗朝已典刑獄安石當國執以已意事
久不決爭論盈庭晉卿終特之不變川是知名神宗亟稱其才
每獄獄事連權要或屢鞠勿成者必以委之元豐置獄多內廷
所付晉卿獨能特平考核無所上下嘗被詔按治寧州獄故事
奉使有旨當入對嘆曰三尺法其在心應何候主意輕重其心
乎受命即行執政惡諸州多獄大辟將加劾治晉卿語執政曰
祖宗之制可疑可矜者許上請仁恩之至也苟獄而獲譴誰復
上請議者又欲引唐三覆奏例令天下庶獄悉奏決晉卿曰四
海萬里必須繫以聽命恐自今痍死多於伏辜者矣朝廷皆行
其說士大夫間推其忠厚不以法家名之後卒于官

王吉甫字邦憲同州人舉明經練習法律試斷刑入等為大理
弘簡錄 卷一百六十六 宋唐官十一

評事累遷刑部員外郎舒直坐官燭事執政欲律以自盜吉甫
侍不可南郊起帳城督役殿急董者口此殆類白露屋耳役卒
以聞吏當以死神宗怒甚吉甫求對從容言非詛呪不應死帝
為霽威得釋走馬使言蘇軾南遷所過郡守延館迎禮吉甫議
當答章停不悅太倉火議誅守者吉甫又力爭之皆如所請其
持論寬平類此請外知齊州徙梓州梓為東川壯藩戶口最盛
轉運使欲增折配以取羨餘吉甫曰民力竭矣一增不可復減
吾寧貽使者怒忍為國歛怨為民基禍哉竟拒之生平老於為
吏廉介不回累提點梓州路京畿刑獄開封少尹知同邪漢三
州以中大夫卒年七十

葉康直字景溫建州人擢進士知光化縣教民陶瓦以息火患
政務利民為本與穀城令豐稷皆以治績顯人歌之曰葉光化

設城清如水。平如衡。會布行新法。以爲司農屬。歷遷陝西轉運副使。五路兵西征。命領涇原糧道。承受梁同安奏餉惡神宗怒。械康直將誅之。王安禮力救得免。元祐初。加直龍圖閣知秦州。夏人侵甘谷。砦諸將設伏以待。賊其二酋進。寶文閣待制陝西都轉運使以疾請。知亳州。瘠積民獲田數十萬畝。召爲兵部侍郎。卒年六十四。

孫路字正甫。開封人。登進士。元豐中。爲司農丞。鄧潤甫薦爲御史。名對其言不合新政。神宗語輔臣以爲不可用。下遷主簿。通判河州。徙蘭州。居四年。夏人入寇。論扞禦功。進五階。除陝西運判。元祐初。爲吏禮二部員外郎。兼徐王府侍講。朝廷將棄河湟。司馬光亟召問路。扶輿地圖示光曰。自通遠至熙州。繞過一徑。熙北已接夏境。今自北關辟土百八十里。溯大河城蘭州。然後弘簡錄 卷一百六十六 四 宋 蘇 官 十一

可以扞蔽。若捐以予敵。一道危矣。光幡然曰。賴以訪君。不然幾誤國事。議遂止。遷右司郎中。以直龍圖閣知慶州。章惇柄國。復議以棄地時。諸道相視未進路。以修築舊壘爲名。載器甲樓櫓。頓大順城下。夜半起安。繼遲明。據之六日。而城完。加寶文閣待制。遂築興平。橫山。進龍圖閣。直學士。徙知熙州。涇原城。西安詔出師。率制其勢。路卽將衆臨會州。建取青唐之策。大將王瞻先至下之。王愨與爭功。路右愨。顧屬以兵。召拜兵部尚書。以龍圖閣學士知成都。王瞻復與愨爭。訴于朝。削路職。知興國軍。徵宗立。累知太原。河南。永興。軍河中府卒。

將爲慶卒矣。乃亟散之。考爲一路課最元。豐中。參种諤軍事。諤第賞不先死。事行謂非所以勸忠力爭之兵。甫入塞。未及解甲。復詔往靈武。授渭慶兩軍行力止其行。同幕畏罪。陽謝曰。師不非果君之力也。行識其意。曰。全萬衆之命。以一身寒賁。衍又何憾。元祐初。議棄熙蘭。行言。關乘則關中震。唐自失河湟。西邊一有不順。則警及京師。今二百餘年。非先帝英武孰能克復。若一旦委之。恐後患如前。悔將無及。議遂止。改陝西轉運判官。金戶二部員外郎。熙河分畫未決。詔行往視。還言。質孤勝如。據兩川美田。實彼我必爭之地。自西關失利。遂廢不守。請界二壘之間。城李諾平。以控要害。及他堡。皆起亭障。以通涇。熙明年。城成。賜名曰定遠。三遷左司郎中。紹聖初。以直秘閣爲陝西轉運使。加直龍圖閣知慶州。徙延安。轉秦州。未行。卒年六十三。後追錄不弘簡錄 卷一百六十六 五 宋 蘇 官 十一

秦蘭州議官其子一
毛漸字正仲。江山人。第進士。知寧鄉縣。熙寧經理五溪。漸條利害。上察訪使。誘以區畫。遂建新化。安化二縣。除著作郎。卽知安化。名爲司農丞。提舉京西南路常平。元祐初。知高郵。遷廣東轉運判官。渠陽蠻擾邊。近臣言。漸習知蠻事。徙荆湖北路。運判會朝廷議棄地。漸言。蠻徭畔服不常。非稍威以兵。未易懷德。今一犯仰藥。非策也。不報。幾果復入。鈔畧覆官軍。荆土大擾。後歷提點江西刑獄。江東兩浙轉運副使。浙部水溢。漸案錢氏故事。起長安。限至鹽官。徹清水浦。入于海。開無錫芙蓉河。武進廟堂港。常熟疏溼梅里。入大江。又開毗山七耳。葑溼下張諸浦。東北道吳江。開大盈。樞匯和湖。下金山小官浦。以入海。自是水不爲患。加集賢殿校理。入爲戶部右司郎中。以秘閣校理爲陝西轉運

使攝渭秦熙三州未幾復攝帥涇原日夜治兵乘夏人犯邊遣將持其虛遂破沒烟砦進直龍圖閣知渭州命下卒年五十九贈龍圖閣待制

張近字幾仲開封人第進士累遷大理正受詔鞠發運使呂溫卿不法溫卿恃惠卿勢不肯置對人多畏之哲宗諭曰此出朕命卿毋畏對曰法之所在雖陛下不能使臣輕重何惠卿也頃溫卿罪狀明白儻聽其蔓詞懼株連者眾遂以眾證定其罪權提舉河北東路常平西路刑獄入為刑部員外郎大理少卿以集賢殿修撰知瀛州遣使為夏人請命而宿兵以臨我近請亦出秦甲戌北道以伐其謀邊人呂懺兒入瓦橋為盜吏執之遼人因略宋民為質近言朝廷方繼好息民當使曲嘗在彼一偷之得失何足輕重故臣謂釋之便又遼卒私網取魚守兵與

私備錄

卷一百六十六

六

宋史官十一

闕斬首三十二州將請賞之朝議生事擅與宜論如律議弗決近言邊人貪利喜功賞之則為國起怨罪之他日將誰使禦敵請兩置不問詔從之移鎮高陽累加顯謨閣待制至直學士徙知太原以疾奉洞霄宮祠御史劾其買馬不直失學士卒年六十五

何常字德固京兆人登進士為開封兵曹參軍紹聖初通判原州歷遷熙河運副嘗言轉輸病民然粟猶自官出民得無害近議欲貸民金帛使自入粟塞下誠非貧弱之利熙帥劾之貶秩徙成都路御札令中使織戲龍羅二千繡旗五百常奏軍器之飾敢不奉詔戲龍羅惟供御服日衣一匹歲不過三百有奇今徒多無益詔獎其言為減四之三除直龍圖閣加集賢殿修撰陝西轉運使尋以顯謨閣待制知秦州謀告夏人多築壁柵朝

議出兵牽制常言羌人生長射獵今困於版築建其所長用其所短可以拱手待斃無益有為從之鎮秦六歲轉通議大夫坐察訪方邵劾其越法責詔化平節度副使終右文殿修撰卒年七十三

余良肱字康臣洪州分寧人第進士調荆南司理參軍民有自誣服殺人者良肱驗刃與傷異疑曰安有刃盈尺而傷不及寸乎白府請自逮捕果獲真犯又民失物逾十萬遣平民數十人方榜掠號呼於庭忽有人附耳語良肱知其盜也亟捕詰之賊盡得遷大理寺丞出知湘陰蠲里胥代輸通米數千石通判杭州壘石隄二十里以障大江湖不為害時王陶為屬官常以氣犯府帥帥挾憾欲按之良肱不可後陶官于朝果以直聞收知虔州虔當孔道士大夫死嶺外者喪車過虔弱子寡婦良肱

私備錄

卷一百六十六

七

宋史官十一

皆悉力振護之以母老乞南康軍母憂服除為三司判官方闕陝用兵朝議貸在京民錢又內府出腐幣售三司良肱皆力爭之議遂格命提舉汴河司執政議伐汴隄木屢爭不能得遂改太常少卿出知潤州遷光祿卿知宣州治為江東最請老提舉洪州玉隆觀卒年八十一 七子下奕最知名俱以蔭試校書郎下字洪範博學多大略累為唐州判官湖北安撫司勾當機宜文字尋知沅州加奉議郎先是良肱常為鼎州推官五溪蠻叛良肱運糧境上周知其利害上書朝廷言不如棄與其地就而撫之當時是良股議未果行及是復叛殺沿邊巡檢斷渠陽道拒官軍不得進下適使湖北帥即令下節制諸將為設方略陰選死士三千夜銜枚繞出賊背依山開道竟入渠陽黎明整眾出發大駭盡銳來戰奮擊大破之鼓行度險七遇七勝斬首

數千級。發遂降。廢渠陽軍爲。盡收居人護出之。紹聖初。論廢渠陽罪。免歸。徽宗復起。管勾玉隆觀。未幾復渠陽爲靖州。又論免終於家。奕字荀龍。尚氣自信不少。貶以苟合于世。爲廣州防禦推官。應元豐。詔上便宜十五事。言過剴切。元祐末。復請太皇太后還政。章惇不附。已。其言爲謗。除名。竄封州。久之。起知明州。未行。復以言罷。監東嶽廟。後俱入黨籍。

周常字仲修。建州人。登進士。以所著檄弓義見安石。惠卿稱之。補國子直講。教授揚州。致仕。久之。中丞黃履薦其恬退。起爲太常博士。元符初。兼崇政殿說書。遷著作。佐耶疏言。祖宗諸陵器物。務在質素。昭示訓戒。自永裕陵至宣仁后。乃施金珠。願收貯景靈殿。以遵遺訓。詔置之奉宸庫。擢起居舍人。常於講席論教。鄒浩貶監郴州酒。徽宗召爲國子祭酒。進起居郎。言自古求治。

弘簡錄 卷一百六十六

之主未嘗不以尚志爲先。若使溺于富貴。逸樂蔽于詭譎。順適則志隨以喪。不可不戒。元祐法度。互有得失。人才各有所長。不可偏棄。時以天暑。著令。記注官卯漏。正勿奏事。嘗言本朝記注類多兼諫員。故凡言動。得以所聞見論可否。神宗時。雖不兼諫職。亦許以史事於崇政。廷和殿直前陳述。陛下於奏職。可畏之候。暫停進對。亦人情之常。若若爲令。則必記于日錄。傳之史筆。後人將以爲倦於聽納。事遂寤。進中書舍人。禮部侍郎。蔡京不能容。以寶文閣待制出知湖州。尋奪職居婺州。復集賢殿修撰。卒年六十七。

李朴字先之。處州興國人。登紹聖進士。調臨江司法參軍。自爲小官。天下高其名。蔡京將廢致之。俾所厚道。意許以禁從。朴力拒。不見京怒。形于色。然尚優容之。移西京。國子教授。程頤器許。

之以嘗言。孟后不當廢。追官停勤。會赦。注汀州司戶。與承旨范純禮。司諫陳瓘。善。徽宗卽位。凡四十六日。不聞玉音。朴因舉某事。豈便於國。某事豈便於民。實純禮知而不言。是無父風也。純禮泣下。唯薦之。有旨。召對。首言熙豐政體。屢變始出。一。大臣所學不同。後乃更執四方。互相排擊。失今不治。必至不可勝救。又言。今士大夫之學。不求諸己。而惟王氏之聽。敗壞心術。莫大于此。京始大怒。出爲處州教授。中書侍郎馮熙載欲邂逅見之。笑曰。不能見。蔡京焉能見。熙載耶。言者希意。論朴元祐學術。不當領師儒。罷爲四會令。奸民言邑東地產金寶。朴立請罷之。居官所至。有聲。改知清江。廣東路安撫司。檄主管幾宜文字。止其帥孫瑛。以文具勤。王不若發常賦。助邊。破漕使鄭良引其肌。取安南之計。以息邊患。人稱其智。欽宗在東宮。聞其名。及卽位。除

弘簡錄 卷一百六十六

著作。耶半歲。凡五遷。至國子祭酒。以疾辭。高宗除秘書監。趣召未至。而卒。年六十五。贈寶文閣待制。官其子孫二人。嘗自誌其墓曰。生平以天爲心。以道爲體。以時爲用。其可已矣。有章貢集二十卷。行于世。

張翥字柔直。福州人。舉進士。爲小官。不與世詭。隨時蔡京。初國求善訓。子弟者。京族子。應之以。翥薦三辭。不獲。始卽館殿。教養。按意。度疑然。迥異他師。諸生已不能堪。一日。忽語曰。汝曹皆學。走乎。諸生駭問。故翥曰。天下被爾翁破壞至此。且夕。賊來。惟有善走。庶可逃。死爾。諸生以告京。京矍然。因見翥深語。對慷慨言曰。宗廟社稷。危在旦夕。京乃歛容問計。翥曰。宜亟引善德老。成置諸左右。以開導上心。羅天下忠義之士。分布內外。是爲第一義。耳。京用扣其所知。翥以傷時。薦於是。名特。翥後守南劔州。遷

福建路轉運判官會范汝為陷建州遣葉徹擁眾來寇時統制官任士安駐軍城西不肯盡力殆乃獨率州兵分為數隊將戰第一隊既他遣之入陣更食第二隊度所遣兵力將困即遣第三隊往代第四隊至第五六隊亦如之更迭交戰士卒常飽而力不乏徹中流矢死賊眾敗走殆知士安取無功即而徹首與之士安大率州兵皆憤殆日賊必再至非與大軍合力不能破也未幾徹二子果引眾縋素來攻聲言復父誓士安與州兵夾攻大敗之賊賴以全宥欲造大舟募僚不能計其直殆教以造一小舟量其尺寸而十倍算之又欲築紹興圍廟垣召匠計之云費八萬緡殆教之自築一丈長短約算之可直二萬即以二萬與匠者董役內官無所得奏紹興空乏難濟太后乃自出錢費充之以直能圍閣知處州蕩平餘寇進秘閣修撰卒後廟食

弘簡錄 卷一百六十六

宋真宗十一

邵武 孫構字紹先博平人登進士為廣濟軍判官歲入圭田粟餘以畀學官黎州存年累數授邊用間殺之蜀帥呂公弼上其事推知真州歲內得盜令名指黨伍悉與諸法境內為清遷度支判官夔州部存梁承秀李光吉王亮導生獠入寇運判張詵請誅之神宗選構為使倍道之官至則遣涪州豪杜安募千人往襲自督官軍及黔中兵擊其後斬承秀火其居餘家保壘崖前黔兵從間道夜謀而進光吉墜崖死亮自縛以降除其地建南平軍錄功加直昭文館徒湖北轉運使賜帛三百諭降懿治二州納歸附州十四彭師晏尚持向背構知與向水會彭儒武有隙檄使攻討降之得其下溪州地五溪皆不進集賢殿修撰賜三品服交趾人寇拜右諫議大夫知桂州聲言將擣其巢穴寇聞

引去尋以疾提舉崇福宮換大中大夫卒年六十四構喜功名勇于建立導章傳西南邊事稱自此始

鍾傳字弱翁樂平人本起書生李憲薦為蘭州推官紹聖中章惇典邊事傳入對言兵貴智不貴力夏眾彪勇難以卒滅但當擇城險要以正不朝削地之法坐待其弊帝然之命幹當熙河涇原秦鳳三路公事夏人陷金明傳與渭帥毛漸合兵攻沒烟砦破之又與熙州王文郁築汝遮城賜名安西論功加秘閣校理章察命統將首履率眾會靈平夏人悉力來拒傳出其不意引步騎二萬造河梁以濟遂作金城關又賦白草原捷由幹當僅再歲連進集賢殿修撰知熙州控帥熙秦騎四萬出塞無功而還惇方主其議不加罪又請合三路兵從青南訥心或願耳關築天都城以包淺井亂離和市工既集復言水源不壯不可

弘簡錄 卷一百六十六

宋真宗十一

興役朝論以所奏乖異將罷之會布為言但職職俄而白草原詐增首功事覺責監永州稅再貶連州別駕崇寧中復起知河中府歷鄆瀛渭三州為顯謨閣待制建言河南要地靈武為根本其四十五州六為王土其東由清遠距羅山走靈州不及百里夏以五監軍統焉若選將簡師先擊之以趨韋州可斷其右臂徐當拊納離畔漸規進取訖城蕭關可斷其左臂乃條上十四事未報詔諸道進討傳遣將拆可適領銳騎出蕭關至靈州有功進龍圖閣直學士會高永年沒可適因失道為敵所乘乃班師詔貴以稽違逗撓黜知汝州奪學士大抵傳行事多欺妄故屢起屢償尋復故職卒贈端明殿學士

黃貴字師是陳州人章惇之甥登進士歷司農主簿提舉京西淮東常平元豐末議罷提舉官惇屬蔡確徙提點開封縣鎮歷

遷京東河北轉運副使惇罷林希言其在陳與蘇轍友善兩女皆嫁執子所為不正不宜用哲宗以知陝州久之陞江淮發運副使賀遊主登位還除太僕卿擢寶文閣待制知瀛興定州朝旨籍民兵旁郡因緣擾困實憤激不下為係盡利害上請事遂得免俄卒于官贈龍圖閣直學士為人孝友敦睦以內行稱因惇故獲免黨禍

張頤字仲舉其先金陵人徙鼎州桃源第進士調江陵推官歲饑朝廷遣使安撫頤條獻十事活數萬人改知益陽境接梅山溪州多蠻嶽出沒按禁地約束名徭人耕墾上其事不報累遷廣東轉運使熙寧中章惇取南江地建沅懿等州克梅山頤方居憂移書朝貴言南江殺戮過甚無辜者十死八九惇疾其說欲分功啖之乃言頤昔令益陽首建梅山之議今日成功權與

弘簡錄 卷一百六十六 宋 蘇轍 十一

於此詔賜絹三百匹尋擢江淮制置發運副使改知荆南復徙廣西轉運使時建廣源為順州頤言其無益朝廷從其議坐梓罵參軍沈竦罷歸起直集賢院知齊與滄州進直龍圖閣知桂州獻議者言海南黎人陳被實五洞首領益盛強為中國患宜有以撫納之命頤審處其事頤馳一使往呼之即出補以牙校喜而去詔問何賞之薄對曰荒微蠻蠻無他覲得是足矣久之運使馬默劾其經理失宜罷知均州哲宗立還故職知鳳翔廣州名為戶部侍郎所歷以嚴致理而深文狡獪蘇轍論其九罪執政以頤雖無德而才可用不報踰年以寶文閣待制移河北轉運使徙知瀛州湖北溪徒反朝廷倚頤素望復徙知荆南至都門暴卒

陶弼字商翁永州人少儷放宕常行山間見雙鯉戲溪水上

傍一老父指曰此龍也行且歸君宜亟去行百步許大雷震電崖岸傾圮草木盡拔倉卒得濟人皆異之丁謂妻以宗女因從學兵法能持論縱橫慶曆中楊政討湖南從弼上謂政授之以兵使往築大破之有功授陽朔主簿政討僭寇安撫海南辟參軍謀府罷調陽朔令攝典安移書說桂州守蕭固浚靈渠以通漕後李師中浚之因征安南以出餽餉大為民利歷知賓容欽三州換崇儀使徙邕州初至經亂後井里蕩然人不聊生弼為發糶惠遺忘其勞請同賦土均求內附弼意無不從者邑地故卑下大水至弼身先版重台僚吏賦役為土糞千餘置道衝城得不壞人乏食為發廩以振于內方舟以值于外遠近感悅移知鼎州章惇經理五溪薦轉辰州遷皇城使降北江彭師宴領忠州刺史郭遠南征加康州團練使復知邕州民再

弘簡錄 卷一百六十六 宋 蘇轍 十一

罹禍亂散匿山谷弼率百騎深入左江喇民知其至扶老攜幼以歸遠帥官軍臨富良江交人納款欲班師恐為所襲以計夜起賊規知弼嚴弗敢追乃申令帳下避明結隊徐行以所得廣源峒為順州留弼知州事進西上閣門使建統柳為縣州去邕二千里多毒草瘴癘皮卒十死七八身亦染疫猶且莫拊循軍士時其勞苦士莫不感泣思奮殺間謀不設論以逆順縱之去故賊動息皆先知交人終弼任不敢犯轉東上閣門使卒生平能為詩好士樂施所得俸祿悉以與人家至貧不恤既死妻猶儉室以居

路昌衡字持正祥符人起進士至太常博士參鞠陳世儒獄逮治苛峻遷右司員外郎歷遷工部侍郎以寶文閣待制知開封坐治狂婦訴李清臣致之重辟責授司農少卿出知瀛州徙永

涇原急遣裨將耿瑄彥疾馳至銀州五日城成夏人果從涇原
至則城備已固遂遣去進樞密直學士夏欽欽塞節夫拒弗納
放牧者執殺之自是積怒大入涇原圍平夏城寇鎮戎軍殺掠
數萬口檄責中朝任蔡京兄弟壞亂天下京怒必欲報之會王
厚已降官印命節夫領經制環慶涇原河東邊事建議今既得
石堡又城銀州西夏洪宥皆在吾顧盼中橫山之地十有七八
興州巢穴淺露可以計取遂取與靈之策加龍圖閣學士會
澤制司罷且乘所據地節夫於是復求內郡歷知洪青秦三州
江寧太原二府坐上疏乞留本道兵勿移成降待制知承典軍
數月卒追復龍圖閣直學士羣盜李勉起遼州北平開河東河
北騷動兩路帥與憲臣皆罪去至出塞耶督捕節夫以計擒之
人以是多其功

弘簡錄

卷一百六十六

六

宋史卷一百六十六

李伯宗字會之河陽人登進士知內丘咸陽太康三縣建言朝
廷行方田均稅之法今以豐歲推行今州縣吏苟簡懷異者指
熟為災而貪進幸賞者掩災為熟望深察其違戾而實諸尉又
括縣壯丁為兵得千人上其名數與按閱之法知密院蔡京喜
而薦之命提舉京畿保甲使行其說增籍二萬已而訴者陳牒
至八百七十左遷相州通判提舉白波鞏運提點江淮坑冶鑄
錢入為將作少監至大理卿入對言今情重法輕者許奏請而
情輕法重者不許奏恐非仁聖忠恕之意徽宗納之開封民有
鬻神祠故帽飾以龍者吏當以重法伯宗抵坐不應遷刑部侍
郎與王黼不相能罷提舉崇福宮起知同州徙陝西都轉運使
進通奉大夫顯謨閣待制卒贈光祿大夫諡曰榮

王祖道字若愚福州人第進士調韓城尉知松陽白馬二縣為

司農丞監察御史承旨張誠一補吏挾私延州呂惠卿遣禁卒
魏徐禧公使物祖道皆疏論之改司封員外郎歷知汀泉福三
州入為戶吏二部員外郎左司諫言陝西兵未可減徽宗責其
論事依阿苟容出知海州拜秘書少監再知福州加直龍圖閣
知桂州乘蔡京開邊欲邀富貴乃厚以金帛官爵誘蔡洞王江
榘楊晟免等二十五峒使納土粵大其辭言向慕者百三十峒
五千九百家十餘萬口其旁通江河之眾尚未論也王江在諸
江台流之地山川形勢據諸峒要會幅員二千里宜開建城邑
控制百蠻以武臣調兵鎮守置溪峒司主之詔以王江為懷遠
軍頒諸司使至殿侍軍將告命使第補其首領置二砦為立學
又言黎人為患六十年道路不通今願為王民得地千五百里
遂以安口隘為九州中古州地為格州增提舉溪峒官三員又
弘簡錄 卷一百六十六 七 宋史卷一百六十六

言羈縻知地州羅文誠文州羅更晏蘭州韋晏開那州羅更從
皆內附請于黎母山心立鎮州為下都督府賜軍額曰靜海知
州領海南安撫都監徙萬安軍于水口南丹州莫公佞獨拒命
發兵討擒之遂築懷遠軍為平州格州為從州南丹為觀州并
允地文蘭那五州置黔南路擺祖道顯謨閣待制龍圖閣直學
士名為兵部尚書未行謀使張莊疏言海南一千二十峒皆已
團結所未得者百七十峒今黎人欽化未得者幾十之一耳乃
復留任徭黎渠帥不勝忿蜂起侵剽圍新萬安軍及觀州殺官
吏初徙城時祖道言黎人願伐木助役及是詔詰之不能對又
輦輸內地錢布鹽粟無復界限朝廷受其弊地復瘠瘠成者十
七五六所創州縣旋踵亦罷置無尺地一民益于縣官惟蔡京
自以為功至謂混中原風氣之殊當天下輿圖之半祖道得趨

除端明殿學士知復州大觀二年復名爲刑部尚書卒贈宜奉大夫張商英爲相治其疑妄追貶昭信軍節度副使京再相復還之是後龐恭孫張莊趙過程鄭皆踵其規模拓地受賞禍端咸起于此

張莊應天府人元豐三年登第歷提舉講議二司檢討官出提舉荆湖夔州等路香監事收提舉荆湖北路常平提舉刑獄進龍圖閣學士廣南西路轉運副使請立朱崖詣州縣徙萬安軍詔莊按覆相度授集賢殿修撰知融州代祖道知桂州奏安化上三州一鎮地土及恩廣監洞蒙光明落安知洞程大法都丹四黃光明等納土共五萬一千一百餘戶二十六萬二千餘口幅員九千餘里尋又奏寬樂安沙譜四州七源等一十六州三十三縣五十餘峒皆納土幅員萬里蔡京帥百官表賀莊進兼弘簡錄 卷一百六十六 大 宋 嘉 祐 十 一

黔南路經略安撫使知靖州州界接平允從三州有忠恭皇后族子王子武欲過之因請復城元祐所棄渠陽軍上言湖北至廣西由湖南則若弓背自渠陽而往猶弓絃耳因以利唱諸蠻使納土立里熾慈息之且欲蠻多屬廣西以爲己功因誘復水蠻石盛唐毀其烽表橋梁渠陽蠻酋楊惟聰請討之子武以問朝議謂其生事罷于武未幾安化蠻納土莊遣蠻將黃忱往築州城忱知蠻情偽方言不可莊怒遣忱護築談州別遣胡超儂昌等築安化城果爲蠻所掩沒者數千人宇文粹中論諸人擅興師旅起發邀功妄言諸蠻效順納款柄臣招攬冒奏自謂殺撫四夸之功自昔欺君無大于此乃責授舒州團練副使永州安置再貶連州移和州起知荆南徙江寧復徵儼開直學士歷知涇州襄州鎮江東平府宣和六年坐緝治東平城旋復推圮

降兩官提舉嵩山嵩福宮卒贈宜奉大夫

趙道罔封人大觀初以發運司勾當公事爲梓州路轉運判官命相度瀘戎諸部納土以建立純州勞加直秘閣歷遷使知晏州高公老妻乃宗女常出金玉酒器飲瀘戎十漏等心慙落之會瀘帥賈宗諒以欽竹木擾戎部且誣致其長斗箇旁等罪戎人咸恐滿廷與相結乘上元張燈襲破砦柵陷梅嶺堡掠公老妻及其器物四出剽掠適行部昌州間之倍道趣瀘州賊分攻樂共城長寧軍武寧縣與宗諒遣將拒卻之已而樂共城監押潘虎誘殺羅始黨族首領五十人因而憤怒合漏等復攻樂共城詔斬虎罷宗諒代以康延魯聽通節制適除有專討意兵端于是益大詔發陝西義軍保甲等三萬人拜趙瀘南招討使與別將馬覺張思正分道出會于晏州思崇州近而固過先遣弘簡錄 卷一百六十六 九 宋 嘉 祐 十 一

王百破之村圍諸落相繼而克因以積穀食士漏據大團山山岫起數百仞林箐深密壘城樹柵穿院掘阱地軍不能進間按視其旁山崖壁特峭漏恃險無備適乃令巡檢神友直田佑恭軍山下而適身當賊衝友直所部多思黔土丁素習山險遣于深岩捕取生猿得數十頭束麻作炬灌以膏蠟縛猿背乘夜登崖顛出火然炬猿狂跳賊慮上茅竹盡焚官軍鼓譟破柵適麾兵躡雲梯攻其前兩軍相應賊擾亂不能抗拒赴火墮崖死者不可計俘斬數千人十漏突圍走至輪多圍迫獲之晏州平降諸夸落拓地二千里爲建城砦置戍募人耕戰號曰勝兵詔置沿邊安撫司除運副孫義叟爲安撫使公老妻不辱而死詔贈節義族姬加通龍圖閣直學士賜卹州蘭涇經畧安撫使于永裔賜上舍出身拜通兵部尚書道與童貫有隙力辭奉醴泉觀

吳革字義夫廷祚七世孫少喜談兵從涇原軍以乘義耶幹辨
 經略司公事帥兵解遼州圍使枯罕軍庭揖不拜責其貪利敗
 約詞直氣勁枯罕為之少屈追回威勝諸屯兵授書使歸革言
 于欽宗曰金人有吞噬之意願悉起關中士馬赴都為備詔以
 為武功大夫開門宣贊舍人符節諭陝西行至朱仙開金兵犯
 京師復還請帝與上皇妃后及太子皆出幸秦蜀又欲令諸門
 同出兵牽制衝突首尾應援可一戰而勝金兵攻安上門填道
 度壕革言於守將使洩蔡河水灌之皆不聽及填道將合飲用
 前議則水已涸矣革乃於啓聖院置振濟局募民就食一日之
 間至者萬計多兩河饑悍之士陰勒習以軍法合所部已至數
 萬謀舉義金水門外先誅范瑄以三月八日起兵前期三日有
 班直甲士言邦昌以七日受冊革恥屈節異姓遽起事先殺其
 妻于焚所居乃披甲上馬至成豐門瑄初許與合謀已而從後
 襲殺四面皆瓊黨給革入帳執之脅以從逆革大罵引歷受刀
 顏色不變麾下數百人與其子皆見殺

弘簡錄 卷一百六十六 宋 宋史卷一百一十一

弘簡錄卷一百六十六 終

弘簡錄卷一百六十七

明刑部員外郎仁和弘齋邵經邦學
 皇清翰林院侍講學士四世孫遠平校閱

庶官 宋六之十二

汪若海 王雲 李植 韓公裔 李迨

曹助 王衣 宇文虛中 林冲之 于郁

滕茂實 王倫 孫椿 朱弁 魏行可 郭元

宋汝為 李豆 安通 柳約 許忻 范如圭

汪若海字東叟欽人幼豁達深沈有度恥世俗章句之學為文
 操筆立就蹈厲風發靖康初入太學以知兵擢高第勸上宜覽
 天下之權不可怯懦自守開關養敵坐受其敵上書樞密曹輔
 請立康王為大元帥擁兵鎮撫河北以倚金人之後輔言于欽

宗用為參謀官遣如康王所言神器久虛異姓僭竊願蚤定
 計圖惟中興一日聞三被顧問補修職郎克帳前差使高宗即

位推恩改承奉郎遷江南經制使監登聞檢院五府交辟改屬
 右府往見張浚極談天下事言天下大勢如常山蛇秦蜀為首
 東南為尾中原為脊今以東南為首安能起天下之脊哉將圖
 恢復必在川陝浚僻從行若海以親老辭尋以論軍食迂執政
 出通判沅州又以諛奪籍請英州道出臨川時李允文節制江
 夏軍馬擁衆數十萬跋扈不恭浚參謀湯東野與若海故相得
 語曰允文懷反側非君莫能問其自新若海即馳往諭以成敗
 逆順及朝廷威德辭旨明暢復陳三策以勸之允文感悟即舉
 軍東下又為書招其徒張用與馬友皆解甲效順惟曹成疑賊
 移書責之成怒將殺若海若海夜宿王林帳中以計得林軍印

奪其衆五千人翼日成道復遣李宏書使刺成自歸宏度力不勝走長沙羣盜解散時屯江西若海率林衆歸之獻平寇策言當化盜賊以爲我用不可失英雄以爲國慮宏後爲劉忠所并死長沙忠復爲韓世忠所破走劉豫成走廣復降湖湘遂安復若海承務郎監潭州南嶽廟通判辰州三京復遣若海祇謁陵寢還遷承議郎通判順昌府劉錡遣人丐授于朝無敢往者若海毅然請行具述錡明方各善用兵願以偏師濟之必能成功朝廷從之尋辟淮北宣撫司主管機宜文字拓阜之役以勞轉朝散郎通判洪信二州秩滿叅湖北帥司遷知道州授直秘閣知江州高宗嘗書其名論浚曰似此人材卿宜收拾會浚去國不果名俄丁內外艱死

王雲字子飛澤州人父獻可英州刺史知瀘州黃庭堅請於浩弘簡錄

卷一百六十七
二 廣官宋十二
遇之甚厚時人稱之雲舉進士從使高麗撰雜林志以獻擢校書郎出知簡州遷陝西通副宣和中辟童貫宜撫幕入爲兵部員外郎起居中書二舍人靖康元年以給事中使幹離不軍還傳粘罕得朝廷所與余觀蠟書堅云中國不可信欲敗和約執政不以爲然罷爲徽猷閣待制知唐州太原陷召拜刑部尚書再使許以三鎮賦入之數雲至真定遣從吏李裕還言金人不復求地但索五帑及上尊號且須康王來和好乃成欽宗悉從之命王及馮澥往未行事勢中變金人必欲進兵雲亦還中外震駭集百官議雲固言康王舊與幹離不結歡臣敢以百口保王將命除雲資政殿學士爲之副次磁州值王出謁嘉應神祠民遮道諫曰肅王已爲所留王不宜北去厲聲指雲以爲姦賊謀而殺之王見事勢洶洶乃南還相州是役也雲不死王必北

行議者以是驗天命云建炎初贈觀文殿學士兄齊崇寧時爲謀議司詳議上書告蔡京罪惡熱海島欽宗復其官從神師中戰死

李植字元直臨淮人幼明敏篤學舉於鄉從父中行客蘇軾門晁無咎見之曰此國士也妻以女靖康初向子諶轉運京畿時羣盜四起徇道阻絕乃以植借補廵功郎使督四百艘餽百萬招募忠義二萬餘衆自准入徐趙濟凡十餘戰卒以計誘康王方駐師鉅野聞植統衆至士氣十倍首加勞問植占對詳敘王大悅親賜之食承制授承直郎留之幕府植三上表勸進願蚤正大寶以定人心以應天憲王三降手札獎諭卽位感激知遇言無不盡汪黃忌之出爲東南發運司幹辦公事尋以奉議郎知泗陰縣縣經楊么蕩析植披荆棘立縣治發粟振困乏專弘簡錄

卷一百六十七
三 廣官宋十二
以撫摩爲急張浚督師薦其才遷朝奉郎鄂州通判大盜馬友孔彥舟未平請修戰艦習水戰分軍馬爲左右翼大破彥舟伏兵誅馬友以功轉朝奉大夫通判荆南秩滿除戶部員外郎丐祠奉親寓居醴陵凡十九年檜死子諶於上前語及龍飛舊臣起植戶部郎中入見高宗識之曰朕故人也母老願便養知桂陽軍居喪哀毀廬墓有白鶩朱草之祥服闋薦知瓊州時已老改知徽州歷遷江淮荆湘批點坑冶鑄錢踰年金人敗盟朝廷將大舉以植漕運有才畧授直敷文閣京西北路計度轉運使措置有方廷議倚重乾道初改江南東路兼知建康府上防江十策曰保荆襄之障以固本根審中軍所處以俟大舉蒐選強壯以重軍勢度地險阨以保居民避敵所長擊其所短金人降者宜加賞勸皆直指事宜不爲浮泛帝嘉其言名爲太府卿

有疾巧免以中奉大夫寶文閣學士致仕還湘時胡安國父子家南嶽劉錡家湘潭相與往還講論言及國事必憂形于色始終以和議為恨年七十有六卒諡忠襄有臨淮集十卷胡餘為之序子五人汝虞知桃源縣汝士朝奉大夫知黃州事汝工知

昌化軍

韓公有字子房開封人初以三館吏補官率章賢妃閣成奏充康王府內知客凡二十餘年恩寵優厚從王使金渡河論止將官劉浩吳湛私圖及王雲被殺隨王入州屏王將還相州與公奇謀間道潛師夜起遲明而至磁人無知者自是親愛愈篤張邦昌遣王舅韋淵來獻傳國璽王怒淵稱偽官又恐邦昌不可信將誅之公奮勸止具言天命有歸王遂受璽即命公奇掌之元祐皇后詔至將議大統府僚謂金兵尚近宜屯彭城時前軍

弘簡錄

卷一百六十七

四

韓官來十二

已發公奇言國家肇基睢陽王亦宜於睢陽受命會天大雷電眾恐不能行王夜半抗聲語公奇明日決如睢陽即位累遷武功大夫貴州防禦使後以事作黃潛善巧去適帝幸維揚以為避事降三官帝幸越念其舊勞召復故官歷保康軍觀察使提舉佑神觀太后還每置酒慈寧宮必召預宴會修玉牒元帥府事多放佚秦檜奏令修書官就質其事尋以公奇不肯附已衍之與外祠帝眷注不衰復佑神觀祠賜第和寧門西歷陞華容岳陽軍節度使卒年七十五贈太尉諡榮恭官其親族八人公裔律身素謹不植勢不市恩敢與潛善秦檜異亦足取者李迨東平人徙居開封會祖參尚書左丞迨未冠入太學以蔭調渤海縣尉遇縣團結民兵不閑坐作進退之節迨為立賞罰整齊之遂稱精練部刺史按閣薦迨遷濟州通判攝州事時大

元帥過濟應辦軍須無闕及勸進乘輿儀物未備迨請熟典故裁定其制不日而辦即位投山東輦運改金部郎從駕至維揚遇敵來犯迨盡取部籍載以行父表起復直龍圖閣兼措置軍前財用苗劉叛諸將勤王師所至食皆先具迨之力也事平同趙哲等入對上慰勞之除權戶部侍郎紹興初歷遷兩浙轉運使言祖宗都大梁歲漕東南六伯餘萬斛而民無怨苦以所運者官舟所役者兵卒也今駐蹕浙右漕運地卑不若中都之遠而公私困苦以所用之舟所役之夫大半取於民間民往往沉舟以避其役乞委工部措置於溫明虔吉等處各置造舟塲募兵卒牽挽使臣管押庶幾害不及民可以漸復舊制詔從之尋加徽猷閣直學士代趙開為四川都轉運使兼提舉成都等路茶事又陞直龍圖閣兼陝西等路買馬時朝廷既失關陝迨請

弘簡錄

卷一百六十七

五

韓官來十二

合二處為一名都大提舉茶馬司詔以每歲收支之數驛奏迨乃考其本末具奏曰方劉晏時天下歲入緡錢千二百萬而管權居其半今四川鹽酒所權歲入已一千九十一萬諸窠名錢又三倍劉晏歲入之數彼以一千二百萬贍中原之軍而有餘今以三千六百萬贍川陝二軍而不足又如折估及正色米通計二百六十五萬石以紹興六年朝廷會計六萬八千四百四十九人之數算之決無一年用盡之理數內官員一萬一千四百軍兵請給錢比官員請給不及十分之一即是冗濫在官員不在官兵也計司雖知冗濫力不能裁節雖是寬剩亦未敢除減此朝廷不可不知也又言今蜀人所甚苦糶買搬運二者糶買不料敷則不能集事搬運稍緩則船戶獨受其弊急則稅戶皆

被其害如欲省事莫如屯田。漢中之地約收二十五萬餘石亦
可少寬民力。兼於興元洋州就糴夏麥。岷州就糴穀米。各十餘
萬石。得此三項可盡免川路糴買搬運。此乃恤民之實惠。守邊
之良策也。降詔獎諭。俄與吳玠不合。奉祠九年。金人歸三京。命
為京畿都轉運使。權東京留守。孟度潛通北使。使人怖迫曰。北
人以兵至矣。迫嘆曰。吾家食祿三百年。今荷重任。萬死不足報
吾老矣。豈能下穹廡之拜哉。果。將極。勵以死。告者悚然退。降
聖節。度失於行禮。追持之。度自幼訟于朝。迨求罷落職。與祠未
幾。度以京師降於金。復追龍圖閣待制。知洪州卒。

曹勛字公顯。陽翟人。父組。宣和中。以占對開。教得幸。由閣門宣
贊舍人為睿思殿應制。助恩補承信郎。特命赴廷試。賜甲科。靖
康初。授閣門宣贊舍人。勾當龍德宮。除武義大夫。從太上北遷。

過河十餘日。尚未知中原之民推戴康王。太上因出御衣。書其
領中曰。便可印。真來救父母。并持幸賢妃。邢夫人信。命助行詣
王。丁寧諭曰。但有清中原之策。悉舉行之。毋以我為念。又言。藝
祖誓約。藏之太廟。不殺大臣及言事官。違者不祥。助乃自燕山
遁歸。建炎元年七月。至南京。以御衣進。高宗持之。泣以示輔臣。
助建議。募死士航海入金。東京奉太上由海道歸。執政難之。出
助於外。凡九年。不遷。紹興五年。以久次。除江西兵馬副都監。改
浙東。尋復奪新命。十一年。兀朮遣使議和。授助成州團練使。副
劉光遠。往報及淮。兀朮遣助。還忠州防禦使。命館伴金使。蕭
毅等。未幾。落階官。以容州觀察使。充金國報謝副使。語在太后
傳。二十九年。拜昭信軍節度使。副王倫。稱謝于金。孝宗朝。加太
尉。提舉皇城司。開府儀同三司。卒。贈少保。

王衣字子裳。歷城人。以門蔭仕。中明法科。歷深冀二州法曹。掾
入為大理評事。陞寺正。襄州僧杜德寶毀體。然香有司。希林靈
素意。捕逮下獄。內批有害風教。當宜流衣。掾律自傷者。杖力爭
之。坐停官。予祠。尋起刑部員外郎。累遷大理少卿。韓世忠獻苗
劉。俘付大理獄。衣奏內婦女有願買及幽掠者。高宗矍然曰。朕
慮不及此。詔自傅。正。涉。妻。子。外。皆。釋。之。范。瑗。下。大理。不。伏。衣。貴
以靖康圍城中。逼遷上皇。擅殺吳革。迎立邦昌。事瓊。語塞。稱死
罪。賜死。釋其親屬。將佐陞大理卿。帶御器械。王球為龍德宮都
監。自盜寶玉器玩。帝怒。亟令加誅。衣奏向非球隱匿。則盡為敵
有何從復歸國家。乃寬之。先時百司愆戾。付寺劾者。至三問。取
伏狀。皆莫敢辨。衣奏伏與辨。係二事。若一切取伏。是以威迫之
不使。自直。非法。意也。乞三問。未承者。聽辨。從之。詔同詳定一寺。

勅令刪雜犯死罪四十七條。書成。帝嘉其議。法詳明。紹興元年
權刑部侍郎。除集英殿修撰。奉祠。衣洞見事理。質直。和易。持法
不阿。趙令時薦之。為言者所格。卒于家。

宇文虛中字叔通。華陽人。登進士。歷官州縣。入為起居舍人。因
史編修。同知貢舉。遷中書舍人。為伐燕。參議官。上書言。女真持
下莊。兩圖之計。引兵踰境。恃其百戰百勝。驕矜虛囑。不可以禮
義服。言說誘。今我以百年急情之兵。當彼乘時新銳之勢。捨恭
順之契丹。延強悍之効敵。臣恐自此禍起。未有息期。王黼怒。降
集英殿修撰。又建十一策。上二十議。皆不報。未幾。金人分道入
侵。帝顧虛中曰。王黼不用卿言。至事勢若此。奈何。虛中奏。宜先
降詔罪已。更革弊端。俾人心說。天意回。即備禦之事。可以責之
將帥。即命虛中草詔。遷資政殿大學士。平前宜諭使。趙姚古種。

師道兵馬赴汴金兵掠至鄭州為馬忠所敗收斂為一西路稍
 通虛中遂馳歸姚平仲敗金復引兵逼城虛中總而得入欽宗
 欲遣使往金辨劫營非朝廷意大臣皆不肯行虛中承命即赴
 都亭驛見金使王蒞既至金營自已至申露坐風埃金兵注矢
 露刃周匝圍繞久之乃即軍中得見康王次日侍王至金幕見
 所為二太子者語不遜抵募遣人隨虛中入城要越王李邦彥
 吳敏李綱曹晟及金銀騾馬之類又欲御筆書定三鎮界至事
 迄再往請康王歸除簽書樞密院事自是又三往言者劾其割
 地之罪罷知青州尋落職奉祠建炎元年竄韶州二年應詔復
 大學士為大金祈請使楊可輔副之遂留金與韓昉等俱掌詞
 命為翰林學士知制誥封河內郡公後因議和詔存恤其家賜
 田十頃令其子師瑗悉送家屬于北師瑗已官轉運判官顯謨
 弘簡錄 卷一百六十七 人 廣信 宋 廿二

損國威聞隨軍轉運安丙夙懷忠義若授以密旨必能討賊成
 功大臣用其言遣丙所親以帛書達上意職果伏誅命權兵部
 尚書知江陵府歷華文寶文二閣學士湖北京西宣撫使嘉定
 二年改端明殿學士簽書樞密院事辨安丙無異志言方誅職
 時苟一推足全蜀非國家有顧不以此時為利今為宣撫乃有
 他耶願以百口保之朝廷於蜀事多所吞訪紹節審而後言皆
 周悉事情六年進資政殿學士致仕卒上嗟悼為改日朝享贈
 少師諡忠惠

林冲之字和叔莆田人登元符進士歷官金部郎出守臨江南
 康靖康初召為主客郎中副侍郎陳過庭使金同被拘執初猶
 給乳酪迫宇文虛中受偽命亦脅冲之降冲之不為動奮厲見
 於詞色金人怒徙之奉聖州又逼仕偽齊愈不屈再徙上京復
 弘簡錄 卷一百六十七 九 廣信 宋 廿二

安置順州極北沍寒之地幽佛寺中十餘年冲之以義命自安
 髭髮還黑病亟語同難者曰某年七十二持忠義入地一無所
 恨但國幣未復抱此永終南向一慟而絕僧空之寺開洪皓還
 以聞詔與二子官寶慶三年即所居立祠寶祐中給田百畝使
 備祭享 子郁字瑛休登宣和進士調福建茶司幹辦建州勸
 王卒自京師還求卸甲錢郡守逃匿遂鼓譟取庫兵為亂殺運
 使毛奎判官曾仔主管文字沈昇郁聞變急入諭倉卒遇害事
 聞詔各與一子官 從子震字時專登崇寧進士仕至秘書少
 監以不附二蔡有聲 震字時隱登政和進士為勅令所刪定
 官以詆和議挂冠出都門權臣悲怒迫放以死請人稱為忠義
 林氏

滕茂實字秀穎臨安人與崔縱俱登政和進士靖康元年茂實

以工部員外假侍郎副路允迪出使爲金人所留時其兄絢冠判代州已先降金粘罕素聞其名乃遷之代州又自京師取其弟華實同居茂實知其意乃自爲哀神日築宋工部侍郎膠茂實墓九字以奉使黃幡裝之授其友朔寧府司理董洗以絕其意聞欽宗將至具冠幘郊迎伏謁拜瞻號泣帝自離都城舊臣無敢候問起居者金人再三好諭曰國破主遷所以留公蓋將大用也迫令易服茂實力拒不從哀號泣血見者隨淚請從舊主俱行不許遂憂憤成疾卒於雲中說自拔歸除陝西轉運判官錄所爲哀詞言於張浚轉聞於朝紹興二年贈龍圖閣直學士官其家三人益忠節 崔縱字元矩臨川人歷確山主簿仙居丞累遷承議郎管幹審計司時使金者輒被繫莫肯往縱毅然請行乃授朝請大夫右文殿修撰試工部尚書以行比至金

弘簡錄

卷一百六十七

唐官宋十二

三。移書請還。二。帝金人怒徙之窮荒久之遇金大赦許南使自陳聽還鄉縱以王事未畢不忍言遁以官爵悲恨成疾握節而死後洪皓等歸其骨詔立第延年爲後 又吳安國字鎮卿處州人登進士累遷考功郎官以太常少卿使金被拘留欲脅服之安國毅然正色曰我首可得節不可奪金人不敢犯遣還後知袁州卒

王倫字正道王且弟坊之玄孫也家貧無行爲任俠往來京洛間數犯法幸免汴京失守欽宗御宜德門都人喧呼不已倫徑造御前自言臣能彈壓上喜解所佩寶劍以賜倫曰臣未有官恐無以服衆上因取片紙書曰王倫可兵部侍郎倫下樓挾惡少數十人傳旨撫定既能宰相何桌以倫小人無功僅補修職郎斥去不用建炎初應詔遷能使遠國者遷朝奉郎假刑部侍郎

耶克大金通問使朱弁副之見金左副元帥宗維議事留不遣倫以金賂商人陳忠密告二帝所在因令忠潛往黃龍府通朝命自是兩宮始知高宗已卽位矣久之粘罕使烏陵思謀見倫等語及契丹時事倫曰海上之盟有如日月先大聖期以萬世惠顧盟好豈意一旦舉兵以禍吾國况亘古自分南北主上恭勤英俊並用期必復古蓋思久遠之謀復歸和好亦足以慰先大聖之靈思謀沉思良久曰歸當達之無何粘罕至曰比來遣使問其意指多不能對昨思謀傳議和語特侍郎自爲此言乎倫曰使事有指惟元帥察之粘罕不答紹興二年秋縱使歸報至臨安入對言金人情偽甚悉帝優獎之除右文殿修撰時方討豫和議中格三年使克館伴過金使李永壽王詡驕倨倫與道雲中舊故乃稍爲禮七年帝后計音至復以倫爲徽猷閣待

弘簡錄

卷一百六十七

唐官宋十二

制假直學士克迎奉梓宮使高公楡副之入辭帝令傳語左副元帥曰曰河南地上國旣不有與其付曠曠若見歸因附進太后欽宗各黃金二百兩仍賜宇文虛中朱弁孫傳張叔夜家屬金帛遂奉詔以行至睢陽豫移文取國書倫報曰國書須見金主面納會迓者至渡河至涿州見撻懶具言豫邀索國書無狀豫今日忍背本朝他日安保其不肯大圖是冬豫廢昌遣人借倫入燕見金主直首謝廢豫次致使指直密與羣臣定議命思謀及太常少卿石慶偕倫還議事既至入對言許還梓宮太后及河南地帝大喜賜予特異八年秋再遣使金副以藍公佐申問諱日期還梓宮令引至都堂授使指二十餘事既至金主爲設宴三日遣宣徽使蕭哲左司郎中張通古爲詔諭江南使二人驕倨肆嬖朝論多歸罪倫乃引疾請辭不許趣赴內殿奏事

衆議洵受書之禮未定御史中丞勾龍如淵詣都堂名倫賈曰公爲使通兩國好凡事當於彼中反覆論定安有使至而後議者倫泣曰倫涉萬死一生往來虎口今中丞乃賈倫如此倫等共解之曰中丞無他亦欲激公了此事耳倫曰若此不敢不勉乃往見二使勁以一二策通古恐遂引槍見於其館受書以歸九年春賜同進士出身端明殿學士簽書樞密院事克迎梓宮奉還兩宮交割地界使至東京見兀朮割地界兀朮還燕窩言於金主曰撻懶宗磐二人陰結宋國謀割河南地金主殺之乃命中山府拘倫至十月始見金主于御子林致使指悉無所答以翰林待制耶律紹文爲宣勸官問倫知撻懶罪否倫對不知又問無一言及歲幣反來割地汝但知有元帥豈知有上國耶倫曰比上國以書來天下皆知尋海上之盟與民休息使人弘簡錄 卷一百六十七 主 康禧 十一

特奉命通好耳金主復責倫曰汝獲留雲中已無還期貸歸會無寸報反離間我國君臣耶竟遣公佐先歸拘倫伺報歲貢正朔書表冊命等事未幾遷之河間遂不復遣凡居六載兀朮等復取河南益脅以威欲降倫倫拒之至十四年授以平灤三路都轉運使遣使來趣倫拒益力金使遂殺之年六十一事聞贈通議大夫諡感節 孫柟字汝良孝宗聞倫死官之調海門尉值方信孺使金還言事柟侂胥得罪欲再遣使近臣薦柟擢監登聞鼓院假右司郎中使持書北行金將烏魯論等四人問侂胥貴顯幾年矣柟對已十餘年平章國事纔二年耳四人相顧而笑有完顏天寵者袖出文書云柟雖持侂胥書乃朝廷有旨遣其來元帥府議和宜詳議以報會已知侂胥被誅和議遂決命柟持函逆首樛命副許奕爲通謝所參謀官柟自

軍前還議以侂胥首易淮陝使地從之權守軍器少監知楚州累官集英殿修撰卒贈寶章閣待制 朱弁字少章婺源人少穎悟讀書日數千言入太學晁說之見其詩奇之與歸新鄭妻以兄女客遊汴洛間地多故家遺俗聞見日廣靖康亂家碎于賊始南歸高宗議遣使問安兩宮弁齋身自獻詔補修武郎借吉州團練使爲通問副使至雲中見粘罕邀說甚切不聽使就館守之以兵弁復遣書備言用兵講和利害二年金忽遣宇文虛中至館中言和議可成當遣一人詣元帥府受書俾與正使王倫探策以決去留弁曰吾來自分必死豈應今日覲倖先歸願正使受書歸報天子早成兩國之好申四海之養於兩宮吾雖暴骨外國猶生之年也但使必有節願留使印俾弁得抱以死則死且不朽倫乃解以授弁懷之臥弘簡錄 卷一百六十七 三 康禧 十一

起既而金人迫弁仕劉豫且誅之以爲南歸之漸弁曰豫乃國賊吾恨不食其肉忍北而臣之耶惟有死耳金人怒絕其條弁忍饑待盡不爲屈金人感動致禮如初久之復欲易其官弁曰自古兵交使在其間言可從從之不可從則或囚或殺官乃受之本朝寧死誓不辱復移書耶律紹文等曰上國之威命朝以至則使人久以死久以至則朝以死又以後使洪皓等訣曰殺行人非細事吾曹遭之命也要當舍生以全義爾因具酒食名被掠士夫飲誥之曰吾已得近郊某寺地一旦耶命諸公幸甚我其處題其上曰有宋通問副使朱公之墓幸矣衆皆泣下莫能仰視弁談笑自若曰此人臣當然諸君何戚金人知其終不可屈遂不復強倫還具言之帝爲官其子林賜其家銀帛弁又密疏粘罕等相繼死滅及金國虛實曰此不可失之時復遣李

發等間行歸報其後倫再使歸又上其奉送徽宗大行之文其辭有曰歎馬角之未生魂消雪窖攀龍髯而莫逮淚灑冰天帝讀之感泣官其親屬五人賜吳興田五頃語宰相張浚曰歸日當處以禁林會金使烏陵思謀石慶亦稱弁忠節賜黃金三十兩十三年和議成始得歸入見便殿謝曰人之所難得者時事之不可失者幾陛下與金人講和上返梓宮次迎太母又其次憐赤子之無辜此皆知時知幾之明驗然時運而往或難固執幾動有變宜鑑未形盟可守而詭詐之心宜嘿以待之兵可息而銷彌之術宜詳以講之金人以贖武為至計虐民而不恤民以苟安為太平廣地而不廣德此皆天助中興之勢陛下既知幾與時於始願圖厥終秦檜惡所言有司校其考初補宣教郎直秘閣經十七年應遷數官檜沮之僅得奉議郎明年卒其為弘簡錄 卷一百六十七

文慕陸宣公援據精博曲盡事理金國名王貴人多遣子弟就學因文字往來說以和好之利及歸述北方所見聞忠臣義士朱昭史玩張忠輔高景平孫益孫谷傅偉文李丹五雲僧寶真婦人丁氏晏氏小校閔進朱勣等死節事狀請加褒錄以勸來者有聘遊集四十二卷書解十卷曲清舊聞三卷續說一卷雜書一卷風月堂詩話三卷

張邵字才彥烏江人由宣和上舍建炎元年為衢州司刑曹事應詔上封有中原之形勢有東南之形勢今縱未能遠爭中原宜進都金陵因江淮蜀漢開廣之資以圖恢復不應退自削弱三年金人南侵詔求可至軍前者邵慨然請行轉五官直龍圖閣假禮部尚書克通問使武臣楊憲副之即日就道至濰州接件使置酒張樂辭曰二帝北遷邵為臣子所不忍聽請止樂至

于三四間者泣下翼日見捷懶命拜又辭曰監軍與邵為南北朝從臣無相拜禮且抵以書曰兵不在強弱而在曲直宜和以來我非無兵以帥臣謀國不滅開隙啓端是以大國能乘之厥後偽楚僭立羣盜竄起會幾何時電掃無餘是天意人心未厭宋德也今大國復裂地以封劉豫窮兵不已曲有在矣捷懶怒取國書去執邵送密州囚于祥山崇明年與憲俱送豫使用之邵入見長揖呼豫為殿院責以君臣大義詞氣俱厲豫怒械邵于獄憲遂降久之怒其不屈復送于金拘之燕山僧寺從者皆莫知所之後又作書言豫挾大國之勢日夜南侵不勝則首鼠兩端勝則如養鷹飽而殺去終非大國之利守者審以告金取其書去益徙之會寧府距燕三千里人多古籍淮北莫幸稍南惟邵與洪皓朱弁言家在江南和議成始得歸除秘閣修撰主弘簡錄 卷一百六十七

管仲神觀詹大方復論其奉使無成改奉崇道祠十九年以敷文閣侍制改太平興國祠起知池州再奉祠卒年六十一累贈少師生平負氣遇事慷慨常以功名自許寓金時人多從學性喜佛書雖異域不廢議者以嘗與秦檜遇於濰州言檜忠節以是少之有文集十卷于孝覽孝會孝忠孝會亦以出使歿金人知為邵子憐之

魏行可建安人建炎二年與郭元邁俱以太學生應募補奉議郎假朝奉大夫禮部侍郎克河北軍前通問使見金酋于澶淵金知其布衣借官待之甚薄因留不遣嘗貽書金帥誓以不戢自焚之禍又言舉中原與劉豫何德黜趙氏何罪不若亟還趙氏不聽紹興六年卒張邵歸入見奏前後使臣陳過庭司馬朴及行可皆歿異域乞早頒恤典贈朝奉郎秘閣修撰 元邁吳

人補右武大夫和州團練使為之副亦不肯髡髮換官而卒
 宋汝為字師禹豐縣人身長七尺議論英發洞貫古今關門遇
 金害思報國家及父兄之讐謁部使者陳邊事遣對行在高宗
 嘉納特補修武郎假武功大夫開州刺史奉國書副杜時亮使
 金行次壽春遇完顏宗弼軍與時亮相失汝為獨馳入其壁宗
 弼怒縛之欲加誅汝為無懼色曰死固不辭但銜命出疆願達
 書以死宗弼顧不能屈解縛延之曰此山東忠義士也令往見
 劉豫力拒不行瀕死已數四及見豫持呂頤浩書與之開陳禍
 福勉以忠義使歸朝廷豫悚然起立呼曰使人業已至此夫何
 復言設豫自新南歸人誰直我獨不見那昌事乎即拘留汝為
 授以通直郎知曹州汝為力拒之與先陷敵中李亶交唐佐李
 倚結為腹心每以幾密遺所善王現邵那光歸報朝廷皆官之
 弘簡錄 卷一百六十七 未 唐官朱十二

紹興十三年亡歸陳恢復方畧言川兵之道取勝在乎得勢成
 功在乎投機累數千言禮部尚書蘇符為達于朝換直教郎添
 差通判處州上憐其忠特轉通直郎久之金有告其漏洩機事
 者大索不獲尋知其南歸言于秦檜將械送之汝為乃徒步入
 蜀變姓名為趙復有楊企道者遇之見其疎着秀目望之如神
 仙驚曰此必奇士也款留之遂與定交假居僧舍汝為傲傑尚
 氣節飲酒至斗餘不亂或歌或哭涕淚俱下蜀士史載之仰博
 宇文亮臣李燕皆與相得甚歡聞桧死喜曰朝廷除此巨蠹中
 原恢復有日矣或勸理前事慨然太息曰吾結髮讀書奮身一
 出志在為國復讐收還土宇願為諸公所知命謬數奇軋于權
 臣今老矣新進貴人誰知我者及病能自知死期預祭其先神
 色無改趙沂魯開楊家經紀喪事其妻錢氏尚未知汝為死詣

登聞鼓院進狀詔索之不得隆興二年于南強哀愬於朝特官
 之有忠嘉集行世 亶字可大乾封人少好學有知慮登大觀
 進士金人犯淮南亶不及避為所獲劉豫使守大名審告于朝
 陳豫可取狀募卒劉全宋萬倫惠欽輩十餘往返為邏者所得
 事泄坐死後贈官立祠曰愍忠 唐佐字公弼休寧人登元符
 進士提點京畿刑獄加直秘閣知應天府南京陷豫因使為守
 遣人持蠟書密疏豫虛實于朝呂頤浩過常州得其從孫憲授
 保義郎閤門祇候俾持帛書往報行至睢陽事泄并捕唐佐及
 其家害之李橫復穎昌言於朝詔贈徽猷閣待制 又有武顯
 大夫孫安道為應天府兵馬鈐轄城陷謀挺身還朝不克而死
 贈忠州刺史

柳約字元禮華亭人上舍登第歷官宜議郎克廣親宅宗子博
 弘簡錄 卷一百六十七 七 唐官朱十二

士約深於經學屬辭粹微大為學者師慕名對論內外學政乞
 罷到堂之日投牒求官以厚風俗累遷太常少卿高宗即位除
 直龍圖閣知台州改嚴州兼浙西兵馬都監方杜克降金列郡
 震恐約悉力捍禦境內安堵車駕將幸平江上書請糾合諸郡
 克復吳會上嘉其忠進集英殿修撰名對獎勞再三擢權戶部
 侍郎遇事感激盡言方值軍興經費無藝吏慢弗虔約獨謹賦
 輸率先程督凡例外宣索執奏不進論吳升等罪未正非所以
 勵臣節諸大將提兵入覲各名其家將有尾大不掉之患皆人
 所不敢言又以科需百出凡官戶名田過制者與編戶一例均
 敷請增諸路酒錢令提刑司椿管其半以備軍費皆從之使高
 麗還將大用當路忌之以言罷奉太平觀祠復秘閣修撰金人
 歸侵疆起知蔡州以敷文閣待制食祠祿十有五年約天性至

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

孝母病甚泣禱於天願損已壽以益親壽母壽愈約竟先母兩月卒贈四官

許折拱州人登宣和進士高宗時為吏部員外郎上疏極論和議之非曰陛下以茲事重大特詔侍從臺諫各具見聞不知皆以為可乎或可否雜進而陛下未有所擇乎抑亦金已恭獻不復邀我以難行之禮乎是數者臣所不得而階徒以王倫穆悠之說誘致金人貴我以必不可行之禮而陛下遂屈已從之臣是以不覺涕泗之橫流也為今之計獨有陛下幡然改慮布告中外以收人心謂祖宗陵寢廢祀徽廟顯肅梓宮在遠母后淵聖宗枝族屬未還故遣使迎請冀遂南歸今敵使來邀所講之禮實王倫賣國之罪當行誅責以釋天下之疑然後敵厲諸將謹擇邊陲無墮敵計進用忠正黜遠姦邪以振紀綱以修政事

弘簡錄

卷一百六十七

大

唐官宋十二

務為實效不事虛名夕慮朝謀以圖興復庶乎可矣或者又謂金使在館今稍恭順如臣所聞敵情變詐百出豈宜倖慢於前而遽恭順於後此必奸言惶惑令我忘備豫之深計待其禍亂已成悔無及矣疏入不省求外補授荆湖南路轉運判官謫居撫州起知邵陽卒

范如圭字伯達建陽人少從胡安國受春秋登進士授武安軍節度推官有數人當死如圭白其誤帥曰已署矣如圭爭曰奈何重易一字而輕數人之命耶帥矍然從之歷官校書郎兼史館校勘時行在草創將虛秘書省以處金使汝圭往見趙鼎曰此府謨訓所藏可使仇敵居之乎鼎悚然改館既而使至惇傲議多不可從中外憤鬱汝圭以書責檜曲學倍師忘警辱歸既不喪心病狂奈何為此以遺臭萬世檜怒未有以發又因河南

地歸上言九廟八陵瞻望咫尺當遣朝修之使以上慰神靈下萃民志高宗法然流涕即日命宗室士儂張熾行檜以不先白益怒之汝圭遂謁告奉祠十餘歲起通判邵州改荆南值范亂後舊戶逃亡畧盡部使驟督積逋二十餘萬他負數十萬汝圭悉奏蠲之流庸寢復檜死入對言為治以知人為先知人以清心寡慾為本語甚切至又論東南俗不舉子傷絕人理請舉漢胎養令勾踐生聚報吳之意以全活之帝善其言又奏今屯田兵卒不論獲之多寡力之勤惰槩賜衣廩食小利失大計謀近効妨遠圖故久無成功宜籍判准曠土盡為丘井訪古助法別為科條兼正役法庶農利修而武備飭還直秘閣提舉江西常平茶鹽移利州路提點刑獄病請祠歸以儲位未建擬至和嘉祐間名臣奏章三十六篇合為一帙囊封以獻請徧考羣言仰

弘簡錄

卷一百六十七

大

唐官宋十二

弘簡錄卷一百六十八

明刑部員外郎仁和弘齋邵經邦學
皇清翰林院侍講學士四世孫遠平校閱

庶官 宋六之十三

王庶奇之 劉子羽 趙開 陳規 李璆

孫道夫 陳榮 盧知原 陳楠

仇念 張進 李浩 王希呂 辛棄疾

王庶字子尚慶陽人登崇寧進士知保定縣師道薦通判懷德軍契丹為女直所破舉燕雲地求援詔師道受降庶謂國家與遼二百年結好今坐視其亡既不能救又利其土地他日基禍必自此始不聽宣和七年為陝西運判兼制置解鹽事金果入寇李邦彥蔡攸召問計庶薦宿將無如師道且金人畏服宜以西兵使之入援攸不以為然事益棘欽宗欲幸襄鄧命庶副席益安撫京西高宗即位除直龍圖閣鄜延經畧使兼知延安累立戰功進龍圖閣待制節制陝西六路軍馬務書宸諭使謝亮曰夏人之患小而緩金人之患大而迫秋高必大舉盡仗節督諸路協同舉義驅逐渡河徐圖恢復亮不能從庶調兵自沿河至馮翊據險以守金人已先渡河破潼關秦隴皆震庶傳檄諸路會期討賊涇原統制曲端不從金併兵攻陷延安庶自劾失律罷居內艱適張浚富平敗歸思庶言可用詔起之庶至力陳撫秦保蜀之策勒浚收熙河秦鳳之兵扼關隴以為後圖浚不納版授參議官紹興元年除知興元府兼利夔路制置使時士卒單寡庶籍興洋三泉諸縣強壯兩丁取一三丁取二號義士日閱於縣月閱於州厚犒之不半年有兵數萬浚言于

朝陞徽猷閣直學士知成都改嘉州有讒於浚者劾以輕率傾險落職奉祠二年復任參謀官往巴州措置起知遂寧固辭除湖北安撫使知鄂州過關言興復大計都荆為可荆左吳右蜀前江後漢出三川涉大河以圖中原此曹操所以畏關羽也上異其言復顯謨閣待制知荆南又復直學士湖北經畧安撫使七年召為兵部侍郎入對奏恢復之功十年未立失在偏聽欲速反輕爵賞是非邪正一不為辨誠能法漢光武賞功罰罪其誰不服因口陳手畫秦蜀利害上大喜即日遷尚書聞月拜樞密副使措置江淮邊防京湖宣撫使岳飛遺書今歲若不出師當納節請明庶壯之還朝道其語并論金人變詐力詆秦檜和議乞誅金使蕭通古等言甚切至求免以資政殿學士知潭州勾龍如淵劾庶為趙鼎所薦欺君罔上奪職御史胡汝明復論

弘簡錄 卷一百六十八
庶謙訥朝政責嚮德軍節度副使道州安置卒孝宗追復官職謚敏節十六人之奇乾道中知樞密院事
劉子羽字彥修幹長子宣和初為幹主管浙東幕府機宜文字以破睦賊功再遷衛尉丞從父守真定誓以必死金人不能拔而去由是知名除直秘閣給死免喪除秘閣修撰知池州高宗召赴行在除密院檢詳文字建炎中大將范瓊擁強兵在江西召之弗來來又不肯釋甲張浚與子羽密謀誅之一日浚命張俊以千兵甲而來若備他盜者因設酒食召俊瓊及劉光世赴都堂議事食已相顧未發子羽就廡下取黃紙趨前麾瓊下曰有敕召將軍詣大理置對瓊愕視不知所為子羽顧左右擁置與中衛以俊兵送獄光世出撫其眾曰所誅止瓊爾等固天子自將之兵也皆應曰諾有旨分隸御營五軍頃刻而定浚以此

大奇其材。除徽猷閣待制秦漢川陝宣撫軍事開幕府秦州節制五路。規以五年而後出師。金人窺江淮急。後念禁衛寡弱。計所以分撓其勢。欲合五路之兵以進。子羽以非本計。爭之。浚曰：吾寧不知。顧今東南事勢方亟。不得不為是耳。未幾富平失利。人情洶洶有建策徙治夔州者。子羽叱曰：孺子可斬也。四川全盛。敵久欲入寇。直以川口有鐵山棧道之險。未敢遽窺。今不堅守而僻處夔峽。與關陝聲援不聞。進退失計。悔將何及。宜司但當留駐興州。外繫關中之望。內安全蜀之心。急遣官屬出關。呼召諸將。收集散亡。分布險隘。堅壁固壘。觀釁而動。庶幾可以補前愆而贖後咎。浚然其言。子羽即自請奉命北出。至秦州。召諸亡將。諸將聞命大喜。悉以其眾來會。分兵守險。塞敵知有備。引去。明年復來攻。浚後治開州。子羽請獨留河池。調護諸將。以通弘簡錄 卷一百六十八 三

曰：此非待制坐處。子羽慷慨語曰：今日將死於此。諸將皆奮。會敵乏食。引去。子羽與玠合擊。敗之于金牛。鎮始還。與元金人入梁洋。浚欲移潼川。子羽遣浚書言：已在此。金人必不敢南。浚乃止。撤離喝。遣人持書。旗來招子羽。斬之。獨縱其一。還寄語曰：欲來即來。吾有死爾。何可招也。先是金寇再闕蜀。為必取計。子羽預徙梁洋。公私之積。敵無所掠。餽餉不繼。又腹背受攻。死傷十五六。疫癘且作。故亟遁去。浚雖師卒能全蜀。子羽之力居多。尋坐與浚俱罷。貴授單州團練副使。泉州安置。吳玠始為裨將。未知名。子羽獨奇之。薦於浚。至是。玠上疏。訟子羽功。請納節。贖罪。得復元官。聽自便。浚還朝。議合兵大舉。乃請召子羽。以集英殿修撰知鄂州。浚再視師。荆襄川陝復以子羽權都督府。秦漢軍事。熊彥詩主管機宜。文字同往。撫諭川陝。還言：金人未可圖。弘簡錄 卷一百六十八 四

嘗言財利之源當出於一。祖宗朝天下財計盡歸三司。諸道利源各歸漕計。故官省事。理而無辜。掣筮礮之患。因指陳榷茶買馬五害。一增歲額。馬兵四千多費。衣糧二長。吏不時歸。貨徒給空券。募人怨恨。必生邊患。三自熙寧至今。幾六十年。歲所借轉運常平三司本錢。不償一文。四於數外。更增和買。或送抑配茶戶。坐是破產。而官茶濫雜。私販公行。刑不能禁。五承平時。蜀茶入秦。十幾八九。猶患難售。今關隴悉遭焚蕩。仍拘舊額。未免科配州縣。請依嘉祐故事。盡罷榷茶。仍令轉運司買馬。仰五害並去。邊患不生。如謂未可遽罷。亦宜併歸轉運。痛減額。以蘇茶戶。輕立價。以惠茶商。朝廷是其言。即擢開都大提舉川陝茶馬事。使推行之。於是大更茶馬之法。並罷官買。官買茶。酌政和二年。東京都茶務所。初條約。印給茶引。使茶商執引與茶戶自相貿易。簡錄 卷一百六十八 五 漢書卷十三

易改成都茶場為合同場。買引所就場置市。令交易者必由市。引與茶必相隨。又舊例買馬及三千匹。轉一官。但以所買數推賞。往往有一任轉數官者。自今請以馬到京實收為格。或有道楚黜降。有差比及四年。冬茶引收息至一百七十餘萬。搭買馬踰二萬匹。宣撫張浚素知開善理財。承制令兼隨軍轉運使。總領四川財賦。開見浚曰。蜀民力盡矣。錙銖不可加。獨榷貨稍存贏餘。而貪猾冒為已有。惟不恤怨。果斷而行。庶可救一時之急。浚銳意興復。委任不疑。先變酒法。罷公使賣。供給酒。即替撲買坊場。置槽。隔增釀具。設官主之。聽釀戶各以米赴官場。自釀凡米一石。輸錢三千。并頭子雜用等二十二。又於秦川置錢引。務興州鼓鑄銅錢。官賣銀絹。聽民以錢引或銅錢買之。凡民錢當入官者。用引折納。支出亦如之。民私用引為市於一千并五

百上許從便。增高其直。惟不得減削。法既流通。民以為便。初通行錢引。兩料纔二百五十萬。有奇。至是添印至四千一百九十餘萬。人亦不厭其多。價亦不削。最後又變鹽法。置場賣引。實視大觀條約與茶法相類。初變法時。怨言四起。言者奏其不便。乞罷之。以安遠民。詔以其章示浚。浚不為變。時浚倚重。寄治兵。秦州經營兩河。旬犒月賞。期得士死力。費用不貲。悉取辦於開奏。除徽猷閣待制。加都轉運使。明悉其知慮。算無遺策。雖支費不可計。而贏貲若有餘。副使吳玠專治戰守。一切以軍期。趣辦。故與開異。越復與制置大使席益不和。開乃抗疏言。蜀中公私俱困。無所取給。事屬危急。實甚可憂。乞許因茶馬司奏計。請開下盡所欲言。朝廷知其有隙。詔赴行在。提舉江州太平觀。十一月乙酉。復四川都轉運使。卒 簡錄 卷一百六十八 六 漢書卷十三

陳規字元則。密州安丘人。中明法科。為安樂令。以勤王兵赴汴。至蔡州。道梗而還。會金人入寇。殺鎮海節度劉延慶。其徒祝進王在去。為盜。攻德安府。守棄城。道父老。請規攝府事。規遣射士張立。率兵連戰。敗走之。建炎元年。除直龍圖閣。知德安府。賊李孝義。張世引。步騎數萬。至城下。陽稱受招。規知其詐。亟為備。夜果圍城。遂大敗之。與羣盜楊進相持十八日。進技窮。抵濠上。求和。規出城交臂。與語。折箭為誓。而去。董平引眾窺城。遣其黨李君正。黃進入城。求稿。規斬進。投君正兵。為前鋒。大破之。陞秘閣修撰。加徽猷閣待制。德安復州。漢陽鎮。撫使。賜三品服。時桑仲剽畧襄漢。其副霍明屯兵郢上。規請於朝。即以明守郢。明後殺仲。奔劉豫。以書招規。規械其使。以聞。李橫圍城。造天橋。填濠。鼓譟臨城。規帥軍民禦之。圍急。糧盡。出家財。勞軍士。氣益振。橫遣

人來願得妓女罷單。規不許。以六十人持火槍。自西門出。助以火牛。焚天橋。須臾皆盡。橫拔塔去。歷遷龍圖閣直學士。知廬州。尋以疾提舉太平觀。復起知德安。金人歸河南地。改知順昌府。至印廣羅粟麥實倉廩。葺城壁。招流亡。立保伍。會劉琦。赴留守。過郡。規出迎。告以金兵且至。城中有粟數萬斛。約為死守。計相與登城。區畫防守。備嚴。斥候。布置。粗畢。金龍虎大王提重兵薄城。規射環甲背。與琦督戰。用神臂弓射却之。復以步兵邀擊。溺河死者甚衆。規曰。敵志屢挫。必思出奇。困我不若潛兵。祈營使。彼晝夜不得休。可益養吾銳氣。琦然之。兀朮且至。規大發將士。酒半。問策安出。諸將有欲全師歸者。規慷慨語曰。規已分一死。進退皆死。不如死忠也。琦。將。日。府。公。文。人。乃。爾。况。汝。耶。錡果大敗金兵。兀朮宵遁。語在琦。傳。提。問。詔。褒。諭。之。遷。樞。密。直。學士。復知廬州。兼淮西安撫。既至。而卒。年七十。贈右正議大夫。規端毅寡言。笑待人和。易以忠義。自許。好振施。家無贏財。皆為女求從婢。得一婦。甚閑雅。怪而詢之。乃雲。夢。張。貢。士。女。亂。離。夫死。無所託。鸞身求活。規即輟女。奩。嫁。之。自。紹。興。以。來。文。臣。鎮。撫。有威聲者。惟規一人。功名與諸將等。而位不酬勞。時以為惜。有攻守方畧。傳于世。乾道八年。詔刻德安守城錄。頒天下。立廟賜額。賢守。追封忠利侯。後加封智敏。

弘簡錄 卷一百六十八

何闕於治。疏奏不省。及燕平。責監英州清溪鎮。明年赦還。為郎。尋試中書舍人。請寬元祐名臣子孫。久被廢錮者。封還。定官。諱。復。復。用。詞。頭。又。奏。山。東。盜。起。州。縣。不。能。制。河。北。無。見。糧。軍。士。洶。洶。凡。十。餘。事。忤。大。臣。意。罷。歸。紹。興。四。年。起。除。集。英。殿。修。撰。知。吉。州。江。西。兵。素。剽。悍。相。挺。為。亂。瑒。始。視。事。亟。捕。誅。首。謀。撫。循。其。餘。大。布。恩。信。境。內。安。之。遷。徽。猷。閣。直。學。士。知。成。都。府。權。四。川。安。撫。制。置。使。蜀。城。多。圯。壞。瑒。至。即。命。修。築。俄。水。火。至。民。賴。以。安。三。江。堰。久。廢。瑒。力。謀。修。復。下。灌。翁。州。田。百。萬。頃。遭。歲。饑。發。倉。振。活。無。慮。數。十。萬。蜀。人。德。之。繪。像。祠。于。堰。所。卒。有。清。溪。集。二。十。卷。孫。道。夫。字。太。冲。君。州。丹。稜。人。初。貢。辟。雍。坐。收。蘇。文。除。籍。再。貢。優。等。張。浚。薦。召。對。願。修。德。以。回。天。意。定。都。以。繫。人。心。任。賢。材。圖。興。復。以。雪。國。恥。得。賜。出。身。改。左。承。奉。郎。疏。陳。漢。中。荆。南。形。勢。言。今。弘簡錄 卷一百六十八

李璆字西美。汴人。登政和進士。調陳州教授。入為國子博士。出知房州。時旣權官。茶復強。民輸舊額數百人。被繫。璆至。即釋之。廷議將取燕。璆疏諫。畧曰。太祖以聖武得天下。將士皆百戰之餘。以是取燕。雲宜易為力。然趙普輩尚無敢贊其決者。蓋識天下大勢。且重民命。故也。矧今太平既久。民不識兵。雖不得燕。雲。

將敗。盟。詰。問。槍。之。存。亡。道。夫。隨。事。折。之。使。還。其。拜。禮。部。侍。郎。兼。侍。講。每。進。對。輒。言。武。事。幸。相。沈。該。忌。其。引。川。張。浚。除。知。綿。州。致。

仕卒年六十六性剛直喜面折不容人之短居官愛民不可干以私俸給多置書籍人稱其博

陳棄字德應餘姚人上舍登第教授寧州以母老改台州士曹

治獄平允更攝天台臨海黃巖三邑易新昌令皆以愷悌稱趙

鼎李光交薦其才紹興二年召對除監察御史論事不合出為

江西運判瑞昌令倚勢受賂棄首劾罷之連劾墨吏十餘有

風解綬去者移知台州民懷舊愛聞境歡迎不數月政化大行

母喪邦人巷哭數千人走行在請起棄詔褒棄清謹不擾治狀

著聞敕所在賜錢三十萬力辭上語近臣曰陳棄有古循吏風

終喪召為司勳員外累遷權刑部侍郎棄檜主和議棄再疏爭

之甚力檜憾之因力請外除徽猷閣待制知穎昌府時河南新

繼初復無敢往者棄即日就道次壽春則金人渝盟穎已不守

弘備錄 卷一百六十八 九 漢書卷十三

改處州又改廣州兵興後廣州屢中寇十年九易牧守棄盡革

弊政以恩先之民莫悅服留鎮三年蕃商餽遺一不入私室初

朝廷移韓京一軍屯循州寇盜稍戢會彬寇駱科犯廣西詔遣

京悉兵往討棄奏廣西安則廣東危留不遣檜疑棄為京地坐

稽留軍務降秩知婺州乞致仕從之卒年六十六棄博學剛介

不事產業先世田廬悉推予兄弟在廣潔廉不受餽謝事十三

年僑寓剡中僧寺日糴以食處之泰然王十朋為風土賦論近

世會稽人物以棄繼杜祁公之後云

盧知原字行之德清人以父任知歙縣近臣薦赴都堂審察累

遷梓州路轉運副使招補兵籍築城亘二十餘里王黼當國費

出無藝知原疏言之黼怒罷去久之起提點京東刑獄改江西

運副過闕賜三品服至則悉意經理羣吏卒因緣為姦綱運獨

先諸道上京師尋除直秘閣為江淮荆浙發運使陞秘閣修撰

提舉河北以言者罷職高宗即位復龍圖閣知温州遇葉濃陷

建州楊勗陷處州益繕甲兵增城浚隄聲勢隱然帝東幸知原

由海道轉粟及金繪十餘萬至台州召見獎勞擢右文殿修撰

管內安撫使在郡四年民繪像祠之王師討范汝為召為添差

兩浙轉運使罷提舉太平觀都督孟庾倂為叅謀改徽猷閣待

制知臨安府諫官唐輝論罷以舊職奉祠卒 第法原字立之

自知雍丘縣積官太府少卿賜同上舍出身使遼還遷司農卿

賜三品服為吏部尚書集入官者品秩次第總為一書功過殿

最開卷瞭然吏不能欺黼移怒罷為顯謨閣待制提舉洞霄宮

紹興元年張浚承制起為龍圖閣學士知夔州克川陝等路宜

撫處置副使進端明殿兄弟皆以才稱帝並用之金人攻關輔

弘備錄 卷一百六十八 十 漢書卷十三

叛將史斌陷興州諸郡多應者法原命諸將堅壁言賊者斬會

經制王燮班師法原開關納之拊協力破斌復興州方巨盜克

斥秦隴叛兵屢窺蜀境法原極意撫循嚴為備禦傳檄諸路人

心稍安視山川險阻分地置將上倚重之後為吳玠所訟憂患

而卒

陳桷字季壬平陽人以上舍貢辟雍廷對第三授冀州兵曹參

軍累遷處部員外郎宣和七年提點福建刑獄福州調發防秋

兵以資糧不足殺帥臣變生倉卒吏民奔潰桷入亂兵中諭以

禍福賊氣沮仍調遣行在道追殺首惡二十餘人一方以安尋

以疾乞祠紹興三年召為金部員外郎陞郎中抗言今言事者

當專講治道之本修政事以攘敵國不當如平時以細故動聖

慮也又言刺史縣令未皆得人乞選監司重其權久其任又陳

攻守二策在於得人心修軍政五年除直龍閣知泉州改兩
浙西路提刑乞置鄉縣三老以厚風俗凡宮室車馬衣服器械
定爲差等重侈靡之禁遷福建路轉運副使召爲太常少卿奏
請禘祭復用大半俄權禮部侍郎賜三品服普安郡王出閣橋
等議國本未立宜厚其禮以繫天下望乃以皇子出閣禮上之
時相以爲太重詔罷奉太平觀祠起知襄陽府克京西南路安
撫使郡當兵燹民物凋瘵疏乞重行蠲減金房兵叛遣將平
之而後聞漢水決漂蕩廬舍躬率兵民捍築隄岸賴以無虞以
疾乞祠除秘閣修撰改知廣州克廣南東路經畧安撫使未至
而卒年六十四桷寬洪醞籍恬於榮利以誠接物當泰榷用事
以禾嘉爲寓里士莫不樂附躡登顯要桷獨不肯附槍曉復議
禮不阿其節有足稱者自號無相居士有文集十六卷子汝樺
弘簡錄 卷一百六十八 主 據官宋十三
汝賢汝諧孫峴以詞學擢第官中書舍人直學士院
仇念字泰然益都人天性至孝登大觀進士授邠州司法獄獄
詳恕多所全活遷鄧城令秩滿耆幼避泣不得行再徙武勝屬
方調兵燕山念先期趣備申嚴約束士卒無擾已而運餉于家
值大軍潰多委以資敵獨念開關管護無一棄失調高審丞攝
縣事俗尚訟割決如流事無淹夕民懷併餽以俟有暴猾吏
楊益脅持爲姦念論罪黥之一縣憚服再攝司錄邑氓邀留居
母喪盡禮制使文彥博薦起復不就服除知建昌軍入爲考功
員外郎仕者遇亂訴稱亡失告牒其僞錯亂念親爲考覈有可
據悉責保識聞上行之歷遷沿海制置使明卒爲安坐帥兩官
主管太平觀久之起知廬州金合劉麟兵入民情洶懼統帥張
琦冀乘危爲亂擁甲士數千突入州欲脅念出左在驚潰迫之

上馬念堅不爲動徐謂曰吾職守土當以死殉寇未至而逃人
何賴焉琦等錯愕遂散人心以安遣其子自問道告急撫司移
文令焚積聚棄城退保念力陳不可誓以死守曰若果委城使
敵遂有淮西治兵魁於巢湖大事去矣尋以援師不至監押聞
僅死于賊餘衆來歸州帑匱竭計無以克賞念悉引將士班坐
勞以酒食衆皆感勵卒全數州之命益募廬壽兵加以鄉丁出
奇直擣壽春敵三戰皆北遂復壽春俘賊甚衆獲旗械焚糧船
降渤海首領二人屬天寒敵馬多僵死乃悉衆向淮東以功加
徽猷閣待制復以策說張浚曰金重兵在淮東師老糧匱若以
精兵二萬一自壽陽一自漢上徑趨舊京賊當不戰而退繼以
大軍尾擊茂不濟矣浚不能用尋詔詣闕軍民皆號送改知明
州以控強獎善爲理尤懲吏賕雖一錢不貸豪猾歛迹州罹兵
劫斥厨錢助其費買田行鄉飲酒禮歲饑發官儲損其直民無
死徙帝面名褒諭以嗣徐未息進直學士湖南安撫使禁盜鑄
錢者趣使爲農平物價通商賈數月轉實文閣學士陝西都轉
運使金人歸侵疆念力言詭計不可測忤秦檜意落職以左朝
奉郎少府少監分司西京全州居住起知河南未行金果復陷
所歸郡邑迺復待制再知明州改平江以言罷奉祠積官至左
朝奉大夫爵益都縣伯卒贈左通議大夫念端方挺特自入官
訖通顯無所附麗范宗尹爲鄧城邑子初以文謁語其父曰公
輔器也後入相未嘗私覬嘗欲薦明州一幕官問以日費幾何
答言十口之家用度二千念驚曰吾爲郡守計日費不及此僚
一倖安得不貪遂止不薦
張運字南仲貴溪人唐宰相文瓘後父貫右通直郎累贈大中

大夫運太學登第官藍山丞藍山與諸獠接壤因俗為治吏民安之臨武寇與獠合大肆剽掠運親帥兵擒之遷攸縣尉劇賊王在據岐山渾帥徵兵戍岳運將二千人先至賊平改新淦丞攝縣事紹興中縣新被兵撥煨燼考版籍正租賦數月之間敝除而民定權鼎州通判岳飛方擊楊么賊率輕銳徑趨武溪南與以臨鼎州城中大震運與太守程昌衡勒兵登城控扼上下以張其勢賊宵潰又檄討澧賊雷德進運率都統梁吉等以兵直搗其巢破四十二柵降之移貳濡須值大將駐兵以拒金人給餉未嘗乏歲餘以親老還寓鄱陽內外艱起復知桂陽監境內稱治言於部使者奏陞監為軍大修庠序之教祠漢以來守令有功德者衛颯唐差等七人於學刻顏氏家訓四時纂要等書散之民間使知修德務本除知達州方大早入境而雨奏除

私簡錄 卷一百六十八 三 漢書卷十三

病民五事名為度支郎中請以臨安樓店務錢十萬歸省額鬻戶部所儲三佛齊香藥分送江浙荆湖漕司以糴軍餉及陳諸路綱運七弊懲革十術遠近遞輸以均勞逸事皆施行兼樞密院檢詳選軍器監尋改大理少卿請正兩浙鹽法以寬私鬻之禁永裕昭慈二陵官地與民相錯請縣重價聽民持券獻納以免誤犯之罪拜刑部侍郎上言諸斥逐累赦未還者宜從滌洗諸申請條制多重復抵牾失於太煩請編置不以赦原不以蔭論之類失於太重外路刑獄三經翻異移送大理刀鋸數施非所以示遠詔皆從之兼權戶部侍郎請廣儲蓄與鼓鑄修屯田練鄉兵時久雨傷蠶麥詔陳弭災禦侮之策運言天災人事有甚可畏而不足畏者視吾政之修不修有甚可憂而不足憂者視吾自治之善不善會金人渝盟運特專餽餉丞相陳康伯議

遣李寶自四明控制海道眾論紛紜運力贊決之又上疏乞降救撫將士獨租賦遣信使結豪傑堅城守督漢中將士趨關陝以制其後置四鎮三帥於兩淮襄漢之間以為內固以圖進取俄以御營隨軍都轉運使從上勞師江上駕還請外授集英殿修撰知太平當兵饑疾癘之餘勞休安輯嚴斥埃堅守備理財賦造戰艦繕甲兵申禁令民賴以安孝宗初請老以敷文閣待制奉太平祠卒贈少師左光祿大夫官其後三人嘉定六年加贈開府儀同三司

李浩字德遠其先居建昌遷臨川少力學為文辭及壯沉潛義理紹興登進士歷官光祿寺丞朝士方懲秦檜閉塞言路多務慎默至是命百官轉對浩與王十朋馮方查籥胡憲相繼言事陳無逸之戒論罷權倖楊存中等太學生為五賢詩美之請祠

私簡錄 卷一百六十八 四 漢書卷十三

主管台州崇道觀孝宗即位名為太常丞兼權吏部郎官與湯思退素厚御史尹穡欲引之共擠張浚因薦浩及對引仁宗用韓琦范仲淹詔章得象同心協濟故事乞戒諭宰相思退稱皆不樂踰年始除員外郎兼皇子恭王府直講王愛重之每進講參以時政裨益以多浙河水災因疏論近臣宰執惟務奉行上旨壘諫多迎合百執事顧忌長縮反覆數千言乞外知台州有中禁軍五百謀作亂浩推其為首四人黜徙之乞以無事除直秘閣並海有宿寇久未獲募其徒自縛贖罪渠魁就擒里豪鄭憲以貨事權貴囊橐為姦事覺吏死權貴人陰主之令憲家訟寃且誣浩以買妾事參政劉珙奏白其誣浩始得安尋除司農少卿時董和羅者賤市濕惡隱刻官錢浩發其姦狀下有司窮竟上嘉其剛正擢為大理卿接伴金使還奏兩淮可耕之田盡

為廢地乞條畫營屯以圖恢復根本又言願戒將吏嚴備禦無
規近功日與大臣修治具結人心持重安靜以俟敵變上嘉納
宰相議遣泛使浩以為不可求外以直實文閣知靜江府兼廣
西安撫使舊有靈渠通漕運及灌漑歲久不治命疏通之民賴
其利邑管所隸安平州其首恃險謀聚兵為患浩遣單使諭以
禍福引赦自新即聽約束召遣入對論俗之不美者八除權吏
部侍郎立朝慨然以時事為己任忠憤激烈言切時弊為執政
所忌嫉諫議姚憲論罷之提舉太平興國宮乾道十年起為私
開修撰夔路安撫使思州守田氏與姪不協將起兵相攻浩遣
官資敬勸解二人感悟釋憾邊得以寧未幾以疾奉祠卒年六
十一贈集英殿修撰浩天資質直不以利害動心平居未嘗假
人以辭色為郡尤潔已自廣右歸不載南海一物奉養悉如布
衣時士論高之

卷一百六十八

五 漢 帝 紀 十 三

王希呂字仲行宿州人寓居嘉興登乾道進士名試授秘書正
字除右正言與侍御史李衡交劾張說慢恩言甚切至上怒欲
起希呂挽御衣前畢其說上疑其朋黨邀名令資遠小監當既
而改授官觀希呂恬不為悔直聲聞遠邇權知廬州淳熙二年
除吏部員外郎尋轉起居郎准右擇帥令兼安撫使修葺城守
安集流散兵民賴之加直寶文閣江西轉運副使五年名除中
書舍人給事中轉兵吏二部尚書除端明殿學士知紹興府治
郡百廢俱興尤敬禮文學端方之士天資剛勁遇利害無所回
護惟是之從佐漕江西時嘗作拳石記以示僚屬有幕官改竄
數字舉坐駭愕希呂喜其不阿薦之性廉潔去官至無屋可居
寓居僧寺上聞之賜錢造第後以疾卒

辛棄疾字幼安歷城人少師蔡伯堅與黨懷英同學號辛党始
筮仕決以著懷英遇坎因留事金棄疾得難遂決意南歸金亮
死山東豪傑並起取京自稱天平節度使以棄疾為掌書記勸
京決策南向紹興三十二年京遣將賈瑞與棄疾奉表來歸高
宗召見授承務郎即以京知東平府節度使如故會張安國邵
進已殺京降金棄疾還至海州與衆謀曰我緣主帥歸朝不期
事變何以復命乃約統制王世隆及忠義人馬全福徑趨金營
即衆中縛安國以歸金將迫之不及獻俘行在斬安國于市差
簽判江陰時年二十三乾道四年通判建康孝宗召對延和殿
因論南北形勢及三國晉漢人才持論勁直不為迎合作九議
并應問三篇美芹十論言逆順之理消長之勢技之長短地之
要害其備以講和方定議不行遷司農主簿出知滁州除方權

卷一百六十八

六 漢 帝 紀 十 三

兵燹非已凋殘棄疾為寬征簿賦招流散教民兵議屯田勸興
枕樓繁雄館辟江東安撫司參議官留守葉衡雅重之入相薦
其慷慨有大畧召見遷倉部郎官提點江西刑獄平劇盜賴文
政有功加秘閣修撰歷遷大理少卿湖北湖南運副疏陳比年
以來李全賴文政陳子明李炯相繼竊發皆能一呼嘯聚千百
殺掠吏民至煩大兵剪滅良由州以趣辦財賦為急吏之殘害
民物者州不敢問縣以並緣科歛為急吏之剝下奉上者縣不
暇問田野之民始酷於聚斂中苦於科率及其終也豪民兼弁
盜賊剽奪相因而起欲望陛下深思致盜之由講求弭盜之術
申飭州縣以惠養元元為意有違法貪冒者使諸司各揚其職
無徒按舉小吏以應故事有詔獎諭權知潭州兼湖南安撫使
湖南控帶二廣與溪峒蠻獠接連風俗頑悍草竊間作棄疾乃

抗疏曰湖南軍政久敝良由統率不一差出占破略無已時軍人利於侵聞棄坐苟圖衣食兼以武備空虛教閱廢弛逃亡不追目名不舉平於則姦民無忌緩急則卒伍不堪乞依廣東推鋒荆南神勁福建左翼例別期一軍以湖南飛虎為名專聽帥臣節制調度庶使吏察知有軍威望風懾服詔即委以規畫題度馬股故舉起蓋紫柵招步軍二千馬軍五百駝馬鐵甲皆備樞府有不悅者數沮撓之指為橫斂上為降御前金字牌令日下住罷棄疾受而藏之益督監者如期落成時秋霖造瓦不及令自官舍神祠外一應居民家取瓦二片不二月皆具軍成雄鎮一方繪圖繳進上始釋然加右文殿修撰差知隆興兼江西安撫使值歲饑始至榜通節口閉糴者絕強糴者斬已乃盡出公家官錢銀器令士民各舉有幹實者責領運糴不取子錢期

弘簡錄 卷一百六十八 終 慶官朱十三

終月至城下連橋而進米直自減民賴以濟信守謝源明乞米抹助棄疾即以米舟十之三予之帝聞嘉獎進秩俄以言罷紹熙二年起福建安撫提刑名見加集英殿修撰知福州閩中土狹民稠歲餘倚糴于廣及是連稔未期歲積糴至五十萬緡勝日備安庫又欲造萬鎧招強壯補軍額嚴訓練以備盜賊事未行臺臣王藺劾之遂丐祠歸久乃起知紹興兼浙東安撫使寧宗名見言鹽法加寶謨閣待制差知鎮江賜金帶坐縵舉降朝散大夫進寶文閣待制知江陵赴行在奏事試兵部侍郎樞密院都承旨未受命而卒特贈四官棄疾性豪爽尚氣節識拔英俊所交多海內名士嘗跋思陵詔書曰使此詔出於紹興之前可以無事譬之大璫使此詔行於隆興之後可以卒不世之功今此詔與璫俱存也悲夫人服其警切大理同僚吳交如廉

介士也死無棺斂棄疾厚贖之言于執政詔賜銀絹白以稼名軒謂人生在勤當以力田為先北方養生之具不求於人是以無甚富甚貧之家南方多末作以病農而兼并之患與貧富斯不侔矣有稼軒集行世雅善長短歌悲壯激烈嘗遊武夷賦九曲懼歌未烹書克已復禮夙興夜寐題其二齋烹殺為文往哭紹定六年贈光祿大夫咸淳間謝枋得過其墓舍有疾聲大呼若鳴其不平者自昏暮至三鼓不絕枋得乘燭作文旦且祭之文成而聲始息因請于朝加贈少師諡忠敏

弘簡錄 卷一百六十八 終 慶官朱十三

弘簡錄卷一百六十九

明刑部員外郎

皇清翰林院

士四世孫遠平校閱

庶官 宋六之十四

周淙 莫濛 張孝祥 王阮 王質

陳居仁 李椿 危稹 劉頴 李繁 陳咸

劉甲 楊輔 湯瑞 宋德之 薛叔似

沈作賓 徐邦憲 商飛卿 方信孺 范應鈴

周淙字彥廣長興人父需起家進士官至左中奉大夫淙幼警敏力學宣和間以父任為郎歷官建康通判紹興三十年金亮傾國犯邊命淙守滁陽未赴徙濠梁時淮楚屢經殘蹂民多流亡淙極力招撫按堵如故民置若自衛者為立約束結保伍賴

以全活不可勝計孝宗時王師進取虹縣中原之民翕然來歸

扶老携幼相屬于道淙計口給食行者犒以牛酒至者處以室

盧人懷感說張浚視師駐于都梁見淙深加欽歎約有急相與

俱死入朝悉陳其狀上嘉之進直徽猷閣又以軍帥楊會宜論

錢端禮薦進直顯謨閣時方勸民植桑柘開屯田御札屢下專

以屬淙淙奉行益力進直龍圖閣兩浙轉運副使未幾知臨安

府條上禁止十五事言自古風化必自近始陛下躬履節儉以

示四方而貴近奢靡殊不知革上嘉納降詔獎諭賜金帶駐蹕

既久居民日增河流淤澁舟楫病之疏請開浚工畢除祕閣脩

撰又進右文殿奉江州太平祠以歸起除敷文閣待制知寧國

府移守婺州奉祠告老卒年六十積階至右中奉大夫封長興

縣男

莫濛字子濛歸安人以祖蔭補將仕郎舉明法利官至大理評

事市舶張子華賄秦禧鄉時中事敗命濛往鞠卒正其罪還遷

寺正吏部火連坐數百人濛察最可疑者留于獄出餘人為耳

目以縱跡之遂得其實黃州倅擒五十餘盜訊日咸稱冤濛令

悉去桎梏引至庭備詢竊發之由聞敵之所遠近日果皆抵牾

具正犯數人奏上餘釋之倅坐免官由是知名上語輔臣仰理

全殺特除戶部員外郎措置浙西江淮沙田廬場多方括責言

者論其丈量失實徵及貧民責監饒州景德鎮起知光化軍謀

如金人渝盟慮乏戰艦力為辦集敵犯境民賴以全除淮南轉

運判官會追軍興以濛之官進級坐罷宜論使江澈薦復湖北

運判官未幾鄂州召除戶部左曹郎中出知揚州規度脩城分

授諸將各刻姓名堯堯間激賞隨之閱數月告成除直寶文閣

學士大理少卿兼詳定勅令官權知臨安府假工部尚書為金

賀正使還除臨安少尹歷刑工二部侍郎以言罷起知鄂州卒

于官年六十一贈奉正大夫

張孝祥字安國歷陽烏江人少聰慧讀書過目不忘下筆頃刻

數千言年六十冠里選紹興二十四年廷試策問師友淵源秦

垓與曹冠皆力攻程氏專門之學孝祥獨否考官湯思退定垓

為首孝祥冠次之高宗讀垓策皆檜語而孝祥詞翰俱美擢第


一曹泳請婚不答授承事郎簽書鎮東軍節度判官秦檜素憾

胡寅而孝祥父邪雅與寅厚檜風言者誣邪有反謀繫獄會檜

死魏良臣密奏得釋遂以孝祥為祕書正字初對首請總攬權

綱以盡更化之美諸官吏希意文致觀望及有司鍛鍊成罪者

乞即改正又言檜作時政記亦如王安石日錄專用已意乞取



已脩日曆詳審是正黜私說以垂無窮詔皆從之遷校書郎
 生太廟孝祥獻又以大本未立為言且言芝生仁英二宗之室
 天意可見乞早定大計尋遷禮部員外郎權起居舍人思退素
 不喜汪澈孝祥與澈同館年少氣銳往往陵拂之及澈為中丞
 幼孝祥姦不在虛祀下遂罷提舉太平興國宮尋起知撫州年
 未三十蒞事精確老於州縣者所不及孝宗即位復集英殿脩
 撰知平江府遇事繁劇剖決無滯屬金海大姓誨盜為姦利孝
 祥捕治籍其家得穀粟數萬明年大饑迄賴以濟張浚自蜀還
 薦之召赴行在孝祥故出思退之門及受浚薦思退不悅入對
 面陳二相當同心戮力以副陛下恢復之志自靖康以來惟和
 戰兩言道禍無窮要先立自治之策以應之復言用才之路太
 狹乞博采度外之士以備緩急之用上嘉之除中書舍人尋學
 士院兼督府恭贊軍事領建康留守以言改敷文閣待制留守
 如舊會金再犯邊孝祥言金人之意不過要盟坐落職復以集
 賢殿脩撰知靜江府廣南西路經略安撫使治有聲積言者劾
 罷之又起知潭州政事簡易而能濟之以威在任無事復待制
 徙知荆南湖北路安撫使築守金隄置萬盈倉以儲諸漕所運
 有病請祠上惜其用未盡進願謀閣直學士致仕卒年三十八
 孝祥俊逸文章過人尤工翰墨嘗親書奏劄議者惜其出入浚
 與思退之門兩持和戰之說卒無定論以是少之
 王阮字南卿父彥博靖康勤王有功阮少好學尚氣節自稱將
 種辭辨奮發四坐莫能屈嘗謁張栻栻令往見朱熹與語大說
 之登隆興進士廷試對策大畧謂建康東南重鎮控制長江呼
 吸之間上下千里足以虎視吳楚應接梁宋昔上皇遷養時廡

駐蹕臨安已三十年今主上獨見遠覽舉而措諸事業尙不知
 東南王氣攸鐘而惟安常習故是猶富人匣金以守臣恐半夜
 之或失也知貢舉范成大得而讀之嘆為人傑調都昌主簿有
 廉聲移永州教授紹熙中知漳州請復曹瑋方田脩神世衡射
 法日講守備與邊民親訪北境事宜終阮任金不敢犯改知撫
 州韓侂胄聞其名特命入奏將誘以美官阮不荅私語所親曰
 吾聞公卿當擇士士亦當擇公卿劉歆柳宗元失身匪人為萬
 世笑今政自韓氏吾肯出其門哉陸封畢掃衣出關侂胄大怒
 予阮阮遂歸隱廬山盡棄人間事從容觴詠而卒
 王質字景文其先鄆州人後徙興國博通經史善屬文游太學
 與阮齊名阮每云聽景文論古文如讀鄉道元水經名川支流
 貫穿周匝無有間斷與張孝祥父子遊深見器重著論五十篇
 言歷代君臣治亂謂之朴論登進士應宣諭汪澈都督張浚辟
 為屬未幾除太學正上疏孝宗言論相不定戰守不一自陛下
 卽位以來慨然奮起欲乘時有為在廷陳康伯葉義問汪澈皆
 不滿陛下意相繼罷逐獨康伯徘徊於進退之間乃決意用史
 浩未幾浩罷於是決用張浚而浚又無成今獨任湯思退且數
 月矣臣度其終亦且無益於陛下夫宰相之任一不稱則在上
 之志為之一沮前日康伯持陛下以和不成浚持陛下以戰
 戰不驗又持陛下以守守既困而思退復持陛下以和不知陛
 下亦嘗深察此三事乎李牧在鴈門法主於守守乃有戰祖述
 在河南法主於戰戰乃有和羊祜在襄陽法主於和和乃有守
 何至分而不合由陛下心志未定規模未立或告金弱且亡而
 吾兵甚振則勃然有勤燕然之志或告吾力不足恃而金人且

來卽委然有盟平涼之心。或告吾不可進。金不可入。又蹇然有指鴻溝之意。若使臣爲陛下謀。會三者爲一。天下烏有不治哉。天子心知質忠而忌者。譏質年少好異論。遂罷去。允文宣撫川陝。辟與偕行。一日令草檄契丹。文授毫立就。辭氣激壯。允文起執其手曰。景文。天才也。入爲敕令。所副定官。遷樞密院編修。允文當國。極知質鯁亮。不問且文學。推重於時。將除右正言。爲中貴用事者所沮。出通判荆南府。改吉州。皆不行。奉祠山居。絕意祿仕卒。

陳居仁字安行。興化人。父齊娶明州汪氏女。因家焉。齊爲汾州教授。佐守臣張克戡。捍金人。後知惠州。單馬造曾。袞壘。曾曉降之。入爲監察御史。郵僧三法。恩謀逆事。覺或請屠城。膏力言多殺非聖。世事務從者。悉寬宥之。終太府少卿。居仁以蔭授鉛山。弘簡錄 卷一百六十九 五 應官宋十四

尉登進士。移永豐。令入監行在。贍軍酒庫。與范成大同充高宗聖政檢討官。俄辟魏杞幕下。轉承議郎。諸王宮大小學教授。虞允文召與論兵。言有定力。乃可以立事。徒爲大言。終必無成。雖幸成。亦旋敗。允文敬服之。徙宗正簿。轉對言立國。須定規模。孝宗不懌。謂朕未嘗不立規模。居仁奏陛下銳意恢復。繼乃通和。和戰守三者。迄今未定。孰爲規模耶。允文曰。此正前日定力之論。某今益知此言之當也。歷遷祕書丞。又論陛下獎進武臣。得文武並用之道。然未必得智謀勇略之士。或多便佞輕躁之徒。將復有偏勝之患。帝嘉納。權禮部郎官。薦李燾。莫濟。明習典故。數日名之。請外知徽州政事。爲天下第一。常言天子節經費。以惠貧瘡。恨更不能推廣。聖德乃植。二表于庭。有輪納中度。而遭抑退者。抱所輸立表。下親視之人。無留滯。輸稅者。恆裹絮以歸。

鄰州有訟多乞。就決秩滿。邦人挽留。除戶部右曹。郎官歷朝議大夫。兼權度支。入對。請編類隆興以來寬恤詔令。申加戒飭。有以做其觀聽。則千萬年猶一日也。時歸正人。趨于優渥。而遇戰士。反輕居仁。奏此曹出萬死乞。加優恤。以終始念功之意。堅後生圖報之心。帝然之。會大閱白石。命衣糧全給。三軍懽呼。忭舞以早求言。居仁疏奏。乞命公卿務行寬大。詔大臣博議。絕浮費。汰冗兵。計當省之數。定蠲除之目。此富民之要術也。又言。今之恩惠。大率不及小民。名爲寬恤。實以惠頑民。名爲赦宥。實以逞姦。先願盡放天下五等戶身丁。放四等戶一半。從之。假吏部尙書使金。還遷起居郎。兼詳定敕令。權中書舍人。泛恩濫賞。到駁無所避。安定王子彤。乞封妾爲夫人。居仁繳奏。從之上言。君人之道。貴在舉綱。要以御臣。下省思慮。以頤精神。勿親細故。弘簡錄 卷一百六十九 六 應官宋十四

而忽遠餼事。末節而忘大體。詰且下詔。令清中書之務。俄權直學士院。時以乏人。嘗獨當內外制。不見其難。久之。以集英殿脩撰出知鄂州。築長隄。扞江。新安樂寮。以養貧病之民。進煥章閣待制。移建寧府。歲饑。出粟平價。弛逋負。代輸。時零爾稅。奸民告糴。殺入會。赦免居仁。恐復出。爲惡竟誅之。推官柳某死。貧不得歸衣。食其子。擇師教之。移鎮江。歲旱。遣糶荆楚。轉鑄錢十四萬。給兵食。悉心區畫。存活以數萬計。加寶文閣待制。知福州。部分牙兵。進擊。噓聚餓民。治宗室之暴橫。申蠲壽之舊禁。再進華文閣直學士。提舉太平興國宮。卒。贈金紫。光祿大夫。居仁風度凝遠。處已應物。一以誠信。臨事毅然。有守所至。號稱循吏。立祠祀之。嘗親視按牘。有証在七人。皆當叙復。執政難之。退而疏其冤。狀帝語宰相。居仁精審。尙復何疑。人才如此。何久爲郎耶。然不

肯事權貴父嘗與秦檜善檜相居仁終不自通魏杞柄國食貧
需次未嘗求進有奏議制葉詩文行世 子卓字立道登紹熙
進士歷官知江州移寧國府召為知制誥嘗草李全被爵制淮
人流涕太廟災降罪已詔京師感動官至簽書樞密院事丐祠
還里間居十有六年卒年八十六平生不營產業以貧書所酬
金築世綸堂沒不能葬丞相吳潛貽書制使以助諡清敏

李椿字壽翁洛州永平人父升進士靖康之難升翼其父與長
子俱死椿年十五薨殯佛寺深窳而詳識之奉繼母南走備嘗
艱苦竭力致養不得專力於學年三十始學以父蔭補迪功郎
歷官寧國軍推官吏才強敏為人所稱辟張浚制司準備差遣
浚常以自隨往來淮甸綏流民布屯戍察虛壽軍情相視山水
若險要周密精審椿助為多浚嘗嘆實才之難椿對曰不可厚

弘簡錄 卷一百六十九 七 應官宋十四

評天下無人惟不惡逆耳而甘遜志庶其肯來耳隆興元年奏
言復讐伐敵天下大議今不出督府而出諸將况藩籬不固備
備不豐將多非才兵冗未繼議論不定縱得其地未易守也既
而師出果無功浚復除右相椿知事不可為亟勸之去明年浚
出視師復申前說言小人之黨已勝公無故去朝廷蹤跡必危
浚心是之猶豫未決未幾果罷名監登聞鼓院在朝遇事敢言
權倖不便求通判廉州以歸改知鄂州請行墾田復戶數千曠
土大闢移廣西提刑釋疑獄數十百人奏罷昭州金坑禁仕者
母市南物復移湖北漕司歲侵不過糶米價自減每行部必前
期戒吏具州縣所當問事列為籍名除吏部郎官論廣西鹽法
孝宗是其說改之轉樞密檢詳移左司南丹州莫曾表求市馬
宜州因簽書張說以間椿謂邕遠宜近當時遷之豈無意哉今

莫氏方橫奈何道之以中國地里之近說怒復請外除直龍圖
閣湖南運副奏十三事同日報可大者減桂陽軍月椿錢損民
稅折銀之直民刻石紀之除司農卿嘆曰大農見來僅支一二
月國非其國矣力請歲儲二百萬斛為一年之蓄兼知臨安轉
對言君以剛健為體而虛中為用臣以柔順為體而剛中為用
陛下得虛中之道以行剛健之德在廷之臣未見其能以剛中
守順而事陛下者執政不悅出知婺州久之入為吏部侍郎極
言開寺之盛舉靖康明受鑿戒乞嚴禁朝臣與兵將官交通上

為感額因納疏袖中而入以病請祠賜尚方珍劑除集英殿脩
撰知寧國改太平既至力圖上流之備請選將練習緩急列艦
上可以援東關瀟瀟須下可以應采石未幾請老以敷文閣待制
致仕越再歲上念湖南兵寇之餘椿重厚可倚命以顯謨閣待
制知潭州兼湖南安撫使至則撫摩凋瘵氣象一如盛時復酒
稅法人以為便歲旱發廩勸糴獨租發糶活數萬人議者言新
置飛虎軍非便椿謂長沙一都會控扼湖嶺鎮撫蠻徭二十年
間大盜三起何可一日無軍在馭之而已未滿歲告歸進敷文
閣直學士致仕卒年七十三生平巖然有守存心每主於厚惡
佛老邪說朱熹嘗銘其墓謂其逆知得失不假著龜不阿主奸
不詭時譽人並難之

弘簡錄 卷一百六十九 八 應官宋十四

危稹字逢吉臨川人舊名科舉進士洪邁得其文為之賞激擢
第孝宗易今名調南康教授運使楊萬里按部驟見嘆獎借遊
廬山相與唱酬父喪服免調臨安府教授倪思薦之母憂復起
幹辦京西安撫司公事入為武學諭太學博士諸王官教授上
言官雖以教名而實未嘗教請改制宗子學立課試法如兩學

從之嘉定九年新學成改充博士論建教養之規遷秘書郎兼
皇帝吳益王府教授遷屯田員外入對首論叙復軍功之賞以
立大信收拭功臣之罪以厲忠節置局以立武事遣使以省邊
防厚賞以精問諫次論和戰守利害而請領意于守是歲春至
夏不雨應詔言安邊所征歛之苦與無罪而籍沒之害楮幣之
改以一奪二鹽鈔之更以新廢舊至于沮格軍賞放散死士皆
足以召怨而致旱明年又論謀國者務以安靖憂國者恆欲振
厲自二議不合是以國無成謀人無定志風詔大臣合二議共
圖之且欲下兩淮帥臣講明守禦之備最後言事無成規者皆
不可為意向不明無以一衆聽信誓不立無以結人心奏報不
聽無以趨事機賞罰不果無以作士氣朝議建之坐賦詩送柴
中行去國廷宰相山知湖州復以通書徐僑論能提舉千秋鴻
禧觀久之知漳州漳俗不葬親榘寄僧舍與為管義塚二約期
責限官為葬無主名及力弗給者刻石以識作龍江書院於溪
山傍處據臨漳臺既成橫經自講以飲動其人益令向學劫去
縣令以賄聞者籍其財還之于民郡有經總制無名錢悉疏罷
之常平使言其專不辯請歸久之提舉崇禛觀與鄉里耆艾七
人為真率會卒年七十四稷性至孝父疾願損已算益親年父
果愈真德秀嘗舉代已沒又為銘其墓所著有吳齋集諸經講
義集解漢魏晉唐詩文編輯先賢奏議曰王府曰葉山 弟和
字祥仲開禧元年進士為上元主簿大開祠宇祀程頤真德秀
為記之知德興振荒有惠政著蟾塘文集行世
劉頴字公實衢州西安人登進士調溧陽簿會索民租未入者
頴以師旅之後宜先撫摩當盡蠲逋賦留守張浚喜之即行奏

免由是知名遺其子斌與游擢全州教授遷知鉛山外艱再知
常熟簽判潭州王佐為帥自負材能盛氣以臨僚吏頴約以中
道佐多為之屈陳峒反藉頴計策擒賊上功名監進奏院進太
常寺簿遷丞兼兵部郎官提舉浙西常平茶鹽遷澧水湖以泄
吳松江水禁民侵築咸願其利就遷提刑以洗冤澤物為任間
詣獄察不應繫者縱遣之尋被劾罷除江西通判德化縣民逃
徙田租無出頴以見種之稅均於荒萊有願耕者第減之上供
不歎而逃田盡復墜直秘閣淮東運副大水敗楚州城軍帥劉
超欲移築頴言城雖圯尚可脩築何忍損民百萬緡為一人幸
賞之地奏入從之轉戶部郎中淮東總領務場舊以額鈔抵賞
除耗餉計二十年來無知此弊者頴究最得之以所實數論賞
而總餉增羨還司農少卿准西總領前主計者請白為醜利頗
弘簡錄 卷一六十九
除其後稍虧反佐以大軍錢邀羅江淮如負販狀大失王人
之體頴奏罷之內府歲輸限迫每移供軍錢以應頴為蒐吏弊
汰冗員分月紉解那移之患遂息尋除宗正少卿累遷華文閣
待知泉州嘉定改元進龍圖閣待制知婺州請老以實謨閣直
學士致仕卒年七十八贈光祿大夫在孝宗朝人臣乎承意自
獻頴奏今日之失在輕聽人言昔之施為今復棄置大損盛德
光宗時論人上難克而易流者四逸豫無節賜予無度儒臣易
疎近伴易悅寧宗學禁初起黨論日興頴奏元祐崇悅之事可
鑒願陛下御之以道容之以德其言皆切中時弊後徙麾節十
餘年有以淹速訊之笑曰從吾好也與韓侂胄有舊恐其浼已
輒謝絕之每語趙汝愚曰奇謝余參政幸善待朝廷人才後端
禮繼汝愚為相善類多所全作蓋頴之助也

李繫字清叔崇慶普原人第進士為隆州判官攝綿州歲使出
 義倉以振擢知永康軍移利州提點成都路刑代兼提舉常平
 歲凶先事發廩蠲租知興元府安撫利州東路管馬行阡陌
 問訪求民瘼有老嫗言劬外和糴獨多民所以饑繫奏免之民
 大悅俄除倉部員外升郎中總領四州財賦軍馬錢糧淳熙三
 年廷臣又言四川諸州歲市軍糧名為和糴實類科糴詔與制
 使范成大相度以聞繫奏所糴六十萬石歲約百萬緡如於經
 費之中斟酌損益貴賤隨時不使虧價出納公平勿務取贏則
 軍不乏興民不加賦訖如其議遠邇謹趨民既樂與官為市始
 知有生之樂會關外麥熟倍於常年歲又大稔米價頓賤父老
 以為三十年所無實由罷糴民力稍紓得以盡力農畝梁洋間
 繪像祠之成大驛疏以聞詔答曰免和糴一年所致和氣若此
 弘簡錄 卷一百六十九 二 嘉祐末十四

乃知民力不可重困也擢繫守太府少卿在職三年前後奏疏
 十有三上利民十一事降詔難問者八成大名見上又問糴事
 可久行否奏言李繫以身任此臣敢以身保繫孝宗大悅繫又
 欲奏蜀監酒和買之弊以盡滌民害方當向用適有疾卒上甚
 悼之詔致仕恩外特與遺表恩澤前此所未有也生平講學臨
 政皆有源委初宰眉山校成都漕試發策以武宣之明不能銷
 大臣握兵之禍以憲武之烈不能收藩鎮握兵之權危劉氏滅
 唐室鮮不山此吳挺以為怨後乃謬委軍食濫惡繫絀其樸以
 進遂不問踰三十年曠叛安丙服其先見每語人曰吾等焦頭
 爛額耳孰有知微識遠如李公者乎所著書十八種為桃溪集
 一百卷

陳咸字逢儒臺諫升卿子出後叔父巨卿登淳熙進士湖內江

尉吏受賄賦民不均咸白部使下令聽民自陳委咸均之擢知
 南充運使安節辟主管文字歲早有司免下戶兩稅節恐虧漕
 計咸曰苟利於民違之不可今楮幣行於四川者幾虧三百萬
 苟增印百萬足以補放免之數節從之軍多濫請咸每力為裁
 損民病歲收激賞權輸絹錢自於節奏減其數擢知資州大脩
 學宮政以長聞久旱發粟以振明年兩川皆旱總制二司議蠲
 民賦而慮虧國課咸請增印未補發引百有九萬以償所蠲議
 遂決改知普州開禧用兵宣撫程松奇其才辟主管機宜文字
 首論蜀兵不可轉動搜人才練軍實考圖籍以疏財用之源
 視險要以決攻守之計約大將面會以免猜嫌捐金帛募死士
 以明間探出虛指奇之策審於當用俸勝趨利之謀寢而勿行
 松不能用副使吳曦蔑視松易置將吏不以關白咸憂之復說
 弘簡錄 卷一百六十九 三 嘉祐末十四

松收梁洋以北義士緩急為用據險阨立關堡杜支徑以備不
 虞又不能用遷利路運判留大安軍督軍糧檄其守楊震仲振
 流民備姦盜衆稍安曦以咸名士欲首脅之以令其餘檄咸議
 事不往遂之利州方抵城偽都運徐景望已挾兵入居臺治咸
 欲結主管文字王釜福艾二人誅景望既而釜棄官歸謀逐沮
 語家千欽曰咸義當擊賊恨無兵權李道傳問計安出咸曰事
 極不過一死必不為蜀累也乃削髮破緡而出景望遣兵拘咸
 於岸曦聞怒甚吳玠勸曦召咸主武典寺因殺之安丙力救得
 免歸曦誅上表自劾丙與楊輔皆免其出宣諭使吳玠亦表其
 節詔進咸二秩咸以回贈所生父母丙尋奏以咸總蜀賦時僭
 亂後帑藏赤立咸至武典與丙商權利病兵政財計合為一家
 汰弱兵二萬餘奏嚴諸司羨餘移支常平廣惠米鑄當五錢權

截四路上供規畫備至故軍興增支之數八千七百五十餘萬皆不取於民又別貯軍糧百四十九萬石料七萬餘而布帛絲綿銅鐵錢與祠牒皆不預焉劔外民久苦役丙議調東西兩路及夔路丁壯共其勞民憚行訴乞計直輸錢至十五萬咸蜀之蜀錢引舊納兩界五千餘萬半藏於官自軍興引皆散於民宜總二司增刑三界通行八千餘萬價日益落減捐一千二百餘萬緡以收十九界之半又與丙議合茶馬司之力再收九十一界續造九十三界以兌之於是引價復昂糧價頓減嘉陵江忽淺導自益昌至于魚梁饋運無阻金州地險咸增饋米以實之人謂無益咸曰敵至而慮無及矣未幾金人犯上津守賴以固名爲司農少卿卒丙列奏其功賜諡勤節

劉甲字師文宰相擊之後父善爲成都漕幕游因家焉甲

弘簡錄 卷一百六十九 庶官朱十四
勿孤多難母病割股以進登淳熙進士累官至度支郎中樞密院檢詳文字兼國史實錄院使金至燕山伴宴名犯仁廟嫌諱力辭宴日復辭宜仁后忌還除司農少卿改太常權工部侍郎同脩程尋以寶謨閣待制知江陵府兼湖北安撫使因夔時高保融遺趾分江流瀕之以爲北海浚築亘四十里移知廬州又移興元府利東安撫使未至鎮吳曦反謀已露金人破大散關程松謀遁遠以便宜檄甲兼沿邊制置中告急于廟乞下兩宜撫司協力并禦職遺統制王鉞準備將趙觀以書致之又遣弟旻邀相見甲援大義此而去之募二兵持帛書遺參政李壁援顏真卿河北故事欲自拔歸朝乞骸骨朝廷若遣吳總以右職入川即日可瓦解矣職僭位韓侂胄猶不之信壁袖帛書進上覽之舉朝震駭二兵皆補官卽命總知鄂州多賜告身金錢使

招諭諸軍爲入蜀計復以帛書賜甲名赴行在不允致仕舟行至重慶聞已誅職復還漢中上奏待罪詔起還任會安丙謀除楊巨源軍情巨測乃以密劄除甲宜撫使未幾金自鶴嶺關進屯八里山甲分兵進守諸關截潼川戍兵駐饒風以待之金知有備引去侂胄誅上念甲精忠拜寶謨閣學士賜衣帶鞍馬自楊輔名歸西邊諸事及人才可用者朝論多取決於甲問彭軫與丙不協乃以書問又俾論丙減汰諸軍勿爲過甚先是紹興中蜀軍無見糧刑爲科緡總領李紫以招羅懼不給又命勸羅其半自此始有其名後李昌圖總計奏令金梁守俸收糧而勸羅亦罷及是乞下總所照繫成法措置從之明年罷宜撫司合利路東西爲一移知潼川與興元府兼利路安撫使節制本路屯駐軍馬凡丙所立茶鹽柴即悉廢之又乞以早知博易鋪場

弘簡錄 卷一百六十九 庶官朱十四
宗詒諡清惠

楊輔字嗣勳遂寧人登甲科名試館職除祕書正字遷校書郎出知眉州累遷戶部郎中總領四川財賦奏蠲東西兩川畸零絹錢并激賞絹詔獎之歲以爲例升太府少卿密白二府及制置丘帝言武興帥吳挺疾病宜早擇人望以鎮方面統制李爽乃其腹心緩急不可在宿然之挺卒帝制備輔權帥事甫數月召守祕書監知江陵府試禮部侍郎知襄陽進顯謨閣待制知潼川召還除奉外祠尋以敷文閣直學士知成都兼本路安撫使知職有異志貽書大臣言自昔兵帥與計臣不相統攝故

總領有報發覺祭之權今所在皆受節制內憂不慙因託首他
事遣人以密書告職變事于朝朔日率官屬東望拜表如常儀
上意輔能誅賊密詔授寶謨閣學士四川制置使許以便宜從
事人皆望輔倡義自以不習武事且內郡無兵可用遲延兩月
職移輔知遂寧府遂以印投通判韓植而去安丙湯巨源以輔
有人望稱密詔自輔所來聞者皆信職既誅丙起輔還成都改
宣燕使息蘇奏臣衰病軟懦恐牽制政事丙才力強濟實謂明
果乞以事任付丙又言蜀中三帥惟武典事權特重故今日之
變乞並置兩帥分其管屯朝命召輔赴闕議者謂蜀亂初平未
宜遽去復以為制置使兼知成都踰年再召為兵部尚書兼侍
讀楊簡言輔嘗乘成都不當召乃改龍圖閣學士知建康府兼
江淮制置使卒于官諡曰莊惠

弘簡錄 卷一百六十九 五 無官宋十四

湯琦字君保瀏陽人登淳熙進士調德安教授轉三省樞密架
閣選國子博士疏言朱熹以正學為講官四方顛望其有啓沃
之益曾未聞其有過咎之者設聽其去必駭物情宜追召還仍
授講職不報琦負節槩以直聲聞于時與韓侂胄陳自強不合
故進言者屢中傷之罷歸未幾陞禮部郎官例掌三省奏記臨
安大火寧宗避正殿中書三表請復不許乃轉駕部出知常州
入為大理少卿進直徽猷閣卒生平奉祠間居之日多為辭務
持大體不為阿曲言者撫其語涉訕上而朝廷實知其無他故
起復制詞有清風峻節之語
宋德之字正仲其先京兆人隋諫大夫遠謫彭山子孫散居於
蜀遂為蜀人擢慶元二年外省第一為山南道掌書記召除國
子正遷武學博士與諸生論八陣本乎八卦皆以動物為象奇

正之變往來相生而不窮知此然後可以致勝遷密院編脩會
赤青見太陰犯權星內北門鵝尾災延及三省六部德之應詔
奏離為火為日為甲冑坎為水為月為盜賊隱伏火失其性則
赤氣見憂在甲兵水失其性則太陰失度憂在隱伏因疏七事
皆當時至切之患韓侂胄將萌兵變德之又奏今敵人未動而
輕變祖宗舊制命武臣吳曦仍帥西蜀皇甫斌在襄漢郭倪李
奕在兩淮以自遺患晉叛將唐藩鎮之禍基於此矣除太常丞
出知閬州職果變德之託足疾以避事蜀平始赴閬擢本路提
點刑獄安丙奏其進慢降一官改潼川路運判歷湖南北提刑
名為兵部郎官會史彌遠疑丙首以問之德之曰微丙朝廷無
蜀矣人有大功而疑之是以私嫌廢公議也彌遠以為忤遂罷
丙深感德且自愧曰丙不知正仲正仲不負丙因請與結緡不
弘簡錄 卷一百六十九 六 無官宋十四

許時論益稱之尋起知眉州以監特奏名試得疾而卒祖耕官
宣教郎性剛介因亂棄官去莫知所之後從父廉聞臨安人言
蜀有宋宣教者過浙江而去因適越求之則已入四明德之渡
江尋訪至雪竇有蜀僧言山後有爛平山三居士居之其一宋
宣教也亟躋攀而至惟見丹竈藥爐乃置祠其上而歸
薛叔似字象先河東人徙永嘉入太學為國子錄雅慕朱熹窮
道德性命之旨談天文地理鐘律象數之學召對論祖宗立國
之初取民甚輕自熙寧以來始增賦稅民困滋甚孝宗嘉其說
與應孟明同記姓名一日語曰朕在宮中有如一僮對曰此非
所敢望於陛下為人君者要當使功業超卓華夏又安今既不
能如祖宗之舊正使海內富庶不過東南之文景法度脩弊亦
為江左之明章陛下即位二十餘年國勢未張豈可牽於無事

苟安之說上默然遷太常博士密院編脩特擢左補闕奏言金
主祖孫景代立朝廷規模果定當乘五單于爭立之機如其不
然不可安動恐反成強敵迭起之勢屬光宗受禪復奏自壽皇
一正匹敵之禮金人常有南顧之虞今使者入界名稱未正而
遠受之祇以重其玩侮此謀國者畏敵太過之故改除將作監
累遷秘書監權戶部侍郎宰相周必大以天文屬度少差豫圖
銷弭命叔似提舉太史局未幾兼樞密都承旨劉德秀疏罷奉
祠起知贛州移隆興廬州召除內官觀兼侍讀權兵部侍郎同
脩國史兼參議國用司請除兩浙民身丁錢詔從之試吏部侍
郎充京湖宣諭使迎合侂冑開邊拜兵部尚書端明殿學士改
宜撫使方乞給降官會分撥綱運募兵鬻馬辟政僚佐而皇甫
斌唐州之師已敗料敵必侵黃委總領陳謙按行五關發鄂
弘簡錄 卷一百六十九 主 應官朱十四

椿不如期楚州招武鋒軍三千五百餘人主將望輕郡守不為
禮訓練不盡其能願少假借責之練習期以歲月考績用成上
于朝而黜陟之上嘉納韓侂冑族居越公行私釀作實逮捕其
奴窺之論紹興和買事語在食貨志尋除兩浙運副疏論擴宮
司主者妄費歲撥經總制錢四萬緡丹艘未弊加之塗飭墻壁
俱存從而剝易祇為驚駭神靈非所以彰聖孝也脩奉者不樂
俄權工部侍郎奏請脩紹興三十一年以前故事復赦令所刪
脩官五員以待選人有才者又乞申嚴保伍法以言罷歸起知
鎮江府除崇英殿脩撰改寧國以寶謨閣待制知潭州入為戶
部侍郎兼詳定敕令官奏湖北當備粟湖南當增兵又改龍圖
閣待制知平江府節制許浦水軍使臣乃故海盜作實使招其
黨既至慰勉之錫衣物得強勇千人並將以統之號義士復募
弘簡錄 卷一百六十九 主 應官朱十四

徐邦憲字文子義烏人幼穎悟從陳傅良究名物義理以通史傳百家之書紹熙四年試禮部第一登進士遷秘書郎首言侂
 冑開釁禍國巧外知處州再歲召還疏言求名義以息兵莫若
 因建儲而肆赦借殊常之恩為弭兵之舉東委宣諭西委宣撫
 洗弄兵之咎省成邊之師發倉粟以賑餓殍及農時而復民業
 侂冑惡聞其言鑄秩罷祠再復官以戶部郎為淮西總領侂冑
 誅尙書倪思舉以自代名對言今日更化未可與紹興乙亥同
 論秦檜專權天下猶可以緝理今天下敗壞盡矣累除權工部
 侍郎知臨安府以寶謨閣待制致仕卒于官年五十七諡文肅
 商飛卿字聖仲臨海人登進士官無為軍教授累遷工部郎官
 入京踰月不附侂冑即丐去提舉福建常平茶鹽提舉監察御史
 復以言事迂侂冑請外以秘閣修撰為荆湖南路運判進司農
 弘簡錄 卷一百六十九 十一
 卿總領江東淮西軍馬錢糧能以身率下特為儉約凡宴飲餽
 遺悉罷省之又以時欵散餉餉稍裕開禧中權戶部侍郎時將
 舉師問以餉計豐約飛卿以實告比調遣浩繁不支屬有旨俾
 軍前傳宣撫勞金兵大至幾不免遂以憂卒
 方信孺字孚若興化人少有雋材米冠能文周必大楊萬里咸
 器之以父崧蔭補番禺尉轉蕭山丞朝廷悔侂冑啓戮金亦厭
 兵遣使往來報書皆莫能得其要領近臣薦信孺假朝奉郎權
 密院檢詳文字充國信所參謀官持柎府張巖書通問于金至
 濠州金帥紇石烈子仁止信孺獄中露刃環守之要以五事一
 割兩淮二增歲幣三索犒軍四還歸正人五縛送首謀信孺曰
 反俘歸幣可從縛送首謀言無是事稱藩割地則非臣子所忍
 言子仁怒曰若不望生還耶荅曰將命出國門已置生死度外

矣至汴見左丞相完顏宗浩語曰稱藩割地自有故事信孺曰
 昔靖康倉卒割三鎮紹興因太母故暫屈今日可目為故事乎
 此事不獨小臣不敢言行府亦不敢奏辯對再三不少諫宗浩
 叱之曰前日與兵今復求和何故信孺曰前日與兵為社稷復
 讐今日求和為生靈屈已宗浩不復詰授以報書遣還詔侍從
 盛諫議所以復從其三事還俘并罪首謀增歲幣五萬再令往
 報猶執初議信孺曰本朝謂增幣已為早屈况名分地界哉且
 以曲直校之本朝與兵在去年四月北朝貽書誘吳曦則去年
 三月曲固有在矣如以疆弱言若得滁濠我亦得泗漣若勝于
 得浦橋我亦捷于鳳凰山我圍宿壽不能下若圍廬和楚果能
 下乎五事已從其三而猶不聽不過再交兵勝負恐未可知耳
 時已誅曦金人氣頗索見信孺忠懇乃曰割地之議姑寢稱藩
 弘簡錄 卷一百六十九 十一
 不得當改叔為伯歲幣外別加犒師信孺仍固執不許復命再
 差充通謝國信使奉國書誓草及通謝緡錢百萬抵汴宗浩遂
 變前說怒其不曲折建白即持誓書來有誅戮禁錮語且曰此
 事非犒軍錢可了須別出事目信孺不為動徐曰歲幣不可再
 增故代以通謝錢今既得此復求彼吾有隕首而已矧留於此
 與辱命同不若先就戮不聽遣還初信孺語侂冑金人設問首
 謀何以荅之侂冑為之嬰然及是還言敵所欲五事獨諱其末
 不敢言侂冑再三問應曰欲得太師頭耳侂冑大怒奪三秩賜
 管臨江軍年纔三十歸營居室巖寶自放於詩酒已而王柎定
 議增幣函首皆前信孺所持不可者柎歸奏信孺自春抵秋三
 使往返以口舌折辯強敵信孺當其難柎當其易每見金人必
 問信孺安在公論所推雖敵人不能掩也乃詔得自便起知節

州累遷淮東運判兼提刑知其州性豪爽揮金如糞所至賓客皆滿知其州時即北山園水築石堤袤二十里人莫知其所為後金兵薄儀真守將決水圍以退敵城乃獲全山東內附上言榮傑不可以虛名駕馭武夫不可以弱勢彈壓宜選威望重臣將精兵數萬開幕山東以主制客以重馭輕則可以包山東固江北而兩河在吾目中矣不聽久之費用困竭賓客益落乃死范應鈴字旂叟豐城人方娠大父夢雙日照庭稍長厲志于學周心大嘉賞其文登開禧進士調永新尉縣當龍泉茶陵溪峒之衝喜亂者屢為驚擾應鈴廉待主名擒治之矣弛八鄉民租言於轉運使曰某非徒為八鄉貧民乃深為州計耳民貧迫之急將有不肖之心租不可得而禍未易弭使色動訖得請民大感悅邑大姓與轉運有連家僮恠橫應鈴管而繫之坐調衡州

弘簡錄 卷一百六十九 主 衡州府志

錄事總領聞其名辟為屬改知崇仁明約束信期會正紀綱曉諭吏民使知所趨避然後罷鄉吏之供需校版籍之欺蔽不數月皆薄成即以其簿及苗稅則例上之總領所自此賦役均矣夙與冠裳聽訟發適如神真德秀扁其堂曰對越將代整治如始至歲杪與百姓休息開債負蠲租稅釋囚繫恤生瘞死崇孝勸睦仁民厚俗諄如也遷通判撫州內艱服除改浙州差知吉州時峒寇為亂吉凡八邑七被殘燬且當舟車之會屯大軍六萬應鈴慨然曰此豈臣子辭難時耶即率親以行首以練兵食為務去冗吏覈軍籍汰老弱或勸以權酷與利謝曰吾縱不能禁百姓羣飲豈可誘之喇其廢耶永新禾山羣盜嘯聚察過客趙希邵有才略檄攝其邑調郡兵結隅保分道搗其巢誅為首者七人鄉以安定頓叛卒朱先賊殺主帥應鈴密遣謀捕之部

使者劫其輕發鐫一官問居六年起提點廣西刑獄既至多所平反丁錢盡民力奏免之召為金部郎官入見首言今以朝行暮改之規模欲變累年上既下慢之積習以悠悠內治之微政欲圖一旦赫赫外攘之大功公論不出於君子而參以達君之小人紀綱不正於朝廷而牽於弄權之閹寺言皆蕭直識者疑之由浙東提刑改直祕閣提舉江西常平併詭寄三萬戶風采凜然外艱服除遷軍器監兼尙左郎官召見奏國事大且急者儲貳為先陛下不斷自宸衷徒眩惑於左右近習轉移於官庭嬪御恐後時移事改束手無策帝為之動容屬鹽法屢變九江豫章江右貧民終歲食淡應鈴力陳商民四害願用祖宗入粟易鹽之法授直寶謨閣湖南運判兼安撫司峒獠蔣何三族聚眾千餘執縣令殺王官招捕逾年不至即調飛虎等軍會討之

弘簡錄 卷一百六十九 主 衡州府志

應鈴親臨督師號令明信士卒鼓勇奮將時選父子及兇渠五人誅之魯從安業未一月全師而歸授直寶章閣至大理少卿以病再請告不允一日籍府庫核簿書處決官事及家務纖悉不遺僚屬勸以清心省事曰生死數也生平學力正在今日帥別之傑問疾肅入言論如平時之傑退愴然而逝應鈴不以得失利害動心當官而行無敢撓以非義所至無留訟滯獄繩姦吏不少貸然未嘗沒其貲嘗曰彼之貨以悖入我從而悖出之可乎家居時人有不平不走官府而走其門為不善輒相戒曰無使范公間讀書明大義尤喜左氏春秋所著有西堂雜著對越集徐鹿卿稱其經術似倪寬決獄似雋不疑治民似龔遂風采似范滂理財似劉晏而正大過之人以為名言

弘簡錄卷六十九 終

弘簡錄卷一百七十

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之十五

汪綱 王寔 余玠 向士璧 冷應激

杜杲子慶 王登 楊拔 胡穎 王邁

史彌華 黃管 楊大異 趙逢龍 孫子秀

李會伯 陳堽 羅必先

汪綱字仲舉熙縣人曾祖勃簽書樞密院父義和侍御史主管

在神觀祠初以祖蔭入官復中湖南漕試調鎮江司戶參軍馬

大同領鎮強毅自任綱言論獨不詭隨朝議慮銅寶洩於外欲

行兩淮鐵錢於沿江邊而私鑄盛行錢輕物重綱言若官不

弘簡錄 卷一百七十 庶官宋十五

求餘美重禁以戢私鑄則民將自便之何至以做內郡耶大同

悟擢桂陽軍平陽縣令縣連溪峒蠻與居綱一遇以恩信歲

饑旁邑惡少千餘入境壘貨挾界頭牛樹二砦兵為援砦盤踞

萬山間前令未嘗涉其境綱親造之蠻不虞其至相率出迎綱

夜宿砦中呼砦官詰責不能防守狀皆皇恐伏罪杖其首惡八

人發粟振糶民賴以安桂陽歲貢銀平陽當三分之一綱謂故

時銀礦全發可以應命今地寶已竭力請蠲免從之改知弋陽

父喪服除知蘭溪決擿如神歲旱郡倚辦勸分綱言勸分所以

助義倉若一切行之非所謂安富恤貧也願假常平糶本始得

循環迭濟又勸富民浚築塘堰大興水利使餓者得食其力全

活甚衆郡守張抑列為荒政之冠繼知太平雁內艱擢監行在

左藏西庫議當遣幣于金屬金人殺其主允濟自立遣使來告

襲位綱言當止之境上論以爾前主所增歲幣今既易代當復

隆興大定之舊俟此議定其正且生辰之使可遲歲月吾得以

擇邊將葺城堡簡軍實儲糗糧使沿邊屹然有不可犯之勢聽

其自相攻擊然後以全力制其後廟堂寔之擢提轄東西庫幹

辦諸司審計司選知高郵軍陸離言揚楚二州當各屯二萬人

壯其聲勢而以高郵為家高郵三面阻水湖澤與阻戎馬所不

能踴獨西南一路直拒天長無險可守去城六十里隨宜經畫

或浚溝塹或設伏兵以扼其衝若慮湖可以通淮當招水卒五

千造百艘列三砦以戒非常上是之興化民田濱海昔人築堰

以障易鹵置石函以疏運河水勢歲久皆壞綱至亟為增修部

使者聞于朝增秩提舉淮東常平綱上言兩淮之積不可多昇

潤之積不可少淮米越江有禁乃自分畛域豈為民父母之意

弘簡錄 卷一百七十 庶官宋十五

請下金陵糶三十萬以便淮西之民京東糶五十萬以便淮東

之民平江積米久而紅腐宜取餉輦下諸軍江上歲運當至京

者貯之京口金陵轉漕兩淮中都諸倉亦當廣糶以補其數制

置使訪以備禦言淮地自昔號財賦淵藪西有鐵冶東富魚稻

足以自給淮右多山淮左多水足以自固誠能合兩淮為一家

兵財通融聲勢合一雖不假江浙之力可也州郡禁兵本非供

役乃就糧外郡耳今不川之戰關使共力役緩急戍守專倚大

軍指日待更不安風土若主兵生長邊地墳墓室家人自為守

當精擇伉壯廣其尺籍悉隸御前軍額分孽券給以助州郡衣

糶之供大率如山陽武鋒軍制則邊而不必抽江上之戍江上

不必出禁閉之節生券更番勞費俱息時有獻言制司買墾荒

土置營田綱言難辦而工力水利非久不可曷若勸民盡

耕開田明治堙塞官爲之助變瘠爲沃使民有餘蓄則晁錯入粟之議本朝便糴之法在其中矣制司知其無益乃止淮東煮鹽之利歲久敝滋稠悉爲挾搥凡虛額無實能爲出內飛走移易事制曲防課乃更羨既盡貨所負百餘萬尚贏三十萬爲椿辦庫以備鹽本之闕添新窰五十所諸場一視乾道舊額課官吏殿最增場官俸以養其廉推戶部員外郎總領淮東軍馬財賦時邊而多生券山東增歸附月糧真楚諸州又新招督手皆仰給總所諸州漕運不以時至綱爲核名實警稱慢區畫處分餉賴以不乏累遷直煥章開知紹興府主管浙東安撫司公事開蕭山古運河西通錢塘東達台明創江口庫使外淤弗入內水不出仍究其塗以達于城關諸暨十六鄉瀕湖蕩濶爲豪勢私占水不得洩旱不得溉綱疏請於朝力清隱占湖川始復又

弘簡錄 卷一百七

言越郡控臨海道拱衛都畿而軍籍單弱乃招水軍刺義手創營增甲成勢赫然兼權司農卿尋直龍圖閣理宗進右文集英

二殿修撰寶謨閣待制凡佩四印文牘山積而能操約御煩治事不過二十刻公庭如水卑官下吏一言中理慨然從之寶慶三年大水發粟獨租奏罷經總制稟名虛額困弊頓蘇入見言臣下先利之心過於徇義爲身之計過於謀國輸情退縮奔競貪贖相與爲欺宜有以轉移之尋權戶部侍郎致仕不越人相率慟哭生平刻意問學博通經史至兵農醫卜陰陽休咎諸書靡不研究機神明銳遇事立決爲文尤長於論事援據古今辨博雄勁服用不喜奢麗供帳車乘雖敝不更所著有剏齋集左帑志漫存錄

王筵字定叟東陽人大父豪以誅方臘功補官筵少有奇氣嘉

定四年試武舉中絕倫異等喬行簡喜曰爲朝廷得一將才矣授承節郎爲榜帥鍾興嗣隨軍都錢糧官尋守禦黃州制置使李璘辟致幕下於軍事知無不言謂招募良家子不可以負練冒濫防守江而全賴正軍若義勇民兵特可爲聲援耳今羸病者多兵械損舊豈不敗事調兵防江當於江岸創屋居之使專心守禦又言竄立部伍法平居則稽其虛籍冒請之敝糾其窺逸生事之人緩急則稽其併力向敵之志作其逃陣不進之心蓋用兵不視人數之多寡而視敵習之精否則勝負之形可見矣理宗即位差克浙西副都監湖州駐劄值潘甫事方定因綏撫之鎮江都統趙勝辟爲計議官時李全寇亂勝出戍揚州屬官多憚從行遂慨然曰此豈臣子辭難之日至揚子橋聞賊兵在南門竟赴之身先士卒大小十八戰無一不利奪賊塚築土

弘簡錄 卷一百七

城焚城門賊氣爲懾差知應州兼沿邊都巡檢使節制黃甫後營彈壓諸道軍馬諸道兵二十萬將往收復楚州霆帥所部爲

犄角之助薦試問門舍人入對言恢復之說有二曰規撫曰機會顧今之規撫安在哉守令所以牧民而惠養之未加將帥所以御軍而拊循之未至邦財未裕而枵券之敝深軍儲未豐而和糴之害徒慘官有土地而荒蕪民因賦役而破產獄訟類成冤抑銓曹率多淹留薦舉無反坐貪徒得以引類而通班按刺不徇公微官易以迂意而連譴以言郡計則紛耗於囊橐包苴以言戰功則多私於親昵故舊至於降卒中處養虎遺患輕敵開邊以肉侵虎夫以規撫之切要者而不滿人意如此臣敢輕進恢復之說以爲得乘機會哉凡臣之所陳者乞播告中外悉懲其舊而圖其新規撫既立然後義旗一麾諸道並進臣力

尚壯願效前驅。惟陛下堅定而勉圖之。帝稱其言可采。陞武功大夫。出知濠州。賜金帶。至州。節浮費。糴粟買馬。以備不虞。特轉橫班。諸使北兵至。浮光其民奔遁。相屬朝議。以遷移知光州。兼沿邊都巡檢使。寔日雪夜行。倍道疾馳。至州。分遣間探。整飭戰守之具。大戰於謝。令橋光人以安督府魏了翁致書慰安。以緡錢十萬勞其軍。求去。除吉州刺史。仍知光州。固辭。丞相鄭清之制使史嵩之。皆以書留。寔不從。曰。士大夫當以世從道。不可以道從世。再授閩門舍人。達州刺史。右屯衛大將軍。兼知新州。亦不赴。遷淮西馬步軍副總管。兼遊擊軍副都統。制論遊擊軍十事。不報。奉崇禧觀祠。起知高郵軍。流民弟邦傑聚眾為盜。寔殲其渠魁。餘黨悉散。時議出師諸軍。畢行。寔言。莫若遣間探。覘敵情。如不得已。然後行之。否則無故自蕩。其根本是外兵未至。弘簡錄 卷一百七十 五 廣官宋十五

而內兵先慘烈也。雖大與時迂。而境內獨安。說者益眾。復奉雲臺觀祠。賈似道欲移之。齊安寔謂防秋已急。邊守不宜臨時更易。蓋少需之。乃授帶行左領軍衛大將軍。克沿江制置司計議官。撰沿江邊誌一編。以獻制使董槐。鄧泳交薦。差知壽昌軍。改新州。建學舍。祠忠臣。貽書丞相杜範。曰。兩淮藩籬也。大江門戶也。三輔堂奧也。藩籬不固。則門戶且危。門戶既危。則堂奧豈能久安乎。乞撤江審察形勢。置三新城。斯春置于龍眼磯。安慶置于孟城淶。陽置于宜化。不報。卒。生平處宗族有恩。其父析業。獨以讓其兄嘗。訓子弟。曰。窮理盡性。學之本也。有玉溪集。行世。余玠字義夫。新州人。父子才見。李全傳玠家貧。落魄。喜功名。好大言。嘗為白鹿洞諸生。殿茶肆。翁死。脫身走襄淮。作長短句。謁制使趙葵。葵壯之。留幕中。未幾。以功補進義副尉。克制司參議。

官進工部郎官。嘉熙三年。率舟師渡淮。入河。抵汴。與元兵戰於卯城。河陰所向有功。進三秩。歷遷華文閣待制。節制昭信軍。賜金帶。淳祐元年。提兵解安。豐。國。拜大理少卿。知潭州。累准東制置副使。進對。欲使國人上下所行。無不確實。然後華夏率乎天。人感格。今世。曾之彥。場屋之士。田里之衆。一或即或。即指為。人。斥為。哈。伍。願。陛下視文武之士。為一勿令。偏有所重。帝曰。卿人物。議論。皆不尋常。可獨當一面。真拜兵部侍郎。徹。秋。閣。學。士。四川宣諭使。給金字符。黃榜各十。以備招撫。玠作經理四。圖。深自許。可。願。假。十年。富。手。學。全。蜀。以。還。于。朝。然。後。歸。老。臣。之。願。也。尋。遣。龍。圖。閣。四。川。安。撫。制。置。使。知。重。慶。府。兼。四。川。總。領。夔。路。轉。運。使。蜀。自。寶。慶。至。淳。祐。十。六。年。間。凡。授。宣。撫。三。人。制。置。九。人。或。老。情。貪。庸。而。不。久。或。慘。酷。繆。戾。遂。領。而。不。專。或。開。隙。而。無。成。績。弘簡錄 卷一百七十 六 廣官宋十五

東西兩川。無復紀律。遺民咸不聊生。監司戎帥。各專號令。擅辟守宰。政事日壞。自玠之入。人心粗定。始有安土之志。乃大更弊政。邊守宰。築招賢館于府之左。供張一如帥所。下令當如諸葛。集眾思廣。忠益欲有謀。以告我者。近則徑詣公府。遠則自言于郡所在。以禮遣之。高爵重賞。朝廷不吝。以報有功。榮傑之士。趣期立事。今其時矣。士之至者。玠不厭禮接。咸得其歡心。言有可用。隨其才任之。苟不可用。亦厚遺以謝。時播州冉氏兄弟。玠弟瑛。自言有文武才。隱居蠻中。前後辟召。皆不應。及是。聞玠賢。相謂曰。是可與語者。詣府上謁。玠素聞其名。引入。分廷抗禮。賓館之奉。安之若素。有居數月。無所言。玠為設宴。酒酣。坐客紛然。競言所長。玠兄弟飲食而已。玠以微言挑之。卒。然。然。玠曰。是觀我所以待之。何如耳。明日。闕別館以處。且使人窺其所為。兄弟終

日不言。惟對踞以望。畫地爲山川城郭之形。起卽沒去。如是又旬日。請見屏人語曰。某兄弟辱明公禮遇。思以少裨。非敢同衆人也。爲西蜀計。其在徙合州城乎。玠不覺躍起。執其手曰。此玠志也。但未得其所耳。曰。蜀口形勝之地。莫若釣魚山。請徙諸此。若任得其人。積粟守之。賢於十萬師遠矣。巴蜀不足守也。玠大喜曰。玠固疑先生非淺士。今豈敢掠美歸已。當問於朝。請不次官之。詔進玠端明殿學士。除璉水事。郎權發遣合州。璉承務郎。權通判州事。徙城之務。悉以委之。命下一府皆喧以爲不可。玠怒曰。城成則蜀賴以安。不成玠獨坐之無預。諸君卒祭。青居大獲釣魚。雲頂天生。凡十餘城。皆以山爲障。若布星分爲諸郡治所。屯兵聚糧。爲必守計。因誅璉將以肅軍令。移金茂於大獲。以護蜀口。移沔戎於青居。與戎先駐合州。舊城移守釣魚。以備內

弘簡錄

卷一百七十

七

廣信宋十五

動危蜀謀於親將楊成。成曰。前時大帥夔皆勢出其右。今視侍郎文臣。必不肯甘心從令。縱捨弗誅。養成其勢。後一舉足。西蜀危矣。玠曰。獨患其黨與衆未發耳。成曰。侍郎以夔執與吳氏。今夔無吳氏之功。而有曠之逆心。恃狃突之勇敢。慢法度。縱兵殘民。奴視同列。欲誅之一夫力。玠待其發而取之。難矣。玠意遂決。夜召夔計事。潛以成代領其衆。夔縱離營。成已單騎而入。將士皆愕。貽相顧。不知所爲。成曉以帥指。遂相率拜賀。夔至斬之。併察其同惡數人。稍稍以法誅之。乃薦成爲文州刺史。加玠資政殿。恩例如執政。統制姚世安常疑玠。固已厚結丞相謝方叔子姪。方叔倡言玠失利。戒心恐且。多有變會。玠欲革軍中舉代之弊。乃帥三千騎至雲頂山下。遣都統金某往代。世安閉關不納。密求玠短。託方叔陳於帝前。玠聞。鬱鬱不樂。寶祐元年。聞有召命。愈不自安。一夕暴下卒。帝輟朝。贈五官。蜀人莫不悲慕。如失父母。玠自歷官大小三十六戰。俱有勞効。任都統張寶治軍。旅安撫王惟忠治財賦。監簿朱文炳接賓客。皆有常度。至於修學養士。輕徭以寬民力。薄征以通商賈。屬嘉定命。典開屯田。于成都蜀既富實。奏罷京湖之餉。邊關無警。又撤東南之戍。屈指近來。開闢未有能及之者。惜其遽以太平自詫。進蜀錦。獨箋過於文飾。久假便宜之權。不顧嫌疑。昧於勇退。遂來讒賊之口。又所置機捕官。雖足以廉得事情。然虛實相半。故人多懷疑懼。卒至威名頓挫。齋志以役二年。侍御史吳燧等論其七罪。詔削奪原職。仍簿錄家財。以犒軍。贖邊六年。復之子師忠。以蔭入官。歷大理寺丞。徵所認錢三千萬。削官停勸。爲賈似道所殺。向士璧字君玉。常州人。負才精悍。尚氣自好。登紹定進士。通判

弘簡錄

卷一百七十

八

廣信宋十五

平江為淮西制置司參議官以言罷起知高郵累遷至湖北安撫副使知峽州兼歸峽施黔南平紹慶六郡鎮撫使歷太府少卿大理卿寶祐六年北兵渡馬湖入蜀取資簡二州合州告急制使馬光祖命士傑赴援不待朝命進師數立奇功且捐家貲以供軍費帝嘉其志進秘閣修撰樞密副都承旨開慶元年涪州危又命往援北兵夾江為營長數十里阻舟師不能進宜撫賈似道進駐峽州檄士傑以軍事付呂文德士傑不從乃以計所浮橋奏捷其言方畧未幾文德亦以提開士傑還峽方懷傾奪之疑尋辟為樞司參議再遷湖南制置副使元將兀良哈解兵自交阯北還前鋒至城下攻圍甚急士傑極力守禦聞後隊且至遣王輔佑率五百人往覘以易正大監其軍遇於南岳市一戰有功潭州圍遂解上功賜金帶進兵部侍郎兼轉運使似道疾其功諷御史陳寅孫附劾罷之漳州居住又稽守城時所用金穀逮至行部責償幕屬方元善極意逢迎似道意士傑坐是死復拘徵其妻妾其後元善改知吉水歸得在疾嘗呼士傑時輔佑亦死謫所德祐元年以太府卿柳岳言詔復元官仍還恩數錄用子孫立廟潭州

冷應澂字公定分寧人登寶慶進士調廬陵簿以廉能著揚長儒識拔之轉靜江府司錄參軍治獄平恕范應鈴薦知萬載縣大修學舍招俊秀治其業旌通經飭行者以勸歲饑下令收養棄孩父母不得復問全活甚眾葉夢得列其行事風厲餘邑核通判道州入監行在權貨務遷登聞檢院景定元年知德慶府前守縱豪吏漁獵激變峒獠偏城六十里而營應激未及入境馳檄諭之曰汝等不獲已至此新太守且上朝禍為福此一機

也宜早計去就不然不免狝惑悟然惑於謀主不能自歸應激知其勢解即厲士馬出不意一鼓擒之餘縱遣歸農極力摩撫愈為簡便屬縣護道阻租賦不至應激為之期曰首輸者與減分未至則償所減民惟恐後不一月訖事凡諸綱寮稍舉前守積不得者悉補遺之上下欣附復奏罷抑配鹽法川楮券折銀綱等五事以紓民力經畧雷宜中歎服亟上其事薦可大用詔陞本道提舉常平兼轉運使俾行其說劾守令貪橫不法十餘人列郡肅然最聞加直秘閣參政陳宗禮舉以代已經畧就除直寶章閣知廣州主管廣南東路經畧安撫司公事馬步軍都總管領漕庾如故五司叢劇應激分時理務不擾不劾毋以聞士行卜望之為師治官事如家事惜官物如已物常曰方今國計內虛邊聲外震吾等受上厚恩安得清談自高以誤當世

自開襄樊受圍日繕器械裕財粟以備倉卒後卒賴其用屢平大寇未嘗輕殺笞杖以降亦加審慎至其臨事輒斷雖勢要不為撓奪後卒于家

杜杲字子所邵武人父頌江西提刑杲以蔭授海門買納鹽場福建提刑陳彭壽檄攝閩縣尉江准制置李珣羅致幕下滁州受兵檄杲提偏師往援甫至民蔽野求入避守固拒杲啓鑰納之金兵圍城數重杲登陴奮厲卒全其城調江山丞兩浙轉運朱在僻監崇明鎮與總領岳珂議不合淮西制置會式申復辟廬州節度推官浮光兵變杲單騎往誅其渠魁反所餉金幣安豐守告成將將為變帥欲討杲謂必有所激請單騎從兩卒往呼其將諭曰而果無他可持吾書詣制府將即日行一軍帖然改知六安定遠淮帥李衍舉為所蒞州縣之最擢知濠州制

弘簡錄 卷一百七十 九

弘簡錄 卷一百七十 十

使趙晉湘密訪謀復肝貽景曰賊恃外援當斷肝貽橋梁以困之卒川其策李全衆數萬駐榆林阜請降景計納之則有後患論而遣之召奏事主管官告院遷淮西運判詔問守禦策惟果力諫出師謂沿淮旱蝗不任征役中原赤土無糧可因若虛內事外移南實北腹心之地必有可慮未幾兵潰衆服其先見命知安豐軍元兵圍城與大戰明年又戰擢將作監御書慰勉用李宗勉徐榮叟薦進太府卿淮西制置安撫副使兼轉運使累以戰功加直學士嘉熙二年九月察罕圍廬州力禦敗之引歸詔加兵部侍郎淮西制置使淳祐元年請老權工部尚書奉祠理宗起知太平州擢華文閣學士沿江制置使知建康罷楊林堡以其兵護溧陽淮民之寓沙上者調程頴祠設張拭像置貢士莊獨民租二萬八千復與元兵戰于真州進敷文閣學士再弘簡錄 卷一百七十 主 續前宋計五

備修學宮治績甚多移真州歷淮東西提點刑獄兼廬州安撫副使進直秘閣人歡迎如見慈父就加刑部郎中主管安撫司公事兼知廬州與元兵戰于望仙白沙城收直華文閣閱慶初累遷至兩淮制置使知揚州射陽湖饑民嗷聚遣將招刺得丁壯萬餘戮首惡數人京師火抗章自劾召赴行在尋直寶文閣知隆興府終江西運副

王登字景宋德安人少諳書喜古兵法慷慨有大志不事生產出孟珙幕府久之權知巴東獻俘制司登自以書生不屈竟棄功去淳祐四年舉進士調興山主簿總領賈似道徵修江陵城條畫有法制使李會伯經理襄陽登在行以功陞將作監丞丁母憂去及吳淵復至邊事甚亟因憶登才畧具書幣招之登拜家廟而行盡發其家牛犒師至軍淵亟呼諸將共議衆歡躍曰弘簡錄 卷一百七十 主 續前宋計五

景宋在此淵問汝輩欲出西門景宋欲從方城如何衆曰惟命時未有主者登思川兵不一請五大帥中擇一人爲節制淵卽書銀牌曰監丞代某親行將士用命與否賞罰畢具申登至沙市惟牛醴酒得七千人誓曰登與諸將義同骨肉今日之事登不用命諸將共殺登以獻主帥諸將有不用命制劄具在登不敢私衆股慄聽命竟立奇功於沮河趙葵相見握手曰景宋一身俱膽惜相見晚也俾參宜撫司兼京西兩節馬光祖辟克參謀官遷軍器少監京西提點刑獄以督襄陽戰功陞直秘閣咸聲日振有余思忠譏於光祖出登屯郢州侍御史戴慶珂劾思忠其黨過元龍沈翁在幕中又傾之以是議論不合才畧不能施識者惜焉開慶元年登提兵援蜀約日合戰夜分經理軍事忽絕倒五臟出血幕客唐舜申至尚瞪目視几上文書俄卒事

禮祀雷雨應詔言君不可欺天臣不可欺君厚權臣而薄同
氣為欺天之著天與寧考之怒久矣黷棄致疾妖冶性初秋
踰旬曠不視事道路憂疑綱滄法教上行下效京卒外兵狂悖
迭起陛下不足之思方用故事策免三公環顧在廷莫知所付
乃遙相崔與之臣恐與之不至國柄必他有所屬此世道否泰
君子小人進退之機也於是察官李大同言邁交結德秀了翁
吞夔以收虛譽削一秩免將峴又劾邁妄論倫紀請坐以罪削
二秩淳祐改元復通判吉州江萬里言邁其才可惜不名將有
老不及之歎帝以為然有尼之者祇除知郤武軍以亢旱應詔
驛奏七事復以立濟王後為先鄭清之名為左司郎官直秘閣
提點廣東刑獄力辭改侍右郎官予制率贈司農少卿邁本以
學問詞章發身尤練世務李宗勉嘗論邁然邁獨許宗勉為近
弘簡錄 卷一百七十 其 蘇官朱十五

史彌鞏字南叔彌遠從弟好學強記持論不阿入太學陞上舍
登嘉定十年進士倅李璣鄂關從事璣昌成卒失律請誅伯首
一人軍心咸服改知深木首嚴庠序之教端平初入監都進奏
院嘉熙元年都城火應詔言天倫之變語載弘出提點江東刑
獄遭歲旱饒信南康三郡大侵彌鞏釐戶為甲乙丙丁戊以等
第振糶全活一百十四萬有奇淮民三十餘輩操戈劫人逮捕
法曹以不傷人論彌鞏日持兵為盜而以未傷貸之是滋盜也
推情重者侈數人一道以寧饒州兵藉溢數供億不繼請汰冗
兵令下營門大譟彌鞏呼諸校諭日設有不當再許自陳敢譁
者斬咸叩頭請罪諸營帖然名為司封郎中以嵩之引嫌投直

華文閣知婺州句祠提舉崇禧觀卒年八十里居絕口不道時
事真德秀嘗稱三十年不登宗衰之門未仕則為其寄理已仕
則為其排擠嚼然不汚如此五子肩之終刑部郎官能之有之
胃之俱進士肩之子蒙卿成淳進士調江陰教授為學淹博著
書立言一以朱熹為法

黃喬字子耕隆興分寧人嘗從郭雍朱熹學熹深期之而喬亦
以道自任反復論辨必無所疑然後止由太學登第為瑞昌主
簿監文思院除知盧陽縣五溪獠獯悍為詩諭之熹感悅莫敢
違致轉通判處州經總制有額無錢俗號殿殿最綱喬會十年中
成賦酌取之闕免逋負錢額鈞等遂以最聞遷主管官告院累
大理寺簿軍器監丞茂餘三轉喬獨憤時不樂間行西湖慨然
嘆曰我昔在南北山一木一石無不品題今無復情何耶句
外得知台州先勸導後禁令訟牒清簡郡以大治立濟糶倉抵
當庫朔安濟坊以若病囚葬民之棲寄暴露者葉適謂喬條目
建置憂民如家謝良佐子孫播越流落帶求之民間收而教之
遷知袁州因哭從弟得疾卒所著有復齋集

楊大異字同伯唐天平節度使漢公之後十世祖祥避地醴陵
因家焉祥事親孝親亡哀毀泣盡繼之以血廬墓終身有白芝
白鳥白兔之瑞事聞封至孝公賜名木植墓道以旌之大異從
胡宏受春秋在嘉定進士調衡陽簿有惠政轉龍泉尉適歲饑
和糶米價頓增即如價發糶民甚德之趨與愨大怒移安遠尉
邑有峒寇擾民官兵捕討弗獲檄大異往治大異以一僕自隨
負告身肩輿入峒傳呼於至賊露刃環立大異徐諭以禍福皆
伏地叩頭願改過自新乃留告身為質借其渠魁數輩出降以

功累遷四川制置司參議官北兵入成都從制使丁黼巷戰敗
 身被數鎗闕門遇難大異死而復甦其部曲負之以逃進朝奉
 郎宰石門縣就除通判溧陽有惠政去官之日老弱攀號留之
 掘登開鼓院至一理寺丞平反冤獄者七名對極言時政忤宰
 相意出知澧州進直秘閣提點廣東刑獄兼漕度二司時責常
 平運負械繫追索奸蠹百出至印與之約悉縱遣之負者如期
 非輸吏無所容其奸訪張九齡曲江故宅建書院以祀所至奸
 吏屏息冠盜絕迹凡可以與利除害者必奏行之復建宣成書
 院祀張栻呂祖謙廣海幅員數千里道不拾遺報政為最未六
 十乞休除秘閣修撰大中大夫歸里第學者從之講肄諄諄相
 與發明經旨條析理學食祠祿二十四年卒年八十二理宗嘗
 稱其四川死節更生論事剴切有用之才也子楚霖楚見忠節
 弘簡錄 卷一百七十 七 廣官朱十五

趙逢龍字應甫鄞人刻苦自修學問淹博登嘉定進士授國子
 正太學博士歷知興國信衢衡袁五州提舉廣東湖南福建常
 平有司例設供張悉命撤去日坐公署事至印而決遣為政務
 寬恕撫諭惻怛一以天理民瘼為言民不忍欺有逋賦即為代
 輸尤究心荒政以美餘為平糶本遷將作監至宗正少卿兼侍
 講凡道德性命之蘊禮樂刑政之事縷縷為上開陳年八十八
 終性淳實寡嗜欲不好虛名歟歷日久泊然不知富貴之味家
 若講道四方從遊皆鉅公名士丞相葉夢鼎出列慶元修弟子
 禮常謂師門痺陋欲市旁宅克拓之辭曰鄰里粗安一旦驚擾
 彼雖勉從我能無愧哉或問何以裕後笑曰吾憂子孫學行不
 進不患其饑寒也

孫子秀字元實餘姚人少從劉漢弼遊磊落英發抵掌極談神

采飛動登紹定進士調吳縣簿有妖人自稱水仙太保子秀按
 治之沉諸太湖日詣學宮與諸生討論義理辟淮東總領所檄
 督宜興縣團田租既還以水災告總領志曰軍餉所關汝獨不
 為身計乎子秀不顧力爭免之調滁州教授與人交久而益親
 死生患難營救不遺力聞一善則手錄之改知金壇嚴保伍釐
 經界結義役一切與民休息訟者皆令自詣不煩逮繫不實者
 往往自返惟豪黠有犯則痛繩不少貸有淮民流入振撫不遺
 樹廬括田拔其能者分而治之崇學校明教化行鄉飲酒禮訪
 茅山書院故址新之以待遠方遊學之士遷慶元通判主管浙
 東鹽事先是諸場鹽有附餘名五釐鹽提舉以為正數子秀奏
 蜀之以紓民困辟幹辦行在諸司糧料院權知衢州盜起江山
 玉山間為擇習熟土俗之人立保伍選用土豪旌常山令陳謙
 弘簡錄 卷一百七十 大 廣官朱十五

亨寓士周還淳等捍禦之勞表於朝人心由是競勸甫七日擒
 四十八人以獻終其任賊不復動大水月城郭子秀治橋梁修
 堰補城壁濬水源助葺民廬振以錢米奏蠲秋苗萬五千有
 奇復代納夏稅蠲公私一切逋負及埤溪沙壅之田民困復蘇
 孔氏裔孫自南渡後權寓衡學因循無定址子秀撤廢寺奏立
 孔氏家廟如闕里既成釋菜以最遷太常宗正二丞金部郎官
 舊貴州郡以必不可辦之泛數吏緣為奸子秀日夜討論給冊
 轉遞以均其輸運將作監兼右司與丁大全不合差知吉州提
 舉浙西常平屬大全盡奪亭民鹽本克美餘猶不足則估籍虛
 攤一路騷動亭民流亡子秀請還其本五十餘萬貫奏省華亭
 分司定衡量之法流徒復業遷浙西提點刑獄兼知常州淮兵
 浮寓給餉不時死亡相繼為請於朝削名忠衛軍置砦以居被

撥上供贖之盜劫吳大椿前使諱其事誣大椿與元子精爭財相劫追毀大椿官徙黜其滅獲子秀得其實悉平反之尋罷兼郡得專理臬事擊貪舉廉風采凛然行獄爲清進大理少卿直華文閣復提點浙東刑獄兼知婺州嚴勢家田無賦稅者勢家以爲厲已喉言者論改浙西子秀與州縣約獄訟到限徑請庭下吏不得要索亦無違者創循環總匝一日一遣公移總實於匪事無大小裁悉畢具安吉有婦人賂宗室子殺其夫二僕救之併殺以滅口反誣他人郡守捐賞捕之不獲子秀廉得之遠近稱爲神明以許罷移之江東度宗進太常少卿兼右司郎官尋知臨安復改婺州卒

李會伯字長儒單懷人後居嘉興歷通判濠州遷軍器監簿通判鄂州兼沿江制置主管機宜文字遷景太府卿准東制置使

弘簡錄 卷一百七十

九

嘉官來十五

兼督府參議官疏奏答天心重地勢傍人謀三事又言邊餉貴於廣積將材貴於素儲賞鑒不可不精戰士不可不恤淳祐初歷淮西制置使權兵部尚書六年正月朔日食應詔歷陳先朝因天象以謹邊備圖帥材乞早易闕寄放歸田里又請修浚泗州西城加煥章閣學士以論罷九年起知靜江府歷知江陵兼湖廣總領京湖屯田使進龍圖閣疏言襄陽新復之地城池雖修浚田野未加闢室廬雖草創市井未阜通請蠲租三年從之改廣南制置大使兼知靜江府築關隘練民兵囑丁申嚴防遏奏廣西荒田民懼不耕詔許復三年租役二年半徵守令勸墾多者賞之開慶元年進觀文殿學士諫議沈炎追論帥嶺南時閉城不能捍禦罷之起知慶元兼沿海制置使侍御史陳宗禮復論職德祐元年追復元官初與賈似道俱爲副帥邊境之

事知無不言以似道嫉之不竟其用

陳璘字子奕嘉興人歷知隆興慶元召爲右司郎官進右文殿修撰知平江侍郎趙必愿舉其最諳權工部侍郎兼中書門下檢正諸房公事入奏願理宗轉移世道之樞機砥礪士夫之廉恥使知名義爲重利祿爲輕恬退者召之咨悅者斥之君臣上下皆以真實相與使四維既張則士大夫難進易退之風當見於聖世矣未幾知婺州兼江東轉運副使請蠲放諸郡災傷加戶部侍郎准東總領尋提領江淮茶鹽兼知太平州發公帑代三縣輪折絲帛錢又作浮淮書堂以處兩淮之民而教之改廣州權吏兵戶三部尚書知潭州兼湖南安撫使提舉太平興國宮奉祠卒諡清毅瓊屢領麾節軍民愛戴慕客甚多而樂薦士所著可齋藟二十卷

弘簡錄

卷一百七十

十

嘉官來十五

羅必先字亨父進賢人登嘉定進士調咸寧尉撫州司法參軍崇仁丞復攝司法郡士會極以題金陵行宮龍屏近史彌遠論道州解吏道窮極必先爲釋其縛使達戍所真德秀入參大政遣以書曰老醫嘗云傷寒壞證惟獨參湯可救然活者十無二三先生其今之獨參湯乎調福州觀察推官李遇奪民荔枝園必先懲以法遇憾之後爲言官劾罷必先調知餘于縣福王府驕橫前後宰貳多爲擠陷必先無所撓汝愚慕占四周民山亦爲直之言于州曰區區小官罷去何害人益壯其風力淳祐中通判贛州論賈似道總領京湖剋剝至甚蠶國脈傷民命似道衍之改知汀州爲丁大全按去後起幹行在糧料院錢塘有海鯨爲患詔方士往治都人鼓扇成風必先上疏立止度宗卽位以直寶章閣兼宗學博士致仕卒年九十一嘗從危積包遜學

最有淵源見理甚明風節甚高既死鄉人猶尊慕之

弘簡錄卷一百七十終

弘簡錄

卷一百七十

三

唐宣宗十五年

弘簡錄卷一百七十一

明刑部員外郎仁和弘齋邵經邦學

皇清翰林院侍講學士四世孫遠平校閱

后妃 宋七之一

太祖母杜氏

后賀氏

宋氏

太宗后尹氏

李氏

真宗母李氏

后潘氏

劉氏

妃楊氏

仁宗母李氏

后郭氏

曹氏

妃張氏

馮氏

英宗后高氏

神宗后向氏

妃朱氏

陳氏

哲宗后孟氏

妃劉氏

徽宗后王氏

鄭氏

妃王氏

劉氏

高宗母韋氏

欽宗后朱氏

杜氏定州安喜人父爽母范氏宣祖聘為婦初夢日入懷生太祖其夕有神光照室中又夢神人捧日置于腹誕太宗凡生五

弘簡錄

卷一百七十一

后宋氏

子封爵兄後二女燕國陳國周顯德三年太祖為定國軍節度使封南陽郡太夫人陳橋變時人走報太后點檢已作天子太后曰吾兒素有大志今果然神位尊為皇太后贈父太師建隆二年五月癸亥朔不豫帝侍藥餌不離側為救難犯死罪以下疾亟召趙普入受遺命因問帝曰汝知所以得天下乎正山周世宗使幼兒主天下耳使周有長君天下非汝有也汝百歲後當傳位光義再傳光美光美傳德昭四海至廣萬幾至衆能立長君社稷之福也帝泣拜受命后願謂普曰爾同記吾言不可違也遂崩于滋德殿年六十初諡明憲祔享太廟乾德二年更諡昭憲合祔安陵

太祖三后賀氏陳留人晉開運初父景思為軍校與宣祖同居

護聖營因聘娶焉後官右千牛衛率府率后性溫柔恭順動以

禮法初與杜后同封會稽郡夫人生泰晉二公主并魏王德昭
周顯德五年薨年三十建隆三年四月追冊為皇后葬安陵西
北初享別廟神宗時附太廟諡曰孝惠 王氏邠州新平人父
饒彰德軍節度太祖為殿前都點檢聘為繼室恭勤不懈仁慈
御下事杜太后得其惟心初封琅邪郡夫人建隆元年八月冊
為皇后常服寬衣佐御膳善鼓琴晨起誦佛書乾德元年十二
月崩年二十二葬安陵北同享別廟太平興國二年附享太廟
諡曰孝明

宋氏洛陽人父保外戚有傳母漢永寧公主后甫及并隨母入
見周太祖得賜冠帔乾德五年僅任華州節帥隨母歸鎮太祖
召見亦賜冠帔俄復隨母來賀長春節值王后崩開寶元年二
月遂納入宮為皇后時年十七性柔順好禮每帝視朝退常候
弘簡錄 卷一百七十一 后妃宋一

迎接入佐御饌太祖崩后在內廷見太宗愕然遽呼曰吾母子
之命皆託于官家太宗曰共保富貴無憂也更號開寶皇后遷
居西宮雍熙四年移居東宮至道元年四月崩年四十四三年
正月附葬永昌陵北神主享于別廟神宗時升附太廟諡曰孝
章

太宗三后尹氏天水人徙大明父廷助滁州刺史后歸太宗早
薨追冊皇后諡淑德附廟 符氏父彥卿外戚有傳周顯德中
娶建隆初封汝南郡夫人再進楚國夫人開寶八年薨年三十
四葬安陵西北追冊皇后諡懿德享于別廟至道三年升附太
廟

李氏功臣盧杞女開寶中大祖為聘既納幣會太祖崩太平興
國三年始入宮年十九雍熙元年十二月立為皇后性恭謹莊

肅撫育諸子及嬪御甚厚真宗立尊為皇太后居西宮嘉慶殿
咸平二年別建宮居之名曰萬安咸平六年十二月甲戌不豫
詔求良醫救天下死罪一等流以下釋之景德元年崩年四十
五附葬永熙陵諡曰明德從禮官請三后以次同附太宗廟室
李賢妃真定人父英乾州防禦使開寶中太祖開妃有容德為
太宗納之初封隴西郡君進夫人生楚王元佐太宗即位夫人
夢日輪通已以祕承之光耀遍體驚而寤遂生真宗太平興國
二年薨年三十四真宗即位追上尊號為皇太后諡曰元德咸
平三年附葬永熙陵命宰相李沆為園陵使車駕詣普安院撰
宮素服行禮拜伏嗚咽知制誥梁周翰撰哀冊神主附別廟祥
符元年追贈父檢校太尉安國軍節度使常山郡王母魏國太
夫人三年禮官趙湘請以后附太宗廟室真宗以為重事令執
弘簡錄 卷一百七十一 后妃宋一

政會議至六年秋宰相王旦率羣臣表請后尊號中法太子升
附太廟明德之次從之
真宗三后潘氏功臣美之女初在韓邸聘納封莒國夫人端拱
二年薨年二十二即位追冊皇后諡莊懷葬永昌陵之側陵名
保泰神主享于別廟 郭氏太原人父守文見外戚傳真宗在
襄邸復聘之連封魯國夫人生溫王禔周王祐昌王祗信王
社欽王祈皆早亡真宗嗣位立為皇后謙約慈下惡奢靡族屬
入謁禁中服飾華侈必加戒勸遇以家事求請於上終不許兄
子出嫁欲祈恩賚后但出裝具給之上素禮重景德四年從幸
西京還以疾崩年三十二上深加嗟悼禮官奏七日釋服特增
至十三日窆駕發引命學士楊億撰哀冊葬永熙陵西北初諡
莊穆附神主別廟後升附真宗廟

劉氏太原人曾祖惟嶽祖延慶晉漢間為右驍衛大將軍父通
 宋初掌禁旅從潘美征廣南文累戰北而積勞至虎捷都指揮
 使嘉州刺史征太原道卒贈穎州防禦使后方祿祿而孤鞠於
 母麗氏外家因徙益州華陽年十五蜀人龔美攜以入京納于
 襄邸王乳母秦國夫人性嚴整為太宗言令王斥之王不得已
 置指使張普家印位名為美人因以美為兄弟更其姓劉祥符
 中自脩儀進德妃專寵後宮會章穆崩欲立為后學士李迪言
 妃起於寒微不可以母天下帝不從竟立之天禧中帝久疾政
 事多決於后時宗人交橫于蜀奪民鹽井事聞上以后故欲赦
 之寇準請必行故失后意既而高皇太子開資善堂引大臣決
 事而專裁制於內帝崩遺詔尊為皇太后軍國重事權取處分
 丁謂等請太后御別殿后遣張景宗雷允恭諭旨皇帝視事當
 弘簡錄 卷一百七十一 后妃 一

朝夕在側何須別御一殿馮拯等三上表請帝與后五日一御
 承明殿帝位左太后位右垂簾決事百官表賀太后哀慟從有
 司請制令稱予而便殿處分仍稱吾以生日為長寧節頒父諱
 於天下出入御大安輦鳴鞭侍衛如乘輿天聖二年上尊號曰
 應元崇德仁壽慈聖皇太后御文德殿受冊三年正月辛卯長
 寧節帝率羣臣及契丹使上壽于崇政殿五年正月御會慶殿
 羣臣及契丹使者班廷中帝再拜跪上壽七年冬至又率百官
 朝于會慶殿并上壽九年正月帝長寧節賜百官衣并宴羣臣
 如乾元節明道元年冬至復御文德殿帝率羣臣上壽有司陳
 黃麾仗設宮架登歌二舞二年二月乙巳朔謁太廟乘玉輅服
 禱衣九龍冠以冠齋于廟贊明服袞衣十章減宗奠水藻去冠
 劍儀前 上燒薦獻七室皇太妃亞獻皇后參獻禮畢

加上尊號曰應天齊聖顯功崇德慈仁保壽皇太后三月庚寅
 不豫大赦除常所不原悉召天下醫速馳赴京甲午崩壽六十
 五以后服歛諡曰莊獻明肅葬永定陵之西北舊制后惟二諡
 稱制加四諡自后始追贈三世皆太師中書令父卒初窆京城
 西贈尚書令諡武懿後改葬祥符鄧公原加封魏王真宗御製
 祭文后臨奠母越國夫人錢氏加號魏王妃兄惟演子瞻山集
 賢校理加二官有與知進者通之友婿亦贈衛尉卿先是仁宗
 始生后鞠為己子而後甚至即位嘗諭輔臣曰皇帝聽斷之暇
 宜詔名儒講習以輔其德命設幄崇政殿之西廡日延近臣侍
 講讀其所以保護盡力而帝奉之亦甚備雖春秋長猶不知宸
 妃所出也兼以恩威在已賜與有節自丁謂曹利用貶竄天下
 惕然畏之潛臣劉緯從京西遷言廢糧于餘斛乞付三司后問
 弘簡錄 卷一百七十一 后妃 一

曰卿識王曾張知白呂夷簡魯宗道否此豈因美餘進哉柴李
 二公主見猶服髮髻念其已老賜以珠璣帽首時潤王元汾夫
 人李氏亦老髮且落因以為請后曰大長公主尊行也若趙家
 老婦寧可比也侍者見上嬪御簪珥珍麗欲效之后諭曰彼皇
 帝嬪御飾也汝安得學小臣方仲弓上書請依武后故事立劉
 氏七廟程琳又獻武后臨朝圖后擲其書于地曰吾不作此負
 祖宗事晚節稍進外家任內官羅崇勳江德明等訪察外事遂
 勢傾中外兄子從德死姻戚門人廝役拜官者數十人御史曹
 脩古等論奏悉逐之進士林獻可疏請還政竄之嶺南侍御史
 張存諒不聽崩後始內徙諸管為后所謫者復死者官其後言
 者多追詆垂簾時事帝曰此朕所不忍聞也下詔戒中外母輒
 言惟演請三后益稱帝詔三省與禮院議皆以章穆位崇中盛

已祔真宗廟室自協一帝一后之文明肅處坤元之尊章錄成
日符之貴功德莫比宜崇建新廟同殿異室歲時薦饗一川太
廟之儀慶曆五年禮院復請遵懿德明德元德同祔故事一併
章獻章懿遷祔真宗廟從之

淑妃楊氏益州郫人祖瑄父知儼儼知德隸禁軍為天武副
指揮使妃年十二得選入皇子宮即位拜才人進婕妤至懿儀
特升從一品位昭儀上帝東封西祀凡巡幸皆從時章獻尚為
脩儀位幾與埒而妃通敏有智一意奉順初無所忤日見親愛
加封淑妃仁宗方乳章獻使護視凡起居飲食必與之俱所以
擁佑扶持恩意勤備真宗崩遣制尊為皇太妃仁宗即位常召
共姓承德見禁中欲授以諸司副使妃辭曰小兒豈勝大恩更
命為右侍禁章獻崩遣誥尊為太皇后與皇帝同議軍國事弘簡錄 卷一百七十一 大 后 紀 宋 一

門趨百僚賀中丞蔡齊日臺吏母追班同御史龐籍入白執政
剛去同議軍國事第存后號奉緡錢二萬助后湯沐後更名
所居宮曰保慶稱保慶皇太后景祐三年無疾崩年五十三殯
於皇儀殿諡曰莊惠祔葬永定陵帝思其保護之恩命禮官議
加服小功帝未有嗣后母勸帝擇宗子近屬賢者養于宮中即
英宗也英宗立言者謂禮慈母於子祭於孫止請廢后廟塞主
園陵英宗弗欲遽下有司議未上會帝崩遂罷 貴妃沈氏幸
相倫孫女祥符初以將相家女選入宮為才人歷美人婕妤充
媛為人淑儉少華上以其家世厚待之真宗將崩后以問參政
趙安仁以沈氏對翼日又語王欽若欽若笑曰臣固知其必以
此言彼常為偷門客上以為然未幾罷安仁政事慶曆四年封
為德妃魏儀杜氏為賢妃俄沈氏又進貴妃年八十三許出

殯其家車駕臨視輟朝諡昭靜

宸妃李氏杭州人祖廷嗣錢氏時為金華主簿父仁德終左班
殿直妃初入宮為司寢侍章獻太后莊重寡言嘗夢二日在天
一忽墜以裙承之既而有娠從帝臨初產玉釵墜妃心惡之帝
卜釵完當生男子左右取以進果不毀帝甚喜已而果生仁宗
在襁褓時劉后取為己子妃嘿處嬪御中未嘗自異人畏劉后
亦無敢言封崇陽縣君進才人歷婉儀順容從守永定陵明道
元年疾革進位宸妃薨年四十六太后欲以宮人禮治喪于外
呂夷簡奏禮宜從厚太后遽引帝起有頃獨坐簾下召問曰一
宮人死相公云云為何夷簡曰臣待罪宰相事無內外皆當預
聞后怒曰相公欲離間吾母子耶夷簡從容曰陛下不以劉氏
為念臣不敢言尚念劉氏則禮宜從厚太后悟夷簡請治喪用
弘簡錄 卷一百七十一 大 后 紀 宋 一

一品禮殯于洪福院又語都知羅崇勳當殮以后服川水銀實
棺異時勿謂夷簡不言也崇勳如言入奏太后從之太后崩燕
王始為帝言陛下乃李宸妃所生妃死以非命帝號慟累日不
視朝下詔哀痛自責尊為皇太后諡莊懿即日駕幸殯所哭臨
祭告易以梓宮開視玉色如生冠服與后無異嘆曰人言其可
信哉遇劉氏加厚陪葬永定陵廟日奉慈又即景靈宮建神御
殿日廣孝舊制后諡必冠帝號慶曆中禮官因真宗尊號奉改
莊懷莊穆莊獻莊懿莊金為章升祔太廟
仁宗二后郭氏應州金城人祖崇見外戚天聖二年與左驍衛
大將軍張美女同被選入宮上欲立張氏太后雅意屬郭氏而
以張氏為美人郭后既立倚章獻之勢頗驕橫後宮為所遏不
得進太后崩后遂見疎帝專寵張美人明道二年薨追冊為后

益幸美人尚氏楊氏賞賜無算恩寵傾京師后妬之數與忿爭尚氏於上前不遜有侵后語后不勝忿批其頰上自起救之謀批上頰上大怒都知閻文應因謀廢后勸上以爪痕示執政上問宰相呂夷簡古來有此事否適夷簡有怨于后對曰古亦有之上意遂決詔稱皇后無子自願入道特封為淨妃玉京冲妙仙師賜名清悟居長寧宮號金庭教主冲靜元師後帝頗念之遣使存問賜以樂府后和答以進辭甚愜帝益悔恨有日密召入內后辭曰若果回天須百官立班受冊方可退不此明年屬有小疾遣文應挾醫診視數日以恭亮聞中外疑文應進毒而不得其實上深悼之三年正月壬辰追復皇后丁酉葬之惟停諡冊册廟之禮

曹氏武惠王彬孫女郭后廢詔聘入宮景祐元年九月册為后

素性慈儉重女工深知稼穡常於禁苑種穀親蚕不樂嬉遊帝將以閏正月望夕再張燈后諫止之後三日親從官顏秀等作亂傷殿下官嬪聲徹帝所宦者以乳媪歐小女子給奏后叱曰賊在近殺人敢妄言耶度賊必縱火陰遣人聚水踵其後果舉炬焚簾水隨滅之所遣宦侍親剪髮諭之曰行賞用是為驗故爭盡死力賊遂禽滅英宗即位尊為皇太后帝感疾請權同處分軍國事上太后宮殿名曰慈壽金稱聖旨出入儀衛如章獻故事檢枕曹氏及左右臣僕毫不假借宮省肅然中外章奏日數十往往援經史以決事明年四月帝疾愈后手書撤簾還政帝持書不下及秋始行之宰相韓琦白后求去荅曰相公安可告退老身合居深宮耳每日在此甚非得已琦奏曰果爾雖前代馬鄧不如未審將以何日撤簾太后遽起琦命鸞儀司撤簾

卷一百七十一

后紀卷一

猶於屏後見御衣也神宗立加尊太皇太后名宮曰慶壽帝致極誠孝所以承迎娛悅無所不盡從行登輓每先後策掖后亦慈愛天至或退朝稍晚必至屏後候賜親持饌飲食帝王安石嘗國亂政后乘間語帝曰祖宗法度不宜輕改熙寧宗祀前數日帝至后所語曰吾昔聞民間疾苦必以告仁宗因赦行之今胡不然帝曰時無他事有亦當爾后曰吾聞民間甚苦青苗助役亟宜罷之安石誠有才學然怨之者衆欲愛惜保全之不若暫出之於外帝為悚聽舊制外家男子毋得入謁后春秋高弟侂亦老帝數言宜使入見不許他日復請乃許之與侂借詣后問少頃帝先起欲令侍仰親意后遽曰此非汝所得留趣遣出晚得小疾侍醫莫能治元豐元年驛召天下醫者二年冬疾甚帝省視寢門經旬衣不解帶崩日壽六十四初帝嘗有意燕薊

私約錄 卷一百七十一 后紀卷一

已與大臣定議詣慶壽宮白其事后曰事體至大吉凶悔吝生乎動得之不遇而受賀而已萬一不諧則生靈所係未易以言苟可取太祖太宗取之矣何待今日帝曰敢不受教蘇軾以詩得罪下御史獄且不測后違豫中聞之謂帝曰嘗憶仁宗以制科得軾兄弟喜曰吾為子孫得兩宰相今聞軾以作詩繫獄得非仇人中傷乎指至於詩其過微矣吾疾勢已篤不可以寬濫致傷中和帝涕泣軾由此得免及崩帝哀慕毀瘠殆不勝喪有司上諡曰慈聖光獻附葬永昭陵推恩曹氏進官者四十餘人 貴妃張氏河南永安人祖頴山進士終建平令父堯封孝謹好學登進士為石州推官蚤卒母錢氏將孀孤隨從父堯任官屬以道遠辭勿無所依母乃納于章惠皇后宮長巧慧多智善

於承迎得幸仁宗盛有寵勢動中外慶曆元年封清河郡君歲
中為才人遷脩媛皇祐初進封妃後五年薨年三十一帝甚哀
悼治喪皇儀殿追冊為皇后諡曰溫成爲起園陵即園立廟享
祭用樂追封父中書令清河郡王諡景思母越國太夫人而堯
佐亦因緣遂致通顯 苗氏開封人父繼宗母許氏先爲仁宗
乳保及登位妃以容德入侍生雍王昞康公主封仁壽郡君
山才人昭容進位德妃育英宗於禁中命妃擁佑頗有恩踐阼
剛其前勞加封貴妃贈父太師吳國公母陳楚二國夫人福康
下嫁當地恩外家抑不肯言元祐六年薨年六十九帝輟朝出
奠發哀苑中諡曰昭節 周氏開封人幼育張貴妃所爲女得
侍仁宗生秦燕國兩公主帝崩妃日一蔬食屏處一室誦佛書
因則假寐覺則復誦晝夜不解衣者四十年二主下嫁連進至
弘簡錄 卷一百七十一 后妃末一
賢妃徽宗加貴妃歷五朝勤約一致積所俸賜啓壽藏於周氏
坐南傍建僧舍費緡錢六萬皆出貯儲燕國先亡詔許山外第
與親戚相往來年九十三薨諡昭淑 楊氏定陶人以章獻后
姻選爲御侍封原武郡君進美人性端麗機敏妙音律組織書
藝一過目如素習父忠爲侍禁仁宗欲加獎擢辭曰恩澤微侍
恐啓左右諛謂之端帝悅命徙居肅儀殿贈其祖貴州刺史仍
官其叔第五人郭后既廢楊尚二美人益有寵每夕侍寢上體
多爲之憊景祐元年帝忽不豫楊太后亟以爲言並廢尚美人
爲道士居洞真宮楊美人居瑤華宮賜名宗妙後復召爲婕妤
歷脩媛脩儀熙寧五年薨年五十四贈德妃 馮氏東平人曾
祖炳知雜御史祖起兵部侍郎以良家女侍仁宗生邢魯國二
公主封始平郡君累加才人婕妤脩容在禁掖幾六十年始終

五朝而循禮度薨年七十七贈賢妃
英宗皇后高氏家世見功臣及外戚母曹氏慈聖光獻妃姊也
故后少鞠宮中生與英宗同年既長遂婚濮邸生神宗岐嘉二
王寶安壽康二主嘉祐八年冊爲皇后神宗立尊爲皇太后居
寶慈宮元豐八年帝不豫宰執王珪等入問疾乞立皇太子太
后權同聽政帝頷之退見太后時哲宗爲延安郡王后擁於簾
下泣見珪等曰皇子性至孝從學穎悟絕不好弄已誦論語七
卷自上疾未常去左右手書佛經以祈福乃令王山籬外見珪
等皆拜且賀是日降制立爲皇太子陰救中人梁惟簡製十歲
小兒黃袍束進蓋密爲踐祚倉卒備也哲宗嗣位尊爲太皇太
后宮名崇慶殿名壽康臨朝大率熙豐弊政仍司馬光呂公著
文彥博以復祖宗法度爲先務且令亟疏人才可用者進於
弘簡錄 卷一百七十一 后妃末一
是以常平舊式改青苗以嘉祐差役參募後除市易害民之法
道茶鹽煩擾之禁捐邊岩不毛之地一時海宇危而復安契丹
主戒勿生事疆場日南朝盡行仁宗政矣上元燈宴后母嘗入
觀止之曰夫人登樓上必加禮是由吾故而越禮制於心殊不
安但令賜之燈燭歲以爲常蔡確坐車蓋詩得罪后謂大臣曰
蔡確安稱有定策功扇搆事端爲異時眩惑地吾不忍明言姑
託訕上爲名迷之耳臨朝凡九年力絕內降抑止外家私恩弟
士林爲崇班帝以供奉久欲遷其官辭曰士林獲升朝籍分量
已過豈宜授先后家比姪公給公紀當轉觀察使亦止之帝請
至再備選一秩終后之世不敢改時朝廷清明華夏綏定人以
爲女中堯舜有疾之日帝不視事禱于天地宗廟社稷諸陵并
撤瀆宮觀祠廟致天下崩年六十九諡曰宣仁聖烈神主神廟

葬承厚陵詳見帝記

神宗后向氏宰相敏中曾孫女治平三年歸于穎邸初封安國夫人即位立為皇后帝不豫贊宜仁定建儲之議立哲宗尊為皇太后初居慶壽後殿名隆祐宮殿曰慈徽凡事一遵宜仁不以恩私外家帝將卜后及諸王納妃后救向族屬勿以女寘選中族黨有欲授例擬問職及為選人求京秩者后悉拒之帝倉卒晏駕奸相章惇有違言欲立母弟簡王后曰老身無子諸王皆神宗庶子莫難如此分別惇復曰若長則當立申王后又曰申王有疾不可惇尚欲言曾布叱曰章惇聽太后處分遂決策迎端王惇不能沮徽宗立請太后權同處分軍國事性簡素不立誕節不御正殿不避家諱一意賓名故老還所斥逐賢士及寬薄徭賦息兵省費愛民崇儉中外咸稱能守家法臨朝繼六

弘簡錄

卷一百七十一

主

后紀卷一

月即遷政于帝十二月甲午不豫禱于宮觀祠廟嶽瀆明年正月崩壽五十六諡曰欽聖憲肅葬承裕陵附廟如儀數加恩兩易宗良宗回皆位開府儀同三司加封郡王自敏中以上三世亦追列王爵非常典也

妃朱氏開封人本姓崔父傑早世母李氏更嫁朱士安從其姓熙寧初選入宮為御侍進才人至熈好生哲宗及蔡王徐國公主累封德妃即位尊為皇太妃元祐三年宣仁下詔春秋之義母以子貴其尋繹故實務致優隆命有司具輿蓋仗衛冠服悉伴皇后紹聖中欽聖復命即閣建殿改車為輿出入由宣德東門百官上殿稱殿下名所居為聖瑞宮徽宗立尊為聖瑞皇太妃崇寧元年二月有疾慮京畿因辛丑薨年五十一追冊為皇太后附廟諡曰欽成 陳氏開封人自幼穎悟莊重入為掖庭

御侍即得幸生徽宗進美人神宗崩命守陵恩顧得恩毀瘠骨立左右進粥藥屢使去曰願得早侍先帝足矣年甫三十二薨建中靖國元年追冊為皇太后諡曰欽慈與欽成陪葬承裕陵 林氏祖特父洙見宰相蔡如幼選入宮侍神宗初封承嘉

郡君升美人生燕王偁越王偁并邢國公主進婕妤元祐五年薨詔用一品禮葬贈貴儀至賢妃 同時武氏失其家世亦以選入元豐五年進才人生吳王偁并賢和公主歷美人婕妤徽宗即位進昭儀至賢妃大觀元年薨乘輿臨奠輟朝諡惠穆 哲宗后孟氏洛州人祖元州防禦使馬軍都虞候父在閤門祇候后年十六詔選世家女百餘入宮宣仁與欽聖皆愛之教以女儀諭宰執孟氏子能執婦禮宜正位中宮又以近世儀頗簡略詔禮官議冊后六禮 詳見弘簡錄 冊立之日仍詔贈元為太尉

弘簡錄

卷一百七十一

主

后紀卷一

進父榮州刺史封母王氏華原郡君及太后崩劉婕妤有寵后恩益衰章惇陰附熈好欲誣宣仁以后經事欲併廢之而立熈好會所生女福慶公主有疾后姊頗知醫以膏愈后危疾得出入禁掖至是用藥弗效持道家符水入治后驚曰姊不知宮中禁嚴耶令左右藏之俟駕至具言其故即於帝前焚符帝亦以常事不較而宮禁相傳厭魅之端作矣未幾后養母聽宣夫人燕氏尼法端與供奉官王堅為后禱祠事聞上頗疑之詔入內押班梁從政管當御藥院蘇珪即皇城司鞠問逮宦官宮妾幾三十人撈掠備至肢體毀折至有斷舌者獄成命侍御史董敦逸覆錄罪人過庭下氣息僅屬無一人能出聲者敦逸秉筆疑未下內侍郝隨等以言脅之敦逸畏禍就惇與隨所構以奏牘上詔廢后出居瑤華宮賜號瑤華陽教主玉清妙靜仙師法名冲

真詣下日天為陰翳聞者寃之帝亦尋悔曰章悖壞我名節元符末欽聖臨朝有布衣何文正上書欲復后位號即命以官徽宗下詔還后大內號元祐皇后崇寧初又諷蔡京使馮澥上書臺臣錢通等連章論列徽宗從之詔依紹聖詔旨復居瑤華宮加賜希微元通知和妙靜仙師靖康初瑤華宮火徙居延寧宮又火出居相國寺前私第欽宗即位議再復尊號為元祐太后詔未下而京城陷因是得獨存張邦昌用太祖迎周太后入西宮故事尊為宋太后迎居延福宮胡舜陟馬伸言政事當取后旨乃復迎入禁中仍號元祐皇后始御內東門小殿垂簾聽政尋降手書播告天下遣馮澥李回及兒子忠厚奉迎康王即皇帝位是為高宗后以是日在東京撤簾建炎元年尊為元祐太后奉如東南尚書省言犯后祖名易以所居宮名稱隆祐太后

弘簡錄 卷一百七十一 西 后紀來一

后上將幸揚州命侍衛指揮郭仲荀衛后先行駐揚會張浚請先定六宮所居地詔忠厚與苗傅扈至杭州踰年傅與劉正彥謀作亂太后諭曰自蔡京王黼變亂朝政童貫起邊事致國家大禍今皇帝聖孝無失德止為黃潛善汪伯彥所誤皆已逐矣汝寧不知耶傅等必欲立皇太子后曰今強敵在外我一婦人抱三歲小兒何以令天下傅等泣請太后力拒之帝聞事恐詔元子禪位太后垂簾聽政每見凶黨曲加慰撫傅等皆喜名見韓世忠妻梁氏勉令速來以清殿陛及勝非誘傅等復辟命王世脩草狀進呈太后喜曰吾責塞矣手札起帝還宮即欲撤簾趙鼎張浚謂復辟功大帝仍請一出御殿上皇太后尊號太后問浚忠義欲一識面帝為召至禁中垂簾見之承議郎馮楫常給書苗傅勸復辟太后自其事機得悉秩將幸建康命錢樞鄭

毅衛后繼發比至帝率羣臣迎于郊會防秋迫命劉寧罷制置江浙衛往洪州百司非預軍事者悉從復慮敵人來侵命楊惟忠將兵萬人為衛密諭同行膠康劉玘緩急取太后旨便宜以行會劉光世屯江州不為備金果自大冶縣徑趨洪州康玘奉后行次吉州金人追恐御舟夜行質明至太和縣舟人景信反惟忠兵又潰失宮人百六十人康玘俱遁兵衛不滿百亟趨虔州帝慮徑入閩廣遣使詢訪命中書舍人李正民朝謁時虔州府庫皆空衛軍所給皆沙錢市買不售與百姓交鬪縱火肆掠上豪陳新率眾圍城康玘等弗能禁惟忠步將胡友自外引兵破新于城下帝聞罷康玘代以盧益李回諭輔臣曰朕初不識太后自迎至南京憂朕不常已出今在數千里外兵馬驚擾朝夕慕念當亟奉迎以慰朕意復遣御營都統辛全宗帶御器械入宮微若風眩有宮人自言符咒太后驚曰吾豈復聞此語即立命出之及誕辰帝置酒宮中從容語帝辨明宣仁太后誣枉道錄弘自是事始得其正而奸臣情狀益著矣帝事太后極孝帷帳皆親視或得時菓必先獻然後敢嘗宣教郎范燕與忠厚有憾誣與太后密養欽宗于帝曰朕於太后如母子安得有此即命治其罪紹興元年春患風疾帝且暮不離左右衣弗解帶者連夕四月崩於行宮之西殿壽五十九遣命擇地攢殯俟事寧歸葬園陵詔以繼體之重制期年服凡喪祭用母后臨朝禮初上尊號昭慈獻烈推恩外家凡五十人殯于會稽之上皇村耐主廟室位在昭懷后上三年改諡昭慈聖獻素性謙抑節儉不許避父名上尊號有司月供祇給千緡幸南昌時斥賣私

弘簡錄 卷一百七十一 五 后紀來一

絹三千匹充費有論忠厚直顯謀關非所當授即令易武階戒家人不得預聞朝政通貴近至私第罰辛執以恩澤當得官者近八十員未嘗陳請中遭權奸誣構頗能善始令終天怒益不可料云

劉氏素多才藝初為御侍以明艷冠後庭能順意奉兩宮由美人婕妤進婉儀加封賢妃帝盛寵之自恃有勢侍中宮不循妾禮紹聖三年后朝景靈宮訖事就坐諸嬪御立侍獨婕妤背立簾下直閣陳迎兒呵之不顧后閣中皆忿冬至日復朝欽聖於隆祐宮故事惟后座朱髹金飾婕妤在他座有愠色從者為易座輒與后等眾弗能平因傳唱皇太后出伺眾借起或撤去婕妤所坐尋各復位婕妤不知遂仆于地懟不復朝歸而泣訴于帝內侍郝隨啓曰母以此戚戚願為大家早生子此坐正當為弘簡錄 卷一百七十一 去 后妃本一

婕妤有也乃陰造奇語以售其諂內侍劉友端為之助竟廢蓋后而代之所生子茂纔三月而夭右正言鄒浩以如官與后爭寵今一廢一立殊累盛德帝大怒除名編管徽宗立冊為元符皇后崇寧元年追冊太子諡曰獻愍明年二月甲寅尊為太后官名崇恩帝緣哲宗故曲加恩禮后以是頗于預外事帝與輔臣議將廢之政和二年二月即簾鈞自縊死諡曰昭懷附葬永泰陵神主廟廟年三十五

徽宗二后皆開封人王氏德州刺史藻女元符二年歸于端邸初封順國夫人即位冊為皇后生欽宗及崇國公主素性恭儉方鄭王二妃充寵巨閣安意迎合諶以閣味命册部侍郎周鼎即秘獄參驗無跡大觀二年崩年二十五初諡靜和葬裕陵之次紹興中始册廟室改諡顯恭 鄭氏父紳由直省官累封太

師樂平郡王后與王貴妃本欽聖押班徽宗為端王每朝慈德宮命二人供侍及即位遂以賜之自入宮好觀書章奏能自製帝愛其才崇寧初封賢妃遷貴妃素性端謹善順承帝意遂有異寵多資以詞章天下歌之政和元年冊為皇后奏北兵多事國用未足合用冠服悉因舊物改製乞罷黃麾仗小駕鹵簿等儀從一應恩澤皆弗陳請復奏族于居中罷其樞任欽宗受禪尊為太上皇后遷居寧德宮稱寧德太后從上幸南京金師退后先歸京師時議多言上皇將復辟於鎮江人情危駭用事者疑后歸將由端門直入禁中內侍皆勸上嚴備不從駕乃出迎于郊兩宮相見歡洽上皇聞之即罷如洛之議後從幸青城遂不得還留于五國城凡五年崩年五十二紹興七年何蘇等使還始聞計高宗詔成服追諡顯肅神主廟室以開哀日為忌弘簡錄 卷一百七十一 七 后妃本一

梓宮歸入境承之以柳納單衣其中合摺徽宗承佑陵后既北遷訴于粘罕曰妾有罪當行但家屬素不預朝政乞留不遣粘罕許之紳故得歸流寓江南上憐之詔所在尋訪賜官有近屬鄭藻紹興中帶御器械用耐廟恩拜隴州防禦使凡四使金歷官至保信軍節度使加太尉卒追封榮國公 王貴妃初封平昌郡君進貴妃生鄆王楷王植陳王機惠淑康淑順德柔福冲懿帝姬政和七年薨諡懿肅

妃劉氏初出甚微入宮大幸由才人七遷至貴妃生濟陽郡王棧那王模信王榛政和三年微疾帝不經意七月庚子起召幸已薨始大悲惻特加四諡曰明達懿文又踵溫成故事使皇后表請冊贈為皇后 又有安妃本出酒家女與妃同姓劉氏養以為女天資警悟解迎意旨遂大有寵由才人進至淑妃生

建安郡王模嘉國公椅英國公德并和福帝姬政和四年加貴妃朝夕得侍上擅愛額席嬪御為之稀進擢其父劉宗元節度使林靈素口為九華玉真安妃肖其像于神霄帝君之左宣和三年薨年三十四初諡明節和文旋加冊贈為皇后

韋氏開封人初入宮為侍御得幸夢神投胎遂生高宗崇寧末封平昌郡君大觀初進婕妤累遷婉容欽宗內禪封為龍德宮賢妃從上皇北遷建炎初遣尊為宣和皇后封其父安道為郡王官親屬三十人自此遣使不絕嘗號勸諭輔臣曰皇后春秋高朕思之不遑寧處屈已講和正為此耳學士朱震引唐建中故事請遣尊為皇太后而禮官吳表臣請依嘉祐治平故事俟三年喪畢然後舉行帝先降御札播告天下追封后三代俱王尚然猶未得歸期每擗感以為若從朕請餘皆非所問也及王

弘簡錄

卷一百七十一

大

后妃宋一

偷面言許歸后未幾蕭哲來使亦陳后將歸狀乃豫作慈壽宮遺莫將韓恕為奉迎使十年猶未有期邇上皇太后冊賀於慈寧殿生辰歲旦皆遣行賀禮洪皓在燕求得后手書遺李徽持歸帝大喜曰遣使下輩不如一書遂加徽官金遣蕭毅邢具瞻議和帝泣語養不及親還又面語丁寧命何鑄曹助往報謝召至內殿語備載鑄等至首以為請金主猶難之曰先朝業已如此豈可輒改助及覆再三伸帝之言金主默有允意命鑄等就館館伴耶律紹文密傳主意許從所請洪皓聞之遣人報帝及鑄等還具言其實遂命叅政王次翁為奉迎使金遣其臣高居安完顏宗賢等扈從以行后素聰明有智慮初問許還三梓宮恐其反覆呼役者畢集然後起櫬時方暑憚行又慮有他變乃陽稱疾須臾得黃金以犒其衆伺秋涼進發途中始無間言

十二年四月次燕山自東平舟行由清河至楚州既渡淮命太后弟韋淵泰魯國大長公主吳國長公主迎于道駕親臨平奉迎普安郡王宰執兩省三衙管軍皆從帝初見太后喜極而泣八月至臨安入居慈寧宮向因梓宮未還輟樂至今及太后壽節詔始用樂謁家廟親屬邊官幾二百人后在北方聞韓世忠名舟次臨平呼至簾前慰勞帝侍宮中或至夜分后諭以且休聽朝宜早恐妨萬幾兩宮給使宜令通用不可分彼我恐使人間言得易以入時皇后未立屢為帝言帝請降手書太后曰我但知家事外庭非所當預將行冊命承平典禮悉能記之帝先意承志惟恐不及或一食稍減輒不勝憂懼常戒官人曰慈壽已及六十惟優游無事起居適意即壽考康寧事有所闕慎毋令知第白于朕十九年壽七十正月朔即宮中行慶壽禮親

弘簡錄

卷一百七十一

九

后妃宋一

屬各遷官一等有微恙累月不出會牡丹盛開入白太后欣然步至花所留宴竟日盡歡后常苦目疾醫皇甫坦愈之二十九年太后壽八十復行慶禮親屬又進一等推及庶人年九十宗子女若貢士已上父母年八十者悉官之九月得疾上不視朝敕輔臣祈禱天地宗廟社稷救天下減租稅俄崩于慈寧宮諡曰顯仁撥于永祜陵之西附神主徽宗室親屬進秩復十四人授官三人太后天性節儉有司進金唾壺易用途金宮中賜予不過三數千所得供進財帛多積于庫至以給喪葬之費然好佛老事四聖甚謹康王初出使有小妾言見四金甲人執刀劒以衛以為 助北遷時常設祭及歸立祠西湖上 欽宗后朱氏祥符人父伯材武康軍節度使徽宗臨軒備禮冊為皇太子迎生皇孫湛卽位立為皇后追封父恩平郡王因從

北遷不知崩聞慶元四年正月己卯進上尊諡曰仁懷升祔廟
室授兄孝孫右金吾衛上將軍卒贈開府儀同三司孝章承慶
軍承宜使卒贈昭化軍節度使

弘簡錄卷一百七十一

四卷一百七十一

辛 后妃宋二

弘簡錄卷一百七十二

明刑部員外郎仁和弘齋邵經邦學
皇清翰林院侍講學士四世孫遠平校閱

后妃 宋七之二

高宗后 那氏

妃 潘氏

孝宗后 郭氏

光宗后 李氏

妃 黃氏

寧宗后 韓氏

理宗后 謝氏

度宗后 全氏

妃 楊氏

高宗二后那氏祥符人父煥外戚有傳初聘居康邸封嘉國夫
人康王出使夫人留居蕃衍宅從三宮北遷上皇遣曹助歸夫
人脫所御金環使內侍持付助曰幸為吾白大王願如此環得
早相見也王憐之及卽位遙冊為皇后官親屬二十五人紹興
九年崩于五國城年三十四金人秘之上為虛中宮以待者十

弘簡錄

卷一百七十二

后妃宋二

八年迫太后回鑾始得崩聞輟朝行服諡曰懿節祔主別廟紹
興十二年八月梓宮至擬于聖獻太后梓宮之西北淳熙末改
諡憲節祔高宗廟 吳氏開封人父近武翼郎累贈太師追封
吳王后年十四由康邸入宮卽位常戎服以待左右從幸四明
衛士謀為變問帝所在給之以免帝航海有魚躍入御舟后曰
此白魚之祥也帝悅封和義郡夫人還進才人博習書史兼善
翰墨由是寵遇日至遷婉儀尋封貴妃那后崩聞至宰臣秦檜
等累表請立中宮紹興十三年立為皇后帝御文德殿授冊后
卽穆清殿廷受之追王三代親屬官者三十五人顯仁性嚴肅
后身承起居順適其意甚愛之嘗繪古列女圖置座右為鑒又
取詩序之義扁堂曰賢志會張賢妃薨后撫視普安帝以為天
日之表贊帝決意立之既受禪稱太上皇后遷居德壽宮上尊

號曰壽聖月朔朝上皇畢入見后如宮中儀乾道七年加號壽聖明慈淳熙二年上皇行慶壽禮復加壽聖齊明廣慈之號十年壽七十親屬推恩有差十二年加尊號曰備德上皇崩遺詔改稱皇太后帝欲迎還大内后以上皇几筵在德壽宮不忍去因名所御殿曰慈福居焉光宗即位更號壽聖皇太后以壽皇太后嘗勸帝宜崇尚舊臣紹熙四年壽八十奉冊禮加尊號曰隆慈備福五年正月復率羣臣行慶壽禮嘉王侍側勉以讀書辨邪正立綱常為先孝宗崩正號太皇太后時光宗有疾不能執喪宰臣請垂簾主喪事后不可已而請如唐肅宗故事羣臣發喪太極殿后成服禁中代行祭奠禮許之孝川趙汝愚請於梓宮前垂簾宣光宗手詔立皇子嘉王為皇帝翼日撤簾慶元元年加號光祐遷居重華宮後開汝愚以謫死侂冑私人汪義端曰汝愚為李林甫后大以為非慶元三年十月寢疾禱于天地宗廟社稷大赦天下十一月二日崩年八十三遺詔太上皇帝疾未瘳宜於宮中承重皇帝服齊衰五月以日易月詔乃服非年喪謚曰顯聖慈烈攢祔永思陵

妃潘氏張氏俱開封人潘父永壽直翰林醫官贈太子太師妃由康邸進生元懿太子即位立為賢妃太子薨從隆祐太后于江西與太后同御農夫而行得至虔州踰年亦薨 張氏建炎初為才人有寵進婕妤時養宗子伯琮于禁中輔臣問誰可付託者帝意在婕妤因命母之尊選婉儀卒上為輟朝贈賢妃弟萃閣門宣贊舍人遷秩二階

孝宗三后郭氏祥符人章穆皇后六世孫祖直卿奉直大夫孝宗為普安郡王納之封咸寧郡夫人生光宗及莊文太子魏王

愷邵王恪紹興二十六年薨年二十一封汝國夫人東宮建隆皇太子妃受禪追冊皇后謚安穆營阜陵寧宗改成穆祔廟父瑛累官昭慶軍承宣使追封榮王孝宗待郭氏恩禮彌厚然不假外戚官爵后弟師禹師元官不過承宣使光宗內禪除師禹節度使進少保寧宗進少傅加太保封廣陵郡王

夏氏袁州宜春人會祖令吉為吉水簿父協生后時有異光穿室奇之及長入宮為憲聖閣中侍御普安夫人薨太后以賜王封齊安郡夫人即位進賢妃奉上皇命立為皇后乾道二年謁太廟親屬推恩十一人三年崩謚安恭寧宗改成恭權攢于臨安修吉寺 謝氏丹陽人幼孤鞠於外家冒姓翟氏及長選入憲聖宮以賜普安郡王封咸安郡夫人即位進婉容至貴妃淳熙三年侍帝過德壽宮上皇諭以中宮虛位遣張去為傳旨立為皇后復姓謝氏推恩親屬十人光宗受禪上尊號曰壽成孝宗崩尊為皇太后慶元初加號惠聖嘉泰二年加慈祐太皇太后作壽慈宮請還內九月己酉帝朝于壽慈宮開禧三年崩謚成肅攢祔永阜陵后性慈儉減大官膳羊服澣濯衣數年不易常戒弟淵崇謙抑遠驕侈帝雖在位久後官罕所寵幸止蔡季二貴妃餘無著聞者

光宗后李氏相州安陽人父道外戚有傳生時有黑鳳集營前道心異之小字鳳娘問皇甫坦善相令出拜之坦驚不敢受曰女當母天下因言於高宗聘為恭王妃封榮國夫人進定國生嘉王擴光宗在東宮冊為妃性妬悍嘗詣兩宮訴太子左右高宗不懌語吳后曰是將種吾為坦所誤孝宗亦屢訓后宜以皇太后為法及禪位冊為皇后值帝得心疾壽皇購得良藥欲因

帝至宮親投宜者乘間語后曰太上合藥一大丸俟官車過即投之萬有不虞奈宗社何后視藥實有心術之尚未發項之內宴后請立嘉王為太子壽皇未許后忿曰妾六禮所聘嘉王妾親生何為不可壽皇怒后退泣訴于帝言壽皇有廢嘉王意帝惑其言退廢朝謁帝嘗浣手官人奉盥視其手白悅之他日后遣人送食于帝啓盆視則官人兩手也南郊帝宿齋宮后殺黃貴妃以暴卒聞至夕風雨大作黃壇燭盡滅不克成禮帝疾由是增劇不能視朝政事多決於后益肆驕侈追封三代為王家廟逾制衛兵多於太廟歸謁之日推恩親屬二十六人使臣一百七十二人補官下至門客中典以來所未嘗有時帝久不朝重華中外疑駭紹熙四年九月重明節宰執侍從臺諫連章請帝給事中謝深甫懇切言太上春秋高父子至親天理昭然其

弘簡錄 卷一百七十二 四 后紀宋二

誠心愛陛下亦猶陛下之愛嘉王也帝感懽趣命駕往朝百官班列以俟已出至御屏後后挽留曰天寒官家且飲酒百僚侍衛相顧莫敢言舍人陳傅良引帝裾請母入因至屏後后叱曰此何地秀才至此欲斫頭耶傅良下殿慟哭后使人問以何理對曰子諫父不聽則號泣而隨之居益怒遂傳旨罷還官後太上崩竟不能執喪寧宗立尊為太上皇后上尊號曰壽仁慶元六年六月違豫肆赦崩壽五十六諡曰慈懿權攬于南山修吉寺祔主太廟 黃貴妃初封和義郡夫人上皇以賜送專寵后怒之紹熙二年冬十一月死

寧宗二后韓氏琦六世孫父同卿外戚有傳初與姊俱選入官后能順適兩宮意遂歸平陽郡封新安郡夫人進崇國夫人王登祚冊為皇后慶元六年崩諡恭淑權攬南山廣教寺祔主

太廟 楊氏會稽人自少以姿選慶元元年封平樂夫人三年進婕妤五年進婉儀六年正月己亥子坦生加封貴妃坦至八月而天先是后與曹美人俱有寵自韓后崩中官未有所屬侂冑見后任權術而曹美人性柔順勸帝立曹帝以后頗涉書史知古今性復機警竟立之族兄次山客王夢龍知其謀密以告后后街之因與次山謀誅侂冑使皇子詢入奏帝不答后從傍贊之甚力亦不答恐事泄乃令次山擇廷臣可任者共圖侂冑史彌遠素與有隙欣然奉命轉告參政錢象祖禮部尚書衛涇著作郎王居安右司郎官張鑑皆預其謀密遣中統制夏震梃殺之帝初不知自此彌遠日貴用事而親信之及皇子詢薨國嗣未定養宗室子竑為皇子與彌遠不相協陰蓄異志欲立他宗子昀帝大漸日彌遠遣后兄子谷與石人白廢立事而不可

弘簡錄 卷一百七十二 五 后紀宋二

口皇子先帝所立豈敢擅變是夜凡七往反后終不聽谷等拜且泣曰今已召昀入宮內外軍民又皆歸心苟不從禍變立至楊氏且無噍類矣后初不知然良久召昀入拊其背曰汝今為吾子矣遂矯詔廢竑為濟王立昀為子即皇帝位是為理宗尊后曰皇太后同聽政以五月十六生日為壽慶節各所居殿曰慈明寶慶三年上尊號曰壽明紹定元年復加慈睿四年壽七十五帝率百官朝慈明殿行慶壽禮加尊號壽明仁福慈睿大赦賜宰執彌遠等爵秩有差不豫禱于天地宗廟社稷官觀赦天下明年崩諡曰恭聖仁烈

理宗后謝氏諱道清丞相深甫孫女帝當立后楊太后德深甫有援立功特命選之初封通議郡夫人寶慶三年九月進貴妃十二月冊為皇后時買貴妃專寵開貴妃又以色進后處之裕

如畧不介懷太后賢之帝禮遇益加開慶初元兵渡江議遷都
 平江后諫曰恐搖動民心乃止理宗崩度宗立尊為皇太后加
 上尊號壽和聖福立生日為壽崇節進封三代父魏王祖及曾
 祖景之皆魯王后兄奕昌臨海郡王卒贈少保諡莊憲后姪堂
 聖壁原在遠皆授節度使宗姻奕修奕實郭自中黃輿在及高
 平郡夫人謝氏等各封資進秩有差度宗崩恭帝立尊為太皇
 太后年老且疾大臣屢請垂簾聽政彊之乃許以不能御正衙
 暫就慈元殿殿時兵興費繁痛自裁節汰慈元殿提舉以下官
 省泛索錢緡削賈似道官歲之揭榜朝堂不許百官擅道言天
 命未改國法尚存凡在官守與轉一資負國逃者覺察以聞德
 祐元年六月朔日食既削已聖福尊號以應天變時國事以去
 張世傑兵敗焦山陳宜中棄官去累名不至后以書遺其母又
 弘簡錄 卷一百七十二 后妃宋二

弘簡錄 卷一七二

配家嫡以承祭祀景定二年十二月詔封永嘉郡夫人十二月
 冊為皇太子妃帝訓皇太子夫婦之道王化所基男女正位天
 地大義平日所講修身齊家之道當真履實踐勿為口耳之學
 宜付史館永為世程生恭帝咸淳三年正月冊為皇后追贈三
 代賜家廟第宅弟清夫大中大夫備科發身乞換武班特授清
 遠軍承宣使庭輝以下十五人各轉一官永堅必慎以下十七
 人補承信郎度宗崩恭帝立冊為皇太后進清夫昭信軍謝屋
 保康軍謝至保寧軍皆節度使謝堂檢校少師為兩淮鎮撫屋
 與永堅並加檢校少保宋亡從恭帝入朝于燕京後為正智寺
 尼而終
 妃楊氏初選入宮為美人咸淳二年進封淑妃親屬楊幼節以
 下百三十四人推恩進秩生建國公昱修容俞氏生昺恭帝降
 走溫州又奔福州眾推為帝妃為太后封昺衛王大軍圍昱
 海上昱卒昺代立昺復投海死妃聞之大慟曰我聞關忍死以
 至于此者正為趙氏一塊肉祭祀尙有可望爾今天命至此夫
 復何言遂赴海死

| | | | | | |
|-----|-----|-----|-----|-----|-----|
| 太祖女 | 魏魯陳 | 太宗女 | 徐楊鄭 | 仁宗女 | 馬秦克 |
| 英宗女 | 楚舒韓 | 神宗女 | 周唐澤 | 哲宗女 | 陳國吳 |
| 徽宗女 | 嘉德等 | 理宗女 | 嗣漢等 | | |

太祖女魏國大長公主開寶三年封昭慶公主下嫁王審琦子
 承衍賜第景龍門外祥符元年薨諡賢肅承衍字希甫幼端謹
 善騎射曉音律頗涉藝學好吟咏暑父牙職補內殿都知授右
 衛將軍駙馬都尉領恩州刺史加防禦使太平興國初遷應州

觀察使累檢校太保彰國軍節度使出知天雄軍時契丹擾鎮陽候騎至冀州隣境戒嚴承行鎮以安靜人賴以安為貝冀都部署換節永清護國二軍真宗改河中尹加檢校太尉卒年五十二贈中書令給卹薄葬諡恭肅子世安世隆世雄世融

魯國大長公主開寶五年封延慶公主下嫁石守信子保吉祥符二年薨諡賢靖保吉字祐之陰補天平軍衙內都指揮使開寶四年召見賜襲衣玉帶金鞍勒馬拜左衛將軍駙馬都尉領

愛州刺史本州防禦朔州觀察使父喪起復授威塞軍節度使雍熙三年出知河陽人名兼兵馬都部署改橫海安國二鎮真宗加檢校太尉保平軍節度車駕北巡為河北諸路行營都部署屯定州景德初求使相李沆執意不許沆薨後始改武寧軍節度使同平章事幸澶淵為駕前東西而都排陣使軍于北門

外東封攝司徒登壇奉俎加檢校太師還鎮卒年五十七贈中書令諡莊武保吉姿貌瓌頌有武幹性驕倨所至峻暴好殺待屬吏不以禮子貽孫崇儀使帶御器械孝孫西京左藏庫使

陳國大長公主初封永慶公主嫁魏仁溥子成信景祐三年薨諡貞惠咸信字國寶太祖居潛邸憲太后嘗至仁溥第咸信方幼侍母側儼如成人人奇愛之欲結姻好開寶中因成太后之意選授右衛將軍駙馬都尉真宗北巡以為貝冀行營都部署卒年六十九贈中書令生子賜名昭亮字克明初授如京副使進東上閣門使上言閣門儀制未備詔與陳彭年張知白同加詳定遂與彭年款昵嘗稱其材能居官務職察多遣人偵伺僚輩人以此少之餘慶供備庫副使

太宗女徐國大長公主太平興國九年封蔡國公主下嫁吳廷

祚子元辰字君華初授左衛將軍駙馬都尉領愛州刺史本州團練使雍熙三年表求試郡命知鄆州尋改河陽領鄆州觀察使主疾召還淳化元年主薨復任五年秋霖河溢城壘將壞元辰躬涉泥濘督工補塞以舟楫濟民設餅餌食之所部獲安真宗換安州觀察使知澶州運使劉錫上其治狀詔書嘉獎遷寧國軍留後知定州值王超王繼忠與遼人戰領兵踰唐河元辰急發州兵護河橋既而敵果來乘見有兵引去歲旱皮禱澍雨沾洽吏民詣闕表請立碑景德三年代歸授武勝軍節度使命修諸陵分領澤潞晉絳磁隰咸勝七州軍戎事東封加檢校太傅知徐州祀汾陰改領山南東道被疾卒年五十帝甚悼惜贈中書令諡忠惠元辰性謹讓有憂民心待賓佐以禮喜讀春秋左氏聲色狗馬一不介意族屬至多薦其堪祿仕者自餘親舊

孤貧皆均俸贍之公主亦有德行時乳媪入參官禁慮其去後妾有請託自上拒之真宗深所嘉嘆獨稱其賢諡曰英惠授子守禮六宅使累澄州刺史和州防禦使守嚴守良皆內殿崇班守讓閣門祇候天禧中又錄孫承嗣承緒並為殿直

楊國大長公主至道三年封宣慈長公主下嫁柴禹錫子宗慶賜第普寧坊帝命主以婦禮賜禹錫固辭不許明道二年薨諡和靖宗慶字天祐初授右衛將軍駙馬都尉領恩州刺史真拜

嶽州防禦使改復州從祀汾陰為行宮四面都巡檢使進泉州觀察武勝軍留後彰德軍節度使仁宗徙靜難永清二軍拜同中書門下平章事又徙節武成軍出知陝州判鄭州以縱部曲擾民召還奉朝請卒贈中書令諡榮密

鄭國公主至道三年初封賢懿長公主下嫁王溥孫從子行收

弘簡錄 卷一百七十二 九 附公主宋二

祚子元辰字君華初授左衛將軍駙馬都尉領愛州刺史本州團練使雍熙三年表求試郡命知鄆州尋改河陽領鄆州觀察使主疾召還淳化元年主薨復任五年秋霖河溢城壘將壞元辰躬涉泥濘督工補塞以舟楫濟民設餅餌食之所部獲安真宗換安州觀察使知澶州運使劉錫上其治狀詔書嘉獎遷寧國軍留後知定州值王超王繼忠與遼人戰領兵踰唐河元辰急發州兵護河橋既而敵果來乘見有兵引去歲旱皮禱澍雨沾洽吏民詣闕表請立碑景德三年代歸授武勝軍節度使命修諸陵分領澤潞晉絳磁隰咸勝七州軍戎事東封加檢校太傅知徐州祀汾陰改領山南東道被疾卒年五十帝甚悼惜贈中書令諡忠惠元辰性謹讓有憂民心待賓佐以禮喜讀春秋左氏聲色狗馬一不介意族屬至多薦其堪祿仕者自餘親舊孤貧皆均俸贍之公主亦有德行時乳媪入參官禁慮其去後妾有請託自上拒之真宗深所嘉嘆獨稱其賢諡曰英惠授子守禮六宅使累澄州刺史和州防禦使守嚴守良皆內殿崇班守讓閣門祇候天禧中又錄孫承嗣承緒並為殿直

和 201 冊 續修四庫全書 第 3 卷 史部

名貽永景德元年薨諡懿順景祐三年追封雍國大長公主贈
永字季長性清慎寡言頗通書不好聲技咸平中授右衛將軍
駙馬都尉從封泰山領高州刺史轉右監門衛大將軍獎州團
練使外補知單州真宗戒以和衆靜治卿所當先真拜洛州團
練懷州防禦使知壇定二州徙成德軍奏曹訥之變遷耀州歷
彰化武定軍觀察留後安德保寧等軍節度使知天雄軍移那
州鄆自咸平中徙城故治爲通衢介梁山春夏多水患貽永相
度地勢築東西道三十餘里民甚便之復移定州及成德軍康
定初召同知樞密院事慶曆五年改副使加宣徽南院使進樞
密使久之拜同中書門下平章事加兼侍中徙節鎮海彰德累
疾求罷遣醫診視稍間召入賜五日一朝命其子西上閣門使
道卿扶掖升殿仍許休殿側至和初拜尚書右僕射皆故事所
弘簡錄 卷一百七十二 附公主宋二
無在樞密十五年能遠權勢迄無過失性清謹歸第杜門謝客
人稱謙靜終檢校太師景靈宮使贈太師中書令諡康靖
荆國長公主幼善女功及長性儉約號知禮真宗改封萬壽公
主下嫁李崇矩孫遵勗賜第承寧里所居堂堯及瓦甃多爲鸞
鳳主悉令鏡去服有龍飾悉屏藏之帝聞歎美後遵勗守許州
得暴疾主不待報率從者竟往居喪哀毀循禮服除不御華麗
常曲燕帝親爲簪花辭曰誓不爲此久矣兼善筆札喜圖史能
爲歌詩誠諸子守忠義無恃吾以速悔尤目病喪明帝與后妃
以下皆至第候問帝親爲舐之曰先帝伯仲之籍十有四人今
獨存大主倘疾可移於朕亦所不避也臨歿隱几冲淡自若遺
誠諸子遵父遺命無藏金玉以葬年六十四帝臨奠五輟視
朝追封齊國大長公主諡獻穆遵勗字公武生數歲相者謂當

以姻貴少學騎射馳冰雪間馬逸墜崖下衆謂莫救徐起亡恙
及長好文辭舉進士祥符間名對便殿授左龍武將軍駙馬都
尉領涇州刺史坐私主乳母謫均州團練踰年起爲太子左衛
率府副率真拜康州團練使父繼昌守涇州暴感風眩遵勗不
俟命馳省帝遣使乘驛赴之還遷澤州防禦宣州觀察使求試
郡出知澶州賜安長春殿會河溢將壞浮梁督工治隄七日而
成授昭德軍觀察留後寧國軍節度使徙鎮國軍知許州校按
水軍多不練習劾去十八嘗以疾援唐韋嗣立故事求山林號
詔不許章獻臨朝問以外事不答固問之曰人言上旣冠宜以
時還其政太后曰我非戀此但帝少內侍多恐未能制之爾因
進三說五事以論時政太后乳母晉國林夫人多干外事太后
崩遵勗密請置之別院出入伺察以厭服衆論其居第園池冠
弘簡錄 卷一百七十二 附公主宋二
下京城嗜奇石構堂引水環以佳木延名士大夫與宴樂師楊
億爲文億卒爲制服與劉筠友善存恤其後通釋氏學將死與
浮圖楚圓爲偈頌卒贈中書令諡和文有開宴集二十卷外館
芳題七卷
仁宗女周陳國大長公主初封福康公主幼警慧性純孝帝嘗
不豫主侍左右徒跣頓天乞以身代帝隆愛之帝念章懿不及
享天下養因擇尚其兄子李瑋以爲駙馬都尉瑋質朴陋與主
積不相能所生母又忤主意嘗中夜扣皇城門入訴願自還宮
瑋皇懼自劾削金後數年復不協詔落駙馬出知衛州反主禁
中司馬光言陛下追念慈恩今乃使母子離析家事零落獨無
雨露之感乎且瑋旣出主安得無罪仁宗悟降主沂國復伉儷
如初仍復都尉積官濮州團練安州觀察使復因奉主亡狀貶

彬州團練使陳州安置遇赦還京治平四年進主楚國薨年三十三神宗命諡莊孝璋後官建武軍節度使檢校太師卒哲宗臨奠哭之贈太師中書令

秦魯國大長公主嘉祐五年初封慶壽公主進惠國治平四年進魯國下嫁吳越忠懿王曾孫錢景臻為右領軍衛大將軍徽宗朝進秦魏兩國政和三年更封令德景行大長帝姬以先朝女金人不知留于汴建炎初至揚州朔尚復避地之閩紹興三年仍還會稽入見因留居焉時以行尊年高帝甚敬之每入見必先揖三子忱愜愜俱非王出王獨厚于忱先是靖康中成里例納節及是得請授忱瀘川節度使久之又請優賜推恩上重違之加開府儀同三司上因戒曰長主壽考如此乃仁宗皇帝深仁厚澤所鍾待遇諸子宜法先朝用心均一主感服薨年八

弘簡錄 卷一百七十二 附公主宋二

十徽朝五日駕幸臨奠諡曰賢穆加謚明懿封景臻會稽郡王 忱字伯誠神宗賜名帝嘗諭景臻主賢宜有後為擇嘉配乃娶晁迥外孫唐介孫女忱從二家遊又伯父魏在翰院因得識一時名卿哲宗愛之常令侍左右御書忠孝之家四字賜之紹興十五年長主終喪除少保封榮國公卒年八十贈太師備官至太尉開府儀同三司

竟國大長公主嘉祐六年初封永壽公主熙寧九年改封魯國長公主下嫁曹彬曾孫詩為左領軍大將軍主性儉節居第池臺苑固一無增飾主生日曹族將盛具為壽主言時方大旱土損膳徹樂吾何心能安悉命屏之元豐六年薨年二十四諡賢懿

燕舒國大長公主嘉祐六年初封寶壽公主治平二年進燕國

長公主下嫁開州團練使郭獻卿政和二年薨諡懿穆

英宗女魏楚國大長公主嘉祐八年初封德寧公主治平三年進封徐國長公主下嫁王審琦曾孫師約元豐八年薨追封燕國大長公主諡惠和師約字君授少習舉業英宗求儒生為婿命宰相名師約因獻所為文賜對選為駙馬都尉授左衛將軍賜玉帶又賜九經筆硯勉之進學神宗拜嘉州刺史遷成州團練使始令越例同管當三班院試其才遷汝州防禦使考績轉晉州觀察使哲宗遷鎮安軍節度觀察留上書宣仁后元符初以越職褫其秩徽宗復保平軍留後樞密都承旨卒年五十九主生子殊至開州觀察使

魏國大長公主嘉祐八年封寶安公主神宗立進舒國長公主下嫁王全斌五世孫詵字晉卿能詩善書授左衛將軍駙馬都尉詵母盧氏寡居主處之近舍日致膳羞盧病自和湯劑以進帝厚於姊妹居第池藥服瓶極其華縵主以不得侍宣仁於寶慈宮居常悒然間遇早暵亦從帝降損以禱曰我奉賜皆出公上固應同其休戚帝居慈聖喪毀甚主云與上同體視此復何聊賴亦散遣歌舞三十輩平居不妬忌詵得自恣常貶官帝命復之以尉主意元豐三年疾篤太后臨問慟哭帝繼至自為診脈親持粥飲之主強為盡食問所須但謝帝復詵官薨年三十主好讀古文章喜筆札賜恤族黨中外惜之輟朝五日累改秦荆魏三國主諡賢惠詵後官至留後

弘簡錄 卷一百七十二 附公主宋二

韓國大長公主始封壽康公主改祈衛兩國熙寧元年遷尚張敦禮授左衛將軍駙馬都尉俄遷密州觀察使元祐初上疏言變法附會之害進武勝軍留後章惇以為詆毀先烈譽司馬光

變法附會之害進武勝軍留後章惇以為詆毀先烈譽司馬光

奪留後授太千牛衛大將軍勅止朝參徽宗立復和州防禦使
進保信軍留後寧遠軍節度使徙雄武卒贈開府儀同三司主
宣和五年薨加秦越楚三國主

神宗女周國長公主母欽聖太后也主生而警悟羈外習略宛
如成人年十二卒 唐國長公主始封淑壽公主神宗念韓琦

功德欲與爲婚後哲宗緣帝意以主降其子嘉彥加瀛海軍承
宣使主歷封溫曹冀雍越燕六國政和六年薨 潭國長公主

母曰宋貴妃始封康國公主紹聖四年下嫁王遇大觀二年薨
歷韓魯陳邗四國諡曰賢孝 徐國長公主始封慶國公主進

益冀蜀徐四國年及笄猶處聖瑞宮侍母欽成后疾晝夜不暫
去藥餌非手和弗以進迨疾革號慟屢絕左右不忍視崇寧三

年下嫁潘美會孫意事姑修婦道潘故大族夫黨數千百人賓
弘簡錄 卷一百七十二 附公主生宋二

按皆盡禮無中外言志向冲淡服玩不爲紛華歲時簡嬉遊十
年間惟一適西池而已政和五年薨年三十一追封賢靜長帝

姬
哲宗女陳國公主始封德康公主大觀四年下嫁石端禮歷瀛
榮陳三國政和七年薨

吳國長公主始封康懿出降潘正夫常助時相紹述靖康中亦
以先朝女得留建炎初避地至婺州入見高宗奏祖宗以來駙

馬皆除使相今正夫歷事四朝在汴京會建議迎陛下至杭又
言禁衛未集宜防變乞除開府不許八年再入見留宮中三

日值煩暑上每正衣冠對之飲食時趙鼎當國頗抑正夫鼎去
位始除開府儀同三司檢校少傅封和國公卒贈太傅隆興二

年主薨諡康懿子溫卿長卿端卿並授承宣使清卿容州觀察

使墨卿才卿團練使其盛如此

徽宗女二十四早亡十四未嫁十政和五年改公主諡爲帝姬
國號易以美名曰嘉德帝姬下嫁曹寅榮德帝姬下嫁曹晟安

德帝姬下嫁宋邦光茂德帝姬下嫁蔡條崇德帝姬下嫁曹湜
成德帝姬下嫁向子房洵德帝姬下嫁田丕顯德帝姬下嫁劉

文彥順德帝姬下嫁向子展俱授左衛將軍駙馬都尉後皆北
遷獨恭福帝姬生纒周晬不行後亦薨其在五國城柔德帝姬

適徐還紹興十一年薨後有開封尼李靜善貌似柔福即自冒
稱上遣內使馮益等驗視以爲真遂封福國長公主適永州防

禦使高世榮至顯仁太后歸始知其妄伏誅追封和國長公主
榮德至燕京駙馬卒改適習古國王紹興中有商人妻易氏在

劉超軍中亦冒稱之鎮撫使解潛送至行在遣內夫人辨驗其
弘簡錄 卷一百七十二 附公主生宋二

詐付大理獄論死惟安德遺女一人後適嗣秀王伯圭封秦國
夫人

高孝光寧四朝女皆早亡惟理宗一女周漢國公主母賈貴妃
有寵帝惜其早薨甚鍾愛之初封端國改昇國開慶初主年及

笄詔議選尚丁大全欲用新進士爲駙馬因命考官竄周震炎
第一倡爲太平狀元之說以媚帝震炎草茅士年幾三十恭謝

日公主於內窺之不悅事遂寢帝以楊太后擁立功乃選太后
姪孫鎮尚主擢右領軍衛將軍駙馬都尉帝欲時時見之爲起

第嘉會門之安濟橋第成內侍董宋臣李忠輔皆進官飛樓閣
道密邇宮苑帝常御小華從宮人過主第犒賞有差授鎮宜州

觀察使賜玉帶宗族楊蕃孫官兩轉楊鐸楊鑑官一轉並直秘
閣餘姊妹皆推恩加封寵異甚渥薨年二十二諡端孝鎮官至

虞遠軍承宣使加節度使

弘簡錄卷一百七十二

卷一百七十二

六

附公主宋二

弘簡錄卷一百七十三

明刑部員外郎仁和弘齋邵經邦學

皇清翰林院侍講學士四世孫遠平校閱

系屬 宋八之一

太祖弟廷美

子德欽 德隆 德文 德烈 德存
孫叔近 彦傑 彦逾

子德昭

孫惟正 惟吉 惟固 惟忠 惟和
令時 令旺 令感 令於 令景

次德芳

孫惟敘 惟憲 惟能 惟言 惟恩
師葵 師揆 師岳 伯玖 伯圭

太祖兄光濟弟光贊俱早亡後追封光濟邕王改曹王光贊夔

王改岐王廷美最幼初名光美字文化建隆初授嘉州防禦使

明年遷典元尹山南西道節度使乾德二年加同中書門下平

章事開寶六年檢校太保侍中京兆尹承典軍節度使太宗即

位為開封尹加中書令封齊王子並稱皇子女稱皇女尋檢校

太師扈駕親征太原久乃論功進封秦王太平興國五年親征

契丹命留守東京會有告其驕恣將有陰謀竊發者帝不忍暴

其事罷尹開封徙為西京留守行後賞告密功以王通判河南

府間矩判留守事柴禹錫楊守一皆遷官又併坐交通及嘗受

宴獨者落左衛將軍樞密丞旨陳從龍為皇城使右衛將軍劉

知信弓箭庫使惠延真商州長史并責禁軍校皇甫繼明王榮

等削籍配流及趙普再相又奏盧多遜交通事言已實與昭憲

頤命後為權倖所沮在先朝時已嘗自愬上乃於宮中訪普前

所上章并發金匱誓書因訪以傳國之意普曰太祖已誤陛下

豈容再誤邪於是廷美遂得罪會多遜事發下御史捕繫中書

守堂官趙白坐與王府吏樊德明遊處因之交結秦王為多遜
往來傳語言皆指斥官車又秦府孔目閻密驕橫不法小吏王
繼勳尤親信王嘗使訪求聲妓怙勢賦污趙懷祿弟廷俊為軍
器庫使王私名與語閻懷忠為王請錢俶求犀玉帶金酒器又
遣齋銀益錦絲羊酒賜伊妻父御前忠佐馬軍都頭潘濬至是
皆伏誅勳廷美歸私弟改正王男女名仍稱皇侄女去公主號
降駙馬韓崇業為右千牛衛率府率並發遣西京居住貶秦府
官屬閻矩孫嶼為涪融二州司戶叅軍普復以請居西洛非便
令知開封李符上言王不悔過乞徙遠郡以防他變詔降為涪
陵縣公房州安置劓妻張氏楚國夫人諸子悉從普又恐符言
泄坐他事流死春州命崇儀使閻彥進知房州御史袁廓通判
州事伺察秦王各賜白金三百兩自此憂悸成疾雍熙元年卒

弘簡錄 卷一百七十三 系屬宋八一

濟州德隆為右武衛大將軍長寧郡侯判沂州令高品衛紹欽
送諸弟皆隨赴治所常俸外歲給錢三百萬命起居舍人韓檢
右補闕劉蒙叟分任二州通判諭以盡誠神贊苟有關失止罪
爾等端拱元年進封德恭安定郡公改左驍衛左神武大將軍
真宗改樂平郡公判虢州遷勝州團練衛州防禦使卒年四十
五贈保信軍節度使追封中國公明道二年追封高密郡王諡
慈惠二子長承慶次承壽承慶父病封股官至和州團練使卒
贈武信軍節度使循國公子六人克繼善楷楷尤工篆隸訓子
弟力學登科者十有二人嘗進所集廣韻字源仁宗稱善終定
武軍節度觀察留後贈開府儀同三司建國公諡章靖承壽終
南作坊使贈德州刺史武當侯子四人克已曉音律善學虞世
南管作樂曲并獻雅樂圖侍宴大清樓賜器加等終右千牛衛
弘簡錄 卷一百七十三 系屬宋八一

年三十八追封培王諡曰悼上對宰相曰廷美自少剛愎長益
凶惡朕以同氣至親不忍寘之於法俾居房陵冀其思過方欲
推恩遽茲殞逝痛傷奈何為發哀成服其母陳國夫人耿氏亦
薨上又對侍臣言陳國即朕乳母後嫁趙氏生廷俊朕令屬韃
左右輒漏泄禁中事於廷美邇者西池水心殿成橋梁未備朕
將泛舟以往廷美與左右謀欲以此時竊發不果即詐稱疾俟
朕臨省因復為變往事如此朕不欲暴揚言已愴然助等對曰
涪陵悖逆天下共聞若此事非陛下親示臣等何由知之真宗
立與妻追復官封咸平二年詔擇地改葬汝州梁縣之新豐鄉
仁宗贈太師尚書令徽宗改封魏王子十人 德恭字復禮初
以皇子出閣授貴州防禦使免官徙房陵後授峯州刺史德
隆漢州刺史雍熙中詔德恭為左武衛大將軍封安定郡侯判

崇信軍節度使同平章事廣平郡王子承訓官至順州刺史卒
 贈深州團練使 德欽字可久自幼太祖鞠於宮中長授右千
 牛衛大將軍封長寧郡侯年十九代德隆判沂州飛蝗入境黃
 躬引咎齋戒致禱蝗多自殞辨僑生乙恕寬進封郡公淳化四
 年為右監門衛遷左武衛二大將軍改判廣平部民詣闕乞留
 詔嘉獎真宗召還命判滁州咸平中遷累徐州刺史保信軍節
 度觀察留後卒年四十九上臨奠廢朝贈昭信軍節度使追封
 信都郡王諡安簡明道二年改封穎川郡王子承矩終莊宅使
 贈博州刺史承坊至供奉官贈六宅副使承範承拱並西京作
 坊使承衍內殿崇班承錫供奉官 德雍字仲達淳化初授右
 驍衛將軍歷右羽林龍武二將軍累遷蔡州觀察使咸寧郡公
 終天平軍節度觀察留後贈宣德軍節度使同中書門下平章
 弘簡錄 卷一百七十三 四 系屬宋八一
 事諡康簡明道中追封廣陵郡王子承亮襲封昌國公神宗拜
 感德軍節度使改封秦國公奉祀堯贈樂平郡王諡恭靜子克
 淪嗣卒子叔牙嗣承睦終左領軍衛大將軍彭州團練度州觀
 察使南慶侯 德鈞字子正性和雅善書翰好為篇什淳化初
 拜右武衛將軍四遷至右衛將軍景德二年加右監門衛大將
 軍卒贈河州觀察使鄖國公子承簡襲封徐國公官至保康軍
 留後贈彰化軍節度使安定郡王諡和懿承緒供奉官承偉承
 雅承裔承鑑承璽並西京作坊使承裕禮賓副使承翊內殿崇
 班承幹終懷州防禦使贈保靜軍節度使蕭國公子克敦父子
 以經術文學名于宗藩宗正薦名試中選元豐間又集父遺文
 以進神宗賜詔獎諭追封承幹為東平王克敦終宣州觀察使
 贈開府儀同三司和國公 德欽字丕從淳化元年授右屯衛

將軍四遷右羽林將軍卒年三十一贈雲州觀察使追封雲中
 侯子承遵西京作坊使 德潤字溫玉頗好學善為詩淳化元
 年授右領軍衛將軍四遷右羽林大將軍卒年三十九贈應州
 觀察使追封金城侯 德文字子元淳化初授右監門衛將軍
 累遷滑州觀察使馮翊郡公少好學刻勵如諸生手抄經史百
 家工為辭章其宗呼為五秀才封泰山祀汾陰幸亳皆奏賦頌
 帝每賜詩輒令屬和特命楊億與相師友億卒悼以詩十章天
 聖中遷橫海軍節度觀察留後歷昭武感德武勝三軍節度使
 加同中書門下平章李仁宗以德文大父行且賢稱為五相公
 不名慶曆四年進封東平郡王加兼侍中雖老嗜學不倦有疾
 上臨視親調藥飲薨年七十二駕往臨哭贈太尉中書令加封
 中王諡恭裕子六承顯襲封康國公終昭化軍節度使年七十
 弘簡錄 卷一百七十三 五 系屬宋八一
 四贈太尉樂平郡王 德愿字公謹淳化初授右千牛衛將軍
 至左武衛大將軍卒年二十四贈涼州觀察使姑臧侯 德存
 字安世九歲授右千牛衛將軍歷監門至驍衛從祠泰山領樊
 州刺史祀汾陰遷左羽林大將軍卒年二十贈洮州觀察使洮
 陽侯子承衍禮賓副使 元孫叔近榮良公克類子建炎元年
 守秀州值杭卒陳通反詔辛道宗將西兵討之兵潰為亂抵秀
 城下叔近乘城諭以禍福乃去未幾差權兩浙提刑招通聽命
 及入城猶不解甲叔近置酒推誠待之遂皆感服因奏通初無
 叛心緣葉夢得給賞不時遂至紛爭今已就招請赦其徒二百
 餘人帝許之已而王淵兵至杭詐呼趙秀州來給通郊迎遂誅
 之淵初在汴狎娼周氏術叔近私之誣以通賊奪職被拘代者
 朱芾肆殘虐軍民怨憤小卒徐明率眾囚芾迎叔近領郡事奏

上未達朝命淵部曲張俊致討領兵至叔近出迎俊叱令近對
方操筆未竟斬首于地明等遂反戈嬰城縱火驅掠俊捕誅之
取周氏以歸于淵紹興九年御史訟其冤贈集英殿修撰 彥
俊字安卿彭城侯叔聚曾孫饒州太守公廣之子初調深陽尉
豪民潘氏兄弟號三虎彥俊按治之皆正其罪改揚州司戶攝
獄掾有告主藏吏匿錢千萬彥俊察其情實請吏共貸者許以
自首免罪一日而畢改平江推官攝宜興縣自軍興百凡預借
民得挾此慢易其令彥俊請禁之邑遂易治權知於潛執黜胥
胥吏不得與臺省吏通積弊遂息陞通判臨安開禧初知興國
軍時歲旱蝗軍需益急令吳格方負上供銀貶秩彥俊謂宜寬
民力以崇根本有潰卒斬之散其餘黨累遷湖南運判徂人羅
孟傳反帥從彥俊討造謀者離其黨與俾還自相警卒降之尋
弘簡錄 卷一百七十三 六 系屬宋人

輩宗臣不當言功以為端明殿學士出知建康兼江東安撫使
意殊缺望未行改四川安撫置制使兼知成都凡兩入蜀政皆
不擾大有聲譽蜀人安之侂胄論前功累遷資政殿大學士嘉
泰間知明州兼沿海制置使乞祠卒議者以嘗奏復利西安撫
吳氏兵權後致曠變多以為咎
太祖四子長滕王德秀次舒王德林皆早亡次德昭字日新乾
德二年冲幼出閣領貴州防禦使開寶六年改興元尹山南西
道節度使檢校太傅同中書門下平章事太平興國元年兼侍
中為京兆尹授承典軍節度使封武功郡王朝與齊王廷美同
班宰相上三年二月娶太傅王溥女封韓國夫人冬郊加檢校
太尉四年從太祖征幽州軍中嘗夜驚不知上所在有謀立之
者上聞不悅及歸以北征不利故久不行大原賞德昭以為言
弘簡錄 卷一百七十三 七 系屬宋人

衛大將軍開州觀察使凡郎弟供億車服賜予與諸王埒自餘王子不得備也真宗授武信軍節度使加同平章事封泰山改感德軍有疾上屢臨省親視灼艾給御膳且為佛事薨年四十五廢朝贈太尉中書令諡康孝天性好學善屬文工草隸飛白真宗次為七卷御製序命藏秘閣明道二年追封冀王七子守節累遷彰化軍節度觀察留後同知大宗正事卒贈鎮江軍節度使追封丹陽郡王諡僖穆子世承襲邢國公終鎮南軍留後贈昭信軍節度使南康郡王諡修孝世延終右武衛大將軍終州防禦使贈武寧軍節度觀察留後彭城郡公守約終內閣使康州刺史贈沂州團練使子世靜至左武衛大將軍均州防禦使贈鎮海軍節度觀察留後北海郡公世長終左武衛大將軍解州防禦使贈彰信軍節度觀察留後濟陽郡公守異慶曆十

卷一百七十三

八

人從營累官西染院使卒贈磁州刺史東萊侯子世規襲封崇國公官至右龍武大將軍沂州防禦使從謁封穎國公終左衛大將軍齊州防禦使贈武勝軍節度觀察留後追封韓國公子三人世豐終太子右衛率世準為人內恕外嚴無綺羅金玉之好凡郊廟必從累授金州觀察寶靜軍節度使薨年六十八贈開府儀同三司追封成王世雄少力學知名與子令鑠熙寧中應詔皆以材能表見嘗請營都宅以處疎屬立三舍以訓學者詔用其議置兩京敦宗院六宮各建學徽宗拜崇信軍節度使知大宗正事崇寧四年薨年七十五贈太尉追封淄王諡恭憲令鑠官至寶文閣待制子子直見後從信初封榮國公官至雄州防禦使贈保寧軍節度使楚國公諡安僖從秉從穎並禮賓使從謹宜城侯見後從質內殿崇班從謙出繼 惟和字子

卷一百七十三

九

年襲封官至和州防禦使贈武成軍節度使楚國公子世清累官茂州防禦使封中國公熙寧中遷越州觀察使襲懿王後封越國公進會稽郡王至保信軍留後愛諸弟作棟募會於邸中元豐中升附四后受命告廟方疾力就事薨贈安化軍節度使開封儀同三司封號王諡恭安子令廓嗣守度終左領軍衛大將軍英州團練使贈廣州觀察使廬江侯守廉終供備庫副使贈內藏庫使守康至供奉官 惟固字宗幹初名元辰賜改今名授左千牛衛將軍昌州團練使卒子從信封楚王諡安僖子二世福官至集慶軍節度使薨贈儀王世達封益國公子令應見後 惟忠字令德初名文起賜改今名授右千牛衛將軍四遷右龍武軍左監門衛大將軍敘州刺史終昌州團練使贈鄂州觀察使江夏侯明道二年加贈彰化軍節度使舒國公子八

先是熙寧中詔封太祖後為安定郡王奉太祖祀世世勿絕

首封秦王孫從式已而更封燕王曾孫世準世開嗣堯世雄
嗣堯世福嗣堯令盈嗣堯令庇以年長爭襲朝廷從禮部郎王
居正言燕王太祖長子正當襲封令庇小宗不與之並議遂定
自宣和末停封至紹興初命話始得襲授寧州觀察使右武衛
大將軍堯贈開府儀同三司自此至嘉定襲封者十五人惟四
人迹頗著餘皆姪姪無聞 令時字德麟蚤以才敏開元祐六
年簽書穎州公事蘇軾嘗薦于朝及軾被竄坐交通司金已而
附內侍譚稹以進頗違清議紹興初官至右朝請大夫改右監
門衛大將軍榮州防禦使權知大宗正事遷洪州觀察使終寧
遠軍承宣使贈開府儀同三司 令衺由邵武軍兵馬都監襲
封授華州觀察使除同知大宗正事 令憲字深之授右班禁
直遷東頭供奉官累監州縣場庫薛昂薦其才易承事郎累類
弘簡錄 卷一百七十三 系屬宋八一
州簽書緜州通判歷知慶源府名除衛尉少卿權秘閣修撰建
炎二年分西外宗子於秦州命知其事旋除御營司參贊軍事
挈宗子避地福州因置司焉尋改集英殿修撰閩州觀察使同
知大宗正事遷鎮東軍承宣使終保平軍節度使年七十五贈
少師追封惠王諡襄靖子子游官至湖北提刑王俛薦直秘閣
知南外宗正司宗官用文臣自茲始 令衺嘉孝穆公世峽子
博學有文舍選中等除軍器少監以言事忤旨屢奪官紹興七
年召為都官員外郎知泉州建祠合祀隱士秦系唐相姜公輔
郡人感其化為榆黨所誣詎以謗訕朝政追一官停勒者十餘
年槍死起為秘閣修撰知合州徙紹興權戶部侍郎尋知慶遠
軍承宣使堯贈開府儀同三司 令衺字君序初補右班殿直
遷承忠郎名試授從事郎復試舍選合格授宣教郎調信州丞

豐熙丞累遷福州運判兼提熙刑獄嚴饒二州鑄錢局請以
所積兵匠缺籍衣糧付諸監省朝廷降銅本錢又州縣所賣官
田計所入高下守令進秩減磨勘有差義倉紅腐請歲出三之
一以易新粟木旱為災檢放不及七分處所即許振恤皆從之
隆興初同知大宗正事奏減生日支賜并郊祀賞給以助軍興
詔褒之遷敷文閣直學士特授左中大夫知紹興府引疾乞祠
歸幾年六十八生平蒞事明敏有丰采然在閩日與副使章菱
不協陰中以法陷於死世以此少之 令德乾道元年為武德
郎授定武軍承宣使堯武德郎令檣襲除金州觀察使堯武翼
郎子棟襲堯忠訓郎子彤襲授容州觀察使堯年八十餘慶元
元年忠翊郎子恭襲授利州觀察使堯嘉定二年子祝襲授金
州觀察使堯嘉泰四年伯栢襲授宣州觀察使堯嘉定元年伯
弘簡錄 卷一百七十三 系屬宋八一
祝襲授福州觀察使堯八年伯澤襲授潭州觀察使 子直字
正之幼警悟蘇軾語其父曰此公家千里駒也及長善談論工
詩初蔭補承務郎累遷少府監簿河南少尹時治西內事有未
便輒力爭漕使朱昇器之改容以謝除蔡河撥發綱運官會早
涸轉餉後期貶秩復提舉三門白波葦運事除直秘閣內艱起
復累進龍圖閣修撰除陝西運副民病蔡京火錫錢壅滯子
直請鑄小鐵錢以權之範格以進徽宗御書宜和通寶四字為
文既成奏許民以舊易新旬日得銅錢百餘萬緡御札復行新
錢五路均糶細麥命領其事時苦限迫子直請寬其期民以為
便京再相言者希意論其亂錢法落職奉祠居洛靖康初復修
撰因避金禍奔于荆南值潰兵祝靖盛德破城子直匿民家靖
等來謁言京城已破子直泣語之曰君輩宜亟還都城護社稷

取功名無徒煩擾州縣皆應曰諾因草檄趣之翼日靖等送北
 紹興元年召見除徽猷閣直學士知西外宗正司俄遷江西都
 轉運使會建督府軍須浩繁運餉不絕以功進寶文閣直學士
 三京新復改京畿都轉運以疾卒年六十七為人有幹材然崇
 寧大觀間土木繁興每令董役不辭識者鄙之 同時五世孫
 子松字伯山登進士官至宗正少卿徽猷閣直學士知淮寧府
 汴京失守以書白康王遂與知頴昌何志同等結盟傳檄中外
 諸路時朝命隔絕凡有事宜並取大元帥府裁決已而引兵趨
 襄邑遣范瑄徐文忠勸進王命子松克帥府參議官東甯道都
 總管移書責張邦昌速宜反正其家在廬州檄通守趙令傑幾
 察之誅其母子以絕姦心又遣書責王時雍亡人之國會邦昌
 遣使迎王次第白王請先謁宗廟親母后明正誅賞降赦四方
 弘簡錄 卷一百七十三 主 系屬宋八一
 罪宜撫范誦逗撻營私獨免被兵州縣租及經理淮南荆浙形
 勢之地毋為羣盜所據又上奏隆祐太后曰諸路先開二聖北
 遷易姓改國恐有假討逆之名以竊據州郡者乞速下明詔諭
 四方以迎立康王之意庶幾人心慰安奸宄自消矣尋以所部
 兵會濟州王即位首請放諸路常平積欠錢又言崇謀為人主
 耳目近年用非其人率取有言事請遵舊制聽學士中丞互舉
 先朝范祖禹常安民上官均言事盡忠請錄其子帝皆可之又
 建三屯之議一屯瀋陽一屯河中陝華一屯青鄆間以張聲勢
 萬一敵騎南侵三道並進可成大功除延康殿學士知鎮江府
 兩浙路兵馬鈐轄復論王時雍徐乘哲吳升莫儻范瑄胡思王
 紹王及之顏博文余大均等罪惡望肆諸市朝以為臣子之戒
 時滑州兩經殘破薦除傅亮滑州通判黃潛善沮之賊趙萬犯

鎮江調鄉兵乘城為備頃之聞官軍敗歸兵遂驚潰子松不得
 已率親兵保焦山御營統制辛道宗與子松有隙因錄其曩時
 起兵勤王檄文以為言涉不遜詔御史往案帝震怒不欲暴子
 松罪坐以擅棄城降單州團練副使安置南雄卒紹興二年赦
 復集英殿修撰 子樸登元祐進士靖康中歷官守汝州金人
 再破荆湖諸州子樸獨保境土李綱言于朝遷寶文閣直學士
 尋提舉萬壽觀卒 子畫字叔問少警敏強記工書翰累官憲
 州通判宣和初克詳定九域圖志編修官出知澤與密州遷刑
 部員外郎以憂去建炎四年歷吏部左司兼權貨務歲收茶鹽
 香錢六百九萬餘緡以功進一秩試太常少卿集太常因非禮
 八十篇為二十七卷請復春分祀高禘禮禮部侍郎遷徽猷
 閣待制樞密都承旨官制改後始用文臣久之知秀州奉祠歸
 寓于衢卒年五十四 子砥令珣子仕至鴻臚丞北遷至燕山
 久之遣其徒朱國賓王孝安至中京求得上皇宸翰懷之潛以
 遁歸建炎二年六月至行在帝命輔臣召問于都堂言金人講
 和以用兵我國歛兵以待和往者金與契丹主和十餘年間遂
 遭破滅今復蹈其覆轍譬如人畏虎必設陷穽待之庶能制虎
 朝廷不能行命復故官知台州卒 師彛字從善從謹五世孫
 高祖世恬崇國公會祖令峻嘉國公中興初韓世清挾以為變
 裂黃旗被其身令峻固拒獲免祖子爰朝奉郎父伯驢和州防
 禦使少以文藝侍高宗于康邸師彛登進士歷官司農簿金部
 郎中孝宗奇其才願遇頗厚嘗奏左右曹度支倉部宜立總計
 司歸併財物之數以絕吏奸制可除知吉州即山鍊劍補欠額
 二十萬進戶部郎官淮東總領光宗初擢太府少卿知秀州改

一萬二千...

淮南運判時鐵錢不行鹽商阻滯師彞請發度牒出倉粟以收鐵錢鹽利遂通累遷司農卿以附韓侂胄得知臨安府有僧號散聖以妖術惑眾捕治繫之侂胄生日百官爭貢珍異師彞最後至出小盒侂胄啓之乃粟金蒲葑架上綴大珠百餘顆價值不貲衆慚沮侂胄愛妾十四有獻北珠冠四以遺四妾其十人亦欲得之未有以應師彞亟出錢十萬緡市珠製十冠以獻轉工部侍郎他日飲南園過山莊侂胄顧竹籬茅舍曰此真田間氣象但欠雞鳴犬吠耳俄聞犬吠薄問視之乃師彞也因大笑遷爲尚書復知臨安嘗鈞致民罪沒其家貲會將用兵師彞知侂胄材疎意廣必且召亂遂持異議鄧友龍劾罷之侂胄死奸黨多謫師彞獨因是復用除寶謨閣直學士知鎮江荆湖始置閫卽以命之給事中蔡幼學繳駁罷歸未幾復起爲兵部尚書三知臨安幼學時爲學士亦不草詔留元剛草之師彞治有能聲時楮輕糶貴未數月楮價復昂糶亦稍平執政愈以爲賢會以事捷武學生柯子冲盧宣德合三學生投牒劾罷與祠卒年七十四公論鄙之同時八世孫希懌字伯和登進士趙汝愚辟爲屬吏嘗言治人如修身治政如理家愛民如處昆弟取古今官著惠愛者緝爲一編汝愚嘉之薦于辛棄疾辛棄疾尚氣僚吏不敢與可否希懌獨盡言無所避屬邑侯官苦稅重每不登額爲稽公帑美錢以足之棄疾薦其能調江東運司幹辦同寅有坐侂胄黨者諸司莫敢薦希懌賢其人請以已劾薦之改太平州通判舊例黥盜逃卽處死爲平其法得減死論遷江西茶鹽提舉歲饑惡少聚劫希懌自臨按視發粟賑給捕治其首惡餘黨解散民亦得食遷本路帥兼漕事奸民潛通羅世傳陰

濟以糧希懌重法禁之未幾李元礪寇柳陳廷佐寇南安有何光世者能知賊動息希懌授以計俾誘世傳誅元礪以自贖廷佐勢孤亦降除知平江移太平習知其民利病損折市價減權酌額以蘇民力乞祠還端明殿學士換招信軍節度使開府儀同三司致仕卒年五十八贈少保封成國公 令憲元孫希言字若訥登進士調衢州司戶參軍守令計合郡民爲求其坊里標其戶數置園以獻守得而才之時衢已復孔步章賊二場漕帥復檄訪嚴州烏龍嶺稅場希言力陳不當復且謂二場當併罷帥怒然終不能奪未幾果廢改吉州司理歷淮西總所幹辦公事移書約諸郡綱必以時發至卽受納一無滯留始至軍庫見錢不滿千緡比去克溢糧知仁和開廣學官大旱蝗驅卒燔之臨平湖決爲築堤捍禦親捧土投石兵民爭奮後不復決民弘簡錄 卷一百七十三 五 孫希懌八十一病和買絹折錢希言爲節公費代輸除大社令遷密院編修兼右司郎官上言諸將各務城守敵來不拒去不復追異時之憂始不止保江而已宜諭諸將一軍受圍諸軍出敵務以戰爲守毋徒自固遷宗正丞請許南班得與輪對歷秘書丞著作郎軍器少監克密院檢詳凡六年奉祠卒年六十一贈資政殿大學士封越國公諡忠憲子與權登進士再中刑法科官至開府儀同三司 寧宗養子詢燕王十世孫初名與愿寧宗旣失克王宰執京鎗等請養于宮中年六歲賜名曠除福州觀察使嘉泰二年拜武威軍節度使封魏國公聽讀資善堂開禧元年五月乙亥爲皇子進封榮王加開府儀同三司用甥善史彌遠計奏韓侂胄輕起兵端將危宗社宜賜諡以安邊境事成立爲皇太子更名

轉上每御朝命太子侍立率執日赴資善堂會議尋用天禧故事幸輔大臣錢象祖兼太子少傅衛涇雷孝友林大中並兼賓客太子出居東宮更今名嘉定十三年堯年二十九日景獻以荆州防禦使乃裕繼其後

次子德芳開寶九年出閣授貴州防禦使太平興國初除興元尹山南西道節度使同平章事三年加檢校太尉六年堯年二十三車駕臨哭廢朝贈中書令封岐王諡康惠真宗加贈太保又進太師改封楚王徽宗改泰王三子惟敘惟憲惟能

惟敘字懋功性純謹頗好學端拱初授左武衛將軍領勤州刺史從祀汾陰拜左千牛衛大將軍卒年三十五贈懷州防禦使追封河內侯明道二年加贈保靜軍節度觀察留後高平郡公子從昭慶曆中詔立十王後封安國公終左金吾衛大將軍歸弘簡錄 卷一百七十三 系屬宋八一

州剛練使贈同州觀察使齊國公從溥至右侍禁內殿崇班惟憲字有則即孝宗五世祖也少美丰儀頗縱肆長修謹善射好吟咏多讀道書端拱初授左屯衛將軍累遷左羽林將軍領

濱州刺史加左衛大將軍真拜齊州團練使卒年三十八贈安德軍節度使兼侍中英國公子六人從式瓊封舒國公終保康軍節度使薨贈同中書門下平章事追封榮王諡安僖子世恩嗣封楚國公遷楚州防禦使卒贈定國軍節度使諡良僖從演禮賓副使從戒從澁並內殿崇班從資供奉官 從郁封新興

侯子世將封華陰侯世將子令儉東頭供奉官封慶國公令儉子子偁即孝宗父子偁宜和初舍選合格調嘉興丞召赴都堂審察改宗教郎通判湖州高宗即位除直秘閣賜五品服名對言宗室之寓于外者尚眾請居官舍選尊長鈐束之年未十五

州小學十五入大學許依進士就舉未官者亦許入學講讀及一年聽參選上納其說遷朝奉郎以秘閣修撰知處州俄許奉祠累官左朝奉大夫紹興十三年致仕明年九月丁巳卒于秀州給錢營葬詔侍從臺諫議普安郡王所服秦熿等請解官

如南班故事普安亦自請持服許之及建節以恩贈太子少師立為太子加贈太師中書令封秀王諡安僖配張氏封王夫人內禪諡稱皇伯夫人為皇伯母乾道三年三月皇伯母薨帝成服于後苑百官進名奉慰時闈廟制尚未備紹熙元年始即湖州秀園立廟奉神主建祠臨安府以藏神貌如漢主故事仍班

其諱 子伯圭字禹錫孝宗同母兄以恩補將仕郎調華亭縣尉累官浙西提刑幹辦公事通判明州受禪除集英殿修撰知台州頗著政績改敷文閣待制徙明州克沿海制置使有蕃商弘簡錄 卷一百七十三 系屬宋八一

死吏請沒入其貲伯圭不可令護喪及貲以歸陞敷文閣直學士丁憂服闋再知明州新學官命宗子入學闈以規矩奏定海當控扼之衝當嚴兵備請攝制司軍以實許浦降海寇葛明禽

其黨倪德二人以功累龍圖閣學士在郡十年政尚寬和浚湖陂均水利辦冤獄嘗獲鑄錢者不忍實法諭令易業民無再犯淳熙三年遷安德軍節度使尋加開府儀同三司克萬壽觀使朝德壽宮賜玉帶加少保封榮陽郡王高宗崩克攢宮總護使除少傅光宗陞少師踰年遷太保封嗣秀王賜甲第安僖祠側

諸子並換南班不責吏事惟安享富貴紹熙二年判大宗正事建請別立宗學以教宗子三年進太師慶元初兼崇信軍節度使還湖州嘉泰二年薨輟朝三日追封崇王諡憲靖伯圭性謙謹不以近屬自居每入見家人禮雖宴私隆洽執臣節愈恭

一日帝問潛龍時事辭曰臣老不復能記憶問至再三終不言帝笑曰何太謹也益愛重之嘗欲廣其居並湖為複閣有司度材固辭而止阜陵成遷中書令凡五讓寧宗嘉其志詔別議褒崇之禮贊拜不名肩輿至殿門子九人師夔字汝一以恩初調蕪湖簿隆興元年改右承務郎歷台秀二州通判直秘閣尋知徽州新學舍進直徽猷閣知湖州所領歸附從軍者衆時不能給請增廩仍別給餼星錢以安其心帝稱善詔諸郡行之除直龍圖閣遷累浙西提刑江東運判奏建康務場侵奪民利乞罷之守臣以郡計所資請復不從池州軍帥霍政與守臣交攻詔究曲直師夔具言其狀政坐罷改秘閣修撰知明州兼沿海制置加敷文閣待制轉承慶軍承宣使紹熙元年侍父入覲除興寧軍節度使寧宗加檢校少保克阜陵橋道頓遞使陵成遷

弘簡錄

卷一百七十三

大

系編卷八十一

大宗正事淳祐五年詔獎典司屬籍職事修舉授太傅加食邑寶祐六年堯師貢奉國軍節度使克萬壽觀使卒惟能字若拙端拱初授右屯衛將軍累遷右神武大將軍卒年二十贈蔡州防禦使張掖侯明道二年加贈集慶軍節度觀察留後南康郡公子三人從古襲封安國公終延州觀察使贈保靜軍節度使同中書門下平章事楚國公諡忠恪從善內殿承制從贊崇班

孝宗堂弟伯玖乘義郎子彥子也伯玖生而聰慧年七歲同選入宮高宗命吳才人母之賜名璩字澗夫除和州防禦使孝宗就傅獨居禁中改授節度使封吳國公宰執趙鼎劉大中王庶持其議不欲與皇子並久之不下紹興九年三月丁亥除保大軍節度使封崇國公尋詔赴資善堂聽講十五年加檢校少保

弘簡錄

卷一百七十三

九

系編卷八十一

弘簡錄卷一百七十三

終

侯 允成終右神武將軍濮州防禦使贈安化軍節度使郇國
公明道二年加贈鎮江軍節度使兼侍中子宗顏宗訥宗鼎宗
嚴宗魯宗儒宗爽皆為環衛刺史

元僖初名德明出閣授檢校太保同平章事廣平郡王八年進
封陳王改名元祐雍熙二年任開封尹兼侍中改今名進封許
王加中書令娶李謙溥女封夫人淳化二年度支判官宋沆等
五人伏閣請立為皇太子以諸子幼中待其成人自有裁制
言者不諫此心遂皆貶之二年十一月己亥早朝忽得疾車駕
臨視少頃薨上哭之慟麻朝五日贈皇太子諡孝恭為人姿貌
雄毅沈靜寡言尹京五年政事無失帝追念不已作思子詩示
近臣未幾有言為嬖妾張氏所惑者上怒通判呂端推官陳載
坐裨贊有失黜階官詔議趙令圖侍講問象輔導無狀削兩秩

弘簡錄 卷一百七十四 系屬宋八二

詔停冊禮以一品鹵簿葬真宗復太子號收諡昭成無子仁宗
立允成子宗保為孫七歲授左侍禁詔朔望出入禁省累官代
州防禦使襲封燕國公性仁恕嘗書忍字座右以為戒卒神宗
臨薨子仲鞠泣曰先臣幼養宮中終身不自言帝感悼優贈靜
難軍節度使新平郡王諡恭靜長子仲恕嗣官至忠州團練使
諡純儻子士盃嗣仲鞠亦好學能詩事親以孝聞
元份初名德嚴出閣改元僖拜同平章事封冀王雍熙三年改
今名加兼侍中威武軍節度使封越王淳化中兼領建寧寧海
鎮東三軍真宗加中書令徙鎮永興鳳翔改王雅永熙復土為
山陵使拜太傅幸瀛洲留守東京遇暴疾薨年三十七贈太師
尚書令累追鄆陳澗三王治平中加封魯王徽宗改商王為人
寬厚言動中禮標望偉如娶李漢斌女悍酷不道上不欲顯其

非削國封置之別所子三人 允寧字德之幼嗜學喜讀唐史
通知近朝典故宗虞世南楷法真宗賜詩激賞嘗侍別破的賜
金帶器幣初授右千牛衛將軍四遷右武衛歷唐州團練郟州
防禦同州觀察彰信武定節度觀察留後等使性至孝因父疾
恍惚失常卒贈太尉封安信郡王諡儻簡子宗訥嗣封魏國公
累官集慶軍節度使同平章事諫章郡王薨贈太尉加韓王諡
榮恩弟宗肅嗣封魯國公終安化軍留後以嘗從英宗入慶寧
優贈鎮國軍節度使開府儀同三司北海郡王子仲先嗣頗涉
書傳徽宗改封商國公終寧遠軍節度使右千牛衛大將軍文
州刺史贈越州觀察使會稽侯 允讓即德安懿王英宗父也
見後允中早卒

元傑字明哲初名德和出閣授檢校太保同平章事封益王改
弘簡錄 卷一百七十四 系屬宋八二

今名端拱初加兼侍中成都尹劍南西川節度使淳化中徙吳
王領揚潤大都督府長史淮南鎮江軍節度使真宗授檢校太
尉兼中書令徐州大都督武寧太寧等軍節度使封堯王咸平
中再郊皆為終獻加守太保薨年三十二性穎悟好學善屬詞
工草隸飛白建樓貯書萬卷計開帝震悼臨哭廢朝贈太尉尚
書令封安王諡文惠追封邢王改陳王徽宗進越王無子以允
言子宗望為後 宗望字子國終右武衛大將軍舒州防禦使
贈安化軍節度觀察留後高密郡公仁宗嘗御延和殿試宗子
書以為第一又獻所為文賜國子監書又以塗金紋羅御書好
學樂善四字賜之子仲節嗣封陳國公官至陳州觀察使卒諡
貞儻子士關嗣因護父喪徒行數百里路人嗟惻卒贈陳州觀
察使

元儼字希道出閣授檢校太保左衛上將軍封徐國公累洪州都督鎮南軍節度使真宗加同平章事封彭城郡王檢校太傅改節靜難彰化二軍進封寧王郊祀東封悉為亞獻禮成授檢校太尉兼侍中護國鎮國等軍節度使請祀后土祠命為河華管内橋道頓遞使車駕入境貢方物酒餼金帛藥茗并儀物甚盛至河中與判府陳堯叟分導乘輿度蒲津橋上登鄆丘亭覽橋道嚴整喜曰爾之力也王頓首謝還加中書令領成德安國等軍節度改封相王加守太傅上屢勅宗子以學術儼首冠落威益自修勵每製篇什必令屬和屢幸邸第如家人禮賜襲衣金帶器幣絳錢天禧元年進太尉兼尚書令又換成德鎮寧二鎮進封徐王堯年四十二帝臨哭廢朝贈太師封鄧王諡恭懿王姿表偉異厚重寡言曉音律後改王密與蘇治平中追封韓弘簡錄 卷一百七十四 五 系屬宋八二

王徽宗又改鎮王 子允弼八歲召入禁中仁宗為皇子御樓觀醮得與並坐累遷武寧軍節度使兼侍中判大宗正事封北海郡王英宗拜中書令徙王東平神宗拜太保鳳翔雄武軍節度使朝朔望以母喪痛毀帝臨哭輟朝贈太師尚書令兼中書令追封相王諡孝定允弼端重時然後言已貴猶日至講席延伴讀講孟子領宗正三十年與濮王共事宗屬推敬二子宗縉襲封韓國公卒贈南康郡王諡良孝宗景州觀察使同知大宗正事母孝居喪如不能勝居第火宗景急趨家廟抱木主冒火以出不恤其他元祐中累遷彰德軍節度開府儀同三司檢校司空封濟陰郡王堯年六十六贈太師循王諡思子仲磨嗣白平川節度使徙劍南西川

元儼字令聞七歲授檢校太保右衛上將軍涇國公累鄂州都

督武昌軍節度使真宗拜同平章事封安定郡王檢校太傅景德二年郊祀加宣德保寧兩鎮進封舒王封泰山加檢校太尉兼侍中移平江二軍從祀汾陰祭中書令復改鎮南寧國二軍尋拜太保每有大事皆為終獻體素羸多病堯年三十四廢朝贈太尉尚書令追封曹王諡恭惠後改王華與蔡徽宗又改封楚有集三卷筆札一卷上為製序藏之秘閣 子允則官至右千牛衛大將軍卒無子以平陽懿恭王子宗達為後熙寧三年襲封蔡國公累武信軍留後堯贈安化軍節度使開府儀同三司高密郡王子仲約嗣

元儼少奇穎太宗特愛之每朝會宴集多侍左右帝不欲令早出官約二十始就封又因行八故宮中稱為二十八太保真宗授左衛上將軍曹國公累平海軍節度使同平章事檢校太傅弘簡錄 卷一百七十四 六 系屬宋八二

廣陵郡王封泰山加昭武安德兩軍進封榮王祀汾陰加兼侍中改節安靜武信兩軍檢校太尉祠太清宮兼中書令坐侍婢延熾禁中奪武信節降封端王出居故駙馬石宗吉第每見痛自引過帝憐憫之仍加鎮海安化兩軍封彭王皇子立進太傅領橫海永清保平定國四軍陝州大都督仁宗立徙封定王時章獻臨朝自以屬尊望重恐為所忌閤門沉晦不預朝謁太后崩仁宗益加尊寵拜太保尚書令兼中書令徙節鎮安忠武贊拜詔書皆不名天聖七年改鎮王賜劍履上殿明道初拜太師換節河陽三城并武成封孟王歷承興鳳翔京兆三尹雍州鳳翔二牧改王荆景祐二年授荆南節度大使行荆揚州牧入朝不趨王貴顯豐頤嚴毅不可化方陝西用兵歲獻所給公用錢五十萬以助邊帝不欲拒之聽入其半嘗問翊善王渙曰元昊

平未對曰未也曰如此安用宰相聞者皆崇憚之事母王德妃
孝有疾躬侍藥餌晨夕盥漱焚香以禱至憂念不食及喪哀戚
過人平生寡嗜慾惟喜樂詩爲文詞頗善二王書工飛白凡有
請得報可王必手書謝頌慶曆三年冬大雨雪木冰陳楚尤甚
占曰憂在大臣既而病甚上憂形于色親至臥內調藥屏人與
語久之所對多忠言賜白金固辭帝爲嗟泣聽天策上將軍
徐克二州牧封燕王諡恭肅徽宗改王周比葬上三臨詔以墨
跡及所爲詩分賜宰相餘藏秘閣子十三人九皆早卒 允熙
終右監門衛將軍滁州刺史贈博州防禦使博平侯 允良歷
五節度領寧海平江兩軍同平章事封華原襄陽二郡王兼侍
中至太保中書令薨贈定王子宗絳嗣封吳國公 允迪官耀
州觀察使 允初初名允宗累遷寧國軍節度使同平章事卒
弘簡錄 卷一百七十四 七 系屬宋八二
贈中書令博平郡王無子英宗以允成孫仲連爲之後
允讓字益之商王元份子天資渾厚外莊內寬喜愠不見于色
始爲右千牛衛將軍真宗子屢薨迎養禁中後生仁宗復送還
邸累官衛州刺史天聖中授汝州防禦寧江軍節度使知大宗
正事時諸王子孫衆多聚居睦親宅詔使司訓導糾遺失宗子
有好學者勉進之不幸教者勸戒之至不變始正其罪人莫不
畏服慶曆四年拜同平章事封汝南郡王薨年六十五贈太尉
中書令追封濮王諡安懿妻王氏譙國夫人韓氏襄國夫人任
氏仙遊縣君仁宗無子以王第十三子宗實爲皇子是爲英宗
治平元年宰相韓琦等奏請下有司議王及夫人合行典禮時
翰林學士王珪等奏謹按儀禮喪服爲人後者傳曰何以三年

也受重者必以尊服服之爲所後者之祖父母妻妻之父母昆
弟昆弟之子若子謂皆如親子也又爲人後者爲其父母傳曰
何以期不二斬特重於大宗降其小宗也爲人後者爲其昆弟
傳曰何以大功爲人後者降其昆弟也先王制禮尊無二上若
恭愛之心分於彼則不得專於此故秦漢以來帝王有自旁支
入承大統或推尊其父母以爲帝后皆見非當時取議後世臣
等不敢引以爲聖朝法况前代入繼者多宮車晏駕之後援立
之策或由臣下非如仁宗皇帝年未衰深惟宗廟之重祇承
天地之意於宗室衆多之中簡推聖明授以大業陛下親爲先
帝之子然後繼體承祧光有天下漢王雖有天性之親顧復之
恩然陛下所以負辰端冕富有四海子子孫孫萬世相承皆先
帝之德臣等竊以爲宜準先朝封贈期親尊屬故事尊以高官
弘簡錄 卷一百七十四 八 系屬宋八二
大國譙國襄國仙遊並封太夫人攷之古今爲宜稱奏上中書
覆奏珪等所議未見詳定濮王當稱何親名與不名珪等覆議
曰漢王於仁宗爲兄皇帝宜稱皇伯而不名如楚王涇王故事
中書又奏禮與令及五服年月敕出繼之子於所繼所生皆稱
父母又漢宣帝光武皆稱父爲皇考今珪等議稱皇伯於典禮
未有明據請下尚書省集三省御史臺議命方下皇太后手詔
詰責執政於是帝詔以集議不一權且罷議令有司博求典故
以問禮官范鎮等又奏漢之稱皇考稱帝稱皇立寢廟序昭穆
皆非聖明之所當法宜如前議爲便自是御史呂誨等彈劾歐
陽修首建邪議琦與曾公亮趙槩附會之罪因請如珪等議既
而太后內出手詔曰吾聞羣臣議請皇帝封崇濮王至今未見
施行吾載閱前史乃知自有故事濮王并三夫人可令皇帝稱

親安懿稱皇夫人並稱后事方施行即口布手詔曰稱親之禮謹遵慈訓追崇之典豈易克當且欲以空為歸即園立廟俾王子孫主奉祠事翼日呂誨等以所論列不見聽繳納御史詣勅居家待罪上命開門以誥還之誨等力辭臺職而漢議亦廢至元豐二年仍詔稱漢王三夫人並稱王夫人子二十八 宋懿宿州團練使封和國公神宗追封舒王子仲鸞常州防禦使喜翰墨樂施與九族稱賢卒贈武康軍節度使洋國公諡曰良仲汾幼喜書史一讀成誦居喪毀瘠卒官萊州防禦使贈昭化軍節度使榮國公 宗模為隴州防禦使封岐國公與英宗友愛初詔英宗入居慶寧宮固辭宗模率近屬致勸乃入治平中建漢王園廟拜彰德軍節度使封濮國公奉王後神宗加同平章事兼侍中進封濮陽郡王薨贈太師中書令追封定王諡僖穆

弘簡錄 卷一百七十四 九 系屬宋八二

子仲佺父歿不食者數日母葬大雪步泥中扶翼道路歎惻終澗州觀察使贈開府儀同三司 宗說襲封官至昭化軍節度使同平章事薨贈太師中書令廣陵郡王諡莊孝 宗暉元豐中以淮康軍節度使襲濮國公王及夫人改祔命為誌并題神主加同平章事開府儀同三司嗣濮陽郡王香宗改鎮南軍檢校司徒薨年六十七贈太師追封懷王諡榮穆先是四孟嗣濮王詣洛享園廟以河南府縣官克亞終獻至宗暉神宗始命以其子仲璉終獻凡侍祠十餘年父喪哀痛不能勝甫服除而卒官右監門衛大將軍合州刺史 宗晟格聖元年以武安軍節度使判大宗正事加檢校司徒嗣濮王薨年六十五贈太師封昌王諡端孝好古學藏書萬卷仁宗嘉之英宗將郊而雨或議改卜以訪宗晟對曰陛下初政郊見上帝甚盛禮也至誠感神

在於精意帝嘉納及期果瘳帝數被疾密請早建儲貳以係天下之望世稱其忠子仲御自幼不羣通經史多識朝廷典故父喪哲宗起知宗正力辭詔虛位以須累封汝南郡王政和中以檢校少傅泰寧軍節度使開府儀同三司嗣封天寧節遠使在廷適宰相謁告仲御攝事率百僚上壽若素習者帝每見必加優禮薨年七十一贈太傅追封郁王諡康孝 宗愈紹聖二年以鎮安軍節度使開府儀同三司檢校司徒嗣封屈當時享方島疾強與以行薨年六十五贈太師追封襄王諡恭憲 宗純嗣官至河陽三城節度使檢校司徒紹聖三年薨年六十二贈太師追封榮王諡孝靖 宗楚嗣封累拜武勝武昌二軍節度使開府儀同三司封南陽郡王加檢校司徒贈年當詣園薦獻亦以疾薨贈太師惠王諡僖節 宗祐幼失怙恃克已自約

弘簡錄 卷一百七十四 十 系屬宋八二

蕭然若寒士好讀書尤喜學易宗族咸推其賢嘉祐中將以後從父兄初涕泣固請願終身悲慕不忍棄去仁宗憐而從之累清海軍節度使開府儀同三司封乘城郡王紹聖四年八月加檢校司徒嗣濮王時已病薨于祠下贈太師追封欽王諡穆恪 宗漢累拜保寧軍留後鄴國公東陽安康二郡王元符初以彰德軍節度使開府儀同三司檢校司空嗣封徽宗徙寧江保平泰寧三鎮判大宗正事累檢校司徒太保太尉大觀中駕幸濮邸時兄弟皆先物故傷宗漢在恩禮隆朕薨贈太師追封景王諡孝簡生平善書嘗作八雁圖人稱其工子四人仲偁授右內率府副率歷右監門衛大將軍武功大夫忠州防禦使知南外宗正事加檢校少保向德軍節度使生而不慧以次襲封薨追封瓊王仲增襲封官至彰德軍節度使開府儀同三司薨贈

少師追封簡王諡穆孝仲愛嗣徽宗拜建武節度使為大宗正
加開府儀同三司封江夏郡王從節泰寧足武檢校少保少傅
堯年七十贈太保追封恭王仲理嗣靖康以為安國軍節度使
加檢校少保開府儀同三司北遷詔以楚宗王宗輔子仲湜德
望超眾推為嗣 仲湜字巨源初名仲坦熙寧十年授右內
率府副率累遷密州觀察保大軍承宣使欽宗授靖海軍節度
使更今名嘗由漢上率眾徑謁高宗南遷時奉漢王神主寓紹
興府光孝寺加開府儀同三司歷檢校少保少傅紹興元年克
明堂亞獻會罷行在宗正司建睦親院移西外宗正司于福州
命兼判大宗正事堯帝為輟朝賜其家銀帛追封儀王諡恭孝
為人善事母喜親圖史于五人士從靖康末為洛州防禦使建
炎二年同知西外宗正事主管高郵軍宗子招潰卒置屯假江
淮制置使賊李全犯楚州遣部將掩襲敗績遂罷紹興四年遷
涇洪二州觀察使權知漢王罔乞擇利便地奉安神位從之士
街授象州防禦使遷華州觀察使同知大宗正事安慶軍承宣
使主祠事凡十四年上言自軍興以來南班宗子權罷成賜至
有身歿不能殮者詔復舊制終安慶軍節度使至安慶軍
節度使同知大宗正事主祠官至崇慶軍節度使知西外宗正
事士欽由保康軍節度使襲封加開府儀同三司光宗時進少
傅寧宗又進少師慶元二年堯贈太傅進封諡王泰怡專政罷
襲槍死始以王曾孫士俊襲封除崇慶軍節度使堯贈少師追
封思王諡溫靖 弟士輅紹興二十八年由建州觀察使襲封
授昭化軍節度使時懿王神祝安報安寺西掖屋居隘陋許
別營祠堂累加檢校少保少傅少師開府儀同三司賜居第為

嗣漢王世業除知大宗正事克禮泉觀使堯贈太傅追封安王
玄孫不祜累轉武功郎年七十六襲封除福州觀察使庶官
襲封自此始慶元五年轉武安軍承宣使堯贈開府儀同三司
蔣國公 不學山武經大夫授利州觀察使襲封開禧初遷寧
遠軍承宣使堯贈開府儀同三司安國公 不備開禧二年由
安遠軍承宣使襲封除昭慶軍節度使檢校少保堯贈少師高
平郡王 不學嘉定十一年由武翼大夫襲封授福州觀察使
堯贈開府儀同三司追封惠國公 不凌父士穉由右千牛衛
大將軍授福州觀察使襲封嘉定十五年遷奉國軍承宣使堯
贈開府儀同三司追封惠國公 不煥寶慶元年襲封授保康
軍承宣使堯善功嗣淳祐十二年堯善與嗣寶祐三年堯善勝
嗣景定三年堯善咨嗣

弘簡錄 卷一百七十四 系屬宋八二
英宗四子頽早亡徽宗賜名追封潤王頽字仲明初名仲札授
右內率府副率和州防禦使封安樂郡公轉明州觀察使進那
國公治平元年加檢校太傅保寧軍節度使同平章事封東陽
郡王三年出問神宗即位進封昌王改岐王嘗與上侍太后后
言王安石亂政上不可不思上怒曰是我壞天下耶汝合自為
之頽泣曰何至是耶遂不樂而罷太后崩服制易月當除頽以
身為孫昔英宗崩以厭於至尊不遂終制情文缺然請如心喪
須上禫除即吉詔可官制行冊拜司空徙王雍哲宗加太保換
成德橫海二鎮徙王揚贊拜不名五日一謁禁中致恭如家人
禮神宗祔廟仍加太傅移鎮京兆鳳翔元祐初賜第咸宜坊榜
曰親賢車駕偕三宮臨幸進太尉諸子皆賜官徙王徐詔書不
名宣仁后疾每旦入問亦疾后崩乞解官行服不許祔廟進太

師廷王冀入朝不趨改節淮南荆南又王楚病益篤帝挾醫視診幾年四十七帝臨哭輟朝成服苑中贈尚書令兼中書揚荆冀三州牧封燕王諡曰榮陪葬永厚陵徽宗改吳王頌天資穎異尤嗜學每講一經終遺講官器幣服馬工飛白善射好圖書博求善本神宗嘉其志尚每得異書亟馳以示嘗賜方圍玉帶頌辭乃為製玉魚以別諸王是後踵為故實子孝壽嗣終寧國軍節度使晉康郡王孝錫終嘉州團練使贈承國公

頌初名仲格封太寧郡公進鄂國公樂安郡王進嘉王所歷官賜畧與頌同神宗有疾二王日侍內庭問上起居蔡確與邢恕謀密語后姪高公給公紀使白太后延安幼冲岐嘉皆賢王公給驚曰君欲禍吾家耶亟令去恕知計不行反宣言后意屬雍王既而珪以后言上自有子定議立延安是為哲宗令二王無

弘簡錄 卷一百七十四 系屬宋八二

輒入後累更節度使徙王曹荆位至太尉年三十三贈太師尚書令荆徐二州牧封魏王諡端獻徽宗改封益預端重明梓少好學長博通羣書工飛白篆籀賓接宮僚歲滿當去輒奏留久者至十餘年頗好醫書手著普惠集効方且備藥以救病者子九人孝哲右驍衛將軍早亡孝奕彰化軍節度觀察留後贈司空平原郡王孝參奉國軍節度使改寧武武勝封豫章郡王孝承邢州觀察使贈司空廣陵郡王孝始臨孝悅孝穎孝愿皆至節度使

神宗十四子八皆早亡第九子秘初授山南東道節度使封儀國公哲宗立加以殊禮進開府儀同三司大寧郡王加封中王歷太傅太師京兆真定二尹荆揚太原興元三牧徙王陳崇寧五年薨輟朝七日贈尚書令兼中書令徐州牧封燕王諡榮穆

加贈侍中改封吳王子有奕武信軍節度使封和義郡王第十子俱第十二子初授保定武軍節度使成國公偲武成軍節度使祁國公哲宗立並加開府儀同三司俱成寧郡王偲承寧郡王進封偲莘王偲睦王徽宗朝俱歷太保太傅復進偲衛魏燕三王偲定鄧越三王靖康元年同遷太師俱河東劍南西川節度使成都牧偲承興成德軍節度使雍州真定牧上皇幸青城父老邀之不及道遇二王哭曰願與王俱死徐乘哲捕為首者戮之送金營道卒

第十三子似初授集慶軍節度使封和國公進普寧郡王元符元年山出閣封簡王與哲宗同母哲宗崩向太后議所立章惇以似對后曰均神宗子何必然徽宗立加以司徒改鎮武昌武成徙封蔡拜太保移節保平鎮安夙翔雄武以王府史語言指斥送

弘簡錄 卷一百七十四 系屬宋八二

大理驗治似上表待罪左司諫江公望奏親際不可開問則言可離疑迹不可顯顯則事難磨滅陛下初得天下章惇嘗持異議蔡王年雖幼小恬然不以為恤今乃以曖昧無根之語加諸至親骨肉之間豈治平之美事耶臣願陛下審詔有司今若此類勿形案牘倘有瑕可指陛下將以何顏見神考於太廟乎疏入徽宗頗思其言止治其左右崇寧中又改荆南武寧罷贈太師尚書令兼中書令冀州牧封韓王改楚王諡榮憲子有恭定國軍節度使承寧郡王

徽宗三十一子其六早亡欽宗弟楷初名煥始封魏國公高密郡王進嘉王重和元年帝親策進士楷時亦赴廷對有司擢為第一帝不欲楷先多士遂以王昂為榜首凡歷十二節度使母王貴妃方有寵超拜太傅改王鄆仍提舉皇城司出入禁省不

限朝暮於外第作飛橋復道通往來北伐之役將以為元帥會
白溝失利而止欽宗改鎮鳳翔彰德軍與諸王皆北遷

樞初封吳國公建安郡王進肅王凡歷六節度金人圍京城要
親王為質與張邦昌同出使為斡離不所留

祀凡歷四節度使檢校太尉太保冀國公加開府儀同三司文
安郡王進景王靖康改京南鎮東二軍遷太傅從幸青城及上

皇出郊日侍左右上皇製發願文述祈天請命之意以投杞不
得已涕泣而行然已無及向北時鬚髮盡白

相凡歷四節度使檢校太尉太保魯國公開府儀同三司封安
康郡王進濟王靖康改元授護國寧海二軍遷太傅同景王祀

為賀金正旦使又與何鼎為請命使金帥給以自古有南即有
北不可相無今請與上皇相見所欲惟割地而已相還以白上

欽宗聽之相從至金營金人索諸王家屬相夫人曹氏已出避
徐乘暫復捕拘之遂同北去

棣歷四節度使檢校太尉太保徐國公開府儀同三司封高平
郡王進徐王

樛歷五節度使檢校太尉太保冀國公開府儀同三司封河澗
郡王遷太保進沂王北遷後與駙馬劉彥文告上皇左右謀變

金遣人按問與莘王植駙馬蔡儉等辨折坐誣伏誅

柎歷靜江武定軍節度使檢校太尉太保廣國公開府儀同三
司封南康郡王靖康改元徙瀛海安化二軍加太傅進封和王

北還遺女一人封樂平孫主出適杜安石

柎歷建雄安遠軍節度使檢校太尉太保福國公開府儀同三
司封平陽郡王靖康改元遷太傅進信王北行至浚源亡匿真

定境中時和州防禦使馬擴與趙邦傑聚兵保五馬山皆陰迎
柎歸奉以為主兩河遠民間風響應柎遣擴詣行在奏邦傑忠

義聚山西諸砦鄉兵約十餘萬力與賊抗皆苦窘乏兼闕戎器
惟望朝廷遣兵來援願委臣總大軍與諸砦約日大舉決見成

功汪黃等疑其非真上識柎手書除河外兵馬都元帥擴為馬
步軍都總管令總制諸砦二人終疑之將行密授朝旨使幾察

柎擴知事不成遂留大名不進金窩里盟檄憤急發兵攻諸砦
斷其汲道諸砦遂陷擴敗死柎與安郡郡王握廣平郡王捷建

安郡王揆相國公樞瀛國公樞嘉國公樞儀國公樞昌國公柄
潤國公樞後皆不知所終

欽宗子誕政和七年生徽宗喜有嫡皇孫除常德軍節度使封
崇國公王黼謀傾蔡京言以東宮比人主降為高州防禦使靖

康元年遷檢校少保昭慶軍節度使大寧郡王尋進少傅改領
寧國軍立為皇太子二年上幸青城命孫傅謝克家輔以監國

稱制行事未幾諭太子出城統制吳革力請留欲以所募士徵
服衛太子潰圍以出傅不許乃謀匿民間別求狀類太子者殺

之并殺宦官二人給以欲竊太子投獻都人爭留相鬪併傷太
子遲疑不決者五日吳開莫儔督脅甚急范瑗恐變生以危言

警衛士遂擁太子與皇后共車以出百官軍吏奔隨號泣太學
諸生擁拜車前哭聲震天但聞呼云百姓救我遂與帝俱北後

帝在北又生次子訓有礪山人留遇僧者金人言其貌類訓竊
自喜幸紹興十年三京路通遇僧遂問淵聖第二子守臣追赴

行在過泗州知州係守信疑之請于朝言在內廷無之詔劾治
伏罪黥隸瓊州後有自北還者始知小大王訓見居五國城

高宗子粵建炎元年六月生于南京九月已亥授檢校少保集慶軍節度使封魏國公帝初幸臨安遇苗劄作亂逼帝禪位改元明受伏誅後立為皇太子從幸建康患驚悸寤益元懿

孝宗子愔初名愉與同母弟愷並授右內率府副率轉右監門衛大將軍上為皇子愔領榮州刺史新州防禦使愷貴州團練使受禪超越故事職除愔少保永興軍節度使封鄧王以章異

數乾道元年立為皇太子冊廣國夫人錢氏為妃生子挺詔增東宮從衛太子謙讓從其奏并捐月給雜物三年秋病賜上救之為赦天下堯年二十四諡莊文愔為人質厚上皇與帝皆愛之除醫官杜楫名編管瓊州禮官議帝期服以日易月文武百

官衰服一日而除東宮臣僚齊衰三月臨七日而除比葬帝再至東宮命宰臣奉諡冊大小祥皆以執政官行禮愔子挺甫辟

弘簡錄 卷一百七十四 系屬宋八二
除福州觀察使封榮國公乾道六年自東宮出居外第九年卒贈武當軍節度使追封豫國公寧宗時立太祖九世孫希堯為太子後賜名楷官右千牛衛將軍忠州防禦使更名思正置府

教授 愷自雄武軍節度使開府儀同三司封慶王莊文堯愷以次當立帝見其福氣差薄乃越次竟立光宗加愷雄武保寧二軍節

度使封魏王出判寧國封妻莘園夫人韋氏韓魏兩國夫人以示優禮命宰執設祖玉津園王登車願謂虞允文更望相公保

全比至奏許入朝天申節在都究心民事委長史司馬主錢穀呈訟牒依擬判決增士人貢額築圩田之墾圯者詔嘉之淳熙

元年徙判明州屢輟邑租贖學得兩岐麥園以獻再詔曰汝勤課藝植農不游惰宜獲瑞麥之應改鎮荆南集慶永興成德

等軍江陵尹雅揚二州收七年堯年三十五帝素服發哀於別殿贈淮南武寧軍節度使徐揚二州牧諡惠憲素性寬慈為上皇所愛每念之賜賚不絕泊二郡有仁聲四明父老乞建祠立碑以紀遺愛于懿左千牛衛大將軍早卒柄生於明州授右千

牛衛大將軍母卜氏封信安郡夫人性早慧帝愛之將內禪除耀州觀察使封嘉國公光宗立改許國公寧宗又封徐國公慶元初進吳興郡王開府儀同三司領昭慶軍節度使開禧二年

薨贈太保封沂王諡靖惠子玠天無嗣詔立宗室希哲子為後賜名均

均初授千牛衛將軍置小學教授以訓之改賜名貴和進福州觀察使寧宗復失景獻立貴和為皇子賜名玠授武軍節度使封祁國公嘉定十五年加檢校少保進齊國公十七年玠生

弘簡錄 卷一百七十四 系屬宋八二
于詒告天地宗廟社稷官觀賜名銓授左千牛衛大將軍凡三月銓薨時史彌遠當國權權玠不能平頗惡之常書字於几日彌遠當決配八千里其左右皆彌遠腹心亟走以告彌遠大懼

知玠好鼓琴買美人知書善琴者納諸御而厚廩其家使聊玠動息輒以告玠喜其慧黠之宮壁有輿地圖常指瓊厓曰他日得志置老賦於此又呼為史新思言非新州即恩州也彌遠

聞之因七月七日進乞巧奇玩以規之玠乘酒醉於地彌遠大懼日夕思所以處玠顧玠不知也時理宗同在廷亦後沂邸賜名昀一日彌遠為父飯僧淨慈寺獨學錄鄭清之在與登慧日

閣屏人語曰皇子不堪負荷聞後沂邸者甚賢玠欲擇講官君其善訓迪之事成彌遠之坐即君坐也然言出於彌遠之口入於君之耳若一語洩者君真君皆族矣清之拱手謝不敢乃以

於君之耳若一語洩者君真君皆族矣清之拱手謝不敢乃以

清之兼魏忠憲王府教授日教昀爲文又購高宗字書俾習焉
清之上謁彌遠卽以昀詩文翰墨以呈所以譽之不容口彌遠
曰吾聞其賢已熟大要竟何如清之曰其人之賢更僕不能數
然一言以斷之曰不凡彌遠頷之再三自是廢立之意益堅寧
宗崩彌遠遣清之往告昀以將立之意再三言之昀默然不
應清之曰丞相以清之從遊久故使布腹心今足下不答一語
清之將何以復命昀始拱手徐答曰紹興老母在清之以告彌
遠益相與歎其不凡是日昀跋足以備宣召久而不至彌遠在
禁中遣快行宣皇子令之曰今所宜是沂王府皇子非萬歲巷
皇子苟誤則汝曹皆處斬竑不能自已矚目墻壁間見快行過
其府不入疑焉已而擁一人徑過天已暝不知爲誰甚惑昀既
至彌遠引入樞前舉哀畢然後名竑竑聞命亟赴至則每過宮
弘簡錄卷一百七十四 系屬宋八二

卷一百七十四

系屬宋八二

太湖漁人及巡尉兵卒竑知其謀不成乃率州兵致討遣王元
春告變于朝彌遠命殿司將彭任往討至則已平矣彌遠忌欲
殺之令竑稱有疾遣門客秦天錫宣醫往治或戍天錫詣竑諭
旨逼益之計聞輟朝賜銀絹會子賄少師保靜鎮遠二軍節度
使降封巴陵郡王給事盛章舍人王維希意殺還命遂寢李知
孝復奏追奪王爵降封巴陵縣公端平元年詔復竑官爵有司
檢視墓域以時祭祀吳氏請爲尼賜慧淨法空太師紹興府月
給鉢錢百貫景定五年度宗追復節度使德祐元年常棣請立
後嗣王應麟又奏更封大國表墓賜諡命太宗正禮部議贈太
師尚書令加封鎮王諡昭肅賜其家用萬畝遣應麟致祭仍以
沂州觀察使貴謙繼沂王後封天水郡開國侯加食邑并太保
淳祐十二年薨詔以右千牛衛上將軍乃欽領新州防禦使奉
弘簡錄卷一百七十四 系屬宋八二

卷一百七十四

系屬宋八二

沂王祀

冊曰太平天子奮起小宗甫及兩傳天誘其衷若考若皇
紛以自訂至神始定大命將終鑒觀嗣孕可以指蹤

弘簡錄卷一百七十五

明刑部員外郎

皇清翰林院侍講學士四世孫遠平校閱

系屬 宋八之三

趙湘 士昭不尤 不羣 不試不棄 普湘 善俊

汝述 汝騰 子滿 訓之 孫彥博 彥明

與惟 與憲 希館 令晟 量之以後 士盛 士醫士真

叔皎 叔憑 伯振 律之 師慎 時賞 希洎

與擇 良淳 孟壘 孟榮

趙湘字巨源以宗姓居華州登甲科歷遷著作佐郎知新繁以

吏最知商州徙隴州興元府再遷太常博士上補政忠言十篇

名判宗正寺賜白金言元德李太后母育聖躬請附太宗廟室

弘簡錄 卷一百七十五 系屬宋八之三

後用其說假禮部員外郎為冊夏德明官告副使擢殿中侍御

史權判三司勾院言漢章帝以明令冬至之後有順陽助生之

文無鞠獄斷刑之政自此定令毋以十一月以後報囚今季冬

乃誕聖之月比前有異願詔有司留大辟弗決俟孟春臨軒閱

視情可矜者貸之他論如法真宗日卿言為固善但慮繫囚益

淹吏或因緣為姦爾俄管勾南宮北宅事上書請封禪為東京

留守推官禮成遷侍御史昇州火命往致祠兼問民疾苦還奏

轉運使劉焯知洪州馬景不職皆罷黜之改糾察刑獄刑部員

外郎兼侍御史知雜事會上親製五箴自微湘言宗室風化所

本宜并以訓厲帝為製宗室座右銘賜寧王元傑以下并及湘

因奏文武常參官多後時望敕正主者稽察晚至以懲其慢託

病不朝有罪之祀汾陰為考制度副使請如周官置王訓錄所

過州縣山川與俗好惡日上奏御尋判宗正寺歷遷太常少卿

知襄州改應天進右諫議大夫復知河南升集賢院學士以疾

徙虢州卒

太宗五世孫士昭字公美天資警敏孩幼儼如成人比冠為右

監門衛大將軍貴州團練使北遷次洛州東與諸宗謀劫上道

還未就而金人圍合士昭等皆散走遲明抵武安邑官聞其皇

叔來謁資以衣冠鞍馬士昭因募得少壯百餘從至磁州招集

義兵旬日間得勝兵五千歸附者數萬會金兵圍洛洛守王麟

欲叛降金軍民怒殺之推統制韓一為主士昭夜半薄城下力

戰破圍翼日入城礮將士死守部分守禦敵治壕壘樹鹿角城

中飛礮碎之又以計生得其首領敵乃解去以功權知洛州兼

防禦使建炎二年金人再犯洛糧盡援絕士昭度不能守乃擁

眾出城由白家灘抵大名府得赴行在紹興五年遷泉州觀察

使平海軍承宣使知南外宗正事時泉邸新建向學者少奏乞

宗子善文藝眾所推譽者特免文解由是人知激勸遷節度使

未拜而卒年四十六贈少師追封和議郡王諡忠靖子不流帥

臨安紹興治皆有聲 士褒字立之仲御第四子幼有大志好

學善屬文初補右班殿直累遷忠州防禦鄭州觀察寧遠軍承

宣使權同知大宗正事請於孟太后命大元帥康王得承制便

宜行事又請奉王承大統太后從之高宗即位除光山軍節度

使扈蹕南幸論黃潛善等誤國罪斥知南外宗正事會苗劉亂

易服入杭劫長子不凡股納蠟書馳告張浚趣其勤王復遣呂

頤浩書勉以同濟國難事平加檢校少保母憂起復除大宗正

序位安定郡王之下以定策功加檢校少師開府儀同三司入

觀勸留意恤民金人既歸河南地命士褒與張燕同陽陵
且令修奉以岳飛濟其役道武昌出蔡頴河南百姓惟迎夾道
且喜且泣日久隔王化不謂今日復為宋民紹興九年五月至
永安朝陵禮畢陵前澗水久涸復湧父老驚歎以為中興之兆
遂入柘城劄荆棘隨所葺治而還特封齊安郡王以旌其勞尋
權主濮王祠事請復宗室賜予詔總麻袒免親任環衛官而身
亡者賜錢有差數言事忤秦桧力辨岳飛被誣願以百口保飛
無他文音今中原未靖禍及忠義是忘二聖不欲復中原也桧
大怒諷言者論以交通蹤迹詭秘事切聖躬奪其官万俟卨復
希旨連擊之謫居于建凡十二年薨年七十帝哀之贈太傅追
封循王六子皆進官不凡始以復辟功轉兩官易文資又從趙
哲收復建州殺葉濃賜爵二級不議改文秩不恤易環衛官不
弘簡錄 卷一百七十五 王 系屬宋八三

山東河北之衝不羣募效用五千人增城浚濼為戰守備敵攻
圍兩月不能下遷雍州通判陞直祕閣通判鎮江辟克兩浙宣
撫司主管機宜文字高宗在越改判柳州時羣盜出沒湖湘間
不羣嚴為備禦盜不能犯岳飛破曹成遁犯柳州不羣乘城
固守拒卻之進直寶文閣移知宜州軍需以時辦民不知擾進
秩二階知廬州鄆瓊叛擁之北去尋釋歸帝召見除知荆南累
遷兩浙路轉運副使卒于官 不試宜和末通判相州尋權州
事兼主管真定路經畧安撫公事建炎元年知相州明年金兵
大入州久被圍軍民無固志論以城中食乏外援不至吾為宗
子義不降敵計將安出眾無有應者不試知事不可為不得已
登城與金人約勿傷百姓金人許諾乃先納其家井中隨以身
赴井命提轄官實以土然後啓門州人皆免於死 不棄字德
弘簡錄 卷一百七十五 四 系屬宋八三

民輸米倍收之數辨靖州冤獄數百人德之繪像以祠權知開州開僻在巴東俗鄙陋不忍為興學校明孝義郡有鹽井前守用所親為監私其利不忍特罷之其利倍入郡計用僥以羨餘代民兩稅及天中節銀絹在開二年民絕鬻爭夜戶不閉諸司交薦以比古循吏轉夔州理判部使者以親故攝大寧鹽場不怠斥去之鹽獲羨餘為易米三萬餘斛抵湖北市銀以代諸郡上供銀省緡錢十五萬餘改成都路轉運判官時米康軍都江堰不固數郡田陷于水歲屢饑不忍至首禁民遏糶盜米者貨官錢五萬緡遣吏分市米於旁郡下令曰米至矣富民爭發粟米價遂平然後按行江岷躬視版築繩吏奸慝令田主貸耕農富民賑末作老幼疾患者官為粥以食全活數百萬黎州羗反制司調兵往戍郡當給餉不忍曰民饑不可擾也發糶餘米弘簡錄 卷一百七十五 五 宋八三

濟之已而朝命攝制司初官兵屢敗前使遣人賂那結兒以和
不忍曰那結兒吐蕃小種也今且和若大族何不可會羗酋麥
束畜列率眾數千入漢地成都大恐不忍鎮之以靜夜遣步將
領飛山軍徑赴沈黎徙綿州兵戍邛為後援戒以堅守勿動密
檄諸蕃部生獲吐蕃一人貨十緡一人二緡於是邛部川首
領崖獲合諸部落大破吐蕃於漢原斬麥束畜列首來獻凡十
有六日而平廷臣薦其賢超授右監門衛大將軍惠州防禦使
知大宗正事進明州觀察使招慶軍承宣使金完顏烈來聘命
克侉伴宴玉津園連射皆中使者驚服每以文行訓勉族屬薦
其秀傑者奏新學宮增廣弟子員倣太學校定法置自訟齋使
有過者讀書其中人咸感勵卒年六十七贈開府儀同三司封
崇國公不忍天性篤孝居官所至有聲立朝好言天下事見蜀

帥權重請復置安撫司相維而治論王抃不宜據選諸路軍
友直不可為副都指揮尤人所難言者遇大旱一呼九疏勸上
求直言通下情宜如太上皇帝不非布衣在悖上章書之座右
帝悚然嘉其忠諫每宴禁中顧謂皇太子曰此賢宗室也英國
公遣人借擊毬馬正色答曰上惟一皇孫萬一馬驚不可竟却
之所敬者朱熹張栻杖死為論諡又請用熹其好尚如此
七世孫善湘字清臣文武翼耶不西從高宗渡江聞明州多名
儒徙居焉善湘初恩補保義郎登進士調金壇縣丞改知餘姚
差通判婺州嘉定初以招茶寇功赴都堂審察出判無為軍累
主管淮南置制司公事兼知廬州以平固始寇功賜金帶知鎮
江封祥符縣男累權刑部侍郎知建康兼江東安撫使行宮留
守賜御僊花金帶進封子紹定元年以朔防江寧淮二軍及平
弘簡錄 卷一百七十五 六 宋八三

楚州畔寇劉慶福功進龍圖閣待制江東運副三年進煥章閣
直學士封伯爵李全犯淮東改煥文閣學士江淮置制大使許
便宜從事四年進封侯及戮全露布上聞進兵部尚書知建康
府兼任如故時善湘見范葵進取醜問接踵有請必應選諸子
屯寶應以從范葵葵亦讓功督府凡得勝皆汝樵等握筆草報
善湘季子汝祺彌遠疇也故奏無不達又以平固寇功轉江淮
安撫置制使五年復泰州淮安鹽城淮陰四城及策應京湖功
進端明殿學士與執政恩例六年進光祿大夫知建康行宮留
守加食邑四百戶以受金樞密副使納合買住降復盱眙軍泗
壽二州功進資政殿學士賜手詔金器等物丐歸不許力請進
大學士提舉洞霄宮封天水郡公加食邑御史劾之帝以善湘
有功寢其奏嘉熙二年授汾海置制使兼知慶元改紹興兼浙

東安撫使淳祐二年手詔求所解春秋進觀文殿學士致仕卒
帝震悼輟朝贈少師賜物加等所著有周易約說易或問續問
易指要學易補遺洪範統論中庸約說孟子大學解論語大意
老子解春秋三傳通議詩詞雜著藏于家 善俊字俊臣閩路
兵馬鈐轄不哀之子初補承節郎登進士換左承務郎調南城
丞改昭信軍虞允文薦其有禦邊才除幹辦諸司審計司知柳
州敷奏稱旨留爲大府寺丞尋知廬州括境內官田均給饑民
流入者貸牛種做屋居之死者給以棺人至如歸州城嘗毀于
兵善俊葺完之募鄉兵保孤姥二山治屋以儲粟增築學舍新
包拯祠春秋祀之人感其化累遷龍圖閣直學士知建州繩生
子不舉者指作以助再知廬州首言和好不可恃浚城池爲備
禦計修農政復芍坡七門堰免屬邑坊場河渡羨錢百姓德之
弘簡錄 卷一百七十五 七 宋屬宋八三

卒撫育諸弟備至自幼敏慧力學試禮部第一調昌國簿攝邑
事勸編戶哀金買田以助嫁娶喪葬捕得海盜守欲上其功善
譽曰奈何以人命希賞守益賢之薦授兩浙運幹知臨川縣罷
民預借閱籍發逋征催率以時辨轉通判常州史浩言其賢詔
赴部堂審察累遷大理丞湖北提舉常平茶鹽會大旱通融諸
郡計戶振貸嗣歲麥禾倍收民爭償納奏罷稅場十餘渡四十
五民便之諸郡傳用委郡文學董其入以給計借者移潼川路
提刑轉運判官威惠並孚遂寧守徐詡乏廉聲善譽劾罷之以
美貲給諸郡置莊民生子及媛者俱給米宗子寓蜀者即郡庠
二學以教人知感勵於官廉靖自將乞祠歸處一室圖書自娛
卒年四十七生平著述甚多有易說深爲郭雍朱熹所取
八世孫汝述字明可曾祖士說北遷臨河爲敵而死汝述登淳
熙進士調南劍州順昌尉應詔上封事論懇惻嘉定間主管
官告院常兼宰士爲時相所親躡躡通顯累遷將作少監權侍
立修注官除起居郎兼密院都承旨俄遷兵部侍郎立朝薦引
多知名之士母憂服闋改刑部遷尚書知平江府卒知者多以
趨時少之 汝談字履常恩補將仕郎登進士周必大奇其文
語施師黜口是將有大名于世佐丞相趙汝愚定大策欲驟處
以詞掖力辭持祖母服上疏乞留汝愚斬韓侂胄陳自強遂罹
黨禍被斥尋調安慶教授添差浙東安撫司幹辦公事母憂免
喪參政李璣薦試館職擢正字適吳曦叛或欲就立曦爲王汝
談詰曰孰言王職者可斬也復坐罷主管崇道觀添差通判嘉
興與郡守王介志合遷知無爲軍與光州守柴中行安豐守陸
峻俱稱循吏金方內變獻料敵備邊二策 語載弘簡錄 所言皆驗明

若茲龜歷湖北江西提舉常平賑饑盡力改知温州兼外宗正
 作詩勸勉族屬寧宗崩以哀痛得疾賀理宗表多其規誠陳碩
 曰此諫書也數句詞彌遠不與杜門著述端平初以禮部郎官
 名對言願倚用老成廣集忠智訪求衆美之原辟取可行之策
 以防積蠱之蠱而成終泰之功凡大佞似忠大姦似聖未可信
 向而擢任之始雖未見其失久乃凌至差訛使綱維之臣執議
 堅凝反疑其侵權議論之士言之煩潰反意其賈直至是則不
 特是非邪正易位而黜陟予奪多失中矣又曰外之得以望吾
 聽雜吾目擾吾天君者以吾未得虛一而靜之理也苟得之疑
 然湛然導我聲色孰能入之投我貨貨孰能中之扇我功名孰
 能干之哉尋改秘書少監權直學士院反覆言戰不可輕和尤
 非計時收復三京汝談獨有憂色未幾洛師敗人服其先見遷
 弘簡錄 卷一百七十五 九 系屬宋八三

宗正少卿兼崇正殿說書言漢元帝恭儉無過惟以優柔不斷
 漢業遂衰俄權吏部侍郎升侍讀以所註易進講言履畝稱藉
 非便近時宰意京師軍變宰相乞貶秩汝談草答詔有貶秩易
 審舉措難之語宰相滋不悅罷奉祠起知婺州召赴行在權禮
 部侍郎直學士院復推廣前說言若行臣策於開禧未用兵之
 前決不至惟今日之患其論楮法尤中時弊上稱歎久之權給
 事中終刑部尚書平生天資絕人為文章有天巧篤於倫誼而
 忘仇怨御史王益祥嘗劾之後官其鄉益祥愧不敢見汝談數
 枉過之自少至老不離書冊嘗與朱熹訂疑義數十條熹亟稱
 之論易本為占者而作書二典宜合為一禹功只施於河洛洪
 範非箕子之作詩不以小序為信禮記雜出諸儒之手周禮直
 傳會女主之書要亦卓絕特立之見嘗論韓非李斯皆有荀卿

之才惟其富貴利祿之心重故世得而賤之獨卿能守其身不
 苟希合士何可不自重哉所著有易書詩論語孟子周禮禮記
 荀子莊子通鑑杜詩註 汝儻字賄中少儻與汝談齊名葉
 適嘗過其家勸之以學遂折節讀書思補承務郎歷泉州市舶
 務利州大軍倉進監行在右西藏庫坐為趙汝愚訟寃廢黜十
 年嘉定初復登進士為大社令歷將作監第大理司農二丞復
 與彌遠不合改江西提舉常平尋提點刑獄瑞州大姓幸氏貪
 徐氏田不可得因強取其禾誣徐以殺婢寃獄徐訴寃汝儻論
 幸氏反坐黥竄之籍其家幸氏急走告中宮徙汝儻湖南既至
 表直臣龔夫墓瀏陽豪民羅氏奪民田復懲以法遷知温州改
 漳州奏蠲經總制無名錢五之二民病少甦未幾卒 汝騰字
 茂實居福州登寶慶進士歷官籍田令名試館職授秘書正字
 弘簡錄 卷一百七十五 十 系屬宋八三

陞校書郎史館校勘輪對言節用先自乘輿官掖始累兼玉牒
 所檢討官直煥章徽猷寶文三閣江東提點刑獄知溫與婺州
 入遷起居中書二舍人陞起居郎同修國史實錄院修撰遷禮
 部侍郎兼侍講權工部尚書論罷復名為禮部尚書兼給事中
 入對言陛下有用君子之名無用君子之實前後姦諛之臣傷
 善害賢自取穹官要職何益於陛下而深損于聖德與利之臣
 務東就西順適官禁自遂器無厭之欲何益于陛下而深戕
 於國厥陛下私惠羣小之心可以息矣兼直學士院拜翰林學
 士知制誥辭歸故里屢召力辭以龍圖閣學士知紹興府浙東
 安撫使召至闕復以端明殿學士提舉祐神觀兼學士承旨知
 泉州景定二年知南外宗正事卒

子浦字清卿秦王後孝靖公令與之子七歲而孤家貧力學登

進士調真州刑曹探與守爭獄事胡唐老奇其才改衢州推官
繕完城具首劄兵至不能攻以功累官吏戶二部郎中總領江
淮軍馬錢糧諸司饋餉悉歸之公節除直秘閣兩淮運副力止
檢括沙田蓋場墾增租額時太湖為患浚常熟東柵至維浦入
于涇谷鑿福山塘至尚市橋注大江分殺其勢水患用息除
直敷文閣知臨安禁權家僮人子女為僕妾吏不能欺詔權戶
部侍郎陞華文閣待制復知臨安調三衛卒修築都城不擾而
辦金亮淪盟滿獻助軍錢十五萬幸建康充行宮留守參謀官
起蹕還復知臨安金人議和滿謂事情叵測宜待以軍禮孝宗
志圖恢復滿朝夕練兵習為鴉鵲魚麗等陣陳於便殿上臨觀
賜以金帶擢沿海制置使後知明州劾督守趙善繼治郡殘酷
罷之海寇通郡胥豪猾為囊橐匿其蹤迹因而大熾商船不通
弘簡錄 卷一百七十五 十一 系屬宋八三

何禱為已而果雨遷福建路運幹局邑負振鹽本錢累歲不能
償儲白于使獨數千萬慶元初知晉陵歲饑振恤有方法二十
萬眾以羨錢代五等戶輸糧監登開檢院以不附韓侂胄出知
汀州汀民葉姓者嘯聚汀嶺間遣將捕戮之遷廣西提刑諸郡
醫官鹽取息之六以奉漕司後增至八分儲請復其舊以蘇民
力朝廷從之侂胄死召為戶部侍郎兼密院檢詳時將併遂與
兵議者儲每見帝必言才難且曰士方以偽學廢今又以兵端
斥苟欲弼士何患無名遷湖廣總領別置籍書士卒物故者持
之三年掛虛籍者盈三萬減餉至百萬緡用度以饒比去餘七
百萬而諸路積逋猶四百萬盡蠲之知崑山並人海盜出沒莫
可縱迹儲奏分其半置嘉定縣屯兵以守轉寶謨閣待制卒于
官年七十一

弘簡錄 卷一百七十五 十二 系屬宋八三

彥呐字敏若居彭州少以材稱登四川類試吳曦叛結義士殺
偽夔守祿禱由是顯名嘉定十二年關外西和州新被兵制使
安丙檄使經理金人再至戰却之在州五年得軍民心轉提點
刑獄尋遷沔帥有論其大言無實坐奪節制寶慶元年移帥興
元會鄭損棄四川退保三關彥呐力爭之不勝罷歸又五年值
桂如淵代損起彥呐為四川制置副使加直龍圖閣更李埴黃
伯固皆佐之端平元年陞正使兼知興元府丞相鄭清之趣其
出兵以應入洛之役不從泰鞏聚汪世顯久求內附彥呐為力
請數四清之亦不從三年金兵大入至三泉退保大安復圍青
野原彥呐大敗貶衡州其子洗夫亦竄嶺南史嵩之留之江陵
兩年卒

理宗兄與權字悅道燕王八世孫登進士湖會稽尉改建寧州

戶參軍中明法科攝浦城縣丁父憂作善慶五規示子孫免喪
 遷大理評事轉對言天變民情國威三事請擇憲臣詳覆死囚
 可矜者即與鞠正免致瘐死上千和氣遷籍田令司農宗正二
 寺丞以直費章聞知安吉州權禁峻密與惟首捐以予民設鉅
 于門欲愬者擊之免無不直母喪屢起弗能奪久之為宗正少
 卿權知臨安剖決明暢罪者咸服值郊祀之夕大風雷上言國
 本未定又陳罪盜同本之案有勅上峻刑任術者與惟言導民
 有本不可徒恃刑罰而遂如臣罪天府豈遠能及民惟其真
 實相孚待以不擾人心本善有感必從又言今在朝迎合政出
 多門必得智識氣節之士布列中外可也帝為悚然嘉熙元年
 召見便殿薦文武士四十人言韓琪當仁宗朝猶晝夜泣血今
 蔡衛虛籍襄蜀殘破可為主憂臣辱矣防邊之道至為深切宜
 弘簡錄 卷一百七十五 系屬宋八三

亟募兵置京口諸郡凡欵財先以贖軍餘始供上多見施用遷
 戶部侍郎兼權兵部尚書會星變乞罷願上祇畏天威思以實
 德及民始自上躬痛加節約廣推振恤疏凡五上中書方大琮
 言與惟素自潔修疏財輕爵乞俞所請使小大臣工皆知引咎
 乃收一階尋復之又言此艱難不可為之時當共慷慨厲志為
 人才兵力深省遷戶部尚書兼權吏部論楮幣自嘉定以一易
 二失信天下屢稱提而折閱益甚請兩界並展十年勿議新造
 責州縣毋以汚損抑沮仍不立界限以絕民疑會詔又欲以端
 平錢當五行使奏開禧幣以二當三何救於楮士大夫不滑白
 奉法恪意扶持雖日易一法無採於楮而國非其國矣又言今
 風俗沈痾口仁義而身市井率以欺君為常肥家為樂乞別邪
 正警媮惰獎用恬退質直之士以絕躁競浮靡之習內廷有關

於除授者必斥暗室有涉於謗議者必思清心寡欲以革酣歌
 黷貨之風其機皆自陛下始因講筵畢上言卑政弛而尺籍不
 明總兵者或緣功賞開釐隙內則班行惟求速化守牧類多貪
 庸膏雨不降星變頻仍物價騰踊民偽士譟流移克斥邇者登
 崇元老並建宰輔謂宜風采振揚而事勢若此士夫未必任天
 下之責天下未必知陛下之志人才國用民力兵威願乘此機
 加意根本勿徒困精神於除授老歲月於行移委公道於私情
 付事功於無可奈何也手詔忠正廉動無如卿者授端明殿學
 士復知臨安盡力民事奏獄空都人稱趙端明必以手加額曰
 趙佛子也使治江隄峻事句罷提舉萬壽觀兼侍讀會旱饑民
 相携溺死上仍命知臨安府恩劍視執此與惟不得已涕泣奉
 詔上則祈哀公朝下則推誠勸分申奏振救榜諭各全性命佇
 弘簡錄 卷一百七十五 系屬宋八三

沐聖恩都人欣慰甘雨隨至米商亦集流移至者悉有以濟之
 尋力求納祿授資政殿學士仍舊祠久之復知温州政事必親
 吏不敢欺初水砦修貢院名對言爵祿之濫因及國本進春秋
 解陞大學士薦士六十人言史嵩之老師費財私贖貪富不宜
 復用請優恤其猶子璵卿并杜範劉漢弼徐元杰之家帝從之
 又言天下事不堪再誤請以兵財分任輔臣時相忌之尋授安
 德軍節度使開府儀同三司萬壽觀使日食言人才乏使賊吏
 不悅民背流而南今流而北盜首伏於遠今伏於近體認不真
 賢否無別國將誰與立耶其言益切因中建儲之議帝為改容
 書安貧樂道植節秉忠八字賜之又賜泰卦詩忠邪辨寶祐元
 年加少傅三年薨帝震悼輟朝贈賻治葬贈少師累贈太師追
 封奉化郡王諡清敏為人愛君憂國本諸天性手註六經及仁

皇訓典詳釋高宗寶訓要釋奏議詩文百卷凡月賜內帑悉辭不受嘗謂士大夫有貪聲則雖奇才與學徒以蠶國害民故方歛之夕金帶猶質錢民家其廉如此有袁士宋斌少從黃餘李燔登朱熹之門學禁方嚴駱旅困沮年且八十與權事以父行奏乞用旌禮布衣故事加恩錄之死葬西湖上歲一祭焉

與憲字德淵居湖州登嘉定進士主管官告院遷將作監簿知嘉興歷大宗正丞樞密院檢詳文字都官郎中司農少卿累直寶章煥章二閣出為兩浙運判知慶元沿海制置浙西提典刑獄中書門下檢正諸房公事知臨安府主管浙西安撫司公事所至急於財利時稱聚歛臣權刑部侍郎戶部尚書兼詳定勅令官真拜吏部尚書淳祐九年加端明殿學士提領戶部才用許辟四官所置新倉賜名淳祐與執政恩澤加資政殿大學士

弘簡錄 卷一百七十五 系屬宋八三

歷知紹興平江兼浙發運建康江東安撫使馬步軍都總管兼行宮留守節制和州無為安慶三郡屯田兼權揚州開慶元年北兵大入除兩淮安撫制置使知揚州兼知鎮江淮東總領提舉洞霄宮復為淮浙發運使差知平江致仕景定元年八月卒特贈少師

希館字君錫燕王後少名希蒞扶父喪道過危拊棺慟哭危義之而去學于陳傅良徐誼登進士釋褐汀州司戶參軍峒寇李元彌方起希館自干郡日城守非計距城三十里有關曰古城若悉精銳以扼其衝賊不足慮也守即以付之至則審形勢明間諜申令謹候分畫粗定賊已遣謀窺關希館嚴兵預待陽以羸師誤之夜半賊數百衝攻突至官兵據險設伏矢石交下無一得免餘黨驚遁引還城中老稚羅拜相屬事聞陞推官治越

獄決帶於攝下邑弭亂卒去之日軍民遮道泣送調夔路轉運帳司疏大寧監井利病使者上諸朝名對言四蜀銓選科舉之弊又言方今民力困于貪吏軍力困于饋帥國力困於歸附之卒浮冗之費寧宗嘉納之歷除大理宗正二丞樞工部郎官言宗姓多貧而貪吏受賕亡藝始生有訓名為人後有過禮皆莫敢自陳悉請罷之俄換南班授吉州刺史提舉佑神觀請同朝士得輪對首陳今日多事之際未有辦事之人朝紳本清選以緘默為清垂刻薄為舉職無所可否為識體閭寄本重任以大言為有志使過為知思臣非敢厚誣天下以為無人忠在選擇未得其道器使未當其才爾尋轉成州團練使賜金帶推恩進和州防禦使理宗加潭州觀察使安德軍承宜使初政引對言急務莫先於明道化總治統收人心又論祠祭不獨禁衛不肅

弘簡錄 卷一百七十五 系屬宋八三

慈明宮上壽陞節度使封信安郡公卒上震悼朝賜舍歛金幣追封信安郡王希館風姿凝重喜稱揚善類不記人之過不忘人之思居官祁寒盛暑未嘗謁告衣食裁取足而已令矜兄令歲建炎初通判鄂州領兵戍武昌賊圍羣犯黃州縱掠而去令歲亟渡江存撫黃人始安李綱薦擢直龍圖閣知黃州奉節修城六月而畢賊張遇丁進李成迭至俱擊却之孔彥舟又引兵圍城令歲率民兵固守六日乃解金人邀孟太后徑犯黃州時令歲已丁內艱去在道聞警復返夜半趨入城方嚴備禦城遂陷倉卒被擒金人欲令屈膝令歲不肯酌以卮酒覆諸地以袍加身裂之金人怒鞭之流血被面罵不絕口而死事聞贈徽猷閣待制諡曰愍黃州人立廟祠之 時太后至太和泉皆潰幹辦官劉德老為金追騎所殺金人過江陳淳戰死上

元丞趙勳之帥鄉兵迎敵死之都監王遠判官吳源巡檢劉卓皆不屈而死俱贈奉議郎官其家各一人以下係忠節

士隆字景瞻太宗後初補右班殿直長為郡縣吏累遷至淮南西路兵馬鈐轄駐壽春劇賊丁一箭衆號十萬攻城三旬不退郡守不知兵委士隆以備禦士隆募軍中敢死士張宣持槊馳下擊殺數十人賊衆披靡隨選壯士數百夜開城門出其不意賊遂走追奔數十里以功遷三官授江東路鈐轄馬進圍九江城中僅罷卒數千士隆與守臣姚燁明及副轄劉紹先捍賊百餘日竭力守禦呂頤浩屯都陽遣統制巨師古來投中途遇伏而敗張俊遂巡未至食且盡燁明紹先議縱火棄城去士隆毅然獨糾合部曲餘民守城賊入大掠衆號呼無殺我遊鎗輒賊服其義欲授以偽安撫士隆大罵不屈裂帛誓示諸子曰

弘簡錄 卷一百七十五 系屬宋人三

義不苟活汝輩得出為我雪恥遂仰藥而卒年五十二六子皆有文行不慙不恚不怨不滯不隱賊怒害及三子并其家數十口事聞上嘉悼贈武功大夫官其孫二人 同時士醫官

秀州兵馬都監兀木入州乘城拒賊城陷死之後贈武翼大夫官其二子 士真權知信陽軍與寇劉滿拒戰兵潰被執至荆門遇害後贈右朝奉大夫官其一子 士道以武翼大夫守江州禦馬進被害贈武德大夫官其家二人 士跋靖康末為右監門衛大將軍吉州團練使北遷得間遁居邢州結土豪將舉

事事泄金人執而殺之贈保寧軍節度使諡忠果

叔皎秦王四世孫元豐中為右班殿直累遷至德州兵馬都監自靖康以來劉頌呂拱劉亨相繼謀叛皆設方畧捕擒之建炎二年金人圍城率兵以禦前後六戰圍益急有江詰者謀與郡

守宗諒舉城以降叔皎斬詰以徇金人登城猶力戰勢窮被執怒罵不屈遂遇害 叔憑者陝州都監累官武翼大夫金人圍陝援兵不至城危其子官盧氏縣叔憑遺以蠟書言人臣當死國難况吾近屬可辱命耶遂與通判王許職官劉效陳思道馮經李岳杜開縣令張玘將佐盧亨等五十人同時俱死無一降者

伯振太祖入世孫登進士靖康末為鄭州司錄參軍捍禦有功遷直秘閣通判州事建炎二年金人犯鄭州守臣董庠棄城走城陷率兵巷戰中流矢墜馬遂遇害事聞贈朝請大夫官其一子 聿之安定郡王叔東子建炎中為成忠郎金人圍潭州與帥臣向子諲率衆守城所隸東壁感慨流涕務期自效金兵登城縱火子諲等遁去城遂陷聿之與將官武經郎劉玠巷戰大

弘簡錄 卷一百七十五 大 系屬宋人三

馬俱死事聞贈左監門衛大將軍玠武經大夫皆官其家朱熹為請立廟賜號忠節

師積宗至子嘗以罪拘管西外宗正司提刑王夢龍知其智勇可用委製軍器銘定中寇逼尤溪令師積統卒數百往戍行日大書于旗曰不與賊俱生人皆壯之寇至身為先鋒迎敵于林嶺與戰十餘合適所乘馬陷田中左臂斷以右手拔佩刀斬七級力盡仰天大呼曰師積報國死於此矣遂沒尤溪民於戰處立廟樞密王桢請贈武節郎官一子進義校尉

時賞字宗白和州宗室若太平登進士知旌德縣德祐元年北軍至境擁民兵捍戰有功陞直寶章閣益王即位擢知邵武軍時賞風神明俊議論慷慨有謀畧見知文天祥奏辟參議軍事除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

除江西招討副使與宗室孟深提兵趨贛州取道石城復寧都

一第... 丹... 貴... 參... 日... 庫... 全... 書... 0... 文... 臣...

數以偏師當一面。戰比有功。每見同列。盛稱。而節。極。嘆。曰。軍
行如春遊。其能濟乎。及空坑之敗。為追兵所及。繆朝宗自縊。時
賞與吳文炳。林棟。劉洙。皆被執。洙臨刑。頗自辨。時賞奮罵不屈。
叱曰。死耳。何必然。遂皆遇害。他僚屬係至者。輒磨去云。小小
魁官。執此何為。由是得脫者衆。希泊者。若宜。春。歷。官。戶。部。尚
書。廷。賈。似。道。出。領。廣。東。轉。運。使。德。祐。勤。王。率。潰。卒。數。百。道。經。廬
陵。與。從。子。必。向。從。天。祥。于。贛。袁。守。壽。嵩。孫。與。希。泊。內。嫺。說。以。納
款。不。聽。及。兵。敗。二。人。俱。被。囚。辭。節。愈。厲。家。人。餽。食。輒。覆。諸。地。遂
不食而死。

與。擇。孝。宗。諸。孫。嗣。為。秀。王。時。議。言。其。有。劉。更。生。之。忠。曹。王。阜。之
孝。宜。留。輔。佐。以。隆。國。本。會。益。王。立。王。舅。楊。亮。節。於。中。乘。權。與。擇
以。國。家。新。建。事。多。諫。正。遂。遭。忌。嫉。亮。節。與。諸。將。俱。懼。之。德。祐。二
弘簡錄 卷一百七十五 九 系屬宋八三

年北兵逼浙東瑞安受圍城中危急命為浙剛廣察訪使與守
臣方洪共任備禦誓以死守小校李雄夜開門納外兵二人率
眾巷戰兵敗被繫董文炳欲降之厲聲曰我國家近親今力屈
豈忍求生遂與洪俱仗節而死贈少師追封臨海郡王
良淳字景程汝愚曾孫少學於鄉先生饒魯知立身大節及仕
宦所至以幹治稱未嘗干人薦舉初蔭泰寧主簿三遷至淮西
運轉拔考舉及格改知分寧邑劇俗尚諱訐良淳治之不用刑
戮不任吏胥民有敦孝者親尊禮之桀驁者繩以法俗為少革
秩滿差權江西安撫使機宜文字除諸司密計院督江西餉陞
大理司直知安吉州安吉自李庚遁百事廢廢良淳至值歲饑
勸富人出粟語之曰使太守身可濟民亦所不惜其言懇切足
以動人皆倒囷以應與僚吏論所以守禦之備悉舉行之或

請以兵擊盜嘆曰民豈樂為盜哉時艱歲旱故相率剽掠以苟
活耳乃諭之以義皆投兵散歸其不歸者縛以獻有掠人貨財
請其主謝過還之加直秘閣文天祥去平江潰兵四出剽掠良
淳捕殺數人梟首市中兵稍戢已而范文虎持書招降良淳焚
書斬其使元兵至率眾城守東西門夜就麥憇陣上不歸時朝
廷遣吳岡定接宜興不及返良淳見其大言請留戍已而岡定
開南門納外兵城破左右勸良淳事已至此宜為自全計良淳
叱去之遂還府命家人出避閉閣自經死

孟暹合州人登進士為金華尉臨安降與從子由鑑懷太皇太
后昂書請益王擢宗正寺簿監軍復明州戰敗被獲不屈死
又孟余者福王與苗從子方元兵駐紹興孟余謀舉兵事泄被
執至臨安范文虎詰其謀逆狀訴曰賊臣負國厚恩共危社稷
弘簡錄 卷一百七十五 十 系屬宋八三

我帝室豈欲弑宗廟之恥乃更以為逆乎文虎怒驅出斬之過
宗廟呼曰太祖太宗列聖之靈在天何以使孟余至此都人莫
不隕淚既死雷電晝晦者久之

弘簡錄卷一百七十五 終

弘簡錄卷一百七十六

明刑部員外郎仁和弘齋邵經邦學

皇清翰林院侍講學士四世孫遠平校閱

道學 宋九之一

周敦頤 程頤 侯師聖 胡瑗 劉絢

李頤 朱光庭 父景 謝良佐 游酢 兄醇 張釋

尹焞 楊時 羅從彥 李侗 熊定

劉勉之 劉子翬 胡憲 魏挾之 林光朝

周敦頤字茂叔道州營道人初名敦實避諱改天資英睿聞道甚早黃庭堅稱其人品甚高胸懷灑落如光風霽月世以為知言敦頤嘗曰士希賢賢希聖希天伊尹顏淵大賢也志伊尹之所志學顏子之所學過則聖及則賢不及則亦不失於令名

弘簡錄 卷一百七十六 道學宋九之一

論作聖曰聖可學乎曰可有要乎曰有請問焉曰一為要一者無欲也無欲則靜虛動直靜虛則明明則通動直則公公則溥明通公溥庶矣乎論處已曰天地間有至貴至愛可求而異乎彼者見其大而忘其小焉耳見其大則心泰心泰則無不足無不足則處之一也處之一則能化而齊論文學曰文辭藝也道德實也篤其實而藝者書之美則愛愛則傳焉賢者得以學而至之是為教論天下曰治天下有本身之謂也治天下有財家之謂也本必端端本誠心而已矣則必善善則和親而已矣家難而天下易家親而天下疎是治天下觀于家治家觀身而已矣身端心誠之謂也誠心復其不善之動而已矣作太極圖易通妙契千百年以來不傳之遺旨上以接堯舜禹湯文武周公孔子顏曾思孟道統之緒下以啓發後來諸學者河南程頤使

其二子頤頤往受學焉每令尋孔顏樂處所樂何事二程之學淵源于此河東人侯師聖學于二程未悟令訪敦頤留對榻三日還自謂有得曰如見天之廣大頤亦驚異曰非從周茂叔來耶其善開發人類如此初以母舅鄭向蔭補分寧簿滯訟一訊立辨邑人驚曰老吏不如也調南安司理參軍有囚法不當死轉運王達欲深治之敦頤力爭不聽乃委手板出曰殺人以媚人吾不為也達悟囚得免遷桂陽令治績尤著徙知南昌人皆曰是能辨分寧獄者吾屬得所慰矣富家大姓黠吏惡少恠恠焉恒以污穢善政為恥歷合州判官通判處州知郴州趙抃呂公著薦為廣東轉運判官提點刑獄以洗冤澤物為已任行部不憚煩勞雖瘴且遠按察必至尋有疾求郡知南康軍因家廬山蓮花峰下前有溪合於淦江取營道所居濂溪以名之學者稱濂溪先生卒年五十七嘉定十三年賜諡元公紹定末李心傳乞以敦頤司馬光程頤程頤邵雍張載朱熹七人列於從祀淳祐元年詔封汝南伯從祀孔子廟庭二子壽濬濬官至寶文閣待制

弘簡錄 卷一百七十六 道學宋九之一

程頤字伯淳高祖羽曾祖希振祖道皆葬河南遂居之父珦字伯溫由黃陂尉知龔州擢守廣漢見成都隱君子治篋種桶為業就視所挾冊乃易也欲擬議致詰農者先日若嘗學此乎因指未濟發問曰二陽皆失位珦渙然若有所省後累轉中大夫致仕元祐五年卒年八十五顯資稟純粹渾然天成加以克養有道年十五六即厭科舉之習慨然有求道之志反求諸身而自得之謂孟子沒而聖學不傳以興起斯文為已任進將覺斯人退將明之書欲人自致知至於知止誠意至於平天下灑掃

應對至於窮理盡性循循有序病學者厭卑近而驚高遠卒無
成功故著論曰道之不明異端害之也昔之害近而易知今之
害深而難辨昔之惑人也乘其卑暗今之惑人也因其高明累
數百言皆深闢二氏之學又與張載論定性書語備載登進士
調上元簿遷晉城令熙寧初呂公著薦為太子中允改監察御
史表行神宗數知其名數召見曰欲常常見卿一日從容咨訪
報正午始趨出前後進說甚多大要以正心窒慾求賢育材為
言務以誠意感悟人主贊勸帝防未萌之欲及勿輕天下士帝
俯躬曰當為卿戒之王安石執政更張庶事中外不以為便賴
彼旨赴都堂議事值方怒言者厲色待之賴徐進曰天下事非
一家私議願平氣以聽安石為之愧屈自安石用事賴一語不
及功利居職八九月數論時政最後言曰智者若禹之行水行
弘簡錄 卷一百七十六 三 道學朱九一
所無事也舍而之險阻不足以言智自古興治立事未有中外
人情交謂不可而能有成者况於排斥忠良沮廢公議用賤陵
賈以邪干正乎正使微俸小成而與利之臣日進尚德之風寢
衰尤非朝廷之福遂乞罷言職嘗言新法之害吾黨不能以至
誠感動上意適以激成之耳安石敬其忠信不深譴但出提點
京西刑獄固辭改簽書鎮寧軍判官馬光薦以為已所不如
賴為政治惡以寬處煩而裕當法令繁密之際未嘗從眾為應
文逃責之事程昉治河取漕卒八百虐用之眾逃歸羣僚畏昉
欲勿納賴曰彼逃死自歸弗納必亂若昉怒吾自任之親往啓
門拊勞約少休三日復役眾驩踊而入具以事上得不遣昉後
過州揚言曰漕卒之潰蓋程中允誘之吾且訴於上賴聞之曰
彼方憚我何能為果不敢言曹村埽決賴謂郡守劉渙曰曹村

決京師可虞臣子之分身可塞亦所當為盡盡以廩卒見付渙
從之賴躬至決所激論士卒命善泅者度決口引巨索濟眾兩
岸並進數日而合求監洛河竹木務歷年不敘伐園特選太常
丞帝欲使修三經義執政不可命知扶溝元豐初召判武學以
李定論罷歸哲宗召為宗正丞未行卒年五十四文彥博采眾
論題其墓曰明道先生弟願為之序天下後世識與不識皆以
斯名為稱情嘉定十三年賜諡純公淳祐元年封河南伯從祀
孔子廟庭
程頤字正叔天性嚴毅由踐履中入自秦漢以下卓乎天下之
習不能蔽也年十四五便銳然欲學聖人十八上書闕下願天
子黜世俗之論以王道為心游太學見胡瑗問願子所好何學
因著論畧曰學以至聖人之道也善學者必先明諸心知所往
弘簡錄 卷一百七十六 四 道學朱九一
然後力行以求至所謂自明而誠也誠之道始以信道篤則
行之果而守之固仁義忠信不離乎心造次顛沛必由於是居
之以安久而弗失則動容周旋自中乎禮而邪僻之心無自生
矣故願子請事斯語拳拳服膺有不善未嘗不知知之未嘗復
行此其好之篤學之得其道也後人不達謂聖本生知非學可
至其為學不求諸已而求諸外以博聞強記巧文麗辭為工與
願子所好者大異矣瑗得其文大驚異之即處以學職治平元
豐間大臣屢薦不起元祐初司馬光呂公著疏其行義謂願言
必忠信動遵禮法有經天緯地之才制禮作樂之具年踰五十
不求仕進真儒者之高蹈聖世之逸民望擢以不次使士類有
所矜式哲宗授以西京國子教授尋召為秘書郎崇政殿說書
疏言習與智長化與心成今夫人善教其子弟亦必延名德之

士使與之處以薰陶成性况陛下春秋之富輔養之道可不慎哉大率一日之中接賢士大夫之時多親寺人宮女之時少則氣質變化自然而成願選名儒入侍勸講復留分直以備訪問或有小失隨事獻規歲月既久必能養成聖德願每進講容色甚莊繼以諷諫見上折柳戒日方春草木發生不當損其生意又聞帝在宮中盥而避蟻進曰推此心以及四海帝王之要道也會冬至上未除喪百官表賀願言節序變遷時思方切乞改賀為慰既除喪有司請張宴開樂願言當因事張樂乃可若特設宴是喜之也詔皆從之帝累日因瘡疹不御殿英願詣宰相問安否曰主上有疾大臣可不知乎若上不御殿太皇太后不當獨坐願與蘇軾議論素不合會願門人賈易朱光庭合攻軾胡宗愈願臨又詆願不宜用孔文仲極論之遂出管勾西京國子監久之加直秘閣董敦復據其有怨望語去官紹聖中削籍竄涪州李清臣尹洙即日追遣之贖以百金不受徽宗初徙峽州俄復其官自以首被大恩不供職何以仰承德意遂受一月之俸致仕復奪於崇寧卒年七十五涪人祠之於北巖天下皆稱伊川先生紹興初贈直龍圖閣錄其孫易為分寧令嘉定十三年賜諡正公寶慶初錄四世孫為籍田令淳祐初封伊陽伯從祀孔子廟庭其學本於至誠以大學語孟中庸為標準而達於六經動止語默一以聖人為師卒得孔孟不傳之學為諸儒倡其言之旨若布帛菽粟知德者尤尊崇之嘗言今農夫祁寒暑雨深耕易耨吾得而食之百工技藝作為器物吾得而用之介冑之士披堅執銳以守土宇吾得而安之為儒者惟綴緝聖人遺書傳之後世庶幾功業有補所著易春秋傳至今宗之

侯師聖字仲良即其母舅華陰侯無可之孫卒業其門後居三川多識賢公卿大夫而熟觀兩先生之德行安心羈苦守節不移至於講論經術通貫不窮商畧時事纖微必察有論語說及雅言一篇

胡瑗字翼之海陵人專精經術教授吳中年四十餘未嘗求仕景祐初更定雅樂詔求知音者因范仲淹薦以白衣對崇政殿授校書郎與鎮東節度推官阮逸同較鐘律分造鍾磬各一篋以一黍之廣為分以制尺律徑三分四釐六毫四絲圓十分三釐九毫三絲又以大黍累尺小黍實簞丁度等以為非古制罷之仲淹經畧陝西辟為丹州推官移保寧改湖州教授瑗教人有法以身先之雖盛暑必公服坐堂上嚴師弟子之禮視諸生如其子弟諸生亦信愛如其父兄從游者嘗數百人是時方尚

弘簡錄 卷一百七十六 五 道學宋九一

辭賦獨湖學以經義及時務學中故有經義齋治事齋經義齋者擇疏通有器局者居之治事齋者人各治一事又兼一事如邊防水利之類科條纖悉備具故天下謂湖學多秀彥其出而筮仕往往取高第及為政多適於世用慶曆中名兼諸王宮教授辭疾不行朝議下湖州取其教法著為令後為太子中舍致仕皇祐中更鑄太常鍾律驛名瑗與近臣太常官議于秘閣命兼太常主簿亦辭歲餘授國子直講既居太學其徒益衆齋舍至不能容取旁官舍處之禮部所得士瑗弟子十常四五隨材高下喜自修飭衣服者止往往相類人遇之不問皆知所從游也嘉祐初擢太子中允天章閣侍講仍治太學既而乞骸歸老諸生與朝士祖饒東門外時以為榮卒詔贈其家劉絢字資夫其先常山人祖舜卿為虞部郎中家河南父師且

弘簡錄 卷一百七十六 六 道學宋九一

朝散大夫絢生質明粹天性孝友長而溫恭自髫髻時已有老成器結髮卽事二程先生外雖溫然可親遇事剛毅自立其質之美而學之力也如此以蔭補壽安簿遷長子令富弼見其治行嘆曰真縣令也元祐初韓維薦其經明行修除京兆府教授王巖叟朱光庭又薦爲太學博士卒年四十三子伯順

李顛字端伯洛陽人資識穎悟宵次閱肆開發與人交洞見自臆其遇事如控六轡逐水曲舞交衡屈折如憲二程氏倡明道學世方驚疑能使學者視效而信從顛有力焉登進士元祐中爲秘書省校書郎嘗記二程語一編號師說朱子愛其書謂顛所造尤深所得尤粹云先程子卒

朱光庭字公掞偃師人父景字伯晦第進士朝榮澤簿知沂源縣發廩振給多所全活歷汝壽二州築外郭以環居民公私稱便終光祿卿年七十一光庭誠明篤實行直而方少從孫復學春秋見二程於洛服膺其訓造次不忘以格物致知爲進道之門誠意正心爲入德之方辭父蔭登嘉祐進士調萬年簿歷修武和曲縣令會孝寬薦於神宗召見問欲再舉安南之師何如

光庭對曰得其地不可居得其民不可使何益於治又問有所聞乎對曰陛下更張法度臣下奉行或非聖意故有便有不便誠能去其不便則天下受福矣除簽書河陽判官從呂大防於長安朝廷五路討西夏雍爲都會事倚以辨調發期會非肯不從使者怒求免大防爲之解元祐初司馬光薦爲左正言新法之能多所論列山陵使蔡確先靈駕而行光處劾其不敬并言章惇欺罔肆辨韓縝挾邪目龍太后嘉其守正令盡言毋有所避遷左司諫與蘇軾不合奏軾發策試館職不當以煇刻二字

加於仁祖難名之盛德神考有爲之善志太后謂詳覽文意是指今百官有司監司守令而言非所以諷祖宗也乃止河北饑持節行視發粟振民議者病以兵儲耗竭改左司員外郎遷太常少卿拜侍御史論蔡確怨謗轉右諫議大夫給事中乞外除集賢殿修撰知亳州召還復爲給事封還劉摯罷相麻制仍落職守亳歲餘徙潞州隣境饑日爲糜以食流民常至暮不暇自食遂感疾猶力出視事因禱兩拜不能興卒年五十八光庭天性純孝丁內外艱廬墓哀毀事叔父如父教諸弟以孝弟後入黨禁胡安國嘗稱公掞與張天祺可謂奮不顧身盡忠許國者矣徽宗立復其官子純之假承務郎

謝良佐字顯道上蔡人與游酢呂大臨楊時號程門四先生登進士爲應城令胡安國提舉湖南學事行部至應城從良佐質弘簡錄 卷一百七十六 八 道學宋九一

疑訪道禮之甚恭每良佐入闕安國必端笏正立目送之徽宗初官京師名對忤旨謫監西京竹木場未震來謁請教曰好待與賢說一部論語震念日刻如此何由盡其講說已而舉子見齊衰者及師見見二章言聖人之道無微顯無內外由應唯進退本末一以貫之一部論語只恁地看其善啓發人類如此餘言載弘道錄不具述後以飛語坐繫詔獄視官卒有所著論語說及門人所記遺語皆行於世

游酢字定夫建陽人自幼不羣讀書過目成誦比壯益自力不爲世儒之習其事親無違交朋友有信與兄醇俱以文行知名所交皆天下豪雋時程頤知扶溝偕頤方倡道學設庠序聚邑人子弟教之名酢職學事欣然從之得其微言登元豐進士調蕭山尉以薦入爲太學錄遷博士以奉親不便求知河陽范純

仁守穎昌辟為府教授歷齊泉二州判官徽宗召為監察御史
累知漢陽軍和舒濠三州卒年七十一子搗提揀提損提拂
其蒞官遇僚吏有恩人樂於自盡無敢慢令者惠政在民戴之
如父母去則見思愈久而不忘頤嘗對楊時稱酢德器粹然問
學日進政事亦絕人朱子言定夫清德重望皎如日星流風餘
韻足以師世範俗有中庸易說詩二南義語孟雉解職于家
張繹字思叔河南壽安人其微年長猶未知學備力于市間
邑官傳呼聲心慕之遂發憤從學初執業艱苦教者憐其志頗
勸勉之旋以文名一旦以科舉之學不足為適程頤歸自洛時
繹年已三十乃往受業頤一見即以頤語喜之妻以族女與尹
焯友善頤嘗言吾晚得二士謂繹與尹焯也又言焯也魯繹也
俊持守恐不及耳嘗讀志士不忘在溝壑勇士不忘喪其元慨
弘簡錄 卷一百七十六 九 道學宋九一

然有得曰人能守此則無不可為之事矣又為座右銘以自警
大觀中新學日興言者誣頤倡為異端焯與繹每左右之後不
仕而卒識者頗惜其早世云

尹焯字彥明源之孫虞部員外郎林之子自少師事程頤嘗教
焯敬以直內退而未達復請益頤曰主一便是敬言敬有甚形
影只收斂身心便是主一旦如到神祠中致敬時其心收斂更
著不得毫髮事非主一而何若用此理身體而力行之則百事
不敢輕為一毫不敢妄作至不習無不利時則更無阻當更無
計較也其篤實守道如此頤投聚徒洛中士大夫皆宗仰之靖
康元年神師道薦其學行可備勸講召至京師不欲留賜號和
靖處士以歸明年金人陷洛園門被害焯處山谷中得免劉豫
以禮聘又恐之以兵焯不從遂自商州奔蜀得頤易傳十卦於

其門人呂稽中又得全本於其壻邢純拜而受之遂止於涪涪
頤諷易地也紹興五年侍讀范冲舉以自代授左宣教郎克崇
政殿說書以疾辭遣漕臣至涪敦遣六年始就道祭頤而後行
至九江聞司諫陳公輔復疏攻頤焯奏臣師頤垂二十年學之
既專信之甚篤今使濫列經筵其所敷繹不過問於師者設欲
舍其所學是欺君父遂留不進宰相張浚上章薦焯令江州守
疾速津送至國門復以疾辭上嘉曰焯可謂恬退矣轉秘書郎
趣起就職八年除秘書少監上語執政劉大中曰焯所學淵源
足為後進矜式班列得老成人亦是朝廷氣象乃以直微猷閣
主管萬壽觀留侍經筵翊善朱震疾亟薦自代趙鼎亦言可以
繼震上曰聞其微猷恐教兒費力爾進太常少卿仍兼說書未
幾權禮部侍郎兼侍讀奏檜議和焯疏言本朝遼金之禍亘古
未聞尚賴祖宗德澤之厚陛下勤撫之至所以億兆之心無有
離異前徽宗寧德凶問遠來莫究不豫之狀天下之人痛心疾
首而陛下方且屈意降志忘不共戴天之讐欲與之和臣竊痛
之又貽檜書言和議一成則彼日益強我日益息侵尋腹削天
下有分崩離析之憂今之上策莫如自治自治之要內則進君
子而遠小人外則賞當功而罰當罪使主上孝弟通於神明道
德成於安疆勿以小智子義而圖大功幸甚疏與檜皆不報焯
固辭新命改徽猷閣待制復奉萬壽觀祠又辭有五當去無一
可留之理以提舉太平觀致仕卒年七十二是時學于程門者
固多君子然求其莊敬仁實質直弘毅不欺暗室於聖人六經
之旨耳順心得如出諸己者蓋鮮故頤嘗曰我死而不失其正
者尹氏子也有論語解及門人問答傳于世

弘簡錄 卷一百七十六 十 道學宋九一

楊時字中立將樂人自少穎異及長天資爽曠不為崖異夸絕之行以求世俗名譽與人交始終如一性至孝幼喪母哀毀如成人事繼母尤謹登熙寧進士調汀州司戶不赴住師程頤及歸頤目送之曰吾道南矣頤卒時設位哭之寢門以訃告同學者後又見程頤於洛時年已四十一日頤偶瞑坐時與游酢侍立不去頤既覺門外雪深一尺矣時嘗疑張載西銘近於兼愛與二程往覆辨論卒聞理一分殊之說杜門力學者十年始出歷知劉陽餘杭蕭山三縣皆有惠政民思之不忘諫官張舜民薦除荆州教授浮沉祿仕不求聞達而德望日重公卿大夫皆尊信之四方之士不遠千里往從之游號曰龜山先生宣和五年蔡京因佛國華薦名赴都堂審察以足疾辭六年再召為秘書郎詔旨致迎既至遷著作郎面對奏曰堯舜允執厥中成湯

弘簡錄

卷一百七十六

十一

道學宋九一

今日之事當以收人心為先人心不附雖有高城深池堅甲利兵不足恃也方田免役毒被海內京城聚斂東南花石其害尤甚禍根不除人誰信之欲致人和亟宜去此三者又上言今勤王兵四集而不立統帥雖李郭以九節度之師不免敗衄况諸路烏合之衆哉至如童貫等死有餘辜朝廷置而不問比開防城仍用閩人覆車之轍不可復蹈疏入除右諫議大夫兼侍講極言三鎮不可割欽宗立復抗疏言金人駐磁相破大名越數千里犯人國都此危道也彼見勤王之師四集亦懼而歸非愛我而不攻朝廷反割三十州之地與之是助寇自攻也又問挾肅王以去此敗盟之大者宜以為問責其負約又姚古救太原擁兵不進疏請誅之皆不報會太學生伏闕訟李綱軍民集者數十萬吳敏乞用時以靖太學時得召對言諸生紛紛忠於朝廷非有他意但擇老成有行誼者為之長貳則將自定上曰無逾於卿遂以時兼國子祭酒首言蔡京人所切齒而論京罪者莫知其所本蓋京以繼述神宗為名實挾王安石以圖身利故推尊無所不至今日之禍安石實啓之當時司馬光嘗言其管當見於數十年之後今已大驗其著為邪說故壞學者心術以塗其耳目者不可縷數姑即一二事明之昔神宗稱美漢文罷露臺事安石乃言陛下能行堯舜之道雖竭天下以自奉不為過其後遂有應奉石花之事又免鷲詩末章所言本謂能持盈守成則祖考安樂之而無後艱安石倡為異說以啓人主侈心謂以道守成者役使羣衆泰而不為驕宰制萬物費而不為侈孰弊弊然以愛為事其邪說流禍至於今日伏望追奪王爵明詔中外毀去配享之像詔從之又言近日褒元祐黨籍未及呂

公著韓維范純仁呂大防安燾言官未及鄒浩皆得次第奉復又著三經義辨請毀三經板時士子獵取科第已數十年不復知其非議論紛紛諫官馮澥上疏力詆時遂乞罷諫省除徽猷閣直學士改待制提舉崇福宮高宗即位召為工部侍郎陞對言自古賢聖之君未有不以典學為務尋兼侍讀三疏乞修建炎會計錄并恤勤王之兵及寬假言者巧外以龍圖閣直學士提舉洞霄宮致仕卒年八十三諡文靖時德器早成淵源有自其推本孟氏性善之說發明中庸大學之道渡江以來東南學者推為程氏正宗晚居諫省僅九十日關王氏排和議其功甚大或者以不屑去疑之蓋淺之也子五人迪力學通經亦嘗師顏最知名

羅從彥字仲素羅源人曾祖文弼祖世南父神繼從彥幼穎悟弘簡錄 卷一百七十六 道學宋九

不為言語文字之學及長嚴毅清苦篤志求道徒步往從楊時授業見三日即驚汗浹背曰不至是幾虛過一生矣時弟子千餘人無及從彥者嘗講易至乾九四爻告以巽聞伊川說甚善從彥即裹糧走洛見而問之頤反覆以告亦不外是乃歸卒業盡得不傳之秘時嘗語以今之學者只為不知為學之方又不學成要何用此須是著力來實見聖賢所得之道若只要博古通今為文章作忠信怨怒不為非義之事則古來如此等人不少且如東漢處士名節有聞者多責以古聖賢之道則畧無毫髮相似以彼於道初未有聞故也方今學者平居則曰吾當為古人之所為纔有事到手便措置不得由是觀之學而不聞道猶不學也又嘗教學者讀書之法以身體之以心驗之從容默會於幽閒靜一之中超然自得於書言象意之表蓋其所得

者如此時之堦沙縣陳淵嘗謂之必竟日乃返語人曰自吾交仲素日聞所不聞其與學清節真南州冠冕既而禁室羅浮山中絕意仕進終日端坐以體驗天地萬物之理間謁時將樂溪上吟咏而歸克然自得著遺堯錄述祖宗以來宏規懿範及名臣碩輔論建謨畫下至元豐功利之人紛更憲度貽患國家撤要提綱無非理亂安危之大其論治曰祖宗法度不可廢德澤不可恃廢法度則變亂之事起恃德澤則驕佚之心生自古德澤最厚莫若堯舜苟為可恃必傳其子文武成康法度至明向使子孫世守其遺緒雖至今存可也又曰君子在朝則天下治蓋君子常有亂世之言使人主多憂而善心生故治小人在朝則天下亂蓋小人惟效治世之言使人主多樂而怠心生故亂又曰天下之變不起於四方而起於朝廷譬如人傷元氣則寒暑易侵木傷蠹蝕則風雨易折故內有林甫盧杞之姦則外必有祿山朱泚之亂論士行曰周孔之心使人明道學者果能明道則周孔之心深自得之上世人才惟能如是故視死生去就如寒暑晝夜之常而忠義行之者易至漢董仲舒公孫弘倡言經術唐韓愈柳宗元誇尚古文二者漸失周孔之心於是明道者寡視死生去就如萬鈞九鼎之重而忠義行之者難其議論醇正類此晚始就特科授博羅主簿卒於官年六十四世稱豫章先生淳祐間諡文質一子敦敘

弘簡錄 卷一百七十六 道學宋九

李侗字愿中劍浦人曾祖幹屯田郎中祖纁朝散大夫父漁朝奉郎侗生有異稟幼而穎悟及長孝友謹篤遊黌校有聲聞羅從彥得河洛之學以書謁之畧曰道可以治心猶食可以充飽衣可以禦寒也人有迫於饑寒之患者皇皇焉謀之造次顛沛

其心嘗在於衣食至於心之不治有沒世不知慮者何不自量
 知其儒有作誠存愛慕心甚口體今生二十四歲茫乎未知所
 止燭理未明而是非無以辨宅心不廣而喜怒易以搖操履不
 完而悔吝多精神不克而智巧襲朝夕恐懼不啻於饑寒切身
 急求克儉禦寒之具也從遊累年從彥授以春秋中府語孟之
 說嘗令伺於靜中看喜怒哀樂未發前氣象而求所謂中者久
 之於天下之理曲折萬變該攝洞貫以次融釋各有條序從彥
 亟稱許焉何事規誠孝左右無違仲兄性剛多忤能得其懽心
 閉門內外夷愉肅穆若無人聲而衆事自理姻戚或貧艱於婚
 嫁為經理振助之與鄉人處飲食言笑宴如也接後學隨其淺
 深必語以反身自得其旨曰學問之道不在多言但默坐澄心
 體認天理若得自然發見雖有私欲之心亦退聽矣又曰學者
 弘簡錄 卷一百七十六 五 道學宋九一
 之病在於未有灑然冰釋處雖以孔門諸子交相切磋日用之
 間觀感而化多矣至於融釋脫落處恐非言說所及又曰讀書
 者知其所言莫非吾事迺即吾身以求之則凡聖賢所至而吾
 所未至者皆可勉而進矣又曰講學切在深潛緘密然後氣味
 深長踐徑不差若槩以理而不察其分之殊此所以流於疑似
 亂真之說而不自知也每誦黃庭堅稱周茂叔胸中灑落如光
 風霽月為善形容有道者氣象顧謂學者存此於胸中庶幾遇
 事廓然義理少進其語中庸一篇指要在中者天下之大本必
 也體之於身實見是理若顏子卓爾之歎然後擴克而往無所
 不通庶可以言中庸矣春秋所難言者乃是一事各發明一例
 如觀山涉水跬步而形勢不同不可拘以一法常人之心初未
 到聖人灑然處豈皆能無失耶其閑居若無意當世而傷時焉

國論事感激謂今日三綱不振義利不分人心邪僻不堪任用
 是致上下之氣間隔而中國日衰主勢日孤人主當於此留意
 不然立見敗亡雖有粟吾得而食諸朱熹父松與侗為同門友
 雅重之沙縣節廸每言愿中如冰壺秋月澄徹無瑕松歎以為
 知言熹自同安歸不遠數百里往從學焉子友直信甫皆登進
 士試吏粵郡更請迎養歸道武夷會園帥汪應辰來迎因往見
 之至日疾作遂卒年七十一信甫仕至監察御史知衢州擢廣
 東江東提刑以特立不容於朝
 譙定字天授涪陵人少喜佛後學易于郭義氏郭氏世家南平
 始祖在漢為嚴君平之師蓋象數之學也定後至京聞程頤講
 道于洛特潔衣往見盡棄其學而學焉得聞精義造詣深至浩
 然而歸適顯貶涪陵相與游泳北山之巖涪人名之曰讀易巖
 弘簡錄 卷一百七十六 六 道學宋九一
 靖康初呂好問薦于欽宗名為崇政殿說書以論弗合辭不就
 高宗即位右丞許翰又薦時定在汴詔宗澤津遣至維揚寓舍
 宴甚與中貴人隣餽以衣食不受潛委金去定袖而歸之其操
 守自立類此上將擢用會金兵至不果定復歸蜀愛青城火峽
 之勝棲遲其中蜀人敬禮不敢名稱之曰譙夫子指所居曰譙
 巖卒之日有繪像祀之者後以易學授劉勉之胡憲而馮時行
 張行成則得定之餘意者也
 劉勉之字致中崇安人自幼強學日誦數千言與胡憲同鄉舉
 入太學自蔡京後伊洛之書不傳有求得之者每深夜伺同舍
 生皆寐偕憲潛抄而默誦之已而厥科舉業歸見楊時講學即
 近郊結草為堂力耕自給澹然無求於世與劉子翬往來日以
 講論切磋為事紹興間呂本中疏其行義志業特召詣闕奏檜

慮其持正論不肯引見但令策試後省勉之知時不合即謝病歸杜門不復出學者踵至隨其材品為開說聖賢教學之門前

言往行之懿所居白水鄉人稱白水先生賢士大夫自趙鼎以下皆敬慕焉卒年五十九生平篤於友義不妄取與婦家富無子謀歸其貲不受令界族之賢者命之奉祀其友朱松屬以後事為經理其家誨其子熹如子姪熹之得道自勉之始也

劉子弘字彥冲幹仲子以父任授承務郎辟真定府幕屬痛父死幾不能生廬墓三年服除通判興化軍寇犯閩境與郡將張當世畫計備禦賊不敢犯以執喪致廢疾不堪吏事辭歸武夷山間走父墓下瞻望徘徊涕泗嗚咽或累口而返妻死不再娶事繼母呂氏及兄子羽盡孝友姪珙英敏嗜學教之不懈所與遊皆海內知名士朱松且死以子熹托之毋相見講學之外並

無雜言其期以任重致遠者惟熹而已少喜佛歸而讀易渙然有得以為學易莫先於復而初九乃其工夫之要熹嘗請益即告以不遠復三言仰佩之終身乃已所得者一日感微疾謁家廟泣別其母與親朋訣付珙家事指已所葬處并處親戚孤弱之無告者訓學徒修身求道凡數百言後二日卒年四十七學者稱為屏山先生

弘簡錄 卷一百七十六 道學宋九一

致俾參學政其徒大化凡七年不徙官以母年高求監南嶽廟久之起為福建安撫司屬官撫帥張宗元嚴禁私鹽雖錄兩亦重坐愆因告以為政大體宗元不悅力請祠當察檄專權諸賢零落遂不復出檜死名為大理司直至秘書正字奏金人大治汴京宮室勢必敗盟元臣宿將非張浚劉錡莫能當之兩入方為積毀所傷未敢顯言其常用者憲獨言之供職僅半載即奉祠歸卒年七十七學者稱為精溪先生

魏揆之字子實建陽人幼有大志嘗師胡憲登鄉舉禮部不第遂不復出築室讀書榜以良齋自稱良齋先生汪應辰薦其賢乾道中詔舉遺逸刺史芮晔復表其行誼召之揆之力辭陳俊卿雅知揆之招致甚力乃以布衣陳當時之務勸上修德業正人心養士氣為恢復之本上嘉納之賜同進士出身守太學錄

先時學官養望自高不與諸生接揆之至即增葺學舍日進而教誨之人咸感勵未半歲請廢王安石父子從祀追爵程顥程頤不報又請罷詞賦空言取人宜以德行經術為先其次則通習世務亦不報喟然嘆曰上恩深如此而吾德學不足以感悟聖意遂丐去會倖臣會觀名選復累疏諫遺書陳俊卿責其不能揆止語甚切至罷為台州教授觀至國門外已久住于龍山伺揆之去乃敢入既歸日君良齋條理舊聞以求其所未至平居謹喪祭重禮法有從父客于南揆之千里迎養既死葬之如禮仍字其孤建俗多生于不舉揆之為文以戒全活者眾有不葬親者為白于官與之期約貧者周之無後者掩之遇歲饑為粥以飼依古法夏貸冬取自此諸鄉始立社會與人交嘉其善而抹其失接後進以禮苟有寸長必推挽而成就之惟昔其或

弘簡錄 卷一百七十六 道學宋九一

一萬二千... 續修四庫全書 史部 別史類

近於名病革毋視之尚不中不見戒其子勿以僧巫俗禮況我
素與朱熹遊名至委以後事而卒年五十八贈直學士直秘閣
平日趨向與熹相同乾道中熹被名將行間拔之去國乃止
林光朝字謙之莆田人自少聞吳中陸子正學於尹焯因往從
之由是專心聖賢踐履之學通六經貫百氏言動必以禮四方
來學者亡慮數百人南渡後始倡伊洛之學於東南然未嘗著
書惟口授學者使之心通理解嘗曰道之本體全於太虛六經
既發明之後世註解已涉支離若復增加道愈遠矣隆興元年
年五十始進士及第調袁州司戶參軍與劉朔咸以名儒薦對
論龍大淵會觀罪改左承奉郎知永福縣大臣復薦名試館職
為秘書正字兼國史編修實錄檢討歷著作佐郎禮部郎官國
子司業兼太子侍讀因不往賀樞密張說出為廣西提點刑獄
弘簡錄 卷一百七十六 九 道學宋九一

移廣東荆湘茶寇為亂剽江西薄嶺南其鋒銳甚光朝乃自將
郡兵檄摧鋒統制路海鈐轄黃進各以軍分控要害會徙轉運
副使留屯不去督二將遮擊連敗之賊驚懼宵遁帝聞喜其儒
生知兵加直寶謨閣名拜國子祭酒兼太子左諭德駕幸國子
監命光朝講中庸稱善面賜金紫不數日除中書舍人封還會
觀所薦謝廓然內批改工部侍郎不拜以集英殿修撰出知婺
州士論大服因引疾提舉興國宮卒年六十五

冊曰有宋道學肇自元公曰純曰正龍德之中有開有繼
人關其風於千萬年仰止日崇

弘簡錄卷一百七十六 終

弘簡錄卷一百七十七

明刑部員外郎仁和弘齋邵經邦學

皇清翰林院侍講學士四世孫遠平校閱

道學 宋九之二

張載 弟 張栻

呂大鈞

邵雍

李之才

陳亮

朱熹 父 呂祖謙

林之奇

陳亮

張載字子厚先世家大梁祖復真宗朝之給事中集賢學士父
迪仁宗朝為殿中丞知涪州早卒遂不能歸倚寓郟縣橫
渠嶺之南載自幼志節不羣孤獨自立無所不學兼喜談兵康
定間年十八慨然以功名自許為特闕范仲淹一見知其遠器
欲成就之誓曰名教中自有可樂何事於兵因勸讀中庸載以
為未足又訪諸釋老累年知無所得乃反而求之六經嘗於京

弘簡錄

卷一百七十七

道學宋九二

師坐虎皮講易聽從者衆一夕二程至與論易有得語人曰此
見二程深明易道吾所弗及汝輩可往師之翌日命撤坐輟講
益與二程論道學之要既罷油然而自信曰吾道自足何事旁求
盡棄異學淳如也嘗曰吾學既得于心則修其辭命辭無差然
後斷事斷事無失吾乃沛然又曰此道自孟子後千有餘歲若
天不欲此道復明則不使今人有知既使人有知則必有復明
之理其以道自任如此登進士調雲巖令以敦本善俗為政每
月吉名鄉里高年會于庭使人知養老事長之義問民疾苦及
訓戒子弟呂公著薦于神宗召見訪問治道對曰為政必法三
代不然終小道也授崇文院校書安石又問新政告曰公與人
為善則人以善歸公如教玉人追琢玉則宜有不受命者安石
默然遂引疾歸屏居南山下敝衣蔬食危坐一室左圖右書俯

讀仰思有得則識之或中夜起坐取燭以記其志道精思未始須臾息亦未嘗須臾忘也與諸生講學務先以禮每告以知禮成性變化氣質之道必求如聖人而後已自秦漢以來學者大弊在知人而不知天求為賢人而不求為聖人呂大防薦其善發明聖人之遺旨始終不渝可復古宜還其舊職以備咨訪乃詔知太常禮院又與有司議禮不合仍引歸中道疾甚沐浴更衣而卒年五十八學士許將乞加贈卹詔賜一子館職生平尊禮貴德樂天安命以易為宗以中庸為體以孔孟為師法黜惟妄辨鬼神婚喪祭統未始主老意而傳以今禮嘗講上古井田之制欲買田一區畫為數井上不失公家賦役退與其徒正經界分宅里立斂法廣儲蓄以及學校之法皆條理成書使可舉而措諸事業世稱為橫渠先生所著正蒙西銘至今尊之

弘簡錄 卷一百七十七 三 通學宋九二

嘉定十三年賜諡明公淳祐元年封郡伯從祀孔子廟庭 弟戢字天祺登進士調閩鄉簿知金堂縣誠心愛民養老恤窮勸以孝弟人化其德有小善皆籍記之所至獄訟日少熙寧初為監察御史襄行論新政言曾公亮陳升之趙抃依違不能救正韓絳左右徇從李定邪詭隨芽孽漸盛呂惠卿刻薄辨給假經術以文姦言豈宜勸諸君側書數十上又請中書爭之王安石舉扇掩面而笑戢曰戢之狂直宜為公笑然天下笑公者不少矣遂稱病待罪出知公安徙監司竹監既至舉家日食不敢川笋其介德如此年四十七卒于官

蘇炳字季明武功人素性純茂強學篤志行年四十不求仕進從張載學最久覽其文為十七篇自謂最知大旨秦中賢士大夫多稱之後見二程復師事以卒其業元祐末呂大中以布衣

薦為太常博士元符中炳上書言事得罪入黨籍邪等編管饒州退洛館于尹焯之家願訪焉問當初上書為國家計耶為身計耶炳曰為國家計耳忻然赴貶所尋卒

呂大鈞字和叔大防之弟登進士乙科與張載同年時正學廢絕自載倡之後進蔽於俗尚無有和者大鈞獨心悅誠服執弟子之禮叩請日無厭倦久乃益親其學以誠明為本禮樂為用能守其師說而踐履之初授秦州司理改光祿寺丞知三原縣因父黃知果州乞代入蜀移知巴西縣黃致仕大鈞亦移疾不行韓絳曾公亮辟薦皆不赴居父憂一倣古禮不混習俗遠近之人習而安之服除不復有仕進意久乃起為諸王府教授大防知永興大鈞求監鳳翔船務改宣義郎種諤伐西夏運使李稷檄大鈞為從事餽餉不繼諤將斬稷大鈞見諤以大義請讓

弘簡錄 卷一百七十七 三 通學宋九二

之諤為之屈未幾道得疾卒年五十二子義山傳其父學 弟大臨字與叔共事張載固守其學閉居必儼然危坐所養深潛縝密博極羣書言論如不出諸口其行以聖賢為法臨政愛民文章幾及古人薄不肯為載卒東見二程卒業焉初以門蔭入仕復登科甲元祐中為太學博士遷祕書正字嘗論選舉曰古之選士以長育人才惟恐士之不多今之舉選以拔擢為恩惟恐士之不寡古以禮聘士故常恐其不至今以法待士故常患其爭趨願立士規以養德厲行更學制以育才進藝定貢法以取賢興能嚴舉法以覈實得人制考法以責任考功庶幾可漸復古識者魁之范祖禹薦其篤信好學修身如古人可備勸學未及用而卒所著有易詩禮中庸說行世子一省山

邵雍字堯夫其先范陽人幼從父古徙共城布裘蔬食躬爨以

養年三十始至洛父喪哀毀盡禮葬父伊水上遂家河南雍英
資天挺慨慷有大志始學於蕪門山百源之上堅苦刻厲
熾暑不扇夜不就席者數年已而歎曰昔人尚友千古而
未及四方乃踰河汾涉淮漢周流齊魯宋鄭之墟久之憤
歸曰道在是矣遂不復出得北海李之才之傳探賾索隱妙悟
神契常著論曰先天之學心法也萬化萬事何莫不由心生心
者理與數之會也吾觀天地間動者為天天有陰陽其中又分
太少二者太陽為日太陰為月少陽為星少陰為辰是為天之
四象日為晷月為寒星為晝辰為夜四者天之所變也晷變物
之性寒變物之情晝變物之形夜變物之體萬物之所以感於
天之變也靜者為地地有剛柔其中又分太少二者太柔為水
太剛為火少柔為土少剛為石是為地之四象水為雨火為風
土為露石為雷四者地之所化也雨化物之走風化物之飛露
化物之草雷化物之木萬物之所以應於地之化也自此而性
情形體參伍錯綜此天地變化而生萬物也萬物感於天之變
性者善口情者善耳形者善鼻體者善口應於地之化飛者善
色走者善聲木者善氣草者善味其所感各有不同故其所善
亦有異至於人則得天地之全善寒晝夜無不變雨風露雷無
不化性情形體無不感走飛草木無不應目善萬物之色耳善
萬物之聲鼻善萬物之氣口善萬物之味蓋天地萬物皆陰陽
剛柔之分人則兼備乎陰陽剛柔故靈於萬物而能與天地參
也人而能與天地參故天地之變有元會運世而人事之變亦
有皇帝王伯元會運世有春夏秋冬為生長收藏皇帝王伯有
易書詩春秋為道德功力是故元會運世春夏秋冬生長收藏

弘簡錄 卷一百七十七 道學宋九二

各相因而為十六皇帝王伯易書詩春秋道德功力亦各相因
而為十六十六者四象相因之數也凡天地之變化萬物之感
應古今之因革損益皆不出乎此而天地之道畢矣其言凡十
餘萬世鮮有知其道者嘉祐中王拱辰以遺逸應詔授將作監
簿穎州團練推官皆固辭不至居嘗蓬草環堵不芘風雨而怡
然有所甚樂外人莫能窺也歲時耕稼僅給衣食名其居曰安
樂窩自號安樂先生旦則焚香靜坐脯時酌酒三四甌微醺即
止典至哦詩自娛遇春秋出遊城中一人挽小車惟意所適士
大夫家爭相迎候下至童僮厮僕皆驩相語曰吾家先生至矣
或留信宿乃去好事者別作屋如雍所居以候其至名曰行窩
仕宦道洛者或不之公府必之雍一時賢者悅其德不賢者服
其化熙寧新法行州縣吏多投劾去門生故友皆貽書訪雍雍
曰此賢者所當盡力之時新法固嚴能寬一分財民受一分賜
矣投劾何益耶熙寧十年卒年六十七贈秘書省著作郎元祐
中賜諡康節生平清而不激和而不流與人交久益尊信程顥
初待其父識雍論議退而歎曰堯夫內聖外王之學也雍知感
絕人遇事能前知程頤常曰其心虛明自能知之好事者務高
其所為至謂雍有玩世意又謂雍能於凡物聲氣之所感觸輒
以其動而推其變焉於是撫事之已然者皆以雍言先之或者
未必然也臥病時司馬光張載二程晨夕候之卒葬先塋顯為
銘墓稱其道純一不雜就其所至可謂安且成矣所著有皇極
經世觀物內外篇漁樵問對擊壤集子伯溫仲良 伯溫字子
文以河南尹與部使者薦特授大名助教調長子縣尉改西京
教授初司馬康素以伯溫為可託康卒子植幼伯溫至官進植

弘簡錄 卷一百七十七 道學宋五二

誨之曰溫公之孫大諫之子賢愚在天下可畏也康受教力學不懈卒有立伯溫秩滿當赴闕章惇方用事以嘗事康節欲用之至則先就吏部擬官而後見惇除監永興鑄錢監方西邊用兵從惇者得累數階伯溫以職事當行輒推同列秩滿惇猶在位伯溫義不入京從外臺辟環慶帥幕應詔日食上書徽宗累數千言大要復祖宗制度辨宣仁誣謗解元祐黨劾分君子小人戒勞民用兵語極懇至後入邪等出監西嶽廟久之歷靈寶芮城二縣毋愛服除主管永興軍耀州三白果公事復避童貫移知果州請蠲歲輸瀘南諸州綾絹絲綿以寬民力擢提點成都路刑獄盡載家屬以往會賊史斌破武休關踰漢利州將窺劍門伯溫與帥臣盧法原合謀拒守賊不能入蜀人德之後終利路轉運副使提舉太平觀年七十八嘗論元祐紹聖之政曰

弘簡錄 卷一百七十七 六 道學宋九二

公卿大夫當知國體以蔡確姦邪投之死地有何足惜然君為宰相當以厚待此事惟范忠宣有文正餘風故深知之恒欲薄確罪言既不用退而行詞命然後去乃仁人長者之用心也劉摯梁燾王巖叟劉安世忠直有餘然疾惡已甚不能無過以貽後日縉紳之禍由不知國體故也趙鼎少從伯溫遊紹興中鼎為相乞行追錄贈祕閣修撰所著有河南集邵氏聞見錄皇極系迹宣仁辨誣辨惑皇極經世序觀物內外篇解近百卷三子洵徽猷閣待制博祕書郎傳朝請知郡

冊曰天挺人豪實惟我祖方盛知衰可行且止在洛居安避蜀全美始厥孫謀千古昆倚

李之才字挺之青社人少時能為古文章語直意遂不肆不窘足以踴及前輩既而師事河南穆脩受其易學脩受之種放放

受之陳搏源流最遠其圖書象數變通之妙秦漢以來鮮有知者之才登天聖進士主衛州獲嘉縣簿權共城令躬叩邵雍之門知其好學篤志亟勞苦之雍言簡策之外未有所通之才曰君非迹簡策者其問物理之學乎他日又曰物理通矣不有性命之學乎雍再拜願受業乃先示以陸淳春秋欲以表儀五經俟可語五經大旨則授易而終焉雍後竟以易名世之才為人朴直自信無少矯厲器雖大難乎識者棲遲久不調或勸宜少貶以圖進獨石延年謂曰時不足以容君盍不早棄再調孟州司法參軍州守范雍亦莫之知會雍建節延安人皆遠送出境之才獨以故事別于近郊雍後謫安陸見之洛陽前送者曾無一來雍始恨相知之晚尹洙因延年薦於中書舍人葉道卿稱其年幾強仕安於卑位無仕進意其才又達世務使少用於世

弘簡錄 卷一百七十七 七 道學宋九二

必過人遠甚恨貧不能決意而歸知之者當共成之延年又謂今業文好古之士至鮮且不張苟遺若人其學益衰道卿乃薦之改大理寺丞為緱氏令未行會延年募兵河東辟為澤州判官授劉義叟以曆法轉殿中丞母憂除喪暴卒邵雍表其墓曰聞道君子 劉義叟字仲更澤州人從學李之才強記多識精於算術兼通大衍諸曆初試大理評事權趙州軍事判官歐陽脩薦其學術令專脩唐史律曆天文五行志母喪就家編纂改著作佐郎書成擢崇文院檢討皇祐五年日食心適遇胡瑗鑄鍾弁而直聲鬱不發又陝西鑄大錢占與周景王時同義叟言此所謂害金再興上將感心腹之疾已而仁宗果不豫又月入太微占後宮當有喪未幾張貴妃薨至和元年日食正陽客星出于昴應在契丹宗真果死世稱其曆法遠出古今有楊雄張

衡所未喻者實之才授之也已未嘗病自言及秋必死擇地於
父冢旁以語其妻至期果卒妻如其言葬之所著有十三代史
志劉氏輯曆春秋災異諸書

朱熹字元晦婺源人父松依其友劉子羽寓建之崇安松字喬
年第進士胡世將謝克家薦除秘書正字趙鼎為相進校書著
作郎常同又薦陞度支員外郎史館校勘歷司勳吏部郎中以
論和議忤秦檜風御史言松懷異自賢出知饒州未上卒熹幼
穎悟甫能言父指天示之曰天也熹問天之上有何物父異之
授以孝經題其端曰不如是非人也嘗從羣兒戲沙上端坐以
指畫為八卦慨然有求道之志年十八貢于鄉登進士調同安
簿選秀民充弟子員日與講說聖賢修己治人之道禁女婦出
家為僧道旋請祠監漳州南嶽廟孝宗即位三上書首言帝王
弘簡錄 卷一百七十七 八 道學宋九二

君父之誓不共戴天今所當為者非戰無以復誓非守無以制
勝因陳古先聖王強本折衝威制遠人之道除武學博士既而
與洪适論和不合丐歸乾道三年陳俊卿劉珙薦為密院編修
內艱免喪梁克家特申前命又辭詔獎熹安貧守道廉退可嘉
改主管台州崇道觀熹自以求退得進於義未安再辭淳熙元
年始拜命龔茂良薦授秘書郎力辭復主管武夷山冲佑觀五
年史浩起知南康軍至郡典利除害值歲旱講求荒政勸人出
粟多所全活訖事奏乞依格推賞問該郡學引進士子與之講
論奏復白鹿洞書院創立學規人皆遵守明年大旱應詔條具
民間利病熹上疏畧曰人君恤民之本在正心術以立紀綱然
而天下之紀綱不能以自立必入主之心術公平正大無偏無
黨然後有所繫而立君心亦不能自正必親賢臣遠小人講明
弘簡錄 卷一百七十七 九 道學宋九二

義理之歸閉塞私邪之路然後乃可得而正今宰相臺省師傅
賓友諫諍之臣皆失其職陛下獨與一二近習之臣朝夕謀議
上以蠱惑心志使陛下不信先王之大道而悅於功利之卑說
不樂壯士之讜言而安於私替之鄙態下則招集天下之嗜利
無恥者文武彙分各私其所喜則陰為引援擢其清顯所惡
則密行毀毀公肆排排交通貨賂益弄威福所謂宰傳賓諫反
出其門猶承望其風旨其幸能自立者亦不過齷齪自守未嘗
敢一言斥之其甚畏公論者畧嘗逐其徒黨既不能深有所傷
亦不敢正言以擣其囊藥窟穴之所在勢成威立使號令翻步
不復出於朝廷而出於一二人之門名為陛下獨斷而實此輩
陰執其柄上讀之怒曰是以我為亡也熹引疾請祠陳俊卿薦
之甚力趙雄為帝言士多好名陛下疾之愈甚則人譽之愈多

無乃適所以高之不若因用其長使漸當事任能否自見上以爲然除提舉江西常平茶鹽公事錄前救荒之勞加直祕閣辭以所奏出粟人未推賞俟賞行始受職入對首陳災異之由與修德任人之說言陛下初常選拔英豪任以政事不幸其間不能盡得其人又不復廣取賢哲而姑取軟熟易制者以充其位於是左右私褻使令之賤始得以奉燕閑備驅使而宰相之權日輕陛下又慮其勢有所偏重因以壘已復時聽外廷之論將以陰察此輩之負犯而操切之陛下既未能循天理公聖心以正朝廷之大體而又欲兼聽士大夫之言以爲駕馭之術不知士大夫之進見有時其禮貌既莊而難親其議論又苦而難入執若近習從容無間其便嬖側媚既足以蠱心志而狡猾附會又足以眩聰明是以雖欲微抑此輩而內勢日重雖欲兼采公

私簡錄 卷一百七十七 十一 通學錄九二

論而外勢日輕重者既挾以滿其所欲輕者又借以恣其浸淫惟陛下下無所得獨受其弊何怪德業日墮綱紀日壞邪佞充塞貨賂公行兵愁民怨盜賊間作災異數見饑饉荐臻乎上爲動容會近郊大饑宰相王淮奏改浙東提舉即日單車就道移書他郡募米商蠲其征比至則米舟腐集矣熹又日鉤訪民隱按行郡縣官吏憚其風采多自引去所部肅然釐革丁錢和買役法惟酷政有不便於民者隨事處畫必爲經久之計上語王淮曰熹之政事却有可觀時蝗旱相仍前後奏請稍緩後時熹不勝愛憤復奏爲今之計獨有斷自聖心沛然發號責躬求言其次盡出內庫之錢以供大禮之費爲收糴之本詔戶部免徵舊負漕臣依條檢放宰職沙汰被災路分州軍監司守臣之無狀者各選賢能責以荒政庶幾猶足以結人心消其乘時作亂

之意不然臣恐所憂者不止於饑殍而將在於盜賊蒙害者不止於郡縣而上及於國家也熹行部至台州台民悉知州唐仲友者以百數熹訊得其實連上章劾之上令浙西提刑委清強官究實王淮與仲友同里且姻家頗忿怒不得已奪仲友江西提刑新命轉以授熹辭不肯拜乞奉祠適陳賈除御史借鄆丙力詆程氏之學且以沮熹指言近日有所謂道學者大率假名以濟僞願考察其人擯棄勿用遂奉崇道祠者五年淮罷則必大相除熹提點江西刑獄入奏言近年刑獄失當經總制錢病民及江西諸州科罰積弊而其末言陛下即位二十七年因循荏苒無尺寸之效何以仰酬聖志嘗反覆思之無乃陛下天理有所未純人欲有所未盡爲善不能充其量除惡不能去其根公私邪正是非得失之機交戰於中故體貌大臣非不厚而便

私簡錄 卷一百七十七 十一 通學錄九二

嬖側媚反居腹心寤寐英豪非不切而柔邪庸繆反叨政柄非不樂公議正論而有所不容非不聖讓說殄行而未免誤聽非不欲報復讐恥而未免畏怯苟安非不欲愛養生靈而未免歎息愁怨願陛下自今以往一念之頃必謹而察之果天理耶敬以充之不使少有壅闕果人欲耶敬以克之不使少有凝滯聖心洞然中外融徹無一毫之私欲得以介乎其間而後天下之事將惟所欲爲無不如志矣初熹赴名或勸以正心誠意之論上所厭聞願勿爲言答曰吾平生所學惟此四字豈可隱默以欺君乎及奏上諭久不見卿今當處清要不復以州縣爲煩也除兵部郎官以足疾辭丐依舊職改直寶文閣主管嵩山崇福宮又上封事言天下大本者一今日急務者六古先聖王兢兢業業持守此心凡飲食衣服器用財賄與夫宦官宮妾之政無

一不領於豪宰使其左右前後一動一靜無不制以有司之法而不得隱其毫髮之私陛下果有如此之功乎宮省事禁臣固不得而知至於左右近習前所而陳者雖蒙聖慈開諭然自王非既逐之後諸將差除多出此人之手陛下竭民膏血以奉軍儲士願未嘗得一温飽皆將帥巧為名色奪取其糧以圖進用至使宰相不得議制置得失給諫不得論除授是非則陛下所以正心以正朝廷者未能如古聖王也至於輔翼太子惟王十朋陳良翰能稱職此後不過邪佞薄庸妄之輩所講所讀姑以應文備數未聞有箴規之効師傳賓客既不復置詹事庶子有名無實其左右春坊直以宦官數輩從容朝夕陪侍遊燕既無以發其隆師親友尊德樂義之心又無以防其戲慢蝶狎奇衺雜進之害非所以嚴豫教也至選任大臣必得剛明公正弘簡錄 卷一百七十七 主 趙學宋九二

之人而後可任天下之事陛下豈不知之直以左右便嬖恐妨已事多方排擠惟取疲懦軟熟平日不敢直言正色臨事決可保其不至妨已然後任之是以除書未出物色先定姓名未顯中外逆知必非天下第一流人物矣至於振肅紀綱變化風俗則今日宮省之間禁密之地天下不公之道不正之人反皆得以窟穴盤據於其間其所以薰蒸銷鍊使陛下目見耳聞無非不公不正之事好善之心不著疾惡之意不深雖有作姦犯法未能深剖私愛勇付外廷是以紀綱廢於上風俗弊於下甚者金珠為脯醢宰相可嚼則嚼宰相近習可通則通近習惟得之求無復廉恥有一剛毅正直守道循理之士羣議衆排指為道學加以矯激之罪必使無所容身而後已此豈治世之事哉若夫愛養民力修明軍政則自虞允文為相盡取版曹歲入窠名

之必可指擬者號為歲終羨餘之數輸之內帑顧以有名無實積累挂欠不可催理者撥還版曹使經費闕乏督促日峻中外承風競為苛急而內帑之積二十餘年以來認為私貯典以私人宰相不得節其出入版曹不得考其存亡日銷月耗以奉燕私之費此民力之所以重困也凡諸將求進必先指尅士卒以自結於權倖而後姓名達於貴將貴將以付之軍中使自什伍而上節次保明稱其材武然後具奏陛下但見等級推先案牘具備誠以為公薦豈知其論價輸錢為債帥哉彼有智勇材畧之人孰肯抑心下氣於宦官宮妾之門而陛下所得以為將帥者皆庸夫走卒而猶望其修明軍政激勸士卒以強國勢豈不誤哉凡此六事皆不可緩而本在於陛下之一心一心正則六事無有不正否則徒為文具而天下事愈不可為矣疏入夜漏弘簡錄 卷一百七十七 主 趙學宋九二

下七刻上已就寢亟起秉燭讀之終篇明日除主管中太一宮兼崇政殿說書力辭改祕閣修撰奉外祠光宗即位降詔獎諭擢知漳州奏罷屬縣無名之賦七百萬減總制錢四百萬俗未知禮揭古喪葬嫁娶之儀以示禁男女傳經聚僧廬為會及女不嫁而巷居者會朝議欲行泉汀漳三州經界熹乃訪事宏擇人物及方量之法上之後不果行子喪請祠復主管南京鴻慶宮翊善黃裳自言學不及熹與彭龜年奏乞召為宮僚留正謂非不知熹恐其性剛不合反為累耳乃差知潭州申勅屬郡令嚴武備遣人論洞獠以禍福職姦吏抑豪民所至與學明教四方學者羣至寧宗即位趙汝愚首薦赴行在因奏太皇太后躬定大策陛下寅紹丕圖前日未嘗有求位之心今日未嘗忘思親之念願充未嘗求位之心以盡負罪引隱之意充未嘗忘

親之心以致溫清定省之禮會趙彥逾按視山陵言會稽土肉
 淺薄下有水石孫遂吉裂按別求吉兆有旨集議上言壽皇聖
 德衣冠之藏當博訪名山不宜偏信臺史委之水泉沙礫之中
 不報有旨修葺東宮欲徙居之燕奕此必左右近習倡為邪說
 以誤陛下而欲因以遂其姦心臣恐不惟無以感格太上皇帝
 之心亦恐壽皇在殯興作土木神靈或有未安又聞太上皇帝
 懼忤太上聖意不欲其聞太上之稱又不欲聞內禪之說此又
 慮之過者父子大倫三綱所繫久而不圖將有借其名以造謗
 生事者此又臣所大懼願陛下明詔大臣首能修葺回就慈福
 重華之間草創寢殿使處可居又願下詔自責減省與衛過宮
 之日斬髮服色如唐肅宗改服紫袍執控馬前以伸負罪引慝
 之誠則太上雖有忿怒之情亦且霍然消散至若朝廷紀綱則
 弘簡錄 卷一百七十七 四 通雅卷九

願嚴詔左右勿預其實有勲庸而褒賞未愜者並詔大臣公議
 其事稽考令典厚報其勞凡號令之弛張人才之進退一以委
 之大臣使反覆較量酌取公道繳駁論難擇其善者稱制臨決
 則不惟近習不得干預朝權大臣不得專任已私而陛下亦得
 以明習天下之事而無所疑於得失之算矣疏入不報又勉上
 進德疏言願陛下於日用之間以求放心為之本玩經史近儒
 學數名大臣切劘治道羣臣進對賜以溫顏反覆詢訪以求政
 事之得失民情之休戚而因以察其人才之邪正短長庶於天
 下之事各得其理又奏禮經與勅令子為父嫡孫為祖父皆斬
 衰三年嫡子為其父後不能襲位執喪則嫡孫繼統代之執喪
 自漢文之後獨我壽聖皇帝超出萬古陛下以世嫡承重服制
 宜遵壽皇一時倉卒不及詳議遂用漆紗淺黃之服不惟上違

禮律且使先志之美舉而復墜臣竊痛之然既往之失不及追
 將來啓殯發引禮當復用初喪之服會孝廟升祔復議迭毀之
 制孫達吉會三復請併祧傳宣二祖奉太祖居第一室裕祭則
 正東向之位嘉以為藏之夾室則是以祖宗之主下藏於子孫
 之室神宗既奉傳廟以為始祖所謂有舉之而莫敢廢者不聽
 除為國史實錄院同修撰辭不允上疏論劾韓侂胄居中用事
 防微杜漸間不可忽御批惻卿者艾恐難立講可除宮觀以為
 寶文閣待制固辭州郡差遣依舊提舉鴻慶宮沈繼祖誣以十
 罪落職罷祠慶元五年致仕六年三月卒年七十一臨沒正坐
 整衣冠遺書屬其子及門人范念德黃幹率以勉學及修正
 道書為言家故貧非其道義一介不取徙建陽考亭草瓢屨空
 晏如也諸生遠至與共豆飯藜藿登第五十年任祇九考立朝
 弘簡錄 卷一百七十七 五 通雅卷九

纔四十日黨禁嚴錮猶口與諸生講學不休或勸其謝遣笑而
 不答其為學必務窮理以致其知反躬以踐其實而以居敬為
 主嘗謂聖賢道統之傳散在方冊聖經之旨不明而道統之傳
 始晦乃竭其精力以研窮聖賢之經訓所著易本義啓蒙書卦
 考誤詩集傳學庸章句或問語孟集註大極圖通書西銘解楚
 辭集註辨證韓文考異所編次論孟集議孟子指要中庸輯畧
 孝經刊誤小學書通鑑綱目宋名臣言行錄家禮近思錄程氏
 遺書伊洛淵源及儀禮經傳通解未脫藁皆行于世及將沒復
 有言其徒送偽師之葬四方會聚非妄談時人短長則繆議時
 政得失下令隨處守臣約束嘉泰初學禁稍弛詔復華文閣待
 制與致仕恩澤侂胄死復遺表恩賜諡日文嘉定二年贈中大
 夫寶謨閣直學士寶慶三年贈太師追封信國公紹定三年改

一五 續修四庫全書 2 反之內

敎國公淳祐初從祀孔子廟廷以其學庸語孟訓說立於學官
有文集百卷生徒問答八十卷別錄十卷黃幹稱道之正統待
人而後傳道錄弘世以爲知言子在紹定中爲吏部侍郎

冊曰天作斯文開來繼往來皆肇其厥先呈象一朝一夕
何能勉強莫惟今時儒蹤絕鞅

呂祖謙字伯恭好問孫居婺州陰後登第復中博學宏詞敎南
外宗學改嚴州敎授內艱居明招山四方學者爭趨之倡明道
學爲一代宗師除太學博士輪對勉孝宗留意聖學至於恢復
大事也規模當定方畧當密又陛下方廣悅榮傑共集事功願
精加考察使之確指經畫之實孰爲先後其普試僥倖之說不
得以陳於前然後與一二大臣定成算而次第行之則大義可
伸大業可成矣名試館職文特典美擢兼國史編修實錄檢討
弘簡錄 卷一百七十七 去 道學宋九二

考試禮部得陸九淵人服其精鑑父憂免喪主管崇道觀召除
秘書郎李燾薦同修徽宗實錄而對言向者陛下以大臣不勝
任而兼行其事大臣亦皆親細務而行有司之事外至監司守
台職任率爲主上所侵平居未見其患一旦有急誰與指麾而
伸縮之譬如人之關隔脈絡少有壅滯久則生疾願陛下虛心
以求天下之士執要以總萬事之機又言國朝治體有遠過前
代者有視前代爲未備者其遠過者以寬大忠厚建立規模以
禮遜節義成就風俗故於假擾艱危之後人心牢固無纖毫可
虞然文治可觀而武績未振名勝相望而幹畧未優雖昌熾盛
大之時此病已見臣謂今日治體視前代未備者固當激厲而
振起遠過前代者尤當愛護而扶持遷著作郎以末疾請祠歸
命蔡皇朝文鑑除直秘閣尋主管沖祐觀卒年四十五嘉定九

年賜諡曰成祖謙孝友恬淡晚更德宇寬洪道錄弘真德秀言
其扶持絕學有千載之功敎育英才有數世之澤所修讀書記
大事記皆未成有考定古周易書說圖範官箴辨志錄歐陽公
本末諸書學者稱爲東萊先生寶慶二年錄子延年以官景定
二年封開封伯從祀孔子廟庭

林之奇字少穎侯官人甫冠從呂本中學于閩中鄉舉赴禮部
試行至衢州以不得事親緜然而歸向學益力本中奇之從學
者踵至登紹興進士調莆田簿長汀尉各爲秘書正字轉校書
郎時猶用三經義之奇亟請罷斥上言王氏三經比之王何之
罪深於桀紂正孔孟所謂邪說誠行滯辭之不可訓者也或傳
金人南侵之奇作書抵當路言久和長戰人情之常故彼常以
虛聲恫喝示我以欲戰之意非果欲戰所以壘吾和也吾果欲
弘簡錄 卷一百七十七 去 道學宋九二

與之和平無憚於戰則其權常在我矣以痺疾乞外由大宗正
丞提舉開廟奉祠家居自稱拙齋呂祖謙因之受學卒年六十
五有書春秋周禮說論孟楊子講義道山記聞行世
陳亮字同父永康人生而目光有芒喜談兵下筆數千言嘗攻
古人用兵成敗之跡著酌古論郡守周葵奇其才歎曰國士也
延爲上客蔡入參政令亮徧交當世豪俊盡其議論因授以大
學中庸令究心性命之學陸與初領解額會金人約和天下忻
然幸得藉息獨亮持不可因土中典五論不報退脩于家學者
多從之益力學著書嘗圍視錢塘見地下於西湖喟然曰城可
灌也淳熙五年亮更名同上書孝宗累曰臣惟中國天地之正
氣也天命所鍾也人心所會也衣冠禮樂所萃也百代帝王之
所相承也一旦擊而寓之偏方雖天命人心有所係屬而正氣

鬱退久不得職必將有所發泄方南渡之初君臣上下痛心疾首自喻倡邪議至今三十年君父之大誓不復關念幸而陛下奮不自顧志於殄滅而隱忍迄今又有七年矣昔春秋之時君臣父子相戕相殺舉一世皆安之孔子獨以為三綱既絕人道遂為禽獸義不能以一朝安故發其志於春秋以懼亂臣賊子使學者誠知孔子之道當尊陛下以有為決不沮陛下以苟安也春秋之末齊晉秦楚皆衰吳越起於小邦遂伯諸侯黃池之會孔子所甚痛也今金人植根既久不可一舉而滅國家大勢未張又不能一朝大舉故人情皆便於通和適所以成上下之苟安而為妄庸兩售之地宜人所甚便也何者凡今日之指畫他日將用之以坐籌今日之大言他日將用之以決勝人才固必以用而見其能否兵食亦必以用而見其盈虛使兵端一弘簡錄 卷一百七十七 九 道學宋九二

開則其跡敗矣昔東晉百年之間南北未嘗通和故其臣東西馳騁多可用之才今朝廷方幸一旦之無事相安於瑣瑣困陋陛下又樂見羣臣皆得以守格令行文書雖有超羣出眾之士擯棄而不得職日月蹉跎老將至矣往時金人草居野處往來無常使人不知所備故兵無日不可出今城郭宮室政教號令一切不異於大國無兵聚糧文移往反動涉歲月此豈能歲出師哉然使朝野常如敵兵之在境乃國家之福而英雄所用以爭天下之機也昔晉楚戰於鄆樂書謂楚自克庸以來其君無日不討國人而訓之亦無日不討軍實而申儆之後晉楚弭兵于罕又謂兵所以威不軌而昭文德聖人以興亂人以廢廢典存亡昏明之術皆兵之由也故雖成康太平猶四征不庭張皇六師此李沆所以不願與遼和親也况南北角立之時而廢兵

以情人心失策甚矣何不倡明大義慨然與金絕貶乘與御正殿痛自克責誓必復讐以振天下之氣動中原之心雖未此兵人心不敢恇矣從而東西馳騁虛實相補狂妄之辭不攻而自息懾服之大不御而自退當有度外之士奮然而起惟陛下之所任耶唐自肅代以後上失其柄藩鎮自相雄長擅其土地人民其人才各盡心於所事以成君弱臣強正統數易之禍藝祖一興四方拱手以趨約束使列郡各得自達於京師以京官權知三年一易兵皆天子之兵財皆天子之財官皆天子之官民皆天子之民紀綱總攝法令明備郡縣不得以一事自專士以尺度而取官以資格而進不求度外之奇才不慕絕世之偉功天子蚤夜以義理廉恥嬰士夫之心以仁義公恕厚斯民之生雖能使天下皆出於規矩準繩之中然而羿丹抗衡分爲弘簡錄 卷一百七十七 九 道學宋九二

南北兩朝苟微澶淵之役幾何不窳弱乎故仁宗增幣之事富弼謂天下強弱之勢不操於我國而反屈於外敵乃深以為恥終身不敢自論其勞幸而其君破去舊例以不次用人勸農桑務寬大憂郡縣重守令於文法之內未嘗折困天下之富商巨室於格律之外有以容獎天下之英偉奇傑皆所以助立國之勢而為不虞之備其後進羣臣之說欲更法易令而廟堂輕嚴按察之權邀功生事而郡縣輕豈惟於立國之勢無所助又從而股削之此所以不能洗國中之恥而卒發神宗之大憤也王安石首進正法度之說其實則欲籍天下之兵盡歸於朝廷別行教閱以為強也括郡縣之利盡入於天子別行封祿以為富也青苗之政惟恐富民之不困也均輸之法惟恐商賈之不折也罪無大小動輒典獄而士大夫緘口畏罪矣西北兩邊寄於

宦豎而豪傑恥於爲役矣。徒見今日方冊。明日保甲。銳然南征北伐。而天下之勢。實未嘗振。所爲不知立國之本末者。不足與謀國也。元祐紹聖。一反一復。卒爲金人侵侮之資。南渡以來。大抵遵祖宗之舊。雖微有因革增損。不足以爲輕重。有無如趙鼎諸臣。固已不究變通之理。况秦檜盡取而沮毀之。其罪可勝誅哉。陛下憤勵復讐。加惠百姓。而富人無五年之積。不重征稅。而大商無巨萬之藏。國勢日以困竭。臣恐尺籍之兵。府庫之財。不足以支一旦之用也。又以繩墨取人。文法滋事。人才日以闕茸。臣恐程文之士。資格之官。不足以應度外之求也。且夫吳蜀天地之偏。錢塘又吳之一隅。當唐之衰。錢鏐以閭巷之雄。起王其地。自五代時。被兵最少。其風俗自來華靡。今士大夫又從而治。園囿臺榭。以樂其生。上下晏安。稱爲樂國。山川之氣。發泄無餘。弘簡錄 卷一百七十七 道學宋九二

故穀粟桑麻絲枲之利。歲耗於一歲。禽獸魚鼈草木之生。日微於一日。公卿將相。大半皆江左閩蜀之人。場屋稱雄。又多文墨小技。陛下操已耗之氣。用日衰之士。鼓一方習安。脆弱之衆。欲北向以爭中原。臣是以知其難也。荆襄之地。楚始以虎視齊晉。終能與秦爭帝。其後三百餘年。尤武起於南陽。又二百餘年。先主奮於荆楚。又百餘年。東晉南渡。往往倚以爲強。梁竟以此代齊。自此歷隋與唐。以至本朝。未有五六百年氣蘊而不發者。誠能開墾其地。洗濯其人。而用之。使足以接關洛之氣。則可以爭衡於中國矣。石晉失盧龍一道。以成開運之禍。蓋丙午丁未歲也。明年藝祖從周太祖征伐。卒以平定天下。其後契丹以甲辰敗于澶淵。而丁未戊申之間。眞宗東封西祀。實本朝太平極盛之時。後六十年神宗以丁未歲即位。國家之事於此一變。又六

十年丙午丁未。適遇靖康天禍。陛下於是年。今去丙午丁未。不過十年。陛下可不思以應其變乎。臣自少有驥馳四方之志。嘗數至行都。人物如林。議論皆不足以起發人意。臣是以知陛下大有爲之志。孤矣。辛卯壬辰之間。始退而窮天地造化之初。攷古今沿革之變。以推極皇帝王伯之道。而得漢魏晉唐長短之由。天人之際。昭然可攷。始悟今世儒士。自謂得正心誠意之學。舉一世安於君父之讐。而方低頭拱手以談性命。不知何者。謂之性命乎。又不以暇時講究立國之本末。而方揚聲伸氣。以論富強。不知何者。謂之富強乎。書奏帝將擢用爲大臣。所沮乃命赴都堂。審察復問。所欲言亮落落不少。貶待命十日。又上書。其三言藝祖用天下士人。以易武臣。固本朝以儒立國之意。至今日天下之士。熟爛委靡。誠可厭惡。正在主上反其道以教之。弘簡錄 卷一百七十七 道學宋九二

作其氣而發之。使不至反藝祖之本旨。而東西馳騁。以定禍亂。不必專在武臣也。自其變通之道。有可以遷延數十年之策。有可以爲百五六十一年之計。有可以復開數百年之基。事勢昭然。效見殊絕。非陛下聰明度越。百代決不能一一聽之。書上帝欲官之亮。笑曰。吾爲社稷計。寧用以博一官乎。亟渡江歸益。厲志向學。值高宗崩。金遣使來吊。簡慢車駕。欲幸建康。光宗由潛邸判臨安。亮感孝宗之知。至金陵觀形勢。復上疏曰。有非常之人。然後可以建非常之功。求非常之功。而用常才。出常詐。舉常事。不待智者知其必不濟也。陛下天年已高。馳驅運動。誠非所宜。何以不於此時。命東宮爲撫軍。大將軍。歲巡建業。使之兼統諸司。盡護諸將。置長史司馬。以運用人才。均調天下。以應無窮之變。此唐肅宗命廣平王故事。時將內禪。不報。在廷交怒。以爲狂

惟未幾光宗策士問禮樂刑政之要亮以君道師道對擢進士
第一上紫知其人大喜曰殆天留以遺朕也孝宗在南內寧宗
在東宮聞知皆喜將欲大用授建康府判官未至一夕卒亮生
平志存經濟重許可人人見其肺肝與人言必本於君臣父子
之義雖為布衣薦士惟恐弗及然性豪俠輕財貨家館中產疇
人寒士衣食之常不輟屢遭大獄瀕死者再以君相明察憐其
才得免卒之後葉適請于朝錄一子官端平初得諡文敏再官
一子

弘簡錄卷一百七十之七終

弘簡錄

卷一百七十七

三

道學宋九二

弘簡錄卷一百七十八

明刑部員外郎仁和弘齋邵經邦學
皇清翰林院侍講學士四世孫遠平校閱

道學 宋九之三

- 蔡元定 子說 劉清之 趙蕃 黃榦 陳宓
- 李燾 劉燾 弟燾 張洽 陳淳 李方子
- 黃灝 廖德明 葉味道 吳昌裔 何基
- 王栢 徐僞 輔廣 新增

蔡元定字季通建州建陽人生而穎悟八歲能詩日記數千言
父發博覽羣書號牧堂老人以程氏語錄仰氏經世張氏正蒙
授元定曰此孔孟正脈也元定深涵其義既長辨析益精登西
山絕頂忍饑啖齋讀書聞朱熹名往師之熹扣其學大驚曰此
弘簡錄 卷一百七十八 道學宋九三

吾老友也不當在弟子列遂與對榻講論諸經與義每至夜分
四方來學者必令先從元定質正太常少卿尤袤秘書少監楊
萬里疏薦之堅以疾辭築室西山將為終焉之計時韓侂胄擅
政設偽學之禁言官始連疏熹併及元定謫道州州縣捕元
定甚急元定聞命不辭家即就道熹與從游者數百人餞別蕭
寺中坐客典歎有泣下者熹微視元定不異平時喟然曰友朋
相愛之情季通不挫之志可謂兩得矣泉謂宜緩行元定曰獲
罪於天天可逃乎同其子沉徒步三千里脚為流血無幾微見
言而至春陵遠近來學者日衆愛元定者謂宜謝遣生徒元定
曰彼以學來何忍拒之若有惡患亦非閉門塞竅所能避也貽
書訓諸子曰獨行不愧影獨寢不愧衾勿以吾得罪故遂懈一
日謂沉曰可謝容吾欲安靜以還造化舊物問三日卒侂胄既

誅贈功耶賜諡文節元定於書無所不讀於事無所不究義
理洞見大原下至圖書禮樂制度無不精妙古書奇辭與義人
所不能曉者一過目輒解熹嘗曰人讀易書難季通讀難書易
熹疏澤四書及爲易詩傳通鑑綱目皆與元定往復參訂啓衆
一書則屬元定起蔡嘗曰造化微妙惟深於理者能識之吾與
季通言而不厭也及葬以文誄之曰精詣之識卓絕之才不可
屈之志不可窮之辨不復可得而見矣學者尊之曰西山先生
所著有太行詳說律呂新書燕桑原辨皇極經世太玄潛虛指
要洪範解八陣圖說熹爲之序 子淵與沉皆傳家學躬耕不
仕有遺之金輒謝卻之曰吾不忍累先人也當世名卿物色將
薦用之皆不屑就淵有周易訓解沉字仲默少從朱熹游熹晚
欲著書傳未及遂以屬沉洪範之數久失其傳元定獨心得之
弘簡錄 卷一百七十八 二 遺傳錄九

如一言之差在常情爲未害誠思此心存乎不存一步之違在
常情爲未傷試思此心定乎不定有志者必如曾子用力於容
貌辭氣顏子用力於視聽言動方爲善學此豈人能禦之也哉
父憂服除調建德縣簿萬安縣丞檄視旱災徒步阡陌凡所獨
除具得其實時議減常平米價清之謂此惠不過三十里內耳
外鄉遠民勢豈能來若在我有政禁不閉糴使大家得錢細民
得米兩適其便乃均境內之地爲八俾有粟之家分糴其鄉官
爲主之規畫防閑民甚有賴冀茂良爲帥具實跡聞于朝命都
堂審察不赴時競羨餘發運使史正志俾拘集州縣曉諭之賦
將以薦之清之貽以書曰此皆州縣侵刻於民法所當禁朝廷
明詔昭彰而士大夫乃自蹈焉某誠不敢玷待耶知人之鑒竟
請吏部銓除知宜黃縣冀茂良又與周必大交薦孝宗召對首
弘簡錄 卷一百七十八 三 遺傳錄九

俗計利尙鬼不信醫藥火葬其親有子出贅清之皆為禁止權發遣知衡州戒諸邑董常賦緩徭征闕舊通戒預借謹推收督勾銷明道負防滯鈔治頭梗吏姦費用有節滲漏有防稽考有政補抹有漸至飾厨傳供帳饋遺一無所費常祿之外悉歸公帑以佐經用初至兵無見糧官無實俸上供送使無備已而郡計漸裕民力稍蕪嘗作論民書一編首言畏天積善勸力務本及事親睦族教子祀先謹身節用婚姻喪葬皆有規則非理之訟日為衰止又以士風未振加意講學來者日衆乃增築臨蒸精室居之每講說先正經次訓詁音釋次先儒議論及今所細釋然後各指其所宜用如治心治身治家治人確然皆可舉而措之為閔武場作朱陵道院祀張九齡韓愈寇準周敦頤胡安國於左死節晉太守劉翼宋內史王應之于右日與鴻儒弘簡錄 卷一百七十八 四 道學宋九三

吉士周旋而參佐謀論在焉以不能媚使者誣以勞民用財論罷主管雲臺觀歸榮槐陰精舍以處來學胡晉臣鄭僑尤表羅點皆力薦之光宗起知袁州疾卒猶不廢講論病革為誓以別向浩彭龜年賦二詩以別朱熹楊萬里取高氏送終禮授二子曰自斂至葬視此從事周必大來視勸令澄慮時清之氣息已微答云無慮可澄遂卒年五十七世稱靜春先生所著有會子內外雜篇訓蒙新書外書戒子通錄墨庄總錄祭儀時令別說苑文集農書

趙蕃字昌父其先鄭州人大父賜建炎初為秘書少監出點坑治寓信之玉山蕃以恩補州文學調浮梁尉太和主簿受知楊萬里擢辰州司理參軍與郡守爭獄罷時稱其直其始受學劉清之因清之守衡求監安仁贖軍酒庫思以卒業既至適清之

罷仰丐祠從以歸自此家居書祠官考者三十有一真德秀稱之曰昌父於師友之際如此肯負國乎理宗立與劉宰同名為大社令特改奉議郎直祕閣致仕卒年八十七著賦性寬平與人樂易而剛介不可奪年五十猶問學於朱熹既老猶慮末路之難命所居曰難齋周必大與之契屢加引薦不受劉宰亦稱蕃曰文獻之家典刑之彥歸然獨存有以繫學者之望一人而已信州守吳旂乞錄其後詔補其子上州文學亦辭以承務郎致仕與一子恩澤景定三年修撰鄭協等請諡文節

黃翰字直卿閩縣人父瑀高宗時為御史以篤行直道問翰初見劉清之奇之日子乃遠器時學非所宜也因令受業朱熹歸白其母大雪即日遠行既至直熹他出因留客邸二月熹歸始得見翰夜不設榻不解帶倦則瞑坐微倚或達曙熹常曰直卿志堅思苦與之處甚有益後張栻亡熹與翰書曰吾道益孤矣所望於賢者不輕因妻以女寧宗初熹命奉表入謝恩補將仕郎銓中授迪功郎監台州酒務母憂廬墓從而講學者甚衆熹竹林精舍成遺翰書有他時便可請代講席之語及編禮習屬以喪祭二編彙成熹覽而喜曰所立規模次第縝密有條理他日當取家國王朝禮做此更定之病革以深衣及所著書授翰手書與訣曰吾道之託在此計聞持心喪三年畢調監嘉興石門酒庫時議典兵吳獵將赴湖北鎮訪以兵事翰策其必敗獵雅敬翰名德辟為荆湖北路安撫司準備差遣事有未當必輸忠欵力爭江西提舉趙希懌知撫州高商老共辟為臨川令改知新淦吏民習聞政善不令而行又薦擢通判安豐軍淮西帥檄翰訊和州疑獄至則具得其殺人投井狀囚驚服尋知

漢陽軍歲饑多方賑貸賴及旁郡民大悅所至重岸岸先救養
卽漢陽郡治後鳳樓山爲屋館四方士立周程游朱四先生祠
以病奉武夷觀祠尋起知安慶值金兵破光山公邊多警翰奏
請築城以備戰守城分十二料先自築一料計其工費然後委
官吏寓公士人分料主之日五鼓坐于堂濠崇官入聽命授以
一曰成弊畢乃治民事理詞訟接賓客閱士卒會僚佐講究邊
防利病巡城視役晚入書院講論經史城成士民扶老携幼詣
謝後金人破黃州淮東西皆震安慶按堵如故繼而巨浸暴至
城屹無虞舒人德之相謂曰生汝者黃父也制置李珣辟參議
官辭不赴既而朝命與徐僑易和州且令赴制府稟議翰先移
書言時相誅侂胄後專用左右親信之人至於軍政不修邊備
廢弛皆此曹爲之若更不改圖大事去矣又言爲今之計當用
弘簡錄 卷一百七十八 六 道學宋九三

斷黃決不可保斬黃不保則江南危後果如所言翰側儻有謀
江淮豪傑願往依之諸將亦皆歸心在位者益忌翰羣起排之
俄再命知安慶力辭不受就入廬山訪友與李燔陳必盤桓玉
淵三峽間俛仰白鹿舊跡講乾坤二卦山南北之士皆來集未
幾名赴行在除大理丞不拜御史李楠劾歸鄉里弟子曰盛巴
蜀江湖不遠而來質疑請益編禮著書日不服給講論經理歷
歷不倦俄命知潮州辭乞致仕授承議郎歿贈朝奉郎諡文肅
廕一子下州文學有經解文集行世
陳必字師復後卿子自少嘗及熹門長從黃翰遊天性剛毅信
道尤篤嘗爲朱墨銘以驗理欲分寸之多寡謂朱屬陽墨屬陰
以陰歷泉州南安鹽稅主管南外睦宗院知安溪縣嘉定七年
入監進奏院遷軍器監簿上言三事一宮闈儀範未正宴飲無
節非時賜予一人蔬食而嬪御不廢於擊鮮邊事方殷而楮積
反資於妄用二朝廷權柄分奪大臣所用非親即故執政擇易
制之人臺諫用慎默之士合吏靡不得志廉士動招怨尤三政
令刑賞外逆鈔鹽變易楮幣并提敗將驥庸夫尹京宿將有
功因小過而貶三衙見擢無汗馬而遷轉對又言人主之德貴
乎明大臣之心貴乎公臺諫之言貴乎直方今上下相蒙務於
欺蔽惟取專攻上躬與移咎牧守之章騰播中外以咎觀聽至
如赤地千里蝗飛蔽天輔相變理深爲忌諱其他誣罔抑又可
知此不明之故也凡建議求言則以他事逐諫官稍直則以他
職徙忠憤者指爲不靖切直者目曰沽名衆怨所萃相繼超升
物論所歸以次疏外直節重望以私嫌而久棄老姦宿蠹以巧
請而幸復此不公之故也臺諫未嘗委任遇事不敢盡言有如

金人再逼最關國體市井生徒莫不力爭獨於言責不出一語
登較之下乾沒巨萬莫之誰何州縣之間罪僅毫髮撫以塞責
大臣欲為之事則遂之不右之人則排之此不直之故也疏奏
中宮慶壽三衙獻遺為之罷御史彌遠語曰子言誠切當第愚
昧不能行殊有愧耳出知南康軍歲大侵奏蠲其賦十九會流
民羣集就役以築江隄給食活之與諸生講論白鹿書院改知
南劍州復大旱疫躬率僚吏戶給錢粟藥餌獨宿道十數萬弛
新輸三之一又創延平書院傲白鹿洞規無何請致仕除直祕
閣主管崇禧觀卒為銘墓稱其居官則如顏真卿居家則如
陶潛又深愛諸葛亮家無餘財庫無餘帛庶乎能蹈其語者端
平初御史王遂追論其直宜褒以勸天下贈直龍圖閣所著有
論語注義問答春秋三傳抄續通鑑綱目唐史贊堯諸書

私簡錄 卷一百七十八 人 望 宋 九 三

李燔字敬子建昌人從朱熹學熹常稱之曰燔交友有益進學
可畏且直諒樸實處事不苟他日任斯道者必燔也登紹熙進
士調岳州教授造士以古文六藝不徇時好每謂古之人兼通
材用文武該焉即武學諸生文振而識高者拔之闕射圃廩老
將之長於藝者以率偷惰祖母承重改襄陽熹沒率同門往會
葬閱視封芝時學禁方嚴燔不為少休九江守以遺逸薦召赴
都堂審察燔力辭守請為白鹿書院堂長學者雲集講學之盛
他郡無與比除大理司直又辭尋添差江西運司幹辦公事會
帥李玘漕使王補之議平洞寇各持其說燔謂寇獨非民耶特
吾有司貪刻將校邀功激成之耳反是則皆民矣帥漕是之問
誰可行者燔請自馳往乃駐兵萬安會近洞諸巡尉察隅保之
尤無良者易置之分兵守險遣辨士諭逆服禍福冠皆帖服脩

江隄早涉有備洪州田皆為沃壤時十四界會于新行價損
漕司欲視民產物力各令減之不時黠閥則傾可增燔與學錄
李誠之力爭不能止燔又劾爭之曰錢荒楮涸由錢不能權耳
乃抑民使藏是棄物也誠能節損用度先穀粟之實務而不取
必於楮幣則楮幣為實用矣劄入即弛禁漕司請燔謝置義
倉儲貸有田之家農夫不與燔倡議創社倉以貸佃人薦改通
判潭州真德秀諒以府事不數月辭歸適彌遠廢立歎曰三綱
絕矣遂不復出以直祕閣主管慶元至道宮卒年七十贈直文
華閣諡文定補其子舉下州文學燔入仕凡四十二年歷官不
過七考所處貧賤忠難若素定不為動念居家講道學者宗之
李心傳論當時高士累召不起者以燔為海內第一九江蔡念
成稱其心事有如秋月燔嘗曰仕宦至卿相不可失寒素體夫
弘簡錄 卷一百七十八 人 望 宋 九 三

私簡錄 卷一百七十八 人 望 宋 九 三

子無入不自得者正以磨相驕者不至移氣移體因誦古語曰
分之所在一毫躋攀不得善處者退一步耳與黃幹並稱曰黃
李孫鑣亦登第
劉燭字晦伯炳字穎仲俱建陽人兄弟受學朱熹呂祖謙燭登
乾道進士調山陽簿正版籍吏不容姦轉饒州錄事參軍遷連
城令大修學校乞行經界罷諸色無名科給贖知閩縣治以清
簡庭無滯訟典利去害知無不為偽學禁典歸武夷山講道讀
書怡然自適築雲莊山房為終老之計父憂服闋調贛州坑冶
司主管文字差知德慶府以學校為重奏便民五事罷兩縣無
名租錢糾集武勇民兵請上開言路以廣忠益振公道以進人
才飭邊備以防敵患擢提舉廣東常平以公使公用二庫贏錢
補通欠亭戶轉運司錢入奏論公道明則人心自一朝廷自尊

雖危可安公道廢則人心自貳朝廷自輕雖安易危帝嘉獎選
向左郎官請節內外冗費以收帑帑轉對願與經筵講讀大臣
奏對反復問難以求義理之當否與政事之得失則聖學進而
治道隆矣遷浙西提點刑獄禁強暴撫善良務儲積以備凶荒
禁科斂以紓民力按歷不憚寒暑多所平反有殺人匿權家者
竟獲之遷國子司業奏言宋典六經微旨孔孟遺言自熹發明
於千載之後以事父則孝以事君則忠世之所謂道學也追惟
前日可為痛哭流涕不得不任其咎請刊行所註學庸語孟以
備勸講及白鹿洞規頒示太學俄兼國史編修實錄檢討接伴
金使于財貽還言兩淮之地宜加經理於招集流散之中就是
足食足兵之計誠能經畫郊野招集散亡約項畝以授田使無
廣占拋荒之患列溝洫以儲水且備戎馬馳突之虞為之具田
弘簡錄 卷一百七十八 十一 道學宋九三

兼太子右庶子毋講讀至經史所陳聲色嗜欲之戒輒懇切再
三敷陳之遷讀詩之說退而發明淵源道學以倡諸儒卒贈光
祿大夫官其後賜諡文簡所著有奏議史藁經筵故事東宮詩
解禮記周易解講堂故事雲莊外臺稿炳錄在弘道錄
張洽字元德浙江人進士級子自少穎異篤志向學嘗取管子
思之思之又重思之思之不通鬼神將通之之語為窮理之要
時行社倉法請於縣貸常平米建倉里中六年而歸其本鄉人
利之登嘉定進士授松滋縣尉湖右經界弊甚洽請行推排法
令民自實為籌數其土地疆界產業之數而次第之吏姦無所
匿後十餘年訟者猶援以為証改袁州司理參軍屢決疑獄真
巨蠹於法醇知永新縣一日聞獄中榜笞聲蓋獄吏受財拷囚
使誣服也洽大怒執吏付獄自於郡黥之湖南鄒冠作亂與縣
弘簡錄 卷一百七十八 十二 道學宋九三

蒙求續通鑑長編事畧歷代郡縣地里沿革表文集子櫛櫛皆賜進士

陳淳字安卿龍溪人朱熹守漳淳遂請受教熹告以凡聞義理必窮其原如為人父何故止於慈為人子何故止於孝其他可以類推淳聞之為學益力日求其所未至後十年復往見熹陳其所得時熹已寢疾語之曰所學已見本原尚闕下學之功耳自是所聞皆要切語凡三月而熹卒淳追思師訓痛自裁抑日積月累義理貫通洞見條緒其言太極曰太極只是理理本圓故太極之體渾淪自本而本自本而末一聚一散無所不在極其至自萬古之前與萬古之後無端無始此渾淪太極之全體也自其冲漠無朕此渾淪無極之妙用也聖人一心渾淪太極之全體而酬酢萬變無非流行之妙用今學問工夫須從萬事

弘簡錄

卷一百七十八

主

道學宋九三

萬物中貫過渾淪成一渾淪大本又於渾淪大本中散為萬事萬物使無少窒礙然後實體得渾淪至極者在我而大用不差矣其言仁曰仁只是天理生生之全體無表裏動靜隱顯精麤之間惟此心純是理之公而絕無一毫人欲之私乃可以當其名若一處有病痛一事有欠闕一日有間斷則私意行而生理息即頑痺不仁矣其語學者曰道理初無玄妙只在日用人事間但循序用功便自有見所謂下學上達者須下學工夫到乃可從事上達然不可以此而安於小成也夫盈天地間千條萬緒是少人事聖人大成之地千節萬目是少工夫惟當開拓心胸大作基地須萬理明徹於胸中將此心放於天地間一例看然後可以語孔孟之樂須明三代法度通之於當今而無不空然後為全備而可以語王佐事業須運用酬酢如探諸囊中

而不匿然後為資之深取之左右達其原而真為已物矣至於以天理人欲分數而驗賓主進退之幾強弱之證必如好好色惡惡臭使於是是非非真如辨黑白如遇鏃鏑干將不容有騎牆不決之疑則雖艱難險阻之中無不從容自適然後為知之至而行之盡此語尤中學者存育而示以標的也淳天性至孝母疾號泣于天乞以身代弟妹未室家皆婚嫁之葬宗族之喪無歸者居鄉不沽名徇俗恬然退守若無聞焉然名播天下世雖不用而憂時論事感慨動人郡守以下皆禮重之時造虛請益嘉定九年待試中都歸遇嚴陵守鄭之梯率僚屬延講郡庠淳歎張陸王學問無源全用禪家宗旨認形氣虛靈知覺為天理之妙不由窮理格物而欲徑造上達之境反託聖門以自標榜乃發明吾道之體統師友之淵源用功之節目讀書之次序

弘簡錄

卷一百七十八

主

道學宋九三

為四章以示學者明年以特奏恩授迪功郎泉州安溪主簿未上而沒年六十五其所著有語孟學庸口義字義詳講禮詩女學等書門人稱為北溪先生錄其語號筠谷瀨口金山所聞李方子字公晦邵武人少博學能文嘗遊太學學官李道傳屈官位單行具刺就謁之嘉定七年廷對第三調泉州觀察推官守真德秀禮以師友郡政大小咸咨焉暇則辨論經訓至夜分不倦故事秩滿必先通書廟堂方子獨不肯丞相史彌遠聞之怒踰年始除國子學錄不少貶以求合無何將選官僚或告彌遠曰此真德秀黨也諷臺臣劾罷之既歸學者學集

幾卒天子聞之與一子恩澤

黃源字商伯都昌人幼敏悟強記肄業荆山僧舍入太學擢第教授隆興府知德化縣以興學校崇政化為本歲僅振給有方

王簡劉頴薦監登開鼓院光宗即位遷太常寺簿論今禮教廢闕請勅有司取政和冠昏喪葬儀及司馬光高閔等書參訂行之除太府寺丞出知常州提舉本路常平值歲饑民伐桑柘毀室廬餓殍盈野至或食其子而州縣方督促逋欠瀕見之蹙然有旨倚閣夏稅乞併闕秋苗不俟報行之言者罪其專移筠州已而兩秋從其蠲闕之請瀨遂歸幅巾深衣往來匡山間若素隱者尋起知信州改廣西運判廣東提刑皆不赴熹守南康瀨執弟子禮質疑問難熹沒單車往赴徘徊不忍去者久之以致仕卒

廖德明字子晦南劍人少得楊時書讀之大悟既長受業朱熹登乾道進士教授潯州為學者講明聖賢心學之要手植三栢于學潯士愛敬之如甘棠擢知莆田罪民奉潘祠沉其像于江

弘簡錄 卷一百七十八 古 道學朱九三

會有顯者欲取邑地廣居德明持不可守慙服居官有聲諸司交薦遷廣東提點刑獄彈劾不避權要歲當薦士朝貴多以書託德明不啓封有鄉人為主簿問其能薦之會行縣簿感知已置酒延之悉假富民觴豆甚盛德明疑以為貪追還薦章其公嚴類此盜陷桂陽迫韶州民大懼德明遣將馳擊親持小麾督戰大敗之乃分戍守遠斥埃明審賞罰宣布威信韶晏然如平時徙知廣州立師悟堂刻朱熹家禮及程氏諸書公餘延僚屬諸生親為講說遠近化之遷吏部左選郎官嘗語人仕學之要言已自始仕至為郡惟用三代直道而行一句而已既乃奉祠卒有槎溪集行于世

葉味道初名賀孫以字行更字知道温州人少刻志好古學師事朱熹試禮部第一制策禁偽學味道所對率本程頤不為顧

避知舉胡紘黜之益從熹武夷出中學禁開登嘉定進士調鄂州教授理宗訪問熹學徒及所著書部使以味道問差主管三省架閣文字遷宗學諭輪對面述帝王傳心之要與四代作歌作銘之旨言人主務學天下之福必堅志氣以守之謹幾微以驗之正綱常以勵之用忠言以充之終復口奏言宜則力減文勝則意虛上嘉納之從臣薦可為講官授太學博士兼崇政殿說書故事止說道鑑而不及經味道請先說論語詔可時因皇子竑事帝惑於鬼神之理疑伯有為厲涉於誕妄對曰陰陽二氣之散聚雖天地不能易死而氣散者其常也若不得其死鬱結不散者其變也故聖人設為宗祧以別親疏遠邇正所以教民親愛參贊化育伯有之死其氣不散為妖為厲使國人上下為之不寧當時為立子洩以奉其後庶乎鬼有所知而神始安

弘簡錄 卷一百七十八 古 道學朱九三

寧矣又言三京用師廷臣交進機會之說臣恐開邊浸闕應援信難科配日繁民不堪命搢本根以事枝葉無益於國既而洛師累敗人稱其先見凡經筵奏陳無一語不開導引翼切於君身旁引曲折推致於治而後已尋終著作佐郎帝震悼出外帑銀帛賜喪升一官以任其後皆故事所未有者有四書說大學講義祭法廟社外傳經筵口奏故事講義

吳昌裔字季永中江人蚤孤與兄泳師事黃幹痛自植立不逐時好得程張朱熹書研釋不倦登嘉定進士調閩縣尉運使曹彥約問其賢俾司糴場調倉州教授詹士故尚蘇學昌裔取諸經為之講說揭白鹿洞規做潭州釋奠儀祠周程五賢士習丕變制使崔與之薦知華陽修學宮來四方士斥羨錢買良田備早澆收眉州通判著苦言十篇以慮蜀後患尋權漢州核兵籍

與社倉郡政舉力辨興元帥趙彥呐東納武仙西結秦鞏之
議未幾武仙果敗二州民叛端平元年名入歷軍器將作二簿
改吳益王府教授轉對陳六事言天理未純天德未健天命未
救天工未亮天職未治天討未公拜監察御史與徐清叟杜範
並命三人皆天下正士四方想聞風采為至和三諫詩以修之
疏凡撓政之害言及親故則為之留中事關私昵則為之託了
節帖付出不妨窒礙調停寢行何恤嫌疑今日轉一人曰存近
臣之體明日遷一人曰為遠臣之勸屈風憲之精采徇人情之
去留士氣銷喪下情壅滯非所以正官表助國脈也趙善湘二
子汝樞汝梓爭常州平江田株連百人州縣不敢決昌裔連疏
劾罷之冬雷春大雪疏言上躬缺失有耽樂惰逸之漸大臣黨
比無協恭和衷之風大昕坐朝何至為特不視事之旨私第謁
弘簡錄 卷一百七十八 未 通學宋九三

尋以右文殿修撰主管鴻慶宮遷浙東提刑復知婺州歲大旱
減驛從供帳遣僚佐名邑令周行阡陌蠲通粟貸緡錢加集英
殿修撰寶章閣待制致仕卒諡中肅昌裔剛正莊重遇事敢言
兼習典章嘗輯至和至紹興諸臣奏議本末名儲鑑又會粹周
漢至宋蜀道得失與師取財之所名蜀鑑有文集奏議四書講
義鄉約口義諸老記聞容臺議禮行于世
何基字子恭金華人師事黃幹確守師訓精義造約復守其謙
抑不敢自尊與門弟子王栢序正諸經其淳固篤實絕類漢儒
雖一本於熹然就其言發明則精神新意愈出不窮有文集三
十卷所與栢問辨者十八具載弘道錄趙汝騰守婺延聘不就薦之
于朝從官鄧士懿楊棟相繼以請皆固辭景定五年特與建寧
布衣徐幾同被召各補迪功郎添差婺州學教授仍兼麗澤建
弘簡錄 卷一百七十八 七 通學宋九三

假又胡有時不入堂之報內則雙御懷私為君心之蠹外則子
第不謹為朝政之累遊言噂沓寵賂章問欲籍勺太和得手時
蜀事阽危復條四事以進實規樞審功賞訪軍實儲帥才連劾
果閬州守臣逃遁而反進職知遂寧李焯父子足不至邊庭而
皆受賞債軍之趙楷棄城之朱楊祖皆不加罰趙彥呐年老智
衰其子滯刑贖貨士不用命安祭仲經營復用欲起諸籍以代
帥垣又言三邊之事言論多於施行浮文妨於實務兼以后族
王宮之冗費列曹坐局之常程革工閑慢之差除諸道非泛之
申請以至土木經營時節宴遊神霄祈禳大禮錫資藻飾治具
無異平時若乃治兵足食之方脩車備馬之事反缺而不講言
皆激切閱月改大理少卿人咸惜之既而權工部侍郎參贊四
川宣撫軍事慷慨出關忽得疾除祕閣修撰知嘉興辭改贛州

安二書院山長咸淳初授史館校勘兼崇政殿說書屢辭改承
務郎主管西嶽廟亦不受卒年八十一德祐元年祭酒楊文仲
請諡文定所著有易啓蒙學庸大傳通書近思錄發揮
王栢字會之金華人大父師愈崇政殿說書父瀚朝奉郎主管
仙都觀栢少知家學淵源捐去俗學勇於求道與其友汪開之
著論語通旨至居處恭執事敬惕然而歎更號魯齋何基作魯
齋箴勉之栢質實堅苦有疑必質於學庸語孟綱目諸書標注
點校尤為精密作敬齋箴圖風典謁祖廟治家嚴飭當暑閉閤
靜坐子弟白事非冠不見其事伯兄甚恭撫季弟之孤劉田
養贍收合宗族周恤扶持開之沒貧無斂葬悉力為之諸生來
學者眾必先教以大學蔡抗楊棟相繼守婺趙景緯守台聘為
麗澤上蔡兩書院師鄉之耆德皆執弟子禮理宗崩率諸生製

服哭臨卒之日整衣冠端坐揮婦人勿近楊文仲請益文憲德祐元年贈承事郎所著述甚多有讀易記酒古易說大象衍義酒古圖書讀書記書疑詩辨說讀春秋記論語太極衍義伊洛精義研幾圖魯經章句論孟通旨書附傳左氏正傳續國語文章復古續古濂洛文統擬道志朱子指要詩天文地理考墨林考爾雅六義字原帝王歷數江右淵源祿志周子發遺文章指南朝華集紫陽詩類家乘文集

徐僑字崇甫義烏人從學呂祖謙門人葉邦登淳熙進士擢上饒縣簿復登朱熹之門熹稱其明白剛直命以毅名齋其學一以真踐實履為尚嘗言熹之書比年滿天下不過割裂撮拾以為進取之資求其專精篤實能得其所言者蓋鮮久之由秘書正字校書郎兼吳益王府教授尋直寶謨閣提點江東刑獄以

弘簡錄 卷一百七十八 通學宋九三
迂史彌遠劾罷寶慶初葛洪喬行簡代為請祠不受端平初與諸賢俱召遷秘書少監太常少卿凡經奏對累數千言皆感憤剴切上崩主闕下逮羣臣剖析理愆分別黑白無所回隱思致勸懲帝數慰諭之顧見其衣履垢敝慘然曰卿可謂清貧矣賜以金帛僑固辭退而上疏曰夫所謂貧者乃邦本未建疆宇日蹙權幸用事將帥非材旱蝗相仍盜賊並起經用無藝帑藏空虛民迫於橫斂軍怨於括克羣臣交結天子孤立女謁閹宦蠶國膏肓執政大臣戕時蠹賊比之於臣未為貧也帝為之感動改容太息明日手詔罷邊帥之尤無狀者中倣羣臣以朋黨為之戒命有司裁節中外浮費皆所助益也經筵侍講復開陳友愛大義皇子竑得復爵邑又請從祀周程張朱以趙汝愚竹食寧宗皆如其言金使至無國書僑論空館之於外如叔向辭鄭

故事迂時相意有休帝論留甚勤遷工部侍郎奉內祠兼侍讀以疾申前請改寶謨閣待制奉外祠卒其守官居家清苦刻厲得諡文清

輔廣字漢卿慶源人父遠流寓崇德廣少倜儻有大志讀濂洛諸書默契於心慨然願學初從呂祖謙遊祖謙沒執弟子禮於朱熹之門更大奮發益思僥焉以盡其力熹深愛重之書問講學不絕熹常稱之曰身在都城聲利場中而能閉門自守味眾人之所不味者漢卿一人而已與黃榦相友善故時稱黃輔迨偽學禁典學者解散廣獨不為動嘗產侍於考亭雖熹亦自料恐堅忍者少吾道將絕廣乃以身試禍志不少屈入京居太學之南以道自任與同志之士質疑問難戶外屢常滿熹歎曰當此時立得脚定者可謂難得又况更向上事耶嘉定更化用事

弘簡錄 卷一百七十八 通學宋九三
者始薦之入仕廣力辭止食祠祿後二十年真德秀謂廣所論是非成敗無一語弗驗嘗主崇德學事以躬行倡率其徒學者稱為傳貽先生所著有論孟答問六經集解通鑑集義四書集疏詩傳童子問卒奉祀邑庠

弘簡錄卷一百七十之八 終

弘簡錄卷一百七十九

明刑部員外郎仁和弘齋邵經邦學

皇清翰林院侍講學士四世孫遠平校閱

道學 宋九之四

胡安國 子寅 張栻

喻樞

程迥

朱震

楊萬里

高閏

洪興祖

鄭樵 林震

程大昌

徐夢莘

弟得之從子天麟

章如愚 新增

胡安國字康侯崇安人宣義郎淵子少以文章名入太學以程

頤友朱震文穎川靳裁之為師裁之與論經史大義深器重之

紹聖制策問欲復熙寧元豐安國對以漸復三代哲宗命再讀

注聽稱善擢居第三除太學博士足不躡權門蔡京惡之俄提

舉湖南學事詔舉遺逸安國以永州布衣王繪鄧璋薦二人乃

弘簡錄 卷一百七十九 一 道學宋九四

范純仁客也零陵簿李良輔希京意誣為鄒浩請託京命湖南

提刑推治除安國名未幾良輔以罪抵法臺臣直前事復官政

和元年改成都學事連丁家艱服闋語子弟曰吾肯為親而仕

今雖有祿將安所用遂稱疾築室墓傍耕種取給將終身焉宣

和靖康間李彌大吳玠譚世勣合薦皆辭朝旨屢越至京欽宗

留詞掖以待一日方午亟召見安國首奏明君以務學為急聖

學以正心為要心者萬事之宗撥事宰物莫先於此願召名儒

講明治國平天下之本虛懷訪問深發獨智次言為天下國家

必有一定不可易之計謀議既定君臣固守凡有志必成治功

可立今南向視朝半載矣而紀綱尚紊風俗益衰施置乖方舉

動煩擾大臣爭競而朋黨之患開百執窺覷而浸潤之姦作用

人失當名器愈輕出令數更士民不信若不乘勢更張竊恐大

勢一傾不可復正乞訪大臣各令展盡底蘊畫一具進宣示羣

諫隨事疏駁若大臣議訕則參用羣諫之言若疏駁不當則專

守大臣之策斷自宸衷按為國論以次施行敢有動搖必罰無

赦庶幾新政有經可冀中興語未竟日晨暑甚汗浹上衣遂退

耿南仲斥以誹謗聖德且曰安國往時不事上皇今又不事陛

下有不臣之意上曰渠自以病辭初非有向背也每臣僚登對

即問識胡安國否中丞許翰曰自京得政士大夫無不受其籠

絡惟此人超然遠跡不為所汙上嘆息遣舍人晁說之宣旨除

中書舍人賜三品服南仲既傾吳敏李綱又構說之與許景衡

懷姦徇私並黜之安國請舉實跡載諸詞命不報朝廷已正蔡

京罪復搜黨與知應天葉夢得坐落職安國言人才得難失易

乃除夢得改小郡何臬議分天下為四道安國又言內外之勢

弘簡錄 卷一百七十九 二 道學宋九四

適平則安偏重則危今州郡太輕理宜通變若一旦區分遠令

事得專決財得專用官得辟置兵得誅賞恐事權太重設有抗

衡跋扈何以待之乞摺見今二十三路帥府選擇重臣付以都

總管之權專治軍旅或有警急各率守將應援則一舉兩得矣

尋以趙野總北道又言魏都地重野必誤事是冬金果大入野

被殺西道王襄擁眾不顧悉如其言舍人劉珪草罷李綱制謂

綱勇於報國侍郎馮澥言珪為綱遊說珪坐貶安國論澥越職

封還詞頭以為侍從雖當獻納至於彈擊必歸風憲此路若開

恐在朝各以好惡脅持傾陷非所以靖朝著居省僅一月南仲

與臬擠之詔與郡除右文殿脩撰知通州去甫逾旬金兵圍都

城亟召不得達或憂其子寅尚在城中安國慨然曰主上至此

人臣恨效忠無路敢念子乎高宗即位以給事中召安國言前

以教奏稱所權貴今中興始建其間政事弛張人才升黜若一
一繳駁必更得禍乃托疾以辭黃潛善諷給事康執權論罷之
張浚薦可大用紹興元年仍以中書舍人兼侍講入對獻時政
論十二篇論定計曰陛下履極六年以建都則未有必守不移
之居以討賊則未有必操不變之術以立政則未有必行不反
之令以任官則未有必信不疑之臣舍今不圖後悔何及論建
都曰宜於建康以北或關中河內為興復之基論設險曰欲固
上流必保漢沔欲固下流必守淮泗欲固中流必鎮安陸論立
志曰當決意恢復中原祇奉陵寢掃不韞敵迎復兩宮論正心
曰戡定禍亂裁決戎務必本於方寸願亟選正臣多聞識有志
慮敢直言者置諸左右日夕討論以宅厥心論養氣曰用兵之
勝負軍旅之強弱將帥之勇怯係人君所養之氣曲直何如願
弘簡錄 卷一百七十九 三 遺學宋九四
彊於為善益新厥德使無一可議則至剛可以塞兩間一怒可
以安天下矣餘六條曰制國邱民立政嚴實宏度寬隱言皆切
直項之上聞其深於春秋付以左傳令點句正音因奏春秋經
世大典見諸行事非空言比今方思濟艱難左氏繁碎不虛
費光陰耽玩文采莫若潛心專講春秋上從之會除朱勝非同
都督江淮荆浙諸軍事安國奏勝非昔與汪黃同在政府絨默
附會致國勢不振用張邦昌結好金國滅棄綱常天下憤鬱今
強敵憑陵用人得失係國安危若用以都督江淮恐誤大許遂
改除侍讀安國復持錄黃不下呂頤浩稱勝非處苗劉之變能
調護聖躬特命黃龜年書行安國自劾求罷因言昔公羊氏論
祭仲廢君為行權先儒力排其說謂權宜廢置非所宜施於君
父春秋大法尤謹於此邇來忘君失節者非特釋而不問復加

選摠習俗既成六非君父之利臣以春秋進講而與勝非同列
有違經訓遂臥家不出頤浩言其優蹇朝命落職提舉仙都觀
臺諫江躋吳表臣懇留不報及勝非相安國浩然而歸五年除
徽猷閣待制知永州辭不赴詔從其請令纂修所著春秋傳諫
官陳公輔疏詆假託程頤之學者安國奏曰孔孟之道不傳久
矣自頤兄弟始發明之今令學者咸思孔孟而禁不得從頤學
是欲入室而不由戶也本朝自嘉祐以來西都有邵雍二程關
中有張載皆以道德名世公卿大夫欽慕而師尊之會安石蔡
京曲加排抑故其道不行望下禮官討論故事加之封爵載在
祀典仍詔館閣哀其遺書校正頒行使邪說者不得作奏入公
輔與中丞周秘御史石公揆論安國學術頗僻奉祠提舉太平
觀七年五月復召未至而罷八年春秋傳成來上稱為深得聖
人之旨進賢文閣直學士卒年六十五贈左朝議大夫出常格
加贈賜田十頃諡曰文定安國登第四十年歷官不及六載朱
震被召問出處之宜語曰子發學易半生此事當素定世間惟
講學論政不可不切切詢究至於行已大致出處去就如人饑
飽寒溫必自斟酌不可決諸人亦非人所能決也吾平生動止
皆內斷於心至於浮世利名如螻蟻過前何足道哉故白渡江
以來稱儒者進退合義必以安國尹焞為首侯仲良嘗嘆曰志
在天下視不義富貴如浮雲者二程之外一人而已始頗重秦
檜及擅國柄遂與之絕所與交惟游酢謝良佐楊時良佐嘗語
人康侯如大冬嚴雪百草萎死而松栢挺然獨秀 齋子寅字
明仲將生安國妻夢大魚躍水中急往取而子之宣和中游辟
雍遂登甲科張邦昌欲妻之不肯靖康初何臬薦除校書郎受

學楊時選司門員外郎即日立寅不書議狀迺太學中棄官歸
建炎三年張浚薦為駕部郎官上書高宗謂當糾合飛師北向
迎請不允遂膺劾戴亟居尊位倫安歲月敢入關陝漫不捍禦
盜賊橫潰莫敢誰何元元無辜百萬塗地地方且製造文物講行
郊報自謂中興不思久圖一向畏縮此皆失人心之大者自古
中興之主所以能克復舊物莫不本於憤恥恨怒不能報怨終
不苟已未有乘衰微闕絕之後固陋以為榮苟且以為安而能
久者又言漢武帝唐太宗其得志四裔必併吞掃滅而後已今
乃以仁慈之道君子長者之事望於凶頑之粘罕有是理哉且
網賂則孰富於京室納質則孰重於二聖反復計之所謂乞和
決無可成之理又曰大亂之後風俗委靡欲丕變之在於務實
效去虛文所謂實者治兵擇將皆戡大慙孝弟之實也屈已求

私簡錄 卷一百七十九 五 道學宋九

賢信用萃策求賢之實也不為而從必將心改苟利於國即日
行之納諫之實也推智勇忠直之人駕馭以恩威結約以誠信
任將之實也汰疲弱擇壯勇申明階級變易驕悍治軍之實也
遴選守料久於其官痛刈姦賊廣行寬恤愛民之實也若乃遣
使乞和冀幸邀請和顏泛愛外示其禮醜正惡直內輕其言親
厚庸孽等威不立教習兒戲紀律蕩然軍須戎具征求取辦獨
租赦令苟以欺之皆虛文耳願以此六實奮行之無徒戴黃屋
建帳殿立仗警衛贊者引百官入奉起居以此度日彼粘罕方
晝夜厲兵跨河越岱電掃中土有吞吸江湖蹂踐衡霍之意以
此較彼孰勝孰負孰得孰失乎又言君子小人勢不兩立仁宗
朝君子最多小人亦時見用然非若即斥君子亦或見廢然忠
顯印收故能成當世之功貽後人之輔神哲以後斥絕君子一

去不還崇信小人一任不改豈惟敗當時之政且以貽後世之
害今君子既日遠而銷亡小人方蕃息而未艾所以誤國破家
至毒至烈明主可不深畏而痛戒之哉宗澤一老從官耳稍能
推誠感動北連懷衛同迎二聖尅期密應者無慮數十萬何況
陛下乎疏入呂頤浩惡其切直除直龍圖閣主管江州太平觀
尋知永州紹興四年召為起居郎遷中書舍人賜三品服疏言
自丁未以至甲寅所為卑辭厚禮遣使不知凡幾矣然能知二
聖之所在聞二聖之聲音得女真之要領者果何人與但見歸
未息肩而黃河長淮大江相繼失陷女真知中國所重在二聖
所懼在劫質所畏在用兵故為此餌以中國不意坐受其餌既
久而不悟也詞旨剴切上名至都堂論旨仍降詔獎諭既而張
浚自江上還寅復奏今日大計只合明復誓之義用賢修德息

私簡錄 卷一百七十九 六 道學宋九

兵訓民以剛北向備或未可則堅守待時若夫二三其德無一
定之論必不能有所立其說與浚異遂乞郡就養先是寅上言
近年書命多出詞臣好惡之私或飾情相悅含怒相訾使人主
命德討罪之意不伸自今乞以為戒故寅所擬詞多諄諫之旨
辨宣仁聖烈之誣及行道章惇蔡卞詞皆寅撰進由是忌嫉者
衆竟除徽猷閣待制知邵州改集英殿修撰知嚴與永州召為
禮部侍郎徽宗寧德計至故事以日易月寅疏禮譬不復則服
不除願詔終喪衣墨臨戎以化天下兼侍講直學士院父憂免
喪除直學士以避秦檜乞致仕檜憤之坐與李光書譏訕朝政
落職正言章復追論不持本生母服及諫通鄰好責授果州團
練副使新州安置檜死復官卒年五十九寅志節豪邁其文根
著義理有斐然集讀史管見及論語詳說 宏字仁仲幼事楊

時侯仲良既長克傳父業紹興間上書言治天下有本在于仁
仁在于心心官茫茫莫知其鄉其體有所不察則不知有所顧
慮有所畏懼雖有能知能察之良心亦沒消亡矣此臣之所大
憂也良心充于一身迥于天地為宰制萬事統攝億兆之本察
天理莫如屏欲存良心莫如立志試當政事不干便佞不陳佳
麗不御之時沉思靜慮方今事孰為大患孰為急有必歎然而
餒惻然而痛坐起彷徨不能自安者則良心可察而臣言可信
矣又言在廷之臣不能對揚天心充陛下仁孝之志或潛萌借
逆協贊亂謀而陛下顧慮畏懼忘萬世不磨之辱並臣子必報
之誓使九廟神靈終天屈辱父兄魂魄終天暴露不幾倒行而
逆施乎疏入不報宏初以蔭補右承務郎察檢貽書其兄意欲
用之宏作書答檢辭甚厲人問之對曰正恐其再名故勇絕之
弘簡錄 卷一百七十九 七 通學宋九四

耳槍死復名竟以疾辭卒于家著書曰知言張栻稱其言約義
精道學之樞要致治之著龜有詩文五卷皇王大紀八十卷
寧宇仲和初蔭補官名試館職除教令所制定官秦檢問宰煇
知樞密院事外議云何答曰外議以為相公必不為蔡京之所
為俄遷太常丞祠部郎官出為夔路安撫司參議官尋知澧州
主管台州崇道觀卒

張栻字敬夫浚子穎悟夙成父大器之幼學所教莫非仁義忠
孝之實長師胡宏告以孔門論仁親切之旨栻益自奮勵作希
顏錄蚤夜觀省以聖賢自期宏稱之曰聖門有人矣語錄初
蔭補祕閣從父開府幕僚皆一時之選栻內贊密謀外參庶務
其所綜畫諸人以為不及問以軍事入奏因言陛下上念宗社
之警恥下閔生民之塗炭惕然於中思有以振之臣謂此心之

發即天理之所存也願益加省察稽古親賢以自輔無使其或
少息則今日之功可以必成因循之弊可以盡革矣孝宗異其
言遂定君臣之契及浚後營葬甫畢即拜疏金人世警異時朝
廷雖典綽素之師隨遣玉帛之使是講和之念未忘於中而至
誠惻怛之心無以感格于天人之際此所以事屢敗而功不成
也今雖重為羣邪所誤以威國名冠然亦安知非天欲籍是以
開聖心哉繼今以往深察此理益堅此志專務自強使此心純
一貫徹上下了然無纖介之憾然後明詔中外公行賞罰以快
軍民之憤則人心挽回敵不難却劉珙薦除知撫州改嚴州入
奏倦倦以立誠感天地人心為言謂今規畫雖勞事功不立陛
下誠深察日用之間念慮云為之際亦有私意之發以害吾之
誠者乎有則克而去之使吾中扃洞然無所間雜則見義必精
弘簡錄 卷一百七十九 八 通學宋九四

守義必固而天人之應將不待求而得矣夫欲復中原之地必
先有以得中原之心欲得中原之心必先有以得吾民之心求
所以得吾民之心者豈有他哉不盡其力不傷其財而已矣然
其所施必有先後則其緩急不可以不詳所務必有名實則其
取舍不可以不審此又明主所宜深察也名為吏部侍郎兼起
居侍立官入見上喜曰卿知敵事乎連年饑饉盜賊四起有可
圖之勢栻對金國之事臣實不知境內之事臣竊知之比年諸
道水旱民貧日甚國家兵弱財匱官吏誕謾不足倚毗正使彼
實可圖臣懼我之未足上為然然因出所奏以為國家有事必
先得必勝之形其形當在於早定而不在於兩陣決機之日今
方欲正名恢復以伸於我及為卑辭厚禮以求於彼其於大義
已為未盡則淺陋畏怯固益甚矣今日但當下哀痛之詔明復

警之義顯絕企人不與議和通內修外攘進戰退守以為一事且必治其實不為虛文則必勝之形隱然可見雖有淺陋畏怯之人亦且奮躍而爭先矣上為改容竦聽翌日宣示執政恢復大計當如試所陳除左司員外郎兼侍講請葛覃曰治生於敬畏亂起於驕淫使為國者每念稼穡之勞而其後妃不忘織紉之事則心不存者寡矣因陳祖宗自家刑國之懿斥今日典利擾民之害與執政者浸不合出知袁州杖在朝未期而名對至六七所言皆修身務學畏天恤民抑僥倖屏讒諛近習尤不悅退而家居上念之除直寶文閣知靜江府經略安撫廣南西路所部荒殘多益杖至簡州兵汰冗補闕籍諸州黥卒伉健者募為效用日習月按申嚴保伍法物溪峒酋豪弭怨睦隣毋相殺掠橫山馬市歲久弊滋條華利病諸蠻感悅爭以馬來售

弘簡錄 卷一百七十九 九 道學末九月

上聞其治行特進祕閣修撰荆湖北路運副杖雅有公輔之望司天奏相星在楚地上意在杖常路者益忌之改知江陵去貪吏十四人劾長吏縱賊與捕斬姦民舍賊者益皆遁去邊將與帥守不相下杖遇之以禮皆得其惟心又加恤士伍勉以忠義隊長有功輒補以官士咸感奮信陽守劉大辨枯勢希賞廣招流民奪見戶熟田與之杖劾論其罪尋以疾丐休除右文殿修撰提舉武夷冲佑觀淳熙七年卒年四十六遺表勸上親君子遠小人信任防一己之偏好惡公天下之理上嗟嘆不已天下傳誦之為人坦易明白表裏洞然詣理既精信道又篤樂於問過勇於徙義其辨義利尤精道錄 嘉定八年賜諡曰宣寶慶二年錄子孫官景定二年封華陽伯從祀孔子廟廷咸淳四年命建康府建南軒書院奉祀七年訪求後人義倫補將仕郎

喻樛字子才由南昌徙嚴州十六世祖愈榮仕梁至安州刺史武帝賜姓為喻樛性質直好議論少慕伊洛之學登建炎進士往謁趙鼎鼎時罷樞筦居常山因諷之曰公之事上當使啓沃多而施行少啓沃之際當使誠意多而語言少鼎奇之引為上客紹興初鼎都督川陝辟為屬高宗親征樛見鼎賀曰六龍臨江兵氣百倍然公自度此舉果出萬全乎或姑試一擲也鼎曰中國累年退避不振敵情益驕義不可更屈故贊上行耳若事之濟否則非鼎所知也樛曰然則當思歸路毋以賊遺君父憂鼎問策將安出樛曰張德遠有重望今方居閩不可終棄若使為江淮荆浙福建等路宣撫俾以諸道兵赴闕府庫軍旅錢糧皆得專之其來路即朝廷歸路也鼎善之入奏今沿江經畫大計畧定非得大臣相應接不可帝曰然遂起沒知樞密院事沒

弘簡錄 卷一百七十九 十 道學末九月

至執鼎手曰此行舉措皆合人心鼎笑曰子才之功也樛自是往來鼎沒間多所裨益傾之薦授祕書正字兼史館校勘金既退師鼎沒相得懽甚人以為必並相樛獨言二人立事任人未甚相遠若同處相位萬有一不合則是賢者自相背戾矣又嘗嘗推車者遇艱險則相誦病及車之止復欣然如初士大夫於國家亦若是而已後皆如其言久之檜怒樛先言和議非便言者希旨劾為訕謗出知懷寧轉通判衡州檜死起為大宗正丞轉工部員外郎知新州孝宗即位遷提舉浙東常平以治績聞淳熙七年卒平生善識鑿宜和問許其友沈晦當魁多士建炎初又謂張九成當第一凌景夏次之會風折大槐作二簡以遺後果然鼎嘗以焚尤遠免舉事訪樛言今年省試不可無此人未幾尤遠亦第一其二女方擇配不與富人後適汪洋張孝祥

咸及第

程迥字可久始家沙隨時康亂徙餘姚丁內外艱孤貧無以振
 二十餘始知讀書時亂甫定士大夫多在錢塘迥因以考德問
 業嘗受經學於喻樛及崑山王傑嘉禾聞人茂德登陸典進士
 歷泰興尉有訓武郎楊大烈死人訟其妻非正室官收資產迥
 為平反使歸其女調德典丞有程氏女當唐肅宗時父兄為盜
 所殺併掠女去女用計手刃其黨剗心以祭父兄事久沉寤迥
 始表章之旌曰英孝烈女改知進賢民饑迫於稅賦徒存欠籍
 迥言唐人損七則租庸調俱免今損十矣賦不可得請悉蠲之
 有婦人備身舂簞子為人牧牛以養其姑姑感婦孝每食必仰
 天而祝迥為白其事於郡給以錢粟調上饒郡督經總制錢甚
 急迥反復言之當路不聽乞奉祠寓居番陽之蕭寺有程祥者
 弘簡錄 卷一百七十九 進學朱九四
 從其伯父待制昌禹來居番陽昌禹死祥亦繼亡祥妻度氏質
 奩具以育遺孤久之幣竭或欲醮之度不可迥為走告于郡月
 給之粟迥臨民以莊政寬而和令簡而信綏撫弱導以恩義
 暇日賓禮賢士延進秀民陳說詩書質疑問難不謁非典之祀
 隱德潛善無問幽明表而出之以勵風俗凡聽決或上官未悉
 必再三抗辨不為苟止貴溪民偽作吳漸名懇縣令石邦彥運
 使遂與大獄狹死十四人迥言匿名書不當受使不聽及自寺
 訖報如迥言所著有古易考古易章句古占法易傳外編春秋
 傳顯微例目論語傳孟子章句文史評經史說太玄補贊戶口
 田制貢賦書乾道振濟錄醫經正本乾道新書度量權三器圖
 義四聲韻淳熙禱志南齋小集朱熹稱其純德至行追配古人
 釋經訂史開悟後學當世之務又所通該非獨章句之備而已

子綯以致仕恩調巴陵尉攝邑事能理冤獄孫仲熊亦有名

朱震字子發荆門軍人生平經學深醇有漢上易解以王弼盡
 去舊說雜以莊老專尚文辭為非是其於象數特加詳密論圖
 書授受源委云自陳搏李之才邵雍之後種放以河圖洛書傳
 李溉灑傳許堅堅傳范諤昌諤昌傳劉牧穆修以太極圖傳周
 惇頤惇頤傳程顥程頤是時張載講學於程邵之間故雍著皇
 極經世書牧陳天地五十有五之數惇頤作通書程頤著易傳
 載造太和參兩篇臣今以易傳為宗和會雍載之論上采漢魏
 吳晉下逮有唐及今包括異同庶幾道離而復合其說莫知其
 所自登進士累仕州縣胡安國大器之薦於高宗名為司勳員
 外郎稱疾不至趙鼎復薦其廉正守道士人冠冕使備講讀必
 有裨益再召始至首問易春秋之旨具以所學對上悅改除祠
 部員外郎兼川陝荆襄都督府詳議官因奏荆襄沿漢高陝之
 田六七百里願選良將招集流亡務農種穀不過三年兵食自
 足又給以茶鹽鈔於軍中募人中糴可以下江西之舟通湘中
 之粟觀變而動席捲河南北以逸待勞萬全計也遷秘書少監
 侍經筵轉起居郎兼建國公贊講與胡善范冲人謂極天下之
 選俄賜五品服遷中書舍人兼翊善郭千里除將作監丞震言
 千里侵奪民田曾經按治願寢新命從之轉給事中兼直學士
 院遷翰林學士時處州民為盜朝議遷將震言使居官者廉而
 不擾則百姓自安雖誘之為盜亦且不為願選良守到官之日
 條具本郡及屬縣官吏有貪墨無狀者一切罷去聽其自擇慈
 祥仁惠之人有治效者優加獎勵上從其言太常與表臣議行
 明堂之祭震言王制國有大喪三年不祭惟天地社稷為越緋

行事春秋譏吉禘于莊公謂不三年也國朝景德三年合祀天地遂享太廟時真宗未行三年之喪以日易月在今日行之則非矣其言不用以御史趙渙侍郎陳公輔言大饗明堂震謝病巧祠卒上慘然曰楊時物故安國與震又亡朕痛惜之錄其子

官
楊萬里字廷秀吉水人登紹興進士山贛州司戶參軍調零陵丞以書謁張浚時浚謫永州杜門謝客凡三往始見之浚入相為除臨安教授父憂改知奉新浚追胥不入鄉民賦揭示市巾民爭懼趨不擾而辦縣以大治陳俊卿虞允文交薦累國子太常博士會張栻以論張說出守萬里抗疏留之又遺允文書規以和同之說公論倚重累遷將作少監出知漳州改常州尋提舉廣東常平茶鹽帥師平南粵盜沈師孝宗稱為仁者之勇有弘簡錄 卷一百七十九 道學宋九

大用意就除提點刑獄請於湖惠二州築外砦湖以鎮賊之巢惠以扼賊之路復名為尚左郎官淳熙中地震上書言南北和好踰二十年一旦絕使敵情不測謂彼內亂爭立乘釁止亂者誣也謂繕汴京城池開海州漕渠發河南民兵增驛騎製馬櫪籍井泉者實也謂金主北歸可為中國之賀謂緩急准不可守棄而守江臣以為皆不然也蓋金人懲逆亮之事將欲向南必固往北其意以身填撫其北而驅其子婿使經營其南中國之憂正在於此昔者吳與魏力爭得合肥然後吳始安李煜以失滁揚境土始蹙設若無淮江可得而保乎今兩淮東西凡十五郡守帥不得其人問於宰相曰樞廷擇以主兵問於樞廷曰除授不自己出陛下將責之誰乎且我之長技莫急於舟今為敵計者日繕治督造而我反談曰海舟素具又曰憚於勞擾臣憶

紹興辛巳之戰山東采石之功當時所有今可復用乎若謂以此擾民則夫社稷安危國家治亂孰有大於此者陛下誠以今日視為何時金人日逼疆場日擾而未聞防者何策保者何道但聞某日修某禮文某日進某書史是以談笑已亂于羽解圍也或謂人不能悟主賴天能悟之今焚賊犯南斗守羽林鎮星犯端門至於正月之朔日青無光兩相摩盪雨雪殺物迺五月庚寅地復震動臣不知陛下果有悟乎矧頻年兩浙大旱江淮湖廣流徙相續而常平之積名存實亡入粟之令上行下慢所行泉幣近侍要塗閹宦權貴貫朽不用反以破楮敗券用於三軍萬一如唐涇原之師可不為寒心哉又言國家緩急必有大臣可倚近時若劉珙張栻已死萬一有急不知何人可督諸軍何人可當一面何為金人所憚何為陛下所倚如必用而後見弘簡錄 卷一百七十九 道學宋九

臣謂必聞其聲乃見其實今平居無以知其人必待臨之以大安危試之以大勝負萬一不效悔之何及臣願陛下超然遠覽勿矜聖德之崇高而增其所未能勿恃中國之生聚而嚴其所未備勿以天地之變異為適然而安於江左之不振勿以敵國之彘隙為僥倖而忽於符堅之敗敵勿以女謁近習為細故而監漢唐寵倖致亂之由勿以仇讐包藏為無他而懲宣政晚年受禍之酷責大臣以通知邊事如富弼勿以東西二府而異其心委大臣以薦進謀臣如蕭何勿以文武兩途而殊其轍勿使賂宦者而得旄節如唐大曆勿使貨近幸而得招討如梁段凝以重蜀之心而重荆襄以保江之心而保兩淮書奏帝親報為東宮侍讀每進讀陸宣公奏議官僚以得端人為賀及宰相王淮詢問人才萬里疏朱熹袁樞以下六十餘人次第擢用之歷

樞密院檢詳守右司郎中遷左司十四年夏旱及兩月萬里奏
謂求言太遲上自侍從下止館職亦頗拘隘以今上澤不流下
情不達故天地之氣隔絕而不通因疏四事言皆切遠秘書
少監會居高宗喪萬里上太子書勸以固辭參決庶務一履危
機悔之何及為之悚然會議配享萬里言捨張浚而用頤浩此
何異指鹿為馬孝宗覽疏不悅以直祕閣出知筠州光宗召為
祕書監上言朋黨之禍僭非權臣而甚於權臣擬非盜賊而甚
於盜賊蓋欲激人主之怒空天下人才莫如朋黨黨論一興其
禍不測願陛下建皇極於聖心公聽並觀苟衆議皆曰君子從
而用之曰小人從而廢之皆勿問其黨從古帝王未嘗不任一
已親覽朝權苟使其始大臣將相外戚近習得以私而竊之其
終必至公肆盜弄壞亂而後已可不懼哉紹熙元年接伴金賀
弘簡錄 卷一百七十九 五 建寧朱九四

正使借煥章閣學士兼實錄檢討會孝宗日曆成故事當序而
宰臣屬之傅伯壽萬里遂以失職丐去及上聖政錄當捧進不
至出為江東運副權總領淮西江東軍馬錢糧初議欲行鐵錢
於江南疏言其非便忤宰相意改知贛州不赴除祕閣修撰奉
祠自是不復出寧宗升煥章閣待制提舉興國宮引年進實文
閣致仕嘉泰三年加實文閣直學士賜衣帶開禧二年升學士
萬里性剛褊始孝宗愛其才以問周必大無善語遂不見柄用
臥家十五年卒年八十三贈光祿大夫諡文節學者稱誠齋先
生平生精於詩嘗著易傳行世子長儒

高閔字抑崇鄞縣人少從程頤學宣和末入太學胡安國初至
京訪士於祭酒楊時首以閔對由是知名紹興元年合選登第
秦棟使姚孚請婚閔辭之執政薦為祕書正字廷議賜新進士

儒行中庸篇閑奏儒行詞說不醇請祇賜中庸令學者一意聖
學淵源而不惑於他說從之權禮部員外郎兼史館校勘對言
名未正者數事樞密院掌本兵而諸路軍馬盡歸督府周禮六
卿大事則從其長小事官屬猶得專達今雖利害灼然可見官
長且不敢決必請於朝故廟堂之事益繁而省曹官屬與胥吏
無異又給舍與臺諫凡遇政事恐得於風聞或致過舉故得互
相繳駁今此風不見久矣臣恐朝廷之權專在臺諫且名為臺
官實無言責大非朝廷舊例咸願正之遷著作佐郎罷主管崇
道觀久之召為國子司業時方興太學閱多所建明奏先王設
置本意惟講經術國初因循唐制遂用詩賦神宗特罷之又慮
不足以盡人才乃設詞學一科今宜以經義為主而加以詩賦
帝然之命條具立法首六經語孟義次詩賦次子史論又次時
弘簡錄 卷一百七十九 六 建寧朱九四

務策凡為四場太學課試及郡國科舉盡依此法且立郡國士
補國學監生之制時始建學閱訓宜得老成以誘掖後進首薦
林栗之師全州文學師維藩除國子學錄維藩精春秋學舟山
人也新學成奏補及試者六千人閱率令上表乞車駕臨雍帝
擇日臨幸奉煇執經問講易恭卦賜三品服胡宏貽書責之曰
太學明人倫所在背楚懷王入秦不返國人憐之如悲親戚宋
公為楚所執又自釋之春秋書諸侯盟于薄釋宋公不許楚人
制中國之命今太上不得其死太母縱釋反在舍人掌握此中
朝大辱臣子所不忍言而柄臣乃敢欺天罔人以爲大恩晉朝
廢太后太學董養歎為大亂將作遠引而去今閣下目覩忘警
滅理北面敵國猶偃然爲天下師儒之首既不能建大論以正
君心乃阿諛柄臣希合風旨求舉太平之典將孰任綱常之責

耶尋除禮部侍郎秦檜疑問常薦張九成因令李文會劾閣出知筠州不赴卒其著述有春秋集傳

洪興祖字慶善丹陽人少讀中庸至性命之理豁然有悟讀文

日進登政和上舍第為湖州士曹高宗時庶事草創選人多改

依典祖轉宣教郎領軍頭引見司儀名試授祕書正字遷太常

博士上疏乞收人心納謀策安民情壯國威一以藝祖為法紹

興四年陞駕部郎官蘇湖地震應詔具言朝廷紀綱之失為時

所惡罷主管太平觀起知廣德軍視水原為陂塘六百餘所民

無旱憂一新學舍定從祀自十哲而下七十有一人又列先儒

左丘明而下二十有六人皆與祀典久之擢提點江東刑獄改

知真州始至當兵馬之衝瘡痍未瘳興祖請復民一年從之明年

再請自是流民復業墾闢荒田至七萬餘畝徙知饒州坐嘗

弘簡錄 卷一百七十九 道學宋九四

作程瑀論語解序諫官希楸旨劾以語涉怨望編管韶州卒年

六十六明年詔復其官直敷文閣平生好古博學自少至老未

嘗一日去書著老莊本旨周易通義繫辭要旨古文孝經序贊

離騷楚詞考異行于世

鄭樵字漁仲莆田人好著書自負不下劉向陽雄居夾漈山謝

絕人事久之更游名山大川搜奇訪古遇藏書家必借留讀竟

乃去趙鼎張浚皆器重之初為經旨禮樂文字天文地理蟲魚

草木方書之學皆有論辨紹興十九年上之詔藏祕府歸而益

厲所學從者二百餘人侍講王綸賀允中薦其學行得召對因

言班固以來歷代為史之非帝曰聞卿名久矣敷陳古學自成

一家何相見之晚耶授右迪功郎禮兵部架閣御史葉義問劾

之改監潭州南嶽廟命給筆札歸抄所著通志書成入為樞密

院編修官尋兼攝檢詳諸房文字請修金正隆官制比附中國

秩序因求入祕書省繕閱典籍詒許於三館假書觀之陸務觀

以為一時快事遇館中諸人狹中矜勝皆不樂以館中所有易

彼所無復疑其事金人犯邊樵言歲星分在宋金主將自斃後

果驗高宗幸建康命以通志進會稽卒年五十九學者稱為夾

溪先生生平好為考證倫類之學成書甚多大抵博學而寡要

性甘枯淡樂施與獨切切於仕進識者以是少之 同郡林震

字時穩擢政和進士博學有聞深於象數與樵為金石交林光

朝嘗師事之聚書數千卷皆自校讐謂子孫曰吾為汝曹獲良

產矣紹興中為勅令所冊定官力詆秦檜和議之非即挂冠去

當世高之

冊曰有為于前有傳于後百代一家千古如晝逢時則易

弘簡錄 卷一百七十九 道學宋九四

自信實艱將來作者孰與比肩

程大昌字泰之休寧人十歲能文登紹興進士主吳縣簿父憂

復著十論獻于朝言當世事宰相湯思退奇之擢太平教授明

年召為太學正試館職除祕書正字孝宗遷著作佐郎奏言帝

銳意事功命令四出貴近或得預密議昔漢之石顯先請帝夜

開宮門他日故以夜還稱詔復啓自是真偽莫辨人不復言國

朝命令必由三省恐防此弊請自今御前直降文書皆申省審

奏乃得行又言去歲完顏亮入寇無一士死守至今策勳未已

而李寶捷於膠西虞允文戰采石寶者勞勩今反罷出此公論

所以不平帝稱善遷為恭王府贊讀遷國子司業權禮部侍郎

兼直學士院帝問朕治道何以不進對曰陛下勤儉過古帝王

自女直通和知尊中國不可謂無效但當求賢納諫益修政事

則大有為之業皆在其中不必他求奇策以幸速成又言淮上築城太多緩急何人可守設險莫如練卒練卒莫如擇將帝皆納之除浙東提刑會歲豐酒稅踰額有挾朝命請增額者大昌力拒之徙江西運副奮曰可以典利去害行吾志矣歲儉出錢十餘萬緡代輸吉贖臨江南安夏稅折帛清江縣舊有破坑桐二堰以捍江護田及民居地幾二千頃歲久堰壞民罹水患大昌力復其舊進祕閣修撰召為祕書少監帝勞曰卿為朕所特簡若使監司人人如卿朕復何憂尋兼中書舍人奏六和塔寺僧違法置田以鎮潮為功且免科徭請問自修塔之後潮果不齧岸乎乃寢其命遷國子祭酒權刑部侍郎時四方獄獄例從貸死大昌奏言辟以止辟未聞縱有罪為仁也臣謂有司當守法人主察其可貸則貸之如此則法伸乎下仁歸乎上帝以為弘簡錄

卷一百七十九
然命兼侍講進給事中駁還江陵帥辛棄疾徙江西勅書言都統制率逢原縱部曲毆百姓若反徙帥恐自此州郡不可懲勸屯戍矣逢原坐削兩官大昌尋遷兵部尚書上言西北諸軍舊人日少其子孫伉健者當教之戰陣不宜輕聽離軍祖宗之法非獨以禁軍備宿衛南征北伐嘗為先鋒今率三年補外用違其長即有征行無人在邊願留三衙勿遣以行中外更迭之制出知泉州改汀州沈師作亂謀攻城閩部大震漕帥檄統制裴師武往討以未得符不肯行大昌手書趣之賊遂散去遷知建寧光宗立徙明州尋奉祠以龍圖閣學士致仕卒年七十三諡文簡生平篤意向學於古今事靡不考究有禹貢論易原雍錄易老通言攷古編演繁露北邊備對行于世

徐夢莘字商老臨江人生當靖康之亂四歲而江西遭寇母程

負以亡得免稍長性敏聰嗜經史至稗官小說寓目成誦登紹興進士歷南安教授改知湘陰會括田增稅他邑奉命募草獨謂邑無新田租稅無從出湖南帥志欲從簿責問攜檄終莫能得反加器重等主管廣西轉運司文字除知賓州先與廣西安撫司幹官胡廷直議易兩廣鹽法不合以為梗法罷去自是恬於榮進乃網羅舊聞會粹同異究見類末為三朝北盟會編三百五十卷自政和七年海上之盟訖紹興三十一年完顏亮之斃上下四十五年凡詔勅制誥國書疏劄奏議記序碑志登載靡遺帝聞而嘉之擢直祕閣卒年八十二平生多所撰著有集補會錄讀書記志集醫錄集仙錄皆以儒學冠之其嗜學博文益孜孜焉死而後已 弟得之字思叔登淳熙進士以廉吏薦官通直郎致仕安貧樂分不食不躁著左氏國記史記年記

弘簡錄
卷一百七十九
做篋筆略鼓吹詞柳江志 從子天麟字仲祥登開禧進士歷撫州臨安教授湖廣總領所幹辦公事浙西提舉常平判官主管禮兵架閣宗學論武學博士輪對言人主當持心以敬奉刑仙都觀通判惠澤二州權英德府廣西轉運判官所至興學明教有惠政著西東兩漢會要百一十卷漢兵本末一卷西漢地理疏六卷山經三十卷謝官口作亭蕭灘書殿子陵像事之章如愚字俊卿婺州金華人自幼穎悟負才尚氣登慶元進士初授國子博士擢知制誥時詔勅皆出其手未幾改知貴州政蹟大著開禧初被召上疏極陳時政因忤韓侂胄罷秩歸鄉潛心著述結山堂數十間與學者講論道義遠邇咸尊師之及卒門人諡為山堂先生著有羣書考索及文集百十卷行世

弘簡錄卷一百七十九之九 終

弘簡錄卷一百八十

明刑部員外郎仁和弘齋邵經邦學

皇清翰林院侍講學士四世孫遠平校閱

道學 宋九之五

陸九淵 子持之 兄九 楊簡 錢時 袁燮 子甫 沈煥

舒璘 薛季宜 陳傅良 蔡幼學 葉適 戴溪

陸九淵字子靜唐相希聲八世孫祖德遷避五代亂居撫州金溪父賀以學行為鄉里所宗冠婚喪祭咸采古禮而行生子六人 語備載 乾道中九淵登進士初調靖安主簿終母憂改崇安史浩薦召審察不赴除國子正教諸生無異在家時轉救令所

剛定官九淵少聞靖康間事慨然有感於復讐之義常訪勇士與議恢復大畧因輪對陳五論一警聽未復願博求天下豪俊

弘簡錄 卷一百八十 道學宋九五

舉論道經邦之職二願致尊德樂道之誠三論知人之難四論事當馴致而不可驟五論人主不當親細事帝稱善未幾改將作監丞給事王信駁還奉崇道祠歸學者稱象山先生光宗差

屢皆滿耆老扶杖觀聽自號象山翁學者稱象山先生光宗差知荆門軍陳慥者無早暮得自造于庭悉為立期如約而至即酌情決之然多所勸釋其有涉人倫者諭令自悔以厚風俗惟

不可訓者始寘之法其官吏之貪廉民俗之善惡習尚之淳漓皆素知之有訴人殺其子者九淵曰不至是已而其子果無恙或訴盜竊取而不知主名九淵為捕二人至訊之果伏辜盡得

其所竊以還訴者更大驚傳以為神申嚴保伍羣盜屏息荆門居江漢之間為次邊而無城九淵以為郡南捍江陵北援襄陽東護隨郢西當光化夔陵之衝其山則由胡陽以趨水則由郢

城以涉荆門固則四隣有所恃否則有背脅腹心之虞而城池

闕然將誰與守乃請於朝力濬築之民恃以亡恐罷關市議察商賈畢集課日益增舊用銅錢因近邊以鐵錢易之行銅有禁而貼納如故九淵曰既禁之矣又使之輸耶悉蠲之以時教射

民得與軍伍中者均賞薦其屬不限流品常言古者無流品之令而賢不肖之辨嚴後世有流品之分而賢不肖之辨畧每早

禱雨仰應郡人異之逾年政行令修民俗為變諸司交薦周必大嘗稱荆門之政以為躬行之效一日語所親曰先教授兄有志天下竟不得施以沒又謂家人及僚屬曰某將告終會禱雪

後二日沐浴更衣端坐至午而逝賜諡文安會葬者以千數寶慶二年錄子孫官 子持之字伯微七歲能文從父授徒學者數百人有未達即為敷釋荆門郡治火倉卒指授中程父器之

弘簡錄 卷一百八十 道學宋九五

會侂冑用兵持之深以為憂乃歷聘九江見徐誼語曰自古興事造業必有學以輔之後世則以血氣盛衰為銳惰故三國兩晉諸賢往往不克有終明公更天下事變多矣未舉一事而朝

思久惟利害先入于中愚恐其為之難也誼憮然時議防江持之請擇僚吏察地形孰險而守孰易而戰孰隘而伏毋專為守江具又之鄂謁薛叔似頃安世之荆謁吳繼皆欲留之持之謝

歸著書十篇名懋說嘉定三年試中江西詩選司徵為東湖書院山長寧宗時遷迪功郎乞歸不許理宗轉修職郎差幹辦浙西安撫司致仕所著有易提綱諸經雜說孫溥咸淳七年補下州文學 兄九齡字子壽幼穎悟端重十歲喪母哀毀如成人稍長入郡庠泰檜禁程氏學九齡獨尊其說久之聞郡博學黃老不事禮

法慨然嘆曰此非吾所願也遂歸請學自相師友和而不同學者稱爲二陸吏部員外許忻有名中朝退居臨川少所賓接一見九齡與語大悅盡以當代文獻告之自是益大肆力於學番閱百家晝夜不倦悉通陰陽星曆五行卜筮之說性周謹不苟涉獵入太學司業汪應辰舉爲學錄復登乾道進士教授桂陽軍會茶寇竊發聲推考郡人心震懾郡從衆請令九齡主義社以備寇門人多不悅九齡曰文事武備未嘗有二古者比國之長卽五兩之率士而恥此反今豪俠武斷者專之矣遂傾其事調度屯禦皆有法則暇則與鄉子弟習射郡縣倚以爲重遇歲惡剽劫者過其門相戒不敢犯尋改興國軍地濱大江俗儉嗇鮮知學九齡益嚴規矩肅衣冠如臨大衆勸綬引翼士類興起丁繼母憂服除調全州未上得疾早起對客語猶以天下學術弘簡錄 卷一百八十一 王 道學朱九五 人才爲念至夕整襟正臥而卒年四十九寶慶二年特贈朝奉郎直秘閣賜諡文達 第九節字子美所著有梭山文集家制州郡圖學者稱梭山先生

爲恥夜無盜警路不拾遺紹興五年名爲國子博士老少率縣民隨出境外呼曰楊父會訟趙汝愚冤罷主管崇道觀轉朝奉郎嘉泰四年遷朝散郎賜緋衣銀魚權發遣全州嘉定初歷除秘書著作郎兼權兵部考功郎官轉對極言經國之要弭災厲消禍變之道又言旱蝗所致咎在人心帝爲感動遷將作少監禮部郎官入對往復漏過八刻上目送久之兼國史實錄院以所陳言未行求外知温州以廉儉自將移文首罷妓籍尊敬賢士禁止私縱伸明紀律吏不敢犯所至閭巷雍睦無忿爭羣民皆畫像事之入爲駕部員外郎老稚扶掖緣道傾城哭送再遷軍器監兼工部郎官加朝奉大夫值金國饑中原民歸者日以數萬計簡奏乞撫之不報有疾請去以直寶謨閣主管玉局觀起授朝請大夫右文殿修撰賜紫衣金魚進待制賜金帶理宗弘簡錄 卷一百八十一 四 道學朱九五 轉朝議大夫爲直學士封慈溪縣男累加中大夫尋以寶謨閣學士大中大夫致仕卒贈正奉大夫簡既受教象山自言惟日覺心胃湛然清明應用無方動靜一體乃知此心本靈本神本明本廣大驗之天下萬世奚獨簡心如此惟百姓日用而不知爾乃諄諄爲學者剖析孔子所言忠信爲大道忠者實信者誠子思中庸庸者常也日用平常也孟子亦云徐行後長卽堯舜之道以羊易牛是心足以王惟不爲詐僞而求之幽深高遠乃爲知道所者有甲乙葉冠婚喪禮釋菜禮石魚家記已易啓蔽等書其論治務最急者五一謹擇左右大臣近臣小臣二擇賢以久任中外之官三罷科場而行鄉舉里選四罷設法道淫五修諸葛武侯之正兵以備不虞其次急有八一興屯田以省養兵二限民田以漸復古三禁權酷羣飲四罷私買拆斥鹽請無

名之。賦五擇賢士教之太學。教成便分掌諸州之學。各擇井里之士聚而教之。又分掌其邑里之學。六取周禮會議熟講其可行於今者行之。七罷效藉禁淫樂。八修書以削邪說。此簡之志也。後咸淳間制使劉敞卽其居作慈湖書院。門人錢時字子淳。安人。幼奇偉。不羣讀書。不爲世儒之習。以易冠漕司。既而絕意科舉。究明理學。提刑袁甫作象山書院。招主講席。典起政事。多所裨益。郡守及新安紹興守皆厚禮延請。開講郡庠。其學大底發明人心。論議宏偉。指擿痛快。聞者皆有得焉。喬行簡知其賢。特薦之。言時風負才識。尤通世務。田里之休戚利病當世之是非得失。莫不詳究而熟知之。不但通詩書守陳言而已。授館閣校勘。詔守臣錄其所著書。來上。未幾出佐浙東倉幕。李心傳奏爲史館檢閱。轉對數陳。劄切皆聖賢之精微。旋以國史宏弘簡錄。卷一百八十五。道學宋九五。

綱未畢。求去。授江東帥屬。歸其書。有周易釋傳。尚書演義。學詩管見。春秋大旨。四書管見。兩漢筆記。蜀阜集。冠昏記。百行冠冕集。寶祐間守季鏞祠于學。號融堂先生。

袁燮字和叔。郵人。生而端粹。專靜。乳媪置漿水其前。玩視終日夜臥。常惺然。稍長。慨然以名節自期。入太學。登第。調江陰尉。常平使羅黻檄振恤浙西饑荒。令每保蓄一圖。悉載田疇山水道路。以居民分布其間。書其名數。治業合保爲都。合都爲鄉。合鄉爲縣。振之無遺。後有征發爭訟。追胥按圖立決。連丁家。數寧宗立。名爲太學。正論。教朱熹。趙汝愚。出爲浙東帥幕。嘉定初。累除宗正寺簿。密院編修。權考功郎官。太常丞。知江州。改提舉江西常平。權知隆興。名爲都官郎中。遷司封。入對。言陛下卽位之初。委任賢相。正士鱗集。因竊威權者。從旁呶呶。彭龜年逆知必亂。

顯言其姦反以罪去。自是權臣得肆。幾危社稷。陛下嘗追思此事。臨朝大息。斯人猶在必大用之。固已深知其忠矣。今正人端士不乏。願陛下嘗存此心。不厭劄切。崇獎朴直。天下何憂不治。又言臣昨勸陛下勤學好問。聖訓答以問則明。臣退與朝士言。莫不稱善。而側聽十旬。猶昔之端拱淵默。臣竊惑焉。夫既知如是。而明則當知反是。而闇明則輝光旁燭。無所不通。闇則是非得失。懵然莫辨。帝納之。由國子司業遷祭酒。延見諸生。訓以反躬。勉已。忠信篤敬。聞者悚然。有得兼崇政殿說書。除禮部侍郎。兼侍讀。與史彌遠爭和議。臺論罷之。以資文閣待制。提舉鴻慶宮。起知溫州。進直學士。卒。其學初得於陸九齡。與同學沈煥。楊簡。舒璘。相切磨。復師事九淵。發明本心之指。每言人心與天地一本。精思以得之。兢業以守之。則與天地相似。學者稱爲潔齋。弘簡錄。卷一百八十五。道學宋九五。

先生後諡正獻。子甫。字廣微。少服父訓。學以聖人爲師。自得爲貴。從楊簡遊。自謂吾觀草木之發生。聽禽鳥之和鳴。與我心契。其樂無涯。登嘉定進士第一。調建康軍節度判官。入爲秘書正字。轉對言。當今可懼有五。其一端良者斥。諂諛者用。何以作忠臣。敢諫之氣。其二兵戈旣興。餽餉不繼。根本日虛。恐有蕭牆之憂。其三君上深居高拱。臣下奉行簿書。獨運密謀之意。勝而虛心咨訪之意。微天下迫切之情。何由上聞。其四外患未弭。內患方深。上下熙熙。自謂雅量。足以鎮浮。而不知宴安實爲鴆毒。其五庸夫儉人。苟求富貴。交結近侍。賄略權貴。禍亂幾斷。不可悉數。未聞大明黜陟。將何以答天譴。名和氣哉。遷校書郎。又陳邊事之病不在外。而在內。偷安之根不去。規模終不立。壅蔽之根不去。血脈終不通。忌嫉之根不去。將帥終不可擇。欺誕之根

不去兵財終不可治祖宗立法凡大事雖委中書然必擇風采
著聞者為臺諫敢於論駁者為給舍所以戢官邪肅朝綱也今
日誠體是意豈復有偷安垂蔽者哉出通判湖州考常平敝原
以增積貯核隱產增附嬰兒局轉秘書郎知徽州治先教化崇
學校訪便民事以上請獨減發源紬絹并茶租折帛月椿等錢
豫蓄常平義倉典修陂塘初築橋梁父憂服除改知衢州創立
旬講務以理義淑士心歲撥千緡養士屬邑積苦預借甫為代
輸三萬餘緡蠲放四萬七千緡郡故有義莊增廣良田二百畝
移提舉江東常平遇水旱不均重以雨雪道塗相望甫亟發庫
粟之積住催新舊窳名遣官分行振濟病者予藥餽會江閩寇
迫饒信甫慮民情易動分榜諭安之寇迄不敢犯兼提點水路
刑獄移司番陽問民疾苦薦循良幼姦貪決滯獄所至請學官
弘簡錄 卷一百八十一 七 道學宋九五

即調之以行名為秘書少監入見奏無逸之義知稼穡艱難自
然逸欲不起乞力守更化以來求賢如不及之意專意經術愛
養精神無消天下謙言之氣遷起居舍人兼崇政殿說書奏剛
之一字最切於陛下所謂真剛者當為之事必行不當為者斷
而勿行陛下徒有慕漢宣之名而乃墮元帝文宗之失蓋山不
知剛德之真不用於斥邪佞而反用於逐賢人也俄兼中書舍
人論鄭清之行履欽輸券之令有司避貴虐賤有力者未應令
而追呼迫促破家蕩產先及於中下之戶人心悲痛亡聊本朝
立國以仁陛下以此舉仁乎否乎帝為惻然史嵩之帥江西甫
當行詞奏臣本與嵩之同里其父彌忠與臣有故每戒勿輕議
和而嵩之力主和議父子異心之人朝廷用之臣竊未解既而
嵩之權刑部尚書復奏臣於嵩之本無讐怨但國事所係誼難
緘默終不與書詰命迺出知江州王遂抗疏力爭帝轉以授其
兄肅未幾除甫知婺州不拜嘉熙元年復為中書舍人入見帝
問邊事甫奏四事曰固江陵堰瓦梁與流民復業及嵩之移京
湖沿江制置又奏嵩之輕脫難信去年在淮西王巖山淮西而
來北軍踵之今又併湖南付之臣恐復以誤淮西者誤湖南也
不報擢權吏部侍郎入見奏江湖暴瀉旱魃為虐楮幣蝕其心
腹大敵剝其四肢危亡之禍近在旦夕乞乘一德塞邪徑遷兵
部侍郎奏岳珂總餉二十年焚林竭澤今反以知兵得召疏入
珂補外甫遷吏部侍郎兼國子祭酒日召諸生叩其問學為講
明義理時邊遽日至甫條上十事至為明備權兵部尚書兼吏
部卒贈通奉大夫諡正肅有孝說孟子解後省封駁信安志江
東荒政錄防拓錄樂事錄及文集行世

沈煥字叔晦定海人試入太學登乾道進士授餘姚尉揚州教授名爲太學錄孜孜訓誨以所躬行者淑諸人最暮延見學者益以傳道講習爲務同僚忌其立異煥不顧也會克殿試考官唱名日序立庭下帝偉其儀觀遣內侍問姓名衆滋忌之或勸以姑營職業道未可行煥曰道與職有二乎適私試發策引孟子立乎人之本朝而道不行恥也爲問言路指爲訕請黜之在職纔八旬調高郵軍教授去後克幹辦浙東安撫司公事高宗山陵安撫鄭汝諧奏克修奉官時百司次舍供帳酒食之需供給不暇煥移書御史言國有大戚臣子安敢宴樂自如請明示以喪記本意使貴近哀戚之心重則妾舍非食自安不煩彈劾而須索絕矣從之尋除知婺源三省類薦轉通判舒州開居雖病猶不廢請讀卒時惟以母老爲念善類凋零爲憂周必大謂

弘簡錄 卷一百八十九 道學宋九五

立朝不能推賢揚善負此益友予當愧叔晦叔晦不愧予也煥人品高明造詣誠篤中或有所未安不苟自恕嘗觀諸妻于夜嘗卜諸夢寐兩者無愧然後即安寶慶二年追贈直華文閣諡端憲

舒璘字元質奉化人初從張栻遊有所開幣入太學事陸九淵朝夕不離刻苦磨厲改過遷善日有新功又徙步往謁朱熹呂祖謙于婺相與講學必求弗畔于道以書告其家曰敝床粗席總是佳趣柳風沐雨反爲美境其篤志若此登乾道進士兩授郡教授不赴繼爲江西轉運司幹辦公事或忌璘所學望風心竊及與居處了無疑問久之遷徽州教授習俗不尚詩禮久不貢士學幾無傳璘作詩禮講解俾家傳人習自是學者浸盛丞相留正稱爲當今教官第一司業汪達首薦遷知平陽縣郡

政頗苛民病之璘以轉告太守辭嚴義正守爲之改容後終宜州通判與沈煥皆同志友樂于督教嘗曰師道尊嚴璘不如煥若啓迪後進煥不逮璘衰燮胡其篤實不欺無毫髮矯僞楊簡亦云孝友忠實道心融明樓鑰曰其接人處已如熙然之陽春淳祐中特諡文靖

薛季宣字士龍永嘉人起居舍人徽言之于少孤鞠于伯父敷文開待制弼年十七荆南帥袁溉倚書寫機宜文字溉嘗從程頤學盡以其學授之於古封建井田鄉遂司馬法之制靡不研究講畫莫可行於時及見渡江諸老問經理大畧得中興韓岳事甚悉劉錡鎮鄂渚季宣說琦言武昌兵寡勢弱宜早爲備錡不聽及與金兵交稍稍資季宣計畫未幾汪澈宜論荆襄金兵趨江上詔成閔還師入援季宣說澈曰閔既得蔡有破竹之勢

弘簡錄 卷一百九十 道學宋九五

宜守便宜勿遣而令其乘勝下穎昌道陳汝趨汴都金且內顧驚潰可不戰而屈其兵矣又不川時江淮士民間金兵且至皆預遣其孥或繫馬于庭以待季宣獨留家與民期曰吾家仰汝家有急當偕死聞者亦自奮會多盜立保伍法因地形便合以爲總不限以鄉諸總必有圍以習射禁捕博雜戲而許以武事角勝負每鄉置一樓盜發代鼓舉炸盜輒獲又請於宣諭司得戰艦十甲士三百於縣治白鹿磯安樂口各置戍兵人心以安樞使王炎薦之名爲大理寺簿未至爲書謝炎曰主上天資英特羣臣無將順緝熙之具幸得遭時不能格心正始以建中興之業徒僥倖功利夸言以眩俗雖復中夏猶無益也爲今之計莫若以仁義紀綱爲本至於用兵請俟十年之後時江湖大旱流民北渡江宰相虞允文白遣季宣行淮西收以實邊乃爲度

廢田相原隰復合肥三十圩立二十二莊於黃州凡爲戶若干
語人曰吾非爲今日利也邊界有警柵合肥之圩可斷江以保
巢湖葺黃州諸莊則西道有屏蔽矣題言光州守宋端友以招
集爲名雜舊戶奏以幸賞孝宗怒下大理治端友以憂死因奏
左右之人託正以行邪僞直以售佞薦進人物曾非誦言悉自
不意中游揚中傷爲人君者不可不鑒齊威之誅賞卽墨之毀
譽也帝曰朕方圖之季宜又言淮郡城工糜費鉅萬率中使督
視卒卒成之臣行過合肥一夕風雨墮樓五堵深陽南壁闕而
若巢痺陋如故陛下將安取此然外事無足道臣所深憂待根
未除權臣近侍陰擠正士而陽稱道之儻一意目聽臣恐蹈石
蹶王鳳鄭注之奸也又言近聞陛下或以好名棄天下人才夫
奸名特爲士大夫學問之累若人主爲社稷計惟恐士不好名
弘簡錄 卷一百八十一 十一 通鑑卷九十五

千家

陳傅良字君舉瑞安人幼習科舉忠程文之弊思黜其說爲文
自成一家人爭傳誦從者雲合由是名擅一時永嘉自鄭伯熊
薛季宣皆以學行聞伯熊於古人經制治法討論尤精傅良皆
師宗之而得於季宣之學爲多及入太學復與呂祖謙張栻友
善祖謙爲言本朝文獻相承條序忒傳以主敬集義之功學乃

日進四方聞而受業者愈衆登進士甲科教授泰州參政龔茂
良薦改學錄出通判福州丞相梁克家領帥事委傅良平一府
山直傅良一斷以義強禦者不得售其私乃陰結言官論罷之
後五年起知桂陽軍光宗時稍遷提舉常平茶鹽爲轉運判官
湖湘民無後者官輒沒入其貲傅良曰絕人嗣非善政也聽得
立異姓爲後復者幾二千家轉浙西提點刑獄召爲吏部員外
郎去朝四十年至是入都鬚鬢無黑者都人聚觀嗟嘆號老陳
郎中傅良爲學自三代秦漢以下靡不研究一事一物必稽於
極而後已又潛心本朝太祖開創本原輪對言太祖垂裕後人
以愛惜民力爲本自熙寧以來用事者始取太祖約束紛更之
諸路上供歲額增於祥符一倍崇寧率增至十數倍其他雜歛
熙寧取之別項封椿充以常平寬剩禁軍闕額之類而無額上
弘簡錄 卷一百八十一 十二 通鑑卷九十五

供起於元豐經制起於宣和總制月椿起於紹興皆迄今爲額
以後茶引盡歸於都茶場鹽鈔盡歸于權貨務秋苗斗斛歸於
綱運州縣皆不得預至無以供則豪奪於民取之斛而折變科
敷抑配賦罰而民困極矣方今之患何但四存存民力之寬不
寬卽知天命之永不永矣臣願陛下以救民窮爲己任推行太
祖未泯之澤以爲萬世無疆之休又言今之民力竭於養兵尤
莫甚於江上之軍都統司謂之御前軍馬雖朝廷不得知總領
所謂之大軍錢糧雖版曹不得與事權不一施行不專雖欲寬
民其道無由誠使都統司之兵與向者在制置司時無異總領
所之財與向者在轉運司時無異則內外爲一體民力可得而
寬矣帝從容嘉納勞曰卿昔安在朕不見久矣其以所著書來
上退取周禮說十三篇上之遷秘書少監兼實錄院檢討嘉王

府贊讀紹熙三年除起居舍人明年兼權中書舍人上得心疾
 視章疏不時傳良疏言一國之勢如人一身但乘即致疾若今
 日遷延某事明日阻節某人即有姦檢乘時為利內外之情不
 接威福之柄下移其極至於天變不告邊警不聞禍且不測矣
 帝悟會疾稍平過重華宮而明年重明節復以疾不往丞相以
 下至太學諸生皆力諫不聽方名內侍陳源為押班傅良不草
 詞上疏言陛下之不過宮者特誤有所疑而積憂成疾以至此
 爾臣嘗即陛下之心反覆論之竊自謂深切陛下既許之矣未
 幾中變以誤為實而開無端之戮以疑為真而成不察之疾是
 陛下自貽禍也書奏帝將從之百官立班以俟帝出至御屏皇
 后挽帝回傳良趨上引帝裾后叱之退而哭于庭后益怒傳良
 下殿徑行詔改秘閣修撰不受寧宗立召復職兼侍讀直學士
 弘簡錄 卷一百八十 道學宋九五

院同寅錄院修撰有詔朱熹與在外宮觀傳良言熹難進易退
 內批一下舉朝驚愕臣不敢書行中丞謝深甫論其言不顧行
 出提舉興國宮佾冒黨交疏削秩罷居嘉泰二年起知泉州辭
 不赴授集英殿修撰尋以寶謨閣待制致仕終于家年六十七
 諡文節所著有詩解訓詁周禮說春秋後傳左氏章指行于世
 蔡幼學字行之傳良同縣人自幼從學以文名年十八試禮部
 第一廷試對策言陛下資雖聰明而所存未大志雖高遠而所
 趨未正治雖精勤而原本未立即位之始首望太平延今十年
 風俗日壞紀綱日亂人心益搖吏慢兵驕財既民困初恥一相
 難立更置二相以為美談然或以虛譽惑聽自許立功或以緘
 默容身不能持正蓋指虞允文梁克嘉也又言自漢武帝志在
 用兵大司馬大將軍之權反重丞相反輕公孫弘之徒專務苟

合取容不立相業自是宣元用許史成帝用王氏哀帝用丁傅
 卒貽無窮之禍今外戚張說陛下媿子使預兵柄其人無一才
 可取宰相忍與同列曾不羞恥按其罪名宜在公孫弘上孝宗
 覽之不憚得下第教授廣德軍父憂改潭州執政薦除教令所
 刪定官入對言大恥未雪境土未復陛下睿知神武志在右為
 而為苟且之議委靡之習所誤帝喜曰卿意欲朕立規模爾尋
 丁母憂光宗朝由太學錄改武學博士擢秘書正字兼實錄檢
 討遷校書郎上不朝重華宮幼學疏言陛下身體髮膚壽皇所
 也宗社人民壽皇所命曠昔慈愛有或於心亟宜獨出聖斷復
 父子之歡弭宗社之禍不報寧宗即位奏為君之道其要有三
 首事親次任賢寬民而本莫先於講學比年小人謀傾君予為
 安靖和平之說大臣當典治而以生事疑近臣當效忠而敢忤
 弘簡錄 卷一百八十 道學宋九五

首損遂至九重深拱羣職盡廢多士盈庭一籌莫吐苟非聖學
 日新求賢如不及何以作天下之才乎又言自有免役積剩無
 額上供大禮進奉磨學糴本經制錢之後又有和買折帛總制
 月椿大軍錢至於茶鹽酒榷稅契頭子之屬積累增多較之祖
 宗無慮數十倍民困極矣帝稱善將進用之為佾冒所忌內批
 除提舉福建常平陞辭復勸上重大臣之責無故不可廢經筵
 輕儒術易臺諫既至官講行荒政每事吞訪朱熹而後行佾冒
 愈不悅令劉德秀劾佾冒奉祠凡八年起知黃州改提點福建刑
 獄未行有勸佾冒收召海內名士者乃以幼學為吏部員外郎
 入見舉建炎間滅婺州和買絹折雜事言陛下除兩浙丁錢視
 高宗無間若一日之問行得如此一事一年有三百六十事奈
 何兵事一開諸路雁鋒鎗轉餉之艱江湖以南有譟募糧需之

授願自今一以愛惜邦本為念。遷國子司業。宗正少卿。兼權中書舍人。佞冒誅餘黨。尚熾幼學。次第彈劾。竄黜號為稱職。凡僉所壞官制。一切釐正。時正學久創。士專於聲律。對偶學問。口支嘉定。初幼學。同樓鑰。知貢舉。始取義理之文。士習漸正。尋直學士院。內外制。溫雅得體。人多稱之。累除刑吏二部侍郎。趙師辨除知臨安。幼學論其姤。權臣進官命。遂寢改。兼侍讀。除龍圖閣待制。知泉州。徙建康。福州。福建安撫使。政尚寬大。惟恐傷民。會提舉司令民以田高下。藏新會子。不如令者。籍其費。幼學曰。國民而可吾忍之乎。力求罷去。以資諫。閣直學士。提舉萬壽宮。復名權兵部尚書。兼修玉牒。尋兼太子詹事。入對言。朝廷歲造厚幣入金。值其有難。不果納。遽以兵叩邊。索取且肆。其悔慢形之文辭。天怒人憤。願伸大義。以破其謀。上悟。始詔與金絕。因請

弘簡錄

卷一百八十

五

道學宋九五

其可以始終倚重。策勵期望者。付託於誰。此人才之難三也。既循守舊模。而欲驅一世之人。報君父之讐。則形勢乖阻。誠無展足之地。此法度之難四也。又有甚不可者。兵以多而至於弱。財以多而至於乏。不信官而信吏。不任人而任法。不用賢能而用資格。此五者。舉天下以為不可動。豈非今之實患歟。願講利害。明虛實。斷是非。決廢置。在陛下不沮不喪而已。讀未竟。帝感額曰。朕比苦目疾。此志已泯。誰克任此。惟與卿言之耳。除太常博士。兼實錄院編修。嘗薦陳傅良等三十四人。後皆名用。林栗劾朱熹適上疏。匡救語在栗傳。光宗嗣位。由秘書郎出知衢州。入為尚左郎官。勸上不可以狐疑而問。恩義畏忌而廢朝綱。時事無鉅細皆廢。不行人情。離阻適又奏。自今宜於過宮之日。令宰執侍從。先詣起居。與時兩宮聖意。有難言者。自可因此傳致。則

弘簡錄

卷一百八十

五

道學宋九五

自是禁網漸解矣除權兵部侍郎父憂服除召至時侂冑將啓兵端適因奏曰甘弱而幸安者衰改弱而就強者與陛下申命大臣思報積恥規恢祖業竊謂必先審知疆弱之勢而定其論論定然後修實政行實德弱可變而為強矣所謂實政者當經營瀕淮沿漢諸郡各為處所半實自守敵兵至則阻於堅城彼此策應而後進取之計可言至於御前四處大軍練之使足以制敵小大之臣試之使足以立事皆實政也所謂實德者當今賦稅愈重國計愈貧况欲規恢宜有恩澤乞詔有司審度何名之賦害民最甚何等橫費裁節宜先減所入之額定所出之費既修實政於上又行實德於下方可冀屢戰而不屈必勝而無敗也復除工部侍郎侂冑欲籍其革詔以動中外改權吏部侍郎兼直學士院以疾力辭未幾諸軍敗授寶謨閣待制知建康府兼沿江制置使金兵大入建康震動邊募得市井悍少升帳下願行者二百人使采石將徐緯統以往夜遇敵蔽茅葦中射之應弦而倒敵錯愕不進又命石跋定山之人劫敵營得其俘馘以歸城中始安進寶文閣兼江淮制置使措置屯田議立堡塢使淮民復業於墟落數十里內依山水險要以守春夏散耕秋冬入堡凡四十七處又度沿江地創三大堡石跋則衛采石定山則衛靖安瓜步則衛東陽下蜀西護溧陽東連儀真緩急應援首尾聯絡東西三百里南北三四十里每堡以二千家為率教之習射無事則戍有警則增募新兵及抽摘諸州禁軍并堡塢居民共相守戍每歲防秋制司別募死士千人以為劫砦焚糧之用自此流民漸歸會侂冑誅中丞雷孝友劾其附會用兵奪職奉祠凡十三年官至寶文閣學士通議大夫適志意慷慨

慨雅以經濟自負卒年七十有四贈光祿大夫諡忠定 戴溪字肖望少有文名淳熙五年省試第一監潭州南嶽廟紹熙初主管吏部架閣文字除太學錄兼實錄院檢討官正錄兼史職自溪始升博士通判慶元府改宗正簿累遷兵部郎官奏兩淮當立農官若漢稻田使者括開田論民主出財客出力主客均利以為救農之策符離師潰溪奏沿邊忠義入及湖南北鹽商皆當區畫以銷後患會和議成命參議張嚴京口軍事數月召為資善堂說書由禮部郎中六轉為太子詹事兼秘書監景獻太子命講中府太學溪辭以非詹事職懼侵官太子曰講退便服說書非公禮毋嫌也復命類易詩書春秋論語孟子資治通鑑各為說以進權工部尚書歷華文龍圖二閣學士嘉定八年以宣奉大夫致仕卒贈特進端明殿學士諡文端溪於宮僚中以微婉受知然立朝建明多務秘密或議其殊之骨鯁云

私簡錄

卷一百八十

道學宋九五

私簡錄

明刑部員外郎

皇清翰林院侍講學士

四世孫遠平校閱

道學 宋九之六

真德秀

魏了翁

李舜臣

子心傳道傳

楊泰之

黃震

湯漢

方逢辰

性傳

王應麟

真德秀字景元後更字景希浦城人十五而孤母吳氏力貧教之同郡楊圭見而異之妻以女選與諸子共學登慶元進士釋褐南劍州判官復中博學弘詞科遷太學正嘉定元年轉博士侂胄誅入對言權臣開邊南北塗炭今茲繼好豈非天下之福然而隨敵所要增歲幣之數函姦臣之首至於往來稱犒軍金帛與夫歸明流徙之人皆承之惟謹彼得無滋殺我乎抑善弘簡錄 卷一百八十一 道學宋六

謀國者不觀敵情觀吾政事日者號為更紀無以使敵情之畏服正恐彼資吾歲賂以厚其力乘吾不備以長其謀一旦挑釁而起恐無以應此有識所為寒心又言當崇獎名節明示好尚大反覆轍加意新政上納之名試改秘書正字兼玉牒檢討選秘書郎兼沂王府教授權直學士院入對言暴風雨雹災感懷羣之變皆賊吏所致乞開公道室旁蹊以抑小人道長之漸選良牧勵戰士以扼羣盜方張之銳改著作佐郎忌者讒之辭不拜兼禮部郎官疏言金有必亡之勢亦可為中國憂蓋金亡則上恬下嬉恐多事之端反起于我時服其先見遷軍器少監為起居舍人奏言嘉泰之失深於慶元往逐朱熹彭龜年貶呂祖儉周端朝當時近臣猶有爭之者至於呂祖泰之貶非惟近臣莫敢言而臺諫且力倚之更化之初羣賢奮進未幾相繼罷去

彼傅伯成蔡幼學鄭應龍許奕諸人非必大有矯拂已皆不容於朝從此各務自全一辭不措設有大安危大利害羣臣暗嘿如此豈不殆哉會更鈔法配民藏楮告訐繁興抵罪者衆莫敢以聞德秀抗言一夫坐罪併籍昆弟之財盡室無辜沒入萬金之產被科率者至高下之不分鬻田宅者歸大家不能免尚得謂之便民乎奏入其患稍息尋兼太常少卿充賀金國登位使行至盱眙聞金內變而返言于上曰臣所歷揚楚至盱眙沃壤無際陵湖相連民皆堅悍強忍此天所以屏障大江也顧田疇不歸溝洫不治險要不阨丁壯不練豪傑武勇不收拾一旦有警徒恃長江為險豈不惜哉誠及今大修墾田之政專為一司以領之數年之後積儲充實邊民父子爭欲自保因其什伍勒以兵法不待檄讓皆為精兵矣時史彌遠為相方以爵祿糜天下士德秀慨然語劉燡曰吾徒當急引去使廟堂亦知世有輕富貴之人遂力求外授秘閣修撰江東轉運副使朝辭上諭曰卿力有餘但為朕撙節財計以助邊用因奏國耻不可忘隣盜不可輕幸安之謀不可恃導諛之言不可聽至公之論不可忽上領之江東早蝗德秀講行荒政與留守憲司分部賑拯自領太平廣德與太守魏覲以便宜發廩檄教授林庠振給之所全活亾算徵守林琰乏廉聲寧國守張忠恕規匿振米皆効罷之還日父老數千送之郊外指道傍叢塚泣曰微公我輩相隨入此矣先是胡槻薛極每誚德秀迂儒及是政譽日聞因倡言早傷本輕緣監司好名振贍太過使覲劾庠以撼之德秀抗章自辨上悟與覲祠授庠幹官擢德秀右文殿修撰知泉州初番舶畏苛征歲不過三四至德秀首行寬令至者相繼輸租令民自

繁有訟惟揭示姓名聽人自詣絕大家為問里患者親授方略
 禽獲海寇復徧行崖島審形勢增屯要害以備不虞十二年改
 集英殿修撰知隆興府承寬施之後稍濟以嚴尤留意軍政欲
 分鄂州軍屯武昌迺廣鹽於贛與南安以弭汀贛鹽寇未及行
 丁母憂歸明年浙黃失守益起南安悉如所慮十五年轉寶謨
 閣待制知潭州兼湖南安撫使以廉仁公勤率勵僚屬以周程
 朱張學衍源流勸勉士類罷權酷除斛而免和糴立惠民慈幼
 倉及社倉義阡惠政舉月試諸軍捐其回易之利及官田租
 凡營中病者死未葬者孕者嫁娶者贍給朝廷有差從朱熹請
 以飛虎軍戍壽昌併致其家口德秀力爭止之計平江華縣賊
 蘇師幼武岡守臣司馬遵繳軍變誅其亂首理宗立召為中書
 舍人尋權禮部侍郎直學士院奏言三綱五常扶持宇宙之棟
 弘簡錄 卷一百八十一 三 道學宋六
 幹莫安生民之柱石近者嘗川之事已往不可諫將來願陛下
 益以舜處象為師討論秦王故事追封立後與滅繼絕又言乾
 道淳熙間位于朝者以饋送及門為耻任于外者以包直入都
 為羞今餽賂公行薰染成風恬不知怪廷臣斂斂者多于老成
 雖管養傅伯成楊簡者艾柴中行儒學趙蕃劉宰恬退至忠亮
 敢言如陳宓徐僑廉吏如知袁州趙致夫皆未蒙錄用上善之
 擢直秘閣入對又言蜀帥崔與之閩帥楊長儒皆有廉聲乞廣
 加咨訪上御清暑殿進言昔高孝二祖儲神燕閒于此仰瞻楹
 棟當如二祖實臨陛下向居密邇東朝今宮閣之儀寢備以一
 心而受眾攻未有不浸淫蠹蝕者惟學可以明此心惟敬可以
 存此心惟親君子可以維持此心因陳古者居喪之法與先帝
 視朝之勤詔遇寧宗小祥議羣臣吉服德秀言孝宗行三年喪

朝衣朝冠皆用大布惜當時不併定臣下之服可為千載無窮
 之憾至孝宗崩雜點等議羣臣易月之後惟朝會治事權用黑
 帶公服時序仍衰服臨慰至大祥始除侂冑變亂限以小祥然
 帶尚不以金鞋不以紅佩不以魚鞍鞞不以文緝此於臣下何
 損朝議何傷議遂格德秀屢進鯁言上虚心聽納彌遠外示嚴
 憚內實息之謀所以撼德秀者未有以發會與工部尚書陳德
 剛論濟王贈典其黨崇成大李知孝莫澤相繼劾德秀罷之除
 煥章閣待制提舉玉隆宮事常又劾落職罷祠既歸修讀書
 思德人曰此人君為治之門如有用我執此以往汀寇起薦
 陳輝有文武才常平使史彌忠用其言起韓討平之紹定五年
 進徽猷閣待制復知泉州百姓聞其來歡聲動地迎者塞路入
 境首禁諸邑預借兩稅決訟自卯至申猶未已或咎寬恤太眾
 弘簡錄 卷一百八十一 四 道學宋六
 勸宜尚養精神答曰民困如此寧身代其苦耳時南外宗正司
 公族增至二千三百餘人德秀為設法請度牒給之彌遠卒改
 顯謨閣待制福建安撫使痛戒所部濫刑橫歛私徇贖貨罷市
 令司平物價革里正督賦寬民間貴糴之價以次第禽珍海寇
 未幾聞金滅朝議進取德秀以為憂疏言移有用之兵甲以守
 無用之空城運有限之金穀以治不耕之廢壤收復之效未期
 撥本之憂立見惟陛下審之重之各為戶部尚書入見上迎謂
 曰卿去國十年每切思賢進三劄陳祈天永命之本用兵人材
 之難攻戰守備之策未謂敬者德之聚儀仗之酒南威之色盤
 遊弋射之娛禽獸狗馬之玩有一于茲皆足害敬上欣然納之
 除翰林學士知制誥踰年知貢舉已得疾拜參知政事同編修
 勅令并經武要略乞祠進資政殿學士提舉萬壽觀兼侍讀疾

亟衣冠起坐神爽不亂遺表聞上震悼輟朝贈銀青光祿大夫
謚文忠德秀長身廣額容貌如玉見者以公輔望之立朝不滿
十年奏疏數十萬言皆切當世要務直聲震朝野四方人士想
慕風采及宦遊所至惠政周洽中外交稱頌之亦以此取忌屢
擯不用而望實愈彰偽學之禁方嚴德秀晚出挺然以斯文自
任講習而服行之正學不絕于天下後世多其力也所著書最
多惟大學衍義經筵講盛行于時餘西山甲乙藁對越甲乙
集經筵講義端平廟議翰林詞草四六獻忠集江東採荒錄清
源雜志星沙集志世稱爲西山先生

冊曰真氏三書衍義爲最斯文作典所關甚大後生不揣
希竊沾焉百年千載未知所艾

魏了翁字華父邛州人本姓高由繼魏氏自幼英悟數歲入學
弘簡錄 卷一百八十一 五 道學宋六

儼如成人讀書過目不載覽年十五著韓愈論潛心正學從李
燔輔廣遊時嚴偽學之禁了翁獨倡其說毅然不回登慶元進
士授劍南西川節度判官召爲國子正改武學博士開禧元年
召試學士院侂冑方開邊釁人莫敢言了翁對策言國家紀綱
不立國是不定風俗苟偷邊備廢弛財用凋耗人材衰弱求之
在我未見可以勝人之實願急於自修不可舉天下而試於一
擲將治豎之改秘書正字遷校書郎以親老乞外知嘉定州奉
親遠里侂冑誅史彌遠相了翁力辭名命丁生父憂解官心喪
築室白鶴山下闢所舊聞知名士如游似吳詠牟子才皆造門
受業尋差知漢州以敦化善俗爲治蠲積逋除科抑嚴戶婚交
許民敬奉條教不敢犯適境內橋壞民有歷死者坐降秩奉祠
未幾復官知眉州眉俗習法令持吏短長號難治了翁至乃尊

禮者考簡拔俊秀期望親爲講說詣學官誘掖指授舉行鄉飲
酒禮以示教化增貢士員以振文風復募願墾築江鄉館士論
大服俗爲丕變以治行薦擢潼川路提點刑獄兼提舉常平又
遷轉運判官賊吏姦詢民瘼舉刺不避權右風采肅然檄權遂
寧增埤浚隄如敵將至後一年有潰卒攻掠旁郡知遂寧有備
不敢犯遷直祕閣主管潼川路安撫司公事母憂免喪差知潼
川約已裕民治効大著了翁去國十有七年始被召上迎勞優
渥入對首論人與天地一本必與天地相似而後可以無曠天
位次論人才風俗五事并郡邑強幹弱枝之弊所宜變通上嘉
納之進兵部郎中改司封兼國史編修轉對首言江淮襄蜀當
分爲四重鎮擇人以任虛心以聽假以事權資以財用爲聯絡
守禦之計次論蜀邊墾田及實錄關文等事嘉定十六年爲省

弘簡錄 卷一百八十一 六 道學宋六

試參詳官累遷起居舍人入奏言事變倚伏人心向背疆場安
危鄰寇動靜其幾有五宜察時幾恭天命尊道揆嚴法守集思
廣益汲汲圖之又言君臣上下必同心一德而後平居有所補
益緩急有所倚仗不可人自爲謀面從腹誹習諛腫臃臣實懼
焉願陛下察人心之邪正推世變之倚伏開拓規模收拾人物
庶幾臨事無乏才之歎其言剴切會史彌遠專權廢立了翁積
憂成疾求退不許遷起居郎寶慶元年雷發非時理宗言朕心
終夕不安了翁因奏義理所安人心即謂之天非此心之外別
有所謂天地神明也陛下盍卽所不安而求之對天地事大毋
見羣臣親講讀皆隨事反求則大本立而無事不可爲矣又言
願敷求碩儒丕闢正學圖久安長治之計中命大臣於除授之
際公聽並觀然後實意所善類皆出權工部侍郎辭疾改集

英殿修撰出知常德李知孝未端常勅之降三官安置靖州了
 翁常言道器不相離自秦漢以來諸儒莫得其要近世復好為
 尚莽其求於傳註者舛偽低悟於古人之遺制前香之緒言既
 無以明辨其是非而名物度數之幸存者又不察其本末乃盡
 取九經注疏正義之文據事別類錄為九經要義其詳載續定
 五年起寶章閣待制潼州路安撫使知瀘州瀘素稱大藩控制
 邊而二千里武備不修賊事不洽了翁為重葺樓櫓增置器械
 教習牌手中嚴軍律典學校蠲宿負復社倉勸糞塚百廢具舉
 進羊文閣賜金帶時權臣相繼擅國了翁應詔論十弊一復三
 省之典以重六卿二復二府之典以集眾議三復都官之典以
 重省府四復侍從之典以來忠告五復經筵之典以熙聖學六
 復臺諫之典以公黜陟七復制誥之典以謹命令八復聽言之

私簡錄 卷一百八十一 七 道學宋六

典以通下情九復三衙之典以彊主威十復制閫之典以黜私
 意分別利害象若白黑上讀之感動多舉行之名權禮部尚書
 兼直學士院同修國史入對首陳彌遠十罪又乞明君子小人
 之辨以進退人物杜塞姦回次及修身齊家選宗賢建內小學
 皆切於上躬改吏部尚書兼侍讀上改容聽受詢察政事咨訪
 人才常至漏下四十刻退而條獻十事乞收還保全彌遠家御
 筆乞定趙汝愚配享寧廟趣崔與之參預政事定履祿之令以
 寬民力詔從臣集議以楮幣儲闕才以備緩急搜人才以凝
 國論力圖自治之策下罪已之詔分別褒黃二帥是非究見黃
 陂叛卒利害分任諸帥區處降附凡六閱月前後二十餘奏皆
 當時急務上悉嘉納之將引以知政忌者合謀排擯謂了翁知
 兵體國乃以端明殿學士同簽書樞密院事出督視京湖軍馬

適遜警忝至上心焦勞了翁嫌於避事不得已受命上勉勞甚
 至尋兼提舉編修武經要略思數同執政進封臨邛郡開國侯
 賜便宜詔書如張浚故事朝辭而賜御書唐人嚴武詩鶴山書
 院大字及金帶鞍馬詔宰臣飲餞遂開府江州申徽將帥調遣
 援師褒死事之臣黜退懦之將奏邊防十事甫及二旬召還尋
 改資政殿學士安撫湖南浙東福建知潭州改紹興福州皆辭
 免奉祠洞霄宮嘉熙元年疾革門人來問請正衣冠語相問答
 且曰平生處已澹然無營已及口授遺奏拱手而逝表聞上震
 悼輟朝款借才不盡贈太師諡文靖賜蘇州宅一區累贈奉
 國公所著有鶴山集周易集義易舉隅周禮井田圖說古今考
 經史雜抄師友雅言

私簡錄 卷一百八十一 八 道學宋六

李舜臣字子思隆州井研人自幼知書八歲能屬文少長通古
 今留心天下事推迹與廢洞見根本慨然有求道之志紹興末
 著江東勝鑑十篇以上言六朝皆安江東雖嘗取勝不肯乘機
 以一天下宜為今日之監登乾道進士調邛州安仁縣簿歲侵
 饑民嗚聚千百持鉏棘大呼響震邑市令懼閉門舜臣曰此非
 盜也亟出德勞遣散之權成都教授辟虞允文幕府以薦改宣
 教郎知德興治尚風化民有母子兄弟相訟連年不決舜臣為
 陳孝友之道遂相愛如初間詣學講說邑士稱蜀先生罷百姓
 預貸債前官積逋民病差役舜臣勸諸鄉以稅數低昂定期久
 近創為義役期年而成民便之銀坑久罷小戶猶數本錢官為
 償之天申大禮助賞及軍器所需皆不以煩民俄幹辨請司審
 計司遷宗正寺簿重修裕陵玉牒多不拘常法必視治亂所關
 謹書而備錄之尤達於易常曰易起於畫凡事理象數皆因畫

以見故多從中起乾坤中畫為誠敬坎離中畫為誠明苟捨整而論非易也著本傳三十三篇朱熹每為學者稱之又有羣經義書小傳家塾編次論語鑠玉餘功錄及文集若干卷三子心傳道傳性傳皆道學後以性傳官二府贈太史崇國公 心傳字微之壯歲絕意應舉閉戶著書有史才通故實晚因龜與之許奕魏了翁合鵠寶慶二年改遣至闕賜進士出身除史館校勘修中興四朝帝紀甫成其三因言者罷添差通判成都轉著作佐郎兼四川制置司參議軍事端平二年召除秘書少監史館修撰許辟官置局踵修十三朝會要三年書成拜工部侍郎疏言大兵之後必有凶年蓋其殺戮之多賦歛之重使斯民怨怒之氣上千陰陽之和至於此極也陛下所宜與諸大臣掃除亂政與民更始計以消惡運迎善祥而法弊未嘗更張民勞不加振德既無能改於其舊而殆有甚焉故帝德未至於罔愆朝綱或苦於多素廉平之吏所在鮮見而貪利無耻敢於為惡之人四面而起以求逞其所欲如此而望五福來備百穀用成不猶緣木求魚乎臣考今日所以致旱之由曰和糴增多而民怨流散無所歸而民怨檢稅不盡實而民怨籍費不以罪而民怨凡此皆起於大兵之後故愈積而愈極也陛下願治七年期令夕改靡有常規行齋居送畧無罷日陪都園廟工作甚殷潛邸女冠聲焰滋熾珍玩之獻罕聞卻絕縵切之言類多厭棄律以成湯六事無一免者願亟降罪已之詔修六事以回天心羣臣之中有獻聚斂剝竊之論以求進者必重黜之俾不得以上誣聖德則旱雖烈猶可弭也帝從之未幾復以言奉祠避居湖州淳祐三年致仕卒年七十八所著有高宗繫年錄學易編誦詩

弘簡錄

卷一百八十一

九

道學宋六

訓春秋考禮辨讀史考舊聞訓誤朝野雜記道命錄西陲泰定錄辨南遷錄并詩文傳于世識者病其志常重川蜀而薄東南之士所作吳佩項安世傳褒貶差有愧云 道傳字貫之少壯重稍長讀程氏書玩索義理至忘寢食雖處暗室整襟危坐肅如也登慶元進士調利州司戶參軍徙蓬州教授開禧用兵金人窺故關諸司檄道傳計事道聞吳職反痛憤見於形色遣其客問道持書遺安撫楊輔論職必敗曰彼素非雄才化順首亂人心誰能若因此而用之可以坐縛誠決此舉不惟內變可定抑使金知中國有人稍息窺覲正使不捷亦無愧千古矣職黨齊降道傳折之以義不為屈竟棄官歸職平諸其抗節不撓進官二等嘉定初召遷太學太常二博士兼沂王府小學教授加著作佐郎見帝首言憂危之言不聞於朝廷非治世之象今弘簡錄 卷一百八十一 十 道學宋六 民力未裕民心未固財用未阜儲蓄未豐邊備未修將帥未擇風俗未能知義而不偷人才未能彙進而不乏而八者之中人才最要其盛衰繫學術之明晦今學禁雖除未嘗明示天下願下明詔崇尚正學取朱熹四書集註章句或問頒之太學執政有不樂者以語侵之道傳不為動遷著作郎兼權考功郎官憤薛極胡渠等新進用事賄賂成風求外山知其州堯城地弗治者築兩石壩以護並江居民益浚二壕堤陳公塘有警則決之以為阻人心安固尋提舉江東路常平茶鹽公事至即按部劾史胥貪縱為民害者釋濫繫弛逋負夏旱應詔言楮幣之換官民如鑿鈔法之行商賈疑怨賦歛增加軍將椎剝皆切中時病所條荒政朝廷多從與之真德秀振饑分任池宜徽三州窮冬行風雪中不避深村窮谷賴以全活者甚眾攝宜州守行朱熹

社倉法上饒新安南康諸郡翕然應命人蒙其利時架為史部侍郎為以自代道傳引疾乞去不許入對盡言不諱上自朝廷次及官掖侍從臺諫皆箴其闕不以為忤除兵部郎官辭不就出知果州至九江得疾卒年四十八詔特轉一官諡文節生平雖不及登朱熹之門嘗訪求所從學者與講習篤於踐履氣節卓然居官以惠利為本振荒遺愛江東人久而思之三子達可當可獻可以獻可為心傳後性傳字成之登嘉定進士歷幹辦行在諸軍審計司累遷起居舍人兼侍講疏言東周以後千數百年惟陛下克繼孝宗通喪三年前烈有光乞付此疏於史官使四海聞風民德歸厚疏備載遷起居郎兼國史編修實錄檢討尋以寶章閣待制知饒州改寧國復名為兵部侍郎權尚書進讀仁皇訓典勸帝效學從之累拜端明殿學士簽書樞密

弘簡錄 卷一百八十一 道學宋六

院事兼權參知政事奉洞霄宮祠致仕卒贈少保楊泰之字叔正青神人蜀名儒虞仲之子自少刻志于學卧不設榻食不知味者幾十載慶元元年類試調瀘州什加二尉轉綿州教授羅江丞制司吳獵檄置幕府與論吳職之亂曰若士大夫不從必不敢為亂既亂或能抗義猶將有所憚夫亂義之反也亂所以成士大夫為之也獵奇之改知嚴道縣攝嘉定通判使者誣白珪將王璵實于法坐誑誤餘人于死泰之力爭不聽棄官去安丙薦之泰之名儒子當道臣之變勉有位者毋動使得尺寸之柄必能見危致命赴都堂審察以親老辭父憂免喪改知富順監祿廩盡周鄰里又以千緡置義莊推知普州以安居安岳二縣受禍尤慘力言于安丙乞盡蠲其賦改知果州諸邑踣零錢病民備經費之虞為對減之張義實白發其

端泰之踵行之上于尚書省請定為式民歌之曰前張後楊惠我無疆理宗即位趣入對言法天行健奮發英斷無牽於私意奪於邪說以救蠱蔽以新治功本朝德澤邇來斷喪無餘民無恒心何以為國方以直言求入復以直言罪之臣恐言路既梗士氣益消浸成衰世之威為國者何便於此上奇其對擢為工部郎中後言事者相繼皆自泰之發之遷軍器少監大理少卿紹定元年入對謂管川風雨為暴水潦溢此陰盛陽微之證至於巴陵陛下昆弟與其追恤於後莫若舉行於今詔直實謨閣知重慶府為書別丞相勸以急於用人去自私之心恢容人之度審取舍之權至官俗用大變俄主管千秋鴻禧觀幸所著有克齋文集論語解老子辭春秋列國事日公羊穀梁類詩事類名物編論孟類東漢三國志南北史唐五代史類曆代通鑑

弘簡錄 卷一百八十一 道學宋六

本朝長編類東漢名物編大易要言雜著凡二百九十七卷黃震字東發慈溪人登寶祐進士調吳縣尉攝縣及長洲華亭皆有聲常平王華甫辟主管帳司文字華甫病革猶贊之強起劫能食守三人改辟提領鎮江轉般倉分司入為贍軍酒庫所檢察官泄史館檢閱預修寧理兩朝實錄輪對言民窮財匱乞罷給度僧道牒其徒老死即收其所入可紓民困時宮中建內道場故首及之帝怒批降三秩即出國門用諫官言得寢山通判廣德軍初孝宗類朱熹社倉法於天下而廣德官自置倉小民困於納息至以息為本橫取於民議者以自朱熹不敢變震曰不然法出於堯舜三代聖人猶且變通安有儒者為法不思其弊耶為別買田六百畝以其租代社倉息約非凶年不貸而貸者不取息民甚便之郡有祠山廟歲祈禱以數十萬計牲

皆用牛或自嬰桎梏掠以微福震悉杖而禁之俗又有埋藏
會為坎於庭以牲品納其中而封銷之明發失其所在震以為
妖嚴加禁絕買似道從子蕃世為守驕縱不法震數與爭論蕃
世疏震撓政解官尋通判紹興復海寇僂之撫州僞擢為知州
震單車疾馳之官法嚴惠流米價日減餓者親煮粥食之勞者
請爵賞于朝所全活以算轉運司下州糶米七萬石震曰民不
堪重困以沒官田三莊所入應之稍間則補刻六經儀禮修復
朱熹祠樹晏殊里門新舊學造社稷祭器復風雷祀勸民種麥
禁競渡船善政畢舉詔增秩提舉常平倉司有結關拒捕事關
尚書省繫獄久無政決震謂結關猶他郡結甲非作亂比况已
經數赦令釋之新城光澤二界民夾溪而處歲忿鬪爭魚知縣
蹇雄擾之因相結焚掠民居震劾罷雄論其民散去慈幼局名
私簡錄 卷一百八十一 道學宋六

正奏名授上饒縣簿轉運趙希堅言漢海內知名士豈宜吏之
州縣詔循兩資差信州教授兼書院山長淳祐十二年進史館
實錄院校勘會大水上封事曰君心敬肆之別實上天喜怒之
由一念之敬上帝臨汝祥風慶雲所從出也一念之肆上帝震
怒妖祲陰沴所從生也火災又言任天下之大立心不可不公
守天下之重持心不可不敬陛下膺皇天眷命受祖宗寶圖則
不當懷私恩為天下共主以億兆寄命則不當隆私親大臣避
臣服休服采皆陛下所倚仗則不當信私人三省密院朝廷發
號布政所從出則不當有私令四海九州土宇版章皆陛下所
有則不當殖私財何乃弗念皇天祖宗之德而報答私恩弗恤
萃黎百姓之苦而富貴私親公卿在廷其信任不若近習之篤
中書造命其除行不若內批之專往者上畏天戒下恤人言內
私簡錄 卷一百八十一 道學宋六

色建章之麗瓊林之積亦獨何樂哉名試館職遷校書郎皇太子冠差充太常博士命引賓贊以冠彼進詔太子拜謝升秘書郎轉對言今日扶危救亂無復他策在乎人主清心無欲盡用天下之財力以治兵大臣公心無我盡用天下之人才以覆本庶幾尚有以亡為存之理由提舉福建常平勅福建守史部之衆守謝皇不法名為禮部郎官兼太子侍讀尋以直文華閣改知寧國隆興二府仍尚左郎官兼玉牒檢討入對願陛下端本澄源虛已盡下恢大公之道開不諱之門使朝廷之上光明洞達無邪孽之根四海之內歡欣交迓無怨戾之氣臣之忠愛莫切於此遷太府少卿秘書少監兼太子諭德疏論董宋臣十餘年來聲焰薰灼其力能去壘諫排大臣結連兇渠參會惡德以致兵戈相尋陛下灼見其故斥而遠之臣意其跡已絕豈料陰消弘簡錄 卷一百八十一 五 進學宋六

再凝冰解駮合既得自便即圖復用使之出入壺奧給事宗廟重干神人之怒再基禍亂之源上下皇惑大小切齒陛下方為之辨明大臣方與之和解臣竊以為計之過也不聽乞休太子勉留授祕閣修撰知吉州度宗即位召除太常少卿兼國史編修實錄檢討起居郎兼侍讀入奏願陛下持一敬心以正百度其愛身也不以物欲撓其和平其正家也不以私昵隳其法度政事必出於朝廷而預防於多門人才必由於明揚而深杜於邪徑擢中書舍人累遷工部尚書顯文閣直學士五辭召命以端明殿學士賜金帶致仕卒年七十一贈正奉大夫諡文清漢介潔有守恬於進取有文集六十卷

方逢辰字君錫淳安人自幼天稟卓絕刻苦問學夜誦徹旦無書不徧而會極於周程朱子之學以格物為窮理之本篤行為

修已之要既長人物魁岸聲如洪鐘初名夢魁淳祐十年進士第一理宗改今名授幕職歷興州郡所至以教化為先務暇日從容庠序授學者以求端用方之方東陽士闕義塾迎之從遊者數百人尋創家塾授徒以居累官兵部侍郎國史修撰兼侍讀鄭清之賈似道擅權逢辰叩關言事辭旨激烈忤似道意乃稱疾歸度宗立問其講授之所御書石峽書院四事為扁仍賜手詔曰近進士一科文章盛而古意衰卿以儒碩早魁多士晚更倡明正學作新士習一意以繼往開來為已任朕甚嘉之其眷遇如此後卒于家所著有孝經解易外傳尚書釋傳學庸註釋格物入門諸書行于世學者稱為蛟峰先生

王應麟字伯厚慶元府人父搆知徽州有惠政嘗進忠諫于朝丁大全欲致之不可得同日雙生二子口應麟應鳳應麟九歲弘簡錄 卷一百八十一 六 進學宋六

通六經從王楚學登淳祐進士調西安簿知縣翁甫聞諸校欲為亂倉皇不知所出應麟以理論服之差監平江百萬倉調浙西常平茶鹽主管帳司父憂服除改揚州教授應麟常言今之習舉業者苟沽名譽得則一切委棄於典章制度漫不加省非國家所望於通儒乃閉門發憤假館閣書讀之與弟應鳳相繼皆中博學宏詞科詔書褒美添差浙西安撫司幹辦公事帝御殿策士召應麟覆考得第七卷讀之乃頓首曰是卷古誼若龜鏡思肝如鐵石敢為得士賀帝悅與首選及唱名乃文天祥也久之歷主管三省密院架閣文字國子學錄武學博士疏言當今事勢艱難與國益蹙人才日乏民力日殫宜強於為善增修其德無自沮怠恢弘士氣操綱紀而明委任謹左右而防壅蔽求哲人以輔後嗣帝嘉之遷太常主簿面對言淮戍方警蜀道

孔艱取功未集而吝賞民力既困而重歛大非修攘之計願今勿以宴安自逸容悅自寬帝為愀然時丁大全諱言遷事奏罷應麟未幾大全敗起為台州通判累遷秘書郎兼沂王府教授彗星見言應天變莫先回人心回人心莫先受直言拈天下之口沮直臣之氣如應天何改著作郎度宗立權直學士院兼崇政殿說書值人日大雪帝問故事應麟誦唐李嶠等應制詩以對因奏春雪過多民生饑寒方寸仁愛宜謹感名除將作監轉對言人君防未萌之欲存不已之誠擢侍立修注官秘書少監兼侍講疏論市舶不報又兼起居中書二舍人會賈似道入相葉夢鼎江萬里各求去似道亦求去應麟奏孝宗朝關相者亦逾年似道聞之大怒語包恢曰我去王伯厚無難第此人素著文學不欲使天下識我棄名士彼盍少自貶恢以告笑曰廷相

弘簡錄 卷一百八十一

七 道學宋六

以作其勇敢之氣并力進戰無拘和故虛文遷禮部侍郎日食陳備禦十策皆不及用尋轉尚書兼給事中綴駁徐夔為御史與留夢炎同鄉有私人之嫌黃萬石蠹戾無學南昌失守誤國罪大吳浚貪墨輕躁今方欲引用善類恐反為所搏噬又奏夢炎并令慢謙諫言弗用今之賣降者多其任用之士疏再上不報出關俟命再奏因危急而紊紀綱以偏見而拂公議勢不當留遂東歸朝議奪其要路罷以清秩詔中使譚純德召授翰林學士應麟力辭家居後二十年方卒所著有深寧集一百卷通鑑地理考一百卷玉海二百卷又按垣類詩考詩地理考漢藝文志攷證通鑑答問困學紀聞彙訓集解踐阼篇補注急就篇并王會篇小學紺珠詞學指南題死筆游姓氏急就篇漢制攷六經天文編小學諷詠凡六百九十餘卷行于世

弘簡錄 卷一百八十一

八 道學宋六

弘簡錄卷一百八十二

明刑部員外郎仁和弘齋邵經邦學
皇清翰林院侍講學士四世孫遠平校閱

文翰 宋十之一

楊億 從祖徽之弟偉 劉筠 宋白 胡旦

朱昂 趙隣幾 何承裕 鄭起 高頤

李度 韓溥 鞠常 郭忠恕 錢熙

陳充 宋綬 子敏 夏侯嘉正 羅處約 路振

崔遵度

楊億字大年建州浦城人祖文逸南唐為玉山令夢一道士來
謁自稱懷玉山人未幾生億有毛被體長尺餘經月乃落自幼
能言母口授以孝經即成誦天資穎悟七歲對客談論為文揮
弘簡錄 卷一百八十二 文翰宋一

翰不輟有老成風年十一博覽強記太宗聞其名詔運使張去
華就試詞藝送闕連三日試詩賦五篇下筆立成帝賞異命送
中書翼日下制曰汝方髫髻不由師訓精爽神助文字生知越
景趨塵一日千里朕有望於汝也授秘書正字賜袍笏外艱服
除會從祖徽之知許州億往依之晝夜抄學不息徽之歎曰與
吾門者在汝矣淳化中詣闕獻文改奉禮郎令讀中秘書益廣
聞見獻二京賦命試翰林賜進士第遷光祿丞屬後苑賞花曲
宴名于御坐側賦詩送上金明池頌帝與宰相誦其警句明年
二月復宴苑中再以詩獻命直集賢院求歸帝知其貧屢有賜
賚至道初上九絃琴五絃阮頌優賜緋魚二年遷著作佐郎為
越王生辰使時公卿表疏多假文於億名稱益著真宗尹京書
疏悉委草定登祚拜左正言預修太宗實錄卷凡八十億獨草

五十六卷書成固請就養得處州尋名還拜左司諫知制誥賜
金紫咸平中議靈州乘守億疏言存有大害棄有大利纏纒于
餘言景德初知通進銀臺司兼門下封駁事前宜黃簿王太冲
擢大理評事億封還詔書言胥吏之賤不當任清秩太冲遂補
外俄判史館預修冊府元龜與王欽若同為總領序次體制皆
億裁定羣寮分撰篇序詔經億竄定方用三年拜翰林學士同
修國史凡變例多出其手祥符初轉兵部員外戶部郎中億體
素清羸以疾求解近職優詔不許但權免朝直在告上屢遣中
使執醫診視億上章謝上作詩批紙尾有副予前席待名賢之
句性剛介寡合重交遊尚名節一時文士咸賴其題品與李繼
路振刁衍陳鉞劉筠輩厚善欽若驟貴億素薄其為人欽若銜
之陳彭年亦以文史售進忌億名出其右相與毀真宗將立

弘簡錄 卷一百八十二

文翰宋一

劉后欲令億草詔丁謂喻旨億難之謂曰勉為此不憂不富貴
億曰如此富貴非所願也乃陽狂奔陽翟臺官劾之左授太常
少卿分司西京許就養病上親緘藥劑加賜金帛億表謝作君
可思賦以摠忠悃冊府書成進秘書監七年病愈起知汝州代
還久之不遷會加上玉皇聖號表求陪預命為參詳儀制副使
俄知禮儀院判秘閣太常寺天禧二年拜工部侍郎權知貢舉
內艱起復屬行郊禮以億典禮樂復為翰林學士詔注釋御集
兼史館修撰判館事權景靈宮副使卒年五十七贈禮部尚書
無子立從子絃為後錄為奉禮郎億文格雄健才思敏捷兼以
體製精密綽有規裁朝廷典章制度特多取正喜訓誘後進藉
以成名者甚眾一時學者翕然宗之手集當世述作數千篇為
筆苑時文錄性好周給所得祿俸散親友輒盡留心釋典禪觀

之學所著有括蒼武夷穎陰韓城退居汝陽蓬山冠菴等集內
外制刀筆共一百九十四卷 徽之字仲猷祖部仕闕為義軍
校家世尚武父澄折節為儒終浦城令徽之幼刻苦向學邑人
江文蔚善賦江為能詩因與之游遂齊名南唐時嘗肄業溆陽
之廬山潛服至汴以文投寶儀王朴深加賞遇周顯德中舉進
士世宗命覆試同時登第者十六人惟徽之與李罕何曠趙隣
幾中選授校書郎遷集賢校理著作佐郎與寶璣同纂禮樂書
宰相范質器重之朱乾德初出為天典令府帥王彥超如其名
待以賓禮蜀平移峨眉令與宋白吟詠酬答遷左拾遺右補闕
代還太宗素聞其詩名因素所著徽之獻數百篇有十年流落
今何幸叨遇君王問姓名之向上稱賞自是聖制多以別本為
賜累遷庫部員外郎賜金紫會緝文苑英華以徽之精於風雅
弘簡錄 卷一百八十二 文翰宋十一

樞密直學士咸平中轉禮兵二部兼秘書監特授翰林侍讀學
士入謝命坐勞曰圖書之府清淨無事仰卿得以養性也未幾
以足疾罷郊祀錫衣如例車駕北巡及駐大名並詔存問卒年
八十贈兵部尚書賻錢絹無子錄外孫宋綬姪孫偃集並同學
究出身徽之純厚清介多識典故善談論守規矩尚名教尤疾
非道于進管言溫仲舒寇準用搏擊取貴位使後輩務習趨競
禮俗寢薄世謂其知言性寡諧俗惟李昉王祐深所推服與石
熙載李穆賈黃中為文義交自唐室以來士族人物悉能詳記
酷好吟詠每對客論詩終日忘倦有集二十卷上令夏侯嘏取
以進妻王氏卒葬復以緡帛賜其家 弟偉字子奇幼學于億
天禧元年獻頌名試學士院賜及第授校書郎知龍游縣歷遷
太常博士集賢校理通判單州會州卒李素謀殺巡檢使合二
弘簡錄 卷一百八十二 文翰宋一

詞敏速可當書檄之任調河內主簿遷青州司戶參軍鞫獄平允無所阿畏太祖知其名試禁中改著作佐郎出知渠州江南平命通判虔州軍騎入其境諭以朝廷威信偽帥郭再興聽命即奉符以待悉料城中軍士之勇壯者凡五百人為一綱併擒土豪黎羅二姓悉送京師遷右贊善大夫擢知潤州事親以孝聞求便侍養徙判青州三遷祠部員外郎改知舒州轉度支郎中咸平初為雍王府記室參軍賜金紫從留守東京充判官卒年七十四子繼淳化進士職外員外郎

開曰有宋藝早寔維億始駢儷是沿厥體傲訖柳穆振之力苦不逮盧陵蚺典眉山繼軌方駕昌黎蚺蚺諸子一代文章兩鉅公爾

劉筠字子儀大名入登進士為館陶縣尉代還授大理評事楊弘簡錄

卷一百八十二

五 文翰宋一

億奉詔校太清樓書試選人擢筠第一轉秘閣校理真宗北巡命為大名觀察判官自邊鄙罷兵園家閒暇帝垂意篇籍集諸儒考論文章為一代之典筠預修圖經及冊府元龜推為精敏屢得嘉獎帝御延和殿召筠與陳從易賦詩稱善祀汾陰又命筠與錢逸宋綬陳越纂所過地志風物故實善惡名曰土訓以奏時方典禮文之事筠敷上賦頌冊府書成進左正言直史館修起居注屬病予告詔續其俸遷左司諫知制誥加史館修撰出知鄧州改陳州還糾察在京刑獄遷兵部員外郎同知貢舉進翰林學士嘗草丁謂與李迪罷相制既而謂復留令別草筠不奉詔乃更名晏殊筠出遇之殊側面而過不敢揖蓋內有所愧也謂寔擅權筠曰姦人用事安可久居此請外以右諫議大夫知廬州仁宗遷給事中復入翰林踰月拜御史中丞故事三

院御史言事皆先白中丞筠勝臺中曰御史自言事毋先白天聖二年進禮部侍郎知貢舉俄以權密直學士知穎州名還進學士承旨再知貢舉進龍圖閣直學士同修國史判尚書都省祀南郊為禮儀使請宿齋太廟日罷朝饗玉清昭應宮候禮成備饗駕恭謝從之筠素愛廬江築室城中構閣藏前後所賜書帝飛白題曰聖文祕奉之閣再知廬州管塚墓自為銘刻之尋卒生平工為詩億初識拔後與齊名時號楊劉凡三入禁林三典貢部以策論升降天下士自筠始性不苟合論事明遠而治尚簡嚴晚為陽翟富人奏求恩澤清議少之著冊府應言榮遇禁林肥川中司汝陰三入玉堂凡七集子蚤卒田廬沒官包拯少時為筠所知及拯顯奏立族子為後以田廬還之

宋白字太素大名入未冠善屬文性豪俊初尚氣節重交游客弘簡錄

卷一百八十二

六 文翰宋一

鄂杜間武人張瓊館遇之甚厚著名詞場登建隆進士乾德初獻文百軸試拔萃高等授著作郎賜襲衣犀帶蜀平為玉津令開寶中閻丕王洞交薦白以親老乞外連知蒲城衛南二縣太宗潛藩時常獻以文有襲衣之賜登拜擢左拾遺知兗州召還奉唐玄宗泰山刻銘以獻且述東人望幸之意俄直史館預修實錄判吏部南曹劉繼元降奏平晉頌上喜名至行宮褒慰還京拜中書舍人賜金紫累加禮部侍郎前後凡三知貢舉蘇易簡王禹偁胡宿李宗諤皆所得士也有進士趙慶者素無行游何承矩之門白嘗過承矩酣飲慶潛出拜白求薦人多指以為辭寇準又言白家用黃金器乃舉人所賂遂出為保大軍行軍司馬踰年自陳有來日苦少去日苦多之語太宗憫之名還為衛尉卿歷禮戶二部侍郎學士承旨兼秘書監真宗即位累拜

禮部尚書白學問宏博屬文敏贈然辭意放蕩少法度在內署
久頗厭番直草辭疎略多不愜旨能為刑部尚書判集賢院事
故事三館學士止五日內殿起居會用錢易言悉令赴外朝白
羸老步梗再表乞致仕東封進史部尚書卒年七十七贈左僕
射初諡文憲以乏檢操改文安有集百卷于憲臣國子博士得
臣進士及第至太常丞良臣太子中舍忠臣殿中丞從子唐臣
試正字孫懿孫將作監簿孝孫試校書郎白雅善談諧不拘小
節贈濟親族撫卹孤遺世多其雅睦聚書數萬卷及古圖書皆
類故事千餘門號建章集凡居賢編附遺落者多綴綴之喜獎
掖後進有文藝者胡旦田錫皆出其門下獨惡陳彭年為人黜
落之後彭年居近侍為貢舉條制多所關防蓋為白設也

胡旦字周父濱州渤海人少有才華博學能文擢進士第一為

弘簡錄 卷一百八十二 七 文翰宋一

將作監丞通判昇州縣李氏時所度僧為兵遷左拾遺直史館
數言時政出為淮南東路運副知海州踰年召歸獻河平頌曰
天祚我宋以君兆民配大成休惟堯與隣粵大有水昏墊下人
我防大患惟河之屯逆遠投姦普屏外聖道如隄崇崇海內
帝曰守文是塞是剏爾衛兵程是丞民民以勤力臣以勤職
役云告終河以之塞唐堯懷山實警神德漢武宜防實彰令式
我塞長河融流惠澤明明聖功萬代咸則太宗覽之至逆遜姦
普語怒其狂蹤貶殿中丞商州團練副使又上平燕議曰歲之
所臨其地受福今年春末至來春與師北兵遇春夏則遭裴皮履
鎮在燕分從今年為備至來春與師北兵遇春夏則遭裴皮履
羊弓塞馬不為用而中原士卒素不能寒往北途墮筋力勇健
以勇健之士驅無用之敵永福慶之時討災殃之寇成功立事

在于此矣起為左補闕預修國史歷戶部司封員外郎知制誥
有簡書人翟穎者旦與之善因為改姓名曰馬周令上書詆訐
時政且自薦可為大臣馬周坐流海島且亦貶坊州團練副使
徙絳州復工部員外郎直集賢院遷本曹郎中史館修撰素善
中官王繼恩為草制辭過美繼恩敗旦貶安遠軍行軍司馬削
籍流涿州咸平初累移通徐二州團練副使進祠部郎中母喪
服除追行父服已而失明以秘書監致仕卒生平喜讀書不少
報著漢春秋五代史略將帥要略演聖通論唐乘家傳三百餘
卷晚尤矚貨于擾州縣持吏短長時論薄之既死子孫貧甚寓
柩民間皇祐末知襄州王田為言得贖錢以葬

朱昂字舉之由京兆徙南陽梁祖篡唐父葆光與舊臣顏楚李

嵩輩學家而南寓潭州每正旦長至節序立南獄祠前北望號

弘簡錄 卷一百八十二 八 文翰宋一

勵弟二十年因樂衡山之勝遂家焉昂少與熊若谷鄧洵美同
學有朱遵度者好讀書人號之為朱萬卷昂為小萬卷嘗經
行廬陵道遇異人告以中原不久當有真主平一天下子仕至
四品安用南為昂乃北游江淮謁見揚州統兵韓令坤陳治亂
方略令坤奇之署權揚子縣兵革之後逃亡過半昂便宜綏輯
招復七千餘家表授縣令宋初為衡州錄事參軍暇日讀陶潛
閒情賦而慕之因廣其辭悉載舊史知州李昉名與語深嗟賞
之開寶中任太子洗馬凡十五年出知蓬州徙廣安軍擒妖賊
李仙蜀民以安宰相薛居正稱其能遷殿中丞知泗川作隋河
辭言濬決之病民游觀之傷財乃天意所以亡隋而興唐不有
前日之害安有今日之利哉就遷監察御史江南轉運副使真
宗時累遷至司封吏部郎知制誥判史館受詔編次三館秘閣

書籍純厚有清節澹於榮利非公事不至兩府真宗知其素守每加褒賞咸平二年拜翰林學士乞骸以工部侍郎致仕故事止謝殿門上以昂進退有禮特延見命坐賜宴玉津園賦詩餞行兩制三館皆預縉紳榮之閒居自稱退叟以所得俸賜購奇書諷誦為樂上所著資理論三卷詔付史館弟協仕至主客郎中雍王府翊善以淳謹著稱亦告老歸兄弟皆自壽時人比之二疏知府陳堯咨署其居曰東西致政坊卒自為墓誌年八十三門人諡曰正裕先生詔加贈贈孫适出身有集三十卷子正彝正辭並登進士正基虞部員外郎

趙隣幾字亞之鄆州須城人家世為農隣幾獨好學善屬文嘗作禹別九州賦萬餘言人多傳誦登顯德進士入宋歷秘書郎

許宋二州從事太平興國初名為左贊善大人直史館改宗正弘簡錄 卷一百八十二 九 文翰宋十一

丞郭贊宋白交薦因獻頌上覽而嘉之遷左補闕知制誥數月卒年五十九遣中使護葬隣幾體貌尨弱如不勝衣為文浩博慕徐庾及王楊盧駱之體每構思必斂衽危坐成于言始下筆屬對精切措意縝密時輩咸推服之及掌誥命繁富冗長不達體要無稱職之譽嘗追補唐武宗以來實錄孜孜訪求遺事殆廢寢食淳化中太宗以蘇易簡言命錢熙往取時隣幾子東之蔭補郎山主簿以部糧沒于北邊就睢陽僑寓得所補會昌以來日歷二十六卷及文集三十四卷所著餼子一卷六帝年略一卷史氏懋官志五卷并他書五十餘卷來上皆塗竄之筆也詔賜其家錢十萬

何承裕晉天福進士有清才好為歌詩嗜酒狂逸初為中都簿桑維翰鎮兗知其真率不貴以吏事累官著作佐郎直史館出

知盤屋咸陽二縣醉則露首跨牛趨府尹王彥超以名士容之為治清而不煩民頗安焉每覽牒訴必戲判以喻曲直訴者多心伏引去開寶中自涇陽令入為監察御史歷侍御史累知忠萬商三州太平興國中卒

鄭起字孟隆少游京洛間佻薄無檢操舉進士獻文七軸歌詩尤清麗周廣順初補尉氏簿秩滿以書于范質薦為右拾遺直史館恭帝初遷殿中侍御史乾德初出掌泗州市征因日語譏刺史張延範範深銜之密奏起嗜酒廢職出為河西令起負才倨傲多所詆訐先上范質書言太祖威名太盛又嘗遇祖於路橫絕前尊而過太祖弗之較也會蜀平當徙遠官起不欲往乃炙烙其足因成疾卒

高頌字子奇雍丘人力學強記手寫書千卷後唐清泰中擢乙弘簡錄 卷一百八十二 十 文翰宋十一

科四遷魏博觀察支使周顯德中符彥卿奏署掌書記時左右多肆貪虐惟頌清苦守法在職計口受費餘皆不納魏人愛之適太宗親迎懿德皇后于大名彥卿遣頌迎候日夕陪接尤仲款好後隨彥卿鎮鳳翔天雄軍以病免雍熙二年子南金舉學究自陳臣父年八十四嘗佐使幕願賜一第庶獲寸祿以養太宗語宰相宋琪曰惜頌老矣不欲煩以官擢南金第拜頌左補闕致仕賜錢十萬後卒于家頌素性純樸老而彌篤時稱為長者次子鼎舉進士至殿中丞

李度洛陽人工於詩有醉輕浮世事老重故鄉人之句周顯德中擢第授永寧縣簿累遷殿中丞知欽州坐事左遷絳州團練十年不調在欽嘗刻所著詩於石有中黃門傳入禁中太宗見之語宰相令名至對於便殿與語甚悅擢為虞部員外郎直史

一第 227 丹 黃 日 年 合 書 第 4 三 月

館勛排端拱初耕藉田加恩交州黎桓命度借太常少卿充國
信副使賜詩寵行未至卒年五十七弟康亦善詩登太平興國
進士官至右贊善大夫

韓洙長安人休之裔孫也少俊敏能文周顯德進士開寶初自
靜難軍掌書記召為監察御史三遷至庫部員外郎知華州同
判靈州再轉司門郎中淳化中以病辭職洙博學善持論詳練
臺閣故事多知唐制氏族與人談盡盡然可聽尤善筆札搢紳
頗推重之弟洎亦進士及第

鞠常字可久高密人祖真黃縣令父慶孫申州團練判官常少
好學善屬文漢乾祐二年擢第授校書郎周廣順中弟愉亦登
進士父子兄弟咸有詩名范質薦常充集賢校理出為鄆州觀
察支使歷承典軍掌書記伊陽倚氏二縣令蔡州防禦判官復
弘簡錄 卷一百八十二 文翰宋一

宰介休魏縣開寶中趙普薦為著作佐郎嘗著四時成歲賦春
蘭賦頗存託興有集二十卷後終清河令年僅四十七子仲謀
字有開登雍熙進士素有才幹歷監察御史東京留守推官陝
西轉運至兵部員外郎

郭忠恕字恕先洛陽人七歲誦書屬文舉童子及第尤工篆籀
弱冠漢相陰公名之拂衣去周廣順中為宗正丞兼國子博士
建隆初坐酒失貶乾州司戶參軍又擅離職所削籍配靈武遠
流落不仕游岐雍京洛間縱飲所馳逢人無貴賤輒呼前有佳
山水即淹留決旬不去或踰月不食盛夏暴日中體不沾汗窮
冬鑿河水而浴凌澌消解人皆異之尤善畫所圖屋室重復之
狀極臻精妙多游王侯公卿家或待以美醞豫張純素於壁乘
輿即畫荷意不欲回請之必怒而去得者藏以為寶太宗聞其

名名赴闕投國子監簿賜襲衣銀帶錢五萬令刊定歷代字書
性無檢局樂放縱上憐其才每優容之益使酒肆言謗譏以擅
鬻官物詔減死決杖流登州行至齊州臨邑謂部送吏曰我今
逝矣因培地為穴度可容其面俯窺焉而卒藁葬道側後累月
故人取其尸將改葬之體甚輕若蟬蛻然所定古今尚書并釋
文行於世

錢熙字太雅泉州南安人父居讓陳洪進署清溪令熙幼穎悟
及長博貫羣籍善屬文洪進嘉其才妻以弟之女將署府職辭
不就著楚雁賦以見志尋復辟為巡官專職牋奏洪進歸朝攜
文謁李昉深加賞重為之延譽令與子宗諤游遂登甲科補度
州觀察推官代還寇準薦其文名試遷殿中丞賜緋魚獻四夷
來王賦太宗嘉之命以本官直史館熙與楊徽之厚善劉昌言
弘簡錄 卷一百八十二 文翰宋一

同鄉徵之言張洎錢若水將被進川昌言洩其語洎疑熙交構
訴之坐削職進判明州俄徙衡州就改太常博士真宗遷右司
諫尋判杭州政多專達為運使所奏徙越州為人負氣好學善
談笑精筆札狷躁務進自罷內職憤恚成疾卒年四十八嘗擬
古樂府著雜言十數篇及措刑論為識者所許有集十卷子蒙
吉亦進士及第

陳充字若虛成都人詞學典瞻雍熙中擢甲科釋褐孟州觀察
推官就改掌書記寇準薦其文學召試授殿中丞出知明州入
為太常博士直昭文館歷兵刑工三部員外郎景德中同知貢
舉轉工刑二部郎中以足疾不任朝謁出權西京御史臺祥符
六年卒年七十充性曠達善談諳家素豪盛以聲酒自娛澹於
榮利自號中庸子上頗熟其名以疾故不登詞職嘗取唐牛僧

孺善惡無餘論言堯舜之善伯鯀之惡俱不能及其子因作論以反之臨終自為墓誌有集二十卷

宋綬字公垂趙州平林人父阜度支員外郎直集賢院母楊徽

之女也綬生而警敏骨奇為外祖所鍾愛藏書悉與之母亦知

書每躬自訓教以故博通經史百家文章為時所推尚以徵之

遺奏補太祝年十五名試中書真宗愛其文投大理評事遷於

秘閣讀書復試學士院賜同進士出身除集賢校理與父同職

累遷左正言同判太常禮院久之判憑山司建言比歲赦令獨

通後期未報者六十八州請選官考於是脫榷筭三千二百

人除積負數百萬權知制誥判吏部流內銓兼史館修撰仁宗

立進戶部左司郎中同修實錄歷翰林侍讀學士修唐史遷中

書舍人史成進工部侍郎太后命擇前代文字可贊孝養補政

弘簡錄 卷一百八十二 文翰宋一

治者以上遂錄謝偃惟皇戒德賦孝經論語節要及唐帝範開

元臣僚所上聖典并君臣正理論三卷上之又引唐先天故事

欲令羣臣對前設凡政務除拜皆取上旨書上忤太后意改龍

圖閣學士出知應天府后崩名還將大川宰相張士遜沮之僅

復前官議章獻明肅章懿三太后附廟禮綬請別築宮名奉慈

廟以安神主事多采用始置端明殿學士以命綬綬固辭因上

言帝王之御天下在揜攬威柄頭者恩山太后朝臣多吝除拜

而邪佞或徑取升擢今陛下躬親萬務大臣又各市恩不能推

心悉力以輔陛下往往朋黨罔上或窺測帝旨或附會已意此

風寢長有茲邦政惟祖宗憂此嘗謂國無外憂必有內患外憂

不過邊事皆可預防奸邪共為內患深可懼也願陛下深思熟

念整齊綱紀正在今日士遜罷始拜參知政事時帝春秋富天

下無事後慮宴樂漸肆上言人心逸於久安而患告生於所忽

故立防於無事銷變於未萌事至而應不亦殆與又言臨事尚

乎守當機貴乎斷兆謀先乎密能守則好不能移能斷則邪不

能惑能密則事不能撓願陛下念之至若深居燕閒聲味以調

六氣節宜以順四時保養聖躬宗社之休也再遷吏部侍郎宰

相呂夷簡王曾論議數不同綬多是夷簡執政蔡齊間有所異

政事依違不決於是皆罷以尚書左丞資政殿學士留侍講筵

權判尚書都省歲餘加資政殿大學士禮部尚書知河南元昊

反綬畫十事以獻復名知樞密院事遷兵部尚書復參政事時

已疾母尚無恙綬起居自力區處後事而卒年五十贈司徒兼

侍中諡宣獻綬孝謹清介言動有常自為兒童時手不執錢藏

書萬卷親自校讐朝廷大議論多所裁定初郊祀稱太僕卿帝

弘簡錄 卷一百八十二 文翰宋一

問儀物典故占對辨給因上所撰鹵簿圖十卷楊億稱其文沈

壯淳麗曰吾殆不及也其筆札尤精妙卒後帝多取藏禁中

子敏求字次道及第為館閣校勘坐蘇舜欽事出簽判集慶軍

王元臣奏為唐書編修官同知太常禮院著令嫡孫承重新衰

三年加集賢校理宋庠辟通判西京歷羣牧度支判官出知毫

州治平中召為仁宗實錄檢討官同修起居注知制誥判太常

寺會公亮惡禮院劉瑾附會敏求坐以議宗室嫁娶典禮前後

乖異貶知絳州尋召還徐國公主以夫兄為姪奏官敏求疏其

瀆亂天倫執正之會草呂公著罷相制王安石諭旨使明著罪

狀敏求但言敷陳失實作安石意又封還李定除御史詞頭遂

解職改右諫議大夫奉朝請策試賢良方正孔文仲對語切直

敏求擢真之優等安石愈怒罷文仲人為敏求懼賴帝全護除

史館修撰尋加龍圖閣學士命修兩朝正史掌均國公牋奏卒年六十一贈禮部侍郎敏求熟於典故家藏書三萬卷皆略誦習朝廷及士大夫疑議必就正焉嘗言河北陝西河東舉子性朴茂而辭藻不工登第者少請令運使擇薦有行藝材武者特官之又州學有舍無官故士輕去鄉里以求師請置學官後皆行之

夏侯嘉正字會之江陵人少有俊才與王禹偁羅處約齊名登進士官著作佐郎嘗為洞庭賦備載舊史徐鉉見之曰是玄虛之流也人多傳寫端拱初太宗知其名召試擢右正言直史館兼秘閣賜緋魚元夕上御乾元門觀燈獻五言十韻詩末句云兩制誠堪羨青雲待玉輿上依韻賜之云狹劣終難舉進才列上與蓋戒其好進也未幾被病詔以為益王生辰使獲金幣駕

弘簡錄 卷一百八十二 文前宋一
得錢輩歸家忽一縷自地起立良久而什聞者異之疾遂篤年三十七卒子紆太子中舍

羅處約字思純華陽人伯祖褒唐末諫官父濟仕蜀歸初除開封司錄太宗尹京嘉其彊幹官至太常丞卒太平興國初兄賁舉進士上知濟子置高等至員外郎八年處約復登第與鄉士嚴儲同年俱有名嘗作論曰世嘗病太史公論道德先黃老而後六經約以為不然道者無不由也混成而先兩儀至虛而應萬物降而為聖人與天地準故黃老姬孔通稱焉六經所以明道德也太上之德史傳詳矣老聃世謂方外之教然而與六經皆足以治世觀其清淨則得之矣孰先而尊孰後而卑其說多類此初調臨渙主簿遷大理評事知吳縣日與王禹偁詩什唱酬蘇杭間多傳誦後並召赴闕上自定題試之以為著作郎直

史館賜緋魚應詔上言今三司非古制也乃唐中葉之後兵寇相仍河朔不王故自尚書省分三司以董賦調筦權之所出國用所須朝務為急故僚吏之屬倚注尤深重其位以處之優其祿以寵之是致淺近之人用指瑕為心計深識之士以剋制為身謀蓋弊相公為日已久今聖朝之政臻乎治平當求稽古之規以為垂世之法請依六典舊儀復尚書都省丞正員外郎主事令史之屬以今三司錢刀粟帛筦權支度之事均在二十四司俾各有司存可以責其集事上謂相沿已久難於改更未幾為荆湖路巡撫使所至以苛察立名官吏多被黜責淳化三年卒年三十三處約形神豐碩兼富詞藻見者知重然以急於進用多為時論所薄有東觀集十卷禹偁為序蘇易簡表上之詔付史館嚴儲後直史館使河北督軍糧陷于契丹

弘簡錄 卷一百八十二 文前宋一
路振字子發唐相巖玄孫會祖琛避地湘潭遂居焉父洵美事馬希果署連州從事謝病終振幼穎悟五歲誦孝經論語十歲聽講陰符數百言而止父責之對曰百言演道足矣餘何必學

父大奇之十二父歿母慮其廢業日加誨教隆冬盛暑未嘗少懈舉進士太宗命題試后言日出賦人罕知者獨振所作典贍上甚嘉之擢真甲科除大理評事通判邠徐二州召還直史館遷太子中允知濱州咸平中契丹犯高陽關上幸魏博遣將王榮以五千騎追之晝夜急奔騎馬不秣道斃者十四五天子憫之遣使收瘞因作祭馬文備載舊史入判大理寺累遷判登院院為國史編脩官祥符初使契丹獻乘輅錄改太常博士左司諫擢知制誥居職文詞溫麗深愜物議屢奏賦頌為名輩所稱從祀謚毫獨直給翰棧奏填委應答無滯時推其敏贍七年同

修起居注時李仕衡方進用王欽若欲領之會上論作文之弊欽若因言路振文人惜乎不識體仕衡父誅死而振為贈弟乃曰世有聞人以故咸不得大用卒年五十八人咸惜之錄其子繪奉禮郎振純厚無城府恂恂如也有集二十卷尤長詩詠多警句

崔遵度字堅白江陵人後徙淄川七歲好學授經於叔父憲嘗以春秋編年史漢紀傳之例為問憲奇之曰此子他日必成令器太平興國中登第授和川簿換臨汾饋芻糧抵絳州涉無定河河沙與水混流無定跡遵度憫陷溺者相繼著銘以紀焉端拱初運副夏侯濤上其勤狀名對便殿因獻文自薦值建祕閣撰試著作佐郎淳化中李至薦遷殿中丞出知忠州李順餘黨來攻坐失守貶崇陽令移鹿邑咸平初遷太子中允引對崇政

弘簡錄

卷一百八十二

七

文翰宋

殿索所著文改太常丞直史館祥符元年同修起居注東封遷左司諫遵度性清介寡合然與物無競口不盲是非恬於勢利掌右史十餘載陞立常退匿楹間慮上見之善鼓琴得其深趣所賦舍有小閣植竹數本朝退默坐彈琴獨酌怡然自適常著琴箋語備載舊史仁宗開壽春王府詔擇耆德方正學術之士并遵度為王友賜金紫作七言詩寵之詔賔友之禮嘗令王答拜時府中文翰皆遵度所作授王孝經上復以御詩賜之國史成加吏部員外郎建儲遷吏部郎中兼左諭德卒年六十七官其子二人仁宗即位贈工部侍郎又官二孫有集二十卷

弘簡錄卷一百八十二 終

弘簡錄卷一百八十三

明刑部員外郎仁和弘齋邵經邦學皇清翰林院侍講學士四世孫遠平校閱

文翰 宋十之二

王禹偁

錢惟演

勾中正

徐鉉

舒雅

黃夷簡

李建中

吳淑

陳越

黃元

刀衍

黃元

王禹偁字元之濟州鉅野人九歲能文舉士安見而器之登進士授成武簿就改大理評事知長洲太宗間其名召試除右拾遺直史館賜緋故事給塗金銀帶上命特以文犀帶寵之因獻端拱箴以箴規諷又獻禦戎十策大略言漢文當單于強盛之時而能任人修政使不為深患者由乎德也哀平當呼韓衰弱之際適致其來朝者繫于時也今國家之廣大不下漢朝陛下聖明豈讓文帝契丹強盛又不及單于至如撓邊侵塞亦非候騎至雍火照甘泉之比臣愚以為外則宜合兵勢而重將權罷小臣詞避廣行間謀離其黨與令趙保忠折御卿事所部相掎角明詔選廷使知取燕剗舊疆非貪其土地內則省官以寬經費激勸武夫信用大臣以資其謀不貴虛名以作無益禁游惰以厚民力帝深嘉之命校三館史書多所釐正因策試貢士名禹偁賦詩立就上悅拜左司諫知制誥京城旱疏請首減已俸以贖耗蠹之咎上自乘輿下至百官宿衛軍士邊庭將帥悉第減之外州配隸非賊盜者釋之其餘軍民刑政之弊並委宰臣

弘簡錄

卷一百八十三

一

文翰宋二

瘞之外州配隸非賊盜者釋之其餘軍民刑政之弊並委宰臣

裁議頗行未幾判大理寺坐抗論妖尼道安罪貶商州團練副使移解州名避拜左正言直昭文館帝以禹偁性剛直不容物命宰相戒之丐祠知單州賜錢三十萬名爲禮部員外郎屢獻便宜乞明數李繼遷罪曉諭蕃漢重立賞賜高與官責不必勞力而誅自可用計而取後卒如禹偁言至道元年拜翰林學士知審官院兼通進銀臺司坐議李章皇后喪禮忤旨罷爲工部郎中知滁州改揚州真宗卽位應詔陳五事一謹邊防通盟好使關輔輦運之民得稍休息二減冗兵併冗吏國初土地未廣財賦未豐而兵力甚強由所蓄之兵銳而非衆所用之將專而不疑自後地廣財豐兵冗而不銳將疑而不專此其不振之故也開寶中設官一州止有刺史司戶未開闢事以後增置團練推官通判副使曹官之外益以司理冗吏耗于上冗兵耗于下弘簡錄 卷一百八十三 文翰宋二

在此時矣抑五事之中所急尤先議兵使衆寡得其宜措置得其道然後議吏使清濁殊塗品流不雜然後艱選舉以塞其源禁僧道以節其流自然國用足而王道行矣疏奏召還復知制誥成平初預修太宗實錄直書時事宰相張齊賢李沆不協意其議論有所輕重出知黃州禹偁作三黜賦以見志上疏言祖宗削平僭偽天下一家乃毀城隍收兵甲徵武備以書生領州郡名爲長吏實同旅人名爲郡城蕩若平地大郡給常從兵二十人小郡十五人不敢擅有增益并擅修器械城池臣比在滁值發兵挽漕關城無人守禦止以白直代主開閉及徙維揚稱爲重鎮與滁無異嘗出鎧仗弓弩與巡警使臣十損四五今黃州城雉器甲復不及滁揚萬一水旱爲災盜賊竊發何以枝梧伏望陛下特紓宸斷許江淮諸郡並置守捉軍士五百人閱習弘簡錄 卷一百八十三 文翰宋二

長嘉祐為館職寇準婿也準尹京問以外議云何對曰人言丈人且入相以愚觀之不若不為之為愈也自古聖君賢相所以能建功業澤生民者其君臣相得如魚之有水故言聽計從臣主俱榮今丈人負天下重望中外有太平之賞其于明主果能若魚之有水乎準大喜執其手曰元之雖文章冠天下至于深誠遠慮或不逮子 次嘉言第進士為江都簿其宗嘗觀禹偁奏章切直因訪其後宰相以問即名對擢大理評事至殿中侍御史會孫汾登進士甲科仕至工部侍郎入元祐黨籍

錢惟演字希聖吳越王俶子自少博學文辭清麗初補牙門將歸朝歷右屯衛右神武將軍名試學士院以笏起草文立就真宗稱善改秩太僕少卿獻成平聖政錄惟演雖出勳貴名與楊億劉筠相上下命直秘閣預修冊府元龜詔與億分為之序累

弘簡錄 卷一百八十三 四 文翰宋二

遷至工部侍郎會鑿觀副使坐失舉降秩尋擢樞密副使歷工兵二部尚書仁宗即位拜樞密使初惟演附丁謂與之為婚謀逐寇準與有力焉謂既得罪惟演又擠以自解馮拯游其為人因言惟演以妹妻后族劉美不可與機政乃罷為鎮國軍觀察留後進保大軍節度使知河陽踰年入朝加同平章事判許州未即行冀復用御史鞠詠奏劾之乃亟去天聖七年徙節武勝軍再來朝言先隴在洛陽願守官鑰改判河南再領泰寧軍惟演雅意柄用抑鬱不得志遇耕籍求侍祠留為景靈宮使太后崩詔還鎮惟演內不自安帝意請以莊獻明肅太后莊懿太后並配其宗廟室中丞范諷劾其擅議宗廟且為其子娶郭后妹又婚莊懿后族落平章事改崇信軍節度使卒于鎮贈侍中太常張瓌請諡曰文墨其家稱屈詔章得象覆議改諡曰思

慶曆間二后升祔子燮復訴改諡文僖惟演于書無所不讀家儲文籍幾侔秘府尤喜獎厲後進嘗曰吾平生不足者惟不得于黃紙上押字爾蓋謂未歷中書也初真宗諡止稱文惟演撰真宗幸澧淵服契丹宜兼稱武從之所著典故集三十卷金坡遺事飛白書序錄逢辰錄奉藩書事 子晦字明叔娶獻穆大長公主女授大理評事遷東上閣門使貴州團練使論王守忠以宦者預大朝會坐殿上更以禮服進酒為外忤所笑遷勾當三班院羣牧都監累忠州防禦使知河中改潁州為秦鳳路馬步軍總管還提舉集禧觀終羣牧副使 暄字載陽以蔭累官駕部郎中知撫與台州台城素善毀暄為增治埤堦壘石為臺并以大隄進少府監權鹽鐵副使鈞考諸路通租上言兩浙歲饑故租賦不登運使若以負課獲罪必亟斂于民民不堪命矣

弘簡錄 卷一百八十三 五 文翰宋二

神宗詔釋之官至光祿卿寶文閣待制知鄆州卒子景臻 從弟昆字裕之易字希白皆廢王侁子兄弟刻志讀書俱登進士昆能詩善草隸為治寬簡便民累官右諫議大夫秘書監卒易幼以才藻知名太宗與蘇易簡論文歎時無李白易簡以易對上驚喜真宗在東宮圖山水扇命易作歌賞愛之初補濠州團練推官召試中書改光祿丞通判鄆州疏言堯放四罪而不言殺仁之至也近代以來斷人手足鈎背烙筋非法之刑非所以助聖治帝嘉納其言景德中舉賢良方正對策入等除秘書丞通判信州東封獻殊祥錄改太常博士直集賢院祀汾陰幸亳州獻宋雅一篇命修車駕所過圖經遷祠部員外郎知制誥真宗雅眷詞臣躬自簡拔歷判登聞鼓院糾察在京刑獄遷左司郎中為翰林學士保直未滿卒仁宗憐之召妻盛氏至禁中賜

以冠較易才學勝敏過人數千百言操筆立就又善尋尺大書
行草喜觀佛書皆枝道藏經者殺生戒有金剛藏州西垣制集
一百五十卷青雲總錄青雲新錄南部新書洞微志一百三十
卷子彥遠明逸諸孫藻想相繼應賢良方正宋興以來父子兄
弟制策登科者錢氏一門而已 彥遠字子高素性廉邁初
齋郎累遷大理寺丞登第為殿中丞御史臺推直官通判明州
遷太常博士舉賢良方正科擢祠部員外郎知潤州上疏仁宗
曰陛下即位以來內無聲色之娛外無吹噓之樂而前歲地震
今復大旱人心嗷嗷天其或者以備寇之術未至牧民之吏未
良故出示謹告耶今契丹據山後元昊盜靈武蠻獠掠湖廣惟
陛下念此三方急講長久之計以上答天戒增修德業宗社之
福也上嘉納名為右司諫數有建明請勿數赦增牧守俸入以
弘簡錄 卷一百八十三 六 文翰未二

人多見聽納後卒于官 明逸字子飛由殿中丞轉太常博士
為呂夷簡所知擢右正言嘗希章得象陳執中意劾范仲淹富
弼更張綱紀紛擾國經所推薦多挾朋黨既入二人皆罷免石
元孫以死事褒贈既而生歸明逸請正其債軍之罪進同修注
知制誥尋知諫院為翰林學士史館修撰自登科至是纔五年
遂知開封坐無威望能為龍圖閣學士歷加端明殿學士知秦
州會所所囉妻亡前帥張方平請贖以千緡且誘般次入貢明
逸上言朝廷撫喃氏至厚頃以招馬為名邀請六事乃徇其五
而猶缺望壘過于闕入貢豈可復加賜以辱國體從之而于闐
使與般次亦皆至殿待程從簡私與所囉別于木征盟令過洮
河許以官且歸其秦州質子因事不驗木征怒留貢使明逸械
從簡往詰因斬之木征懼懼悉遣所留者治平初復入為翰林
弘簡錄 卷一百八十三 七 文翰未二

皆為之懼景湛怡然退語人曰自古好利者眾願義者寡一為利所動事皆由人苟如是則盜亦可為也遂與安石絕熙寧末從張景憲辟知瀛州終身為外官至朝請郎而卒 編字穆父彥遠之子五歲日誦千言十三制舉業成會安石惡孔文仲策罷其科以陰知尉氏縣還為流內銓主簿判銓陳襄登進班簿神宗稱之襄曰此非臣所能主簿錢總為之耳明日召對將任以清要官安石使弟安禮來見許以御史總謝曰家貧母老不能為萬里行安石知不附已命權應鐵判官歷提點京西河北京東刑獄元豐中居母喪會定官制帝于左司郎中格目書其姓名須終制授之奉使弔高麗總入請使指帝曰高麗好文又重士大夫家世故選卿往亡他也乃求呂端故事以行凡餽饋非故所有者皆弗納却所餉金銀器四千兩還拜中書舍人元弘簡錄 卷一百八十三 文翰宋二

祐初遷給事中以龍圖閣待制知開封府蒞事精敏訴牒至隨即剖決簡不中理者戒無復來閱月又至總呼而詰之其人驚服宗室貴戚為之歛手雖相府謁吏亦械治之眾積憾出知越州徙瀛州召拜戶工二部侍郎進尚書加龍圖閣直學士復知開封蘇軾嘗乘其据案時遺之以詩總操筆立報軾曰電掃庭訟響答詩簡近所未見也哲宗蒞政以為翰林學士兼侍讀以嘗行章惇謫詞有鞅鞅非少主之臣極極無大臣之節懼而求去帝謂朕固知之毋庸避也帝侍經幄帝語之曰熹臣論徐邸事其辭連鄭雍小人離間骨肉如此若雍有請卿當慰以溫言既而章果至總答詔云弗容羣枉規欲動搖朕察其詔力加明辨夫何異趨乃爾乞身帝謂能道所欲言惇益加排詆詔全蓋攻之罷知池州卒于官年六十四元符末追復龍圖閣學士

即字中道登第調睦州推官部使者啖以薦廣使往治衙獄即曰寧老冗選中不忍以人命易薦刻既至皆平反之俄辟鄭延幕府崇寧中任陝西巡判王師復銀州徽宗問曰靈武可取乎對曰聞大砦泉地皆斥鹵或以飲馬口鼻皆裂正得之無所用願救邊臣先為不可勝以待庶可得志帝然之除直龍圖閣知慶州至鎮築安邊城歸德堡包地萬頃歲耕之得粟數十萬徙知延安凡五年累加集賢修撰徽猷閣待制顯謨閣直學士以抗論童貫平陝西錢幣市價及均糶法貶永州團練副使然其害亦寢數月還待制知興仁府徙太原以疾復直學士提舉洞霄宮睦寇作起知宜州自力上道軍須悉力以應上功進龍圖閣學士轉正奉大夫致仕卒贈金紫光祿大夫諡忠定 徐鉉字鼎臣廣陵人十歲能文與韓熙載齊名仕吳為校書郎 弘簡錄 卷一百八十三 文翰宋二

仕南唐李景試知制誥太子右諭德遷中書舍人事煜為禮部侍郎署中書省事歷遷至吏部尚書嘗使于宋羣臣以鉉博學有材辨白帝宜有以待之時帝不事文墨鉉盛稱煜能文帝使誦其詩鉉誦煜所為秋月篇大祖笑曰寒士語耳鉉請太祖作徐曰吾微時自秦中歸道華山下醉臥田間覺日出有句云未離海底千山盡纔到中天萬國明鉉不覺驚服屢求緩兵不許歸朝命為太子率更令太平興國初直學士院從征太原軍中書詔填委授筆無滯辭理精當時論多之師還加給事中八年出為右散騎常侍遷左常侍坐妖尼道安誣奏貶靜難行軍司馬邠州苦寒致冷疾晨起方冠帶遽索筆約束後事卒年七十六無子門人鄭文寶護其喪胡仲容葬之于南昌西山鉉性簡淡寡欲質直無矯飾好李斯小篆臻其妙隸書亦工嘗受詔與

勾中正葛端王惟恭同校許慎說文十四篇并序目一篇凡萬
六百餘字又集通釋四十篇考先賢之微言暢許氏之玄旨正
陽冰之新義折流俗之異端文字之學善矣盡矣 弟錯字楚
金四歲而孤能自知書李景奇其文以為秘書正字累官內史
舍人亦善小學嘗以說文依四聲譜次為十卷目曰說文解字
韻譜鉉使宋錯憂懼而卒年五十五李穆使時見其兄弟文章
嘆曰二陸不及也有文集家傳及質疑論方輿記古今國典賦
苑歲時廣記其稱神錄多出于門客蒯亮附會而成 韓熙載
字叔言濰州北海人後唐同光進士名聞京洛父光嗣平賊軍
節度副使同光末青州軍亂逐其帥符習推光嗣為留後明宗
即位被誅熙載奔吳歷滁和常三州從事李昇僭號為秘書郎
令事子景于東宮景嗣位遷虞部員外郎史館修撰常上章言
弘簡錄 卷一百八十三 文翰宋二

煜復留之改秘書監尋遷舊職羣妾稍集如故遷中書侍郎光
政殿學士承旨開寶三年卒年六十煜痛惜之贈左僕射平章
事諡文靖葬于梅頂岡謝安墓側白顯德中太祖方典禁兵熙
載朝周歸景問中國大臣對曰趙點檢顧視不常不可測也乾
德丁卯年五星連珠于奎奎主文章又在魯分時太宗鎮魯熙
載以為中國太平之符所言皆驗著格言五卷自序其事遺文
徐錯所集

勾中正字坦然華陽人孟昶時館于其相母昭裔第奏授校書
郎舉進士累為昭裔從事歸朝歷曹潞二州錄事參軍汜水令
精于字學古文篆隸行草無不稱工太宗素聞其名中正獻八
體書投著作佐郎直史館被詔詳定篇韻太平興國四年副張
洎使高麗還還左贊善大夫改著作郎說文成上覽嘉賞模印
弘簡錄 卷一百八十三 文翰宋二

切直景嘉納之時江左草創熙載號知禮昇將葬介攝太常博
士改吉凶儀禮不如式者十數事時議以昇廟號稱宗繼唐昭
宗後熙載請號烈祖景從之擢知制誥為宋齊丘馮延巳所忌
不得顯位居常懶慢朝直多闕未幾罷去景遣齊丘黨陳覺馮
延魯討福州師敗而還釋不問熙載請與于法由是益排之貶
和州司馬久乃召為史館修撰拜中書舍人世宗平淮甸景患
國用不足熙載請鑄鐵錢以權之煜襲位以熙載為兵部尚書
充鑄錢使錢貨益輕不勝其弊頗亦自悔熙載才氣俊逸機用
周敏性高簡無所卑屈未嘗輕拜人雖被選逐終不改節江左
號為韓夫子善為文大旨自負凡士人道釋載金帛以求銘誌
碑記者不絕又善音樂累獲賞賜畜聲妓四十餘出入外雜煜
垂倚為相以不修帷薄資授右庶子分司洪州熙載盡斥諸妓

縣遷殿中丞通判簡宜昇三州淳化五年直史館文詞敏麗侍
宴內苑應制賦賞花釣魚詩特被嘉賞賜白金至道初遷太常
丞充京西運副歷河東轉運使上言豪吏猾胥每見官司有強
明蒞事惠愛及民者所立教條除煩滌穢皆非所便窺伺更代
悉藏其記籍害公益政莫甚于此欲勅所在官司但有經畫刑
濟事可長久者歲終書之於屏伺受代日錄付新官俾之遵守
設若果有未盡聽以上聞從之咸平三年河決鄆州擢鉉知州
事許以便宜徙治文陽鄉之高原委之經度營建工畢加起居
舍人京東轉運徙兩浙路鉉尚氣與知杭州薛映不協
條其罪狀除名貶述州文學過吉州萬安抵虔江舟行頓石中
湓險萬狀感而賦之且以自况祥符五年赦移岳州改舒州團
練副使天禧四年卒年五十三雅善筆札藏書至多頗有異本
弘簡錄 卷一百八十三 主 文翰宋二
雖披寫猶備夫荷擔自隨有集二十卷采唐人文章為文粹百
卷子嗣復上其書詔藏內府錄為永城主簿

李建中字得中其先京兆人曾祖建唐左衛兵曹參軍祖稠梁
商州刺史避地入蜀為王建功臣至左衛將軍建中幼好學十
四丁外艱蜀平侍母居洛陽聚學徒自給攜文入京王祐為延
譽館于石熙載第厚待之登太平興國進士解褐大理評事岳
州錄事參軍運使李惟清薦其能遷著作佐郎監潭州茶場改
殿中丞歷通判道郢二州柴成務領漕薦轉大常博士表陳時
政利害序王霸之畧太宗嘉賞引對便殿賜以緋魚蘇易簡復
薦之命直昭文館以父諱辭改集賢院數月出為兩浙運副歷
通判河南知曹解頴蔡四州景德中以久次累主客金部司封
三員外郎建中性簡靜風神雅秀恬于榮利愛洛中風土求掌

西京御史臺加意修養構園池號曰靜居耽好吟詠遇山水佳
處多留題品自稱巖夫民伯預校定道藏經加工部郎中俄判
太府寺祥符五年御製汴水發願文遣就泗州設醮還得疾卒
年六十九平生善書札行筆尤工多構新體草隸篆籀八分亦
妙人多摹習取以為法嘗手寫郭忠恕汗簡集以獻皆科斗文
字有詔嘉獎多藏古器名畫有集三十卷子周道周士並及第
周士歷侍御史江東陝西轉運三司鹽鐵判官賜金紫終工部
郎中周民太子中舍

吳淑字正儀丹陽人父文正仕吳至太子中允好學書多自寫
淑幼俊爽屬文敏速為韓熙載潘祐所器重每有滯義難于措
詞必命淑賦述除校書郎直內史館歸朝以近臣薦試學士院
授大理評事預修太平御覽廣記文苑英華歷太府丞著作佐
郎充秘閣校理同衆作九絃琴五絃阮頌太宗賞其學問優博
又作事類賦百篇以獻詔令注釋成三十卷上之遷水部員外
郎至道二年兼起居舍人預修太宗實錄改職方員外郎奏周
禮職方氏掌天下圖籍近諸路所上閏年圖皆掌于儀鸞司請
自今復歸職方凡州郡地里大牙相入向者獨畫一州地形何
以傳合他郡望令諸路各相叅畫每十年一上所冀天下險要
不窺牖而知九州輪輻如指掌而定朝議從之會前禦戎之策
請復古車戰法遣使諭秦隴以西諸羌使攻李繼遷淑性純靜
好古詞學典雅有文集十卷善千筆札好篆籀取字義千八百
餘條撰說文五義三卷又著江淮異人錄秘閣閑談初王師圍
建業有同宗舉家皆死惟存二女淑為收養如所生及長嫁之
時多其義卒年五十六子安節讓夷遊路皆登進士 遼路字

安道幼聰敏既長博學知大體母喪廬墓蔬食終制累官殿中丞秘閣校理章獻太后臨朝特條奏十餘事語皆切直忤后意出知常州加意積貯以備歲儉未幾歲大饑民賴以濟有他州流至者亦十全八九遷司封員外郎權開封推官判三司鹽鐵加直史館爲淮南運副兼江淮發運使悉于其楚泰州高郵軍置斗門以畜泄水利廣屬郡常平儲畜至二百萬凡所規畫後皆便之遷工部郎中坐累降知洪州未幾召修起居注元昊反請復民兵除天章閣待制河東路計置糧草料據鄉民可爲兵者諸路視以爲法進兵部郎中權知開封取吏殿前屬縣無追逮以宰相呂夷簡忌出知宜州上禦戎要路邊防雜事二十篇徙陝西都轉運使卒仁宗聞而悼之遣官護喪送路性夷雅慎重寡言笑善筆札政事簡易不爲聲威立朝政言無所阿倚平

弘簡錄

卷一百八十三

文備宋二

官隨俱來朝授秘書少監元帥府掌書記賜裝衣器幣鞍馬加倉部員外郎似堯始歸朝累遷考功員外都官郎中掌名表頗稱得體至道二年前上書願備館職命直秘閣俄判吏部南曹咸平中召試翰林遷光祿少卿景德中任滿被病真宗重夷簡詞學且年老母在特命續其廩祿祥符初遷秘書少監內艱遣中使賻問許護喪歸服除檢校秘書監終平江軍節度副使年七十七爲人喜談論善屬文尤工詩詠老而不輟嘗稱鴻臚卿護許國長公主喪在道怒駙馬魏成信禮接甚薄互有詬語人以此鄙之同時盧稹字叔微杭州人幼穎悟七歲能詩十二學屬文及長曉五經大義嗜周易孟子端拱初游京師徐鉉覽其文奇之延譽于朝登進士調東鹿主簿未及赴官卒年二十七著五帝皇極志孺子問翼聖書數十篇謝炎字化南蘇州人

弘簡錄

卷一百八十三

文備宋二

居廉儉無他好既沒室無長物其友范仲淹分俸贖其家孫瑛字德仁以蔭入官至虞部員外郎通判池黃二州知彬州年四十六上書致仕居新州有田僅足自給臨溪築室種花釀酒家事悉付子弟人莫不敬其高尚哲宗朝有薦之者召爲吏部郎不赴卒年八十四

許洞字洞天吳縣人太子洗馬仲容之子性疎儻折節勵學精左氏傳登咸平進士解褐雄武軍推官詣府白事馬知節怒其不遜坐以事除名歸吳中爾飲爲事常從民坊貰酒一日大畧壁作酒歌數百言鄉人爭往觀其醉數倍乃盡捐洞所負景德二年獻所撰虎鈴經二十卷應洞識韜略運籌決勝科就除均州參軍祥符四年復獻三盛禮賦名試中書改烏江縣簿卒年四十二有文集百卷又著春秋釋幽五卷廣玄十卷刁衍字元質昇州人父彥能南唐昭武軍節度使衍初蔭爲秘書郎集賢校理以文翰侍李煜甚被親昵嘗令直清輝殿閣中

外章奏歸朝賜緋魚授太祝稱疾屏居數歲太平興國初李昉
 扈蒙勉其出仕行因獻聖德頌詔復本官出知桐廬上陳刑書
 謂淫刑酷法非律文所載古者投姦囚于四裔今神皋勝地反
 聚遠方流丐以配役最非所宜觀禮曰刑人于市與衆棄之
 則知黃屋紫宸之中決非割剝皮劉之處望自今御前不行決
 罰殿前引見司鉗縣法具並赴御史臺救杖不拘大小皆赴廷
 尉以重聖皇明刑慎法之意遷大理寺丞獻文四十篇名試授
 殿中丞通判湖州奏上五事請定天下酒稅額修郡縣城隍牧
 宰條約除兩浙丁身錢禁泔水流屍遷國子博士知婺州考最
 改光州就加虞部員外郎運使狀其政績優協嘉獎徙知廬州
 真宗遷比部員外疏言臣聞天下大器羣生衆畜治大器者執
 一以正其度保衆畜者齊化以臻其原故莫神于天莫富于地
 弘簡錄 卷一百八十三 文翰宋二

莫大于帝王上古堯舜篤善而民戴之如天桀紂凶德而民視
 以為狗善惡有驗毀譽有異陛下纂圖布政所宜上順天心下
 從人欲慎思慮以安民繫慘舒而被物進善以去惡避毀而求
 譽私賞無及于小人私罰無施于君子無以春秋鼎盛而耽于
 逸遊惑于聲色若太祖之勤儉太宗之惠慈以答天地敷錫之
 意保祖宗艱難之業又獻所著本說十卷遷秘閣校理出知鄴
 州入為崇文院檢討判三司開拆司預修冊府元龜加主客郎
 中知湖州轉刑兵二部郎中卒年六十九初衍家富于財被服
 飲膳極侈靡後更純澹夷雅恬于祿位善談笑喜甚奕交道敦
 篤士大夫重之三子皆登進士湛刑部郎中從屯田員外郎渭
 太常博士湛子釋約天聖中並進士及第
 陳越字損之開封尉氏人祖守危與道合父夏虞部員外郎越

少好學精歷代史善屬文辭氣俊拔咸平中侍郎郭贊薦舉賢
 良方正解褐將作監丞通判舒州徙知端與袁州召還遷著作
 佐郎直史館判登聞鼓院預修冊府元龜與陳從易劉筠尤為
 勤職兄咸亦與選賜同三傳出身真宗憫其俸薄並命月增錢
 五千車駕朝陵掌留司名表時稱爲工自是兩府廢奏多命草
 之勤貴家以銘誌請者甚衆遷太常丞羣牧判官祀汾陰擢左
 正言越性耿槩任氣喜箴切朋友放曠盃酒間家徒壁立不以
 屑意卒年四十無子母老人為傷悼故中書章表皆舍人為
 之東封後慶禮煩冗舍人輒嬰他務乃擇館閣官越與盛度路
 振劉筠夏竦宋綬分撰表奏每名開于上其後皆相次掌外制
 惟越不及登擢時論惜之

黃亢字清臣浦城人生時母夢星殞于懷掬而吞之自少奇穎
 弘簡錄 卷一百八十三 文翰宋二

過人年十五以文謁學士章得象奇之遊錢塘有贈處士林遺
 詩為述所激賞王隨知杭州奏禁西湖為放生池亢作詩數百
 言以諷人爭傳之亢狀貌短小不飾小節對人野率如不能言
 然嗜學雜記文詞奇偉既卒鄉人類所著為二十卷號東溪集
 又同鄉黃鑑字唐卿少敏慧過人舉進士補桂陽監判官為
 國子監直講楊億善其文延置門下由是知名累遷太常博士
 國史編修預後苑賞花賦詩上稱其工國史成擢直集賢院以
 母老出通判蘇州卒

弘簡錄卷一百八十三 終

弘簡錄卷一百八十四

明刑部員外郎仁和弘齋邵經邦學

皇清翰林院侍講學士四世孫遠平校閱

文翰 宋十之三

柳開從孫 穆修 梁周翰 蘇易簡 孫舜欽 孫元

尹源弟洙附 符偃 高弁 賈同 石延年 劉潛

顏太初子復 王逢 孫奭 石介 何羣 黃麟

何涉 朱長文 蕭貫 孫唐卿 黃庠 楊真附

柳開字仲塗大名父承翰乾德初監察御史開幼穎異有膽

勇顯德末年十二侍父任南樂有盜入室衆恐不敢動開亟取

劍逐之揮刀斷賊二指及長就學喜詩論經義時經五代文格

淺弱慨然慕韓愈柳宗元為文因名肖愈字紹元既而以為能

弘簡錄 卷一百八十四 文翰宋三

開聖道之塗又易今名著書號東郊野夫又號補亡先生作二

傳以見意向氣自任不顧小節所交皆一時豪雋高錫梁周翰

范杲皆好古學齊名友善有高梁柳范之稱王祐知大名與楊

昭儉虛多遜並加延獎登開寶進士歷宋州司寇錄事參軍太

宗擢右贊善大夫會征太原令督楚泗八州糧運選知常州遷

殿中丞徙潤州拜監察御史轉殿中侍御史雍熙二年坐忿爭

貶上蔡令復部餉至涿州契丹與米信相持不解俄遣使給言

求降開謂信曰兵法無約而請和謀也急攻之必勝信遲疑不

決後偵知果以矢盡俟取于幽州師還復憲職使河北自疏臣

受非常恩未有以報年幾四十膺力方將今契丹未滅願賜臣

步騎數千任於川武之地必能出生入死為陛下復幽薊身沒

戰場是所願也上方鑿五代以來州郡專任武臣不曉政事人

受其弊方欲兼用文士乃推開為崇儀使知寧邊軍徙全州全

西延洞有粟氏聚族五百餘鈔劫民口糧商開選牙吏勇辯者

入諭曰爾能歸我即有厚賞不然發兵深入滅爾類矣粟氏懼

留二吏為質率四會與一吏偕來開厚犒遣還如期攜老幼悉

至即賦其居業作時鑑一篇刻石戒之遣其會入朝淳化初移

知桂州初全州有卒訟開開怒杖卒歸其面送闕下有司議太

過下御史獄削二官俄復職知瓊州三年轉邠州移書轉運使

蘇民輦送又知曹邢二州真宗加如京使改知代州上言西鄙

今雖歸明他日未可必保苟有翻覆須得人制禦若以契丹比

擬為患更深蓋契丹君臣素定蕃漢久分繼萌南牧之心亦須

自有思慮西鄙積恨未泯貪心不悛其下徇狂競謀兇惡侵漁

未必知足姑息未能感恩望上預為之備選良將守其要害假

弘簡錄 卷一百八十四 文翰宋三

厚賜足其貪婪撫慰以來其情寬假以息其忿命人西入甘涼

厚結其心為我聲援令彼有後顧之憂乃可制其輕動今甲兵

不及國初謀臣猛將又屬懸殊以是比年屢遭侵擾養育則月

費甚廣征戰則克捷未聞誠願訓練禁戢使行伍必求於勇敢

指顧無縱於後先又乞於聽斷之暇親臨殿庭更名魏虎使其

擊刺馳驟以彰神武又言朝廷設官各有攸司今京朝別置審

官殿直別置三班刑部別立審刑宜徵全同散地銀臺虛有變

更欲望停審官三班復委中書宣徵銀臺復歸樞密審刑復歸

刑部又京府大都萬方軌則望仍舊貫選委親賢今皇族宗子

悉多成長但令優逸無以試材宜委之外藩擇文武忠直之士

為之贊弼又天下州縣官吏不均或冗濫至多或歲年久闕望

選擇京朝官出為縣令省去主簿令尉兼領自餘通判監軍巡

檢並着量省減又言人情貪競時態輕浮雖竹肉至親臨勢多變同僚之內多有不和伺隙則致于傾危患難則全無相救仁義之風蕩然不復欲望明頒告諭各使改更庶厚化原永收政本言多切於時務至州葑城鼎修戰具諸將多沮議不協開曩日吾觀昂宿有光雲多從此來犯境上寇將至矣今諸將怨我寇至必危即求換郡徙忻州刺史及契丹犯邊止許請車駕觀兵河朔四年徙滄州道病卒年五十四錄一干涉為三班奉職開性剛儻尚義有士人貧不克葬罄所有贈之善射喜奕有集十五卷家戒千餘言刻石以訓諸子兄肩吾亦至御史從子混灝沈並進士灝秘書丞 從孫植字子春少貧自奮於學開器之登進士授大理評事通判滁州累官至御史中丞以疾辭改侍讀學士知鄧州遷給事中移穎州領京西安撫使坐賊張海弘簡錄 卷一百八十四 文獻卷三

郭遵山竊發不能察降知黃州又薦張得一落職未幾復官歷吏部侍郎卒平居畏慎寡言笑所至官舍蔬果不取採家無長物時稱其廉

穆修字伯長鄆州人幼嗜學不事章句其宗東封詔舉齊魯經行之士修預選賜進士出身調泰州司理參軍自負其才與眾齟齬通列忌之使人誣以罪貶池州遇赦得釋久之補穎州文學參軍徙蔡州修性剛介好論斥時病詆訕權貴人欲與交輒拒之雖及門故舊亦畏其嚴下寡合張知白守毫有豪士作佛寺成知白名修作記記成不肯士名士以白金五百為壽求載名於記修謝不受曰吾寧餽山放蕩終不以匪人汚吾文竟投金趣裝去宰相欲識而將川之修終不往見迎母居京師就養母死負櫬歸葬日誦孝經喪記不為浮屠事自五代文弊宋興

楊億劉筠尚弊偶之辭學者靡然從之修獨毅然以古文稱蘇舜欽兄弟多從之游士習始知變古當時號為能文者必曰穆參軍明道中卒慶曆中祖無擇訪所著詩書序記誌等數十首集為三卷

梁周翰字元褒鄆州管城人廷州馬步軍都校彥溫之子幼好學十歲能屬文周廣順進士授虞城簿辭疾不赴范質王溥聞其名改開封戶曹參軍宋初引為秘書郎直史館時議更定武成王配享周翰上言粵自唐室崇祀太公原其用意蓋以天下雖大不可去兵域中有爭未能無戰資其佑民之道立為右武之宗觀張國威遠進王號貞元之際祀典益修因以歷代武臣陪饗廟貌如文宣之制及於今日只如樂教廉頗皆奔亡而為國韓信彭越悉蒞醜而受誅白起錫劍社鄴伍員浮尸江渚左弘簡錄 卷一百八十四 文獻卷三

車亦債軍之將孫贖實刑餘之徒穢直之債卒齊庭吳起之非命楚國周勃稱重自干尚方之誅陳平善謀嘗蒙受金之誘亞夫死於獄吏鄧艾追於檻車李廣後期而自剄賈嬰樹黨而喪身鄧禹敗於回溪終身無董戎之寄馬援死於蠻徽還尸闕遣奠之儀其餘諸葛亮事偏方之主王景略佐國位之君關羽為仇國所禽張飛遭帳下所害苟欲指取未能無累或從澄汰盡可棄捐方今陛下屬威邊亂講求兵法繕備武祠將以勸激戎臣資假陰助忽使長廊虛選配食前空似非允當不報乾德中獻擬制二十篇權右拾遺會修大內上五鳳樓賦人傳誦之初太祖嘗識彥溫以石守信亦與舊故語以將用周翰掌誥守信微露其言周翰遽上表謝太祖怒遂疑其命歷通判綿眉二州坐杖人至死奪二官起授左贊善大夫監綾錦院改左補闕兼

知大理事時上再郊疏言天下至大其中有厚恩未及節文未
該者臣願推而廣之方今新克西蜀淮南荆潭廣桂之地皆為
王土誠能以諸方所得之利減諸道租賦之入盡除科變名品
調發均輸庶乎德澤均而民力寬矣又坐杖錦工為其所訴太
祖怒改授左司農寺丞太平興國中知蘇州以辭學為流輩所
欽不樂吏事惟飲戲為務郡政不治罷分司西京俄除楚州團
練副使雍熙中李昉薦為右補闕賜緋魚宋白復薦兼史館修
撰充廷試考官而賜金紫尋遷起居舍人領左右史兼起居郎
請自今崇德長春殿宣諭之旨及侍臣論列之事依舊中書修
為時政記樞密院事涉機密亦令編纂月終送史館自餘有司
凡干封拜除改沿革制置之事悉行條報以備編錄仍令郎與
舍人分直崇政殿以記言動別為起居注每月進御降付史館
弘簡錄 卷一百八十四 五 文翰宋三

遷左贊善大夫右拾遺知制誥雍熙初郊恩遷祠部員外郎二
年與黃中同知貢舉以妻弟崔範在選罷奉朝請未幾復官年
三十官翰林學士方易簡充貢時宋白為知舉至是與白同列
士論榮之淳化中同知京朝官考課遷中書舍人至學士承旨
舊制山宴侍從皆預坐禮廢已久易簡請復之又救唐李肇翰
林志二卷以獻帝賜詩嘉美以輕綃飛白大書玉堂之署四字
勝於歷額韓丕舉士安李至等往觀上遣中使賜宴易簡與宰
相李昉各賦詩紀其盛他日直禁中觀上試教器易簡奏持盈
守成理固如之願陛下慎終如始以固丕基天下幸甚充郊祀
禮儀使知審官院易簡引唐故事請以宣祖太祖同配又言初
任京朝官未歷州縣不得擬知州通判詔皆可之改知審刑院
俄掌吏部選遷給事中參知政事與同僚趙昌言忿爭不協罷
弘簡錄 卷一百八十四 六 文翰宋三

從之始此始至道中遷工部郎中兼左庶子真宗在儲官知
其名令取所為文周翰悉纂以獻登祚首推駕部郎中知制誥
俄判昭文館咸平三年為翰林學士詔與趙安易同修屬籍經
唐末喪亂籍譜罕存無所取則周翰初意為之頗有偷賈駕幸
澶淵命判留司御史臺懇求厄從還授給事中祥符二年拜工
部侍郎卒年八十一錄其子忠實為大理評事生平素善音律
兼有吏才然性下急臨事過於嚴暴故多贖敗晚年才思稍減
書多不稱自有集五十卷及續因話錄

蘇易簡字太簡梓州銅山人父協登蜀進士歸宋任開封兵曹
參軍終光祿寺丞附秘書丞易簡少聰悟好學丰度奇秀才思
敏贈隨父開封買黃中教之年纔弱冠所試三千餘言立就太
宗方留心儒術覽之稱賞擢冠甲科解褐將作監丞通判昇州

示戒至道二年卒年僅三十九上深嘆惜贈部尚書為人外若
坦率中有城府屬文初不進體要及掌誥命頗自刻勵雅好議
論尤善談玄旁通釋典所著文房四譜并文集二十卷在翰林
八年上待之若賓友眷遇夏絕倫華時李沆後入在其下而先
參政上特授易簡承旨以均錫賚易簡以親老急於進用因亟
言時政闕失遽得參政帝自是不復有款接意但正色責以吏
事易簡悔之有父友同鄉何光遠代人充試易簡知貢舉常屏
出之光遠造謗書指斥朝政且譏易簡遂逮捕棄市然非易簡
本意居常快快母薛氏賢明常入朝上賜坐問何以教子成此
令器對曰幼則束以禮讓長則教以詩書左顧左右曰真孟母
也易簡頓首謝曰陛下以孝治天下獎及人親臣曷勝榮幸三

子宿壽青祥符間皆祿之以官者有才名為工部郎中直集賢院孫舜欽字子美者之子也少慷慨有大志狀貌怪偉當天聖中病學者為文多務對偶乃獨與穆修為古文歌詩一時彙俊靡然從之初以蔭補齊郎調榮陽尉究心時務會玉清昭應宮災詣登開院上疏略曰自春徂夏霖雨陰晦農田被苗幾於十九天意欲警悟陛下而大臣反歸咎于刑獄乃肆赦天下使殺人者不死傷人者倖免非所以合天意也聞古者斷決滯訟以平水旱不聞因水旱而赦獄訟志曰積陰生陽火災見焉故乘夏之氣發洩於玉清宮震雨雜下烈焰四起樓觀萬數刻而盡昔漢宣帝時茂陵白鶴館災帝戰慄恐懼徵求直言夫茂陵不及京都白鶴館又不若此宮尚降詔四方以求已過今決日之間未聞此舉反計工料役亟圖修復聞者駭惑聚首橫議弘簡錄 卷一百八十四 七 文翰宋三

咸謂章聖皇帝昔以此費耗天下天故災之而陛下違之與天相競無省已改過之意如是而欲變災為福詎可得乎臣又按五行志賢佞分辨官人有秩幸山舊章禮重功勳則火得其性若信道不篤讒夫昌邪勝正則火失其性故劉向謂魯成公信三桓之讒逐其父臣三年新宮災宋襄公聽讒逐其大夫華弱九年春宋火今宮災豈亦有是乎願陛下拱默內省罷再造之勞述前世之法則天下幸甚不報舜欽又上書言前孔道輔范仲淹剛直不撓致位臺諫一旦皆罹中傷竄謫而去使正臣奪氣鯁士咋舌物情閉塞上位孤危軫念于茲可為驚悼尋舉進士收光祿寺簿知長垣縣遷大理評事監在京店宅務康定中河東地震復疏言二大事一曰正心夫治國如治家治家者先修己修己者先正心心正則神明集而萬務理比年陛下稍遜

俳優賤人燕樂踰節賜予過度竊觀祖宗視朝軒冕方罷猶坐後苑門有白事者立得名對真宗末年不豫始問日視事今陛下春秋鼎盛實宵旰求治之秋而乃隔日御殿此政事不親也又府庫匱竭民鮮蓋藏誅斂科率殆無虛日計度經費廿倍於昔此川度不足也其二曰擇賢明主勞於求賢而逸於任使然非謂盡擇盈庭之士也在擇一二輔臣及御史諫官而已昨王隨自吏部遷平章超越十資此乃非常之恩必待非常之才而隨虛庸邪諂非輔相之器降麻之後物論沸騰故疾纏其身災仍於國又石中立頃在朝行以詼諧自任士人或有宴集必置席間聽其語言以資笑噱今處之近輔物望實輕又中丞張觀司諫高若訥溫軟懦無剛鯁敢言之氣斯皆執政引置欲其慎默不敢舉揚其私時有所言則必暗相關說旁人窺之甚可弘簡錄 卷一百八十四 八 文翰宋三

笑也故御史諫官之任陛下必親擇之不令出執政門下臺諫既得則近臣不敢為過乃取之策也范仲淹薦其才名試除集賢校理監進奏院會院當祀神舜欽與右班殿直劉巽用竊故紙公錢名妓樂設宴御史中丞王拱辰廉得之諷其屬論奏事下開封劾治舜欽巽坐自盜除名同會知名士十餘人皆罷逐先是舜欽娶宰相杜衍女衍方與仲淹富弼在政府欲更張庶事故拱辰等不便之是舉欲因以搖衍也久之復起為湖州長史寓居蘇州買木石作滄浪亭益讀書發憤為歌詩其體製豪放往往驚人善草書每酒酣落筆爭為人傳及卒世尤惜之兄舜元字才翁精悍任氣節為歌詩亦豪健尤善草書舜欽不能及官至度支員外郎三司判官

尹源字子漸河南人自幼博學隱居與弟洙皆以文學著名振

起柳開復古之作時稱源河內先生涿河南先生初以父仲宣
 蔭補三班借職登進士改奉禮郎遷太常博士歷知芮城河陽
 新鄭三縣通判涇州知滄州劉渙坐專斬部卒源上書救之得
 免嘗作唐說及敘兵十篇以獻其略曰世言唐所以亡由藩鎮
 之盛臣獨謂弱唐者藩鎮也弱而不至于亡亦藩鎮也燕趙魏
 首亂唐制專地而治然皆恃朝廷以為輕重假王命以相維持
 唐雖病之亦不得而外焉故河北順而聽命則天下為亂者不
 能遂河北不順則姦雄附比而起朱泚李希烈始遂其僭田悅
 王武俊前後效尤及憲宗奮起討蜀平夏誅蔡夷鄆若非田氏
 稟命承宗歸國安能卒成中興之功哉武宗將討劉稹必先撫
 諭三鎮絕其連衡之計而功始成如是二百年姦臣逆子不敢
 窺神器其明効不待較也至廣明以後河北之事已去關東無
 弘簡錄 卷一百八十四 九 文翰宋三

復唐有以故梁祖一舉而代唐皆由劉仁恭輕戰而敗羅氏內
 附王鎔請盟其勢使然向使田承嗣尚守魏王武俊朱滔猶據
 趙燕梁祖雖暴安能覆禪天下乎故唐之弱者以河北之盛唐
 之亡者以河北之弱也其敘兵有曰兵主於外則勇主於內則
 騎勇生於勞騎生於逸蓋外兵所習疆場戰鬪勞苦之事死生
 之命制之於將唐之藩鎮皆自募兵訓練出攻入守上下一志
 朝廷藉而為用內討叛國外征四裔所至有功今既懲其弊凡
 天下驍勇悉萃京師雖濱宋大郡籍兵不踰數千每歲防秋則
 戍以禁兵禁兵居京師口享安逸未嘗服甲冑荷戈戟不知進
 退號令之嚴將帥任輕而勢分軍機往往中制故驕驕而勞之
 則怨嗔之則鈍故唐之失失於權不能制權不能制者不得已
 也今之失失於拘制太過拘制太過者可已而不可已也後其言

多效改判慶州會元昊寇定川堡葛懷敏發涇原兵救之源遺
 懷敏書曰賊舉國而來其利不在城堡而兵法有不得而救者
 宜駐兵瓦亭擇利而後動懷敏不聽卒至於敗范仲淹韓琦薦
 其才名試學士院源素不喜賦主試者第其文下除知懷州卒
 洙字師魯為人內剛外和博學有識度尤深於春秋其為文
 簡而有法登進士調正平縣簿歷河南戶曹參軍安國軍節度
 推官舉書判拔萃改山南東道掌書記歷知光澤伊陽有能名
 大臣薦試除館閣校勘遷太子中允會黨議起洙自劾與范仲
 淹義兼師友不容苟免落職監唐州酒稅嘗作敘燕息成二篇
 敘燕曰戰國之時燕不能加趙趙魏一則燕固不敵自燕入於
 契丹勢日熾大顯德間雖復三關地尚未盡國初并合其勢益
 張然止命偏師備禦王師伐蜀吳泰然不以兩河為顧是趙魏
 弘簡錄 卷一百八十四 十 文翰宋三

足以制之明矣并寇既平悉天下銳專力契丹不能攘尺寸地
 頃嘗以百萬眾駐趙魏訖敵退莫敢抗世多咎其不戰然我嘗
 有內顧心戰不必勝不勝則禍立至原其弊在兵不分蓋兵不
 分有六弊使敵蓄勇以專待無他枝梧一也善將兵者必問幾
 何今不分高下使盡主之二也既委大柄不無疑貳我眾士怠
 三也大衆一北肆意長驅無復顧心四也重兵全屬根本虛弱
 織人易以干說五也從而命臣監督進退皆由中御沮於變通
 六也符堅之淝水哥舒翰之潼關可為明鑒且夫制敵在謀不
 在衆以趙魏燕益以山西民足以守兵足以戰設分為三壁倚
 角以疑其勢設覆以待其進將得專制乘間夾擊宜無不勝縱
 使偏師挫衄他衆尚奮詎能繫國安危哉故師覆于外而本根
 不搖者善敗也昔者六國屢敗於秦散而復振幾百戰猶未及

其都守國之固也。陳勝項梁舉關東之衆，朝敗而夕滅，合併之勢也。以天下之廣，謀其國不若千里之固，而襲合併之勢，庸非惑哉。息戍曰：國家創棄朔方西師，不出三十年而亭殺千里屯戍之費，亦已勤矣。西戎為寇，遠自周世，西漢先零東漢燒當，晉氏羌唐秃髮，歷朝為患，勞弊中國而東漢為甚。費用常以億計，今涇原邠寧秦鳳邠延四帥戍卒十餘萬，一卒歲給無慮二千，以十萬較之，歲用二十億，自靈武用兵計費六百餘億，方前世數倍矣。平世屯戍且猶若是，後有他警不可一日輟去，是十萬衆有增而無損期也。國家厚利募民入粟，傾四方之貨，然無水涸之運，悉皆推輓而致，歲不常登，慮有常給，頃年亦稍匱矣。為今之計，莫若籍丁民為兵，擬唐置府，且如京兆上戶可十餘萬，中家半之，當得兵六七萬，他郡皆然。登材武者為什長隊，正盛弘簡錄 卷一百八十四 文翰宋三

秋旬閱，傅以關內河東勁兵，盡罷京師禁旅，慎簡守帥，分統而專任之。分統則兵不重，專任則將益勵，使敵衆無隙可窺，不戰而懾其廟勝之策乎。又為逃亨審斷原刑，致學孺察考績，廣棟凡雜議共九篇，語皆類此。當時稱其善論，韓琦尤賞之。夏竦經略辟為判官，數上疏論邊事，講求開費以前用兵，故實請減併柵壘，召募土兵，省騎軍，增步卒，又上書，請令竦遺洙詣闕奏攻守二策。帝取攻策，擢為集賢校理，洙遂趨延州，謀出兵仲淹持不可，還至慶會任，福敗洙發慶卒數千趨鎮戎軍，赴救未至，賊引去。竦劾以擅興，降通判涿州韓琦，辟通判秦州，加直集賢院，疏言漢文武二帝不以危亡為諱，而子孫保有天下，秦二世隋煬帝以危亡為諱，而宗社數年丘墟，陛下視今日之治，孰與漢文威制四裔，孰與漢武至於西有不臣之寇，北有疆大之鄰，並

懲苦數擾內地，疲遠輸卒有乘弊而起，雖使智者不能善其後也。當此之時，謂宜夙夜憂懼，以慮事變，而塞禍源，然未聞以宗社為憂，危亡為懼者，其說有三。命令者，人主所以取信天下也。異時降一指揮，人皆竦視，今則私相竊語，以為不久當更，又聞有獻忠謀者，始甚聽之，後以一人沮則意移矣。此命令日輕，朝廷何由取重乎。爵賞者，陛下所持之柄也。近時時因緣以求恩澤，咸從中而下，謂之內降，此前代政衰或母后專制，妃主擅朝，故有此弊。以陛下威柄自出，苟賢而才者，當與大臣公議進之，何必襲前弊哉。且使大臣從之，則壞綱紀，不從則沮德音，壞綱紀忠臣有所不忍，沮德音聖心有所不容，此恩寵過濫而威柄日移之弊也。賜予者，國家所以勸功也。比年頒御令官太醫之屬，過加優賚，但見取於民者，日煩即知畜於公者不厚，臣所謂弘簡錄 卷一百八十四 文翰宋三

不以宗社為憂，危亡為懼者，以此仁宗嘉納之又作惻忠辨，誣二篇言參軍，狀傳本以文吏無軍責而身死行陣，言者誣為致任，福之敗及得傳書乃戒，福持重慎母輕進，傳乃得免。遷太常丞，改右司諫，知渭州兼領涇原路，經略公事，坐陝西四路總管鄭戩遺到，過董士廉城水洛徙慶州，又改晉州，遷起居舍人，直龍圖閣，知潞州，士廉請闕復，詔遣劉湜就鞠湜探宰相意，傳致假部將孫用公使錢為償，私息洙坐貶崇信軍節副監，均州酒稅生平於西事尤練習，自元昊不庭未嘗一日不在兵間，其述戰守勝敗盡當時利害，未及施行，遠感疾卒，年四十七。時論惜之，有文集二十七卷。嘉祐中琦奏還故職，官其子構。湜字子正，彭城人，登進士，由太常博士拜監察御史，遷殿中侍御史，遷為禮部員外郎，知雜事，坐宴紫宸殿不肅，謫知忻州，稍遷龍

圖閣直學士知慶州卒

胥假字安道長沙人少力學柳開見其文曰子異日必名天下
歐陽修亦愛之名置門下遂妻以女登進士授大理評事通判
湖舒二州直集賢院同判吏部南曹遷太常丞與戶部判官高
弁同知開封舉坐私發彌封擢取有名者各奪二官監光化軍
酒起通判鄧州復知禮院林特辟通判許州徙知漢陽軍遷判
三司度支勾院修起居注累遷刑部員外郎知制誥以工部郎
中為翰林學士權知開封府忻州地震假上言陽不勝陰之効
朝廷政令不專後宮外戚恩澤日蕃趙元昊朝貢不至雖然討
之太暴當遣使責問待其辭屈而後加兵則不直在彼而王師
之出有名矣又奏戍兵代還宜如祖宗故事閱其藝於後殿有
術卒三十餘人賂庫吏求棟冬衣坐繫僱請從末減奏可時西

弘簡錄

卷一百八十四

三

文翰宋三

案用兵士卒妻子留京師犯法當死帝不忍用刑或欲奪之假
極言不可帝悔而止又宦者程智誠與三班使臣馮文顯八人
同犯罪帝使放智誠三人而坐文顯五人假以同罪異罰不可
得并釋假未仕時有良田數十頃既貴悉以予族人始天下職
川無日月之限赴官者多以前後為斷假請著令各限以月嘗
與謝絳受詔試中書吏大臣有以簡屬輒不發視亟焚之修方
善范仲淹及假糾察刑獄仲淹尹京數劾其立異因與修有隙
子元衡有學行能自立為都官員外郎生子茂謀假卒後元衡
茂謀相繼天假後妻刁約妹也與男婦韓氏孫婦謝氏寡居丹
陽閨門有法江淮人至今稱之
高弁字公儀濮州雷澤人弱冠從神放遊學古文于柳開與張
景齊名至道中以文謁王禹偁奇之登進士累官仲御史諫修

玉清昭應官降知廣濟軍改邢州尋復戶部判官河決澶州請
弛隄防縱水所之可省民力且以扼契丹南向議寢知陝州卒
為人天性孝友文章多祖六經孟子喜言仁義有所著帝則三
篇為世所傳與李勉賈同陸參朱頤伊淳相友善石延平劉潛
皆其門人也

賈同字希得臨淄人祖崇五代時楊光遠反率鄉里保愚谷山
全活二千人同篤學好古有名著山東野錄七篇年四十餘賜
進士出身王欽若欲致之固謝不往居八九年始補歷城主簿
張知白薦為大理評事通判兗州天聖初上書言自祥符以來
諫諍路塞丁謂乘間造符瑞以欺先帝其姦既白宜明告天下
正符瑞之謬罷官視崇奉歸不急之備兵收無名之實費使先
帝免後世之譏國家無因循之失又言寇準忠規亮節疾惡損

弘簡錄

卷一百八十四

三

文翰宋三

邪自其貶黜天下之人弗見其罪宜還之內地以明忠邪善惡
之分時章獻臨朝人以為難遷殿中丞知梓州卒劉頴李冠王
無忌及其門人私諡曰存道先生
石延年字曼卿幽州人跌宕任氣節讀書過大略為文勁健善
敘事方嚴縝密詩尤工長篇書法道勁體兼顏柳為世所好應
舉不第值真宗錄二舉者以為三班奉職延年恥不肯就張知
白素奇之勸曰母老胡可擇祿不得已受命後以右班殿直改
太祝知金鄉縣有能名薦累乾寧永靜二軍通判歷大理評事
館閣校勘光祿大理二寺丞坐上書請章獻太后還政落職通
判海州久之為秘閣校理遷太子中允同判登聞鼓院上言天
下不識職三十餘年請為二邊之備及元昊反召見稍用其說
命與吳遵路同往河東籍鄉兵得十數萬邊將欲以扞賊笑曰

此得吾祖也。夫不教之兵，勇怯相雜，若怯者見敵而動，則勇者亦牽而潰矣。今既不暇教，宜募其敢行者，則人人皆勝兵也。又嘗請募人使喚，屬及回鶻舉兵攻元昊，帝嘉納之，性不喜謁，惟賞以三喪，不舉旅寓。三吳范純仁舉麥舟助之，然好劇飲，不拘小節，與劉潛造王氏西樓對飲，終日不交一言，明日都下傳有二仙來，已乃知為劉石，云初見若酣放，不可櫻以世務，徐與論天下事，是非無不當，後卒違路言於朝官其一子。劉潛字仲方，定陶人，少卓逸，有大志，好為古文，以進士起家，濶州軍事，推官知蓬萊縣，聞母暴疾，亟歸母死，一慟遂絕，其妻撫潛太號而死人，傷之曰：子死於孝，妻死於義，同時以文學稱京東者，又有歷城李冠，同三禮出身，調乾寧主簿，卒有東臯集二十卷。

顏太初，字醇之，彭城人，充國四十七代孫，少博學，有雋才，慷慨好義，為詩多切時事。天聖中，亳州衛真令黎德潤被誣死，太初以詩發其冤，又文宣公孔聖祐卒，無子，停封十年，有醫許希以鍼愈仁宗疾，詔為其師，扁鵲立廟，加封太初，作許希詩指聖祐事，以諷其弟，因得襲封孔道輔，深重之，登進士為莒縣尉，因忤運使投劾去，久之補閩中簿，改臨晉，後移應天府，戶曹參軍，南

京國子監說書卒，著書說洙南子，又號鳧繹，處士有集十卷。淳熙聯英二十卷。子復，字長道，嘉祐中敦訪遺逸，應詔試中書，歐陽修奏為第一，賜進士出身，為校書郎，知永寧縣，熙寧中任國子直講，會安石更學校法，罷去，元祐初召為太常博士，建言士民禮制不立，下無矜式，請令禮官會萃古今典範，為五禮書，又請改正祀典，凡千識，緯異學，汚朝陋制，道流黜謝，術家厭勝之法，一切芟去，俾大小羣祀，盡合聖人之經，為復世法，遷禮部

員外郎孔宗翰，請尊奉孔子祠，復上五議，欲專其祠饗優，其田祿獨其廟幹司其法，則訓其子孫，朝廷多從之，兼崇正殿說書，進起居舍人，兼侍讀，轉起居郎，請擇經行之儒補諸縣教官，凡學者攻其志業，不由教官薦，不得與貢舉升太學，拜中書舍人，兼國子祭酒，言太學諸生有誘進之法，獨教官未嘗旌別，似非嚴師勸士之道，改天章閣待制，未拜疾卒，年五十七，王巖叟言其學行超特，宜加優賚，詔賜錢五十萬，子岐，建炎中為門下侍郎。

王逢，字會之，當塗人，四世祖居嚴，仕唐為驍衛長史，遭亂居嵩山，楊行密以兵迫之，驅家人各散，嚴獨以身歸吳，授湖州別駕，一日大會，忽失其所在，亟使人掩捕，其家無一人在者，遂飄然長往，莫知所終。子孫因得無害，至逢，博學能文，尤長于講說，教授蘇州，學者嘗數百人，晚始登第，補南雄軍事判官，為國子直講，兼龍西郡王宅教授，駙馬李瑋從學，事之甚謹，為求遷官，辭不受，終太常博士，通判徐州，為人樂易，篤于朋友，與胡瑗善，喜著書，有易傳十卷，乾德指說一卷，復書七卷，妻陳氏亦有賢行，然竟無子。

孫復，字明復，平陽人，年四十屢舉不第，亦未嘗娶，隱居泰山學春秋，著尊王發微十二篇，大約本于陸淳，而增新意，石介祖無擇皆師事之，李迪知其賢，妻以弟之子。道錄：孔道輔聞就往見之，介執杖履立侍，左右升降拜起皆扶之，其往謝亦然，及介為學官，語當道曰：孫先生非隱者也，范仲淹富弼薦復，有經術，宜在朝廷，上從之，除秘書郎，國子監直講，車駕幸太學，賜排衣，銀魚，轉運英開說書，楊安國言其講說多異，先儒罷之，尋坐孔

弘簡錄 卷一百八十四 文翰宋三

弘簡錄 卷一百八十四 共 文翰宋三

直溫獄貶監處州稅徒泗州知長水縣書應天判官未行學士趙榮等復薦為直講在太學與胡瑗素不合互常趨避瑗治經不如復而教養諸生過之復既病韓琦言所著述仁宗選書吏給紙筆命無擇就其家傳寫凡十五萬餘言命藏秘閣稍遷殿中丞卒特官其一子

石介字守道兗州人進士及第歷鄆州南京推官篤學有志向榮善疾惡喜聲名遇事奮然敢為初辟御史臺主簿未至以論赦書不當求五代及諸偽國後罷為鎮南掌書記代父丙遠宦調嘉州軍事判官連遇家艱耕徂徠山下以易書教授魯人號徂徠先生入為國子直講從學者眾為文甚有氣嘗患科場文做病佛老為齋著怪說并中國論言去此三者乃可以有為又著唐鑑以戒茲臣宦官宮女指切當時無所諱忌杜衍韓琦薦

弘簡錄 卷一百八十四 七 文翰宋三

擢太子中允直集賢院會呂夷簡罷相衍代夏竦為樞密使琦與章得象晏殊買昌朝范仲淹富弼同時執政歐陽修余靖王素蔡襄並為諫官介喜曰此盛事也歌頌吾職其可已乎作慶曆聖德詩詩具弘道錄詩成傳至于蜀時蘇軾尚少即有忻慕之意其所稱多一時名臣特以大姦斥竦竦銜之孫復謂曰子禍始此矣有指目者言其出入大臣之門頗招賓客預政事介不自安出通判濮州未赴卒會有狂人孔直溫妄言謀反發覺搜其家有介書竦併欲中傷衍等奏介詐死北走契丹請發棺驗視詔下京東訪其存亡衍時在兗州聞之驚惶提刑呂居簡亦議曰發棺果空擊斃非酷萬一屍存以無故剖人家墓何以示天下乞召會葬親族門生及棺斂之人問之眾數百皆言介已死得免斂棺家屬備管他州久之放還家故貧幾于凍餒韓富諸

人分俸買田贖之熙寧中馬默請褒贈以官并錄其孫有徂徠集行世

何羣字通夫西充人性嗜古學喜激揚論議聞介在太學自遠而至介方會諸生講問曰生等有知何羣者乎曰思為仁義不知饑寒之切已也由是皆向仰之因館介家其子弟推為學長羣愈自克厲著書數十萬與人言未嘗下意曲從同舍曰為白衣御史嘗請復古衣冠言今之士語言率易舉止惰肆其衣冠亦不如古之嚴三代取士皆先行義後世專以文辭就其中害道者莫甚于賦請罷去之介贊美其說後多不行乃慟哭取平生所為賦八百餘篇盡焚之徑歸不復舉進士嘉祐中何刻表其行義至趙抃守益州羣已死奏其遺藁有益時政願詔果州錄上之 同時有黃希者字景微建安人少通經聚書數千卷

弘簡錄 卷一百八十四 六 文翰宋三

學者多從之游自號贊隅子著欬欬瑣微論十卷謂贊隅者林物之名欬欬者歎聲瑣微者述辭也介在太學遺諸生以禮聘名不出韓琦表薦除為太學助教受命一夕卒何涉字濟川南充人家世業農至涉始讀書晝夜刻苦汎覽博古上自六經諸子百家旁及陰陽醫卜之術無所不學過目不誦而終身不忘人問書傳中事悉應之至指卷第無訛也登進士調洛交主簿遷中部令范仲淹奇之辟彰武軍節度推官龐籍奏遷著作佐郎管勾郵延等路經畧安撫招討司機宜文字軍中經畫頗預有力元昊納款名籍為樞使欲涉同入朝辭以親老非人子自便之時願得歸養特改秘書丞通判眉嘉二州文彥博復薦名為集賢校理既又求歸蜀知漢與合州累官司封員外郎父喪歸卒詔恤其家官一子涉長原有操行事親

至孝平居未嘗談人過惡所至多建學館勸誨諸生從遊者甚眾軍事勿冗中嘗為諸將講左氏春秋狄青亦橫經以聽有治道中術春秋本旨盧江集七十卷

朱長文字伯原吳縣人登乙科病足不肯試吏築室樂園坊著書問古吳人化其貫長吏至皆造請謀議政事士大夫過者以不見為恥名動京師公卿多薦之元祐中起教授于鄉名為太學博士遷秘書正字為文至三百卷六經皆有辨說復有志稽古禮文之事著琴史序略曰朝廷方成太平之功制禮作樂比隆商周是書非直空文而已元符初卒哲宗知其清貧贈以絹百匹

蕭貫字一之新喻人俊邁能文尚氣舉登進士為大理評事通判安宿二州遷太子中允直史館仁宗進太常丞同判禮院歷

弘簡錄 卷一百八十四 九 文翰宋三

吏部南曹開封推官判三司鹽鐵為京東轉運使徙江東改洪州累兵刑二部員外郎生平臨事敢為不苟合于時人有訴冤者咸謂得蕭使君始白將試知制誥忽夢綠衣人名至帝所賦

曉寒詞語極清麗遂有疾卒人以此唐之李賀孫唐卿字希元青州人少有學行年十七以書謁韓琦甚器之登景祐進士舉首有名當時除通判陝州因父憂毀瘠嘔血而卒詔贈其家 同時黃岸字長善分寧人博學彊記趙敏過人試開封禮部皆第一聲動京師所作程文傳誦天下比引試以疾不入天子遣內侍即邸舍撫問賜以藥劑歸江南病卒 又楊蔡弟真字審賢少有高才慶曆二年試國子禮部皆第一及廷試帝臨軒啓封見名喜動于色遂擢第一公卿稱賀得人授將作監丞通判潁州未至遭母喪病卒詔贈恤其家

弘簡錄卷一百八十四終

弘簡錄 卷一百八十四 九 文翰宋三

明刑部員外郎仁和弘齋邵經邦學

皇清翰林院侍講學士四世孫遠平校閱

文翰 宋十之四

歐陽修子發榮

宋祁從父

曾鞏祖致堯

陳師道

劉敞弟世

范祖禹子

王安國

呂南公

歐陽修字永叔廬陵人四歲而孤母鄭氏守節親誨之學家貧至以荻畫地學書幼敏悟過人一再讀輒成誦及冠幾然有聲是時宋興且百年而文章體裁猶仍五季餘習銳刻駢偶洪認弗振學者固陋守舊論卑而氣弱自柳開移修輩咸有意作典而力不足修始游隨得唐韓愈遺藁於廢篋中讀而慕焉苦志探賸至忘寢食必欲并轡絕馳而追並之試南宮第一登進士

弘簡錄

卷一百八十五

文翰宋四

甲科調西京推官從尹洙為古文議論當世事迭相師友與梅堯臣歐詩相倡和名冠天下名入為館閣校勘高若訥不救范仲淹修移書責之坐貶襄陵令稍遷武成節度判官仲淹帥陝西辟掌書記修辭曰昔者之舉非以為利可同其退不可同其進也久之乃復職進集賢校理慶曆三年擢知諫院值仁宗更化大臣與諫官皆極一時之選修以言責自在風裁察然帝虛心延問咨所宜行事多張弛小人翁翁不便朋黨之論漸起修恐善人不勝數為帝分別言之語載弘人以其論事切直嫉視如警帝獨獎其敢言而賜五品服顧侍臣曰如歐陽修者何處得來命不待試越次除同修起居注知制誥奉使河東議者欲廢麟州以省餽餉修奏麟州天險廢之則河內郡縣皆不安居久宜分兵駐並河諸堡緩急得以應援平時亦可省費于策為

便又奏令民耕析代并嵐禁地廢田朝廷從之歲得粟數百萬

斛凡罷河東重斂民所不堪者十數事還擢龍圖閣直學士河

北都轉運使至則區處官吏使能者盡力奏廣御河漕運造鐵

伏船以絕侵盜置都作于磁相一道兵械成仰給焉富弼為宣

撫使時保州亂兵已誅脅從二千人分隸諸郡弼恐生變欲同

日誅之與修遇于內黃語以故修曰禍莫大于殺已降况脅從

乎既非朝命脫有不從為變不細弼悟而止未幾杜衍韓琦仲

淹弼等相繼以黨議罷去修慨然上疏略曰自古小人欲廣害

忠良必指為朋黨欲動搖大臣必誣以頹權其故何也去一善

人而眾善人尚在小人以為利必欲盡去之然後得以恣肆

而善人少過難于一一求瑕惟指以為黨則可一時盡逐至于

大臣已結主知他事難以動搖惟專權上心所忌方可傾之今

弘簡錄

卷一百八十五

文翰宋四

杜衍與韓琦仲淹富弼天下皆知其有可用之才而不聞其有可罷之罪一旦罷去使羣邪相賀于內敵國竊笑于外臣竊惜之疏上忌之者益眾因孤甥張氏獄傳致其罪左遷知滁州徙揚州滯外凡十二年復官學士留守南京母憂除服名列流內銓入見帝問勞甚至小人畏修復用乃詐為修奏乞澄汰內侍以激怒之出知同州吳充論救得免尋遷翰林學士充唐書表志總裁奉使契丹特命四貴臣押宴論曰此非常制以卿名重爾嘉祐二年知貢舉時士子尚為檢怪奇澀之文號太學體修痛排抑之場屋之習為之一變亦龍圖閣學士知開封繼包拯之後簡易循理不求赫赫名京師亦治旬月收羣牧使唐書成拜禮部侍郎封樂安郡開國侯仍兼侍讀學士修居翰林八年知無不言會河決商胡宰相陳執中主賈昌朝欲開橫壩故道

回河東流文彥博主李仲昌欲入六塔河議論不決修奏橫壘
 功大難成雖成將復決六塔狹小不能受全河旁郡必罹其害
 不若因勢所趨增堤峻防疏其下流縱使入海此數十年之利
 也臺諫論執中過惡修勸上不當拒忠言以庇恩相恐累盛德
 狄青為樞密使有威名帝不豫詔言藉藉修請出之于外以保
 終始于是二人皆罷水災上疏請立儲宮言陛下當法漢之文
 帝而以後唐明宗為戒其後建立英宗實原于此五年拜樞密
 副使與會公亮考覈天下兵數及三路屯戍多少地理遠近更
 為圖籍凡邊防久缺屯戍者必加蒐補六年參知政事會兵民
 官吏財賦之要中書所當預知者集為總目凡遇事至不復求
 之有司與韓琦同心協定建儲大議英宗初立有疾左右交構
 兩宮幾成嫌隙修奏太后事先帝數十年仁德著于天下昔溫

成之寵尚處之裕如今母子之間反不能容耶后意稍和修復
 奏曰先帝在位久德澤在人故晏駕之日歸戴嗣君無敢異同
 者不然太后一女子臣等五六書生天下誰肯聽從后為默然
 兩宮和好如故修自居執政士大夫有所干請輒面諭可否遇
 臺諫論事必詰其是非以是怨誹者衆會濮議起修引喪服大
 記謂為人後者為其父母服降三年為期而不沒父母之名以
 見服可降而名不可沒也若本生之親改稱皇伯歷考前世皆
 無典據進封大國又禮無加爵之道御史呂誨等詆修執議不
 與衆同皆被逐惟蔣之奇議合薦為御史衆因曰為姦邪之奇
 忠之思所以自解會修婦弟薛宗孺有憾于修造帷薄不根之
 謗展轉達于中丞彭思永思永以告之奇露章劾之修杜門請
 治刑宗初卽位欲深護修因訪故宮臣孫思恭思恭為之辨解

帝使詰思永之奇問所從來二人辭窮坐黜修亦力求退能為
 刑部尚書觀文殿學士知亳州熙寧二年遷兵部尚書知青州
 修素以風節自持既被汗蟻堅乞謝事優詔弗許及守青以請
 止散青苗錢為安石所詆求歸愈切以太子少師致仕五年卒
 年六十六贈太子太師諡文忠生平天資剛勁見義勇為與人
 言盡心無隱雖機弁在前觸發不顧放逐再三志氣自若始在
 除號醉翁晚更號六一居士學者求見與語未嘗及文章惟談
 史事訕文章止于躬身政事可及物凡歷數郡多務寬簡不
 為苛擾故所至民便之其所為文天才自然豐約中度立言簡
 而明信而通引物連類折之于至理天下翕然師尊尤篤于友
 義生則振之死為調護其家獎引後進如恐不及凡經賞識率
 為聞人若曾鞏王安石三蘇方布衣屏處人未能知為游其聲

弘簡錄 卷一百八十五 文翰宋四

舉送大顯于世刻意好古自周漢以降金石遺文斷編殘簡一
 切撮拾研稽異同立說申證為稽古錄所撰五代史法嚴詞約
 多春秋遺旨載敘其文曰論大道似韓愈論事似陸贄記事似
 司馬遷詩賦似李白識者以為知言 子登字伯和少好學得
 父之傳師事胡瑗聞古樂鍾律之說文詞議論獨探古始自書
 契以來君臣世系制度文物旁及天文地理靡不悉究不治科
 舉以蔭補將作監簿累遷殿中丞卒軾哭之稱為蔡伯喈張茂
 先之流 裴宇叔弼廣覽強記能文辭年十三見修著鳴蟬賦
 侍側不去修撫之曰兒異日能為吾此賦否因書以遺之以蔭
 為秘書正字中乙科調陳州判官因親老不仕父卒代草遺表
 如其自作服除為審官主簿累遷職方員外郎知襄州以忤會
 布婦兄魏泰徙知潞州元符末還朝歷吏部右司郎中直秘閣

知蔡州坐黨籍廢。有安福人劉弁字仲明幼養賴日哺萬言登元豐進士宏詞二科知峨眉縣改太學博士元符中有事南郊進大禮賦哲宗稱善除秘書正字徽宗改著作佐郎實錄院檢討性嗜酒不事拘檢為文辭剗剔瑕類卓詭不凡以疾卒有龍雲集三十卷周必大推重之序其文以為自歐陽修後可續正傳云

宋祁字子京與元庠皆善屬文登進士調復州軍事推官改大理寺丞國子直講試直史館遷太常博士同知禮儀院言李照之樂以經委梁尺比之李宗謬燕肅所言太常樂律下五聲鍾啓下兩聲其律不相應降黃鍾為太簇君實寄於臣不可以事天地宗廟乃詔新詳定而罷之語具載樂志遷工部員外郎同修起居注權三司度支判官疏言朝廷大冗有三。厥罷僧道及

弘簡錄 卷一百八十五 五 文翰宋四

尼不受戒者可得耕夫織婦五十餘萬。驛廂軍不在籍者歸于南畝又得力耕凡數十萬。郡縣庶官。明立限員。其門廕流外貢舉等科。貨置選限。稍務擇人。俟有關官。計員補吏。斯三者。去冗之道也。又有三大費。道場齋醮。無有虛日。京師寺觀。多役卒徒。三倍他處。大臣罷黜。濫除節相。坐靡邦用。願自今天地宗廟社稷百神犧牲玉帛之外。一切停革。其非當邊要及無師屯者。不得建節。已帶節度。不得留置近藩及京師。斯三者。節費之道也。若乃射服至食風示四方。衣服起居無踰舊規。後宮珠綺不得妄費。則天下響應民業日豐。人心不搖。師徒可舉。蓋爾西北在吾掌中矣。徒判監鐵勾院同修禮書為天章閣待制。兄岸罷出知壽州。徙陳州。還知制誥。植判流內銓。除翰林學士。與晏殊親密。遇中秋啓宴。出妓樂飲酒賦詩。翌旦殊罷相。祁草詞極詆時

論薄之改提舉諸司庫務數釐正弊事增置勾當公事官其屬言利害者皆先稟度可否而後議於三司著為令。徙知審官院兼侍讀學士。史館修撰。修唐書。專制列傳。遷右諫議大夫。充牧使。元昊與契丹相攻。交來獻捷。命祈館伴。遣使耶律蕤等。妄自誇大。祈語以西人俘獲官名。遣使駭愕。而罷景祐中。應詔言人主不斷。是名為亂。有三患焉。與賢人謀而不肖者。斷之重選。大臣而輕任之。大事不圖而急。小事故。春秋書。隕霜不殺。其意主於。置君威。別邪正。急先務也。語皆切中。時病會張美。人進封貴妃。祁當制。問告不。埃旨又不送。中書徑取官告院印。封以進坐落一職。出知許州。數月。復原官。祀明堂。遷給事中。兼龍圖閣學士。復坐子從張彥方。游山知亳州。歲餘。徙知成德軍。充本路安撫使。河北騎軍雖多。常患馬少。祈請復唐。馳幕之制。弛河東

弘簡錄 卷一百八十五 六 文翰宋四

陝西馬禁聽民間買賣。募步卒。移居十五弓。十三槍。刀十二。輟車。拋壘。騎精步銳。敵人畏之。居五月。徙定州。上言天下根本在河北。河北根本在鎮定。其人恥怯尚勇。好功忘死。殆天性然也。故論兵不得不先河北。謀河北。捨鎮定無足議者。今朝廷先陝西河東。而後河北。非計之得。西賊兵銳士寡。不能深入河東。天險。彼憚為寇。若河北不然。自前直視。勢同建瓴。一鼓而前。如行筦。祗今陛下欲兵之強。必多積穀與財。欲士訓練。必善擇將帥。欲人樂鬪。必賞重罰嚴。欲賊顧望不敢前。必使鎮重而定。疆夫鎮定一體也。自來常為一道。師專而不分。故定。其。則。則。擣其脅。勢之自然耳。今判而為二。平時號令文移。尚不相謀。脫若臨事。尚肯任其責邪。臣請合為一路。領以將相大臣。河東馬疆士習令與鎮定表裏。列將在陝西河東有功狀者。得遷鎮定

賊若深入。以河東健馬。佐鎮定精兵。權一而責有歸。策之上也。前後論事多施行。即不行。亦降詔褒答。又上禦戎論七篇。凡敵之山川道路國俗嗜好。與其君臣向背。及兄弟不相能。後必殘覆。其言若合符節。加端明殿學士。吏部侍郎。知益州。尋除三司使。時兄庠方執政。司諫吳及發其家人在定。貸公使錢中丞包拯。又言。祈在益部。多游燕。乃出知鄭州。祈山入內外十餘年。所至以惠書。榮自隨。及成遷左丞。進工部尚書。以羸疾請醫。入判尚書都省。踰月。拜學士。承旨。遇八直。許一子扶侍。尋為羣牧使。封常山郡開國公。卒年六十四。遺奏切諫五事。其一言東宮虛位也。自為誌銘。及治戒。以授其子。自言學不名家。文章僅及中人。不足垂後。為吏在良二千石。下慎勿請諡。及受贈典。斂葬。及期。無為流俗拘忌。子男十四。定國進士。終太常博士。靖國彥國。弘簡錄 卷一百八十五 七 文翰宋四

國子博士惠國虞部員外郎。輔國奉國祚國右贊善大夫。順國大理寺丞。伯國秘書正字。亮國保國大理評事。嗣國俊國廣國。皆太祝諸孫。亦衆。祈性明果。所至以嚴肅稱。論事蹇蹇。無所迴避。而於兵若素習。然清約莊重。不及其兄。故不至公輔。預修籍田記。集韻并撰大樂圖二卷。文集百卷。後因門人范鎮學士。張方平言。贈刑部尚書。諡景文。從父準。字子平。祖彥。升庫部員外。父鵬。秘書郎。開寶中學士。李昉知貢舉。取舍失當。太祖覆試。便殿見準形神偉茂。程文敏速。擢以為冠。授秘書郎。直史館。預修諸道圖經。奉使契丹。還知太平州。加著作郎。累遷金部郎中。卒年五十二。為人美風儀。善談論。辭采清麗。蒞官所至。皆有治聲。李穆坐盧多遜。同門黜。左右無敢言者。準因奏事。盛言穆長者。有檢操常惡多遜。專恣恐非其黨。上寤。復穆官。時論稱之。天

禧三年錄子大年試校書郎。從子可觀。金部郎中。冊曰文忠。大手景文。巨筆共扛鼎。俎悉用全力。一言見道。可垂典則。唐史之成才。不逮識事。增文省祗。見其惑。鑿觀斯言。莫易指摘。

會鞏字子固。南豐人。三世兄弟皆登進士。祖致堯。字正臣。解褐符離縣簿。梁州錄事參軍。遷著作佐郎。直史館。改秘書丞。出為兩浙運使。俄徙知壽州。轉太常博士。性剛率。好言事。屢上章奏。辭多激直。真宗遷主。客員外郎。判鹽鐵勾院。張齊賢薦其材堪任詞職。未果。奏為涇原環慶經略判官。改戶部員外郎。抗疏自列。詞旨狂躁。黜為黃州副使。未幾復改吏部員外。歷知秦泉蘇揚鄂五州。祥符中。至禮部郎中。卒年六十六。平生頗好纂錄。所著有仙臆羽翼。廣中台志。清邊前要。西陲要紀。為臣要紀。凡百弘簡錄 卷一百八十五 八 文翰宋四

六十餘卷。父易。占知如皋縣。舉生。而警敏。授書數百言。脫口成誦。年十二。試作六論。授筆而成。辭甚富。偉甫。冠名聞四方。為歐陽修所稱。初調太平司法。參軍。召為館閣校勘。集賢校理。實錄檢討官。出通判越州。罷鄉戶牙前。應役歲饑。常平不足。鞏諭告富人。出糶稍增其價。貧民和糧。隨秋賦納。民賴不乏。轉知齊州。以疾。姦急盜為本。曲堤周氏子高賊。良民汗婦女。奢僭服器。縱橫里中。章丘民聚黨。號霸王社。推剽村落。鞏悉實于法。又使民出入保伍。相譏有盜。鳴鼓相援。每發。輒得盜。萬友名在捕中。一日。出自首。鞏飲食之。假以衣冠。騎從。夸狗四境。盜聞。爭自首。由是外戶不閉。每歲發民。漕河初按籍。三丁出一。鞏括其隱漏。至九丁。取一。自長清抵博州。以達于魏。弛無名渡錢。為橋省六傳。舍人以為便。徙襄及洪州。遇歲大疫。命縣鎮亭傳。悉儲藥待求。

有不能自養者來就息官舍資以食飲衣衾之具分醫視診所
全活甚衆王師萬人征安南輩先期區畫供頓進過市里不知
加直龍圖閣知福州將樂盜廖思既降復叛以計羅致之罷
需圖疏以代職田革僧制爭求宿弊徙明毫滄三州輩負才名
久外徙一時後輩錄出輩處之泊如也會過關神宗召見勞問
留別三班院時五朝國史各自爲書帝將合而爲一加輩史館
修撰不設監總令專典之書未成拜中書舍人官制行自三省
百職事選授一新除書皆出其手號爲典約尋奉延安郡王晟
奏甫數月丁母艱又數月卒年六十五輩天性孝友父亡奉繼
母益至撫四弟九妹宦學婚嫁人爲畢力爲文章上下馳騁愈
出而愈上少與王安石游聲譽未振導致於歐陽修得志後日
與之異嘗因上問對曰安石文學行義不減楊雄以吝故不及
弘簡錄 卷一百八十五 文翰宋四

郎中充實錄檢討元祐初累起居中書舍人論葉康直知秦州
不當執政訝不先白御史因攻之輩求去范純仁力言於朝曰
若善人不見容吾輩不可居此矣力求之得釋太后疑韓維譏
毀范百祿出維守鄧輩言韓維爲朝延辨邪正是非不可以疑
以廷諫議大夫王觀以論胡宗愈坐貶輩又言陛下宵旰心於
大臣寄耳目於臺諫二者闕一不可若因宗愈去觀是愛心腹
而塗耳目也帝悟而止皇太后受冊詔遵章獻故事御文德殿
降旨天聖初兩制定議受冊崇政仁宗特改文德蓋一時之制
今帝述仁宗故事以極崇孝敬可謂至矣臣竊謂太皇宜特
下詔揚帝孝敬之誠而固執謙德屈從天聖兩制之議則帝孝
愈顯太皇之德愈尊矣坤成節上壽議百官班崇政殿又言天
聖三年近臣班殿廷百官止請內東門拜表至九年始御會慶
弘簡錄 卷一百八十五 文翰宋四

言得罪孽極力諭救帝使作詔調停黨與孽開說備至言陛下
 思建皇極以消弭宿怨須先分別君子小人賞善罰惡不可偏
 主已而詔從中出兄布拜相孽適當制國朝弟草兄制惟韓維
 與孽衣冠榮之建中靖國元年太史奏日當食四月孽請對涕
 泣言比歲日食正陽咎異章著陛下簡儉清淨之化或表於前
 聲色服玩之好或萌於內忠邪賢佞多有未辨賞慶刑威多有
 未當左右阿諛孽蔽燭舉民寃失職彗不得伸亟宜反覆循省
 痛自克責以塞天變帝為悚然以布相引避禁職改龍圖閣學
 士提舉太一宮外補歷陳定揚三州太原應天二府孽既居外
 嘗移書告布云兄方得君當引用善人以杜悖下復起之萌布
 不能用語備載崇寧初蔡京得政孽落職謫和州徙岳州繼貶
 濮州團練副使安置汀州歸卒于潤年六十一紹興初諡文昭
 弘簡錄 卷一百八十五 文翰宋四
 子統至左諫議大夫孫悟字蒙伯宣和二年進士靖康間為毫
 州士曹參軍金兵破被執抗辭不屈與妻孥同被害年三十三
 陳師道字履常一字無已彭城人自幼好學苦志曾華許留學
 業鞏典五朝史擇為屬朝廷以白衣難之元祐初蘇軾傳堯俞
 孫覺薦其文行起為徐州教授以越境見軾改頴州梁燾又薦
 為太學博士論者言進非科第罷歸調彭澤令不赴家貧或經
 日不炊妻子慍見弗恤也通諸經尤邃詩禮為文精深雅與喜
 作詩遇出行覺有詩思急歸擁被臥而思之呻吟如病者或累
 日而後起初學黃庭堅至得意處或謂過之嘗稱之曰閉門覓
 句陳無已然往往小不中意輒焚去今存者幾十一耳游京師
 踰年未常一至貴人之門章惇為相致意欲見終不肯往語備載
 道軾知頴時待以絕席欲參諸門弟子問師道賦詩有向來一

辦香敬為曾南豐句其自守如是久之名為秘書正字與趙挺
 之友者素惡其人適預郊祀行禮寒甚妻就假衣於挺之家師
 道問所從來却之不肯服遂以寒疾卒年四十九
 聞曰辦香之敬薄命之作恩義如斯千古罕若噫今未見
 江冷楓落
 劉敞字原父新喻人兄弟同舉慶曆進士敞通判蔡州遷直集
 賢院判考功疏言夏竦論文正行不應法今有司各得守職而
 陛下侵臣官臣不敢奉詔疏三上改諡文莊又言今儒學滿朝
 議定大樂乃王者大事而使中貴趙談參預其間臣懼為袁盎
 笑也改權度支判官徙三司使仁宗問秦州羌爭古渭地棄守
 孰便敞奏無係中國重輕而殫財困民損士卒之命以規小利
 非計之得或請為溫成后立忌敞言不可以私昵之故變古越
 弘簡錄 卷一百八十五 文翰宋四
 禮乃止吳充方以典禮得罪馮京救之亦罷近職敞因對極論
 之帝謂宰臣惡其太直不相容耳敞曰陛下寬仁好諫而大臣
 乃排逐言者是蔽君之明止臣之善恐感動陰陽有日食地震
 風竄之異而已果然因勸帝收覽威權無使聰明蔽塞以消災
 咎帝深納之權同修起居注知制誥敞屬詞敏贈遇追封王主
 九人立馬却坐九制輒成宦者石全彬真拜觀察使敞封還除
 書不為草制尋奉使契丹敞素考知山川道徑契丹故欲誇示
 險遠導之自古北口至柳河迂回殆千里敞詰譯者曰自松亭
 趨柳河甚徑何為道此譯相顧駭愧願州山中有怪獸如馬而
 能食虎豹契丹不能識問敞敞曰此駁也為謂山海經管子書
 具說其音聲形狀契丹益歎服使還求外知揚州陞辭言狄青
 因外議不自安若幸愛之願官之於外庶以保全終始帝使山

論中書青乃得去至楊遷漢雷波於民天長縣富民陳氏殺人
誣為王甲啟親按之直其冤相傳以為神明徙郟州郟比易守
政令不飭撫教公行又久旱多蝗啟至決獄訟明賞罰境內肅
然道不拾遺對雨隨至蝗盡去召糾察在京刑獄有營卒桑達
等因醉指斥乘輿開封論達棄市啟移府問何以不經審訊府
報曰故事凡聖旨及中書樞密所鞠皆不慮問啟奏請一準近
格詔以其章下府著為令嘉祐給享羣臣請上尊號啟疏言陛
下不受徽號且二十年所加數字不足以盡聖德而前美並棄
誠為可惜况年來頗有災異正當寅畏天命深自抑損未可矧
虛名忘實累帝覽奏顧侍臣曰朕意本謂當爾遂不受求外知
永興軍大姓范偉持府縣短長目同姓戶籍為姦利啟窮治其
事偉伏罪公私快之召還判三班院非翰林侍讀學士英宗御
弘簡錄 卷一百八十五 文淵宋四

陽修趙槩薦試館職中丞王陶有宿憾與御史蘇家共排之致
官已員外郎始得館閣校勘熙寧中判考功同知太常禮院請
褒崇德昭德芳之後世世勿降爵宗廟祭祀列之在位後二王
紹封如致議又奏本朝選士之制行之百年將相名卿皆由此
出願因舊貫毋輕議改法王安石在經筵乞講者坐放謂避席
立語非但臣下雖事長亦然古禮必命坐者所以示人君尊德
樂道之誠若不命而請則非矣議者以為是考試開封舉人與
同院王介爭嘗為御史所劾是歲廷試始用策考官呂惠卿取
阿時者列高等評直者居下放覆考悉反之又詔安石書諭新
法不便安石怒撫前過斥判泰州還為集賢校理判登聞檢院
開封戶部判官出知曹州曹素為盜區重法不能止放治以寬
不盜為衰息轉京東轉運使吏有不逮者務全安之徒知充毫
弘簡錄 卷一百八十五 文淵宋四

講筵啟每授事據經因寓諷諫進讀史記至堯授舜以天下拱
手言曰舜至側微堯禪之以位天地享之百姓戴之非有他道
惟孝友之德光于上下耳帝悚然改容皇太后聞之亦大喜積
苦眩瞖屢予告帝每問啟安否食新橙舉以賜之疾間乞外知
汝州改集賢院學士判南京御史臺熙寧元年卒年五十五生平
學問淵懿長於春秋著發微四十卷自餘佛老十筮天文方物
山經地志皆究知大略嘗夜視鎮星語人曰宮庭當生女後數
月果應又言歲星往來虛危間色明盛當有興於齊者歲餘英
宗自齊州防禦使入承大統所得先泰彝鼎數十銘識奇與尤
珍惜之每語子孫沒後以此悉嘗我朝廷有禮樂之事必就其
家取決歐陽修於書有疑拆簡來問啟對使揮筆答之不停手
修服其該博 弟攸字貢父仕州縣二十年始為國子直講歐

非耳帝為反汗紹聖初畏章停乞免以端明殿學士知成德軍
改定州踰年知成都請入覲會布不許明年貴光祿少卿分司
南京居郴州再貶隰州團練副使徽宗立盡還其官知定耶二
州大名府崇寧初再奪職貴居沂兗以教得歸政和三年復官
卒年七十三生平文詞雅贍最精漢書學優於吏事治尚安靜
常言家世惟知事君不媿士大夫公論而已至於得喪常理譬
如寒暑雖善壽生者不能無病正須安以處之

范祖禹字淳甫一字夢得生時母夢邵禹因以為名幼孤叔父
鎮撫有知子至京師與一時間人游鎮器之曰此兒天下之士
也登甲科從司馬光修資治通鑑在洛十五年不事進取書成
授秘書正字王安石愛重之安固亦與友善特道安石意竟不
往見富弼致仕居洛罕與人接遇祖禹特厚疾篤授以密疏論

私簡錄 卷一百八十五 文翰宋四

安石誤國及新法之害人皆謂不可奏卒上之神宗崩祖禹疏
言先王制禮君父皆斬衰三年。國朝祖宗以來外廷雖從易月
之制。官中實行三年之服。惟臣下不然。未知何所考據。禪祭之
名。非緣服色。今乃謂之慘服三日。然後禪。此禮之不經者也。服
既除。至葬又服之。禘廟後。纔八月而遽純吉。此又禮之無漸者
也。則望人主衰服在上。羣臣朝服以造。似以天下之喪為一人
私服。皆禮所不安也。未報攝石正言以呂公著親嫌改著作佐
郎神宗實錄檢討又遷著作郎兼侍講。哲宗除喪。連上書首言
服御一新。奢儉之端皆由此起。凡可以蕩心悅目者。不宜有加
於舊。今開奉宸庫。取珠戶部用金。其數至多。恐增加無已。願止
於未然。崇儉敦朴。輔養聖性。使日不視靡曼之色。耳不聽淫哇
之聲。非禮勿言。非禮勿動。則學問日益。聖德日隆。此宗社無疆

之福。次言除服。本非得已。今用故事。開樂設宴。似為慶賀。又因
夏晉權罷進講。言今日陛下之學。係他日治亂。如好學則君子
欣慕。願立于朝。以直道事陛下。輔佐德業。而致太平。不學則小
人皆動其心。務為邪諂。以竊富貴。且凡人之進學。莫不在於少
時。今聖質日長。數年之後。恐不得如今日之專也。拜右諫議大
夫。疏論人主正心修身之要。乞太皇太后日以天下之勤勞。萬
民之疾苦。羣臣之邪正。政事之得失。開導上心。曉然存之於中。
使異日眾說不能惑小人。不能進合蔡確。以罪流竄。祖禹言自
乾興來。不竄逐大臣六十餘年。今一旦見之流傳四方。無不震
聳。又言蔡京小有才。非端良之士。不宜崇長。又言朝廷既察安
石之法為非。但當一意復祖宗之舊。若兩川而兼存之。紀綱益
壞矣。遷給事中。封駁先論大體。時吳中大水。詔出錢米以振或

私簡錄 卷一百八十五 文翰宋四

言訴災者為妄。祖禹奏國家根本仰給東南。寧過於優恤。若稍
施懲。恐後無復。敢言俄兼國史。修撰轉禮部侍郎。論擇監司
守令。疏略曰。祖宗分天下為十八路。各置轉運使。提點刑獄。收
鄉長鎮將之權。悉歸於縣。收縣之權。歸於州。州之權。歸於監司。
監司之權。歸於朝廷。監司付以一路守臣。付以一州令宰。付以
一縣皆與天子分土而治。其可不擇乎。祖宗立考課之法。專察
諸路監司。置簿於中書。以稽其要。今宜委吏部尚書。條別功狀。
以上三省。苟其人可任。以次次用。考其課績。校以優劣。而施黜
陟。焉如此。則得人必多。監司郡守得人。縣令不才。非所患也。聞
禁中覓乳媪。祖禹以帝年方十四。非近女色之時。上疏勸進德
愛身。又乞太后保獲聖躬。既而后論以外議虛傳。祖禹復疏。臣
言足為先事之戒。願因而勿忘。以臣叨侍經筵。實懷私憂。是以

不敢避妄言之罪。凡事言於未然則誠焉過。及其已然。又無所及。陛下寧受未然之言。勿使臣等有無及之悔。頃之拜翰林學士時。太后崩。中外人懷頓望。類多畏懼。莫敢發言。祖禹首奏。陛下承六世之烈。常思天下者。祖宗之天下。人民者。祖宗之人民。百官府。靡皆屬祖宗。一言一動。如臨之在上。賢之在旁。則可以長享天下。又言。小人之情。專為私。故不便於公。專為邪。故不便於正。專好動。故不便於靜。惟陛下痛心疾首。以為刻骨之戒。章累上不報。切與蘇軾約。同上章。軾見其疏。遂附名。同奏曰。公文經世之文也。忽有旨。召內臣十人。祖禹復奏。陛下親政以來。四海傾耳。未聞訪一賢臣。而所名乃先內侍。間李憲王中正宋用臣之子。皆在其中。此三人者。得罪天下。貽害生靈。亟加誅戮。未足以謝。若其子既入。必將復用。願陛下即賜追改。時紹述之論。亦簡錄。卷一百八十五。文翰宋四。

子弟侍立。按講說。開列古義。參之時事。言簡而當。無一長語。義理明白。粲然成文。當時稱為講官第一。嘗撰帝學八卷。仁皇政興。六卷。唐鑑十二卷。深明三百年治亂。學者尊之。目為唐鑑公。建炎二年。追復龍圖閣直學士。子冲字元長。登紹聖進士。高宗召為虞部員外。俄出為兩淮運副。紹興四年。帝感隆禧太后言。詔重修神哲兩朝實錄。名冲為宗正少卿。兼直史館。因論熙寧創置元祐復古。紹聖以降。弛張不一。本末先後。各有所因。又極言安石蔡京誤國之罪。上嘉納之。遷起居郎。兼侍讀。上雅好左氏春秋。命與朱震專講冲。效行經旨。因以規諷。上未嘗不稱善。時張浚在長沙。薦冲名。德老成宜備皇子訓導。遂命以徽猷閣待制。為資善堂翊善。詔建國公見先納拜。俄遷翰林學士。川父事改侍讀學士。尋以龍圖閣直學士奉祠。卒年七十五。為人好義。樂善。嘗薦尹焞。自代司馬。光家屬。依冲所為。撫育之又為光編類。講問十卷。奏御請以其族會孫宗名。主光祀。孝宗即位。冲子以官。王安國字平甫。幼敏悟。文詞天成。未嘗從學。年十二。出所為詩。銘論賦數十篇。示人。語皆警拔。遂以文章稱于世。士大夫交口譽之。及長。該博古今。書史無所不遍。母喪。廬墓三年。熙寧初。韓琦為其材。召試。賜及第。除西京國子教授。引道錄。名對不合。帝默然不悅。由是別無恩命。祇授崇文院校書。改秘閣校理。屢以新法斂怨天下。恐為家禍。力諫安石。常哭于影堂曰。吾家門滅矣。又面責會布。誤其兒。而深惡呂惠卿之姦。惠卿銜之。安石嘗貽書謂其頗溺於聲色。戒曰。宜放鄭聲。安國復書亦頗見遠。佞人及安石。能惠卿陷以黨於鄭俠。奪其官。放歸田里。卒年四十一。

七

呂南公字次儒建昌南城人博覽羣書無所不讀於文不肯綴
緝陳言熙寧中士方推崇馬融王肅許慎之業務為剽竊補拆
及盛行臨摹之藝南公自度不能競逐時好退而築室澗園不
復以進取為意益著書工文章毅然雖心思欲並駕古人借史
筆以褒善貶惡遂以表斧名齋嘗言士無志於立則已必有志
焉何可一善自足為文章意有餘而詞不足如吃人之辨訟心
未始不虛理未始不直縱然或屈無害於已觀書契以來特立
之士未有不善於文者我可甘心卑屈哉元祐初曾肇稱其卓
然自遠遠却俗累安貧守道志希古人堪充師表廷臣亦多稱
之欲命以官未及而卒有澗園先生集傳於世

弘簡錄

一百八十五

九

文補宋四

弘簡錄卷一百八十五終

弘簡錄卷一百八十六

明刑部員外郎仁和弘齋邵經邦學
皇清翰林院侍講學士四世孫遠平校閱

文翰 宋十之五

蘇軾 父洵 蘇轍 蘇老 文同

秦觀 張耒 李廌

黃庭堅 晁補之

蘇軾字子瞻眉山山人父洵字明允年二十七始發憤為學應舉
不第悉焚所為文益閉戶讀書通六經百氏諸家下筆輒數千
言者權書衡論機策二十餘篇盡闢橫縱之說嘉祐間與二
子至京師借詣歐陽脩脩為上所為一時士大夫爭傳誦之
自是三蘇之名重天下宰相韓琦奏薦召試舍人院辭疾不赴
會將修建隆以來禮書命授文安縣簿與項城令姚闢同纂成

弘簡錄

卷一百八十六

文補宋五

太常因革禮一百卷方奏未報而卒賜其家緘與銀各二百緡
辭所賜求贈官得光祿寺丞有文集二十卷論法三卷軾自幼
有大志父游學四方母程氏親授以書至古今成敗輒能語其
要嘗讀范滂傳慨然請曰軾若為滂母許之乎母曰汝能為滂
吾顧不能效滂母耶此冠博通經史屬文日數千言 語備載嘉
祐二年試禮部歐陽脩主試病時文磔裂詭異思有以救之得
軾刑賞忠厚之至論驚喜欲以冠多士疑其客曾鞏所為乃真
第二復以春秋對策第一脩語梅聖俞曰願避此人出一頭
地問者始諱久之乃服母憂起復調福昌簿脩薦應制科試六
論文義粲然復對策入三等自宋初以來制策入三等惟吳
育與軾而已除大理評事判鳳翔府關中自元昊叛民貧役重
歲輸南山木檝經砥柱之險踵破家軾至訪其利病令自便進

止害為減半治平二年入判登聞鼓院英宗在藩聞其名欲循唐故事召入翰林知制誥宰相韓琦曰軾才遠大器也他日自當為天下用要在朝廷培養之今一旦驟進則天下之士未必皆信適足以為累上曰且與脩注如何琦猶持不可請召試得直史館軾聞琦語曰公可謂愛人以德矣熙寧初父喪服闋王安石惡其立異除判官誥院安石欲變科舉與學校軾上議曰得賢在於知人知人必先貴實使君相能知人朝廷能貴實雖因今之法臣以為有餘使君相不知人朝廷不貴實雖復古之制臣以為不足今之學校特可因仍舊制使不廢先王之教足矣若復變昔之制易今之俗置官立師勞民斂財又簡不事教者併之遠方無乃徒為紛亂以患苦天下耶至於貢舉之法行之百年陛下視祖宗之世與今為孰精言語文章與今為孰得弘簡錄 卷一百八十六 文翰卷五

大小庶事與今為孰辦欲一旦舉德行而畧文詞專取策論而罷詩賦兼采譽望而罷彌封又欲經生不帖墨而考大義此皆如其一不知其二者也議上神宗悟曰吾固疑此今釋然矣即日召見問方今政令得失雖朕過失指陳可也對曰陛下生知之性天縱文武不思不助不思不斷但思求治太急聽言太廣進人大銳願鎮以安靜待物之來然後應之上悚然曰卿三言朕當熟思之安石不悅命權開封推官將困之以言軾決斷精敏聲聞益著會上元勅府市浙燈且令損價軾疏言陛下以奉二宮一日之玩奪小民口體必用之資事雖至小體則甚大願追還前詔從之安石新法行軾上書論其不便纒纒萬餘言畧曰臣所欲言者三一在結人心人主之恃人心如木之有根燈之有膏魚之有水失之則亡理所必然昔漢武誤

用桑弘羊之說買賤賣貴謂之均輸于時商賈不行盜賊滋熾幾至於亂孝昭立後霍光順民所欲天下歸心遂以無事不意今日此論復興且立法之初其費已厚縱使薄有所獲譬之以一牛而易五羊牛大而失則隱而不言羊小而獲則指為勞績今壞常平而言青苗虧商稅而取均輸何以異此二曰厚風俗國家之所以存亡者在道德之淺深不在乎強與弱曆數之所以脩短者在風俗之厚薄不在乎富與貧聖人非不知深刻可以齊衆勇悍可以集事忠厚近於迂濶老成初若遲鈍然終不肯以彼易此者知其所獲者小所喪者大也仁祖持法至寬用人有叙專務掩覆未輕改作天下歸其仁議者乃欲矯之以苛察齊之以智能招來新進勇銳之人以圖一切速成之效欲風俗之厚豈可得哉三曰存綱紀祖宗委任臺諫許以風聞未嘗罪一言者言及乘輿則天子改容事關廊廟則宰相待罪縱有薄責旋即超升所以養其銳氣而借之重權以折姦臣之萌也陛下上念祖宗設官之意下為子孫萬世之防臺諫所言隨天下公議公議所與臺諫必與之公議所擊臺諫必擊之豈可使公議沸騰怨讟交至知而弗問恐自茲以往習慣成風盡為執政私人以致人主孤立臣之所願三言如是而已命軾試貢士發策以晉武平吳以獨斷而克符堅伐晉以獨斷而亡齊桓專任管仲而霸燕增專任子之而敗事同而功異為問安石見之滋怒使御史謝景溫論奏窮治無所得請外通判杭州高麗入貢書稱甲子不稟正朔軾却之使者易書然後受時新政日下軾每因法以便民民賴稍安徙知密州不即行手實法提舉當以違制軾爭曰違制之坐若自朝廷誰敢不從今出於司農是

擅造律也提舉為改容未幾法果罷徙知徐州值河決薄城懸呼武衛營卒築東南長堤城不沈者三版軾就廬城上使官吏分堵以守城藉以全徙知湖州凡事不便民者不敢直言以詩托諷李定舒亶何正言撫以為謗建赴羸獄將寘之死上獨憐之謫黃州團練副使安置瑋與鮮于侁皆坐謫罰張方平司馬光以下二十八人軾因築室東坡號東坡居士日與田父野老相從溪山間神宗數有意召用語宰相曰國史至重可命蘇軾成之王珪蔡確有難色既而曾鞏進太祖總論上意不允遂手札移軾汝州軾自言有田在毘陵許居之哲宗立復朝奉郎知登州召為禮部郎中遷起居舍人元祐元年賜銀緋遷中書舍人軾素善司馬光章惇時光為門下侍郎惇知樞密院不相合惇每以譏侮困光軾謂惇曰昔許靖以虛名見鄙於先主法

弘簡錄 卷一百八十六 四 文翰宋五

正尚謂不可况君實時望甚重詎可侮乎惇以為然光始稍安及光為相欲復差役軾曰差役免役各有利害免役之害極歛民財而下有錢荒之患差役之害民苦猾吏豪胥且病常在官不得專力於農此二害輕重蓋畧相等光曰於君何如軾曰法相因則易成事有漸則不驚泰分兵農為二及唐變府兵為長征自爾天下便之今免役之法大率類此公驟欲罷免役而行差役正如罷長征而復民兵蓋未易也光不以為然至於作色軾曰昔韓魏公刺陝西義勇公為諫官爭之甚力韓公不樂公亦不顧豈今日作相不許軾盡言耶尋除翰林學士兼侍讀每進讀前代史至治亂興衰邪正得失之際未嘗不反覆開導觀以啓沃上心嘗讀祖宗寶訓因及時事言今賞罰不明善惡無所勸沮又黃河勢方北流而強之使東夏人寇與戎殺掠及數

萬帥臣不以間恐每事如此豈成衰亂帝輒首肯之一夕鎖宿禁中召入對便殿宣仁后問卿前年為何官對曰臣為常州團練副使今何官曰待罪翰林學士曰何以遷至此曰遭遇太皇太后皇帝陛下曰非也曰豈大臣論薦乎曰亦非也軾曰臣雖無狀不敢自他途以進曰此先帝意也先帝每誦卿文章必嘆曰奇才奇才但未及進用卿耳軾不覺哭失聲宣仁后與哲宗亦泣左右皆感涕已而命坐賜茶撤御前金蓮燭送歸院三年權知貢舉寬士禁約使得盡其才蔡確以詩獲罪議遷嶺南軾密疏言朝廷薄其罪恐於皇上孝治為不足若深治確恐於太后仁政為小累謂宜皇帝勅置獄建治太皇太后手詔赦之則於仁孝兩得矣后心善之而不能用軾積以論事為當軸所恨四年請外拜龍圖閣學士知杭州既至大旱饑疫並作請免

弘簡錄 卷一百八十六 五 文翰宋五

本路上供米及減價糶常平又得僧牒易米多作餽粥以救饑者使醫分坊治病哀美繼作病坊待之全活甚衆已乃開浚茅山一河使專受江湖鹽橋一河使專受湖水造堰厓以為蓄洩之限江湖不復入市復脩完李泌六井募人取西湖葑中徑十里為長堤以通南北行者上植芙蓉楊柳望之如畫杭人名為蘇公堤令人種菱藕收利以備脩濬之用又欲自浙江上流地名石門並山而東鑿為漕河引浙江及谿谷諸水二十餘里並山為岸以達龍山大慈浦自浦北折抵小嶺鑿樹六十五丈以達嶺東古河又浚古河達于漕河以避浮山之險人以爲便復言太湖水道由松江以入海海口常通則吳中少水患昔蘇州以東公私船皆以篙行無陸挽者近來松江大築挽路建長橋以扼江路故三吳多水欲通挽路鑿十橋以迅江勢二議為

忌者所沮功不成人咸惜之。賦二十年間凡再蒞杭有功德於民家有畫像飲食必祝又作生祠以報六年以吏部尚書召避轍執政改翰林承旨數月復請外除知頴州會開封諸縣多水吏不究本末批決陂澤注之惠民河河不能勝又將鑿鄧艾溝與頴河並且欲鑿黃堆注之於淮賦始至遣吏準以水平淮水高於新溝幾一丈若又鑿黃堆淮水必為頴患賦奏罷之七年徙揚州先是東南漕法聽操舟者便帶土貨後一切禁絕故舟弊人因往往多盜所收以濟饑寒公私皆病賦請復其舊從之未聞歲復召為兵部尚書兼侍讀南郊充兩衛使駕方謁太廟值皇后及大長公主爭道不避儀仗使李之純不敢聞賦於車中奏之上遣使馳白太后明日有詔皇后以下皆毋得迎謁尋轉禮部尚書兼端明侍讀兩學士高麗遣使請書賦奏乞如漢弘簡錄 卷一百八十六 六 文獻卷五

東平王故事毋得盡予不聽宜仁后崩乞補外知定州時帝親政國事將變賦上言古之聖人將有所為必先處晦而觀明處靜而觀動使萬物之情畢陳于前陛下聖智絕人春秋鼎盛臣願虛心循理默觀庶事之利害與羣臣之邪正以三年為期俟得其實然後應物而作使既作之後天下無恨陛下亦無悔不可使惡進好利之臣輕有改變不報定州自韓琦後軍政壞弛將食卒情賦至取食汗者配隸遠惡仍部勒戰法繕脩營壘禁止飲博大整上下之分會大開命舉舊典帥常服出帳中將吏戎服執事訖事無敢慢者紹聖初御史虞策論賦前掌制命機訕先朝落職徒知英州未至貶寧遠軍節度副使惠州安置居三年泊然無所芥帶凡賢愚皆得其歡心又貶瓊州別駕居昌化昌化故儋耳地藥餌皆缺非人所居至則買地築室僱人運

號番土助之時時從其父老游若將終身徽宗立移康與永州改舒州團練副使遷提舉玉局觀復朝奉郎建中靖國元年卒於常州年六十六賦天性孝義從父太白早亡子孫未立姑嫁杜氏未葬賦皆為經理又移已蔭以蔭太白之曾孫洵晚讀易作易傳未完命述其志既又作論語說居海南作書傳有東坡前後集及奏議內外制和陶詩凡百卷名與歐陽脩齊文章雄視百代高宗取其集真左右讀之終日忘倦嘆曰文章之宗也贈資政殿學士孝宗乾道六年特贈太師諡文忠撰其孫符禮部尚書親製集贊賜其曾孫嶠 三子俱善為文適為部員外郎迨與過皆承務郎過字叔黨隨任杭州發解兩浙路自賦為帥至謫貶遷徙過皆侍之凡生理晝夜寒暑所須者一以身心不知其難初至海上為文曰志隱父覽之曰吾可以安於島存矣因命作孔門弟子別傳由監太原稅知鄆城晚通判中山因葬父汝州郊城小峨眉山遂家穎昌營湖陰水竹數畝名曰小斜川號斜川居士有斜川集二十卷其思子墨賦颺風賦早已見稱名為小坡轍每言其孝以訓宗族且曰吾兄遠居海上惟成就此兒也卒年五十二七孫篤籍節笈筆遂箭

蘇轍字子由與兄軾同登進士為澠池簿又同應制舉時仁宗春秋高轍慮或倦動因制策極言得失畧曰臣愚不敏竊意陛下徒有憂懼之言而未見其實也往者寶元慶曆之間西夏作難陛下憂懼小心天下皆謂如周文王自西方解兵此念不存幾二十年矣古之聖人無事則深憂有事則不懼夫無事而深憂者所以為有事之不懼也今惟無事不先憂故有事不得不大懼臣以為憂樂之節易矣竊聞近歲以來宮中貴姬越于常

數坐朝不聞咨謀便殿無所顧問內則盡感以傷和伐性外則請謁以奸政害事加以海內窮困生民愁苦而歌舞飲宴賞賜過度司會不敢爭大臣不敢諫國家內有養士養兵之費外有契丹西夏之奉而陛下又自為一阱以耗其餘臣恐民心自此離也策入考官司馬光謂有愛君憂國意取置高等范鎮難之蔡襄曰吾三司使也司會之言媿之而不敢怨胡宿以為不遜詩黜之仁宗曰以直言召之而以直棄之天下其謂我何乃真下等授商州軍事推官王安石意輒專攻人主比之谷永不肯撰詞改命沈遵為之輒乞便養親改大名父愛服除安石擢居三司條例司檢詳文字會出青苗書使熟議輒曰以錢貸民使出息二分本以救民非為利也然出納之際雖良吏未免有姦錢一入手雖良民未免妄用及至輸納雖富民不免踰限如此私簡錄 卷一百八十六 八 文翰宋五

則鞭筮必用州縣之事不勝煩矣昔唐劉晏掌國計未常有所假貸有尤之者晏曰此非國之福且不便民吾但使四方豐凶貴賤知之未嘗逾時有賤必糴有貴必糶使四方無甚貴甚賤之病安用貸為晏之所言則日常平法耳公誠能有意於民舉而行之其效可立俟也安石曰君言誠有理當徐思之自此逾月不言青苗會轉運判官王廣兼奏乞於陝西漕司行青苗法春散秋歛安石大悅於是決意行之輒又議役法言役人之不可不用鄉戶猶官吏之不可不用士人人也有田以為生故無逃亡之憂朴魯而少詐故無欺慢之患今乃舍此不用竊恐享財者必有盜用之姦捕盜者必有竄逸之弊唐自開元以後租庸調壞代宗以畝定稅至德宗楊炎作兩稅法取大曆十四年應干賦歛之數以定兩稅之額租調與庸既兼之矣今兩稅

如舊奈何復取庸錢且官品之家復役已久國子俊造將用其才胥吏之徒亦皆放免聖人舊法良有深意奈何至於官戶而又役之耶安石不聽因遣八使之四方訪求遺利中外知其必迎合生事皆莫敢言輒往見陳升之曰昔嘉祐末遣使寬恤諸路還奏各務生事多不可行為天下笑今何以異此乃以書抵安石力陳其不可安石怒出為河南推官張方平知陳州辟為教授改著作佐郎齊州掌書記簽書南京判官移知績溪元祐元年召為右司諫首論蔡確韓絳章惇呂惠卿奸邪皆去位安置司馬光欲復差役輒言役法關涉衆事根芽盤錯願且依見雇盡今年而止催督有司審議來年役使鄉戶務令既行之後無復人言則進退皆便又言詩賦雖小技比次聲律用功不淺至於治經前說講解尤不輕易計至來年秋試日月無幾未可私簡錄 卷一百八十六 九 文翰宋五

施行乞且罷王氏新學并律義至經義兼取注疏及諸家論議令舉人知有定論一意為學以待選試然後徐議科舉格式未為晚也光皆不能從時議棄守蘭州五砦大臣不能決輒言頃者夏使賀登極還未出境復遣使來初不自言度其狡心蓋知近者上下厭兵欲使此議發自朝廷倚以為重朝廷深覺其意持而不予彼情得勢窮始來請命此機一失必為後悔設若點集兵馬屯聚境上許之則不以為恩不予則邊釁復啓况今主上妙年母后聽斷邊臣將帥恩威未洽臨機決斷誰任其責伏乞早賜裁斷無使別致猖獗未報遷起居郎中書舍人朝廷議回河故道輒為呂公著言河決而北自先帝不能回今不仍其舊脩所未至乃欲取而回之其為力也難而為貴也重是欲趨過於先帝也公著悟然竟未能用進戶部侍郎因轉對言財賦

之原出於四方委於中都善爲國者藏之於民其次藏之州郡州郡有餘則轉運常足轉運既足則戶部不困自熙寧來言利之臣不知本末之計欲求富國先困轉運轉運既困則上供不繼上供不繼則戶部亦憊矣又言臣考之祖宗故事今日戶部所行體例不同利害相遠何也國之有財猶人之有飲食飲食之道當使口司出納腹制多寡然後分布氣血以養百骸耳目手足得有所賴若不專任口腹欲求一飽且不可得况於安且壽乎今戶部猶口腹也頃者朝廷每因一事不舉輒進他司他司以辦事爲效而不恤財之有無戶部以給財爲功而不問事之當否彼此各營一職其勢不復相知雖使得材智之臣終亦無益昔者司馬光知其爲患嘗使戶部收覽利權而所收不得其要若不早救後患必甚其一河事本屬轉運督諸埽吏兵備私簡錄 卷一百八十六 文翰宋五

蓄無事則分有事則合吏兵得以併功儲蓄得以併用故事作之日無暴斂傷財之患事定之後徐補其闕兩無所妨自嘉祐中京師頻歲大水大臣取河渠築置都水監設河北外水監丞置監以來所補何事至緩急之際諸埽不相爲用而轉運始不勝其弊矣其二分曹案所掌內爲軍器監隸工部外爲都作院隸提刑司欲有興作戶部不得與議訪聞河北爲羊渾脫動以千計渾脫之用必軍行乏水過渡無船然後須之其爲物稍經歲月必至蠹敗朝廷無出兵之期而有司營戢不顧利害至使公私應副虧財害物若專在轉運必不至此其三分脩造案爲將作監以隸工部惟以辨職爲事緩急利害誰復承當如近來竹箔積場歲久損爛剝令出賣上下皆以爲當尋以諸處營造歲有科制仍令般運堆積以破出賣之計臣不知將作見工一

歲所用幾何取此積彼有無損敗戶部雖知不便以事涉工部不敢復言凡此之類不能過舉願明詔有司罷外水監丞舉河事及諸路都作院皆歸轉運司都水軍器將作三監兼隸戶部使定其事之可否裁其費之多寡無使傷財害民工部惟程其功之良苦作之遲速自不至敗事之用矣哲宗從之惟都水仍舊尋權吏部尚書自元豐定吏額比舊增數倍命敕量事裁減有吏自中孚者欲取逐司兩月日生事以難易分七等重者至一分輕者至一釐積若千分而爲一人則吏額多少之限自無所逃輒白宰執曰此輩吏身計所係若以分數爲人數必大有所損將遂致紛訴雖朝廷亦不能守請據實立額埃吏年滿轉出或事故死亡者勿補不過十年美額當盡呂大防不用命諸司吏任承壽與省吏數人以立額日裁損吏員又任其好惡改私簡錄 卷一百八十六 文翰宋五

易諸局未幾承壽坐賊刺配大防畧依轍議行之代軾爲翰林學士使契丹館客王師儒能誦洵賦文及軾伏苓賦以不得見全集爲恨使還遷御史中丞調停之說方起宜仁后疑不決軾面斥宰相力言其非退而上疏畧曰親君子遠小人則主尊國安疎君子任小人則主憂國殆此理之必然未聞小人在外憂其不悅而引之於內以自遺患此何異懼盜賊而導之於寢室知虎豹而開之以坳牧無是理也且君子小人勢猶冰炭同處必爭爭則小人必勝何者小人貪利恐恥擊之則難去君子潔身重義沮之則引退古語一薰一蕕十年猶尚有臭蓋謂此矣前者用事之臣宜大加斥逐尚賴二聖慈仁宥之於外蓋已厚矣若使此輩復進必將戕害正人漸復舊事以快私忿人臣彼禍益不足言所惜者祖宗朝廷也惟陛下斷自聖心勿爲流言

所賦疏入后於簾前讀曰鞫疑吾君臣兼用邪正其言極中理
 調停之說遂已又奏乞宣諭大臣各宜正已平心無為生事要
 功惟因弊修法以安民靖國雖有異黨誰不歸心向來異同反
 覆蓋亦不足慮矣所謂平心正已者如黃河北流正得其性而
 水官穿鑿導之使東陛下遣使按視知其不可猶或固執不從
 遂使河朔財力俱困至於西夏背唐外皆臣顧而熙河將吏不
 體聖心功未可觀爭已先形朝廷雖知其非終不明白慮置如
 此二事是也所謂因弊脩法者如嘉祐以前鄉差衙前民間常
 有破產之患及元祐初務於復舊物議沸騰尋知不可旋又復
 雇熙寧立法三等惟中等出錢最得其便且如創出役錢三貫
 若經十年為錢三十貫而已今復差役農民在官日使百錢以
 歲計之已為三十六貫二年為費七十有餘寬鄉得開三年狹
 弘簡錄 卷一百八十六 主 文翰宋五

諸城依絳州例二十里為界十里為堡鋪十里為草地要約總
 定又欲於定西城與龍諸堡一抹取直所侵夏地凡百數十里
 此則不直致寇之大者且夏兵不於他處專於所爭處殺人掘
 壕此意可見太后遂從輟議三省除李清臣蒲宗孟吏兵二部
 尚書輟言其不便議亦廢紹聖哲宗起李清臣為中書舍人鄧
 潤甫為尚書左丞二人久在外不得志果以事激怒上意會廷
 試清臣撰策題歷詆近旅行事有紹復熙寧之意輟奏先帝天
 縱之才其所設施蓋有百世不可改者在位近二十年終身不
 受尊號裁損宗室恩止租免減無窮之費出賣坊場顧募衙前
 免破家之患馴諸科誦數之學練諸將備備之兵置奇祿之官
 復六曹之舊嚴重祿之法禁交謁之私行淺攻之策以制西夏
 收六色之錢以寬雜役凡如此類自元祐以來上下奉行未嘗
 弘簡錄 卷一百八十六 主 文翰宋五

鄉不及一歲以此較之差役五年之費倍於雇役十年如此二
 事是也六年拜尚書右丞進門下侍郎面奏人君與人臣事體
 不同人臣雖明見是非力所不加必須且止至於人君於事不
 知則已未有知而不能行者若果知而不能行則事權去矣時
 夏人地界之議日久不決明年果以兵襲涇原殺掠弓箭手朝
 廷遣使往賜策命夏人受禮倍慢悉如輟所料輟又乞罷熙河
 將佐范育種蒞等別選老將以守太后以為然與宰相不合竟
 不能從夏復引騎十萬歷通遠境挑掘所爭崖巘三日而退熙
 河奏乞因夏兵之退悉移近裏坐砦於界乘利而往不須復守
 誠信下大臣會議輟曰凡欲用兵先當論理曲直我若不直兵
 決不當用朝廷與夏人議地界始用慶曆舊例以彼此見今往
 處當中為直此理最明夏人不從朝廷不能固執既而許於隴

失墜也至於其他事有失當何世無之父作於前子營於後前
 後相濟正聖人之達孝昔漢武帝耗盡海內脩鹽鐵權酷均輸
 之政民不堪命昭帝罷去煩苛漢室乃定顯宗以察為明上下
 恐懼人懷不安章帝代之以寬厚愷悌之政後世稱焉本朝真
 宗天書之說仁宗臨御罷葺梓宮以混其迹英宗濮廟之議先
 帝不憚改而從舊願陛下反覆臣言慎勿輕事改易哲宗覽奏
 以為引漢武方先朝不悅落職知汝州數月元豐諸臣復用再
 責輟知袁州降朝議大夫試少府監分司南京筠州居住又責
 化州別駕雷州安置徽宗徙永州已而復大中大夫提舉上清
 太平宮崇寧中又降朝請大夫罷祠築室許州號穎濱遺老自
 作傳萬餘言不復與人相見終日默如是者十年政和二年卒
 年七十四追復端明殿學士淳熙中諡文定生平性沉靜簡潔

寡言鮮慾有以起人之敬為文汪洋濔泊似其為人頗人知之而秀傑之氣終不可掩其高處與賦相近所著詩傳春秋解古史老子解樂城文集並行於世三子遷趙遷族孫元老字子延幼孤力學長於春秋善屬文賦居海上數以書往來喜其力學轍亦愛獎之黃庭堅奇之曰此蘇氏之秀也登進士調廣都縣簿歷漢州教授西京國子博士通判彭州政和間茂州蠻叛朝廷下令招降元老移書成都帥周燾言此蠻跳梁山谷間伺間竊發彼之所畏我之所短惟施於兩州兵可與為敵其大以獲兵誘其前陝兵從其後諸道大集不十日賊必破降則威懷之道兩得今不討而遷招後必復叛不免重用兵矣燾得書即名與計事元老策茂有兩道正道自濕山趨長平絕嶺而上其路險以高開道自清崖關趨刁溪循江而行其路夷以徑當

弘簡錄

卷一百八十六

十四

文淵宋五

時

而日峨眉之山三蘇出焉龍翔鳳翥厥聲以綿粵維慶曆盈庭感德彼醜而知頡頏名特長參兩學議論煥綽建于政事邁往直前立朝意向視古無先晚遭聖后卒任樞機羣而不黨益抱忠規天祚不終險難何辭韜既不容直又難施惟友與義相共勉之千古仰瞻所重在茲

文同字與可漢文翁後家于梓潼生而方口秀眉以學名世操韻高潔自號笑笑先生善詩文篆隸行草飛白文彥博守成都奇之稱其襟韻洒落如晴雲秋月塵埃不到蘇軾乃同從表弟與司馬光尤敬重之善畫竹厭四方請者相躡投繯於地登進士遷太常博士集賢校理歷知陵洋二州元豐初改湖州至陳州宛丘驛忽留不行沐浴衣冠正坐而卒先是同與崔公度嘗為節職見之京南殊無言及將別告云明日復來當與子語公度意以為竹也至期再往日與公語恐左右有聽者方知將有所言同日吾聞人不妄語者舌可過鼻即吐其舌三疊之如餅狀引之至眉間公度大驚及至京傳同死乃悟所見非生者也

弘簡錄

卷一百八十六

十五

文淵宋五

黃庭堅字魯直分寧人幼警悟讀書數過輒能成誦勇李常過其家取架上書問無不通常驚以為一日千里擢進士調葉縣尉熙寧初舉西京學官第文優等教授北京國子監留守文彥博才之留再任蘇軾一見歎曰超軼絕塵獨立萬物之表世久無此作矣由是名動海內知秦和縣治以平易時課頌鹽筴諸縣爭占多秦和獨否吏不悅而民安之哲宗召為校書郎神宗寶錄檢討踰年遷著作郎集賢校理實錄成擢起居舍人庭堅性篤孝母病彌年晝夜省視衣不解帶及亡廬墓下哀毀得病喪殆服除為秘書丞提點明道宮兼國史編脩紹聖初出知宜鄆二州章惇蔡卞罪實錄多誣令史官待問首及鐵龍瓜治河之亦庭堅直辭不屈聞者壯之貶涪州別駕安置黔州以親嫌移戎州泊然不以介意蜀士愛慕多從之游為講學不倦凡經指授下筆皆有可觀徽宗起監鄂州稅以吏部員外召辭不行

行丐郡知太平州到任九日罷主玉龍觀嘗在河北與執政趙挺之微隙判官陳舉承風旨上其作荆南承天院記指為幸災復除名鞫竹宣州三年徙永州未開命而卒年六十一生平學聞文章天成性得尤長於詩陳師道謂得杜甫法羅從彥謂自黔以後句法尤高筆勢放縱實天下奇作宋興以來一人而已書善行草楷法自成一家與張耒晁補之秦觀俱游蘇門稱四學士蜀與江西諸君子復舉以配賦故世稱蘇黃賦亦嘗舉自代稱其環偉之文妙絕當世孝友之行追配古人其素重之如此初游澗皖山谷寺石牛洞樂其林泉之勝因自號山谷道人云

晁補之字無咎鉅野人高祖迴曾祖宗愨皆別有傳父端工詩補之總敏強記纔解事即善文王安國奇之年十七從父官杭州時蘇軾為通判補之賦錢塘山川風物之麗著七述以謁軾賦先欲有作讀之歎曰可以開筆矣又稱其文博辯偉絕人遠甚由是知名登進士第一神宗問其對曰是深於經術者調澧州司戶參軍國子教授元祐初為太學正李清臣薦召試除祕書正字再遷祕閣校理通判揚州召還為著作佐郎章惇當國出知齊州有益查掠塗巷補之陰謀知其姓名一日方宴客召曹吏授以方畧酒行未竟悉擒以來一府為撤警坐脩神宗

私簡錄 卷一百八十六

文翰宋五

實錄失實謫判亳州又貶監處信二府酒稅徽宗召拜吏部員外禮部郎中兼國子編脩實錄檢討黨論起出知河中脩河橋以便民立祠祀之徙湖密果三州主管鴻慶宮忘情仕進葺歸來園慕陶潛為人自號歸來子大觀末起知達州改泗州卒年五十八生平才氣颯逸嗜學不倦文章溫潤典綉其凌麗奇

卓出於天成尤精楚詞集屈宋以來賦詠為變離騷安南川兵著罪言一篇大意欲釋仁厚勇略吏為五管郡守及脩海上諸郡武備議者以為通達世務從弟詠之字之道有異才初蔭揚州司法參軍軾時為守獻其所作詩文軾下堂挽而上顧坐客曰奇才擢進士宏詞二科一時傳誦其文為河中教授元符末應詔論事罷官久之為京兆司錄秩滿提點崇福宮卒年五十二有文集五十卷

秦觀字少游高郵人少豪雋慷慨溢於文詞對客揮毫不輟初舉不第強守盛氣好大而見奇讀兵家書與已意合慨然有志見蘇軾於徐為賦黃樓軾以為有屈宋才介其詩於王安石亦謂清新婉麗鮑謝似之黃庭堅稱為國士無雙軾勉以應舉為親養計始登第調定海縣簿蔡州教授元祐初軾以賢良方正

私簡錄 卷一百八十六

文翰宋五

薦於朝除太學博士遷正字兼國史編脩上日有視墨器幣之賜紹聖初坐黨籍通判杭州又以增損實錄貶監處州酒稅言者復承風指以謁告為佛書為罪削秩徙郴州編管橫州移雷州徽宗復宣德郎放還至藤州游華光亭與客道夢中長短句索水欲飲水至視之而笑遂卒年五十三先自作挽詞語哀甚讀者悲傷之有文集四十卷平生博綜史傳通曉諸書文長於議論藻麗而思深過嶺後詩嚴重高古自成一家及死軾歎曰少遊不幸死道路世豈復有斯人乎弟覲字少章覲字少儀皆能文張耒字文潛淮陰人幼穎異十三能文十七作面關賦已傳誦人口游學於陳蘇轍愛之因得從軾游軾亦深知之稱其文注洋冲澹有一倡三歎之聲弱冠登進士歷咸平縣丞人為太學

錄范純仁薦試遷秘書正字累著作郎秘書丞史館檢討居三館凡八年顧義自守泊如也擢起居舍人以疾謁告不赴朝參范純禮繳還詞命紹聖初請郡以直龍圖閣知潤州坐黨籍徙宜州謫監黃州酒稅起通判黃州知兗州召為太常少卿甫數月復出知穎汝二州崇寧再落職主管明道宮閣蘇軾計為舉哀行服臺諫論之貶房州別駕安置黃州自便居陳州未儀觀甚偉有雄才筆力絕健於騷詞尤長時二蘇及庭堅補之輩相繼論謝惟未獨存士人就學者衆分日載酒殺飲食之誨人作文以理為主嘗著論云自六經以下至於諸子百氏騷人辨士論述大抵皆將以為寓理之具也故學文之端悉於明理如知文而不務理求文之工世未嘗有也夫決水於江河淮海也順道而行滔滔汨汨日夜不止衝砥柱絕呂梁放於江湖而納之海其舒為滄漣鼓為波濤激之為風颺怒之為雷霆蛟龍魚鱉噴薄出沒是水之奇變也水之初豈若是哉順道而決之因其所遇而變生焉溝瀆東決而西竭下滿而上虛日夜激之欲見其奇彼其所至者蛙蛭之玩耳江河滄海之水聖達之文也不求奇而奇至矣激溝瀆而求水之奇此無見於理而欲以言語伊譎為奇反覆咄咄卒亦無有文之理也學者以為至言作詩晚歲務平淡效白居易體樂府效張籍久於投閑家益貧郡守翟汝文欲為買公田謝不取晚監南嶽廟主管崇福宮卒年六十一建炎初贈集英殿脩撰

夕撫枕流涕曰吾學為忠孝而親未葬何以學為將別賦寄游四方以庶其事軾解衣為助又作詩以勸風義者於是不數年盡累世之喪三十餘柩歸空華山下范鎮為表墓以美之益閉門讀書又數年再見軾軾問其所著數曰張耒秦觀之流也軾舉試禮部試典貢舉遺之賦詩以自責呂大防歎曰有司試藝乃失此奇才耶軾與范祖禹謀薦請朝未幾相繼去國不果軾亡軾哭之慟曰吾愧不能死知已至於事師之勤敢以生死為間耶走許汝州相地卜兆授其子作文祭之曰皇天后土暨一生忠義之心名山大川還萬古英靈之氣詞語奇壯讀者為悚中年絕意進取定居長社縣令李佐及里人買宅處之卒年五十一軾喜論古今治亂條暢曲折辨而中理元祐求言上忠諫書忠厚論并獻兵鑿二萬言論西事朝廷摘范首鬼章將致法

弘簡錄卷一百八十六終

弘簡錄卷一百八十七

明刑部

皇清翰林院侍讀學士四世孫遠平校閱

文翰 宋十之六

梅堯臣 江休復 沈遘 弟遘 孫 劉恕 父 李格非

賀鑄 米芾 子友 陸佃 李公麟 周邦彥

鮑由 楊蚺 劉涇 倪 黃伯思 唐文若 父 陳與義

韓駒 范成大 陸游 朱敦儒 熊克

洪遵 弟 張印之

梅堯臣字聖俞自幼工詩以深遠古淡為意間出奇巧初未為人知用從父詢蔭主河南縣簿留守錢惟演特差賞之為忘年交引與酬倡一府盡傾歐陽修與結詩友自謂弗及由是益刻

屬精思苦學日課一詩寒暑不間遂卓然以詩名家嘗語人曰

凡詩意新語工得前人所未道者斯為善矣尤能狀難寫之景

如在目前含未盡之意見於言外然後為至世以為知言歷德

與建德襄城三縣令監湖州稅與永豐倉忠武鎮安二軍判官

大臣屢薦宜在館閣名試賜進士出身為國子直講累遷都官

員外郎預修唐書撰載記二十六卷未奏而卒錄其子一人堯

臣家素貧而喜飲士大夫多載酒從之竟日談笑與物無忤詠

嘲諷刺皆託於詩晚年益工有人得西南布衣其織文乃

堯臣詩也寶元嘉祐中仁宗有事郊廟輒賦歌詩又嘗上書言

兵注孫子十三篇毛詩小傳二十卷宛陵集四十卷

江休復字旼陳留人少彊學博覽為文淳雅尤善於詩登進

士為桂陽監藍山尉騎驛之官每據鞍讀書至迷失道家人求

得之舉書判拔萃歷大理殿中二丞獻所著書名試為集賢校

理判尚書刑部與蘇舜欽游坐預進奏院祠神會落職監蔡州

商稅同坐者章珉刁約周延讓徐綬周延簡皆有名士言者喜

曰吾一網打盡矣久之知奉符縣通判睦州徙廬州復為校理

累官終刑部郎中休復外若簡曠喜琴奕飲酒不以聲利為意

而內行甚飭事孀姑如母所與游皆一時豪俊為政簡易嘗

神告一篇言皇嗣未立假神告祖宗冀以感悟又言昭憲太后

子孫多流落民間宜甄錄之有所著唐宜鑒十五卷春秋世論

三十卷集二十卷

沈遘字文通錢塘人初蔭郊社齋郎登進士通判江寧上本治

論十篇仁宗覽之謂獻文者率多詩賦豈若此書為可用也除

集賢校理修起居注知制誥以父扶坐事免求知越州徙杭州

為人疎偉博達明於吏治令行禁止民或貧不能葬給以公錢

嫁孤女數百倡優養良家子皆奪還之禁捕西湖魚鼈復善遇

僚案皆傾心為之耳目刺回巷長短纖悉必知事來立斷小民

犯法情稍不善不問輕重輒刺為兵姦猾屏息提刑鞠真卿將

按之遘為稍弛後刺者復為民嘉祐遺詔至設次於外不近酒

肉三十七日遷龍圖閣直學士知開封治如在杭並作視事遽

午而畢出與親舊從容燕笑沛然有餘士大夫交稱其能拜翰

林學士判流內銜母憂英宗憫其去養金歸葬廬墓未竟而卒

年四十世嗟惜之 弟遵字獻達幼挺拔不羣既長好學向友

睥睨當世讀左傳漢書慕傲輒似鉏植縱舍自成一家趣操高

爽飄飄然有物外意不喜進取用兄任監壽州酒吳充薦監內

藏庫熙寧初分審官西院以為主簿時方重此官故以授之遘

初受知王安石嘗贈詩有風流謝安石蕭酒陶淵明之句及當
國議論不合日見疎外於是罷去以奉禮郎監杭州軍資庫撤
攝華亭因縣民忿爭告辭連及奪官流永州留連江湖者累年
益偃蹇傲世救徙池州得九華秋浦間甃其林泉喜曰使我自
擇不過如此乃築室齊山之上名曰雲巢好事者多往游遊因
追悔少時不自貴重恐謝棄之杜門隱几作為文章雄奇峭麗
歌詩尤長與會輩燕賦黃庭堅唱酬往來竟不復起元豐末卒
年五十四 從弟括字存中以父任為沈陽主簿縣依沈水本
職方所書漫田故跡漫為汙澤括新其二坊疏水為百渠九堰
以播節原委得上田七千頃擢進士編校昭文書籍為館閣校
勘刪定三司條例故事三歲一郊有司例藏其籍吏治以干利
壇下距城數里悉張幕為園圃植采木刻鳥獸綿絡其間將事
之夕法駕臨觀游幸登賞括以非齋祠所宜乃考禮沿革為書
曰南郊式上日詔令點檢事務執新武從事省費萬計神宗稱
善遷太子中允檢正中書刑房提舉司天監日官皆市井庸販
法象圖器漫不能知括始置渾儀景表五壺浮漏格術朴造新
曆募天下上太史占書雜用士人分方技科為五後皆施用加
史館檢討淮南僞遺括察訪發常平錢粟疏濬濟治廢田以救
水患遷集賢校理兼訪兩浙農田水利遷太常丞同修起居注
市易司忠蜀鹽不禁欲盡賣私井而鞏解鹽給之帝以問括對
曰誠善然忠萬戎瀘間夷界小井尤多不可猝絕勢須列侯加
警臣恐得不足以償費帝領之有詔大籍民車括問欲何用帝
曰北邊以馬取勝非車不足以當之括曰車戰之利見於歷代
但古人所用兵車至輕五御折旋利於捷速今民車蠢大但可

施於尋常之日帝驚曰人言無及此者二事遂俱寢擬知制誥
兼通進銀臺司為河北西路察訪司奏罷轉運銀冶之利近畿
括馬之害言朝廷歲遺契丹銀以非其地所有故重之今銀城
縣坊皆沒於彼使彼知鑿山之利何賴歲餉耶夫北地多馬人
習騎戰猶中國之工戰弩也今舍我長技強所不能何以取勝
時邊人習射惟以挽強為能未必貫革括言宜以射遠入堅為
法如是三十一事詔皆可之尋遣聘遼遇蕭禧來理河東黃鬼
地必得請而後反括詣密院閱故牘得頭歲所議疆地圖指古
長城為境今所爭蓋三十里遠帝喜曰大臣殊不究本末幾誤
國事命以畫圖示禧禧始屈賜括白金及至與邊相揚益戒就
議使吏豫誦以答乃舍黃鬼而以大池請遂還道復置山川
險易迂直風俗純麗人情向背以上拜翰林學士權三司使吳
充問免役令括謂士大夫與邑居之人言不便者無足恤也獨
微戶本無力役亦使出錢為可念爾充然其說表行之蔡確論
括首鼠乖刺陰害新法罷為集賢院學士出知宣州明年復龍
圖閣待制知審官院改知延州至鎮命屬市良家子馳射角勝
有軼羣者自起酌酒以勞邊人歡激彎弓傳矢惟恐不進越歲
得徽札趨乘者千餘皆補中軍義從威聲雄他府以授種諤西
討銀宥有功加龍圖閣學士時鎮兵無歲不戰禁卒來戍者賞賚
至再而不及鎮兵括矯制賜以緡錢上聞罪右府頒行之失曰
非卿察事機必擾軍政自是事不服請皆得專之諤師次五原
值少雪糧餉不繼股直劉歸仁率眾南奔居民怖駭括問之歸
仁以取糧為解詰曰汝歸取糧何以不持軍符歸仁不能對遂
斬以徇經數日帝使內侍劉惟簡來詰叛者括具以對大將景

思誼曲珍拔夏人磨崖茂蘆浮圍城括欲築石堡而徐禔欲先
 城永樂括奏夏兵來逼見官兵整故還神宗驚曰括誤矣彼來
 未出戰肯進退耶必有大兵在後已而禔果敗沒坐謫均州團
 練副使元祐中徙秀州終光祿少卿分司潤州年六十五括博
 學善文於天文方志律曆音樂醫卜筮術無所不通皆有論著
 所紀朝廷故實者舊出處及賓客談錄為筆談傳於世 孫晦
 字元川登宣和進士第一歷校書著作佐郎借給事中從肅王
 相出質幹諱不軍還乃真拜高宗即位言者論其封駁不稱除
 集英殿修撰出知信州歷明處發三州賊成阜入寇浙東防遏
 使傅崧卿命晦單騎往說降之進徽猷閣待制以妄用便宜指
 揮行事降一秩提舉洞霄宮尋復知宣州移建康御史常同論
 罷之紹興四年起知鎮江兼兩浙西路安撫使面對言今沿江
 五郡鎮江建康太平池鄂宜令各屯兵二萬給以本郡財賦敵
 至各以舟師守江步兵守隘彼難自渡假使能渡五郡合擊敵
 雖善戰不能破也若開五郡或以偏師綴我大軍從而邀之兵
 分勢弱敵安敢遠去此制稍定三年後移南北糧餉器械悉以
 自隨京口便成剋藩時雖偉其議以韓世忠方屯鎮江不果用
 改廣西經略兼知靜江府歲買戰馬以備敵用得三千疋繼者
 皆不能及南州莫公晟旁結諸峒歲出為患晦選老將羅統出
 成招誘諸酋喻以威信皆請降遣以犒賞結誓而去自是
 公晟孤立不復犯邊進徽猷閣直學士召赴行在除知衢州改
 潭州提舉太平興國宮卒為人膽氣過人議論激昂當官才具
 可用然不能盡循法度議者少之

官棄去家於廬山之陽同年歐陽修高其節作廬山高以美之
 始常環堵蕭然僅粥以為食而游心虛垢之外超然無戚戚意
 遂以壽終想少穎悟書過目成誦方八歲聞客言孔子無兄弟
 應聲曰以其兄之子妻之一坐驚異十三名詣相府晏殊問以
 事反覆詰難殊不能屈使講春秋親帥官屬臨聽會前能講經
 義者別奏名遂以恕應名主司問春秋禮記恕先列注疏方引
 先儒異說末乃斷以己意凡二十問皆然主司異之程第一也
 文亦入高等遂賜第調鉅鹿簿和川令發奸擿伏一時能吏咸
 謂不及夙重契義急然諾郡守被劫迎坐屬吏皆下獄恕獨周
 恤其妻子而數運使深文峻詆之過篤好史學自正史外私記
 雜說無不備覽司馬光修資治通鑑名恕為局條遇史事紛錯
 難治者輒以相諉魏晉以後考証差謬最為精詳與王安石有
 隙欲引真條例司辭以不習金穀因言天子方勵公以大政宜
 慎張堯舜之道以佐明主不應以私為先條陳所更法令不合
 眾心者勸使復舊至而刺其過或謂人廣坐抗言無避遂與之
 絕以親老就養求監南康軍酒稅授秘書丞許即官所修書嘗
 謁光於西京御史臺留數月而歸道得風痺疾苦學如故少間
 輒修書病亟方止年僅四十七卒其學自歷數地理官職族姓
 前代公府案牘皆取以審証求書不遺數百里身就之抄讀殆
 忘寢食古今上下數千載鉅細之事如指諸掌一日偕光游廬
 安山道旁有碑乃五代列將人所不知名恕悉能言其行事本
 末宋次道知亳州家多書枉道借覽晝夜口誦手抄經旬畢盡
 乃去日為之駭著五代十國紀年以擬十六國春秋采太古以
 來至周威烈王時事紀傳所不載者為通鑑外記獨不信浮屠

其退及顯悉還之然好攻人之惡自訟平生有二十失十八蔽
作文以警亦終不能改也通鑑成追錄勞勩官其子義仲郊社
齊郎次子和仲有趙軼材作詩清奧刻厲自成一家為文慕石
介有俠氣亦蚤死

李格非字文叔濟南人幼俊警病有司以詩賦取士獨用意經
學著禮記說數十萬言登進士調冀州司戶參軍為鄆州教授
入補太學錄轉博士以文章受知趙執中著洛陽名園記謂洛
陽之盛衰天下治亂之候也其後陷沒人以爲知言紹聖中編
元祐章奏以爲檢討不就及執政意出判廣信軍杖道士妄說
禍福驅出於境徽宗立名爲校書郎至著作佐郎禮部員外提
點京東刑獄以黨籍罷卒年六十一平生苦心詞章陵轍直前
私簡錄 卷一百八十七 七 文翰宋六

無難易可否筆力不少滯嘗言文不可苟作誠不著則不能工
若劉伯倫酒德頌陶淵明歸去來辭字字出於肺腑遂高步晉
人之上其誠著也妻王拱辰孫女亦善文女清照詩文尤有稱
嫁趙挺之子明誠號易安居士

賀鑄字方回衛州人孝惠后族孫身長七尺魁岸奇譎面如鐵
色眉目聳振喜談世事可否不少假借雖貴要權傾一時小不
中意極口詆之無遺人以爲近俠然博學強記工語言深婉麗
密如刺組繡尤長於度曲撥拾人所棄遺少加擧括皆爲新奇
嘗言吾筆端能驅李商隱溫庭筠使奔命不暇諸公貴人多致
爲客或從或不從其所不欲見終不貶也初娶宗女隸藉右選
與貴人子同監太原工作驕倨不相下鑄廉知某時盜某物爲
某用某時盜某物入於家忽面數之其人惶駭不能隱即起自

袒其膚叩頭祈哀因大笑釋去自是諸挾氣力頽頽者服其雄
豪爲之側目不敢仰視先後與米芾知名二人每相遇終日噴
目抵掌論辨鋒起各不能屈談者傳爲口實元祐中李濟臣奏
換通直郎通判泗州移太平竟以尙氣使酒不得美官悒悒不
得志食祠祿退居吳下稍務引遠世故無復軒軒如平日矣藏
書萬餘卷于自校嘗無誤者以是杜門遂其老家貧貨錢自給
有負者折券與之亦不較嘗言學詩於前輩得八句云平澗不
流於淺俗奇古不隲於怪僻題詠不窘於物象叙事不病於聲
律比典深者通物理用事工者如已出格見於成篇渾然不可
鑄氣出於言外浩然不可屈盡心於是守而勿失以故所爲詞
章往往傳播人口黃庭堅自黔中還得其江南梅子之句以爲
似謝玄暉自哀歌詞名東山樂府所厚程俱爲之序自言唐諫

私簡錄 卷一百八十七 八 文翰宋六
議知章之後其初出王子慶忌以慶爲姓所謂鏡湖者本慶湖
也避黃安帝父清河王諱改爲賀氏慶湖亦轉爲鏡自號慶湖
遺老有集二十卷

米芾字元章吳人以母侍宣仁恩補滄光尉知雍丘縣轉太常
博士知漣水無爲二軍名爲書畫學博士賜對便殿禮部員
外郎出知淮陽軍爲文奇險不蹈襲前人軌轍王安石常稱其
詩句書扇上蘇軾亦喜譽之冠服效唐人風神蕭散談吐清暢
所至人聚觀之妙於翰墨沈著飛翥得王獻之筆意畫山水人
物自名一家尤工臨摹嘗奉詔做黃庭小楷作千字韻語至亂
真不可辨入宣和殿觀禁內所藏自此益精鑒裁遇古器物皆
盡務極力求取必得乃已好潔成癖至不與人同巾器屨爲
異江淮間傳以爲笑無爲州治有巨石狀奇醜芾見輒大喜曰

此足當吾拜。亟具衣冠致禮呼之為兄。又不能與世俯仰。故從任數困。卒年四十九。子友仁。字元輝。力學嗜古。亦善書畫。嘗作楚山清曉圖。上於朝。妙絕。等倫。仕至兵部侍郎。教文閣直學士。世號小米。

陸佃字農師。山陰人。居貧苦學。狀月讀書。受經王安石。禮部奏名。舉首。廷試賦。改為策。從容條對。擢居甲科。授蔡州推官。安石問新政。答以法非不善。但推行不能如初。意還為民擾。驚曰。吾訪外議。皆以為便。何為乃爾。佃曰。公樂聞善。古所未有。近來人言頗為拒諫。安石笑曰。吾豈拒諫耶。但邪說營營。顧無足聽。佃曰。是乃所以拒之也。已而遣李承之使淮南。還承之詭言於民。無不便說。遂不行。歷鄆州教授。國子直講。同王子韶修定說文。神宗問大裘襲衾。佃考禮以對。上悅。令詳定郊廟禮文。遷光祿

丞。每有所議。上輒曰。自王鄭以來。言禮未有如佃者。改集賢校

理。兼崇政殿說書。進講。周官稱善。始命先一夕進。藥同修起居注。預定元豐官制。擢中書舍人。給事中。哲宗初。太常請復太廟牙盤。食佃言。太廟用先王之禮。於俎豆為稱。惟景靈宮用原廟之制。牙盤為稱。遂不易。元祐更法。事多諱變。佃獨無所自。肯每言。今天下大勢。如人病向愈。當以藥餌輔養。其安平苟為輕事。改作。是使之習勞也。安石卒。仍率諸生哭。而祭之。遷吏部侍郎。以修神宗實錄。徙禮部侍郎。數與史官爭辨。多為安石隱諱。黃庭堅謂如公言。蓋佞史也。佃曰。盡用君意。豈非謗乎。尋權禮部尚書。鄭雍論其穿鑿。附會。改龍圖閣待制。出知潁州。為歐陽修立遺愛詞。實錄成。韓川朱光庭又論。祇增秩知鄧州。改江寧。自句容人盜嫂害兄。三免。紹聖治實錄罪。落職。知春海。蔡三州。

復集賢殿。修撰。徽宗名為禮部侍郎。上疏人君踐祚。要在正始。近時朝士相傾。競進。謂善求事為精神。能許人為風采。反以忠厚為重。遲前退為卑。弱相師成風。莫之或止。夫善績前人者。不必泥其所為。惟善者因之。否者革之。元祐知華。而不知因紹聖。知因而不知革。皆過也。願谷謀仁賢。詢考政事。惟其當之為貴。復修哲宗實錄。拜吏部尚書。報聘於遼。半道聞遼主喪。送伴者。訝無吊唁之戚。佃曰。始意君赴臨。佃哭踊。今假然如常。時何何弔焉。作者無以答。還遷右丞。轉左丞。將祀南郊。有司欲用黃金飾大裘。匝佃以大裘尚質。後世加飾。反蹈非禮。適豐稜亦育。因贊曰。陛下及此盛德之至也。上又欲親祀北郊。李清臣以盛若不可。佃謂元豐非合祭。公是北郊。適忍忘耶。趙挺之論事。爵金言中丞不可。爵則不可。為其持論多附會。布而每近於怨

怨。簡錄 卷一百八十七 文編卷六

適布怒陳瓊。尋私史。而歷宗廟。佃言。瓊書無足取。不必深怒。若不能容。是成其名也。其論人才。欲參用元祐。謝絕奔競。當天下多事。須不次用人。苟安寧時。人才無大相遠。若循資序。進士知少。緩亦能自重。會御史論呂希純。劉安世。復職太驟。請加錮。抑且欲更懲元祐餘黨。佃言。不可。諛者詆以名在黨籍。正恐自及耳。遂罷為中大夫。知亳州。卒年六十一。追復資政殿學士。生平於禮家名數之說。尤精。有所著。埤雅。禮象。春秋後傳。二百四十二卷。

李公麟字伯時。舒州人。第進士。歷南康長垣尉。泗州錄事參軍。陸佃薦為中書門下後省。刪定官更御史。檢法公麟好古博學。長於作詩。多儼奇字。自夏商以來。鍾鼎彝彝。皆能考定。世次辨。淵欵識。聞一妙品。雖捐千金。不惜。紹聖末。朝廷得玉璽。若帝王

受命之符下禮官諸儒龍言人人殊公麟曰秦璽本藍山玉所成今玉色正青以龍蚪鳥魚為文其質堅甚非昆吾刀斲筋不可治珮法中絕真李斯所為不疑議由是定元符三年病瘵致仕肆意於龍眠山巖壑間自號龍眠居士襟度超軼名士交譽之黃庭堅稱其風流不羸古人雅善於畫自作山莊圖為世寶傳寫人物尤精在頴凱之張僧繇之亞故世但以藝傳云

周邦彥字美成錢塘人性疎雋少檢不為里閭推重博涉百家之書元豐初游京師獻汴都賦神宗異之召赴政事堂自諸生一命為太學正益盡力於辭章出教授廬州知溧水還為國子主簿哲宗召對除秘書正字歷校書郎考功員外衛尉宗正少卿兼議禮局校討以直龍圖閣知河中徽宗使畢禮書踰年知龍德府徙明州進徵猷閣待制提舉大晟府未幾知頴昌徙處州卒年六十六贈宣奉大夫生平好音樂能自度曲製樂府長短句詞韻清蔚傳於世

鮑由字欽止龍泉人舉進士從安石學又親炙二蘇其文汪洋閱肆詩尤高妙徽宗召對除工部員外郎以不合去賈監泗州轉般倉歷河東福建常平廣西淮南轉運判官復召為郎以言罷提點元封觀起知明州移海州復奉祠卒年五十六有文集五十卷 楊蟠者字公濟章安人舉進士為密和二州推官歐陽修稱其詩通判杭州與蘇軾倡酬後知壽州卒

劉涇字巨濟簡州人與成都鄭少微字明舉俱以文名登進士王安石薦其才召見除經義所檢討久之為太學博士為文務奇怪好進取人排斥之罷知咸陽縣轉常州教授通判莫州徙成都入為國子監丞知處執真坊四州元符末上書召對除職

方即中卒年五十八 倪濟者字巨濟廣德人夔角能文博學強記試太學第一登進士調廬陵尉信陽教授入為太學正歷校書著作佐郎司勳左司員外郎嘗諫燕雲事言景德以來盟誓固在不可渝也天下久平士不習戰軍儲費屈毋輕議以貽後患王黼怒貶監朝臣縣酒稅徙監茶陵船塢卒三十九金人犯關欽宗憶其言官其一子傳有雲陽集行於世

黃伯思字長檠饒州司錄應求之子生而體弱如不勝衣風韻洒落飄飄有凌雲之意自幼警敏日誦千餘言每聽祖履講論經史退與羣兒講說無遺誤者嘗夢孔雀於庭覺而賦之詞采壯麗以履任假承務郎登元符進士調磁州司法參軍內艱服除改河南戶曹治劇不勞而辦秩滿留守鄧洵武辟知右軍巡院生平好古文奇字篆隸行草飛白皆臻妙絕得其尺牘者多珍藏洛下公卿家商周秦漢彝器款識悉能辨正是非道其本末遂以名家凡字書討論備盡嘗病淳化間待詔王著續正法帖伯思以為乖偽龐雜乃考引載籍咸有依據作刊誤二卷又二年除詳定九域圖志所編修官兼六典檢閱文字改宗秋尋監護崇恩太后園陵掌管箋奏以修書恩升朝列擢校書郎未幾遷秘書郎縱觀冊府藏書至忘寢食自六經及歷代史書諸子百家天官地理律曆卜筮之說無不精究凡詔講明前世典章文物古器考定真贗與聞議論發明居多一時館閣自以為不及也宿抱痼疾因父喪轉甚服除將至京夢人告曰上帝命典文翰覺而書之卒年僅四十生平頗好道自號雲林子詩慕李白文慕柳宗元有文集五十卷翼騷一卷二子詔右宣教郎荆湖南路安撫司書寫機宜文字詔右從事郎福州懷安尉復

檢其父平日議論題跋為東觀餘論三卷

唐文若字立夫庚之子也父子俱舉進士庚由宗子博士至承議郎提督京畿常平為文情密通於世務作名治察言惻怛存舊內前行諸篇時人稱之提舉上清太平宮歸剏道卒年五十一有文集二十卷文若少英邁不羣為文豪尚教授潼川南渡初勾濤薦赴行在得對改通判洋州山多陵谷西入百餘里皆產茶賦不盡括使者韓球將增之以市罷文若力爭得免再列遂寧大水漂民亟發倉庫除田租免場務稅築長堤以捍水勢民以無患時秦檜已死高宗訪蜀士於魏良臣名為光祿丞改秘書郎著文思箴千五百餘言以獻上納之遷起居郎務收用西北人材以固根本嘗任掌制以作禾黍詩諷宜和執政之請恩者出知邵州改饒州典學宮減田租奇耗增常平義倉與民

弘簡錄 卷一百八十七 文翰卷六

平市農末負利以捕餘干劇盜功加直敷文閣移知温州召為宗正少卿金人犯邊上諭宰臣文若才可用復除右史時上下徂於捷報文若獨以為憂圖上元嘉北伐故事疏言願陛下深察大勢遣大臣節制江上趨策之長而避其短無循前代軌轍未幾諸將退守金固歷陽大將王權遁淮南盡沒文若面對畫三策一請親征二遣大臣勞軍三起張浚且言浚守道篤學以孤忠得衆士心為天下屬望今幸不死嶺海天所以為陛下也上初以浚雖忠怒其功將士多不附至文若言始矍然曰浚浚者多惟卿發此論數日遺楊存中護江上軍起浚知平江乘輿幸建康命同居守兼給事中直學士院駕還遷中書舍人將內禪手詔追崇皇太子所生父文若與周必大議名稱未安白于宰相以聞詔改稱本生親尋又改宗室子併復詔稱皇兄語多

不定孝宗立以疾請外除敷文閣待制知漢州尋改督府參贊軍事浚使行邊按守備罷行甚多除知鼎江二州籍鄉丁五萬訓練有法人倚為固以民勞請獨和羅那數百萬得減什三旋丐祠卒年六十贈左通奉大夫

陳與義字去非希亮曾孫天資卓偉踴厲不羣能文致名譽流華致推莫敢與抗登政和上舍甲科授開德教授遷太學博士宣和中徽宗見所賦墨梅詩善之名對喚為見晚遂擢符寶郎尋謫監陳留酒稅遭亂避地湖襄泛洞庭上九疑羅浮雖流離困厄而能以山川秀傑之氣益昌其詩高宗立召為兵部員外郎累遷至翰林學士知制誥拜參知政事與丞相趙鼎同心輔政務尊主威而振綱紀從帝如建康扈蹕還以疾請投資政殿學士知湖州終提舉洞霄宮年四十九與義容狀儼恪不妄言

弘簡錄 卷一百八十七 文翰卷六

笑外和而內剛薦士於朝退未嘗語人嘗問作詩法於崔鶯鶯曰工拙未論大要忌俗其所作體物寓興清逸紆餘高舉橫厲上下陶謝章柳之間有簡齋集行世韓駒字子倉仙井監人少有文稱嘗遊許從蘇轍學轍評其詩似儲光義政和初以獻頌假將仕郎召試舍人院賜進士出身除秘書正字尋坐蘇氏曲學謫監華州市易務知分寧召為著作郎校正御前文籍言國家祠事歲一百十有八用樂者六十三舊撰樂章辭多低悖有詔三館士分撰朝覲明堂四壇方澤等樂曲五十餘章多駒所作宣和五年除秘書少監六年遷中書舍人兼修國史入謝上曰近年制誥所擬皆溢美所貶必溢惡豈王言之體且盤詰具在寧若是乎駒對若止作制誥則粗知文墨者皆可為先帝置兩省豈止使行文書而已給事實掌

封駁舍人亦許繳還詞頭上曰然自今事有可疑一切繳奏諄
權五學士院制詞簡重為時所推未幾復坐蘇學以集英殿修
撰提舉太平觀南渡初起知江州紹興五年卒贈中奉大夫與
遺澤三人識者病其由宦者進川頗以為譏子遜遊

范成大字致能吳郡人登紹興進士授戶曹參軍監和劑局隆
興元年遷秘書正字轉著作佐郎輸對論力之所及者三曰日
力曰國力曰民力今盡以虛文耗之上嘉納俄進吏部郎官言
者論其趨躡能奉祠起知處州民因爭役獄訟成大為紛義役
隨家貧富輸金買田次第甲乙助當役者至二十年民以為便
詔頒其法於諸路山多陸田梁天監中詹南二司馬于松陽遂
昌之開作通濟堰激溪水四十里溉田二十萬畝歲久堰壞成
大為訪故迹疊石築防置堤開四十九所立上中下水則溉灌

弘簡錄 卷一百八十七 文翰宋六

有序民食其利除禮部員外郎兼崇政殿說書奏乾道著令以
絹計賦若如承平時不及千錢紹興初通增為三千錢論罪實
重遂除之遷起居郎隆興再講和上悔失定受書之禮假資政
殿大學士充金國祈請使成大初進國書詞氣慷慨金君臣方
傾聽因奏兩朝既為叔姪受書禮未稱臣有疏指笏出之金主
大駭曰此豈獻書處耶左右皆勸起成大屹不動金庭紛然太
子欲殺越王止之既而歸館金主遣伴使宜旨取奏竟得全節
而歸除中書舍人言上手書崔寔政論賜輔臣意在飭綱紀振
積弊而近日大理議刑過加一等此非以嚴致平乃酷也上稱
為知言命掌內制留張說簽樞詞頭不下出知靜江府廣西專
藉鹽利因漕臣盡取屬邑始有增價抑配之弊成大入境奏言
利害莫大於此若能裁抑漕司強取之數以寬郡縣則科抑可

禁上從之茶馬司舊法高以四尺四寸為限一旦詔加四寸成
大言自來互市四十年不宜驟改尋除收文閣待制四川制置
使吐蕃青羌兩犯黎州而那兒結蕃列等尤桀黠輕視中國成
大外修堡砦內勤教閱將兵剛結使人自為職上賜度牒錢四
十萬增戍兵五千奏置都監路分凡吐蕃入寇路十有八悉築
柵分戍白水砦將王文才私娶蠻女常導之寇邊成大檄羣蠻
約以重賞擒之表稱蜀名士孫松楸樊漢廣六十掛冠詔命不
起節行可嘉又蜀中人才可用者悉致幕下隨其所長不拘小
節露章薦達往往顯于朝名還拜吏部尚書參知政事以論率
祠起知明州奏罷海物之獻除端明殿學士帥金陵會歲早奏
移軍儲米二十萬振饑減租米五萬捕戮水賊徐五以病請閑
進資政殿大學士奉洞霄祠卒生平素有文名尤工於詩有石

弘簡錄 卷一百八十七 文翰宋六

湖集覽 卷一百八十七 文翰宋六
陸游字務觀山陰人自少才氣超邁十二能文及長尤長於詩
以蔭補登仕郎鎮興第一秦項適居其次檜怒罪主司明年
試禮部復前列檜顯黜之檜死始止寧德主簿以薦除敕令所
剛定官力陳楊存中久掌禁旅非便上嘉其言罷之又奏陛下
以損名齋自經籍翰墨外屏而不御中貴小臣不體至意私
買珍玩粉損聖德乞嚴行禁絕詔復言非宗室外家雖實有
勳勞毋得輒加王爵頃有以師傅領殿前都指揮使復以太尉
領開門瀆亂名器乞加訂正遷大理司直兼宗正主簿孝宗稱
其力學有聞言論剴切除密院編修兼聖政所檢討史浩黃祖
舜復薦賜進士出身入對言陛下初即位信詔令以示人而官
吏將帥一切玩習宜取其尤者與眾棄之和議將成以書白二

議敵人來索舊禮及中原歸正人未可遽為之加且遣金緡如
 前日之數或許稍歸侵地則彼亦無可藉口矣二年知貢舉
 康殿產金芝議表賀進引李文靖奏災異故事風止之御史周
 璪沮其當政劾之與張浚同罷以端明殿學士奉祠乾道六年
 起知信州徙太平梁乃舊守聞其來馳去避追而餞之間者以
 為盛德圩田壞鳩民築之民賴復業苗米聽輸正租令自持斛
 築成大饑告罷江南獨租十九簡賓佐隨遠近北老以差賦給
 活者萬計戍兵乘勢剽竊避盡執以歸軍非邑晏然徙知建康
 充江東安撫使兼行宮留守當制范成大褒其治績入覲許赴
 選德殿奏事進資政殿學士虞允文北征調禁軍出屯其府者
 五謀築營若求不妨民居不夷冢墓者踰年始得之營卒醉妄
 言搖衆入旗亭操刃推壘上怒罷統帥避亦坐貶兩秩淳熙元
 年五營成復官奉祠卒年五十五諡文安 遺字景虛讀書日
 數千言過目輒不忘博極載籍初授兩浙轉運幹辦公事入為
 勅令所剛定官亦坐檢故出教授福州累遷吏禮二部員外郎
 顯仁后喪當孟饗請遣宰相分祭從之尋除樞密檢詳文字建
 議令民入粟贖罪以紓國用又請嚴法駕出入之儀葉義問視
 帥建康奏邁叅議軍事遷左司員外接伴金使高忠建奏更渡
 江以來過禮凡十有四事一切殺之假翰林學士充賀葛王褒
 登位使書用敵國禮金開門以為不如式勒令朝見如舊禮邁
 不可而止還時孝宗禪位御史張震論罷明年起知泉州乾道
 二年改吉州入對除起居舍人奏言起居注皆據諸處關報始
 加修纂雖有日曆時政記亦莫得書自今倣邇英延曠故事乞
 令講讀官各以日得聖語關送使謹錄之詔因所御殿賜名祥

暇記注三年遷起居郎拜中書舍人兼侍讀直學士院仍參史
 事父兄皆歷此三職人以為榮時凡事必先經中書惟密院得
 旨即書黃過門下謂之密白適言如此則封駁之職似有所備
 請特勅釐正密院並依三省書黃以重出命之意上從之六年
 除知贛州歲稔移粟降郡大起學宮造浮梁士民安之值郡兵
 戍九江訛言相驚過不為動徐詰什五長兩人械送戮之尋知
 建寧轉發州奏金華田不受水境內陂湖最當修浚命耕者出
 力田主出穀凡為公私塘堰及湖總八百三十七所郡軍欲以
 緡易冬衣吏不可輒庸聚過以計逮捕巡散去遷敷文閣待
 制召對首論六要地海陵喻如鹽城寶應清口盱眙宜修城嚴
 兵立游棹益戍卒及開乍浦河築梅里鎮大偃作斗門其馮湛
 所創多築船底平檣浮雖尺水可運今修葺數少宜募瀕海官
 商入船與爵招善操舟者以開水軍上嘉之進敷文閣直學士
 史館修撰兼侍講嘗遇宿直名談至夜分拜翰林學士上四朝
 史一祖八宗百七十八年為一書淳熙改元進煥章閣學士知
 紹興過闕言新政宜以十漸為戒上以浙東民困於和市往為
 正之至郡覈實詭戶四萬八千三百有奇所減稍略如其數明
 年上章告老以端明殿學士致仕卒年八十贈光祿大夫諡文
 敏兄弟皆以文章取盛名躋貴顯邁尤以博洽受知孝宗謂其
 文備衆體平居考閱典故漁獵經史極鬼神事物之變手書資
 治通鑑凡三有容齋五筆夷堅志行於世所修欽宗紀本之孫
 觀附耿南仲惡李綱事多失實故朱熹舉王允之論言佞臣不
 可使執筆以為不當取云
 張卽之字溫夫以父叅政孝伯恩授承務郎中兩浙鄉舉歷監

弘簡錄 卷一百八十七 文翰宋六

弘簡錄 卷一百八十七 文翰宋六

平江糧料院丁內外艱改監臨安稅務簽書荆門判官廳公事
累遷至司農寺丞知嘉興以言罷引年特授直秘閣致仕生平
以能書聞天下金人亦寶其所墨尤重氣節郵人王惟忠字肖
尊登嘉定進士守閬州制使余府以讒劾之鍛鍊成獄坐棄市
沒入其資卽之移書後使賈似道為白其冤使從孫士倚娶惟
忠孫女遂得給還首領以禮改葬人多義之

弘簡錄卷一百八十七終

弘簡錄

卷一百八十七

五

文簡宋六

弘簡錄卷一百八十八

明刑部員外郎仁和弘壽邵經邦學

皇清翰林院侍講學士四世孫遠平校閱

旌德 宋十一之一 忠節

韓通 楊業 王貴 康保裔 秦傳序 張旦

裴濟 董元亨 馬遂 曹觀 孔宗旦 趙師旦 蘇斌

彭汝方 丁仲修 宋族 陳遵 黃友 李遵 劉鼎

傅察 張克戩 張瓚 朱昭 史抗

孫益 李涓 霍安國 郭永

韓通太原人在晉以勇力應募補騎隊長漢祖召寘帳下從

討杜重威進銀青階開國加檢校左僕射隱帝遷奉國指揮使

乾祐初周祖統兵伐河中知其謹厚命以自隨先登身被六創

弘簡錄 卷一百八十八 一 旌德宋一

以功轉都虞候鎮大名奏為天雄馬步軍都校委以心腹及入

汴預有力焉親征兗州以通為在京右胸都巡檢河水大溢灌

河陰城命率廣銳卒浚汴口渠部築其城柵營壁完日拜保義

軍節度觀察留後郊恩正授節度使劉崇南侵命副河中王彥

超出晉州道擊之捷于高平復除太原北面行營部署為地道

攻并州城俄班師移鎮曹州加檢校太保世宗即位又命與彥

超浚胡蘆河由深冀間東西數百里峻其堤塢以扼契丹奔突

遇遼兵至通迎擊退之遂城李晏口為靜安軍四旬而完又城

東鹿鼓城葺祈州城值大兵後遣骸布野悉收瘞之又城博野

安平往來深定間夜宿古寺晝披荆棘嘗領百餘騎督役契丹

奄至與戰會日暮大風雨契丹解去擒十餘騎又城百八橋鎮

及武強縣皆旬日畢尋攻奏鳳以為西南面行營馬步軍都虞

大同軍節度使賜其家粟帛降美三官佐與文裕皆諱名為人
目不知書忠烈武勇出于天性兼有智謀練習攻戰屢立奇功
所向克捷號揚無敵愛惜士卒與共甘苦代北苦寒人多服重
罽但挾纊露坐日治軍事傍不設火侍者殆僵仆而業怡然無
寒色為政簡易務盡下情懷之以恩人樂為用敗時語其麾下
尚百餘人汝等各有父母妻子宜各還報天子徒與我俱死無
益眾皆感泣不肯去遂皆死無一生還聞者皆為流涕錄其子
延祚延訓供奉官延瓌延彬並殿直 同鄉王貴廣順初補衙
士入宋累遷至散員都指揮使馬步軍都頭領勝州刺史太
平興國二年出為瀋州刺史從潘美北征攻沁州頗立戰功亦
為遼兵所圍親射殺數十人矢盡張空拳遂遇害年七十三擢
其子文晟供奉官文昇殿直

弘簡錄 卷一百八十八

康保裔洛陽人祖志忠後唐長興中討王都戰歿父再遇為宋

龍捷指揮使從征李筠陣死保裔在周屢立戰功為東押班父
死代職從石守信破澤州明年攻河東之廣陽獲千餘人開寶
中又破契丹于石嶺關累遷都虞候登州刺史端拱初授瀋州
團練使尋知代州徙高陽關副都部署就加侍衛馬軍都虞候
領涼州觀察使真宗以其母老召還賜上尊茶米俄領彰國軍
節度使歷并代高陽關都部署契丹兵大入諸將與戰于河間
保裔選精銳赴之會日暮約大將范廷召詰朝合戰遲明大陣
為契丹所覆圍之數重左右勸易甲馳突以出保裔曰臨難毋
苟免義也決戰二日殺傷甚眾蹶踐塵深二尺兵盡矢絕外援
不至遂沒時駕駐大名聞之震悼廢朝贈侍中錄千繼英為六
宅使順州刺史繼彬洛苑使繼明內閣副使繼宗西頭供奉官

孫惟一將作監簿母年八十四遣使勞問賜以金帛封陳國太
夫人妻封河東郡夫人保裔謹厚好禮喜賓客善騎射弋飛走
無不中嘗握矢三十引滿以射筈相連而墜人服其妙屢經
戰陣身被七十餘創貸公錢數十萬勞軍沒後器玩以饋上
知乃復厚賜焉繼英仕至左衛大將軍貴州團練使嚴于取軍
厚于撫宗及卒家無餘財

秦傳序江寧人淳化五年充鹽峽運檢使監開州軍李順亂王
繼恩不能募眾縱所部劫掠子女金帛軍士皆無鬪志賊黨聚
餘復陷嘉戎瀘渝涪忠萬開八州奄至城下傳序督士卒晝夜
拒戰嬰城既久危蹙日甚長吏皆奔竄投賊傳序領士卒誓以
死守及乏食悉出糞糞服玩市酒肉以餉眾皆感泣力戰城墜
遂赴火死家寄荆湘間子與迥映求父屍復溺死時謂父死于
忠子死于孝奏至太宗嗟測錄其次子照殿直昉三班奉職賜
其家錢十萬

弘簡錄 卷一百八十八

張且趙州人勇敢善射以經學中第官國子博士淳化中知陵

州舊無城葺州兵不滿三百李順黨數萬來攻且修城具置鹿
角驅市人戰大敗之殺五千餘人獲器械萬計詔書褒獎遷水
部員外郎賜緋魚由是知名上官正薦知雅州賜金紫真宗遷
兵部員外郎改尚食使知德清軍景德中契丹入寇且與虎真
都虞候胡福副指揮尚祚及其子利涉率眾奮擊福金創福體
猶奮劍轉鬪矢無虛發麾下已盡獨挺刃殺數十人祚能運大
過所斬首拉者亦百餘人眾寡不敵遂與指揮使張唐劉福
都頭輔能等並死焉上嘉其忠勇遣使訪遺骸惟得胡福屍命
其子厚葬之贈且左衛大將軍深州團練使利涉崇儀副使錄

其四子官贈胡福洛州團練使尚祚濟州張膺濱州劉福臨州
並刺史輔能等並諸衛率府副率又邯鄲令李晦辭赴任值道
梗留德清同拒敵侍禁夏承皓部兵至大名界遇敵皆戰沒贈
晦辭工部員外郎承皓崇儀使時又贈受事河朔而沒者殿直
劉超供備庫使入內高班李知順六宅副使奉職胡度等三人
內殿崇班各錄其子及賜其父金帛以其事詔諭天下以勸忠

裴濟字仲溥唐相耀卿八世孫少事晉邸以同輩故悍被謫出
補太康鎮將未幾諧者坐法太宗知濟可任補殿直為天威軍
兵馬監押平太原征幽薊迎謁陪扈監易州軍契丹攻城不能
下以勞遷西頭供奉官太平興國末江表盜起命為巡檢遷崇
儀副使召還為使監威武軍戍兵次鎮州夜有賊騎扣城門大
呼官軍至濟度其妾及且果有敵兵遁去太宗嘉之遷西上閣

弘備錄 卷一百八十八

六 莊德宋一

門使定州都監就加行營鈐轄尋知定州契丹三萬騎來攻濟
逆擊于徐河斬數千級獲牛馬鎧仗甚衆淳化初為鎮州行營
鈐轄與李繼隆擊賊于唐河濟復兵陷陣賊大敗走優詔褒美
初繼隆以濟性剛不悅之及是恨相知之晚歷四方館客省二
使連知定州徙天雄軍鈐轄至道二年改內客省使知鎮州立
春日迎土牛酌奠始畢有卒挾牛首去濟察知欲為變亟命擒
之果有數十人竊發已劫郡間矣悉蒐捕正法軍民肅然在鎮
定十五年威績甚著名遷知天雄軍李繼遷叛傾順州團練使
知靈州兼都部署至州二年謀緝八鎮與屯田之利民甚賴之
其年清遠軍陷夏人大集蕃部來攻圍城斷饑道孤軍絕援濟
刺指血染奏求救甚急兵不至城陷死之上聞嗟悼特贈鎮江

軍節度使夏人因其平日在諸使中甚有聲望亦痛惜之景德
中妻永泰郡君景氏卒特詔追封平陽郡太夫人諸子德容等
並優進秩給俸終喪後德容至虞部郎中德基如京使德豐德
興皆殿中丞兄麗澤弟麗正並及第麗澤至右補闕麗正至金
部員外郎

董元亨深州東鹿人官國子博士通判貝州王則據城叛時方
冬至與州將張得一朝謁天慶觀夜漏未盡變起倉卒眾莫知
所為元亨促馬馳還坐廳事賊黨十餘人擐甲露刃排闥而入
曰大王遣我索軍資庫鑰左右皆奔潰元亨據按叱曰誰為大
王乃妖賊求死輒敢弄兵我有死耳鑰不可得也賊將郝用繼
至曰今日庫幣皆大王所有可不上鑰乎元亨厲聲張目大罵
用遂殺之携鑰去 又開封人馬遂初隸龍衛軍補殿直改三

弘備錄 卷一百八十八

七 莊德宋一

班奉職聞王則叛詣留守賈昌朝請討昌朝因使持榜入州招
降既至則盛服延送飲遂諭以禍福輒不答遂憤甚欲殺則無
兵仗時張得一在側遂冀其助已數目之得一不為動遂奮起
投杯抵則直前扼其喉毆之流血被面顧左右更無繼者賊黨
攢刃聚謀至石慶斷遂一臂臂猶不絕口縛至廳事前支解之
事聞仁宗嘆息贈元亨太常少卿錄其子孫三人遂贈官苑使
封其妻旌忠縣君官子五人賊平獲郝用石慶剖心以祭
曹觀字仲賓修禮子出繼從父修古以蔭授建州司戶參軍陞
太子中舍知封州儂智高亂時太平久人不知兵州卒僅百人
不任戰鬪又無城隍以守或勸介遁去觀正色叱曰吾父為忠
臣吾豈偷生以辱父乎敢言避者斬乃取州印自佩與妻訣麾
都監陳睢引兵迎擊鄉丁弓手繼之賊眾百倍睢敗走鄉丁亦

潰觀幸從卒決戰不勝被執賊戒勿殺梓使拜且誘之曰從我
得美官付汝兵柄妻以女觀怒晉曰人臣惟北面拜天子我食
天子祿豈從爾苟生耶幸速殺我賊徒置舟中觀不食者累日
密探懷中印授從者使問道來上賊知觀無降意害之至死詎
聲不絕投屍江中年三十五事聞贈太常少卿錄其子四人妻
劉氏避賊亦死于林岫封彭城郡君賜冠帔又贈修古工部侍
郎母陳氏類川郡君後田瑜安撫廣東為觀立廟封州 同時
邑州司戶參軍孔宗且魯人寇未起時州有白氣出庭中江木
大溢宗且占為兵象度智高必反以書告知州陳珙珙不聽未
幾橫州破即載其親往桂州曰兒有官守不得去無為俱死也
既而州破被執賊欲生之任以事宗且叱誓不從與都監張立
成俱被害知袁州祖無擇以其事聞贈太子中允 又有知康
弘簡錄 卷一百八十八 八 莊德朱一

師且美客儀頗涉書史尤刻意刑名之學極過江山縣人迎喪
哭祭于路絡繹不絕 復有王從政者以東頭供奉官開門抵
候與智高戰于太平場被執罵賊不已至以沸湯沃之終不屈
而死贈信州刺史錄其孫二人
蘇絨字宣甫晉江人登進士授南海簿調陽武尉絨本起儒者
嘗馳馬手斬劇盜李府尹買昌朝驚曰儒生乃能爾耶以薦遷
秘書丞知英州儂寇圍廣城絨奮曰廣去吾州近危而不救非
義也即募士數千委印于提刑鮑軻夜行赴難去廣二十里止
營土人黃師必為賊謀主絨擒斬其父復捕殺羣不逞為盜者
六十餘人招誑誤六千八百人使復業屢與賊戰摧傷甚衆盡
得其所略物賊勢沮將解去絨分兵扼其歸路布槎木亘四十
里賊至不得前乃遠出數舍渡江由連賀而西時諸將皆罷絨
弘簡錄 卷一百八十八 九 莊德朱一

遂盡屠其民事聞神宗嗟悼贈奉國軍節度使諡忠勇賜都城甲第一區鄉里土田十頃官其子子元西頭供奉官開門祇候改授殿中丞通判邕州褒贈同死次子子明子正孫廣淵直溫邕人為緘立祠元祐中賜額懷忠

彭汝方字宜老汝礪之弟初蔭為榮陽尉轉臨城簿豐稷辟留守南京司錄參軍宣和初通判衢州權知州事方臘起衢與接境寇至無兵可禦眾望風奔潰汝方獨與其僚段約介守孤城三日而陷罵賊以死年六十六贈龍圖閣直學士通議大夫諡忠毅官其家七人 同時死者有丁仲修字敬之溫州人臘黨

俞道安陷樂清將渡江郡遣仲修帥鄉兵禦之時巡檢陳華已死先鋒將張理同李振出南門迎敵渡入接橋橋斷馬蹶溺死賊至帆遊夏祥遣輔爽迎戰數十合亦死最後仲修力屈死于弘簡錄 卷一百八十八 十一 謹錄宋一

樂灣 宋旅字庭實莆田人登進士官奉議郎知刺縣賊犯越縣吏聞風多遁旅獨與民拒守賊眾大至躬冒矢石力不敵而死越帥劉幹上其事詔贈朝散郎錄其四子 項德者武義人為禁卒賊陷婺武義隨沒德率敗亡被賊因據邑之城隍祠自

二月訖五月東抗江蔡西拒董奉北捍王國大小百餘戰出則居選鋒之先入則殿後前後俘賊不可勝計賊目為鷹鷂手聞其鉅則相率遁去方謀復永康諸縣賊乘夜盡銳邀之戰死黃姑嶺下邑人哭聲震山谷圖其像歲時祀之 詹良臣字元公

分水人以恩得官調縉雲尉臘犯處州守貳俱棄城遁霍成富用臘年號剽掠至縣良臣率弓兵出禦之為所執成富使降良臣不屈賊怒縛其肉使自啖吐且罵至死不絕聲見者掩面

流涕時年七十二贈通直郎官其子孫二人

陳遵字亨伯永州人登進士知華縣有治績將之奇馮京許將交薦知雍丘以父祐甫喪歸服除為廣西運判蔡京啓劾罷能違論其非京怒罷之尋起知商州入累遷給事中請外以直秘閣為河北轉運遷江淮發運使朝廷方督餉餉運渠壅塞遵決呂城陳公二塘達于渠漕市通而朱勛花石塞道官舟為阻遵捕繫其人上章自劾帝為駭動舟人進違微餼關待制方鳳亂詔以屬遵奏言方臘始起眾不及于今已過萬東南兵財勢卑士不習戰必未能滅賊乞發京畿兵及鼎澧槍牌手兼程以來庶幾不至滋蔓帝悉行其言加龍圖閣直學士經制七路開府于杭時縣官用度百出遵劾議度公私出納量增其贏就經制錢其後總制使翁彥國做其式號總制錢通行天下有經總制錢名自兩人始也徙河北都轉運使欽宗立加資政殿學士積

弘簡錄 卷一百八十八 十一 謹錄宋一 官至光祿大夫歷知真定河間徙中山金人再至冒圍入城堅壁拒守受圍半年外無援師京都既陷朝廷議割兩河地遵弟開封少尹適至中山臨城諭旨遵遙語曰主辱臣死弟素以忠

孝自處寧當賣國乎適涕泣曰兄但盡力勿以弟為念遵乃益呼總管使盡括城中兵擊賊總管醉遂斬以殉又呼步將沙振固遣之振懷異志潛挾刃入府害遵于堂及其子錫并僕妾十

七人惟長子鉅官淮南獲免既而帳下卒謀而前執振并裂之身首無餘城中無主乃開門出降金人入見其屍曰宋朝忠臣也歛而葬諸鐵柱寺事聞贈特進進性孝友寬厚長者任部使二十年每出行郡邑必焚香祈禱願不逢貪濁官吏嘗劾罷王仲璇薦王安中呂頤浩張愨謝克家何鑄皆至公輔世以為知人適山衛尉少卿為光祿卿金人執之北去後十年死雲中

黃友字龍友平陽人自少不羈入太學語同輩曰大丈夫不能
爲國立功亦造化中贅物耳因投筆西遊遊帥劉法奇之延致
門下常爲詩以吊高永年之死後恤典不及永年其子以友詩
進徽宗覽之遂加贈諡友亦免省試賜進士第歷永嘉瑞安二
簿有政聲方臘起檄友同諸將收復所至披靡婆寇復作友請
往諭之次浦江賊望風解去復單騎次武毅賊衆持釘一棧置
其前友正色叱曰汝等何速死耶賊首李德壯之亟麾退一境
貼然發人圖像以祀擢通判澶州會郭藥師叛燕士響應友獨
率兵數千與戰躬冒矢石唇齒破裂欽宗卽位制使詹度奏友
久服武事籌略過人丞相何桌薦之名對上爲稱嘆賚予甚厚
進直徽猷閣制置司參謀官同神師中解太原圍復遣兵三千
奪榆次糧萬斛明日大軍進榆次十里止舍友亟白師中日營
地非利將三面受敵師中不聽迨曉兵四合矢石如雨益以鐵
騎衝突將士奔潰友被執金人逼降之友不屈厲聲大罵遂遇
害帝書忠節傳家四字旌其閭官其後八人友體貌英偉謀盡
機密山人意表忠誠許國根于天性嘗語子弟曰天下承平日
久武事玩弛萬一邊書告警吾必死國難他日收吾骸以足心
黑子爲識後果如其言

弘簡錄 卷一百八十八 主 遺事 一

燕遼謂方觀小觀方其一呼屠七州四十餘縣竭數路之力而
後平之殆天以此警公何可遠移之北乎因言國家與遼素爲
梓齒當協力共圖金人不當滅之以自速禍貫不能用遂致仕
貫收復燕山奏遼知涿州辭不赴嘆曰禍自茲始矣及京師被
難詔趣入見上不時賜對問禦敵方略遼言自古未有和戰不
定而能成功者至于勝負兵家之常陛下無過憂乞以諸道兵
盡界神師道使見可而進勝固社稷之福不勝亦足使敵知吾
將帥有任國事者上稱善耿南仲沮之使守京城西壁遼又言
平仲敗績而敵猶不敢留是畏我也不用師道再戰已失機會
尚可尾其行及河半渡擊之猶足爲後戒議復格乞骸不允改
主管馬軍公事權樞密副都丞旨山爲河北西路制置使會指
置西塘灣屯田已備事遼言其不可坐奪職金兵入復其舊官
弘簡錄 卷一百八十八 主 遺事 一

州防禦使轉真定路選就快胡倫督左右巷戰顧其弟曰我大將也其可受賊戮乎挺身潰圍欲出諸門已為敵守乃之孫氏山亭中自縊而死

傅察字公晦堯俞從孫自幼嗜學同輩或邀以嬉遊不肯就為文溫麗有典裁登第調青州司法參軍娶趙氏女詳載歷示平淄川丞平居恂恂喜愠不形遇事若無可否非其意舉然不可犯入為太常博士遷兵吏二部員外郎恬于勢利故人鼎貴罕至其門間一見寒溫談笑而已宣和七年十月接伴金國賀正且使至韓城鎮使次不詳載居數日金數千騎入宿剌之上馬行次境上察知有變辭曰近使入故例止此即易其馭者擁之東北去行百里許遇幹離不導使下拜察曰吾若奉使見汝國主則當致敬今來迎客被脅至此二太子雖貴尚為人臣彼

弘備錄 卷一百八十八

西

德來

此當用賓禮何拜為幹離不怒曰吾與師南向何彼此之稱凡汝國得失為我道之否則死察言主上仁聖與大國講好信使往來項背相望未有失德太子于盟而動意欲何為還朝當具奏之幹離不叱曰爾尚言還朝耶左右促使拜梓之什地衣袂顛倒察益挺立不顧幹離不日爾今不拜後雖欲拜何可得耶麾使令去至燕竟殺之年三十七將官武漢英識其屍焚之暴遺骨令虎負卒沙立負以歸副使蔣璠及官屬侯彥章歸皆能道察不屈狀帝哀而壯之贈徽猷閣待制乾道中賜諡忠肅張克戡字德祥者曾孫也登進士知吳縣吳大姓怙勢一裁以法姦猾屏氣狀聞名拜衛尉丞從弟克公劾蔡京京修怨并黜克戡踰年起知祥符歷開封戶曹提舉京東常平庫部員外郎宣和七年知汾州金兵圍太原遣將銀朱亨董來攻克戡畢力

并禦斬欽附燕人欲為內應者數邀勁卒掩敵營出其不意敵懼引去諭功加直秘閣靖康元年金兵復至克戡與經略張孝純之子淵都統制張思正轉運使李宗協力固守宜撫李綱表其勞連進直龍圖閣右文殿修撰及太原不守思正率淵宗奔磁縣城中始無固志成將麻世堅中夜斬關出通判韓玘相繼亡克戡下令曰太原既陷吾固知必亡然義不忍負爾且辱父祖願與此城終始以明吾節兵民其各自為謀眾皆泣涕同聲對曰願效死聽命乃益厲兵備守賊至身帥將士振甲登陴屢却敵而援師不至募士開道上疏具述危急之狀不報金復破平遙降介休孝義諸縣據州南二十里作攻城器具屢遣諭降不應十月朔金益以萬騎來攻有欲出降者克戡手斬以徇諸敵列城下克戡登陴極口罵詈發城中一敵斃之度且少城

弘備錄

卷一百八十八

五

德來

且破乃草遺表及別妻子書絕州兵持抵京師明日金兵從西北隅入殺都監賈登克戡猶帥眾巷戰金人募生致之克戡歸署朝服焚香南向拜舞引決自盡一家死者八人金將奉其屍葬于後園羅拜設祭為之立廟事聞贈延康殿學士賜銀絹表其閭紹興中諡忠確張確字子固邠州人登進士疏言十事乞誅大姦退小人進賢能開禁錮起老成擢憲使息邊事修文德廣言路容直諫列于上籍宣和二年召至京植方臘起上言願下哀痛之詔省不急之務租賦外一切廢罷敢以花石淫巧供上者死撫綏者附毋以多殺為功許王黼意除趙鼎州攝睦州事有自賊中逃歸者訪得虛實以告諸將用其言盜遂平改知汾與解州徙陞德府金圍太原確言河東天下根本無河東豈惟秦不可守汴亦

不可都矣。敵既得勝，勢必南下。潞城百年不修，兵將皆出邊戍。臣生長西州，頗諳武事。若得秦兵十萬，足以抗敵。不然，惟有一死報陛下。印書上不報明年二月，金兵至州，城中無備，諭使速降。確乘城拒守，有獻謀自東城可潰，圍山確怒叱曰：「頭可斷，腹不可屈，遂力戰死。」欽宗聞之，悲悼，贈述古殿直學士，名見其子宗日卿，父得死所矣。嘆息者久之。

朱昭字彥明，府谷人。父克勤，禮賓使，贈濼州團練使。昭以效用進，累官秉義郎，宣和末為震武城兵馬監押。緝知城事，金兵內侵，夏人乘虛盡取河外諸城，震武距府州三百里，最為孤絕。昭率老幼嬰城，募驍銳千餘人，約日賊知城中虛實，有輕我心者，出其不意攻之，可一鼓而潰。乃乘夜絕兵出薄其營，敵果驚亂，城上鼓譟隨之，殺獲甚衆。其長悟見思齊以進，盾自敵介而必簡錄

卷一百八十八
來邀昭與計事。昭常服登陴，見之恩齊却盾而前，數宋入失信日大金約我夾攻京師，今太原且暮，且下麟府諸壘，悉已歸我。公何恃而不降？昭取禪位詔，赦殺之曰：「上皇知姦邪誤國，改過不吝，汝尚未知。今天子聖政一新，乎時諸城降者從旁語曰：『天下事已無所施，昭大罵引弓射之。』衆走，凡被圍四日，城多圯壞。昭知不可支，還坐廳事，名諸校曰城且破，妻子不可為賊汚。幸先戍我家，然後背城死戰，勝則東嚮以圖大功，不勝則暴骨境內。大丈夫一生之事畢矣。衆未應，昭遽起殺其幼子，盡驅家人納之井中，覆以土。令將士盡殺其妻孥，曰：『我與爾曹俱無累矣。』部落有陰與賊通者，報曰：『朱昭與其徒各殺其家人，將出戰。人雖少，死士也。』賊大懼，以利啗守兵，得登城。昭勸衆于通衢接戰，自暮達旦，屍填街不可行。乃躍馬從欽城，出馬蹶墜堽，賊驩曰：

得朱將軍矣。欲生致之，昭瞋目按劍，賊無敢前者。旋申矢死。年四十六。

史抗濟源人，宣和末為代州沿邊安撫副使。疏言：『馬門重鎮，控制一道，宜擇帥增戍以謀未形之患。若使橫流則無所措矣。言雖切，朝廷不省。』金人圍代，急抗呼其二子，謂古稱哲曰：『吾昔語用事者，既為空言，不幸重圍，既固外援不至，吾用六壬術占之，明日城必陷。吾將死事，汝輩能不戀妻子乎？若聽吾言，當先令家屬自裁，然後赴義。』二子泣曰：『惟父命是。』少家人皆次第自盡。城破，父子突圍力戰，死于城隅。

孫益不知何許人，宣和末以福州觀察使知朔寧府。小鞠鞞為邊患，遣將致討。益子在行間，無功，益怒其子不能死，以狀自列而斬其持書來者。及太原受圍，被命往救，時金人勢張甚，部下皆知衆寡不敢，或獻計曰：『兵法攻其所必救，若引兵北擣雲中，彼將士室家在焉，可不戰而屈也。』益曰：『此策固善，奈建君命何？』遂躍馬突圍直抵城下，張孝純不肯啓門，遂死之。益天資忠勇，每領賞賞戰士，能得人死力，初至朔寧，察郡人孫谷可用，奏為

拱屬，禮待異于常僚。出師之日，屬以後事益死，衆議開關迎敵，谷爭弗得，嘆曰：『吾不忍負孫公，諸人不見容是，吾死所也。』或舉刃脅之不從，亦見殺。
李淵字浩然，尉馬遵，勗曾孫。初，陸為殿直，易文階至通直郎，知鄂州崇陽縣。靖康元年，檄召天下兵，鄂郡縣七當發二千九百人，皆未集。淵獨以所募六百銳，然請行，或謂：『盍徐之。』淵曰：『事急矣，當持一信報天子。』為東南倡。即日引而東北，過淮，蒲圻嘉魚二縣兵始至，合而前。王蔡天大雪，聞敵至，即結陣以待。少頃，游

騎果集涓馳馬先犯其鋒下皆蒙齒盾徑進頗殺其騎且走有
乘勝追北十餘里與敵遇飛矢如集二縣兵舍去涓獨血戰死
年五十三朝廷錄其忠贈朝奉郎官其二子

霍安國史失其家世燕山之役以直秘閣為轉運判官宜和末
知懷州路允迪表其治狀加直龍圖閣進右文集英殿修撰靖
康元年金人圍城安國扞禦不遺力與鼎澧兵共守拜徵猷閣
待制竟以不支城陷將官王美投城死粘罕引安國以下分為
四行問不降者為誰曰守臣安國通判州事直徵猷閣林淵兵
馬鈴轄濟州防禦使張彭年都監趙士許張謙于潛鼎澧將沈
敦張行中及隊將五人罕令引于東北鄉望其國拜皆不屈乃
解衣面縛殺十三人而釋其餘安國一門無噍類明年贈延康
殿學士

弘簡錄

卷一百八十八

大

趙德宗一

郭永元城人博學通古今身長七尺鬚髯若神藏書至萬卷為
文不求人知性明決見古人名節未嘗不慨然掩卷而尤慕顏
真卿以祖任為丹州司法參軍州守武人為姦利承數引法裁
之守雖怒穆為好言以薦後欲變永具獄永力爭不能得拂衣
去調清河丞尋知大谷縣有惠政人稱自設縣令以來無與比
者調東平司錄參軍臨事裁決無不曲中通判鄭州隨軍燕山
為轉運判官郭藥師屯邊怙恩暴甚與民市不償直復陵之至
壞目折肢永見藥師詰曰朝廷負將軍乎焉曰何謂也永曰前
日將軍杖策歸朝上推赤心禮遇無所不至今乃縱部曲戍民
不禁平居尚爾如緩急何藥師雖陽謝然無愧容永退語撫司
王安中曰他日名亂必此人也已而移河北西路提舉常平會
金兵南向所過城邑率藉冰梯城不攻而入永至大名聞之急

弛濠魚之禁人爭出漁水不能合遂即見而去還河東提點刑
獄守宗澤檄永與杜充相犄角守大名衝要之地永朝夕厲
兵積粟為戰守具結授東平權那彥謀復兩河不數日聲振河
朔已設州縣復應官軍金亦畏懼不敢動亡何澤卒充去代者
張益謙與轉運裴億皆謹嚴小人范瑄有那彥又去劉豫泉寇
大名孤城無援永率士卒晝夜乘城伺間出擊或勸之還冀曰
北門所以遮蔽梁宋若彼得志則席卷而南朝廷危矣借力不
敵猶當死守徐挫其鋒以待外援之至奈何棄之因募士緹城
齋帛書告急于朝乞先為備賊攻圍益急驅東平濟南得大呼
城下曰速降則富貴否者無噍類矣益謙輩相顧色動永大言
曰今日正吾脩報國之時亟行城撫循將士曰王師至矣吾城
堅可守敵不足畏汝曹第努力泉感泣贊明大霧四塞賊盡發

弘簡錄

卷一百八十八

九

趙德宗一

斷碑殘礎益以礮擊樓櫓皆壞左右蒙盾立者皆碎首城陷永
堅坐城樓諸子環泣請去泣曰巢傾卵覆去將何之益謙意平
衆迎降賊責曰城破始降何也衆以永不從為辭賊遣騎召永
永徐正衣冠南向再拜易幅巾而出粘罕問且降者誰永熟視
曰我也金人素聞永名且奇其狀欲啗以富貴永瞋目唾曰
恨不隨爾以報國家何富貴之云粘罕麾使去永引手厲聲曰
願速死亟驅義見賊爾大名人在繫者無不舉手加額為之出
涕粘罕亦繫者悉斷所舉手殺之永一家皆遇害事聞贈中
大夫資政殿學士謚勇節官其族數人永性忠義開兩宮北符
號絕什地不食大元帥檄書至始勉強一餐杜充初守大名聲
稱甚著永為畫策策久未暇省永面貴充好名遺寶賜寒自用
以此當大任解有能終者後竟如其言

弘簡錄卷一
百八十八終

弘簡錄卷一百八十九

明刑部員外郎仁和弘齋邵經邦學

皇清翰林院侍講學士四世孫遠平校閱

旌德 宋十一之二 忠節

李若水 劉幹 褚承亮 呂山誠 劉汲

鄭驥 劉晏 趙立 向子韶

徐徽言 李彥仙 唐重 程忠孝

呂社 王忠植 楊震仲 李誠之

李若水字清卿洺州曲周人初名若冰上舍登第調元城尉歷

平陽府司錄濟南教授入為太學博士李邦彥與蔡京不相能

欲謝病去若水謂邦彥胡不取決上前使去就之義暴於天下

顧默然託疾而退使天下有伴食之譏耶又言積盜已久致理

惟艱建裁損而邦用未豐省科徭而民力猶困權貴抑而益橫

仕流濫而莫澄正宜置賢求賢解榻待士采其寸長遠見以典

治功凡十數端皆深中時病邦彥不悅欽宗將遣使往金議以

賦入贖三鎮命若水往召對遷著作佐郎賜今名至雲中見粘

罕甫歸金兵南下復假徽猷閣學士副馮澥以往次中守河

兵皆遁澥謀取問道歸若水謂今日正有死耳豈當效潰卒耶

行至懷州遇館伴蕭慶扶與俱還及都門以不從和議拘之沖

虛觀獨慶與澥入見所議多不可從因召若水入見言和議必

不可請宜申飭守備以扞敵帝復命何臬行東還言金人欲與

上皇相見帝曰朕當往明日幸金營以若水從信宿而歸擢禮

部尚書固辭改吏部侍郎時金主已得中原降表廢帝與太上

皆為庶人再遷帝出郊若水復扈從以行至帳前粘罕使蕭慶

讀詔有別立異姓為主之語迨帝易服臬等驚懼莫知所措若

水抱帝而哭呼天大罵曰若輩敢無禮耶金人曳若水出擧敗

其面氣鬱什地留鐵騎數十守視之若水絕不食或勉之曰事

無可為者公昨言雖過國相殊無怒意今日順從明即富貴矣

若水嘆曰天無二日若水寧有二主哉其僕謝寧勸之食且慰

解之令歸覲父母叱曰吾不復顧家矣忠臣事君有死無二然

吾親老汝歸勿違言令兄弟徐言之可也後旬日粘罕召問立

異姓狀對曰上皇為生靈計罪已內禪主上仁孝慈儉未有過

行此議所不忍聞况敢從耶粘罕罪宋人失信若水曰若以失

信為罪公共尤也因歷數五事曰汝為封豕長蛇滅亡無日矣

粘罕令擁之去反顧罵益甚監軍搥破其唇與血大罵聲愈厲

至以刃裂頸斷舌而死年三十五高宗下詔曰若水忠義之節

無與比倫達於朕聞為之涕泣特贈觀文殿學士諡忠愍

劉幹字仲假其先京兆人十二世祖朝後唐清泰中官建州因

家崇安幹第進士調豐城尉轉隴城令王厚鎮興州辟為狄道

令提舉陝西平貨司河湟兵多缺食幹延致會長就出金帛易

粟以餉公私便之遷轉運使歷中大夫集英殿修撰劉法死幹

攝郡延帥出奇兵擄夏人解震武圍未幾夏人願納款眾疑其

詐幹謂兵與累年朝廷尚不支况小邦乎彼雖新勝其實亦疲

懼吾再舉稍圖自安此情實也密疏以聞詔許之既而夏使愆

期不至諸將請會兵乘之幹曰越境赴約容有他故無何使果

至戒曰朝廷方事討伐吾為汝請至再三以後無自取威怒夏

人聽命還拜微猷閣特制提舉崇福宮起知越州民病鑑湖應

奉中宮租太重又督索嚴急幹請蠲之方臘亂幹大修戰守備

寇抵城下擊敗之遂為童貫所知拜述古殿直學士召除河北河東宣撫參謀官時契丹兵勢盛燕人未有應者童貫見神師道討事即馳白貫與蔡攸請班師又論燕薊不可得正使得之必重困中國還次莫州會郭藥師以涿州降師再出以幹與議徙知真定藥師入朝密奏請留之不報改知建興福州加延康殿學士以言罷起知荆南河北盜起復令守真守幹單騎赴鎮招降賊首柴宏宏本富室不堪征斂聚眾剽殺巡尉統制官幹至即服罪奏授以官縱黨與還田里一路遂平藥師請馬詒盡以河北戰馬與之幹力言其非計乃止金人謀南牧幹謀得實急以聞且陰治城守以待變是冬金兵抵城知有備留兵其旁長驅內向還治梯衝示欲攻擊狀幹發強弩射退之欽宗立拜資政殿學士為宣撫副使救太原幹招募遼州兵四萬先進遇弘簡錄 卷一百八十九 三 旌德宋二

金人九戰皆捷斬首數百金併力禦之力不敵師遂潰將領王彥戰死太原陷名入覲令守京城四壁宰相沮罷之京師陷遣幹詣金營粘罕素知其名命僕射韓正館之僧舍正曰軍中方議立異姓欲以君代正為僕射北向取富貴在此行矣幹仰天大呼退書片紙曰金人不以予為有罪而反以為可用夫貞女不更二夫忠臣不事兩君况主憂臣辱主辱臣死予今必死所以報國即沐浴更衣酌卮酒而縊語備載建炎元年贈資政殿大學士諡忠顯幹莊重寬厚與人交極謙謹至臨大事則毅然不可回蓋天性也躬之裔孫名頌者收响寇有功諡忠節名純者死邵武寇立廟封忠烈幹子子羽諡忠定孫瑛諡忠肅故世號五忠劉氏云

緒承亮字茂先真定人蘇軾自定武謫官過境承亮謁之以文

大為稱賞宜和五年鄉試第一明年登第調易州戶曹參軍未赴會兵南下幹離不破真定拘籍境內進士試安國寺承亮名在籍中匿不出嚴令押赴策問上皇無道少帝失信諸人承亮風旨極口詆毀承亮詣主文劉侍中曰君父之罪豈臣子所得言長揖而出劉為之動容時放七十二人及第出身狀元許必仕為郎官一日出左掖門墮馬首中鬪石而死餘皆無顯者劉多承亮之諱薦知棗城縣沒慮之即棄去年七十終門人私諡曰玄貞先生子席珍正隆二年進士官州縣有聲

問曰主德有愆臣忠無變舊史寥寥斯人未見大書特書

高風誰踐

呂山誠字子明誨季子也幼明爽有智略以恩監鄧州酒稅臨事精敏吏不能欺有營兵竊發聚眾閉城守賊逃匿由誠親往招諭賊斂兵聽命以功知合水縣神諤征靈州檄由誠部運隨軍天寒食盡他邑夫多潰惟由誠所部無失者改知乘氏縣丞相呂大防為山陵使辟為屬諱判成都知雅嘉溫鄂四州皆有治績靖康初唐恪薦其剛直有家法名至議論不合且憂恪者縮不足以濟時艱力辭求退差知襄慶府未及出關京師陷羣盜所在蜂起由誠崎嶇至郡城圯檄竭晝夜為備版築甫就劇賊李昱擁眾至城下知其有備陽受元帥府招安而去康王移軍濟陽由誠竭力饋餉軍以不乏遣官屬王允恭奉表勸進時京東諸郡兵驕恣亂由誠獨拊循有方士樂為用前後數被攻圍屹然自立羣盜中救授皆絕孔彥舟以鄉兵叛首犯郡境攻之累旬不能下始去有胡選者眾尤殘暴來攻示以必取由誠率死士夜焚其攻具直入帳下賊駭散忽解圍去金兵四集由

破嚴立賞罰屬以忠義守兵爭奮晝夜警備寇百道來攻矢石如雨人無叛志郡僚有迎降者執而械之判官趙令佳同心誓守城陷俱被執金人欲降之由誠不屈乃先殺其子仍次令佳次山誠及子傑并家屬四十口同被害南北隔絕其孫紹清留蜀後走江浙訪出誠生死遇令佳之子子彞于江陰知其同死令佳已被褒典乃懇于朝得贈三官為通奉大夫與二子及孫恩澤

劉汲字直夫眉州丹陵人登進士為合州司理武信軍推官改宜德郎知鄂陵縣奉行神霄宮不如令奏徙隆德府通判方士林雲素薦郡人班自有道術自改易繁辭為妖言以應靈素汲惡之逮自繫獄朝命運使陳知存按驗以實聞改河中府判轉開封推官自盛章等尹京率取特旨果於誅殺汲為白府奏罷

弘簡錄 卷一百八十九

五 魏德宋二

之以詆王黼監達州稅欽宗召赴闕汲奏願得馳驛外服治兵食以衛京師除新置京西轉運司添差副使駐劄鄧州移書范至虛勸令以一軍自蒲中越河陽焚金人積聚斷絕河橋一軍自陝路直抵鄭許與諸道連衝敵必解散致虛不能從金兵再入諸道梗絕不知朝廷動息者三月馮延禧傳詔罷兵汲語總管高公純口詔書未可遽信可速進兵公純不得已俱至南陽問二帝已行汲素服慟哭尋代公純攝帥事高宗立詔鄧州備巡幸汲廣城池飾行闕嚴供具以待就加直龍圖閣知鄧州兼京西安撫使金人謀知鄧為行在所命將銀朱急攻京西汲遣副總管侯成林守南陽兵敗被殺汲召集將吏誓以必死皆流涕曰諾乃下令城中有材武願從軍者聽募得敢死士四百人又令凡仕於此者聽送其家寅出午反衆皆感服未幾南陽

陷命成鼎將兵三千迎戰汲自以牙兵四百登陴奮戰又令新儀與趙宗印分西南門犄角宗印從間道遁去汲自馳至鼎軍麾其衆陣以待敵至皆死國為之少却俄而儀敗攻益急矢下如雨軍中請汲去不從曰使敵知安撫使在此為國家致死事聞贈大中大夫諡忠介

鄭驥字潛翁玉山人登進士知深陽縣歲饑民多流亡驥為悉去遺舊清司難之驥曰著令所以定賦今不除則道愈多賦愈不辦使者不能屆時議破數州民田自建康盤河導太湖以通大江湖江浙二十五州丁夫所費以百萬計驥為條析利病止之轉通判岢嵐軍改慶陽姚古奏為熙河蘭廓路經略司屬官嘗撫熙寧迄政和攻取建置之迹為拓邊錄十卷又集兵將蕃漢雜事為別錄八十卷圖書西蕃西夏回鶻盧甘諸國人物圖

弘簡錄 卷一百八十九

六 魏德宋二

書為河隴人物志十卷序贊普迄漢巴溫董世族為蕃譜系十卷錢蓋帥熙州奏辟募下會秦隴金城地大震六城俱壞驥言六城熙河重地宜趨繕治自請董兵護築益棧濼新堡六百步以控西夏堡成賜緋衣銀魚奏董其狀君罔上假羌人歸降姓名請辨其真偽貫怒將誣以罪會敗而止擢京兆等路提舉常平按格為常平總目十卷願之所部值陝右大稔奏以所部本息乘時廣糴得米六十萬斛高宗立遷直秘閣知同州兼沿河安撫使妻宿來犯遣兵據險擊之失利金人乘勝徑至城下通判以下皆遁去翼日城陷驥赴井死事聞贈通議大夫樞密直學士諡威感仍賜廟額愍節

劉晏字平甫嚴州人入遊舉進士為尚書郎宣和四年帥衆來歸授通直郎令總遼東兵號赤心隊建炎初從劉正彥擊淮西

賊丁進賊黨頗眾晏所提纜八百騎分為五隊列旗五色帶山而行一色盡復以一色間之累日不絕賊驚訝遂不戰而歸選朝請郎正彥反晏不肯從逆以眾歸韓世忠從追至浦城正彥擒遷一官金人犯建康世忠退保江陰晏領其騎屯青龍鎮金又犯常州郡守請援世忠益以精銳七千出奇大破金兵進直龍圖閣保馬跡山會寇再至晏選舟師迎戰降其衆千五百都人為立生祠成方剛宜城命晏往援初至未立營壘出不意直搗帳下方大驚卻走晏欲生致單騎追之方幸其眾迎戰果寡不敵晏手殺數十人與安撫機宜鄧凝之皆被害賊遂引兵道廣德權軍事王倚蒼黃遣使招安無敢往者參軍朱嗣孟素有膽略狀貌奇偉遂以命之嗣孟直詣賊壘為陳逆順禍福使自擇所處方以迂已殺之儔及判官李唐俊權法司潘偶知廣德

弘簡錄 卷一百八十九 七 雜錄宋二

章績丞蔣夔皆不屈死事聞贈晏龍圖閣待制官其四子於死所立廟曰義烈歲時祀之嗣孟宣教郎儔及唐俊等皆京秩各官一子凝之戩之孫也嗣孟樂平人登宣和進士由司戶兼司理

楊邦又字希稷吉水人為學博通古今日不視非禮入郡學同舍生給遊妓館邦又愕然趨還解衣冠焚之痛自刻責舍選登第遭時多艱每以節義自許歷婺源尉廬建康三郡教授改知溧陽會薛良顯為叛卒周德所殘惟縣囚趙明力能制之出明於庭飲以酒諭之故遣去越日果討平之建炎三年金長驅至江杜充率眾投降敵鼓行逼建康城時戶部尚書李杲董軍餉顯謨閣直學士陳邦光為守皆具降狀逆之十里亭金帥完顏宗弼遂入城杲等率官屬迎拜惟邦又不從以血書衣裾曰

願作趙氏鬼宗弼不能削明日遣人說之許以舊官邦又以首觸柱礎流血曰世豈有不畏死而可以動者哉幸速殺我翼日宗弼與杲等宴堂上出邦又立于庭叱杲等曰天子委若等扞城敵至不能抗反共宴樂尚何面目見我敵相願動色然未敢害也己而宗弼再引見邦又不勝憤遣望大罵曰若輩俱亂中原天寧久相假耶行磔汝萬段安得汗我宗弼大怒殺之剖取其心時年四十四事聞贈直秘閣諡忠襄官其四子官為敘葬卹其地建廟額曰忠紹興七年高宗言于密院曰顏真卿異代忠臣朕昨已官其子孫邦又親為朕死節不可不厚褒錄以為忠義之勸加贈徽猷閣待制增賜田三頃 薛良顯字貴勤瑞安人登崇寧進士累官為大宗正丞至江東轉運使聞周德之變率眾與戰斬十餘級力不勝死之事聞贈卹良渥

弘簡錄 卷一百八十九 八 雜錄宋二

趙立徐州人少以敢勇隸兵籍木渚不知書忠義出于天性善騎射不喜聲色財利與士卒均廩給每戰擐甲先登有退卻者大呼馳至捧而斬之以功為武衛都虞候徐州被圍王復拒守命立督戰中六矢氣益厲復壯其勇酌酒揮涕勞之城陷復與其家皆死立奪門出身被重創已死夜半得微雨乃甦奮殺守者入城求復屍慟哭瘞之陰結鄉民為收復計金人北還立率殘兵邀擊斷其歸路奪敵舟金帛以千計軍聲復振遂復徐州詔授忠翊郎權知州事奏為復立廟遇歲時及山師必帥眾泣禱曰公為朝廷死必能陰祐其遺民也時山東諸郡莽為盜區立介其間威名流聞累遷右武大夫忠州刺史會金人圍楚州急通守賈致詩欲以城降杜充命立將所部兵赴之立馳騎往且載且行連七陣而後能達兩頰中流矢不能言以手指應既

入城休士而後拔。詔遂以守楚州。明年正月，金復來攻，立命撤廢屋城下，然火池，壯士持長矛以待。金人登城，輒鈎取投火中，金遂死。士突入，又搏殺之。賊稍引退。五月，兀朮北歸，以輜重假道于楚，立斬其人，奪之。兀朮大怒，乃設南北兩屯，絕楚餉道。立引兵出戰，大破之。會朝廷分鎮以爲徐州，觀察使泗州漣水軍鎮撫兼知楚州，初入城，合徐楚兵不滿萬，又不相能，立善爲撫，士樂爲用。所俘獲金人，磔以示衆，未嘗獻賊，劉豫遣其故人劉德齋書榜誘降，立不發書，曰：「我知有君父，不知有故人。」乃燒殺德。一日，擁六騎出城，呼曰：「我鎮撫也，可來接戰。」有兩騎將襲其背，立奮二矛刺之，墮地，奪兩馬而還。衆數十追其後，立與日大呼，人馬皆辟易。明日，金人列三隊邀戰，立爲三陣應之。金以鐵騎數百，橫分其陣，立奮身突圍，持挺大呼，敵驚落馬者不弘簡錄 卷一百八十九 九 惟德宋二

賊矣。言訖而絕。年三十七，衆咸巷哭，以參謀官程括擬使以守金人，疑其詐死，不敢動。越旬，城始陷，自金犯中國，所下城，率以虛聲脅降，惟太原濮州而立威名尤出。其上，金人不敢呼名。計至輟朝，贈奉國軍節度使，開府儀同三司，諡忠烈。官其子孫十人，屍得於燕樓下，頰骨箭穴存焉。命官給葬，事立，稱名曰顯忠。王復以龍圖閣待制知徐州，建炎三年，金人自虜虜引兵圍徐，復與弟倚嬰城固守，率軍民力戰，外援不至，城陷，復坐屬事不去，語粘罕曰：「死守者我也，他皆無預，願殺我而舍僚吏百姓粘罕欲降之，復殺焉，求死遂與，教授鄭褒巡檢楊彭年及閻門百口皆被殺，獨一子伯先去事，聞贈資政殿學士，諡壯節。立廟號忠烈，官其家五人。薛慶本起羣盜，驍勇敢鬪，能以少擊衆，擢知承州，金人自浙還，欲由運河引舟北歸，畏高郵扼其衝，乃盡力攻楚，慶遂真楊鎮撫，郭仲威同往迎敵，仲威按兵天長，陰懷願望，訖不行，慶引回，仲威拒之，倉皇墜馬爲追騎所獲，承州既陷，楚勢益孤，遂相繼而沒，事聞，贈保寧軍承宣使，官其家十八人。向子韶字和卿，宰相敏中曾孫，少與楊時友善，登進士，授承事郎，荆南節度判官，累京東轉運副使，劾屬郡郭奉世進羨餘，度不可長，士論避之，建炎二年，父憂起，知淮寧，金人犯界，諭士民汝等贊基之國，去此何之，吾與汝當死守，時有東兵四千人，第三將岳景毅欲棄城走，子韶不從，景毅引兵迎敵而死，金人壻夜攻城，子韶親擐甲，冒矢石，率諸弟固守，遣其弟子車赴宗澤乞援，未至而城陷，子韶率軍民巷戰，力屈爲所執，金人坐城上欲降之，左右抑令屈膝，子韶直立不動，戟手誓罵，遂見殺其

弟子衰子家等與閻門皆遇害惟一子鴻六歲得存事聞贈通議大夫諡忠教官其家六人楊時初聞難仰曰子能死矣茲知其素守云

徐徽言字彥猷閩中人少與劉光世東髮雅故為諸生汎涉書傳負氣豪舉有奇志喜功名大觀二年應詔以材武士召見賜武舉及第歷保德軍監押以邊功加開門祇候平陽府軍馬鈐轄權知保德軍改總領河西軍馬討西夏有功遷秉議郎會將伐燕太原帥張孝純命招河西帳族定天德雲內兩城童貫斌其功復乘去改知火山軍兼統制河西軍馬靖康初遷武翼郎閻門宣贊舍人金剛太原分兵絕饗道自關石以北命令不通徽言引三千人渡河一戰破之遷武經郎知晉寧軍兼嵐石路沿邊安撫使孫昌為金人所劫矯詔割河西三州隸西夏晉寧

弘簡錄 卷一百八十九 十一 徽言

軍民大恐徽言謂朝廷若乘麟府豐登豈能獨存設有詔猶當執奏况無之耶乃率兵復取三州夏人所置守長出降皆慰遣之又并取嵐石等州教戈船卒乘羊皮漚脫亂流以掩敵金人益備克吳砦吳堡津遺守領為九郡都統與晉寧對壘徽言出奇兵襲逐之又陰結汾晉土豪數十萬約復故地奏官為守長聽世襲條其事以聞云定全晉則形勝為我有中原當指期克復奏上詔徽言聽王庶節制議遂格金人忌徽言欲速拔晉寧以除患建炎二年冬自蒲津涉河圖之初徽言嘗與折可求為婚約約夾攻金人至是可求降婁宿挾至城下以招徽言乃登陴數以大義可求曰君於我何太無情徽言搆弓厲矢罵曰爾於國家既忍我尚於爾何情可求走出兵縱擊遂斬婁宿之子時河東環城皆沒晉寧孤壘橫當敵衝勢相什百徽言堅壁持

久撫摩傷殘大得衆心復遣人泅河召遺民逃伏山谷者幾萬衆浮筏西渡與敵鏖戰河上大小數十合所俘殺過當晉寧本號天險徽言復廣其外城東壓河下墜不測譙堞雄固器械嚴整命諸將畫餽分守敵至則致死力以勁兵往來為游魂金進攻數敗不得志圍之益急崇俗不井飲寄汲於河金人載焚石壘河支流城中水絕儲儲沒罄鎧仗亦空徽言獨奮枵腹哀折梁斷刃以死固守既自度不支取所為砲機筒格悉焚之曰無令遺敵遣人間道馳書勉其兄昌言曰悉力事君無孤國恩弟今死矣又露章劾光世救太原前却不進遂與之絕一夕裨校李位石斌飛帛書陰約婁宿外郭納之徽言與太原路都監孫邦決戰鬥中格殺甚衆退嬰牙城固守金兵攻之徽言閉妻子焚死室中自仗劍坐堂上慷慨語將士我守臣義不污敵手

弘簡錄 卷一百八十九 十一 徽言

因自到不殊左右號救金人挾之以去然猶懼其威名託所親說以冠靴入見徽言叱曰命服豈可以入穹廡婁宿就兒語曰二帝北去爾為誰守曰為建炎天子又曰我兵已南矣中原事未可知何自苦為徽言怒曰我恨不屍汝歸見天子將以死報太祖太宗地下庸知其他婁宿又出金國制書曰能小屈當使世帥延安舉陝地并有之徽言益怒罵曰吾荷國厚恩死正吾所此膝詎為鼠輩屈耶汝當親刃我不可使人相加婁宿以戟向之徽言解襟迎刃意氣自若宿飲以酒徽言持杯擲之曰吾肯飲汝酒乎金人知不可屈并其子岡孫昂同射殺之粘罕聞其死怒婁宿曰爾驍狠專殺義士以逞爾私治其罪甚慘張浚聞于高宗撫几震悼贈晉州觀察使諡忠壯再贈彰化軍節度使昂父翊宣和末知朔寧府救太原先死後從孫適守安豐亦

死蓋世著忠義云

李彥仙字少嚴初名孝忠自寧州彭原徙華州家在極邊者有大志閑騎射所交皆豪俠士每出必陰察山川形勢或剿敵人縱收取其善馬而歸神師中用為部曲入雲中獲首級補校尉後以效用從河東軍追陷拔歸道出陝以兵事見守臣李嗣大與語壯之留為裨將後殺通間金再犯汴范致虛合西兵入援彥仙遮說曰殺通道隘難以眾進不若分兵而前留其半於陝可為後圖致虛怒其沮眾罷遣之去為石壕尉堅守三背民爭依之敵攻三背彥仙設伏伴北敵追之伏發掩殺千計分兵四出下五十餘壁金人初得陝用降者以守使招集散亡彥仙陰遣士願其間敵不覺乃陽引兵攻南郭而潛師薄東北隅所納士內應謀而入遂復陝州乘勝渡河列柵中條諸山旁郡邑皆

弘簡錄

卷一百八十九

三

進德宋二

浚浚聞遣金幣犒其軍檄曲端領涇原兵來援端素疾彥仙出已上無出兵意幕官謝昇言於浚曰金且暮下陝則全據大河且窺蜀矣浚乃出師至長安道阻不得進裨將邵隆呂即登楊伯孫自外來接間傷什健有至者日與金人戰將士未嘗解甲晝宿雅奇其才略以河南兵馬元帥彥仙立斬其使叱曰吾寧為宋鬼安用汝富貴為設鈎索日取鈎金人春祈城上守陣者傷殘亦盡城遂陷彥仙率眾巷戰左臂中刃不殊金人必欲生致之彥仙易敝衣走渡河已而聞縱兵屠掠歎曰金所以甘心此城以我堅守故也我何面目復生遂投河死年三十六金盡戕其家惟弟夔子毅得免浚承制贈彰武軍節度使建廟商州號忠烈官其子給宅一區田伍頃紹興九年宣撫周鼎請即陝州立廟名義烈後以商陝與金徙其廟開州乾道八年易

弘簡錄

卷一百八十九

西

進德宋二

響應分遣邵雲等下絳解諸邑吏行文書請州印章彥仙曰吾以尉守此第用吾印事聞上謂輔臣近知一尉乃能如是朕喜而不寐即命知陝州兼安撫使益蒐軍實增陴濬溫為戰守備盡取家屬以來曰吾以家徇國與城俱存亡聞者感服邵與在神稷山以其家歸願受節制彥仙辟為統領河北忠義軍馬屯三門後賴其力復虢州金將烏魯撒拔再攻陝極力禦之而去建炎三年婁宿自蒲解大入彥仙伏兵中餘擊之復大潰宿僅以身免授右武大夫寧州觀察兼同統制置使度金人必併力來攻遣人詣宣撫張浚求三千騎婁宿率叛將折可求眾號十萬分為十軍以正月朔旦為始日輪一軍以攻至十日聚十軍併攻期三旬必拔彥先意氣如常潛使人縋而出焚其攻具金人愕而卻城中食盡煮豆以啖而取汁自飲至是亦盡告急于

諡忠成彥仙頌而長面嚴厲不可犯以信義治陝犯令者雖貴不貸與其下同甘苦故士樂為用有韓略善應變嘗略地至清澗猝遇敵依山植幟徐據柳林解甲自如敵疑有伏引去乃追襲之於隆關死相枕時關以東皆下陝獨存金必欲下陝然後併力西向而彥仙以孤城扼其衝再踰年大小二百戰金不得西城陷民無二心雖婦女亦升屋以瓦擲敵哭李觀察不絕雲與國登宋炎賈何闊平趙成皆死並贈官錄其家全陝遂沒邵雲龍門人金人陷蒲城雲聚少年數百壁山谷時出捷之會邵隆起兵雲往從之約為兄弟聞胡夜父眾彊舉所部聽命彥仙嘗假夜父官意不滿掠南原而去彥仙誘殺之雲欲攻陝彥仙遣客說以義遂來歸累有功官至武翼郎開門宣贊舍人被執欲命以千戶大罵不屈婁宿怒釘五日而磔之至扶眼摘肝

烈不絕。呂剛登夏縣人嘗為僧後應募從彥仙功最多為愛將入援時城已垂破身被重創相持泣曰得一見死且無恨方臥聞城陷遂起戰死。宋炎陝縣人以蹶張補乘義郎初圍時射死金人數百比再圍引勁弩數百發毒矢殺千餘人城陷金猶愛其善射欲活之炎不應併力戰死。

唐重字聖任眉州彭山人少有大志登進士徽宗制策問制禮作樂對以事親從兄為仁義禮樂之實陛下以神考為父哲宗為兄蓋亦推原仁義之實而已何以制作為哉投蜀州司理參軍改成都教授知金堂縣入為辟雍學錄召對極言拓地開邊之害歷遷吏部員外左司郎中起居舍人右諫議大夫金人構難朝議和戰遷守不一重告于欽宗決定守城之計金人要求金帛中書侍郎王孝迪下令許人許告有匿者死重曰如此則弘簡錄 卷一百八十九 五 莊憲宋二

子得告父弟得告兄如婢告主豈初政所宜疏論止之又累疏乞斬蔡京父子以謝天下尋轉中書舍人以多繳奏不合落職知同州擢天章閣待制高宗即位上疏論當今急務有四欲車駕西幸建藩鎮封宗子通夏國之好繼青唐之後使相倚角以緩敵勢大患有五謂法令不彰朝綱委靡軍政敗壞國用竭民心離宜大奮乾斷登用忠直時關中缺守上詢長安帥劉岑薦重擢天章閣直學士知京兆府兼經略制置使復申前議請上親幸關中以固根本然後營屯於漢中開國於西蜀此策之上若駐節南陽控吳越齊楚趙魏之師以臨秦晉之墟視敵強弱為進退此策之中儻因督都再治城池據成皋峭函之險悉嚴防守此策之下若引兵南渡則國勢微弱人心離散此最無策又條奏關中形勢并防河事宜自昔控制陝西六路捍蔽川

陝四路關中固則可保秦蜀十路無虞頃緣逐路帥守監司各有占護不相通融乞選宗親賢明者充京兆牧或置元帥府令總管秦蜀十道兵馬以便宜從事一應監司帥守並聽節制極急則合諸道之兵以衛社稷不惟可以禦敵亦可以救郡縣瓦解之失又言近來號陝殘破解與河中已陷同華沿河與金對壘邊面亘六百餘里本路無一可戰之兵乞增以五路兵馬十萬命官節制并委漕臣備侍以守不報乃留程迥提舉軍馬措置民兵金將婁宿已陷韓城時京兆兵皆調赴行在重慶勢不可支與迥詣種氏諸豪謀率眾保險俟敵勢稍衰出奇擊之轉運系京詢揭榜許民擇險自固會前河東經制傅亮建議當守不當避重從之去者悉還既而益迫復以迫行視南山諸谷將運金帛徙治其中名土豪集民兵以補軍籍時應募者眾亮語

弘簡錄 卷一百八十九 六 莊憲宋二

重曰人心如此假以旬日守備且具奈何棄去重然之遂與郭忠孝等分城固守重主東壁忠孝主西壁金人圍城忠孝引神符弓射敵不得前重先以書別其父克臣曰忠孝不兩立男義不苟生以辱吾父克臣報曰汝能殉國吾含笑入地矣又遣書迎使李唐孺曰重平生忠義不敢辭難始意迎車駕入關居建甌之勢庶可以臨東方今車駕南幸臣民望絕雖竭智力無所施一死報上而已固守踰旬外援不至傅亮奪門出降城遂陷重以親兵百人血戰諸將扶使去辭曰死吾職也遂中流矢沒唐孺上其書帝哀悼之贈資政殿學士郭忠孝字立之樞密達之子受易中庸於程頤著易說兼山先生以任補右班殿直登進士換文資授將作監每年踰三十不忍去親側仕河南堯卓問為河東路提舉王黼怒其廢格鹽法坐免靖康初名為

軍器少監入對力陳追擊之策謂今不能制其歸他日安能禦其來條上十餘事皆戰守利害士馬分合之策議者請擇保甲十萬分隸河朔諸郡忠孝言保甲歲久死亡者衆擇三萬人守都城可也矧河朔騎兵之地非保甲所宜上從之改永興軍提點刑獄乃亟走關陝得勝兵三萬分隸十將統之使趙澤器宣撫司節制金人深入忠孝與范致虛議河東無備願分兵走太行扼其歸路彼必來戰可解城下之圍致虛以為然檄重與河中席益同出河東以牽制之已引蒲解軍三千至猗氏踰絳州破太平砦斬首數百級攻平陽入其郭會大軍失利引還及是或勸忠孝以監司出巡可以避禍忠孝不答遂與景詢及副總管楊景閔判官會謂主管機宜文字王尚俱死之程迺字惠老開封人父博古部郎延兵戰死永樂迺以門蔭得官從楊弘簡錄 卷一百八十九 七 進德錄二

惟中征方臘有功加武功大夫榮州團練使瀘南潼川使臣合薦迺忠義謀略可任將帥召赴行在為重所留金人近城迺欲選兵迎戰使老稚得趣險尚可以活十萬人亮執議不從迺率諸司統制偏裨以下東鄉會盟曰危急必以死相應誓不與敵俱生慷慨嗚咽衆皆感泣聽命及城破乃自亮所分地亮先出降迺憤怒大呼其徒曰敵讐我矣降亦死不降亦死努力與爾多所斬殺復冒飛矢持短兵接戰數十合身被創絕而復蘇猶厲聲叱戰不已及死容色如生贈明州觀察使與重同諡恭愍官子昌諤忠孝亦贈大中大夫

呂祉字安老建陽人上舍釋褐建炎二年為右正言以論事忤執政通判明州紹興初起為荆湖提刑進直秘閣宣撫韓世忠辟議軍事除直徽猷閣充參議官三年陞直龍圖閣知建康府

與通判吳若安撫陳充共議上東南防守利便三卷勸帝移蹕江上以聯絡淮甸荆蜀之勢然後可繫南北離散之心若僻在一隅恐動失事幾致悞大計時世忠獨統銳卒住高郵社湖宜遣兵為援既而退保鎮江社又言王師一退似置江北於度外恐自此失中原心當急遣諸將親御六師上下協心庶幾可副中興之望上乃降詔親征五年召為中書門下檢正諸房文字歷吏戶兵刑四部侍郎進給事中為張浚督府參謀官遣入奏事所言誇大宰相趙鼎抑之帝謂他日必相不和必由于社後果論事不合鼎請駕回臨安社言當振士氣以挫賊鋒不可遽退以示弱七年遷兵部尚書仍參軍事往淮西撫諭諸軍論罷劉光世命王德為都統制鄭瑗副之二人素不協交訟於督府及御史臺朝廷罷德還建康以其軍隸督府仍命社往廬州節制之至日瓊等復面訟社論止之事雖稍定社大不直瓊密奏乞罷瓊兵權及統制官斬奪其書吏漏語瓊懼遂謀叛執統制官張瑛兵馬鈐轄喬仲福統制劉永衡皆死之瓊率軍四萬渡淮降劉豫據社及趙康直北行次三塔距淮三十里社下馬曰豫逆臣我豈可見之衆逼上馬罵曰我死則死於此軍中豈無英雄乃盡隨鄭瓊叛乎衆頗感動凡千餘人環立不行瓊恐搖動衆心急策馬先渡與康直皆遇害社妻吳氏聞之持其括髮之帛自縊語備載 弘簡錄慶元間詔立廟賜額以旌其忠贈康直徽猷閣待制

王忠植河東步佛山忠義人也紹興九年授武功大夫華州觀察使忠義軍統制知代州舉兵復石代等十一州擢建寧軍承宣使龍神衛四廂都指揮至河東經略安撫使十年金人圍慶

陽師巨宋萬年乘城拒守力屈降金川陝宣撫胡世將檄忘
以所部赴援陝西行次延安叛將趙惟清執使拜詔不肯就
金師撤離曷使甲士引詣慶陽城下諭降忠植厲聲大呼曰我
太行義士誓不降賊願將士勿負朝廷堅守城壁金帥怒忠植
毅然請死遂遇害世將上其事贈奉國軍節度使開府儀同三
司諡義節官其家十人

楊震仲字革父成都人少負氣節有志當世登淳熙進士知閬
州新井縣以惠政聞辟興元府通判權大安軍吳曦叛素聞其
名馳檄招之震仲辭疾不行以書遺家人曰人孰無死我死禍
止一身不及妻子若子能自立即不死矣時教授史次泰亦被
檄謀於震仲語曰大安為西蜀第一州若首從其招則諸郡風
靡顧力不能拒義當死之教授非城郭臣且有母在可不死因
弘簡錄 卷一百八十九 九 趙德宋二

賜次泰曰吾死以匹絹纏身斂以小棺足矣職遣偽都統郭鵬
飛代震仲趣其行鵬飛餞宴之震仲終飲不見顏色歸舍然獨
獨坐夜至三鼓呼左右索湯比至飲毒死矣次泰如其言斂而
真于蕭寺闔郡為之流涕蜀義士感慨奮發始有協謀誅逆者
職伏誅蜀帥楊輔以聞贈朝奉大夫直寶謨閣官其二子表里
曰義榮吳獵復請名其廟曰旌忠諡以節毅 次秦眉山人進
士及第時招者甚遽次泰遷延回避鵬飛迫之其母年高有智
教以桐油塗兩目末附子傅之比至日益腫因得放還後併上
其事收秩利路主管文字仕至合州太守又高橋土豪巡檢郭
靖先與四州之民不願臣金見金封職為蜀王悉棄田宅推老
稚順嘉陵而下行過大安遇震仲計口給粟得無餓死職盡驅
使還皆不肯行靖至白崖關告其弟端曰吾家世為王民不能

以死報國安忍棄漢衣冠願死於此為趙氏鬼時有利路常平
幹官劉當可母王氏亦義不降職與靖皆赴江死端平二年因
追錄震仲孫補下州文學併贈王氏和義郡夫人當可與升官
差除

李誠之字茂欽東陽人受學呂祖謙鄉舉舍選皆第一慶元初
教授饒州父母憂廬墓終喪為福建安撫司公事遷刑工二部
架閣國子學錄以言罷起為江西轉運司推知新州新自南渡
來未嘗被兵素乏備禦誠之至即相視城壁備樓櫓築牛馬牆
教閱廂禁民兵激以賞罰積粟四萬酒庫月例解錢悉寄公帑
以助兵食嘉定十四年任已滿代者未至遇金犯淮南嘆曰吾
以書生再任邊壘行年七十抑又何求義當為國死守不濟則
以死繼之乃與通判秦鉅協力捍禦選丁壯分布城守募死士
弘簡錄 卷一百八十九 十 趙德宋二

迎擊遇于橫槎橋大破之居數日金擁眾臨沙河欲渡又破之
明日兵大至決湟水焚戰樓又拒退之敵移兵要衝為必渡計
斬兵直前奮擊殺其部帥及將卒數十敵雖屢挫然攻益力竟
傳城下燔木柵圍之數重三月朔復攻西門射卻之俄造望樓
窺城誠之為疑兵以拒金人持書脅降誠之斬使而焚其書夜
出不意搆敵營敵為之稍却會黃州失陷守臣何大節投江死
金併兵十萬餘來攻池陽合肥援兵敗走朝命馮翊赴援遷延
不進城遂陷誠之猶引兵巷戰死傷路盡子士允力戰亦死遂
引劔自刎妻許氏及婦若孫皆赴水死 秦鉅字子野拾之會
孫城陷歸署疾呼吏人劉廸火詣倉庫後赴一室自焚子後澤
偕死事聞贈誠之朝列大夫封正節侯鉅義烈侯秘閣修撰淳
祐十三年又加顯節侯立廟新州賜額褒忠妻及婦贈令人士

允迪功郎汝澤及教授阮希甫皆過直郎賻銀絹各二百防禦
判官趙汝標斯春簿籍時鳳錄事杜諤俱承務郎監斯司都大
監殿剛中承事郎時統制孫中小將江士旺陳典曹全丘卞軍
士李斌等皆關死司理趙與裕先率民兵奪關出外求援僅以
身免而全家十六人皆沒

弘簡錄卷一百八十九終

弘簡錄

卷一百八十九

主

惟德宋二

弘簡錄卷一百九十

明刑部員外郎仁和弘齋邵經邦學

皇清翰林院侍講學士四世孫遠平校閱

旌德 宋十一之三

文天祥

諱孫夫

劉子俊

張汴

孫東

彭震龍

蕭明哲

杜濬

林琦

呂武

徐霖

江萬里

弟萬

陳文龍

張世傑

師

陸秀夫

李庭芝

徐宗仁

苗再成

趙一正

姜才

洪福

汪立信

陸附

文天祥字宋瑞一字履善吉水人體貌豐偉美背如玉秀眉長

目顧盼睥然語簡年二十舉進士對策以法天不息為言帝

親擢第一外艱服闋除寧海軍節度判官黃宋臣欲遷都避元

弘簡錄 卷一百九十

惟德宋三

天祥上書乞斬之不報出知瑞州改江西提刑入為刑部左司

郎官權直學士院當制語諷賈似道稱病要君又不肯呈棄似

道大怒使臺臣張志立劾罷之援例致仕年甫三十七咸淳九

年起為湖南提刑明年改知贛州兼江西安撫使德祐元年國

事告急詔天下勤王天祥捧詔大慟使方與召吉州兵諸豪傑

皆響應有眾萬人將入衛其文止之日今元兵三道鼓行破

甸薄內地君以區區烏合赴之何異驅羊搏虎乎天祥曰吾亦

知其然顧不自量力欲以身殉庶天下忠臣義士有聞風而起

者耳天祥性豪華平時厚自奉至是藏自貶損盡以家貲充軍

費每與賓佐語輒撫几流涕以忠義動之八月提兵至臨安除

浙西江東制置使知平江府兼督府參謀官總三路兵朝議方

擢呂師孟兵部尚書封呂文德和義郡王賴以求好師孟益假

蹇自肆天祥上疏言朝廷姑息牽制之意多奮發剛斷之義少乞斬師孟黷鼓以作將士之氣又乞分天下為四鎮建都督統御於其中以廣西益湖南而建闕於長沙以廣東益江西而建闕於陸典以福建益江東而建闕於番陽以淮西益淮東而建闕於揚州賁長沙取鄂賁陸典取浙賁賁番陽取江東賁揚州取兩淮使其地大力足以抗敵約日齊奮有進無退日夜以圖之彼備多力分疲於奔命而吾民之豪傑者又何間出於其中如此則敵不難破也不報十月至平江則元兵已發金陵入常州長驅至獨松關詔天祥乘平江回守餘杭權知臨安未幾宋降除天祥右丞相兼樞密使如軍中請和與元相伯顏抗論舉亭山伯顏怒拘之與吳堅賈餘慶謝堂家鉉翁劉岳北行至鎮江天祥與其客杜榘等十二人夜亡入真州制使李庭芝

弘簡錄 卷一百九十一 三

疑天祥來為元游說移文真州令亟殺之苗再成不忍給天祥出城以制司文出示閉之門外天祥乃東入海道遇兵伏環堵中得免然饑疲甚募二樵者荷以黃至高郵汎海入溫州上表益王勸進除觀文殿學士兼侍讀召至福州拜右丞相與陳宜中等議不合改為同都督出江西收兵七月行至汀州十月遣叅謀趙時賞諮議趙孟深將一軍取寧都叅贊吳浚將一軍取零都劉洙蕭明哲陳子敬皆自江西起兵來會鄒淵聚兵寧都眾至數萬元兵攻之淵敗同起事劉欽鞠華叔顏斯立顏起巖皆死武岡教授羅開禮起兵復永豐已而兵敗亦被執死於獄天祥為製服哭之至元十四年正月元兵入汀天祥遂移漳州乞入術時賞孟深亦提兵歸浚兵不至未幾浚降元來說天祥天祥縛浚殺之四月入梅州都統王福錢漢英跋扈斬以

五月入會昌六月入興國縣七月遣叅謀張汴監軍時賞孟深等盛兵薄城淵以頓諸縣兵擣永豐其副黎貴連以吉楮縣兵攻泰和等入縣復其半惟頓不下臨洪諸郡皆送款潭州趙璠張虎張唐熊桂劉斗元吳希與陳子全王夢應皆起兵節永開復數縣撫州何時等亦起兵應之分寧建昌三縣豪傑皆遣人如軍中受約束無何元江西宣慰李恒遣兵援贛州自將攻天祥於興國天祥引兵走即鄒淵於永豐時淵兵已先潰恒窮追至空坑天祥亦潰妻妾子女皆被執時賞坐肩輿追兵問為誰答曰姓文眾以為天祥擒之歸天祥以此得逸收殘兵奔循州駐南嶺黎貴連潛謀降軌而殺之明年三月進屯麗江浦六月入船澳會衛王立上表自劾乞入朝不許八月加少保封信國公軍中疫起其母與一子皆死十一月進屯湖陽盜陳懿

弘簡錄 卷一百九十二 三

劉興數叛天祥攻走懿執興誅之十二月趙南嶺淵子浚又自江西起兵來再攻懿懿乃潛導張弘範濟湖陽眾方飯五坡嶺弘範兵突至遂不及戰官屬陳龍復吳希與陳子全張唐熊桂皆死淵自頸死惟趙孟深遁去唐乃杖之後也天祥蒼皇出走千戶王惟義前執之天祥吞腦子不死引見弘範不拜弘範遂以客禮見與俱入崖山使為書招張世傑辭曰吾不能扞父母乃教人叛父母乎固索之乃書所過零丁洋詩與之云人生自古誰無死留取丹心照汗青弘範笑而置之崖山破軍中置酒大會弘範曰國亡丞相忠孝盡矣能以事宋者事元必不失為宰相天祥泣然流涕曰國亡不能扶為人臣者死有餘辜况敢賊心乎弘範義之遣人護送至京在進絕食八日至燕館人供張甚盛天祥不寢處坐以遠旦遂移兵馬司設卒守之世祖

愛其材令南官王積翁論旨欲官之天祥曰國亡吾分一死矣
僕緣寬假得以黃冠歸故鄉他日以方外備顧問可也若違官
之非直亡國之大夫不可與圖存至舉其生平而盡棄之將焉
用我積翁欲合宋官謝昌元等十人請釋天祥為道士留夢炎
不可曰天祥出復號召江南置吾十人何地事遂已居凡三年
元主知終不可屈與宰相議釋之不果至元十九年有閩僧言
土星犯帝座疑有變未幾中山狂人自稱宋主有兵千人欲取
文丞相京城又有匿名書言某日燒蕪城華車兩翼兵為亂丞
相可無憂元主疑丞相者天祥也召入問汝何願對曰天祥受
宋恩為宰相豈事二姓願賜一死足矣言者力贊當從其請元
主猶不忍有詔使止之至則死矣臨刑殊從容語吏卒曰吾事
已畢南鄉再拜而逝年四十七 鄒鳳字鳳叔吉水人徙永豐
弘簡錄 卷一百九十一 四 蘇德宋三

非之後妻仰天祥長妹起兵時檄招忠義士補宣教郎帶行監
官告院知縣事天祥擁兵出鎮里人奉桌復龍泉拒守不下尋
為叛者所陷執至臨與殺之 彭震龍字雷可承新人天祥次
妹婿性跌蕩喜事嘗以罪被繫起兵補宣教郎帶行大社令知
本縣會天祥出使被執震龍遁歸吉州已失乃結喇魯接應復
承新元兵至為親黨所執至帥府腰斬之屠承新 蕭勝夫承
新人與兄敬夫俱天祥客為詩有豪傑氣補從仕郎以贊震龍
謀復承新兄弟俱死 陳繼周字碩卿寧都人淳祐三年鄉貢
授廉州司法淮東總領幹官改廣東經略司準備差遣未上會
徵勤王兵天祥即日造請問計繼周具言方略與閩里子弟及
起兵之處甚悉發郡中豪傑并結溪洞蠻獠遂留幕中晝夜調
度權江西安撫司準備差遣率領士以從繼周外貌弱不勝衣
弘簡錄 卷一百九十一 五 蘇德宋三

士千人信口是徒為人累耳招淮士數千自隨居常快快嘆息
 日有將無奈何天祥自與國運承豐元兵追其後信譽機方
 石嶺中數矢傷重不能戰自投巖下死土人葬之顏色如生贈
 清遠軍承宣使立廟旌之 蕭明哲字元甫太和人性格剛有膽
 氣明大節少舉進士天祥開府汀州辟充督幹架閣監軍師出
 嶺明哲引嶺縣義兵復萬安連結諸將守兵敗被執不屈死
 於隆興大罵不絕口聞者壯之 杜濟字貴卿丞相範從子負
 氣遊俠初詔勤王濟方宰縣糾集民兵得四千人聞天祥開闢
 平江往附焉初陳志道等贊天祥出使元軍濟力爭不可已而
 果見留時無敢從行者濟獨慨然請行特改兵部架閣至京口
 以計略劉千戶得脫與天祥偕走淮甸至永嘉益王授司農卿
 廣東提舉兼招討副使督府參謀尋往溫台招集義兵福安陷
 弘簡錄 卷一百九十一 旌德宋三

與天祥相失遂趨行朝蘇劉義疑濟自來欲殺之宜中世傑不
 可久之復還幕空坑敗涉患難以出從至潮州議復趨海道
 天祥不聽使護海舟至官富場濟懼力單徑趨崖山兵潰被執
 以憂憤感疾卒 林琦閩人元兵迫臨安琦於赭山結集忠義
 數千捍禦海道以功補宣教郎天祥開府南劍命主管機宜文
 字兼充檢院琦外文采內忠實數涉患難無怨懟辭出湖被執
 至惠遁復執之北行赴水為吏所拔至建康以憂憤死 蕭資
 督府書史天祥起兵時資于患難中扶持甚至空坑敗以護印
 功升閩門鈐轄資性和厚臨機應變輯穆將士總攝細務任腹
 心之寄湖陽移屯與元兵遇死之 徐臻温州人德祐初父官
 河南臻往省以道阻會勤王兵起往依之以筆札典樞密小心
 精練天祥被執臻脫難復來扶持北行備管艱阻至隆興病死

金應性少剛知義為職書司入京補承信郎天祥奉使被執
 左右皆故慮獨無時志及脫走真江至淮其以憂憤死 何時
 字了翁撫州樂安人同天祥登進士歷廬陵尉臨江司理參軍
 改知興國縣辟署帥府機宜帶行監文思院尋轉江西運副督
 吉州餽運元兵下吉州脫身歸鄉天祥開府南劍時起兵趨興
 國復崇仁元軍奄至削髮為僧竄迹嶺南賣卜自給變姓名號
 堅白道人 陳子敬頤人以貨雄鄉里嘗從天祥遊天祥開闢
 汀州子敬募民兵屯皂口據下流及攻嶺與合謀忠效甚著空
 坑敗復聚兵屯黃塘連結山砦不降元以重兵襲其砦皆潰不
 知其所終 尹玉寧都人以捕盜功擢為贛州三砦巡檢勤王
 至平江同准將張全廣將朱華拒元兵戰于常州之伍牧全軍
 敗廣兵先遁贛州會全胡遇謝榮會玉四指揮軍亦遁惟玉殘
 弘簡錄 卷一百九十一 旌德宋三

軍五百殊死戰手殺三十人箭集如蟬援絕力屈被執元軍橫
 四槍於其項以挺擊之死餘兵猶夜戰殺人馬蔽田間無一降
 者質明生還者四人贈玉濠州團練使官其子二人賜田二頃
 以恤其家
 冊曰偽禁孔嚴人心不變開學崇理天開日觀養士之功
 於茲可驗
 江萬里字子遠都昌人祖璘父璘皆業儒號長者隣有史知縣
 祖父故寒士驟得居官以武斷誇其能意常輕璘璘俛首不答
 璘妻陳氏夢貴人入其家曰天以汝家善術理故遣來已而姓
 娠生萬里少神雋有鋒穎連舉于鄉入太學名聞理宗潛邸以
 舍選出身歷池州教授名試館職遷著作尚左郎官知吉州創
 白鷺洲書院遷提舉江西常平茶鹽兼轉運判官以直秘閣權

知隆興府判宗濂書院人為駕部郎中累殿中侍御史萬里器
望清峻論議風采傾動一時帝眷注甚厚嘗巧利養母不許乃
屬其弟萬頃奉母歸南康旋聞母疾不俟報馳至郡門得計而
息者誣萬里匿喪坐閑廢十有二年隆德與嘗其非宜撫賈
似道辟兩浙參謀官加贊章閣待制隨鎮漢陽遷刑部侍郎似
道入相以萬里兼國子祭酒充侍讀權吏部尚書景定二年進
端明殿學士同簽書樞密院事兼太子賓客復以言罷起知建
寧兼權福建運使寶祐三年加資政殿學士知福州度宗立名
同知樞密院兼參知政事萬里始雖倨仰容默為似道川然性
本峭直臨事不能無言似道惡之故每入不能久帝初立似道
嘗以去要帝涕泣拜留之呼為師相萬里以身掖帝云自古
無此君臣禮陛下不可拜似道不可復言去時似道不知所為
弘簡錄 卷一百九十一 九 洪德宋三

在相繼投沼中積屍如疊翼日萬里屍獨浮出從者草斂之事
聞報初三日贈太傅益國公高斯得言加贈太師諡文忠萬頃
歷守大郡提舉江西常平茶鹽官至正即時郴州守趙崇極寓
居城中亦死之
陳文龍初名子龍字君貴宰相俊卿後成淳五年廷對第一度
宗賜今名賈似道愛其文雅體重之名為崇政殿說書由秘書
郎遷監察御史自似道擅權所置臺諫皆闕耳凡有建白悉呈
稟而後行至文龍獨不肯知臨安洪起畏請行類田似道主之
文龍力言不可襄陽圍久且陷上疏極論其非又言范文虎總
帥無功反以知安慶是宜罰而賞也趙潛乳臭子何以勝建康
大闢之奇黃萬石急荒政事何以稱京尹彈壓之能請皆罷黜
似道大怒出知撫州使臺臣李可劾罷之未幾文虎首降潛殿
弘簡錄 卷一百九十一 九 洪德宋三

疑義及古人姓名似道不能對萬里從旁代應講畢帝入內王
夫人頗知書語以為笑似道因是積愆怒加資政殿大學士出
知慶元府不拜予祠咸淳五年起知太平州提領江淮茶鹽復
參政事封南康郡公既至拜左丞相兼樞密使日以襄樊為憂
請益師往救似道不答求去加觀文殿大學士福建安撫使以
疾辭提舉洞霄宮九年又起知潭州湖南安撫大使加特進萬
里年已七十六矣先聞襄樊失守鑿池芝山後聞偏其亭日止
水人莫論其意明年元兵渡江萬里隱於草野問為遊騎所執
大誦欲自戕既而脫歸執門人陳偉器手曰大勢不可支余雖
不在位當與國為存亡及饒州破萬頃被執索金銀不得支解
之萬里竟赴止水死無子以蜀人王楠子為後名鎬至是與左

中人議者以為不足用罷之其軍亦叛復命文龍為知軍平之
俄城陷被執不屈謂前載乃械繫送杭文龍去興化即不食至
杭餓死其母繫福州尼寺中病甚無醫藥人視之泣下母曰與
吾兒同入地又何恨哉眾歎曰有斯母方生斯子為收葬焉蒲
壽庚以泉州降告其民曰陳文龍非不忠義如民何聞者笑之
元兵既歸文龍之姪瓚復舉兵殺林華據興化凡八月元將唆
都復破城死之
張世傑范陽歸正人少從張柔成杞有罪奔宋隸淮兵中無所

知名阮思聰見而奇之言於呂文德召為小校攻安東州力戰
 與高達援鄂州有功轉十官尋從似道入黃州戰類草澤奪還
 所俘還環衛官歷知安東州咸淳四年北兵築鹿門堡文德請
 益兵調世傑與妻貴赴之及呂文煥以襄陽降命世傑將五千
 人守鄂州世傑用鐵鉅鎖兩城夾以砲弩其要津皆施杙設攻
 其德祐元年北軍破新城長驅而下世傑力戰不得前貴人招
 之不聽伯顏陽攻嚴山隘潛舟自唐港入漢東攻降鄂州詔世
 傑提所部兵入衛道復饒州入朝遣將四出取浙西諸郡復平
 江安吉廣德深陽諸城兵勢頗振七月與劉師勇諸將出知焦
 由引十舟結為方陣碇江中流示以必死非有號令毋輒發砲
 元帥阿朮以火箭攻之兵遂亂無敢發砲赴江死者萬餘人世
 傑奔圖山疏請濟師不報八月擢龍神四廂都指揮使總都督
 弘簡錄 卷一百九十 莊德宋三

明年元帥張弘範等至厓山眾請世傑宜先據海口無令北兵
 以舟師塞之世傑恐久在海上眾有離心動則必散乃曰頻年
 航海何時已乎今須與決勝負耳命悉焚行朝草市結大船作
 水砦為死守計人皆危之已而弘範果據海口樵汲道絕兵茹
 乾糧十餘日渴甚相海水飲之即噎世兵遂大困世傑率蘇劉
 義方典日大戰詳在弘二月癸未弘範復攻厓山世傑敗走衛
 王舟敵薄中軍世傑遂斷維以十餘艦奪港去後還收兵厓山
 劉自立擊敗之降其將方遇龍葉秀榮章文秀等四十餘人世
 傑復欲奉揚太妃求進氏後立之俄風颶壞舟溺死平章山下
 劉師勇廬州人以戰功歷環衛官德祐初領兵戍平江授榮
 州副總使其將劉圭以下各轉官有差其年五月復攻常州取
 之加和州防禦使助姚普守常州而以張彥守呂城彥兵敗見
 弘簡錄 卷一百九十 莊德宋三

執元將真彥城下招降師勇責以大義彥慚愧而退又遣范文
 虎來諭伏弩射走之俄城陷師勇拔柵且戰且行其弟馬璽墜
 躍不能出師勇舉手與訣而去是年十月轉福州觀察使十一
 月潰圍奔平江從二王至海上見時事不可為憂憤縱酒卒葬
 于鼓山

陸秀夫字君實鹽城人父徙鎮江自少才思清麗一時文人少
 能及之登景定進士辟李處芝淮南幕屬時天下稱得士多者
 以淮南為第一號小胡廷秀夫尤最知名性沉靜每僚吏至閉
 賓主交離獨斂衽無一語或時晏集坐舟間矜莊終日未嘗
 少有希合至察其事皆治處芝益器之雖改官不使去三遷至
 主管機宜文字從制置淮東權參議官累除至起居舍人以禮
 部侍郎使元軍前請和不就還與蘇劉義追從二王走温州遣

希引殿學士簽書樞密院事秀夫久在兵間熟知軍務陳宜中每事必咨訪始行秀夫亦悉心贊畫旋以議不合宜中使言者勅罷之張世傑議宜中此如何時動以臺諫論人宜中皇恐亟召還時君臣播越海濱庶事疎略每當朝會楊太妃垂簾與羣臣語猶自稱奴獨秀夫儼然正笏立如治朝屬非澳風炎熱王以驚疾殞羣臣皆欲散去秀夫不肯道錄復與衆共立衛王拜左丞相與世傑共秉政會厓山破秀夫度不可成仗劍盡室妻子入海即負王赴海死年四十四 翰林學士劉鼎孫字伯鎮江陵人舉進士在海上一王事爲一書甚悉以授禮部侍郎鄧光薦曰君後死幸傳之至是亦驅家屬并輜重沉海不死被執榜掠無完膚一夕得脫蹈海死其後厓山平光薦以其書還廬陵大德初卒其書存亡無從知故海上之事世莫得其詳

弘簡錄

卷一百九十一

主

莊德宋三

李庭芝字祥甫其先汴人十二世同居號義門李氏後徙廬山遷隋州特以武顯及庭芝生有芝產于屋棟遂以名之自少穎異日誦千言智識出長老上見隋守王旻貪殘不恤下衆多怨之告于諸父曰隋必亂請移家德安以避從之未浹旬旻果爲部曲挾以叛隋民死者甚衆嘉熙未登鄉舉時江防甚急不得行以策干孟珙請自效珙夜夢有李尚書謁已明日庭芝適至見其魁偉顧諸子曰吾相人多矣無如李生者其名位當過我屬四川有警卽以庭芝權建始縣既至訓農治兵選壯士雜官軍教之期年民皆知戰守善馳逐無事則植戈而耕兵至則悉出而戰夔帥下其法於所部行之淳祐初登進士辟主簿機宜文字珙卒復薦於賈似道庭芝感珙知已扶其柩葬之興國棄

官行服似道鎮京湖起爲參議官移鎮兩淮議桐汭口五河增淮南烽火二十繼知濠州復城荆山以備淮南皆切中機會開慶元年留權揚州尋以大兵在蜀奏除直寶閣開湖北安撫副使兼知夔州以防蜀江庭芝方以母憂去會李玳覲淮南制使趙與憲無謀瓊奪其所築南城遂出連水渡淮胡讓擇守揚者無如庭芝乃奪情授祕閣修撰主管兩淮安撫制置司公事遂破瓊兵殺其將厲元帥平南城而還景定二年除樞密都承旨兩淮安撫制置副使知揚州復敗瓊于喬村破東海石圍等城明年瓊降徙連水三城民於通泰之間五年就加寶章閣直學士揚新遭兵火廬舍盡燬賴瓊爲利而亭戶多亡公私蕭然庭芝至則悉貸民逋假錢營屋踰歲官民居皆具鑿河四十里以省車運之勞免亭戶宿負二百餘萬逃亡悉歸鹽利大典築大

弘簡錄

卷一百九十一

主

莊德宋三

城包平山堂募汴南流民二萬立武銳軍以實之敵至不敢窺水旱原不足贍賑以私財民德之如父母劉榮自淮南入朝帝問淮事具言庭芝老成謹重軍民安之今邊塵不驚百廢具舉皆陛下委任得人之效也咸淳三年就加兵部尚書五年轉兩淮安撫制置大使兼知揚州北兵圍襄陽復敗京湖兼襲路策應督師援之賜錢二百萬預備給賞范文虎貽書似道曰吾將兵數萬入襄陽一戰可平但無使聽命於京闕事成則功歸恩相似道喜卽除文虎福州觀察使其兵從中制文虎乃日勸美妾走馬擊毬爲樂庭芝屢欲進兵辭以取旨未至明年六月不得已始一出師未至鹿門中道遁去竟失襄陽陳宜中請誅文虎似道花之止降一官翁令知安慶庭芝自劾請代不允遂得

貶歸九年元復圍揚州起庭芝兩淮安撫制置使賜錢二百萬
 十年築清河口城賜名清河軍十二月元兵破鄂蕪湖兵沿
 江諸郡或降或遁無一人能守者庭芝首遣兵入衛為諸道勸
 王偁檄所部郡縣各嚴城守有持書榜招降者焚而梟之調苗
 再成兵戰其南許文德戰其北姜才施忠戰其中日持金帛牛
 酒燕犒將士人人為之死闘朝廷慰勞日至加叅知政事兼知
 樞密院事伯顏入臨安留元帥阿朮攻揚久不拔築長岡跨灣
 頭至丁村欲久困之城中之食命括民間粟盡令出之官戶已
 盡及於將校雜以牛皮麩藜有烹子而食者尚日出苦戰朔命
 使降庭芝登城謝曰奉命守城未聞降也元所遣詔使悉焚斬
 之時夏貴以淮西降阿朮驅至城下旌旗蔽野幕客以言覘之
 庭芝泣曰吾惟一死而已會益王立名為左丞相加少保乃以
 弘簡錄 卷一百九十 南 淮德宋三
 朱煥守揚而已與姜才將兵七千東入海南至泰州煥隨以城
 降庭芝妻子至秦裨將孫貴胡惟孝等閉門迎降庭芝則變
 赴蓮池水淺不得死被執還揚煥責以自用兵來積骸滿野皆
 庭芝與才所為不殺何俟死之日民皆泣下
 苗再成舊史無傳失其家世方文天祥自鎮江亡入真州再成
 知州事聞之出迎泣且喜曰兩淮雖敝足以興復特三閩小隙
 不能合縱耳天祥問計將安出再成曰今先約維西兵趨建康
 彼必悉方以拊乃指揮淮東諸將以通秦兵攻灣頭以高郵寶
 應淮安兵攻揚子橋以揚州兵攻瓜步吾以舟師直擣鎮江同
 日大舉灣頭揚子橋皆沿江扼兵且日夜望我師之至攻之即
 下使合攻瓜步之三而吾自江中一面薄之雖有智者不能為
 之謀矣瓜步既舉以東兵入京口西兵入金陵要浙歸路其大

師可坐致也天祥大稱善即以書遺二制置遣使四出約結會
 李庭芝疑阻不果行其年加再成濠州團練使有宗室趙孟錦
 為揚州都統司叅議官自少不羈再成倚以為重四月元阿朮
 入侵孟錦每戰輒當其鋒時知淮安許文德知盱胎張思聰知
 泗州劉興祖皆降再成帥兵大戰于老鵝嘴亦敗明年阿朮攻
 益急以重艦住江上孟錦乘大霧襲之頃之日高霧霽元人見
 其兵少逐之孟錦登舟失足溺水死城遂陷再成不風而死
 栢一正字粹翁廬州人武舉進士知高郵軍守邊有功擢閩門
 宣贊舍人為提刑司諮議官督戰被劄沒水與知興化縣胡拱
 辰皆死
 姜才濠州人貌短悍少被掠入河朔長亡歸隸淮南知兵善騎
 射以來歸人不得大官為通州副都統驍勇絕倫兼撫士有恩
 弘簡錄 卷一百九十 五 淮德宋三
 至臨陣紀律截然不可犯其子當戰回白事望見疑為退縮
 拔劔馳逐幾殺之會似道出師屬泰州守孫虎臣為先鋒相拒
 于丁家洲元軍鼓行而下才奮兵接戰兩軍方交虎臣遠過其
 妾舟眾見之懼曰步帥遁矣於是皆潰才收兵入揚州元兵乘
 勝攻才才為三疊陣逆之三里溝有功又戰揚子橋日暮兵亂
 流矢貫才肩拔矢揮刀而前所向辟易未幾太后瀛國至瓜洲
 才與庭芝泣涕誓將士欲奪以還出兵四萬盡散金帛犒勞夜
 持瓜洲敵擁兩宮去進戰至浦子市會不遇阿朮使人招之答
 曰寧死不降將軍元以兵攻灣頭柵騎旋渾舍騎步戰至四
 鼓全師而歸城中急欲得餉時遣才出其州高郵擁護六月
 至馬家渡適萬戶史弼將兵擊奪才與戰連日弼幾殆阿朮馳
 兵來援方解被圍既久庭芝名才計事屏左右語第聞才厲聲

云。相公不過忍片時痛耳。左右爲之汗下。自是以兵護庭芝第。期與俱死。會益王召授龍神四府都指揮保寧軍承宣使將泛海從之。阿木急引兵追及才疽發者不能戰。都督曹安國入隊內。執才以獻。阿木愛其忠勇。欲用之才。媢罵憤憤不已。阿木怒。尚之後。虎臣與元兵戰于焦山。孤軍無援。亦死。詔議官宋應龍。本儒生。知兵。出入行陣三十餘年。及是與妻同白經死。洪福者。夏貴家。值積勞爲左軍統制。鎮江北。貴降。福與子大淵。大源。祗候。彭元亮。結麾下兵。復其城。加右武大夫。知鎮巢元使。貴從子招降不聽。被殺。敵乃設計伏兵。遣貴親至城下。繆爲好言。請以單騎入城。慰勞。福懷舊恩。信之。懸門啓伏。發不能禦。遂執福。屠城中。并殺二子。福請南。向就刑。以明不肯國。大罵數。貴不忠。聞者流涕。

弘簡錄 卷一百九十一 汪立信

汪立信。澈從孫。會大父智從澈。宜諭湖北道六安。愛其山水。因居焉。自少家貧。淳祐元年。獻策招安。慶劇賊胡興。劉文亮等。借補承信。即六年。登進士。理宗奇其狀貌。雄偉。預以闕帥期之。授烏江簿。知桐城。通判建康。制使趙葵。辟充策應。參議官。更馬光祖。猶在帥府。會買似道。欲以軍興。時支散官物。罪諸闕帥。光祖與葵有隙。且欲迎合。名吏。稽勾不能得。適以元夕。張燈宴。設錢三萬緡。聞于朝。立信爭之曰。方艱難時。趙公蒞事。勤勞。甫去。一旦以非理。擣。設使後來者。復效今所爲。可乎。識者以爲義。權。京西提舉。常平。改知招信。軍景定元年。差知池州。權常州。爲浙西提刑。講行荒政。三年。升直華文閣。知江州。兼節制。斬黃興國。軍馬四年。加太府少卿。江西安撫使。提舉饒州。南康兵。甲咸淳。中。轉湖南安撫。歷知鎮江。潭州。潭爲湖湘重鎮。至則以累歲積。

官庫。錢代納貧民夏稅。無告者。予錢粟。病者。予藥。餌。雨。旱。涸。皆有振給。兼興起學校。士習爲變。初。威敵軍。募精銳。數千。後來者。願其用。五年。除秘閣。修撰。樞密副都承旨。沿江制置副使。九年。權兵部尚書。京湖安撫。制置使。知江陵府。兼襄陽路策應。湖廣總領。許便宜。行事。調度。賞罰。給錢二百萬。開門。備師。時襄陽圍急。立信上疏。請益安陸屯兵。凡邊戍。皆不宜抽。威又移。許似道。謂今日之計。者其策有三。內郡無事。多兵宜盡出之。江干以實。外禦計。沿江防守。不過七千里。若距百里而屯。屯有守將。十屯爲府。府有總督。其尤要害處。輒參倍其兵。無事則泛舟長淮。往來游徼。有事則東西奔奮。戰守並用。互相應援。以爲聯絡之固。此上策也。久拘聘使。無益于我。徒使敵得以爲辭。請禮而歸之。許輸歲幣。以緩師期。不三三年邊。遣稍休。藩垣稍固。生兵日增。可戰可守。此中策也。二策果不得行。則天敗我也。銜壁與觀之。禮請備。以俟。似道得書。大怒。抵之地。前日駭賊狂言。敢爾。蓋以立信目微眇。云尋中以危法。廢斥之。十年元兵大舉。似道出次江上。復以爲端明殿學士。沿江制置。江淮招討使。立信受詔。不辭。托其妻子于愛將金明。執手言曰。我不負國家。爾亦必不負我。遂行。碎徐道隆爲參議官。抵蕪湖。與似道遇。拊立信背。哭曰。不用公言。以至於此。立信曰。平章。勝賊今日更說一句不得。因問立信何向。答曰。今江南無一寸乾淨土。某處尋一片。趨家地上。死。第要死得分明耳。率所部數千人。至高郵。欲控引淮漢。以爲後圖。已而聞蕪湖師潰。江漢守臣皆望風降遁。大勸曰。吾今日猶得死于宋土。乃置酒名賓。佐與訣。手爲表。起居三宮。與從子書。屬以家事。夜中起步庭中。慷慨悲歌。搥拳撫案者三。遽失。

弘簡錄 卷一百九十一 汪立信

汪立信。澈從孫。會大父智從澈。宜諭湖北道六安。愛其山水。因居焉。自少家貧。淳祐元年。獻策招安。慶劇賊胡興。劉文亮等。借補承信。即六年。登進士。理宗奇其狀貌。雄偉。預以闕帥期之。授烏江簿。知桐城。通判建康。制使趙葵。辟充策應。參議官。更馬光祖。猶在帥府。會買似道。欲以軍興。時支散官物。罪諸闕帥。光祖與葵有隙。且欲迎合。名吏。稽勾不能得。適以元夕。張燈宴。設錢三萬緡。聞于朝。立信爭之曰。方艱難時。趙公蒞事。勤勞。甫去。一旦以非理。擣。設使後來者。復效今所爲。可乎。識者以爲義。權。京西提舉。常平。改知招信。軍景定元年。差知池州。權常州。爲浙西提刑。講行荒政。三年。升直華文閣。知江州。兼節制。斬黃興國。軍馬四年。加太府少卿。江西安撫使。提舉饒州。南康兵。甲咸淳。中。轉湖南安撫。歷知鎮江。潭州。潭爲湖湘重鎮。至則以累歲積。

聲三日扼吭而卒時德祐元年七月也表聞贈光祿大夫加太傅金明奉其喪歸葬丹陽伯顏入建康命求其家表以忠臣厚恤之子麟內書寫機宜文字不肯從衆降崎嶇走閩以死始立信未第時會歲大疫鎮江守吳淵命其客黃應炎為粥以食流民一見立信與語知非常人言於淵淵大奇之禮以上客凡供張暇即視應炎有加應炎頗快快淵解之曰此君吾地位人也但遭時不同爾君識度志業皆非其倫蓋少下之後所踐歷卒不與人故謂淵知人 徐道隆字伯謙武義人父煥知南雄道隆以蔭累潭州判官權知全州遷浙西提點刑獄時天祥既去平江潰卒四出為患安吉尤甚有旨命道隆措置乃梟其首亂者于市牛監軍遁范文虎程鵬飛管景模俱遣書誘降道隆焚書斬其使元兵至臨平令間道入授值水陸道絕不通議由太

弘簡錄

卷一百九十

九 德祐宋三

城郭者實不足以勸懲之耶今通國之所謂侯爵者丁大全袁玠沈翥張鎮吳衍翁應劭石正則王立愛高鑄之徒其首惡則董宋臣也凡廷紳抗疏學校叩關欲為陛下除惡乃釋不問豈真欲愛護此數人而重拂千萬人之心哉天下之事勢急矣若誤國之罪不誅則用兵之士不勇今東南天下已半壞于此數人之手而爵不損其豪毛彼方擁厚貲挾聲色高臥華屋而使三軍之在行者憤然不平曰稔禍者誰而我獨捐軀於兵革之間百姓之罹難者羣然皆怨曰召亂者誰而我乃流血於鋒鏑之下陛下嘗一念及此乎若使有言責者皆得以盡其言則國論伸而國威振臣雖屏處山林亦有生氣遷著作佐郎考功郎官兼崇政殿說書進讀敬天圖遷太府太常二少卿兼侍講侍立修注官國史編修實錄檢討知宰國府御史郭固論罷

弘簡錄

卷一百九十

九 德祐宋三

湖經武康臨安即日乘舟出臨湖門泊宋村德祐二年正月朔旦元兵追及之親從三百人殊死戰矢盡捨槳亦一軍盡沒道隆執囚艦內守者息乘間與長子載孫同赴水死餘兵脫歸者言于朝命贈官賜諡厚恤其家立廟安吉官其子孫

徐宗仁字求心永豐人登淳祐進士歷官國子監簿開慶元年伏闕上書言賞罰者軍國之綱紀賞罰不明則綱紀不立今天下如器之欹而未墜于地存亡之機間不容髮兵虛將惰力匱財殫環視四境類不足恃而所恃以維持人心奔走豪傑者惟賞罰之微權耳權在陛下而不知所以用之則未墜者安保其終不墜乎臣為此懼久矣陛下當危急之時出金帛賜土田授節鉞分爵秩尺寸之功在所必賞正當悉心効力圖報萬分可也數月以來幹腹之兵越江踰廣尚未聞有死戰陣死封疆死

弘簡錄卷一百九十 終

明刑部員外郎仁和弘齋邵經邦學

皇清翰林院侍講學士四世孫遠平校閱

旌德 宋十一之一 忠節

李芾 楊 趙卯發 邱 得遇 唐震 密 祐 米立 高稼

曹友聞 弟 陳寅 賈 子坤 劉 鏡 趙汝鼎 胡斌 高談 張珏 趙立

陳隆之 陳元桂 張頤 張 貴 范 天 順 牛 富 陳照 沈 普

王安節 父 陳奉 馬暨 兄 趙 劉 子 薦 袁鏞 新 增

李芾字叔章初由廣平徙汴高祖升舉進士有廉名金亂捍父俱死會祖椿徙衡州芾生而聰警自樹立既長望之凜然若神以蔭補南安司戶轉祁陽尉強力過人自旦治事無倦色夜率至三鼓五鼓復起辟湖南安撫幕官盜起永州芾與叅議鄧州

弘簡錄 卷一百九十一 旌德宋四

提兵千三百人破其巢擒賊魁將時選父子以歸餘黨遂平復攝湘潭令邑多大家藉藉出賦不避貴勢役大均平差知德清屬饑振荒有梓活民數萬有妖人扇亂芾來立解散除司農寺丞知永州臨事精敏有惠政姦猾不能欺承人立祠祀之轉浙東提刑知温州移浙西時瀕海及太湖盜發芾跡其出沒按捕置之法盜皆駭散作虎丘書院以祠尹焞置學宮親為規約從遊者甚盛咸淳元年知臨安似道當國事無鉅細關白始行會福王府趙人致死事有干涉芾以書往復辨論竟抵罪嘗出閱火具似道怒杖其家人使臺臣黃萬石誣以賊罷之元兵取鄂起為湖南提刑民因寇擾奔竄芾發所部兵捍衛縣與一皂賊令斬亂者民始帖然勤王詔下遣土豪尹奮忠將壯士三千人以赴時湖北皆已降元改芾知潭州兼湖南安撫使其友勸

勿行泣曰吾豈昧於謀身哉芾以世受國恩向雖廢棄猶思所以報今幸用我以家許國必矣值所愛女死一慟而行德祐元年七月至潭所在兵已調盡游騎至湘陰倉卒召募得三千人

命劉孝忠將之結溪峒以為聲援繕器械時芻糧柵江修壘寨留戍將吳繼明陳毅陳元推誠任之得其死力元阿里海牙既下江陵分軍常德過諸蠻洞而以大兵竟入芾所遣將戰死再調繼明兵不及出城已受圍芾慷慨登陴勉諸將以忠義分地而守自九月至十月親冒矢石督孝忠等大小數十戰死傷相藉箭盡括扇為羽取庫中積鹽席焚灰取鹽人飲血乘城三月不能下有招降者殺之以徇十二月聞益急砲風中孝忠不能起諸將以事急泣請曰吾屬不敢愛死如民何芾叱曰平時國家養汝正為今日芾死守勿復言力已竭元兵已除夕日登城

弘簡錄 卷一百九十一 旌德宋四

芾坐雄湘閣名帳下沈忠諭曰吾分義當死芾不可辱及吾家汝可盡殺家人而後及我忠伏地叩頭固命之涕泣許諾取酒飲家人醉乃徧刃之芾亦引頸受刃畢縱火焚其居忠還家殺其妻子至火所大慟亦自剄幕屬茶陵顧應焱安仁陳億孫皆死潭民間之多舉家自盡者繼明等以城降寶慶通判曾如驥因降亦死毅潰圍將奔閩中道戰死事聞贈端明殿大學士諡忠節一子裕孫遺留奉祀孫輔叔親迎於溫得免二王立悉詔入閩官之芾剛介不畏強禦居官廉潔屢經損斥家無餘貲好禮賢下士卽之溫然雖一藝小善亦惓惓獎薦之 尹穀字耕叟長沙人性剛直莊厲初處郡學積分升湘西書院又積分升嶽麓精舍三學生皆嚴憚之時尚詞賦毅與同郡那天榮董景舒歐陽逢泰刻意裁務為典雅頡頏圖浙每一篇出土爭效

之登進士調常德推官知崇陽縣所至廉正有聲內艱居家教授日未出授諸生經有才而不謹飭者擯不齒雖隆暑必盛服滅燭如免巾幘及門皆效之李庭芝薦知衡州需次于家帶禮請參謀軍事共畫備禦之策殺糾率民丁獎勵以義人殊死戰敵斷絕險要援兵不至殺與妻子訣誓以必死出弟岳秀于外以存宗祀城陷殺積薪局戶望闕拜已取告身焚之闔門縱火人於烈焰中見其端笏危坐少長不索帶聞之舉酒酌曰尹務實真男子已先我就義矣三學生成往哭之故城被多感激死

楊震字震仲少有志節以父大異恩補將仕郎銓試第一授修職郎桂嶺主簿有能聲五中漕舉歷鄂州教授復州司理參軍常澧觀察推官提知監利未上有疑獄微服廉得其實人稱神明碎荆湖制置司幹官呂文德素慢士常試以難事舍卒立弘簡錄 卷一百九十一 三 旌德宋四

辨皆合其意過有密旨出師東應准東靈口占授吏某將可任某營兵馬某庫器甲某城矢石某倉芻糧頃刻案成文德驚曰公材幹如此何官不可為吾安敢不敬密薦諸朝遷江陵通判隨事裁決庶務叢集處之泰然暇日與諸生講學取隸官開田增益庶稍選民強壯者付以器械雜兵當農隙訓練閱試行賞以激勸之始既無擾終皆獲用芾至湖南遷居憂起復奉議郎參議官有心計善出奇應變芾委以機務協力備禦會西北隅垂陷霆奮死巷戰抵暮增築月城比旦復完城破赴圍池妻妾皆死

趙卯發字漢卿昌化人上舍登第為遂寧州司戶潼川簽判宣城宰被論罷咸淳七年起為彭澤令通判池州有問以視身之道者曰忠義所以視身也此外非臣子所得言夏貴兵敗歸所

過縱掠卯發捕斬十餘人兵乃散明年正月元兵至李王河都統張林陽為守備以兵出巡江而陰納款守兵五百餘柄皆歸林卯發知不可為語妻雍氏以必死 備載弘 雍請先就死卯發止之德祐元年二月元兵薄池卯發為詩別諸兄弟遂與雍同縊於從容堂林開門出降丞相伯顏入問守臣何在左右以對即如堂中視之嘆息為具棺衾合葬於池上祭之而去朝廷從高斯得言贈華文閣待制檢文節妻順義夫人錄二子為京官 卯得遇邛州人字達夫登咸淳進士調寧遠簿累遷廣西提點刑獄逾年攝經略事兼知靜江府德祐二年移治蒼梧靜江破得遇朝服南望拜辭書幅紙云宋室忠臣邱氏孝子不忍偷生寧甘溺死彭咸故居乃吾潭府屈公子平乃吾伴侶優哉游哉吾得其所遂投南流江而死

弘簡錄 卷一百九十一 四 旌德宋四

唐震字景質會稽人登進士為小官權貴薦以廉震慮其干政輒取避之所至以公廉稱咸淳中由大理司直通判臨安尹潛說友倚似道勢驕甚一切政事無所顧讓會有獄將寘辟震力辨其非俄上刑部是震議六年江東旱播知信州奏減網運獨租賦令坊置一籍勸富人分粟使坊吏主給有勞者奏復其身咸感其誠事為盡力所活無算擢浙西提點刑獄似道屬以類田震固謝不能上疏爭之宗室有守阡份暴橫震以法捕治似道怒使御史陳堅劾去恭帝立起知僊州僉兵止千八百元軍略地震發民城守旆與出治兵中夜不寐特與國南康江州諸郡皆已歸附旁無救援告急皆不報兵使來索款狀通判萬道同偕寓士謀陰斂白金牛酒備降禮震叱去之民李希聖謀出降械質于獄城中感其義共殺使者明年二月兵大至都大

提舉鄧益道震出府庫金錢揭於市募人出戰衆懼無能應者北兵登陴遂潰震坐府中玉芝堂事急家人奔告番江門兵尚未合可走震罵曰城中民命皆係於我何忍棄之有與兵入左右逼書降廣震擲筆於地大呼不屈與兄椿及家人俱死張世傑尋復饒州判官鄧宗節求屍葬之贈華文閣待制諡忠介廟號褒忠官其二子及門客馮驥何新之驥後守獨松關新之守閩之新壘亦皆戰死

密祐其先密人後居廬州性剛毅質直累官至廬州駐劄御前遊擊中軍統領權江西路副總管咸淳十年以閩門宣贊舍人為江西都統伯顏下鄂州留阿里海牙守之朱禔孫道高世傑取鄂海牙以兵逆擊執世傑兵盡潰半入江西制使黃萬石招集之且募寧都廣昌南劍義兵千餘盡以屬祐祐元年十一月大兵至隆興劉槃兵敗萬石移治撫州將通懼祐不從乃謂祐兵援槃且戒以勿戰祐未至聞槃已降罵曰萬石賣國小人使我志不得伸已而元帥張榮寶呂師夔提兵逼撫州祐率衆逆之進賢進至龍馬坪大兵圍之數重矢下如雨祐告其部下曰今日乃我死日若力戰或有生理衆咸奮自辰至晷而中矢拔之復戰身被四矢三槍麾下僅餘數十人祐揮雙刀斫圍南走馬度橋斷被執元將宋都解愛其勇戒勿殺與歸隆興欲降之收繫月餘終不屈令槃與師夔誘以官遺之金符不受復引其子泣說曰父死兒將何之祐叱曰汝行乞於市第云密都統子誰不憐汝怡然自解衣就刑觀者泣下時有淮人米立三世為將從陳奕守黃州奕降潰圍出萬石署為殿前都統制迎戰于江被執不屈繫獄萬石既降再三諭之不從遂遇害

弘簡錄 卷一百九十一 五 蘇德宋四

高稼字南叔家世見前登嘉定進士調成都尉轉九隴丞內親免喪辟潼川府路幹辦公事制使崔與之聞其名改辟本司權知綿谷縣值歲饑捐橐中裝市粟以食民賴不死寶慶三年元兵至武階制使鄭損棄所遁往如淵辟稼通判沔州兼募職言蜀以三關為門戶五州為藩籬自前帥棄五州民無固志今亟當申理俾緩急有所保聚如淵然之勗山特八十四所與民約敵至則官軍守原堡民悉保山特募義兵五千為遊擊庶前庫所掠後弗容久又憂北兵由東道入改知洋州洋州地無守卒議移金州帥司千人為禦稼自任愧餉李心傳聞奏不報及鳳州破制司始從調赴而兵不時至漢中遂陷梁洋民數千萬盡趨安康稼不得已移屯黃金渡收散卒招忠義以制司命致安康故將陳昱委以收復之任昱部分諸軍名皆座華陽諸關守

弘簡錄 卷一百九十一 六 蘇德宋四

將凡得三千人稼竭帑庫贖之以州事付通判而自假節制軍馬沔州破元兵迫大安益昌大震稼督諸將亟趨沔自至西縣援之如淵以便宜命稼兼權興元府微守米倉稼移書謂今日之事如奕棋所校者先後者爾苟以分水三泉未倉為可保若敵自宕昌清川以入將誰禦之盍分興沔利三戎司駐鳳州俾制司已招之忠義關表復營之豪傑聯司以進兵氣奪矣如淵疑不決遽天水同慶被屠西和圖益急始會軍民數萬衆往援道梗不得前而城已破矣俄報若寨七方之師皆潰稼率遺民駐麻木縣召集保甲布間道以保巴山如淵既罷其黨汪剛中為御史欲使分罪反言敗實由稼坐削二官心傳訟其無辜制使趙彥呐復辟叅議官稼以制司近漢中蕩無藩籬宜經理仙人原以為緩急視師之地彥呐即以其事委稼乃繕營壘時

芻糧凡器甲開泉源守禦之規罔不備具除直秘閣知河州仍
 提點利州刑獄既至葺理剝殘招集流散民皆襁負來歸稼與
 神誓曰郡當兵難之後生聚撫摩所當盡力去之日誓垂彙以
 入劔門北兵入西和薄階州稼贊彥兩督曹友聞等兵大戰遂
 進三官為劔請大夫兼關外四州安撫公事措置西路屯田北
 兵自鳳州入東軍不能禦進搗河池至西池谷距河九十里吏
 民皆逃議欲退保大安稼曰今日之事有進無退能進據險地
 以身捍蜀敵有後顧必不深入若倉皇召兵退守內地敵長驅
 而前蜀事去矣彥兩曰吾志也已而竟行至且口輟帳前總管
 和彥威以軍還河兵入白水關距河六十里河無城依山為
 阻稼升高鼓譟盛旗鼓為疑兵名小將楊俊何璘悉以兵會調
 總管王宣益以精兵千人奔軍無紀律其衆皆潰先是友聞知
 河不可守勸稼移保山砦而自請以戍七方兵助之稼答曰七
 方要地不可棄吾信地不可離即事不濟有死而已子斯得亦
 以時危任重為憂稼舉田承君五日不汗之言語之又遺書心
 傳曰吾必堅守河無河則無蜀矣自謂此舉可以無負知己及
 事迫參議楊約勸姑保大安稼厲聲曰我以監司守城郭爾以
 幕客往來應援各行其志常平司屬官馮元章率吏士力請少
 避亦不為動城既陷兵騎四集圍之遂死詔進七官贈正議大
 夫龍圖閣直學士諡曰忠斯得執政累贈太師稼慷慨有大志
 真德秀素以國士期之聞人有善稱之不容口不善必加而折
 推轂人士常恐不及輕財如士死之日聞者莫不於邑所著有
 縮齋類藁三十卷

曹友聞字允叔偕弟友諒弟萬俱同慶栗亭人少有大志友聞

登寶慶進士辟天水教授單騎入圍城格家財招忠義得健士
 五千制使李塏製大旗書滿身旛以旌之檄領所部守仙人關
 元兵至今諸軍乘高據險身冒矢石為士卒先兵退復捍七方
 關已而元兵破七方至大安又分兵自嘉陵江木皮口突出何
 進軍後進敗死敵長驅入劔門友聞與弟萬各率所部取問道
 過旴州山至青葛嶺戰于白水江兵退制司檄駐劔州討叛將
 魯珍部曲肆焚劫者斬郭虎簡廣楊仲等餘黨散去檄知天水
 軍元兵入鳳州略河池抵同慶友聞密遣統制王漢臣統領張
 祥投以方略取問道出戰兵至城下友聞部分諸將各守一門
 假旗伏鼓俟敵近鳴鼓張旗敵矢石並發自提重兵尾敵後大
 戰有功端平初遣萬與忠義總管時常可分兵碎石頭大戰數
 合上功授承務郎元兵又自西和至階州友聞曰階雖非吾境
 弘簡錄 卷一百九十一 八 旴州宋曰

登可坐視引兵與諸軍會命統制全貴為先鋒夏用出其左張
 成出其右總管陳庚及萬友諒往來督戰有功趙彥兩節制
 利帥司軍馬措置邊而換武翼大夫開門宣贊舍人差權利州
 駐劔石門控扼七方關明年北兵破武休關入沔陽進圍青野
 原友聞乃遣萬領兵自冷水口渡嘉陵江至六股株間道直趨
 屢戰有功制使奇萬之勇令督諸軍戰守友聞亦引精兵至原
 下截戰圍遂解特授武德大夫左驍騎大將軍元兵又搗大安
 友聞遣統制王資白再興速趨難冠隘王進據陽平關而自登
 溪嶺手執五方旗指麾前軍兵數萬突至進及遊奕部將王剛
 疾戰又親帥帳兵及背嵬軍突出陣前左右馳射兵退友聞料
 敵必旋兵攻難冠隘呼陳庚時當可急往援之既而元果引步
 騎萬餘攻隘庚率騎兵直前當可分步兵左右翼並進資與再

與又自隘出。蹀血十餘里。兵乃解。特授眉州防禦使兼沔州
駐劄管關外四州安撫。權知沔州。弟萬差知同慶府。四州制置
司帳前總管。明年友聞引兵扼仙人關。謀開北兵合西夏女直
回回吐蕃渤海軍五十餘萬。大至馳書彥呐曰。沔陽蜀之險要
吾重兵在此。敵有後顧憂。必不能越此而入蜀。大安地勢平曠
無險可守。正敵騎所長。非兵所短。况衆寡不敵。豈可於平地控
禦彥呐不以為然。北兵先攻武休。關敗。都統李顯忠軍遂入興
元。欲衝大安友聞。謂以寡擊衆。非乘夜出奇。內外夾擊。不可
乃遣萬友諒引兵上雞冠隘。多張旗幟。以疑敵。而密選精銳萬
人。乘夜渡江。設伏以待。北兵果至。萬出逆之。敵將入都魯達海
各擁衆搏戰。矢石如雨。萬身被數創。友聞遣統制楊大全馮大
用出東萊園。總管夏用超與山水嶺。總管呂嗣德陳庚出龍泉
山。簡錄 卷一百九十一 九 旌德宋四
頭而親帥精兵三千疾馳至隘下。先遣保捷統領劉虎帥敢死
士五百衝前軍不動。又伏騎三百以伺。會大風雨。諸將請俟少
霽。叱曰。伏兵在此。緩必失機。遂擁兵並進。友聞入龍尾頭。萬聞
之。五鼓出隘口。與友聞會。內外兩軍皆殊死戰。血流二十里。黎
明北兵益增鐵騎。我軍沾濕不利。血戰愈奮。與萬俱死。北兵遂
長驅入蜀。事聞。特贈大中大夫龍圖閣學士賜卹。褒忠諡。毅節
官二子承務郎壻。功郎萬武翼大夫二子成忠郎
陳寅以父威蔭補官。仍領漕司。貢紹定初。知西和州。西河乃極
邊重地。民倚都統何進為固。已而進出守大安。舉家盡行人。無
固志。寅獨留妻杜氏并三子。誓曰。人各私戀其家。將誰共者。因
結忠義與推官賈子坤為必守之計。北兵十萬來攻。例驅脅降
者於前。寅草檄文諭之。令自別親執旗鼓。激厲將士。迎敵力戰。

矢石如雨。乍退復來。寅帥忠義民兵與敵死。士奮力退之。制司
偏以其功。播告列郡。諸將皆忌敵。復伐木為攻具。增兵至數十
萬。圍城。寅求援於進。進與寅素不協。久之方遣忠義人陳瑀等
往救。率觀望不進。寅晝夜苦戰。兵竟不至。遂陷。杜氏即登高絕
自飲藥。與二子及婦先死。寅斂而焚之。乃與子坤別。服登城樓。
望闕號泣曰。臣不敢負國。再拜伏劍死。一時賓客同死者二十
八人。子後至。亦欲自殺。軍士抱持之曰。不可使忠臣無後。與
俱縊城。亦折足死。子坤家十二口亦俱死。事聞。贈朝議大夫。右
文殿修撰。賜錢三千緡。卹州治與所居鄉立廟。復加華文閣待
制。諡褒節。子坤字伯厚。潼川軍人。登嘉定進士。既死。贈承議
郎。其父崧尚在封承務郎。子仲武官宣教郎。隆州簽判。至奉議
郎。通判果州。卒。孫昌忠純孝。同登咸淳進士。純孝教授揚州。受
弘簡錄 卷一百九十一 十 旌德宋四
知李庭芝。詞江淮總幕。文天祥又辟為佐。授秘書丞。權吏部郎
中。母憂起復。為右司轉。朝散郎。岳山被抱。二女偕妻。牟氏同蹈
海死。同時乘城者。知文州劉銳。與通判趙汝鼎。率軍民七千
餘人。晝夜搏戰。殺傷甚多。拒守兩月餘。城中無水。取汲于江。會
陳昱以失守。沔編置此州。夜踰城降。且獻女告虛。實敵遂增兵
阻水。兵民咸渴。至於吮血。卒無短意。自虐不免。集家人飲之
以藥。聚屍及公私金帛。告命悉焚之。家素有禮。幼子同哥。纔六
歲。酒至亦不辭。後父子二人同登文王臺。自刎。汝鼎宣城
人。善射。城垂陷。猶提雙刃入陣。中十六箭。被執。先斷其兩臂。而
後斃。殺之。軍民死者數萬。又金州通判蹇彛。潼川通泉人。登嘉
定進士。亦以堅守被擒。不屈死。其子承叔復力戰。舉家死焉。弟
維之。登紹定進士。利州都統王宣。辟行參軍事。亦迎敵力戰死。

特官其子 又黎州通判何充漢州德陽人秘書耕之孫攝州
 事預為備禦及未能之至建議急於叩嶽創大小兩關倉及柴
 屋百間命親往督程役俄關破自刺不死元軍帥呼之許以不
 殺且指其幕曰汝降即坐此充不應踞坐于地元將令充斃頂
 受降充大呼曰可殺不可斃使署招民榜堅不肯遣以酒茗羊
 牛皆却之自是絕不食飲敵知其不可強嘆曰好漢也遂斬之
 妻陳氏將死親戚或勸其自免陳正色曰我與兒婦義不苟活
 汝等自求生可也眾感泣願同死者四十餘人因罵不絕口眾
 以石擊殺之勇士麟孫駒行從子仲桂皆先死惟長子士龍得
 免 又王朔字公輔郿縣人登寶慶進士嘗為吳職幕官職叛
 抗節不屈為陳大義賊怒囚之職誅後得免嘉熙元年制使丁
 黼辟為參議官先遣其家歸鄉里為文訣先墓誓以身死報國
 弘簡錄 卷一百九十一 十一 忠義錄
 及北兵至帳前提舉官成駒先走黼倉卒迎敵敗死期與司理
 王璩運司幹官李日宣等募兵拒守眾寡不敵兵遂入朔朝服
 危坐元將問曰汝何人曷為不走答曰願與此城俱亡相顧曰
 忠臣也戒勿殺竟赴井死後出其屍衣冠儼如生時元兵入漢
 州運副蒲東卯權州事劉當可判官邵復錄事羅由司戶趙崇
 啓知維縣羅君文皆不屈死復雍六世孫也入眉州知丹陵馮
 仲擘死之取簡州州守李大全死之叩守趙晨親率雅州牌手
 出戰力盡死至遂寧民兵趙明拒戰左臂已斷而戰不休至重
 慶進士胡天啓負母而逃被獲大將奇其貌欲活之今日從我
 當共富貴天啓呼天大罵欲殺其母其妻張氏哀號願以身代
 不聽於是夫婦與母咸死事聞皆立廟賜諡褒恤有差
 胡斌殿前司軍士紹定三年江閩寇作從將官童德興提禁旅

成帥武賊知有備未敢犯會招捕司檄德興稟議獨留斌將弱
 卒數百留城中賊大至他將士皆遁斌獨奮身迎賊所格殺甚
 眾賊益生兵而來官軍所存僅數十人郡民死者萬計其生者
 尚數千由東門而出或告以眾寡不敵盡避之斌欲緩其勢使
 民得遠走與賊巷戰大呼曰我救百姓俄兵盡矢窮遂遇害其
 屍僵立移時始什事聞贈武節大夫錄後一人審院編修王榮
 請即戰地立廟就以武節為額詔從之 時南去則汀劍西去
 則肝頓皆為盜區東去富沙雖有城避官吏弗納北去廣信防
 夫守禦利人囊篋指民為謀數剽殺之有尤澤人高談字景遂
 平居言動必守禮法為鄉人敬附語諸弟子曰往歲燕山盜起
 則河北關中可避入關則河南漢南可避今惟兩廣寧保其無
 寇乎吾惟存心以聽命爾盜入諸子又請談曰家廟皆在去將
 弘簡錄 卷一百九十一 十一 忠義錄
 安之會賊欲東破武陽思得耆老如談者使率是鄉子弟往以
 濟事脅執以兵談涕泣罵曰斯言異為至於我哉唾賊大罵遂
 遇害里人賴以免
 張珏字君玉隴西人魁雄有謀善用兵年十八從軍釣魚山以
 功累官都統制號四川越將寶祐末北兵攻蜀破吉平隘拔長
 寧守將楊禮周德榮王佐父子俱死之至閬州降安撫楊奩推
 官趙廣死之至遂州降守將張大悅運使施擇善死之至順慶
 廣安諸郡破竹而下帥臣段元鑑城守麾下劉淵殺之以降遂
 圍合州珏與州守王堅協力戰守攻之九月不能下景定初徵
 堅入朝代以馬千其子為敵所得屢以脅勸降乃更以珏代千
 除御前諸軍都統制利東安撫使與元府駐劄兼知合州珏出
 奇設伏算無遺策在合練士卒精器械御部曲有法雖奴隸有

功必賞雖至親有過必罰故人人用命自全汝將失大食坪北人築虎相山駐兵廣安大梁兩城時出攻梁山忠黨開遠民不得耕兵不得解每餽餉用數郡兵護送死戰城下始得入咸淳二年冬珪遣統制史照王立監軍王世昌等以死士五十斧西門入大戰復其城事聞改廣安城爲寧西軍推恩得賞有差三年四月平章賽典亦提兵入重慶出合城下珪旋舟江中斷爲水城北兵攻之不克遂引去合經余介更築壁壘甚固及開慶受兵民苦凋弊珪以兵外護民耕內教墾田數年公私兼足適叛將劉整獻計於敵自青居進築馬驤虎頭山扼三江口以圖合左右欲與珪爭珪不可曰我山不意攻燕菁平毋德彭城敵必顧其後不暇城矣又火其資糧器械越砦七十里焚船場統制周虎戰死馬驤城迄不就上功授正任國練使帶行右領軍衛大將軍賜金帶五年與安西都統張朝寶領兵獲錢粟餉寧西軍還至水碓頭戰有功詔推賞八年移築宜勝山城九年復馬驤山以功來上十年表請城馬驤虎頭兩山以據險要如寧江軍承宣使德祐元年加檢校少保四川制置副使知重慶府朝命遣趙立徵其兵入衛加寧遠軍節度使蜀道斷不得達無以復命還至涪立沉水死六月合州外城破王立降守將侯都統戰死已而濫敘長寧富順開達巴渠諸郡皆下會兵圍重慶作浮梁三江中斷援兵自秋徂冬珪問道死士入城許以赴援且爲畫守禦計二年正月遣其將趙安襲青居執安撫劉才參議馬嵩以歸二月復遣張萬以巨艦載精兵斷內水橋入城四月會兵出攻鳳頂諸砦復結濫土劉霖先坤朋爲內應六月遣趙安破神臂門執梅應春殺之復瀘州重慶兵漸解復圍瀘州

十二月趙定應迎珪入重慶時楊立以涪州降珪遣張萬攻立俘其妻子并僚屬馮異午等及安撫李端以歸更以都統程聰守涪重慶兵乃盡退聞二王立廣中遣兵數百求王之所又謂史訓忠等援瀘州趙安張萬復入襲達忠三州拔石門及巴巫砦獲將士百餘人解大寧圍又攻破十八砦明年六月張德潤復破涪州執守將程聰初聰在重慶力主守城之議珪實不知也使出守涪聰快快不設備遂及於敗是月梁山軍袁世安降十月萬州破殺守將上官夔十一月瀘州食盡人相食亦破安撫王世昌自經死元兵會重慶駐佛圖關遣瀘州降將李從招珪不從十二月達州降將鮮汝忠破咸淳皇華城執守將馬堃軍使包中巷戰死至元十五年珪遣總管李議將兵由廣陽出一軍皆沒二月遂破重慶降趙安張萬張起巖與帳下韓忠顯執守將鮮龍湖幕官趙西泰樓宜曹琦皆自殺珪出薰風門與大將也述解兒戰扶桑壩諸將從其後合擊之兵潰復率兵巷戰不支歸索鳩飲不死以小舟載妻子踰躍赴水又不得遂被執送京師至安西其友謂之曰公盡忠一世以報所事今至此縱得不死亦何以哉乃解弓弦自經從者焚其骨而葬之死所 趙立字德修重慶人登進士上書廷買似道被謫起爲太社令至湖州提刑陳隆之嘉熙四年爲四川制置使知成都府淳祐元年十一月蒙古塔海都汪世顯復圍成都四守彌旬弗下部將田世顯乘夜開門北兵突入隆之被執舉家數百口皆死檻送至漢州命諭降漢州守臣王夔隆之呼夔語曰大丈夫死爾毋降也遂見殺後五年提刑袁簡之上其事特贈徽猷閣待制賜諡立廟官

其二子同時儒林郎王鞏闕門死于兵贈通直郎又威州棋城主簿史季儉及子良震皆楊戩爭赴難死各特贈兩官與鞏子俱受汴州文學初北兵入閩州奉國縣簽廳陳承已妻彭氏罵賊死追封恭人立廟本州普州何叔丁簽判楊仁舉兩家二十餘人皆死于難叔丁孫嗣祖仁舉子肖翁被俘逃歸詔贈官存恤之十二月癸亥北兵進攻汝州帳前都統楊大全等水陸並進自卯至午戰十數合及于行伍詔贈武節大夫眉州防禦使官其二子承節郎

陳元桂撫州人登淳祐進士累官知臨江軍遇歲不登兼問警報築城備禦以焦勞致疾親戚有勸其移治者答曰無為浮議所奪時事如此與其死於饑饉盜賊孰若死於守土之為光明俊偉也開慶元年春北兵抵城制置徐敏子在隆興頓兵不進

私簡錄 卷一百九十一 五 旌德宋四

元桂力疾登城坐北門亭督戰矢石如雨力不能敵或勸之避去不從左右欲翼而下抱而走者皆却不可家人復請登舟亦不聽敵至瞳目叱罵遂死之越四日方斂體色如生事聞贈寶章閣待制賜殮錢十萬與一子京官一子選人恩澤立廟北門

諡正節

張順與張貴皆民兵部將後為鄂州水軍統制襄陽受圍五年援兵不至張漢英守樊城募善泅者寘蠟書髻中藏積草下浮水而出謂鹿門既築勢須自荆郢救援泅者被獲於是鄂鄂之路亦絕李庭芝諜知西北有水曰清沈河源出均房即其地造輕舟百艘以三舟聯為一舫中一舟裝載左右舟則虛其底而掩覆之出重賞募襄鄂山西民兵驍勇善戰者三千人求將得順與貴俗呼貴曰矮張順曰竹園張俱智勇素為諸將所服以

為都統今日此行期於必死汝輩或非本心宜亟去毋敗吾事人人感奮時漢水方生百艘齊發各置火槍火砲熾炭巨斧勁弩夜漏下三刻起可出江以紅燈為識貴在先順殿之乘風破浪從犯重圍至磨洪灘以上北軍舟師布滿江面無隙可入眾乘銳凡斷鐵纜攢棹數百轉戰百二十里黎明抵襄城城中聞救至踊躍氣倍及收軍傷失順越數日有浮屍遡流而上被介冑執弓矢直抵浮梁視之順也身中四槍六箭怒氣勃勃如生諸軍驚以為神結冢斂葬立廟祀之貴既抵襄欲求援荆鄂乃募二士能伏水中數日不食使持蠟書赴鄂北兵增守益密水路連鎖數十里列撒星柁二人遇柁即銜竟達鄂還報許發兵五千駐龍尾洲以助夾擊刻日既定乃別呂文煥東下點視所部軍帳前一人有過被撻忽亡去貴驚曰吾事泄矣亟行彼或

私簡錄 卷一百九十一 六 旌德宋四

未知乃鼓噪發舟破圍冒進眾皆辟易既出險地夜半天黑至小新城大兵邀擊以死拒戰至勾林灘漸近龍尾洲遙望軍船旗幟紛披貴軍喜躍舉流星火示之即前迎及勢近欲合則皆北兵也蓋郢兵前二日以風水驚疑退屯三十里而北兵得逃卒之報反據龍尾洲以逸待勞貴戰已困出於不意殺傷殆盡身被數十槍力不能支被執不屈死之敵昇屍至襄城下今日識矮張乎守陴者皆哭城中收貴屍附葬順冢立雙廟祀之咸淳九年贈順寧遠軍承宣使官二子承信郎賜廟額忠顯又荆湖都統范天順文虎猶子為左領軍衛將軍日夕守戰尤力及文煥降仰天嘆曰生為宋臣死當為宋鬼即所守處繼死同贈靜江軍承宣使封妻宜人又右武大夫侍衛馬軍司統制牛富霍丘人勇而知義使守樊城累戰不為勦數射書襄城相

與固守為辱。商兩城。凡六年不拔。富力居多。城破。率死士百人。巷戰死傷不可計。渴飲血。木轉前。遇街道。燒絕身。被重傷。以頭觸柱。赴火死。同贈寧遠軍節度使。諡忠烈。賜廟建康。各官二子。承信。郎賜白金與田各五百兩。敵裨將王福歎曰。將軍死國事。吾豈宜獨生。亦赴火死。又隨人邊居。詎初事李庭芝。積功至都統。制使守新城。善御下。得士心。凡戰守之具。治之皆有法。北兵至沙陽。守將王大用被執。意新城小壘。可不攻而破。直抵城下。居詎率舟師拒之。文煥命列沙陽所斬首。招降不從。明日縛大用。至使呼亦不答。又射勝。傲入壁中。居詎應曰。吾欲與呂叅政語耳。文煥以為降。已馳馬至伏弩。亂發中。文煥者三。并中其馬。馬仆。幾鈞得之。眾挾上他馬。奔走。越二日。總制黃順開東門。出降。使順來招居詎。責以大義。順又呼其部曲當門斬之。居詎亦節錄。卷一百九十一。七。旌德宋四。

取家財盡散。將士往來督戰。會暮元兵破。侵漢樓火。延民居。居詎度力不支。還第。拔劍自刎。不殊。赴火死。伯顏壯其勇。購屍觀之事。聞贈利州觀察使。立廟死所。又呂文德弟文信。仕至武功大夫。沿江副司。諮議官德祐初。帥舟師。次南康。與北兵遇。戰死。特贈定遠軍承宣使。子師憲。特與帶行閣職。又與兩子承信。郎輔。周和州防禦使。仍立廟。賜額河湖。皆巡檢張興宗亦死之。贈武翼郎。賜緡錢三萬。仍與一子承信郎。

陳照字光伯。常州人工。詞賦登第。為丹徒尉。累兩浙制置司。參議官。大軍舍曹壽春。府教授。知胸山縣。仍兼主管機宜文字。照久在邊事。通知兵事。以母憂歸。北兵至常。知州趙與鑒聞風走。匿郡人錢。嘗以城降淮民王通。陰約劉師勇。許為內應。遂復常州。朝議以姚希得子。嘗知常州。錢嘗復執偽安撫。戴之泰等。遂

迎嘗以入將。辟照為通判。其親友皆曰。今就辟後。難辭矣。照曰。鄉邦淪沒。何可坐視。與其偷生而苟全。不若死之為愈也。遂盟。衰而出。凡可以備禦者。無不為之。佐郡十餘日。北軍復來。照與嘗率義兵禦戰。自夏徂冬。敵不能下。以功加提轄。文思院會守。呂城將張彥兵敗而降。盡言城中虛實。伯顏自將圍之。照等誓以死守。朝議加嘗太府丞。照幹辦諸軍糧料院將士。皆轉五官。常兵阻壕為陣。攻益急。矢盡。城破。照猶斂兵巷戰。家人請於城。東北門走。常熟可達。臨安。照從容答曰。去此一步。非死所矣。日中兵潰。與嘗俱死。事聞。贈嘗龍圖閣待制。照直寶章閣。並官其子。

王安節。父堅。淳祐中以復與元府功。轉武功大夫。遙郡團練使。知合州。寶祐二年。北兵大入。從其父戰。禦有功。堅擢興元都統。弘簡錄。卷一百九十一。大。旌德宋四。

制安節兄弟五人。皆受官。開慶元年。秋。合州被圍。堅嬰城固守。百戰。彌勵。金主玃于城下。捷聞。上大嘉獎。以為列城之冠。進官寧遠軍節度使。封清木縣開國伯。景定元年。轉侍衛步軍司都指揮使。二年。遷左金吾衛上將軍。湖北安撫使。兼知江陵府。為似道所忌。出知和州。兼管內安撫使。鬱鬱而卒。諡忠壯。立廟。額曰報忠。安節成淳末。為東南第七副將。授閩門。候添差。浙西兵馬副都監。收兵入平江。合張世傑戰。鳳凰港有功。轉三官。及劉師勇復常州。攻走王良臣。以安節與張詹守常。良臣遂遁。元兵來攻。築柵以守。相拒兩月。不下。伯顏怒。麾兵破其南門。以招降不聽。屠之。安節揮雙刀。率死士巷戰。臂傷。被執。欲降之。不得。乃殺之。

原字肇。方一字偉。節安仁人。咸淳元年。與父詩川同舉進士。

父以武功補沔陽令率調滁州司戶叅軍父喪改荆閻糧料院
母憂調胸山主簿少與謝枋得遊會起兵安仁首辟奉入幕執
安仁令李景景請以家貲二萬贖罪貴曰普天之下莫非王土
爾家財獨非朝廷物耶辭其罪斬之景子率鄉民五千報怨奉
度勢不敢引兵趨信州會守吏遁去聞于朝就攝郡事益王即
位入覲遷宗正主簿太府寺丞領江東安撫使出上饒接應所
部纔千餘人屯火燒山數月戰潰被執至豫章元帥奇其才館
留之遁去後三年復起兵尋敗入積壘山中自刎死所著有鶴
心集其詩多譏刺當時士大夫弟年同時被執亦死

馬賢岩昌人一家父叔兄弟皆以忠勇為名將而賢與其兄堃
特顯堃景定初為鄂州都統駐劄江陵四年北兵攻嘉定城出
戰遷延詔削一秩咸淳七年帶御器械節制岳州軍馬知咸
宜衛錄 卷一百九十一 九 旌德宋四

淳府 暨咸淳中連知欽與邕州其地接六詔安南傍通諸溪
峒撫御少失宜往往召亂暨至鎮撫及治關隘皆有條理大理
不敢越善關安南不敢入永平諸峒皆上帳冊邊陲晏然經略
李興上其功加閣門宣贊舍人未幾以左武衛將軍徵入朝聞
宋已亡因留靜江總屯戍諸軍守城併護經略司印德祐二年
阿里海牙攻廣西暨發所部及諸峒兵守靜江檄劉子薦為叅
議官提督兵弩守城東門而自將兵三千守嚴關鑿馬坑斷
嶺道元兵攻之不克以偏師入平樂過臨桂夾攻暨兵敗退保
靜江元使人招降暨乘城發弩射之攻三月夜不解甲前後百
餘戰城中死傷相籍訖無降意城東隅稍卑元軍陽攻西門以
精兵夜穴東水扉遂破外城暨閉內城又破之率死士巷戰力
傷臂被執首已斷猶握拳奮立踰時始仆部將妻鈴轄獨以二

百五十人守月城不下圍之十餘日忽從壁上呼曰吾屬飢不
能出苟賜之食當聽命乃遺之牛數頭米數斛一部將開門取
入復閉壁大軍乘高視之兵皆分米炊未熟燔生肉而突既盡
鳴角伐鼓令所部入擁火礮燃之礮發聲如霆震城崩烟氣漲
天外兵多驚死者火熄入視灰燼無遺矣 劉子薦字貢伯安
福人父夢驥起家進士歷官知豐州沒於王事子薦以蔭補湘
鄉尉以獲盜功調撫州司錄叅軍有誣王應亨毆死荷樁夫黃
九案已成矣子薦聞受書疑而駁之俄烈風迅雷剛獄戶裂吏
楔得殺人者實孔目馮汝能也應亨遂自改知贛縣監行在左
藏庫通判常德府轉知融州陞辭度宗慰勞曰廣郡洞寮積弊
撫摩對曰臣當推行德化以安其民至官以廉靜著會聞馬堅
死即取笏書其上云我頭可斷膝不可屈登城北望再拜取所
私簡錄 卷一百九十一 九 旌德宋四

政戍弼軍潰問道走靜江暨邀與同守城被執執大詬不屈元
人斷其舌以次剗刑之文政含糊叱咄比死不絕聲
袁鏞字天與鄞人治春秋有文武才尚氣節登咸淳進士父艱
家居時宗室趙孟傳將作少監謝昌元皆寓鄞與鏞故相友善
鏞大言遭時不利公等食君之祿為國重臣鏞亦別名薦劄為
臣死忠此其日也三人遂約誓以死殉國德祐丙子三月元將
遣游騎至鄞之西山資教寺鏞馳以告二人令鏞先往覘之曰
我等將兵繼至鏞往二人懼竟不出明日元軍大至孟傳昌元
同迎降于慈谿之車廐鏞被執元將勸令降罵曰我為宋臣死
則死爾終不從汝元將怒命取酒其穴之加于鏞頸縱火燎之
鬚髮且盡詞氣愈厲復以刃劫之益大罵遂遇害鏞三子二婦

三孫閩門十七人悉赴水死仲子澤民甫六歲亦在溺中僕沈其救之得免

弘簡錄卷一百九十一終

弘簡錄

卷一百九十一

三

卷一百九十一

弘簡錄卷一百九十二

明刑部

皇清翰林院編修孫士四世孫遠平校閱

旌德 宋十一之五 忠信

鄭俠

馬伸 何克

陳東 歐陽澈 高登

徐揆

洪皓

呂祖儉 弟祖泰

楊宏中 子端 朝道 徐範

華岳

鄧若水

潘仿

徐應鑣

謝枋 得妻李氏 伯發 明

鄭俠字介夫福清人隨父官江寧王安石知其名邀與相見數稱獎之進士高第調光州司法參軍安石在政府光有疑獄獻奏悉如其請俠感安石知己秩滿入都時初行試法之令中式者趨京官安石欲使以是進辭曰法令未嘗習又問新法及用兵數事對曰在區區心不能無芥蒂遂不悅而退不復往見但數以書言法之為民害者安石使其子秀語以置修經局欲辟為檢討更命其客黎東美諭意俠辭曰讀書幾何不足以辱所以來者求執經門下耳而相君發言持論輒先官爵所以待士者亦淺矣果欲援俠而成就之取其所獻利民便物之事施行一二使進而無愧不亦善乎時市易法出公私咸以為苦雖負水捨髮擔粥提茶之屬非納錢不得販鬻稅務索市利錢其末或重於本商人至以死爭如是者不一俠因東美陳列其事小夫神販各得免征商人重者十損其七他皆無所易久之除監安上門是時自熙寧六年七月不雨至明年三月人無生意東北流民扶携塞道近城民或茹木實草根至身被鎖械而負瓦揭木賣以償官累累不絕俠知安石不可諫悉給所見為圖奏疏詣閩門不納乃假稱密急發馬遞上之其畧云去年大蝗秋

冬亢旱麥苗焦枯五種不入羣情懼死方春斬伐竭澤而漁草木魚鱉亦莫生遂災患之來莫之或禦願陛下開倉廩賑貧乏取有司措克不道之政一切罷去冀下名和氣上應天心延萬姓垂死之命今臺諫克位左右輔弼又皆貪猥近利使夫抱道懷誠之士皆不欲與之言陛下以爵祿名器駕馭天下忠賢而使人如此甚非宗廟社稷之福也竊聞南北征伐者皆以其勝提之勢山川之形為圖來獻料無一人以天下之民為憂者子斬桑壞舍流離逃散追追不給之狀上聞者臣謹以逐日所見繪為一圖但經一覽已可涕泣而况有甚於此者乎如陛下行臣之言十日不雨即乞斬臣宜德門外以正欺君之罪疏奏神宗反覆觀圖長吁數四袖以入是夕寢不能寐翼日下詔責躬求旨命開封府放免行錢三司察市易司農發常平倉三衛具

張簡錄 卷一百九十二 三 陸德來五

熙河所用兵諸路上民物流散之故青苗免役權息追呼方田保甲並罷凡十有八事民間惟呼相賀越三日大雨遠近沾洽輔臣入賀帝示以所進圖外間始知所行之由安石忿怒上章求去羣姦切齒以付御史治其擅發馬遞之罪又疏論呂惠卿

語備載 惠卿奏依謗訕嗾御史張璪併劾馮京為黨俠編管江州行至太史逮還赴對獄成議致之死帝謂俠所言皆非為身且忠誠可嘉豈宜深罪徙之英州既至僦僧屋居之人無貧富貴賤皆加禮敬爭遣子弟從學為築室遷居之元祐初遇赦始得歸蘇軾孫覺薦為泉州教授元符七年再竄徽宗復赦之仍還故官又為蔡京所奪自是不復出布衣櫛食屏處田野一言一語未嘗忘君宣和元年卒年七十九里人揭其闕為鄭公坊州縣皆祀之於學紹熙初詔贈朝奉郎官其孫嘉正山陰尉

馬仲宇時中東平人登進士每調官未嘗擇便利任郟縣丞委受成都租前時率以賄敗仲嚴絕宿弊輸者爭先常平使者孫俟薦于朝註西京法曹因張繹求見程頤時學禁方興頤固辭仲十反愈恭毅然對曰使仲朝間道夕死何憾奮欲休官受業自是公暇日一造請得受中庸以歸孫俾薦其卓行擢監察御史靖康難作金人以兵脅百官推戴張邦昌眾皆唯唯仲曰吾職諫諍寧忍坐視與御史吳給約為議狀同院無若署名仲獨持以往銀臺司辭以不稱臣難受仲投袂叱曰吾不愛一死正為此爾即繳申尚書省畧言相公服事累朝為宋輔臣比不幸迫於強敵使當偽號於此之時豈以義為可犯君為可忘宗社神靈為可昧耶所以忍死而聽之者其心必曰與其虛遜於人而實亡趙氏之宗孰若虛受於已而實存以歸之耳此所以忠

張簡錄 卷一百九十二 三 陸德來五

臣義士未即就死闔城民庶未即生變以待相公之建立今金人北還義當憂懼矧上有太后外有康王誠宜掃清宮闕稟命太后即發信使共迎康王而立之其赦書恩澤等事俟王御極然後施行相公易服退處伏闕俟命庶能察其忠實存國義非苟生必且棄過而錄功矣不則九廟在天萬無成理仲必不能為宋朝叛臣請先伏死都市以明此心邦昌得書氣沮明日議迎孟后垂簾追還偽赦遣使往迎康王時王及之等請籍龍德宮寶貨斥賣靈沼魚藕以資官用仲復引義固爭言古者人臣去國尚俟三年然後收其田里今二聖猶未出境天下之人方且悉力追挽忍一朝罷毀府藏燕遊之處乎乃止高宗立仲自劾城陷不能救主遷不能死請就窆削上知其忠擢殿中侍御史撫諭荆湖廣南所過州縣察官吏賢否與民利疚以聞因奏

孫觀受金女樂草表婦之極其濫美與謝克家皆負國之賊先
附王時雍王及之耿南仲結為死黨助成邪謀有不主和者執
送金人又枚舉黃潛善汪伯彥罪惡一違慢詔令陛下先下還
都之詔至今鑿與未能順動二黜防不公凡斥三舍人取諸羣
小沈晦孫觀黃哲以掌誥命三壅塞言路逐吳給張閻邵成章
四毀法自恣違舊制擬臺諫多取親舊以為已助五妨功害能
忌張惇宗澤許景衡公忠有才沮抑至死六以過歸君或責以
乘時有為謂陛下制之問陳東之死則曰不知蓋謂事由陛下
也七疆狼自專陛下以呂源狂橫逐去不數月山郡守升發運
八務收軍情行在御營司外別置親兵一千請給居處優於衆
兵且廣市私恩多復祠官之關同惡相濟力庇王安中之罪據
其所為誠幸倚任陛下隱忍不斥逐中原遺民因已絕望二
弘簡錄 卷一百九十二 四 陸德休五

事狀達尚書省檜大怒下之詔獄削官遠竄真陽檜死始復其
官放還尋卒

陳東字少陽丹陽人蚤有雋聲似儻負氣不成成於貧賤貢入
太學率諸生伏闕上書極陳六賊罪戾言蔡京壞亂於前梁師
成陰謀於後李彥結怨西北朱勔結怨東南王黼童貫結怨於
遼金社稷危亡生民塗炭皆六賊所致誠宜傳首以謝天下言
極憤切明年春貫等挾上皇東行東復上書請追還其明正典
刑別選忠信之人往侍左右時師成尚留禁中併發其前後姦
謀乃被謫死會朝廷罷李綱割三鎮東率諸生高登等伏宣德
門上書稱在朝之臣奮勇不顧以身任天下之重者綱是也其
庸繆諂惡忌賢疾能動為身謀不恤國計者李邦彥自時中張
邦昌趙野王孝迪蔡懋李稅之徒是也陛下拔綱執政中外相
弘簡錄 卷一百九十二 五 陸德休五

慶知陛下之能任賢矣斥時中等不用知陛下之能去邪矣然
綱任而未專時中斥而未去復相邦彥又相邦昌何謂任賢勿
貳去邪勿疑乎竊聞邦彥等盡勸陛下他幸京城騷動若非綱
為陛下力持則宗廟社稷已為丘墟億萬生靈已為魚肉宜邦
彥等嫉之如讐今斥綱不用則宗社存亡未可知也邦彥等執
議割地不顧朝廷根本且不知其後能保金人不敗盟乎乞陛
下即反前詔復綱舊職以安中外之心付仲師道以關外之事
如不信臣言請徧問諸國人必皆曰綱可用邦彥等可斥也用
舍之際可不審諸軍民從者數萬書聞傳旨慰諭衆莫肯去至
搆壞登聞鼓喧呼震地有中人出衆鬻而磔之於是亟詔綱入
復領行營遣撫諭乃稍引去金人既北京尹王時雍欲盡致諸
生於獄人人惴恐朝廷用楊時為祭酒復東職遣蕪山諸學撫

論然後定吳敏欲弭謗議奏補東官賜第除太學錄東又請誅蔡氏且力辭官以歸前後書五上既歸復預鄉薦高宗即位五日相李綱又五日召東至未得對會綱去乃上書乞留綱而罷黃潛善汪伯彥力請親征治諸將不進兵之罪以作士氣車駕宜歸京師勿幸金陵不報潛善方揭示綱請幸金陵之奏東官綱在中途不知事體宜以後說為正會布衣歐陽澈亦上書言我能口伐金人強於百萬之師請質子女於朝言尤狂誕潛善遽以語激怒上言不亟誅將復鼓眾倡亂遂令府尹孟庚召東議事東請食而行區處家事悉如平時授其從者曰我死爾歸致於吾親食已具冠帶出別邸與澈同斬於市年四十三澈字德明崇仁人年少美鬚善談世事尚氣大言慷慨不少屈憂國罔時出於天性靖康初應制條敵政陳安邊禦敵十策

弘簡錄 卷一百九十二 七 姓德宋五

復采朝廷闕失政令乖違可為保邦裕後之方去蘇國殘民之賊者十事為書置三巨軸徒步行在上封事極詆用事大臣并官校事帝謂不實遂乘間抵死時年三十七許翰在政府問潛善處分何人曰斬陳東歐陽澈耳翰驚失色因究其書何以不下政府曰書獨下潛善所故不得相視遂力求罷為二人若哀辭四明李猷贖瘞其尸識與不識皆流涕焉明日吏白事潛善陽責以何不關白微示愠色以明非出已意越三年高宗成悟並追贈承事郎東無子官有服親一人駕過鎮江遣守臣祭東墓賜緡錢五百紹興四年再加朝奉郎並秘閣修撰澈一子令州縣撫其家再官其後二人賜田十頃澈所著有飄然集六卷會稽胡衍刻之豐城范應鈐為立祠學中

館諸生將遁去登謂君在不可乃與林邁等請隨駕又獨上書欽宗言危亂禪位意必能興大利除大害故人人翹足以待惟新之政奈何相吳敏張邦昌舉李邦彥朝廷政事一切未暇道路之人無不飲恨是陛下大失天下之望臣恐人心自此離矣金人退屏斥還鄉紹興二年廷對極意盡言無所顧避授富川主簿意使董弁聞其名檄獄六郡獄復命兼賀州學舍法時方罷故學田歸馬司登請復其舊有囚殺人守以陰德欲行奏裁登謂陰德豈可有心為之若皆藉此以幸免則被死之冤何時而銷遂止滿秩士民丐留會新興大饑帥連南夫檄發庫賑貸全活萬計因奏辭終其任召赴都堂審察復上時議六篇奏檜惡其譏已授靜江府古縣令其地即秦父舊治實生檜于此帥胡舜陟欲祠之登不可廣西帥沈晦問何以治縣登條十餘事

弘簡錄 卷一百九十二 七 姓德宋五

晦曰此古人之政今人詐疑不可行對曰忠信可行蠻貊思誠不至爾豪民秦琥武斷鄉曲持吏短長登白真之法一郡快之俄以母病去舜陟創祠為記遂誣登專殺秦琥罪逮捕詣獄適舜陟先以事下獄死事甫昭白廣漕鄭昂趙不棄伴攝歸善令差考試策問舉閩浙水災所致之由郡守李仲文馳白檜復坐前事編管雍州使臣謝大作感其忠義為泣下登安居授徒一不介意惟聞朝廷行事過失輒擊感不樂隨以慟哭臨卒遺言皆天下大計後二十年梁克家疏開漳守何萬請復登迪功郎後五十年朱熹又請贈承務郎生平事母至孝舟行阻風方念無以奉晨膳忽有魚躍于前其學以慎獨為本所著家論忠辨等篇有東溪集行世

徐揆者衢州人入太學試開封為舉首未及大比而遭國難欽

宗請全營不歸授帥諸生叩南薰門以書抵幹離不粘罕請車
駕還闕二酋見書使以馬載挾至軍詰難不屈厲聲抗論遂為
所殺建炎二年贈宣教郎官其後

洪皓字光弼番禺人少慷慨有奇節登進士力邵王黼朱勳之
婚任秀州司錄參軍歲涉以拯荒自任發廩出糶恐民紛競別
以青白幟令嚴而惠徧人咸感之後秀軍叛過其門不敢犯建
炎三年高宗如金陵勸勿輕動恐敵乘虛侵軼宜先遣近臣經
營俟告辦移蹕未晚不從既而悔之由是知名方於父喪張浚
呂頤浩列薦墨衰入對極言天道好還春秋邠郢之役天其武
者警晉訓楚也帝悅遷五官至徽猷閣待制假禮部尚書為金
國通問使龔璿副之未行與執政議國書不樂抑其遷官時李
成在泗州淮南路梗兼皓淮南京東等路撫諭使過淮成方與
弘簡錄 卷一百九十二 九 進德宋五

耿堅共圖楚州托以汴洞虹有紅巾不可往又屢以餽餉不繼
有引眾建康之語皓恐揚州斬賽高郵薛慶相與進衡何以待
之乃上疏乞優進李成官昇以京口綱運如晉明之待王敦頤
浩惡不先關白奏以託事稽留貶秩然尚未困出滁陽達壽春
由東京行至順昌羣盜李閻羅小張俊復梗穎上皓警曉之皆
聽命遂至太原金遇使人禮薄留幾一年始底雲中粘罕迫仕
劉豫辭曰萬里銜命忍事異姓耶粘罕怒將殺之旁一校喏曰
忠臣也為之跪請得流遞冷山乃陳玉悟室聚落穴居百家地
苦寒四月草生八月已霜居二年不給衣食盛夏猶毛布悟室
素築傲聞皓有學令教其子一日問取蜀策皓不答悟室銳欲
南侵語曰孰謂海大我方可乾但不能使天地相拍爾皓勸以
戢兵悟室或答或默又數為言所以來本為通好而艱苦若此

豈兩國待使臣之禮悟室忽發怒將殺之皓曰自分當死願投
水以墜淵為名不失大國殺行人之義悟室義之而止因與議
和好十事得借如燕欲遣歸議之會兀朮殺悟室其事遂已復
留雲中宇文虛中薦為翰林學士力辭密奏書五國城二帝始
知高宗即位紹興十年又因謀者趙德書機事萬言藏故絮中
歸達于帝言頤昌之役金人震懼盡徙珍寶婦女于北意欲捐
燕以南棄之王師亟還自失機會今再舉尚未可敵已兵勢不
能久若和議未決不若乘勢進擊再造猶反掌爾以後梓官及
太后歸皆先達音問皓欲乘間南歸請于參政韓昉遷遷其定
或大名昉怒逼為東京副留守并留司判官俱不就又令校雲
中試皓復以疾辭自建炎已酉同時十三人出使惟皓一人天
下聞其忠義凡居燕十五年會金大赦得遣還始至見于內殿
弘簡錄 卷一百九十二 九 進德宋五

求郡養母帝曰卿志不忘君忠貫日月雖蘇武不能過豈可捨
朕去耶命入見慈寧宮太后因在北故會相議命撤簾見之退
見秦檜語連日不止因述金人言張魏公置之散地可惜并問
景靈宮太廟土木以為無意中原檜不憚語其子适曰尊公信
有忠節得上眷顧但官職如讀書速則易終而無味須如黃鍾
大呂乃可竟除徽猷閣直學士提舉萬壽觀兼權直學士院金
人來取趙彬等三十人家屬詔歸之皓以彼方困於蒙兀姑示
強以嘗中國若遠從之將謂秦無人檜怒既又言室撫寄聲檜
怒益甚御史李文會乘機劾以不省毋出知饒州中官白錡從
太后回素知其名嘗言洪尚書名聞天下何不見用諫官詹大
方論皓與錡為刎頸交更相稱譽罷提舉太平觀母憂終喪李
勤謂其睥睨鈞衡責濠州團練副使安置英州居九年復官朝

奉即徙袁州行至南雄而卒年六十八帝聞嗟悼復徵歐陽學士贈四官諡忠宣為人急於趨義當艱危中曾不少變初陞陞遐北向泣血操文以祭其醴激烈同羈舊臣聞者無不揮淚后戚趙伯璘隸悟室戲下范鎮之孫祖平為傭奴劉光世庶女為人豢豕及他貴族流落者皓皆力救之博開強記向學不輟雖久困北中不堪其苦所著詩文爭鈔誦錄梓後金人每問今為何官若何地其見敬禮如此有文集五十卷及帝王通要姓氏指南松漠紀聞金國文具錄等書

古祖儉字子約從弟祖泰字泰然俱夷簡五世孫受業兄祖謙如諸生筮仕監明州倉會祖謙卒請終養喪更赴銓丞相周必大語尚書尤袤招之不往俟調衢州法曹而後見之潘時經畧廣東欲辟為屬祖儉固辭尋以鄭僑張杓羅點諸葛廷瑞公舉

私補錄 卷一百九十二

十一 陸德來五

召除籍田令廷議何潛本生繼母喪祖儉貽以書曰禮曰為伋也妻者是為白也母今周氏非所生父之妻乎議從制服除司農簿補外通判台州寧宗除太府丞韓侂胄嘗趙汝愚假正言李沐論罷之祖儉謂未至如言者所云侂胄怒曰寺丞乃預我事耶會又劾罷李祥楊簡祖儉乃上封事極言其非語備詳疏上東擔待罪有旨呂祖儉朋比罔上安置福州舍人鄧驛繳還御筆旨責祖儉意在無君其罪竄逐已為寬典然上皆不知也一日樓鑰進讀元祐初呂公著所上十事言祖儉乃公著孫臣謂將十世宥之今投之嶺外有負聖朝恩禮上問祖儉所言何事侂胄怒將徙之新州或謂侂胄曰自趙丞相去天下已切齒今又投祖儉瘴鄉必致于死則怨益重曷若少徙內地侂胄悟得改移吉州明年遇赦卒于高安詔許歸葬開禧三年贈朝奉

耶直秘閣官其一子所為文號大愚集 祖泰寓常之宜興素尚氣義論當世事無所忌諱恐累祖儉未敢有言嘉泰元年周必大降官致仕祖泰憤之上書復論侂胄有無君之心冀以身悟朝廷錮除禍亂願亟誅侂胄及師且而罷逐自強之徒獨必大可大用宜以代之其言明白顯著中外見者皆痛快有旨祖泰挾私罔上拘管連州其黨程松陳謙奏祖泰有當誅之罪縱不殺亦當杖脊黥竄乃下府尹杖之百編配欽州半城收管御史林采又言必有所主意在必大令府尹為奸誘誘之曰誰教汝言祖泰笑曰公何問之愚也吾分必死而受救於人且與人議乎尹曰汝病風喪心耶答曰吾觀今之附韓氏得美官者乃病風喪心耳既而道出潭州醴陵令錢文子私隨其行侂胄使人縱迹乃匿之襄郢間侂胄後朝廷訪得所在詔雪其冤特

私補錄 卷一百九十二

十一 陸德來五

補上州文學授迪功郎監南嶽廟喪母無以葬至都謀於諸公得寒疾索紙書曰吾與兄共攻權臣今權臣誅死不憾矣獨生還無以報國且未能葬母為可憾耳投筆而卒尹王柎為具棺歛歸葬焉 楊宏中字克甫福州人補國子生值祭酒李祥博士楊簡皆以林趙汝愚被斥宏中奮然曰師儒能辨大臣之寃而諸生不能留師儒之去於誰安乎衆莫敢應獨林仲麟徐範張衡張傳周端朝五人願預其議上書畧曰自古國家禍亂之由初非一道惟小人中傷君子其禍尤慘君子登庸杜絕邪枉要其處心在於愛君憂國小人得志仇視正人必欲空其朋類然後可以肆行而無忌於是人主孤立而社稷危矣黨錮亡漢朋黨亂唐國朝熙寧紹聖尤甚至釀成靖康之變臣子所不忍言陛下所不

忍聞也。竊見近者諫臣李沐論前宰趙汝愚中外容懷言者蒙蔽天聽反謂父老惟呼章穎力辨其非首遭斥逐祥簡相繼抗論同日報罷六館之士為之扼腕涕泣今沐自知公議不直邪正不並乃託朋黨以罔陛下之聽欲盡去正人以便其私臣恐君子小人消長之機於此一判則靖康已然之監豈堪復見于今日耶陛下厲精圖政方將正三綱以維人心采羣議以定國是遠聽奸回槩疑善類此臣等所未論也臣願精加宸慮特奮睿斷念汝愚之忠勤察祥簡之非黨灼李沐之回邪明示好惡以謝天下臣雖身膏鼎鑊實所不辭肯奏天下號為六君子侂胄大怒坐以出位之罪將竄之嶺南舍人鄧驛救之右丞相余端禮拜於相前請至數十乃分投編管宏中得太平明年移福州聽讀嘉泰三年幸學待有放恭開禧元年登進士教授附劍

弘簡錄 卷一百九十一

主 德宋五

太學錄入對言時平尚裁不急之務罷無用之官矧多事之秋所費全萬民之命紆一時之急奈何坐視其無救而以虛文自蔽哉願懲既往之失廢無用之文一意養民以培國本出通判潭州湖湘旱振救多所裨益改知邵武軍尋召赴行在言功利不若道德刑罰不若恩厚雜伯不若純王異端不若儒術諛佞不若直諫便嬖不若正人奢侈不若省費盤遊不若節儉玩好不若宵衣旰食窮職不若偃兵息民是非兩立明白易見機微之際大體所關治道不外是矣歷遷都官郎中兼國史編修實錄檢討以朝奉大夫致仕卒贈朝請大夫集英殿修撰

弘簡錄 卷一百九十二

主 德宋五

州端禮子余燦為守相得甚懼侂胄誅特遷一秩燦與汪遠趙彥楠薦授戶部架閣俄遷太學正八年夏旱復土封事指切無隱改宜教郎武學博士以季試策士忤諫官應武會秋戊配武成王故事博士攝亞獻及是不命宏中宏中白之武乃劾其與同列相競補外通判潭州以親老請祠差知武岡軍未受卒年五十三 端朝字子靜傳字象夫嘉定三年端朝試禮部第一遂同登進士終刑部侍郎兼侍講 衛字用叟以父任補官有子仲麟字景仲久居學校忠鯁有聞

彭之庸屏不肯黃甫斌魏文諒毛致通秦世輔之彫察軍心痛夷士氣以及陳孝慶夏典祖商榮田俊邁之徒皆以一卒之才刺膏刻血包直賄賂各得把麾專制饑寒之士咸願食其肉萬一付以大事彼之首領且不可保奚暇為陛下計哉彼之所謂

外患實未足憂而此之外患蓋已周吾一身之間矣禮樂征伐自天子出所貴聽命于一人也今與奪之柄黜伐之權不出於陛下而出於侂冑是吾國有二也命又不出於侂冑而出於師惡格克而士卒自仇其將佐民惡侵漁而百姓自畔其守令今不務去吾腹心咽喉耳目股肱爪牙與夫億萬之仇敵顧乃外川其心欲空國之師竭民之力與遠人相從於血刃相持之地臣竊恨之臣又嘗推演兵書自乙丑至庚午六年之間皆不利於先舉萬一畔盟犯義挽我疆場至於事不獲已然後應之猶日庶幾若或首事倡謀將帥庸愚軍民怨對馬政不講騎士不熟豪傑不出英雄不收傀儡不豐形便不固山砦不設堡壘不修天時人事未見其然臣願陛下先除前者之禍患然後公道

弘簡錄 卷一百九十二 五 蘇德宋五

開明正人登用發令自行紀綱自正豪傑自歸英雄自附仗疆自還中原自復天下自底於和平四海自躋於仁壽何俟乎兵革哉事或未然難以取信臣願以身屬廷尉待其軍行師出勞還奏凱則臬臣之首風遞四方以為欺君罔上之戒萬一千戈相尋敗亡相繼強敵外攻姦臣內畔與臣所言若相符契然後歸臣田里永為不齒之民書奏侂冑大怒下大理貶建寧園土中郡守傅伯成禮之伯成去李大異仍寘之獄侂冑誅復學登第授殿前司官屬欲論史彌遠事覺誣以謀變杖死 鄧若水字平仲隆州井研人博通經史為文章有氣骨讀書務躬行恥為空言嘗削木為主大書自古以來忠臣孝子義夫節婦之位歲時祀之登嘉定進士理宗即位應詔上封首言行大義然後可以弭大謗蓋指濟王事也 弘簡錄 次言收大權然後

可以固大位自古人君之大權鮮有不自廢立之際而盡失之當其廢立之時威動天下既立則眇視人主是故強臣挾恩以陵上小人怙強以無君久則內外相為一體為上者暗然以聽其所為日昃月削始有人臣所不忍言者威權一去人主雖欲固其位保其身有不可得今彌遠所恃宜綽薛極以為肺腑王愈以為耳目盛章李知孝為鷹犬馮梈為爪牙凡欲行某事害某人則此數人者相與謀之為嘗有陛下之意行乎其間哉臣以為不除此數凶非惟不足以弭謗亦未可以必安其位陛下何憚而不為哉末言除大姦然後可以息大難李全一流民耳寓食於我兵非加多地非加廣勢力非特盛也賈涉為帥庸人耳全不敢妄動者名正而言順也自陛下即位乃輒敢倡疆何與彼蓋有辭以動其眾也必將曰以先皇帝子而弑之先皇帝

弘簡錄 卷一百九十二 五 蘇德宋五

孫而戕之其辭直其勢壯是以沿淮數十萬之師不敢覘其鋒今雖暫時無事安知不一日飛馳羽檄以濟王為辭以討君側為名彌遠之徒死不足惜宗社生靈何辜焉假使其徒一旦就誅則全無辭以用其眾矣奏上彌遠取筆橫抹之罷歸嘉熙間召為太學博士當對猶欲發冢斲棺取彌遠屍斬之以謝天下丞相喬行簡奏出為寧國通判若水自知不為時所容到官數月遂不復仕隱太湖之洞庭山賈似道在京湖聞其名倖參軍事若水雅思其鄉乃起因西歸蜀卒于山中 潘枋字庭堅閩人端平二年應廷試對策陛下承休上帝飯德匹夫何異為人子孫身荷父母劬勞之賜乃指豪奴悍婢為恩私之地欲父母無怒不可得也陛下手足之愛生榮死哀反不得並士庶人此猶一門之內骨肉之間未能親睦是以僮僕疾

視隣里生侮宜以東海之恩裂淮南之土以致人和時對者數
百彷彿最直侍御史蔣峴諭以語言不順出通判潭州日食慮
詔復言熙寧初元旦日食因著令各郡縣掩骼埋胔故濟王一
杯淺土未免有暴骸之辜請以王禮收葬又移書游似申言之
似心善其言方將收用而枋卒

徐應鑣字巨翁江山人世爲衡之望族咸淳末試太學生痛宋
亡誓不肯入燕乃偕其二子琦松一女元娘祭告于岳飛祠祭
畢入梯雲樓四周縱火自焚家僕逐撲火救之不死乃與其子
女怏怏出戶去翼日得其屍祠前井中皆僭立瞻目面如生諸
僕爲其棺歛殯之西湖金牛僧舍獲贈收葬至今春秋立祠祀
之餘備載

謝枋得字君直弋陽人性好直言以忠義自任每與人論古今

治亂國家事必概駁抵几跳躍自奮徐森稱其如鸞鶴摩霄不

可籠繫寶祐中對策以攻丞相董槐與宦官董宋臣列置乙科

仰棄去明年復試中經義科除建寧教授未上宣撫吳潛倂爲

幹辦公事降錢米令團結民兵以扞僥信趙葵亦給錢萬緡使

募兵因說鄧師二李諸大家得丁力萬餘守信州訖以退敵咸

淳五年考試建康策問有元兵必至宋國必亡語忤買似道潛

使陸景思希意上之坐以居鄉不法日破科降錢糧追兩官請

居典國軍尋赦歸德祐元年李文煥燔元兵東下鄂黃新安慶

九江屯兵建康起爲江西招諭使以兵逆呂師夔呂軍馳至射

之矢及馬前枋得走入安仁調淮士張孝忠逆戰團湖坪方坐

敬樓見孝忠馬奔歸大驚果中流矢死師夔下安仁信州不守

枋得乃棄妻子入建寧唐石山轉茶坂寓逆旅中已而賈卜建

陽市有來問者惟取米糗委以錢率謝不取其後人稍稍識之

多延至其家使與子弟論學事變已定寓居閩中薦召不起至

元二十四年行省丞相忙兀台將有召之執手勉勞枋得謝曰

上有堯舜下有巢由枋得名姓不祥不敢應詔丞相義之不強

明年福建行省參政管如得將旨如江南求人材留夢炎以枋

得薦枋得遺書夢炎辭之餘備載郭少師從瀛國公入燕歸與

枋得道時事曰大元本無意江南屢遣使頓兵令毋深入待還

歲幣即議和無枉害生靈也張安然上書乞歛兵從和上即可

之兵交二年無一介行李之使乃擊數百年宗社而降因相與

痛哭參政魏天祐見時方需材欲薦以爲功使其友趙孟頫來

言枋得罵曰天祐仕閩無毫髮推廣德意反起銀冶病民頽以

我輩飾奸耶及見天祐傲岸不爲禮與之言坐而不對天祐怒

強之而北即日惟食菜果明年四月至京遂得病遷憫忠寺見

壁間曹娥碑泣曰小女子猶爾吾豈不汝若哉竟不食而死

妻李氏安仁人事舅姑奉祭待賓皆有禮就俘後徙建康明日

當沒入撫其二子淒然而泣或語以今雖沒入將不失爲官人

妻何泣也李歎曰是何言與顧姑桂氏已老弗得終養囑其子

曰若幸生還善事之是夕就獄中解裙帶自經桂氏亦賢達自

枋得遺孀婦與孫幽囚處之泰然無一怨語人問之曰義所當

然時科一門賢孝 伯父徽明以特奏恩爲當陽尉攝縣事遇

天基節上壽元兵掩至徽明出戰死二子趨抱父屍亦死

弘簡錄卷一百九十二

弘簡錄卷一百九十三

明刑部員外郎仁和弘齋邵經邦學

皇清翰林院侍講學士四世孫遠平校閱

旌德 宋十一之六 孝義

顏衍 易延慶徐承珪 李虛已父寬 姚宗明

陳兢從弟 洪文撫 胡仲堯弟仲 郭琮弟贊 顧悅

李玘侯義 王樵 張觀 彭乘 周堯卿

張浚 李載 徐積 徐中行子庭 陳烈

孫倅 杜誼 朱壽昌 趙善應 毛洵李傑

郝鉞 孔攸 鄭綺 唐伯虎 歐陽守道

劉廷式 劉愚妻徐 侯可 王回 巢谷

顏衍字祖德交國四十五世孫少苦學治左氏春秋梁龍德中

弘簡錄 卷一百九十三 旌德宋六

擢第授北海傅以治行聞調臨濟令焚滯祠針姑廟後唐天成

中為鄒平令符習鎮天平表為觀察推官長典初召拜太常博

士天性至孝求東歸養親未幾房知溫復辟青州幕府知溫檢

復厚飲多不法衍每極言之不避其患晉祖入洛知溫懼蹇不

赴衍勸其入貢又勸諸子以家財十萬助軍晉祖嘉之授知溫

子彥儒沂州刺史拜衍殿中侍御史俄遷都官員外郎充東都

留守判官改河陽三城節度副使檢校左庶子知州事居半歲

得家問父患風痺棄官歸侍不復有仕進意歲餘父不能起親

掬矢溺未嘗少倦召為工部郎中樞密直學士至闕固辭放還

家遂其私養踰年授青州行營司馬父憂哀毀瘠甚復召為駕

部郎中鹽鐵判官又以母老懇辭開運末授左諫議大夫權判

河南府拜御史中丞喪亂之後朝綱不振衍執憲頗有風采嘗

言纔除御史旋投外藩州郡無參謁之儀出入失風憲之體漸

恐四方得以輕易百辟無所準繩請自今藩鎮幕僚勿以臺官

差除復抗表求侍養改戶部侍郎堅乞罷免詔書褒許即與其

母東歸漢乾祐末丁憂服除詔郟州高行周準遣赴闕辭以足

疾不至周廣順初起為尚書左丞充端明殿學士宋祖征兗州

遣往曲阜祀文宣王廟遂權知州事又權知開封顯德初授工

部尚書致仕還鄉臺閣縉紳祖餞都門外冠蓋相望時人榮之

建隆三年春卒年七十四生平守章句無文藻特以諒直孝悌

為時所推

易延慶字餘慶筠州上高人南唐雄州刺史贊子幼聰慧涉獵

經史尤長於律律以陰為奉禮郎歸朝贊轉刺道州授延慶大

名兵曹參軍至大理評事知臨淮縣乾德末父卒居喪推毀感

弘簡錄 卷一百九十三 旌德宋六

於墓側手植松柏數百本旦出守墓夕歸侍母紫芝生於墓之

西北數年又生玉芝十八莖州司表其事懇辭或書共芝來京

師朝士多為詩賦稱其孝感服闋以母老稱疾不就官母卒復

廬墓側因母平生嗜栗樹栗于墓二樹連理蔬易簡朱白符為

贊美之後數年始出為大理寺丞知端州卒子綸祥符元年進

士及第

徐承珪掖人為贊皇令幼失父母兄弟三人與其族三十餘口

同居藜藿同甘衣服相讓歷四十年不改所居木連理瓜瓠異

蔓同實 又顏詡吉州永新人其弟後也其弟先讓廬陵因家

焉詡少孤兄弟數人事繼母以孝聞一門千指家法嚴肅男女

異序衣食均給極架無擅主厨候不異爨居數十年終日怡愉

家人不見其喜愠年七十餘卒知州以聞乾德元年詔旌其門

改鄉名義感里名和順焉

李虛已字公愛五世祖盈自光州徙王潮徙閩遂家建安父寬
有清節仕南唐至諸司使入宋除殿前承旨復登進士授衢州
司理參軍時母尚在江南遣其子迎歸母老家貧年未六十棄
官請老不仕虛已亦登進士歷沈丘尉知固城縣改大理評事
遷殿中丞提舉淮南茶場擢知榮遂二州太宗手書公勤潔已
以賜獻詩陳謝帝悅賜五品服及其祖母錢五十萬時謂為孝
所致南郊恩虛已請罷妻封以授祖母詔悉封之人以為榮遷
屯田員外郎求便養親通判洪州父春秋已高母尚無恙乃雙
舉迎侍至豫章寬樂其山水可以終身遂於州之東湖築第以
居虛已歷侍御史提點荆湖刑獄徙淮南運副至兵部郎中龍
圖閣待制判大理寺其宗稱其儒雅循謹特遷右諫議大夫出
弘簡錄 卷一百九十三 三 庭舊宋六

姚宗明河中永樂人其先世當唐貞元中調卒戍邊遠祖栖雲
父兄弟相讓以兄尚乏嗣未可往弟幸有子請代兄行遂戰沒
時栖雲方三歲母再嫁養於伯母既長事如其母亡而葬之又
痛其父非命亦招魂以蓋廬於墓次終身哀慕不喪河中尹渾
瑊上其事詔加優賜旌表名其鄉曰孝悌社曰節義里曰敬愛
栖雲生岳岳生君儒君儒生師正自岳至師正四世廬墓五世
孫厚六世雅七世文八世敬真九世直十世宗明當慶曆初蘇
轍刻石表隨事明仁宗詔復其家十一世用和十二世士明十

三世德又五十餘年而其家孝睦不替世業農無為學者有臣
數十項聚族百餘人子孫躬耕桑僅給衣食歷三百餘年無異
辭經唐末五代之亂而能保守墳墓骨肉不相離散人謂孝友
之報云

陳鏡江州德安人陳宜都王叔明之後五世孫兼忠右補闕兼
主京秘書少監集賢院學士無子以從子襄為嗣至顯官令襄
生淮高安丞淮孫伯宜避難泉州與馬總善注史記後遊廬山
因居德安嘗以著作佐郎召不起大願初卒伯宜子崇為江州
長史益置田園為家法戒子孫擇舉從掌其事建書堂教誨之
解宗詔旌其門南唐又為立義門免其徭役崇子衷江州司戶
衷子昉試奉禮郎其家十三世同居長幼七百口每食必羣坐
廣堂下至百大百餘亦置一槽共食一犬不至羣犬皆不食上
弘簡錄 卷一百九十三 四 庭舊宋六

下鄉睦鄰里車化舉訟稀少所延四方士肄業者多歸焉宋平
江南從知州張齊請仍免其役太平興國七年運使張齊賢又
奏免雜科昉弟子鴻弟即就也淳化元年知州康散言苑家
食不足詔本州每歲貸粟二千石後就死從弟旭益守家法相
率以儉每歲止受其半雖歲儉穀貴不肯見利忘義為同上之
事以邀善價至道中遣內侍裴愈就賜御書遺言孝友謙讓近
於淳古太宗嘗對近臣言之恭政張洎因及不受貸粟事言其
閉門之內肅於公府歷世已遠孝謹不衰上為嘆息祥符四年
命為江州助教卒弟慈主家事天聖元年繼為助教卒弟泰主
之泰弟慶從子延賞並舉進士慶至太子中舍延賞職方員外
郎
洪文撫南康建昌人曾祖諤唐處州司倉參軍子孫衆多以孝

梯者稱六世義居室無異爨就所居借湖北創書舍招來學者至道中本軍以聞遣內侍裴愈齋御書百軸賜其家文德遺弟文舉詣闕謝太宗飛白大書義居二字以賜之命文舉為江州助教三年八月又詔表其門自是每歲遣子弟入必厚賜答之後兄子待用登咸平進士至都官員外郎

胡仲堯洪州奉新人累世聚居至數百口構學舍于華林山別墅聚書萬卷大設廚廩以延四方游學之士南唐李煜嘗授寺丞雍熙二年詔旌其門仲堯赴闕謝恩賜白金器值州境旱數復發廩減直以賑又用私財造南津橋太宗嘉之除本州助教稍遷國子主簿致仕卒弟仲容字咸和淳化五年來賀壽寧節召見試校書郎賜袍笏帶并御書公卿多賦詩稱美咸平三年復至闕改大理評事屢被賜賚建本縣孔子廟頗為宏敞後

私簡錄 卷一百九十三 五 德宗宋六 遷光祿丞致仕天禧中特賜緋魚卒年七十九以猶子用訥為後詠校書郎弟克順端拱二年進士至都官員外郎三司戶部判官從子用之用莊用舟並進士及第

郭琮黃巖人幼喪父事母恭順娶妻有子移居母室凡所欲必親奉之與越州應天寺僧同斷葷穢絕飲酒者餘三十年以前母壽母年百歲耳目不衰飲食不減鄉里異之僧幼貧無以養晨夕乞食以給母亦年百五歲至道三年鄉老陳贊率同里四

十八人狀其事有詔旌表門閭除徭役 又長沙人畢贊仕郡為引贊更性至孝父母皆八十餘轉運使表其事詔解職終養又秦典人顧忻十歲喪父以母病葷辛不入口者十載鷄初鳴具冠帶率妻子詣母室問其所欲如此五十餘年未嘗廢離母

年九十餘無疾而終 又仁和人李瓊以鬻繒為業事母至孝

夜常十餘起省母有時新求市倍酬其直詔旌之 李玘大名宗城人性篤孝力耕事母卒後廬於墓所晝夜號泣負土築墳凡二代及諸族父母薨葬者皆盡禮築之經三年成六墳皆高丈餘平居不食肉衣帛不預人事違遑然惟恐不及常以兄子賣藥自給天禧中知府張知白狀聞詔賜粟帛 又應天府楚丘人侯義貧無產業備田以事母咸平中母卒力營

塋事晝則負土夜則慟哭田主曹氏憐之資以俵糧踰年塋成瓜生其間異帶同本野鶴飛而不去有益剗其衣服既而知為孝子悉以還之 又建昌人江白登景德進士調鄞縣尉以父禹錫高年守節義不苟仕躬自教授父卒負土營塋廬於墓側

黎蕪芒屨晝夜號泣祥符初父常獻東封詩十五篇詔嘉美賜以粟帛歲時遣使存問及是轉運使以聞復賜帛粟及麥各二石旌之 卷一百九十三 六 德宗宋六

王樵字肩望蒲川人博通羣書不治章句尤善老易與賈同李冠齊名學者多從之咸平中契丹遊騎渡河舉家被掠樵即棄妻入莽丹訪父母累年不獲涕泗徬徨若無所容還山東刻木招魂以盡立祠畫像事之如生服喪六年哀動行路又為族屬

尊行次第成服北望嘆曰身世如此烏可自比於人遂與俗絕自稱贊世翁以談兵擊劍為事屢遊塞下以策干何承矩耿季和滅遼復警不用乃於城東南隅築塚自環謂之蘭室銘其門曰天生王樵薄命寡智材不濟時道號贊世生而為室以備不

虞死則藏形不虞乃備病革入室自掩戶卒治平末職方郎中向宗道知蒲卽其地立祠刻石以記 張觀字思正絳州人天性至孝謹愿好學有鄉曲名登第授將

作監丞通判解州坐失舉鹽池吏駐降監河中府稅復通判果
州改秘書郎時父居業方為州從事上書願以官授其父其宗
嘉之特改京官仁宗即位累遷至翰林學士知審官院左司郎
中給事中時星流地震雷發正月詔求直官即謂承平日久政
寬法慢用度漸侈風俗漸薄以致災異因上知人嚴禁尚質節
川四事會河北大雨水又條七事導積水以廣播種緩催欠以
省禁銅寬刑罰以振淹獄收逃田以募歸復罷工役以先急務
止配率以阜民財通商旅以濟艱食拜同知樞密院事父官至
太府卿嘗過洛陽喜其山川風物願得終老于此親乃買田宅
營林榭以順適其意早起奉藥膳畢後出視事未嘗一日或廢
越尚恬曠持廉少欲凡書必為楷字無一行草類其為人上賞
其節操飛白書一清字賜之然於吏事非所長康定中議點鄉
兵不決與王履俱罷為資政殿學士禮部侍郎知相州徙澶州
河決孫陳埽及浮梁州人大恐親躬率卒徒增築之隄完水亦
退徙鄆州言舊法京東通安邑鹽禁瀕海私煮利之所在雖日
殺于市恐不能止請弛禁以便民歲免黥配不可勝計歷知應
天孟州河南以吏部侍郎兼御史中丞念父高年多病請便郡
為觀文殿學士知許州拜左丞父喪哀毀過度既練而卒贈吏
部尚書諡文孝

南北史隋書改著作佐郎遷秘書丞集賢校理懇求使親得知
普州蜀人得守鄉州人鮮知學乘為典建教育其子弟父卒哀
毀既葬蔬蕪有甘露降于坐柏人謂孝感感服除知荆門軍改太
常博士召還尋出知安州再遷夔州路轉運使會土賊田忠霸
誘下溪州蠻將內寇乘大集邊吏勒兵下山以備賊遁去因遣
人間之其黨斬忠霸夷其家召修起居注擢知制誥拜翰林學
士領吏部流內銓三班院為羣牧使有疾仁宗勅太醫診視賜
以珍劑卒賜白金詔一子給休終喪為人質重寡言不喜事生
業聚書萬卷手自刊校蜀中所傳書多出於乘

周堯卿字子俞道州人警悟強記以學行知名年十二喪父哀
戚如成人不欲傷母意見則抑情忍哀母異之曰是兒必能知
孝養矣及長果如其言母卒倚廬三年雖疾病不御酒食既葬
弘簡錄 卷一百九十三 八 蘇德宋六

有慈烏百數銜土集隴上以為孝感後登天聖進士歷進衡二
州司理參軍桂州司錄知高安寧化二縣移通判饒州其於昆
弟尤篤友愛為人簡重犯而不校慢已者輒禮以愧之祿雖薄
必以周宗族朋友帶而後已為學不專傳註辨詩毛鄭得失謂
毛之傳欲簡然或寡於義理非一言以蔽之也鄭之箋欲詳然
或遠於性情非以意逆志也是可以無去取乎學春秋由左氏
得經之所以書者至三傳異同均所不取聖人之意豈二致耶
莊周善言理未至於窮理故好惡頗謬於聖人孟子善言性未
至於盡性故惟聖人能盡已之性盡物之性以與天地參其講
解議論皆類此慶曆五年卒年五十一有詩春秋說各三十卷
文集二十卷七子論鼎州司理參軍詵歸安主簿

張揆字文裕歷城人父蘊咸平初監淄州兵契丹入寇游騎已

至人將樂城羅拔刀遮止於門力治守備騎乃引去郡守掠為已功不與校拔幼篤孝父病刲股肉以療第進士知益都縣小民賦稅不責里胥催督皆以時入石介獻息民論請以為法丁內艱值時隆寒徒跣舉柩叩首流血與兄揆盧墓左明道中京東盜起中丞范諷薦知掖縣遇旱火奏除租稅改通判承典軍為樂賢校理四遷龍圖閣直學士知成德軍宦者罔士良為鈐轄多掣帥權用危法中軍校拔直之而劫士良抵其罪英宗登極入判太常司農寺累官戶部侍郎致仕卒年八十為人忠篤誠懇既老益康少從劉潛李冠游及死率里人築之置田贖其孝性友愛事於如父理家必諮而行鄉黨矜式之

李載字伯熙鄆陽人自少苦學登進士調冀州推官攝知冠氏縣呂夷簡薦其才移知齊州改常州賦性篤孝侍母疾衣不解帶至病亟不能食輒亦不食母強食之凡歷州縣六皆以寬厚稱官至光祿卿提舉仙源觀卒年七十四

徐積字仲車山陽人孝行出於天稟三歲父石死且且求之甚哀積孝經教涕淚不能止事母盡孝朝夕冠帶定省從幼受學所居一室寒一裘暇菽飲水凡親遺皆弗受及壯應舉不忍捨親載與同行登進士舉首許安國率同年生入拜人以為榮恐顯父名終身不用石器行道遇石惕然傷於心不忍加足其上母亡水漿不入口者七日悲慟嘔血廬墓三年臥苫枕塊衰經不去體嘗雪夜伏墓側哭不絕音學士呂溱過聞為之泣下曰使鬼神有知亦當垂涕歲甘露降兆域有杏兩株合為連理終喪不忍徹几筵起居饋獻一如平生中年有賸疾屏處窮里四方事亦莫不知有客從南越來與論嶺表山川險易鎮戍疎密

口誦手畫若數一二客嘆曰不出戶而知天下徐公是也自少及老日作一詩為文率多腹藁口授其子居鄉以廉稱人有爭訟多就取決州上其道義文學顯於東南詔賜粟帛元祐初近臣合薦宜在所表以為楚州教授每升堂謂諸生曰徐公聞者欽祗敬聽轉和州防禦推官改宣德郎監中岳廟卒年七十六政和六年賜諡節孝官其一子學者稱為節孝先生

徐中行臨海人始知學聞胡瑗之教將往從焉至京師謁范純仁薦于司馬光謂斯人神氣清和可與進道會福唐劉彞赴闕得瑗所授經熟讀精思攻苦食淡不燼不扇不枕者踰年乃歸葺小室竟日危坐所造詣人莫測也父死跣足廬墓躬耕養母推其餘力塋內外親及州里貧無後者十餘喪晚年教授學者自酒掃應對以逮于天下國家不失其性不越其序而後已其

友羅適持節本路舉以自代崇寧中郡守李諤以八行薦值章蔡柄國每問命輒淚下盡燬其所為文帛巾絮杖往來委羽山中

中有詰其避舉邀名者謝曰人而無行與禽獸等使吾以八行舉則彼不被舉者非人類與吾正欲避此名非要名也客慚而退陳璘請台州聞其名錄其行事謂與徐積齊名子庭槐庭蘭庭筠亦有父風庭筠童少有志行事父兄孝友天至居喪毀甚既免猶數年不忍娶赴省試時秦檜當國以中興頌為題嘆曰此豈歌頌時耶遂不第人或尤之答曰吾欲不妄語敢欺君乎黃岩鄭伯熊請益對曰富貴易得名節難小願安時處順主張世道伯熊受其言迄為名臣適應詔格舉人五上春官者予岳祠所親戚勸受辭曰吾管心非岳祠冗祿無用可躬蹈耶其學以誠敬為主居無惰容喜無戲言不事緣飾不苟賦否聞人

片善記其姓名或遇飢凍不吝解衣推食已居僦寓未嘗戚戚
尤爽嘗遺書禮忽一日巾車訪舊備俸幾月歸感微疾端坐而
逝年八十五鄉人崇敬之以其父子貞孝稱之曰二徐先生淳
熙間朱熹行部拜墓下大書有宋高士二徐先生之墓題詩表
之有道學傳千古東既說二徐之句孫日升復苦學有守徐氏
凡六世詩書不絕

陳烈字季慈侯官人性介辭篤於孝友居親喪勺水不入口五
日自壯及老奉事如生學行端飭動遵古禮平居終日不言御
童僕不苟里中人敬之冠婚喪祭請而後行從學者嘗數百人
父兄訓子弟必舉烈言行以示仁宗屢詔不起自言伊尹守道
呂望沉晦今天子仁聖好賢有湯文之心豈無先覺如伊呂者
乎或有勉其任者答曰吾學未成也公卿大夫郡守交稱其賢
弘簡錄 卷一百九十三

嘉祐初除本州教授歐陽修又薦召改國子直講皆不拜元祐
初申薦之詔從其高尚明年復除教授在職不受廩俸鄉里間
遺餼毫無所取家租有餘則推以濟貧乏卒年七十六

孫侔字少述真州人少與王安石曾鞏遊名領時輩早孤事母
盡孝志於祿養故屢舉進士及母病革自誓終身不求仕宦江
淮間士夫皆敬慕之劉敞言其孝悌忠信足以扶世矯俗英宗
以為揚州教授固辭不就辟入永興幕府亦辭沈遘王陶韓維
連薦授忠武軍節度推官常州判官皆不赴安石既相過與相
見待之如布衣交卒年六十六初與王回王令常秩皆有盛名
回令不壽秩隱不終惟侔始終不易其節

杜誼字漢臣黃巖人性至孝以父性剛嚴失愛惻惻不自容每
伺顏色而後進止及喪號慟聲徹晝夜勺水靡嘗者累日既葬

徒跣負土為墳跋涉塘湖幾至沒肝非大雨雪不少休手足皸
裂以漆塗之每覆一杵必三匝旋繞號而後去茆舍落旁日飯
一盂未及茹草遇大水巨石推走傍山民田廬舍漂沒殆盡墓
獨守然人謂孝感有司狀其事詔特加獎生平敦厚尚義有大
志不恤有無常推以周貧乏事族父衍甚謹衍亦愛之後以祖
垂象磨入官至贊善大夫知永城縣新文宣廟兩旁為學舍數
十區旦夕講學泮渠多溺死者歲捐俸收瘞之父老稱述其政
為不可及遷梓州通判卒于棧纒十六哭墓旁亦卒

朱壽昌字康叔天長人父異守京兆尹妾劉氏生壽昌方娠而
出至數歲仍歸父家既長以蔭守將作監通判陝州權知岳州
母子不相聞者五十年壽昌宦遊四方求之不置飲食罕御酒
肉與人言輒流涕熙寧初與家人訣棄官入秦不見母誓不生
弘簡錄 卷一百九十三

還行至同州得焉劉家氏有數子年已七十餘悉迎以歸京
兆錢明逸以事聞詔還就官天下名聞其孝士大夫爭詠嘆之
因求便養通判河中府數歲母卒居喪哀毀幾于喪明既葬有
白鳥巢墓上撫同母弟妹益篤累知鄂州提舉崇禛觀至司農
少卿中散大夫卒年七十生平勇於為義喜周人急無所吝嫁
兩孤女差十餘喪蓋天性如此

趙善應字彥遠漢王元佐六世孫居餘于性純孝親病刺血和
藥以進母畏雷聞有聲即披衣走其所嘗寒夜遠歸恐扣門聲
驚母露坐達明門啓而後入家貧諸弟未製衣不敢製已製未
服不更服一瓜果必相待其嘗母喪哭泣嘔血毀瘠骨立俯首
柩旁聞雷聲輒起側立既終喪言及其親未嘗不揮涕生朝必
哭于廟父終肺疾及母以卵生終身不忍食祭亦不用諸肺鬼

臨為道嘗經靖康喪亂聞四方木旱憂形于色江淮有警報輒
流涕不食同僚羅以宴會悵然曰此寧樂伏時耶衆為之罷宴
故人孤女貧無所歸聘以為子婦有同儕死不克塋子備食他
所善應馳往哭之歸其子予以已費塋焉道見病者為收恤至
躬煮藥餌歲侵減半食以餽飢者懼百蟲遊蟄失所夏不去草
冬不破壤晉陵尤哀亟稱之曰古君子官終修武郎江西兵馬
都監丞相陳俊卿題其墓曰宋篤行趙彥遠之墓子即汝恩
毛洵字子仁吉水人父應倫通判太平母高氏洵登天聖進士
再中拔萃科性至孝凡守四官再以親疾解任執藥調膳嘗而
後進或三月不之寢室及喪負鍾荷土為墳于厓而黔親衣至
不能識廬於墓側朝夕哭踊凡二十一月食裁脫粟諸生請問
經義對之流涕以毀抱疾歸數日而卒兄洵字文祖亦以哀毀

弘簡錄 卷一百九十三 旌德末六

卒于池陽舟中郡守以孝聞與同縣李倚楊蕭同賜米帛 倚
字彥良弟衡字平國同乳而生二歲喪母十歲喪父每以親不
逮事為恨政和中改葬其母於陽山兄弟負土成墳廬于墓左
產木一本兩幹高丈許復合于一至其末乃分兩幹五枝人以
為瑞 蕭字文卿性至孝每市酒肉以奉二親未嘗及妻子紹
興五年大飢負米百里外遇盜奪之慟哭獲免
郝戴字伯牙石州人家貧竭力營養或憐之貸以錢使取息日
贖留不用復返之登進士調宛丘縣尉轉舞陽簿遷通山令以
父憊應舉不第上書請致其仕以求父官執政論之曰不久可
升朝籍榮及親矣乃留妻子於家獨奉父行得太子中允未至
家而父卒舂土造塚有助之者不聽服除藩府交辟召公著辟
為奉寧軍推官及涇原經畧皆不肯起辭曰向所以仕欲官及

規今無及矣姻族或語其妻聶氏使勸之亦曰吾不德無以助
君子矧敢強其所不欲以累其高哉聶事舅姑亦能以孝著歟
卒司馬光銘其墓

孔啟字寧極先聖四十六代孫隱居汝州龍興縣龍山之漣陽
城有田數百畝運歲饑分囑不足聞人之善若出于已動上必
依禮法環所居百餘里人皆愛慕之見啟于路輒歛衽而避父
墓臥破棺中日食米一溢壁間生紫芝數十輩近臣列薦授秘
書郎致仕居數年召為國子直講辭不赴就遷光祿寺丞起知
龍興縣卒贈太常丞生平性孤潔喜讀書循理人慮其居山射
虺可畏答曰無心則無所畏晚年惟玩周易老子他書不復讀
為太玄圖張壁上下列方州部家而規其心中空之以見所謂
寂然不動者與已無異也

弘簡錄 卷一百九十三 旌德末六

鄭綺浦江人少讀書通春秋穀梁學治家肅睦九世不異爨四
世孫德珪德璋兄弟孝友天至晝聯几案夜同寢榻德璋素剛
直與物多忤仇家陷以非罪會逮揚州德珪哀其見誣陽語曰
彼欲害吾約預爾事我往則得白因即治行德璋追至諸暨道
中相持大哭爭欲就死夜半德珪從間道逸去追至廣陵則已
斃於獄德璋慟絕者數四負骨歸葬廬墓再期每一悲號烏鳥
皆翔集不食幼子文嗣病僂德璋鞠之如已子
唐伯虎字長儒丹陵人與弟庚字子西治易春秋皆有法方居
母喪父遊瀘南伯虎忽夜半夢父書亟來二字驟然心動曰父
必有他患既庚奉奠朝夕吾趨瀘南庚未及應奮曰吾計決矣
遂起裝程黎明走僦舟遇江漲客舟皆艤岸不敢動伯虎彷徨
堤上有漁者持小艇至伯虎唱以利不應遽躍入艇中漁者不

得已乃行二日半至瀘父果病甚見之大驚問故具告之嘆曰天告汝也疾少間具舟侍父以歸居無何疾復作遂卒時人以爲孝感元符中以貢舉事繫臨邛獄語連庚并械吏逾年掠治無完膚其詞確然一不及庚故獄久不決會赦得免伯虎性真率人多易之至是服其孝友爲不可及云

歐陽守道字公權初名異字迂父吉州人以德行稱少孤貧自力於學里人聘爲塾師以無資養母不肯食肉主人覺之爲設一器先以奉母然後食見者無不嘆息年未三十翁然爲鄉郡儒宗登淳祐進士授雲都主簿母憂服除調贛州司戶江萬里聘主白鷺洲書院又副湖南吳子良嶽麓書院山長以萬里薦爲史館檢閱召試授秘書正字安南陳日照傳位其子求封太上國王守道議以爲太上者漢高帝以尊其父累代未之有改弘簡錄 卷一百九十三 五 旌德宋六

宜許太爲老字如南越尉佗自稱蠻夸大長老例或去上字存太字如周禮太宰太史太卜太祝太樂太僕之類從之遷校書郎兼景憲府教授轉對言欲天下家給人足必使中外臣庶無復前日言利之風而後風化可行吾欲化之以儉而彼不爲儉惟有甲宮室非飲食化之以廉而彼不興廉惟有不貴難得之貨不厚無益之藏俄以言罷徒步出錢塘門惟書兩篋而已尋聞理宗遺詔與其徒相向哭踊僮奴孺子皆爲悲哀咸淳三年特旨與祠會少傅呂文德舉賢才凡九十六人守道預焉添差通判建昌軍以書辭不聽久之由著作郎兼崇政殿說書經筵所進皆切於當世務上爲動色終都官郎中著有集若干卷劉庭式字得之齊州人居鄉卓立能人之所難能未第時議娶里人之女已通媒約尚未納幣甫及第女忽以疾喪明兼家貧

有勸別選右族或納其幼女者庭式不肯弘簡錄後官密州通判監太平觀老于廬山絕粒不食目弄弄有紫光步上下咬坂如飛以高壽終

劉愚字必明龍游人幼警敏力學入太學有聲受業其衆御史柴瑾祭酒顏師魯博士林光朝器重之瑾每奏對稱上意必曰臣各劉愚爲臣言師魯亦奏愚行義上每記之與妻徐氏有榮鴻孟光之風徐在家時其母將以嫁姑子之富者徐泣不願遂歸于愚居室中事機杼愚懷東修以歸必出書以示方信及上舍釋褐第一授江陵早晚爲諸生講說同僚相率以聽愚益謙下與葉適項安世講論不倦每以隱居學道爲樂歲滿帥王簡致書禮辟移安鄉令嚴實通賦寬期限民不見吏而賦自足會歲歉常平賑貸不足出緡錢召糴他郡而收元直米價頓平弘簡錄 卷一百九十三 六 旌德宋六

已有范仲淹讀書地爲繪像立祠士競知勸諸司交薦改秩愚雅不樂進遂致其仕丞相余端禮與舊召堂審不願結廬城南顏垣敗壁蓬蒿蕭然著書自適書禮語孟皆有解卒年八十三故友門人私謚曰謙靖先生亦曰靖君鄉郡祠之子克凡蚤以詩名葉適嘗稱其可繼陶韋侯可字無可華陰人少篤志爲學及長個儉不辭以氣節自許輕財樂義急人之患愛人之憂尤篤朋友信義所交日顏而重無子可爲千里求醫水歸而卒顏目不瞑人曰其待侯君乎甫歛而可至拊之乃瞑爲醫公相役襄其葬事有僞白金者顧顏之妹未嫁舉以佐其奩具一日自遠歸橐中有儲適友人郭行扣門稱父病亟醫者邀錢百千易臘不售可爲之惻然畧當其數盡與之隨計入京里中贖金贖行義不可辭遇同行疾病或

不足者輒推以與曰此金所以資應詔者不可為他利也疾未
 瘳寧緩已程不忍捨去途中輟已馬與載徒步不辭關中往往
 稱其賢孫河征儀得請參軍事奏功得官知巴州化城縣俗尚
 鬼信巫而廢醫藥娶婦必資財有貧失婚期者可悉為禁約遊
 者罪之風俗一變遷宜州判官邊帥使引數十騎按視夏境猝
 與敵遇可分騎為三多列疑穢環山徐行敵疑為誘騎不敢擊
 韓琦為知涇陽說涇源羌酋輸地八千頃因城熟羊以撫之琦
 上其功以言水利復鄜白渠得召對至殿中丞卒年七十四
 王回字深父侯官人父平言試御史回與弟向字子直同字容
 季皆敦行孝友質直平恕造次必稽古所為不效小廉曲謹以
 求名與第進士為衛真簿與時不合稱病退居潁川不求仕進
 嘗作友論曰古之有達道者君臣父子夫婦兄弟朋友五者人
 之所必由也然而君之於臣以分定而從父之於子兄之於弟
 以天性而親夫之於婦以人情而合是雖欲自廢以理勢持之
 何能自遂故大而天下國家小而一家一室終身不可辭也其
 為上者不敢不嚴為下者不敢不勉世治道行則人能循義而
 自得世衰道微人猶顧義而自全間有不若亦無敢肆然視如
 路人此所謂理勢持之雖百代可知也若朋友親非天性合非
 人情從非分定舉天下之人羣而同別而異大道之行公於義
 者可致焉下斯而言其能及者鮮矣然而聖人所以崇之重之
 與此四倫並而為一者蓋人有四肢所以成身一體不備謂之
 廢疾人倫缺一何以為人聖人既沒其意益廢於今則亡矣吾
 常處今之時欲復古之道其事甚難姑求其肯告吾過樂聞已
 過者與之交乎治平中薦為忠武軍節度推官知南頓縣令下

而卒熙寧中常秩上其文集補子汾郊社齋郎

巢谷初名穀字元修眉山人父中傳以學谷多力好武藝應舉
 不第去遊秦鳳涇原間與韓存寶相善教之兵書熙寧中存寶
 為河州將有功會討瀘州蠻乞弟邀谷至軍中問以籌策及存
 寶得罪就逮自度必死語谷曰我涇原武夫死非所惜但妻子
 不免寒餓吾囊中有白金非君莫可致谷許諾即變姓名懷金
 步往手授其子而還人無知者與韓執補鞮同鄉且素同遊處
 紹聖初執鞮以言論嶺海平生親舊無復相聞谷慨然徒步訪
 之由眉山達梅州遺鞮書曰我萬里懷公恒以死期不意自全
 不旬日必得相見死且無恨鞮驚喜既見握手相泣道平生逾
 月不厭時年已七十三多病將復見賦於海南鞮止之曰君意
 則善然至備數千里當復渡海非老人所宜谷曰我自視未即
 死公無止我聞其囊中無數千錢鞮強資遣之舟行有緝賊窮
 其囊裝以逃谷遂病死新州鞮聞哭之失聲曰此非今之人古
 之人也

- 列女附
- 趙氏女 馬氏 妻 陳堂前 晏氏 王氏
 - 趙淮妾 趙氏 呂氏女 韓氏女 林同女

趙氏女貝州人生有殊色父舉學究王則反使人劫致欲納為
 妻趙日夜號哭慢罵求死賊以色愛不忍殺使人守之趙知不
 脫始曰必欲妻我宜許我歸擇日禮聘方可賊信之許令暫歸
 與家人訣曰吾誓不復見天日矣家人恐懼祈哀曰汝忍不為
 家族計乎趙氏陽應曰諾賊具幣帛盛與從來迎氏談笑登輿
 而去至州廨舉簾視之則已自縊於輿中矣賊亦知非其家所

使遂得免

范旺妻馬氏旺為南劍州順昌巡司軍校盜俞勝等作亂官吏皆散土軍陳望素樂禍與射士張淡謀舉皆應之旺叱曰吾事父母妻子皆受國恩廩食以活今力不能討更助虐耶凶黨怒別其日而殺之一子佛勝年二十以舅問賊詐以父命召之至則俱死馬氏聞之行且哭賊脅而污之不從遂被支解事平馬氏死迹在地隱隱不沒邑人驚異為設像城隍祠歲時祭享紹興六年詔贈旺承信郎立廟號雙節

陳堂前漢州雒縣王氏女節操行義為鄉人所敬呼曰堂前翁私家尊其母也年十八歸同郡陳安節歲餘夫卒旁無伯叔祇有姑尚幼舅姑已老生事藉陳一身治家內外皆有法舅姑安之語曰若然吾子不亡矣訓子日新有成入太學年三十亦卒

弘簡錄

卷一百九十三

九

卷一百九十三

二孫口綱曰綬成篤學有問撫育諸甥無異己子親屬貧不能存輒收養婚嫁所周濟無慮百數里有故家甘氏質其季女於酒家堂前出金贖還之子孫遵其遺訓孝友儒業五世同居乾道九年詔旌其閭

晏氏汀州寧化人夫曾死守幼子不嫁紹定二年寇破寧化令佐俱逃土豪王萬全王倫結約諸寨以拒賊晏乃依黃牛山自為一寨賊遣人來索婦女金帛晏召其山丁諭曰汝曹衣食我家賊求婦女意實在我汝念主母當各盡力不勝即殺我因出家財首飾悉與之田丁感激晏自撻鼓使諸婢鳴金以作其勇敗去多所殺獲鄰鄉草家難者日衆有不能自給者晏悉以家財助之與倫萬全共相倚角祈黃牛山為五若選少壯為義丁有急則相應援賊屢攻不克所活鄉民老幼數萬知南劍州

陳韓遣人遺以金帛晏悉散其下又遺楮幣以勞五若義兵名其若曰萬安事聞詔封恭人賜冠轎補其子承信郎

王氏夫家臨海人德祐二年元兵入浙東舅姑與夫皆死氏獨被執主帥見其美欲內之氏號慟陽好謂帥曰若以吾為妻妾者欲令終身善事主君也今吾舅姑與夫死而不為之服是不天也不天之人將焉用之願請為服即滿惟命苟不聽我終死耳不能為若妻也主帥許之然防守益嚴明年春帥還擊之行至嶧縣青楓嶺下臨絕壁守者少解氏嚙指出血書字山上海望慟哭自投崖下死其血漬入石間天陰雨即墳起如始書時至正中旌曰貞婦立石嶺上易名清風嶺

弘簡錄

卷一百九十三

十

卷一百九十三

趙准丞相葵從子李全之叛屢立戰功累官至淮東轉運使以言罷德祐初起為大府寺丞成銀樹壻其妻長沙人逸其姓名偕在戍所兵敗俱被執至瓜步元帥阿木使招李庭芝許以大官准至城下大呼曰李庭芝男子死耳毋降也元帥怒殺之一校俘其妻妾解衣中金道校左右好語校曰妾夙事趙運使今死棄尸江濱不獲葬妾誠不忍願往掩埋之當終身事相公無憾矣校憐其言使數兵與如江上乃聚薪焚淮骨置瓦缶中自抱持操小舟至急流仰天慟哭躍水死

趙氏吉州永新人歸于譚氏江南已附元永新復嬰城固守元兵破城趙氏抱嬰兒隨其舅姑同匿糞校中為悍卒所獲欲汗之不可卒臨之以刃罵曰吾舅死於汝姑亦從逝吾恨不能報忍從汝耶遂與兒同遇害血漬於禮殿兩楹間凡八執為婦人與嬰兒狀愈久宛然如新或訝之磨以沙石不滅又燬以熾炭其狀益顯

呂氏女名良子晉江人父仲洙得疾漸殆女與妹細良焚香祝
天拜禱願以身代特中夜羣鶴遶屋飛噪仰視空中大星熠耀
如月者三翼日父遂瘳太守其德秀嘉之表其居曰慈孝

韓氏女字希孟巴陵人少明慧知讀書善為詩開慶元年方十

八元兵至岳陽為卒所掠將挾以獻其主女知必不免竟赴水

死越三日得其尸於練裙帶上有詩曰我質本瑚璉宗廟供蘋

藻一朝嬰禍難失身戎馬間寧當血刃死不作衽席完漢上有

王猛江南無謝安長號赴洪流激烈摧心肝讀者哀之

林氏父同閩永福人官至監丞兄空齋史失其名舉進士歷知

縣解官家居益王立福建招撫使劉全祖鄉人黃心大即林家

開忠義局起義兵復永福縣時王仰翁陽以福安送欵張世傑

而陰約北兵既至永福被屠必大云命自經空齋指書壁云

弘簡錄 卷一百九十三 主 惟德宋六

生為忠臣死為義鬼草間可活吾不忍生遂見執死之林氏即

全祖妻有司執之令具反狀氏叱曰林劉二族世為宋臣欲以

忠義報國事不成天也何為反乎汝知去歲以血書壁而死者

乎是吾兄也吾與兄忠義之心則一死且治汝於地下竟不屈

而死

弘簡錄卷一百九十四

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 宋十二之一 遺民

陳搏 戚同文等 王昭素 傅霖 种放

萬適 附田苗 李演 魏野 邢敦

林通 子有高 韓退 徐復 郭京 周啓明 張愈

代淵 劉易 章晉 袁 陽孝本 劉蒙 樂京

張舉 鄧孝甫 王當 陳慥 趙俊

劉化 王忠民 韓雲卿 郭雍 安世通

劉宰 張惟孝 馮去非 鄭思肖 新增

陳搏字圖南亳州真源人四五歲戲澗水側有青衣媪乳之幣

弘簡錄 卷一百九十四 遺民宋一

然慧悟漸大觀經史百家言一過成誦悉無遺亡作詩有名後

唐長興中應舉不第遭天下亂祿仕意絕巽遊山水遇高士孫

君仿麻皮處士語以武當山九室巖可居遂往棲焉精通易理

常自號扶搖子因辟穀服氣二十餘年但日飲酒數杯又移居

華山雲臺觀依止少華石室無心世事居嘗寢處輒百餘日不

起周世宗聞其得道命華州送至闕留禁中月餘從容延問黃

白之事對曰陛下君主四海當以致治為念奈何留意於此命

為諫議不受求放還山詔州縣長吏歲時存問後聞宋祖禪位

一笑墮驢曰天下自此太平矣太平興國中來朝太宗待之加

厚九年復來朝禮重不與他等因語宰相宋琪等曰搏獨善其

身不干勢利所謂方外之士也自居華山已四十餘年度其年

近百歲與之語甚可聽送至中書琪等問以先生得玄默修養

之道可以教人乎對曰山野之人於時無用亦不知神仙黃白之事吐納養生之理非有方術可傳假令白日上昇何益於世今聖主龍顏秀異有天人表傳達古今深究治亂真有道仁聖之主公等協心同德興化致治勤行修煉無出於此因各稱善以其語白上益稱重之賜號希夷先生賜以紫衣一襲令有司增葺所止雲臺觀上屢與之屬和詩賦數月始還端拱初忽謂弟子賈得昇曰汝可於張超谷鑿石為室吾將憩焉二年秋七月石室成手書言臣博太數有終聖朝難戀已於今月二十日化形於蓮花峯下張超谷中如期而卒經七日支體猶溫有五色雲蔽於洞口彌月不散所著有指玄篇八十一章王溥為箋釋又有三峯寓言及高陽釣潭二集祥符四年真宗幸華陰至雲臺觀閱其畫像為除觀田租稅

弘簡錄

卷一百九十四

二 逸民宋一

戚同文字子約應天府楚丘人家世儒業幼孤養大母以孝聞卒晝夜哀號不食數日從虞城人楊慈授禮記日誦一卷彌益勤勵累年衣不解帶由是畢誦五經慈妻以女弟遺晉末喪亂遂隱居不仕思惟得見混一故名同文慈亦力學勤志不求聞達與依將軍趙直家直厚待之為同文築室聚徒登第者五六人宗度許驥陳象與高象先郭成範王彌勝皆門弟子廩歷臺閣為人純粹質直尚信義樂施與喜聞人善未嘗較長短慈遇疾托以家事為營葬三世數喪不積財營產恒以徇義為亟冬月解衣裘與寒者宗隣有乏多周給之深為鄉里推服遇有不循孝悌者必諭以善道所交宗翼張昉瞻知白皆文人名士楊徽之與唱酬有孟諸集二十卷長子維任隨州書記迎就養卒於漢東年七十三徽之與門人追號堅素先生維建隆中

以屯田員外郎為曹王府翊善累遷職方郎中致仕卒年八十一宗翼上蔡人篤孝恭謹負米養母好學彙記經籍一見即能默寫通歐陽虞柳楷法兼能屬文隱居不仕未嘗以貧窶干人家無斗粟怡如也市物不評價人知而不欺早作夜休必辨昏曉既瞑未寤皆不出戶見人雖幼待之如成人未嘗欺給同文與之遊稱翼勞謙有古人風真吾友也卒年八十餘子度登進士至侍御史歷京西轉運使預修太祖實錄知白善為詩至刑部員外郎河北轉運使子涉為給事中象先淳化中為三司戶部副使卒于光祿少卿父凝祐刑部郎中以彊幹稱成範最有文山安定掌書記累遷倉部司封二員外郎致仕卒彌即堯臣之祖

弘簡錄

卷一百九十四

三 逸民宋一

王昭素酸棗人當五代時篤學不仕隱居教授自給李穆并弟肅及李憚皆師事焉博通九經兼究莊老尤精易學讀王韓所注孔馬疏義或未盡是自著易論三十三篇素喜穆沉厚曰此子能得吾精理往往出人意表他日必至廊廟盡以所學傳之開寶中穆果貴顯薦召赴闕見於便殿時年七十七精神不衰太祖恨相見之晚問何以不求仕進對曰草野蠢愚無裨聖化焉敢求進賜之坐令講易乾卦宰相薛居正等咸在至飛龍在天歛容對曰此爻正當陛下今日之事援引証據因示諷諫微旨上大悅問以治世養身之術對曰治世莫若養民養身莫若寡慾上嘉其所言誠實無隱命書于屏凡留月餘以衰老求歸授國子博士致仕賜茶藥及錢二十萬壽八十九卒於家生平雅有至行鄉里服之有爭訟不詣官府咸往就決每市物隨所言還直未嘗論高下治所居室餘椽木積門中盜至窺之昭素

潛擲屏處令自取盜懸而去里中化之誓不為盜家有贖人多來假至已欲出問無假贖者然後行其純實類此子仁著亦有隱德

傅霖青州人自少靜默久乃心通有覺不求仕進以巢由自許與張詠同學心契甚密每有書來詠必先徵於霖霖以是益相敬信開寶中會於潞城相與談論古今日夕不輟鄰舍有病瘡為之不作詠既顯達霖深居遁跡求之三十年不可得作詩寄曰前年失脚下漁磯苦戀明時不忍歸為報巢由莫相笑此心非是愛輕肥霖答詩曰忍把浮名買却閒門前流水對青山青山不語人無事門外風花任往還晚年詠守宛州被褐騎驢叩門大呼日子將去矣故來報子別後一月詠果卒

弘簡錄 卷一百九十四 四 遺民朱一

放獨無意自幼沉默好學善屬文每往來嵩華間慨然有山林之意父卒與母入終南豹林谷之東明峯結草為廬僅庇風雨以講習為業資束修養母母亦業道薄嗜味後得辟穀術遂不娶終身遇山水暴漲道阻絕糧輒食芋栗每幅巾短褐負琴携壺沂長溪坐磐石何山藥往往竟日值月夕或至宵分自豹林抵州郭七十里徒步與樵人往返間如也素不善浮圖見佛經輒裂之所著象書十卷及嗣禹說表孟子上下篇太乙祠錄人頗稱之多為歌詩性嗜酒曰空山清寂聊以養和自號雲溪醉侯并作傳以述其志淳化中轉運宋惟翰言于朝使召之母患曰嘗勸汝勿聚徒講學身既隱矣烏用人知放乃稱疾不起其母盡取筆硯毀之與轉居窮山深僻人跡罕至太宗嘉其節詔京兆賜緡錢養母有司歲時存問不奪其志咸平初母卒水漿

不入口三日廬於墓側宋湜錢若水王禹偁皆言其貧真宗賜以錢帛并米以助其喪及張齊賢守京兆薦放隱居丘園博通今古孝悌之行鄉里所推特遣供奉官周旺促召赴闕由是隱節稍稍不終祥符中嘗上議道議德議刑議器議文武議制度議教化議賞罰議官司議軍政議獄訟議征賦議刑政凡十三篇八年十一月乙丑晨興忽取前後所著悉焚之服道士衣與諸生會飲酒數行而卒

萬適字縱之宛丘人自號道玄子六七歲即能為詩及長喜學問精於道德經與高錫族子冕及韓丕遊酬唱多警句通跡嵩山不求仕進專務著述有任簡集百卷雅書三卷志苑三卷雍熙詩二百首經籍摭科討論四十卷淳化中不為學士上因召對問卿早在嵩陽當時流輩頗有遺逸否乃以適及楊璞田誥為對上悉令召至闕授適慎縣簿適素強力無恙詔下日忽病勉強赴謝數日而卒 田誥歷城人隱居教授學徒嘗至數百登第顯達者相踵宋惟翰許袞皆其弟子好著述每構思必匿深草中絕不聞人聲俄自草中躍出即一篇成矣卒後有百餘篇傳世 楊璞字弁立新鄭人善歌詩嘗杖策入嵩山窮絕處構思成百餘篇士大夫多傳誦之與畢士安尤相善每乘牛往來郭店自稱東野道民被召對于便殿不願仕賜以束帛還作歸耕賦以見志真宗朝諸陵道出鄭州遣使賜以茶帛與一子出身卒年七十八

弘簡錄 卷一百九十四 五 遺民朱一

李濱字長源先洛陽人六世祖坦唐馮翊令五世仲芳大理司直高祖玄初福建觀察推官曾祖鄧字堯封仕梁歷滑魏宋三鎮留後拜崇政使吏部尚書後唐天成中以太子少傅致仕卒

贈太保祖延昭殿中丞父登字正白善詞賦登廣順進士辟補帥張鐸記室因家河中乾德初補闕補德祥薦為殿中侍御史度支判官使江南坐受賂遣貴右贊善大夫卒瀆以騰於河神而生故名自幼淳澹好古博覽經史家聚書滿頗有奇妙年十六丁外艱服闋杜門隱居王旦李宗諤與之世舊每勸其仕不答性惡喧囂所乘馬為宗人借憇于厩間即鬻之往來中條山中娛情山水不親產業所居木石幽勝談唐宋以來衣冠人物歷歷可聽王佑與河中深加禮待前後州將亦厚遇之真宗祀汾陰直史館孫冕言其隱操陳堯叟又薦其德能化鄉閭遣使召見自陳習靜避世之意辭不奉詔自是屢加使命存問不絕素嗜酒藉以扶羸養疾嘗語諸子苟遇醉而卒吾之願也天禧三年臘月三日忽有人誦詩云行到水窮處未知天盡時言訖弘簡錄

卷一百九十四

六 逸民宋一

不見瀆曰吾嘗逝矣亟取所營集七十篇泊書付諸子促家人置酒頃之卒年六十三詔贈秘書省著作佐郎賜其家粟帛所在常加存恤仍獨差役魏野字仲先陝人瀆表弟世為農母夢引袂於月中承兔得之及長耽嗜吟咏不求聞達居州之東郊手植竹樹清泉環遶旁對雲山景趣幽絕鑿土築丈曰樂天洞前為草堂彈琴其中好事者多載酒肴從之嘯詠終日前後郡守武臣故相皆加禮遇或親造之往往留題累宿而去性不喜巾幘見賓客惟白衣草履出則跨白驢趙昌言素倂獨野至戒關吏即報特置賓次為詩精苦有唐人風格句多警策著草堂集十卷祥符初昇丹使言本國得其上帙願求全部詔與之祀汾陰與瀆並薦遣陝令王希招野野自言願守畝畝永荷帝力上不之強詔州縣長吏

常加存撫令圖所居觀之生平無疾以瀆計至哭之勸命于往赴曰吾不可往往必不至裁六日果卒年六十州上其狀詔贈秘書省著作郎

邢敦字君雅雍丘人嘗舉不第慨然有避世之意耽玩經史精於術數工繪畫頗嗜酒或遊市廛過客詢以休咎多不與語里中號邢夫子性介僻不妄交友惟與宋準趙昌言相厚祥符七年真宗幸亳邑人上其事王曾以聞詔授許州助教敦辭不受受乾興元年無疾卒年七十四

林通字君復錢塘人自少孤力學好古不拘拘章句性恬淡薄榮利家貧衣食屢歎晏如也遊遊江淮久乃歸杭結廬西湖之孤山多植梅以自娛得句如疎影橫斜水清淺暗香浮動月黃昏傳以為絕唱凡二十年足不及城市真宗聞其名賜粟帛詔弘簡錄

卷一百九十四

七 逸民宋一

長吏歲時勞問薛映李及每造之必竟日清談然後去即盧劍為墓臨終作詩有茂陵他日求遺稿猶喜曾無封禪書之句州錄開上仁宗嗟悼賜諡和靖先生賜以粟帛生平善行書詩詞澄淡峭特既就稿隨輒棄去或勸錄以示後曰吾方晦迹林壑且不欲名一時况後世乎然好事者往往竊記今所傳尚三百餘篇初客臨江遇李諒方舉進士未有知者通語人曰此公輔器也卒後諡為州守素服與其門人臨七日塋之刻遺句內藏中道不娶無子教兒子宥登進士宥字大年頗介潔自喜英宗時為侍御史中丞唐介奏其避事出知蘄州卒于官

高擇字文悅季興四世孫年十三能屬文既長博通經史百家借稷山人韓退俱往終南從種放受業放奇擇不敢列于弟子與同時張堯許勃號南山三友冠準聞其名薦之辭不起景祐

中錄國初侯王後樸推與其弟忻及范雍建京兆學召樸講授諸生席間常滿杜衍請賜處士號仁宗賜曰安素先生詔州縣歲時禮問給良田五百畝文彥博表其經術該通有高世之行可以激勵風俗詔賜第一區嘉祐中夢道士持素書聘為白鹿洞主卒 韓退母死負土成墳徒跣終喪去隱嵩山吳遵路石延年論其高節詔賜粟帛以壽終號安逸處士

徐復字復之建州人學易通流衍卦氣法自筮無祿遂志進取遊學淮浙間數年益通陰陽天文地理遁甲占射諸家之說他日聽其鄉人林鴻範說詩忽若有得自此推及於樂聲器表裏相因以求得其清濁高下七音十二律以及鐘磬修舛匏竹制度悉皆洞達見胡瑗所作鐘磬笑曰聖人寓器以聲今不先求其聲而更其器其可用乎後果制作不効范仲淹問四裔變異

弘簡錄

卷一百九十四

人 遺民宋一

復占以衍卦西方當用兵推其月日後皆無差慶曆初與布衣郭京俱召見問天時人事復推以易卦及今年所配年月日時正當小過剛失位而不中其在彊君德乎又問明年主何卦曰乾卦用事說至九五盡而止所言多及諷諫又問前年京師黑風何應曰兆在內豫王喪即其應也命為大理評事固以疾辭賜號冲晦處士補其子發校書郎為人性高潔而處世未嘗自異後居杭州十數年卒 郭京少任俠不事家產平居好言兵范仲淹滕宗諒數薦之

周啓明字昭回由金陵占籍處州初以書謁楊億大見稱賞億加禮待自是知名祥符中舉直言極諫議者謂非封禪太平事由是報罷乃浩然而歸教授弟子及門嘗百餘人不復有仕進意里人稱為處士運使陳堯佐表其行詔賜粟帛仁宗朝除試

助教就加稟給久之遷秘書郎終太常丞平生篤學有文藏書數千卷手傳口誦有古律詩賦殘啓雜文千六百餘篇

張愈字少愚益州郫人雋偉有大志寶元初上書言邊事其論甚壯使者薦除秘書郎願以授父顯忠文彥博為治青城山白雲谿杜光庭故居以處之丁內艱再期鹽酪不入口所持柳杖植於墓忽生枝葉後合抱性喜奕棋樂山水杜門著書妻蒲氏名芝又賢而有文遇有輿輒盡室以往遂浮湘沅觀浙江升羅浮入九疑歷數千里載鶴而歸卒之日妻為之誄曰高視往古哲士貴殷施及泰漢餘烈氛氲挺生英傑卓爾逸羣其人伊何自雲隱居超世不偶是名丈夫仕非其志祿不可淹營營末途非吾所安窮本自固困不自顛謝除人爵知命樂天脫簪散髮眠雲聽泉有峯千仞有溪數曲廣成遺址吳興高躅疏石通徑

弘簡錄

卷一百九十四

九 遺民宋一

依林架屋麋鹿同羣晝遊夜息嶺月披雲秋霖洒竹清意何窮其心自得放言遺慮何榮何辱孟春感疾閉戶不出豈期遂往英標永隔抒詞哽咽涕洟人誰無死惜乎才賢人多傳誦之

代淵字蘊之代州人世為吏有陰德性簡潔事親以孝聞受學于李暉張達年四十舉進士得清水簿親喪歎祿不及養淡于仕進居家教授坐席嘗滿舉為鳳州團練推官不就知益州楊日嚴又薦之遂以太子中允致仕謝絕諸生者周易言要佛老雜說數十篇田况上其書自太常丞改祠部員外郎晚年日菜食中褐山水間自號虛一長吏歲時致問澹然與對畧不及私嘉祐二年九月有疾擇日云丙申吉是日沐浴而絕 劉易忻州人善為詩性介烈博學好古兼喜談兵韓琦知定州

深敬之每爲誓所作詩於石或不可其意輒去再書不辭尹
洙帥涓延致尊禮狄青遇之亦厚治平中上所著春秋論授太
學助教并州學說書皆不就寓居號之盧氏趙抃復薦其行植
賜號退安處士卒琦祭以文云剛介之性天下能合者有幾淵
源之學古人不到者甚多其爲所知如此熙寧中詔加七品恩
以示優禮

章啓字隱之成都雙流人少孤鞠於兄嫂事如父母博通經學
尤長易太玄著發隱三篇明用著索道之法知以數寓道之用
三舉九據始終之變蜀守蔣堂楊察張方平何邨趙抃咸舉逸
民賜粟帛授州助教不就嘉祐中賜號冲退處士王素更所居
鄉曰通儒以旌之辟穀二十餘年雖老強力尚足每以氣治疾
以道自裕尊生養氣不以憂喜是非撓其心形里人范百祿因

弘簡錄

卷一百九十四

逸民錄一

從扣太玄誓爲解述大旨再復摘詞曰凡人所好而不足者善
也所醜而有餘者惡也君子能強其所不足而拂其所有餘太
玄之道幾矣此子雲仁義之心予惟述此而已若若其思觀其
言迂擯其所以爲數而忘其仁義之大是惡足以誦夫道哉熙
寧初卒年七十六子禩亦敦行義好古學世有隱德嘗應詔敦
遣不赴今所居猶存 後袁滋問易於伊川曰易道在蜀蓋往
求之滋入蜀訪問久無所遇已而見賈晉薛翁于肩叩問與語
大有所得皆蜀隱君子也

陽孝本字行先處州人學博行高隱於城西通天殿二十年獨
居不娶一時名士多從之游崇寧中舉八行稱頌補宗孟又以
山林薦特起皆不赴蕪賦自海外歸過而愛焉號之曰玉巖居
士贈詩有衆謂元德秀自稱陽道州蓋嘉之也年八十四卒

同時劉蒙字子明渤海人耻爲詞賦不欲自售都運劉庠以遺
逸薦召知湖陽縣免役法行語常平使者以爲不便退而條上
其害卽投劾去奪官歸鄉教授發親講學從遊甚衆元豐二年
卒纔年四十門人朋友誄其行號曰正思先生元祐初賜其家
帛五十四 樂京荆南人行義見稱鄉里事母至孝妻張氏家
絕嗣挾女弟隨嫁未嘗一見其面妻死寢食于外卒爲嫁之嘉
祐初以遺逸聞除校書郎累知湖陽赤水二縣神宗求直言答
以畏天保民轉知長葛助役法行列其不便可去奪職十年復
官監黃州酒稅以承議郎致仕元祐初召赴闕不至終于家

張舉字子厚常州人親在無兄弟斯須不忍去左右登甲科
親友彊赴調授青溪簿不肯之官閉戶讀書四十年夜分不寐
手校羣經萬卷著書甚富元豐中孫覺胡宗愈范祖禹交章薦
弘簡錄 卷一百九十四 逸民錄一

其高行言使舉且死草萊後世必以爲朝廷羞起爲穎州教授
不就元祐中蕪賦又言其孝弟修於家忠信行於友聲名聞於
人蹈中守常從容不迫爲當時名流所慕以不造其門爲耻詔
除秘書省校書郎勅郡縣致禮致遺竟不出崇寧四年卒賜諡
正素先生

鄧孝甫字成之臨川人第進士歷陳留尉萬載永明上饒三縣
令積官奉議郎提點開封府界河渠坐事去官閉戶著書不復
言仕元符末詔求直言年八十一上書言自新法亂天下末流
之禍權臣迭起欺世誤國不可勝言今宜以時更化純法祖宗
蔡京嫉之目爲詆訕宗廟入上書邪等削籍羈管筠州後去黨
碑同逐者皆得釋惟孝甫與范采中封覺民不免遂卒於筠嘗
作誌自許山中宰相虛有其才文昌先生虛有其作不得用於

世蓋有天命吾何憾焉所論述有卜世大寶龜伊周紫菴義命雜著太平策要二百五十餘篇

王當字子思眉山人好學博古通王佐大畧嘗言三公論道經邦燮理陰陽鎮撫四方親附百姓皆出於一道其言之雖大其行之甚易於經學尤遠易與春秋皆為之傳人稱得聖人之肯應舉不第退居田野元祐中薦舉賢良方正廷對慷慨不避權貴策入四等調龍游縣尉蔡京舉為官不就遂不復仕歎曰士之居世苟不見其用必見其言著春秋列國名臣傳五十卷又有經旨三卷史論十二卷兵書十二篇人皆傳誦卒年七十三

陳慥字季常希亮之子少與蕪軾遊論用兵及古今成敗自謂一世豪士稍壯折節讀書晚遊於光黃間曰岐亭庵居常蔬食

弘簡錄 卷一百九十四 主 遺民宋一 徒步往來山中妻子奴婢皆有自得之意不與世相聞人莫識也見其所著州方屋而高因謂之方山子及軾謫黃過岐亭識之人始知其為慥云

趙俊字德進南京宋城人登紹聖進士官至朝奉郎隱居杜門不妄交遊劉安世居河南嘗過之劇談竟日徐處仁相與厚善及得政鄉人多見用俊絕跡不往金寇亂士大夫皆避地俊獨守衡門嘆曰一椽何足以資敵死生有命避將安之衣冠多困踣于道卒亦安然無事劉諫僭號俊但書某甲子雖遭虐酷不肯改易逼為處部員外郎辭疾不受以詭界其家拒卻之如是再三遂不復強安貧固守多著述後三年以疾卒贈承直郎劉化源米璞劉長瑞俱耀州人化源登紹聖進士知隴州及金人陷關陝守令以城降者即復原任惟化源不肯遂被執使人

守之不得死驅入河北鬻蔬果隱民間者十年終不屈辱西人皆敬之璞登政和進士通判原州劉豫欲官之杜門謝病卒不行偽命長孺發書博州判官廳公事與豫審備陳祖宗德澤勸以轉禍為福豫怒追其官囚之百日終不屈後復官之不從紹興九年宣諭司周聿上之朝詔三人俱赴行在樞密樓昭言璞若風痺化源長孺老病遂命各轉兩官奉祠又鳳翔教授陰暉守節不仕詔特改令入官其後金復渝盟長孺之華陰不屈而死又開封人李壽登宣和進士建炎中知彭陽縣因不屈與民逃移外境令執獻金人授以儒林郎比三辭劉麟問其賢命張中孚以禮招致喜力拒之紹興九年死原州事聞贈奉議郎官其家一人

弘簡錄 卷一百九十四 主 遺民宋一 王忠民穎陽人幼通經史靖康間數言邊方利害于朝累召弗

至值困難隱居不出諸鎮翟興等欲致弗能皆重之建炎中張浚薦授迪功郎亦不受後避地南下遇商號鎮撫董先于內鄉留軍中事以師禮嘗作九思圖及定亂四象乞還二帝因劉豫以達於金主為錢板印圖散于偽境以明天下大義紹興三年翟宗薦其忠節特授宣教郎詔先津道詣闕既至呂頤浩徐俯見之皆拜舍于政府懇辭所授官言臣憤金人無道故三上書本心報國非冀名祿不許乃以詭真贖中藏七寶山下力求去復依先軍中不出而卒

蕪雲卿初不知其何人紹興間來豫章東湖構得隙地結廬獨居待鄰曲有恩禮無良賤老稚皆敬愛之稱曰蕪翁身長七尺美鬚髯寡言笑布褐草履恂恂如也未嘗疾病披荆畚礮為圃藝植耘麥灌溉培壅皆有法度常勝于別圃雖隆暑極寒土焦

草凍不絕佳蔬滋養楊茂四時物品無闕市鬻者利倍而售速先期輸直夜嘗繼屢堅初過他人爭負之以饋遠故嘗斷米不
乏有羨則以周急應貸假者負債一不經意暇或閉門高臥危
坐終日人莫之測張浚為相物色之言與自少同鄉友善馳書
函金帛屬豫章帥漕稱雲卿管樂流亞遁跡湖海有年矣其高
風偉節非折簡所能屈必親造其廬為我致之帥漕乃屏騎從
更服為遊士入其圃翁方荷鋤帥漕進揖問客何從來延入室
中士擬竹几地無纖塵案間有西漢書一帙帥漕恍若自失既
而汲泉煮茗意稍款洽遂扣其鄉里徐曰廣漢人曰張德遠嘗
識之曰然又問德遠何如人曰賢人也第長於知君子而短於
知小人德有餘而才不足因問今為何官二人曰今朝廷起張
公欲了此事翁曰此恐怕他未便了得在語畢起而言曰張公
弘簡錄 卷一百九十四 西 遺民宋一

六爻而言則三四皆人道也故謂之中又乾元亨利貞初曰四
德後又曰乾元始而亨者也利牝馬貞利君子貞是以四德為
仁義也乾陽物也坤陰物也山乾一卦論之則元亨利貞之類
與貞陰之類也是猶春夏秋冬雖為四時由陰陽觀之則春夏
為陽冬為陰也天之所以謂元亨利貞者如立天之道陰與陽
之類也地之所以謂元亨利貞者如立地之道柔與剛之類也人
之所謂元亨利貞者如立人之道仁與義之類也又坤之六五
坤雖臣道五寔君位雖以柔德不害其為君猶乾之九二雖有
君德不害其為臣故乾有兩君德無兩君坤有兩臣德無兩臣
六五以柔居尊下之君也江海所以能為百谷王者以其善下
也下本坤德黃中色也色之至美也裳下服也是以至美之德
而下人也其發明精到如此又至十四年方卒年九十七
弘簡錄 卷一百九十四 五 遺民宋一

今某等致公共濟大業因出書幣奠几上聞其鼻間隱隱作聲
若自咎者臨行力請其載辭不可期以詰朝上謁且遣使迎伺
則局戶間然排闥入書幣不啓家具如故而翁莫知所往矣帥
漕復命浚拊几自恨因嘆息識之曰雲卿雲卿風節高於傅霖
予期與之共濟當今山潛水沓逸不可尋弗力弗早予罪曷減
郭雍字子和忠孝之子自幼傳父學隱居峽州號白雲先生乾
道中峽守任清臣湖北張孝祥屢薦旌召不起賜號冲晦處士
孝宗稔知其賢每封輔臣稱道之命所在州郡歲時致禮存問
淳熙初更封順正先生令部使者就問雍所欲言時年八十有
三乃哀集其言曰易貫通三才包括萬理伏羲氏之畫得于天
文王之重得于人義畫為天天君道也故五之在人為君文重
為地臣道也故二之在人為臣以上下二卦別而言之如此合

生而生福也可以死而死亦福也決不忍汗面戴天同為叛民其言懇切周至輔不能決世道遂東如江陵請吳玠舉兵未幾

職收微使蜀首以世通薦

劉宰字平國金壇人素剛正明敏仁恕長於史事登紹熙進士

調江陵尉嚴禁巫風斷妖術歲早振荒多所全活不肯輕事無

楚或以事出都蔬食水飲與吏卒同調真州司法去日佳殺與

主簿趙師秀酬唱詩一帙而已當召試不肯自占不係偽學不

讀周程等書故不得與授泰典令屢決疑獄人驚以為神父憂

免喪除浙東倉司幹官職事修舉會韓侂胄方啓兵端宰不樂

仕亟引去監南岳廟制使黃度辟之固辭嘉定四年召堂審復

不至執政貽書推挽宰峻辭絕之盡還磨勘歲月以示決不復

仕理宗收召諸賢宰一至吳門拜疏徑歸自此甘心隱遯經三

弘簡錄 卷一百九十四 夫 逸民宋一

十年見義必為施惠鄉邦置義倉創義校飢歲為粥自冬徂夏

不絕薪粟衣纈藥餌棺衾之須隨滿隨予其無田可耕無廬可

居其之子女長未婚嫁皆汲汲經理如已實任其責雖質貸以

繼不恤也惓惓以民利病白于有司定折麥錢額更縣斗斛制

毀淫祠凡可以利鄉人者無不為之卒之日鄉人罷市走送聯

袂相屬如喪私親平生無一嗜好惟書靡所不讀常夜以繼晷

雖博考訓注而自得為多有漫塘文集語錄行世

張惟孝字仲友襄陽人少通春秋身長六尺工騎射城中亂爭

出關惟孝趨白河見一舟壯鉅急登之舟人不可惟孝呼曰今

日之事非汝即我能殺我者得此舟衆披靡不敢拒舟達鄆州

亂兵奔沙洋值帥別之傑盡詣湖惟孝令二人買戰前行已

與十騎衣黑袍假為敵兵給云後隊至守隘四五百人悉潰

慶元年卜居江陵至沙市遇舟大礙不可涉頃之宜撫姚希

得弟我冠張蓋從者數十今日敢有爭岸者投水中惟孝睥睨

良久提劍驅左右而出舉白旗以麾令衆船登岸毋敢亂次者

幹官鍾蜚英見而異之遙語曰今日正我輩趨事赴功之秋惟

孝不答退告唐舜申曰吾故人也因其言其平生明日蜚英導

希得羅致之仲宣樓酒酣謂曰有國而後有家天下如此將安

歸乎惟孝躍然曰從公所命乃請空名帖三十道以還逾旬與

三十騎俱擁甲士五千至旗幟鮮明部伍嚴肅上至公安下及

星山游路相繼希得大喜請所統姓名辭曰朝廷負人福難禍

易聊為君侯紓一時之難爾姓名不可得也時鼎澧五州危甚

惟孝擊鼓耀兵數口衆至萬人數戰俱捷江上平制使呂文德

招之不就而遁物色之不可得或云已趨淮甸後不知所終

弘簡錄 卷一百九十四 夫 逸民宋一

馮去非字可遷都昌人父椅字儀之家居教授所註易書詩語

孟太極西銘輯說孝經章句喪禮小學孔門弟子傳讀史記及

詩文志錄合二百餘卷去非登淳祐進士幹辦江淮轉運司治

儀真歐陽修東園在焉使者黃濤欲以為佛寺力爭不得時已

許薦去非寧不受謁告而去寶祐四年召為宗學諭時三學諸

生叩關論丁大全奸邪帝為下詔禁戒立石學門去非獨不肯

書名碑下已而御史希意劾諸生下獄去非復調護之未幾大

全拜叅政遂罷歸舟泊金山有僧上謁致大全意願毋遽歸少

俟收召誠得尺書以往成命即下去非奮然正色曰程丞相公

許蔡叅政抗牽率老夫至此今歸廬山不復仕矣斯言何為至

我絕之不復與言

鄭思肖字憶翁號所南連江人祖咸枝江主簿父震字叔起淳

新道學君子為安定和靖二書院山長有菊山詩集卒蓬吳之
 長洲思肖初入太學應博學宏詞科元兵南下扣關上太后幼
 主疏辭切直忤當路不報宋亡遂隱不仕亦不復娶因更名思
 肖即思趙與憶翁所南皆寓意也念不忘君每形於詩文中
 如過徐子方書塾云不知今日月但夢來山川題鄭子封寓舍
 云此世但知君父外不曾別受一人恩寒菊云寧可枝頭抱香
 死不曾吹落朔風中贈人云天下皆變吾觀其不變惟其不變
 迺所以變其變者物也不變者道也又云古人重立身今人重
 養身立身者蓋超乎千古之上與天地周流於不知不識之天
 也養身者惜一粟以活後命役於萬物死於萬變者何足道
 哉遇歲時伏臘輒野哭南向拜聞時人語掩耳亟走人亦不以
 為異坐臥皆南向扁其室曰本穴世界以本字之十畫精潔爾
 下文則大宋也

弘簡錄

卷一百九十四

大

建比宋一

不齊土根或問其故云地為他地矣汝不知耶不欲與難迫以
 勢權不可得也趙孟頫才名重當世惡其受元聘遂與之絕孟
 頫數往候之終不得見嘆息而去卒年七十八嘗著大無工十
 空經一卷空字去工而加十宋字也造語奇澁咸莫可曉自題其後云巨思
 肖啗三斗血方能書此後當有巨眼識之又著謬餘集一卷文
 集一卷自叙一百二十圖詩一卷

弘簡錄卷一百九十四終

弘簡錄 卷一九五

弘簡錄卷一百九十五

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 宋十二之二方技

趙脩已 王處訥子熙元 苗訓子守 馬韶 楚芝蘭

韓顯符 史序字顯 周克明祖作父 趙衍 李觀

劉翰 王懷隱陳昭 趙自正郭自 馮文智開文顯

藍洪蘊法聖 許希 蘓澄隱 丁少微 許瓊

賀蘭棲真 趙自然郭榮 趙柴通玄 劉真真 甄棲真

僧志言 僧懷丙 龐安時 錢乙 僧智緣

郭天信 魏漢津 楊傑 劉訖 陳賜兄祥

王老志 王仔昔 林靈素 王繼先 皇甫坦

弘簡錄 卷一百九十五

莎衣道人 王克明 孫守榮 廖應淮新增

趙脩已沒儀人精天文推步之學晉天福中李守真表為滑州

司戶參軍從軍出征占候多中奏試大理評事賜緋守真陰懷

異志屢以禍福諭之不聽辭疾歸鄉得免因是著名召為翰林

天文周祖鎮鄴奏參軍謀微聞隱帝將害周祖密勸引兵南渡

皆其策也即位擢殿中省尚食奉御賜金紫改鴻臚少卿遷司

天監顯德中累檢校戶部尚書嘗副陶穀使吳越宋初遷太府

卿判監事上章告老不許建隆三年卒年七十一

王處訥洛陽人少時遇一老父煮洛河石如麵令食之又夢人

持巨鑑中星宿燦然剖腹納之覺而汗洽心胸開悟因留意星

曆占候之學深究其旨晉末避地太原漢祖辟置幕府即位擢

司天夏官正出補許州令召為國子博士判司天監雅與周祖

原善及入汴遠命訪求得之甚喜因問以劉氏祚短事對曰人君未得位嘗務寬大既得位即思復讐多嗜殺人及夸人之族結怨天下所以運祚不長周祖驟然太息適誅蘇逢吉劉銖等家待旦將行孳教運命止之廣順中遷司天少監世宗命詳定舊曆差舛成而未上會王朴作欽天曆以獻私語之曰此曆不久即差因指以示朴深以為然建隆二年欽天曆果誤受詔別造新曆經六卷三年而成御製序文名應天曆又以漏刻無準重定水稱及候中星分五鼓時刻俄遷少府少監太平興國初改司農少卿判監事六年又上新曆二十卷真拜司天監卒年六十八 子熙元習父業開寶中補司天曆算端拱初改監丞遷太子洗馬兼春官正加殿中丞景德中同判監事東封汾陰皆從授司天少監奉詔於後苑續陰陽事十卷真宗製序賜名弘簡錄 卷一百九十五 藝學宋一

靈臺秘要及作詩紀之玉清昭應宮成授監正卒年五十八又秋官正趙昭益能專其業人所鮮及嘗言所脩曆二年後必差其差感度數稍謬熙元頗伏其精後果驗

苗訓河中人善天文占候之術仕周為殿前散員指擢使從太祖北征祝日下復有一日黑光摩盪久而不退指示楚昭輔曰此天命也夕次陳橋六師推戴訓預白其事受禪擢為翰林天文尋加銀青光祿大夫檢校工部尚書年七十餘卒 子守信少習父業補司天曆算尋改主簿知算造太平興國中應天曆又差詔與冬官正吳昭素主簿劉內真造新曆及成又命衛尉少卿元象宗同校定賜號乾元曆頗為精密優賜束帛雍熙中遷冬官正端拱初改太子洗馬判監事淳化二年奏一歲首正月一日與每月八日三元日上帝及天地水府三官各下巡人

世伺察善惡太歲日為歲星之精人君之象并天赦上慶誕日皆不可斷刑未幾轉殿中丞權少監事賜金紫至道二年上心憂梁雍宿兵彌歲凶歉令宰相問矢道答證所在奏臣仰瞻玄象及推驗太一經曆官分其荆楚吳越交廣並皆安寧自來五緯陵犯彗星見及水神太一臨井鬼之間屬秦雍分及梁益之地民罹其災水神太一來歲入燕分歲在房心正當京都之地自茲朝野有慶詔付史館明年真授少監咸平三年卒年四十六子舜卿國子博士

馬韶趙州平棘人習天文三式開寶中太宗尹京申嚴私習天文之禁素所善親吏程德玄每戒韶不令及門九年冬十月十九日既夕韶忽造德玄詰所以來對曰明日乃晉王利見之辰故以相告德玄惶駭止韶一室遽入白太宗命置防守將聞于太祖及旦果受遺踐昨因赦免授司天監主簿太平興國二年擢太僕寺丞改秘書郎太子中允遷丞出為平息令名避復判司天監事遷太常博士淳化五年坐事出更博與長山二令秩滿歸鄉里卒於家

楚芝蘭汝州襄城人初習三禮遇有道之士教以符天六壬遁甲之術屢朝廷博求方技請闕自薦錄為學生以占候有據擢翰林天文授樂源縣簿遷春官正判司天監事占者言五福太一臨吳分當於蘇州建太一祠芝蘭獨言京師帝王之都百神所集東南一舍地名蘇村若於此建五福太一宮萬乘可以親謁有司便於祇事何為遠趨江外以蘇臺為吳分乎輿論不能奪遂從其議仍令同定本宮四時祭祀儀及醮法官成特遷工部員外郎賜五品服與馬韶俱坐事出為遂平令卒年六十錄

其子繼芳為城父縣簿

韓顯符少習天文三式善察辰象補司天監生遷靈臺郎累加冬官正專渾天之學淳化初表請造銅渾儀候儀詔給用度使專規度擇匠鑄之至道元年渾儀成於司天監築臺置之賜雜絲五十匹送上法要十卷其制有九事具天文志自是職專測驗轉春官正又遷太子洗馬改殿中丞兼翰林天文祥符三年詔擇可以授渾儀法者薦其長子監生承矩善察躔度次子知算造承規與主簿杜貽範保章正楊惟德監丞丁文泰皆可傳其學焉六年卒年七十四

史序字正倫京兆人善推步曆算太宗補司天學生親較試擢為主簿稍遷監丞賜緋魚隸翰林天文雍熙二年廷試中選命知算造累遷夏官正河西環慶二路隨軍轉運太子洗馬修儀

弘簡錄 卷一百九十五

四 藝學宋一

天曆上之又纂天文曆書為十二卷以獻改殿中丞賜金紫景德二年權知少監卒年七十六序慎密勤職在監三十年與司天鄭昭晏未嘗有過衆頗稱之淳化三年昭晏言臣測金火行度須有相犯今驗之天而火行漸南金度漸北有若相避不相凌犯又言木火金三星初夜在午木在東火在中金最西漸北行去火尺餘此國家欽崇天道聖德所感言皆有驗

周克明字昭文曾祖德扶唐司農卿祖傑開成進士除獲嘉尉歷弘文館校書郎傳宗在蜀上書言治亂權水部員外郎三遷司農少卿精於曆算嘗以大衍曆數有差因敷衍其法著極衍二十四篇以究天地之數遇五代亂占以天文惟嶺南可避乃遣其弟鼎求為封州錄事參軍天復中傑亦棄官携家赴之至九十餘卒餘見南漢附載 父茂元亦世其學事襲至司天少

監歸宋授監丞而卒 克明精於傳授凡律曆天官五行讖緯

及三式風雲龜筮之書靡不究其指要開寶中授司天六壬改臺主簿轉監丞遷春官正頗修詞藻喜藏書景德初嘗獻所著文十編名試中書賜同進士出身三年出使嶺表有大星出氏西衆莫能辨或言國皇妖星為兵凶之兆還日亟言臣按天文錄荆州占其星名曰周伯其色黃其光煌煌然所見之國大昌是德星也願許文武稱慶以安天下心上從其請拜太子洗馬至殿中丞兼翰林天文權判監事屬修兩朝國史命參天文律曆事祥符九年坐擇日差互例降職天禧元年夏火犯靈臺語所親曰去歲太白犯靈臺掌曆者悉被降謫今榮惑又犯之吾其不起乎八月疽發背卒年六十四久居司天職著勤慎凡奏對必據經蓋言上悼惜之賻賚優厚遣內侍諭其孀直龍圖閣

弘簡錄 卷一百九十五 五 藝學宋一 馮元主喪事初諸借國皆有祭錄嶺南獨闕胡賓王初元與二家皆不之備克明訪耆舊采碑誌萃著撰數十數卷其書未成而罷

楚行開封汴城人少通四聲字母里人柳羅師之既長於九章緝古綴術海島諸算經尤得其妙兼明相法及聿斯經善推步陰陽星曆之數問語休咎無不中自陳試宜明曆補司天監學生遷保章正天聖初造新曆授靈臺郎與曆官宋行古等九人製崇天曆成進本監丞入隸翰林天文皇祐中又同造司辰星漏曆十二卷與周琮同管勾監事卒無子有女亦善算術

李觀字泰伯南城人俊辨能文親老教授自資學者常數十百人皇祐初范仲淹薦試太學助教精於明堂制度著圖說畧曰按考工記周人明堂度九尺之筵是言堂基修廣非謂立室之

數東西九筵南北七筵堂崇一筵是言堂上非謂室中東西之
 堂各深四筵半南北深三筵半五室凡室二筵是言四堂中央
 有方十筵之地自東至西自南至北皆可營五室十筵中央方
 二筵之地既為太室連作餘室則不能令十二位各直其辰當
 於東南西北四面及四角缺處各虛方二筵之地周而通之以
 為太廟太室居中月令所謂中央土居太廟太室者言此太廟
 之中有太室也太廟之外室子午卯酉四位上各畫方二筵地
 與太廟通為青陽明堂總章元堂四太廟當寅申巳亥辰戌丑
 未八位上各畫方二筵地以為左个右个也大戴禮明堂凡九
 室室四戶八牖共三十六戶七十二牖八个之室并太室而九
 室四面各有戶戶旁夾兩牖也白虎通明堂上圓下方八窗四
 闕九室十二坐四太廟前各為一門出於堂上門旁夾兩窗也
 弘簡錄 卷一百九十五 六 藝學宋一

左右之个其實皆室但以分處左右形如夾戶故有个名太廟
 以祀文王配上帝之位故謂之廟土於五行最尊故天子當其
 時居太室川祭天地之位以尊嚴之也四仲之月各得一時之
 中與餘月有異故復於子午卯酉之方取二筵地假太廟之名
 以聽朔也周禮言基而不及室大戴言室而不及廟稽之月令
 則備矣然非白虎通亦無以知窗闕之制也聶崇義所謂秦人
 明堂圖者其制有十二階古之遺法當亦取之禮記外傳曰明
 堂四面各五門今按明堂位四裔之國南門之外北面東上九
 采之國應門之外亦北面東上天子負斧扆南嚮而立是南門
 之外有應門也既有應門則不得不有皋庫雉門明堂者四時
 所居四面如一南面既有五門則餘三面皆各有五門鄭注見
 王宮有路門其次乃有應門今明堂無路門而但有應門便謂

更無重門而南門即是應門且路寢之前則名路門明堂非路
 寢乃變其內門之名為南門而次有應門何害於義四裔之君
 既在西門之外而外無重門又似列於郊野道路之間豈朝會
 之儀乎王宮嘗若猶設五門以限中外明堂者郊天法地尊祖
 配帝而止一門以表之豈為稱哉若其建置之所則淳于登云
 在國之陽三里之外七里之內丙巳之地玉藻聽朔於南門之
 外鄭康成注亦與是合夫稱明堂宜在國之陽事天神宜在城
 門之外今圖以九分當九尺之筵東西之室共九筵南北之室
 共七筵中央之地自東至西凡五室自南至北凡五室每室二
 筵取於考工記也一太室八左右个共九室室有四戶八牖共
 三十六戶七十二牖協於戴德記也九室四廟共十三位本於
 月令也四廟之面各為一門門夾兩牖是為八牖四闕稽於白
 虎通也十二階采於三禮圖也四面各五門酌於明堂位禮記
 外傳也嘉祐中除海門縣主簿終太學說書管著周禮致太平
 論平土書并禮論熙寧中門人鄧潤甫上其退居類彙皇祐續
 彙并後集官其子參魯郊社齋郎

劉翰滄州臨津人世業醫初攝護國軍節度巡官顯祐初獻經
 用方三十卷論候十卷今體治世集二十卷世宗命為翰林醫
 官遷衛尉主簿建隆初從軍北征加朝散大夫鴻臚寺丞乾德
 初考較優等開寶五年命視晉邸疾愈轉尚藥奉御賜銀器緡
 錢鞍馬詔與道士馬志醫官翟煦張素吳復珪王光祐同詳定
 唐本草凡神農本經三百六十種名醫錄一百八十二種唐本
 先附一百一十四種有名無用一百九十四種參以新附一百
 三十三種既成詔學士李昉知誥王祐員外扈蒙詳覆合新舊

九百八十三種廣頒天下加翰工部員外郎太平興國四年進翰林醫使改戶部郎中卒年七十二

王懷隱睢陽人初為道士住京城建隆觀善醫診以湯劑祇事

太宗諸邸時因多暇留意醫術藏常驗名方千餘首即位詔翰

林醫官各具家傳經驗方萬餘首以獻命懷隱與副使王祐鄭

奇陳昭遇參對編類每部冠以隋太醫令巢元方病源候論次

及方藥成一百卷御製序文賜名太平聖惠方頒行天下諸州

各置醫博士掌之詔歸俗除尚藥奉御三遷至翰林醫官嘗視

吳越王子惟濟疾有效詔獎之後數年卒 昭遇本嶺南人醫

術尤精驗初為醫官領溫水主簿後加光祿寺丞賜金紫

趙自正自化兄弟俱平原人高祖為景州刺史陷契丹父知崑

脫身歸寓居洛陽習經方名藥之術授其二子顯德中知崑卒

弘簡錄 卷一百九十五 醫學宋一

來京師悉以醫術稱自正試補翰林醫學自化診候秦國長公

主疾有效表為醫學加尚藥奉御淳化五年授醫官副使時隱

士萬適館于其家性適色變為切脉言其死不數日果驗雍王

元汾登晉國長主並言自化藥餌有功請加使秩卒年五十七

遺表獻所撰四時養頤錄真宗改名調膳攝生圖仍為製序生

平頗喜為詩有漢河集五卷朱白李若拙為之序又續自古方

技至貴仕者為名醫顯秩傳三卷

馮文智并州人世以方技為業召試補醫學加樂源簿端拱初

為醫官授少府監簿至監丞療府州折御卿疾獲愈表薦賜緋

加光祿寺丞咸平三年侍明德太后疾有效為尚藥奉御賜金

紫六年直翰林醫官院東封轉醫官副使祀汾陰加主客員外

郎卒年六十 咸平中上每便坐閱軍士有被金瘡者即令處

療一卒中流矢自頰貫耳衆醫不能取有閩文顯者以藥傅之

信宿而鏃出上嘉其能賜緋 又醫學劉贊亦善此術太宗征

晉陽都指揮韓最斂貫左臂不出幾三十年詔遣贊視傳以

藥出之步履如故最見上自陳感激願得死所特賜贊白金遷

醫官

藍洪蘊長沙人少為沙門習方技之書與廬山僧法堅俱遊京

師以醫術知名太祖召見並賜紫方袍號洪蘊廣利大師法堅

廣濟大師真宗在蜀邸嘗以方藥謁見咸平初補右街首座轉

左街副錄工於診切每先歲時言人生死無不應湯劑精至貴

戚大臣多遣診療後還山卒年六十八

許希開封人補翰林醫學景祐元年仁宗不豫侍醫數進藥不

效人心憂恐冀國大長公主薦希診視請鍼心下包絡之間可

弘簡錄 卷一百九十五 醫學宋一

亟愈左右爭以為不可諸黃門祈以身試無所害遂以鍼進帝

疾果愈命為翰林醫官賜緋衣銀魚金幣希拜謝已又西嚮拜

帝問其故對曰扁鵲臣師也今者非臣之功殆臣師之賜敢忘

師乎請以所得金典扁鵲廟帝為築廟于城西隅封神應侯廟

完後學醫者歸趨之因立大醫局于其旁著神應鍼經要訣行

于世官終殿中省尚藥奉御錄子宗道至內殿崇班

蘇澄隱字棲真其人為道士住龍興觀得養生之術後唐明

宗召問令宰相馮道致書諭旨歷清泰天福中堅辭聘命不至

開運末契丹主元欲加以恩命亦不受時貴李崧和凝日造其

室相與談其賦詩以贈周廣順顯德中詔存問之太祖征太原

還駐蹕鎮陽召見行宮語以京師作建隆觀思得有道之士若

之師可行乎對曰大梁帝宅浩穰繁會非林泉之士所可寄迹

上察其意即不之彌賜茶百斤絹二百駕幸其觀問師年踰八十而氣貌益壯其術安在對曰臣之養生不過精思練氣耳帝王養生即與於是因誦老子我無為而民自化我無欲而民自正無為無欲神太和上古聖君享國永年得此道也上大悅賜紫衣一襲并銀器絹帛卒年百歲

丁少微亳州真源人為道士持齋戒舉科儀精至尤善服氣多餌藥年百餘歲康強無疾隱于華山澗谷與陳齊名少微志尚清潔排嗜酒適性其道不同未嘗相通嘗起壇場淨室過夕朝禮五十餘年未嘗稍懈時有華陰李琪自言唐開元中郎官已數百歲人罕見者與關西逸人呂洞賓年百餘歲有劍術而如童顏步履輕疾頃刻數百里世傳以為神仙嘗至其處太平興國三年名赴闕獻金丹巨勝南芝玄芝留數月遣還卒

弘簡錄 卷一百九十五 十 藝學宋一

許瓊開封鄆陵人年九十九長子年八十一次子年七十九再次名承年七十五開寶五年承罷盧氏縣尉請闕欲乞近地一官以便養上仰命迎瓊赴闕對講武殿親臨顧問久之言唐末以來事歷歷可聽詞氣不衰上悅賜襲衣犀帶茶帛授承郎城令是時漵密齊沂萊江吉萬州江陰梁山軍各奏八十已上呂繼美等二十九人並賜爵公士真宗時凡老人年百歲已上者州縣以名聞皆賜衣帛米麥長吏存撫之

賀蘭棲真自言百歲善服氣不憚寒暑或不飲食但飲酒遊市鄜間能啖肉至數斤為道士始居嵩山紫虛觀後徙濟源奉仙觀張齊賢與之善景德二年遣內使李懷賢名赴闕真宗作詩賜之號宗玄大師資以紫服白金茶帛香藥特蠲觀之田租度其侍者祥符三年卒時大雪經三日頂猶熱人多異之

趙自然紫昌人本名王九家荻港旁以鬻茗為業年十三疾甚父抱詣青華觀許為道士後夢一人狀貌魁偉綸巾素袍髮班白自云姓陰引之登高山謂曰汝有道氣吾教汝辟穀之法夢中出青栢枝令嚼食及覺神氣清爽遂不食每聞火氣即嘔惟食生果清泉而已歲餘復夢向見老人教以道家符篆數百字既寤悉能記寫嘗為元道歌言修煉之要知州王洞聞於太宗名赴闕親問賜道士服改今名資錢三十萬月餘遣還住青華觀祥符二年復委發運使楊革訪其行迹命內侍武承全名至闕屢得對賜紫衣改青華觀曰延禧以母老求還許之鄭榮者本禁軍成壁州還夜遇神人謂曰汝有道氣勿火食因授以醫術救人祥符七年賜名自清度為道士居上清宮所傳藥能愈大風疾民多求之輒刺臂血和餅給焉 趙抱一秦州

弘簡錄 卷一百九十五 十一 藝學宋一

民家子常牧羊田間有名之者以杖引行杖端有氣如烟其香可悅至一山崖絕頂見數人會飲音樂交奏與人間無異駭而不測會巡檢司過聞樂聲梯崖而上至則無所視獨抱一在援以下具言其故凡經數夕若俄頃自是不喜熟食茹甘菊栢葉果實并泉間亦飲酒不親農事野行露宿貌如嬰兒素不習文舉口占辭句頗成篇詠有道家之趣祥符四年至京師僧角詔賜名度為道士間歲或一至常居太一宮與人言多養生之事不及外務

柴道玄字又玄陝州郿人為道士住承天觀年百餘歲善辟穀長嘯惟飲酒言唐末事歷歷可聽太宗召至闕入對語無文飾多以修身慎行為說懇求歸觀真宗時來京師命坐間以無為之要祀汾陰復召見其所居觀自唐軒遊宮有明皇詩及所

書道德經二碑上作詩賜之資以茶藥束帛為修道院蜀田租度弟子二人明年春道表自稱羅山太一洞主遣弟子張守元李守一詣闕以龜鶴為獻名官僚士庶言生死之要夜分盟濯然香庭中望闕而坐遲明卒時又名河中草澤劉與華山隱士鄭隱敷水隱士李寧與年七十餘以經傳講授躬耕自給授大理評事致仕賜絲袍笏銀帶隱以經術為業遇道士傅辟穀鍊氣之法修習頗驗居華山王刀巖踰二十年冬夏皆衣皮裘寧精於藥術老而不衰嘗以藥施人報者輒拒祥符四年賜號正晦先生上並作詩為賜加以茶藥綉帛獨隱辭不受

甄棲真字道淵單父人博涉經傳長於詩賦遊京師入建隆觀為道士讀道家書以自樂初訪道於牟山華蓋先生周歷四方以藥術濟人不取其報祥符中寓居晉州性和靜無所好惡晉弘簡錄 卷一百九十五 三 壽學宋一

人愛之以為紫極宮主年七十五復遇異人稱為許元陽語曰汝風神秀異有如李筌雖老尚可仙也因授鍊形養元之訣行之二三年漸反童顏攀高攝危輕若飛舉自號神光子與隱人海蟾子以詩往還論養生秘術目曰還金篇凡兩卷乾興元年秋謂其徒曰此歲之暮吾當逝矣即官西北隅自斃殯室先一月絕飲食與相知敘別以十二月二日衣紙衣臥禱榻卒人未之奇也及歲久形如生象始驚傳以為尸解

僧志言壽春人姓許落髮東京景德寺時眠院事清瑤誦經勤苦志言長跪願為弟子瑤見其相貌奇古直視不瞬心異之為授具戒然動止軒昂語笑無度多行市里褻褻疾趨舉指書空佇立良久時從屠沽遊飲陷無所擇眾以為狂瑤獨曰此異人也有欲為齋施輒先知之嘗不召款門指名取供温州人林仲

方以衲來獻舟始及岸遽來取去仁宗每延入禁中徑登坐結跌飯畢遽出未嘗揖謝王公士庶有名即赴莫與交一言或陰卜休咎揮紙疾書字體道壯初難解識其後多驗時皇嗣未立上默遣內侍至其所書十三郎字以對莫測謂何後英宗入繼果第十三象始悟大宗正守節請書不顧迫之得潤州字未幾薨贈丹陽郡王其前知多類此有海客遇風見僧操絙引舶而濟至都下忽遇之指曰非我汝奈何客尚記其貌大加嘆異與曹州士趙榮善榮後棄官隱居番禺數以偈頌相寄相去萬里數日輒達榮盛夏身死不壞言將死作頌上遣內侍塑真身為像置寺中榜曰顯化禪師後人見額上有光就視之得舍利僧懷丙真定人天性巧思非學所能真定木浮圖凡十三級歲久中級柱壞欲西北傾歷眾匠莫能支懷丙度短長別作柱命弘簡錄 卷一百九十五 三 壽學宋一

眾工維而上已而却工以一介自隨閉戶良久易柱而下不聞斧鑿聲趙州浹河石橋鑄鐵貫其中自唐以來相傳數百年大水不能壞鄉民盜鑿其鐵橋遂斲倒計千夫不能正懷丙不役眾工以術正之使復故河中府浮梁維以鐵牛八一牛且數萬斤後水暴漲絕梁牛沒于河募能出之者懷丙用大木為樁衝狀鈞牛身以二大舟實土夾牛維之徐去其土舟浮牛出運使張翥以聞賜紫衣尋卒

龐安時廬州人幼讀書過目輒記父世醫授以脈訣曰是不足學也更取黃帝扁鵲脈書治之未久能通其說時出新意辨詰不可屈已而病贖乃益讀靈樞太素甲乙諸秘書凡涉其道者靡不通貫獨以扁鵲之言精深其所謂難經者蓋寓其術於書而言之不詳欲使後人自求得之其術皆出於此以之視病淺

深決死生若合符節大率察脈之要莫急於人迎寸口是二脈陰陽相應如引兩繩陰陽均則繩之大小等故定陰陽於喉手配覆溢於尺寸萬九候於浮沉分四溫於傷寒此皆扁鵲略開其端參以內經諸書考究而得其說審而用之順而治之病故莫能逃矣因著難經辨數萬言觀草木之性與五藏之宜秩其職任察其寒熱班其奇偶以療百疾著主對集一卷古今異宜方術脫遺備陰陽之變補仲景論藥有古所未知今不能辨嘗試有功不可遺作本草補遺為人治病十愈八九踵門求診者為闢邸舍居之親視飭粥必愈而後遣其不可為者實告之不復為治活人無數或持金帛來謝不盡取嘗詣桐城有民婦產子七日不下百術無效邀安時往視纔見連呼不死令其家以湯溫其腰腹自為上下拊摩孕者覺腸胃微痛呻吟間生一男弘簡錄 卷一百九十五 西 醫學宋一

子其家驚喜請問曰兒已出胞而一手誤攀母腸不能脫吾腸腹捫兒手所在針其虎口既痛即縮所以遽生無他術也取兒視之右手虎口針痕存焉其妙如此有問以華佗之事者曰術若是非人所能為其史之妄乎年五十八而疾作弟子李百全請自視脈胃氣已絕遂屏藥餌後數日與客坐語而卒

錢乙字仲陽本吳越支屬祖從北遷居鄆州父頴善醫嗜酒東游海上不反乙三歲母死姑嫁呂氏收養之長誨以醫告其家世乙泣請往尋八九往返迎父以歸時年三十矣鄉人賦詩美之事呂如親生沒為收葬行服始以顯方著名至京師視長公主疾授翰林醫學皇子病瘳瘳進黃土湯神宗名問對以土膠水水得其平則瓜自止果效擢太醫丞賜金紫公卿宗戚延請不暇常診睦親宗子病謂可勿藥而愈指在旁幼子曰是且

暴疾明日果發癘其家亟名問言火色直視心與肝皆受邪俟三日過午時當更遂愈有公主子病嘔泄本中熱脾且傷他醫與剛劑燥而加喘將不得前後漫乙與之石膏湯而效方春有病欬面青而光加以辱白且氣哽乙言此肝乘肺逆候若秋得之可療春不可療法當三日死然尚能粥當過期若五日果絕有醫言孕婦病胎且墮乙謂不然娠者五藏傳養率六旬乃更誠能候其月偏補之何必墮已而得全又乳婦因悖而病目張不得眠診之言曰系內連肝膽恐則氣結膽衛不下惟郁李能去結煮酒飲之醉使氣隨酒入膽結去膽下則目自瞑矣果驗已有麻疾自以意治之愈甚嘆曰此所謂周痺也入臟者死熟思之移使在末因自製藥日夜飲之左手足忽舉不能用喜曰可矣復製茯苓大踰斗者以法噉之雖偏廢而風骨悍堅如全弘簡錄 卷一百九十五 五 醫學宋一

人凡為方不名一師不斬新守古法時度越緩舍卒與法會尤遠本草諸書辨正闕誤或得異藥問之必言生出本末物色名貌詳為差別考之皆合年八十二學痺痼劇知不可為名親戚訣別易衣待盡而卒

僧智緣隨州人善醫藥且有口辨嘉祐末名至京舍于相國寺每察脈知人貴賤禍福休咎診父之脈而能道其子吉凶所言若神士大夫爭造之王珪疑古無此安石曰昔醫和診晉侯而知其良臣將死夫良臣之命乃見於其君之脈則視父知子亦何足怪哉熙寧中王韶言蕃族重僧結吳叱臘部帳甚眾請與至邊而說之神宗名見賜白金遣乘傳而西稱經畧大師徑入蕃中說結吳叱臘歸化而他族俞龍珂禹藏訥令支等皆因以翰欵詔反忌惡之名選以為右街首坐卒

郭天信字佑之開封人以技緣太史局徽宗為端王時嘗密進
王言富有天下既而即位因得親視不數年至樞密都承旨其
子中復為閹門通事舍人許陪進士試大廷擢校書郎尋改還
武爵政和初天信拜定武軍節度使神觀使頗與外政見蔡京
亂國每託天文撼帝云日中有黑子帝懼京遂見黜張商英方
有時望欲借左右游談之助陰與相結使僧德洪輩道達語言
往往稱於內朝後商英眷衰京黨告天信漏泄禁中語每事必
先發端窺伺上育動息以報商英無不如志及商英罷張克公
列其罪貶昭化軍節度副使單州安置再貶行軍司馬竄新州
命宋康年使廣幾其起居至數月死京疑其挾術選吏發棺驗
視

魏漢津本蜀縣卒先從范鎮窺其制作後托師事唐仙人李良
弘簡錄 卷一百九十五 七

號李八百者授以鼎法兼通陰陽術數言多奇中嘗過三山龍
門聞水聲知其下有玉脫衣沒水抱石而出果玉也皇祐中與
房庶俱以善樂薦得召見獻議本黃帝夏禹聲律身度之說謂
人主賦形與眾異請以帝指三節三寸為度定黃鐘之律而中
指之徑圓則度量權衡所自出也又云聲有太有少太者清聲
陽也天道也少者濁聲陰也地道也中聲在其間人道也合三
才之道備陰陽奇偶然後四序可得而調萬物可得而理當時
以為迂怪蔡京獨神之從其請先鑄九鼎次鑄帝坐大鏡及二
十四氣鐘崇寧四年三月鼎成奉安于九成宮賜號冲顯處士
時年九十餘八月新樂成賜名大成樂置府建官加賜虛和冲
顯寶應先生額其樂書天下皆與京言大成獨得古意什三四
爾他多非古說異日當以訪受學弟子任宗堯而京客劉昂主

崇寧論太史之說為非將議改作既而以樂成久易之恐難遂
止漢津議制鼎名以奠八方曰蒼鼎形鼎鼎寶鼎魁鼎鳥鼎
壯鼎風鼎凡八而中央曰帝鼎皆以九州水土納其中及奉安
翌日上幸九成宮酌獻至北方寶鼎忽漏水溢于外昂謂取土
於雒州界非燕之正方後乃終於北方致亂當時莫不神之漢
津嘗語所知不三十年天下亂矣未幾死京遂名宗堯為典樂
復欲有所建而為田吳所奪語在樂志後即鑄鼎之所建寶成
殿祀黃帝夏禹成王周公封漢津為嘉侯與良成配食有馬
賁者亦出京門在大晟府方魏劉任田議論時依違其間無所
質正擢至通議大夫樞密院待制當時名器之濫如此

楊傑字次公無為人少有文名擢進士元豐中數任太常預議
玉牒并討論當世禮樂之事言本朝自解祖而上帝系莫考請
弘簡錄 卷一百九十五 七

尊為始祖配感生帝其說遂定時孝惠皇后章懷皇后孝章宗
后升祔之禮久而未講傑請斷天下之大疑正宗廟之大法因
慈聖光獻崇配之日並升四后神主祔于廟室後皆從之哲宗
時圖上大樂七失言侍郎范鎮樂章曲名加磬十六悉以為非
又論以黑黍用秬制律叩之不合以世無其黍用太府尺定黃
鐘銅量凡下舊樂三律詩其樂志以是鎮之樂律卒不得用元
祐中為禮部員外郎出知潤州除兩浙提點刑獄卒年七十自
號無為子有文集二十餘卷樂記三卷
劉洗字應伯福清人登進士歷莆田簿知廬江居母喪盡禮有
變芝生墓側人以為孝感崇寧中由講議司檢討歷軍器大理
二丞以素通音律授大晟府典樂嘗上歷代雅樂因革及宋制
作之音言周官大司樂禁淫與慢聲即孔子之意今燕樂之音

失於高急曲調之詞又多鄙俚恐不足以名和氣宋火德音尚
徵徵調不可闕臣按古制旋相為宮以七聲得正徵一調惟陛
下裁取徽宗喜曰卿言朕所欲聞宜為朕典司其事委以專掌
他日禁中出古鐘二詔說按適與今太族太呂聲協命取大晨
鐘扣之果應因奏鐘擊之無餘韻不如石聲詩云依我磬聲者
言其清而定也復取以合之聲益諧後歷宗正鴻臚衛尉太常
四少卿蔡續因革禮卒

陳賜字晉之福州人與兄祥道字用之皆以禮樂顯名賜中紹
聖制科授順昌軍節度推官徽宗初進冠衛集以勸尊紹述得
太學博士改秘書正字所著樂書貫穿明備趙挺之薦遷太常
丞進駕部員外郎為講議司參詳禮樂官與魏漢津議樂用京
房二變四清以為五聲十二律樂之正也二變以變宮為君四
弘簡錄 卷一百九十五 大 藝學宋一

聲以黃鐘清為君樂之嶽也夫事以時作固可變而君不可變
大呂夾鐘或可分而黃鐘不可分豈古人所謂尊無二上之旨
哉時論方右漢津絀賜議進太常少卿禮部侍郎終顯謨閣待
制提舉醴泉觀年六十八祥道元祐中為太常博士終秘書正
字所著禮書一百五十卷與賜樂書二十卷並行于世

王老志濮州臨泉人遇異人自言鍾離先生予丹服之若有所
覺遂棄妻子結廬田間為人言休咎其門如市政和三年太僕
王直以聞召至京師館于蔡京第嘗緘書一封至帝所徽宗啓
讀乃昔歲中秋與喬劉二妃燕好之語帝驚信以為神封為洞
微先生朝士多從求書初若不可解卒應者十八九嘗獻乾坤
鑑法謂帝與后他日皆有難請鑄成時坐盤下思所以微懼消
變者明年其師再見責以擅處富貴亟丐歸至濮而死賜金以

葬贈正議大夫為人性謹畏事親以孝聞初為小吏不受賂王
勳父令臨泉問勳名位書宰相字旋以墨穢之敗後乃悟

王仔昔洪州人始學儒自言遇許遜得大洞隱書俗落七元之
法出遊嵩山能道人未來事政和中召見賜號冲隱處上帝遣
小黃門因旱禱雨且默祝為宮妃療赤目命持紙來篆符其上
細書焚符說用湯沃之一洗而愈進封通妙先生每待以客禮
居上清寶籙宮獻議九鼎神器不可棄於外合移禁中建回象
徽調問以貯之居常倨傲性少類遇巨鬪若童奴又欲羣道士
皆宗已及林靈素有寵於宦者馮浩忌之陷以事囚東太一宮
俄下獄死臨終誓示其徒曰上蔡遇宛人其後浩果南竄至上
蔡被誅

林靈素温州人少從浮屠學仇其師笞罵去為道士與王允誠
弘簡錄 卷一百九十五 大 藝學宋一

共為神怪善妖幻往來淮泗間丐食僧寺厭苦之政和末仔昔
等龍袞上訪方士於左道錄徐知嘗以靈素對召見謬為大言
天有九霄神霄為最高神霄玉清上帝之長子主南方號長生
大帝陛下是也死下降于世其弟號青華帝君主東方攝領之
已乃府仙卿褚慈下降佐帝君之治蔡京乃左元仙伯王黼乃
文華吏盛章王革亦闈苑寶華吏及鄭居中童貫諸巨闈皆為
之名劉貴妃方有寵號以九華玉真安妃帝心喜其事與張虛
自俱賜號靈素通真達靈先生虛白通元冲妙先生賞賚無算
建上清寶籙宮密運禁省詔天下皆建神霄萬壽宮旋又造為
青華正晝臨壇及火龍神劍夜降內宮之事假帝詰天書雲篆
務以欺世惑眾其說妄誕不可究質然實無所能惟稍識五雷
法名呼風霆間禱雨有小驗而已吏民詣宮受神霄秘錄及朝

士嗜進者咸靡然趨之每設大齋輒費緡錢數萬謂之千道會
帝設幄其側靈素升高正坐問者皆再拜以請所言無殊異雜
以捷給詠諧時資蝶笑其徒美衣玉食幾二萬人建立道學置
郎大夫十等其諸殿侍農校籍授經備擬待制修撰直閣因遷
前憾欲盡廢釋氏悉改其名稱冠服上益尊靈素升温州爲應
道軍節度加號元妙先生金門羽客冲和殿侍晨出入呵引輒
與諸王爭道都人稱曰道家兩府忌允誠軋已壽之死宜和初
都城暴水遣往厭勝方率其徒步虛城上役夫爭舉挺擊之走
而免帝知爲衆所怨始有不樂之意居京師四年愈益橫恣道
遇皇太子弗欲避太子入訴帝怒責爲太虛大夫斥還故里命
通判江端本幾察之廉得其居處過制罪徙楚州安置已死避
奏至猶厚待以禮葬焉

弘簡錄

卷一百九十五

手

藝學宋一

王繼先開封人姿點善佞建炎初以醫得幸後復貴寵至和安
大夫開州團練使初尚致仕尋以軍恩落之授武功大夫富直
柔奏駁命乃寢旣而特授榮州防禦使診視太后疾有勞命主
管翰林醫官特補其子悅道朝奉郎閭門祇候論者切齒乃陽
乞致仕以避人言又詔遷秩二等許回投除右武大夫華州觀
察使餘人不爲例吳貴妃進封又遷奉寧軍承宣使妻郭氏封
郡夫人子安道武泰軍承宣使守道朝議大夫直徽猷閣孫錡
承議郎直秘閣一時遭遇冠絕諸大帥承順下風莫敢少忤權
勢與秦檜埒檜使其夫人請之敘拜兄弟表裏引援改昭慶軍
又欲得節鉞使其徒張孝直等校本草以獻給事楊椿沮之計
不行繼先富埒王室子弟通朝籍總戎寄姻戚黨與盤據要途
數十年間無能搖之者金將淪盟劉錡請爲戰備繼先倡育新

進主兵官好作弗靖若斬一二人和好復回帝不憚曰是欲我
斬劉錡乎御史杜莘老劾其怙寵干法十罪詔徙福州居住子
孫並勒停放還良家子女百餘人籍其貲以千萬計天下快之
後竟以貶死

皇甫坦蜀之夾江人善醫術顯仁太后苦日疾國醫不能療臨
安守臣張偁以坦聞高宗召見問何以治身坦曰心無爲則身
安人主無爲則天下治引至慈寧殿治目疾立愈帝喜厚賜之
一無所受令持香褥青城山還復召問以長生久視之術坦曰
先禁諸欲勿令放逸丹經萬卷不如守一帝歎服書清靜二字
以名其菴且繪其像禁中荆南帥李道雅敬坦坦歲謁道隆興
初道入朝高宗孝宗問之皆稱皇甫先生而不名坦又善相人
嘗相道中女必爲天下母後果爲光宗后

弘簡錄

卷一百九十五

手

藝學宋一

莎衣道人姓何氏淮陽荆山人祖執禮仕至朝議大夫道人避
亂渡江嘗舉進士不中紹興末來平江一日自外歸倏若狂者
身衣白襦盪勺食于市夜止天慶觀久之衣益敝以莎緝之嘗
遊妙嚴寺臨池見影豁然大悟人無貴賤問休咎罔不奇中會
有瘡者乞醫命持一草去旬日而愈衆翕然傳莎草可以愈疾
求而不得者或遂不起由是遠近異之孝宗一夕夢莎衣人跣
哭來叩訊之曰蘇人也詰其故不肯言帝寤以語內侍會后及
太子薨帝哀泣內侍進前慰釋并道前夢帝翼然因遣使召之
不至帝念恢復大計累歲未有所屬后位虛且久乃焚香默祝
遣中官致贊不言所以道人見之掉首吳音曰有中土即有外
裔有日即有月不須問趣之去使者歸奏帝甚異之賜號通神
先生爲築菴觀中賜衣數襲皆不受好事者強邀入菴大笑而

出衆日以珍饌餉之每食于通衢建飽即去帝歲命內侍即其
若設十道齋合雲水之士施予優普一歲偶踰期衆咸訝而請
道人亟起於臥搖手瞬目招之曰亟來亟來是日內侍至平望
衆益服其神光宗即位名之又不至慶元六年卒

王克明字彥昭其始饒州樂平人後徙烏程初生時母乏乳餌
以粥遂得脾胃疾長益甚醫以為不可治克明自讀難經素問
以求其法刻意處藥其病乃愈始以術行江淮入蘇湖鍼灸尤
精診脈有難療者必沈思得其要然後予之藥病雖數證或用
一藥以除其本本除而餘病自去亦有不予藥者期以某日自
安有以為非藥之過過在某事當隨其事治之言無不驗金使

黑鹿谷過蘇病傷寒垂死克明治之愈及從徐度聘金黑鹿谷
適為先排使待克明厚甚克明訝之谷乃道其故由是名開北
弘簡錄 卷一百九十五 藝學宋一

方後再從呂正已使金金接伴使忽被危疾克明立起之却其
謝張子益救海州戰士大疫克明時在軍中全活幾萬人子益
上其功力辭克明頗知書好俠尚義常數千里赴人之急初試
禮部中選累任醫官王炎宣撫四川辟克明不就炎怒劾克明
避事坐貶秩後遷至額內翰林醫痊局賜金紫紹興五年卒年
六十七

孫守榮臨安富陽人生七歲病醫遇異人教以風角鳥占之術
其法以音律推五數播五行測度萬物始終盛衰之理凡問者
一語頃輒知休咎守榮既悟異人授以鐵笛遂去不復見守榮
因號富春子吹笛市中人初不識也然其術率驗寶慶間遊吳
興聞譙樓鼓角聲驚曰旦夕且有變土人當有典郡者見王元

春即賀曰作鄉郡者必君也春不之信越兩月潘丙作亂元春

以告變功果典部自是富春子之名大顯貴人爭延致之淮南
帥李曾伯薦諸朝既至謁丞相史嵩之問者以畫寢辭守榮曰
丞相方釣魚園池何得云爾問者驚異入白丞相遽見之自是
數出入相府一日庭鳴噪令占之曰來日哺時當有寶物至明
日李全果以玉柱斧為貢嵩之又嘗得李全檄藏袖中以問守
榮答曰此賊詐假布囊二十萬爾剝封果如其說士大夫詢校
歷不盡答私謂所知曰吾以音推諸朝紳互有羸縮宋祿其殆
終乎後果驗

廖應淮字學海盱江人抱負奇氣好研磨運世推移及方技諸
家學年三十游杭疏丁大全誤國狀大全怒中以法配漢陽軍
抵漢江濱遇蜀道士杜可大授以邵堯夫先天學其書自王豫
天悅死葬玉枕中吳曦叛盜發其塚得書其算由聲音起應淮
弘簡錄 卷一百九十五 藝學宋一

神鑿穎利凡指畫未到能以已意逆悟學既成去隱宜欵問復
之杭畫市大街數夜沽酒痛飲醉輒大叫天非宋天地非宋地
奈何奈何復賦詩見意都人士聞之指以為怪嘗居層樓間空
中戎馬百萬作哭泣聲無何宋事日非沿江州郡望風奔潰復
大勳自殺氣又入關廣中吾不知死所矣遂遁去其言無一不
驗年五十二病死後以其學傳進士彭復復授鄱陽傳立立授
德興齊琦所著有玄玄集曆體星野指南象喻統會聲譜書前
妙用數十萬言

弘簡錄卷一百九十五 終

慶扶醫診候市至而卒 族孫常字正甫折節學問無戚里習
中進士調河陽司法參軍為富弼所禮遷河東運判河北提刑
崇寧中至工部尚書以龍圖閣學士知河陽苦旱及境而兩河
決親護役徙處埽上役人盡力郡賴以安卒年七十九 曾孫
惟序字舜功山三班奉職累遷至供備庫六宅東上開門四方
館祁乾二州團練等使會任福敗以騎兵數千由懷安路破賊
三砦斬首數百級獲牛馬千計救巡警邊州時契丹勦兵燕薊
間遣使求割地未至惟序預得其草以聞領忠州刺史大名路
總管卒

劉知信字至誠邢州人父遷晉天福末鳳翔帳前軍使改滑州
奉國軍校從驍將皇甫暉禦邊有功早卒母即昭憲太后妹也
乾德初封京兆郡太君六年進本郡太夫人開寶三年十月卒
弘簡錄 卷一百九十六 三 雜行宋十二

廢朝發哀追封齊國太夫人陪葬安陵贈遷太保知信三歲而
孤直祖憐其敏慧建隆三年授供奉官轉六宅副使開寶五年
遷軍器庫使掌武德司領緇州刺史郊祀西洛為行宮使駐洛
中又為西京武德宮苑等使車駕出郊充大內留守太宗進領
本州團練至武德使從征河東為行宮使坐市竹木燭制左授
軍器庫使進皇城使秦王廷美事累謫右衛將軍靜難軍行軍
司馬起轉左衛領營州刺史雍熙初又轉左神武軍檀州團練
使護兵屯鎮州北伐為押陣都監師還諸將失道知信獨整所
部以歸俄知定州兼兵馬鈐轄押大陣右偏契丹乘其犄士遂
不介而出追之數十里斬獲甚眾以功就拜邕州觀察使召入
改并州路副都部署端拱中代還知杭州淳化四年知天雄軍
太宗崩充修奉永熙陵部署咸平初拜建武軍節度觀察留後

知永平軍府契丹犯邊復知天雄軍真宗北巡充駕前副都部
署歷知河陽并州幸澶淵命為東京都巡檢復知定州卒年六
十三廢朝贈太尉天平軍節度使始以戚里被親任中外踐歷
最為舊故以循謹聞 子承宗幼善射兼習書數以蔭補殿直
寄班祇候轉供奉官鎮定高陽關三路承受公事還掌軍器庫
真宗臨幸見其整肅而授開門祇候轉內殿崇班祥符初就加
內殿承制歷如京文思二副使河北河東緣邊安撫都監知保
州俄拜東染院使知定州副薛瑛使契丹還兼鎮定路兵馬鈐
轄改宮苑使知雄州河北緣邊安撫使在郡有治迹詔書嘉獎
名歸時靈昌決河初塞擇守臣以承宗為皇城使知滑州未幾
代還會西邊言吐蕃囁嘶囉作文法頗為邊患命佐陳堯咨為
鄜延邠寧環慶涇原儀渭秦州路巡撫副使又轉西上開門使
弘簡錄 卷一百九十六 四 雜行宋十二

充鈐轄乾興初進東上開門使鄜延都鈐轄而卒承渥蔭補殿
直累任使職喜為條奏至供奉官開門祇候孫承釗右侍禁亦
為開門祇候
劉文裕字以寧保州保塞人祖正晉幽州管田使兼平州刺史
乃簡穆皇后之兄父審奇武牢關使從討李重進戰死三子長
文遠建隆中為供奉官與并人戰沒次文裕補殿直權管雲騎
員條直太宗居藩多得親接即位擢內弓箭庫副使封母張氏
清河縣太君至太夫人出為秦隴巡檢上初分命親信密察諸
道官吏善惡致誣封州李鶴伏法有李飛雄者故太保鋒之孫
性兇愾縱酒蒲博常往來京師與魏博間無賴游父若愚前任
秦州判官故飛雄得盡知倉庫及地形險易兵精多少適往省
妻父塾屋尉張季英還乘其馬詐稱土命夜抵虜置卒乘炬出

迎卒不能辨即授以馬時秦州屬羌為寇文裕與周承瑒田仁
助領兵屯清水縣飛雄燭稱上南府親吏驅殿直姚承遂供奉
官王守定縣尉盧贊從已至則稱制盡縛承瑒等將械詣秦州
戮之因據城叛眾見承遂數輩同至不虞其詐皆號泣求詔書
此曰我受密旨以若輩還捷不用命令盡按誅豈不聞封州殺
李鶴乎文裕哀告以已嘗依晉即乞為營救飛雄忽低語謂曰
爾能與我同富貴否文裕始覺其詐即偽許之命左右釋其縛
策馬轉前附仁朗耳語仁朗伴墜馬若中風狀飛雄前視之又
釋其縛因起奮搏共擒飛雄送秦州獄鞫實與承遂等俱坐要
斬奪其家捕先與相善何大舉等悉棄市既置卒亦坐誅遷文
裕軍器庫使征太原與王侁分兵控石嶺關加領備州刺史為
高陽關都監契丹騎入與大將崔彥進擊邵之雍熙初徙屯三
弘簡錄 卷一百九十六 五 雜行宋十二

邊都巡檢使徙秦州鈐轄建小落門若親率士版築成賜白金
天禧中至代州再遷內閣使知邠州數從曹瑋出戰築堡障領
連州刺史卒真宗厚賜其家然以性剛喜評刺貴近短長故不
大顯子十六人漢字仲章蔭將作監簿監并州倉天聖中上書
請太后還政后震怒將黜遠州呂夷簡薛奎救免仁宗親政
擢為右正言與孔道輔等伏闕爭廢后討金俄擢屯田員外郎
夏人叛請開道走青唐通河西喇氏諭以恩信大集族帳誓死
扞邊遣騎護出境得其誓書與西州地圖以獻加直昭文館陝
西轉運使出工部郎知滄州改吉州刺史轉保州保自戍卒叛
後兵益驕漢至虎翼軍謀舉城叛民大恐漢乃單騎叩營械斬
首惡一軍帖服徙登州益治戰艦海寇不敢犯詔嘉獎歷知邢
恩冀涇五州恩承賊跡踐經理繕葺有兵民犯法一切用重
弘簡錄 卷一百九十六 六 雜行宋十二

戶戩即令滬將兵往受地既至而氏情中變聚兵合圍縱人呼
謀官軍繞千人前後又無授兵滬堅卧因令長炊坐胡床指揮
進退及戰氏潰追奔至石門氏皆稽顙請服盡驅其眾隸麾下
以通秦渭之路又敗臨洮氏於城下遷內殿崇班方遣董士廉
以三將兵助築城未半會戩罷四路招討而涇原尹洙以為不
便令罷築滬不聽命張忠往代又不受洙怒使狄青械滬并士
廉下獄氏眾驚收積聚殺吏民為亂朝廷遣魚周詢程戡往視
氏眾來言願以牛羊及下壯助工乃復以滬權木洛城城成以
違安撫節制黜一官為鎮戎軍西路都巡檢俄復官發於首
卒弟淵將以其柩東歸居人遮道號泣就請留葬立祠祀之經
畧司言其得熟尸心願得滬子弟主其城乃命其弟淳為木洛
城兵馬監押城中有碑記滬事

弘簡錄 卷一百九十六 七 雜行宋十二

賀令圖父懷浦孝惠皇后兄仕為散指揮使太平興國初領岳
州刺史屯三交從楊業北征死於陣令圖少謹愿諫太宗左右
即位補供奉官改絳錦副使知莫州遷崇儀使知雄州雍熙二
年領平州刺史充幽州行營壕砦使以所部下固安新城兩縣
克涿州遷六宅使領本州團練使護瀛州屯兵在邊郡凡十餘
年恃藩邸恩每入奏多言邊塞利害契丹主少母后專政罷倖
用事請乘其釁以取幽薊上信之故有岐溝之舉既而師敗議
者咎其貪功生事適契丹于越耶律遜寧使謀詐言獲罪本國
願歸南朝令圖輕信私遣重錦十兩于越果入與劉廷讓戰于
君子館令圖為先鋒于越傳言願得見雄州賀使君令圖不虞
其詐尚謂來降即引麾下數十騎逆之將至其帳于越據床罵
曰汝常好經度邊事乃今來送死耶摩左右盡殺其從騎反縛

而去始與其父首謀北伐一歲中皆陷焉時年三十九同死者
高陽關部署楊重進太原人少有膂力周祖鎮大名以隸帳下
廣順初補衛士朱初累遷內殿直都虞候太平興國初改龍衛
軍都校領徐州刺史征太原為萊州刺史隨曹彬北征領武州
防禦為右廂排陣使死時年六十五

王繼勛孝明皇后同母弟生時見一人赤髮惟貌入室中及長
美風儀性兇率無賴以后故為內殿供奉都知領溪州刺史加
恩州團練永州防禦龍捷右廂都指揮使收復湖南收領彭州
俄遷保寧軍節度觀察留後虎捷左右廂都虞候權侍衛步軍
司事所為多不法雄武軍所將新募兵千餘多無妻室將遣出
征太祖謂願為婚者不須聘財但酒炙可也繼勛不論上旨縱
令掠人家子女京城紛擾上聞大驚捕斬百餘人始定時后已

弘簡錄 卷一百九十六 八 雜行宋十二

崩上追念故不之罪復為部曲所訟詔中書鞫問解兵柄為彰
國軍留後奉朝請自以失職怏怏常鬻割奴婢為樂前後多被
害忽天雨墻壞羣婢突出訴冤上大駭命中使就詰之盡得所
為不法事詔削官爵勒歸私第仍令甲士守之俄罷登州未至
改右監門率府副率開寶三年命分司西京殘暴愈甚強市民
家子女小不如意即殺與僧廣惠共食之洛民害苦不敢告太
宗頗聞其事命知雜雷德曠往鞠之具伏乃斬繼勛并殲市女
僧令折廣惠脛而斬之洛民稱快
張永德字抱一井州陽曲人家世饒財曾祖丕尚氣節後唐武
皇鎮太原急於用度多選富家子掌帑藏或調度不給即坐誅
沒入貲產丕年已滿歲適宗人政當次補率族屬泣拜請濟其
急丕又為代掌一年鄉里服其義父穎事晉至安州防禦使永

德生四歲母馬氏被出育於祖母周祖初為侍衛與誦善乃以女妻宋德及為樞密使表授供奉官乾祐中鎮鄴命賜外兄常遇生辰禮幣時已被諂間有密詔族周祖家宋德微探其意請以已屬吏遇愕然曰君視丈人事得成否宋德曰妾邪盡政郭公香清君側其事必成無何周祖登位遇賀且謝曰老夫幾誤大事遂授左衛將軍駙馬都尉內殿直小底四班都知領和州刺史妻封晉國公主逾年擢殿前都虞候恩州團練使俄遷殿前都指揮使泗州防禦使年方二十四與宋祖同事世宗相與甚厚宋祖聘孝明后宋德出緡錢金帛數千助之世宗親征劉崇命與宋祖各領牙兵二千分進大捷降崇軍七千餘世宗駐上黨名語獎愛能何徵不用命宋德進曰陛下欲固守封疆則已必欲開拓疆宇威加四海宜痛懲其失遂誅二將以徇軍威

弘簡錄 卷一百九十六 九 雜行宋十二

大振進攻太原命北控忻口以斷契丹援路敗其衆二千餘遁去師還徙義成軍節度使時父瀕為曹澄等所害澄奔南唐會議征討宋德請自効師至壽春敗劉仁贍因執澄等三人求緩師始甘心焉又與宋祖領前軍至紫金出吳人列十八砦宋德設伏宋祖麾兵直攻第一砦宋德發伏馳入據之翌日攻第二砦鼓譟而進敵衆遁去俄屯下蔡破其水軍詔褒美擢為殿前都點檢克壽州授檢校太尉領鎮寧軍節度使北伐還加同中書門下平章事入宋加兼侍中來朝改節武勝軍召對後苑與道舊故飲以巨觥每呼駙馬不名時并汾未下帝問計安出宋德對曰太原兵少而悍加以契丹為援未易取也臣意每歲多設游兵擾其農事仍發間諜絕其援師然後可也帝然之討金陵以已資造戰船運糧自順陽沿漢水而下宮民高進訟之命

曹翰往按無狀翰以進授宋德告而釋之時稱長者太宗既位來朝拜左衛上將軍封鄧國公連知滄雄定三州端拱元年又改鎮安化軍名還為河北兩路排陣使屯定州與契丹戰斬獲甚衆內艱起復改知鎮州淳化二年徙節奉寧軍兼侍中判并州兼并代都部署俄坐販茶爭利罷為左衛上將軍真宗進封衛國公未幾判左金吾衛仗事請老授太子太師分司西京咸平三年授檢校太師彰德軍節度使知天雄軍卒年七十三護柩還京贈中書令諸孫遷秩者五人其山丹後適安邑劉祚祚卒迎歸與繼母劉氏並事以孝聞累朝恩渥不替嘗賜冠幘封莒國太夫人孫文蔚大理寺丞遷虞部員外郎文炳殿中丞初宋德未遇時有睢陽書生能煮黍成金宋德懇求其法生日君後遇真主當大貴吾不吝此慮損君福言訖而去後宋德領兵屯下蔡牙帳前後隊伍部曲八百餘人皆金錢銀葉繪繡旗幟宋德善騎射左右分掛十的擿十矢疾馳五發疊中淮民環視有一僧睥睨逃名之乃前書生也留宿帳中言始語君貴幸今不謬終能謹節降志禮賢當保五十年富貴因授以天文術數嘗與僚佐會食有報遼兵至者用太白萬勝訣占之曰彼以年月使利乘金而來反值歲星對逆兵家大忌必敗未幾折御卿捷至衆皆歎伏

弘簡錄 卷一百九十六 十 雜行宋十二

宋僂木名延僂祖瑤唐天德軍節度使兼中書令父廷浩尚後唐莊宗女義寧公主歷石原房三州刺史晉初為汜水關使張從賓叛力戰死之僂年十一補殿直遷供奉官晉祖以莊宗故每入見詔令勿拜從容謂朕於主家誠無所斬但朝廷多事府庫空竭今居葦下薪米為憂命僂分司就養奉主居西洛以就

豐泰漢祖在晉陽復遣子承訓奉誓以承寧公主與倅結婚累
 授北京皇城使乾祐初拜右金吾大將軍駙馬都尉隱帝投貽
 武軍節度使移鎮滑州廣順初內艱服除授左監門衛上將軍
 恭帝加開府儀同三司宋初加檢校太師領舟師巡撫江徽察
 李重進有謀飛章以聞詔屯海陵以觀其就親征為行營排陣
 使重進平以功改節使信軍來斬徙鎮華州會鑿池都城南命
 習水戰車駕數臨觀焉改忠武軍節度開寶初太祖納其長女
 是為孝章后徙邠州太平興國初加同平章事移鎮定國軍從
 平太原又從征幽州詔與尚食使侯昭願領兵萬餘攻城南面
 師還歸鎮五年冬車駕幸大名召詣行在改知滄州六年封邢
 國公遷同州又為右衛上將軍雍熙中知霸州卒年六十四廢
 朝贈侍中諡莊惠倅累代近親貴盛鮮比然能謙恭下士子元
 弘簡錄 卷一百九十六 雜行宋十二
 靖供備庫使元度副使元載元亨並左侍禁閤門祇候孝章寢
 疾語晉國長公主無他憂惟慮族屬不睦貽笑於人景德中幼
 子元翰果請京師求析家財真宗弗問諭其族屬務遵先后遺
 戒元度子惟簡為殿直惟易為奉職
 尹崇珂淑德皇后兄父延助歷磁同澌三州刺史崇珂初事周
 世宗於藩邸以謹厚稱即位補東西班都知以職高平有勞績
 遷本班副點檢從征淮南遷都虞候改殿前都指揮使宋初出
 為滑州刺史有善政民詣闕請刻石頌德太祖命侍御史李穆
 撰文賜之討湖南為行營前馬軍都指揮使與潘美丁德裕克
 郴州改授朗州團練使征嶺表以為行營馬步軍副部署嶺南
 平命與潘美同知廣州兼市舶轉運等使錄功遷保信軍節度
 使未幾南漢開府樂範容州都指揮鄧存忠韶州賊帥周思瓊

春思道都指揮麥漢瓊等據五州之地復命討之遣中使李神
 祐督戰數月盡平其黨還治所六年卒年四十二贈侍中中使
 護喪歸葬洛陽錄其弟崇珪子昭吉並西京作坊使後領欽會
 二州刺史至洛苑使昭輯供奉官閤門祇候
 符彥卿字冠侯五代時存審子年十三能騎射性謹愿出入唐
 莊宗卧內及長以為親從入汴遷散員指揮使天成中大破契
 丹于嘉山授慶州刺史耀州團練使晉天福初領同州節度使
 少帝時出鎮河陽三城加平章事改節武定軍漢祖移鎮兗州
 加兼侍中乾祐中兼中書令封魏國公守太保周祖即位封淮
 陽王領天雄軍節度使尹大名進封衛王長女適世宗即宜懿
 皇后拜太傅改魏王恭帝加太尉詔書不名建隆四年來朝欲
 留典兵趙普言其名位已極不可復委兵權宜已出普復留之
 弘簡錄 卷一百九十六 雜行宋十二
 太祖問卿何苦疑彥卿朕待之厚豈忍負朕耶普曰陛下何以
 能負周世宗祖默然遂罷移鎮鳳翔被病請還洛陽從之次女
 復為太宗皇后加太師彥卿本起家將子勇畧有謀善用兵凡
 得賞賜悉分帳下故士卒樂為効死契丹自陽城之敗其主乘
 蒙駝以遁喪其器甲旗仗數萬故尤畏憚之呼為符王耶律德
 光陷晉其母問彥卿安在左右對曰遣歸徐州矣母曰留此人
 中原何失策之甚其威名如此鎮大名餘十年政委牙校劉思
 遇貪黷估勢公府之利多入其家彥卿不之覺時藩鎮率遣親
 吏授民租粟量增益公取其羨而魏郡尤甚太祖聞之遣常參
 官主其事斛量始平其羨餘粟詔賜彥卿以愧其心性不飲酒
 頗謙恭下士對賓客終日談笑不及世務不伐戰功居洛陽春
 月嘗乘小駟從家僮遊僧寺名園優游自適然酷好鷹犬吏卒

有過求名鷹犬以獻雖盛怒必勸之人以此歲卒年七十八

子昭信天雄軍衙內都指揮使領賀州刺史顯德初卒贈檢校

太保開州防禦使 昭愿字致恭謹厚謙約頗讀書好事蔭補

牙職俄領興州刺史國寶中補供奉官遷西京作坊副使出護

陳許蔡穎等州巡兵征太原為御營四面巡檢使攻幽州與宋

僱率兵萬餘砦于城南師還真拜蔡州刺史知并瀘二州連知

承典軍梓滑二州咸平初又為天雄邢州二鈐轄以疾求歸京

師卒年五十七車駕臨哭贈鎮東軍節度使子承煦左千牛衛

將軍 昭壽初補供奉官改西京作坊副使歷遷六宅副使領

蘭州刺史雍熙二年命與劉知信護鎮州屯兵北征為押隊都

監轉尚食使真拜光州刺史知洪定二州咸平初遷鳳州團練

使監州鈐轄在州恣肆放縱軍人怨憤為神衛卒趙延順等八

弘簡錄 卷一百九十六 雜行末十二

人所殺子承諒娶齊王女嘉興縣主至內殿承制 曾孫惟忠

字正臣以外祖母賢靖大長公主蔭為三班奉職擢開門通事

舍人勾當東排岸司三司使冠城繩下急漕米數不足吏卒率

論自盜惟忠以法爭之賊怒惟忠辨愈力咸得坐減久之以西

棗院副使權提舉倉草場提點開封府界縣鎮公事宰相王曾

外孫樂誥為開封簿以無善狀不肯薦獨薦長城尉吳奎且厚

遇之誥果以賊敗惠民河與刁河合流歲多決溢害民田惟忠

自宋樓鎮碾橫隴村置二斗門殺水勢以接鄭河自是無水

害陝西用兵除涇原路兵馬鈐轄兼知涇州再遷西上開門使

副富弼往報契丹求地至武彊縣疽發背卒贈客省使眉州防

禦使

郭守文父暉仕漢為護聖軍使從周祖征河中戰死守文年十

四居喪哀毀周祖憐之召隸帳下廣順初補左班殿直至副都

知宋初遷西頭供奉官蜀平遷知簡州蒞來遺盜潘美獲嶺南

劉鋹遣守文馳傳告捷遷翰林副使又從曹彬平金陵護送李

煜歸闕知煜以拒命自歎諭曰國家止務恢復疆土致太平豈

復有後至之責煜心始安改西京作坊使領翰林司事俄從黨

進破并寇於圍柘谷太平興國初秦州內附蕃部騷動命乘傳

撫諭遷西上開門使汴水決寧陵董宋忠丁壯赴役塞之又與

關門王先入作石全振護塞靈河縣決河及征太原與判四方

節梁魁分護行營馬步軍劉繼元弟繼文據代州依遼人之援

以拒命復遣討平之俄受詔護定州屯兵大破遼人於蒲城以

功轉東上開門仍領涇州刺史召還擢內客省使八年滑州房

村河決發卒塞之復董其役遼人擾雄州命率禁兵數萬赴援

弘簡錄 卷一百九十六 古 雜行末十二

既至遁去雍熙二年率兵屯三交加領武州團練使命帥師討

及人破夏州鹽城鎮岷羅賦等十四族斬首數千級俘獲生畜

萬計又殲咩鬼族諸部長懼相率來降凡銀麟夏三州歸附者

百二十五族萬六千餘戶西鄙遂寧北伐為幽州道行營前步

軍水陸都監粹與遼人遇流矢中之氣色不撓軍中服其量隨

衆左遷右屯衛大將軍明年復舊職拜宣徽北院使與田欽祚

並為北面排陣使屯鎮州端拱初改南院使北面行營都部署

兼鎮定高陽關兩路排陣使是冬遼騎南侵大破之唐河端拱

三年十月卒年五十五上悼惜贈侍中諡忠武追封譙王為人

沈厚有謀畧頗知書每朝退習書百行出言溫雅未嘗忤人意

得俸祿賜賚悉犒勞士卒死之日家無餘財士皆流涕太宗亟

加嘆息賜其家錢五百萬為納其女為真宗夫人即章穆皇后

也于崇德至太子中舍崇信西京左藏庫使同知皇城司卒以
后兄特示優禮廢朝贈兩州觀察使崇儼至崇儀使全州刺史
贈泗州觀察使崇德于承壽虞部員外郎天禧五年錄孫若水
為奉禮郎 崇仁字永年淳化四年補左班殿直遷東頭供奉
官閤門祇候契丹入寇齋密詔諭河北諸將還奏稱有累遷崇
儀副使兼閤門通事舍人章穆崩特除莊宅使康州刺史再遷
宮苑使母憂起復雲麾將軍凡領昭解蔡三州團練使經十年
除知相衛二州皆辭不行久之擢捧日天武四廂都指揮賀州
防禦使高陽關路馬步軍副都總管以疾卒贈彰德軍節度觀
察留後天性慎靜不樂外官雖居外戚未嘗過所恩澤

劉美字世濟本姓冀以假銀為業後改姓劉初事其宗藩邸以
謹力被親信即位補三班奉職再遷右侍禁咸平中監傳潛軍
弘簡錄 卷一百九十六 五 雜行宋十二

改陳穎巡檢使時石保吉在陳州大治解舍修城壁朝議頗以
為疑遣美廉狀言其世受國恩推高貴列藩閫營繕過度忽於
檢下誠或有之自餘保無他患上意乃解歸朝充閤門祇候祥
符二年護漢州屯兵歷遷供奉官徙嘉州士卒有病皆給醫藥
親察視撫循之名遷改內殿崇班提點在京倉塲東西入作司
以舉職聞遷洛苑副使預修大內以勞改南作坊使同勾當皇
城司天禧初遷洛苑使領勤州刺史與周懷政聯職未嘗阿附
左右有過輒痛繩之親從卒偵邏者按籍更易番次必均上屢
欲委之兵柄以皇后懇讓中較者數四三年授龍神衛四廂都
指揮使領昭州防禦使改侍衛馬軍都虞候五年加武勝軍節
度觀察留後卒年六十廢朝贈太尉昭德軍節度使 錄其子
從德供備庫使從廣內殿崇班好馬季良由上虞尉躡致龍圖

開直學士旁親遷補者數人妻宋氏河內郡夫人仁宗嗣位太
后臨朝從德以崇儀使真拜恩州刺史改和州又遷蔡州團練
使出知衛州佐以屯田員外郎戴融轉恩州兵馬都總管知相
州從德齒少無能特以外家故恩寵無比卒年二十四贈保寧
軍節度使榮國公諡康懷妻王氏嘉州王蒙正女家豪右以厚
貲結納至郎官郡守融擢三司度支判官錄內外姻戚門人及
僮隸數十人 孫永年字居錫四歲授內殿崇班許出入兩宮
仁宗使賦小山詩有一柱擎天之語以為奇童常置內中年十
二始聽出外累遷廉州團練使陝州都監郭逸山等為盜密遣
壯士夜渡河殺其凶桀二十餘人衆遂散遷鈴轄代還攝幹辦
皇城司單州團練使永興路總管契丹遣使來請帝繪像選副
張昇報使會夜取巨石塞驛門衆皆恐永年素有力量擲棄之
弘簡錄 卷一百九十六 六 雜行宋十二

驚以為神出知涇州賜詩龍行振武卒素驕歲折支香藥三司
不時輦送突入廳事請以他物代語不遜永年數其罪斬為首
二人餘不敢動同提舉在京諸司庫務出知代州契丹取西山
木前守皆不敢過永年遣人盡焚之契丹移檄捕縱火盜答以
盜固有罪然發在我境何預汝事乃不復言帝嘗問禦戎策對
合旨書忠孝二字以賜英宗遷沂州防禦使復知代州歷馬步
軍殿前都虞候太原定州路副都總管王師征安南遷邕州觀
察使步軍副都指揮使卒贈崇信軍節度使諡莊恪 從廣字
景元少出入禁中侍仁宗左右太后愛之如家人子后崩真拜
崇州團練使娶荆王元儼女授滁州防禦使元昊反自言不能
扞患坐耗縣官願上所給公使錢帝嘉納之除羣牧都監改副
使特拜宣州觀察使同勾當三班院請補外自效知洛州漳水

溢穿隋故渠以殺水勢治人便之徙邢州籍鄉軍之罷老者聽引子弟自代著為令召還復領三班院出知襄州徙真定府路馬步軍副都總管卒贈昭慶軍節度使諡良惠為人性謹仿事交士大夫時頗稱之

楊景宗字正臣章惠皇太后從弟少蒲博無賴以罪隸繫籍時宰相丁謂營第致坊為役卒負土第中后初為美人奏補茶酒班殿侍遷西頭供奉官開門祇候坐事降左侍禁鄂州兵馬都監復官遷東染院副使加封太后賜以謂居第進崇儀使領連州刺史楊泰淵三州兵馬鈐轄改總管為舒州團練使在任使酒任氣嘗殿通判王述什地帝嘗深戒頃之復然後崩遷成州防禦使坐入臨皇儀殿被酒譴謀出為充州總管改天雄軍副都總管帥呂夷簡以禮飭戒景宗肆志不悛奏貶齊州都監

弘簡錄 卷一百九十六

七 雜行宋十二

歷衛鄆二州鈐轄召還同勾當景靈宮提舉四園苑及后升祔帝念故特拜徐州觀察使逾年領軍頭引見刊出知磁州為建寧軍節度觀察留後知潞州領皇城司坐衛士入禁中謀為亂復貶徐州觀察使知濟州還提舉萬壽觀復原官又坐從卒王安拔刃入皇城請左監門衛大將軍均州安置起為汝州鈐轄明堂軍恩還官求郡帝謂其性貪虐暴戾所至為人患不與復以為建寧軍留後提舉四園苑勾當在京諸司庫務卒贈安武軍節度使兼太尉諡莊定雖居外戚屢進屢退所得俸賜隨費無餘惟所賜第三十年不易時以為鑒 族孫應詢字仲謀歷知信安保定軍霸州塘梁之間地沮洳水潦易集居人浮板以濟應詢為增堤防闢長衢濬其旁以泄流居民賴之擢河北沿邊安撫使徵宗以歸信容城兩縣弓手為契丹所擄欲增為千

人或恐生事應詢爭曰吾欲備他盜彼安能禁我卒增之擢知雄州契丹與西夏結婚以朝廷方取夏地乞還不許多為虛聲擁兵並塞中外疑懼應詢請治兵積粟示以有備彼將聞風自戢明年果還復遣其相蕭保先牛溫舒來請詔逆于境應詢願固守前議尋兼高陽關路鈐轄會邊人捕得北盜呂懺見契丹以為界執平民詔使縱釋應詢不與坐違慢貶秩再遷洋州觀察使入提舉萬壽觀復為定州真定大名副都總管卒年六十三贈昭化軍節度使諡康理

郭崇初名崇威以諱省父祖俱代北蕃長崇弱冠以勇力應募為人重厚寡言有方畧後唐清泰中為應州騎軍都校晉祖割雲應地路契丹崇耻事之奮身南歸歷鄆河中潞三鎮騎軍都校開運中戍太原漢祖起以為前鋒入汴改護聖左第六軍領

弘簡錄 卷一百九十六

六 雜行宋十二

郭與富州刺史從周祖平河中以功遷果州防禦使領護聖右廂都指揮使乾祐三年復從周祖與李筠拒慕容彥超於劉子陂走之補侍衛馬軍都指揮使樞密王峻遣率七百騎東拒漢湘陰公贊遇於睢陽崇帥于牙門外贊名升樓崇未敢遣馮道下與語崇乃登具言天命已定軍情屬于周祖贊執崇手涕泣俛首久之俄而贊所領衛兵都校張令超以衆歸崇崇即送贊幽館舍周祖即位加領定武軍節度使南郊進同平章事鎮澶州世宗立并人侵潞州命崇與符彥卿禦之俄親征又副彥卿為行營都部署師還加兼侍中移真定尹成德軍節度使恭帝加檢校太師宋初兼中書令崇感周室恩遇時復泣下監軍陳思誨密奏其狀四言常山近邊崇有異心宜謹備之太祖曰我素知崇篤於恩義蓋有所激發爾遣人覘之還言崇方對質屬

坐池渾小亭飲博城中晏然太祖笑曰果如朕言未幾來朝代
李重進為平盧節度使乾德三年卒年五十八帝震悼贈太師
子守璘洛苑副使妻即明德皇后之姊孫允恭崇儀副使知常
州孫女為仁宗皇后天聖三年詔贈崇尚書令兼中書令守璘
太尉寧國軍節度使允恭太傅安德軍節度使六年加封崇英
國公守璘承清軍節度兼中書令允恭忠武軍節度兼侍中曾
孫中庸左侍禁開門祇候副使中和娶穎川郡王德嫫女為西
樂院副使

張堯佐字希元溫成皇后世父舉進士歷憲與筠州推官吉州
有道士與商人夜飲商暴死道士懼而遁為邏者所獲捕繫百
餘人轉運使命覆治盡得其寃改大理寺丞知汜水縣復遷殿
中丞知屏浦縣因地狹民繁多川訟堯佐為正其疆界條案獎

弘簡錄 卷一百九十六 堯 雜行宋十二

以曉之訟遂簡擢知開州選判登聞鼓院時溫成方為脩媛欲
以門閭自表異故堯佐稍進用權開封推官提點府界公事諫
官余靖言進用不宜太速引楊尚二美人以為監未幾遷三司
戶部判官歷副使天章閣待制權吏部流內銓兵部郎中知開
封加龍圖閣直學士給事中端明殿學士三司使諫官包拯等
又言比年以來水旱城郭地震河溢蓋小人道盛天下皆謂堯
佐主大計諸路困於誅求內帑煩於借助法制頹敝實自茲始
臣等竊惟親昵之私聖人不免惟慮之有道使不踐危機斯為
得矣明堂恩改戶部侍郎尋兼淮康軍節度羣牧制置宣徽南
院景靈宮四使並命又賜二子進士出身吳奎等復言陛下卽
位三十年未聞有失道敗德之事乃五六年來擢用堯佐羣口
竊議謂其過不在陛下在女謁近有與執政大臣蓋女謁近習

知陛下繼嗣未立既有所私莫不潛為趨向執政大臣不能規
諫乃從諛順旨高官要職惟恐不滿其意致附陛下於過舉制
下之日陽精晦寒氛露蒙宇宜斷以大義承命追寢必不得已
宜徵節度擇與一焉如此則上合天意下順人情詔令中書戒
諭言堯佐近任三司臺諫官皆言不可朕罷之又言優與之官
於體為善朕因此遂有是命今復以為不可前後反覆於法當
黜自今言事官相率上殿先取旨是日從堯佐辭宜徵景靈二
使未幾復以宜徵使判河陽訟有不決者多詣西京留臺吳育
輒於狀尾判其曲直堯佐畏恐即奉行之召遷徙鎮天平軍卒
贈太師賜其家僮舍錢日三千堯佐初起寒士持身謹畏頗通
吏治曉法律後遷至崇顯慈穆恩寵為世所鄙于山甫引進副
使樞密副都承旨后父堯封勿從學稽顙所為文多留穎家後

弘簡錄 卷一百九十六 堯 雜行宋十二

令堯佐詣穎末編次其墓為序以獻穎不答亦不以獻 稽顙
字公實宋城人父適為石首簿有仁恩生穎登天聖進士授茶
州團練判官王曾知青州徙天雄皆辟從事後薦遷太子中允
集賢校理歷開封推官三司度支判官同修起居注知制誥兵
部員外郎終翰林學士為人謹厚篤學王曾張知白嘗訓其子
弟曰公實若曹師表也

弘簡錄卷一百九十六終

弘簡錄卷一百九十七

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 宋十二之四 外成

李用和 子琦 李端懿 字端懿 號愚翁 曹琮從子 僧借 子諱

高繼勳 字道修 號道惠 任澤 向傳範 任經 孫宗回

王庠 祖伯琪 父夢易 孟忠厚 從父志卿 鄭興裔 韋淵

邢煥 潘永思 吳益 字益 子瑞 夏執中 謝淵 張說

李道 韓同卿 楊次山

李用和字審禮章懿太后弟少窮困居京師罄紙錢為業仁宗既立劉后使弟美及張懷德訪求宸妃親屬得用和於民間奏為三班奉職累遷右侍禁開門祇候權提點在京倉草場考城

弘簡錄 卷一百九十七 外成宋四

縣兵馬都監妃薨詣赴喪既葬遷禮賓副使八作皇城二司轉禮賓崇儀二使領賀州刺史妃追尊太后改遷陵寢詔用和領捧日天武兵護梓宮明年春詔乘傳行太后陵還授寧州刺史歷遷至殿前都虞候耶延真定定州馬步軍副都總管故事公使錢皆得私入用和悉以為軍費又歷侍衛親軍馬步副都指揮建武軍節度使殿前副都指揮使以老乞罷軍職拜宣徽北院使逾月改節彰信軍同中書門下平章事景靈宮使以疾告上臨問賜銀飾肩輿進兼侍中病革又幸臥內賜以居第并日給官舍餼錢五千既卒復哭之慟贈太師中書令隴西郡王輟朝五日制服禁中諡恭僖親撰神道碑曰親賢之碑妻卒亦輟朝成服時帝曰太后不逮養故褒寵外家特厚用和亦能小心靜默推遠權勢論者以此稱之子三 璋字公明以恩補三班

借職積官天平軍節度觀察留後知澶州護塞商胡會河漲訛

言水且至璋據廳事自若人心乃安河亦不溢徙曹州觀察使

累遷武勝軍節度使殿前都指揮使御書忠孝李璋字非秘書

賜之宴近臣羣玉殿酒半出大盞二飲韓琦及璋如有所屬仁

宗崩執政欲增京城甲士璋以例出累代不宜輒易又聞禁衛

私告乾興故事內給食物中有金近亦賜食眾視無之璋諭曰

天子未臨政已優賞汝何功復云敢誼者斬眾乃定俄以武成

軍節度使知鄆州京東盜白日殺縣令略人道中璋為信賞擒

捕盜為哀止歲大雨多以船筏邀利爭競溺死璋一切籍之約

所勝載如黃河法發卒城州西關調夫修路數十里夾道植柳

人指為李公柳知鄆州坐失舉改節振武軍知鄆州卒年五十

三贈太尉諡良惠 璋尚主珣字公粹以蔭為閣門祇候車駕

弘簡錄 卷一百九十七 外成宋四

視用和疾擢西上閣門使累遷均州防禦使知相州賜御製詩

飛白字寵其行未幾遷相州觀察使契丹預釣魚會遣以金

器使還悉上之更賜黃金及李珣忠孝字熙寧中遷宣州觀察

使知潁州哲宗初進泰寧軍留後提舉萬壽觀故事正任遇單

恩止移鎮惟宗室乃遷官至是珣與李端懿皆特遷單恩遷官

自此始卒年七十四

李端懿字元伯駙馬遵勛子性和厚喜問學通陰陽醫術星經

地理七歲授如京副使侍真宗于東宮尤所親愛嘗解方玉帶

賜之稍長出入宮禁如家人七遷濟州防禦羣牧副使杜衍擇

外戚子弟試外官以知冀州為政循法度民愛其不擾有言妖

人李教不死在王則軍中端懿辨其誣妾降單州團練使知筠

州改滑州兵馬鈐轄賊平果誣復以為汝州防禦使提舉在京

諸司庫務遷蔡州觀察使同勾當三班院母喪終制提舉集禧
 觀出知鄆州兼京東西路安撫使大水民饑發廩以賑置弓手
 局教以戰鬪悉如精兵治汶陽堤百餘里以却水患民益便之
 除寧遠軍節度留後知澶州赴任數月卒帝聞為撤樂贈感德
 軍節度使諡良定再贈侍中為人能自刻厲聞善士傾身下之
 以故甚得名譽 端愿字公謹亦由如京副使四遷恩州團練
 使歲旱仁宗御便殿慮囚上言縱釋有罪此特小人之幸放宮
 女或為宦者專制反失所歸何以弭災變累進邢州觀察使鎮
 東軍留後知襄鄆二州上言常賦三折其民不堪而本路轉運
 乃獻羨財帝怒奪轉運賞申折變之禁移廬州英宗初同提舉
 在京諸司庫務求對勸上躬攬乾綱以係人心不宜退托失天
 下望拜武康軍節度使知相州歸除醴泉觀使嘗言初官喜事
 弘簡錄 卷一百九十七 三 外戚宋四
 飾厨傳以干名則譽者至更事既久知抑豪彊制胥吏故毀隨
 之富弼深然其言請老以太子少保致仕凡大禮成賜金帶器
 幣品數視執政舊宗進太子太保欽聖皇后以甥舅之故嘗幸
 其第致禮于獻穆祠堂命近侍掖勿拜元祐六年卒帝輟朝臨
 奠賜典加等贈開府儀同三司 端愿字守道累官左藏庫使
 遷東上閣門使幹辦三班院嘗侍宴翠玉殿仁宗賜珠花飛白
 字寵顧特異歷知邢冀衛三州至蔡州觀察使元祐中終安德
 軍留後贈昭德軍節度使諡恭敏先是嘉祐時端懿密請建備
 人無知者元豐間因進對神宗命就其家錄取舊稿以進詔褒
 為近世賢戚以故其名益著 姪評字持正由東頭供奉官八
 遷皇城使授西上閣門使為樞密都承旨出使陝西河東疏父
 端愿平為趙普諫太宗北伐疏言城隩兀非便乞速毀撤解一

路之患又言王師征安南而取卒於西北使蠻間之得以窺我
 多見施行尋領榮州刺史出知穎州還幹當三班院副韓緝報
 聘契丹分畫河東地界二年乃決賜袍帶金帛進成州團練使
 知蔡州卒年五十二贈冀州觀察使為人天資刻薄招權不忌
 多布耳目采聽外事僥倖進用中外側目自以少涉書傳奉公
 主遺奏召試學士院改殿中丞意不滿辭之後二年再召試復
 止遷一官愈不悅至上書辨論及卒人無憐者
 曹琮字寶章彰少子慈聖太后從父幼時從煇與平郡主入禁
 中太宗稱為佳兒隨父鎮海軍補衙內都指揮使遷西頭供奉
 官閤門祇候勾當驛院羣牧市馬課羨遷西上閣門副使坐
 曹利用劾貶河陽兵馬都監領內軍器庫榮州刺史后初受冊
 禮皆琮主辦除衛州團練使辭以備后族不宜冒恩澤廢至公
 弘簡錄 卷一百九十七 四 外戚宋四
 族人敢因緣請託願致于理時論稱之除環慶路馬步軍總管
 知邠州秦州防禦使秦鳳路副都總管兼知秦州度羨材為倉
 廩積穀古渭冀城生羌屢入鈔邊琮懷以恩信多請內屬寶元
 初南郊召入侍會元昊反拜同州觀察使復知秦州上攻守禦
 三策兼同管勾涇原路兵馬定國軍節度觀察留後劉平敗請
 籍民為義軍以張兵勢賊寇山外還天都劫儀秦屬戶琮發騎
 士設伏以待又欲誘吐蕃擒角圖賊得西川舊賈使諭意沙州
 鎮王子遣使奉書言我本唐甥天子實吾舅也自党項破甘涼
 遂與漢隔今願率首領為朝廷擊賊帝善琮策改陝西副都總
 管經畧安撫招討副使拜為步軍副都指揮使與夏竦屯鄜州
 遂以疾卒帝臨奠后亦出臨喪就第成服贈安化軍節度使兼
 侍中諡忠恪為人小心謹畏善贊謁御軍嚴整死時家無餘貲

子佺皇賦使嘉州防禦使 從子侑字公伯玘子后親弟性和
 易美儀度通音律善奕射喜為詩自右班殿直累進殿前都虞
 候安化軍留後年未四十出知瀘青許鄆四州徙河陽歷建武
 保靜保平三軍節度使為宣徽北院使同中書門下平章事景
 靈宮使加兼侍中封濟陽郡王神宗每咨以政不答帝語大臣
 王雖近親貴幸而端拱寡過善自保其純臣也進對未嘗名元
 豐中以疾告既愈入謝帝曰身久不覩太皇太后宜少憇內東
 門朕當自啓已而名入歷上下儒釋道五閣大椿蟠桃亭再升
 殿乃退太后崩推恩拜司徒兼中書令護國軍節度領太一宮
 使給朱衣雙引騎吏前馬喪終謂郡帝日時見舅如而慶壽宮
 奈何欲遠朕得無禮遇有不至乎佺皇恐即城南為園池給八
 作兵屯役疏惠民河水灌之且將為築三百楹第固辭乃止高
 弘簡錄 卷一百九十七 五 外戚未四

麗獻王帶為秋蓋白鷺紋極精巧詔後苑工以黃金做其製為
 帶賜侑生日資予如宰相親王用教坊樂工服色衣侑酒以示
 尊寵哲宗加少保坤成節獻壽特緩宰相班優詔減拜卒年七
 十二贈太師追封沂王兄傳榮州刺史諡恭懷份從弟偕字光
 道少讀書知義以節俠自喜為許州都監幕客史沆傾儉不法
 上下畏之偕從容置酒對客數其十罪將擊殺之沆起拜謝為
 之歛迹累遷東上閣門使帶御器械知雄州議者欲廢塘梁為
 田偕持不可進華州防禦使知相州徙河陽總管卒嘗從梅堯
 臣學詩獲稱許為序其詩二子評字公正以蔭累官至引進使
 知審官西院積遷温州防禦使元祐中提舉萬壽觀請外為真
 定路鈐轄哲宗改總管徽宗遷相州觀察使歷龍神捧日天武
 都指揮使殿前都虞候馬步軍副都指揮使寧遠軍留後平海

軍節度使佑神觀使凡四使契丹十二館伴歷東西閣門預修
 儀制多所增損性喜文史書有楷法慈聖命書屏以奉神宗賜
 玉帶旌其能尤善左右射館伴時嘗雙破的使者驚竦咸里中
 號為沉厚卒年六十六贈開府儀同三司 諡字公善以蔭至
 左藏庫副使神宗授閣門通事舍人元祐中歷東上閣門使真
 定府并定州路兵馬鈐轄遷文州刺史使契丹至其宮門館客
 者下馬邀同入辭以北使至及朝堂門無妄生事遂乘馬入使
 還為樞密副都承旨徽宗進都承旨累慶州團練恩州防禦晉
 州觀察使保慶軍留後大觀中進安德軍節度使醴泉觀使兄
 弟同日拜立雙節堂於家咸里榮之性謹密習熟典故卒年六
 十五贈開府儀同三司諡忠定
 高繼勳字紹先宣仁太后之祖儀狀頗偉初補右班殿直太宗
 見而異之擢寄班祇候歷內殿崇班崇儀副使討王均為益州
 兵馬提舉西川諸州軍巡檢公事雷有終與兵五百使守東郭
 門會賊攻彌牟皆引兵轉鬪至嘉州敗之獲黃緞金塗鎗以還
 有終度賊已窘益以勁兵薄天長門繼勳率眾盛戰身被數創
 血濡甲縷馬死更馬復戰會內使秦翰來援賊退保子城潛知
 賊欲夜遁開圍使得潰去以功轉崇儀使餘黨保山澤時出剽
 劫復徙繼勳綿漢劍門路都巡檢使募惡少偵賊動靜窮躡殺
 穴掩其不備悉以擒滅還朝遷洛苑使并代州鈐轄屯岢嵐軍
 契丹聚兵屯草城川繼勳登高望之謂軍使賈宗曰彼眾而陣
 不整我兵雖少可以奇勝乃先伏兵山下轉戰至寒光嶺伏發
 契丹果敗相蹂躪死者萬餘獲馬牛橐駝甚眾遷弓箭庫使賜
 金帶錦袍領榮州刺史徙麟府鈐轄時河外屯兵饋運不屬因

扼兔毛川援軍食師乃濟擢知環與瀛州歲饑募富人出粟明年大稔木生連理郡上治狀請留遷內藏庫并宮苑使使契丹還知定州遷西上閣門昭州團練使鄜延路鈐轄坐市馬虧價失官已而復原職知莫與貝州仁宗真授隴州團練使知雄州俸報契丹兵入繼勳不為動已乃知渤海人出獵邊賴安靖擢捧日天武四廂都指揮連州防禦使歷至保順昭信二軍節度使馬軍副都指揮為莊獻莊懿二后山陵園陵都總管老病乞骸召見許一子扶掖勿拜復授建雄軍節度使知滑州會河水暴溢濤堤岸躬自督役水乃殺滑人德之卒年七十八較朝贈太尉繼勳性謙抑有機略善撫諭士卒臨戰輒勝在蜀有威名號神將後奉太后恩累贈太師尚書令兼中書令追封康王穆武神宗詔宰相王珪為神道碑御篆碑首曰克勤敏功鍾慶

弘簡錄 卷一百九十七 外戚宋四

之碑二子遵甫太后父官至北作坊副使先卒贈官一同追封楚王遵裕字公綽以陰累供備庫副使鎮戎軍駐泊都監夏人寇大順城諒祚中矢道會遣告英宗哀抵宥州夏遣王盭以吉服來迎遵裕責以易服語及大順事盭曰剽掠耳遵裕詰曰若主扶傷而適豈云剽耶夏人以為辱亟遣人代對曰王人蔑視下國豈欲控弦執鞭以相周旋乎遵裕瞋目曰主上天縱神武毋肆狂蹶以干誅戮時諒祚覘於外間搖手使止神宗聞而嘉之擢知保安軍稱得密旨使諭神機圖橫山乘取綏州雋被異坐降乾州都監遷通事舍人主管西路羌部圖籍及繪日唐武勝形勢入獻擢引進副使帶御器械俾歸治師夜行次慶平堡晨至野人關羌人旅拒遵裕引親兵一鼓破之進營武勝城羌衆逃去遂據其城詔建為鎮洮軍命知軍事尋以熙河洮岷

通遠為一路復克總管進西上閣門使榮州刺史王韶與李憲欲取河州勸令先建堡砦以漸而進今兵糧未備使彼阻絕要害我軍進退無所矣韶以為挾異檄使守臨洮後果不克帝善其議令專管洮岷疊巖未款附者逾龍珂地有鹽井為築鹽川砦瞻吳叱率諸羌脅青唐欲叛韶遣張玉攻討奏言青唐無罪第為生羌所脅遣裨將與龍珂禦之青唐人見龍珂泣訴昭吳叱知不附已潰去遂從韶竟取岷州令士衆生獲老幼與得級同全活者以數萬捷聞加岷州刺史明年羌乘景思立之敗圍河岷二州道路不通者幾月或請退保遵裕不許自登西門命將出縱擊別選精騎山南門出合擊之羌敗走詔以岷城遠難守議棄之至則賊已潰論功進團練使龍神衛都指揮使知熙州坐為運使張穆之獲罪罷知穎州徙慶州又坐事黜知淮陽

弘簡錄 卷一百九十七 外戚宋四

軍元豐四年復知慶州詔與諸路討夏國遵裕請濟師騎不足用益以羣牧馬又令節制涇原兵族劉昌祚先至靈州幾入城不用其計遂以潰歸貶鄧州團練副使哲宗復右屯衛將軍主管中獄廟卒年六十贈永州團練使紹聖中加奉國軍節度觀察留後 從子遵惠字子育初蔭為供奉官熙寧中試經義中選換大理評事歷三班院軍器丞擢太僕少卿太府卿出知河關待制知成德軍名除工戶二部侍郎龍圖閣學士知慶州卒年五十八贈樞密直學士為人能遠嫌自保方太后臨朝繩檢族人一以法度躬表率之人無間言元祐初上疏言法度更張事有當否如先帝所施設未可輕議故獨不罹紹聖之禍惠從姪士林字才卿累官內殿崇班至殿直英宗書謹守法律四字

一萬... 冊 黃參四事... 14 版文內

海之曰能此則為良吏每欲遷擢后屢辭素喜儒學涉閱經史
通大義尤有巧智嘗監揚州名伯庸稅木舊用火印易以刃尤
為簡便傍郡皆效卒贈德州刺史神宗加昭德軍節度使紹興
初追封普安郡王其子公紀字君正歷開門祇候通事舍人寧
州刺史本州團練永州防禦使集慶軍留後性儉約珍異聲伎
一無所好俸祿多以給諸族得任子恩均及孤遠卒贈感德軍
節度使諡懷倍紹興初追封新興郡王子世則字仲貽以恩補
左班殿直至內殿崇班開門祇候除親衛郎以通經典轉內殿
承制累遷康州防禦使知西上開門事宣和未金使至命掌客
記問該洽應對有據帝聞悅之屢以是命及兵至城下又命往
使還進秩二等除康王計議副使使使河北改華州觀察使名
對賜金帶當艱難中嘗在左右寢處不少離俄克大元帥府參
弘簡錄 卷一百九十七 九 外 咸 宋 四

向傳範字仲模神宗皇后從祖初任衛尉丞娶南陽郡王惟吉
女安福縣主收內殿崇班帶御器械屢知相恩邢三州入管客
省開門皇城司知陝州仁宗賜詩以寵其行熙寧初知鄆州兼
四路安撫使至密州觀察使卒贈昭德軍節度使諡惠節平生
歷官有能稱葬族人在殯者六十四喪 煙經字審禮皇后之
父初蔭虞部員外郎女為穎王妃改莊宅使立為皇后進光州
團練濰州防禦使頗欲以才見用數請補外擢知陳州歲中關
日活重伴三人西華令掠人至死吏畏莫敢言經得其情窮治
如法大雪弛公私餽錢以寬民斥公使錢歸有司以供享勞實
客軍師之用不以自私改知河陽會旱蝗乏食先推公田租入
振之富人爭出粟多所全活徙徐州遷明州觀察使名還提舉
景靈宮進定國軍留後復知青州所至勤吏治事皆自決嘗因
弘簡錄 卷一百九十七 十 外 咸 宋 四

發原與力役官舍幣廩一新饑者得濟崇寧初有告其陰事者宗同惶懼上還印綬以太子少保致仕言者不已削爵流彬州行二日聽家居省咎踰年還其故官欽聖后服除起奉朝請卒年六十二帝制服苑中贈檢校少師諡榮縱 宗良字景爾歷秀州刺史利州觀察使昭信軍留後奉國清澗鎮東武寧軍海軍節度使永嘉郡王開府儀同三司與蔡京相結及預政事亦能恪共自守卒年六十六贈少保 從孫子諱字伯恭恩補承奉郎知咸平縣豪民席勢犯法府尹盛章方以獄空覲賞却不受子諱以間詔許論決章怒劾以他事停勳宜和初復除江淮發運司主管文字淮南仍歲旱漕不通有欲漕河與江淮平者子諱力言不可又言曩有司三日一啓開復作澳儲水致水不之比年行直達之法加以應奉往來啓閉無節堰閘率不存今弘簡錄 卷一百九十七 外戚宋四

復故制嚴禁約則無患矣使者用其言漕復通召對除淮南運判升直秘閣為京畿轉運使遣進士李植獻金帛錢穀於濟州以助康王軍費。張邦昌手書不啓。封械繫所遺。劉達于獄。仍令子澹請王率諸將渡河起勤王兵。遣將王儀統赴城下。遷直龍圖閣。江淮發運副使高宗即位。上書按劾諸路監司廢格。靖康蠟詔。及勤王稽緩者。願悉加顯黜。有武尉徐端益不肯拜。邦昌為詔請易以文資。坐與李綱善。黃潛善斥之。復起知潭州。坐失守落職。紹興元年。移鄂州。主管荆湖東路安撫司軍于安仁。以無救兵為盜曹成所執。會宣撫都統制馬擴遣人持吳敏檄諭成。招降之。始釋子諱。詔提舉太平觀。胡安國以誓抵秦檜。憐其忠節。願復加收用。起知廣州。又以言致仕。再起知江州。改江東轉運使。進秘閣修撰。猷猷開待制。兩浙都轉運使。除戶部

侍郎入見。論京都舊事起居。郎潘良貴屬聲叱之日。不宜以無益之談久煩聖聽。上色變欲抵良貴罪。中丞常同固諫。於是三人俱罷。出子諱知平江。加徽猷閣直學士。金使議和將入境。不肯拜詔。忤桮復致仕。卒年六十八。子諱本相家子。能修飭自見。女愛諸弟。置義莊贍宗族貧者。

王庠字周彥。築州人。母向氏。即欽聖后姑祖伯琪。以義聲著于鄉州。有鹽井。籍民煎輸。多至破產。惟有祿之家得免。伯琪請於州均之官戶。遂為仕者。誣訴貴恨。以歿父。易登皇祐進士。力成父志。言於三司。上問蠲其族額。後坐事。錮三秩罷歸。而卒。庠幼穎悟。七歲能文。儼如成人。與弟序同業。制舉閉戶窮經。及傳注之學。元祐中。呂陶薦舉。賢良方正。直言極諫。庠以宋邦傑學成。未有薦者。推使先就陶。陶益加敬。未幾。紹聖特罷制科。庠嘆以為命。但無愧先訓。以之行。已足矣。崇寧壬午。京師蝗。上書論時政得失。張舜民見之。歎其危言。下第徑歸。母年五十二。求侍養。不願仕。大觀庚寅。行舍法州。復以庠應詔。辭以母年六十。不願奉詔。紹興中。元祐黨禁。方嚴。庠自陳與蘇軾蘇轍范純仁知已。呂陶王吉嘗薦舉。黃庭堅張舜民王華任伯雨為交游。不可人舉求仕。願屏居田里。雖處山林。唱酬賦詠。皆愛君憂國之言。太后念欲官之。庠以遜序升朝。母卒。終喪。起舉八行。大司成考為天下第一。盡以田均給庶兄弟。姪及前母之姊。詔旌其門。命以官。不屈。賜號處士。尋改漳州府教授。賜出身。及章服。力辭不受。而卒。孝宗諡曰賢節。序宣和間。以恩倖至徽猷閣直學士。兄弟各建大第。或者議庠隱操晚節。或少衰云。

孟忠厚字仁仲。隆祐太后兄。封咸寧郡王。彥弼之子。后退居瑤

華宮哲宗思眷不衰故忠厚得以仕進宜和中官至將作少監靖康元年知海州名權衛尉卿金人圍城后官火出居其家兵退邦昌迎后聽政遣忠厚持書遺康王即位授徽猷閣待制提舉迎后一行事務尋兼幹辦奉迎太廟神主事帝幸揚州除顯謨閣直學士后問學諫論列命易武秩授常德軍承宣使幹辦皇城司未幾奉太后幸杭州苗傅亂平推恩授寧遠軍節度使尋奉后幸南昌歸越丁母憂直后崩以祔廟恩起復鎮海軍節度使開府儀同三司大祥封信安郡王克禮儀使奉神御幸溫州紹興九年判鎮江府改兼明發二州安撫使又判紹興兼修奉攢宮事加少保三梓宮歸克迎護使及營佑陵祭榷當總護俾往除忠厚為樞密使以代其行山陵事畢欲歸樞府檜復忌之諷言路引故事論列出判福州時海寇猖獗帝慮不能取患

弘簡錄

卷一百九十七

七

外戚宋四

折其陣中認旗衆驚謂已遁遂潰民彥為賊所得淳亦力屈被執賊併殺之事聞並贈直龍圖閣各官其家三人淳字景祥贈成忠郎官其子晞古朱熹帥湖南請為彥卿民彥立廟以淳伯之

鄭興裔字光錫初名興宗徽宗皇后孫會祖神祖翼之陸海軍節度使父蕃和州防禦使興裔早孤字于叔父謙分以餘貲不受請立義莊贍宗族藻沒解官行服致追報之義初以后恩授成忠郎幹辦祇候庫克孟后攢宮內外巡檢累至江東路鈐轄乾道初建康留司請治行宮備巡幸奏謂勞人費財乞罷其役且言都統及馬軍帥皆非其人徒福建路兵馬鈐轄過關入見詢以守令減否條析以對孝宗稱其識時務習吏事行當用卿會復置武臣提刑就命為福建路加領高州刺史郡縣積玩檢

弘簡錄

卷一百九十七

七

外戚宋四

城命往視乃增其郭紹興元年遷保靜軍承宣使領內祠克明
堂大禮主管公事寧宗立除知明州兼沿海制置使告老授武
泰軍節度使卒年七十四贈太尉諡忠肅與裔歷事四朝以材
名結主知中興外族之賢未有其比子三人挺國練使歷淮襄
兩道帥損登進士甲科與抗皆位於朝

韋淵顯仁太后季弟靖康中官至拱衛大夫忠州防禦使勾當
軍頭引見司邦昌遣持書遣康王即位遷親衛大夫寧州觀察
使知東上閤門事言橫行五司尚未遵元豐舊制乞併引進司
歸客省東西閤門合而為一以省冗費從之命同管客省四方
館閤門事性暴橫不循法度帝慮其有過難行法遂遷福建副
總管引疾丐祠久之落階官除德慶軍節度使召赴行在除開
府儀同三司陳乞恩數賜田五十頃房緡錢日二萬太后將還

私簡錄 卷一百九十七 外戚宋四

封平樂郡王逆于境上歸還少師奉朝請在內不得逞乞致仕
任便居住未幾帝恐其肆橫復詔還居賜第從朝景靈宮見太
后出言詆毀詔御史余堯弼鞠治責授寧遠軍節副袁州安置
二十二年復故職加太保更太傅卒贈太師子三訊謙謙訊紹
興中官至達州刺史坐過用太后旨降武德郎與嶺外監當謙
好學能詩官至建康軍節度使孫璞淳熙末仕至太府少卿高
宗崩擢司農少卿為金國告哀使錫宴不肯用樂又不肯吉服
以凶服見紹熙初除明州觀察使至清遠軍節度使致仕卒贈

太尉

邢煥字文仲開封人高宗后父初陰汜水縣簿監在京藥局平
準務茶場以勞改宣德郎莫州司錄移知陽武縣提舉開德大
名府堤埽靖康初主管亳州明道宮高宗即位升右文殿修撰

兼徵猷閣待制諫議衛膚敏言其不當改光州觀察使除樞密
都承旨屢奏馬仲言事切當宗澤忠勞可倚黃潛善汪伯彥誤
國其言多所裨益遷保靜軍承宣使遇苗劉變自度不能爭以
病免提舉萬壽觀求去改江州太平觀徙居忠州紹興二年入
對首陳川陝形勢利害請幸荆南分兵以圖恢復帝甚嘉之復
以為都承旨引疾不拜擢慶遠軍節度使提舉洞霄宮為人涉
學有文節儉自持未嘗恃恩私請議者取焉卒贈開府儀同三
司諡恭簡加贈少師追封嘉國公

潘永思賢妃叔父妃初進封賜以梁師成第建炎初為閤門宣
贊舍人帶御器械遣迎元祐太后于虔權三省樞密事頗與盧
益交結為諫官吳表臣所論范宗尹請出之帝不許詔罷其祿
使知悔過既而辛企宗言其捕妖賊有功復帶御器械未幾大

私簡錄 卷一百九十七 外戚宋四

理推治偽告事連永思罷職就逮獄成追一官尋復官歷知閤
門擢右武大夫卒

吳益字叔謙蓋字叔平俱憲聖后弟益建炎末以恩補官累遷
幹辦御輦院帶御器械蓋紹興五年亦以恩補累遷閤門宣贊
舍人帝與后皆喜翰墨益兄弟師法之咸有書名后受冊推恩
加益成州團練使蓋文州刺史帝為置皇后宅大小學教授以
王鑑為之鑑明經善訓導一時折節事之益娶曾長孫女又交
結王繼先相薦引故三家姻族皆賦賸美官益授直秘閣及檜
進徽宗御製辭免加恩特命賜益三品服累加秘閣修撰直徽
猷閣復以檜提舉編修寬恤詔令加直寶文閣檜死煇復請升
敷文閣待制加益太尉中丞湯鵬舉乞職職名以示至公帝謂
當然但朕於其檜日諭其妻子許以保全若遽傷恩出其婿臣

俛得無更有論列由是不復遷後至保康軍節度使開府儀同
三司顯仁后葬爲檢官總護使進少保孝宗進少傅又進太師
封太寧郡王卒年四十八諡莊簡追封衛王蓋官至武寧軍節
度使太尉開府儀同三司累升少保封新興郡王卒年四十二
贈太傅追封鄭王 益子琚習吏事乾道九年特授臨安府通
判歷尚書郎換資至鎮安軍節度使復以才選除知明州兼沿
海制置使寧宗初乞祠尋知鄂州再知慶元府位至少師判建
康府兼留守卒爲人篤于信義善遠權勢趙汝愚令建立嘉王
意琚遜謝不敢當太后垂簾琚又言可暫不可久后遂以翌日
撤簾嘗使金言南使中惟吳琚言可信沒後因屢和不成益重
之弟瑋官至保靜軍節度使蓋子環亦至昭化軍節度使族子
銅九歲能誦六經語孟擢童子科特補承務郎

私簡錄

卷一百九十七

七

外戚宋四

夏執中孝宗皇后弟初補承信郎閤門祇候遷右武郎閤門宣
贊舍人帶御器械淳熙十五年遷奉國軍節度使提舉萬壽觀
寧宗加少保既貴始從師學作大字頗工復善騎射太上壽日
近戚爭獻珍異獨大書一人有慶萬壽無疆八字以獻高宗喜
錫資甚渥嘗爲館伴與金人連射背中的孝宗聞其才將召用
之謝曰保全足矣他日無累陛下人以此益賢之 同時謝皇
后弟淵初授武翼郎歷閤門宣贊舍人帶御器械光宗遷果州
團練使寧宗轉萊州防禦知閤門事仍幹辦皇城司至保信軍
節度使尋加太尉開府儀同三司封和國公薨贈太保
張說開封人父公裕和州防禦使建炎初有軍功說受任爲右
職娶壽聖皇后女弟累遷知閤門事隆興初兼樞密副都承旨
乾道初爲都承旨加明州觀察使七年三月除簽書樞密院事

命下朝論不平同知密院劉琪與同列固辭起復左司員外
郎張栻在經筵力爭之中嘗舍人范成大不草詞罷爲安遠軍
節度使奉萬壽觀祠不數月出知袁州語人曰張左司平時不
相樂固也范致能亦胡爲見攻指所坐亭是材植皆致能所惠
八年復提舉萬壽觀簽書樞密院事侍御史李衡右正言王希
呂交章論之起居郎莫濟不書錄黃直院周必大不草答詔轉
命權拾事姚憲書行翰林學士王曠草答詔未幾曠升學士承
旨憲爲諫議大夫賈希呂合黨邀名持論反覆與遠小監當衡
素與說厚所言亦婉止罷言職遷起居郎濟必大皆與在外官
觀日下出國門司業劉焯移書責宰相言說不當用言者復希
意論焯出爲江西運判自此聲勢赫然無敢撻之者九年仍拜
同知樞密院事露章薦濟必大二人皆予郡必大終不出淳熙

私簡錄

卷一百九十七

大

外戚宋四

元年帝廉知說欺罔數事命侍御史范仲芑究之罷爲太尉提
舉玉隆宮諫官湯邦彥又劾其姦賊降爲明州觀察使貴居撫
州并貶其子文州刺史薦明州觀察使疑于彬州三年許自便
七年卒于湖州孝宗猶念之詔復承宣使給事中陳峴繳之乃
止說先在樞筵南丹州莫延莛表乞就宜州市馬比橫山省三
十程有論其不便不聽及說貶始罷又嘗建議欲即官卿監通
差武臣留正以爲不可復與右相梁克家議使事不合克家罷
說獨留其竊政權傾大臣類如此
李道字行之光宗后父幼時與兄旺聚衆歸宗澤澤因事斬旺
命道掌其軍澤薨道引軍依桑仲奏除武義郎副都統制兼知
隨州進閤門宣贊舍人後霍明殺仲道與統制李橫率兵竊素
圍明于邗明亡去劉豫遣人持書來招道不從執其使以聞詔

嘉獎之豫怒遣將穆楷攻道復拒破之除鄧隨鎮撫使兼知鄧州會李橫已命別將守鄧道不敢進仍知隨州密院以能察軍情詔褒賞領榮州團練使進武義大夫守唐州胡安中勢孤不能自立欲附于豫道招使來歸俄因李成入寇道與橫各棄鎮南至汀州詔屬岳飛為選鋒軍統制入唐州擒偽將除唐鄧鄂州襄陽都統制從飛收復襄陽等郡授行營護軍累至復州防禦果州觀察使成鄂州加中侍大夫歷武勝保寧鎮南三軍承宣使御前諸軍統制武興蠻楊再興連歲寇掠道破之擒再興及其二子正修正拱檻送行在磔之于市又羣盜朱持等聚桂陽詔移軍衡州措置盜賊遣高仲等擊平之賞功落階官為龍神衛四廂都指揮使將士進官賜錢有差金將渝盟道以所部戍荆南劉錡奏為御前諸軍都統制金將劉士蕘屯光化境道掩擊焚其舟葺遂遁去尋與鄂帥不協罷踰年起授捧日天武四廂都指揮使知荆南府隆興初復劾其戚里妄作又罷久之再為湖北副總管卒贈太尉慶遠軍節度使諡忠毅後進封楚王孫孝友孝純閤門宣贊舍人皆至節度使

韓同卿寧宗后父懼侂冑專權聲勢薰灼每以盛滿為言絕不敢干預時政人咸以善遠權勢許之初由知秦州陞揚州觀察使累遷慶遠軍節度使加太尉妻莊氏封安國夫人卒後一年侂冑敗仍贈太師諡恭靖官其子瑛為承宣使

楊次山字仲甫其先開封人曾祖全以材武奮靖康末死于難祖漸遺澤補官因仕東南家于越之上虞次山儀狀魁偉少好學能文補太學生自言與寧宗楊貴妃同宗霍恩至武德郎選帶御器械知閤門事領吉州刺史妃立為后進福州觀察使岳

陽軍節度使謝家廟加太尉以誅侂冑功加開府儀同三司檢校少保封永陽郡王南郊恩加少傅克萬壽觀使致仕加太保移節安德昭慶兩軍改封會稽郡王卒年八十一贈太師追封真王為人能避權勢不預國事子二谷至太傅保寧軍節度使克萬壽觀使承寧郡王 石字介之乾道間入武學后恩賜登第補承信郎差克閤門祇候尋帶御器械嘉泰四年克賀正旦接伴使時金使驕倨自矜善射石挽弦三中奪其氣嘉定改元除揚州觀察使知閤門事進保寧軍承宣使就遷節度使提舉萬壽觀奉朝請封信安郡侯十五年檢校少保進封開國公寧宗崩史彌遠謀廢立與谷並授開府儀同三司理宗初太后垂簾聽政石密疏先朝主上或在幼冲或由撫育未請軍國重事故母后臨朝今主上熟知民事天下悅服願蚤還政以杜小人

弘簡錄卷一百九十七 終

離間之嫌奏入后即命擇日撤簾進少保封承寧郡王太后三上冊寶兄弟並進少傅升少師太傅祔廟除太師以彰德集慶二節度使進封魏郡王卒年七十一贈太師族孫鎮尚主風孫等推恩皆至通顯

弘簡錄卷一百九十八

明刑部

皇清翰林院侍讀學士四世孫遠平校閱

雜行 宋十二之五

寶神寶 王仁府 王繼恩 李神福 劉承規

周懷政 張崇貴 張繼能

衛紹欽 石知顯 鄧守恩 楊守珍 韓守英

藍繼宗 雷允恭 關文應 任守忠 張維吉

甘昭吉 盧守愨 王守規 張茂則

寶神寶五代時內侍恩徽養子宋初為黃門從太宗征太原擢

甲登城稍遷入內高品監并州戍兵屢出襲賊前後破砦三十

六斬首千餘級大獲鎧甲牛馬橐駝因築三特詔褒之與尹憲

也夏州時岌伽羅賊等十四族久叛率兵大破之焚其廬帳斬

獲甚衆雍熙中廷議募緝宥赫府近邊諸州有願攻契丹者賜

以金帛神寶上言此皆狼子野心或反生邊隙乃止俄轉殿頭

高品淳化中使河東閱視軍柵兵騎知延州慕容德豐未至神

寶乘傳權州事環州近邊內擾與陳德玄討破牛家族二十八

部并規度通遠入靈武路就命同環慶駐泊牛家族復結衆叛

又破之獲衆帥九人馘餘黨於極泉鎮西戎寇鄜遣兵授之以

勞遷供奉官與田紹斌部送靈州芻糧李繼遷入寇又與德豐

襲破其砦焚帳幕獲人畜數萬連詔嘉獎遷內殿崇班至道初

夏人再寇靈武圍城歲餘神寶遣人問道告急城中裒竭潛遣

人市糧河外宵運以入開山兵擊賊遂引去論功拜西京作坊

副使受命授芻糧于蒲洛河清遠軍與楊允恭議造小車三千

運至環州遷左藏庫副使出使靈武還奏稱旨面投供備車使

咸平中歷高陽關鈐轄貝翼巡檢會原州野狸族三千餘衆徙

帳于順成谷與燕魏族接戰詔遣和治悉定其經界道還舊地

入為內侍右班副都知真宗朝陵與劉承珪同掌大內事祥符

初勾當三班院并諸王宮事遷西京左藏庫使領密州刺史兼

掌往來國信蒞職精恪性吝嗇百貨鉅萬天禧初以皇城使罷

內職卒年七十一兄神興左領軍衛大將軍

王仁府自幼入內迷共出處太宗在晉邸服勤左右性甚淳謹

即位宣傳指揮頗稱旨歷入內小底都知洛苑副使典宮闈出

納之命最居親近嘗發泰邸陰事雍熙四年被疾遣太醫診視

卒年四十一特贈內侍國朝以來內侍都知押班不領他職皆

內殿崇班以上兼充多至諸司使有領觀察使者後皆贈官給

葬許養一子以充繼嗣開寶四年因其爭財起訟詔自今滿三

十無養父者始聽養子仍以其名上宣徽院違者準前詔抵死

咸平中温台等州巡檢使徐志通坐取李歡男四人為假子又

縱卒略民家小兒致其母抱兒投海死決杖配酒掃班復申前

詔以戒厲之

王繼恩陝人初養於張氏名德鈞開寶中為內侍行首賜姓名

討江南與寶神興等部禁兵及戰般抵采石改入內小底都知

賜金紫加武德使事太祖特承恩顧及崩夕太宗在南府中夜

馳詣府邸請以入即位大以為忠寵遇莫比遷官苑使命副杜

彥圭案行陵地克末昌陵使太平興國三年領河州刺史掌軍

器弓槍庫雍熙中王師克雲朔屯易州為天雄軍駐泊都監自

岐溝關君子館敗後河朔諸路城壘多圯詔與翟守素田仁郎

郭延游分路按行增築之北伐為排陣都監屯中山改皇城使
 瑞拱初領本州團練使鎮定高陽關兩路排陣鈐轄淳化初賜
 甲第五年加昭宣使勾當皇城司李順亂山為劍南西川招安
 使諸將並受節度軍事委其制置不從中覆四月山小劍門路
 入研石岩斬首五級逐北過青巖嶺平劍州進柳池驛破賊五
 千斬級千六百級賊望風奔走殺戮溺死不可勝計五月至成
 都破賊十萬餘斬首三萬級獲輿及鎧甲僭偽服用甚眾中書
 議賞功上命學士張洎錢若水議別立宣政使序位昭宣使上
 以寵之進領順州防禦使繼恩既振重權日以宴飲為務出入
 奏首樂執博局僕使橫恣所部剽金帛子女一無關志餘賊奔
 迸山谷州縣有復陷者上聞復命衛紹欽往行營指揮軍事議
 分州路追討并滅師徒出蜀境以便根連麾下高品王文壽領
 軍二千御下嚴急士卒皆怨指揮張麟乘機遣卒殺之與
 嘉州賊帥張餘合勢轉盛奏至太宗欲盡誅軍人妻子近臣諫
 止以為若遣帥招撫因可破賊上令巡檢程道符諭旨許釋其
 罪叛卒皆自拔來歸斬首送繼恩囚使為鄉導擊賊悉平太
 宗崩繼恩與李神福按行山陵加領觀察使喜結黨與邀名譽
 乘間多薦外士其輕薄好進者從之交往皆薦潘閻能詩得名
 見賜進士上尋察其狂追還詔書真宗初益豪橫頗肆欺罔漏
 泄機事與參政李川齡緘題往來多所請北復與胡旦善將加
 恩密委為褒辭士人詩頌盈門上聞惡之黜為右監門衛將軍
 均州安置籍沒貨產多得蜀土僭擬之物卒於貶所
 李神福開封人養父繼美後唐內侍太祖時賜紫至右領軍
 衛將軍神福少給事太宗耶謹恪解上意即位授入內高品從

征太原往來梯衝聞宣傳詔命遷殿頭押班副都知勾當翰林
 司屬初易黃門之號轉入內黃門都知兼勾當祇候內品班序
 化四年遷崇儀副使勾當皇城司加宮苑使太宗好筆札每侍
 側賜以別本及不豫朝夕躬侍藥膳崩後模寫聖容得預立侍
 真宗遷皇城使加領恩州團練使勾當末熙陵行宮事未幾加
 昭宣使賜第宮城咸平二年秋閱兵東郊充大內都部署幸大
 名為行宮使勾當三班部脩舍光殿馬養甚優景德初進宣政
 使兼領親王諸宮從謁諸陵賜西京醮命主其事天書降與劉
 承珪鄧朶遷李神福石知顯張景宗藍繼宗同直禁中賜器幣
 緡錢又與白文舉開承翰同典京城賜補封泰山同曹利用經
 度行宮道路為行宮使車駕進發整肅禁衛禮畢特置宣慶使
 額以寵授之終昭州防禦使年六十四贈潤州觀察使性恭烈
 和易在禁圍五十年稱為長者然久掌三班無規制遠近失敘
 不能拒人請託為失所守云 弟神祐初授殿頭高品太祖納
 孝章后命奉聘禮于華州征太原負御寶從行右部緣邊和市
 軍儲復慮擾民亟令馳驛止之攻晉陽梯衝已列城下賊潛縱
 火來焚急命部兵為援斬賊甚眾因悉潰去伐廣州隨軍賞給
 寇平先部帑藏之物赴京上寇周瓊等叛又副尹崇珂討平之
 曹彬南征克關城擒偽將朱令贊命馳人獻捷賜錦袍金帶太
 宗遷南作坊副使錢俶歸朝命往按府藏之積再征太原領工
 徒千人隨駕繕完甲兵劉繼元約降駕幸城北臺移時未至神
 祐馳單騎入城俄頃引繼元至及北伐燕薊又與劉延翰統精
 騎援大陣駕還命率兵屯定州以備契丹太平興國六年治滑
 州河防材葺未具馳往垣曲伐薪四百萬以濟其用七年契丹

寇邊領兵屯瀛州俄改崇儀使提點左右藏庫遷洛苑使至道
初西鄙不寧為靈環排陣都監率眾至烏白池而還俄駐未興
復護糧運抵朔方真宗轉內閣使邠州都監北巡改天雄軍子
城內巡檢時北兵充斥道途阻塞命神祐單騎奔諭旨於諸將
敵騎數百忽至神祐周麾而呼若色伏兵狀敵懼解去遂遠上
命俄充刑部排陣都監勾當西八作司幸澶州領隨駕壕若遷
轉入內都知東封遷南作坊使時內侍將選秩令第其勤狀凡
從升山不升山或不預者有祈其品第非常時范守通等先改
內常侍上怒悉停其官制神祐泊張景宗不知願監景宗等秩
尋起掌御廚卒年六十六性謙愿曉音律頗好篇詠子懷岳至
供奉官善用鐵鞭并射逸人畏之

劉承規字大方山陽人內班都知延翰養子建隆中補高班太
宗趙拜北作坊副使陳洪進歸朝遣疾置封其府庫會土民嘯

聚為寇與知州喬維岳率兵討定之太平興國四年命屯定州
以備契丹又諱滑州决河雍熙中勾當內藏庫兼皇城司出為
鄜延排陣都監改崇儀洛苑二使至道中與周瑩同提點樞密
宣徽諸房公事加六宅使復特詔塑像太宗神御之側真宗立
領勝州刺史簽書宣徽院公事尋加莊宅使北作坊使時邊境
未寧議修天雄城聖命乘傳經畫又提舉內東崇政殿等諸門
遷宮苑使上詢西事請益環州木波鎮戍兵以為諸路之援從
之俄兼勾當羣牧司景德二年與李允則使河間按視符經戰
陣等處將卒之勢是歲置官提舉京師諸司庫務乃以領之所
創局著多所規制人畏其伺察改皇城使與林特李洵議更茶
法三司言新課增羨有勞加昭州團練使朝陵留掌大內封秦

山命掌發運遷昭宣使長州防禦玉清宮副使祀汾陰復命督
進凡百供應悉由水道安流而遠體成當進秩以疾表乞休致
手詔敦勉仍作七言詩賜之拜宣政使仍詔特置景福殿使以
寵之班在客省使上疾甚還第初本名承珪取道家易名度厄
之義改之凡皇城常務內藏制就取商度等以檢校太傅左
驍衛上將軍安遠軍節度觀察留後致仕遺奏免贈葬卒年六
十四上甚悼惜廢朝贈左衛上將軍鎮江軍節度使遣內臣與
鴻臚典喪親為文祭之承現歷事三朝以精力聞多沉毅徇公
上特倚信頗好儒學喜聚書問該文士質訪故實其有名於朝
者多見禮待或密為延薦咸平中編次御閣書籍修祖宗實錄
冊府元龜國史及編著醫校之事悉典領焉掌內藏三十年檢
察精審動著條式常製定權衡法詔在律曆志上命作玉清昭

應宮極精麗屋室少不中程雖金碧已具必毀而更造有司不
敢計所費及成加贈侍中遣內侍鄧守恩就墓告祭

閣承翰真定人周顯德中為內侍入宋事太祖以謹愿稱太宗
擢殿頭高品內供奉官內殿崇班建議八作司材木頗有隱弊
自今於都城西置場以給之雍熙中馳往廣州就逮運使王延
範考掠過甚坐以不軌論誅李順亂命為川陝招安都監賊平
授西京作坊副使會增募金吾兵與劉承勳分充左右金吾都
監兼街仗事真宗進作坊使內侍左班副都知咸平三年遣護
塞鄆州决河時議徙州以避河患與工部陳若拙乘傳規度徙
于舊治之東南還代韓守英為鎮定高陽關三路排陣都鈐轄
上與宰相言其雖無武勇蒞事勤恪時中山屯兵甚眾艱於飛
輓請鑿渠引唐河水自嘉山至定州三十二里又至蒲陰東六

十二里合沙河經吳泊入界河以濟俄運旁可為方田上從之
渠成人便優詔褒美景德初契丹謀寇順安軍詔發雄朔兵與
荆嗣張延同築壘禦之又遣詣德清軍規度重備城二年加
領廉州刺史勾當羣牧司條上馬政會置國信司與契丹結好
主交聘之事命始傾之多所規置祥符初改西京左藏庫使充
趙德明加恩官告使趙遷內閣使左班都知獎州團練使與左
藏副使趙守倫不相得各訟贖金屬上製內侍箴復以賜之表
請刻石省中七年建應天府為南京作鴻慶宮遣自京奉太祖
太宗像以往接南作坊使入內都知卒年六十八贈懷州防禦
使

秦翰字仲文真定獲鹿人年十三為黃門開寶中遷高品太平
興國四年監崔彥進兵擊契丹以善戰開太宗因加賞異謂可
引備錄 卷一百九十八 七 官者宋一

屬任雍熙中出為瀛州駐泊管先鋒事遷入內殿頭高品鎮定
高陽關三路排陣都監淳化四年補入內押班命監護李繼隆
兵次延州討趙保忠慮其遁逸輸乘傳先往安撫以綬其陰計
王師至諷以地主之禮郊迎並驅而出因就擒之以功加崇儀
副使至道初為環慶州清遠軍西路都監與宗加洛苑使入
內副都知咸平中河朔用兵再監鎮定高陽兵敗契丹于莫州
東斬級數萬盡奪所掠老幼詔褒之徙定州行營鈐轄王均亂
為川峽招安巡檢使恐上官正石普不協生事曲為曉譬和解
親督眾擊賊中流矢不却五戰五捷遂克益州手札勞問翼日
進至廣都斬首千餘級獲馬數千匹趙遷內閣使領恩州刺史
三為鎮定高陽關前後陣鈐轄破契丹二萬眾于威武軍西俘
其鐵林大將等十五人又為邠寧涇源路鈐轄兼安撫都監率

所部按行山外各戎落象帥諭以恩信凡三千餘帳相率內附
未幾康奴族拒命與陳興許均深入擊之斬級數千焚其廬帳
獲牛馬甚眾復與陳興曹瑋襲殺重埋軍主于武延賊泊川詔
書嘉獎賜袍帶金帛車駕北遷先遣乘傳往瀛魏裁制兵要許
便空從事充那洛路鈐轄與大軍會德清軍張持角之勢又召
為駕前西面排陣鈐轄管勾大陣仍督眾環城沒濠以拒敵契
丹兵暴至不脫甲冑七十餘日及乞和留泊涇州月餘始還加
官苑使入內都知出為涇原儀渭鈐轄規度西鄙無藩籬之蔽
鑿巨重要害處計工三十萬役卒數年而成不煩於民就遷皇
城使東封手詔諭以西垂委任之意改昭宣使領副羣牧祀汾
陰適夏州屬戶擾境即日遣往雁上按視巡邊部事寧復還
扈從凡行在諸司細務悉令裁決不須中覆禮畢加平州團練
使祀亳州掌如汾陰以參領營幕大內暴卒於內庭之屏年六
十四上甚悼惜贈貝州觀察使脩內畢賜其家襲衣金帶加贈
彰國軍節度使詔楊億撰碑文以賜翰儻有武力以方略自
任前後戰鬪身被四十九創李繼遷未質嘗欲因使事入其帳
手刺此賊太宗深嘉其忠性謙謹兼之輕財好施眾樂為用其
歿禁旅有泣下者

引備錄 卷一百九十八 八 官者宋一

周懷政并州人父紹忠事太宗由黃門至內殿承制從征河東
得懷政于亂屍間養為子給事禁中累至入內高品脩行官為
頭送使奉泰山天書赴闕轉殿頭天書每出入與皇甫繼明並
為夾侍東封禮成留泰山修闕輦轉入內東西供奉官祀汾陰
搆內殿崇班勾當皇城司入內押班胡謁太清宮管勾大內事
天書刻玉及脩兗州景寧宮太極觀會真宮醮告皆為都監至

內殿承制領玉清昭應宮景靈宮會靈觀使刻玉成遷如京副使壽丘宮觀成優賜襲衣金帶遷崇儀使天禧大禮又為脩奉寶冊都監加長州刺史洛苑并左藏庫使仁宗在東宮命監養善堂為入內副都知管勾左右春坊轉左驍驍使英州團練至昭宣使日侍內廷言事屢從權任尤盛附會者日益衆同列位望居右者必排抑之中外幣庫皆得專取多入其家性識凡近酷信妖妄有朱能者本單州團練田敏斯養為人凶狡因賂得親信與侍卒姚斌妄談神惟懷政大為所惑驟引至御藥使領階州刺史與劉益輩於終南山造符命託神言國家休咎否臧大臣倚寇準重望欲實其事準好勝喜其附已依違從之朝臣屢言其妄真宗不忍遽斥然漸疎之懷政憂得罪祥符四年七月與弟禮賓副使懷信謀潛召各省使楊崇勳承制楊懷告祇弘簡錄 卷一百九十八 九 官者宋一

候楊懷玉合皇城司期以二十五日竊發殺丁謂等復相寇準奉真宗為太上皇傳位太子崇勳懷吉詣謂密告借曹利用入奏帝怒命收懷政令宜徽曹瑋與崇勳鞠訊具伏帝坐承明殿臨問但叩首哀遂命斬于城西紹忠以嘗詬罵懷政懷信亦謂事必敗欲早詣上前首責屢泣拜止之故皆得免死並杖配遠州子姪勒停資產沒官僧錄澄遠供奉譚元吉高品王德信高班胡允則黃門楊允文皆以協同妖妄杖脊黥配押班鄭志誠坐齋間往還供奉石承慶坐不下皇城門鑰俱削兩任配隸懷王綬於陳誥貴授侍禁杭州都監權崇勳內客省使懷吉如京使賜金帶銀幣亟遣內供奉盧守明鄧文慶捕朱能能殺守明以叛復遣承制江德明供奉于德潤發兵捕之供奉李典本軍十將張順斷能及其子守昱守吉首以獻補典閣門祇候順

半城都頭劉益等十一人殊于市王先等八人處斬能父左武衛將軍致仕諤母周氏妻子弟皆決杖配隸閣門祇候穆介知未與朱與運使梅詢劉楚知鳳翔臧奎等交結相稱薦論罪準及朝士與厚善者悉降黜焉

張崇貴真定人太祖時為內中高品遷殿頭太平興國中以善射選帶御器械馳往闕錢假城防儲侍之數從進李漢瓊征太原先路視水草補內供奉官淳化四年命乘傳之延州招羌戎之內附者發庫錢犒給以金幣賜酋領轉內班右押班管勾鄆延屯兵李繼隆討繼遷詔犄角而進及擒趙保忠與石霸守綏州徙平夏民以實之繼遷扼橐駝路擊酋內屬戎人崇貴與田敏率熟倉族仇遇戰於雙堠殺二千餘級掠牛羊橐駝鉏甲甚衆連詔褒諭會走漠中遣將佐趙光祚張浦送款于石堡

弘簡錄 卷一百九十八 十 官者宋一

若乃推牛釀酒宜詔編論給以錦袍金帶繼遷貢驢馬待罪復遣往賜器幣茶藥衣物至道元年進崇儀副使右班副都知繼遷復叛劫芻餽于蒲洛河圍靈州廷議棄守未決命崇貴與馮訥乘傳往議奏請益兵固守就命監靈環慶州清遠等軍為排陣都監真宗拜洛苑使右班都知管勾并州軍馬自五路討賊兵戰相繼卒無成功及保吉復修貢授以定難軍節度使復持詔并金帶器幣往賜還加六宅使咸平初命管勾鄆延屯兵為延安駐泊都監兼鈐轄繼遷又營熟戶李繼福因緣內擾崇貴與張守恩王榮擊之焚廬舍獲賞畜器甲生口甚衆再詔褒飭四年詔歸領獎州刺史復蒞鄆延制置沿邊青白鹽事與衛超領軍入敵境焚廬舍帳幕獲廩糗牛羊復被詔獎屢詞契丹事以聞景德元年保吉死其子德明尚幼移書諭以朝廷恩信德

明請俟釋服稟命詔書慰撫自是邊防事宜經制小大皆令專
主築臺保安北名邊人會議與之盟約復名赴關面投方略許
封德明王爵賜金帛緡錢并茶給內地節度使俸聽回國往來
放青鹽禁凡五事要以納靈州土疆止居平夏遣子弟入宿衛
罷設官吏散蕃漢兵并質口封境之上有侵擾者稟朝旨德明
誓表來上錄功拜皇城使內侍左右班都知領博州團練使持
旌節詔命往授還對于瓊林苑中命為行宮伊祥符元年加昭
宣使崇貴既久在邊廷善識情偽羌人畏服朝論所述及境
上交使皆先付裁制夏州文移至環慶者皆付延州議焉嘗請
如北面置緣邊安撫使上謂西鄙別無經營初德明能守無慮
朝廷失信增置署局徒為張皇不若委卿靜制之二年許歸葬
父母賜與甚厚復命為都督提舉榷場聽入奏事卒年五
十七帝悼惜之贈豐州觀察使

私簡錄

卷一百九十八

七

宣符宋一

張繼能守守拙太原人事太祖太宗由黃門為內品征河東主
城南洞屋以勞遷高品鎮定高陽路先鋒都監從進戰長
城口多所俘馘又敗契丹唐典口轉殿頭雍熙中監李繼隆兵
以討夏人徙護定州屯兵領驍捷卒三千屯五回嶺端拱初遷
入內殿頭從趙保忠討李繼遷保忠薦其材命同經略代還掌
內弓箭庫淳化三年與白承府護芻粟入靈武與知靈州侯延
廣領驍卒五十同主軍務留為本州都監及鄭文寶議城威州
清遠軍命繼能護其役工畢與西京作坊副使張延洲同知軍
事又與田紹斌同掌積石砦就遷內供奉官靈環慶清遠軍後
都監詣闕奏事遷內殿崇班供奉庫副使復遣護環州屯兵
涇原儀渭都巡檢使真宗遷崇儀使靈環十州軍兵馬都監

兼巡檢安撫使王均亂命為川峽招安巡檢使成都平改利州
尋召歸會銀夏寇警復為邠寧駐泊都監夏人寇清遠軍營于
積石河與楊瓊馮守規坐逗遛下獄流儋州景德二年赦還任
內侍省內常侍陝西捕賊巡檢改內殿崇班朝陵為行宮四面
巡檢空州陳進叛詔為廣南東西路安撫使與如京使張從右
兵備庫使張照發荆湖斬黃兵討之賊率眾攻陷柳城殿直韓
明許貴死之郝惟和僅以身免盧成均奉空州印求赦罪官軍
退保象州復寇懷遠軍知軍任吉與巴桂巡檢張崇實侍禁張
守榮擊走之賊退而復集固守者累日繼能與副大獲其器甲
會又攻天河砦監軍錢吉部分嚴整一戰敗之賊眾潰棄空州
將入容管知州王昱遁走城遂陷詔書諭以歸順悉釋其罪賊
孳族居思順州分兵攻象州入內高班于德潤引千兵倍道襲
逐賊率眾來拒直犯前軍奇班郭志言麾騎士左右縱擊史崇
貴登山大呼賊走急殺之遂潰逐北至象州成均擊降其族進
乃伏誅生擒賊帥六十餘人斬首級獲器甲戰馬甚眾復分兵
捕餘寇遣德潤馳奏授繼能志言供奉庫使照如京使從右莊
宅副使歸遠軍士李昊劉宗趙敏手殺進並補本軍頭守榮崇
寶任吉並為供奉官錢吉右侍禁并象州為防禦知州何那勞
最優拜祠部員外郎賜緋三子知道知古知常皆賜出身東封
并祀汾留掌大內兼舊城內巡檢鈐轄俄加東染院使祥符二
年擢內侍省副都知掌宗室講讀說書別給公牒又與內殿岑
保正提點郡縣主簿院事三年兼擊收都監領會州刺史謁太
清宮為天書扶侍都監旋為涇原儀渭鎮戎軍鈐轄徙邠寧都
鈐轄凡內屬戶舊殺漢口止尉華畜至是咸麗於常法西人畏

私簡錄

卷一百九十八

七

宣符宋一

兼巡檢安撫使王均亂命為川峽招安巡檢使成都平改利州
尋召歸會銀夏寇警復為邠寧駐泊都監夏人寇清遠軍營于
積石河與楊瓊馮守規坐逗遛下獄流儋州景德二年赦還任
內侍省內常侍陝西捕賊巡檢改內殿崇班朝陵為行宮四面
巡檢空州陳進叛詔為廣南東西路安撫使與如京使張從右
兵備庫使張照發荆湖斬黃兵討之賊率眾攻陷柳城殿直韓
明許貴死之郝惟和僅以身免盧成均奉空州印求赦罪官軍
退保象州復寇懷遠軍知軍任吉與巴桂巡檢張崇實侍禁張
守榮擊走之賊退而復集固守者累日繼能與副大獲其器甲
會又攻天河砦監軍錢吉部分嚴整一戰敗之賊眾潰棄空州
將入容管知州王昱遁走城遂陷詔書諭以歸順悉釋其罪賊
孳族居思順州分兵攻象州入內高班于德潤引千兵倍道襲
逐賊率眾來拒直犯前軍奇班郭志言麾騎士左右縱擊史崇
貴登山大呼賊走急殺之遂潰逐北至象州成均擊降其族進
乃伏誅生擒賊帥六十餘人斬首級獲器甲戰馬甚眾復分兵
捕餘寇遣德潤馳奏授繼能志言供奉庫使照如京使從右莊
宅副使歸遠軍士李昊劉宗趙敏手殺進並補本軍頭守榮崇
寶任吉並為供奉官錢吉右侍禁并象州為防禦知州何那勞
最優拜祠部員外郎賜緋三子知道知古知常皆賜出身東封
并祀汾留掌大內兼舊城內巡檢鈐轄俄加東染院使祥符二
年擢內侍省副都知掌宗室講讀說書別給公牒又與內殿岑
保正提點郡縣主簿院事三年兼擊收都監領會州刺史謁太
清宮為天書扶侍都監旋為涇原儀渭鎮戎軍鈐轄徙邠寧都
鈐轄凡內屬戶舊殺漢口止尉華畜至是咸麗於常法西人畏

不敢犯德明雖受朝命部下冠不絕繼他日謀卒殺竹為養若
字其上以記將士殺獲功狀賊聞之甚懼歸朝復蒞羣牧尋坐
護脩章穆后陵推階左授西染院使掌往來國信天禧初復西
京左藏庫使楊崇勳發其假官馬送葬降西京作坊使出為邠
寧鈐轄自陳不願外任得掌瑞聖園尋領內侍右班副都知遷
崇儀使告老轉內閣使掌瓊林苑卒年六十五贈汀州團練使
性沈密知兵頗勇敢喜讀書好治生晚年急於聚蓄衆以此少
之何邵後歸朝知磁州而卒幼子知崇復補齋郎知古山平夸
尉改滄陽省郎無賞延之例特以城守勞故既錄焉
衛紹欽開封人高品漢趙養子始以中黃門給事晉邸太宗即
位補入內高品甚被親倚從征太原命領驍卒先入城燒其營
柵遷殿頭雍熙二年擢入內西頭供奉官淳化中部修皇城功
弘簡錄 卷一百九十八 主 聖者宋一

百千咸集於廷請如所願僧言欲見至尊面謝給飲曰昨朝辭
日親奉德音不煩致謝僧惴怖偃蹇促令積薪竟上火既盛僧
欲投下遣左右以叉抑按而焚之
石知顯真定人高品希鐸養子形貌甚偉建隆中授內中高品
太宗改供奉官雍熙中從征幽薊歸掌儀司淳化中明州初
置市舶司命往經制轉內殿崇班親王諸宮都監從平蜀寇就
遷西京作坊副使咸平初改正使帶御器械契丹犯邊歷除天
雄軍澶與德博等州緣河巡檢兼安撫使領長州刺史三年命
押鎮定高陽關三路大陣改駐泊行營鈐轄還復掌親王諸宮
事景德中命總工徒治河堤自京抵泗計工累月決日而畢面
加褒諭賜以白金授入內都知祥符初遷內園使三年歷并代
州鎮定高陽關鈐轄遷莊宅使四年命與張繼能供奉官侍其
弘簡錄 卷一百九十八 主 聖者宋一

贈太尉定武軍節度使諡恭僖

鄧守恩井州人十歲以黃門事太宗既長身長七尺狀貌甚偉從往討蜀就設屯兵咸平初為入內高班契丹入寇任石保吉鎮定都監踰年入掌驍驍院會龍騎叛卒剽劫環慶遣擒斬之景德初為涇州都巡檢使又使環慶及戎道等州巡察進事祥符初按獄涇州雪冤抑八千餘詣監修玉清照應宮會靈觀七年又兼修真遊殿景靈宮累遷入內高品供奉官宮成遷內殿承制八年領修大內改西京作坊副使營造畢授東染院使充會靈觀都監天禧二年掌軍頭引見司修祥源觀成遷崇儀使三年授入內押班命為滑州修河鈐轄郊祀名除行宮使改如京使復還本任河復故道遷文思院使遷領州刺史掌皇城國信二司整肅禁衛遷入內副都知會建天章閣命領其事俄

京備錄

卷一百九十八

五

宋

四十八贈滑州防禦使

楊守珍字仲寶祥符人為內黃門習書史學兵略善騎射人服其精選為環慶路走馬承受公事契丹入塞為鎮定高陽關行營同押先鋒會有人誣告許民周繼宗與外境交通于證六十八人辭服上遣覆問悉與辨理出之徙真定保趙等州駐泊都監又徙巴桂等十州安撫都監從曹克明降撫木州蠻築二柵以扼其要天禧初擒盜於青灰山累遷西京作坊使帶御器械未與軍兵馬鈐轄徙真定邪寧路入為內侍押班提點內弓箭軍器庫進內閣使右班都知領端州刺史嘗侍仁宗苑中命乘馬馳射賞其便習賜錦袍卮酒卒贈原州防禦使韓守英字德華祥符人初為入內高品從征河東數奉詔至石

嶺關督戰取隆州遷殿頭久之以西頭供奉官攝內侍押班遷

副都知隨往西川招安為先鋒戰于劍門有功遷西京作坊使劍門都監還勾當三班院進內侍都知歷定州鎮定高陽關并代路兵馬鈐轄契丹圍岢嵐軍與鈐轄張志言知府州折惟昌帥所部渡河抵朔州以率賊勢遂破狼水砦俘數百人獲馬牛羊鎧甲數萬賊解去賜錦袍金帶俄領會州刺史再遷昭宣使復領三班出為鄜延路都鈐轄徙并代路建言邊鄙無事本路多宿兵百姓困於飛輓請留軍千騎餘悉徙內地真宗詔諸州邊臣能體朝廷恤民之意宜視此行之俄提舉在京諸司庫務勾當皇城司為趙德明官告使歷宣德宣慶二使內侍左班都知領朔州團練雅州防禦使入內都知管勾修國史書成累景福殿延福宮使卒贈定國軍節度觀察留後

京備錄

卷一百九十八

六

宋

藍繼宗字承祖南海人初事劉鋹歸朝年十二遷為中黃門從征太原傳詔營陣間多稱旨雍熙中溫仲舒營大小洛門砦徙羌衆于渭北言者以為生事遣往按視還奏二砦據要害產良木不可棄帝悅乃復使勞賜仲舒還遷西京作坊副使勾當內東門屢充元德太后章穆皇后園陵按行使車駕北征勾當留司皇城司謁諸陵舊苦乏木繼宗悉為疏濬百司從官皆從取給擢入內副都知天禧扶侍都監龍遷東染院使明年領會州刺史進崇儀使勾當皇城司典修玉清工作成遷洛苑使高州團練章穆后陵塋殿如京使復修景靈宮祥源觀進南作坊使車駕幸亳州管勾留司大內事提舉在京諸司庫務勾當三班并國史院為趙德明加恩使與射連中遺以名馬還為內侍省右班入內都知仁宗遷左驍驍使忠州防禦使脩奉未定

陵歷昭宣政宣慶三使告老特免入朝拜舞及從行幸復固請罷都知領景福殿使自祥符間置授者纔三人家有園池朝退亟歸種花卉弄游魚為樂後終邕州觀察使贈安德軍節度使諡倍靖為人以謙謹自持歷事四朝每領職未嘗久戀故人

不以為尤 養子元震蔭補入內黃門轉高班給事明肅太后禁中夜火后擁仁宗登西華門左右未集元震獨傳呼宿衛以功遷高品為三陵都監條列防守法其後諸陵視以為式歷羣牧都監三館祕閣積官皇城使入內副都知忠州防禦使仙韶院火復救護詔褒之賜襲衣金帶卒贈鎮海軍留後

雷允恭開封人初為黃門頗慧黠稍遷入內殿頭給事東宮以發周懷政偽天書事擢內殿崇班歷承制西京作坊使普州刺史內侍省押班章獻后初臨政允恭與丁謂潛相結凡機密事

弘簡錄 卷一百九十八 七 諸帝一

皆托傳達禁中由是勢橫中外請效力山陵以為都監司天邢中和言今山陵上百步法宜于孫類汝州秦王墳允恭曰何不就之中和曰恐下有石與水爾允恭曰上無他子若如秦王墳有何不可中和以為山陵事重踏行履按動經旬月恐不及七月之期允恭曰第移就上穴我走馬入見太后言之允恭素貴橫人不敢違即改穿土穴入白其事后初已慮其妄有改動及聞大驚曰此何事輕易如此奏曰使先帝宜子孫何惜不可后意不然令出與山陵使議可否遂與謂具道所以謂唯唯還奏山陵使亦無異議既而上穴果有石石盡水出內侍毛昌達還奏按視得實賜死籍其家流中和沙門島

開文應開封人給事掖庭積遷入內副都知至昭宣使恩州團練使與宰相呂夷簡相結最善仁宗初親政郭后言夷簡亦附

太后遂罷夷簡翌日早朝宣制夷簡方押班聞唱名大駭不知其故使文應謂之乃知事由郭后深憾之后以此被廢帝益寵楊尙二美人楊太后欲驅之帝合忍未斷文應早暮入侍言之不已帝厭其煩強諾之即以輓車載出二美人涕泣不肯行罵曰官婢尚何言驅使登車既而頗悔有復郭后意文應大懼致后崩逝不明諫官姚仲孫劾其罪寘之嶺南并出其子知御藥院士良為內殿崇班時左右引陳氏女入宮楊太后許以為后帝一日方披百葉擇日士良前曰陛下閱此豈非欲納陳氏女耶上曰然因言女之父號陳子城使大臣家奴僕官名也若納其女恐輕朝廷遂止後領嘉州防禦為秦相鄆三州鈐轄卒

任守忠字稷臣蔭入內黃門累轉西頭供奉官領御藥院坐事廢久之復故官稍遷供奉章獻后聽政與都知江德明等交通

弘簡錄 卷一百九十八 八 宦者一

請謁權寵過盛仁宗親政出為黃州都監又謫監英州酒稅遷潭州都監徙合流鎮西鄙用兵為秦鳳涇原路駐泊都監以功遷東染院使內侍押班出為定州鈐轄加內侍副都知宣政使洋州觀察使入內都知窺上未有嗣日居中建議欲援立昏弱以徵大利英宗即位拜宣慶使安靜軍留後坐語言誕妄交亂兩宮司馬光論其離間之罪為國大賊生民巨蠹乞斬於都市疏猶未行宰相韓琦慮少後恐事中變亟出空頭敕一道令同僚簽參政歐陽脩已簽趙鼎難之脩曰第書之韓公必自有說琦山坐政事堂立守忠庭下曰汝罪當死姑貸之取保信軍節度副使斬州安置取空頭敕換與之即日押行中外快之久乃起為式武衛將軍致仕卒年七十九

張惟吉字祐之開封人初補入內黃門遷殿頭為高陽關路走

馬承受護塞滑州天臺埽役遷西頭供奉官監在京權貨務與御史王軫往劾知嘉州張約賊私還領內東門司為倚奉章獻章懿二太后陵承受當遷勾當御藥院會議復李諮權茶筭緡法乃以惟吉為內殿崇班監權貨務眾以為賞轉惟吉獨欣然就職再期以進羨餘遷承制為西夏官告使還言元昊驕僂勢必叛請預飭邊備及冠延州遣按祝郎延環慶兩路器甲并訪攻守利害時夏竦韓琦方謀乘虛深入令往募并汾驍勇副以土兵輕齎赴河外惟吉奏言我師當持重何變不亥馳赴不剛以自困已而元昊果引去還奏命領皇城司遷內侍省押班羣牧都監簡陝西冗兵領軍頭引見司盡汰軍校之罷廢者遷供備庫使同提舉在京諸司庫務領恩州刺史為入內都知涇州河決商胡命為都鈐轄時轉運施昌言請亟塞崔暉以為歲災

私簡錄 卷一百九十八 官者宋一

民困役空緩朝廷從暉議遷惟吉如京使果州團練復領皇城司卒贈昭信軍節度觀察留後加保順軍節度使諡忠安惟吉歷事久頗見親信張貴妃薨諸宦官皆從傳會惟吉獨謂事于典禮深以為非 養子若水字益之奏補小黃門給事章惠太后殿轉入內高品王師平貝州征儂賊皆以幹敏遷為走馬承受賊平以勞進官三遷環慶路鈐轄討環州解也曰族有功歷帶御器械內侍押班副都知熙寧初造神臂弓成神宗御延和殿臨閱置鐵甲七十步俾衛士射未有中者若水請射連中徹札會建慶壽寶慈兩宮典領工作再遷嘉州防禦使以病所解職領輝州觀察使提舉四園苑諸司庫務卒贈天平軍留後

甘昭吉字祐之開封人初以內侍殿頭為英韶州巡檢捕盜有功遷內殿崇班京東路都巡檢齊州武衛小校馮坦率營卒突

入州屬事欲為變昭吉單騎馳往戒所從將士操兵在外已先入諭亂卒禍福令推首惡自贖眾疑沮不敢動已而操兵者皆入共執十餘人告曰此誘我者立殺之縱其餘去州以無事累遷供備庫并文思副使帶御器械仁宗特記前功授內侍省押班轉入內副都知英宗踐阼冬直禁中翊衛有勞超遷供備庫使康州刺史為人敦實慎密仁宗既崩奏臣本孤微無左右舉助先帝知臣朴直簡拔至此分當從葬今願得洒掃陵寢帝愛其忠授末昭陵使尋加如京使以左龍武軍大將軍致仕卒

盧守勳字君錫祥符人自入內高品累遷禮賓使邠寧環慶路鈐轄還為內侍省押班領昌州刺史坐改葬章懿太后舊藏有水龍為末與軍兵馬鈐轄徙邠延路再遷六宅使貴州團練營州防禦兼邠寧環慶路安撫都監元昊寇保安軍率兵擊走之

私簡錄 卷一百九十八 官者宋一

特遷左驍驍使移陝西鈐轄會劉平石元孫被執撫膺涕泣不敢出延州通判計用章勸范雍棄城保鄜州雍遣安撫都監李康伯往說賊不肯行遂去更相論奏以擁兵觀望奪守勳防禦為朔北都監康伯均州都監用章除籍配雷州久之復恩州防禦利州觀察使歷真定府定州北京路鈐轄以左衛大將軍致仕卒贈保順軍節度使諡安恪

王守規舉城人兄守忠事真宗為入內都知謹愿慎密眷遇最厚明道中守規為小黃門禁中夜半火守規先覺自寢殿至後苑皆擊去其鎖承奉帝及皇太后至延福宮回視所經處已成煨燼內人宦者皆得避免翌日執政候起居仁宗曰若非守規導朕至此幾不與卿等相見以功遷入內殿頭遷治京城水決汴河于公賈村決蔡河于四里橋水患以息加帶御器械積官

至宣慶使康州防禦使內侍右班副都知卒年六十七贈昭武將軍觀察留後

張茂則字平甫開封人初補小黃門五遷至西頭供奉官幹當內東門屬盜入禁庭首登屋獲之遷領御藥院仁宗不豫中夜促召趨入扶衛左右或欲掩宮門止曰事無可慮何至生疑帝疾間懇求補外轉宮苑使果州團練未與路兵馬鈐轄入為內侍押班再遷副都知熙寧初同司馬光相視恩冀深澤四州生隄及六塔二股河利害進入內都知上元夜宮中火燭衆撲滅賜以窄衣金帶累乞休詔褒之仍進其官哲宗遷寧國軍留後加兩省都知卒年七十九天性儉素食不重味衣裘累十數年不易以嘗預元祐任使紹聖中追貶左監門衛將軍入黨籍蘇利涉字公濟廣州人從劉銀入朝初為入內高品慶曆衛士

弘簡錄卷一百九十八

三 官者宋一

變以護衛勞賞激加等英宗為皇子給事東宮即位遷東頭供奉官幹當御藥院至供備庫使帝不豫侍醫藥最勤言輒流涕及崩上表待罪不許神宗授遼州刺史歷內侍押班副都知轉海州團練使救僊韶院火賜襲衣金帶幹當皇城司卒年六十四贈奉國軍節度使諡勤儉 代者石得一開封人為內侍黃門累官內殿承制帶御器械管幹龍圖天章寶文閣遷入內副都知領成州團練使幹當皇城司恣其殘刻縱遣邏者所在暴布張穿設網事無巨細內外大吏及富家小人飛語朝上暮入從行上下情恐不能自保至相顧以目者殆一年人始思利涉之賢得一坐降左藏庫使卒紹聖中贈隨州觀察使

弘簡錄卷一百九十九之八

弘簡錄卷一百九十九

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 宋十二之六

官者

李憲 宋用臣 王中正 李舜舉 梁從吉

劉惟簡 李祥 陳衍 馮世寧 李繼和

高居簡 程坊 童貫 趙良嗣 梁師成

楊戩 李彥附 邵成章 藍珪 康履 藍安石

馮益 張去為 陳甘昇 弟昂附 曾觀龍 大瀉王

王德謙 關禮 董宋臣 盧允升

李憲字子範祥符人皇祐中補黃門遷供奉官神宗時歷承興太原路走馬承受數論邊事合旨幹當後苑王韶請復河湟命

弘簡錄卷一百九十九

官者宋二

憲往視師與都進收河州加東萊院使幹當御藥院復戰牛精谷拔珂諾城為熙河經畧安撫司幹當公事按視鄜延軍行至蒲中會木征合董德恩章兵殺景思立詔趨赴之以黃旗書勅如破賊者倍賞憲馳至張以示將士曰此旗天子所賜視此以戰帝實臨之衆爭呼用命督諸將傍山焚族帳即日通路至河州賊餘衆保踏白城與戰大破之進至餘川又破賊堡十餘木征率部長八十餘人詣軍門降捷聞以功加昭宣使嘉州防禦還為內侍省押班幹當皇城司安南叛命副趙肉招討未行尚言朝廷置招討副使軍事須共議至節制號令即宜歸一慮銜之屢與紛辨遂罷副使令乘驛措置秦鳳熙河邊事諸將皆聽節度中丞鄧潤甫御史周尹蔡承禧彭汝礪極論以為不可言鬼章之患小用憲之患大憲功不成其禍小成功其禍大上弗

聽俄而冷鷄朴誘山後生羗擾邊木征請自効衆不許憲謂羗人天性畏服其種聽之何傷木征盛裝以出羗衆聳視果無鬪志王師乘之殺獲萬計斬冷雞朴董種懼即遣使奉贄効願加宜政使宜州觀察入內副都知時用兵連年調度不繼詔兼經制財用裁冗費什六歲運西山巨木給京師營繕遷宜慶使賜瑞應坊園宅一區元豐中五路出師討夏國憲領熙秦軍至西市新城復蘭州城之請建爲帥府又詔領兵直趣興靈若董種欲往乘機協力入掃巢穴或興靈道阻即過河取涼州憲總兵東上平夏人于高川石硤進至屈吳山營打囉城趨天都燒南牟府庫次葫蘆河而還董種亦失期師出無功欲以開蘭會邀功弭責同知密院孫固奏兵法後期者斬况諸路皆至而憲獨不至靈州不可赦帝以憲前有功但令詰還之由托言餽餉不接釋弗誅復上再舉之策兼陳進築五利俱從之會李舜舉入奏具陳師老民困乃罷兵趣憲赴關道賜銀帛四千爲涇原經略安撫制置使給衛兵三百進景福殿使武信軍留後始復還熙河仍兼領秦鳳軍馬蘭州乃夏人必爭地入破西關降宜慶使明年夏大舉步騎號八十萬圍城遣問諭阿里骨結等破賊又坐妄奏功狀罷內省職事哲宗立改永興路副總管提舉崇福宮元祐初中丞劉摯論其貪功生事罔上害民與宋用臣王中正石得一各爲囚遺患至今降宜州觀察使再貶右千牛衛將軍分司南京居陳州卒年五十一紹聖初贈武泰軍節度使

悉董其事性敏給善傳詔令故多訪以外事同列悉藉以進朝士乏廉節者往往諂附之權勢震赫積勞至登州防禦使加宣政使元祐初降皇城使監滁州太平酒稅起主營靈樞親紹聖初召爲內侍押班進瀛州刺史徽宗遷蔡州觀察使內副都知爲永泰陵修奉鈐轄卒陵下贈安化軍節度使謚僖敏

王中正字希烈開封人舊補入內黃門於延福宮學詩書曆算仁宗嘉其才命置左右處曆術士之變援弓矢卽殿西督捕賊悉就擒遷東頭供奉官歷幹當御藥院郎延環慶路公事分治河東邊事破西路有功帶御器械神宗將復熙河命往規度還奏譬如孔虎抱玉乘爪牙未備可取也卽從王韶入治城壁守具以功遷作坊使嘉州團練內侍押班吐蕃圍茂州韶率陝西兵授之舊路由石泉入抵龍東土田肥美爲西羗所據中正不弘簡錄

卷一百九十九 三 宋 帝 者 宋 二

能至反言其路榛僻不通商旅外蕃因得乘間至緇而龍安有都巡檢緩急可倚仗朝廷從其請割石泉隸緇望其故道隴東遂不可得遷使熙河經畫鬼章進昭宣使入內副都知元豐初提舉政畿縣保甲將兵捕盜獄民兵五保法請於村墮及縣以時閱習悉行其言復往鄜延環慶經制邊事簽書涇原路經略司事凡所用度詔令兩路取給無限多寡所過輒稱而受密旨募禁兵以行主者不敢違從五路師會靈州自度失期糧道不繼士卒多死權分屯鄜延並邊城砦以俟後事請罷遷金州觀察使提舉西太一宮元祐初貶兩秩提舉崇福宮紹聖初復嘉州團練使卒年七十一

李舜舉字公輔神福養子舊補黃門仁宗使督工冶金爲器既成併上羨餘帝嘉其不欺擢爲秦鳳路走馬承受英宗立奏事

宋用臣字正卿開封人爲人精思強力以階隸職內省神宗建東西府築京城建尚書省起太學立原廟導洛通汴凡大工役

京師會帝不豫內謁者止之以爲天子新卽位使者從邇來不
得一見而去何以慰遠人謁者以聞亟召對言舊制承受以察
守將不法爲職近來更論最反使帥臣保任乞刪其制帝悅從
之熙寧中歷幹當內東門御藥院講筵閣賞錄院凡十四年郭
達討交州以爲廣西幹當公事軍中之政得與講筵會達既亦
降監左藏庫起爲文思院使領文州刺史帝御器械進內侍押
班制置涇原軍馬入奏李憲稱受密詔督糧自都轉運以下皆
聽處斬民慙前日之患憚於從行出錢百緡不能僱一夫噓聚
山谷不受調遣縣令呼者輒至段擊不能集事詔乃遣兵轉嘉
州團練使沈括城永樂遣舜舉計議被圍急斷衣襟作奏臣死
無所恨但願朝廷勿輕此賊遂死贈昭信軍節度使諡忠愍入
內高品張禹勸贈皇城使各推恩賻錢有差爲人資性安重與
弘簡錄 卷一百九十九 四 官者宋二

退帝坐幃中望見呼問諸路如汝者幾人何以獨來對曰陛下
新卽位臣自邊塞來瞻天表不敢敷還不知其他帝歎曰小臣
知所守如此識其姓名屏間神宗立覽所題屏擢幹當延福宮
遂蒙親信交人叛詔審視事勢還奏乾德在重頭不足繫帥臣
劉彝貪功生事罪當誅帝信之擢郭達趙禹南征行營承受被
誅亦奪一官陝西五路師還受命撫犒士卒內有先還者不得
預疏言此皆將臣上違聖畧糧食不繼逃生以歸其情可貸今
同立庭中而不預賜恐患生倉卒帝用其言均予之又使案閱
河北保甲振濟京西水災參定諸陵薦獻元祐初因論劾摺棄
不用哲宗親政以在藩時奔走服勤召至左右爲內侍押班卒
贈昭化軍節度使

弘簡錄 卷一百九十九 五 官者宋二

李祥開封人爲入內黃門號銳善騎射川材武中選投涇原儀
渭同巡檢從景思立以河湟功遷內殿崇班爲河州駐泊兵馬
都監從郭達討交趾駐富良江賊兵大至與涇原將姚兪力戰
敗之遷皇城使鎮戎軍沿邊都巡檢使又從劉昌祚征靈武議
功加沂州團練使還因所部兵多亡失降簡州刺史權熙河兩
會路都監總岷州兵夏人攻蘭州祥赴投保險待變數日寇徹
圍去復團練使進階州防禦使從種宜襲鬼章有功升兵馬都
鈐轄在熙河二十餘年以宣慶使內侍押班卒

衍結元祐大臣謀廢立自郴州召士良遣使實其說既至般陳無所得但言太后彌留之際衍嘗可否二府事及用御寶付外而已安惇蔡京傳致奏衍疏隔兩宮斥隨龍內侍十人于外以剪除人主腹心羽翼意在動搖大逆不道遂處死中外竟之

馮世寧字靜之由入內黃門累遷昭宣使忠州團練使入內押班楊國公主瘵疾哲宗欲夜出問訊世寧執奏不可帝不以為忤遷景福殿使明州觀察使至副都知崇寧新宮成首命知入內內侍省禁事禁中夜火使宿衛士撲滅之既定不欲使知官省曲折令自他途出徽宗賞歎進感德軍留後政和初以內客省使彰化軍留後致仕卒年六十七贈開府儀同三司諡恭節出入禁圍六十餘年循謹無過時論稱之

李繼和開封人為內侍黃門慶曆中任河北西路承受保州兵

私備錄 卷一百九十九

六 宦者宋二

叛塞城門距守官軍重圍之不得入繼和密結內應上南開門諭以禍福衆言俟李昭亮至即斬關自歸已而果然賊平遷兩秩沙苑關馬奉詔秦州置場以券市之不數月得馬千數而人不授環州弓箭手歲時給酒州將者不與衆喧訴州將闔門不出繼和步入衆中曉曰汝曹為一杯酒遂喪軀命乎衆悟散去事聞權帶御器械累遷宣慶使文州團練使入內副都知卒神宗以無軍功不許贈官立為定制

高居簡字仲略番禺人仁宗時為入內黃門聞外廷議論必以入告人目為高直奏命護作溫成原廟稱為精辨超殿頭領後苑事嘗使南海遇廣州火督衆護軍賁甲仗三庫賴以獲全事聞詔褒之尋坐奉使梓夔路多占驛兵降高品歷龍圖天章實文閣內東門司幹當御藥院神宗即位御史張唐英言其資性

儉巧善迎合取容中丞司馬光亦言舊制幹當至內殿崇班以上即須出外今陛下獨留四人中外以此竊議乃罷為供備庫使稍遷帶御器械進內侍押班以文思使領忠州刺史卒贈輝州觀察使

程昉開封人以小黃門積官西京左藏庫副使熙寧初安石欲興水利廢用為河北屯田都監加帶御器械遷宮苑副使兼外都水丞至達州防禦使制置河北河防水利昉事權已盛挾勢毀段大臣暴橫官吏御史盛唐言其倚侍相度大名第五琦之功專為己力假朝廷威福恐助州縣所開共城河廢人戶木植久無成功開漳河廢工七百萬滹沱河八九百萬占邢洺趙深邢五州之田王廣廉孔嗣宗錢總趙子幾皆奏其姦欺多置捷口指決河所浸便為淤田惟其所欲願遣官代還仍行究治神

宗命加體量乃以憂死遂罷都大制置河防水利司

私備錄 卷一百九十九

七 宦者宋二

童貫少出李憲之門性巧媚自給事宮掖即善測人主微指先事願承徽宗並明金局于枕命貫以供奉官主之始與蔡京游藉其力以進京既相贊取青唐策力薦貫嘗十使陝右審五路事宜與諸將之能否朝廷用憲故事命王厚領兵十萬以貫監軍事復河湟四州由寄資特授景福殿使襄州觀察未幾轉歷河蘭湟秦鳳經畧安撫制置等使至武康軍節度使以復洮州功加檢校司空易節奉寧貫恃功驕恣專擅軍政選置將吏皆捷取中旨不關朝廷因夜拂京意會除開府儀同三司京奏宦官豈應授使相遂不奉詔政和元年進檢校太尉使非丹京又言以宦官為上介輕國無人帝謂并丹聞貫破羌故欲見之因得使覘其國虛實策之善者竟遣之使還益探知上意由陝西

河東河北宣撫使簽書樞密院領院事兵柄皆屬焉請進築夏國橫山更武信武寧護國河東山南東道劍南東川等九鎮進太傅封涇國公時人稱京爲公相貫爲相將秦晉銳師深入河隴薄于蕭關古骨龍謂可制夏人死命遣大將劉法取朔方法言不可貫曰君受命京師自宜功必成今何難也法不得已出塞遇伏而死喪師十萬貫隱其敗以提聞百官入賀皆知其詐而莫敢言關右既困夏人亦不能支乃因邊人進營表納款使至授以誓詔辭不取貫置館伴固與之還及境棄諸道上舊制熟羌不投漢官貫故引板有至節度使者弓箭手失其分地使守新羅禁卒逃亡不死得改隸他州從此軍政盡壞宣和元年再使遼歸薦趙良嗣遂造平燕之謀選健將勁卒刻日將發會方臘起卽命討之 臘睦州青溪人世居縣場村託左道以弘簡錄 卷一百九十九 八 宣和宋二 惑衆其地自唐永徽中女子陳碩真反自稱文佳皇帝相傳有天子基萬年樓臘因此自信憑藉縣境梓桐幫源諸峒皆山谷幽險處民物繁夥有漆栢杉材之饒富商巨賈往來其間臘聚羣不逞及貧乏游手之徒以誅朱勳爲名奮起爲亂自號聖公建元永樂置官吏將帥以巾飾爲別自紅巾而上凡六等初起尚無弓矢介冑惟以鬼神詭秘事相扇誅人安於太平不識兵革聞金鼓聲卽斂手聽命不旬日羣衆至數萬後漸焚室廬掠金帛子女誘脅良民爲兵破殺將官蔡遵于息坑遂陷青溪并睦欽二州南陷衛北掠新城桐廬富陽諸縣進逼杭州郡守遁城亦陷殺制置陳建廉訪趙約縱火六日死者不可計悉官吏暴虐得必斷支榷體或探肺腸熬以膏油叢鏑亂射備盡楚毒蘭溪靈山城朱言吳邦剡縣仇道人仙居呂師襄方巖山陳十

匹弁蕪州石生歸安陸行兒皆合黨應之東南大震徽宗始聞大驚亟遣貫與譚稹率禁旅及秦晉蕃漢兵十五萬以東次年正月臘將方七佛引衆六萬攻秀州統軍王子武乘城固守大軍適至合擊斬賊首九千還據杭二月貫稹前鋒水陸並進臘焚官舍府庠民居宵遁諸將劉延慶王稟王渙楊惟忠辛興宗相繼至盡復所失城四月生擒臘及妻邵氏于毫并偽相方肥等五十二人於辛桐石穴中殺賊七萬餘黨悉平進貫太師徙封楚國公自臘起破六州五十二縣戍平民二百萬所掠婦女自賊峒逃出由湯巖嶺間九村八十五里保而縊於林中者相望王師出至凱旋四百五十日自此北征之役益不可遏燕山旣復賞功詔貫解節鉞真授三公加封徐豫兩國公越兩川命致仕卽以積代明年復起領樞密院宣撫河北燕山七年以弘簡錄 卷一百九十九 九 宣和宋二 神宗遺訓能復全燕之境者胙土疏爵遂封廣陽郡王自開國以來未嘗有也方在太原遇粘罕南侵遣馬擴辛興宗往聘金責以擅納張覺與兵問罪貫尚厚禮其使謂如此大事何不宿告使者偃言速割兩河以謝貫聞之穢氣不能應遂謀遁歸太原守張孝純進曰金人渝盟王當令天下兵悉力枝梧何故反委而去自棄河東與敵河東一失奈河北何貫怒叱曰貫受命宣撫非守土也君必欲留貫置帥何爲孝純拊掌嘆曰平生童太師作幾許威望今臨事乃蓄縮長慄奉頭鼠竄何面目復見天子乎貫竟奔入都欽宗已受禪下詔親征除貫東京留守不受命願奉上皇南巡所募西邊長大少年號勝捷軍幾萬人嘗充親從環列第舍至是擁之自隨上皇過浮橋衛士琴瑟號慟貫惟恐行不速使親軍射之中矢而踣者百數道路流涕陳官

御史與國人議者議起初貶左衛上將軍連誦昭化軍節副貳
英州吉陽軍未至詔收數十大罪命御史張徵追及於南雄蒞
斬之函首赴闕象于都市買儀狀魁梧偉觀願下生十數髮皮
骨勁如鐵不類閩人有度量輕財好利結納後宮如嬪及左右
婦寺譽言日聞凡握兵二十年恩寵傾赫權傾一時奔走期會
過于制勅嘗有論其過者詔方劾往察劾一動一息先偵得之
密以白上反陷以事得罪遂死庭尸雜運成市岳收輔弼多出
其門廝養僕圍官諸使者三數百輩窮姦稔禍流毒四海雖俎
醢不償責也 朱勳潯州人父冲狡伶有智數家本微賤為備
梗悍不馴抵罪鞭背去之旁邑乞貸遇異人得方書歸設肆賣
藥病人服之輒勿遠近輻湊遂致富因聘園圖結游客致往
來稱譽蔡京初過蕪欲建僧寺一開費直鉅萬僧言欲集此緣
弘簡錄 卷一百九十九 十一 宜者宋二

非朱冲不可京以屬郡守呼兒語故冲願獨任居數日請京詣
寺度地至則大木數千章積庭下京大驚陰器其能明年召還
窺上垂意花石挾勳與俱屬貫窠父子名置軍籍中始皆得官
勳密取浙中珍異以進初致黃楊三本帝嘉之後歲歲增加幸
不過再三貢物裁五七品至政和中始極盛舳舻相銜遍于淮
汴號花石綱即蕪州置應奉局指取內帑如囊中物每以百千
萬計延福宮長嶽成奇卉異植充物其中權勳至防禦使東南
刺史郡守多出其門徐鑄應安道王仲圖等濟其惡竭縣官經
常以為木所貢物豪取漁奪於民士夫家一木一石稍堪愛翫
即領健卒直造其處用黃封表識尚未即取責使護視微不謹
即被以大罪及發必徹屋抉墻以出人不幸有小異物指為不
祥惟恐焚燼不速凡預是役中家悉破產鬻賣子女不足以須

斯山葦石程督哨慘雖江湖不測之淵百計取之必出乃止嘗
得太湖石高四丈載以巨艦役夫數千所經州縣拆水門橋梁
鑿城垣以過至日賜名神運昭功石截諸道糧綱旁羅商船揭
所貢暴其上篙工柁師倚勢貪橫陵縣州縣道路相視以目廣
濟卒四指揮盡充晚士猶不足京如患之帝亦病其擾禁用綱
船伐塚毀室封廟象人圍凡十餘事然尚得與蔡攸等同事
既而勳欲廣所居直蘊市孫老橋東西四至壞地室廬稱詔盡
充賜予合數百家期五日盡徙郡吏逼逐大小嗟哭於路中建
神霄殿奉青華帝君像期望監司郡吏皆拜庭下命士至必先
朝謁主趙霖議建三十六浦廟與必不可成之功霖志在媚勳
益加苛虐天方大寒役死相枕吳越不勝其苦徽州盧宗原竭
庫錢遺之引為發運使公肆指克園池擬禁禁服飾器用上倍
弘簡錄 卷一百九十九 十一 宜者宋二

乘輿託以輓舟募兵夫數千自衛子汝賢等召呼官僚奔走備
伏流游迨二十年方颺起始盡罷花木進奉勳父子弟姪在
職者民大悅寇甫平復得志聲骸愈灼邪人穢夫候門奴事自
直松閣至殿學士不附者旋踵罷去時謂東南小朝廷帝末年
益親在之居中白事傳達上旨一如閩人進見不避官嬪歷隨
州觀察慶遠軍承宣使燕山奏功進寧遠軍節度使醴泉觀使
一門盡為顯官驍僕亦至金紫天下扼腕唾罵靖康致亂勳為
自全計擁上皇倉卒南巡且欲邀至其第欽宗用御史言放歸
田里凡由勳得官者皆罷籍其貲財田至三十萬畝後勳管衡
韶循三州遣使即所至斬之 趙良嗣本燕人馬植世為遼國
大族仕至光祿卿行汙內亂不齒于人求見童貫賤史自言有
滅燕之策因得謁貫與語天旂荒淫失道女真恨入骨髓本朝

若遣使自登萊涉海結好女真與之相約攻遼其國可圖也其
 奇之易姓名李良嗣議者謂祖宗以來雖有此道以其地接諸
 蕃禁商賈舟船不得行百有餘年矣一旦啓之懼非中國之利
 徽宗召問對以遼國必亡陛下念中原黎民遭塗炭之苦復往
 昔之疆代天譴責以治伐亂王師一出必登萊來迎兵法先登
 制人後發制于人萬一女真得志事無及矣帝嘉納之賜姓趙
 氏以為秘書丞圖燕之議自此始尋還直龍圖閣提點萬壽觀
 右文殿修撰宣和二年二月遣使金見其主阿骨打議取燕雲
 使還進徽猷閣待制自是將命至於六七頗能盡心與金爭議
 進龍圖閣直學士既得燕山加延康殿大學士提舉上清宮至
 光祿大夫既而朝廷復納張覺良嗣爭曰國家新與金盟如此
 必失其歡後不可悔不聽坐奪職削五階靖康改元御史胡舜
 陟論其敗契丹百年之好致金人侵陵禍至不測時已竄柳州
 詔廣西選副李昇之即所至梟其首徙妻子于萬安軍

梁師成字守道性慧黠習文法稍知書初隸書藝局領唐思殿
 文字并外庫以隸人畜之主出外傳道上旨政和間徽宗留意
 禮文符瑞之事師成善逢迎希龍命入處殿中凡御書號令皆
 出其手遂以翰墨為己任多擇善書吏習倣帝書雜詔旨以出
 外廷莫能辨師成實不能文高自標榜誇稱賦再出詠帝勿禁
 誦種氏文留其尺牘毋令毀去至是其文稍出四方尚秀招致
 門下往往遺其點污書畫卷軸多寘外舍邀賓客縱觀其有題
 識合意者輒加汲引執政侍從墜手可得王黼父事之雖蔡京
 父子亦俯附焉時人目為隱相所領職局至數十百貴幸無比
 積官至胥州觀察使典德軍留後建明堂為都監既成拜節度

使加中太一神霄宮使歷護國鎮東河東淮南四節檢校太傅
 太尉開府儀同三司備造伐燕議始猶依違卒乃贊決貫歸自
 燕山頗失上意師成與黼共薦譚稹為檢校太傅兩河燕山路
 宣撫使策勳進少保益通賄謝人士入錢數百萬以獻頌上書
 為名令赴廷試唱第之日於帝前嚙指升降至屨養儲宏亦謀
 科甲為人貌若不能言然陰賊險鷲遇間即發居與黼隣帝幸
 黼第見其交通狀怒之會朱勳與黼乘隙交攻帝罷黼相自
 是始黼楊彘以郗王楷寵盛有動搖東宮意師成力為保護欽
 宗立嬖臣多從上皇東下師成以舊恩獨留京師布衣張炳力
 疏其罪指為李輔國恐內外相應變出不測陳東又論其有異
 志攘定策功當正典型帝迫於公議矜未誦旨逐之師成疑懼
 寢食不離帝所雖奏劾亦侍於外未有以發會鄭望之使金營
 還帝命以宣和殿珠玉器玩復往始詔暴其罪責為章化軍節
 度副使行次八角鎮彘殺之以暴死聞籍其家

楊戩少給事掖庭主掌後苑善測人主意自崇寧後日有寵知
 入內內侍省立明堂鑄鼎彘起大晟府龍德官皆為提舉政和
 四年拜彰化軍節度使首建期門行幸事以固權寵勢與梁師
 成將歷鎮安海鎮東三鎮由檢校少保至太傅死贈太師吳
 國公 有胥吏杜公才者獻策于戩立法索民田并自甲之乙
 乙之丙展轉究尋至無可證則度地所出增立賦租始於汝州
 漫淫于京東西淮西北括廢隄棄堰荒山退灘及大河淤流之
 處皆勒民主佃額一定後雖衝蕩回復皆不可減號為西城所
 築山濠立租算船納直至古鉅野澤綿亘數百里濟鄆數州賴
 其蒲魚之利悉不得免犯者執之率於常賦外一邑增租錢至

十條萬緡水旱蠲稅惟此不免擢公才為觀察使 李彥繼之
 天資狠愎密與王黼表裏置局汝州臨事愈劇凡民間美用使
 人投牒告陳皆指為天荒雖執印券皆不省魯山閻熙盡括為
 公田焚民故券使田主輸租佃本業訴者輒加威刑致死者千
 萬所奪二稅轉運使不為奏除但均諸別州京東西官吏劉寄
 任彥輝李士漁王濬毛孝立王隨江惇呂垓錢械宋憲無大小
 皆助彥為虐役如奴隸因得悉至美官前執政出守者操笏迎
 謁輒偃坐堂上不為禮有言于朝者師成此曰王人雖微列于
 諸侯之上言者懼而止發物供奉大類未勸凡竹數竿用一九
 車牛驢數十頭龍鱗薜荔一本費踰百萬皆資辦於民經時閱
 月無休息期力竭餓死至有自縊轅輓問者喜賞怒刑禍福轉
 手頽昌兵馬鈐幣范彥意誣以刑蘓軾詩文論為十惡遂
 弘簡錄 卷一百九十九 官者宋二
 勤停時謂米勸結怨于東南李彥結怨于西北是也靖康初追
 殺所贈官爵削彥官賜死籍其家劉寄以下十人皆停廢復范
 彥官
 邵成章欽宗朝內侍帝入青城命衛皇太子赴宣德門稱制行
 事太子北去遂留于汴元祐太后遣奉乘輿服御至南京奉高
 宗登昨從幸楊州金人大入山東諸郡盜起黃潛善汪伯彥匿
 不以聞及張遇焚真州去行在六十里帝亦不知成章因條二
 人罪惡必致誤國且具申中書使之聞之帝怒除名南雄州編
 管御史馬伸言今是何時以言為諱久乃思其忠直召赴行在
 行至洪州潛善之徒忌之不置譖于帝曰邵九百來陛下無歡
 樂矣遂止之金人入洪聞其名訪求得之語曰知公忠正能事
 吾主可坐享富貴成章不應脅之以威亦不從金人曰忠臣也

吾不忍殺遺之金帛而去
 藍璋康叔皆康王府都監為入內東頭供奉官從王使金營及
 開元帥府並主管機宜文字有詔趣師入援履等固請願王留
 相州王叱之而行即位二人恃恩用事履尤妄作威福與內侍
 曾樞凌忽諸將或踞坐跣足立於左右至今馬前膝語故疾之
 者眾帝微知詔統兵官不許與內侍相見違者停官編諫履終
 無所忌懼俄遷內侍省押班金州觀察使金兵卒至揚帝馳馬
 出城百官不戒備從行惟履等五六人自是愈有輕外朝心及
 幸浙道吳江競以射鴨為樂比至杭州出往江上觀湖供帳赫
 然遮道統制苗傅等切齒曰此輩使天子至此猶敢爾耶幕客
 王世修亦嫉之以告劉正彥適王淵躡躑樞筦傳聞宦者所薦
 愈不平相與合謀伏兵斬淵以其眾圍履家分捕中官凡無鬚
 弘簡錄 卷一百九十九 官者宋二
 者皆殺之履馳入白帝傅等至罵聲曰陛下信任中官隨其所
 薦皆得美官王淵遇賊不戰以交康履得樞密中官在外者已
 誅更乞珪履擇等誅之以謝三軍帝不忍即除傅等官以安之
 咸不願曰欲遷官第須控兩匹馬與內侍何必至此帝問左右
 策將安出主管機宜時希孟以為禍由中官不除之恐患未已
 軍器監葉宗壽亦言陛下何惜一履康不以慰三軍帝不得已
 命吳湛於清瀾閣承塵中執履即以付傅屢斬之梟其首尋捕
 珪樞等編置遠州擇行一程追還斬之左右所留內侍僅十四
 五人後傅等誅贈履官益榮節召珪等還自武功大夫權內侍
 省押班慈寧宮建命提點事務尋升都知及迎太后充都大主
 管奏還官應干補授思乞聽慈寧宮施行從之後以壽終 同
 時藍安石由內侍省副都知至景福殿使湖州觀察使與內侍

一 丹 賣 參 日 車 全 書 第 5 反 之 小

省拆班康語皆親幸用事語善知開門事蓋公佐嘗漏泄禁中
語言官劾與內侍陳永錫受劉光遠金力為營收永錫與祠語
送吏部後累官至均州觀察使卒贈保信軍節度使諡忠定安
石贈保寧軍節度使諡良恪渡江後中官贈諡始此

馮益康王邸舊人即位自入內東頭供奉官遷幹辦御藥院兼
皇城司恃恩驕恣帝幸浙東與都統張俊爭渡以語侵俊且訴
于帝御史趙鼎言明受覆鞫不可不戒事乃已紹興三年授武
功大夫康州防禦使帶御器械至宣政使明州觀察使內庭舊
有驛院官因其請別置御馬院自領其事又擅築皇城便門
鼎與御史沈與求皆患之會劉豫揚榜山東言益遣人收買飛
鴿有不遜語張浚請斬益以釋謗帝不許鼎言事關國體遂解
職與祠放歸家居者十四年僞柔福帝姬來歸時自稱為王貴
弘簡錄 卷一百九十九 六 宦者宋二

妃季女以益嘗在貴妃間遣驗視為所詐遂以真告及事覺坐
驗視不實送昭州編管尋又與皇太后宅提點累遷安德軍承
宣使帶御器械與見道俱為內侍省押班並充景福殿使去為
寢有寵請以一官回授見道帝許之遂以保康軍承宣使致仕
去為與秦檜王繼先用事升延福宮使累遷入內都知恃恩干
預外朝謀議金將渝盟議大出兵先取御馬院西兵二百人斃
其頂髮都人駭之又進幸蜀之計陰阻用兵宰相陳康伯力非
之帝悟而止侍御史杜莘老乞斬之以作士氣帝不得已令致
仕孝宗受禪詔落致仕與陳源同提舉德壽宮行移如內侍省
仍鑄印賜之修宮有勞特遷安慶軍承宣使數年後方卒初夏
皇后入宮去為實進之后崩上皇遺傳旨立謝貴妃為后故終

身不夫貴寵亦不敢復涉朝廷事如前日矣 源在德壽宮極

承太上寵愛命帶浙西副總管趙汝愚言當懲在前弊政內侍
不許干預軍政始罷然恃恩顯志本官書史徐彥通為掌家務
不數歲至經武大夫册後甄士昌工理髮奏補承信郎欲窺臨
安府事補都吏李庚以官使日夜窺伺孝宗聞而惡之與京祠
給事中于文价計還錄黃改外祠臺官黃洽等又劾請建州居
住籍其貴進德壽宮除彥通名道州編管士昌庚皆抵罪言者
猶未已移置彬州有固名小隱規制視禁錮有加亦以賜王才
人光宗即位復召還自拱衛大夫永州防禦使除內侍省押班
帝為太上居泰安宮與內侍楊舜卿林億年俱用事侍御史章
穎等追論往事言帝不過宮乃諸人離間乞行誅竄以慰壽皇
在天之靈寧宗詔編管源撫州億年常州舜卿任便居住尋又
弘簡錄 卷一百九十九 七 宦者宋二

移源婺州億年湖州舜卿外補未幾咸聽自便人疑億年與源
皆非宦者以在別業此所咸與妓淫媒其欺罔若此
甘昇內侍省押班擇之養子釋死累遷亦至押班乾道中帝頗
親昇益以此用事有子娶臨安尹胡與可女與可為小官時丐
貸於富民馬氏不如欲銜之至是馬以鬻官鹽踰格諷有司以
私鹽論御史陳升卿平反之昇陰為與可地設升卿為豪民脫
罪所得至萬緡上疑罷升卿論馬罪流嚴州每與曾覿王并三
人盤結用事凡二十年招權市賄其門如市士大夫無耻者爭
附之既而覿死并逐昇在朱熹力言之帝稱其有才且為德
壽宮所薦熹謂姦人無不何以動人主黃由對策亦頗及之帝
徐察其奸遂抵罪籍其貲以死 弟昂淳熙末幹辦內東門司
帶御器械光宗朝與妾侍立等同見親昵累遷至親衛大夫保

康軍承宣使提舉佑神觀慶元初為內侍省都知帝過壽康宮
 時有力焉遷官二秩頗貴寵 曾觀字純甫汴人用蔭補官為
 寄班祗候初與龍大淵相朋結同為建王府內知客孝宗受禪
 大淵自左武大夫除樞密副都承旨觀自武翼郎除帶御器械
 幹辦皇城司諫官劉度舉京房石顯為鑿首雖有舊待之不可
 無節度帝不納除二人權知閤門事度言臣欲退陛下反進何
 面目尚為諫官出知建寧府放免舍人張震繼命亦出知紹興
 御史胡沂周操章五上論其市權皆不報給舍周必大格除目
 不下乃與祠不旬月復除大淵宜州觀察使觀文州刺史俱知
 閤門事兼皇城司命凡四變與內侍抑班梁珂表裏用事勢益
 張大嘗命大淵撫慰兩淮將士御史王十朋言非出朝廷論選
 之公有輕國體正言葉茂良言之尤切謂其害政甚珂百倍凡
 弘簡錄 卷一百九十九 大 官者宋二
 陛下罷行一政事進退一人才必掠美自歸稱為已力或時有
 小過即昌言於外謂嘗爭之而不見聽留中章疏間得窺見出
 以語人有司條陳利害示以副封公然可否其交通賄賂于求
 差遣特小者耳今珂既以罪出願特出威斷並行罷去著作郎
 劉夙亦上封言陛下與二人觴咏唱酬字而不名罷宰相易大
 將待其言而後決帝諭以潛邸故人非近習比且俱有文學敢
 諫諍杜門不出不預外事宜退而訪問茂良遂坐斥一日洪邁
 告陳俊卿鄭聞將除右史邁遷西掖俊卿訝曰何自得之謂由
 二人俊卿以語葉頴魏杞因共質於帝前怒曰朕曷嘗謀及遂
 逐大淵為江東總管觀淮西副總管中外快之尋又改浙東福
 建乾道四年大淵死帝欲召觀樞密劉珙奏此曹奴隸可厚賜
 之引以自近待為賓友與聞政事非所以增聖德整朝綱帝納

珙言俊卿恐其入預政請處以浙東總管時觀已至近郊會處
 允文使蜀還亦奏觀不可留帝恐其累已乃從之未幾又降墨
 詔進浙東觀察使舍人繳還俊卿謂升進必須有名既而副汪
 大猷賀金正旦還始遷之戒閤門吏趣朝辭快快而去俊卿甫
 罷復召除福建觀察使提舉佑神觀會皇子立以伴讀勞升安
 德軍承宣使復副姚憲資金國歸除武泰軍節度使提舉萬壽
 觀淳熙元年加開府儀同三司復欲以文資官其子茂良仍繳
 進觀大怒力薦謝廓然為殿中侍御史遂論出之朝士方側目
 重足而廓然由戶部員外郎忽賜出身驕橫得志其黨有從班
 韓彥古者本亦觀姻復獻議助之於是人主益疑大臣而信近
 習廓然官至叅知政事而卒六年加觀少保隱泉觀使必大當
 制亦有敬故在尊賢上之語士論惜之時文武要職多出其門
 弘簡錄 卷一百九十九 九 官者宋二
 葉衡自小官十年至宰相徐本中由小使臣積階至刺史知閤
 門事換文資為右文殿修撰樞密都承旨賜三品服俄為浙西
 提刑集英殿修撰奉內祠皆所進也著作郎胡晉臣極言其害
 帝令執政趙雄詢其人雄憚之指其位卑者數人以對朱嘉言
 之尤力俊卿守金陵過闕入見首以為言帝尚謂瑣細差遣或
 勉循之至於近上之除此輩何敢預俊卿曰向來士大夫奔其
 門十繞一二尚畏人知今則公然趨附十已八九大非朝廷美
 事帝感悟寢覺其姦遂疏之嘗語左右曾觀誤我不少既憂且
 患疽發于背而死凡得罪者皆追錄贈之 王抃初為國信所
 小吏至大通事隆興初金人求海泗唐鄧商秦地議久不決遣
 抃往許以地易歲貢為幣持書而還進江東兵馬鈐轄乾道中
 積官至帶御器械知閤門事帝親信之金使至議國書禮不合

朴以宰執虞允文命給其使曰兩朝通好自有常禮使人何得妄生事已牒知對境矣翌日金使乃進書帝以爲可任遣詣荆襄點閱軍馬淳熙中兼樞密都承旨建議以殿步二司軍多虛籍請各募三千人已而殿司輒捕市人充軍號呼滿道軍士乘隙掠取民財帝專以罪殿前指揮使王友直而命朴權殿前司事校書郎鄭鑑宗正丞袁樞因轉對數爲帝言侍郎趙汝愚力疏陛下卽位之初宰相如葉顥等皆懼陛下左右侵其權日夜與之爲敵自後數年以來並無與角是非者蓋其勢已積至此將帥之權盡歸王朴矣朴所給金使取圖書及歸被誅嗣歲使復至帝以德壽宮命爲雜席受書淳熙八年賀正旦使又至復要帝起立帝因前已悔不聽遽起入內朴擅許金使用舊儀見帝不懌翌日汝愚因亟攻朴出爲福州觀察使奉外祠不復召

弘簡錄

卷一百九十九

正

臣者宋二

是不復召寧宗受禪遷和州防禦使再奉祠俄拜慶遠軍節度使卒 譙熙載累官至忠州防禦使紹熙中卒較之特立頗號廉勤子令雍以恩補承信郎同時平陽府幹辦尋充王府內知客小有才王嘗與論春秋褒貶齊宣王易牛泰穆公悔過事令雍卽爲三詩以獻王甚愛重之卽位亦除知開門事累遷至楊州承宣使謝事拜保成軍節度使初賜居第帝親書依光二字賜之至是復書得開知止四字以名其堂寶璽歸軍恩進檢校少保仍轉太尉致仕卒贈開府儀同三司

王德謙初爲嘉郎都監頗親幸孝宗大漸王府贊讀黃由奏請嘉王詣重華宮問疾旣得旨德謙同請覆奏王斥之遂行崩日光宗有疾中外洶洶王在喪次直講彭龜年論德謙須白中宮建儲則人心安奏入不報寧宗卽位累遷昭慶軍承宣使內侍

弘簡錄

卷一百九十九

正

臣者宋二

指天自誓遂白其事禮即入宮泣告太后語見前傳太后悟遂命禮傳旨以論汝恩約明日於壽皇梓宮前垂簾引執政上其事寧宗即位除入內侍省都知差兼重華慈福宮承受充提舉皇城司至中侍大夫初不以功自居屢乞致仕不許免推恩亦不許南渡後內侍可稱者惟邵成章與禮也

董宋臣盧允昇皆理宗朝宦者淳祐中以睿思殿祇候轉橫行官資祐三年兼幹辦佑聖觀專阿上意時在位久為之聚斂以媚悅之引薦奔競之士真諸通顯監司要地在外郡守皆用外戚子弟為之大要賄賂作芙蓉閣香蘭亭宮中進倡優傀儡諸戲以奉帝為娛樂病弄權柄凡有內降諭令臺臣以節貼刊去不敢爭執侍御史洪天錫劾之不報開慶初元兵駐江主京師大震宋臣贊帝遷幸寧海軍發劄文天祥乞誅之亦不報景定元年賈似道初政出之安吉州四年自保康軍承宣使復除入內侍省押班同提舉符寶所尋兼主管太廟往來國信所同提點內軍器庫諸司并翰林院編修勅令皆所為都大提舉又提點顯應觀主管景獻太子府事會天祥兼景獻府教授義不與聯事上書求去言者論不置帝曲為諭解庇之秘書監湯漢又言願收還押班等除命疏入帝不之省轉主管御前馬院及酒庫至節度使卒其始終寵愛若此

弘簡錄 卷一百九十九 宦者 宋 一

弘簡錄一百九十九終

弘簡錄卷二百

明刑部員外郎仁和弘齋邵經邦學皇清翰林院侍講學士四世孫遠平校閱

雜行 宋十二之七 叛逆

張邦昌 劉豫 子麟 張覺 子能言 郭藥師 子安國

苗傅 祖授父履 杜充 鄭瓊 李成

孔彥舟 徐文 施宜生 張中孚 弟中彥

張邦昌字子能永靜軍東光人登進士累官大司成以調導失職貶提舉崇福宮知光汝洪三州政和未改禮部侍郎阿時所好取崇寧大觀以來瑞應尤殊者增製旗物宜和元年歷尚書左右丞中書侍郎欽宗即位拜少宰進太宰兼門下侍郎力主和議首許割地副康王為質于金幹離不責以姚平仲斫營事

弘簡錄 卷之二百 一 叛逆 宋 一

欲罪之邦昌對曰斫營非出朝廷意乃免還日命為河北路割地使自以身建割地之議恐人警之要帝御批付河北上書者攻非昌目為社稷之賊黜觀文殿大學士中太一宮使冬京師陷明年春吳玠英備自金營持文書來令推異姓堪治國事者致遼故事立以為君從軍前備禮冊命留守孫傅等不奉命表請仍立趙氏金人怒復遣开儻促之劫傅等召百官雜議眾相視不敢出聲久之計無所出員外郎宋齊愈探敵意書張邦昌三字示之遂定議傅及張叔夜等不肯署狀金人執之改王時雍為留守再集百官詣中書省至即閉省門環之以兵使范瑄諭眾以推立邦昌眾皆默然惟太學生難之瓊恐阻眾厲聲遣歸學舍時雍率百官先署狀开儻持赴軍前邦昌始欲引決或言相公不前死城外今欲塗炭一城耶適金送冊寶已至乃北

向拜舞受之是日卽僞位僞號大楚擬都金陵輒升文德殿設位御林西受賀遣閣門傳令勿拜時雍率百官遽拜邦昌但東面拱立因見風霾大作日暈無光色變慘沮惟時雍开僞璽等欣躍鼓舞自矜有佐命功卽以時雍知樞密院事領尚書省开權同知僞僉書院事呂好問門下省徐秉哲中書省皆權領下令比緣朝廷多故百官有司皆失其職自今各遵法度御史臺覺察以聞其見百官稱予詔曰手書時雍每言事輒稱臣啓陛下又勸坐紫宸垂拱殿好問爭之而止將擬推恩以道阻先赦京城選郎官密諭四方金人將退邦昌詣管祖別服柘黃袍張紅蓋所過設香案起居悉如常儀時雍乘哲开僞皆從行士庶觀者無不感愴二帝北遷率百官遙辭于南薰門金師既還遂降手書赦天下好問請曰人情所以歸公劫于金人之威耳今弘簡錄卷之七十一二既去能復有如前日者乎康王居外久衆所歸心亟請早正大位迎元祐皇后權聽朝政庶被保全御史馬伸亦以爲諱獨時雍乘哲止之曰騎虎勢不得下所宜熟慮臣恐他日噬臍無及邦昌弗聽開尊皇后曰宋太后入御延福宮遣蔣師愈齋書請康王自陳不敢有他所以勉循金人意者欲權宜一時以舒國難耳王報以書尋遣謝克家獻大宋受命寶復降手書請宋太后垂簾聽政以俟復辟中外咸悅邦昌僞位凡四十餘日復以太宰退處內東門資善堂尋遣使奉乘輿服御物至東京已亦隨往謁伏地慟哭請死王撫慰之卽位徙爲太保奉國軍節度使封同安郡王李綱上書極論請肆市朝以爲亂臣賊子之戒黃潛善左右之糾又力諫不可留之朝廷高宗乃降御批邦昌僞逆理合立誅原其初心出于迫脅特與貸免責受昭化軍

節度使潭州安置後聞與內廷華國靖恭夫人李氏有私語斥乘輿下獄詞服詔數邦昌罪賜死貶所李氏杖脊配車營務時雍乘哲开僞等先已遠竄至是併誅之劉豫字彥遊景州阜城人世業農少無行檢嘗盜同舍生金元符中登第政和二年拜殿中侍御史言者發其舊事詔弗問復累章言禮制局事帝謂河北田叟安識禮制黜爲兩浙察訪使宣和六年入判國子監復除河北提刑金人南侵棄官避亂儀真素善中書侍郎張懋建炎二年怒薦除濟南知府有盜不願行欲易東南一郡不許豫忿而去金撻懶攻濟南遣子麟出戰敵兵圍之郡伴張東益兵來援始解撻懶因遣人啗豫以利豫懲前忿遂謀殺濟南驍將關勝欲率百姓出降衆不從乃獨縋城納款徒知東平府充京東西淮南等路安撫使節度大名開弘簡錄卷之七十一三德漢濱博林德滄等州撻懶屯兵衝要以鎮撫之邦昌被誅金更議立一人衆議折可求劉豫皆可適北京順預門生瑞禾濟南漁者得巨鯢長數十丈豫以爲已受命之符遣麟持重寶往賂撻懶求僞號撻懶許之遣使卽豫所部咨問軍民豫鄉人張泆請立豫達于金主議遂決四年七月丁卯金遣大同尹高慶裔知制誥韓昉册號爲皇帝國號大齊都大名府九月戊申卽僞位赦境內奉金正朔用藩臣禮稱天會八年以張孝純爲丞相李孝揚左丞張東右丞李偉監察御史鄭億年工部侍郎王瓊汴京留守麟大中大夫提領諸路兵馬孝純始堅守太原頗懷忠義高宗遣王衣招之會粘罕自雲中遣人送歸豫遂失節豫升東平爲東京改東京爲汴京降南京爲歸德府以弟益留守北京尋守汴京降淮寧永昌順昌興仁府悉爲州自以生景

守濟節制東平僭位大名起四郡丁壯數千號雲從子弟下偽
 詔求直言十月而其母翟氏為太后妾錢氏乃宣和內人習官
 掖事立為皇后十一月改元阜昌數遣人說東京副留守上官
 悟賂其左右喬思恭說令降金悟並殺之豫大索宋宗室承務
 郎閻琦臣之杖死名殉功郎王寵文林郎李喆尉氏令姚邦基
 皆棄官不至朝奉郎趙俊書甲子不書僭年滄州進士邢希載
 上書乞通宋朝偽麟府經略使折可求缺望豫皆殺之馬定國
 進名分權宜論祝簡獻遷都國馬賦語多指斥是月豫立陳東
 歐陽澈雙廟于歸德六日置招受司于宿州誘宋進逃金約以
 舊河為界俾豫統之籍鄉兵十餘萬為皇子府十五年分置河
 南汴京命許清臣毀景靈宮孟邦雄發州兩京冢墓賦歛煩苛
 民不聊生十月入寇遣其將王世冲引蕃漢兵攻廬州守臣王
 弘簡錄 卷之七十一 五 叛逆宋一

亨誘斬世冲大敗其眾葉夢得招降王才王彥剛師古復
 敗偽秦鳳帥郭振偽知海州薛安靖及通判李葉以州來歸二
 年二月知商州董先以商號二州附于豫襄陽鎮撫桑仲上疏
 請正豫罪朝命兼節制應援京城軍馬度世事勢復豫所陷州
 郡四月丙寅遷都汴京奉祖考于宋太廟尊曰徽祖教文皇帝
 父為衍祖肅仁皇帝親巡郊社是日暴風捲旗屋瓦皆震士民
 大恐曲赦汴民約自今不用宦官不度僧道文武間用不限資
 格五月豫將陳彥時率眾千餘來歸以知東平李鄰為尚書右
 丞董先為大總管府先鋒將十二月襄陽鎮撫李橫收豫兵于
 揚石乘勝趣汝州偽守彭玘以城降豫遣劉夔與金帥撒離曷
 侵蜀執進士薛節節資謀早圖反正庶或全宗豫怒欲兵之幸
 純勸免紹興三年正月橫連破頴順軍降偽守蘭和又敗長葛

兵攻下頴昌府偽安撫趙爾通遂復頴昌河南鎮撫制官李
 吉又敗豫將梁進于伊陽臺磴之豫求拔于金遣兀朮來赴借
 李成兵二萬逆戰于牟駝岡橫敗頴昌復陷橫軍本羣盜特勇無紀律勝則爭取
 及于敗四月陷號州鎮撫制官謝舉剖心以死舉開封人指腹示賊
 赤心也五月朔命遣韓肖胄胡松年來豫始欲吳禮肖胄無以
 應松年曰均為宋臣長揖不拜豫問主上安否答以聖主萬壽
 復問帝意所向松年曰必欲復故疆耳豫有慚色時已悉有梁
 衛之地九月楊政遣川陝將吳勝破豫兵于蓮花城王彥先自
 毫引兵至壽春將窺江南劉光世扼馬家渡遣鄧瓊駐無為軍
 為濠壽聲援乃還金遣李永壽王翊請還豫俘及西北士民之
 流寓者復要盡江以益豫監廣州稅吳仲上書謂宜乘敵使在
 廷陽許而陰圖之乘其不疑可一戰擒也學士蔡宗禮言豫父
 弘簡錄 卷之七十一 五 叛逆宋一

子倚重金人永壽等從豫所來盡江之請必出于謀觀其姦謀
 在窺吾境土恐既通使人情解弛宜戒將帥愈益置守縱和議
 成未可弛備熙河路總管關師古與豫戰于左要嶺敗績遂降
 豫洮岷之地亦歸之二月豫策進士五月知壽春府羅興叛降
 豫偽奉議郎羅許上南征策豫大喜奪民舟五百載戰具以徐
 文為護軍聲言攻定海九月下偽詔有混一六合之語遣偽樞
 密盧緯乞師于金金主集諸將議粘罕希尹難之獨宗輔以為
 可乃以宗輔權左副元帥撻懶權右副元帥調渤海漢軍五萬
 應豫以兀朮常渡江習知險易俾將前軍偕子麟分道渡淮步
 兵自楚承進騎兵由泗趨徐楚州守樊序棄城走韓世忠與戰
 于大儀承州皆捷豫復露榜有窺江之言帝下詔親征暴豫罪
 惡淮西將王師張琦合兵復壽春執王靖岳飛遣牛皋徐慶

敗金人于廬州金師退麟亦棄輜重宵遁五年五月鄭瓊復光州降偽守許約閏月偽將商元攻信陽軍知軍事舒繼明死之七月豫廢明堂為講武殿暴風連日八月復陷光州十月令民鬻子依商稅法收其算獻海道圖及戰船木樣于金主璽六年聚兵淮陽世忠亟引兵圍之守將連舉六烽兀術與視合兵來援皆為世忠所敗六月築劉龍城以窺淮西王師屢破之執華知國俘其衆而還孝純聞帝親征言南人久治舟一旦將乘風北濟豫懼遂罷沿海互市告急于金傾三省事宗磐曰先帝所以立豫本欲關疆保境我得按兵息民今豫進不能取尺寸退不能守封疆兵連禍結休息無期從之則豫收其利而我實受弊奈何金主從其言報豫自行始遣兀術提兵黎陽以觀豫豫乃以麟及東南道行臺尚書令李邦右丞馮長寧戶部許清臣兵馬大總管李成與彥舟師古皆為將籍兵三十萬分三道入寇麟總中路兵由壽春犯廬州犯率東路兵取紫荆山出潯口以犯定遠彥舟等趨光州寇六安十月犯兵阻韓世忠不得前還順昌麟兵從淮西繫三浮橋以濟衆號十萬次濠壽間朝命張俊楊沂中劉光世倚角拒戰衆過定遠欲趨宣化犯建康為沂中所敗而遁麟亦拔砦走人心大異麾下兵有自書鄉貫姓名而縊者金下尚書省詰問罪狀始有廢豫之意遣兀術先期至汴入城豫方射講武殿從騎突至東華門兀術下馬執其手偕至宣德門乘輿以羸馬露刃夾之囚于金明池十一月丙午集百官宣詔廢為蜀王以鐵騎數千圍宮門遣小校巡闕巷間揚言自今不命汝為軍不取汝免行錢為汝敵殺親事人請汝舊主少帝來此百姓聞者皆悅仍置行臺尚書省以張孝

弘簡錄 卷之十一 張俊宋一

純權左丞相偽丞相張昂知淄州李邦知代州李成孔彥舟鄭瓊關師古各予一郡女真胡沙虎留守汴京李倚副之諸軍悉令歸農聽官人出嫁得所斂金銀米帛錢絹鉅萬億計豫猶求哀憐愼責之曰昔趙氏少帝出京百姓然頂煉臂號泣之聲聞于遠邇今汝廢無一人憐汝何不自責豫語塞迫之行願居相州韓琦宅後併其子麟徙于臨潢改封曹王賜田以居之紹興十三年死金皇統三年也僭號凡八年廢時年六十五先是齊地數見怪異有泉鳴于魚苑龍撼宣德門滅宣德二字有星隕于平原鎮識者謂禍不出百日未幾果驗 麟字元瑞宣和間廢補將仕郎至承務郎濟南降後麟因從軍討降水賊王江豫節制東平以麟知濟南府事齊國建改濟南為興平麟為節度使開府儀同三司封梁國公充諸路兵馬大總管判濟南府事

弘簡錄 卷之十一 張俊宋一

加臨海軍節度使知州如故既而粘罕欲以精兵三千先下平
州擒覺公弼曰若是則趣之叛也因請自往覘之覺厚賂公弼
謂曰遼之八路七路已降獨平州未解甲者以防蕭幹耳焉敢
有異志還道其語曰彼無足慮及宋得涿易六州惟平州弗與
改爲南京加覺試中書門下平章事判留守事會驛民東徙流
離道路民不勝苦咸入訴于覺言州左企弓等不謀守燕使吾
民無所安集公今臨巨鎮握強兵盡忠于遼必能使我復歸鄉
土人心惟公是望覺遂名諸將議皆曰天祚兵勢復振山沒漠
南金人所以急趨山西者畏契丹議其後也公若仗義勤王奉
迎天祚以圖中興先責企弓等叛降之罪誅之而以平州歸宋
無不接納然後盡歸燕民使之復業誰不樂從即金人加兵內
用平山之軍外得宋爲之援又何懼焉覺曰此大事不可草草

弘簡錄

卷之七

九 叛遼宋一

翰林學士李石智而多謀可召與議石至言與之合乃令張謙
率五百餘騎殺企弓等復稱保大三年繪天祚像于廳事指
言汝主不可背金誓不可從仍榜諭燕人復業恒產爲常勝軍
所占者悉還之燕民大悅覺更李石名安弼借故三司使高黨
往燕山說安撫王安中曰平州自古形勝之區地方數百里帶
甲十餘萬覺有文武材可用爲外翰彼若西迎天祚北通蕭幹
將爲肘腋之患安中深然之送安弼與黨于朝具奏願以身任
其事徽宗喜手詔詹度密示羈縻度因數誘致之諷令內附覺
遂據南京叛入于宋遣書記張鈞參謀張敦固詣安撫司聽命
金遣劉彥宗及斜鉢往諭平山一郡今建爲京改節度爲留守
恩亦厚矣若加扇動非去危就安之道又下詔諭南京官吏止
坐首惡餘並釋之覺兵五萬屯潤州近郊欲脅遷來潤關錦四

州之民金開毋引三千騎往討覺率兵拒于營州戰敗時暑雨
不可進退屯海墻連冬復往覺報捷于宋宋建平州爲泰寧軍
拜覺節度使安弼黨鈞敦固皆加徽猷閣待制令直撫司出銀
絹數萬犒軍覺喜遠迎幹離不諫知丞引軍至南京覺遂大敗
同其弟挾所被詔勅奔燕母妻先寓營州皆爲金所得金圍平
州責宋納叛且索糧餉安中始匿覺於中仗庫索既急斬貌類
者一人以獻金人知其詐曰若不與我當以兵來取不得已引
覺出數以罪覺罵不絕口遂殺覺函其首界金然金人竟以納
平州之叛執言伐宋 一子僅言幼名元奴平州破尚在襁褓
里人劉承宣竊養於家其隣韓夫人甚愛之年數歲因隨夫人
入見貞懿皇后留之藩邸稍長侍金世宗讀書使主家事繩檢
部曲一府俾之即位除內藏庫副使權發遣官籍監提舉修內

弘簡錄

卷之七

九 叛遼宋一

役事以能心計甚倚任之委以官室營造府庫出納行幸頓舍
一經僅言無不愜意尋兼祇應司遷少府監提控官籍監護作
太宰官引宮左流泉溉田歲獲稻萬斛十七年復提點內藏領
昭德皇后山陵遷勸農使僅言雖舊臣出入左右世宗終不假
以權任凡朝廷議論內外除授未嘗干預又欲以爲橫海軍節
度使以不可去左右而止及卒上深惜之贈輔國上將軍
郭藥師渤海鐵州人生而蜂目烏喙瞻視不常遽亡燕王淳募
遼東僉民爲兵使之報怨謂之怨軍以藥師爲渠首明年其兩
營羅青叛藥師殺之都統蕭幹留二千兵爲四營拜藥師及張
令徽劉彥仁甄五臣爲將淳建號權至諸衛上將軍涿州留守
淳死蕭妃稱制國人惡蕭幹專權藥師權所部八千人奉涿易
二州來歸詔以爲恩州觀察使從劉延慶率師伐燕請選勁騎

襲之可得志遣與諸將率兵六千夜半渡河倍道而進質明五
臣領騎五千奪迎春門以入大軍繼至下令納燕人降而盡殺
契丹蕭后密詔幹還兵入援戰于三市死傷過半藥師絕城失
馬幾為所擒掩其敗跡進安遠軍承宜使至武泰軍節度使宜
和五年加檢校少保同知燕山府尋詔入朝徽宗禮遇甚厚賜
以甲第姬妾張水嬉于金明池使觀之命貴戚大臣更互設宴
又召對于後苑延春殿藥師拜延下泣言臣在遼得聞趙皇如
在天上不謂今日得望龍顏帝深褒稱之委以守燕對曰願効
死力又令取天祚以絕燕人之望藥師詭曰天祚臣之故主國
破出走臣是以降陛下使臣罪命他不敢辭若使反故主非
所以事陛下願以付他人因涕泣如雨帝以為忠解所御珠袍
及二金盆以賜加檢校少傅歸鎮蕭幹犯寨破其寨于峰山生
擒阿魯大師獲耶律德光尊號寶劍并塗金印策勳加檢校太
傅與同僚詹度爭寵欲居其上度稱御筆所書有序藥師不從
初所募怨軍歸宋改常勝軍暴橫自恣藥師右之度不能制告
于朝朝議恐其交惡命度與河間蔡靖兩易靖至坦懷待之藥
師亦重靖稍為抑損知府王安中但謂事之朝廷曲徇其意所
請無不從多買他道良械精甲并奇巧之物以奉權貴宣侍由
是譽言日聞專制一路增募鄉兵號三十萬而不改左枉時論
頗以為慮拜太尉召入朝辭不至帝令童貫行邊察藥師去
就挾與偕來至則迎貫于易州再拜帳下進貫視師至于迴野
略無人迹俄頃下馬當貫前掉旗一揮四山鐵騎耀日莫測其
數貫失色歸為帝言此人必能抗敵蔡攸亦從中力主之自此
不復防制屢有告變及得其通金國書輒不省七年十二月度

奏其趨向慎異怙寵恃功逆節已萌凶橫日甚與金人交結背
負朝廷典禍不遠願早為之慮始下詔究實而金兵已南下破
檀薊至玉山蔡靖遣張令徽劉舜仁帥師出禦令徽遁會函張
覺首送金藥師與常勝軍皆涕泣曰若金人索藥師首亦當送
之矣是夕靖詣藥師計事藥師欲出降靖驚曰靖誓死報國此
何言耶遠引佩刀自刺藥師抱持之并使者鎖閉于家幹離不
及郊藥師率軍官迎拜遂從以南叛聞帝猶疑其事議封為燕
王割地與之使世守然已無及金兵至慶源聞已內禪欲回軍
藥師告以京城虛實幹離不乃懸軍深入遂薄汴城其後詰索
宮省邀取寶器服玩皆藥師導之金即用為燕京留守給以金
屏賜姓完顏氏及兩鎮不受約束命諸將進討藥師破順安軍
營殺三千餘人金亮即位詔復還本姓 子安國累遷奉國上
將軍南京副留守金貞元三年南京大內火削三官後累至兵
刑二部尚書性輕躁無方略亮將入侵以將家子命領武捷軍
都總管與武勝武平二軍為前鋒及聞葛王入立亮謀北還更
命完顏元宜為浙西道兵馬都統制安國副之亮遇弒為眾所
惡被殺
前傳上黨人會祖京慶曆中守麟州抗元吳祖授字授之少從
胡瑗學補國子生以蔭至供備庫副使王韶取鎮洮投為先鋒
破香子城拔河府羌又破牛精谷取珂諾賊盡得河湟地權知
德順軍三遷西上閣門使鬼章寇河州授往戰克撤宗論功第
一遂知州事以四方館使領營州刺史從燕達取銀州降木征
獻京師加引進使果州團練涇原都鈐轄使契丹還神宗勞曰
冀香子之役非汝以寡擊衆幾敗吾事命為秦鳳副總管復知

河州副李憲討生羌于露骨山斬首萬級移冷難朴羌疾十萬
 七千帳內附威震洮西拜昌州團練使龍神衛四廂都指揮使
 知雄與熙州元豐西討授出古渭取定西蕩禹城花麻諸族降
 戶五萬城蘭州遇賊于女遮谷登山逆戰敗退踰天都山凡師
 行百日博鬪于里始入塞歷步軍副都指揮使威武軍節度觀
 察留後遇事持議不苟合初在德順或議城數南授以地阻大
 河糧道不濟非萬全計仰止詔援高遵裕于靈武授條上進退
 利害甚切元祐三年遷武泰軍節度使殿前副都指揮使踰歲
 以保康節度使知潞州奉上游宮制卒年六十七贈開府儀同
 三司諡莊敏父履東髮從戎以護送木征至京得開門祇候歷
 熙延渭秦四路鈐轄知鎮戎軍加四方館使吉州防禦使以事
 竄房州起為西上閣門副使熙河都監又責右清道率府率監
 弘簡錄 卷之十百 主 魏延宋一

峽州酒稅元符初還舊官為熙河蘭會都鈐轄知蘭州同王贍
 取青唐與姚雄合討境羌錢羅結贈將李忠戰敗羅結集眾宣
 言欲圍青唐列陣以待聲焰甚盛履此軍士納弓于囊拔刀而
 入羌倚巢穴殊死鬪有酋青袍白馬突而前手劒擊履帳下王
 拱以弓格之僅免復繞出履背欲斷軍為二別將高永年率所
 部力戰數十合羌退乘勝圍蘭宗堡弗能拔日暮收兵入營羌
 宵潰明日縱兵四掠焚其族帳而還錄功歷龍神衛捧日天武
 四廂都指揮使成州團練使知慶徙渭州卒傳初隸康王麾下
 即立為統制官以所部八千人扈衛隆祐太后駐杭州有劉正
 彥者父法西州名將政和間為熙河路經略使戰死朔方錄為
 閣門祗候易文資至朝奉大夫坐事責降父部曲王淵薦復為
 武德大夫知濠州擢御營右軍副都統制淵分精兵三千與之

以平巨寇丁進功進武功大夫威州刺史恥已賞薄心懷歎望
 尋被命從六宮皇子亦至杭建炎三年二月淵建議幸杭諸內
 侍實左右之時諸大將皆分守要害獨傳與正彥二人扈衛淵
 裝大船十數來杭相傳所載皆平陳通時殺奪富民家財又傳
 內侍押班康履頗用事威福由已出其徒效民居肆為暴橫眾
 皆恨之傳黨張遠激怒諸軍曰能殺淵及內侍則人人可富朝
 廷豈能獨罪哉遠淵拜同簽傳自負宿將疾其累貴正彥雖由
 淵進以檄取所予兵亦怨之遂與遠及王世修王鈞甫馬柔吉
 等同謀作亂部下皆燕人所將號赤心隊部分既定給淵以臨
 安縣有急盜意欲出其兵于外康履知其謀用小文書作田金
 字署卷末田指苗金指劉也淵得之伏兵天竺寺傳黨伏近城
 北橋下俟淵退朝誣以結宦官謀反正彥手殺淵以兵圍履第
 弘簡錄 卷之十百 主 魏延宋一

分捕內官盡殺之揭淵首引兵犯關中軍統制吳湛守宮門潛
 與傳通導其黨入奏曰苗傳不負國止為天下除害知杭州康
 允文聞變扣關請帝即樓百官皆從殿帥王元大呼聖駕來傳
 見黃屋拜呼萬歲帝憑閣問故傳厲聲曰陛下信任中官軍士
 有功不賞結內侍即得美官黃潛善汪伯彥誤國安處左右王
 淵遇敵不戰反除樞密臣立功多止得遙郡團練臣已斬淵首
 更乞斬康履藍珪曾擇以謝三軍帝諭以當流海島可與軍士
 歸營除傳慶遠軍承宣使御營都統制正彥渭州觀察使御營
 副都統制不進帝不得已捕履至傳即樓下腰斬之肆為惡言
 帝不當即大位淵聖來歸何以處之今當立皇太子請隆祐太
 后一同聽政及遣使與金議和帝許諾下詔不拜帝語朱勝非
 朕當退避須太后命勝非不可顏岐請太后親出諭之彼乃無

詞時寒甚門無簾幃帝坐一竹椅太后御肩輿至即起立植劍后于樓前面諭二凶拜曰今日百姓無辜肝腦塗地望太后主張因號泣固請必欲立皇子太后不許呼其衆曰太后既不吾允當同受戮遂作解衣狀后諭止之傳曰事久不決恐三軍生變顧謂勝非曰相公何無一言勝非不能答頰岐傳上意已決從傳請矣帝乃出幸顯忠寺二人得志以堂帖趣張浚赴秦州命趙哲領浚軍哲不肯改命陳思恭亦不從韓世忠兵已至常熟幸道宗謂張浚曰賊萬一邀駕入海何以爲計浚乃登言防週海寇奏道宗爲節制司參議官措置海船以備賊傳欲以所部代禁衛守睿聖宮張浚曲論止之時聞勤王兵至尚未之信會浚遣馮輔賚書入說責以大義諭以禍福始悟見討奏請誅浚以令天下賊遣張彥王德聲言防淮將以禦之德伺彥醉并

弘簡錄

卷之二

南

版

宋

孟臯禽苗翊降衆悉解甲張達收餘兵入崇安仲福追殺之傳乘軍變姓名夜遁建陽土豪脅標覺之執送世忠檻車赴行在班師而還俘傅正彥以獻磔于建康市苗瑀及傅二子皆先死詔釋餘黨杜充字公美相州人喜功名姓殘忍好殺短于謀略紹聖間登第累遷考功郎光祿少卿出知滄州靖康初加集英殿修撰時金人南侵燕人來歸者充慮爲內應盡殺之建炎元年進天章閣待制留守大名遷樞密直學士轉京城留守兼開封尹能以騎蹇自立威望朝廷謂可屬大事以此驟得聲譽三年拜戶部尚書兼侍讀資政殿學士節制京東西路依前留守時諸將各擁重兵張俊方白事謁未入遽前充怒戮其使諸將外似惛服然充實短於撫御人心疑阻宗澤所結兩河忠義之士往往皆引去留守判官宗穎嘗疏其失以呂頤浩張浚薦之而止尋知宣武軍節度使名還同知樞密院至即拜右僕射同平章事兼御營使高宗將幸西浙命爲江淮宣撫使留建康使盡護諸將兵時江浙倚充爲重而充性嚴急日事誅殺無制敵之方諸將不樂屬詔移光世江州世忠常州識者爲之寒心金人窺江充遣裨將王民張超分守諸渡乘高據岸以神臂弓射御之敵復進逼硤砂以輕舟薄于南岸官軍奮擊沉之一日當盡金人對十橫江直濟衆不能禦遂登岸充亟合兵二萬命統制官陳淳盡領諸裨校邀擊于馬家渡約王燮俱進敵氣銳盛變引兵不收而遁充軍大潰泮戰沒建康遂陷充渡江保真州諸將數衝充伺其敗將甘心焉充不敢歸守臣向子恣勸充由通泰入浙

弘簡錄

卷之二

五

版

宋

欲與偕行充畜異志不聽所善降臣唐佐以書招之兀木許封以中原如邦昌故事充廷叛降事聞制官爵徙其子萬巖出增韓汝惟于廣州充至雲中粘罕薄之命知相州復猗阻肆威同列多不協以孫自徙所逃歸其副胡景山誣以陰通朝廷下吏炮掠備至不服釋之俄為燕京三司使同簽書燕京行臺尚書省事遷行臺右丞相和議成而死

鄺瓊字國寶相州臨漳人初補州學生因宜和盜起乃更學擊刺挽強試弓馬隸宗澤軍駐磁州歸集義軍署為七百人長澤卒調成滑州幹離不軍將渡河成兵亂殺統制趙世彥推瓊為主因誘眾號為勤王行且收兵北渡淮有眾萬餘以為楚州安撫使淮南東路兵馬鈐轄累遷武泰軍承宣使未幾叛降劉豫豫聞大喜御文德殿見之授靜難軍節度使知拱州勸豫入寇

弘簡錄

卷之七十一

宋

叛逆宋一

豫乞帥于金言瓊欲自效金恐豫兵眾難制欲以計除之伴言瓊降恐詐命散其兵遂以女真萬戶束拔為元帥左都監屯太原渤海萬戶大捷不也為右都監屯河間齊國廢金除瓊博州防禦使遷驃騎上將軍兀木復河南以瓊素知南方山川險易名至計事從容語曰瓊嘗從大軍南伐每見元帥國王親臨督戰矢石交集輒免胄指麾三軍意氣自若用兵制勝皆合孫吳可謂命世雄材至於親冒鋒鏑進不避難將士觀之孰敢愛死宜其所向無前日關國千里也江南諸帥才能不及中人每當出兵必居數百里外謂之持重或督名軍旅易置將校僅以一介之士持虛文諭之謂之調發制敵決勝委之偏裨是以智者解體愚者喪師幸一小捷則露布飛馳增加俘級以為已功致怨將士縱或親臨亦必先遁而又國政不綱纔有微功已加

厚賞或有大罪乃置不誅不即覆亡已為天幸何能振起耶眾以為確論又問江南成敗誰敢相距者瓊曰江南軍勢怯弱皆敗亡之餘又無良帥何以禦我秦檜老儒當國用事所謂亡國之大夫兢兢自守惟類覆是懼吾以大軍臨之彼之君臣方且心破膽裂將哀鳴不暇蓋傷弓之鳥可以虛弦下也兀木喜為知言令知亳州為山東路弩手千戶丁母憂去未幾宋兵陷毫守以州人宋超金兵至超復委州事于鈐轄衛經道去兀木使人招經不肯下及城潰百姓惶惶待命瓊為請曰城所不下者內豎劫之也民何罪願慰安之兀木因止數緘而釋其州民復命守毫凡六年毫人德之累遷武寧泰寧二軍節度使至歸德尹金貞元初加金紫光祿大夫卒于官年五十

弘簡錄

卷之七十一

宋

叛逆宋一

弓手挽強異等累官淮南招捉使乘時聚眾為盜鈔掠江南紹興元年五月張俊兵敗之乃叛歸齊累除知開德府從金兵入寇陷鄆州李橫奔荆南以齊安守之李道亦棄隨以王嵩知州事復陷襄陽據之迎陷鄆州守臣李簡道以荆趙知州事制置岳飛復襄陽成始遣飛連復唐鄆州遂磔王嵩齊廢再除成安武軍節度使成在降附諸將中最勇鸞號令甚嚴眾莫敢犯臨陣身先諸將士卒未食不先食有病者親視之不持兩具雖沾濕自如以此士樂為用所至克捷或有告成欲歸南朝者宗弼察其誣使自治成杖而釋之會宗弼再取河南李興方拒守成引軍入孟津與軍眾薄城鼓譟成不應伺日晨與士卒饑倦成開門急擊大破之興走漢南成遂取洛陽并嵩汝等州奏為河南尹都管押本路兵馬嘗取宮羨粟充公費坐奪兩宮解職

正隆間起為真定尹封郡王例降濟國公卒年六十九

孔彥舟字臣濟相州林慮人少亡賴不事生產避罪之汴占軍籍坐事繫獄以計解縛乘夜踰城遁去亡命為盜靖康初應募累官京東西路兵馬鈐轄聞金兵將至山東率所部劫殺居民燒廬舍掠財物渡河南去復以為新黃鎮撫沿江招捉使因暴橫不奉約束將執以兵劉豫遣人招之隨州李道鄧州李橫皆不受執其使聞于朝惟彥舟叛從劉麟入寇為行軍都統改行營左總管齊國廢累知淄州從兀朮取河南克鄆州擒其守劉正破孟那傑於登封授鄆州防禦使討平太行車鞍嶺賊復寇江南渡淮破孫暉兵萬餘下安豐霍丘及攻濠州以為先鋒順流薄城擒水軍統制邵青送克濠州師還累官工兵二部尚書河南尹封廣平郡王正隆例降金紫光祿大夫改南京留守

弘簡錄

卷之十一

太

黃連宋一

彥舟荒于酒色有禽獸行官屬或負官錢輒私其妻與折券自幼至老常在行伍習兵事知利害海陵南征除為南京留守竟死於汴年五十五

徐文字彥武掖縣人徙膠西少時販鹽為業往來瀕海數州剛勇尚氣儕輩皆憚之宣和盜起募戰士為密州板橋左十將勇力過人揮巨刀重五十斤所向無前人呼為徐大刀後隸王龍圖麾下與夏人戰生擒一將補進武校尉東還破羣賊楊進等轉承信郎高宗渡江召為樞密院准備將擒苗傅及韓世績以功遷淮東西沿海水軍都統制諸將忌其材勇與大將閻舉有隙因而譖之使統制朱師敏來襲文乃率戰艦數十艘泛海抵鹽城被歸于齊授海密滄都招提使兼水軍統制遷海道副都統俄兼總管賜金帶嘗以策于劉豫言沿海無備二浙可襲

取豫大喜以知萊州益以海舟俾寇通秦間齊國廢兀朮承制

以文為南京步軍都虞候權馬步軍都指揮使天眷元年破太行賊梁小哥以本職兼水軍統制金人以河南來歸除文山東路兵馬鈐轄佐兀朮宗弼再取河南文引兵破宋將李質於濮陽孟那傑於登封郭清郭遠於汝州又敗河陽蔣知軍復取鄆州擊走戚方賞銀幣鞍馬充行軍萬戶再從取廬濠等州趙換武義將軍知濟州在職七年移知泰安軍海陵即位錄舊功累遷中都兵馬都指揮使賜金帶改濟州防禦使將謀入侵以行都水監造戰船於通州時東海人徐元張旺作亂州府合兵攻之累月不下詔文等至東海與賊戰敗之斬首五千餘級獲二囚餘衆請降師還遷定海軍節度使縣人房真等官賞有差死賊者皆贈官麻銀絹百大定二年年老致仕遷龍虎衛上將軍

卒于家

弘簡錄

太

黃連宋一

施宜生字明望邵武人博聞強記未冠由鄉貢入太學困于場屋遇僧善風鑑語以子面有權骨可至公卿視遍身所生毛皆逆上且覆腕必思有以合此而後貴也政和四年上舍登第試學官授州教授金人攻汴逃走延劔從范汝為汝為敗後宜生變服備於秦之吳翁家三年遇飲食椒器微有異聲翁異之一日屏人詰問姓名答曰我服備事惟謹何乃致疑翁固詰遂告之故翁厚贖之宜生度不可歸朝潛北走夜濟淮歸齊試一日獲熊三十六賦擢第一以為大總管府議事官失意於劉麟左遷彰信軍節度判官齊國廢擢金太常博士遷殿中侍御史傳吏部員外禮部郎中出為隰州刺史天德二年參政張浩薦以可備顧問海陵召為翰林直學士以撰兀朮墓銘進兩階正

隆元年出知深州入為禮部侍郎侍講學士四年冬充宋國賀正使宜生自以得罪叛歸恥見宋人力辭不許至宋命張焘館之都亭間諷以首丘宜生願其介不在旁為庚語曰今日北風甚勁因取几間筆扣之曰筆來筆來其副使耶律剛離刺使還以間坐是烹死

張中孚字信甫其先自安定徙居張襄堡父達仕至太師封慶國公中孚任補承節郎粘罕圍太原連戰歿中孚泣涕率步曲十餘入金軍中求得父尸以還累官知鎮戎軍兼安撫使屢從吳玠張浚嘗權帥事建炎四年金左副元帥宗輔經略涇州中孚與弟中彥率將吏叛降金以為鎮洮軍節度使知渭州兼涇原路經略安撫使涇原地瘠無良田時因齊國始建法令甚亟括民田籍丁壯紛更擾亂人不聊生奔走逃匿中孚奏以抵見

弘簡錄

卷之七

手

叛逆宋一

其害未見其利竟執不行人為中孚懼未幾齊國廢一路獨免措克之患天眷初為陝西諸路節制使知京兆府金人歸河南地中孚復還本朝及金再取河南陝西移文使歸中孚攜家至汴就除行臺兵部尚書遷參知行臺尚書省事踰年拜參知政事貞元元年遷尚書左丞封南陽郡王以疾告老改濟南尹開府儀同三司封宿王移南京留守又進封崇王卒年五十九加贈鄧王天性孝友剛毅兄弟平居未嘗有間言喜讀書頗能翰墨御士卒嚴而有恩羌人尤畏愛之葬之日老穉罷市流涕者數萬人正隆例降崇郡公進原國公 中彥字才甫少以父任為涇原副將知德順軍事降金除招撫使從下熙河階成四州授彰武軍承宣使本路兵馬鈐轄遷都總管關師古圍鞏州與秦鳳李彥琦會兵來攻下饒風關得金洋州以中彥領興元

尹撫輯新附師還代彥琦為經略使秦州地當要衝城不可守中彥為徙治北山據險為壘即今秦州是也又築鳳家諸城以扼蜀道帥秦凡十年改涇原路經略使知平涼府陝西復歸隨例當留關中熙河經略幕府謀入夏將關關陝命與環慶趙彬會兩路兵往討敗之中彥復還朝留為龍神衛四府都指揮使清遠軍承宣使俄授鞏海軍節度使提舉節制觀移文復歸金歷靜難彰化兩軍鳳翔慶陽二尹兼慶原路兵馬都總管寧州刺史金宗室宗淵毆死僚佐梁郁以遠人家貧無告中彥力為正其罪竟寘于法改彰德軍節度使均賦詞法姦豪無所蔽匿人服其明正隆營汴新宮令採運關中材木關中惟青峰山巨木最多然高深阻絕唐宋以來悉不能致中彥使構崖駕壑起長橋十數里以車運木若行平地開六盤山水洛之路遂通汴

弘簡錄

卷之七

手

叛逆宋一

梁明年作河上浮梁巨艦復領其役其舟始製匠者未得法中彥親製小舟纜數寸不假膠漆首尾自相鉤帶謂之鼓子卯諸匠無不駭服及成將發旁郡民數千曳之就水中彥以計役夫數十穴溝順下傾瀉于河取秣糶密布於地凌晨乘霜滑督眾曳之殊不勞力俄遷平陽海陵將謀宋驛名赴關投西蜀道行營副都統制賜細鉞使先取散關後命世宗即位赦書至鳳翔請將棨或不能決去就中彥曉譬之諸將感悟受詔上名入朝以軍付統軍合喜入見上賜所御通犀帶封宗國公尋為吏部尚書奏古者關市譏而不征今征而不譏至苛留行旅披剔囊篋甚於剽掠有傷國體乞行禁止從之踰年除南京留守時淮楚用兵土民與戎兵雜居偷盜擄竊訟牒紛拏所司依違不決中彥悉論如法帥府怒其專決劾之詔不問秩滿轉真定尹

兼河北西路兵馬都總管俄致仕居京兆明年起為臨洮尹兼熙秦路兵馬都總管華州劉海搆亂已敗籍脅從數千中彥惟戮其為首者邊羌吹折審賊隴屢拜四族特險不服使侍御史沙醇之就問方略中彥曰此羌服叛不常若非中彥自行勢必不可即至積石達南寺召酋長四人與之約降事定賞而遣之還奏上大悅遣張汝玉馳驛勞之賜以毳文金帶郊恩加儀同三司以疾卒官年七十五百姓哀號輟市立像祀之

弘簡錄卷之二

卷之二十

三

彙覽宋一

弘簡錄卷二百一

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 宋十二之八 版述

吳曦 李全 幼安兒 時青 阿安川

吳曦初以祖瑋任補右承奉郎換武德郎累遷高州刺史父挺卒起復領濠州團練使慶元元年由建康軍馬都統制除知興州兼利西路安撫使四年憲聖圖陵勞領武寧軍承宣使至熈寧初都指揮使六年光宗撥陵遷太尉會韓侂胄謀開邊曦自以先世兄弟父子相繼守西土得眾益聞上眾心潛蓄異志因附侂胄求還蜀樞密何澹覺其意力沮之陳自強因納賂陰贊侂胄除為招武軍節度使興州駐劄御前諸軍都統制兼知興州利西路安撫使從政郎朱不棄上書言之不報曦至悉收兵權備罷副都統制王大節廢關不除開禧二年朝議出師詔為成都潼州府夔利等州宣撫使聽便宜行事舊時總領蜀賦移謀宣司勢鈞禮敵自侂胄以總計隸宣司得節制按劾而財賦之權悉歸之未幾兼陝西河東路招撫司與從弟玘及徐景望趙富米修之董鎮共為反謀陰遣客姚淮源獻階成和鳳四州于金求封為蜀王侂胄日夜望曦進兵曦陽為持重按兵河池不進潛為金人地以困王師侂胄不之覺金人犯西河王喜魯翼戰方急忽傳令退保黑谷軍遂潰將士未知已布腹心千金猶力戰敵人竊笑之曦退壁魚關招集忠義厚賜以收眾心與元都統制玘思以重兵守大散關曦因撤焉關之成敵由版關谷述出思後思遁散關遂陷退屯置口舉人陳國飭投歷上

背言職必叛佞且不省十二月興州見兩日相摩金遣吳瑞持詔書金印至置口封職為蜀王職容受之是夜天赤如血光燭地如晝翌日名慕屬給言東南失守車駕幸四明宜從權濟事衆失色王翼楊駿之抗言如此則相公八十年忠孝門戶一朝掃地矣職曰吾意已決即詣甲仗庫集兵將官語故祿祿稍青王喜王大中皆稱賀聽命職北向受印僞除徐景望四川轉運使褚青左右軍統制趙益昌致總領所倉庫正使和松開變業興元去三年正月職遣將利吉引金兵入鳳州付以四郡表鐵山為界職乘黃屋左纛僭位於興州即治所為行宮改名興德府稱是月為元年使人告其伯母趙氏趙怒絕之叔母劉氏晝夜號泣罵不絕口職扶山之從子俱為興元統制見僞檄色甚不平職議行金人服制之令遣董鎮至成都治官殿將徙居之

京師錄 卷之十一 宋二

今所統軍七萬併松軍三萬分隸十統帥使陞邢房大勛成萬州泛舟下嘉陵江釋言約金人夾攻襄陽邢等至夔遣兵扼巫山得勝羅護等皆以趙王師僞冒聞變不知所為或勸因而封之吳規為職謀宜收用蜀名士以係民心而陳咸史次泰楊震仲王翊家拱辰皆不受僞命楊修年詹友中家大酉李道傳鄧性善楊泰之悉棄官去薛九齡謀舉義兵楊巨源安丙合李好義好古李貴等共謀誅職丙分遣將士收其二子及叔父柄弟晬規賊黨姚淮源李珪郭仲米修之郭澄吳端等皆誅之遣人就所在誅徐景望趙富吳曉董鎮郭榮祿禮等詔妻子處死親昆弟徐名勒停視父挺官葬子孫並徙出蜀玠子孫免連坐遇主葬祀

李全濰州北海農家子同產有三全銳頭蓋日權請善下人以

弓馮趨提能運鐵槍號李鐵槍金末元兵破中都山東羣盜並起劉二祖起泰安掠淄沂號紅襖賊二祖死繼起彭義斌石珪夏全時青裴淵葛平楊德廣王顯忠等附之楊安兒亦起掠莒密安兒者本名安國益都人少無賴以鬻鞍為業市人呼為楊鞍兒推母舅劉全為帥展徽王敏為謀主汲君立王琳閻通董友張正忠孫武正等附之相聚剽掠久之金人招降安兒積官至防禦使金大安中招鐵瓦敢戰軍千餘以唐括合打為都統安兒為副統戍邊至雞鳴山不進亡歸山東與張汝楫聚黨攻坊州縣殺署官吏山東大授萊州徐汝賢以城降登州刺史耿格開門納偽鄉都統付以州印郊迎安兒發帑以勞軍安兒遂僭位號置官屬改元天順以李思溫為偽太師凡符印詔表儀式皆格草定先是全與仲兒福亦聚眾數千劉慶福國安

京師錄 卷之十一 宋三

用鄭衍德田四千洋及洋弟潭等咸附焉元兵退金遣完顏霆黃綱將花帽軍三千敗安兒于關頭滴水斷其南路安兒乘輿舸走仰盃舟人曲成等斬以獻安兒無子從子友偽稱九大王不開軍務其妹四娘子狡悍善騎射劉全收餘眾奉而統之稱日姑姑掠食至磨旗山全以其眾來附通於楊氏遂嫁之全合軍與霆戰又敗霆驍將張惠號賽張飛望見全躍馬赴之槍甫及馬足若有繫而止者全遂收兵保東海劉全分軍駐州上寔自清河山徐州斬霍儀潰其眾彭義斌亦歸李全此數人出沒烏嶗寶貨山積遺時荒糧絕相率食人有鎮江武鋒卒沈鐸亡命販山陽誘致商船斗米輒售數十倍知楚州應純之償以珍貨初安兒之未敗也嘗有意歸宋招禮宋人定遠民季先者故為大俠劉佑家廝養安兒見而悅之處以軍職及是季先至山

陽寅錄錄得見純之道豪傑願附之意會制置李珪安撫推與之檄令純之沿江增戍乃命先為機察諭意羣豪復錄武鋒軍副將與高忠岐各集忠義民兵分二道攻金先遂以李全衆五千附忠岐合兵攻尅海州全又分兵襲破莒州禽金守蒲察李家于洋克密州兄福克青州始授金武翼大夫京東副總管純之見北軍屢捷密聞于朝謂中原可復史彌遠鑿開解之事不明招納密勃珪與純之慰撫號忠義軍就聽節制許放萬五千人廩名忠義糧於是東海馬良高林宋德珍等萬人輻湊澗水鐸納之嘉定十一年全與先議再攻海州圍其城金經畧阿不罕納不刺等固守不下全分兵襲密州禽黃捫械至楚城金元帥張林聞之夾策欲歸宋時山東來歸者不止權楚州梁丙無以贈先懸丙預借兩月然後率所部五千并良等萬人往密州

弘簡錄

卷一百一十一

四

五

州觀察使京東總管劉慶福彭義斌皆為統制增放二萬人錢糧徙屯楚州十三年授左武衛大將軍全自濶口之捷有輕諸將心獨患季先嘗策戰助威望相等乃陰結制帥賈涉所任吏莫凱使請先涉假先果州團練使命赴樞密院議事未至殺之涉乘先死欲收其軍命統制陳選往連水總之先黨裴淵宋德珍孫武正王義深張山張友拒而不納潛迎石珪奉為統帥選還涉耻之謀分珪軍為六請于朝出修武京東路鈐轄印告各受淵等使之分統謂可散其勢淵等陽受命而奉珪如故涉恐甚全伺知之乃見涉請討珪涉未有處或勸以全軍布南渡門移淮陰戰艦陳列于岸以示珪有備然後命一將招珪軍來者增錢糧不至罷支衆心一散珪黨自離涉用其策衆果携珪素通好于元至是殺淵而挾武正德珍與其謀主孟道歸元連水軍未有所屬全求併將因甲辭獻珍具以自結涉不能却遂以付全全又請于朝以劉全為總管駐揚州分兵從之十四年全將南入全請與劉璋共圖泗州以伐其謀涉許之始克西城金將盧鼓搥來爭全戰敗統制賴典死全閉城自守明日復戰不勝遂遁歸資糧器械悉以委敵金人既陷斯州全從扈再與趙范趙葵邀擊于天長進招信軍承宣使十五年二月全再取西城盧鼓搥背城力戰戒張惠曰不獲全新汝惠慙前事自度進未必獲退懼受戮即躍馬奔全壁戲下花帽軍數千皆潛至全乃殺惠妻全請于制司官之令自總一軍素有紀律他軍不及時互市始通福守膠西當海道之衝百貨輻湊全為窟穴計誘商人至山陽以舟浮其貨而中分之自淮浮海達膠西福又以車輦之而稅其中車夫皆督辦於張林林不能堪林財計仰

六鹽場福又欲分其半林許福恣取鹽不願分場福怒曰若背恩耶將提兵取若頭林懼歸元遣涉以書明已非叛涉以咎全乃提師駐海州以迫林涉間道遣黠胥王翊問瓊勞林林涕泣道故翊歸全遣人殺諸塗全遂入青州未幾涉勸農出郊暮歸忠義軍遮道語不遜涉因辭疾求去尋卒涉初欲制北軍屯八千人鎮江城中統以翟朝宗分帳前忠義五千屯于城西趙邦永高友統之五千屯淮陰王暉于潭統之全輕鎮江兵且以利啗其統制陳選趙典使不為已患惟忌帳前忠義每宴戲下必名至其將校亦願隸而未能合及丘壽邁攝帥事全謂曰忠義烏合尺籍鹵莽宜別置新籍一納諸朝一申制間一留全所庶功過有稽請給無弊壽邁不悟其計許之籍成盡歸所統淮東安撫制置副使許國欲自售疏全反狀已著非有榮傑不能消

弘簡錄 卷一百一十一 宋 徽宗 二

國區豫令其黨青州通判姚神選山陽國方晨起莅事忽露刃克庭國厲聲曰不得無禮矢已及顙流血蔽面而走亂兵悉害其家縱火焚官寺兩司積蓄盡入全手國親兵數十翼國登城樓絕出伏道堂中後縊于塗神乃賈涉所辟四明人也至是擁入城與通判朱恭撫定南北軍使歸督以功入朝遷軍器少監國所倚腹心揚州強勇軍統制彭興及淮西親將趙社朱虎等皆首降賊且助為亂惟丁勝張世雄沈興杜靖毗富道不屈與巷戰興手殺賊將馬良賊黨得志更相賀獨張正忠嘆曰朝廷豈置汝耶時肝胎失守揚州復隄城門復閉彌遠懼激他變力未能計姑事合忍投徐晞稷淮東制置使令屈意撫全全自青州至趙城佯責慶福不能彈壓亂起倉卒斬數人待罪朝廷未之詰入見晞稷及門下馬拜庭下晞稷降等止之久之益陵替

弘簡錄 卷一百一十一 宋 徽宗 二

至以恩府稱全恩堂稱楊氏而手足倒置矣初全既殺國又勝彭義斌等曰許國謀反已誅爾等軍並聽我節制義斌大罵逆賊背國厚恩擅殺制使我必報此讐呼趙邦永曰汝南人正須爾明此事乃斬齊牒人南向告天誓衆見者憤激遂出兵與全鬪全敗獲其馬二千慶福往救又敗全退保山嶺遣人求晞稷書乞與連和義斌納全降兵勢方大振進攻真定降金將武仙衆至數十萬致書制使趙善湘曰不誅逆全恢復不成但能遣兵扼淮進據漣海以楚之斷其南路或禽或斬惟朝廷所命賊平之後義斌戰河北諸將戰河南神州可復也時四總管亦各遣計議官與趙范等致書彌遠乞併力討賊不報義斌拓地而北與元兵戰于內黃之五馬山而敗元說之降義斌厲聲曰我大宋臣所將河北山東皆宋民義斌臣冠遂死之麾下義深等

復歸全全使人說時青倪以金五百兩請亦附全寶慶二年三月元兵攻青州全戰不利嬰城自守元蔡長圍糧援路絕福與全謀曰我當死守汝身係南北輕重開道南歸可尋生路全曰數十萬勅敵未易支吾朝出則孤城夕陷不如兄歸於是全止而福行彌遠開全被圍因欲圖之以晞程長儒名爲戶部侍郎未幾出知袁州劉璋久在盱眙欲建圖使鎮江副都統彭托延譽京師自謂素撫鎮江三萬人足用且得四總管歡心討賊有餘力弱遠信之托亦欲代璋遂以璋知楚州兼淮東制置使托代知盱眙時青移屯淮陰璋怨其叛已不召惟以鎮江兵自隨又素畏夏全後稍亦留之盱眙托自揣資望淺懼夏全不爲用激之曰楚城賊黨不滿三千律將又在山東劉制使旦夕收功何不往赴事會全欣然引兵徑入楚城青亦移軍城內璋勢不容卻乃復就二人謀時傳全已死福欲分兵赴援慮兵少卒不往璋令夏全盛陳名楚城賊黨震恐楊氏遣人賂夏全曰將軍非山東歸附耶孤死免泣李氏滅夏氏寧獨存願將軍垂聆全諾楊氏盛飾山迎與按行營學告曰人傳言三哥死吾一婦人安能自立便當事太尉爲夫子女玉帛千戈倉庫卽當有之夏全心動乃置酒雖甚就寢如歸轉仇爲好更與福謀逐璋令賊黨圍州治焚官民舍殺守藏吏取貨物璋兵萬餘不能發一令夜半絕城僅以身免奔揚州鎮江軍及將校戰死大半知揚州林拱以聞于朝夏全既逐璋暮歸楊氏拒之全意楊氏圖已明日大掠趨盱眙欲爲亂張惠范成進閉門不得入朝翔淮上盱眙兵欲勦之遂狼狽歸金人納之是舉也張正忠不從亂自焚死妻女咸縊報至中外大恐未幾璋亦死命姚神知楚州

兼制置使惠成進以拒夏全功轉兩官全在青被圍一年食牛馬及人且盡將自食其軍行德田四勸以決降乃迎元兵入青州承制授全山東行省慶福在山陽自知已爲厲階內不自安欲圖福以自贖福又謀欲去慶福方互相猜貳福病旬餘諸將問疾慶福不往所厚張甫懼福見疑勸之往問相約同行及寢福躍起拔刀殺慶福甫救之左右羣起竟殺二人福以慶福頭納神神大喜飛報于朝白璋之敗儲積掃地劉理不續福數見神促之謂朝廷撥降未下福曰朝廷若不養忠義則不必建閫開幕今既立制閫反因忠義不支錢糧衆口藉藉六月福乘衆怒與楊氏謀欲害神鄭衍德救免徒步歸明州未幾死幕客杜來朝服至八字橋福兵腰戮之朝廷以淮亂相仍遣帥成莫肯往改楚州爲淮安軍不復建閫就以帥楊紹雲兼制置使命

兵至開門接之諸軍不戰皆降盧鼓趙與惠釋械結為姻戚進
 惠官令專制河南以拒元自是全窺淮東益急朝廷制京湖制
 司兵萬人屯青平山以備全全得青報勸哭求南歸且斷一指
 以示必叛宋元將許之十月丙辰全至楚州復元衣冠文移紀
 甲子無年號義深懼走金國安用殺林德自贖明日還許及國
 明于淮陰國明辭疾青父子同至全斬郭統制又收田成瑨田
 之昂李英等八人下獄曰奈何殺我妻子青殺所授傲于全曰
 我素推尊相公豈肯為此全惡其反覆與登城南樓飲殺之又
 殺其妻遂併青軍擢小校胡義為將徙其半于漣海船定元年
 全大募兵不限南北宋軍多亡應之天長民保乘為十六若比
 歲失業振貸不能繼壯者皆就募射陽湖浮居數萬家立其寮
 周安民谷汝礪王十五為長亦繕結水砦以觀成敗知揚州翟
 弘簡錄 卷二百之十一 十一 宋史卷一百一十一

朝宗不能制全知東南利舟師謀習水戰遣人泛江湖市桐油
 站後厚募南匠大治舳舻船自淮及海相望善湘恐其乘便擣
 通泰承勝所屬禦備七月全使行德提兵三萬如海州與楊氏
 大閱戰艦于海洋八月全趨青州為嚴實及石珪子小哥邀擊
 敗走遂奪青崖固據之驅諸崗人習水戰二年四月以糧少為
 詞遣游舟自蘇州洋入平江嘉興告羅實欲習海道以規幾旬
 三年八月大閱舟師數日怒朝宗奪其麥舟水陸數萬徑擣鹽
 城入掠之公私鹽貨皆沒朝宗倉皇遣幹官王師懇全退師全
 誣奏遣兵捕盜過鹽城知縣陳遇自棄城遁去慮軍民驚擾入
 城安眾乃加全彰化保康兩鎮節度使開府儀同三司京東鎮
 撫使全不受語制司幹官耶律均曰朝廷待我如小兒啼則與
 果時相問之為罷朝宗以通判趙墩夫攝州事全遣增五千人

錢糧并求誓書鐵券叅攻鄭清之深以為念密與樞密袁韶尚
 書范楷議同約見帝韶歷言全反狀帝有憂色滿之即力贊計
 全帝意決退以告彌遠拜善湘江淮制置大使韶浙東制置使
 趙范趙葵節制軍馬全子才制司叅議官下詔削奪全官爵停
 給俸糧募擒斬者賞節度使錢二十萬銀絹二萬匹同謀人次
 第擢賞能取奪見占城壁者州除防禦使縣除團練使將佐官
 民兵以次推賞行德安用雖與逆全管兵然屢效忠款乃心本
 朝馮垕于世珍俱通古今曉逆順如率眾來降當加擢用士人
 陷賊者實非本心相率來歸當與赦罪海州漣水軍東海縣等
 處為守城壁者舉城來降仍各推恩時青以忠守境屢立大功
 與義斌為所謀害俱加贈典追封立廟促荆襄淮西諸軍赴援
 壬子全兵突至溱頭墩夫恐欲走副都統丁勝劫關者止之全
 弘簡錄 卷二百之十一 十一 宋史卷一百一十一

攻城南門都統趙勝提勁弩注射全稍引退彌遠與全書許增
 萬五千人糧勸歸楚州全笑曰丞相勸我歸丁都統與我戰非
 相給耶擲書不受聞二趙已入揚乃以眾守泰州已引兵至溱
 頭立砦據漣河之衝胡義將先鋒駐平山堂全攻城東門不利
 使將張友呼請見葵隔濠立馬相勞苦葵切責之而去會張進
 戴友龍王銓張青以天長制勇三軍至阻全不得進葵親出援
 之進等乃入城翼晨全率步騎五千攻堡塞西門二趙擊却之
 復引兵三萬沿州城東向進與李虎趙必勝崔福力戰自己至
 中全沿東門以歸必勝王鑑于俊擊走之襄兵萬人至真州上
 壩不設備魚貫而行全哨馬帥田四擊為數載賊者五千統制
 張達監軍張大連死之淮西授兵亦至與統領桑青力戰城中
 皆不知也襄兵敗全殞益振引輕騎犯城南門統制陳達射以

勁者是日金玠等距淮安十里焚全若湖劉全山賊介軍不利
 退屯寶應全志吞三城而兵毋不得傳城下宗雄武獻計悉舉
 合鄉農數十萬列若圍三城城中乏薪糧投俱絕范葵命諸門
 夜半各出兵劫若舉火為期賊甚眾自是賊一意長圍以持
 久困官軍不復游城日于平山堂張蓋奏樂布置指揮范葵親
 帥將士慶飛自辰至未殺傷相當互有勝敗至四年正月乙未
 李虎出南門楊義山東門王鑑出西門惟福山北門各扼賊圍
 開上城數處范葵提兵策應全步騎數千出賊諸軍奮擊多所
 俘賊始全反謀雖成尚多顧忌且懼其黨不肯從逆而張國明
 之徒挾以為重反陰贊之謂愈不靖則朝廷愈畏錢糧愈增又
 許以身任調停之責及是攻城不得欲戰不利全始自悔忽忽
 不樂會元夕城中放燈張樂姑示整暇全亦載妓女張燈平山
 堂燕元張宣差宜差問相公服飾器用多尚方物乃心終在南
 耳全乃南向歷述平生梗概再拜取節度使誥勅朝服焚之歎
 曰國明誤我淚下如雨先是有胸山于道士者老矣占事多驗
 全迎致之軍中尊為軍師初見全即自叱曰我業債合在此債
 耶及是驚曰相公明日出帳門必死我今日死人問何以知若
 曰朝廷以安撫提刑主兵故不能擒一節度誥勅已焚則一賊
 爾不死何待全怒以為朕已即夕斬之范葵夜議諸朝所向葵
 日東向利范曰賊以我西出將不利必見易因見所易而圖之
 必勝不如出壘寨西門明日全置酒高會葵取官軍素為所輕
 者張其旗幟以惑之全望見喜謂宜差曰看我掃南軍范處精
 銳數千並進葵親押戰諸軍爭奮賊欲走入土城李虎軍已塞
 其甕門全窘從數十騎北走葵率諸將以制勇卒淮軍蹙之賊

趨新塘騎陷淖不能起制勇軍奮長槍亂刺之殺三十餘人碎
 分其尸并鞍馬器甲全椒人周海請降餘黨國安川歎恨伏泣
 議推一人為首莫肯相下欲還淮安奉楊氏主之范夜上捷書
 制司議翼日追賊其辰安川引五百騎竟趨灣頭范伏弩射之
 諸將欲追范懼有伏先分兵燒圍城樓命東南諸門皆出兵葵
 備兵繼進四鼓賊大潰黎明葵追及于灣頭又破之俘斬及奪
 回糧百餘野揚州平善湘以露布上帝驚喜太后舉手加額朝
 臣皆擬表賀彌遠諱前過謝止之善湘別遣余子才率王曼等
 將萬五千人與于玠角取鹽城賊董友王游以兵圍下整若
 玠擊卻之又遣總轄韓亮成永昇率多乘船四百入射陽湖擊
 破賊范葵分兵進至平河橋玠整敗賊將王國典于岡門斬首
 千級四月丁巳敗賊于十里亭賊兵爭門墜濼如蟻別將范勝
 破賊破賊若干焉河拔農民存從者萬家諸軍薄淮安城賊大
 敗死者萬餘城中哭聲振天子才自他道進攻與董友大戰于
 港口敗之舟師達淮安五月丙戌朔天大霧官軍互踏肩為梯
 前者武墜後者繼至自丑至未五城俱破斬首數千級生擒數
 百人兵士有故隸楚州左右軍者家屬數為賊虐至是洩憤無
 老幼皆殺之焚蕪若柵屋燬天餘寇爭橋入大城重濠皆滿
 淮北賊歸赴援舟師勦擊焚其木柵子才又移旻與必勝若于
 西門道遇賊大戰至夜不解更為銳陣左右殺乃勝楊氏諭鄭
 衍德等曰二十年梨花槍天下無敵手今事勢已去撐拄不得
 汝等以我在故不納降今我欲歸老漣水汝等宜告朝廷言已
 驅我過淮必赦汝等罪眾曰諾翼日絕淮而去又數年而後斃
 賊黨即遣為計議馮均滯于獻款軍門范等密聞于朝請陽許

以誤之而范自為必討之計乃遣范用吉入城諭賊曰朝廷已許納降但令安撫交過北軍行德等報謝許獻玉帶黃金四千兩以犒軍賊自知降亦不免更送款于金金京東元帥遣副統軍許奕萬戶兀林荅來言此賊不降能為兩國患請與大國夾攻之各勿受降范怪其來無故而難于陰絕遣王貴報之不從其請六月丁未大戰于河西三砦賊大敗壬戌賊先遣妻孥過淮諸軍爭往斬之甲子復大戰淮安遂平議乘勝復淮陰兵未行降于金繼得探報云宋師遲一宿攻淮安亦為金有矣子璽元叛臣

時青滕陽人與從父全承赦降金占籍為軍授濟州義軍萬戶全行樞密院經歷典定二年青軍其衆復歸宋屯于淮南之龜山盧鼓槌遣人招之青荅書本滕陽良民遭時亂離扶老携幼避地草莽官吏不明此心日以叛逆無所逃死竄匿淮游離親舊去鄉邑豈人情所樂不過偷生苟食然而守丘之念未嘗一日忘之如朝廷赦青罪乞假邳州以屯老幼當襲取肝胎盡定淮南以贖往昔之過鼓槌復書公等初亦無罪誠能為國建功全軍來歸即吾人也因奏其事詔加銀青榮祿大夫封滕陽公邳州路兵馬總領元帥兼宜撫使潛表陳謝復欲得邳金密院諭鼓槌若青誠實來歸即當授之如番其詐可使人入宋境宜布往來之言及所授官爵亦行開之術也青既不得邳州復為宋守任以京東鈐轄遂襲破泗州西城金尚不知道時青往督兵取西城全時為同簽樞密院事行至泗州獲卒詰問乃知為青全竊喜遂殺其人以滅口盧鼓槌晝夜力戰青總兵出拒不得前夜山兵來襲擊却之越二日復山又却之青乘城指麾流

矢中其目餘衆往往被創樓堞相繼摧壞城中恟懼咸無固志鼓槌遂復西城金以宋絕其歲幣困用乏復遣金吾衛上將軍訛可與全節制三路軍馬來侵詔諭師克在和毋貽喪敗其資糧規取失宜不能得之罪在訛可既已得之不能運致以為我用罪乃在全二月全由穎壽渡淮敗宋人于高塘市又攻固始縣破宋廬州將焦思忠兵無何獲生口言青受宋詔與全相拒全匿其事五月兵還全矯稱密詔留諸軍收淮南麥訛可謂全曰今淮水淺狹可以速濟若值暴雨暴漲宋乘其後將不得完歸矣全不聽諸將皆為不平全乃不敢言是夜大雨明果暴漲為橋渡軍橋壞全以輕舟先濟宋兵襲之軍遂敗士卒皆覆宣宗下詔誅全遣官招集潰軍各歸舊營面數訛可責之削官兩階為定國軍節度同知元兵破城亦自殺 國安用名咬兒

淄州人形狀短小無鬚喜與輕薄子游日擊鞠衢市間顧盼自矜石州賊馮天羽衆數千據臨泉縣為亂金帥府命將討捕州刺史紇石烈公順赴以兵天羽等數十人迎降公順殺之餘賊走保積翠山遣將王九思攻之不下編修馬季良持詔勅金幣往招比至已先破賊柵殺二千餘人復走險安用等率五千餘人詣季良降就署孟州防禦同知以次遷擢有差仍分其衆于終霍間又嘗歸元為都元帥行山東路尚書省事率兵入徐降宿與邳州語在金王賓傳元將阿木魯聞之大怒曰此三州我當攻取彼何人輒敢受降遣信安張進等率兵圍之奪其軍安用懼謀於其黨王德全反殺進及海州元帥田福等數百人與楊妙真絕妙真怒其叛已悉屠其家安用還邳選兵分將期必得妙真自此淮上無寧歲矣未幾山東諸將及徐宿邳主帥刑

一第... 冊 賣多... 5

馬結盟誓歸于金安川無所歸送同德全劉安國託從宜衆僧
奴自通於金奏安用兵力強盛材略可稱今以數州反正厥功
甚大若果欲倚用非極品重權不足以堅其許國之心金遣近
侍局直長因世英都事高天祐持手詔至邳拜爲開府儀同三
司京東山東等路行省平章政事特封兗王賜號英烈號難保
節忠臣姓完顏附屬籍改名用安賜錢金銀印世襲千戶御書
空頭河朔山東赦文便宜從事且以彭王妃詒委招妙其用安
出見使者坐定語世英曰子向隨元兵攻汴嘗於開陽門下與
侯孛議內外夾擊此時元兵病死者衆頭領十七皆在京城若
從吾計出軍中興久矣朝廷乃無一人敢決者今日悔將何及
言竟而起卽設宴拜授如儀以主事常謙等隨使者奉表謝金
復遣二使賜以鐵券虎符龍文衣玉魚帶弓矢封贈其父母妻
孀命及賜同盟李明德封仙張瑀張友卓翼康琮杜政吳至頭
王德全劉安國十郡王宜世襲宜大信牌玉免鶴帶過徐之日
德全安國私說世英朝廷恩命豈宜山自川安吾二人乞就留
郡王世襲二宜并玉帶用安聞之大怒遂與有隙金將遷蔡用
安遣人言六不可不若權幸山東富庶猶甲天下臣略有其地
東連沂海西接徐邳南扼盱楚北控滄濟若鑿與少停臣仰賴
威靈河朔之地可傳檄而定金以其言示宰臣奏用安反復本
無匡輔志此必參議張介等議之遂寢介字介甫平州人正會
大元年經義高科
遣臧國昌以密詔徵兵用安假朝命聲言入援檄安國爲前鋒
親率兵三千駐徐州城下招德全二帥因前費懼爲所圖皆不
聽節制用安怒令政與仙率兵三千假取糧爲名往襲徐宿旣
至德全覺之就留封仙於獄殺之獨遣杜政出城用安愈怒乃

執桃園帥吳某并所遣溫特罕張哥班九人皆斬之張哥臨刑
大呼罔咬兒無尺寸功受國家大封爵何負於汝而從杜政等
變亂又殺無罪之人今雖死當於汝辨於地下矣及安國與衆
僧奴赴援行及臨渙龍山寺川安使人劫殺之遂攻徐州踰三
月不能下退歸漣水世英以用安終不赴援還命于朝行至宿
州西遇元兵不屈而死事聞金贈汝州防禦使時東方不知金
問已八月天祐等出汴徵服間行至陳州粘葛奴中始立州事
至項城縣令朱珍立縣事至泰和縣令王義立縣纔五月官民
見者拜且哭有張顯者任俠尚氣知義理卽謂天祐百姓見使
者皆感動宜矯以聖旨宜諭如何天祐書生守規矩不敢從但
以宰相命集州民慰撫之明日乃往徐州旣而用安軍食不給
來就糧宋陽許之卽改從宋衣冠私與朝使相親軍民多亡去
弘簡錄 卷二百之一
禁以嚴刑亦不能止元東平萬戶查刺將兵至漣水復降焉相
從渡河趨蔡州仍用詭計再還漣水歸宋受浙東總管忠州團
練使以其軍隸淮閩甲午正月元兵圍沛往救敗走徐州投水
而死其尸爲怨家田廡一軍樹食而盡宋贈順昌軍節度使官
其子國典承節郎

弘簡錄卷一百一

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼主之一

遼之先本東裔種類號曰契丹自奇首可汗生八子族屬漸盛
分為八部世居松漠之間其故壤潢河之西土河之北今永州
木葉山有廟可汗可敦并八子像在焉元魏末莫弗賀勿于畏
高麗蠕蠕侵逼率衆內附乃去奇首故壤居白狼水東北齊文
宣帝復自平州三道來侵突厥又迫之遂以萬家寄處高麗境
內隋開皇四年諸莫弗賀款塞聽居白狼故地其別部出伏等
亦率衆內附詔置獨奚那頡之北餘四千餘戶原附突厥詔給
糧道還因辭不去部落漸衆徙逐水草依紇臣水而居在遼西

弘簡錄

卷一百一

遼主之一

正北二百餘里其地東西五百里南北三百里分為十部與庫
莫奚同類異種其居曰泉羅箇沒里沒里者乃鮮卑故地潢水
之南黃龍之北故又以為鮮卑遺種當唐之世其部族之大者
曰大賀氏迨開元間大賀氏微遼始祖涅里即雅立廸鞏祖里
為阻午可汗而相之唐賜名李懷秀於是始立制度置官屬刻
木為契穴地為牢即故有族衆分為遼鞏八部而涅里所統迭
刺部自為別部不與其列涅里生毗牒毗牒生頰頰頰領生耨
里思世為迭刺部夸葛董大度寡欲令不嚴而人化是為蕭祖
配蕭氏小字卓真生四子長洽脊字牙新為人有德行分五石
烈為七六爪為十一次薩刺德嘗與黃室韋挑戰矢貫數札是
為懿祖次葛刺字古昆次洽禮字敵鞏皆任舍利懿祖配蕭氏
小字牙里辛生四子長叔刺舍利早卒次怙刺字痕德卒年七

十次勻德實始教民稼穡善畜牧國以殷富是為元祖次廢古
直字廢母根為人善射在舍利卒元祖配蕭氏小字月里朶生
子元祖為狼德所害后廢居恐不免命子往依鄰部臺押乃獲
安長麻魯早卒次廢木字敵鞏身長八尺多力能裂麋皮語音
如鐘年四十五卒次撒刺的仁民愛物始置鐵冶教民鼓鑄是
為德祖即太祖父也次釋魯字述瀾駢脅多力賢而有智任為
于越先時遙犂氏可汗歲貢于突厥至是始免北征于厥室韋
南略易定奚耆始興板築置城邑教民種桑麻習織組已有廣
土衆民之志年五十七為子滑哥所弑德祖配蕭氏小字廢母
斤遙犂氏宰相剔刺之女生男女六人太祖居長初夢日墮懷
中有娠媯時室有神光并異香體如三歲兒即能匍匐三月能
行眸而能言知米然事其始興之地名世里譯曰耶律故以耶

弘簡錄

卷一百一

遼主之一

律為姓名阿保機小字廢里只唐咸通十三年生祖母見其骨
相異常復懼有陰圖害者鞠之別帳塗其面不令人見既長多
智勇略身長九尺豐上銳下目光射人脅弓三百斤為捷馬狻
沙里素有大志值小黃室韋不附以計降之伐越兀及烏古六
奚比沙狻諸部克之國人號阿主沙里唐天復元年契丹王欽
德立是為痕德董可汗仍授本部夸葛董得專征討連破室韋
于厥及奚帥轄刺哥俘獲甚衆十月轉大迭烈府夸葛董二年
七月引兵四十萬侵河東河北攻下九郡獲生口九萬五千馳
馬牛羊不可勝紀九月城龍化州始建開教寺于潢河之南三
年春攻下女直獲其戶三百九月復攻下河東懷遠等軍十月
引兵略至薊北俘獲以還先是德祖俘奚七千戶徙饒樂之清
河至是創為奚迭刺部分十三縣拜太祖為于越總知軍國事

四年三月廣龍化州東城九月討黑車子室韋唐盧龍節度使劉仁恭發兵數萬遣養子趙霸來拒謀知霸至武州用曷魯計伏勁兵桃山下遣室韋人牟里詐稱會長所遣約霸兵會平原既至四面伏發擒霸其眾乘勝大破室韋五年七月復討黑車子室韋唐河東節度使李克用遣通事康令德乞盟十月引騎兵七萬相會雲州宴酬許克用借兵以報仁恭木瓜澗之役易袍馬約為兄弟進兵擊拔數州徙其民以歸六年二月復擊仁恭還襲山北奚破之汴州朱全忠遣人浮游奉幣帶衣帶珍玩來聘十一月遣偏師討奚嘗諸部及東北女直之未附者悉破降之十二月痕德董可汗祖羣臣奉遺命曷魯等勸進三讓從之

元年正月庚寅命有司設壇于如延正集會燭燔柴告天即皇帝位尊母為皇太后立皇后蕭氏北宰相蕭轄刺南宰相耶律

歐里思率羣臣上尊號曰天皇帝后曰地皇后庚子詔皇族承遜惟氏九帳為第十帳二月征黑車子室韋降其八部戊午以從弟迭栗底為迭烈府奇魯董四月丁未朔朱全忠遣使來告即位七月乙酉幽州盧龍軍節度使劉守光自立其兄平州刺史守奇率眾數千人來降命置之平盧城十月乙巳破黑車子室韋二年正月癸酉朔御正殿受百官及諸國使朝辛巳始置愒隱典族屬以弟撒刺為之河東李克用薨子存勗襲遣使弔慰五月癸酉詔撒刺討烏丸黑車子室韋八月壬子幽州進合歡瓜十月己亥朔建明王樓築長城於鎮東海口遣輕兵取吐渾叛入室韋者三年正月幸遼東二月丁酉朔梁遣郎公遠來三月滄州節度使劉守文為弟守光所攻遣人乞兵命弟

舍利素奪萬董蕭敵魯將兵會守文於北溇口進至橫海軍近浞一鼓破之守光潰去因名北溇口四月乙卯詔左僕射韓知古建碑龍化州大廣寺以紀功德五月甲申置羊城于炭山之北以通市易十月己巳遣鷹軍討黑車子室韋破之西北盟九娘改部族進挽車人四年七月戊子朔以后兄蕭敵魯為北府宰相自此始十月烏馬山奚庫支及查刺底鋤勃德等叛討平之五年正月丙申親征下西部奚分兵討東部奚亦平之盡有奚嘗之地東際海南暨白檀西踰松漠北抵橫水凡五部咸入版籍三月次溁河刻石紀功復略地薊州五月弟刺葛迭刺寅底石安端謀反赦之封告者安端妻粘睦姑首國夫人七月壬午朔針離底泊諸蕃使來貢八月甲子劉守光僭號稱燕十月戊午置鐵冶是歲兩遣人使梁六年正月以化葛為

楊隱二月戊午親征劉守光三月至自幽州四月梁郢王友珪弑父自立遣使致祭七月丙午親征木不姑降之俘獲數萬命刺葛分兵攻平州八月壬辰上次恩德山皇子李胡生十月戊寅刺葛破平州還復謀反壬辰駕還次北阿魯山燔柴祭已次七渡河以討兩治所獲僧崇文等建天雄寺以居之七年正月甲辰朔用兵討刺葛免朝甲寅師次赤水城三月癸丑次蘆水刺葛使其黨神速姑焚明王樓四月戊寅北追刺葛已卯次彌里射鬼箭命北宰相廸里始進擊之五月癸丑遣北宰相廸輦率驍騎渡札堵河甲寅奏擒刺葛涅里鉢於榆河詣行在上還至大嶺丙寅至庫里六月辛巳至榆嶺以轄賴縣人掃古非法殘民命磔之甲申上登都庵山撫其先奇首可汗遺跡徘徊顧瞻久之聞獄官涅高造大校人不堪苦命誅之壬辰次狼河

獲逆黨雅里彌里生蕤之庚子次阿敦灤養子涅里思附叛者以射鬼箭餘黨各輕重論刑八月己卯幸龍眉宮轅逆黨二十九人九月壬戌發自西樓十月庚午駐赤崖戊午和州回鶻來貢祭未乙室府人迪里古述骨商部人特里從逆伏誅詔羣臣分決滯訟以韓知古錄其事只里姑掌捕亡十一月祠木葉山還次昭烏山省風俗見高年議朝政遂定吉凶儀十二月戊子燔柴于蓮花澳 八年正月甲辰以耶律曷魯為迭刺部奇离董忽烈為惕隱千骨里部人特离敏執逆黨怖胡亞里只等十七人來獻上親鞠之七月丙申朔有司上諸族帳并謀逆者三百餘人罪狀皆棄市首惡刺葛次迭刺上不忍寘法併實石底安端杖而釋之十月甲子朔建開皇殿於明王樓基 九年正月烏古部叛討平之是春幽州軍校齊行本舉其族及部曲男

弘簡錄

卷上百二

五

建主之一

女三千人請降授以檢校左僕射賜名兀欲給其廩食數日去幽師周德威納之四月詔索德威語不遜六月議南征十月戊申釣魚于鴨綠江新羅遣使貢方物高麗進寶劍是歲君基太一神數見詔圖其像
神冊元年二月丙戌朔上在龍化州丙申曷魯等率百僚上尊號曰大聖大明天皇帝后曰應天大明地皇后大赦始建年號
初開地東焉瑱得金鈴因名其地
日金鈴因瑩側滿林日册聖林 三月丙辰立子倍為皇太子百僚進秩頒賚有差賜酺三日四月乙酉朔晉幽州節度使盧國用來降以為幽州兵馬留後甲辰梁遣使來賀六月庚寅吳越王遣滕彥休來貢賜名述呂七月壬申親征突厥吐渾党項小蕃沙陀諸部皆平之任其部長及戶萬五千六百鎧甲兵仗器服九十餘萬寶貨駝馬牛羊不可勝算八月拔晉朔州擒振

武節度使李嗣本勒石紀功於青塚南十月祭未朔乘勝而東十一月圍蔚州敵樓無故自壞衆軍大譟乘之不踰時而破復攻下新武媯儒四州斬首萬四千七百餘級自代北至河曲踰陰山盡有其地改武州為歸化州媯州為可汗州並西南面招討司選有功者領之十二月收山北八陣 二年二月晉新州裨將盧文進殺節度使李存矩來降進攻其城刺史安金全遁以部將劉殷為刺史三月辛亥攻幽州節度使周德威以幽并鎮定魏五州之兵拒于居庸關之西合戰於新州東大破之斬首三萬餘級殺李嗣本之子武八以后弟阿骨只為統軍實魯為先鋒東出關略燕趙不遇敵而還已未于骨畢叛命室魯以兵討之四月壬午圍幽州望城中有氣如烟火狀上日未可攻也六月乙巳大暑霖潦班師留曷魯盧國用守之八月李存勗

弘簡錄

卷上百二

六

建主之一

遣李嗣源闕寶李存審等救幽州曷魯等還 三年正月丙申以安端為大內惕隱命攻雲州及西南諸郡二月遣旦國來聘祭亥城皇都是春梁遣使來聘晉吳越渤海高麗回鶻阻卜黨項及幽鎮定魏潞等州各遣使來貢四月乙巳迭烈謀叛事覺赦之五月乙亥詔建孔子廟佛寺道觀七月乙酉曷魯薨代以弟汗里軫為迭烈部夷葛莖十二月庚子朔幸遼陽故城辛丑蕭敵魯薨代以弟蕭阿古只為北府宰相甲子皇孫隈欲生四年正月丙申射虎東山二月丙寅脩遼陽故城改為東平郡置防禦使以漢民渤海戶實之五月庚辰還宮八月丁酉謁孔子廟命皇后皇太子分謁寺觀九月征烏古部道間皇太后不豫一日夜馳六百里還侍病間復還軍中十月丙午征烏古部天雨雪兵不能進禱于天俄頃而霽命皇太子將先鋒軍進擊

破之俘獲生口萬四千二百牛馬車乘廬帳器物二十餘萬自是舉部來附 五年正月乙丑始製契丹大字五月丙寅吳越使進呂貢犀角珊瑚授官以遣庚辰有龍見于拽刺山陽水上射獲之藏其骨內府閏六月丁卯以皇弟燕為惕隱康默記為夸焉畢八月己未朔黨項諸部叛辛未上親征九月己丑朔梁使來聘壬寅大字成詔頒行之十月辛未攻天德癸酉節度使宋瑤降賜弓矢鞍馬旗鼓更其軍曰應天甲戌班師瑤復叛丙子拔其城擒瑤俘其家屬徙民於陰山南十二月己未師還六年正月丙午上告于宗廟以蘇為南府宰相迭里為惕隱宗室為南府宰 五月丙戌朔詔定法律正班爵丙申詔舊前代直臣係為招諫圖及詔長吏四孟月詢民利病十月癸丑朔晉新州防禦使王郁以所部山北兵馬來附朝見日呼之為子實資甚弘簡錄 卷一百一十一 七

為軍擊西南諸部以所獲賜貧民十月甲子以蕭雲的為北府宰相分迭刺部為二院斜涅赤為北院夸焉董維思為南院夸焉董分北大濃兀為二部立兩節度使以統之十一月壬寅命皇子堯骨為天下兵馬大元帥詔統六軍略地薊北 二年正月丙申大元帥克平州獲刺史趙思溫裨將張崇二月上如平州引子改為虛龍軍置節度使三月庚寅軍回破箭奇山叛奚諸部悉降獲胡損以射鬼箭誅其黨三百人沉之狗河道奚瑤理部以勃魯恩權總其事四月己酉梁遣使來聘吳越來貢癸丑迭刺部夸焉董觀烈狗山西地庚申元帥兵掠鎮定所至皆堅壁不敢戰師次幽州節度使符存審拒于州南縱兵邀擊大破之擒其將裴信等數十人閏月壬午拔曲陽丙戌下北平晉王李存勗遣使來告即位五月戊午元帥師還癸亥大饗軍士賞賚有差六月辛丑波斯國來貢七月蕭阿古只及王郁徇地燕趙 三年正月遣兵略地燕南徙薊州民實遼州地五月丙午以惕隱迭里為南院夸焉董渤海殺其刺史張秀實民被虜掠六月乙酉詔皇后太子大元帥及二宰相諸部頭等曰朕上承天命下統羣生每有征行皆奉天意機謀在已取舍如神自我國之經營為羣方之父母憲章斯在亂綱何憂良籌聖會自乎契於天人升降有期豈可化其凡骨三年之後歲在丙戌時值初秋必有歸處然未終兩事豈負親誠日月非遙戒嚴是速聞者皆驚懼莫識其意是日大舉征吐渾党項阻卜等部命皇太子監國大元帥從行七月辛亥曷刺等擊素昆那山東部族破之八月乙酉至烏孤山以鵝祭天甲午取單于城次古單于國登阿里典歷得斯山以鹿鹿祭九月丙申朔取回鶻城勒石

紀功庚子拜日于蹄林丙午遣騎攻阻丁巳鑿金河水取烏
 山石輦致潢河木葉山以示山川朝宗海嶽之意癸亥大食圍
 來貢甲子詔礮闢道可汗故碑以契丹突厥漢字紀其功是月
 破胡母思山諸蕃部次業得恩山以赤牛青馬祭天地回鶻
 里遣使來貢十月丙寅朔獵寓樂山獲野獸數千以統軍食丁
 卯軍于霸離思山遣兵踰流沙坂浮圖城盡取西都諸部十一
 月乙未朔獲甘州回鶻都督畢離遏因遣使諭其主烏母主可
 汗遂射虎于烏刺邪里山抵霸室山六百餘里且行且獵日有
 鮮食軍士皆給 四年正月壬寅以捷報皇后太子二月丙寅
 大元師破于厥里諸部定河壩下山西諸鎮及徇党項丁卯皇
 后遣康末世問起若進御服酒膳乙亥蕭阿古只略燕趙還進
 牙旗兵仗辛卯大元帥獻俘三月丙申饗軍于木精山四月甲
 辰簡錄 卷二百一 九 建主之一
 子南攻小蕃下之皇后太子迎謁於札里河祭西回鶻烏母主
 可汗遣使貢謝五月甲寅清暑室韋北陞九月癸巳西征還十
 月丁卯唐滅梁來告遣使報聘日本高麗國皆來貢十一月丁
 酉幸安國寺飯僧赦京師囚縱五坊廢僧已酉新羅國來貢十
 二月乙亥詔曰所謂兩事一事已畢惟渤海世讐未雪豈宜安
 駐乃舉兵親征渤海大譴謨皇后太子大元帥皆從閏月壬辰
 朔木葉山壬寅以青牛白馬祭天地于烏山已酉次撒葛山射
 鬼箭丁酉次商嶺夜圍扶餘府
 天顯元年正月己未白氣貫日庚申進拔扶餘城獲其守將誅
 之丙寅夜合兵圍忽汗城己巳渤海請降庚午駐軍城南辛未
 誣謨素率羊率僚屬三百餘人出降上優禮而釋之甲戌詔
 諭渤海郡縣丙子遣近侍康末世等十三人入城索兵器為選

卒所害丁丑渤海復叛攻其城駕入幸謨謨請罪詔以兵衛
 之及族屬以出上祭告天地復還軍中二月庚寅安邊鄭頤南
 海定理等府泊諸道節度刺史來朝慰勞遣之以所獲器幣諸
 物賜將士壬辰以青牛白馬祭天地大赦改元遣使報渤海平
 于唐甲午復幸忽汗城閱府庫物賜從臣有差以奚部長勃魯
 恩并王郁回鶻新羅吐蕃党項室韋沙陀烏古等從征有功優
 加賞資丙午改渤海國為東丹忽汗城為天福刪太子倍為人
 皇王以主之以皇弟迭刺為左大相渤海老相為右大相渤海
 司徒大素賢為左次相耶律羽之為右次相赦其國內殊死以
 下丁未高麗瀛貊鐵驪靺鞨來貢三月甲子祭天丁卯幸人皇
 王宮癸未宴東丹國僚佐頒賜有差甲申幸天福城乙酉班師
 大譴謨舉族從行四月丁亥朔次繳子山辛卯人皇王率東丹
 國僚屬辭是月唐養子李嗣源自立五月辛酉南海定理二府
 復叛命堯骨往討六月丁酉平之丙午次慎州唐使來告哀七
 月丙辰鐵州刺史衛鈞反乙丑堯骨攻拔之辛未衛送太譴謨
 于皇都西築城以居之賜名曰烏魯古妻曰阿里只盧龍行軍
 司馬張崇叛奔唐甲戌次扶餘府上不豫是夕大星隕于幄前
 辛巳平旦子城上見黃龍繚繞可長一里光耀奪目入于行宮
 有紫黑氣蔽天踰日乃散是日帝崩年五十五所謂丙戌秋初
 壬午皇后稱制權決軍國事八月甲午奉梓宮西還壬寅堯
 骨奔赴行在乙巳人皇王倍繼至九月丁卯梓宮至皇都權殯
 于子城西北己巳上謚昇天皇帝廟號太祖十月盧龍軍節度
 使盧國用叛奔于唐十一月丙寅殺南院夷離董耶律迭里郎
 軍耶律疋魯等明年八月丁酉葬祖陵置祖州天城軍節度使

以奉陵寢統和二十六年七月加諡大聖明皇帝重熙二十一年九月再加大聖大明神烈天皇帝所崩行宮在扶餘城西南兩河之間後建昇天殿改名黃龍府

按五代史歐陽脩云契丹部長號大人而常推其一建旗鼓以統八部歲久或其國有災疾而畜牧衰則八部聚議以旗鼓立其次而代之被代者以為常約不敢爭遙葦時幽州劉仁恭數出兵摘星嶺攻之每秋霜落燒其野草馬輒饑死多用良馬賄賂求市牧地請聽盟約八部之人謂遙葦不任事選於其眾以阿保機代之幽涿之人畏守光暴虐多入契丹阿保機乘間入塞攻陷城邑俘其人民依唐州縣置城以居其人教以中夏之王無代立者自是益以威制諸部不肯代立因共誚責阿保機不得已傳其旗鼓語諸部曰吾立九年所得漢人多矣欲自

弘簡錄

卷一百一

七

建主之一

為一部以治漢城何如諸部許之漢城在炭山東南灤河上有鹽鐵之利乃後魏滑鹽縣也其地可植五穀因率漢人耕種為治城郭邑居廛市如幽州制度漢人安之不復思歸久乃知衆可用聽其妻述律氏策使人告諸部大人曰我有鹽池諸部所食但知其利而不知有主可乎諸部因共犒以牛酒來會鹽池伏兵其旁酒酣伏發盡殺其大人遂自立不復更代梁將慕容李克用使人來聘厚贈以金帛期共舉兵擊梁因遣晉馬千匹歸而背約遣使者梅老聘梁梁遣太府卿高頃軍將郎公遠來報遣使者解里獻良馬貂裘朝霞錦奉表稱臣以求封冊梁復遣公遠及司農卿渾時以詔書報勞別賜記事要以子弟三百騎入衛約共舉兵滅晉然後封冊為甥舅之國克用聞之大恨臨卒以一箭屬莊宗期心滅契丹渾時等至阿保機不能如約

梁亦未嘗封冊而終梁之世契丹使者四至唐天祐十三年莊宗已得魏博方南向與梁爭天下遣李存矩發山北兵行至新溝關兵叛語載前記莊宗遣周德威擊守將劉殷盧文進引契丹兵數十萬大至德威懼引軍走幽州被圍于幽薊之間契丹騎遍滿山谷所得漢人以長繩連頭繫之於木夜多自解逃去文進又教為水車地道起土山以攻城城中餽銅鐵汁揮之中者輒爛墮拒守凡百餘日解去其性比他種類尤頑傲父母死以不哭為勇載其尸深山置大木上後三歲往取其骨焚之醉而呪曰夏時向陽食冬時向陰食使我射獵猪鹿多得至阿保機稍服旁諸小國多用漢人教以隸書之半增損之作文字數千以代刻木之約又制婚嫁置官號乃僭稱皇帝以其所居為上京起樓其間號西樓又于其東千里起東樓北三百里起北

弘簡錄

卷一百一

七

建主之一

樓南木葉山起南樓往來射獵四樓之間其俗好鬼而貴日每月朔旦東向而拜其大聚會視國事皆以東向為尊四樓門屋皆東向晉討張文禮王處直懼遣其子郁往說臣父處直使布愚款故趙王鎔六世居鎮州金帛山積燕姬趙女羅綺盈廷皆為張文禮所得晉方攻之懼死不服悉留以待皇帝阿保機大喜獨妻不肯曰我有羊馬之富四樓足以娛樂今乃捨此而遠赴人之急且戰有勝敗聞晉兵彊天下脫不如意後悔何追躍然奮曰中國有金寶百萬留待皇后可共取之遂空國入塞攻幽州不克轉陷涿州中山渡沙河王都告急於唐莊宗自將鐵騎五千由桑林馳出人馬噐甲光明燭日契丹前鋒遇于新城愕然稍却遂皆散走而沙河外薄被陷阿保機退保望都會天大雪人馬多死乃顧盧文進以手指天曰是未使我至此因引

兵去莊宗躡其後見其宿處環堵在地方隅整然不亂歎曰南法介嚴如此自是頗有窺中原之志患女直渤海等在其後欲擊之又懼中國乘其虛乃遣使聘唐以通好同光中使者再至莊宗崩明宗遣供奉官姚坤來告哀阿保機錦袍大帶與其妻對坐穹廡延坤入謁問曰聞爾河南北有兩天子信乎坤曰天子以魏州軍亂命總管將兵討之倉卒變起返兵河北為衆所推已副人望阿保機仰天大哭曰晉王與我約為兄弟河南天子仰吾兒也昨聞中國亂欲引甲馬五萬往助而渤海未除志願不遂又曰我兒既沒理當取我商豈新天子安得自立坤曰新天子將兵二十年位至大總管所領精兵三十萬天時人事其可得違其子突欲在側諭使者無多言奚田奪牛豈不為過坤曰應天順人豈比匹夫之事至如天皇王得國而不代豈強弘簡錄 卷一百一十一 遼主之一

取之邪阿保機即慰勞坤曰理正當如是爾又曰吾聞此兒有宮婢二千樂官千人放鷹走狗嗜酒好色任用不肖不惜人民此其所以敗也我自聞其禍即舉家斷酒解放鷹大罷散樂官非公宴不用若我所為類吾兒亦安能長久又曰吾能漢語然絕口不道懼其効漢而怯弱也因戒坤曰爾當先歸吾以甲馬三萬會新天子幽鎮之間共為盟約與我幽州則不復侵汝矣其言當是實錄而遼國臣若劉輝者當時謂歐陽脩妄加貶皆後輒文過其實必欲傳信萬世故兩存其書

載記 遼主二之上

太宗皇帝諱德光字德謹小字堯骨太祖第二子母淳欽皇后蕭氏唐天復二年生時黑雲覆帳火光照室有聲如雷諸部異之及長貌嚴重而性寬仁軍國之務多所取決東西萬里所向

有功皇后攝政之明年為天顯二年十一月壬戌人皇王倍率羣臣請于皇后大元帥功德及人神中外攸屬宜承大統以主社稷后從之是日即皇帝位癸亥謁太祖廟丙寅行柴冊禮戊辰還都壬申御宣政殿羣臣上尊號曰嗣聖皇帝大赦有司請改元不許十二月庚辰尊皇太后為太皇太后皇后為應天皇太后立妃蕭氏為皇后禮畢開近侍班局辛巳諸道將帥辭歸鎮已丑祀天地庚寅遣使諭諸國辛卯開羣牧于近郊戊戌女直遣使來貢甲辰閱旗鼓客省諸局官屬丁未詔遷遼鞏氏九帳子弟可任官者 三年正月己酉開北寇兵籍庚戌閱南寇兵籍丁巳閱皮室拽刺墨商三軍己未黃龍府羅涅河女直建盧古來貢庚午以王郁守中書令為典國軍節度使二月幸長深己亥惕隱涅里袞進白狼辛丑建盧古來貢三月己卯東蒐弘簡錄 卷一百一十一 遼主之一

癸亥獵殺灤山乙丑獵松山唐義武軍節度使王都遣人以定州來歸因以蠟書使來求援命奚禿里鐵刺往救之四月戊寅東巡己卯祭鹿鹿神丙申獵三山縱公私取羽毛革木之材及取箭材赤山戊戌鐵刺敗唐將王晏球于定州唐兵大集還請益師辛丑命惕隱涅里袞都統查刺赴之五月丙午建天膳堂獵索刺山戊申還宮丁卯命林牙突呂不討烏古部捷之六月己卯行瑟瑟禮七月壬子唐兵破定州鐵刺死之涅里袞查刺等被執上悔出師非時乃厚賜戰殺將校之家庚午有事于太祖廟八月庚辰詔建應太皇太后誕聖碑于儀坤州九月己卯突呂不遣人獻烏古俘詔分賜羣臣己丑幸人皇王倍第庚寅遣人使唐癸巳有司請以上生日為天授節十月甲子天授節上御五鸞殿受羣臣及諸國使賀十一月辛丑自將代唐十二

月祭卯祭天地庚戌唐復遣使來聘上問左右皆曰唐數遣使來實畏威也且觀鸞而動未可輕舉上然之甲寅次杏樹唐使至命班師乙卯升東平郡為南京以居人皇王 四年正月壬申朔宴羣臣及諸國使觀俳優角觝戲二月庚戌閱造鞏氏戶籍三月甲午望祀羣神四月祭丑謁太祖行宮祭亥錄囚五月祭酉謁二儀殿宴羣臣女直來貢戊子射柳于行宮祭巳行悉悉禮六月巳酉西巡祭亥駐蹕涼陘七月庚辰觀市曲赦繫囚八月辛丑還宮九月庚午如南京戊寅祠本葉山巳卯行再生禮十月甲辰幸南京諸營閱六軍籍庚戌大閱十一月丙寅朔以出師告天地及太祖行宮甲申觀瀛三叉口 五年二月巳亥詔脩南京辛酉詔羣臣議軍國事三月巳巳幸皇叔安端第辛未人皇王獻白紵又進玉笛乙亥冊皇弟李胡為壽昌皇太子弘簡錄 卷一百一十一 七十一上

子兼天下兵馬大元帥壬午以龍化州節度使劉居言同中書門下平章事四月乙未人皇王將歸國先赴祖陵謁太祖廟宴僚屬于便殿丙辰駕會祖陵送人皇王歸置儀衛五月戊辰詔脩襄潭離宮乙卯如汾柳湖丁巳拜太祖御容于明殿巳未烏古敵烈德來貢八月丁酉以大聖皇帝后宴寢之所號日月宮因建日月碑丙午如九層臺九月巳卯詔舍利普寧撫慰人皇王十月祭卯建太祖聖功碑于如延正集會場十一月戊寅東丹奏人皇王浮海適唐 六年正月甲子西南邊將以慕化韓戛斯國人來三月丁亥人皇王如蕭氏率其國僚屬來見四月巳酉置中臺省于南京五月乙丑調木葉山七月巳酉命將校以兵南略八月庚申皇子述律生九月甲午詔脩京城十二月丙辰遣人以詔賜唐盧龍軍節度使趙德鈞是歲敵烈德鼻骨

德女直鐵驪俱來貢唐兩遣使來聘 七年正月壬辰征西將軍謀里遣拽刺鐸括奏軍事祭卯遣人使唐二月壬申拽刺迪里使吳越還王遣使從獻寶器復遣持幣帛報之三月巳丑命繫林牙迪离畢指斥乘輿徐知其誣釋之四月甲戌唐遣使致人皇王書五月壬午朔幸祖州謁陵六月戊辰御製太祖建國碑七月祭未賜高年布帛壬辰唐遣使遣紅牙笙祭巳懼報定州之役復遣使至八月壬戌捕鵝于汾柳湖風雨暴至溺死者衆命存恤識以為戒十一月丁亥遣使存問獲里國丁未阻上貢海東青鶻三十連十二月丁巳西符駐蹕平地松林 八年二月乙卯尅實魯使唐還以附獻物賜羣臣三月丙申唐遣使請罷征党項兵上以戰捷及聽命報之四月戊午党項來貢五月巳丑獵獨牛山賜名曰驪山七月祭未皇子提离古生十月巳未遣拔刺使唐十一月辛丑太皇太后崩遣使告哀于唐是歲吐谷渾阻卜回鶻阿薩蘭烏古吐魯沒皆來貢 九年正月戊午唐使來告主喪遣使弔祭二月戊寅附葬德陵諡曰宣簡太皇太后詔建碑于陵四月唐李從珂弒其主自立五月祭丑火星晝隕八月壬午自將南伐乙酉以拽刺解里手接飛鴈祭天地九月庚子西南星隕如雨乙卯次雲州丁巳拔河陰十月丁亥略地靈丘父老進牛酒犒師十一月辛丑圍武州之陽城壬寅降之祭卯注只城降括所俘丁壯籍于軍十二月駐蹕百湖之西南 十年二月辛巳宰相涅里衮謀南奔事覺執之四月吐谷渾長退欲德率衆來附巳丑錄囚五月祭丑以舍利王庭鶻為龍化州節度使六月辛未幸品不里淀七月乙卯獵南赤山十二月庚辰如金瓶濼遣拽刺化哥宿魯里阿魯掃姑等

明刑部員外郎仁和弘齋郎經邦學

皇清翰林院侍講學士四世孫遠平校閱

載記 遼主二之下

會同元年正月戊申朔晉及諸國遣使來賀戊辰遣人使晉四月
月巳亥西南邊大詳穩耶律魯不古奏况項捷五月甲寅晉復
遣使請上尊號從之六月辛卯南唐來貢癸巳詔建日月四時
堂圖寫古帝王事于兩廡七月癸亥遣使賜晉馬丁卯遣鶴南
底使晉梅里丁古使南唐戊辰遣正使中臺省右相耶律述蘭
迭烈哥及臨海軍節度副使趙思溫冊晉帝為英武明義皇帝
九月庚戌晉遣左僕射劉煦右諫議大夫盧重上皇帝尊號曰
睿文神武法天啓運明德章信至道廣教昭孝嗣皇帝壬子

弘簡錄

卷二百三

遼主二下

詔授羣臣及高年大臣爵秩賜以錦袍金帶白馬金飾鞍勒者
于令十月甲戌朔遣郎君迦里姑等撫問晉使壬寅晉遣使來
謝冊禮并進勳峯馳名馬十一月甲辰朔命南北宰相及奇南
董就館賜晉使以下宴丙午上御開皇殿召見晉使賜物有差
甲子行再生柴冊禮丙寅御宣政殿大赦改元晉復遣趙瑩奉
表來賀并上幽薊瀛冀涿檀順媯備新武雲應朔寰蔚十六州
圖籍詔以皇都為上京府曰臨潢升幽州為南京南京為東京
改新州為奉靈州武州為歸化州升南北二院及乙寧奇南董
為王以主簿為令令為刺史刺史為節度使二部栴里已為司
徒達刺干為副使麻都不為縣令懸達刺干為馬步置宣徽閣
門控鶴容省等使御史大夫中丞侍御判官文班牙署諸宮院
世燭馬羣遙雜世燭南北府國舅帳郎君官為敎史諸部宰相

節度使帳為司空二室韋圖林為僕射鷹坊監治等局官長為

詳穩十二月戊戌遣同括阿鉢等使晉加晉馮道太傅劉煦太
保餘官各有差 二年正月乙巳以受晉冊遣使報南唐高麗
戊申晉遣金吾衛大將軍馬從斌考功郎中劉知新來貢珍幣
命分賜羣臣丙辰晉遣使謝免沿邊四州錢幣二月戊寅諸王
及節度使來賀冊禮各賜以宴仍命皇太子惕隱迎犇餞之祭
巳謁太祖廟賜在京吏民物及內外羣臣官賞有差丁酉加兼
侍中左金吾衛上將軍王鄧檢校太尉三月戊申于裏渾之側丁
巳封皇子述律為壽安王卷撤葛為太平王巳巳大賚百姓四
月乙亥幸木葉山五月乙巳南唐遣使來貢戊申回鶻單于使
人乞授官詔第加刺史縣令六月丁丑駐蹕頻蹕淀雨雪閏七
月癸未乙室大王坐賦調不均以木劔背捷而釋之并罷南北

弘簡錄

卷二百三

遼主二下

府民上供及宰相節度諸賦役非舊制者乙酉遣的烈賜晉與
烏古良馬已丑南王府二刺史貪竇各杖一百繫其虞候帳備
射鬼箭選民所愛臣僚代之八月乙丑晉遣使貢歲幣奏輸戊
亥二歲金幣于燕京九月甲戌阻卜阿爾底來貢十月丁未上
以烏古部水草肥美詔北南院徙三石烈戶居之十一月丁亥
鐵驪燉煌並遣使來貢十二月庚子釣魚于土河 三年正月
戊子吳越王遣使來貢庚寅從回鶻使請許觀諸國使朝見禮
壬辰遣陪謁阿鉢使晉致生辰禮晉以并鎮析代之吐谷渾來
歸二月巳亥奚王勞骨寧率六節度使朝貢庚子烏古遣使獻
伏鹿罔俘賜其部奇南董旗鼓以旌其功乙卯賜淥江女直遣
使來觀三月巳巳如南京壬申次石嶺丙子魯不姑上党項俘
獲數於未獵于水門獲白鹿庚寅詔扈從擾民者從軍律甲午

幸薊州乙未晉及南唐各遣使來覲四月庚子至燕備法駕入
 自拱辰門御元和殿行入閣禮丙午晉遣宜徽使楊端王毗等
 來問起居并遣使進茶藥壬戌御昭慶殿宴南京羣臣癸亥晉
 遣使賀端午以所進節物賜羣臣乙丑南唐進白龜五月庚午
 安羣臣及諸國使命回賜燧煌二使作本俗舞俾諸使觀之庚
 辰晉遣使進弓矢戊子開騎兵于南郊六月丙申四部卒于南
 郊庚子晉及韓刺骨只遣使來見壬寅駕發燕京命中外令蕭
 僧隱部諸道軍于長坐營祭亥次奉聖州甲寅勞軍士七月已
 巳獵狝底烈山已卯以安重榮據鎮州叛晉詔征南將軍柳嚴
 邊備辛卯晉遣使請行南郊禮許之八月辛亥鼻骨德使乞賜
 高授以其國相丙辰詔以于諾里河臘胸河近地給賜南院歐
 董突呂乙斯勃北院溫納何刺三石烈人為農田九月庚午侍
 弘簡錄 卷一百三十一 建主二下

中崔窮古言晉主問陛下數游獵意請節之詔令諭朕之數獵
 非徒從樂所以練習武事也壬午邊將秦破吐谷渾擒其部長
 詔止誅首惡及其丁壯餘並釋之十月庚申晉遣使貢布及請
 親祠南嶽從之十一月已巳南唐遣使奉蠟丸書言晉密事丁
 丑詔有司教民播種紡績除婦匹絲績之法十二月壬辰朔率
 百僚謁太祖行宮甲午燔柴禮畢祠于神帳丙辰詔契丹人授
 漢官者從漢儀聽與漢人婚嫁丁巳詔燕京皇城西南堞建涼
 殿是冬駐蹕于傘淀 四年正月壬戌以乙室昂突軌三部
 歸寡不能自存官為之配庚辰涅刺烏隗部獻黨項俘獲數已
 丑詔定征党項功二月丙申皇太子獲白鹿丁巳詔有司編始
 祖奇首可汗事迹已未晉遣楊彥詢來貢言鎮州安重榮跋扈
 狀留之不遣是月重榮執邊使者找刺三月特授回鶻使潤里

于越并旌旗弓劍衣馬餘賜有差祭酉晉遣使來謝許祀南郊
 進黃金十益五月庚辰吐谷渾奪焉董蘇等叛入晉遣牒蠟往
 諭晉及太原守臣六月辛卯振武軍節度副使趙崇逐其節度
 使耶律盡里以朔州叛附晉丙午命宜徽使襲古只以兵赴朔
 州圍其城七月癸亥南唐遣使奉蠟丸書丙寅襲古只奏至朔
 州守者堅壁弗納命即以晉貢物賜攻城將校已巳有司奉神
 燕車有蜂巢成窰史占之吉八月庚子晉遣使進犀弓竹矢吳
 越王遣使奉蠟丸書九月壬申有星孛于晉分丁丑幸歸化州
 十月辛丑有司奏燕薊大熟十一月丙寅晉以討安重榮來告
 庚午吐谷渾請降遣使撫諭十二月戊子晉遣使來告山南節
 度使安從進反詔以便宜討之戊申晉敗安重榮仍來告遂遣
 楊彥詢歸辛亥晉遣使乞罷戍兵詔楊隱剛古班師甲寅攻城
 弘簡錄 卷一百三十一 建主二下

朔州遣控鶴指揮使諾里勞軍時襄古只戰歿城下王怒命誅
 城中丁壯仍以叛民上戶三十為襄古只部曲 五年正月丙
 辰朔上御歸化州行殿受朝以諸道貢物進太后及賜宗室百
 僚戊午詔求直言命政事令僧隱等以契丹戶分屯南邊戊辰
 晉南安重榮首來獻上數欲親征乃止癸酉晉近朔州請使來
 賀遣客者使耶律化哥使之并致生辰禮上將南幸召太子及
 羣臣議今襄鎮朔三州雖已平然吐谷渾為重榮所誘者猶未
 歸命宜發兵討之以警諸部二月壬辰詔以明王隈恩代于越
 信恩為西南路招討使諭宜先練習邊事而後之官甲午如南
 京遣晉索吐谷渾叛者三月乙卯朔晉遣濟州防禦使宋暉業
 翰林茶酒使張言來問起居閏月駐蹕陽門六月丁巳徒觀古
 素撤來貢乙丑晉主敬瑄殂子重貴立戊辰使來告哀輟朝七

日庚午遣使弔祭并賀即位庚寅晉遣金吾衛大將軍梁言及判四方館事朱崇節來謝書稱孫不利臣遣客省使喬榮讓之景延廣答詞不願上始有南伐之意將軍閻德里蒲骨等率降將韓德至闕并遣所獲丁未晉遣使來告祖母喪遣使弔祭八月戊辰河東節度使劉知遠送叛臣烏古指揮使由燕京赴關十月己巳徵諸道兵十一月己未武定軍奏松生張十二月癸亥晉遣使來謝是冬駐蹕赤城六年二月乙卯晉遣使進遺物并請居汴從之三月丁未晉至汴遣使來謝五月己亥遣使如晉致生辰禮八月己未如奉聖州晉遣其子延煦來朝十一月辛卯上京留守耶律迪輦得晉諜知有二心十二月丁未如南京議伐晉命趙延壽趙延昭安端解里等由滄恆易定分道而進大軍繼之是歲楊彥昭請移鎮奈濼及新鎮從之梅里喘弘簡錄 卷一百三 五 建主二下引來歸奚劬骨里部進白蔚莫州進白鶻晉兩遣使貢金七年正月甲戌朔延壽延昭率前鋒五萬騎次任丘丙子安端入馬門圍忻代己卯延壽圍貝州其軍校邵珂開南門納之守臣吳信自死己丑次元城授延壽魏博等州節度使率所部屯南樂丙申遣兵攻黎陽晉張彥澤來拒辛丑晉遣使來脩舊好詔割河北諸州并遣桑維翰景延廣來議二月甲辰攻博州刺史周儒以城降晉平盧軍節度使楊光遠密道我師自馬家口濟河景延廣命石斌守麻家口白再榮守馬家口周儒引麻荅營于河東攻鄆州北津以應光遠晉遣李守貞皇甫遇梁漢璋薛懷讓將兵萬人緣河水陸俱進我軍圍晉別將于威城晉主自將救之遊師解去守貞等至馬家口麻荅方遣卒萬人築營壘騎兵萬人守於外餘兵屯河西渡未已晉兵薄之我軍不利三

月癸酉朔趙延壽等大破晉兵時晉軍沿河置柵皆畏却不敢戰或言東面數少乃急擊其東偏衆皆奔潰其前軍高行周在威城亟命延壽延昭以數萬騎出行周右以上以精兵出其左戰至暮上復以勁騎突其中軍晉不能戰縱兵追及遂大敗之壬午留趙延昭守貝州徙所俘尸于內地四月癸丑遷次南京辛未如涼陘五月癸酉耶律拔里得奏破德州瀋刺史尹居藩及將吏二十七人六月甲辰黑車子室韋來貢乙巳經汲里要里等國來貢七月己卯晉楊光遠遣人奉蠟丸書辛卯晉遣張暉奉表乞和留不遣八月晉鎮州兵來襲飛狐大同軍節度使耶律孔阿戰敗之九月庚午朔北幸十月壬戌天授節諸國進賀惟晉不至十一月壬申詔徵諸道兵以閏月朔會溫榆河北十二月癸卯南伐甲子次古北口閏月己巳朔關諸道兵已卯圍弘簡錄 卷一百三 六 建主二下恒州下其九縣八年正月庚子分兵攻邢洺磁三州殺掠殆盡遂入鄴都境晉將張從恩馬全節安審琦悉陳兵相州安陽水南皇甫遇慕容彥超將千騎來覘至鄴都遇我軍數萬且戰且却至榆林店我軍繼至遇與彥超力戰百餘合遇馬斃步戰審琦引騎兵踰水以救我軍乃還二月圍魏晉將杜重威率兵來救戊子晉將折從阮陷滕州三月戊戌拔邢州殺其刺史沈斌庚戌重威與守貞攻秦州戊午延壽率前鋒薄城二將引兵南通追至陽城大敗之癸亥圍晉兵于白團衛村是夕大風至略晉兵下鹿角為營命鐵鶴軍奮短兵入擊順風縱火揚塵以助其勢大呼都招討何不急進令士卒徒死諸將皆奮出戰張彥澤藥元福皇甫遇繼至軍却數百步風益甚晝晦如夜符彥卿以萬騎橫擊我軍步卒進遂不利上乘奚車退十餘里晉

追兵急獲一乘馳乘之乃歸四月甲申還次南京杖戰不力者各數百庚寅宴將士於元和殿癸巳如涼陘六月丁亥廷壽奏晉兵襲高陽戍將擊走之七月乙卯獵平地松林晉遣孟守中奉表請和仍答以前事八月己巳詔侍衛蕭素撤閱擊收于北陘九月壬寅次赤山宴從臣問軍國要務以愛民為本上然之辛酉還京十月辛未祠本業山十二月癸亥朔朝謁太廟行宮乙丑耶律孔阿獲晉謀者戊辰賜諸國貢使衣馬 九年二月戊辰舟骨德奏軍籍三月己亥吐谷渾遣軍校恤烈獻生口千戶授以檢校司空四月辛酉朔如涼陘吐谷渾白可久來附五月庚戌晉易州戍將孫方簡請內附六月戊子謁祖陵便殿神殿名長思七月辛亥詔徵諸道兵故傷禾稼者以軍法論乙卯以阻卜部長曷刺為本部奇爾董八月丙寅自將南伐九月

弘簡錄

卷一百三

七

七

大阜立馬以受之授重威守太傅鄴都留守貞天平軍節度使餘各領舊職分降卒半付重威半以隸廷壽命御史大夫解里監軍傅柱兒及彥澤持詔入汴諭晉帝并母以安其意且召桑維翰景延廣先來上自率大軍而南壬申解里等至汴晉帝重貴素服拜命與母李氏奉表請罪彥澤殺維翰上以嘗諫止絕和好詔收葬之復還田園第宅厚恤其家甲戌彥澤還重貴及其母若妻於開封府署以控鶴指揮使李榮督兵衛之壬午次赤岡重貴舉族出封丘門桑素率軍以待上不忍臨視命改館封禪寺晉百官縞衣紗帽俯伏待罪上命領職如故安叔干在邢州嘗密請內附授以金吾衛上將軍加鎮國節度使將軍康祥執景延廣來獻詔以牙符數其八罪繫送都道自殺大同元年正月丁亥朔備法駕入汴御崇元殿受百官賀戊子

弘簡錄

卷一百三

八

八

道李崧和凝李瀚徐台符張礪等從行次赤岡夜有聲如雷起於御帳大星復隕於旗鼓前乙丑濟黎陽渡顧謂侍臣朕此行有三失一縱兵掠芻粟二括民私財三不遠遺諸節度懸鎮戍辰次高邑不豫丁丑崩于樂城年四十六九月壬子朔葬于鳳山陵曰懷陵廟號太宗統和二十六年七月上尊諡孝武皇帝重熙二十一年九月加諡孝武惠文皇帝

歐陽子云德光初名耀屈之素有智勇服其諸部事母甚律其謹遇有國事侍立母側必告而後行母切愛之兄倍長子當立諸部希母意立之三年遣使以名馬聘唐并求碑石為其父刻銘乃更阿保機名曰億明宗厚禮之遣飛勝相押使安念德報聘明宗出師討定州王都遣禿里煎刺等引騎五千與唐將王晏球戰於曲陽而敗又遣名將楊隱赫遜益以私簡錄 卷二下 主 九 遊 主 二 下 騎七千晏球又敗之于唐河赫連與數騎走至幽州為趙德鈞所執與禿里俱送京師明宗斬禿里等六百餘人而赦赫連賜姓名曰狄懷惠煎刺曰原知感部曲担列曰列知恩福郎曰服懷造竭失記曰乙懷宥選其壯健者五十餘人為契丹直當此時內地之威幾振德光乃西徙橫帳居挾刺泊出寇雲朔之間明宗患之以石敬瑭鎮河東總大同彰國振武威塞等軍禦之及起兵反轉遣使求救德光白其母曰吾嘗夢石郎名我今傳言果至豈非天耶母名胡巫問吉凶巫言吉乃許是年九月報北門車騎連亘數十里將至太原遣蕭禧里往報朕與師遠來常即與卿破敵敬瑭報曰皇帝赴難要在成功不在遲今唐軍甚盛願少待之使者未至而兵已交大致克捷敬瑭夜出北門見德光約為父子問曰大兵遠

來戰速何以取勝德光曰吾謂唐兵能守鳳門以扼諸險要則事未可知今長驅深入一無所阻吾知大事必濟且吾兵多難久宜以神速破之此其所以勝也後楊光遠反招德光傾國而南分其眾為三西出鳳門攻并代東至於河陽博州以應光遠屯于元城兵及黎陽出帝遣李守貞等東馳馬家渡還兵與吾相距于河臨陣蓋見晉軍旗幟光明士馬嚴整有懼色謂左右曰光遠言晉兵馬半已餓死何其盛也兵既交殺傷相半陣間斷箭遺鏃布厚寸餘日暮遣兵引去分為二一出滄州一出深州以歸明年正月圍鎮州分兵攻下數城等九縣重威閉壁不敢出遣兵南掠邢洛磁至于安陽河千里之內焚剽殆盡見桑木必馬曰紫披襖出自汝身容汝活耶東薪焚之時出帝病不能出征遣張從恩安審琦皇甫

私簡錄 卷二下 主 九 遊 主 二 下 遇等禦之遇前渡漳水戰於榆林遣兵引去而從恩畏怯不敢追亦引兵南走黎陽出帝疾少間下詔親征軍于瀘州遣重威等北伐還歸至古北聞晉軍且至復引而南及重威戰于陽城衛村晉饑渴鑿井輒壞殺泥汁而飲德光坐奚軍中呼其眾曰晉軍盡在此矣可生擒之時天下旱蝗晉人苦兵乃遣開封府軍將張暉假供奉官聘遣奉表稱臣以備和好會遣亦自朕兵其母逃律勸以南朝漢兒爭得一向聽耶自古聞漢來和蕃不問將去和漢若漢兒實有回心則我亦何惜通好晉乃不復遣使遣將高牟翰詐以瀛州降晉君臣皆喜遣重威守貞等出兵以應及趨瀛州牟翰空城而去晉軍至城下見城門皆啓疑有伏兵不敢入遣梁漢璋追及牟翰戰而死重威等軍屯武驪遣主聞晉兵出乃入鎮州重威西

深州刺史史萬山俘獲甚衆 四年二月建政事省辛未秦軍
王察制來朝留侍三月戊戌朔南唐遣趙延嗣張福等來賀南
征之捷九月乙丑朔如山西十月自將南伐攻下安平內丘東
鹿等城大獲而還歲開皇后蕭氏 五年正月癸亥朔如百
泉湖漢郭威弒其主自立國號周遣朱憲來告即遣使致良馬
漢劉崇自立於太原二月周遣姚漢英華昭亂來以替辭抗禮
留之五月壬戌朔詔州縣錄事參軍主簿委政事省銓注六月
辛卯朔劉崇爲周所攻遣使稱姓乞援且求封冊遣燕王傑謁
樞密使高勳冊爲大漢神武皇帝南唐遣蔣洪來乞舉兵應援
是夏清暑百泉嶺七月幸芙蓉谷留飲三日九月庚申朔自將
南伐壬戌次歸化州癸亥察制弒帝于行宮年三十四應曆元
年葬於顯州西山陵曰顯陵二年益曰孝和皇帝廟號世宗統

和二十六年七月加諡孝和壯憲皇帝

歐陽子曰當太宗崩兀欲與趙延壽及諸大將俱入鎮州延
壽自稱權知軍國事遣人求鎮州管籥不與左右曰契丹大
人聚謀詢必有變宜備之可率勁兵萬人以擊之不然
事必不成延壽猶豫未決兀欲置酒召延壽及張弼李崧馮
道等飲及數行兀欲妻延壽呼爲妹語延壽曰妹自上國來
當一見之延壽欣然與俱入食頃兀欲出坐笑謂弼等曰燕
王謀反已鎖之矣諸君可無慮也先帝昔在汴州與我筭子
一莖許我知南朝軍國事昨聞寢疾無遺命燕王安得自擅
耶弼等罷去兀欲召延壽廷立而詰之延壽不能對乃遣人
監之而籍其家貲始宜遣制曰永康王大聖皇帝之嫡孫人
皇王之長子可于中京卽皇帝位遣使告哀諸鎮共祖母述

律怒曰我兒不晉取天下有大功業其子在我側者當立矧
人皇王背違歸唐其子豈得立耶乃率兵逆世宗將廢之立
後常率萬騎攻邢州陷內丘凡入常以馬嘶爲候後見馬不
甚嘶矛戟至夜有光又值月蝕且人馬傷死大半其下皆懼
以爲凶兆會又集諸部部長謀入衆不欲詔彊之遂遇弒齊
王述律聞亂走南山大臣迎立之述律有疾不能近婦人左
右給事中多以宦者每醉飲自夜至旦晷則常睡國人謂之
睡王不恤國事周世宗下三關語其國人曰此本他人地
今以還人又何惜焉

載記 遼主之四

穆宗皇帝諱璟小字述律太宗長子母靖安皇后蕭氏初封壽
安王天祿五年九月丁卯卽皇帝位誅逆臣察割等羣臣上尊
號曰天順皇帝改是年爲應曆元年戊辰如南京遣劉承訓告
哀于漢十一月漢周南唐各遣使來弔乙亥詔朝會依嗣聖皇
帝故事用漢禮十二月甲辰漢遣使獻弓矢鞍馬壬子鐵驪鼻
骨德皆來貢 二年正月戊午朔南唐遣使奉蠟丸書及進犀
兕甲萬屬壬戌太尉忽古質謀逆伏誅三月丁卯南唐復遣使
來貢甲申以耶律撻烈爲南院大主四月己亥鐵驪進鷹鷂五
月丙辰朔視朝六月壬辰政事令蕭眉古得宜政殿學士李潛
等謀南奔事覺眉古得伏誅杖澣釋之乙未祭天地壬寅漢爲
周所侵遣使求援命中臺省右相高模翰赴之丁未乳媪兄曷
魯世爲阿速石烈奪商董七月乙亥政事令婁國林牙敵烈侍
中神都郎君海里等謀亂就戮九月甲寅朔雲州進嘉禾四莖
二穗戊午詔以平察制日用白黑羊玄酒祭天歲以爲常庚辰

敵烈部來貢十月甲申朔漢遣使進葡萄酒十一月癸丑朔視朝已巳地震巳卯日南至用舊制行拜日禮十二月癸未朔模範及漢兵圍晉州辛卯生日飯僧釋囚歲以三年閏正月壬午朔漢遣使來謝却周軍二月甲子太保敵烈脩易州城鎮州兵來挑戰却之三月庚申朔南唐遣使來貢因附書于漢詔建之庚寅如應州擊鞠丁酉漢遣使進毬衣及馬庚子觀漁于神德湖六月丁卯應天皇太后崩八月己未漢遣使來投十一月辛丑漢使來會冬駐蹕奉聖州南京水詔免租 四年正月己丑周主威殂養子晉王柴榮嗣立二月丙午朔周攻漢來告命政事令耶律敵祿援之丙辰幸南京五月乙亥折代二州叛漢遣南院大王撻烈助敵祿討之丁酉撻烈敗周將符彥卿於折口敵所獲十一月彭國軍節度使蕭敵烈太保許從贊奏折代

私簡錄 卷二百三十一 遼主之三

二州捷十二月辛酉朔謁祖陵駐蹕杏嶺 五年二月庚申漢遣使請上尊號不許壬戌如襄潭十一月乙未朔漢主崇祖子承鈞來告且求嗣立遣使弔祭封冊之十二月乙丑朔謁太祖太宗廟 六年五月丁酉謁懷陵六月甲子漢遣使來議軍事七月不視朝南唐遣使奉蠟丸書 七年四月辛巳合延年藥多用男子膽殺人累年覺其妄射殺女巫肖古是秋不聽政獵七鷹山十二月丁巳詔大臣朕或濫刑卿等切諫 八年四月甲寅南京留守蕭思溫攻下沿邊州縣遣人勞之五月周陷東城縣六月辛未思溫請益兵乞駕幸燕七月獵拽刺諸山迄于九月不視朝十一月辛酉漢使來告周侵乙丑使再至十二月庚辰又至 九年四月丙戌周來侵拔益津瓦橋淤口三關命蕭思溫為兵馬都總管以擊之五月乙巳朔陷瀛莫二州癸

亥如南京辛未周兵退六月乙亥朔視朝戊寅復容城縣庚申西幸如慎州是月周主榮祖子宗訓立七月發南京軍戊范陽十二月戊寅還上京丙申召羣臣議時政 十年正月周殿前都點檢趙匡胤廢主自立國號宋五月壬子漢以潞州歸附來告六月庚申宋兵圍石州漢使來告遣大同軍節度使阿剌率四部往援思溫以三部兵助之七月己亥朔宋兵陷石州辛酉政事令耶律壽遠太保楚阿不等謀反伏誅八月庚午以鎮西石炭兒擊殺近侍古哥十一月海恩獄中上書限便宜 十一年二月辛亥司徒烏里只子迭刺哥誣告其父謀反杖而釋之丙辰蕭思溫奏老人星見乞行赦宥四月癸巳朔以射鹿不視朝五月乙亥司天王白李正等進曆六月甲午赦 十二年正月甲戌夜觀燈二月己丑朔以御史大夫蕭護思為北院樞密

私簡錄 卷二百三十二 遼主之四

使五月庚午旱命左右以水相沃俄頃雨六月甲午祠木葉山及潢河秋如黑山赤山射鹿 十三年正月晝夜酣飲者九日丙寅宋將城益津關命南京留守高勳統軍使崔延勳以兵擾之二月庚寅漢遣使來告欲巡邊徵乞張聲援乙巳老人星見五月壬戌幹期改國所進花鹿生麋六月癸未杖殺近侍傷犴者壬辰詔諸路錄囚七月辛亥朔漢告宋來侵八月甲申生日縱五坊鷹犬戊戌幸近山呼鹿射之旬有七日而後返九月庚戌朔祭天地飲于野次終夕乃罷辛亥復終夜酣飲十一月庚午獵飲于虞人家凡四日十二月戊子射野鹿賜虞人物有差是歲殺獸人海里翫人曷主犴人露馬鹿人彌里吉泉其首以示掌鹿者 十四年正月戊寅朔奉安神靈戊戌漢告宋將來襲二月壬子詔西南面招討使撻烈進兵援漢癸亥如潢河

一... 18 反文內

文解鹿人沒谷游里等七人于野封土議其地已巳如老林東
漢壬申敗朱兵于石州漢遣使來謝四月黃龍府甘露降五月
射蘇祿鹿于白鷹山至于洮甸六月丙午朔獵于玉山竟月忌
返八月乙巳如磁子嶺呼鹿射獲其四賜虞人女璆等物有差
戊申生日值天赦不受賀曲赦京師囚乙卯錄囚九月黃室韋
叛十月丙午近侍烏古者進石錯賜白金丙辰以掌鹿矧思代
幹里爲開撒彼賜金帶金盞白金所謀死罪以下得專之十一
月壬午口南至宴飲達旦自是晝寢夜飲殺近侍小六於禁中
十二月丙午烏古叛詳穩僧隱與戰敗績及乙實等死之十
五年正月老人星見巳卯命樞密使雅理斯爲行軍都統虎軍
詳穩楚思爲都監益以突呂不諸部兵以討烏古殺其長率離
底餘衆降復叛奪高董子勃勒底不叛詔褒之二月壬寅朔
弘簡錄 卷二百三 遼主之四
上東幸甲寅獲鴨除鷹坊刺而腰斬之刑復其徭役三月癸酉
近侍東兒進七筋不時手刃刺之丁丑大小黃室韋酋長寅尼
吉等叛遣雅里斯楚思等擊之癸未五坊人四十戶叛入烏古
癸巳虞人沙刺迭偵鴉失期加炮烙鐵梳刑而死四月乙巳雅
里斯等爲室韋所敗遣使詰問代以禿里爲都統女古爲監軍
幸輕騎進討仍令捷馬尋吉里持詔招諭不從乙卯雅里斯率
提察蘇二羣牧兵追至柴河戰不利五月甲申寅尼吉等亡入
敵烈六月敵烈來降辛亥命魯古獻良馬賜銀二千兩近侍忽
刺北馬至先以間賜銀千兩七月甲戌烏古至河德濼遂掠上
京北榆林峒居民遣奪高董盡里奪高常思林牙蕭翰討之
十月丁未常思戰敗烏古十二月甲辰近侍喜哥私歸殺其妻
又殺近侍隨魯 十六年正月丁卯朔被酒不受賀甲申微行

市中賜酒家銀絹乙酉殺近侍白海及家僕衫福押刺葛樞密
使門吏老古捷馬失魯三月巳巳東幸連旬獲鴨背飲達旦五
月甲申歲旱泛舟麟雨不應捨舟立水中俄頃乃雨六月丙申
賜白海等家銀絹七月壬午諭有司凡行幸之所必高立標識
令民勿犯違以死論八月丁酉漢遣使貢金帶鎧甲閏月乙丑
觀野鹿入馴鹿羣立馬飲至晡九月庚子重九宴飲夜以繼日
至壬子乃罷巳未殺狼人裏里十月庚辰遣使賜帛漢王母喪
十二月甲子幸酒人扳刺哥家復幸殿前都點檢耶律考騰葛
第宴飲連日賜金盞細綿孕馬百疋左右皆授官戊辰漢遣使
來貢 十七年正月庚寅朔林牙蕭幹朗君耶律賢適討烏古
還帝執其手賜卮酒授賢適右皮室詳穩賜雅里斯楚思霞里
三人醜酒以辱之乙卯奪高董骨欲獻烏古俘四月丙子射柳
弘簡錄 卷二百三 遼主之四
所雨復以水沃羣臣八月辛酉生日以政事令阿不底病亟不
受賀九月丙戌朔獵黑與赤山至于月終十一月辛卯殺近侍
延壽庚子司天臺奏月當食不虧上以爲祥歡飲達旦是歲殺
虜人敵魯鹿人禮葛唐果直哥撒刺等四十四人支解雉人壽
哥念魯又殺酒人粹你家人阿不里等手殺襄人海里禱之
十八年正月乙酉朔宴宮中不受賀巳亥觀燈于市縱飲三夕
二月乙卯幸五坊使霞實里家宴飲達旦三月甲申朔如潢河
乙酉獲駕鵝祭天地庚戌殺近侍化葛及監囚游里劉其尸四
月巳巳詔左右從班有財器幹局者不次擢用老耄者增俸休
之于家五月丁亥重五被酒不受賀壬辰獲鴉于述古水野飲
終夜丁酉連晝夜與政事令蕭排押留守高勳太師昭古劉承
訓等酣飲六月巳未爲殿前都點檢夸騰葛置神帳曲赦京畿

四甲戌捷烈於鵠窠中得牝犬來進七月辛丑漢主承鈞殂子繼元立遣使弔祭九月戊子殺詳穩八刺拽刺痕篤等四人巳丑登小山祭天地戊戌聞宋襲河東諭西南面都統捷烈豫備之巳亥獵熊以喚鹿人鋪姑并掖庭戶賜夸臘葛甲辰命仍兼政事令以女瑛為近侍女直詳穩夏陌為本部夸葛董十月辛亥朔宋圍太原詔捷烈為兵馬總管發諸道兵救之十一月癸卯冬至被酒不受賀是歲殺鵠人胡時魯蘇人抄里只并屯奴鹿人頗德鵬哥陶現札不哥等及酒人搭烈葛 十九年正月巳卯朔宴宮中不受賀巳丑立春被酒命夸臘葛代行擊土牛禮自此至月終不聽政甲午與羣臣為葉格戲戊戌醉中驟加左右官二月戊辰世宗子賢成人入見上諭可付以政三月辛酉遣韓知範冊漢土劉繼元為皇帝癸亥殺前導末及益刺劉弘簡錄

載記 遼主之五

景宗皇帝諱賢字賢寧小字明辰世宗第二子母懷節皇后蕭氏甫四歲遇察割亂穆宗養之永興宮既長與韓匡嗣女里游見穆宗酌酒怠政因與譏刺時事耶律賢適亟勸止之帝悟遂不復言巳遇弒夜率甲騎千人與飛龍使女里侍中蕭思溫樞密使高勳馳赴難所黎明至慟哭羣臣勸進即位樞前百官上尊號曰天贊皇帝大赦改應曆十九年為保寧元年罪殿前都點檢夸臘葛右皮室詳穩蕭烏里只宿衛不嚴斬之三月丙戌

卷二百三

九 遼主之四

入上京四月戊申朔進封卷撤葛齊王喜隱宋王隆先平王稍吳王道隱蜀王必攝越王敵烈翼王宛衛王五月戊寅朔立妃蕭氏為皇后壬午射柳祈雨從有司請立生日為天清節壬寅漢遣李匡弼劉繼文李元素等來賀十月東幸襄潭十一月甲辰朔行柴冊禮祠木葉山駐蹕鶴谷 二年正月丁未如潢河四月幸東京祭讓國皇帝及世宗廟五月癸丑西幸乙卯次盤道嶺七月國舅蕭海只及海里殺蕭思溫以右皮室詳穩賢適為北院樞密使九月辛丑海只等伏誅流其幼神視于黃龍府十二月庚午漢遣使來貢 三年正月庚申並登開誠院辛酉南京統軍使魏國公韓匡美封郡王二月癸酉東幸壬午遣錄過使阿薩蘭回鶻巳丑祭天地四月丁卯世宗妃啜里及蒲哥厭魅賜死巳卯祠木葉山行再生禮戊子蕭神視伏誅六月丙子漢遣使問起居自是繼月而至八月甲戌如秋山自後為常九月乙巳賜傅父侍中達里迭大保楚補并婆兒保母回室押雅等戶口牛羊有差又以潛邸給使者為捷馬都置官主之壬子幸歸化州甲寅如南京十月巳巳以黑白羊祀神癸未漢遣使來貢十一月庚子臚胸河于越延尼里等率戶四百五十來附乞隸官籍優賜遣之詔留其戶分隸敦睦積慶永興三宮十二月駐蹕金川癸酉祭天地巳丑皇子隆緒生 四年二月癸亥漢遣使來賀皇子四月庚寅朔駐蹕木井七月如雲州十月丁亥朔如南京十二月甲午詔內外官上封事 五年正月甲子賜隱休哥伐党項破之上其俘獲之數庚午御五鳳樓觀燈二月丁亥近侍實魯里誤觸神繭論死杖釋之戊申祭天地辛亥幸新城四月丙申白氣晝見五月辛未女直侵邊殺都監達里迭

卷二百三

十 遼主之四

搜刺幹里魯驅掠邊民牛馬七月駐蹕燕子城庚辰以保大軍節度使耶律斜里底爲中臺省左相十月丁酉如南京十一月辛亥朔始獲逆黨小哥花哥辛古等誅之十二月如歸化州戊戌漢將收元遣使察命 六年正月癸未幸南京三月宋遣使請和加涿州刺史耶律昌木侍中遣與宋議七月丁未朔加告喜隱得實閭門使酌古檢校太尉兼御史大夫男海里遙授龍州防禦使十二月戊子以沙門昭敏爲三京諸道僧尼都總管加兼侍中 七年正月甲戌朔宋遣使來賀賀正且如此以壬寅望祠木葉山二月癸亥漢鴈門節度使劉繼文來朝貢方物丙寅祭天地三月壬午耶律刺撒等獻克項俘分賜羣臣四月遣郎君矧思使宋辛亥射柳祈雨五月丙戌祭神姑七月黃龍府衛將燕頗殺都監張珪以叛遣使耶律曷里必討之九月

弘簡錄

卷一百三

主 建主之四

致其先帝遺物甲寅祭天地三月癸亥耶律沙及敵烈獻援漢所獲宋俘五月庚午漢遣使來謝己丑女直來請宰相奪禹童之職以次授之七月丙子助漢戰馬八月漢遣使進葡萄酒十一月丁亥朔司天奏日當食不虧戊戌索吐谷渾叛入太原四百餘戶還之癸卯祠木葉山乙巳遣太保送烈割等使宋報其來聘十二月戊辰獵于近郊以所獲祭天 十年三月庚寅祭顯陵四月丁卯西幸七月庚戌享太祖廟 乾亨元年正月乙酉遣撻馬長壽使宋問與師伐劉繼元之故還言河東逆命所當問罪若北朝不援和約如舊援以戰請二月丁卯宋兵歷漢境遣使乞援仍命都統沙監軍敵烈赴之斜軫以所部從抹只督其戰三月辛巳速撤遣人納別部化哥等降丙戌漢遣使謝撫諭軍民詔北院大王奚底乙室王撒合等以兵戍燕己丑漢復告宋主親征遣左千牛衛大將軍韓侂大回軍節度使耶律善補引本路兵援之丁酉沙等與宋戰于白馬嶺不利敵烈及突呂不部節度使都敏黃皮室詳穩唐答皆走之四月辛亥漢以行軍事宜來奏盧俊自代州馳狀告急五月己卯宋敗漢兵劉繼文盧俊來奔六月河東降宋漢亾甲子封繼文彭城郡王俊同政事門下平章事丁卯宋乘勝來侵奚底及蕭討古撤合與戰于沙河失利己巳遂圍南京丁丑詔諭沙及奚底討古等軍中事宜七月癸未沙等及宋兵戰于高粱河沙却休哥斜軫橫擊大敗之宋主至涿州乘驢車去甲申擊宋餘軍獲兵仗器甲符印糧餉貨幣不可勝計權留守韓德讓馬步軍都指揮使耶律學古知三司事劉弘在南京能安人心捍城地下詔獎之八月乙丑沙等獻所俘獲丙寅責以白馬之

弘簡錄

卷一百三

主 建主之四

役後有走宋主功與抹只皆釋之柔底遇敵退却擊以劍背撤合雖郤部伍不亂獲有敵烈麾下先遁者斬之都監以下皆杖壬申宴沙抹只等將校賜物有差九月己卯報宋圍城之役命韓匡嗣為都統沙為監軍休哥斜軫抹只等各率所部兵及善補分道以進十月乙丑匡嗣與宋兵戰於滿城敗績降封秦王辛未太保矧思敗宋兵於火山十一月戊寅宴賞休哥及有功將校乙未樞密使郭襲上書諫收獵上嘉納之辛丑冬至大赦改元 二年正月丙子朔封皇子隆緒梁王隆慶恆王二月戊辰如清河三月丁亥西南而招討副使耶律王六太尉化哥遣人獻党項俘閏月庚午有鳴濤止御帳獲以祭天四月庚辰祈雨庚子清暑燕于城五月雷火乾陵松八月戊戌東幸十月辛未朔命巫者祠天地及兵神辛巳將南伐祭旗鼓癸未次南京

弘簡錄 卷二百三 主之四

丁亥獲敵人射鬼箭庚寅次固安祭天地己亥圍瓦橋關十一月庚子朔宋兵夜襲營突呂不部節度使蕭幹及四捷軍詳穩耶律痕德戰却之壬寅休哥敗宋兵於瓦橋東守將張師出戰復奮擊敗之戊申宋兵陣於水南休哥涉水追至莫州殺傷甚衆己酉宋兵復來擊之殆盡丙辰班師乙丑還次南京十二月庚午朔拜休哥于越大饗軍士 三年二月丙子東幸己丑復幸南京三月乙卯皇子韓八卒五月丙午上京漢軍亂劫立喜隱子留禮壽留守除室擒之七月甲子伏誅十月如蒲瑰坡十一月辛亥加除室同政事門下平章事 四年正月己亥如華林天柱三月乙未清河與諸王大臣較射飲宴四月自將南伐至滿城戰不利守太尉奚瓦里中流矢死五月班師清暑燕于城八月如西京九月庚子幸雲州甲辰獵于詳古山帝不豫壬

子次焦山帝崩年三十五在位十四年統和元年正月壬戌上尊諡孝成皇帝廟號景宗重熙加諡孝成康靖皇帝 舊史贊曰遼興六十餘載神冊會同之間日不服給天祿應曆之君不令其終保寧而來人人望治以景宗之責任人不疑信賞必罰若可與有為也乃竭其國力以助河東破軍殺將無救滅亡雖一取勝於宋得不償失知匡嗣之罪而不罰善郭襲之諫而不用沙門昭敏以左道亂德寵以侍中不亦惑乎

弘簡錄 卷二百三 主之四

明刑部員外郎

皇清翰林院侍講學士四世孫遠平校閱

載記 遼主之六

聖宗皇帝諱隆緒小字文殊奴景宗長子幼喜書翰十歲能詩
既長精射法曉音律好繪畫初封梁王帝崩次日癸丑奉遺詔
即位極前時年十二母睿智皇后攝政軍國大事聽命母后十
月己未朔始臨朝詔諭諸道辛酉羣臣上尊號曰昭聖皇帝尊
皇后為皇太后大赦以不章事蕭道寧領本部軍駐南京乙丑
如顯州十一月甲午置乾州十二月甲子捷刺干乃萬十醉言
宮掖事法當死杖而釋之癸酉奉大行皇帝梓宮于敢塗殿
統和元年正月戊午朔不受朝乙丑奉遺詔封庶兄質睦寧王

弘簡錄

卷二百四

遼主之六

加宰相室昉宣徽使普領等恩戊辰以烏隈烏骨里部節度使
耶律章瓦同政事門下平章事壬午趙妃及公主宰相大王惕
隱國舅契丹漢宮等並進助山陵費癸未齊國公主率內外命
婦進物亦如之二月戊子朔禁所在官吏軍民無故不得聚眾
私語及冒禁夜行違者坐之甲午葬乾陵以近幸郎掌飲
伶人捷舞為殉庚子
賜皇族及近臣遺留物戊申以解領為南府宰相辛亥幸聖山
遂謁三陵三月戊午天德軍節度使顏刺父子戰歿其弟涅離
襲爵許之己未次獨山遣使賞西南而有功將士辛酉以耶律
曷魯寧為惕隱辛巳以國舅蕭道寧為遼興軍節度使賜號忠
亮佐理功臣壬午祭天地四月丙戌朔幸東京庚寅謁太祖廟
丙申南幸壬寅致享于凝神殿癸卯謁乾陵乙巳遣人祭平章
耶律河陽墓庚戌從樞密請詔北府司徒顏德輝南京所進律

文上如徽州以耶律慶朗為信州節度使五月壬戌南路招討
請益兵討西突厥諸部詔北王府耶律蒲奴寧引敵畢迭烈兩
部兵赴之辛未次永州祭王子藥師奴墓丙子祭天地戊寅幸
木葉山六月丙戌還上京辛卯有事于太廟甲午幸羣臣上皇
太后尊號曰承天皇太后羣臣上皇帝尊號曰天輔皇帝大赦
改元單恩中外文武官各進爵一級七月乙卯錄囚辛酉行再
生禮與諸王分朋擊鞠八月戊子西巡己丑謁祖陵癸巳謁懷
慶遂幸懷州己亥獵赤山九月癸丑朔東京平州旱蝗詔振之
乙卯謁承興長寧敦睦三宮庚申謁宣簡皇后廟辛未立生日
為千齡節以放于越屋只有傳導功命其子泮泮為林牙丙子
如老翁川十月癸未朔司天奏老人星見丁酉將征高麗親閱
東京留守耶律抹只所總兵馬丙午命宣徽使兼侍中蒲領林
牙竹德等將兵東討賜旗鼓及銀符十一月壬子朔觀漁捷馬
濛十二月甲午東幸甲辰勅諸刑辟已結正決遣而有寃者聽
詣臺訴戊申千齡節祭日月禮畢百僚稱賀 二年正月甲子
如長濛常事後二月甲午賜將軍耶律敵不春衣束帶丙午上
與諸王大臣較射三月乙卯贈故同平章事趙延煦兼侍中四
月丁亥宣徽使耶律普寧都監蕭勤德獻征女直捷投普寧兼
政事令勤德神武衛大將軍各賜金器諸物辛卯祭風伯壬辰
以宣徽南院使劉承規為承德軍節度使崇德宮都部署保義
軍節度使張德筠為宣徽北院使五月乙卯祠木葉山九月辛
未景宗忌日詔諸道京鎮遣官行香飯僧十月丁丑朔以歸化
州刺史耶律普寧為彰德軍節度使右武衛大將軍韓侔為彰
國軍節度使兼侍衛親軍兵馬都指揮使十一月壬子以樞密

弘簡錄

卷二百四

遼主之六

直學士鄧徽為儒州刺史十二月辛丑以大仁靖為東京中臺省右平章事三年正月丁巳左拾遺劉景吏部郎中牛藏用並為政事舍人二月丙子朔改牛藏用樞密直學士四月乙亥朔祠木葉山壬午以鳳州刺史趙匡符為保靜軍左監門衛大將軍王庭坊為奉先軍節度使五月癸酉加蕭道寧同平章事知濟州軍州事六月甲戌如栢坡乙亥改歸義軍王希振為典國軍節度使七月甲辰朔詔諸道繕甲兵以備東征高麗甲寅東幸丙寅駐蹕土河以暴漲命造船橋明日乘步輦出聽政老人星見丁卯遣使問東京諸軍兵器及東征道路拜道寧昭德軍節度使守太子太師劉延構議成軍節度使八月癸酉朔以高麗道路沮洳未可進征先伐女直丁丑次萊城庚辰至顯州謁凝神殿辛巳幸乾州觀新宮癸未謁乾陵庚子謁顯陵辛丑西幸閏九月丙子行次海上庚辰重九駱駝山登高賜羣臣菊花酒丙申女直宰相木不里來貢戊戌駐蹕東古山十一月丁丑詔以東北路兵馬監軍妻婆底里存撫邊民癸巳禁行在市易布帛不中尺度者四年二月壬寅以四番都統軍李繼忠為檢校司徒上柱國癸卯西夏李繼遷叛宋來降授定難軍節度使銀夏綏宥等州觀察處置等使西番部帥瓦泥乞移保大軍節度使鄆坊等州觀察處置等使三月甲戌宋遣曹彬等分道來侵陷岐溝涿州固安新城詔分遣使者徵諸部兵益耶律休哥以擊之乙亥以親征告陵廟山川辛巳命林牙蕭勤德守平州癸未遣軍與宋田重進戰于飛狐不利陷冀州防禦使大鵬翼康州刺史馬贊馬軍指揮使何萬通丁亥改命耶律斜軫為山西兵馬都統賜以密旨及杓窠印以趣征討休哥亦如

之及賜林牙謀魯姑旗鼓四劔一率禁軍之號銳者南助休哥四月己亥朔次南京北郊庚子楊隱瑤昇招討韓德威報捷辛丑宋潘美陷雲州詔勦德超軍戊申監軍蒲鄰奏敵軍引退與奚王和叔奴北大王蒲奴隱統軍使頗德等追躡皆勝之賜詔褒美頻不部節度使和盧視黃皮室詳穩解里等各上所獲鎧仗數又詔兩部突騎赴蔚州以助蕭闊覽橫帳耶律老君奴率諸郎君巡徼居庸之北耶律奴哥為黃皮室都監耶律謁里為北府都監各以兵赴蔚州以助斜軫庚戌加斜軫諸路兵馬都統闊覽副都署迪子都監以代善補韓德威宋將曹彬米信北渡拒馬河與休哥對壘南北列營長六七里時上次涿州東五十里甲寅詔休哥等嚴備水道無使敵兵潛至涿州乙卯休哥等敗宋軍獻所獲器甲貨財賜詔褒美丙辰復涿州告天地戊申上幸涿州謁凝神殿辛巳幸乾州觀新宮癸未謁乾陵庚子謁顯陵辛丑西幸閏九月丙子行次海上庚辰重九駱駝山登高賜羣臣菊花酒丙申女直宰相木不里來貢戊戌駐蹕東古山十一月丁丑詔以東北路兵馬監軍妻婆底里存撫邊民癸巳禁行在市易布帛不中尺度者四年二月壬寅以四番都統軍李繼忠為檢校司徒上柱國癸卯西夏李繼遷叛宋來降授定難軍節度使銀夏綏宥等州觀察處置等使西番部帥瓦泥乞移保大軍節度使鄆坊等州觀察處置等使三月甲戌宋遣曹彬等分道來侵陷岐溝涿州固安新城詔分遣使者徵諸部兵益耶律休哥以擊之乙亥以親征告陵廟山川辛巳命林牙蕭勤德守平州癸未遣軍與宋田重進戰于飛狐不利陷冀州防禦使大鵬翼康州刺史馬贊馬軍指揮使何萬通丁亥改命耶律斜軫為山西兵馬都統賜以密旨及杓窠印以趣征討休哥亦如

佛事一月僧飯萬人八月丁酉以蒲奴寧為山後五州都督已
未詔第山西諸將校功過而賞罰之乙室帳宰相安寧以功過
節度使佛奴答五十楊恩琦昇授制款烈州節度使慎思恩
州節度使皆以雲州節度使化哥軍校李元進蔚州節度使佛
官監其到蔚州皆以同散送道奪九月甲戌重九登高于
黑河南阜祭天賜從臣命婦菊花酒丁丑次河陽北辛巳納皇
后蕭氏丙戌次儒州已亥以乙室帳耶若吳留為御史大夫甲
辰南征出居庸關詔以勅榜諭拒馬河南六州乙卯幸南京戊
午以南院大王留寧言復南院部民今年租賦壬戌賜京官僧
道耆老銀鼠青鼠及諸物十一月壬申古北松亭榆關征稅不
法致阻商旅遣使鞠之始許女直以兵從征癸酉御正殿大勞
將校丙子次狹底塌親閱輜重兵甲戊寅日南至幸從臣祭景
宗御容辛卯次白佛塔川復自落馴狐以祭天地詔駙馬蕭繼
私簡錄 卷一百四 五 建主之六

營神榆村辛亥以黑白二牲祭天地癸丑拔馮母鎮大纒俘掠
丙辰邢州降丁巳投深州以不即降誅守將以下縱兵大掠是
歲李繼遷引騎款塞願婚大國永作藩輔詔封王子帳節度使
耶律襲之女汀為義成公主嫁之賜馬三千匹冀州刺史趙彥
章義順節副趙希贊彰德節度艾正觀察判官宋雄武定指揮
呂行德副指揮張繼從馬軍指揮劉知進步軍指揮穆超蔚州
押衙李存璋許彥欽奚軍小校隘離轄渤海小校貫海皆叛入
於宋俱命籍其家屬分賜有功將校 五年正月乙丑破束城
縣縱兵大掠丁卯次文安遣人諭降不聽擊破之盡殺丁壯俘
其老幼戊寅還南京已卯御元和殿大賽將士三月癸亥朔幸
長春宮賞花釣魚編賜近臣歡宴累日丁丑歸居部下搜刺解
里偵候有功命入御蓋耶若班祇候四月丁酉幸百僚間上皇
私簡錄 卷一百四 六 建主之六

太后尊號禮畢羣臣上尊號曰至德廣孝昭聖天輔皇帝戊戌
詔有司條上勳舊等第加恩六月壬辰名大臣央庶政丙申以
耶律蘇為遙郡刺史七月戊辰涅刺節度使撒葛里有惠政
民請留從之 六年二月丙寅從征司天趙宗德齊泰王守平
邵棋閣梅言天象數有徵賜物有差三月癸未李繼遷遣使來
貢四月乙未幸南京戊戌幸宋國王休哥第六月癸亥党項太
保阿刺枕來朝貢方物乙丑諭諸道兵馬備南征攻城器具乙
酉奪肉董阿魯勃迭沙州節度使曹恭順還授于越七月丙戌
觀市已亥賜休哥排押諸軍戰馬因請增置涿州驛傳從之丙
辰祭天地八月癸亥遣使祭木葉山告將伐宋西北路管押詳
穩速撒哥以伐折立助里二部俘獲來獻東路林牙蕭勤德及
統軍石老擊敗女直兵獻俘濱海女直遣屬魯里來朝及修土

賁九月戊戌幸南京己亥有事于太宗廟以唐元德為奉陵軍節度使癸卯祭旗鼓庚戌次涿州射帛書諭城中降不聽乙卯縱兵四面攻之城破乃降因撫諭其衆勸德闡覽皆中流矢賊帝車中而歸聞宋軍退遺斜軫排押等追擊大敗之十月戊午攻破沙堆驛已巳以黑白羊祭天地庚午分宋降軍置七指揮號歸聖軍行軍參謀馬得臣恐終不為用請放之還不允十一月甲申詔諸軍備攻具庚寅駐長城口督大軍四面進攻士憤聞委城遁斜軫招之不降上與韓德讓邀擊殺之獲者分隸燕軍辛卯攻圍滿城甲午拔之軍士開北門遁上使諭其將領乃率衆降戊戌攻下祈州縱兵大掠己亥拔新樂庚子破小狼山皆丁未宋軍千人出益津關國舅郎君桃委詳穩十哥擊走之殺副將一人十二月大軍駐宋境賜皮室詳穩乞得禿骨里戰弘簡錄 卷一百四 七 總注之六

馬丁巳安平侍衛馬軍司奏攻祈州新樂都頭劉贊等三十人有功乞加恩賞詔北宰相蕭繼遠等往視之是歲始詔開貢舉一人及第 七年正月癸未朔班師戊子宋雞壁砦守將郭榮率衆來降詔屯南京庚寅次長城口癸卯攻易州宋遂城兵來援遣鐵林軍擊之擒其指揮使五人甲辰大軍齊進破易州降刺史劉輝以馬質代之趙質為兵馬都監遷其軍民于燕京授先登東京騎將夏貞顯之子仙壽高州刺史乙巳幸易州御五花樓撫諭士庶丙午祭天地詔諭三京諸道分遣巫覡祭名山大川戊申次漆水謁景宗廟已酉次岐溝射鬼箭辛亥還次南京六軍解嚴二月壬子朔上御元和殿受百官賀乙卯幸長春宮大饗軍士賚賞有差封韓德讓楚國王蕭寧遠同政事門下平章事乙丑賞南征女直軍使東還丙寅禁舉人匿名飛書謗

訖朝廷丙子以女直活骨德為本部相丁丑皇子佛寶奴生三月壬午朔遣使祭木葉山禁芻牧傷禾稼宋進士十七人挈家來歸命有司考其中第者補國學官餘授簿尉李繼遷遣使來賁丁亥詔知易州趙質收戰區士卒骸骨築京觀已丑免雲州進賦丙申詔開奇峯路通易州市四月丙辰謁太宗廟以御史大夫烏骨領乙室大王丁卯吐渾還金回鶻安進吐蕃獨朶等自宋來歸皆賜衣帶丙子以舍利軍耶律齊為常袞已卯駐蹕臨州龍泉庚辰以遙韋副使控骨商為舍利搜刺詳穩五月辛巳祭風伯辛卯獵桑乾河六月庚戌朔貴太師栢母迎合纒之七月乙酉御舍涼殿視朝丙戌以中丞耶律毅麥哥權奪再畢橫帳郎君耶律延壽為御史大夫癸巳遣兵南征丁酉勞將士八月庚午放進士高正等二人及第十一月甲申于闐張文寶弘簡錄 卷一百四 八 總注之六

進內丹書 八年正月庚寅詔決滯獄三月庚辰太白彗或謂凡十有五次乙酉城杏塌實以宋俘辛丑置宜州四月丙午朔嚴州刺史李壽英有惠政從民請留庚午歲旱諸部艱食命振之五月庚寅女直宰相阿海來貢封順化王丙申詔括民田六月丙午阿薩蘭回鶻于越達刺于各遣使來貢七月庚辰改南京熊軍為神軍詔東京路諸宮分提轄司置定霸保和宣化三縣白川州置洪理儀坤州置廣義遼西州置長慶乾州置安德各一縣省遂媽松饒寧海瑞玉鐵里奉德等十州及玉田遼豐松山弘遠懷清雲龍平澤平山等八縣以其民分隸他郡八月乙卯祭天地九月乙亥北女直四部請內附壬辰李繼遷獻宋俘十月丙午復告大敗宋軍十一月庚寅賑吐谷渾饑民十二月癸卯李繼遷告下宋麟鄜等州庚戌遣使封繼遷為夏國王

是歲進士鄭雲從等二人及第 九年正月丙子詔禁私度僧
尼乙酉室昉等進實錄賜物有差戊子選宋來降卒五百置宜
方軍辛卯詔免三京諸道租賦仍罷括田二月丙午夏國遣使
告宋捷丁未以涿州刺史耶律王六為揚隱甲子建威寇振化
來遠三城屯戍卒振室韋烏古諸部閏月壬申遣承旨邢抱朴
三司使李嗣給事中劉京政事舍人張幹副留守吳浩分決諸
道滯獄益以員外郎庫部馬守琪倉部祁正虞部崔祐勳北縣
令崔簡甲子幸南京四月乙亥夏國王李繼遷遣杜白來謝封
冊併上宋所授勅命六月南京霖雨傷稼七月癸卯通括戶口
乙巳詔諸道舉才行察貪酷撫高年禁奢僭有殺于王事者官
其子孫已未夏國告復綏銀二州八月癸酉銅州嘉禾生東京
其露降戊寅女直進喚鹿人壬午東京進三足烏九月乙酉駐
弘簡錄 卷一百四 九 總注之六

奉聖南京民廬舍放進士王熙載等二人及第 十二年正月
癸丑朔朔陰鎮水漂溺三十餘村詔疏舊渠復行在五十里內
租蠲宜州賦調甲寅以同政事門下平章事耶律碩老為揚隱
庚申郎君耶律身舍等謀叛伏誅壬戌以南院大王耶律景為
上京留守封漆水郡王霸州民李在宥年百三十有三賜束帛
錦袍銀帶月給羊酒仍復其家二月甲申免南京被水戶租賦
及諸部歲輸羊并闕征三月丁巳高麗遣使請所俘人畜詔贖
還仍遣使撫諭戊午幸南京復置統軍都監已巳涿州木連理
四月壬辰以樞密直學士劉恕為南院樞密副使五月庚辰武
定軍節度使韓德冲秩滿從其民請留六月辛巳朔詔州縣長
吏有才能無過者減一考任之癸未可汗州刺史賈俊進新曆
庚子錄囚甲辰詔代龍鳳兩軍老疾者免皮室軍老不任事者
弘簡錄 卷一百四 十 總注之六

蹕廟城南京城震十月丁丑定難軍節度使李繼捧來附投推
忠効順啓聖定難功臣檢校太師兼侍中封西平王十一月已
亥祭天地十二月遣招討使韓德威持詔責李繼遷潛附于宋
是歲進士石用中一人及第 十年正月丁酉禁喪葬殺馬及
藏甲冑金銀器玩二月乙丑朔韓德威奏李繼遷稱故不出至
靈州俘掠以還賜詔安慰四月乙丑改臺湖為望幸里庚寅命
羣臣較射八月癸亥觀稼仍遣使分閏十月壬申夏國王遣使
來貢十二月庚辰徽儒州東川拜天以東京留守蕭恒德等伐
高麗是歲雲朔等州饑詔免稅賦給復流民三年 十一年三
月丙午出內帑錢賜南京統軍司軍高麗王治遣朴良桑奉表
請罪詔取女直鴨綠江東數百里地賜之二月癸亥霸州妖巫
王氏伏誅六月大雨七月己丑桑乾羊河溢居庸以西皆稼溺

十月乙酉獵可汗州西山乙巳詔定均稅法丁未置大理寺少
及正卿十一月戊申朔行再生禮詔諸部具所俘宋人官吏儒
生抱器能者及諸道軍勇健者以名聞官衛德升等六人庚戌
詔郡邑貢明經茂材異等甲寅詔南京決滯獄十二月戊寅朔
詔并奚王府與理墜隗梅只三部為一其二魁各分為部以足
六部之數甲申賜南京統軍司貧戶耕牛戊子却高麗進妓樂
庚寅禁游食民癸巳女直告宋人浮海略本國及兀惹叛丁未
幸南京放進士呂德懋等二人及第 十三年正月甲寅置廣

靈縣丁巳增泰州遂城等縣賦與中詔請道勸農癸亥長寧軍
 節度使蕭屏里秩滿從民請留庚午如長春官五月壬子高麗
 進鷹六月丙子朔啓聖軍節度劉繼琛秩滿從民請留丁丑詔
 減前歲括田租賦丙戌詔許昌平懷柔等諸縣人請業荒地七
 月壬戌詔龍衛威勝軍更戍蔚朔等州八月丙子夏國遣使進
 馬壬辰詔修山澤祠宇先哲廟貌以時祀之九月戊午以南京
 太學生員日多特賜水硯莊一區十月乙亥置義倉十一月辛
 酉遣使冊王治爲高麗國王戊辰高麗遣童子十人來學本國
 語次年又遣十二月己卯鐵驪來貢鷹馬辛巳夏國告敗宋人是年
 放進士王用極等二人 十四年正月丁巳蜀三京及諸州稅
 賦三月壬寅高麗王治表乞婚許以駙馬蕭恆德女嫁之甲子
 詔安集朔州流民四月甲戌朔各置東邊諸州都監改諸部令
 弘簡錄 卷一百四 遼主之六
 德爲節度使己亥鑿大安山取劉守光所藏錢五月庚戌朔州
 威勝軍一百七人叛入于宋六月己丑高麗遣使來問起居後
 至無時問七月丁丑五院部進穴地所得金馬十月丙辰命劉
 遂教南京神武軍士劔法賜袍帶錦幣戊午烏昭度乞內附十
 一月甲戌詔諸軍官毋非時畋獵妨農回鶻阿薩蘭遣使爲子
 求婚不許十二月甲寅以南京道新定稅法太重減之甲子幸
 南京是年放進士張儉等三人 十五年正月庚辰詔諸道勸
 民種樹癸未兀惹長武周來降乙未免流民稅二月戊戌勸品
 部富民出錢以贖貧民庚子徙梁門遂城泰州北平民于內地
 丁巳詔品部曠地令民耕種三月乙丑朔党項來貢乞內附戊
 辰募民耕濠州荒地免其租稅十年己巳夏國破宋兵遣使來
 告己卯改封繼遷爲西平王壬午通括官分人戶免南京通稅

及曠倉粟庚寅兀惹烏昭度以地遠乞免歲時進鷹馬貂皮詔
 以生辰正旦貢如舊餘免癸巳宋使來告太宗皇帝崩真宗嗣
 位甲午皇太妃獻西邊捷四月乙未朔罷奚王部歲貢鷹皮戊
 錄囚壬寅發義倉振南京諸縣民己酉幸南京丁巳致奠于太
 宗廟六月壬子夏國遣使來謝封冊七月辛未禁吐谷渾別部
 鬻馬於宋辛卯詔南京及平州決滯獄九月庚午幸僦州致奠
 太祖廟十月壬辰朔駐蹕馳山罷奚王諸部貢物乙未賜宿衛
 時服丁酉禁諸山寺母濫度僧尼戊戌弛東京道魚梁之禁戊
 申以上京獄訟繁冗詰其主者十一月壬戌朔錄囚高麗王治
 薨遣使致祭詔姪誦權知國事丙戌幸顯州謁顯乾二陵是年
 放進士陳鼎等二人 十六年二月丙午以監門衛上將軍耶
 律喜羅爲中臺省左相四月癸卯振崇德宮所隸州縣民之被
 弘簡錄 卷一百四 遼主之六
 水者丁未罷民輸官俸給自內帑己酉祈雨五月甲子祭白馬
 神丁卯朔木葉山告來歲南伐乙酉還上京賜婦人年踰九十
 者物六月戊子朔致奠于祖懷二陵七月丁巳朔錄囚惡政八
 月丁亥朔東幸九月丁巳朔駐蹕得勝口十一月遣使冊高麗
 國王福是年放進士楊又立等二人 十七年七月南使宋詔
 諭請道九月庚辰朔幸南京癸卯射鬼箭十月癸酉攻遂城不
 克遣蕭繼遠攻狼山皆破之次瀛州與宋軍戰擒其將康昭裔
 宋順進攻樂壽縣拔之次遂城敵衆臨水以拒縱騎兵突之殺
 戮殆盡是年放進士初錫等四人及第 十八年正月還次南
 京賞有功將士罰不用命者詔諸軍各還本道六月阻卜叛首
 鶻彌弟鐵刺不率衆來附鶻彌無所歸遂降詔誅之十一月甲
 戌朔授西平王李繼遷子德昭朔方軍節度使是年放進士南

承保等三人及第 十九年正月辛巳以祇候郎君班詳穆觀
音為奚六部大王甲申回鶻進梵僧名醫三月乙亥夏國遣李
文貴來貢乙酉西南面招討司奏党項捷四月乙巳幸吳國王
隆祐第視疾五月庚寅以十拽刺詳穆耶律王奴為乙室大王
辛卯祭天地六月乙巳授康昭裔昭順軍節度使戊午夏國奏
下宋恆環慶三州賜詔褒之八月庚戌達盧骨部來貢九月戊
子駐蹕昌平庚寅西南招討司奏討吐谷渾捷辛卯幸南京十
月巳亥南伐壬寅次鹽溝辛亥射鬼箭壬子祭天地甲寅敗宋
兵于遂城庚申復以黑白羊祭天地丙寅次滿地泥淖班師十
一月丙子宋兵出淤口益津關來侵偵候謀注虞人招古擊敗
之巳卯觀漁備門濼閏月巳未減關市稅十二月庚辰免南京
平州和稅 二十年正月癸丑東方五色虹見詔安撫西南面
弘簡錄 卷二百四 主之六

名松林十月丁巳駐蹕七渡河十一月丙申通括南院部民十
二月癸未罷三京諸道貢 二十二年三月巳丑罷番部貢于
齡節及冬至重五貢乙未李德昭遣使上繳遷遺物七月甲申
遣使封李德昭為西平王丁亥兀惹蒲奴里剌阿里越里篤與
里米等部來貢八月庚申阻卜長鐵刺里來朝求婚不許丙子
駐蹕大牙山九月巳丑諭高麗南伐丙午幸南京女直遣使獻
所獲烏昭慶妻子丁未致祭太宗廟以北院大王磨魯古太尉
老君奴監北南王府兵閏月巳未南伐癸亥次固安以所獲謀
者射鬼箭丙寅與宋兵戰于唐興大破之庚午軍于望都十月
乙酉以黑白羊祭天地丙戌攻瀛州不克甲午下祈州巳酉德
昭遣使謝封閏十一月癸亥馬軍都指揮使耶律課里擊退宋
兵于涪州丁卯南院大王善補奏宋遣人造王繼忠書密請求
弘簡錄 卷二百四 主之六

鶴來請先留使者皆遣之九月甲戌遣太尉阿里太傅楊六賀
 宋主生辰和後為十月甲午駐蹕七渡河癸卯宋歲幣始至十
 一月戊申遣太保合住頒給使韓簡使宋賀正且辛亥觀漁桑
 乾河十二月丙申宋遣周漸等賀千齡節及張若谷等賀正且
後為帝二十四年五月壬寅朔幽皇太妃胡贊于懷州賜死囚
 夫人夸懶于南京餘黨皆生瘞之八月沙州燉煌王曹壽遣使
 進大食國馬及美玉九月幸南京是年放進士楊信等二十三
 人及第 二十五年正月建中京七月壬申西平王母薨遣使
 弔祭并起復李德昭十月丙申駐蹕中京十二月己酉振饒州
 饑 二十六年五月丙寅高麗遣使賀中京成七月增太祖太
 宗讓國皇帝并世宗與李訥益十月戊子朔幸中京是年放進
 士史克忠等一十三人 二十七年四月丙戌朔駐蹕中京營
 弘簡錄 卷二百四 五 進主之六
 建宮室七月甲寅朔霖雨澆工斲刺陰涼四河皆溢深沒民舍
 八月甲申北幸十一月壬子朔行柴冊禮十二月乙酉南幸辛
 卯皇太后崩壬辰遣使報哀于宋夏高麗戊申如中京是歲御
 前引試劉二宜等三人 二十八年正月辛亥朔不受賀甲寅
 如乾陵二月丙戌宋王隨王儒等來弔祭遣蕭虛烈張崇濟往
 謝蕭合卓致遺物己亥高麗魏守愚等來祭三月癸卯上大行
 皇太后諡宋高麗遣使來會葬四月甲子葬乾陵五月己卯朔
 如中京辛卯清著七金山丙午高麗西京留守康華弒其主誦
 擅立主從兄詢詔諸道繕甲兵以備東征八月戊申振平州饑
 辛亥幸中京丙寅謁顯乾二陵丁卯自將伐高麗遣使報宋九
 月乙酉遣使冊李德昭為夏國王辛卯遣樞密直學士高正引
 進使韓杞宣問高麗王詢十月丙午朔女直進馬萬匹乞從征

高麗許之王詢奉表乞罷師不許十一月乙酉大軍渡鴨綠江
 康華拒戰敗之退保銅州石皮室詳穆耶律敵魯擒擊及副將
 李立追殺數十里獲所棄糧餉仗戊子銅霍貴寧等州皆降
 辛卯王詢上表請朝許之禁軍士俘掠以政事舍人馬保祐為
 開京留守安州團練使王八副之遣太子太師乙凜將兵送保
 祐等赴京壬辰守將車思正殺遠使者韓喜孫等十人領兵出
 拒保祐等還遣乙凜領兵擊之思正遂奔西京圍之不克駐蹕
 城西高麗禮部郎中渤海陀失來降庚子遣排押盆奴等攻開
 京敗高麗兵王詢棄城遁焚開京至清江還 二十九年正
 月乙亥朔班師所降諸城復叛至貴州南峻嶺谷大雨連日霽
 乃得渡己丑次鴨綠江庚寅皇后及留守隆祐迎于來遠城壬
 辰詔罷諸軍己亥次東京二月己酉謁乾顯二陵以所俘高麗
 弘簡錄 卷二百四 六 進主之六
 人分置諸陵廟餘賜內戚大臣三月庚寅南京平州水振之五
 月甲戌朔詔已奏之事送所司附日曆帳族有罪黥墨依諸部
 人例六月庚戌升蔚興和州為觀察使不隸武定軍十一月庚
 午朔幸顯州十二月癸丑置歸寧二州是年御試放高承顏等
 二人及第
 開泰元年正月癸未長白山三十部女直首領來貢乞授爵秩
 甲申駐蹕王子院丁亥女直太保蒲撚等來朝戊子獵于貝魯
 魯林庚寅朔木葉山辛卯曷蘇館大王曷里喜來朝二月壬子
 駐蹕瑞鹿原三月乙亥如葦澤丁丑詔封皇女八人為郡主乙
 酉詔卜日行拜山大射柳之禮命有司具儀物四月庚子高麗
 遣蔡忠願來降乞稱臣如舊詔王詢親朝壬寅夏國遣使進良
 馬己酉祀風伯辛酉以前孟父房倣穆蕭佛奴為左奇禹畢駟

馬蕭紹宗為鄭州防禦使五月戊辰朔詔裴玄感那祥知禮部貢舉放進士史簡等十九人六月駐蹕上京七月丙子以耶律遂貞為遼興軍節度使遂正為北院宣徽使張昭瑩南院宣徽使耶律受益上京副彰守寇卿留德軍節度使戊寅進士康文昭張素臣郎玄達坐論知貢裴那私曲秘書正字李萬坐上書辭涉怨讎皆杖而徙之八月丙申鐵驪那沙等送兀惹百餘戶至賓州時絲絹那沙乞賜佛像儒書詔以護國仁王佛像并易詩書春秋禮記各一部賜之己未高麗王詢遣田拱之奉表稱病不能朝十月辛亥如中京十一月甲午朔百官加上尊號曰弘文宣武尊道至德崇仁廣孝聰睿昭聖神贊天輔皇帝大赦改元改函都府為析津府薊北縣為析津縣幽都縣為宛平縣單恩中外已亥賜夏國使東頭供奉官曹文斌呂文貴寶珪祐弘簡錄 卷二百四 七 范主之六

德延壽率兵討之達且國兵圍鎮州州軍堅守擊引去二月丙子詔建麥務州為象雷縣女河川為神水縣羅家軍為閻山縣山子川為富庶縣習家砦為龍山縣阿覽峪為勸農縣松山川為松山縣金甸子為金原縣四月甲子拜日上京請以韓斌所拓曠園從之以捷魯河奉豪等州戶二萬五千四百有奇置長窮與仁保和等十縣丙子如頤山七月壬辰烏古敵烈皆復故疆乙未西南招討使奏克項諸部前後叛者多投西夏詔遣李德昭諭意朕欲西伐爾當東擊毋失犄角之勢仍命諸軍各市肥馬丁酉以楊隱耶律濬列為南府宰相太尉五哥為楊隱癸卯釣魚曲溝戊申以敦睦宮子錄振貧民丁卯封皇子宗訓大內楊隱八月壬戌遣引進使李廷弘賜夏國王及義成公主車馬已丑資忠等還十月己未朔改庶井之北丙寅詳穆張馬留弘簡錄 卷二百四 六 范主之六

第出身 四年五月辛巳再伐高麗六月庚戌拜日與麻都骨世勳易衣馬為好七月又拜日遂幸秋山自八月射鹿至于九月復自交丑至于辛酉丁卯與奇再舉兵部尚書蕭榮寧定為交夾以重君臣之好十一月庚申詔汰東京僧命上京中京泊諸宮選精兵五萬五千人以備東征十二月南巡海微還幸顯州 五年正月丁未北幸癸酉駐蹕雪林二月戊戌皇子宗真生三月辛酉諸道奏獄空詔進階賜物丙寅以前北院大王耶律敬溫為阿扎割只辛未党項魁可來降四月乙亥振招州民五月甲子尚書蕭姬隱坐出使後期削其官丁卯以耿元吉為戶部使六月政事舍人吳克昌按察霸州刑獄八月丙子幸懷州有事于諸陵十一月辛丑以參知政事馬保忠同知樞密院事監修國史丁巳以北面林牙蕭隗注為國舅詳總將本部兵

弘簡錄 卷二百四 遼主之六

東征高麗十二月丁酉賜進士孫傑等四十八人及第 六年二月庚辰南面林牙涅合為南院大王五月戊戌朔又伐高麗丙午錄囚已酉設四帳都詳穆乙卯祠本葉山潢河乙丑駐蹕九層臺六月戊辰朔南京奏諸縣蝗先是賜德妃蕭氏死葬兔兒山西後數日大風起塚上晝暝大雷電而雨不止者踰月七月辛亥遣禮部尚書劉京翰林學士吳叔遠知制誥仇正已起居舍人程嘉吏部員外郎南承顏禮部員外郎王景運分路按察刑獄辛酉西南路招討蕭置寧仁縣于勝州九月庚子皇子屬思生大赦十月丁卯南京路饑饉雲應朔弘等州粟振之十一月乙卯建州節度使石匡弼卒 七年二月乙丑朔拜日四月丙寅振川饒二州饑辛未振中京貧乏壬辰以三司使呂德懋為樞密副使閏月壬子以蕭進忠為彰武軍節度使兼五州

制置戊午吐蕃王并里尊奏凡朝貢乞假道夏國從之五月丙寅封皇子宗真梁王宗簡宗倬右衛宗愿左驍衛俱大將軍皇姪宗元承清軍宗範昭義軍宗熙鎮國軍宗亮絳州俱節度使宗弼漢州觀察使宗奕宗顯宗蕭皆防禦使八月丙午行大射柳之禮庚申加平章蕭弘義開府儀同三司尚父兼政事令九月庚申蒲呢國遣使奏與烏里國封壤相接數使掠不寧賜詔諭之庚午錄囚括馬給東征軍十月壬寅以順義軍節度使石用中為漢人行宮都部署丙辰復伐高麗論其守吏能率眾自歸者厚賞堅壁相拒者追悔無及十一月壬戌以呂德懋知吏部尚書楊又玄知詳覆院劉晟為霸州節度使庚辰禁服用明金縷金貼金十二月蕭排押等伐高麗兵失利過鞏帳詳穆阿果達客省使酌古渤海詳穆高清明天雲軍詳穆海里等皆死

弘簡錄 卷二百四 遼主之六

之是歲放進士張克恭等三十七人及第 八年正月壬戌詔中京建景宗廟封沙州節度使曹順為燉煌郡王二月丁未以前南院樞密使韓愬為中京留守丙辰祭風伯三月己未以契丹弘義宮使赫石為典聖宮都部署前遙恩括部節度使控骨里為積慶宮都部署左祇候郎君耶律罕為四捷軍都監乙亥東征兵將選俱坐失律數其罪而釋之加有功渤海將校官其肴里涅哥二奚軍并南皮室軍校賜金帛有差壬午閣飛龍院馬癸未回跋部太師踏刺葛來貢丙戌置東京渤海奉官都知押班五月壬申以駙馬蕭克忠為長寧軍節度使乙亥遷寧州渤海戶于遼土二河之間己卯曷蘇館惕隘阿不葛宰相寶刺來貢六月戊子益封征高麗戰歿諸將妻及其子弟錄之己丑以左奇再舉蕭解里為西南面招討使御史大夫蕭要只為

8 文臣

存商畢已亥楊隱耶律合葛為南府宰相癸卯弛大擺山猿嶺
採木之禁七月庚申以東北路詳穩耶律獨迭為北院大王癸
亥詔阻卜依舊歲貢馬貂鼠青鼠戊辰觀稼己巳回跋部太保
麻門來貢庚午觀市曲赦市中繫囚九月己巳以石用中參知
政事壬申至甲戌錄囚庚辰曷蘇館惕隱阿不剌來貢十月乙
酉詔諸道事無巨細已斷者每三月一次條奏癸卯以前北院
大王建福為阿札割只甲辰改東路耗里太保城為威州建節
以領之十二月甲寅置雲州宣德縣十二月辛亥高麗王詢遣
使乞貢方物詔納之 九年五月庚午耶律資忠使高麗遣王
詢表請稱藩納貢歸所留王人只刺里辛未遣使釋王詢罪並
允其請癸酉以耶律宗教檢校太傅宗誨啓聖軍節度使劉晟
太子太傅仍賜保節功臣七月庚戌朔日食以近臣代拜救護
弘簡錄 卷二百四 主 建主之六

名睦州軍日長慶四月戊申東京留守奏女直三十部部長請
各以其子詣闕祇候詔以其父俱來受約乙卯錄囚丁卯置乘
州七月甲戌朔賜從獵女直人秋衣乙亥遣骨里取石晉所上
玉璽于中京十月丁未敵烈部長頗白來貢馬駝戊申錄囚已
未以薩敏解里為都點檢高六副點檢耶律羅漢奴左皮室詳
穩桑姑右皮室詳穩聊丁西北路金吾耶律僧隱御史大夫求
哥駟馬蕭春骨里並大將軍庚申幸通天觀觀魚龍曼衍之戲
翌日再幸還升玉輅自內三門入萬壽殿奠酒七廟御容因宴
宗室十一月癸未上御昭慶殿百僚奉冊上尊號日睿文英武
遵道至德崇仁廣孝功成治定昭聖神贊天輔皇帝大赦改元
中外官進級有差宋遣使來聘夏高麗遣使來貢甲申冊皇子
宗真為皇太子 二年三月地震雲應二州屋摧地陷鬼白山
弘簡錄 卷二百四 主 建主之六

甲寅遣使賜燉煌郡王曹順衣物九月戊午以蕭紹宗同平章
事乙亥曹順遣使來貢丙子以存商畢延寧為兵馬副都部署
總兵東征括諸道漢民馬給之十月戊寅以涅里為奚王都監
突迭里為北王府舍利軍詳穩耶律老使沙州還詔釋宿累建
使遠國多用犯罪有才 戊子西南招討奏党項部有宋犀族輸
略者使還即除其罪 貢不時宜以時遣使督之壬寅大食國遣使進象及方物為子
冊割請婚詔封王子班耶君胡思里女可老為公主嫁之十一
月丁巳以漆水郡王韓愬為南京留守析津尹兵馬都總管已
未以存商畢肅孝順為南面諸行宮都部署加左僕射十二月
戊子詔中京建太祖廟制度祭器皆從古制乙巳放進士張仲
舉等四十五人

太平元年三月戊戌皇子勃已只生庚子賜駙馬蕭紹業私城
書僧隱韓格賀宋主卽位壬寅遣堂後官張克恭賀夏國王李
昭德生日耶律掃古韓王充賀宋太后生日使副耶律仙寧史
克忠充賀宋正旦使副以後十月癸卯朔賜宰臣呂德懋馬保
忠參政吳叔達樞副楊又玄錢物有差辛亥至上京赦囚十一
月丙戌宋遣使來謝十二月辛丑高麗王詢薨遣使冊其子欽

嗣王是年放進士張漸等四十七人 三年正月丙寅朔以僧
 隱為平章事乙亥以蕭臺德為南王府都監林牙耶律信寧西
 北路招討都監辛巳賜越國公主私城名懿州軍曰慶懿二月
 丙申以丁振為武信軍節度使改封關陵郡王四月以耶律守
 寧為都點檢六月戊申以南院宜徽使劉涇參知政事蕭孝惠
 為都點檢蕭孝恭東京統軍兼松邊巡檢使戊午以蕭邈為左
 夸离畢蕭琳為詳穩七月戊寅以南府宰相耶律合葛為上京
 留守封漆水郡王丁亥賜緡山名曰永安十月庚辰東征軍奏
 統帥諸領常袞率師自毛毋國嶺入林牙高九禪將大匡
 逸等率師鼓山嶺入閏月未至撻離河不遇敵而還以是月會
 於弘伯只嶺駝馬死者甚衆十一月辛卯朔以皇姪宗範為歸
 德軍節度使同平章事封三韓郡王南京留守韓烈為南院大
 弘備錄 卷二百四 三 建主之六
 王兵馬都總管仇正燕京轉運使仇道衡中京副留守馮延休
 順州刺史耶玄化西山轉運使趙其樞密直學士蕭永太子太
 師 四年三月戊子千齡節詔賜諸官分耆老食四月癸酉以
 右丞相馬保忠之子世弘使嶺表至平地松林為盜所殺特贈
 昭信軍節度使六月己未韓魁薨追封陳王戊辰以鄭弘節為
 兵部郎中甲戌以蕭解里為彰德軍節度使八月丙辰以都點
 檢蕭紹宗為武定軍耶律宗福安國軍俱節度使十二月以蕭
 從政為歸義軍節度使康鈞監門衛是年放進士李炯等四十
 七人 五年三月壬辰以鄭弘節為臨潢少尹楊又玄吏部尚
 書參知政事兼樞密使駕如長春河魚兒濼有聲如雷其水一
 夕越沙岡四七里別為一陂五月以蕭從順為太子太師吳叔
 達翰林學士道士馮若谷加太子中允耶律晟武定軍節度使

呂士宗禮部員外郎李可舉順義軍節度使十一月庚子幸內
 果園宴京民聚觀放進士得七十二人命賦詩第其工拙以張
 昱等一十四人為太子校書郎韓樂等五十八人為崇文館校
 書郎辛丑以左祗候郎君詳穩蕭羅羅為右夸离畢十二月丁
 巳以耶律仁舉為典國軍節度使甲子蕭守寧為侍衛親軍馬
 步軍都點檢十二月戊辰以北府宰相蕭普古為北院樞密使
 參知政事到京為順義軍節度使是歲燕土大豐過車駕臨幸
 禮高年惠鰥寡賜酒飲至夕六街燈火如畫士庶嬉遊上亦微
 行觀之民爭獻土物 六年二月己酉以米離已同知樞密院
 黃嗣為兵馬都部署建骨只副之赫石為都監引軍城混同江
 疎木河之間黃龍府請建堡障三峰臺下詔以農隙築之戊午
 以耶律野為副點檢國舅帳蕭柳氏徒魯骨領西北路十二班
 弘備錄 卷二百四 三 建主之六
 單奚王府舍利軍已巳南京水遣使振之庚午詔究項別部塌
 西設契丹節度使治之三月戊寅參知政事吳叔達貴授將作
 少監出為東州刺史四月丁未朔以武定軍節度使耶律漢古
 為惕隱十月丙子為蘇館諸部長來朝庚辰遣使問夏國與宋
 交戰之故辛巳以前南院大王直魯袞為烏古敵烈都詳穩庚
 寅蕭孝順蕭紹宗兼侍中駙馬蕭紹業平章政事前南院大王
 胡觀董同知上京留守安哥通化州節度使十二月庚辰易蘇
 館部乞許建旗鼓辛巳詔北面諸部兼察州縣石烈彌里不治
 者罷之大小職官有貪暴殘民者終身不錄其不廉直雖處重
 任即令代去能清勤自持者在卑位亦當薦拔及內族受賂事
 發與常人所犯同科 七年正月辛亥以女直白縷為惕隱蕭
 馬為慶母部太師五月從西南路招討司察陰山中產金銀徒

置礦冶復遣使循遼河源求產金銀之所六月禁請屯不得
擅貨官粟癸巳詔蕭惠再討阻卜七月巳亥朔詔更定法令十
月丁卯朔詔請帳院庶孽並從其母論貴賤十一月癸亥以三
韓王欽爲啓聖軍節度使十二月癸酉以金吾蕭高六爲奚會
利軍詳穩 八年正月庚申党項侵邊破之甲子詔州縣長吏
勸農七月丁酉以遙筆帳郎君陳哥爲西北路巡檢與蕭諸領
同管二招討地九月壬辰朔以渤海宰相羅漢推東京統軍使
壬子幸中京賜北敵烈節度使耶律延壽旌號巡視諸部癸
丑阻卜別部長胡懶來降乙卯阻卜長春古來降十月詔燕城
將士若敵至總管備城之東南統軍守其西北馬步軍備野戰
統軍副使繕壁壘課士卒各練其事十一月丙申以耶律求翰
爲北院大王十二月辛酉朔以遙輦太尉謝佛留爲天雲詳穩
弘簡錄 卷一百四 五 遼主之六
壬申前北院大王耶律留寧爲雙州節度使康筠崇德宮都部
署謝十永興宮都部署旅墳宜州節度使耶律野中京留守同
知耶律曷魯突媿爲大將軍丁丑詔庶孽雖已爲良不得預世
選兩國舅及南北王府國之貴族庶庶不得任本部官是歲放
進士張宥等五十七人 九年二月戊辰遣使賜高麗王欽物
八月巳丑東京舍利軍詳穩大延琳反渤海太保夏行美不從
其招趙拜平章事十月丙戌朔命蕭孝穆等討之十一月丙寅
授濟州節度副使張傑爲節度使是歲放進士張人紀趙睦等
二十二人 十年四月以耶律行平爲廣平軍節度使李延弘
知易州蕭從順加太子太師八月丙午延琳就擒渤海平十一
月辛亥以前統軍委寮大將軍馬保忠權知燕京留守奚王府
都監蕭阿古軫爲東京統軍使詔渤海舊族有勲勞材力者叙

用餘分居來隰遷閭等州十二月乙巳尚書左僕射蕭琳爲臨
海軍節度使 十一年三月帝不豫五月大雨水諸河橫流皆
失故道六月丁丑朔駐蹕大福河之北巳卯帝崩于行宮年六
十一景福元年閏十月壬申上尊諡曰文武大孝宣皇帝廟號
聖宗 舊史贊曰聖宗幼冲嗣位政出慈闈及宋人三道來攻
親御甲冑一舉而復燕雲破信彬再舉而肅河朔不亦偉歟既
而侈心一啓佳兵不祥東有茶陀之敗西有甘州之喪此狃於
常勝之過也然其踐阼四十九年理究滯舉才行察食殘抑者
僭錄死事之子孫振諸部之貧乏資迎合不忠之罪却高麗女
樂之歸遼之一代在位長久庶幾可稱者聖宗一人而已

弘簡錄卷二百四 終

弘簡錄 卷一百四

五 遼主之六

弘簡錄卷二百五

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼主之七

興宗皇帝諱宗真字夸不董小字只骨聖宗長子幼而聰明長而魁偉龍顏口角常蓬大度善騎射好儒術通音律三歲封梁王冊為皇太子太平十年六月判北南院樞密使事聖宗崩即位樞密壬午尊母元妃蕭氏為皇太后甲申遣使告哀于宋及夏高麗辛卯大赦改是年為崇福元年乙未奉大行皇帝梓宮殯于永安出太平殿辛丑遷齊大皇后于上京七月丙午朔高麗遣使弔慰上召晉王蕭普古等飲博夜分乃罷丁未擊鞠戊申以特末里為左祇候橫帳樂古權右祇候俱郎君詳隱已酉

弘簡錄

卷二百五

遼主之七

以耶律鄭留為于厥廸烈都詳穩高八為右皮室詳穩庚戌振薊州民饑甲寅錄囚以觀察姚居信為上將軍建慶州于慶陵之南徙民實之充奉陵邑丁巳詔為大行皇帝御容上謁哀慟久之置御容殿併為蕭孝先孝穆像于殿側以蕭阿姑軫為東京留守丁卯謁太平殿凡先帝所御弓矢鞍勒皆焚之戊辰幸晉王普古第視疾壬申上謁神主帳時輿隈蕭氏始入宮亦命拜之八月壬午遷大行皇帝梓宮於敢塗殿九月戊申躬視慶陵庚戌問安皇太后辛亥宋遣王隨曹儀致祭王體許懷信弔慰范諷孫繼業賀即位庚申夏國遣使來慰并贈庚午喪服臨敢塗殿受宋使弔祭甲戌遣御史中丞耶律翥司農卿張確詳穩耶律勵四方館使高維翰謝宋弔祭十月戊寅宰臣呂德懋薨丙戌遣工部尚書高德順崇祿卿李可封致遺物于宋右監

門衛上將軍耶律元載引進使魏永往謝即位戊戌以蕭革趙為果耶律郁馬保業充來歲賀宋正旦使以後閏月辛亥謁敢塗殿閱玄宮闕器從有司請立生辰為永壽節辛酉閱親造燈甲丁卯振黃龍府饑十一月壬辰上率百僚奠于敢塗殿焚素所服御玩好并縱五坊鷹犬甲午葬慶陵乙未祭天地丙申謁慶陵以遺物賜羣臣名其山曰慶雲殿曰望仙十二月癸丑皇太后聽政帝不親庶務羣臣表請不從是歲以興平公主下嫁夏國王李德昭子元昊封為夏國公駙馬都尉

重熙元年正月壬申皇太后御正殿受帝與羣臣朝宋遣任布王遵範來賀乙亥宋遣鄭向郭遵範來賀永壽節以後丁丑如

雪林二月大蒐三月壬申朔皇太后誣齊天皇后以罪遣人即上京行弒四月乙巳清暑別輦斗七月獵平地松林以後八月

弘簡錄

卷二百五

遼主之七

丙午駐蹕刺河源皇子洪基生十月己酉幸中京十一月己卯帝率羣臣上皇太后尊號禮畢羣臣上帝尊號曰文武仁聖昭孝皇帝大赦改元丙戌夏國遣使來賀辛卯五國部長來貢夏國王李德昭薨冊國公元昊為夏國主十二月庚戌以耶律求翰同平章事是年放進士劉師貞等五十七人 二年正月乙酉夏元昊初嗣位遣使來貢壬辰女直詳穩臺押率所部來貢宋遣曹琮來告太后劉氏哀章得象安繼昌致遺物隨遣廷昌宮使耶律壽寧給事中知制誥李奎充祭奠使副天德軍節度使耶律卿寧大理卿和道亨河西軍節度使耶律嵩引進使馬世卿充兩宮弔慰使副八月乙卯遣使閱諸路禾稼十一月甲申宋遣劉保符忠李昭述張茂實來謝慰奠十二月己酉祭夏國使沿路私市金鐵 三年二月壬辰以北院樞密使蕭普古

為東京留守戊申耶律太師奴有禮恩詔入屬籍四月皇太后
后遷政于上躬守慶陵六月己亥蕭普古改南院樞密使七月
戊子朔上始親政 四年正月庚寅如耶迷只里部振之六月
癸丑朔皇子寶信奴生十一月壬午改南京總督府為元帥府
乙酉行柴冊禮于白嶺大赦加前父耶律信寧政事令耶律求
翰青宿贊功臣十二月癸丑詔諸軍砲弩弓劍手以時閱習
五年正月從樞密使蕭延寧請改國舅乙室小功帳散史為將
軍四月甲子幸后弟蕭無曲弟山水泛鴈賦詩丁卯頒新定條
制己巳擊鞠五月庚申幸北院大王高十行帳拜與賜銀絹壬
戌詔修南京宮闕府署七月辛丑錄囚耶律把八誣其弟韓哥
謀殺當反坐其弟泣訴憫而從之九月癸巳獵黃花山獲熊三
十六賞獵人十月丁未幸南京曲赦析津府境內囚壬子御元
弘簡錄 卷一百五 三 建主之七

使蕭赫古諸行宮都部署耶律裏里知南面行宮副部署蕭阿
刺里左祇候耶律昌主右祇候俱耶律詳穩庚申封皇子洪基
為梁王 七年二月壬午幸五坊閣鷹鶴三月甲寅錄囚四月
己巳與平公主與夏國元昊不睦遣承旨耶律庶成持詔詰
問六月乙亥御清涼殿試進士賜邢彭年以下五十五人第七
月乙巳阻卜部長屯禿古斯來朝十月甲子朔渡遼河丙寅駐
蹕白馬淀十二月召東京善翰者數十人與近臣角勝上臨觀
之己巳北府宰相撤八寧知東京留守事耶律應穩南府宰相
查割折大內楊隱乙室已恨蕭翰乾州節度使三子帳冠哥轉
郎君詳穩鉅室大王平州節度使宰臣張克恭守司空甲申致
薦慶陵丁亥錄囚非故殺者減科南面侍御壯骨里詐取女直
貢物罪死上以有吏能諛而流之 八年正月戊戌振品部丁
弘簡錄 卷一百五 四 建主之七

趙館都大王辛卯皇子胡盧幹里生肆赦北宰相撒八率迎車駕至其第飲宴角觥為樂壬辰飲皇太后殿夕復引公主駙馬及內族大臣入寢殿劇飲甲午辛中京庚子以駙馬都尉蕭忽列為國舅詳穩十二月乙未置捷木不姑都長以胡撻刺為平章事是歲謀取宋舊制閩南十縣地遣蕭英劉六符使宋丁酉議伐宋詔諭諸道 十一年正月庚戌遣蕭特末劉六符使宋取晉陽及瓦橋以南十縣地且問與師伐夏及沿邊疏濬水澤增益兵戍之故四月甲戌朔頒南征賞罰令六月乙亥宋遣富弼張茂實奉書來聘以書答之壬午御含涼殿放進士王寔等六十四人七月壬寅朔詔外路官勤瘁正直者考滿代不治事者即易之八月丙申宋復遣富弼張茂實奉書來聘乞增歲幣銀絹以替荅之上感其言深切九月壬寅復遣耶律仁先劉六

私簡錄 卷二百五 五 建主之七

符使宋約和議始定閏月癸未仁先遣人還報宋歲增銀絹十萬匹兩文書稱貢送至白溝上喜宴羣臣于昭慶殿命振恤三父族之貧者辛卯仁先六符還進宋誓書十一月丁亥羣臣加上尊號曰聰文聖武英略神功睿哲仁孝皇帝大赦十二月辛亥詔頒備伐宋諸部租稅一年壬子吐渾完項蕭馬夏國詔謹邊防已未宋遣賀正旦及承壽節使居耶帝徽服往觀丁卯祭喪葬殺牛馬及藏珍寶 十二年正月辛未遣折津府同知耶律敵烈樞密院都承旨王惟吉諭夏國與宋和壬申以耶律遼所為東京留守二月壬寅禁關南漢民弓矢已酉夏國高麗遣使來賀尊號甲寅夏國使還奏元昊罷兵遣使報宋四月己亥遣回跋部詳穩都監五月乙未詔復定禮制六月丙午詔世選宰相節度使族屬及身為節度使之家許葬用銀帶仍禁殺

牲以祭庚戌詔漢人官分戶絕恆產以親族繼之辛亥阻卜大王屯禿古斯第太尉撒葛里來朝七月庚寅夏國遣使表請伐宋不從八月丙申謁慶陵九月壬申朝皇太后謁望仙殿壬午謁懷陵十月庚子詔諸路上重囚遣官詳讞壬子夏人使完項遣廷昌宮使高家奴讓之甲子楊隱敵魯古封濼水郡王丁卯出飛龍厓馬分賜羣臣十一月丁亥上京歲餘復其民租稅十二月戊申改政事省為中書省 十三年正月甲子朔朝皇太后二月丙辰置契丹警巡院四月甲寅南院大王耶律高十奏完項等部叛附夏國西南招討都監羅漢奴等亦奏山西郡族節度使屈烈以五部叛亦如之五月壬戌朔羅漢奴所發部兵與完項戰不利招討使蕭普達四捷軍詳穩張佛奴殺于陣夏國來援叛黨戊辰詔徵諸道兵會西南邊以討李元昊六月甲

私簡錄 卷二百五 六 建主之七

午阻卜部長烏八遣其子執夏所遣援兵衣邑改來乞以兵助戰從之乙未遣廷昌宮使耶律高家奴告宋將伐夏七月庚辰夏國遣使來朝貴不以情鞠之八月丁巳夏復遣使來詢事宜又不實對答之九月戊辰宋以親征夏國遣余靖致禮壬申會大軍于九十九泉以皇太弟重元北院樞密使蕭惠將先鋒兵十月庚寅祭天地丙申獲完項偵人射鬼箭丁酉元昊上表謝罪欲收叛黨以獻從之辛亥元昊親率完項三部來進方物詔北院樞密副使蕭革逐之且詰其納叛背盟元昊伏罪許以自新賜酒遣之壬子軍于河曲召羣臣議皆以大軍既集宜加討伐癸丑掩殺數千衆夏人因執駙馬蕭胡觀丁巳夏以先被執者來歸詔亦遣還所留夏使十一月辛酉賜有功將校甲子班師丁卯改雲州為西京辛巳朝皇太后十二月戊申胡觀來

歸是夏詔耶律谷欲都林牙庶成等編集國朝上世以來事蹟
十四年正月壬午以金吾衛大將軍敵魯古為乙室大王二
月庚子朝皇太后駐蹕撒刺濼三月巳卯宋遣使來賀伐夏師
還閏五月丁卯謁慶陵巳卯阻卜大王屯秃古斯率諸部長來
朝辛亥錄賊殺常侍幹古得子習羅為帥十月甲子望祀木業
山十二月癸丑視漢軍習砲射擊刺癸亥決滯獄十五年二
月丙寅蒲盧毛朶界曷懶河戶來附詔撫之三月甲申詔諸道
歲具獄訟以聞四月戊午還邊釐帳戍軍壬戌以北女直詳穩
蕭高六為奚六部大王甲戌蒲盧毛朶曷懶河百八十戶來附
六月戊辰御清涼殿賜進士王棠等六十八人甲戌西北路招
討使耶律敵魯古坐賊免官七月戊子觀獲乙未以北院宣徽
使旅填為左奇離舉丙申籍諸路軍辛丑禁扈從踐民田丁未
弘簡錄 卷一百五 七 建主之七
女直部長進母率眾來附加太師八月癸丑高麗王欽堯十月
丁亥轉旅填楊隱封遼西郡王巳亥渤海部以契丹戶例地括
軍馬乙巳振南京貧民十二月壬申以先帝在時生辰曲赦徒
以下 十六年二月辛酉禁羣臣過宴樂奏請私事詔世選之
官從各部舊舊擇材能用之三月癸巳遣使審決雙州囚壬
寅大雪六月丁巳阻卜大王屯秃古斯來朝獻方物戊午詔士
庶言事七月辛卯幸慶州自是月至于九月日射獵于楚不溝
霞列繁輪石塔諸山十月辛亥幸中京謁祖廟庚午鐵驪仙門
始來朝貢加右監門衛大將軍十一月戊寅祠木葉山巳丑朝
皇太后減雜犯以下死罪一等徒以下免 十七年閏正月癸
丑射虎于候里吉二月辛巳振搖穩朝穩部詔士庶言國來利
便不得及已事奴婢所見許白其主不得自陳夏國來告其主

元昊遣使慰奠三月丙午夏遣使上遺留物丁卯鐵不得開
使來乞以本部軍助攻夏國不許四月甲申蒲盧毛朶部大王
蒲鞏來獻造舟人匠六月庚辰阻卜獻馬駝二萬辛卯長白山
太師柴葛回跋部太師撒刺都來貢方物七月丁未于越摩梅
欲之子不葛一及婆離八部奇離董虎駝等內附甲寅錄囚減
雜犯以下死罪八月丙戌復南京貧戶租稅戊子伐蒲奴里十
一月乙未朔遣使括馬 十八年正月戊戌留夏國賀正使不
遣巳亥遣蕭惟信告宋代夏辛丑錄囚丙辰復霸特山三月丁
巳烏古遣使送款五月甲辰五國部長各率其部來附庚戌回
跋部長兀迭臺扎等來朝六月乙丑錄囚丙寅行十二神蕭禮
巳巳宋遣錢逸致伐夏禮庚辰阻卜貢馬駝珍玩辛巳夏使
來貢留不遣丁亥行再生禮七月戊戌親征八月辛酉渡河夏
弘簡錄 卷一百五 八 建主之七
人遁乃還九月丁未蕭惠等與夏人戰而敗都詳穩蕭慈氏奴
南尅耶律幹里死焉十月北道行軍都統耶律敵魯古率阻卜
諸軍至賀蘭山獲元昊妻及其官僚家屬十二月戊寅慶陵林
木火巳卯錄囚有弟從兄為強盜者兄弟俱無子特原其弟
十九年正月庚寅加僧惠鑑檢校大尉庚子復封敵魯古漆水
郡王諸將校及阻卜等部部長各進爵有差辛丑遣使問罪夏
國二月丁亥夏將注普猥貨乙靈紀等來攻金肅城林牙高家
奴等破之注普被創遁去殺猥貨乙靈紀四月壬申蒲盧毛朶
部楊隱信篤來貢五月丁酉夏將注普來降六月丙辰朔置倒
場嶺都監丙寅謁慶陵大安殿壬申回跋曷蘇館蒲盧毛朶部
各遣使貢馬辛巳御金鑿殿試進士七月乙未阻卜部長豁得
刺道翁并得朝貢加太尉遣之戊戌錄囚戊申以左奇離舉蕭

唐古為北院樞密副使八月丁卯阻卜部長嗜只葛拔里斯來朝九月壬寅夏人侵邊敵魯古遣六院軍將海里舉敗之十月辛未夏國王李諒祚母遣使乞依舊稱藩詔諭別遣信臣詣闕當徐思之壬申釋臨潢府役徒十一月庚戌錄囚二十年二月甲申遣前北院都監蕭友拔等使夏國索項叛戶五月癸丑友拔等還諒祚母表乞如項權進馬馳牛羊等物已已夏復遣使求唐隆鎮及乞罷所建城邑以詔答之六月丙戌以所獲元吳妻及所俘夏人安置蘇州遣所獲夏物于宋九月詔更定條制十月己卯朔括諸道軍籍十一月庚申以楊隱都監蕭漢魯為左旁高舉甲子命東京留守司總領戶部內官事丁卯罷中丞記錄職官過犯令承旨總之二十一年七月甲辰朔召宰相蕭塔烈葛斯不樞密蕭革仁先等賜坐論古今治道戊

弘簡錄 卷一百五 九 建主之七

中祀天地已酉詔北南樞密院日再奏事壬子追尊太祖之祖曰簡獻皇帝廟號元祖妣簡獻皇后太祖父宣簡皇帝廟號德祖妣宣簡皇后追封太祖伯父嚴木為蜀國王釋魯為隋國王癸亥近侍小底盧寶偽學御書免死配役終身八月戊子太尉烏者堯詔配享聖宗廟九月庚申追上太祖以下諸帝后諡號十月丁亥夏國李諒祚遣使乞弛邊備即遣蕭友拔奉詔諭之戊戌射虎于南撒葛栢十一月壬寅朔增諡讓國皇帝以下諸帝后諡號甲子回鶻阿薩爾遣使貢名馬文豹丙寅錄囚二十二年二月丙子回鶻阿薩爾為隣國所侵遣使求援五月壬寅詔內地州縣植果七月己酉阻卜大王屯禿古斯率諸部長獻馬駝閏月癸巳長春州置錢帛司九月壬辰夏國遣使進降表乞進馬駝甲午遣南面林牙高家奴等奉詔撫諭十月丙申

朔日食十二月壬子詔大臣朕與宋主約為兄弟歡好歲久欲見其繪像可諭來使二十三年正月戊子夏國遣使貢方物甲午獵盤直坡四月癸丑獵合只忽里六月壬寅高麗王徵請官其子詔加檢校太尉七月己巳諒祚來求婚已卯詔八房族申憤九月庚寅獵遇三虎縱大獲之十月戊戌幸新建祕書監辛丑有事于祖廟癸丑以開泰寺鑄銀佛像曲赦在京囚十一月壬申帝幸翠華上皇太后尊號甲申羣臣上尊號曰欽天奉道祐世典曆武定文成聖神仁孝皇帝大赦內外官進級有差癸未錄囚二十四年正月戊辰朝皇太后辛巳宋遣使來賀并饋馴象二月己丑朔召宋使釣魚賦詩甲寅夏國遣使來賀五月駐蹕南崖七月次南崖之北峪不豫八月丁亥疾大漸召燕趙國王洪基諭以治國之要戊子大赦縱五坊鷹犬釣魚

弘簡錄 卷一百五 十 建主之七

之具己丑崩于行宮年四十清寧元年十月庚子上尊諡為神聖孝章皇帝廟號興宗 舊史贊曰興宗即位年十有六不能厚嫡母而尊其母臨朝專政賊殺不辜又不能以禮幾諫使齊天死於獄逆以至大行在殯飲酒博鞠俱非王者孝道及謁遣像而哀慟受宋帛而衰經跡其所為若出二人當時無大人進言一賢薦舉祇能感富弼之言遂申而宋之好許諒祚之盟終罷西夏之兵兼以求治甚切親策進士大修條制下至士庶得陳便宜雖未可匹休古之帝王在當時邊塵不驚享國長久亦庶幾晏安者矣

載記 遼主八之上

道宗皇帝諱洪基字涅鄰小字查剌興宗長子初封梁王重熙十一年追封燕國王總領中丞司事十二年加尚書令總北南

院樞密使事進封燕趙國王十八年三月壬子疾愈赦雜犯死罪以下十九年七月癸巳領北南樞密院二十一年拜天下兵馬大元帥知樞密事參預朝政性沉靜嚴毅每朝上為飲春奉遺詔即位極前哀恸不聽政辛卯百條上表固請許之仍詔士庶直言無諱可則擇用否亦不以爲愆癸巳遣使報哀于宋及夏高麗辛丑改是年爲清寧元年大赦九月戊午詔常所幸園塲外毋禁庚申詔除護衛士外不得佩刃入宮非勲戚後及奪爵革副使承應諸職事人不得冠巾壬戌詔奪齊聖及副使之族并民奴賤不得服駝尼水縷裘刀柄兔鶻鞍鞞子不許用犀玉骨突犀惟大將軍不禁乙丑賜內外臣僚賞有差庚午尊皇太后爲太皇太后皇后爲皇太后辛未遣左丞齊聖蕭漢魯翰林學士韓運致遺物于宋及賜高麗夏國癸酉遣使報宋卽

弘簡錄

卷二百五

十一

張孝傑等四十四人二年正月丙辰詔州郡官及僚屬決囚如諸部族例已巳詔二女古部與世預宰相節度使之選者免皮室軍二月乙酉以蕭漢魯知西南面招討都監事乙巳以先帝在時生辰宴羣臣命各賦詩三月巳卯御製放鷹賦賜羣臣諭任臣之意閏月巳亥始行東京所鑄錢乙巳南京奏獄空進留守以下官四月甲子詔方夏長養烏獸孽育之時不得縱火於郊五月戊戌謁慶陵甲辰有事于興宗廟六月丁巳詔宰相舉才能之士戊午命有司籍軍補邊戌辛未罷史官預聞朝議俾問宰相而後書乙亥中京蝗乙酉遣使分道平賦稅繕戎器勸農桑禁盜賊九月庚子幸中京祭聖興二宗於會安殿十一月戊戌知左丞齊聖耶律割里爲北院大王甲辰文武百僚上尊號曰天祐皇帝大赦百官進遷有差十二月戊申朔以陳留

弘簡錄

卷二百五

十一

造玉器十二月辛丑弛駝尼水獺裘之禁是歲皇子游生 五年七月丁酉烏古敵列詳穆肅謀魯為左夸爾畢十月壬子朔幸南京祭典宗於嘉寧殿十一月禁獵十二月壬戌以北院林牙奚馬六為右夸爾畢參知政事吳港以翁洵胃入仕籍前爵為民上御百福殿放進士梁援等百一十五人 六年五月戊子朔監脩國史耶律白請編次御製詩賦仍命為序六月壬戌遣使錄囚丙寅置中京國子監命以時祭先聖先師 七年三月辛亥殺東京留守陳王蕭阿剌六月甲子以蕭讓魯為順義軍節度使丁卯幸弘義永興崇德三宮致祭射柳賜宴賞賚有差戊辰行再生禮復命羣臣分册射柳十一月壬午以知黃龍府耶律阿里只為南院大王 八年五月吾獨婉惕隱屯禿葛等乞放貢馬駝許之六月御清涼殿放進士王鼎等九十三人

弘簡錄 卷一百五 主 建主之八上

辛丑以右夸爾畢奚馬六為奚六部大王七月甲子射熊于外室 刺十二月癸未幸西京 九年三月辛未宋使來告仁宗皇帝崩英宗嗣位五月丙午封皇子游梁王七月丙辰如太子山戊午重元謀反庚申自殺辛酉詔諭諸道壬戌賞功戊辰以黑白羊祭天八月庚午朔遣使安撫南京吏民十月戊辰朔幸興王寺庚午以六院部太保耶律合木知南院大王事十一月辛丑以南院宣徽使蕭九哥為北府宰相 十年正月己亥北幸二月禁南京民決水種粳稻七月壬申詔夾諸路囚辛巳禁僧尼私詣行在晏述禍福取財物九月壬寅幸懷州謁太宗穆宗廟十月壬辰朔駐蹕中京戊午禁民私刊印文字十一月甲子定吏民衣服之制辛未禁六齋日屠殺丁丑詔求乾文閣所闕經籍命儒臣校讐庚辰詔南京不得私造御用絲段私貨鐵及非

時飲酒每歲春秋三司以官錢饗將士是歲南京西京大熟 咸雍元年正月辛酉朔百僚加上尊號曰聖文神武全功大略 廣智聰仁睿孝天祐皇帝改元大赦而梁王游為太子內外官 賜級有差八月丙申客星犯天廟詔諸路備盜賊嚴火禁九月 丁丑左夸爾畢樅古為孟父傲隱十月丁亥朔幸盤巫閭山十 一月壬戌有星如斗逆行隱隱有聲十二月壬子焚惑與月並 行自旦至午 二年三月辛巳以東北路詳穆耶律韓福奴為 北院大王壬午彗星見于西方五月辛巳以戶部使劉詵為樞 密副使同知耶律白為惕隱庚申錄囚丁卯歲旱遣使振山後 貧民九月壬子朔日食以參知政事韓孚為樞密副使十二月 壬午以劉詵參知政事戊子加僧守志守司徒丁酉以西京留 守合木為南院大王辛丑以蕭木者為武定軍節度使御永安

弘簡錄 卷一百五 主 建主之八上

殿放進士張臻等百一人 三年正月甲子御安流殿釣魚三 月癸亥宋使來告英宗皇帝崩神宗嗣位遣右護衛太保蕭捷 不也翰林學士陳昱等弔祭六月戊申有司奏新城縣民楊從 深及偽署官吏上曰小人無知此兒戲爾獨流其首惡餘釋之 庚戌宋遣使致遺物辛亥宋陳襄來報即位遣知黃龍府事蕭 圖古辭中書舍人馬鉉往賀壬戌南府宰相韓王蕭唐古致仕 壬申以廣德節度使耶律藥奴為南府宰相七月辛丑焚惑 見凡三十五日十一月壬辰夏國遣使進回鶻僧金佛并梵書 經十二月丁未東北路詳穆高八為南院大王丁巳行再生禮 赦死罪以下是歲南京旱蝗 四年正月甲戌朔日食辛巳改 易州兵馬使為安撫使二月甲辰朔詔元帥府募軍壬子夏國 李乘常告其父諒祚遣使弔祭癸丑頒行御製華嚴經贊三

月乙酉詔南京除軍行地餘皆得種宿乙未乘常遣使獻遺物
六月壬子西北路兩毅方三十里七月壬申置烏古敵烈部都
統軍司十月辛亥南京霖雨地震曲放徒罪以下囚永清武清
安次固安新城歸義容城諸縣水復一歲租戊辰冊李乘常為
夏國王是歲振西京并應朔德民 五年三月阻卜叛以耶律
仁先為西北路招討使討之七月戊辰夏國遣使來謝封冊九
月戊辰仁先遣人奏阻卜捷十一月丁丑五國割阿里部叛命
蕭素颯討之閏月己未加僧志福守司徒十二月甲子行皇太
子再生禮減諸路徒以下罪一等乙丑詔百官廷議國政甲戌
五國來降仍獻方物 六年四月癸未仁先以所降阻卜部長
至行在五月甲寅詔設賢良科應舉者先以所業十萬言進六
月乙酉御永安殿放進士趙延睦等百三十八人以楊隱耶律
弘簡錄 卷二百五 五 進主八上

事丁巳北院宣徽使劉保都承旨楊興功各賜國姓是歲春州
斗粟六錢 八年正月癸未烏古敵烈部詳穩耶律巢奏克北
邊捷上以戰多殺人飯僧南京中京壬寅昏霧連日二月戊辰
武安并祖州免稅賑中京中興府及恩蔚順惠饒義易等
州四月丁巳駐蹕塔里捨七月己卯慶州新文高八世同居詔
賜爵丁未以御書華嚴經五頌出示羣臣閏月辛未射熊于殺
羊山十一月丙辰大雪許民樵採禁地丁卯賜延昌貧戶錢
十二月戊辰以樞密副使柴德滋參知政事庚寅賜高麗佛經
一藏 九年四月壬辰如旺國崖七月甲辰獵大熊山戊申烏
古敵烈統軍言八石烈敵烈人殺其節度使以叛詔隗烏古部
軍分道擊之丙寅南京奏歸義添水兩縣蝗飛入宋境餘為蜂
所食十月幸陰山遂如南京十一月戊午詔行幸之地免租一
弘簡錄 卷二百五 末 進主八上

白為中京留守七月辛亥獵于合魯聶特八月丙子耶律白薨
追封遼西郡王九月甲寅廷臣薦馬希白詩才敏妙十吏書不
能給召試之十月丁卯五國部長來朝十二月戊午加圓釋法
鈞二僧並守司空 七年三月己酉論討五國功加知黃龍府
蒲延懷化軍節度使高元紀易州觀察使高正千牛衛上將軍
五國節度使蕭陶蘇幹寧江州防禦使大榮並靜江軍節度使
六月癸未南院大王高八致仕七月甲申朔以東北路詳穩合
里只為南院大王西南面招討使拾得奴為奚六部大王己丑
遣使按問五京囚八月辛巳置佛骨于招先浮圖十月己卯如
盤巫閭山壬戌以耶律藥奴為南京統軍使戊辰謁乾陵庚辰
詔百官廷議軍國事十一月戊子免南京流民租己丑振饒州
饑十二月壬子以契丹行宮都部署耶律胡覩知北院樞密使

弘簡錄卷二百五 終

弘簡錄卷二百六

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼主八之下

道宗太康元年正月壬寅振雲州饑二月丁卯解州火遣使恤
 災四月乙酉如嶺山閏月丙午振平澤二州饑六月癸巳興聖
 宮使奚謝家奴如奚六部大王事戊戌知三司使事韓操以錢
 穀增羨授三司使癸卯遣使按問諸路因以叅政柴德滋為武
 定軍節度使九月己卯南京饑免租稅一年仍出錢粟振之十
 月西北路部長遐拾雜塔雙古等來降十一月辛酉皇后被誣
 賜死十二月己丑以耶律藥奴為惕隱漢人行宮都部署耶律
 霖為北院樞密副使東京留守同知蕭鐸刺右奇畝畢西京雷
 守蕭燕六左奇畝畢 二年二月戊子振黃龍府饑三月辛酉
 皇太后崩遣使報哀於宋并高麗夏國及致遺物丁卯大赦六
 月乙酉朔上太行皇太后諡戊子宋及高麗夏國各遣使弔祭
 甲午葬慶陵丁未册皇后蕭氏戊申劉詵復叅政事八月庚寅
 胤秋山遇麋失其母憫之不射九月戊午南京蝗免明年租稅
 十一月南京地震甲戌上欲觀起居注修注印不賴及忽突董
 等不進各杖罷之 三年正月乙卯省諸道春貢金帛及停輸
 尚方銀二月辛卯中京饑罷巡辛四月乙酉泛舟黑龍江五月
 丙辰玉田安次錄傷稼癸亥日中有黑子己巳駮蹕嶺山乙亥
 乙辛誣奏皇太子以無狀不治出其北院樞密使蕭速撒等
 三人於外杖護衛撒撥等六人徙於邊戊寅詔告謀逆事者重
 加官賞六月己卯朔乙辛復誣皇太子詔鞠問囚之宮中辛巳

殺宿直官敵里刺等三人壬午殺蕭撻不也等二人癸未復殺

耶律撒刺等十人又遣使殺上京留守速撒及已徙護衛撒撥
 等六人並籍其家乙酉殺耶律撻不也及其弟陳雷丙戌廢皇
 太子為庶人囚之上京殺東京留守同知耶律回里不戊申遣
 使按五京諸道獄七月辛亥加誣告護衛太保耶律查刺鎮國
 大將軍世預突呂不部節度使之選室韋查刺及蕭寶神奴謀
 魯古並加左衛大將軍十一月乙辛殺皇太子問十二月丙寅
 預行賀正且禮是歲南京大熟 四年正月甲午振東京饑二
 月乙丑駮蹕掃獲野戊辰以東路統軍使耶律王九為惕隱八
 月癸卯詔有司決滯獄十一月丁亥禁士庶服用錦綺日月山
 龍之文辛卯錦州民張寶四世同居命為三班祇候 五年三
 月壬辰加乙辛于越出之以耶律霖為北院樞密使副使耶律
 特里底知北院樞密使事左夷離畢耶律世遷同知北院樞密
 使事五月丁亥謁慶陵以林牙耶律承寧為奇畝畢六月己未
 遣使錄囚放進士劉雅等百一十三人八月庚申撰太宗神功
 碑立於南京九月壬午禁扈從擾民十月壬子詔惟皇子仍一
 字王餘並削降丁巳振平州貧民十一月丁丑召沙門守道開
 壇于內殿癸未復南京流民差役三年十二月丙午慧星犯尾
 乙卯幸西京戊午行再生禮赦雜犯死罪以下 六年三月庚
 寅以忠順軍節度使耶律頡德為南院大王戶部使陳毅叅知
 政事五月壬申免平州復業民租賦一年庚寅旱禱雨六月戊
 申以度支使王績叅知政事七月戊辰觀市十月己未朔省廣
 德軍節度同知命奉先軍節度使兼巡警乾顯二州庚午劉詵
 致事癸酉以陳毅為漢人行宮都部署王績同知樞密院事十

一月巳丑朔日食癸卯召羣臣議政十二月甲子以耶律特星底爲孟父敵穩乙丑以南院樞密同知蕭撻不也爲北府宰相耶律世遷知北院樞密使事耶律慎思同知北院樞密事庚午免西京流民租賦一年丁亥豫行賀正旦禮 七年正月戊申五國部長來貢五月癸丑有司奏永清武清固安三縣蝗甲寅以蕭撻不也兼殿前都點檢知契丹行宮都部署事六月甲子詔月祭觀德殿每歲寒食并諸帝在時生辰及忌日并詣御容殿致奠丁卯以翰林學士王言敷奏知政事七月丙申謁慶陵八月丁卯射鹿赤山加園場使溫葛靜江軍節度使九月戊子次懷州辛卯次祖州命皇后謁懷祖二陵十月戊辰賜隱王九轉南院大王夸葛畢奚抄只爲彰國軍節度使十一月乙酉詔歲出官錢振諸宮分及邊戍貧戶丁亥幸駙馬蕭剛幹第方飲

弘簡錄

卷一百之六

三

續注八下

如春水四月丙午朔大雪平地丈餘馬死者十六七六月甲子轉慎思北院樞密副使庚午詔諸路檢括戶罪至死者原之閏月丁丑以可汗奴爲南院大王知典中府事那熙年代爲漢人行宮都部署王績爲南院樞密副使七月丁酉獵馬尾山丁巳謁慶陵八月高麗王徽薨九月癸卯朔日食己酉射熊于白石山加園場使溫葛左金吾衛大將軍壬申召北南樞密院官議政事十月丁丑謁觀德殿己卯劉筠薨壬辰耶律乙辛伏誅十一月丙午轉蕭何葛南府宰相三司使王經奏知政事兼知樞密事甲寅詔僧善知警校高麗所進佛經頒行之己未定諸令史譯史遷敘等級十二月丁亥以那熙年知南院樞密使事辛卯王言敷爲漢人行宮都部署是年放進士李君裕等五十一人 十年二月庚午朔遠萌古國遣使來聘十二月乙未改慶

弘簡錄

卷一百之六

四

續注八下

軍士五月丁巳朔放進士張敬等二十六人丁丑以牧馬蕃息多至百萬賞犒牧官以次進階戊寅宰相梁頌出知興中府事六月丁亥朔以左夸离畢耶律坦為惕隱癸卯遣使按諸路獄壬子高墩以下縣令錄事兄弟及子悉許叙用八月戊子以雪罷獵九月丙子謁二儀五營二殿辛巳召南府宰相議國政十月丁亥夏國王李秉常薨詔其子乾順知國事十二月己亥李乾順遣使上遺物是歲賜興聖積慶二宮貧民錢由粟振上京中京及遼乾順庚戌五州貧民 三年正月詔出戶部粟振諸路流民及義州之饑又出雜帛賜中京并限烏古部己卯大雪二月以民多流散除安泊逃戶徵償法三月免錦州上京貧民租一年及諸路貢輸之半四月甲辰南府宰相王績薨五月庚申海雲寺進濟民錢千萬七月庚午大雨罷獵壬辰罷節度使弘簡錄 卷一百之六 五 續修四庫全書

已下官進珍玩十一月甲寅以耶律坦同知南京留守事耶律王九為南府宰相十二月己卯朔以樞密直學士呂嗣立參知政事 四年正月甲寅太白晝見庚午免上京逋逃及貧戶稅賦甲戌許上京南京良人自鬻丁丑曲赦西京奉聖春泰等州役徒終身者五歲而免三月乙丑免高麗歲貢己巳振上京及慶祖春平錦來蘇古復淥鐵等州貧民并免稅租乙酉減諸路常貢服御物丁酉立入粟補官法癸卯召樞密直學士耶律儼講常書洪範五月丙寅禁挾私引水犯田六月丁亥以南院樞密同知耶律誦里知右夸离畢事庚寅耶律頤德致仕七月丙辰遣使冊李乾順為夏國王己巳禁錢出境八月庚辰有司奏宛平永清蝗為飛鳥所食庚寅謁慶陵十月丁丑獵遼水之濱癸未免百姓所貸官粟奏己巳西北路招討使蕭朽哥知乙室

大王事壬寅詔諸部長官親鞠獄訟十一月庚申興中府民張化法以父兄犯盜當死請代皆免十二月戊寅耶律王九致仕癸未以孟父敵穩耶律慎思為中京留守閏十二月癸卯朔預行賀正旦禮 五年三月癸酉詔析津大定二府精選舉人論學者窮經明道四月甲辰以知奚六部大王事涅葛為本部大王壬子微北山甲子霖雨罷獵五月丁亥駐蹕赤勒嶺己丑以阻上慶吉斯為諸部長己亥以左祇候郎君班詳穩耶律涅里知北院大王事六月壬戌以王言敷為樞密副使前樞密副使賈士勳參知政事兼同知樞密院事十月乙巳詔新定法令大煩復行舊法 六年四月丁酉東北路統軍司設掌法官庚子以南院樞密同知耶律吐朶知左夸离畢事六月甲寅遣使夾五京囚是年放進士文充等七十二人 七年二月壬寅詔給弘簡錄 卷一百之六 五 續修四庫全書

渭州貧民耕牛布絹五月己未朔日食六月己亥倒塌嶺人進古鼎有文曰萬歲永為寶用丁未端拱殿門災七月戊午朔回鶴遣使來貢異物不納厚賜遣之八月庚寅霖雨罷獵九月己亥日本國遣鄭元鄭心及僧應範等二十八人來貢十一月甲子聖祀木葉山 八年三月己亥駐蹕撻里拾浣丁未曲赦中京蔚州役徒四月丁丑惕隱部長胡里只來附六月乙丑夏國為宋使遣使乞援十月丙辰賑西北路饑辛酉阻上磨古斯殺金吾吐古斯以叛遣奚六部禿里耶律郭三發諸蕃部兵討之壬申南府宰相王經薨戊寅以左夸离畢耶律涅里為彰聖軍節度使十一月戊子以樞密副使王是敦兼知樞密院事丁酉通州潦水害稼遣使賑之戊申北院大王合魯薨是年放進士冠尊文等五十三人 九年磨古斯來侵以知北院樞密事取

律幹特刺為都統奪高畢耶律吐朶副之龍虎衛上將軍耶律
胡呂為都監往討積慶宮使蕭紉里監戰七月磨古斯詣西北
路招討使耶律撻不也偽降既而乘虛來襲撻不也死之阻卜
烏古禮皆叛八月壬子籍詣路兵癸丑以南院大王特末南京
留守同知鄭家奴與同場都管徹八並為西北路行軍都監給
以馬三千往援十月烏古敵烈統軍使蕭朽哥並特抹等奏討
阻卜等部提賞之壬戌以樞密直學士趙廷睦參知政事兼同
知南院樞密使事甲子宋遣使告其母后曹氏哀遣使弔祭已
已詔廣積貯以備水旱十二月丙辰宋饋母后遺物是歲與
中府甘露降遣使祠佛飯僧 十年正月戊子烏古禮等來降
達里底拔思母二部復來侵四提軍都監特抹死之二月丙午
西南面招討司奏捷三月壬申朔日食四月壬寅惕德萌得斯
私簡錄 卷一百之六 七 建王八下

路貧民緡四月丁卯幹特刺奏討耶視剌捷五月乙未朔錄有
功將士加陳家奴尚書右僕射撤八鎮國大將軍吐朶為惕德
南京宣徽使耶律特末為北院大王癸卯贈陣亡者官六月已
巳以知奚六部大王事回里不為本部大王權參知政事趙孝
嚴為漢人行宮都部署癸巳阻北長杏里底及圖木葛來貢七
月庚子阻卜長猛達斯等來貢癸丑頗里八部附進方物甲寅
幹特刺奏破磨古斯捷進官九月甲寅祠木葉山丙辰詔西京
砲人斡人教西北路漢人十一月甲辰夏國進貝多業佛經是
年放進士陳衡甫等百三十人 二年正月乙卯駐蹕瑟尼思
辛酉市牛給烏古敵烈畏烏古部貧民二月癸亥振達麻里別
古部四月已卯振西北邊軍七月甲午阻卜來貢八月乙丑頗
里八部進馬九月丙午徙烏古敵烈部于烏納水以扼北邊之
私簡錄 卷一百之六 八 建王八下

求授丁亥以遼興軍節度使涅里為惕隱十一月乙巳朔知右
 忝離畢事藥師奴樞密止學士耶律儼使宋諷與夏和 五年
 正月己酉詔夏國王李乾順伐拔思毋等部五月壬戌藥師奴
 等使廻奏宋罷兵六月乙未五國部長來朝戊戌阻卜來貢已
 亥以興聖宮使耶律淑家奴為右奪離畢七月壬寅朔惕德長
 禿的等來貢辛亥如大平古山十月己亥朔高麗王顯遣使乞
 封冊以為三韓國公丁卯宋遣郭知章曹平來聘戊辰賑遼州
 饑仍免租賦一年十一月甲戌賑南北二紉乙酉夏國以宋罷
 兵來謝十二月甲子轉梁援遼興軍節度使 六年正月癸酉
 南院大王耶律吾也薨壬午以太師致仕禿開起為奚六部大
 王辛卯幹特刺執磨古斯來獻命磔于市丙申詔問民疾苦癸
 丑出絹賜五院貧民辛酉宋遣使告神宗皇帝崩弟徽宗嗣位
 弘簡錄 卷一百之六 遼主八下
 遣使弔祭并賀三月甲申弛朔州山林之禁四月丁酉朔日食
 五月壬午烏古部破茶扎刺乙酉趙孝嚴薨辛卯宋遣使饋遺
 物六月庚子遣使往賀以有司案牘書宋主嗣位為登寶位上
 怒詔奪宰相以下官出郊顯知興中府事韓資護崇義軍節度
 使中丞韓若義廣順軍節度使癸丑阻卜部長來貢戊午遣使
 決五京滯獄己未以梁援為樞密副使七月壬申耶觀刮諸部
 寇西北路幹特刺又擊敗之使來獻捷九月癸未望祠木葉山
 十月壬寅樞密副使王師儒監修國史甲寅平州饑復其租賦
 一年十一月壬寅天德軍民田世榮三世同居詔官之丙子以
 安車召鑿巫閭山僧志達設壇於內殿戊子李乾順請尚公主
 十二月己亥以郝家奴為北面林牙庚申帝不豫詔燕國王延
 禧擬注大將軍以下官是歲放進士康乘儉等八十七人 七

年正月壬戌朔方疾御清風殿受百官及諸國使賀是夜白氣
 如練自天而降黑雲起於西北疾飛有聲北有青赤黑白氣相
 雜而落癸亥如混同江甲戌崩於行宮在位四十七年壽七十
 舊史贊曰道宗初即位求直言訪治道勸農興學救苗恤患察
 然可觀及夫諂諛之令既行告訐之賞日重羣邪並興讒巧競
 進賊及骨肉皇基寔危眾正淪胥諸部反側甲兵之用無寧歲
 矣一歲而餉倍三十六萬一日而視髮三千徒勤小惠蔑計大
 本尚足與論治哉
 載記 遼主之九
 天祚皇帝諱延禧字延寧小字阿果道宗嫡孫父太子湫母蕭
 氏以太康元年閏四月庚戌生賜妃親及東宮僚屬爵賞有差
 三年太子被誣事既白帝悔六年三月庚寅封為梁王加守太
 尉兼中書令為設旗鼓搜刺六人護衛之八年詔加化哥金吾
 衛大將軍以為傳導九年十一月丙午進封燕國王大赦命知
 制誥王師儒牌印耶律固傳導之大安二年六月乙巳阻
 卜部長余古郝及爰的來朝詔與相結為友八月己卯出太祖
 太宗所御鎧仗諭以創業征伐之艱十一月甲戌行再生禮曲
 赦上京罪囚四年五月辛亥命寫尚書五子之歌六月又命知
 中丞司事五年十一月丁卯生子大赦妃之族屬爵賞有差七
 年十月辛巳命總北南院樞密使事加尚書令天下兵馬大元
 帥壽隆四年復以耶律幹特刺兼契丹行宮都部署以傳導之
 道宗崩遺詔即位極前羣臣上尊號曰天祚皇帝二月壬辰朔
 改是年為乾統元年大赦詔凡為耶律乙辛誣陷者悉復官爵
 出籍沒還流赦有差乙未遣使告哀于宋及西夏高麗三月甲

戊召僧法頌放戒于內庭四月旱六月庚寅朔如慶州甲午宋遣王潛等來弔祭丙申高麗夏國各遣使慰奠庚子上大行尊謚曰仁聖大孝文皇帝廟號道宗及改諡懿德皇后為宣懿辛亥合葬慶陵自八月至于十月連謁慶懷乾陵甲辰上皇考昭懷太子謚曰大孝順聖皇帝廟號順宗皇妣曰貞順皇后十二月戊子以翰林學士張奉珪參知政事兼同知樞密院事癸巳宋遣黃寶來賀仰位丁酉高麗夏國並遣使來賀是歲生女直部阿骨打襲節度使二年三月大寒水復合四月辛亥癸乙辛得里特之墓剖棺戮屍以其家屬分賜被殺之家諸黨與子孫徙之于邊六月壬辰以雨罷獵壬子李乾順為宋所攻遣使求援閏月庚申策賢良壬申降惠妃為庶人七月獵黑嶺以霖雨給獵人馬十月乙卯蕭海里叛劫乾州武庫器甲命北面林弘簡錄

卷一百之六

十一 遼主之九

南京十一月乙亥御廄月樓賜貧民錢五年正月乙亥夏國乞伐宋丁酉遣樞密直學士高端禮等諷宋罷伐夏兵二月癸卯徵行視民疾苦三月壬申夏國請尚主凡三以族女南仙封成安公主下嫁之四月甲申射虎炭山五月壬子宋遣曾孝廣王戡報聘七月謁慶陵乙卯謁乾陵十一月戊戌禁商賈之家應進士舉丙辰高麗三韓國國王顯堯子侯來告十二月癸酉宋遣林洙來議與夏約和六年正月辛丑遣蕭得里底牛溫舒使宋諷歸所侵夏地六月辛巳夏國遣使來謝及貢方物十月乙亥宋與夏通好遣劉正符曹穆來告十一月乙未耶律馬奴為奚六部大王丙申行柴冊禮戊戌大赦封皇子敖盧幹晉王習泥烈饒樂郡王巳亥謁太祖廟甲辰祠木葉山七年放進士李石等百人八年四月丙申封高麗王侯為三韓國公弘簡錄

卷一百之六

十二 遼主之九

上歡甚燕琴臣親御琵琶是秋駐蹕奉聖州十一月乙卯幸南
 京丁卯謁太祖是年放進士韓昉等七十七人 三年正月丙
 寅賜南京貧民錢甲戌禁僧尼破戒丙子獵狗牙山三月籍諸
 道戶徙大半古山園場地居民于別土阿骨打率五百騎突至
 咸州吏民大驚自是遇上召輒稱疾不復至矣閏四月左道李
 弘聚眾為亂詔支解分示五京十一月甲午以三司使虞融知
 南院樞密使事西南面招討蕭樂古為南府宰相 四年正月
 女直阿蘇來奔阿骨打遣人來索七月東北路統軍司奏女直
 阿骨打反攻寧江州上在慶州射鹿不以介意遣海州刺史高
 仙壽統渤海軍應援蕭撻不也與女直戰于寧江東敗績十月
 壬寅以守司空蕭嗣先為東北路都統靜江軍節度使蕭撻不
 也副之發契丹奚軍三千中京禁兵及土豪二千別選諸路武
 勇合萬餘人命虞候崔公義控鶴指揮那頡押往軍潰公義頡
 及耶律佛雷蕭葛十等死之獲免者僅十七人十一月壬辰都
 統蕭敵里等復營幹鄰深東為女直所襲死者甚眾甲午免敵
 里官辛丑以西北路招討使耶律幹里朶為行軍都統副點檢
 蕭乙薛同樞耶律章奴副之十二月咸賓祥三州及鐵驪兀惹
 皆叛入女直乙薛往援賓州南軍諸將實斐特烈等往援咸州
 並為女直所敗 五年正月遣僧家奴持書約和阿骨打遣賽
 刺復書欲歸叛人遷黃龍府于別地然後議之幹里朶等與戰
 于達魯古城敗績二月遣耶律張家奴等齎書斥阿骨打名冀
 其速降六月壬子使還復書亦斥上名速降如之癸丑詔諭諸
 道車駕親征癸亥以惕隱耶律末里為北院大王遣蕭辭刺復
 使女直以書辭不合見丙七月辛未宋遣使致助軍銀絹丙子

徹于嶺東幹里朶等又敗于白馬濼皆免官八月甲子罷獵始
 趨軍中丙寅以圍場使阿不為中軍都統張家奴為都監率番
 漢兵十萬蕭奉先充御營都統耶律章奴諸行營都部署以精
 兵二萬為先鋒餘分五部為正軍貴族子弟千人為硬軍扈從
 百司為護衛軍北出駱駝口復以都點檢蕭胡覩姑為都統樞
 密直學士柴誼副之將漢步騎三萬南出寧江州自長春州分
 道而進發數月糧期必減女直九月丁卯朔女直陷黃龍府已
 巳辭刺還女直復遣賽刺陽為卑辭實欲求戰書進上大怒下
 詔有女直作過大軍翦除之語十一月命駙馬蕭特末林牙蕭
 察刺等將騎兵五萬步卒四十萬至幹鄰濼上自將親軍七十
 萬至應門十二月戊申戰于護步答岡敗績盡亡其輜重是歲
 耶律章奴謀立魏國王淳饒州渤海古欲自稱大王以蕭謝佛
 留等討之而敗復命南面副部署蕭陶蘇幹招獲之耶律張家
 奴又叛以北面林牙耶律馬哥致討 六年正月東京留守蕭
 保先為政嚴酷渤海人患苦攻殺之其裨將高永昌僭號稱隆
 基元年遣蕭乙薛高典招之不從閏月己亥遣蕭韓家奴張琳
 往討戊午貴德州守將耶律余覩以廣州渤海叛附永昌我師
 擊敗之二月戊辰侍御司徒撻不也等與張家奴戰于祖州敗
 績乙酉復遣蕭特末率諸將往討戊子張家奴誘饒州渤海及
 中京賊侯傑等萬餘人攻陷高州三月東而行軍副統酬幹等
 擒侯傑于川州四月戊辰親征張家奴敗之饒州渤海平丙子
 賞功奪張琳官琳因奏前日之敗失於輕舉若用漢兵二十萬
 分道而進計無不克上許其半詔中京上京長春遼西四路討
 戶產出軍有雜畜十頭以上皆籍之至有起至二百軍者生業

蕩散民甚苦之四路軍甫集誅復遁去五月女直攻蒲州東京
陷擒高永昌族人張孛鐸刺吳十撻不也道刺酬幹等十三人
皆降女直七月春州渤海二千餘戶叛東北路統軍使勤兵起
及盡俘以還八月烏古部叛遣中丞耶律撻不也等招降之十
一月東面行軍副統馬哥等攻易蘇館敗績削官 七年正月
女直軍攻春州復下秦州東北面諸軍不戰自潰女古皮室四
部及渤海人皆降二月漆水縣賊董胤兒聚眾萬餘西京留守
蕭乙薛南京統軍查刺與戰于易水破之三月麗兒黨復聚乙
薛擊破之于奉聖州五月庚寅東北面行軍諸將涅里合魯烈
哥虛古等于禁地射鹿棄市八月命都元帥赴沿邊會四路兵
馬防秋九月上自燕至陰涼河置怨軍八營募自宜州者曰前
宜後宜自錦者曰前錦後錦自乾自顯者曰乾曰顯又有乾顯
弘簡錄 卷一百之六 五 遊主八下

與奴哥持書報知前約六月丁卯遣奴哥等齎宋夏高麗書詔
表牒至金七月獵秋由金復遣胡突來免取質子及上京興
中府所屬州郡裁減歲幣之數因欲事以兄禮冊用漢儀八月
庚午遣奴哥突迭使金議冊禮九月金留突迭遣奴哥還如言
不從勿復遣使十二月甲申議定冊禮遣奴哥使金是年放進
士王暉等百三人 九年正月金遣烏林答贊謨持書來迎冊
三月丁未朔遣知右奇軍事蕭習泥烈等冊金主為東懷國
皇帝七月金責冊文無兄事之語不言大金而云東懷乃小邦
懷其德之義及其中有巢材二字語涉輕侮若遺芬多哉等語
又非善意殊乖體式如依前書所定然後可從九月復遣習泥
烈與楊立忠持冊裝使金烏林答等亦還是歲賊張撒八誘中
京射糧軍偕稱南面軍帥余視擒之阻卜補疎只等叛執招討
弘簡錄 卷一百之六 六 遊主之九

使耶律幹里朶都監蕭斜里得死之耶律陳圖奴等二十餘人
謀反伏誅 十年二月金復遣烏林答贊謨持書及冊文副本
以來仍責乞兵于高麗三月庚申以金人所定大聖二字與先
世稱號同復遣習泥烈往議金主怒遂絕之四月獵狐土白山
間金師再舉耶律白斯不等選精兵三千以濟師五月金攻上
京克外郭留守撻不也率眾出降六月乙酉以北府宰相蕭乙
薛為上京留守知鹽鐵內省兩司東北統軍司事
保大元年正月丁酉朔改元肆赦時郡縣所失幾半上有四子
長趙王母趙昭容次晉王母文妃次秦王許王皆元妃生國人
知晉王賢深所屬望元妃兄樞密使蕭奉先恐秦王不得立潛
圖之文妃姊妹三人長趙耶律撻葛里次即妃次趙余親一日
其姊妹俱會年前奉先諷人誣駙馬蕭昱及余親等謀立晉王

事覺昱捷曷里等伏誅文如賜死獨晉王未忍加罪余親在軍中聞之大懼即率千餘騎叛入金上遣知奚王府事蕭選買北府宰相蕭德恭大常察耶律諦里姑歸州觀察使蕭和尚奴四軍并太師蕭幹將所部兵追之始肯追襲不及反授以官十一月癸亥以西京留守趙王習泥烈為傷隱 二年正月乙亥金克中京下澤州帝出居庸關至鴛鴦池余親引婁室孛董奄至蕭奉先曰余親此來欲立甥晉王耳何借一子明其罪誅之余親可不戰退矣帝遂賜晉王死王素有人望諸軍聞其死無不流涕由是人心解體余親引金人迫行宮帝率衛士五千餘騎幸雲中遣傳國璽于桑乾河二月甲午以北院大王耶律馬哥漢人行宮都部署特末並為都統太和宮使耶律補得副之將兵屯鴛鴦池已亥金師敗奚王霞末于北安州降其城三月辛卯金師將出嶺西遂趨白水樂乙丑群牧使謨魯幹降金丙寅帝至女古底倉金兵將近計不知所出乘輕騎入夾山方悟奉先之不忠怒曰汝父子誤我至此始誅奉先遂蕭得里底召撻不也典禁衛丁卯以副使蕭僧孝奴知北院樞密使事同知院事蕭查刺為左丞離畢戊辰殿前點檢同知耶律高八率衛士降金已巳金軍獲偵人蕭和尚牌印耶律斯癸酉諸局百工多亡詔凡扈從不限吏民皆官之四月辛卯西南面招討使耶律佛頂及雲內寧邊東勝等州皆降阿疎仍被金擒金已取西京沙漠以南部族皆應帝遂遁於訛莎烈北部謀葛失燈馬馳食羊五月甲戌都統馬哥收集散亡會于溫里謹拜知北院樞密使事謨葛失復以兵來援金人敗之于洪灰水擒其子陀古及其屬阿敵音夏國援兵至亦為所敗七月乙丑上

京毛八十率二千戶降金辛未夏國遣曹价來問起居八月戊戌親遇金軍戰于石雅驛敗績都統蕭特末及其姪撒古被執辛丑會軍于歡捷新查刺金兵追之急棄輜重以遁九月敵烈部叛都統馬哥克之十月金兵降蔚州十一月乙丑聞金兵至奉聖州遂率衛兵遁于落昆髓金兵臨居庸關厓石自崩戊卒多歷死十二月金撫定南京上由埽里關出居四部族詳穩之家 三年正月丁巳奚王回離保僭號稱天復元年命都統馬哥討之庚辰宜錦乾顯成川蒙懿等州相繼皆降二月乙酉朔典中府及來州并歸德軍節度使田顯權隰州刺史杜師回權遷州刺史高永昌權閭州刺史張成皆籍所管戶降金癸巳與中宜州復城守三月駐蹕于雲內州南四月甲申朔以蕭僧孝奴為諸道大都督戊戌金圍輜重于青塚硬塞泰許二王及諸弘簡錄 卷上之六 大 建主之九 如公主從臣皆陷沒壬寅金遣人以書來招癸卯答言請和丙午金兵送族屬輜重東行遣兵邀戰于白水樂趙王習泥烈蕭道寧皆被執帝遣牌印耶律謀慮无送兔紐金印偽降遂西遁雲內駙馬乳奴詣金降已酉金帥復以書來不許請和五月已卯夏國遣使請臨其國辛酉渡河止于金肅軍六月遣使冊李乾順為夏國皇帝十月復渡河東還居突呂不部 四年正月帝趨都統馬哥軍金人來攻奈營北遁馬哥被執謨葛失來迎監馬馳羊率其部人防衛封為于越王二月耶律選設等十人謀叛伏誅先是大石林牙已為金所執數月復歸帝自謂天助又得陰山室韋謨葛失兵謀復收燕雲率諸軍出夾山下漁陽嶺取天德東勝寧邊雲內等州南下武州遇金人戰于奄遐下水復潰直趨山陰八月國舅詳穩蕭撻不也筆視祇侯察刺降

金是月金主阿骨打死九月建州降金十月招古牙亦率眾降
金攻典中府咸無拒意十一月從行者舉兵亂北護衛太保木
者舍利詳穩牙不里等擊敗之十二月置二總管府 五年正
月辛巳党項小斛祿遣人請臨其地戊子趨天德過沙漠金兵
忽至帝徒步乘張仁貴馬得脫近侍進珠帽却之已丑遇雪無
禦寒具途次絕糧木者進貂帽及麩與棗衆惟自齧冰雪欲愁
即跪坐木者之股復倚之假寐過天德已夜將宿民家給曰偵
騎其家知之乃叩馬首跪而大慟潛宿其家居數日嘉其忠遙
授以節度使遂趨党項以小斛祿為西南面招討使總知軍事
仍賜其子及諸校爵賞有差二月至應州新城東六十里為金
將完顏婁室等所獲八月癸卯至金丙午降封海濱王以疾終
年五十四在位二十四年金皇統元年二月改封豫王五年葬
弘簡錄 卷二百六 終

弘簡錄卷二百六 終

弘簡錄卷二百七

明刑部員外郎仁和弘齋邵經邦學
皇清翰林院侍講學士四世孫遠平校閱
載記 遼后妃

太祖后 太宗后 世宗后 穆宗后
景宗后 聖宗后 道宗后
天祚后 文妃 德妃 文妃 德妃 文妃

遼因突厥舊俗稱皇后曰可敦國語謂之咸俚蹇尊稱曰稱幹
唐制尊祖母曰太皇太后母曰皇太后嬪曰皇后本無姓氏以
營慕漢高帝故耶律儼舊史稱劉氏其后族乙室拔里世任國
事以比蕭相國故后皆為蕭氏云 太祖后述律氏諱平其先
弘簡錄 卷二百七 遼后妃一

回鶻人糯思生魏寧舍利魏寧生慎思梅里慎思生婆姑梅里
婆姑名月梳仕遙華氏為阿扎割只娶勻德慈王女生后于契
丹右大部自幼簡重多智而忍後歸太祖果斷有雄畧諳語地
祇為青牛姬有童謠曰青牛姬曾避路及迎后至遼土二河之
會忽有女子乘青牛車倉卒不見自此興兵動衆嘗與后謀遇
太祖乘虛渡磧襲擊党項黃頭吳泊二室羣后勒兵以待奮擊
大破之名震諸蕃即位並上尊號曰地皇后又加號應天大明
晉王李存勗欲結為援事以叔母幽州劉守光遣韓延徽來聘
太祖怒其不拜遣使收馬諫曰守節不屈此必賢者宜禮用之
得召見與語大悅以為謀主將選三萬騎攻幽州勸曰豈有試
誓而攻人國者指帳前樹曰無皮可以生乎太祖曰不可后曰
幽之有土有民亦由是耳吾以三千騎掠其四野不過數年因

而歸我矣何必為此萬一不勝為他國笑吾部落不將解體乎其謀畧多此類後平渤海亦預有謀太祖崩悉召從行將帥等妻謂曰我今為寡婦汝等豈宜有夫因殺大將百餘曰可往從先帝于地下左右有過者亦多殺於幕隧中大將趙思溫以材勇為太祖所寵後因事怒之使送木葉山不肯行后曰爾先帝親信安得不往見之思溫對曰親莫如后何乃不行后曰我本欲從以子幼國中多故尚未能也今可斷吾一臂以送之左右切諫乃斷其一腕納于壙中而釋思溫不殺凡生三子太祖嘗謂太宗必興我家后欲令太子倍避之乃冊為東丹王又常屬意少子李胡太宗即位尊為皇太后建生日為永寧節十月癸卯永寧節帝率羣臣上壽延和宮天顯五年正月甲午朝皇太后十年二月丙戌皇太后父族及母前夫之族二帳並為國舅

弘簡錄 卷一百之七 遼后紀一

以蕭細思為尚父領之十一年七月上以李從珂弒君自立神人共怒白太后宜行天討十二月戊子以滅唐立晉遣使馳奏太后十二年正月丙戌駕還遣侍衛實魯趣行戊寅朝于皇太后十月庚辰朔永寧節晉及回鶻燧煙諸國皆遣使來賀會同元年九月庚戌晉遣司空馮道散騎常侍韋勳來上尊號口廣德至仁照烈崇簡應天皇太后御開皇殿受冊三年七月癸酉朝于皇太后五年七月丁丑違豫上馳入侍湯藥仍告太祖廟幸菩薩堂飯僧七日乃愈及滅晉勸帝欲用一漢人為主太宗不可怒曰汝得中原不能有後必有禍悔無及矣既而太宗果崩于路后不哭撫其尸曰待我國中人畜如故然後葬汝及世宗即位遷后于祖州應曆三年崩年七十五冊葬祖陵諡貞烈重熙改諡淳欽

太宗后蕭氏小字溫淳欽皇后弟室魯之女帝為大元帥納為妃生穆宗及即位立為皇后性聰慧潔素尤被寵顧雖軍旅田獵必與天顯九年十二月壬辰皇子阿鉢撒葛里生不豫明年正月戊申崩于行在五月甲午朔始製服行喪丙午葬于泰陵上自製文諡曰彰德十年十一月丙午幸弘福寺為皇后飯僧重熙同改諡靖安

世宗后蕭氏小字撒葛只淳欽皇后弟阿古只之女帝為永康王納之生景宗天祿末立為皇后明年秋生萌古公主在尊察劄作亂后乘步輦直詣弒所請畢收殮明日遇害諡曰孝烈重熙同改諡懷節 妃甄氏後唐宮人有姿色帝從太宗南征得之寵遇甚厚生寧王只沒及即位立為皇后嚴明端重風神開雅內治有法莫敢干以私劉知遠郭威稱帝世宗承強盛之資

弘簡錄 卷一百之七 遼后紀一

奄奄歲時后與參帷帳密贊大謀不果後亦死察割之難景宗立葬二后于盛巫闔山建廟陵寢之側

穆宗后蕭氏內供奉翰林承旨知璠之女生有雲氣覆柳久之幼有儀則帝居藩納為妃及正位中宮性柔婉不能規正無子景宗后蕭氏諱綽小字燕燕父思溫有傳后早聰慧思溫愛之過於諸女即位選為貴妃尋冊為皇后生聖宗即位尊為皇太后攝國政泣語宰臣母寡子弱族屬雄強邊防未靖奈何耶律糾軫韓德讓進曰信任臣等何慮之有后於是悉意與大臣參決大政統和元年二月丙申詣陵置奠命繪近臣於御容殿尋改為玉殿酒谷為聖谷五月乙亥詔近臣議上尊號樞密使韓德度以後漢太后臨朝故事草定之七月甲寅朔臨朝聽政八月辛卯親祭父楚國王墓十二月己亥觀漁于玉盆澗辛丑觀

于游湖雙溪然萬魚燈二年二月朝皇太后因請觀獵於僊樂川四月庚寅皇太后臨決滯獄六月巳卯朔又決獄至月終七月癸丑行再生禮三年六月甲戌親決滯獄八月癸未帝奉皇太后謁乾顯二陵四年正月丁卯朝皇太后決滯訟三月辛巳宋兵入涿州上與皇太后駐兵馳羅口詔趣東征兵馬以爲應援委于越休哥以南邊事四月癸未休哥提聞上祭天地率羣臣賀于皇太后庚申上朝皇太后五月壬申皇太后生辰從還九月甲午皇太后行再生禮爲帝祭神祈福十一月祭日月爲駙馬勒德祈福五年四月丁酉朔百僚冊上皇太后尊號曰睿德神畧應運啟化承天皇太后六年八月丁酉幸韓德讓帳厚加賞資七年四月巳未幸延壽寺飯僧丁卯謁奇首可汗廟十年九月癸卯幸五臺山金河寺飯僧十二年四月戊戌景宗并

弘簡錄 卷一百一十七 四 遺后紀一

御戎車指麾三軍賞罰信明將士用命聖宗稱遼盛主后教訓爲多焉 聖宗后蕭氏小字菩薩哥睿智皇后弟駙馬隗因之女母公主粘米哀年十二美而才選入掖庭事帝凡四十年統和十九年三月皇后蕭氏以罪降爲貴妃五月更冊爲齊天皇后素有巧思嘗以草造爲殿式密付有司令造清風天祥八方三殿既成益寵異之所乘車置龍首鵲尾飾以黃金又造九龍轎諸子車以白金爲浮圖夏秋從行山谷間花木如繡車服相錯人整之以爲神仙開泰三年與上同獵瑞鹿原太平三年七月丙戌立生日爲順天節宋遣薛奎郭盛來賀七年上與臨幸祇拜后父母空帳失致敬禮今後可設像拜謁生二子皆天養宮人擗斤所生子爲巳子即興宗也視如巳出興宗侍后亦謹擗斤不悅

弘簡錄 卷一百一十七 五 遺后紀一

太后石像成幸延壽寺飯僧九月丁卯奉安石像于延芳旋及乾州十五年二月丙午夏國遣使來貢并問安皇太后八月丁酉戒帝獵于平地松林十九年四月丙午帝問安皇太后二十一年三月甲午朝皇太后七月丙戌朝皇太后二十二年四月丁卯朝皇太后十二月戊子宋遣李繼昌請和尊太后爲叔母二十三年二月辛酉朝皇太后五月戊申朔宋遣孫僅等來賀

生辰七月癸丑問安皇太后十月戊子朝皇太后十一月戊申太后遣太師益奴政事舍人高正使宋賀正且二十七年十二月乙酉不豫戊子肆赦辛卯崩于南京行宮明年正月癸酉奉安梓宮于乾州鼓塗殿謚曰聖神宣獻皇后重熙十一年興宗與皇太后素服飯僧于延壽憫忠二寺二十一年改謚睿智后明達治道開善必從故羣臣咸竭其忠習知軍政澶淵之役親

尊為皇太后攝政追封曾祖為蘭陵郡王父為齊國王諸弟亦皆王封以生辰為應聖節賜駙馬蕭釗不里蕭匹敵死殺其黨彌勒奴觀音奴等圍場都太師女直著骨里右祇候郎君詳穩蕭延雷等七人棄市成籍其家七月丙午朔率皇族大臨于太平殿宋遣孔道輔魏昭文賀皇太后冊禮梅詢張綸吊慰復遣右領軍衛上將軍耶律遜少府監馬憚充謝宋使十一月乙未問安皇太后重熙元年十一月巳卯上尊號法天應運仁德章聖皇太后宋遣陳瑛王克善來賀又遣劉隨王德來賀應聖節三年后陰召諸弟議欲立少子重元帝乃收太后符璽遷于慶州七括宮六年秋帝悔之七年春遣使問安親馭奉迎居大安宮侍養益謹獵金山進鹿尾茸十一月辛丑問安進珍玩十二月甲申命日進酒八年七月迎至顯州共闕闕十一月戊戌弘簡錄 卷二百之七 六 皇后紀一

朝皇太后召僧問佛法戊申行再生禮大赦九年三月辛未應聖節大赦十年九月辛亥朔朝皇太后庚申皇太后射獲熊上進酒為壽十一年正月戊申奉迎皇太后于內殿十二月癸卯朝皇太后十五年應聖節赦死罪釋徒以下十六年四月不豫丙午愈丁卯肆赦十二月癸丑問安皇太后二十年十二月乙酉皇太后行再生禮肆赦二十一年十二月庚子應聖節曲赦徒以下罪二十三年加上尊號仁慈聖善欽孝廣德安靜貞純懿和寬厚崇覺儀天皇太后后常不懌帝崩殊無戚容見崇聖皇后悲泣如禮謂曰汝年尚幼何哀痛如是清寧元年尊為太皇太后十二月戊子應聖節帝上壽宴羣臣命婦二年曲赦百里內囚三年十二月戊辰不豫曲赦行在五百里內囚巳巳崩更諡欽哀皇后

興宗后蕭氏小字撻里欽哀皇后弟孝穆長女性寬容姿貌端麗帝即位入宮生道宗重熙四年皇后蕭氏以罪降為貴妃三月乙酉朔冊立為皇后十一年冊上尊號曰貞懿宣慈崇聖皇后二十三年再冊號貞懿慈和文惠孝敬廣愛崇聖皇后道宗即位尊為皇太后清寧二年上尊號曰慈懿仁文惠孝敬廣愛宗天皇太后三年八月辛亥帝上詩皇太后曰君臣同志華奪同風八年行再生禮曲赦西京罪囚九年秋敦睦宮使耶律良以重元反狀密告太后乃言于帝曰此社稷大事宜早為計帝始以為疑至是戒嚴及戰太后親軒衛士破逆黨成雍元年七月丙子皇太后射獲熊賞賚百官十月巳亥又射獲虎大安二年二月丁丑坤寧節又大赦太康二年崩更諡仁慈皇后素性仁慈淑謹中外感德凡正旦生辰諸國貢幣悉賜貧瘠夢重元曰臣骨在太子山北不勝寒栗寤即命屋之其慈憫多類此貴妃蕭氏小字三姐駙馬都尉匹里之女太平八年遷入東宮為太子妃即位立為皇后以罪降

道宗后蕭氏小字觀音父惠有傳后姿容冠絕工詩善談論自制歌詞尤善琵琶重熙中納為燕趙王妃清寧初立為皇后上尊號曰懿德皇太叔重元妻以艷冶自矜后見之戒曰為貴家婦何必如此及生太子濬有專房寵好音樂伶官趙惟一侍侍左右太康初宮婢單登教坊朱頂鶴誣后與惟一私樞密乙辛以聞詔與張孝傑劾狀因而質之族誅惟一高長命並籍家資賜后自盡歸其尸於家乾統初追諡宣懿皇后合葬慶陵 惠妃蕭氏小字坦思父別里刺祇候郎君叔余里也西北路招討

使兄俊抹駙馬都尉太康元年乙辛既誣皇后因譽之選入掖
庭立為皇后封父趙王叔遼西郡王霞林柳城郡王居數歲未
見皇嗣后妹幹特懶先嫁乙辛子綏也后以宜子言于帝離婚
納宮中八年皇孫延禧封梁王降為惠妃徙乾陵還幹特懶于
其家大安二年其母燕國夫人削去厭魅梁王伏誅妃為庶
人幽于宜州天慶六年召還十二月乙亥封為皇太妃後二年
奔黑頂山卒葬太子山

天祚后蕭氏小字奪里懶宰相繼先五世孫大安三年入宮明
年封燕國下妃乾統初冊為皇后性閑淑有儀則兄弟奉先保
先等緣后寵柄任女直亂從天祚西狩以疾崩 德妃蕭氏小
字師姑父常哥有傳壽隆二年入宮封燕國妃明年三月辛酉
生子賜名撻魯仍給官屬錢帛乾統三年改德妃以柴冊禮封

弘簡錄 卷一百一十七 遼后紀一

撻魯為燕國王加妃號贊翼乾統四年王薨以哀戚卒 文妃
蕭氏小字瑟瑟國舅大父房之女乾統初帝幸耶律撻葛第見
而悅之匿宮中數月皇太叔和魯幹勸帝以禮選納三年冬立
為文妃生獨國公主晉王敖盧幹尤被寵幸以柴冊加號承翼
善歌詩女直亂帝敗遊不恤忠臣多被疎斥妃作歌諷諫其詞
曰勿嗟塞上兮暗紅塵勿傷多難兮畏夸人不如塞姦之路兮
選取賢臣直須臥薪嘗膽兮激壯士之損身可以朝清塞北兮
夕枕燕雲又歌曰丞相來朝兮劔佩鳴千官側目兮寂無聲養
成外患兮嗟何及禍盡忠臣兮罰不明親戚並居兮藩屏位私
門潛畜兮爪牙兵可憐往代兮泰天子猶向宮中兮望太平天
祥見而銜之播遷以來郡縣所失幾半上頗有倦勤之意元后
兄蕭奉先深忌晉王誣以妃與聞謀立之事賜死 元妃蕭氏

小字貴哥燕國妃之妹年十七冊為元妃性沉靜嘗晝寢近侍
盜貂襦妃覺而不言宮掖稱其寬厚從天祚西狩以疾薨 舊
史贊曰遼以鞍馬為家雖后妃往往長於射御軍旅田獵未嘗
不從如應天之奮擊室韋承天之御戎澶淵仁懿之親破重元
古所未有亦其俗也靖安無毀無譽齊天巧思乃奢侈之漸宜
懿度曲知音故致誣讒文妃能歌詩諷諫而謂謀私其子宛矣
若簡意之艱危保孤懷節之從容就義雖烈丈夫何以過之欽
哀恨桀賊殺嫡后而與宗不能以禮防閑之惜哉

載記 遼系屬

太祖弟蘇頗奴瓜蕭古拔里得子游 魯不古子賢合住

子倍隆先李胡完牙里果子散 朔古頽里

太宗子龍微葛天德世宗子只及 景宗子隆慶

聖宗子宗簡宗恩 興宗子和魯幹阿連 道宗子隆

天祚子放盧幹 耶律大石附

太祖異母弟蘇字雲獨昆行六為人性柔順事上忠謹言無隱
情太祖尤愛之二十功臣蘇居其一滄州節度使劉守文求救
命往救解其圍刺葛詐降蘇往來其間及平其力居多時因亂
後名族多罹禍南府宰相之位久虛以勳得部轄得里只里古
攝府中蘇數請擇任宗室上從之在位頗以賄問民咸怨之天
贊三年九月丙午與南院奇離董迭里畧地西南乙卯獻俘天
顯初從征渤海還九月壬戌薨 孫奴瓜字延寧有膂力善調
鷹隼統和中為黃皮室紇都監擊敗楊繼業盡復所陷城邑軍
還加諸衛小將軍伐宋有功遷黃皮室詳穩六年再舉將先鋒
軍敗宋游兵于定州授東京統軍使加金紫崇祿大夫從奚王

和剌奴伐兀惹失利削階十九年復拜南府宰相伐宋至鄧都
 擒其將王繼忠俘殺其衆以功加同政事門下平章事二十六
 年改遼興軍節度使開泰初加尚父卒 四世孫蒲古字提隱
 以武勇稱統和初爲涿州刺史從伐高麗有功開泰末爲上京
 內客省副使太平二年城鴨綠江命守之在鎮有治績五年改
 廣德軍節度使尋遷東京統軍使蒞政嚴肅諸部懾服大延琳
 叛以書結渤海人夏行美時行美總渤海軍于保州不從其招
 執其人送于蒲古乃誘賊八百餘殺之蒲古入據保州斷其車
 路黃龍保州遂皆不附惟南北女直從之高麗亦稱其貢延琳
 氣沮嬰城自守數月而破以功拜蒲古惕隱加行美同政事門
 下平章事錫賚甚厚十一年蒲古爲子鐵驪所弑行美後擢忠
 順軍節度使重熙十七年從耶律義先討蒲奴里遷副部署獲
 弘簡錄 卷一百之七 遼系屬一
 其長陶得里以歸卒上思其功遣使祭于家 奴瓜孫頗的字
 撒版素孤介寡合重熙初補牌印郎君清寧初遷知易州去官
 部民請畱許之咸雍八年改彰國軍節度使上獵大牢古山謁
 于行宮帝問邊事對曰自應州南境至天池皆我耕牧之地清
 寧間邊將不謹爲宋所侵烽埃內移似非所宜道宗然之拜北
 面林牙後遣人使宋得其侵地命頗的往定疆界還拜南院宣
 徽使太康四年遷忠順軍節度使尋爲南院大王改南京畱守
 同知召拜南府宰相賜貞良功臣封吳國公轉北院樞密使廉
 謹奉公知無不爲大安中致仕卒子霞抹北院樞密副使
 耶律拔里得字孩鄰太祖弟刺葛之子太宗即位以親愛見任
 會同七年從討石重貴進圍德州下之擒刺史師居瑤等二十
 七人任爲令穩九年再舉兵次淳沱河降杜重威戰功居多八

汴授安國軍節度使總領河北道事師還州郡往往復叛以應
 劉知遠因不能守而歸世宗初遷中京畱守卒 子海里性儉
 素不喜聲利以射獵自娛雖居闕人敬之若貴官然母的魯與
 察割亂遣人召海里拒之亂平的魯以子故獲免保寧初海里
 拜彰國軍節度使遷惕隱秩滿稱疾不仕久之復除南院大王
 居十餘年領以寬靜戶口增給時議重之宋曹彬米信等來侵
 海里有却敵功賜資忠保義匡國功臣封漆木郡王遷上京畱
 守薨詔以家貧給葬具 子賢適字阿古其嗜學有大志滑稽
 玩世人莫之知惟屋質器之語人曰是人當國天下幸甚應歷
 中朝臣多以言獲譴獨樂於靜遊獵自娛與親朋言不及時
 事會討烏古還擢右皮室詳穆景宗在藩賴其規導穆宗終不
 見疑皆其力也即位以功加檢校太保尋遷授寧江軍節度使
 弘簡錄 卷一百之七 遼系屬一
 賜推忠協力功臣帝初踐阼疑諸王多萌非望陰倚爲腹心加
 特進同中書門下平章事保寧二年秋拜北院樞密使兼侍中
 加號保節功臣三年爲西北路兵馬都部署生平忠介肅敏推
 誠待人雖燕息不忘政務以故百司字職罔敢偷墮累年滯獄
 悉決之嘗患大丞相高勳行宮都部署女里及帝姨母保母席
 寵放肆薰灼一時納賂請謁門若買區言于帝不報以病解職
 又不允令鑄手印行事乾亨初疾篤得請明年封西平郡王薨
 年五十三子觀音大同軍節度使
 迭刺孫合住字粘衮幼不好弄以近族入侍每從征伐有功保
 寧初加右龍虎衛上將軍時宋師屢梗南邊拜涿州刺史西南
 兵馬都監兼招安巡檢等使久任邊防屢有克獲賜推忠奉國
 功臣然務鎮靜不妄生事以邀近功鄰壤敬畏屬部又安宋敗

遣人結歡冀達和意表聞帝許之安邊懷敵多有力焉拜左金吾衛上將軍護衛太保重熙六年兼長寧宮使秩滿遷攝鎮國軍節度使卒生平智而有文曉暢戎政臨事明敏善於論鎮范陽時嘗領數騎徑詣雄州北門與郡將立馬陳兩國利害及周師侵邊本末辭氣慷慨左右壯之自是邊境數年無事識者謂合住一言賢於數十萬兵

太祖長子倍小字圖欲自幼向學好賓客通陰陽知音律精醫藥錢穀之術立為皇太子遇太祖問侍臣受命之君當事天敬神朕欲祀有大功德者以何為先皆以佛對倍曰佛非中國教惟孔子大聖萬世所尊此最宜先祖大悅即建孔子廟詔皇太子春秋釋奠嘗從征烏古党項為先鋒都統神冊五年九月率迭刺剖奪離董汗里珍等畧地雲內天德明年命經畧燕地至

弘簡錄 卷二上頁之七
定州祖方與李存勗相拒雲碧店引兵馳赴敗走之會西征畧守京師因陳取渤海計從拔扶餘城上欲括戶口倍諫今始得地而料民民必不安若乘破竹之勢徑造忽汗城克之必矣從之命為前鋒夜圍忽汗城大誣降命鎮之敗其國曰東丹城曰天福制稱人皇王建元甘露賜以天子旌旗冠服設置百官一用漢法歲貢布十五萬端馬千匹仍諭此地額海非可久居爾汝撫治以見朕愛民之心駕將還作歌以獻陸辭再諭得汝治東土吾復何憂號泣而別遂如儀坤州未幾太祖討至即日奔赴山陵知皇太后本意欲立德光讓以大位立後尚在皇都詔遣耶律羽之還東丹民以實東平升其郡為南京徙倍居之添置衛士陰伺動靜倍不能安唐明宗遣人路海持書招之其使再至因畋遊海上立木刻詩曰小山壓大山大山全無力差

見故鄉人從此投外國竟携高美人而去以來自遼東改瑞州為懷化軍拜為節度使兼瑞慎等州觀察處置等使長興元年更賜姓李名贊華移鎮滑州遙領虔州節度使其部曲五人皆賜姓名罕只曰罕友通穆葛曰穆順義散羅曰羅賓德易密曰易師仁蓋禮曰蓋來賓皆拜歸化歸德將軍郎將會同三年正月人皇王妃來朝後遇從到弒立密報太宗請討之遣兵入洛從珂遣宦者秦繼旻皇城使李彥紳害之年五十八洛陽僧為收瘞石敬瑭喪服臨哭以王禮權厝太宗改葬于豎巫閭山諡曰文武元皇王世宗加號讓國皇帝陵曰顯陵統和中更諡文獻重熙增諡文獻欽義皇帝廟號義宗生平喜書市至萬卷藏于豎巫閭絕頂之望海堂工遊漢文章常譯陰符經復善書本國人物如射獵雪騎千鹿圖皆入宋秘府然性刻急好飲人血

弘簡錄 卷二上頁之七
左右姬妾多刺其臂吮之有小過輒挑目封灼不勝其毒二妃初封皇后諡曰端順柔貞柔貞實生世宗加尊皇太后割察獄之五子婁國見逆臣彙 隆先字團隱母大氏景宗封平王未幾兼政事令畧守東京薄賦稅省刑獄恤寡數薦賢能之士與室魯同討高麗有功遷薨葬豎巫閭山之道隱谷為人聰明博學能詩有閨苑集行于世子陳哥保寧末與渤海官屬謀殺其父舉兵作亂上命驟裂而死 道隱字畧隱母高美人生時適遇父難洛陽僧匿而養之因命今名唐滅詔還京賜居外羅山地性沉靜有文武才時人稱之景宗時封蜀王為上京畧守乾亨元年遷守南京號令嚴肅民獲安業徙封荆王聖宗初立奏宋遣使獻犀帶請和詔以無書却之統和元年正月甲戌薨追封晉王

第三子李胡一名洪古字奚隱少勇悍多力母淳欽皇后篤愛之然性殘酷小怒輒黥人面或投水火中以是太祖嘗言人皇王巧太宗有成少者不及天顯四年太宗命帥師討雲中郡縣之未附者丁卯饑之西郊五年正月庚午奏拔寰州提多俘而還二月癸卯朝上于行在以先所俘渤海戶賜之三月丁卯從李胡請赦宗室舍利郎君以罪繫獄者時皇子尚未生乃立為皇太弟兼兵馬大元帥八年正月庚子命與左威衛上將軍撒剌率兵伐黨項三月辛卯勝還宴勞之後還車駕親征常留守京師大同元年滅晉回還遣使問軍前事上報之畧曰初以兵二十萬降杜重威張彥澤下鎮州及入汴視其官屬具員者省之當才者任之司屬雖存官吏廢墮猶雜飛之後徒有空巢久經離亂所在盜結土功不息愧侷非時民不堪命河東尚未歸

私簡錄 卷上南之七 建康二

命西路渠帥亦相黨附夙夜以思制之之術惟推心庶僚和協軍情撫綏百姓三者而已今所歸順凡七十六處得戶一百九萬百一十八汴州水上炎熱難居若得一年太平可指掌而致且改鎮州為中京以備巡幸欲伐河東姑俟別圖世宗即位鎮陽太后問之怒遣李胡率兵以拒安端劉哥遣人馳報世宗請為前鋒至秦德泉遇李胡戰敗之與世宗隔黃河而陣各言舉兵意復整兵拒于橫渡相持數日世宗遣耶若勤德等詣兩軍諭解太后因屋質諫各罷兵乃言昔我與太祖愛汝異於諸子諺云偏憐之子不保業難得之婦不主家我非不欲立汝汝自不能及會議世宗使解劔而言和約既定趨上京會有告其復與太后謀廢立者徒之祖州禁其出入誅司徒劃設及楚補里應曆十年冬坐其子喜隱謀反遂下獄死年五十葬玉峯山西

谷統和中追諡欽順皇帝妃為皇后重熙更諡章肅后曰和敬喜隱字完德雄偉善騎射初封趙王以反謀事覺上臨問有狀議親釋之未幾復反下獄問景宗即位自脫桎梏而朝上怒曰汝罪人何得擅離禁所詔誅守者復實于獄會改元赦宥之妻以皇后姊復封宋王素輕僇無恒小得志即驕上嘗召不時至怒而鞭之由是憤怨謀亂貶而復召適見上與劉繼元書辭意畢遂諫曰本朝於漢為祖書旨如此恐將國體帝尋改之保寧九年六月丙辰授西南面招討使命之河東索吐蕃戶稍見進用復誘羣小謀反上命械其手足築圍土囚祖州宋降卒二百餘人欲劫立喜隱以城堅不得入立其子雷禮壽被擒伏誅賜喜隱死 次完應曆三年與耶若勤幹敵烈謀反事發辭連巷撒葛林牙華割耶若新羅等皆被執明年稱幹華割伏誅宛及

私簡錄 卷上南之七 建康二

捲撒葛皆免死景宗進封衛王卒

又次牙里果字敵華宮人蕭氏生性沉然善騎射天顯三年以救耶律沙于定州為李嗣源所獲至石晉立始得還為惕隱以疾薨 二子敵祿為惕隱性質直多膂力聞察割亂入見壽安王慷慨言願得精兵數百破賊黨王嘉其忠穆宗即位為北院宣徽使上以飛狐道狹詔敵祿廣之明年遷南府宰相將兵援河東至太原與漢王會于高平擊周軍敗之仍降其衆忻代二州叛將兵討之會耶律撻烈至敗周師於忻口師還卒 奚低便弓馬勇攻戰景宗時為右夸離畢多任以軍事保寧三年正月甲寅遣人獻敵烈俘詔賜有功將士統和四年為右皮室詳穩凡戰必以身先矢無虛發時楊繼業敗于朔州之南匿深林中

中有令須生擒繼業奚低以故望袍而射不能有功後太后南

伐屢有戰績爲北院大王保安軍節度事清寧四年爲奚六部大王以病卒

太祖養子朔古字彌骨頂與頡顯俱橫帳孟父房後既冠爲右皮室詳穩從伐渤海有功天顯七年授三河烏古部都詳穩民安其政平易近民令久其任會同間爲惕隱從征石重貴將杜重威擁衆拒潯沱河朔古與趙廷壽據中渡橋月餘重威兵却遂降太宗崩命奉其喪歸上京世宗即位因佐皇太后出師坐是免官卒 頡顯字彌寧夸離董末叔之子爲人性端直會同中領九石烈部政濟寬猛世宗即位爲惕隱天祿三年兼政事令封漆水郡王穆宗立以匡贊功嘗許以後本部大王會世宗將葬懇言於帝臣蒙先帝厚恩未能報請陪位送之由是不悅寢其議幾

弘簡錄

卷一百之七

七

七

太宗次子撒撒葛初封太平王世宗詔許與晉王往復以昆弟禮穆宗因同母弟委以國政坐謀反辭連貶西北邊成景宗即位撒撒葛懼竄入大漠夸離畢粘木袞以陰附伏誅未幾召還釋其罪進封齊王保寧四年病疽薨贈皇太叔諡欽靖 天德字苾扇宮人蕭氏生與敵烈必攝同母爲人猛悍趨捷人望而畏太宗拒杜重威欲以計破之募能斷糧道者從天德請令引五千騎從間道擊走衛送之軍火其輜重重威窮蹙乃降會同三年五月甲申遣與檢校司徒耶用和使晉世宗即位因遣護送太宗靈柩于上京與李胡遇泰德泉力戰敗之太后不悅遂不復用後坐與蕭翰等謀反伏誅 敵烈字已連董爲人多力善射應曆九年與宣徽使耶律海思及蕭達于等謀反事覺穆宗告祀天地祖考釋之保寧初封莫王宋人侵漠與耶律沙將

兵往接却敵而還乾亨初宋主攻河東至白馬嶺敵烈以先鋒度潤未半宋軍迎擊師潰與于哇哥俱歿于陣 必攝字箴董穆宗封爲越王應曆間族人恒特及蕭噉里有罪欲亡必攝密以聞上以爲忠常命侍從諫上輕微左右會又欲誅監鹿官固請得免景宗時討党項有功保寧五年二月壬辰獻俘後以疾薨

世宗子吼阿不景宗同母兄早薨景宗立親祭于墓號太子院追冊爲皇太子諡莊聖 只沒字和魯董妃甄氏生敏給好學通契丹漢字能詩常與宮人私通穆宗怒榜掠繫獄景宗立釋之賜以所私宮人旋封朔寧王保寧八年妻安只造蟲毒奪爵貶烏古部賦放鶴詩徵還統和初皇太后稱制命賦芍藥詩詔復舊爵

弘簡錄

卷一百之七

七

七

景宗子隆慶字燕隱小字普賢奴與隆祐皆聖宗同母弟八歲封恒王兼侍中統和中拜南京留守徙梁王十七年南征爲先鋒至瀛州遇宋將范廷召列陣以待隆慶遣蕭柳擊敗之逃入空墅圍而盡殲十九年復敗宋人于行唐開泰初加守太師兼政事令更封晉國王尋拜大元帥南京留守賜金券進封泰晉國王五年九月入覲上親出迎勞至寶德山因同佩于松山十月二月乙酉還至北安州浴溫泉疾薨訃聞上爲哀慟輟朝七日追贈皇太弟葬豎巫閭山 子查葛中王郡王保靜軍節度使封潞王太平中各將之官上選官伴讀經史重熙五年爲南府宰相轉南院樞密使九年爲南院大王十一年徙封越國王清寧二年爲上京留守進封魏國王三年復爲惕隱轉遼興軍節度使卒 遂哥樂安郡王廣德軍節度使進封幽王爲惕隱重

熙十五年卒 謝家奴長沙郡王世義軍節度使進封陳王清
 寧五年移節武定軍乾統六年為兩院大王不知所終 陸祐
 小字高七一字胡都董乾亨初封鄭王統和中伐宋留守京師
 二十一年拜西南面招討使徙王吳及征高麗復為留守權知
 北院樞密使事出守東京更王楚明年南征復為留守開泰初
 改王齊薨輟朝五日贈太師諡仁孝重熙間改諡孝靖 子胡
 都古封周王遼興軍節度使轉臨海軍 貽不豫章郡王長寧
 軍節度使進封陳王為南府宰相重熙十五年遷中京留守清
 寧三年轉東京五年又轉西京後為重元所脅削爵流鎮州
 聖宗子別古特小字撒刺賜名宗簡為人明敏善射初授右衛
 大將軍太平七年遷領彰信軍節度使為王子耶律班詳穩重
 熙中累遷契丹行宮都部署封柳城郡王討夏國督戰有功重
 弘簡錄 卷一百之七 遼系屬二

遠薨 吳哥字洪隱賜名宗愿僕隗氏生開泰二年任惕隱七
 年授左驍衛大將軍出為南京留守 侯古字訛里本賜名
 宗偉初授右衛大將軍重熙初任王子耶律班詳穩十七年封
 饒樂郡王咸雍中徙混同郡王清寧初為中京留守四年遷南
 院大王八年薨于任遣使致祭

與宗子和魯幹字阿葦與阿璉皆道宗同母弟重熙十七年封
 越王清寧初徙魯王又進宋國王拜上京留守改南京加宋魏
 二國王天祥即位以為天下兵馬大元帥加守太師免拜不名
 三年冊為皇太叔加號曰義和仁壽六年兼惕隱復守南京重
 元亂夜赴戰所有詔弛圍場之禁奏曰天子以巡狩為大事雖
 居諄諄不可廢也上以為然復命有司促備春水之行十年開
 七月從獵于慶州薨三千石為宜徽北院使封漆水郡王次遠

次淳 阿璉字訛里本重熙十七年封許王清寧初徙陳王又
 進泰國王知中丞司事出為遼興軍節度使加泰越二國王咸
 雍間歷西京上京留守大安三年七月丁丑從車駕秋獵以疾
 薨追封秦魏國王 淳小字涅里自幼太后鞠育既長為好文
 學初封北平郡王昭懷太子廢道宗欲立為嗣耶律白斯不知
 出為彰聖軍節度使天祚即位封鄭王乾統二年為東京留守
 加越國王六年拜南府宰相首議制兩府禮儀上喜徙封魏國
 王命繼其父留守南京遇冬薨入朝寵冠諸王天慶五年東征
 都監耶律章奴與淳子阿撒等三百餘人亡歸欲謀廢立上遣
 駙馬蕭昱領兵詣廣平淀護后妃行宮小底乙信持書報魏國
 王時章奴先遣淳妃親兄蕭敵里及甥蕭延留以所謀說淳淳
 疑此非細事主上自有諸王當立今北南而大臣不來獨汝言
 弘簡錄 卷一百之七 遼系屬二

及此何也密令左右拘之有頃乙信等齎御札至備言章奴等
 叛淳立斬敵里等傳首以獻單騎問道詣廣平淀待罪上遇之
 如初六年進封秦晉國王拜都元帥賜金券免漢拜禮不名許
 自擇將士乃募燕雲精兵東至錦州隊長武朝彥作亂劫淳復
 匿而免收朝彥誅之會金兵至戰于阿里軫斗敗績收亡卒數
 千拒之淳入朝上再釋其罪詔南京刻石紀功保大二年天祚
 入夾山諸大臣奚王回離保林牙大石等引唐靈武故事議欲
 立淳淳又不從初詔留宰相張琳李處溫與淳守燕處溫弟處
 能子與外假怨軍內納都統蕭幹遂與左企弓處仲文曹勇義
 康公彌集蕃漢百官諸軍及父老數萬人詣淳府勸進處溫邀
 琳至自其事琳曰王雖帝冒初無上命攝政則可即真則不可
 處溫曰天意人心已定請立班耳琳始有難色後勉從之處溫

等請之再三曰主上蒙塵中原撥擻若不立王百姓何歸宜熟計之淳方出與持赭袍被之令百官拜舞山呼淳驚駭辭不獲已乃從之三月即位號天錫皇帝改是年為建福元年大赦以處溫守太尉琳守太師企守司徒勇義知樞密院事仲文領西京留守內外諸軍都統公弼簽書樞密院事俱賜號忠烈翊聖功臣處能直樞密院爽少府少監提舉翰林醫官李爽陳祕十餘人曾與大計授官有差放進士李寶信等一十九人遷降天祚為湘陰王以燕雲平上京中京遼西六路號為北遼淳主之沙漠以北西南西北路兩都招討府諸蕃部族等仍隸天祚自此國分為二封其妻普賢女為德妃攝政加企弓侍中以蕭幹為北樞密使回離保知北院樞密使事駙馬蕭旦同知院事改怨軍為常勝軍軍旅之事悉委大石遣使報宋免歲幣結好

弘簡錄 卷一百一十七 宋人發兵問罪擊敗之尋遣使奉表于金乞為附庸事未央六月淳寢疾聞有檄傳天德雲內朔武應蔚等州合諸蕃精兵五萬騎約以八月入燕并遣人問勞索衣裘若藥淳甚驚懼命南北面大臣議處溫與幹等進迎泰拒湘之說再命集蕃漢百官共議從其議者東立惟南而行營都部署耶律寧西立處溫等問故寧曰天祚果能以諸蕃兵大舉奪燕則是天數未盡豈能拒之否則泰湘父子也拒則皆拒自古安有迎子而拒其父者乎處溫等相顧微笑恐寧扇亂軍心欲殺之淳歎枕長嘆曰彼忠臣也殺之何為天祚果來吾有死耳復何面目相見耶已而淳薨年六十百官偽諡曰孝章皇帝廟號宣宗葬燕西香山永安陵遣命遙立泰王定以存社稷尊德妃為皇太后主軍國事權稱制改建福為德興元年放進士李球等百八人時宋兵來

攻戰敗之人心大悅兵勢日振處溫父子懼禍南通童貫潛納宋兵居民被殺甚眾欲挾太后納土于宋復欲北通于金約為內應外以擁立大功自陳太后罵曰誤泰晉國王者皆汝父子何功之有乃悉數其過惡數十處溫無以對賜死斃其子爽而磔之三年太后五表于金求立泰王不從金兵入居庸關德妃出古北口奔天德軍見天祚天祚怒誅德妃降淳燕人除其屬籍盡釋其黨處溫耶律儼姪以儼與蕭奉先厚善得薦為相感其汲引傾心阿附以固權位而貪污尤甚凡所接引類多小人居位數月籍其家財得錢七十萬緡金玉寶器稱是琳潘州人幼有大志壽隆末為秘書中允天祚即位累遷戶部使由樞密副使知本院事頃之進南府宰相以諸將皆據權要琳獨十日一朝陽尊以元老實不使與政心懷鬱悒時已年高令子弟上

弘簡錄 卷一百一十七 降表于金詔燕京應琳田宅財物並給還之俄卒道宗長子濬小字耶魯幹幼而聰慧能言好學知書道宗嘗謂天授六歲封梁王從上獵矢連發三中領左右曰朕祖宗以來騎射絕人威震天下是兒雖幼不墜家風後遇十鹿射獲其九帝喜設宴八歲立為皇太子大康元年兼領北南樞密院事三月乙巳命寫佛普六月丙辰詔總領朝政仍戒諭之十一月辛酉母后被害太子有憂色耶律乙辛常不自安會護衛蕭忽古謀害乙辛事覺下獄副點檢蕭十三謂乙辛曰今太子見在臣民屬心大王素無根祇之助復有誣后之怨若一旦太子立吾輩指身無地宜激計之乙辛曰吾憂此久矣即夜與蕭得裏特謀置太子陰令護衛太保耶律查刺誣告都宮使耶律撒刺知院耶律速撒護衛蕭忽古謀廢立詔案無迹復令蕭訛都幹等

誣首查刺前告非妄臣實與謀本意欲殺乙辛等然後立太子
 臣若不言恐事發連坐帝信之幽太子于別室復令其黨耶律
 燕哥往驗太子不服具陳所以誣枉之狀曰帝惟我一子今為
 儲副尚何所求敢為此事公與我本昆弟行當為我辯恐之甚
 悉蕭十三語燕哥曰若如此奏則大事去矣當易其言為欺伏
 上大怒廢太子為庶人將出曰我何罪十三叱登車遣衛士圍
 其扉徙于上京囚圍堵中乙辛又用十三計遣蕭達魯古撒把
 往害之年二十雷守蕭撻得給聞以疾薨上哀之命有司葬龍
 門山欲召其妃乙辛復遣人殺之後知其冤悔恨無及諡曰昭
 懷太子以天子禮改葬玉峯山乾統初子延禧即位追尊大孝
 順聖皇帝廟號順宗妃蕭氏貞順皇后

天祚六子長敖盧幹甫鬻亂馳馬善射出為大丞相耶律隆運
 弘簡錄 卷一百之七 遼系屬二

後封晉王最為賢名樂道人善而矜人不能嘗入寢殿見小底
 茶刺閱書因取觀會諸王至見讀書者輒斥陰袖而歸曰勿令
 他人見也一時號稱長者及長積有人望內外歸心時趙昭容
 生趙王習泥烈元妃生秦王定許王寧元妃兄蕭奉先恐秦王
 不得立潛圖謀害會母文妃姊適耶律撻葛里次適耶律余覲
 俱會軍前奉先誣與駙馬蕭昱等密謀立晉王事覺余覲降金
 放盧幹實不與謀獲免保大二年上聞余覲引金兵奄至不勝
 畏懼奉先因給以余覲乃王子班苗裔此來實無亡遺心特欲
 立甥晉王耳若為社稷計不惜一子金兵可不戰自剄上信之
 或勸放盧幹亡辭曰安忍為裴爾之軀失臣子之大節遂就死
 上素服三日言軍門者皆為流涕遠近益皆解體後秦趙許三
 王從上至白水深皆為金兵所獲 次子雅里字撒魯七歲封

梁王欲立為皇太子別置禁衛保大三年金師圍青塚塞雅里
 在軍中太保特母哥挾之出走間道行至陰山聞天祚已趨雲
 內趣赴行在時扈從千餘多於天祚慮恐生變欲誅特母哥責
 以不能全救諸王伏劍召雅里問曰特母哥救汝何為雅里對
 曰無他言始釋之天祚渡河奔夏軍將耶律敵烈等劫雅里奔
 西北部至沙嶺見蛇橫道而過識者以為不祥後三日羣僚共
 立雅里為主僭即帝位改元神曆命士庶上便宜素性寬大惡
 誅殺凡獲亡者皆之而已有自歸者即官之常謂左右欲附來
 歸不附則去何須威逼每取唐貞觀政要及林牙資忠所作治
 國詩令侍從讀之烏古部節度使札哲迭列部統軍撻不也都
 監突里不等各率其眾來附自是諸部繼至而雅里日漸荒怠
 好擊鞠特母哥切諫乃不復出以敵烈為樞密使特母哥副之

弘簡錄 卷一百之七 遼系屬二

敵烈劫西北路招討使蕭札里焚惑眾心志在不臣與其子麻
 涅並誅之以遙設為招討使與諸蕃戰數敗杖免官從行有疲
 困者輒振給之直長保德諫曰今國家空虛賜賚若此將何以
 給雅里怒曰昔畋於福山卿誣獵官今復有此言若無諸部我
 將何取不納初令羣牧運鹽澆倉粟而民盜之議籍以償雅里
 乃自為直每粟一車抵償一羊三車一牛五車一馬八車一駝
 左右曰今一羊易粟二斗且不可得乃償一車雅里曰民有則
 我有若令盡償民何堪後獵查刺山一日而射黃羊四十狼二
 十一因致疾未踰年卒年三十特母哥降于金
 耶律大石字重德世號西遼太祖八代孫通遼漢文字兼善騎
 射登天慶五年進士擢翰林應奉尋陞承旨時稱大石林牙
 林也 歷泰祥二州刺史遼興軍節度使金祖入居庸關自古北

口亡去以其衆襲奉聖州爲婁室所獲并降其衆幹離不遠
主以爲鄉導既而亡去預謀立秦晉王淳王死復立其妻天祚
責之我在汝何敢輒議改圖對曰陛下以全國不能拒一敵棄
而遠遁使黎民塗炭淳乃太祖子孫勝於乞命他人上無以答
賜之酒食救其罪因力諫天祚始金陷長春遼陽車駕不守廣
平旋而幸中京伺陷上京又幸燕山及陷中京復幸雲中自雲
中而播遷夾山向以全師不謀戰備使舉國淡地皆爲金有勢
已至此方求攻戰甚非長策當養兵畜銳待時而動不可輕舉
上不從大石不自安遂殺蕭乙薛坡里括自立爲王率鐵騎二
百皆遁北行三日過黑水見白達達詳穩林古兒獻馬馳牛羊
西至可敦城駐北庭都護府會威武崇德會蕃新大林紫河馳
等七州及大王室韋敵刺王紀刺茶赤刺也喜鼻古德泥刺達
刺等達密里密兒紀合只烏古里阻卜普速完唐古忽母思奚
的紉而畢十八部衆論曰我祖宗艱難創業更世九主歷年二
百金以臣屬過我國家殘我黎庶屠剪我州邑使天祚皇帝蒙
塵于外日夜痛心疾首我今仗義而西欲借力諸蕃藉我營敵
復我疆宇惟爾衆亦有珍我國家憂我社稷思共救君父濟生
民於難者乎遂得精兵萬餘戰馬萬匹置南北面官僚立排甲
具器仗明年二月甲午以青牛白馬祭天地祖宗整旅而西先
遣書回鶻王畢勒哥曰昔我太祖皇帝北征過卜古罕城仰造
使至甘州詔爾祖烏母主曰汝思故國朕卽爲汝復之汝不能
返朕則有之在朕猶在爾也爾祖卽表謝以爲遷國于此十有
餘世軍民皆安土重遷不能復返矣是與爾國非一日之好也
今我將西至大食假道爾國其勿致疑畢勒哥得書卽迎至邸

大宴三日臨行獻馬六百馳百羊三千願質子孫爲附庸送至
境外所過敵者勝之降者安之兵行萬里歸者數國獲馳馬牛
羊財物不可勝計軍勢日盛銳氣日倍至尋思干西域諸國舉
兵十萬號忽兒珊來拒戰兩軍相望二里許諭將士曰彼軍雖
多而無謀攻之則首尾不救我師必勝遣六院司大王蕭幹里
刺招討副使耶律松山等將兵二千五百攻其右樞密副使蕭
刺阿不招討使耶律木薛等將兵二千五百攻其左自以衆攻
其衆三軍俱進忽兒珊大敗偃屍數十里駐軍尋思干凡九十
日回回國王來降貢方物又西至起兒漫文武百官冊立爲帝
以甲辰歲二月五日卽位年三十八號爲兒罕漢尊號曰天祚
皇帝改元延慶追諡祖父爲嗣元皇帝祖母宣義皇后冊妃蕭
氏爲昭德皇后因謂百官朕與卿等行三萬里跋涉沙漠風夜
艱勤賴祖宗之福卿等之力冒登大位爾祖爾父宜加卹典共
享尊榮自蕭幹里刺而下四十九人祖父封爵有差延慶三年
班師東歸馬行二十日得善地遂建都城號虎思幹耳朶改延
慶爲康國元年三月以六院司大王蕭幹里刺爲兵馬都元帥
敵刺部前同知樞密院事蕭查刺阿不副之茶赤刺部秃魯耶
律燕山爲都部署護衛耶律鐵哥爲都監率七萬騎東征以青
牛白馬祭天樹旗以誓于衆曰我大遼自太祖太宗艱難而成
帝業其後嗣君耽樂無厭不恤國政盜賊蠶起天下土崩朕率
爾衆遠至朔漠期復大業以光中興此非朕與爾世居之地申
命元帥幹里刺曰今汝其往信賞必罰與士卒同甘苦擇善水
草以立營量敵而進毋自取禍敗也行萬餘里無所得牛馬多
死勒兵而還大石曰皇天弗順數也康國十年歿在位二十年

廟號德宗子夸列年幼遺命皇后權國后名塔不煙號感天皇
后稱制改元咸清在位七年子夸列即位改元紹興籍民十八
歲以上得八萬四千五百戶在位十三年歿廟號仁宗子勿遺
詔以妹普速完權國稱制改元崇福號承天太后後與駙馬蕭
榮魯不弟朴古只沙里通出駙馬為東平王羅織殺之駙馬父
幹里刺以兵圍其宮射殺普速完及朴古只沙里普速完在位
十四年仁宗次子直魯古即位改元天禧在位三十四年時秋
山獵乃蠻王屈出律以伏兵八千擒之而掠其位遂襲遼衣冠
尊直魯古為太上皇皇后為皇太后朝女問起居以待終焉直
魯古死遼絕 舊史贊曰耶律淳在天祚之世歷王大國受賜
金券贊拜不名一時恩遇無與為比當天祚播越以都元帥拒
守南京獨不可奪大義以激燕民及諸大臣與勤王之師東拒

弘簡錄

卷二百七

美 遼系屬二

金而迎天祚乎乃自取之是篡也况忍王天祚哉大石既帝淳
而王天祚矣復歸天祚責以大義乃自立為王而去之幸籍祖
宗徐威遺智建號萬里之外雖寡母弱子更繼迭承幾九十年
亦可謂難矣然淳與雅里大石之立皆在天祚之世有君而復
君之其可乎哉與諸葛武侯為獻帝發喪而後立先主為帝者
不可同年語矣

弘簡錄卷二百七 終

弘簡錄卷二百八

載記 遼內族

明刑部員外郎仁和弘齋邵經邦學
皇清翰林院侍講學士四世孫遠平校閱

曷魯 孫烈孫虎古子磨魯古 斜捏赤 姓老古 頗德

海里 孫阿沒里 敵刺 附弘古 欲穩 附詳里

鐸臻 古突呂不 圖魯 合里只侯晒 耶律吼 何魯不

屋質 子唐古 安搏 父迭里 耶律注 孫學古 休哥 孫馬哥

撒合 子唐古 夸臘葛 耶律沙 林善補 何魯補 化哥 弟弘

仁先 子捷不也弟 室魯 子歐里 世良 益奴的珠仙童

題子 八哥 理質 古昱子宜新和尚 特麼

孩里 耶律玦 石柳 引吉 幹特刺 棠古

弘簡錄

卷二百八

遼內族二

耶律曷魯字控溫一字洪隱迭刺部人祖匣馬葛簡憲皇帝從
兄父偶思述輩時為本部夸離董生三子長曷魯次覲烈羽之
曷魯性質厚在巽亂與太祖遊從父釋魯奇之曰是兒必興我
家既長與曷魯馬為好曷魯事太祖彌謹會滑哥弑其父釋魯
歸罪董晒為解太祖顧謂曷魯是賊吾不能忘將反噬我自是
常佩刀相從以備不虞久之偶思病召其子曰阿保機神畧天
授汝兄弟赤心事之時太祖亦來問候執其手曰爾命世奇才
他日可委吾兒以事吾已諭之矣遂以參預捷馬拔沙里部族
事因領數騎召小黃室韋來附本以肺腑之親任幃幄之寄凡
軍國事非其議不行及討越兀與烏古部以為前鋒有功復討
奚部其長木里偪儉而壘太祖攻莫能下命曷魯持一箭往諭
之既入為所執說以契丹與奚言語相通實為一國我夸離董

於奚本無較勝之心漢人殺我祖奚首夸離望怨火骨日夜思報漢人願力卑弱使我求援於奚傳矢以示信耳夸離董受命於天撫下以德故能有此衆今奚殺我進天背德不祥莫大焉且兵連禍結當自此始國何利乎木里威其言乃降及爲于越乘國政欲使代已辭曰賊在君側未敢遠去與李克用相會雲州時曷魯侍克用顧而壯之問倖男子爲誰應以吾族已而擊臣奏遙輦痕德董可汗遣命請立太祖太祖辭曰昔吾祖雅里皆以不當立而辭今若等何以復爲是言曷魯進曰曩者之辭遺命弗及符瑞未見第爲國人所推戴耳今先君言猶在耳天人所與若合符契恐不可違祖曰人事固然汝焉知天道對曰天道無私必應有德聞于越之生神光屬天異香盈幄夢受神誨龍錫金佩天以我國削弱麟趾日久以故生聖人以典起之

弘簡錄 卷二百之八 遼內族二

且遙輦九營基布非無可立者獨不思昔者釋魯言乎吾猶蛇兒猶龍也太祖猶未許是夜獨召曷魯貴曰衆以遺命迫我汝不明吾心亦俛隨之耶曷魯曰自立阻午可汗相傳十餘世亂君臣之分際紀綱之統委質他國若綴旒然羽檄遽午民疲奔命與王之運實在于今天時人事幾不可失祖乃許之明日卽皇帝位命曷魯總軍國事時制度未講國用未克扈從未備諸弟覬覦非望始於太祖暨行營置腹心部選諸豪健二千餘充之以曷魯及蕭敵魯總焉已而諸弟亂作又命總領軍事討平之以功授迭刺部夸離董時民更焚剽日就抗傲賴以撫輯有方畜牧益滋民用富庶遂被烏古部自是震懾不敢復叛迺請制朝儀建元率百官上尊號備禮受冊拜爲阿魯敦于越阿魯敦者遼言盛名也後遇伐西南諸夸數爲前鋒神冊三年七月皇都旣成

燕羣臣以落之是日得疾駕臨視問所欲言對曰陛下聖德寬仁羣生咸遂帝業隆興臣蒙寵遇言如著龜謀成戰勝其君臣相得之誠若吳漢之於光武臣今瞑目又何憾哉惟析迭刺部議尚未決願亟行之遂薨年四十七太祖二十一功臣各有所擬獨曷魯爲心腹嘗流涕曰斯人若登三五載吾謀度不濟矣旣葬賜名其阡宴答山曰于越塔立石紀功清寧間命立祠上京于惕刺撒刺俱不仕 孫斜軫字韓隱性明敏不事生產保寧初蕭思溫薦其有經國才景宗曰朕知之第佚蕩豈可羈屈對曰外雖佚蕩中未可量乃召問以時政占對剴切由是器重妻以皇后姪女命爲招討使節制西南面諸軍仍授河東改北院大王乾亨初宋再攻河東命從耶律沙至白馬嶺遇敵沙等戰不利斜軫赴之令麾下萬矢齊發敵氣絕而退是年秋宋

弘簡錄 卷二百之八 遼內族二

下河東乘勝襲燕底與蕭討古逆戰敗績退道清河北斜軾取其青幟軍于得勝口以誘敵敵果爭赴因繞出其後奮擊敗之統和初皇太后稱制益見委任以爲樞密副使尊號推恩加守司徒爲北院樞密使會討女直命爲都統駙馬蕭勤德爲監軍四年正月丙子上獲女直生口遣近侍泥里吉賫詔旌其功二月甲寅來朝行飲至之禮賞賚有差后親帥師救燕又爲山西路兵馬都統楊繼業陷山西諸郡各以兵守白屯代州斜軾至定安擊敗賀令圖軍追至五臺斬首數萬級明日至蔚州敵不敢出書帛射城上諭以招慰意陰聞宋軍來救令都監耶律題子夜伏兵阨險城守者突出伏發擊其背內外二軍俱潰追至飛狐斬首二萬餘級遂復蔚州令圖潘美復以兵來逆于飛狐又擊敗之宋軍在渾源應州者皆遁奏復寰州俄而繼業出

兵令蕭捷禦伏兵于路明旦擁眾為戰勢繼業麾而前斜軫
 佯退伏兵發併力而進繼業敗走至狼牙村心惡之欲避不可
 得為流矢所中被擒責以汝與我國角勝三十餘年今日何面
 目相見繼業但稱死罪而已遂復朔州七月丙子奏捷及上所
 獲將校印綬帶勅并函繼業首以獻詔以傳示雲應諸州守臣
 皆棄城而去八月乙卯還闕加守太保封魏王部將校前破女
 直後有宋捷第功加賞十九年復從南伐九月癸卯卒于軍太
 后親為哀臨仍給葬具庶子徇兒官至小將軍太平八年孫骨
 欲婦阿指斥乘輿事覺骨欲為之隱並坐之籍其家 覲烈字
 兀里軫以謹愿寬恕大見器使太祖即位入侍惟嚙與聞政事
 神冊三年命代曷魯為迭刺部亦離董屬以南方事會討党項
 命副皇太子為先鋒軍至天德雲內分道並進覲烈率偏師度
 弘備錄 卷一百一十八 遼內族二
 河力戰斬獲甚眾天贊初分迭刺部為北南院以為南院夸離
 董時大元帥率師由古北口畧燕地覲烈徇山西所至城堡皆
 下有功錫賚甚厚從伐渤海拔扶餘城畱與寅底石守之天顯
 二年甯守南京十年卒年五十六 羽之字寅底晒小字兀里
 幼豪爽不羣長嗜學通諸部語太祖經營之初多預軍謀天顯
 元年命為東丹王中臺省右次相時人心未安左大相迭刺不
 諭月蕘羽之莅事勤恪威信並行太宗即位上表曰我大聖天
 皇始有東土擇賢輔以撫斯民不以臣愚而任之國家利害敢
 不以聞渤海昔畏南朝阻險自衛居忽汗城今去上京遼邈既
 不為用又不罷戍果欲何為先帝因彼離心乘機而動故不戰
 而克天授人與彼一時也迺種寔以蕃息今居遠境恐為後患
 梁木之地乃其故鄉地衍土沃有水鐵鹽魚之利乘其微弱徙

還其民建萬世長策彼得故鄉又獲木鐵鹽魚之饒必安居樂
 業然後遷徙以翼吾左矣厥党項室韋夾輔吾右可以坐制南
 邦混一天下成聖祖未集之功貽後世無疆之福表奏帝嘉納
 之是歲詔徙東丹國民於梁水時稱其善人皇王奔唐羽之鎮
 撫國人一切如故以功加守太傅遷中臺省左相會同初以冊
 禮赴闕加特進表奏左次相渤海大素賢貪墨不法事詔僚佐
 部民舉有才德代之卒子和里終東京留守 覲烈孫虎古字
 海鄰少穎悟重然諾保寧初補御璣郎君十年使宋還以宋取
 河東之意聞于上合先事為備韓匡嗣問何以知之對曰諸僭
 號之國宋皆併收惟河東未下今宋講武習戰意必在漢明年
 宋果取太原乘勝以逼燕帝以其能料事器之曰吾與匡嗣慮
 不及此授涿州刺史統和初皇太后稱制召赴京師復以事與
 弘備錄 卷一百一十八 遼內族二
 韓德讓相忤因怒取護衛所執杖擊其腦卒 子磨魯古字
 遜隱為人智識善射統和初拜南面林牙四年宋侵燕太后
 親征命為前鋒手中流矢拔而復進頃之創盛不能戰后命與
 北府宰相蕭繼先巡邏境上累遷北院大王七年伐宋為先鋒
 與奴瓜破其將李忠吉于定州即軍中以疾卒
 耶律斜涅赤字鐸益與捷烈俱六院部舍利襲古直之族早隸
 太祖幕下嘗有疾賜樽酒飲而愈遠言酒尊曰撒刺易以為字
 太祖即位掌腹心部居佐命功臣之一天贊初為北院夸離董
 帝西征至流沙諸存潰散命以撫集威聲大振從討渤海破扶
 餘城忽汗已降復叛命諸將分地攻之詰旦斜涅赤感勵士伍
 鼓譟登陴敵震攝莫敢禦遂破之天顯中卒年七十 姪老古
 字撒懶其母淳欽皇后之姊幼養宮掖既長沉毅有勇畧隸太

祖帳下卽位列于佐命功臣屢有戰功刺焉亂欲乘我不備爲掩襲計給降太祖將納之命與欲穩嚴號令勒士卒控轡以防其變逆黨知有備懼而遁以功授右皮室詳穆典宿衛會侵燕趙遇唐兵雲碧店老古恃勇輕敵直犯其鋒戰久之被數創歸營而卒太祖深悼惜之次頗德字兀古鄰狀貌秀偉弱冠事太祖一見卽曰此子風骨異常他日必爲國器後果然天顯初爲左皮室詳穆典宿衛遷南院夸離董治政有聲勒兵授晉破張敬遠軍石敬瑭圖晉安塞復領輕騎襲潞州塞其餉道唐諸將懼殺敬遠以降拜北南院大王旣而加採訪使爲人強直不悅舊制肅祖以下宗室稱院德祖號三父房稱橫帳百官子弟及籍沒人稱著帳太宗囚耶律斜的言橫帳班列不可與北南院並詔在廷議別橫帳班居上頗德奏橫帳與諸族皆臣也始

弘簡錄

卷一百一十八

六

遼內族二

鬚髮皓然精力猶健問以政事上厚禮之俄以疾薨年七十九生平用兵賞罰信明得士卒心河東單弱不爲周宋所併者撻烈有力焉

耶律海里字涅刺昆遥輦喇古可汗之裔太祖傳位海里與有佐命功同心匡輔時屬籍比局萌覬覦而遥輦故族尤觝望海里多先帝知人之明又素服太祖威德獨歸心焉以故太祖託爲耳目數從征討旣清內亂始置遥輦做穩命海里領之天顯初命將遥輦亂從征渤海破忽汗城師還卒四世孫阿沒里字蒲鄰幼聰敏保寧中爲南院宣徽使統和初皇太后稱制與耶律斜軫參預國論爲東路行軍都統以征高麗功遷北院宣徽使加政事令二年奏討女直捷遣使執手獎諭四年從上親征詔馳赴燕南與休哥議軍事拜南征都監以副之屢以破宋

弘簡錄

卷一百一十八

七

遼內族二

軍七年夏四月命率兵分道備宋十二年行在多益賴立禁捕法盜始息嘗諫兄弟雖曰同胞賦性各異一行逆謀雖不與知輒坐以法是刑及無辜也太后納其言自今雖同居兄弟不知情者亦免連坐著爲令後致仕卒生平好聚飲每從征所掠人口聚而建城請爲豐州就以家奴閻貴爲刺史時議鄙之子賢哥左夸離畢

耶律敵刺字合魯隱遥輦鮮質可汗之子爲人善騎射頗好禮文太祖踐阼知其忠實委以軍事兼掌禮儀以平內亂功代轄里爲奚六部吐里卒後裔弘古字益訥隱統和初任軍事爲拽刺詳穆尋徙南京統軍使十三年徇地南鄆克敵於四岳橋斬首百餘級攻宋以戰功遷東京留守封楚國公副先鋒耶律盆奴伐高麗擊破三水營擒康肇于銅州復從奴瓜討西北部

及典禁軍號令整肅諸部多降尋遷侍中卒

耶律欲穩字轄刺于與解里俱突呂不部人祖臺押遼時為北邊搜刺簡獻皇后與諸子罹難嘗倚之以免太祖思其功不忘詔以配享廟庭 欲穩為人嚴重有濟世志佐太祖有功命典司近部以過諸族窺覲之意極見器重益感奮思報自創置護衛宮分卽率門客首以附籍益嘉其忠預平刺葛等亂以功遷奚迭刺部夸夷董從征渤海亦有功天顯初卒諸帝後因其故多取子孫為友弘義宮分中稱八房皆其後也弟霞里終奚六部禿里 解里字潑單世為小吏隸太宗麾下為軍校天顯間唐攻陷定州為兵所獲晉高祖立始歸國太宗賞其罪拜御史大夫會同九年命與降將張彥澤率騎兵三千疾趨河南所至摧陷無敢當其鋒既入汴遷晉王重貴于開封府彥澤恣行

私簡錄

卷一百之八

人 遼內族二

殺掠穢亂宮掖解里頗不能禁百姓騷然怨憤車駕至數彥澤罪斬于市汴人大悅解里亦被詰責尋釋之天祿間加守太子太傅應曆初世襲本部令穩卒

耶律鐸臻字敵葦六院部人祖蒲古只遼輦時再為本部夸夷董會狼德等既害玄祖暴橫益肆賴以計誘其黨悉誅戮之鐸臻與圖魯窘渥里思勃古哲合里只侯哂耶律吼皆其後也鐸臻幼有志節太祖為于越常居左右卽位後梁人遣使求轅軸材因語太祖名為求材實覘吾輕重宜答之曰凡材所生必深山窮谷有神司之須白鼻赤鬚禱祠然後可伐如此則其語自塞已而果然天贊三年將伐渤海又諫若先從事恐西夏必麟吾後請先西討庶無後顧憂太祖從之及淳欽皇后稱制惡而囚之誓曰鐵鎖朽當釋汝既而復召使者欲去鎖鐸臻辭曰

鐵未朽可釋乎后聞嘉歎趣召釋之天顯二年卒 仲弟古字

涅刺昆初名霞馬葛嘗從太祖畧地山右及會李克用於雲州見其立侍語曰是兒骨相非常不宜使在左右自是頗忌之太祖方西討聞諸弟亂作知古不與喜曰吾無患矣趨召古議陳殄滅之策後皆如言以故錫賚甚厚神冊末南伐隸老古麾下與唐兵戰于雲碧店老古傷甚太祖疑古陰害之跪請及今見在遣使往問對以臣於古無可疑者上意乃釋卽以代為右皮室詳穩卒後太祖時語左右古死猶長松自倒非吾伐之也 季弟突呂不字鐸黎勿聰敏嗜學事太祖甚見器重凡製契丹大字贊成居多授文班林牙領國子博士知制誥明年受詔撰決獄法太祖畧燕詔與皇太子及王郁攻定州師還至順州幽州馬步軍指揮使王千率眾來襲突呂不射躡其馬擒之天贊

私簡錄

卷一百之八

九 遼內族二

二年命佐皇子堯骨為副元帥既克平州進軍燕趙攻下幽陽北平至易州其人來拒踰濠而陣李景章出降言城中人無鬪志大元帥將修攻具諫曰我師遠來人馬疲憊勢不可久留乃止軍還太祖聞其謀大悅賜資優渥車駕西征党項仍命為先鋒有功太祖獨師水精山大元帥東歸獨留通西南部復討党項多獲而還會東伐大譚譚降而復叛先登攻陷平之承諾銘太祖功德于承典殿壁師已班所下州郡往往仍叛復從大元帥攻破之淳欽皇后稱制有飛語中傷者后怒懼而亡匿太宗知其無罪召還天顯三年討烏古部俘獲甚眾伐唐以為左翼攻降唐軍霞沙寨十一年送晉主石敬瑭入洛及大冊命總禮儀事加特進檢校太尉會同五年卒

耶律圖魯窘會同元年攻北院大王嘗屏左右與議大事占對

合意從討石重貴杜重威擁十萬餘衆拒泚汜橋兩軍爭渡力戰數日不得進帝患人馬疲倦問計將安出諸將請緩師爲後圖帝然之圖魯若厲色進曰臣愚竊以爲陛下樂於安逸則謹守四境可也既欲擴大疆宇出師遠攻詎能無歷聖慮若中路而止適爲賊利必陷南京存屬邑爭戰未已吾民何日安枕况彼步我騎漢人足力弱而行緩如選輕銳先絕其餉道則事蔑有不濟帝喜而從之既而餉道塞數出師以牽挽其勢重威果如言降以功獲賜甚厚明年春卒于軍 滙里思會同問太宗伐晉至河而獵適海東青鶴搏雉晉人隔水以鶴引去上顧左右曰誰爲我得此人滙里思請內廐馬濟河擒之并殺救者數人遺上大悅優加賞資爲人負勇畧每戰被重鎧揮鐵槊所向披靡長於料敵晉將杜重威在望都據水勒戰因介馬突陣餘私簡錄 卷二百之八 遼內漢一

有石家寨由此言之惠何足較宋人慚服帝聞之曰優伶失辭何可傷兩國交好决杖免官清寧初起爲懷化軍節度使七年入爲北院大王封幽國公歷遊興軍節度使東北路詳穩加兼侍中致仕卒爲人明達勤恪懷柔有道置諸賓館及西邊營田皆自其發之 侯啗字禿寧北院大王查只孫黃皮室詳穩忽古子初爲西南巡邊官以廉潔稱累遷南京統軍使尋爲北院大王重熙十一年党項部人多叛入西夏受詔巡西邊公河要地多建城堡以鎮之徙東京畱守十三年與知黃龍府蕭歐里斯將兵討蒲盧毛朶部有功加兼侍中致仕卒 耶律吼字易魯爲人端慤好施不事生產太宗特加倚任會同六年爲南院大王蒞事精簡人不敢以年少易之奏晉主石重貴表不稱臣辭多倨慢不可不伐及帝親征命統所部兵從入私簡錄 卷二百之八 遼內漢一 汴諸將皆取內帑珍異吼獨取馬鎧帝嘉之及帝崩于藥城無遺詔軍中憂懼不知所爲吼詣北院大王耶律注議曰天位不可一日曠若請于太后則必屬李胡其人暴戾殘忍詎能予民必欲厭人望則當立永康王注然之會安擇意與吼合遂定議項之以功加採訪使賜以寶貨辭曰臣位已高敢復求富臣從弟的珠諸子坐事籍沒陛下哀而出之則臣受賜多矣上曰吼舍重賞以族人爲請其賢遠甚許之仍賜宮戶五十時有取當世名流作七賢傳者吼與其一 天祿三年卒年三十九 子何魯不字斜寧穆宗時因父首議立世宗故不顯用晚年爲本族敵史及景宗即位以平察劊功受昭德軍節度使爲北院大王時黃龍府軍將燕頗殺守臣以叛何魯不討之破於鴨綠江坐不親追擊以至失賊杖之乾亨間卒 五世孫敵烈字撒懶爲

人寬厚好學工文詞重熙中補牌印郎君兼知起居注十三年
由北院樞密副使為右丞離畢十五年轉左清寧元年稍遷永
州同知禁盜有功改北面林牙承旨以重元作亂赴援力戰平
之遷授臨海軍節度使十年徙武安州觀察使咸雍五年累遷
長寧宮使檢括戶部司乾州錢帛遺負立出納經流法公私便
之太康四年為南院大王秩滿部民請留遷南京留守同知有
疾上命乘傳赴闕遣太醫視之轉上京留守大安四年為乙室
大王知西北路招討事改賜母城節度使以疾致仕加兼侍中
賜一品俸八年卒

耶律屋質字敵魯系出孟父房為人簡靜有器識重然諾遇事
造次必從容人莫能測又博學知天文會同間為惕隱太后
世宗兩兵相攻人皆恟恟相謂曰若果戰則是父子兄弟相奪
私簡錄 卷二百之八 遼內族二

人心一推國禍不淺時李胡盡執世宗臣僚家屬語守者曰我
戰不克先殛此曹時屋質從太后世宗以其善籌因欲行問乃
令設事奉書以試太后太后得書轉示屋質讀竟言曰太后佐
太祖定天下故臣願竭死力若太后見疑臣雖欲盡忠得乎太
后曰我若疑卿安肯以書示汝對曰太弟與永康王皆太祖子
孫神器非移他族為今之計莫若以言和解事必有成太后問
誰可遣者對曰設不疑臣請往萬一見聽廟社之福太后乃遣
屋質授書於王王遣耶律海思復書辭多不遜屋質因諫書意
如此國家之憂方殷未艾臣願釋怨以安社稷王曰彼眾烏合
安能敵我屋質曰即不敵奈骨肉何况未知孰勝借曰幸勝諸
臣之族執於彼者無噍類矣以此計之惟和為善左右聞者皆
失色王讓之曰汝與朕屬尤近何反助李胡對曰臣以社稷至

重不可輕付故如是耳王良久復問曰若何而和對曰與太后
相見各紓志念和之不難不然決戰非晚王然之遂遣海思詣
太后約和往返數日議乃定始相見怨言交讓太后復謂汝當
為我妻之進曰太后與大王若能釋怨臣乃敢進說太后曰汝
第言之屋質借謁者籌執之語曰昔人皇王在何故立嗣聖太
后曰立嗣聖者太祖遺旨又語王曰大王何故擅立不稟尊親
世宗曰人皇王當立而不立我正常立屋質正色曰人皇王捨
父母而奔唐子道當如是耶大王見太后不少遲謝惟怨是尋
太后幸於偏愛託先帝遺命妄授神器如此何敢望和當速交
戰擲籌而退太后悔心已萌泣曰向太祖遺諸弟亂天下荼毒
亦未復庸可再乎乃索籌一王又曰父不為而子為又誰咎
耶亦取籌而執左右咸激大慟太后復謂屋質識多不決神器

私簡錄 卷二百之八 遼內族二
竟誰歸屋質曰太后若授永康王順天合人亦復何疑李胡厲
聲曰我在兀欲安得立屋質曰禮有世嫡不傳諸弟昔嗣聖之
立尚以為非况公暴戾殘忍人多怨讟萬口一辭願立永康王
不可奪也太后顧謂李胡汝實自為之乃許立世宗即位益喜
其忠天祿二年耶律石刺潛告天德蕭翰劉哥益都等為亂屋
質遽引入見白其事劉哥巧言俸免屋質奏當使與石刺對狀
不可輒恕世宗令鞠之屋質率劍士往訊天德等伏罪三年又
表列察制陰謀事上不聽五年為右皮室詳穩聞察制弒帝有
言衣紫者不可失屋質乃易衣而出亟遣人召諸王及喻禁衛
長皮室等同力討賊遣弟冲迎壽安王既至意尚猶豫勸曰大
王嗣聖子萬一落賊手必不見容悔將何及王始悟諸將聞其
言相繼而至遲明整兵出賊不意圍之遂誅察制亂既平移宗

即位獎語朕之性命實出卿手命知國事盡賜以逆黨財產屋
質固辭應歷五年為北院大王總山西事保寧初宋圍太原令
率兵往援至白馬嶺遣勁卒夜出間道疾馳駐太原西鳴鼓舉
火宋以為大軍至懼而宵遁以功加于越四年漢劉繼元遣使
來貢致幣於屋質帝命受之五年五月癸亥薨年五十七景宗
痛悼報朝三日至道宗時庶子唐古乞銘父功始命耶律庶成
製文勒石上京崇孝寺立祠享祀以旌之 唐古字敵隱為人
廉謹善屬文統和二十四年述其父安民治盜之法以進補小
將軍遷西南而巡檢歷泰州刺史唐古部詳穩嚴立科條禁姦
民鬻馬於宋夏界因陳弭私販安邊境之要太后嘉之詔邊境
遵行著為令又言朝議欲廣西南封城黑山之西綿亘數千里
戍壘太遠卒有警急赴援不及非良策也從之西蕃來侵詔嚴
弘簡錄 卷二一八
守禦計命勸督耕稼以給西軍口于肱胸河側是歲大熟明年
移屯鎮州凡十四稔積粟數十萬斛斗米數錢重熙間改隗衍
黨項部節度使四年上疏初時築可敦城以鎮西域諸部縱民
畜牧反招寇掠今欲復守故疆乞省罷戍役不報十四年為右
奔高畢俄致仕卒年七十八

尤加憐恤密自結納令直宿衛太宗崩於藥城諸將欲立世宗
以李胡及壽安王在朝猶豫未決世宗密召問計勸以大王聰
安寬恕人皇王之嫡長先帝雖有壽安天下屬意多在大王今
若不斷後悔無及會有自京師來者安博詐言李胡死傳報軍
中皆以為信又詭北南二大王計之注聞而遽起曰先帝嘗欲
以永康王為儲歟吾二人方議此事有我輩在孰敢不從但恐
不自太后而立為國家啟慶安博曰大王既知先帝欲以王為
儲副若稍緩則大事去矣况今天下甫定思得賢明人心樂附
設立李胡如社稷何吼大是其言計始決乃整軍召諸將奉世
宗即位于太宗柩前帝立倚為腹心總知宿衛太后問吾與汝
有何隙安博以父死為對后意然初置北院樞密使即命為
之賜奴婢百口寵任無比政事皆取決焉然性太寬樂循苟簡
弘簡錄 卷二一八
棄猶縱恣不能制天祿末察割兵犯御帳不能討中外短之穆
宗即位以立世宗故不復委用應曆三年誣與巷撤葛謀亂繫
獄死姪撒給左皮室詳穩

耶律安博女祖仲子巖木曾孫祖楚不魯本部考高董父迭里
勿多疾太祖常加撫育神冊六年為惕隱從討阻卜党項有功
天贊三年為南院考高董征渤海攻忽汗城俘斬甚眾坐議太
宗嗣位建言帝位宜先嫡長忤太后旨詔下獄以黨附東丹王
加以炮烙之刑不伏殺之籍其家安博自切若成人居喪哀毀
見者傷之太宗屢加慰諭曰此兒必為令器既長寡言笑重然
諾動遵繩矩事母至孝痛父死非罪未葬不預宴樂世宗居藩

少者器識人以公輔期之太祖時雖未授官常任以事太宗即
位為惕隱天顯末帝授河東命為先鋒敗張敬達會同中遷北
院大王及伐晉復為先鋒與梁漢璋戰於瀛州敗之太宗道崩
南方州郡多叛士馬困乏軍中不知所為注與吼號令諸將有
不從者律用軍法皆應曰諾世宗即位賜宮戶五十拜于越卒
年五十四 庶孫學古字乙辛隱穎悟好學工譯鞮及詩保寧
中補御蓋郎君乾亨初受詔往援南京始至我兵新敗宋勢益
張城中民懷二心賴以討安反側隨宜備禦晝夜不懈戰却敵

人夜登城者圖遂解乃開門列陣四面鳴鼓居民大呼聲震天地旋有高粱之捷以功遷授保靜軍節度使為南京馬步軍都指揮使二年伐宋令將漢軍改節彰國軍值南境未寧民思休息亟為禁止寇掠復遇宋將潘美分道來侵城中兵寡命張盧

乃誘我耳宜嚴兵以待匪嗣不信之休哥曰彼聚整而銳必不肯屈兵大至鼓譟疾馳士卒棄旗鼓走遂敗績休哥整兵進擊敵乃却俄收所棄兵械全軍而還詔總南而戍兵為北院大王車駕親征圖瓦橋關宋兵來救守將張師突圍出帝親督戰保哥斬師餘眾退走入城宋陣于水南將戰帝以休哥馬介獨費慮為

然後退歸田里以疾卒

敵所識易賜玄甲白馬乃率精騎渡水擊敗宋軍追至莫州橫屍滿道數矢俱罄生獲數將以獻帝悅賜御馬金盃勞之曰爾勇過于名若人人如卿何憂不克師還拜于越聖宗初太后稱制命為南面行軍都統以便宜從事因均戍兵立更休法勸農桑修武備邊境大治統和元年轉南京留守賜南面行營總管印綬總邊事命懇篤持送下車勝論燕民涿州刺史安吉奏宋築城河北詔引兵撓之遂不果城時宋多聚糧邊境聞宋主將如五臺山詔嚴為備九月丙辰奏秋霖害稼請權停關征以通山西貿易從之四年宋將曹彬米信取涿州固安時北南院與奚部兵尚未至以力寡不敢出戰夜出輕騎殺其單弱以脅餘眾盡以精銳張其勢使彼勞於防禦以疲其力又設伏林莽絕其糧道卒困彬等伺退保白溝月餘復至亟引輕兵薄之擊

其離伍單出者且戰且却敵自救不服結方陣墮地兩邊而行凡四日始達于涿適太后軍至益以銳卒追及之南軍力窮環糧車以自衛休哥圍之至夜彬信以數騎亡去餘眾悉潰追至易州東宋師尚數萬瀕沙河而彘促兵往擊之至則望塵奔竄蹂躪岸谷死者過半沙河為之不流太后旋旆休哥收宋屍為京觀封宋國王奏可乘勝畧地至河界詔為儲器棧備芻粟待秋大舉遣炮手西助斜軫秋復南征拜先鋒都統敗宋兵於整都遣人獻俘宋將劉廷讓並海出數萬騎聲言與李敬源合兵取燕先以兵扼其要地伺太后軍至接戰殺敬源廷讓走瀛州六年與蕭排押裏曷捉生將至易州遇宋兵殺其指揮使而還又遣詳穩意得里獻所獲宋謀者十月癸未進軍長城口擊敗宋定州守將李興追奔五六里十一月己酉復獻黃皮室詳

然後退歸田里以疾卒

續修四庫全書 史部 別史類

穩徇地莫州所獲馬匹士卒賜隸燕京西路又送降卒命給寒衣十二月丙申又獻奚詳穩耶魯所獲宋謀七年宋復遣劉廷讓等乘暑渡來攻易州諸將保之獨休哥率銳卒逆擊于沙河之北殺傷數萬獲輜重不可計獻于太后嘉其有功免拜不名賜以紅珠筋線命入內神帳行再生禮賜物甚厚自是宋人畏之不敢北向至欲止兒啼輒曰于越休哥至矣七年引軍至滿城招降卒七百餘人獻于朝以隸東京時燕民極弊爲省賦役恤孤寡戒戍兵各無犯境有馬牛逸者悉還之遠近向化邊鄙以寧十六年十二月丙戌薨是夕雨木冰訃聞帝與太后痛悼輟朝五日詔立祠南京休哥生平智畧宏遠料敵如神每戰勝讓功諸將故士卒樂爲之用身更百戰未嘗多殺無辜二十一年子道士奴高九以謀反誅餘子高八官至節度使高十終于弘備錄 卷一百一十一 大 遼內族二

監鹿詳穩亡一鹿下獄當死奪獵葛又諫人命至重豈可爲一獸殺之良久得免會秋獵遼法巖岐角者惟天子得射上命奪臘葛射應弦而踏上大悅賜以金銀名馬及黑山東抹真之地數十里後坐穆宗被弒守衛不嚴被誅

耶律沙字安隱應曆間累官南府宰相景宗即位總領南面邊事保寧間宋攻河東沙將兵救之有功加守太保九年十月甲子以党項降人可醜買友來見詔以可醜爲司徒買友爲太保各賜物遣之乾亨初宋復北侵沙將兵由間道至白馬嶺阻大淵過敵沙與諸將欲待後軍至而戰冀王敵烈監軍抹只等以爲急擊之便沙不能奪敵烈等以先鋒渡澗未半爲宋人所擊兵潰抹只僅以身免敵烈及其子蛙哥沙之子德里令穩都敏詳穩唐等五將俱沒會斜軫救兵至萬矢俱發敵軍始退沙

將趨太原以漢駙馬盧侵來奔言太原已陷勒兵而還宋乘銳侵燕沙復與戰于高粱河稍却又遇休哥斜軫等邀擊宋軍敗宋主問道而遁上命與抹只等俱以功釋前過是年復從韓匡嗣伐宋敗於滿城帝欲誅之以皇后營救得免睿智皇后稱制召賜几杖以優其老復從伐宋敗劉廷讓李敬源之軍賜資優渥統和六年卒 耶律抹只字留隱隋國王後初以皇族入侍景宗擢爲林牙以幹給稱保寧間遷樞密副使滿城之敗獨抹只部伍不亂徐整旗鼓而歸誓褒諭改南海軍節度使乾亨二年命權奚王引兵至南京營繕守備統和初爲東京留守兼侍中二年八月奏女直木不直賽里等八族內附詔納之四年三月遣隨大軍繼進賜劔專殺四月令統諸軍赴行在與休哥等逆戰宋將曹彬米信等于涿州東克之遙聞遠軍節度使封

漆水郡王因奏今歲霜旱州民歲輸稅粟每斗折錢五今增為六部貧民便之統和末卒

耶律善補字瑞昇與何魯掃古馬六化哥仁先俱孟父楚國王之後善補純謹有才智景宗授于牛衛大將軍遷大同軍節度

使伐宋命為南京統軍使由西路進聞韓匡嗣失利即斂兵還乾亨末復戰滿城為伏兵所圍斜軫救之獲免詔以失備大杖

決罰統和初為大內惕隱奏宋邊七十餘村來附詔存撫之四年帝與太后親征命以軍赴山西逆宋師擢都元帥懼不敢戰

多陷嶺西州郡坐奪職俄因叔安端有匡輔功世宗怒之復徵為南府宰相遷南院大王會再舉伐宋召眾將集議以魏城無

備欲攻之善補曰攻固易然城大若克之士卒貪掠勢必難退且傍多巨鎮各出援兵何以當之乃止生平性懦守靜凡征討

私簡錄 卷一百之八 何魯掃古字烏古鄰重熙未補祇侯郎君清寧初加安州團練使太康中歷懷德軍節度

使奚六部禿里太尉詔與樞密官指畫東北邊事改左護衛太保侍上言多率易察其無他故優貸之八年知西北路招討使

事始因邊部來侵誘北阻卜酋豪磨古斯攻之俘獲甚眾以功加左僕射明年復討耶視剌等誤擊磨古斯北阻卜由是叛命

遣都監蕭張九往討不利二室韋拽刺與六院部特滿羣牧官分等軍俱陷于敵坐不以實聞削官決以大杖壽隆間累遷東

京留守加惕隱兼侍中賜保節功臣道宗崩與宰相耶律儼總山陵事乾統三年為南院大王尋卒 馬六字惕隱為人畏慎

容物不厭不世務淡于榮利性寬和善諧諼親朋會遇一坐盡傾或有面相陵折者恬然若弗聞以故上益親狎與耶律弘古

為刺血友薦補宿直官重熙初遷旗鼓刺詳穩三年遷崇德官使五年為惕隱七年拜北院宣徽使龍遇過宰輔帝常呼之以兄十一年由西京留守為漢人行宮都部署改遷興軍節度使卒年七十子奴古達終南京宣徽使

耶律化哥字弘隱善騎射乾亨初為北院林牙統和侵宋令統平州兵馬諜知敵山海路來襲即先據平州要地事平拜上京

留守遷惕隱為北院大王復侵宋為先鋒被敵于遂城以功轉南院大王六年八月丙申與朮不姑春古里來貢尋改北院樞

密使開泰元年伐阻卜值棄輜重遁走俘獲甚多帝嘉其功封關王命經畧西邊以西北路畧平西兵戍守鎮州詔還闕既而

復命西討糧乏馬弱勢不可守乃益兵深入居翼只水破阻卜酋長烏八之眾徐以兵進蕃人望風奔潰獲羊馬及輜重路由私簡錄 卷一百之八 進內族二

自拔烈遇阿薩蘭回鶻掠之都監裏繼至始知其誤蓋此部實効順者因悉還所俘諸蕃由此不附上使案之前王爵以待

中遙領大同軍節度使卒 弟弘古字胡篤堂與聖宗嘗刺臂血盟為友禮遇尤異統和間累遷順義節度使入為北面林牙

太平元年加同政事門下平章事出為彰國軍節度使兼山北道兵馬都部署徒武定軍節度使拜惕隱六年蕭惠將兵伐甘

州回鶻不呂死之詔遣與化哥等將兵往討有功拜南府宰相太保尋不呂死之詔遣與化哥等將兵往討有功拜南府宰相

改上京留守重熙六年遷南院大王與馬六俱御製詔辭以龍之十三年加于越計開上哭曰惜哉善人喪至親臨奠焉

耶律仁先字紇鄰小字查刺父瑰引典宗引為刺血友至南府幸和生三子仁先魁偉爽秀有智畧重熙三年補護衛帝與論

政才之自負以為不世遇言無所隱授宿直將軍累遷殿前副
點檢改鶴刺唐古部節度使俄召為北面林牙十一年陞北院
樞密副使使宋議十縣地曩者石晉報德木廟割以獻者周人
攘而取之是非利害灼然可見宋無辭以對定議歲增銀絹十
萬兩匹還還南京留守同知十三年伐夏留鎮邊未幾召為契
丹行宮都部署奏復王子班郎君及諸宮雜役十六年遷北院
大王從其奏兩院戶口殷庶詔免他部助役十八年再舉伐夏
與皇太弟重元為前鋒遇蕭惠失利帝猶欲進兵仁先力諫乃
止後知北院樞密使遷東京留守女直恃險侵掠不止奏乞開
山通道以控制之邊民安業封吳王清寧初拜南院樞密使化
哥諧之出為南京兵馬副元帥守太尉更王階六年復為北院
大王御製誥文賜之民歡迎數百里如見父兄疑重元凶狠宜
早為備其黨蕭胡觀等忌之請以為西北路招討使道宗將從
之乙辛奏乃先帝舊臣德冠一時不宜補外復拜南院樞密更
王許七月從獵太子山重元謀逆帝趣往捕未及介馬已犯唯
宮帝欲幸北南院止曰陛下若舍扈從而行賊必躡其後且南
北大王心未可知其子捷不也曰聖意豈可違乎仁先怒擊其
首帝悟悉委以討賊事乃環車為營折行馬作兵仗率官屬近
侍三十餘騎陣柝外以五院部蕭塔刺所居最近亟召之分
遣人集諸軍黎明賊又率奚人二千犯行宮塔刺兵適至仁先
料賊勢不能久埃其氣沮攻之乃皆營而陣乘便奪擊賊衆奔
潰追殺二十餘里重元與數騎遁去帝執仁先手曰平亂皆卿
之功也加尚父進封宋王拜北院樞密使親製文以褒之詔書
灤河戰圖以旌其功咸雍元年加于越改封遼王與乙辛共事

抑其恃寵不法由是見忌出為南京留守改王晉至則恤孤憫
禁姦惡宋聞風震服議者謂自休哥後一人而已會阻卜塔里
千坂領禁軍往討賜以鷹紐印及奶論便宜從事仁先既至嚴
斥候扼敵衝懷柔服從庶事整飭賊來逆擊追殺八十餘里大
軍繼至又敗之別部把里斯禿沒等來救見其屢挫不敢戰而
降北邊遂安八年五月薨年六十遺命家人薄葬 捷不也字
胡獨董清寧二年補祇候郎君累遷承興宮使以平重元亂遷
授忠正軍節度使賜定亂功臣殿前點檢同知歷高陽臨海二
軍節度使左皮室詳穩太康六年授西北路招討使率諸部酋
長入朝加兼侍中時朝廷務姑息多擇柔愿者為招討自蕭敵
祿後諸部漸至跋扈及是合容尤甚邊防益廢尋改西南而適
阻卜酋長磨古斯叛命代何魯掃古仍為西北路招討磨古斯
之為部長由其所薦遣人誘致之給以為降信之以兵逆于鎮
州西南沙磧間禁士卒無得妄動敵至裨將耶律縮斯徐烈見
其勢銳不及戰而走遂被害年五十八贈兼侍中諡貞惻生平
少謹愿後為族婆所惑出其妻終以無子人以此譏之
弟義先天性忠直美風姿舉止嚴重重熙初補祇候郎君班詳
穩十三年車駕西征為十二行紮都監戰功最多改南院宣徽
使疾同樞蕭革席寵擅權因侍譏言于帝曰革狡佞喜亂一朝
大用必誤國家言甚激切不納他日復侍宴上命羣臣博義先
當與革對辭曰臣縱不能進賢退不肖安能與國賊博哉帝止
之曰卿醉矣猶厲聲不已上大怒賴皇后救得解自此鬱鬱不
自得然議事未嘗少沮十六年為殿前都檢點明年充行軍都
部署副以夏行美耶律迷者為監軍討蒲奴里多所招降獲其

部長陶得里以歸遣使奏捷手詔褒獎以功改南京統軍使封武昌郡王奏請統軍司錢營息以贍貧民未期軍器完整民得休息二十一年拜惕隱戒其族人曰國家三父房皆帝之昆弟最為貴族天下風化所自出凡諸不孝不義尤不可為故其接下無貴賤賢否皆與均禮其妻晉國長公主之女亦以身率先每遇中表親非禮服不見內外多化之進王富春薨年四十二清寧間追贈許王弟信先以父故與宗幼養于宮既長善騎射重熙十四年為左護衛太保同知殿前點檢司事明年改漢人行宮都部署十八年兼右祇候郎君班詳穩上問所欲對曰先臣塊引與陛下分如同氣然不及王封儲使蒙恩地下臣願罪矣上曰此朕遺忘之過追封燕王是年從蕭惠伐夏敗于河南例被責清寧初為南面林牙卒

私簡錄

卷一百一十八

五

遼內族二

耶律室魯字乙辛隱六院部人魁岸美容儀與聖宗同年生愛之甫冠補祇候郎君未幾為宿直官師出侵宋為隊帥攻援通利軍加檢校太師奚王府監軍歷北南院大王和議成特進門下平章事賜推誠竭節保義功臣以本部俸羊多闕人又空乏請以羸老之羊及皮毛歲易南中絹彼此利之二十九年拜北院樞密使封韓王自韓德讓知院職多廢曠室魯拜命朝野相慶未幾從上獵松林至沙嶺卒年四十四贈守司徒政事令二子十神奴南院大王歐里思字雷隱少有大志未冠補祇候郎君開泰初為本部司徒秩滿開居徵為郎君班詳穩遷右皮室將本部兵從蕭排押伐高麗茶陀之敗獨全軍還帝嘉賞終西南面招討使

耶律世良小字幹六院部人才敏給練達國朝典故及世譜上

書與族弟敵烈爭嫡庶聖宗始識之韓德讓病篤以自代統和末為北院大王開泰初因大冊禮加檢校太尉同政事門下平章事會西邊拒命擢為都監與耶律化哥將兵往禦之明年化哥還將罷兵世良獨請益兵可克帝從之遂與化哥追至安貞河大捷而還自是邊境以寧論功封為岐王拜北院樞密使三年命遷馬駝于烏古部會迪烈部人奪刺殺其渠長稍瓦而叛鄰八部皆應攻陷巨毋古城再命伐之密詔東京畱守善寧平章涅里袞總大軍及女直諸部兵分道而進世良率兵壓境至清泥場大破之先時于厥既平朝議內徙其衆于厥重遷遂叛世良懲創其事輒殲其丁壯勒兵渡曷刺河進擊餘黨其將勃括聚兵來擊我軍小却是夜勃括誘于厥之衆皆遁世良追之勃括輕騎遁去獲其輜重及所誘于厥之衆併遷迪烈得所獲

私簡錄

卷一百一十八

五

遼內族二

輅麥里部民城臚胸河上以居之獻俘獲數賞賚有功將士樞密使貫寧奏詔侍御撒刺獎諭代行執手之禮四年并伐高麗為副部署都統劉慎行逗遛失期執還京師世良與都監蕭屈烈進兵明年正月庚戌至北都護府破追兵于鄂州西斬首數萬級盡獲其輜重乙卯次南海以暴疾卒於軍耶律盆奴字胡獨董惕隱涅魯古孫景宗時為烏古部詳穩政尚嚴急民苦之有司以聞詔諭盆奴任方面寄以細故究問恐損威望尋遷馬羣太保統和十六年隱實燕軍之不任事者次之二十八年駕征高麗為先鋒至銅州其將康肇分兵為三以抗我軍一營于州西據三水之會肇居其中一營近州之山一附城而營盆奴率耶律弘古并的琮擊破之擒肇李玄蘊等軍望風奔潰會大軍至斬三萬餘級追至開京破敵於西嶺邊城

不守王詢懼僞遁平州諸將入開京焚其王宮撫慰其民人上嘉其功遷北院大王薨 的瑛字耶寧與仙童俱仲父房之後習兵事為左皮室詳穩帝壯之日以卿英才為國戮力真吾家千里駒也賜以御馬及緇鐘明年為北院大王出授烏古敵烈部都詳穩年七十二卒 仙童重熙初為宿直官累遷惕隱都監以寬厚稱蒲奴里叛命為五國節度使率師討之擒其帥陶得里又擊烏古叛降其眾授左監門衛上將軍改彰國軍節度使拜北院大王清寧二年知黃龍府事遷侍衛親軍馬步軍都指揮歷忠順武定二軍節度使致仕封將國公咸雍初徙封許國公卒

耶律題子字勝隱北府宰相兀里之孫為人善射工書遇敵將有因傷而什者繪其狀以示敵人咸嗟神妙保寧間為御蓋郎

私簡錄 卷一百一十八 美 遼內族二
若九年奉使于漢具言兩國通好長久之計劉繼元深加禮重統和二年將兵與西邊詳穩耶律速撒討陀羅斤大破之復從斜軫擒楊繼業論功居最又收賀令圖於定安授西南面招討都監聞宋兵守蔚州急召外援夜伏兵道傍黎明授兵果至行過未半而擊之城中軍出復為斜軫所邀兩軍俱敗奔于飛狐地隘不得進殺傷甚眾令圖復集敗卒來襲蔚州題子逆戰復破之應州守將自遁進圍寰州冒矢石登城宋軍大潰是冬復與蕭撻凜由東路擊宋俘獲甚眾後聞宋兵屯易州率兵逆之至易境而卒

耶律八哥字烏古鄰五院部人幼聰慧書一覽輒成誦統和中以世業為本部吏未幾陞開撒拔詳穩樞密院侍御扈從車駕禦宋將曹彬米信有功擢上京留守開泰四年召為北院樞密

副使奏渤海承奉官宜有以統領之上從其言置都知押班七年命與蕭排押帥師伐高麗以為都監至開京大掠而還濟茶陀二河高麗追兵至諸將欲伺渡河擊之獨持不可曰敵若渡河必殊死戰乃危道也不若擊於兩河之間排押從之戰敗績坐削使相降西北路都監復起畱守東京奏黃龍領兵入女直界狗地俘獲人馬牛畜不可勝計得降戶二百七十詔獎諭之未幾卒

耶律瑋質字振里董積慶宮人室韋部節度使侯古之子篤學廉介有經世志統和十年累遷至積慶宮使聖宗聞其正直特進用之論以國有害宜無所隱凡所陳請多見嘉納從征高麗破康肇軍其力為多王詢一戰而敗遽求納款上名羣臣議皆謂宜納瑋質獨言其詳納之恐墮姦計待其勢窮力屈亦未

私簡錄 卷一百一十八 美 遼內族二
為晚已而詢果題清野無所獲其眾阻險而壘攻之不下瑋質以計降之擢拜四蕃部詳穩時招討使耶律頗的為總管理質恥居其下上表臣先朝舊臣今既垂老乞還新命覲得常侍左右帝曰朕不使汝久處是任且命無隸招討得專奏事到部賊暴懷善政績顯著尋卒于官

耶律古昱字磨魯董突呂不四世孫有膂力工馳射開泰間為烏古敵烈部都監會部人叛從樞密世良討平之以功授左千牛衛上將軍詔鎮撫西北部教以種樹畜牧不數年民多富實中京盜起命為巡邏使悉擒之太平七年擢為北院大王上親征渤海將黃皮室軍有破敵功累遷御史中丞尋授開遠軍節度使徙鎮歸德二十一年改天成軍節度使卒于官時年七十贈同中書門下平章事 子二宜新重熙間從蕭惠討西夏惠

敗績獨全軍拜北院大王知北院樞密使事咸熙九年為中京
留守卒 兀沒太康三年為漢人行宮副都署乙辛誣害太子
詞連及帝釋之復奏與蕭楊九私議宮壘事被害乾統間贈同
中書門下平章事

耶律和尚字特抹與特麼俱出季父房重熙初補祇候耶君時
帝篤于親親凡三父之後皆序父兄行第於和尚尤狎愛素善
滑稽然每侍宴飲未嘗有一言之過出是上益重之歷積慶宮
使永興宮都部署同知南院宣徽使事南而林牙十六年出為
懷化軍節度使俄召為御史大夫二十三年大冊加天平軍節
度使檢校太師徙中京路案問使卒生平雅有美行數以財恤
親友人皆愛重然嗜酒不事事以故不獲柄用或以為言答曰
吾非不知顧人生如風燈石火不飲將何為晚年沈酒尤甚人
私簡錄 卷二百之八 遼內族二

稱為酒仙 特麼重熙間為北剋累遷六部禿里太尉太安四
年為倒捷嶺節度使頃之為禁軍都監是冬討磨古斯斬首二
千餘級十年復討之既捷授南院宣徽使壽隆元年為北院大
王四年知黃龍府事卒

孩里字胡鞏回鶻人其先在太祖時來貢願留因任用之重熙
間歷近侍長清寧九年討重元有功加金吾衛上將軍賜平亂
功臣累遷殿前都點檢宿衛以嚴肅稱太康初加守太子太保
二年加同中書門下平章事三年改同知南院宣徽使事乙辛
山守中京尋議復召陳其不可乙辛再入出為廣利軍節度使
皇太子被誣孩里當連坐有詔勿問大安初歷品達魯魯部節
度使生平素信浮圖壽隆五年有疾邦醫藥自言吾數已盡清
寧初從上獵墮馬憤而復蘇言見二人引至一城宮室宏敞有

衣絳袍人坐殿上左右列侍導以升階持牘者示之曰本取大
腹骨欲誤執汝牘上書官至使相壽七十七須臾遣還擠之大
壘而道宗聞之命書其事後果驗

耶律攻字吾展與適祿俱迺鮮質可汗之後重熙初召修國
史補符寶郎累遷知北院副都署事入見太后頓左右曰先皇
謂朕必為偉人果然除樞密副使出為西南而招討都監歷同
簽南京留守事名為南而林牙俄佐皇弟秦國王同知遼興軍
節度使事在職多所匡正咸雍初兼北院副都署復佐秦國王
為西京留守同知歲中獄空者三名為孟父房斂隱生平不喜
貨殖帝知其貧賜宮戶時西北諸部久不能平遣決問狀至則
執弛慢者痛繩之尋以酒疾卒 適祿字敬懶清寧初為本班
郎君稍遷宿直官乾統中從伐阻卜有功加奉宸歷護衛太保
私簡錄 卷二百之八 遼內族二

改弘義宮副使時上京臬賊趙鍾哥跋扈自肆適祿擒之加奉
州觀察使為達魯魯部節度使天慶中知與中府加金吾衛上
將軍為盜所殺

耶律石柳字酬宛六院部人南院大王獨顯孫統軍副使安十
子性剛直有經世志始為牌印郎君太康初改考為里郎君每
聞乙辛斥忠賢進奸黨心切惡之反被誣害流于鎮州天祚初
即位召為御史中丞上書臣聞恩賞明則賢者勸刑罰當則姦
人消二者既舉天下不勞而治臣前為姦臣所陷斥竄邊郡幸
蒙召川不敢隱默臣見乙辛身出寒微位居樞要竊權肆惡不
可名狀蔽先帝之明誣陷順聖構害忠讜敗國罔上自古所無
賴廟社之休陛下獲纂成業積年之冤一旦洗雪正陛下英斷
克成孝道之秋如蕭得裏特實姦黨之首耶律合魯不為早辨

賴陛下之明遂正其事。羣臣見陛下多疑。故各懷顧忌。不切推問。乙辛在先帝朝。權寵無比。先帝若以順考為實。則乙辛為功也。陛下豈得立耶。先帝黜逐。後詔陛下在左右。是亦悔前非也。陛下詎可忘父讐。不報。竟逆黨不誅。今聖骨未獲。而求之不切。傳曰。聖人之德。無加于孝。昔唐德宗因亂失母。思慕悲傷。孝道益著。周公誅飛廉。惡來。天下大悅。今逆黨未除。大冤不報。上無以慰順考之靈。下無以釋天下之憤。怨氣上結。水旱為沴。臣願陛下下明詔。求順考之瘞。所盡收逆黨。以正邦憲。快四方忠義之心。昭國家賞罰之用。然後致治之道可得而舉矣。謹別錄順聖升遐及乙辛等事。昧死以聞。書奏不報。聞者莫不歎惋。石柳乾統中。遙投靜江軍節度使。卒于馬哥。同中書門下平章事。舊史論曰。易言履霜。堅冰至。謹始也。使道宗能從嚴辭。撤刺之。諫后何得而誣。太子何得而廢。皇孫亦不至遠立。遼之為國。未知其何如也。人徒知兀納。擁祐。皇孫之功。而不知天祚之立。目前徒見其好。以漸不覺其非。卒以敗亡。豈不哀哉。觀於石柳之書。蓋可見矣。

耶律引吉字阿括。品部人。父雙古鎮。西邊二十餘年。治尚嚴肅。不殖貨利。時多稱之。引吉寅畏好義。以廕補官。累遷東京副留守。北樞密院侍御。值蕭蕭圖古辭等。以佞見任。嚮附納賄。獨秉直道。處其間。無所阿唯。未幾改客省使。會朝廷遣使括三京隱戶。不得以命。引吉得數千餘戶。昭懷太子知北南院事。題為輔導。樞密乙辛將領太子惡。其在側。奏出之。為羣牧林牙。太康元年。奏止乙辛請賜收地。目今方患補。隱畜不蕃息。豈可分賜臣下。由是益嫉之。除懷德軍節度使。徙漠北。積水馬羣。太保卒。

耶律幹特刺字乙辛。隱真底石。六世孫。少不喜官。祿年四十一。始補本班郎君。值樞密乙辛。擅權。讒害忠良。恐禍及深。自抑畏。太康中。為宿直官。歷左右護衛。太保。大安元年。升燕王。傳二年。知樞密院事。轉左。考。四年。改北院樞密副使。帝賜詩。褒獎。遷知北院樞密使。事賜翼。聖佐。義功臣。會北阻卜部長。磨古斯。叛。命率兵進討。時天大雪。敗其四別部。斬首千餘級。拜西北路招討使。封漆水郡王。加賜宣力守正功臣。入為南府宰相。復討。州府得就。按之比歲。非奉樞府檄。不得鞠問。以故訟者稽留。奏請如舊。從之。五年。討耶親剌。部復為西北路招討使。兼禁軍都統。俘斬甚眾。獲馬。馳牛羊各數萬。明年。擒磨古斯。加守太保。賜奉國匡化功臣。乾統二年。又獻耶親剌等部。捷阻卜來侵。復戰。敗之。俄罷招討。歷除南院樞密使。改北院。封混同郡王。加守太師。賜推誠贊治功臣。致仕。諡曰敬肅。

耶律棠古字蒲連。宛六院郎君。葛刺之後。太康中。補本班郎君。累遷至大將軍。性強毅。率直。好別白。黑人有不善。必盡言。無隱。在朝。數論宰相得失。由是久不得調。後出為西北皮長。乾統三年。后族蕭得里底。招討西北路。慢侮僚吏。怒其不屈。罷之。天慶初。敵烈叛。召拜烏古部節度使。至即論降叛者。出私財。發富民。資以振困乏。部民大悅。加鎮國上將軍。及得里底與金人戰。敗。嶺。棠古上書。臣雖老。願為國破敵。若得里底者。請以軍法論。不納。保大元年。致仕。明年。天祚出奔。謁於倒揚嶺。見上流涕。慰而止之。復令鎮烏古部。敵烈以五千人來攻。率家奴擊破之。加太子太傅。年七十二卒。

奚禿里太尉尚燕國公主拜駙馬都尉為羣牧都林牙在軍中
多修邊幅僚佐言非將帥才尋改南京雷守周人攻揚州遣領
兵躡其後憚暑不敢進拔綠邊數城而還後周師來侵圍馮母
鎮勢張甚請帝益兵報曰敵來則與統軍司併兵拒之敵去則
務農作勿勞士馬會敵入東城我軍退渡淶沱而屯思溫勒兵
徐行周軍數日不動與諸將議敵衆而銳戰恐不利且有後患
不如頓兵以老其師躡而擊之可以必勝諸將從之俄周人引
退思溫亦還已而周主復北侵與其將傅元卿李崇進等分道
並進圍瀛州陷三關垂迫固安思溫計無所出但云車駕旦夕
至麾下士奮躍請戰不從已而陷易瀛莫等州人皆震駭自以
邊防失利恐朝廷罪已表請親征退兵至益津會周主榮以病
歸燕民始安乃命班師還拜侍中穆宗被弑士論罪以密戚預
政無所匡輔保寧初以立景宗擢北院樞密使兼北府宰相仍
命世預其選冊其女為皇后加封祖韓王父尚書令封魏王伯
胡魯古兼政事令尼古只兼侍中從帝獵間山為賊所害 姪
繼先字惕隱小字雷只哥幼穎悟思溫命為已子睿智皇后尤
愛之乾亨初尚齊國公主拜駙馬都尉統和四年宋人來侵繼
先率遼騎逆境上多所俘獲上嘉之拜北府宰相自是出師必
將本府兵先驅從拔狼山石曼被宋軍應州復從南征取通利
軍屢稱捷力未嘗失利親征高麗命雷守上京卒年五十八生
平名重戚里雖處富貴崇尚儉素所至以善治稱

唐嘉其勤篤命預北府宰相之選既又總知軍國事時諸王多
反逆海琛獨廉謹達政體每被命案獄多得其情人無究者由
是知名漢主劉承鈞每遣使人貢必別致幣物詔許受之年五
十卒帝愍悼輟朝二日罷重五宴 子闕玉字兀衍統和初以
戚屬入侍皇太后尋為烏古部都監討速母縷等部有功遷烏
古部節度使十九年總領西北路軍事後以本路兵伐甘州降
其渠長牙懶既而牙懶復叛命討之克肅州盡俘其民詔脩土
隄口故城以實之師還尚金鄉公主賽哥拜駙馬都尉加同政
事令門下平章事二十五年除為西北路招討使往討阻卜破
之上言阻卜今已服化宜各分部治以節度使上從之二十六
年復討甘州回鶻降其王耶刺里撫慰而還自後節度使往往
非材部民怨而思叛開泰元年七月石烈太師阿里底殺其節
度使西奔窩魯朶城即古所謂龍庭單于城也已而阻卜復叛
圍可敦城其勢甚張國玉使諸軍齊射却之屯于窩魯朶城會
耶律化哥引兵來援遣人誘降諸部帝以始雖失計後得人心
釋之命仍領諸部復請益軍詔讓以叛者既服兵安用益且前
日之役死傷甚衆若從汝謀邊事何時而息遂止六年二月甲
戌公主坐殺無罪家婢降封郡主以國玉不能齊家罷使相尋
起為烏古敵烈部詳穩以老代還卒子雙古南京統軍使孫說
篤幹尚三韓郡王合魯之女骨洛公主終烏古敵烈部統軍使
以善戰名于世

蕭塔刺葛字陶晒六院部人素剛直太祖時坐叔祖壘晒謀殺
釋魯沒入弘義宮世宗即位以舅氏故出其籍補國舅別部敵
史時泰寧王察割有無君心日侍宴酒酣捉其耳強飲之曰上

因知汝做狠然以國屬曲加矜憫使汝得在左右且度汝才何能為縱忍行不義人孰肯從若長惡不悛徒自取赤族之禍察制不能答強笑曰何歲之虐也天祿未任北府宰相察制果作亂竟為所害

蕭護思字延寧世為北院使有才幹累遷御史中丞總典羣牧部籍應曆初遷左客省使未幾拜御史大夫詔窮治諸王反獄事多稱旨改北院樞密使仍命世預宰相選辭曰臣子孫賢否未知得一客省使足矣從之上晚歲酗酒用刑多濫護思居要地躡躡自保未嘗一言匡救議者以是少之年五十七卒

蕭排押字韓隱與朴俱國舅少父房之後為人多智畧能騎射統和初為左皮室詳穩討阻卜有功又破宋將曹彬米信兵于望都凡軍事有疑每預參決尋總永興宮分紀及舍利拽刺二弘簡錄

皮室等軍與斜軫收復山西所陷城邑是冬攻宋隸先鋒圍蒲城率所部先登拔之獻所獲宋謀二人各賜衣物令還招諭攻南京統軍使尚衛國公主拜駙馬都尉加同政事門下平章事七年六月復與休哥破宋軍于泰州十三年歷北南院宣徽使條上時政得失及賦役法上嘉納焉十五年加政事令遷東京留守二十二年復攻宋將渤海軍下德清軍獲宋魏府官吏田逢吉郭守素常顯劉綽等以獻後蕭撻察卒專任南面事宋和議成為北府宰相二十八年征高麗拜為都統北面林牙僧奴為都監將兵由北道進至奴古達嶺遇敵敗之入開京大掠而還帝嘉之封蘭陵郡王開泰二年知西南面招討使事五年進王東平為政寬裕善斷諸部長愛民以殷富時議多之七年再伐高麗命為都統副以殿前都點檢蕭虛列至開京敵奔潰復

縱兵俘掠而還渡茶陀二河敵夾射排押委甲仗走天雲右皮室二軍溺死甚眾坐免官太平三年復為西南面都招討改王幽薨弟恆德字遜寧素有膽畧善謀統和元年尚越國公主拜駙馬都尉遷南面林牙從宣徽耶律阿沒里征高麗還攻北面林牙與休哥拒宋將曹彬米信參議軍事多見信用擢為東京留守六年侵宋圍沙堆恆德獨當一面城上矢石如雨意氣自若督將士奪其陴城陷中流矢太后親臨視賜藥攻長城口復先登益多其功十一年尚與蕭撻察伐高麗拔其邊城王始懼上表請降稱臣奉貢明年八月賜號啟聖竭力功臣從奚和朔奴討兀惹不能拔欲深入大掠都監耶律幹臘恐所得不償所失止之不從後果道遠糧絕死傷士馬恆德削功臣號惟幹臘得免十四年復為行軍都部署伐蒲盧毛朶部還適公主有

疾太后遣宮人賢釋侍而私之公主志乃薨太后怒賜死後追封蘭陵郡王子匹敵字蘇隱一名昌裔生未彌月父母俱死仁德后有干禁掖既長尚泰晉公主拜駙馬都尉為殿前副點檢統和八年攻北面林牙太平四年遷都點檢出為國舅詳穩明年除契丹行官都部署大延琳叛以其治近先率本管及家兵據其要害以絕西渡之計分兵西取瀋州節度使蕭王六初至其副張傑給言欲降已而有備攻之不克事平以功封蘭陵郡王聖宗不豫欽哀與仁德有隙忌后嘗愛匹敵令護衛馮家奴誣告其弟泥卜當仁德攝政徐議當立者公主竊聞其謀令奔女直國以全其生匹敵曰朝廷詎肯以飛語害忠良寧死弗適他國遂賜死幹臘字斯寧奚迭刺部人趨捷有力善騎射保寧初補護衛車駕獵頭山帝射中豪猪自叢莽突出御者托

滿捨轡而避旆人鶴骨翼之幹厥一箭而斃帝嘉賞及嶽赤山有奔鹿齋角突前犯踣路隘不容避復以身當之鹿觸而顛時帝兩瀕于危賴以獲免遷護衛太保後從斜軫破楊繼業有功統和十三年為行軍都監尋加同政事門下平章事為東京監守開泰中卒 和朔奴字彝寧奚可汗之裔保寧中為奚六部長統和初命佐休哥為南面行軍副部署四年被宋兵于燕南手詔褒美軍還怙權搃無罪人李浩至死上以其功釋之六年南征復將本部軍由別道進擊狼山俘獲甚衆十月丙子遣人奏捷辛巳復奏敗宋兵于益津開八年上表欲復太宗舊制奚六部二宰相二常袞左右副常袞總知部長五房族屬宰相匡輔部長建明善事從之十三年秋遷都部署兀惹烏昭度渤海燕頗等侵鐵驪詔往討駐兵鐵驪秣馬數月進至城下昭度請

弘簡錄

卷一百之九

七

世三

降有詔撫諭利其俘掠不許下令急攻城中大恐昭度率衆死守依埋現虛構戰柵誘我軍登陴俄撤支柱登者盡覆和朔奴知不能克從副部署蕭恆德議以彼疆吾奉詔來討無功而還諸部謂我何若深入多獲猶勝徒返和朔奴不得已掠地東南循高麗北界而還以地遺獵絕士馬死傷詔降封爵卒子烏也郎君班詳穩

北院樞密使時太平日久帝爾心翰墨始畫諸牒以別嫡庶由是爭訟紛起朴有吏才能知人主意敷奏稱旨朝議多取決之俄封蘭陵郡王進伍王加中書令大延琳叛詔安撫東京以便宜從事與宗即位皇太后稱制國事一委弟孝先方仁德皇后被誣朴屢言其冤不報每念至此為之嘔血重熙初改韓王爾守東京及欽哀徙慶州朴進楚王升南院樞密使四年徙魏王堯年五十贈齊王子鐸刺國舅詳穩 蕭合卓字合魯隱突呂不部人始為本部吏統和初以謹恪補南院侍郎十八年樞密韓德讓舉為中丞以太后遺物使宋還遷北院樞密副使開泰三年為左右兩軍久居近職明習典故善古對以是被寵渥陞北院樞密使曷魯寧為副使時議以為無完行不可大用帝頗不悅六年伐高麗命為都統王繼忠副之蕭屈烈為都監賜以

弘簡錄

卷一百之九

八

世三

劔俾得專殺不克而還時求進者多附之然其服食僕馬不加于舊帝知其廉以族屬女妻其子詔許親友饋餼豪貴奔趨于門太平五年有疾帝欲臨視辭曰臣無狀猥蒙重任今形容毀瘵恐陛下見而動心帝從之是日卒子烏古終本部節度使蕭捷寧字馳寧思溫再從姪父木魯列善相馬應曆間為馬羣侍中捷寧幼敦厚有才畧通天文保寧初為宿直官累任契丹統和四年除諸軍副部署從斜軫擒楊繼業改南院都監從楊南征攻沙堆力戰被剌太后親臨撫視明年加右監門衛上將軍檢校太師遙授彰德軍節度使來朝賜賚甚厚為東征女直行軍都統與善薩奴上所經地里物產又與軍將耶律謀魯姑上所俘獲皆遣近侍執手撫諭賜酒果以勞之十二年夏人梗邊授阻下都詳穩從皇太妃總烏古及永興宮分軍討之凡軍

中號令太妃並以委之誘叛帥阿魯敦等六十人斬之師還以功加贈侍中封蘭陵郡王十五年敵烈八部人叛殺詳穆通于西北荒命將輕騎追擊祇獲其半因討阻卜之未服者諸蕃歲貢方物往來如一捷奏賜詩嘉獎仍命林牙耶律昭作賦以述其功時諸部叛服不常上表乞建三城以絕邊患從之俄召為南京統軍使二十年復伐宋以觀音奴為先鋒擒宋將王先知破其軍于遂城并下祁州與德清軍又勝于秦州手詔獎諭進至澶淵宋主軍北城未接戰提禦按視地形取宋之羊觀鹽堆烏厲中伏弩卒太后哭之慟報朝五日子隨古南京統軍使為契丹行官都部署 蕭觀音奴字耶寧奚王搭統之孫統和十二年為右祇候郎君班詳穆遷奚六部大王奏罷作秩外給犒鹿百數取於民者俄以伐宋功上加優賞終同知南院事 舊弘簡錄 卷一百之九 九

史論曰宋乘下太原之銳以師圍燕繼遣曹彬楊繼業等分道來伐是兩役也遂亦岌岌乎殆哉自休哥奮擊于高粱宋兵奔潰斜軫擒業于朔州故地旋復宋自是不復深入社稷因而邊境寧最後提禦統軍直抵澶淵一弩而中我軍失倚和議始定或者天厭其亂使南北之民休息者耶

蕭孝穆小字胡獨董與柳并惠俱淳欽皇后弟阿古只五世孫國舅詳穆陶瑰之子統和二十八年累遷西北路招討都監開泰初遷授建雄軍節度使加檢校太保擊走木烈等變為西北路招討使進軍可敦城阻卜結五羣牧長查刺阿視等謀中外相應悉誅之廼嚴備禦以待餘黨遂潰以功遷九水諸部安撫使三年拜北府宰相賜號忠穆熙毅功臣檢校太師同政事門下平章事太平二年知樞密院事充漢人行官都部署三年封

燕王為南京留守兼兵馬都總管八年詔於拒馬河接宋境上置戍長巡九年討大延琳命為都統戰于蒲水中軍稍却副部署蕭匹敵都監蕭蒲奴以兩翼夾擊賊潰追敗之于手山北延琳走入城深溝自衛孝穆欲全城降去城四面各五里築重城起樓櫓使內外不相通城中撤屋以焚其將楊詳世等將送款遂擒延琳以降凱還戎服見上各加宴勞改封東平郡王留守東京賜佐國功臣為政務寬簡撫納流徙其民安之興宗即位徙王秦尋復留守南京重熙六年進封吳國王拜北院樞密使八年表請籍天下戶口以均徭役又陳諸部及舍利軍利害從之政賦稍平人以為悅閏十二月有疾車駕臨視九年徙王楚時天下無事戶口蕃息上富于春秋每言及周取十縣慨然有南伐之志羣臣多順旨上意已決孝穆諫曰昔太祖南伐終以無功嗣聖仆唐立晉長驅入汴鑿駟始旋反來侵軼自後連兵二十餘年僅得和好悉民樂業南北相通今國家比之曩日雖曰富強然勳臣宿將往往物故且宋人無罪陛下不宜棄先帝盟約書奏不報以年老乞骸不許十二年為南院樞密使復改北院更王齊是歲薨追贈大丞相晉國王諡曰貞為人廉謹有禮法雖以椒房親位高益畏太后有賜輒辭不受妻子無驕色與人交始終如一所薦拔皆忠直士嘗語人曰樞密選賢而用何事不濟若自親煩碎則大事滯矣自蕭合卓以吏才進其後轉効不知大體歎曰不能移風易俗倫安爵位臣子之道若是乎時稱為國寶臣目所著文曰寶老集二子 蕭阿刺字阿里懶幼養宮中興宗尤愛之重熙六年為弘義宮使累遷國舅詳穆北院樞密同知加同中書門下平章事出為東京留守二

十一年拜西北路招討使封西北郡王尋尚秦晉國王公主拜
駙馬都尉清寧元年遺詔拜北府宰相兼南院樞密使進韓王
明年改北院樞密使徙王陳與蕭華同掌國政惡其諂諛不法
爭之不得告歸上山此惡之除東京留守會南郊以例赴闕帝
訪時務條陳利害甚激切章以事中傷帝怒殺之皇太后
營救不及大恟帝乃優加贈葬乾陵之赤山為人性忠果脫
世務有經濟才議者以謂其人若在無重元乙辛之亂一撤八
字周隱七歲以戚屬加左右千牛衛大將軍重熙初補祇候郎
君性廉介風姿爽朗善毬馬馳射帝每燕飲喜諧謔雖承寵顧
常以禮自持時人稱之以柴冊禮恩加檢校太傅永興宮使總
領左右護衛同知點檢司事尚魏國公主拜駙馬都尉為北院
宣徽使仍總知朝廷禮儀重熙末出為西北路招討使武寧郡
王居官以治稱清寧初薨年三十九追封齊王 弟孝先字延
寧小字海里統和十八年補祇候郎君尚南陽公主崔八拜駙
馬都尉開泰五年為國舅詳穩將兵城東邸還為南京統軍使
太平三年為漢人行宮都部署尋加太子太傅五年遷上京留
守以母老求侍改東京留守國初遼東來附未有權醕鹽麩之
法閉市之征亦甚寬弛及戶部使馮延休韓紹勳相繼以法繩
之民不堪命燕又仍歲大饑戶部副使王嘉獻計造船使民漕
粟以振燕民水路艱險多至覆沒民怨思亂大延琳乘之殺紹
勳與嘉以快衆心并四捷軍都指揮使蕭頰得延琳遂僭位號
其國為興遼年為天慶副留守王道平夜踰城告變被圍數月
穴地而出惟公主在後為守陴者覺而止事平復為上京留守
十一年帝不豫欽哀召總禁衛事弒仁德皇后其謀居多及欽

弘簡錄 卷一百之九 遼世宗三

哀攝政親信之迺授天平軍節度使為北府宰相加守司徒兼
政事令重熙初封楚王為北院樞密使好惡自恣權傾人王朝
多側目二年復與謀廢立事覺帝勒衛兵出宮召孝先至諭以
廢太后意震懾不能對太后遷慶州孝先恆鬱鬱不樂四年徙
王晉六年為南京留守卒諡忠肅 子撒鉢歷官使相孫得里
底字紉鄰軀短而僕外謹內倨太康中補祇候郎君遷興聖宮
副使兼同知中丞司事姪女為燕王妃大安中生子領寧遠軍
節度使充長寧宮使壽隆二年監討達里得拔思母二部多俘
而還改南京留守同知乾統元年為北面林牙北院樞密同知
詔與耶律阿思同治乙辛餘黨納賄附會多山其罪擢知北院
樞密事遣使宋為李乾順約和宋既許令得里底受書臨行對
宋主發函讀之還朝議以為是天慶三年加守司徒封蘭陵郡
王不合人望五年九月出為西南面招討使八年復召天祚寵
任之值諸路大亂飛章告急絡繹而至咸不以間有功者亦無
甄別由是將校怨怒人無鬪志保大二年金兵至嶺東會耶律
撒八習騎撒跋等謀立晉王放虛幹事泄上召與議曰反者必
以此兒為名若不除去何以獲安得里底唯唯竟無一言申理
王既死人心益離金兵踰嶺天祚率衛兵先遁元妃蕭氏責之
曰爾任國政致君至此何以生為時但謝罪不能對明日天祚
怒逐之為耶律高山奴執送金兵同守者懈脫身亡歸復為耶
律九斤所得送之耶律淳時淳已僭號自知不免不食數日而
死子麼撒為金兵所殺 弟孝忠小字圖古 立志慷慨開泰
中補祇候郎君尚越國公主拜駙馬都尉累遷殿前都點檢太
平中擢北府宰相重熙七年為東京留守時有渤海人擊毬孝

弘簡錄 卷一百之九 遼世宗三

忠言東京最為重鎮無從舍之地若非毳馬何以習武且天子以四海為家何分彼此宜弛其禁從之一年詔察官吏有廉幹清顯者具以名聞十二年入朝封楚王拜北院樞密使國制分契丹漢人北南院治之奏以一國二樞風俗所以不同蓋併為一事未及行而薨追封楚國王帝素服哭臨赦死囚為之薦福葬日親臨賜宮戶守塚子阿速清寧中為北府宰相終南院樞密使 孝友字捷不衍小字陳留開泰初以威屬為小將軍太平元年大冊加左武衛大將軍檢校太保賜今名重熙元年累遷西北路招討使封蘭陵郡王八年進王陳先是蕭惠為招討專以威制諸夸多叛孝友下車厚加綏撫每入貢輒增其賜物羗人以安久之寔成姑息諸夸桀驁之風遂熾議者譏其過中十年加政事令賜劾節宣庸定遠功臣更王吳後以葬兄孝穆

弘簡錄 卷一百之九 主 遼世宗三

孝忠還京師拜南院樞密使加賜翊聖協穆保義功臣進王趙拜中書令母憂起復轉北府宰相出為東京留守十八年再伐夏以蕭惠為河南道行軍都統孝友并漢王胎不副之進兵失利帝欲誅之賴太后救免復官徙王燕改上京留守更王泰清寧初加尚父項之復留守東京明年復任北府宰相帝親製誥詞以褒寵之柴冊恩遙授洛京留守益賜純德功臣致仕進封豐國王坐子胡規與重元謀亂伏誅

蕭柳字徒門幼養于伯父排押家多知能文膂力絕人統和中叔父恆德臨終薦其才詔入侍衛十七年南伐宋將范廷召列方陣而待時皇弟隆慶為先鋒問諸將佐誰敢當先者柳願得駁馬攬其轡謂諸將曰陣若動諸君急攻遂馳而前敵少却隆慶席勢攻之南軍遂亂柳中流矢累創而戰眾皆披靡時排押

畱守東京奏柳為四軍兵馬都指揮使秩滿百姓願留復任許之從伐高麗遇大蛇當路拔劍斷之師還致仕生平好滑稽雖君臣燕飲詼諧無所忌時故比之俳優臨終謂人曰吾少欲致君志不能直遂故以諧進冀萬有一補頃之被寢衣而坐呼曰吾去矣言訖而逝耶律觀音奴集所著詩千篇目曰歲寒集

蕭惠字伯仁小字脫古思初為國舅詳穩從伯父排押征高麗軍律整肅至奴古達北嶺高麗阻險以拒力戰破之及攻開京授契丹行宮都部署開泰二年改南京統軍使未幾為右夸夷畢加同中書門下平章事朝議以遼東重地非勲戚不能鎮撫命惠為東京留守尋改西北路招討使封魏國公太平六年討回鶻阿薩蘭部徵兵諸路獨阻卜部長直刺後期立斬以徇三月來侵破之進至甘州攻圍三日不克而還阻卜部長烏八密

弘簡錄 卷一百之九 主 遼世宗三

告直刺之子聚兵來襲惠未之信會西阻卜叛襲三克軍都監涅魯古突舉部節度使耶律諧理阿不呂等將兵三千來救遇敵于可敦城西南諧理中流矢阿不呂戰歿士卒潰散惠倉卒列陣敵出不意來攻眾請乘時奮擊惠以我軍疲敝未可用勿聽烏八請以夜斫營惠又不許阻卜歸惠乃設伏邀之前鋒始交敵敗走凡為招討累年屢遭侵掠士馬疲困西北路招討使小校掃姑訶其三罪詔都監奧骨禎按之七年左遷南京侍衛親軍馬步軍都指揮使權燕京留守十年轉南京統軍使與宗即位擢知興中府歷順義軍節度使東京留守西南面招討使加開府儀同三司檢校太師兼侍中封鄭王賜推誠協謀竭節功臣重熙六年復為契丹行宮都部署加守太師徙王趙拜南院樞密使更王齊帝欲謀取三關集羣臣議惠曰兩國疆界聖

慮所悉宋人西征有年師老民疲陛下親率六軍臨之其勝必矣帝從惠言遣使索宋十城會諸軍于燕惠與太弟帥師歷宋境以首事功進王韓十二年兼北府宰相同知元帥府事兼北樞密使十三年帝親征夏國李元昊懼而請降惠言其志奕世恩輒萌姦計車駕親臨不盡歸所誘山南党項諸部天誘其衷使彼來迎天與不圖後悔何及帝從之詰旦進軍夏人列拒馬河西敵盾以立惠擊敗之元昊走惠麾先鋒及右翼邀之夏人千餘潰圍出我師逆擊大風忽起飛沙眯目軍亂夏人乘之踐死者不可勝計詔班師十七年尚帝姊秦晉國長公主拜駙馬都尉諒祚立復征夏國惠自河南進戰艦糧船綿亘數百里既入敵境偵候不嚴賊鎧甲於車軍士不得乘馬諸將咸請備禦惠詰其妄言謂諒祚必自迎駕何暇及我候者報夏師至惠與麾下不及甲而走遇追者幾不免軍士死傷尤衆師還詔釋其罪十九年請老賜肩輿入朝策杖上殿封魏國王詔冬夏赴行在參決疑議既歸遺賜湯藥及他賜賚不絕每生日輒賜詩以示尊寵清寧二年薨年七十四遺命家人薄葬計開輟朝三日惠性寬厚自奉儉薄典宗使恣取珍物辭曰臣以戚屬據要地祿足養廉奴婢于餘不爲闕乏陛下猶有所賜設貧於臣者何以待之帝嘉其知足故雖敗劾亦不之罪 弟虛列統和中爲寧海軍節度使重熙十四年加侍中除南京統軍使封遼西郡王二十一年轉北府宰相徙遼典軍節度使進封鄭王道宗卽位遺詔改武定軍二子元古匿北院大王契丹行宮都部署終北府宰相 慈氏奴字寧隱太平初補祗候郎君上愛其勤慎陞開撒俄加右監門衛上將軍西邊有警授西北路招討都

弘簡錄

卷二百九

五

遼世威三

監領保大軍節度使政濟恩威諸部悅附入爲殿前副點檢歷烏古敵烈部詳穩征李諒祚爲統軍都監與西北路招討使敵魯古率蕃部諸軍猶北趨涼州獲諒祚親屬夏人拒險以拒中流矢卒年五十一贈同中書門下平章事 諱理者字烏古突舉部人嘗從斜軫擒楊繼業居先鋒偵候有功伐宋率精騎先由便道渡淳沱河獲其將康保威以功世預節度使選蕭敵烈字涅魯衮宰相撻烈四世孫其人識度宏遠爲鄉里推重始爲牛羣敵史聖宗聞其賢召入侍遷國舅詳穩督諫伐高麗時帝居皇太后喪略言國家連年征討士卒抗敵年穀不登創夷未復島蕞小國城壘完固勝不爲武萬一失利恐貽後悔雖以康肇有罪宜先遣使往問其故彼若伏罪則已不然俟服除歲豐舉兵未晚時令已下言雖不行識者憇之明年同知左

弘簡錄

卷二百九

六

遼世威三

見其熟寐有蛇遶身異之教以讀書聰敏嗜學不數年涉獵經史習騎射既冠意氣豪邁開泰間遷充護衛俄坐罪黜流烏古部久之召還累任煩劇遷奚六部大王治理有聲太平九年為都監將右翼軍討大延琳遇賊戰蒲水夾攻潰之仍先據高麗女直要衝使不得求援延琳走入城蒲奴不介馬而馳追殺餘賊已而討諸叛邑平吼山賊延琳堅守不敢出被擒以功加兼侍中重熙六年改北阻卜副部署再授奚六部大王十八年為西南面招討使西征夏國引兵二千據河橋聚巨艦數十仍作大鉤戰之日布舟于河綿亘三十餘里遣人伺上流有浮物輒取之時未知大軍失利適有大木順流而下勢將壞浮梁斷歸路操舟者爭鉤致之橋得不壞明年復與北院大王宜新林牙蕭撤末領兵行宮都部署別古得監戰以伐夏懸兵深入不與

弘簡錄

卷上首之九

七

七

敵遇縱軍大掠而還復為奚六部大王致仕卒

蕭特末字何寧與兄和尚字洪寧俱國舅大父房之後和尚為人忠直多智畧開泰初補御蓋郎君尋為內史太醫等局都林牙使宋賀正將宴相禮以錦服為賜典儀者告班節度使下辭曰班次如此如待蕃部何名大國之使吾不預宴宋臣不能對易以紫服位視執政使禮始定八年秋為唐古部節度使卒特末為人機辨任氣太平中累遷安東軍節度使有能稱十一年召為左祇候郎君班詳穩未幾遷左奇焉畢重熙十年累遷北院宣徽使使宋歸稱旨加同政事門下平章事詔城西南渾底甸還復為北院宣徽使卒

蕭韓家奴字括寧奚長渤海魯恩之後性孝友太平中補祇候郎君累遷敦睦宮使伐夏為左翼都監遷北面林牙俄為南院副

部署賜玉帶改奚六部大王治有聲重熙六年為各官都部署清寧初封韓國公歷南京統軍使北院宣徽使封蘭陵郡王開重元亂馳詣行在與南府宰相蕭唐古樞密副使蕭惟信敦睦宮使耶律長率宿衛士馮家奴等禦之帝以無患明且重元復誘夫獵夫來獨出諭之汝曹去順効逆徒取族滅莫若悔過轉禍為福獵夫授仗首殿以功遷殿前都點檢封荆王賜資忠保義奉國竭貞平亂功臣惟信馮家奴等並加太子太傅耶律長籍橫帳奪焉董房塔不也同知檢校司事成雍二年遷東北路統軍使八年由南院樞密同知擢知左奇焉畢事太康三年加尚父封吳王賜白海東青鶴上書力陳乙辛誣構皇太子不報擢知北院樞密副使為漢人行宮都部署四年轉西南面招討使五年例削一字王再改王蘭陵薨子楊九終右祇候郎君班

弘簡錄

卷上首之九

六

六

詳穩贈同中書門下平章事

蕭德字特末隱格特部人德性和易篤學好禮法太平中領牌印直宿累遷北院樞密副使敷奏詳明多稱上有詔與耶律庶成修律令成改契丹行宮都部署賜宮戶十有五清寧元年遷北院樞密同知封魯國公重以先朝眷遇拜南府宰相五年轉南京統軍使重元亂摧鋒力戰斬涅魯古首以獻論公封漢王咸雍初告老優詔不許久之加尚父致仕卒年七十二蕭惟信字耶律楷特部人五世祖霞賴南府宰相曾祖烏古中書令祖阿古只知平州父高八多智數博覽古今開泰初為北院承旨稍遷右奇焉畢以幹敏解拜南府宰相累遷倒塌嶺節度使知典中府陵青誘眾作亂事覺高八按之止誅首惡餘並釋之歸奏稱旨惟信資沉毅篤志于學能辨論重熙初始仕累

遷左中丞十五年徙燕趙國王傅帝面諭燕趙左右多而說不
聞忠言浸以成性汝當以道規諷使知君父之義有不可處王
邸者以名聞惟信輔導以禮十七年遷北院樞密副使坐事免
官尋復職兼北面林牙以從仁先破重元賜竭忠定亂功臣清
寧中歷南京留守左右右高舉知北南兩院樞密使事咸雍七
年為南府宰相兼契丹行宮都部署太康中以老乞骸不聽又
數廷諍乙辛諸廢太子言皆不用固請老加守司徒卒

蕭樂音奴字婆丹奚六部敵穩突呂不六世孫父拔刺早卒年
始三歲母喪毀瘠過甚養于家奴奚列阿不重熙初與宗獵奚
山過其居奚列阿不言于近臣得見上年甫十歲氣象如成人
帝悅之錫賚甚厚既長有遠志不樂仕進隱于奚王嶺之挿合
谷上以其名家又有時譽就拜舍利軍詳穩為人貌偉言辨通
漢文善騎射擊鞠所交皆一時名士年四十始為護衛平

重元亂以功遷護衛太保改本部南剋俄為旗鼓搜刺詳穩監
障游東青鶴獲白花者十三賜楫楸屏并玉吐鶻拜五蕃部節
度使卒 子陽阿字稍隱為人端毅簡嚴識避漢字通天文相
法父卒自五蕃部親挽喪車至奚王嶺人稱其孝年十九為本
班郎君歷鐵林鐵鷄大鷹三軍詳穩乾統元年由烏古敵烈部
屯田太保為易州刺史幸臣劉彥良嘗以事至州怙寵恣橫為
陽阿所沮及歸妄加毀謗尋遣人代陽阿州民千餘詣闕請留
即日授武安州觀察使歷烏古涅里順義彰信等軍節度使權
知東北路統軍使事開耶律郎不鐸魯幹等叛獨引麾下三十
餘人追捕之身被二創生擒十餘人送之行在坐不獲首惡免
官未幾權南京留守卒

蕭清冽字圖寧迺鮮質可汗宮人重熙初遷攝鎮國軍節度
使六年未詔使宋因傷足不告遂行帝怒及還決以大杖降同
發南京留守事迺授靜江寧節度使歷羣牧都林牙累遷右
高舉以才幹見任使會車駕西征元吳乞降帝以前後反覆遣
往覘誠否因為元吳陳述禍福聽命乃還拜北院樞密副使出
為中京留守十九年改西京留守卒

蕭木哲字石魯隱孝弟高九之子以戚屬加監門衛上將軍
重熙十三年將衛兵討元吳有功遷典聖宮使蒲奴里部長陶
得里叛命為統軍都監與都統耶律義先不協誣義先罪免官
稍遷西南面招討都監坐事下獄以太后言杖而釋之清寧初
為國舅詳穩西北路招討使威行諸部坐私取官粟三百斛及
代留畜產令主者蓄之以償後族弟胡覩到部發其事帝怒決
弘簡錄 卷二百之九 辛 遼世宗三

以杖免官尋起拜昭德軍節度使徵為北院宣徽使九年復
為西北路招討使訓士卒增器械省追呼嚴號令人不敢犯邊
境宴然十年入朝封柳城郡王咸雍二年拜北府宰相為乙辛
所忌詎與護衛蕭忽古等謀害乙辛詔獄無狀出鎮順義軍卒
追王晉宋梁三國 姪藥師奴切頰悟謹禮法補祇侯郎君太
康中為典聖宮使累遷殿前點檢同知宿衛嚴肅遷南院樞密
同知壽隆三年為右高舉夏王李乾順為宋所攻命持節使
宋請罷兵通好宋從之還拜南面林牙兼知契丹漢人行宮都
部署事乾統初出為安宋軍節度使卒
蕭烏野字草隱其先出典聖宮分觀察使塔里直之孫性孝悌
尚禮法雅為鄉黨所稱重熙中補護衛與宗見其勤恪遷護衛
太保以佐耶律仁先平重元功加團練使時敵烈部數為鄰部

侵擾民多困弊命為其部節度使恤困窮省徭役不數月部人以安尋以母老歸養於家母亡尤極哀毀服闋歷官典聖延慶二宮使卒

蕭韓家與常哥俱國舅之族性端簡謹愿動循禮法清寧中為護衛太保太康二年遷知北院樞密副使三年經畫西南邊天池舊墜立壁皆正疆界刻石而還為漢人行宮都部署是年秋緄馬卒 蕭常哥字胡魯祖約直同政事門下平章事父實老累官節度使常哥魁偉寡言年三十餘始為祇候郎君歷木族將軍松山州刺史壽隆二年以女為燕王妃拜承興宮使及妃生子遷左監門衛將軍久之為南院宣徽使六年改漢人行宮都部署乾統初加太子太師為國舅詳穩二年改遼典軍節度使召為北府宰相以柴冊禮加兼侍中天慶元年改仕卒

弘簡錄

卷二百之九

主

遼世宗三

諡曰欽肅 蕭廷魯字胡突董五院部人節度使約質之子重熙間為牌印郎君清寧九年重元亂平其黨郭九等亡詔追捕獲之遷護衛太保咸雍元年使宋議邊事稱旨知殿前副點檢事五年阻卜叛為行軍都監擊敗之俘獲甚衆俄坐過期糧乏士伍離失詔免官會北部兵起使將烏古敵烈兵擊敗之每戰以身先詔釋前罪命總知烏古敵烈部九年敵烈叛合邊人掠居民都監耶律獨迭以兵少不戰屯臚胸河廷魯率精騎四百力戰敗之盡獲其輜重繼聞幼長合木三千餘騎掠附近部落縱兵躡其後連戰二日斬數千級盡得被掠人畜而還又值餘黨五百騎劫捕鷹戶復逆擊走之俘斬甚衆自是勢沮敵烈方為患繼以阻卜寇掠邊人疲弊朝廷以地遠不能時益援軍而使疆圍帶

然者皆廷魯力也帝嘉其功拜左皮室詳穩會宋末天池之地復詔兼統兩皮室軍屯太牢古山以備之太康初阻卜叛遷西北招討都監從都統耶律趙三征討有功改南京統軍都監黃皮室詳穩未幾遷東北路統軍都監卒 弟鐸盧幹字撒板幼警悟異常兒三歲失母哭盡哀見者傷之及長魁偉沉毅好學善屬文有才幹年三十始仕為朝野推重給事北院知聖旨事素與蕭巖壽善太康二年乙辛誣以罪謫戍西北部特恩減死仍錮終身在戍十餘年太子事稍直始得歸鄉屏居謝事一日臨流聞雉鳴作古詩三章見志當時名士稱其高情雅韻不減古人壽隆六年卒年六十一乾統初贈彰義軍節度使

蕭塔列葛字雄隱與素蠟俱五院部人八世祖只魯選鞏氏時嘗為虞人唐安祿山來攻戰於黑山之陽敗之以功為北府宰

弘簡錄

卷二百之九

主

遼世宗三

相世預其選塔列葛仕開泰間累遷西南面招討使重熙十一年使西夏論伐宋事約元昊出別道以會十二年改右奇離畢南京留守同知轉左奇離畢俄授東京留守十六年以世遷為北府宰相二十一年復為南京統軍使卒 蕭素蠟字特免重熙間始仕累遷北院承旨彰愍宮使清寧初歷左皮室詳穩右奇離畢咸雍四年為中京留守五年討降剌阿里部率其叛帥來朝有功徙北院林牙改南院副部署卒 子謀魯幹字回璉初補奇離畢郎君遷文班太保太康中改南京統軍使為右奇離畢與阿思論事不合見忌出為馬羣太保北部來侵破之以功遷烏古敵烈統軍同知許便宜行事後以讒毀降領西北路戍軍復官卒 蕭兀納一名撻不也字特免六院部人其先嘗為西南面戍刺

元納魁偉簡重善騎射清寧初其兄圖獨薦召對補祇候郎君
遷近侍敬史護衛太保太康初為北院宣徽使時乙辛謀害太
子因言宋魏國王和魯幹之子淳可為儲嗣羣臣莫敢言惟元
納與蕭陶隗諫曰舍嫡不立是以國與人也帝猶豫不決五年
正月上將出獵乙辛請留皇孫帝欲從之元納奏竊見皇孫年
幼左右保護萬一匪人恐有他變臣願留保護以防不測帝乃
悟擢南院樞密同知仍嘉其忠封蘭陵郡王人稱以古社稷臣
尋授殿前都點檢王師需耶律罔等咸薦其忠純雖伏仁傑輔
唐屋質立穆宗無以過乃令輔導燕王益見優寵大安初詔尚
越國公主固辭改南院樞密使奏請掾史宜以歲月遷敘從之
壽隆元年拜北府宰相天祚在潛邸屢以直言忤旨即位加守
太傅出為遼興軍節度使俄佛殿小底王華誣以借內府犀角
弘簡錄 卷二百之九 遼世宗三
詔鞠之自辨臣在先朝詔曰取帑錢十萬為私費臣未敢妄取
其一肯借犀角乎上愈怒奪太傅官降寧邊州刺史尋改臨海
軍節度使上書言自蕭海里亡入女直彼有輕朝廷心宜益兵
以備不虞不報天慶元年知黃龍府事改東北路統軍使數上
書臣治與女直接境觀其所為志不在小宜先其未發舉兵圖
之復不聽及金兵來侵戰于寧江州其孫移敵蹇死之元納退
走入城出官屬守禦自以三百騎渡混同江西城遂陷又與蕭
敵里拒金兵于長濼軍敗免官五年天祚親征元納殿復敗績
授上京留守六年耶律章奴攻京城元納發府庫以資士卒諭
以逆順以死拒戰章奴無所得而去以功授副元帥尋為契丹
都宮使天祚外雖以先朝重臣有定策勲每延問政事終不能
用以疾卒年七十 蕭陶隗字烏古鄰宰相轄特六世孫為人

剛直有威重咸雍初任馬羣太保素知羣牧名存實亡上下相
蒙悉閱舊籍除其羸病錄其實數著為定籍牧人畏服公私兩
濟畜產歲以蕃息太康中累遷右丞尚書權知東京留守大安
七年為契丹行宮都部署上嘗語羣臣北樞密院軍國重任久
闕其人耶律阿思蕭幹特刺二人孰愈羣臣各舉所長陶隗獨
默上問卿何不言對曰特刺懦而敗事阿思有才而貪將為禍
基不得已而用敗事猶勝基禍上謂其言雖魏徵不能過但恨
吾不及太宗爾然竟以阿思為樞密使由是阿思銜之九年西
園不寧擇重臣鎮撫拜西南而招討使阿思陰與蕭阿忽帶誣
奏賊掠漠南牧馬及居民畜產陶隗不急追捕罪當死詔免官
久之起為場母城節度使未行疽發背卒平負氣怒則須髮
輒張每有大議必毅然決之雖上有難色未嘗遽已見權貴無
弘簡錄 卷二百之九 遼世宗三
少屈竟為所陷時人惜之二子圖木轄式阿思死始獲進用
蕭陶蘇幹突出不部人四世祖因吉祖里拔與隗部節度使陶
蘇幹謹愿不安交雖幼已如成人初補筆硯小底累遷祇候郎
君轉樞密院侍御咸雍五年遷崇德宮使會有訴北南院聽訟
不直者事下陶蘇幹悉改正之為耶律阿思所忌帝欲召用輒
為沮抑歷漠北滑水馬羣太保數年不調乾統中改漠南馬羣
以大風傷草馬多死被杖免官九年徙天齊殿宿衛時穀價昂
踊宿衛士多不給至出私廩賜之召為南院樞密同知天慶四
年授漢人行宮副部署時金兵初起攻陷寧江州天祚召羣臣
議奏曰女直國雖小其人勇而善射自執我叛人蕭海里氣勢
益張我兵久不練若遇強敵稍有不和諸部離心不可制矣宜
大發諸道兵以威壓服之計之上也蕭德里底阻之謂此謀徒

以示弱但發滑水以北兵足以拒之遂不用其計數月間邊兵屢北入益不安饒州渤海結構以叛帥兵往討擒其渠魁斬級數千得所掠物悉還其主復與留守耶律大悲奴備禦耶律章奴事平上適欲清暑嶺西奏今邊兵懈弛漢人嗜聚車駕若行民心益搖勸罷不納命下令控扼東路招集散卒後以太子太傅致仕卒 大悲奴字休堅王子班聶里古之後為北面林牙咸雍中由漢人行宮副部署陞都部署太康中歷永興延昌宮使右皮室詳穩奉詔招降阻卜壽隆元年為右奇副二年拜殿前都點檢乾統初為上京留守授楊隱改西南面招討使天慶中領北南樞密院點檢中丞諸司等事歷彰國始平二軍節度使致仕卒為人舉止馴雅好禮儀時人稱之

蕭奪刺字按懶遙莽注可汗宮人祖涅魯古北院樞密副使父弘簡錄 卷二百之九 五 遼世宗三

撒抹字胡獨董重熙初補祇候耶君累遷北面林牙十九年從耶律宜新蕭蒲奴伐夏至蕭惠敗績之地獲偵候者知人烟聚落多國人陷沒而不能還者盡俘以歸拜大父敵穩知山北道邊境事清寧初歷西南西北路招討使加同中書門下平章事卒奪刺體貌豐偉騎射絕人由祇候耶君陞漢人行宮副部署後為烏古敵烈統軍使克敵有功加龍虎衛上將軍授西北路招討使因陳北邊利害請以本路諸部與倒塌嶺統軍司連兵屯戍再表不納改東北路統軍使乾統元年以久練邊事復為西北路招討使北阻卜耶窺剽率鄰部來侵奪刺逆擊追奔數十里復乘耶窺剽無備以輕騎襲之獲馬萬五千疋牛羊稱是二年坐違制入朝免官改西京留守復為東北路統軍卒于官

蕭阿魯帶字乙辛隱烏隗部人紉詳穩女古之子少習騎射曉兵法清寧間始仕累遷木部司徒改烏古敵烈統軍都監咸雍八年二月壬戌因論詳穩耶律巢討北部功擢巢知北院大王事以阿魯帶代為詳穩加左監門衛上將軍大安七年遷山北副部署九年阻卜達理得拔思毋二部來侵率兵擊却之七月復寇倒塌嶺盡掠西路羣牧馬去引兵追及竟獲所掠斬渠帥數人轉東北路統軍使是冬復引三百餘人梗邊仍戰却之斬首二百餘級加金吾衛上將軍封蘭陵縣公壽隆元年第功加同中書門下平章事進爵郡公改西北路招討使乾統三年坐留宋俘當遣還者為奴免官後被徵以老疾致仕卒

弘簡錄 卷二百之九 五 遼世宗三

弘簡錄卷二百九 終

弘簡錄卷二百十

明刑部員外郎仁和弘齋邵經邦學
皇清翰林院侍講學士四世孫遠平校閱
載記 遼漢人

康默記 孫廷 韓延徽 子德 孫紹勳 趙思溫

韓知古 子匡 孫德成 孫德 趙德鈞 子廷 高模翰

張礪 高勳 室昉 女里 郭襲 張儉

邢抱朴 弟抱質 馬得臣 王繼忠 陳昭袞

劉景 子慎 行附武 杜防 大康父 高正 楊績

姚景行 楊哲 楊信 趙徽 附王 李儼 父件

劉仲 牛溫舒 楊遵場 王棠 馬人望

康默記本名照少為蘄州衛校太祖復爵得之愛其材隸麾下

得與佐命功臣遇一切蕃漢事相干涉屬默記折衷之時諸部

新附文法未備令推析律意論決重輕悉合上意不差毫釐惟

禁網者多自謂不究人人安之俄拜左尚書神冊三年始建皇

都命董工役人咸勸趨凡百日而訖事五年為皇都存萬畢會

出師居庸關命將漢軍進逼長蘆水寨俘虜甚眾親征渤海與

韓知古將漢軍遇大諶誤復叛分薄東門率驍勇先登拔後又

與韓延徽下長嶺府太祖崩復董山陵功畢而卒 孫廷壽字

胤昌少儻儻自分為將效節邊陲景宗特授千牛衛大將軍宋

人攻南京諸將既成列尚獨奮擊陣前敵遂大潰以功遷授保

大軍節度使乾寧三年卒

韓延徽字藏明幽州安次人父夢殷累官勳備順三州刺史延

徽少英敏燕帥劉仁恭奇之召為幽都府文學平州錄事參軍

同馮道祇候院授幽州觀察度支使後遣來聘不拜太祖怒以

述律后諫因名與語合意立命參軍事籌策居多攻党項室韋

服諸部落講樹城郭分市里以居漢人之降者又為定配偶教

聖藝以生養之以故逃亡者少居久之復懷故鄉賦詩見意太

祖夢白鶴自帳中出遂亡歸唐已而與軍將王緘有隙懼及難

返幽州省親匿故人王德明舍問其所適君將復走契丹彼失

我如喪左右手其相見必喜祖適夜夢白鶴復入帳中既至問

故頓首謝曰念親非孝棄君非忠臣身雖去心在陛下是以復

來上大悅賜名曰世親 復方 復來 即命守政事令兼崇文館大學士

中外政務悉令參決特庶事草創凡營都邑建宮殿正君臣定

名分法度井井皆其力也論居佐命功臣之一從征大諶誤有

功拜左僕射師還遇太祖崩哀動左右太宗封魯國公仍為政

事令使晉還改南京三司使世宗遷南府宰相建政事省張設

理具稱盡力吏天祿三年六月河東使請行冊禮帝召問從其

奏定制一遵太宗川晉帝禮應曆中延徽致仕九年卒年七十

八上聞震悼贈尚書令葬幽州之魯郭仍世為崇文令公 子

德樞年甫十五太宗一見語曰是兒卿家之福朕國之寶與英

物也未冠守左羽林大將軍遷特進太尉鎮東平詔許每歲東

歸省親時漢人降與轉徙者多寓東平丁歲災饑饉疾病撫字

有方尋授遼典軍節度使下車整紛剔蠹恩煦信孚勸農桑興

教化期月民獲蘇息入為南院宣徽使遷授天平軍節度平灤

營三州觀察處置等使門下平章事又加開府儀同三司行侍

中封趙國公保寧元年卒 孫紹勳仕至東京戶部使大廷琳

叛被執不屈以錮解之憤罵至死 紹芳太平三年為樞密直

學士重熙間參知政事七年加兼侍中十二年議征李元昊力諫不聽出為廣德軍節度使聞敗嘔血卒 曾孫資讓大安八年參知政事為中京留守壽隆初知樞密院事拜中書侍郎平章事生事出為崇義軍節度使語在道宗記改鎮遼興卒

趙思溫字文美平州盧龍人少果銳督力兼人隸燕帥劉仁恭幕令統偏師拒唐莊宗流矢中目裂裳漬血戰猶不已為唐將周德威所擒莊宗壯而釋之日見信用與梁戰於莘縣以驍勇

聞授平州刺史兼平營副三州都指揮使神冊二年太祖遣將經略燕地思溫來降會伐渤海擢為漢軍都團練使力戰拔扶餘城身被數創親為調藥太宗即位以功授檢校太保保靜軍

節度使天顯十一年唐兵攻太原石敬瑭求救命自嵐憲間出兵援之敵退罷兵改南京留守盧龍軍節度管內觀察處置等

弘簡錄 卷二百十 遼人四 遼人四 使開府儀同三司兼侍中賜號協謀靜亂翊聖功臣尋轉臨海

軍節度使會同初從耶律牒孛使晉行冊禮還加檢校太師二年有星隕于庭卒上遣使賜祭贈太師魏國公子延昭延靖官

至使相 韓知古薊州玉田人善謀有識量太祖平薊時方六歲為淳欽

后兄欲穩所得從後來嬪未得省見怏怏不得志逃于庸保以

供資用會其子匡嗣以善醫直長樂宮得親近皇后視之猶子

因間言之太祖召見與語大以為賢命參謀議為佗命功臣之

一神冊初遣授彰武軍節度使久之信任益篤總知漢兒司事

兼主諸國禮儀時方草創儀法疏濶因援據典故參酌國俗與漢儀雜就之使國人易知而行項之拜左僕射征渤海有功遷中書令天顯中卒 匡嗣應曆十年為太祖廟詳穩宋王喜隱

謀叛辭引匡嗣上置不問景宗在藩善之即位拜上京留守封

燕王燕改南京用為留守保寧末攝樞密使沙與休哥侵宋軍于滿城匡嗣欲納宋降休哥止之不聽俄而宋軍鼓譟來薄我

眾感踐塵起漲天匡嗣倉卒不知所為諸將無敢當其鋒欲奔

又遇伏兵扼要路乃棄旗鼓而遁其家走易州山帝怒數以五

罪促令誅之皇后引諸內戚徐為開解上重違其請良久威霽

杖而免之既乃遣授晉昌軍節度使乾亨三年三月辛酉復任

西南面招討使統和初匡嗣卒容智皇后遣使臨弔賻甚厚

九年五月己未以私城為全州追贈尚書令 五子德源性愚

而貪早侍景宗邸及即位列近侍統和間官崇義興國二軍節

度使加檢校太師以賄名德讓貽書諫之終不悛後加同政事

門下平章事遙攝保寧軍節度使乾亨初卒 德凝謙遜廉謹

弘簡錄 卷二百十 遼人四 遼人四 保寧中遷護軍司徒開泰中累遷護衛太保都官使彰武軍節

度使統和三年又轉崇義軍移鎮廣德軍有善政秩滿部民請

留從之改西南面招討使討平党項隆益答叛遷大同軍節度使卒于官子郭三大安中知惕隱事壽隆四年為南京統軍使

終天德軍節度使孫高家奴南面林牙清寧中為東北路女直詳穩遷惕隱終南院宣徽使高十清寧中為南府宰相遷南京統軍使終遼興軍節度使 德讓為人重厚有智略明治體喜建功立事初侍景宗以謹飭聞至東頭承奉官樞密院通事轉上京皇城使遷授彰德軍節度使代父上京留守有聲尋復代守南京時人榮之宋兵侵燕奚底與討古敗歸人懷二心日夜登城守禦授軍至圍解及戰高梁河宋兵敗走復遷擊破之以功拜遼興軍節度使徵為南院樞密使景宗疾大漸與耶律斜

軫俱受顧命德讓總宿衛事至宗立太后稱制益寵任之統和元年加開府儀同三司兼政事令四年從太后出師敗宋將曹彬米信加守司空封楚國公師還與室昉共執國政上言山西諸州數被兵加以歲餼宜輕稅歛錫今歲租以來流民從之十一月庚午加守司徒六年太后觀擊鞠胡里室突德讓墜馬立命斬之會率師伐宋圍沙堆屢陣以待敵乘夜來襲敗走之封楚王九年從其議燕人挾姦苟免賦役貴族因爲囊橐遣北院宣徽使趙智戒諭之十一年母憂起復明年室昉致政代爲北院府宰相仍兼樞密使監脩國史賜號典化功臣十二年六月奏三京諸鞠獄官吏多因請託曲加寬貸或妄行榜掠乞行禁止詔可表請任賢去邪太后優加賜資論以進賢輔政真大臣之職服闋加守太保兼政事令仍代斜軫兼北院樞密使久之拜

弘簡錄

卷二百十

五

遼漢人四

刺二紇軍二年遷襲河東以討平稍古葛功獻俘于朝真授招討使賜詔褒美請納夏州李繼遷內附諸俘皆從置書褒獎統和四年宋軍復圍蔚州斜軫擊破之詔以兵授德威并耶律瑤昇及宋兵至平州德威瑤昇不盡追殺下詔詰責敗宋將楊繼業加開府儀同三司兼政事令門下平章事六年命討河湟諸蕃違命者城邑多陷奪其兵柄繼遷受宋賂潛懷二心奉詔率兵往諭至靈州俘掠而還十五年河西党項叛復詔討之奏捷于朔卒年五十五贈侍中子芳金終彰國軍節度使二孫謝十彰國軍節度使終楊隱 滌魯字遵寧幼養宮中授小將軍重熙初歷北院宣徽使石林牙副點檢拜楊隱改西北路招討使封漆木郡王請減軍籍三千二百八十八人後以私取回鶻使者鴈毛裘及阻卜貢物決杖免官俄起爲北院宣徽使十九年改

弘簡錄

卷二百十

六

遼漢人四

大丞相進王齊總二樞府事奏南京平州歲不登免百姓農器錢及諱平諸郡商賈價並從之十九年賜名德昌二十二年南征及河與宋成而還徙王晉賜姓耶律出宮籍隸橫帳季父房二十八年復賜名隆運位在親王上賜田宅及陪葬地從伐高麗還得疾帝后臨視賜醫藥年七十一贈尚書令諡文忠官給葬具建廟乾陵側無子清寧三年以魏王貼不子耶魯爲嗣天祚立以皇子敖盧斡繼之 德威性剛介善馳射保寧初歷上京皇城使備州防禦改北院宣徽使乾亨初丁父喪起復權西南面招討使統和初党項十五部寇邊戰却之賜以大漢劍許便宜行事不用命者得專殺時党項酋長執奇離子隈引等乞內附詔撫納之七月獻破党項俘并奇董子大護賞勞有功將士八月壬子表請伐党項之復叛者詔許之領突呂不送

烏古敵烈部都詳穩尋爲東北路詳穩封混同郡王清寧初徙王耶律南府宰相以年老乞骸更王漢大康中薨年八十八生平神情秀徹聖宗子視之與宗待以兄禮雖貴愈謙初爲都點檢扈從獵黑嶺獲熊上因樂飲謂滌魯曰汝有求乎對曰臣富貴踰分不敢他望惟臣叔先朝優遇身歿之後不肖子坐籍沒諸孫中得赦一人以主四時薦享臣願畢矣詔免籍復其產子燕五官至南京步軍都指揮使 德崇善醫視人形色輒決其病累官至武定軍節度使其子制心小字可汗奴善訓鷹隼統和中爲歸化州刺史開泰中拜上京留守進漢人行宮都部署至北院樞密使封漆木郡王以皇后外弟恩遇日隆嘗奏樞副蕭合卓用事寡識度無行檢典宗默然自是內宴款洽輒避之皇后不悅曰汝不樂耶制心對曰寵貴鮮能長保以是爲憂耶太

平中歷中京南京留守楊隱徙王燕遷南院大王或勸制心奉佛對曰吾不知佛法惟心無私則近之矣一日沐浴更衣而臥家人聞絲竹之聲怪而入視則已逝矣年五十三贈政事令追封陳王守上京時酒禁方嚴有捕獲私醞者一飲而盡笑而不詰卒之日部民若哀父母

趙德鈞幽州人為劉守光軍校至裨將莊宗伐燕得之賜姓名李紹斌以為盧龍軍節度使封北平郡王鎮幽州十餘年距州北七百里有榆關東臨海北有兔耳覆舟山皆斗絕金海東北有挾路僅通一車有旁地可耕種唐時置東西狹石淶疇米磚長楊黃花紫蒙白狼等戍以控扼契丹於此戍兵常自耕食惟衣絮歲給幽州久之皆有田宅養子孫以堅守為己利自唐末割據戍兵廢契丹因得入幽州平營而幽薊之人歲苦寇鈔自承弘簡錄 卷二百十 七 遼漢人四

至幽州百里人迹斷絕轉餉常以兵護送契丹多伏兵於鹽溝以擊奪之德鈞乃於鹽溝置良鄉縣幽州東五十里皆築城戍兵及被赫連等又於其東置三河縣由是幽薊之人始得耕牧而輸餉可通會石敬瑭及請以鎮兵討賊廢帝察其有異志使自飛狐出擊其後而德鈞南出吳兒會延壽於西唐因以兵屬之拜為諸道行營都統延壽本姓劉恒山人父祁為備令劉守文陷蓟併獲其母种氏養以為子少美容貌好書史明宗居潛妻以女即位封女興平公主延壽為駙馬甚見親信尋拜樞密使以避從榮權求補外出為宣武軍節度使清泰初封魯國公俄鎮許州征太原為南面招討使德鈞懼轉求鎮州廢帝怒曰汝父子握疆兵求大鎮苟能敗契丹破太原雖代予亦可若觀寇要君但恐犬兔俱斃因遣使者趣令進軍德鈞陰遣人聘遼

求立已為帝太宗對使者指穹廡前巨石曰吾已許石即石朔方可改也會張敬達軍敗命其父子往救聞晉安已被走圍柘峪太宗追及俱降歸見太后問汝父子何無恥自求為天子不能對悉籍田宅以獻問今安在首在幽州后笑曰今已歸我何獻為明年德鈞卒拜延壽幽州節度使封燕王改為南京復遷留守總山南事天顯末妻尙在晉詔取以歸益自激昂會同初帝幸其第加政事令晉人背盟帝親征命為先鋒下貝州晉摧堅破陣以身先之轉魏博等州節度使加封魏王復敗晉軍于南樂獲其將賽項羽軍元城晉遣李守貞高行周率兵來逆破之至頓丘遇大霖雨帝欲班師諫曰晉軍屯河濱不敢出戰若徑入澶州奪其橋梁敵不足平上然之適晉軍先歸澶州延壽將輕兵逆戰上親督騎士突其陣敵遂大潰師還仍留御貝弘簡錄 卷二百十 八 遼漢人四

冀深三州八年再伐晉晉主遣其族人趙行實以晉來招時晉人堅壁不出給以我陷敵久寧忘父母之邦若以軍逆我即歸信以為然遣杜重威率兵迎之至滹沱河延壽據中渡橋與晉軍力戰手殺其將王靖太宗潛由他渡以濟留延壽與耶律朔古據橋兩軍相拒敵不能奪屢敗之重威掃衆而降上喜賜延壽龍鳳繡袍許滅晉後以中原帝延壽且以所得漢兵與爾宜親往撫慰延壽至營重威守貞迎謁馬首太宗入汴御廣政殿視朝有司給延壽貂蟬冠不肯服別為燕王冠以自表異因李崧達意求為皇太子曰吾於魏王雖割肌肉亦不惜但皇太子須天子之子得為魏王豈得為也進中京留守大丞相軍還至臨洛上見井邑荒殘顧晉人曰致中國若此皆延壽為罪首及世宗即位以翊戴功再任樞密使天祿二年薨

高模翰一名松渤海人有臂力善騎射好談兵遇太祖平渤海
避地高麗王妻以女因罪亡歸坐使酒殺人下獄太祖知其才
賈之天顯十一年九月徵渤海兵救石敬瑭模翰從行至太原
與張敬達軍接戰敗之太原圍解帝召模翰等賜以酒餼親饗
士卒氣勢益振翌日復戰又敗之獻俘于帝授以上將軍論曰
朕自起兵百餘戰卿功第一雖古名將無以加之會同元年開
禮告成宴百官及諸國使于二儀殿帝指謂曰此國之勇將朕
統一天下斯人之功也羣臣皆稱萬歲及晉叛盟乃為統軍副
使與僧道前驅拔赤城破德貝諸寨是冬兼總左右鐵騎子軍
下關南城邑數十明年三月勅虎官楊單赴乾寧軍滄州節度
田武名園之方與趙延壽議往救模翰目中若有光出榮繞旗
不談如流星喜曰此天贊之祥遂進兵殺獲甚衆以功加侍中
弘簡錄 卷一百一十 九 遼漢人四

以為招討判官從趙德鈞往接張敬達而敗因遁入遼太宗
其剛直且有文彩擢為翰林學士凡臨政事見其盡言無所顧
避忝相器重令通事高彥英善遇之未幾亡歸為追騎所獲責
問汝何故亡對曰臣不習北方土俗飲食居處意常鬱鬱以是
亡耳因責杖彥英朕嘗論汝善遇此人何乃使失所為亡既去
可再得耶令往謝留之會同初陞翰林承旨兼吏部尚書伐晉
其謀居多諸將入汴大肆殺掠川蕭翰為守礪奏今大遼始得
中土宜以中土人治之不可專用國人及左右近習苟政令乖
失人心不服今雖已得將必失之上不聽俄改右僕射兼門下
侍郎平章事有司給以三品冠服礪曰吾在上國時晉遣馮道
奉冊北朝道齋二貂冠其一宰相韓延徽其一命我冠之今可
降服耶竟冠貂蟬以朝會駕崩時礪卧病恆州翰與耶律耶五
弘簡錄 卷一百一十 十 遼漢人四

略地鹽山破僥安晉人震怖不敢接戰加太傅開晉杜重威領
兵三十萬來拒左右皆懼模翰謂曰軍法貴正不貴多以多陵
少不義必敗其晉之謂乎詰旦以麾下三百人逆戰殺其先鋒
梁漢璋餘兵敗走手詔褒美比為漢之李陵頃之重威等復至
游沱河帝召模翰問計善其言諸將莫及乃令守中渡橋及戰
復敗之上曰朕悉高觀兩軍之勢顧卿英銳無敵如鷹逐雉兔
當圖形麟閣地後裔加特進檢校太師封悉郡開國公賜璽
書劍器為汴州巡檢使平汜水諸山土賊遷鎮中京天祿二年
加開府儀同三司賜對衣鞍勒名馬應曆初召為中臺省右相
至東京父老歡迎曰公起戎行致富貴為鄉里榮相如貴臣
不足過也九年正月模翰遷左相卒
張礪磁州人初仕唐為掌書記遷翰林學士石敬瑭起兵唐主

高勳字鼎臣晉北平王信賴之子性通敏能服勤仕晉為閣門
使會同九年與杜重威來降太宗入汴授四方館使好結權貴
大臣多推舉之天祿間為樞密使總漢軍事五年為劉崇封冊
使應曆初封趙王出為上京留守尋移南京奏宋欲城益津請
假巡徼以擾之遂不果城十七年宋略地益津關勳擊敗之擢
知南院樞密使景宗即位以定策功進王秦保寧中疏請南京
郊外多隙地開畦引水種稻帝欲從之林牙耶律昆宜言於朝

高勳此奏有異志果令種畦設以京叛官軍何自而入帝疑之不納尋遷南院樞密使以藥魄駢馬蕭殿里事覺流銅州尋又謀害尚書令蕭思溫誅之沒其產賜思溫家

室昉字夢奇南京人幼謹厚篤學不出外戶者二十年雖里人莫識其精如此會同初登進士第為盧龍巡捕官太宗入汴受冊禮詔昉知制誥總禮儀事天祿中為南京留守判官應曆間累遷翰林學士出入禁闈十餘年保寧間兼政事舍人數延問古今治亂得失奏對稱旨上多昉有理劇才改南京副留守決訟平允人皆便之遷工部尚書尋改樞密副使參知政事頃之拜樞密使兼北府宰相加同政事門下平章事乾亨初監脩國史統和元年告老不許進尚書無逸篇以諫太后聞而嘉獎二年秋詔脩諸嶺路發民夫二十萬一日畢功四年南征還奏山

弘簡錄

卷二百十

十一

遼漢人四

西四州自宋兵後人民轉徙盜賊充斥下有司禁止命新州節度使蒲打里邊人分道巡檢從之與韓德讓耶律斜軫相友善同心輔政整析歲弊知無不言務在惠民薄賦以故法度脩明朝無異議八年復請致政詔賜几杖入朝免拜太后遣閣門使李從訓持詔勞問令常居南京封鄭國公奏前詔書悉罷無名寺院今晉國公主建佛寺于南京上許賜額不惟有違前詔益恐此風愈熾從之表進所撰實錄二十卷手詔褒獎加政事令賜帛六百匹九年昉薦德讓自代賜貂皮裘褥許乘輦入朝病劇遣學士張幹就第授中京留守加尚父卒年七十五上嗟悼輟朝二月贈尚書令遺言戒厚葬恐人譽過情自志其墓女里字涅烈衮積慶宮人逸其民放應曆初為習馬不底以母愛去一日至雅伯山見一巨人令葬母於斯當速詣闕必貴女

里從之累遷馬羣侍中時景宗在藩以其出自本宮待遇殊厚女里亦傾心結納穆宗遇弒之夜奔赴景宗巢禁兵五百以衛即位以翼戴功為飛龍使尋加政事令保寧三年三月丁未授契丹行宮都部署賞資甚渥尋加守太尉素與同列蕭阿不底有好賄名比漢主劉縱元聞其為上信任遇生日必致禮二人貪穢大小國人傳以為笑保寧末坐私藏甲五百又得殺蕭思溫賊書賜死生平善識馬嘗行郊野見數馬跡指其一曰此奇駿也以已馬易之果然

郭蒙史逸其世性端介識治體久滄外調景宗即位召見問對稱旨知其可任拜南院樞密使尋加兼政事令以帝數游獵上書諫史稱唐高祖好獵蘇世長言不滿十旬木足為樂即日命罷迄今美之伏念聖祖創業艱難修德布政宵旰不懈穆宗選

弘簡錄

卷二百十

十一

遼漢人四

無厭之欲不恤國事天下怨陛下繼統游內翕然望中興之治十餘年間征伐未已寇賊未弭年穀雖登於菽未復正宜戒懼脩省以懷永圖側聞恣意遊獵甚於往日萬一有銜檠之變搏噬之虞悔將何及况南有疆敵伺隙而動聞之得無生心乎伏望陛下節從舍酣飲之樂為生靈社稷計則國家有無疆之休上覽而稱善賜協贊功臣拜武定軍節度使統和三年轉天平軍卒

張儉宛平人性端慤不事外飾統和十四年進士第一聖宗夢四人侍側賜二口食至儉名始悟尋調雲州幕官時帝獵雲中故事車駕經行長吏當有所獻節度使進口臣境無他產惟幕僚張儉一代之寶願以為獻召見容止朴野訪及世務占奏三十餘事稱旨自此傾遇特異踐歷清華號稱明幹開泰二年拜

政事舍人累遷樞密同知太平五年出為武定軍節度使移鎮大同六年入為南院樞密使七年守司徒兼政事令帝方眷倚與叅政吳叔達不相能為出叔達康州刺史拜儉左丞相太平五年由武定軍節度使拜同政事門下平章事封韓王俄徙彰信軍節度使六年復入為南院樞密使兼政事令帝不豫受遺詔輔立太子是為興宗賜號貞亮弘靖保義守節書德功臣進太師中書令加尚父徙王陳重熙五年帝幸禮部貢院及親試進士皆儉發之進見不名賜詩褒美為人質素衣惟袖帛食不重味月俸有餘賜給親舊方冬奏事便殿帝見衣袍敝密令近侍記之屢見不易帝問其故對以時尚奢靡臣服此袍冀俾諷諭乃令恣取內庫財物獨持布三端而出上見其清廉益加獎重有第五人欲俱賜進士固辭有司獲八盜已戮乃獲正賊家弘簡錄 卷二百十 三 趙漢人四

人訴乞申理上怒曰欲朕償命耶儉謂八家老稚無告少加存恤便得收葬足慰存沒從之凡在相位二十餘年裨益為多致政歸第上以宋書辭不如禮將親征幸其第却尚食先往具饌進恭美乾飯帝食之美徐問以策極陳利害第遣一使問之何必遠勞車駕遂止復仰其第賜宴器玩悉與之十三年儉薨年九十一勅葬宛平縣

邢抱朴應州人父簡刑部郎中母陳氏營州人父陘五代時累官司徒陳氏甫笄涉通經義凡覽詩賦輒能誦尤好吟詠名為女秀才年二十始歸簡孝舅姑闔門和睦親黨推重生六子親授以經統和十二年卒睿智皇后聞之嗟悼贈魯國夫人刻石以表其行及遷祔遣使以祭論者謂貞靜柔順婦道母儀始終無嫌抱朴性穎悟好學博古保寧初為政事舍人知制誥累遷

翰林學士加禮部侍郎統和三年命勾檢顯陵四年山西州縣被兵命與雲州節度使韓毗哥等充宣諭招撫使往鎮慰之民始獲安加戶部尚書遷翰林學士承旨與室昉同脩實錄決南宗滯獄還後詔褒美十年拜叅知政事韓德諶薦按察諸道守令能否而黜陟之大協人望素以孝稱母憂固辭起復宰相密諭上意乃從及耶律休哥留守南京又多滯獄復詔平決人無冤者二十年改南院樞密使又二年卒輟朝三日贈侍中弟抱質統和二十九年由南府宰相擢知南院樞密使事以年老詔乘小車入朝開泰元年命督有司具拜山大射柳禮儀復為大同軍節度使加開府儀同三司守司空兼侍中時人榮之馬得臣南京人好學博古善屬文尤長於詩保寧間累遷政事舍人翰林學士常預朝議以正直稱乾亨初宋師屢侵命為南弘簡錄 卷二百十 西 趙漢人四

京副留守拜學士承旨統和二年改宣政殿仍兼侍讀學士聖宗閱唐高祖太宗玄宗三紀命錄其行事可法者以進奏臣觀房玄齡杜如晦隋季書生向不遇太宗安能為一代名相臣雖不才幸列東宮侍從今又得侍聖讀臣請略陳昔太宗侍太上皇宴罷則挽筆至內殿玄宗與兄弟歡飲盡家人禮陛下嗣祖考之祥躬侍太后可謂至孝臣更望定省之餘敦睦六親加以愛敬則陛下親親之道比隆二帝矣若夫耽玩經史數引公卿講學至于日晏故二帝當時天下翕然嚮風以隆文治臣願陛下游心章句研究經理深造而篤行之二帝之治亦不難致昔者太宗躬承唐儉切諫玄宗嘗鷹韓休恐言莫不樂從今陛下以毛馬為樂愚臣思之有不宜者三其一君臣同戲不免分爭君得臣愧彼負此喜二躍馬揮杖縱橫馳騁不顧上下之分爭

先取勝夫人臣禮三。輕萬乘之尊。圖一時之樂。萬一有衝勒之失。知社稷太后何憐。不以臣言為迂。少賜首覽。天下之福。羣臣之願也。晉奏帝嘉歎良久。及扈從伐宋。進言降不可殺。亡不可追。二三其德者。別議詔從之。俄兼諫議大夫。知宣徽南院事。統和七年。得臣卒。贈太子太保。賜錢十萬。粟百石。有司給葬。

王繼忠本宋開封人。父瑋。武騎指揮。咸瓦橋關卒。繼忠六歲。給事真宗。藩邸以謹厚被親信。即位。補內殿崇班。累殿前都虞候。領雲州觀察使。改鎮定高陽關。幹至副都部署。兼河北都轉運使。徙定州。統和二十一年。南侵宋。至望都。時繼忠領兵至康村。交戰。自日昃至乙夜。勢小却。遂明復戰。為我所乘。斷其餉道。遇宋將王超。桑贊皆畏縮。退師。繼忠獨與麾下躍馬馳赴。獲之。太后知其能。授戶部使。妻以康默記族女。宋始聞謂已死。贈官弘簡錄。卷二百一十。遼漢人四。

加贈官其四子。懷節。懷敏。懷德。懷政。後開尚在。自是每遣使必有附賜。聖宗許受之。二十二年。宋使來聘。遣繼忠。孤矢鞭策。及劄于日。自臨大位。愛養黎元。豈欲窮兵。惟思息戰。每救邊事。嚴諭守臣。至于北界。人民不令小有侵擾。衆所具悉。爾亦備知。向以知雄州。何承矩已布此。懇自後。杳無所聞。汝可密言。如許通和。即當別使往請。詔繼忠與宋使相見時。南北弭兵。與有力焉。上以其家無奴隸。賜宮戶三十。加左武衛上將軍。開泰二年。為中京留守。檢校太師。五年。轉漢人行宮都部署。封琅邪郡王。六年。進王楚。賜姓名耶律顯忠。後改宗信。上嘗宴飲。議以蕭合卓為北院樞使。言其暗於大體。不若敵烈才行。兼備上不納。及遣合卓伐高麗。命為行軍副部署。攻興化鎮。月餘不下。師遂上。謂繼忠明於知人。拜南院樞密使。太平三年。致仕。卒。子懷王仕至

防禦使

陳昭。表小字王九雲。州人工。諱。勇而善射。統和中。補祇候郎君。為奚。搜刺。詳穩。累遷。致時。宮太保。兼掌圍場事。開泰五年。秋。大獵。帝射虎。以馬馳。太速。矢不及發。虎怒。奮勢。將犯。蹕。左右。辟易。昭。突。捨。馬。捉。虎。兩。耳。騎。之。虎。駭。且。逸。上。命。衛。士。追。射。大。呼。止。之。虎。雖。軟。山。終。不。墜。地。伺。便。拔。佩。刀。殺。之。羣。至。上。前。慰。勞。良久。即日。設。燕。悉。賜。以。席。上。金。銀。器。特。加。節。鉞。遷。圍。場。都。太。師。賜。國。姓。命。張。儉。呂。德。懋。賦。以。美。之。後。拜。歸。義。軍。節。度。使。同。知。上。京。留守。歷。西。南。面。招。討。都。監。卒。

劉景宇。可。大。河。間。人。四。世。祖。祥。見。唐。藩。鎮。父。守。敬。南。京。副。留。守。景。資。性。端。厚。好。學。能。文。初。辟。趙。延。壽。幽。都。文。學。應。曆。初。遷。右。拾。遺。知。制。誥。為。翰。林。學。士。九。年。州。人。侵。燕。留。守。蕭。思。溫。急。請。濟。師。弘。簡。錄。卷。二。百。一。十。遼。漢。人。四。

帝欲俟秋方出。景諫曰。河北三關已陷于敵。今復侵燕。安可坐視。上不聽。會父憂。去未幾。起復舊職。一日。召草赦。既成。留數月。不出。景奏。唐制。赦書。日行五百里。今稽期弗發。何也。上亦不報。景宗即位。乃以忠實擢禮部侍郎。遷尚書兼宣政殿學士。上方欲倚用。書其笏曰。劉景可宰相。頃之。拜南京副留守。俄召為戶部使。歷武定。開遠二軍節度使。統和二年。景致仕。加兼侍中。卒。年六十七。贈太子太師。子慎行。由膳部員外郎。統和二十九年。累遷三司使。叅知政事。改南院樞密使。至北府。宰相監脩國史。諫上多卽宴飲。以行誅賞。恐威福遷於喜怒。或有未當。帝悟。諭政府。自今宴飲。有行賞事。翌日。稟行。開泰四年。伐高麗。以為都統。殿前都點檢蕭屈烈。為都監。坐先携家。置邊郡。致緩軍期。下吏議。費乃免。七年。出為彰武軍節度使。賜號保節功臣。太平

四年改順義軍五年徙遼典軍有訟其與子婦姚氏私者有司出其罪聖宗詔武白鞠之竟正其事武白爲宋國子博士差知相州至通利軍爲我軍所俘復授上京博士改臨潢令遷廣德軍節度副使權中京留守爲人質直不畏權勢時慎行諸子皆處權要燕白斷百姓分籍事不立坐左遷未幾遷尚書左丞知樞密事拜遼典軍節度使致仕卒 慎行子六一德早世二立終上京留守五常歷三司使武定軍節度使三殿四端六符皆第進士殿端俱尚主爲駙馬都尉殿獻聖宗一矢斃雙鹿賦嘉其瞻麗與公主不諧奔宋歸殺之端爲衛尉少卿使宋賀生辰方宴大張女樂竟席不顧人憚其嚴還拜樞密直學士權知宣徽南院事卒 六符有志操能文重熙初遷政事舍人擢翰林學士七年參知政事與蕭特末使宋語宋使宿弼曰吾主恥受

弘簡錄

卷二百十

七

遼漢人四

金帛堅欲十縣何如弼曰本朝皇帝言朕爲祖宗守國豈敢妄以尺寸與人且北朝所欲不過租賦朕不忍多殺兩朝赤子故屈已增幣以代之若必欲得地是志在敗盟假此爲詞耳澶淵之盟天地鬼神尚鑒今若自發兵端過不在我爾乃欺天神也還告其主曰宋人重失十城願增歲幣以易之以爲漢人行官副部署復與耶律仁先往使定獻納二字宋初難之六符曰本朝兵疆將勇海內共知人人願從事于宋若恣其俘獲以飽所欲與區區二字孰多况大兵駐燕萬一南進何以禦之顧小節忘大患悔將何及宋乃從之還加同中書門下平章事及宋幣至仍命爲三司使以受之坐與杜防有隙白六符嘗受宋賂出爲長寧軍節度使俄召爲三司使道宗即位將行大冊禮樞密使蕭革奏行大禮備儀物必擇曠地莫若黃川六符曰不然禮

儀國之大體帝王之樂不奏于野今中京四方之極朝觀各得其所宜于中京行之上從其議六符尋以疾卒

杜防涿州歸義人開泰五年進士甲科累遷起居郎知制誥人稱有幸相器太平中遷政事舍人至樞密副使重熙九年夏人侵宋宋遣郭禎來告請與夏和上命防使夏解之如約罷兵各歸侵地拜參知政事韓紹芳劾六符忌之防待以誠十二年紹芳等罷愈見信任拜南府宰相帝以防生子幸其第賜名王門奴十六年與韓紹榮進奏有誤決以大杖出爲武定軍節度使十四年召復任二十一年秋祭仁德皇后詔儒臣賦詩防爲冠賜金帶道宗諒陰爲山陵使清寧二年上以防年老不欲煩以劇務拜右丞相加尚父卒上歎悼不已賜贈加等給葬具贈中書令諡曰元肅子公謂終南府宰相

弘簡錄

卷二百十

八

遼漢人四

大康又渤海人開泰間累官南府宰相出知黃龍府善綏撫東部懷服榆里底乃部長伯陰與榆烈比來附送于朝且言蒲盧毛朶界多渤海人乞取之詔從其請康又領兵至大石河馳準城掠數百戶以歸未幾卒 高正統和初舉進士累遷樞密直學士將伐高麗遣先往諭意及還遷右僕射上許高麗王詢入覲復遣率于騎往迓館于路爲高麗將卓思正所阻勢不可敵與麾下壯士突圍出士卒死傷者衆上悔輕發釋其罪明年遷工部侍郎命佐楚國王隆佑爲北院樞密副使開泰二年遣往按察諸道刑獄五年卒 楊績良鄉人太平十一年及第累遷南院樞密副使與宰相韓知白學士王制張宥知制誥周白俱坐擅給進士堂帖降知白武定軍長寧軍俱節度使綱澤州白海北州俱刺史俄徙績

知涿州清寧初拜參知政事兼同知樞密院事為南府宰相以平重元亂上嘉之十年擢知興中府咸雍初上以張嗣復疾改知興中府事兩易其任命知樞密院事二年乞致仕不許拜南院樞密使與宗以舊臣特詔燕見論古今治亂人臣邪正方今契丹忠正無如耶律玠漢人則劉仲而已然熟察之仲又不及玠之剛介績拜賀曰何代無賢世亂則獨善其身主聖則兼濟天下陛下銖分邪正升黜分明天下幸甚八年六月甲戌封績為趙王太康中以例改王遼西致仕加守太保薨子貴忠亦知興中府

姚瑛行始名景禧祖漢英本周將應曆初來聘用敵國禮帝怒留之隸漢人宮分後景行貴始出籍貫興中縣為人博學重熙五年擢進士乙科任將作監改燕趙國王教授不數年至翰林弘簡錄 卷二百十 九 遼漢人四

學士樞密副使參知政事性敦厚廉直人望歸之道宗即位多被顧問為北府宰相九年秋告歸道間重元亂收集行旅得三百餘騎勤王比至賊已平帝嘉其忠賜以逆人財產咸雍元年出為武定軍節度使明年驛召拜南院樞密使上從容問治道引入內殿出示御書并太子書賜什器車仗帝銳意伐宋召問宋人好生邊事如何對曰自聖德皇帝威德懷遠宋脩職貢追今幾六十年若以細故用兵恐違先帝成約上然其言而止致仕不踰月復舊職家艱起復兼中書令上問古今儒士優劣占對稱旨擢知興中府改朔方軍節度使太康初徙鎮遼興時上京多滯獄命為留守不數月景行以獄空聞累乞致政許之加守太師卒遣使弔祭追封柳城郡王諡文憲壽隆五年詔為立祠

楊哲字昌時安次人幼通五經大義聖宗聞其穎悟詔試詩投校書郎太平十一年擢進士乙科改著作佐郎重熙十二年累遷樞密都承旨權度支使登封稱旨進樞密副使歷長寧軍節度使山西路轉運使知興中府清寧初入知南院樞密使與姚景行同總朝政請行柴冊禮封趙國公以足疾復知興中府咸雍初徙封齊召賜同德功臣尚書左僕射兼中書令拜樞密使改封晉給宰相樞密使兩廳儀從封趙王屢請歸政益賜保節功臣致仕太康五年例改遼西郡王薨

楊信字正叔南京人幼穎悟異常讀書自能成句識者奇之弱冠聲名籍甚統和二十四年進士第一歷校書郎大理正開泰六年轉儀曹郎典掌書命加諫議大夫出知易州治尚清簡徵發期會必信入為大理少卿累遷翰林學士文章號得體七年弘簡錄 卷二百十 二 遼漢人四

為刑部侍郎八年燕地饑疫民多流殍擢為南京留守同知發倉廩振乏絕貧民鬻子者計備出之宋遣梅詢賀千齡節詔信迎送多與唱酬每見稱賞重熙元年陞學士承旨母憂起復拜工部尚書歷忠順天德二軍節度朔武等州觀察處置使加特進檢校太師宣政殿學士參知政事兼知南院樞密使事十五年出為武定軍節度使境內亢旱苗稼將稿親事之夕雨澤霑足百姓歌曰何以蘇我上天降雨誰其撫我楊公為主潞陽水失故道雖為民害以已俸創長橋人不病涉被名之曰郡居攀轅泣送上御清涼殿宴勞即日除吏部尚書兼門下侍郎同中書門下平章事論以卿今日何減呂望之遇文王對曰呂望比臣遭際尚有十年之晚上悅其居相位以進賢為已任事總大綱責成百司人樂為用三請致政除判順慶軍月給錢粟俸隸

四時遣使存問倍卒有登瀛集行于世

趙徽王觀皆南京人重熙五年與宗親試進士賦以日射三十
六熊為題賜趙立與徽及第立授右補闕徽以下皆為太子中
舍賜緋衣銀魚遂大宴累遷大理正清寧二年銅州人安毀三
教徽按鞠之以狀問稱旨歷煩劇有能名累遷翰林學士承旨
咸雍初為度支使三年拜參知政事八年出為武定軍節度使
及代軍民請留太康元年六月由樞密院同知進南府宰相兼
門下侍郎平章事二年致仕卒追贈中書令諡文憲 觀博學
有才辯重熙七年進士乙科與宗勗充夏國報哀使還除給事
中咸雍初遷翰林學士五年兼乾文閣學士七年改南院樞密
副使賜國姓為參知政事兼知南院樞密事坐矯制脩私第削
爵為民卒

弘簡錄

卷一百一

遼漢人四

李儼字若思析津人父仲禧重熙中始仕清寧初為南院宣徽
同知四年城鴨子混同二水間拜北院宣徽使咸雍初坐誤奏
事出為榆州刺史俄復舊職遷漢人行宮都部署賜姓耶律封
韓國公九年改南院樞密使時乙辛等誣陷太子詔與仲禧同
鞫蔓引無辜未嘗雪正遂得薦拔拜廣德軍節度使尋卒諡欽
惠儼儀觀秀整好學有詩名登咸雍進士守著作佐郎補中書
省令史以勤敏稱太康初歷都部署判官將作少監後兩府奏
事帝論羣臣優劣稱儼才俊改少府少監知大理正賜紫六年
遷少卿奏獻詳平明年陞本寺卿丁父憂奪服同簽部署司事
大安初為景州刺史總督禁蒙猶撫老恤貧未數月善政流
播郡人刻石頌德二年改御史中丞詔案上京滯獄多所平反
擢宣徽院同知仍提點大理寺六年冬改山西路都轉運使刮

剔垢弊奏定課額益州縣俸給事皆施行壽隆初以母憂去名

復舊職宋攻夏李乾順遣使求和解帝命如宋平之還拜參知
政事六年駕幸鶯鶯梁召至內殿訪以政事道宗晚年倦動用
人不能自擇令各擲骰子以采勝者官之儼嘗得勝采賀為上
相之徵遷知樞密院事賜號經邦佐運功臣封越國公脩皇朝
實錄七十卷帝大漸儼與阿思同受顧命乾統三年封泰國公
六年進潞水郡王天祚寵任之天慶中有疾命醫診視堯贈尚
父諡曰忠懿為人性廉潔一芥不取於人經籍一覽成誦然專
務於知善伺人主意固結上心他勿恤也由是惟寵益固人以
是謂之三子處貞太常少卿處廉中京留守同知處能少府少
監從子處溫

弘簡錄

卷一百一

遼漢人四

劉仲宇濟時宛平人少穎悟長以辭翰聞重熙五年進士歷彰
武節度使掌書記大理正因奏獄上適與近臣語不顧仲言自
右帝王必重民命願陛下省臣奏上大驚異擢樞密都承旨權
中京副留守詔徙富民以實春泰二州仲奏罷以為不可遷大
理少卿至卿人以不克稱轉西京副留守父憂終制改三司副
使諫議大夫提點大理寺明法律多寬恕屢案冤獄全活者衆
徙南京副留守俄授崇義軍節度使政務簡靜民川不投致有
烏鵲同巢之異優詔褒之改戶部使歲入羨餘錢三十萬緡轉
南院樞密副使尋拜參知政事論以勿憚宰相仲於乙辛
尚不畏何宰相之畏乙辛銜之相與排詆出為保靜軍節度使
上終欲大用加守太子太保遷上京留守復以事徙鎮雄武歷
崇義軍節度使致仕適燕薊民饑與致仕趙徽韓道日濟以糜
粥所活不勝算大安二年仲卒上震悼賻贈加等

牛溫舒涿州范陽人為人剛正尚節義有遠器咸雍中擢進士
滯小官大安初累遷戶部使轉給事中知三司使事國民兼足
道宗以為能加戶部侍郎改三司使壽隆中拜參知政事兼同
知樞密院事四年攝中京留守部民詣闕請具拜從之復名為
三司使乾統初復參政事知南院樞密使事五年宋攻夏來請
和解命與蕭得里底為使方大宴宋使人為道士裝索土泥藥
爐一優應曰土少不能和溫舒遽起以手藉土懷之宋王問其
故對曰臣奉天子威命來和若不從則當卷土收去宋人大驚
遂許夏和還加中書令卒

楊廷坊字益誠范陽人重熙十九年進士調儒州軍事判官累
遷樞密院副承旨咸雍三年為宋國賀正使還遷都承旨簿書
叢委一目五行俱下剖決如流敷奏詳敏上嘉之奉詔徵戶部
弘簡錄 卷二百十 主 遼漢人四

通錢得四十餘萬緡拜樞密直學士改樞密副使太康初參知
政事二年知南院樞密使事兼門下侍郎平章事歷北南二府
宰相以與燕哥案乙辛獄不敢正言時議短之大安中暴卒年
五十六贈守司空諡康懿子晦終昭文館直學士

王棠涿州新城人博古善屬文重熙十五年進士鄉貢禮部延
試皆第一累遷上京鹽鐵使或誣以賄無狀釋之遷東京戶部
使太康二年遼東饑民多死請振恤從之三年入為樞密副使
拜南府宰相大安末卒棠練達朝政臨事不怠在政府脩明法
度有聲

馬人望字儼叔高祖亂卿為石晉青州刺史太祖兵至堅守不
降城破被執太祖義而釋之徙其族于豎巫闔山因家焉會祖
延熙南京留守祖淵中京副留守父詮中京文思使人望幼孤

性穎悟長以才學稱咸雍中登第為松山令歲運澤州官炭獨
役縣人請均役他邑中京留守蕭吐渾始怒既而喜曰為民如
此他令不能事問悉得從允徙知涿州新城縣境與宋接驛道
所出治以不擾吏民畏愛近臣多薦之擢中京度支鹽鐵南京
三司度支皆為判官公私兼裕遷警巡使京城獄訟填委悉與
處決人以無冤會檢括戶口未兩旬而畢留守蕭保先怪問答
曰民產若盡括之他日必長厚歛之弊大率十得六七足矣謝
以所慮者遠吾不及也天祥立將報乙辛謀害太子之仇選與
蕭報恩究其事平心以處所活甚眾將改上京副留守會制賊
趙鍾哥犯闕劫宮女御物率眾捕之右竹中矢柱以艾力疾馳
逐賊乘所掠而遁令關津嚴察悉獲之召為樞密都承旨宰相
李儼惡與己異改南京諸官提轄制置庫中轉保靜軍節度使
弘簡錄 卷二百十 主 遼漢人四

有二吏兇暴民畏如虎假以辭色陰發其事黜配之是歲諸路
饑乏惟人望所治粒食不闕路不鳴桴遙授彰義軍節度使遷
中京度支使視事半歲庾廩空者悉充滿之加左散騎常侍至
樞密直學士天慶三年拜參知政事判南京三司使事時錢粟
出納之弊惟燕為甚命以練帛為通曆凡庫物出入皆使別籍
名曰臨庫姦人黠吏莫得軒輊謬為年老改南院宣徽使踰年
天祥知其誤手書其名召之拜南院樞密使用人必公議所常
與者人不敢干以私民甚患驛遞馬牛旗鼓鄉正廳隸倉司之
役破產不能給建議使民出錢官自雇募時以為便久之請老
以守司徒兼侍中致仕卒諡曰文獻人望有操守喜怒不形未
嘗附麗末進所薦曹勇義虞仲文皆為姦人所擠後至顯位初
除執政家人賀之愀然曰得勿喜失勿憂抗之甚高擠之必酷

其畏慎如此

弘簡錄卷二百一十終

弘簡錄

卷二百一十

善

遼漢人四

弘簡錄卷二百一十

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼文學 附方技

李泮 蕭韓家奴 耶律庶成 弟庶茂 耶律谷欲

耶律韓留 耶律資忠 兄國留 蕭札刺

耶律陳家奴 耶律良 王鼎 劉輝 耶律孟簡

耶律官奴 蕭蒲萬不 直魯古 王白 號瑛

耶律敵魯 會孫 耶律裏履 耶律乙不哥

李瀚字日新家世載宋史自幼聰敏幕府四傑為文嘗代侍郎

楊疑式撰吳越王錢鏐神道碑文彩道麗時輩稱之後唐中為

校書郎集賢校理晉天福中拜右拾遺翰林學士更吏部員外

禮部郎中知制誥遷中書舍人太宗入汴與徐台符俱降值駕

崩世宗在軍因事恟恟未定瀚與高勳等十餘人羈留南京久

之從歸上京授翰林學士穆宗即位累遷工部侍郎時兄澣在

宋亦為翰林學士密遣人名澣託為求醫欲遣歸汴至涿為巡

微所得送之南京下吏自經不死防之愈嚴械赴上京自投潢

河中流為鐵索牽掣又不死帝怒欲殺之勳為救止日澣本非

負恩以母年八十急於省覲其人富於文學方今少有倫比若

留掌詞命可以增光國體帝怒稍解仍令禁錮于奉國寺凡六

年艱苦萬狀會上欲建太宗功德碑勳奏非泮無可秉筆者詔

從之文成以進上悅釋囚尋加禮部尚書宣政殿學士卒澣收

遺文編為丁年集

蕭韓家奴字休堅涅刺部人中書令安搏孫少好學弱冠入南

山讀書博覽經史通遼漢文字統和十四年始仕二十八年爲右通進典南京栗園帝從容問卿居外有異聞乎因託諷諭曰臣惟知炒粟小者熟則大者必生大者熟則小者必焦使大小均熟始爲盡美不知其他帝大笑才之重熙初擢同知三司使事四年遷天成軍節度使徙彰愍宮使命爲詩友時詔問天下言治道之要對策畧曰臣伏見比年以來高麗未賓阻卜猶強戰守之備誠不容已乃者選富民防邊自備糧糗道路修阻動淹歲月比至屯所費已過半隻牛單鞍鮮有還者其無丁之家倍直備僦人憚其勞半途亡竄加以水旱貧不能支求假于人至有鬻子割田不能償者或連役不歸在軍物故則復補以少壯其鴨綠江之東戍役大率如此又阻卜諸部自來有之曩時北至臚胸河南至邊境人多散居無所統壹惟往來抄掠及太

弘簡錄

卷一百一十一

三 魏文粹五

祖西征至於流沙阻卜望風悉降西域諸國皆願入貢因遷種落內置三部以益吾國不營城邑不置戍兵阻卜累世不敢爲寇統和間皇太妃出師西域拓土既遠降附亦衆及城可敦開境數千里西北之民徭役日增生業日殫警急既不能救叛服亦復不恒空有廣地之名而無得地之實國家大敵惟在南方今雖連和難保他日若南方有變屯戍遠邈卒難赴援我進則敵退我還則敵來不可不慮也方今太平已久正可思結諸部釋罪而歸地內徙戍兵以增堡障外明約束以正疆界每部各置部長歲修職貢叛則討之服則撫之諸部既安必不生釁果如是則臣雖不能保其久而無變知其必不深入侵掠也或云棄地則損威殊不知殫費竭財以貪無用之地使彼小部抗衡大國萬一有取損威豈淺或又云沃壤不可遽棄臣以爲土雖

沃民不能久居一旦敵來不免內徙豈可指爲吾土而惜之夫帑庫雖隨部而有此特周急部民一偏之患不能均濟天下如欲均濟天下當知民困之由而窒其源節盤遊簡驛傳薄賦歛戎奢侈期以數年同用者可蘇貧者可富矣蓋民者國之本兵者國之衛昔補役始行居者行者類皆富實故累世從戎易爲吏代近歲邊虞數起民多匱乏率無上戶以中戶當之曠日彌年其窮益甚所以取代爲艱也臣又聞自昔有國家者不能無教化而重犯法則民趨禮義刑罰罕用矣今宜徙可敦城於近地與西南副都部署烏古敵烈隗烏古等部聲援相接罷黑嶺二軍并開保州皆隸東京益東北戍軍及南京總管兵增修壁壘候尉相望繕完樓櫓浚治城隍以爲邊防此方今急務也策

弘簡錄

卷一百一十一

三 魏文粹五

進擢翰林都林牙兼修國史詔曰文章之職國之光華非才不用以卿文學爲時大儒是用授以翰林之職朕之起居悉以實錄日見親信每入侍賜坐遇勝日飲酒賦詩以相酬酢君臣統相得已益知無不言雖諸謔不忘規諷十三年春上疏請依唐典追崇四代祖爲皇帝帝納之始行追冊立德二祖之禮每見帝獵未嘗不諫會獵秋山熊虎傷死數十人韓家奴書于冊帝見命去之既出復書他日見帝對曰史筆當如是帝又問我國家創業以來孰爲賢主以穆宗對帝怪之迺曰穆宗雖暴虐省徭輕賦人樂其生終世無罪被戮未有過今日之秋山者臣故以穆宗爲賢帝然詔與耶律庶成及谷欲錄遙韋可汗至重熙以來事迹集爲二十卷進之十五年復詔韓家奴古之治天下者明禮義正法度我朝之興世有明德雖中外嚮化然

禮書未作無以示後卿可與成酌古準今制為禮典事或有疑與北南院同議於是博考經籍自天子達於庶人情文制度可行於世不謬於古者誤成三卷進入奉詔譯諸書欲帝知古今成敗以通歷真觀政要五代史進帝憫其老不任朝謁拜歸德軍節度使以善治聞遣使問勞復上表謝名修國史卒年七十二有六義集十二卷行于世

耶律庶成字喜隱小字陳六季父房之後檢校太師吳九之子幼好學書過目不忘善遼漢文字於詩尤工重熙初補牌印郎君累遷樞密直學士與蕭韓家奴各進四時逸樂賦帝嗟賞初契丹醫人鮮知切脈審藥命譯方脈書行之自是人皆通習雖諸部族亦知醫事時入禁中參決疑議撰成實錄及禮書多獲賞賚又與耶律德修定法令詔曰法令者為政所先人命所繫

弘簡錄

卷一百一十一

遼文學五

不可不慎方今法令輕重不倫卿其審度輕重從宜修定庶成參酌古今刊正訛謬成書以進帝覽而善之方擬進用為妻胡篤所誣以罪奪官紉為庶耶律使吐蕃凡十二年清寧間始歸帝知其誣詔復本族仍遷所奪官卒有詩文行于世弟庶箴字陳甫善屬文重熙中為本族將軍咸雍元年同知東京留守事俄徙烏行突厥部節度使九年知薊州事明年遷都林牙上表乞廣本國姓氏曰我朝創業以來法令修明惟姓氏止分為二耶律與蕭而已始太祖制契丹文字取諸部鄉里之名續作一篇著于卷末臣請推廣之使諸部各立姓氏庶男女婚姻有合典禮帝以舊制不可遽釐不聽太康二年與耶律孟簡表賀耶律乙辛出守中京頃之復名恐懼其害內不自安私見涕泣謂前抗表非其素願聞者鄙之八年致仕卒子蒲魯字乃展

幼聰悟好學七歲能誦契丹大字習漢文未十年博通經籍重熙中登進士主文者以國制無契丹試進士之條被罰黜之仍為牌印郎君應試賦詩立成以進帝嘉賞顧左右曰文才如此必不能武事蒲魯奏曰臣自蒙義方兼習騎射在流輩中亦可周旋帝未之信會從獵三矢中三兔帝奇之轉進父嘗寄戒論詩蒲魯答以賦衆稱其典雅寵遇漸隆清寧初卒

耶律谷欲字休堅六院部人節度使阿古只之子性冲澹有禮法工文章統和中為本部太保開泰中稍遷場毋城節度使勅朔州疑獄科官授啓聖軍節度使太平中復為本部太保謝病歸俄擢南院大王歎風俗日頽請老不許與宗命為詩友數問治要多所匡建奉詔編遼國上世事跡及諸帝實錄授漢人行宮副部者大安七年知乙室大王事卒年九十

弘簡錄

卷一百一十二

遼文學五

耶律韓留守速寧仲父隋國王之後有明識篤行義舉止嚴重工為詩統和間召攝御院通進開泰三年稍遷烏古敵烈部都監俄知詳穩事敵烈部叛以為東京統軍使將官分軍從耶律世良討平之加千牛衛大將軍進右奇重熙元年遷上京留守同知改奚六部禿里太尉性不苟合為樞密蕭解里所忌上欲召用言其日病不能視遂寢四年召為北面林牙帝論聞前目疾故待之至今對日果然纔數月不至于昏第臣驚拙不能事權貴是以不獲早覲天顏非陛下聖察則愚臣豈有今日耶詔進述懷詩上嘉歎拜為惕隱至締居迭烈部節度使有惠政當代請留上命進其治狀方將大用卒

耶律資忠字沃衍小字札刺系出仲父房與兄國留弟昭俱博學工辭章兼善屬文聖宗重之國留妻弟之妻阿古與奴通將

奔女直追而殺之阿古自經其母有寵於太后事聞后怒將殺
 國留帝度不能救遣人訣別問以後事國留謝曰陛下憫臣無
 辜恩漏九泉死且不朽在獄著死賦寤寐歌為世所稱人故多
 冤之資忠年四十未仕聖宗知其賢名補宿衛數問以古今治
 亂條對無隱開泰中授御史中丞眷遇日隆權貴多短之出為
 上京副留守初高麗內屬取女直六部地以賜至是貢獻不時
 詔資忠往問高麗無歸地意四年再使遂留弗遣在高麗六年
 每懷若親輒有著述號西亭集帝與羣臣宴時一記憶曰資忠
 亦有此樂乎九年高麗上表謝罪始送資忠還帝郊迎同載以
 歸命大臣安勞留禁中數日嘉其忠節不屈欲授樞密使辭以
 無才不敢奉詔乃除為林牙知惕隱事妻以外戚之女復不附
 寵臣蕭合卓少師蕭把哥奪官數歲擢知來遠城事歷保安昭
 弘簡錄 卷二百一十一 七 七

不使各就草便地兼以遺亡成卒隨時補調不習風土故日
 瘠月損馴至耗竭為今之計莫若振窮薄賦給以牛種使遂耕
 復置游兵以防盜掠頒犂以助伏臘散畜牧以就便地期以
 數年富強可望然後練簡精兵以備行伍何守之不固動之不
 克哉然必去其難制者則餘種自畏若捨大而謀小避強而攻
 弱非徒虛費財力亦不足以威服其心此二者利害之機不可
 不察昭問古之名將安邊立功在德不在衆故謝玄以八千破
 苻堅百萬休哥以五隊敗曹彬十萬良由恩結士心得其死力
 也閣下庸非常之遇專方面之寄宜遠師古人以就勲業上觀
 乾象下盡人謀察地形之險易料敵勢之虛實慮無遺策利施
 後世矣捷察然之開泰中昭儀于拔里塔山為羯羊所觸卒
 蕭札刺字虛聲排押弟素性介特不事生業喜讀書保寧間以
 弘簡錄 卷二百一十一 七 七

德二軍節度使聖宗崩表許會葬伏哭大慟曰臣幸遇聖明橫
 被擢請不獲盡犬馬報氣絕復蘇與宗命醫治疾又坐言國舅
 侍中無憂國心陛下不當復用唐景福舊號用事者益惡之遣
 歸鎮卒 昭字述寧為著帳郎君坐兄國留事流西北部會蕭
 提凍愛之奏免其役復橫帳禮致門下欲召用以疾辭提舉問
 以今軍旅甫罷三邊晏然惟阻卜伺隙而動討之則路遠難至
 縱之則邊民被掠欲增戍兵餽餉不給今雖苟一時之安不能
 終保無變昭以書答曰竊聞治得其要則警敵為一家失其術
 則部曲為行路今西北諸部每當農時用一夫偵候一夫治公
 田二夫給糶官之役大率四丁無一室處芻牧之事仰給妻孥
 一遭寇掠貧窮立至春夏賑恤吏多雜以糶糶重以括克不過
 數月又復告困且畜牧者富國之本有司防其隱沒聚之一所

蹤報危至以爲野馬不信賊果至愛奴戰歿有司詰案詔釋之
後諸部復來侵率兵三往皆克邊境以寧高隆六年陞南院大
王俄告老不從道宗崩爲山陵使乾統二年致仕年八十卒
耶律良字習樵小字蘇著帳郎君之後生於乾州讀書醫巫問
山學既博將入南山肄業友人止之曰爾無僕御驅馳千里
聞見過人年亦垂暮今若就仕可有餘地良不聽曰窮通命也
非爾所知留數年而歸重熙中補寢殿小底詩爲燕趙國王近
侍以家貧詔乘廐馬遷修起居注會佩秋山進秋游賦上嘉之
清寧中幸鴨子河作捕魚賦上覽龍遇漸隆遷知制誥兼知部
署司事奏請編御製詩文號清寧集上亦曰良詩爲慶會集親
製序文頃之爲敦睦官使兼權知皇太后宮諸局事重元將亂
恐帝溺於親愛不敢遽奏密言於皇太后託疾名帝曰其事帝
弘簡錄 卷二百一十一 通文學五

忌俄坐怨望下吏杖黜奪官流鎮州居數歲赦獨不免會守臣
名鼎爲賀表因以詩贈使者有誰知天雨露獨不到孤寒之句
上聞而憐之名復其職乾統六年卒
劉輝好學善屬文疏間有遠畧大康五年登第大安末爲太子
洗馬上書言西邊諸番爲患上卒遠戍中國之民疲于飛旆非
長久之策爲今之務莫若城于監濠實以漢戶使耕田聚糧以
爲西北之費言雖不行識者趨之壽隆二年復上書宋歐陽修
編五代史附述我朝事妄加貶訾宋人於我朝通和奸盡兄弟
之禮今反令臣下妄意作史恬不經意臣請以趙氏初起事蹟
詳附國史上嘉其言遷禮部郎中詔以賢良對策輝言多中時
病擢史館修撰卒
耶律孟簡字復易屋質五世孫節度使劉家奴之子性穎悟六
歲父晨出復俾賦曉天星月詩應聲而成父大奇之既長善屬
文耶律乙辛忌之謫巡磁窯關雖被斥逐愠怒不形遇林泉勝
地終日忘歸復流保州俄聞皇太子被害不勝哀痛以詩傷之
又作放懷詩二十首自序云禽獸有哀樂之聲蟻蟻有動靜之
形在物猶然况於人乎然賢達哀樂不在窮通禍福之間易曰
樂天知命故不憂是以顏淵簞瓢自得此知命而樂者也予雖
流放以道自安又何疑耶太康中始得歸鄉館閣上表本朝之
典幾二百年未有國史以垂後世乃編耶律曷魯屋質休哥三
人行事以進上命置局編修語同修者曰史筆天下之大信其
言當否百世從之苟無明識好惡徇情則禍不測故左氏司馬
遷班固范曄俱罹殃禍可不慎歟乾統中遷六院部太保處事
不拘文法時多笑其迂孟簡聞之曰上古之時無簿書法令而

天下治益薄書法令適足以滋姦作非聖人致治之本尋改高州觀察使修學校招生徒遷昭德軍節度使以中京機詔與學士劉嗣昌減價糶粟事未畢卒

耶律官奴字奚隱林牙幹魯之孫沉厚多學詳於本朝世系嗜酒好佚初徵為宿直將軍重熙九年以疾去官上以官奴屬尊欲成其志許自擇一路節度使辭曰臣愚鈍不任官使上強任歸義軍節度使報請致政與歐里部人蕭哇友善哇亦有志操語以仕不能致主澤民成大功烈何屑屑為也不若與吾優游林下以枕藉自隨蕭詠自樂雖不官無慊焉官奴然之時稱二逸乾統間官奴卒

蕭蒲離不字梭懶惠四世孫父母蚤喪鞠于祖父兀古匿天性孝悌年十三祖卒自以早失怙恃哀毀踰禮族里嘉嘆嘗語人曰我於親不得終養今誰為嗣者苟不自勉何以報鞠育恩自是力學於文藝無不精乾統間召之不應常與親識游獵山水奉養無長物僕隸欣欣如也或曰公胡不念以嗣先世功名答曰自度不足以繼先業年踰強仕安能益主庶民累徵皆以疾辭晚年謝絕人事卜居抹古山屏遠葦菴潛心佛書延有道者談論彌日人問所得何如但曰有深樂惟覺六鑿不相攘餘無知者一日易服無疾而逝

直魯古吐谷渾人太祖時兵至其國見一騎士素乘開視之得一嬰兒因問所俘者知其世善醫雖馬上視疾亦知標本意由是進於太祖淳欽皇后收養之長亦能醫專事鍼灸太宗時以太醫給侍嘗撰脈經諸鍼灸書行于世卒年九十

王白冀州人明天文善卜筮晉司天少監與魏璘齊名太宗入

汴得此二人應曆十九年王子只沒以事下獄其母求卜白言無過憂此人當王未能殺也景宗即位釋其罪封寧王竟如其言凡決禍福多此類寧保中歷彰武興國二軍節度使撰百中歌行于世 璘天祿元年上命馳馬較遲疾以為勝負問白及璘孰勝白奏赤者勝璘曰臣所見馳馬當勝二人爭議不決上問其故白曰今日火王故知赤者勝璘曰不然火雖王而上有煙以煙祭之青者必勝已而竟如璘言上嘉之察割謀逆私卜于璘謂曰大王之數得一日宜慎之果一日而敗應曆中周兵犯燕上以勝敗問璘對曰周姓柴燕分火柴入火必焚其言果驗又嘗為菴撒葛卜借立事上聞之免死流烏古部一日節度使召璘適有獻雙鯉者戲曰君卜此魚何時得食璘良久答曰公與僕不出今日有不測禍矣取食魚急命烹之未及食寇至俱遇害

耶律敵魯字撒不稅其先撒葛只本五院之族太祖時分隸太和官精於醫術人有疾察其形色即知病原雖不診候有十全功統和初丞相韓德讓貴龍敵魯希有言德讓宜賜國姓籍橫帳故德讓薦之官至節度使耶律糾軫妻有沈疴易數醫不能治令視之曰心有畜熱非藥石可及當以意療因其贖聒之使狂用泄其毒則可治於是令大擊鉦鼓於前翌日果狂叫呼怒罵力極而止數日遂愈其治法多此類人莫能測年八十卒

孫世預太醫選囚之入官者衆 曾孫胡篤字合木為人便佞與物無忤長于騎射見天祥好游畋每言從禽之樂以逢其意悅而從之清寧初補近侍大安元年為彰愍官太師壽隆二年轉承與宮天慶初至殿前副點檢自此國政隳廢從天祥東征

為先鋒都統凡隊伍皆以圍場名號之進至刺崗水與金兵戰敗大軍亦却及討章奴籍私奴為軍選知北院樞密使事卒

耶律裏復字海隣六院夸葛董蒲古只之後為人風神爽秀工書藝尤善寫真重熙間累遷殿前點檢同知夏人執駙馬蕭胡

觀奉詔往索三返以歸勅承典宮使右祇候郎君班詳懇將納

泰晉長公主女孫其母與公主婢有隙謂能去婢乃許爾婚裏

校以計殺之婚成事覺有司以大辟論賴為聖宗真容以獻得

減死長流邊戍朝廷欲得南朝御容復召拜南院宣徽同知賀

正為宋主客以歸清寧間復使宋主賜宴瓶花隔面未得其真

陛辭僅一視及境畫以示饒者駭其神妙不差毫末後坐重元

亂不即勤王賊平入賀道宗責讓之成雍中加太子太師卒

耶律乙不哥字習然六院郎君裏古直之後幼好學尤長於卜

筮不樂仕進嘗為人擇葬地曰後三日有牛乘人逐牛過者即

啓土至期果一人負乳犢引犝牛而過因悟所謂牛乘人者此

也遂啓土既葬吉凶盡如其言又為失鷹者占曰鷹在汝家東

北三十里溱西榆上往求之果得當時占候無不驗

弘簡錄卷二百十一

弘簡錄卷二百十二

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼節行吏治附官者

蕭巖壽耶律敏刺蕭速撒耶律捷 蕭酬幹附乙 蕭普達

耶律阿息保和尙 耶律章奴 蕭特烈 耶律朮者妻蕭

耶律常哥 蕭意辛 蕭接蘭 耶律速撒 耶律錚軫

耶律僕里篤 耶律韓八 寶景術 大公鼎 蕭文

耶律那也季父趙三耶律錚魯幹 王繼恩趙安羅衣輕

蕭巖壽乙室部人性剛直尙氣重熙末始仕道宗即位皇太后

屢稱其賢由是進用迺上出獵令典較獲未嘗高下于帝益

重之歷文班太保樞密同知咸雍四年從耶律仁先攻破阻卜

有詔留屯亡歸者衆坐鑄兩官十年討敵烈部有功即授其部

節度使太康元年轉南院宣徽同知遷北面林牙密奏乙辛以

皇太子知國政心懷疑懼與宰相張孝傑相朋比恐有異圖上

悟出乙辛既而悔之反疑巖壽出為順義軍節度使乙辛復入

流巖壽于烏隗路終身拘作身雖寘逐恒以社稷為憂三年又

誣以與謀廢立事執還殺之年四十九乾統間贈同中書門下

平章事與耶律撒刺撻不也蕭速撒蕭撻不也俱給係宜福殿

為人廉直而折廷諍多與權倖忤故及于難 耶律撒刺字董

隱南院大王磨魯古之孫性忠直沉厚清寧初累遷西南面招

討使以治稱咸雍中為南院宣徽使九年改北院大王未幾為

契丹行宮都部署當耶律乙辛復召詔羣臣議無敢正言撒刺

獨奏始以蕭巖壽之言可信乙辛罪大不可任故陛下出之今

復召恐天下生疑進諫者三不納左右為之震悚乙辛復入見
 撒刺讓曰與君無憾何獨議異答曰此社稷大計何憾之有於
 是誣撒刺與蕭速撒同謀廢立詔按無迹出為始平軍節度使
 復令蕭訛都幹以前事誣告上怒不復加訊竟遣使與速撒同
 遇害乾統間追封漆水郡王仍追贈三子官爵 蕭速撒字禿
 魯董突呂不部人性沉毅重熙間累遷右護衛太保從耶律義
 先討靺鞨得里清寧中歷北面林牙彰國軍節度使入為北院
 樞密副使咸雍十年經畧西南邊撤宋墜障戍以皮室軍上嘉
 之大康二年知北院樞密使乙辛權寵方盛附麗者多至通顯
 速撒未嘗造門乙辛銜之誣構以首謀廢立出為上京留守死
 之日時方盛暑尸諸原野容色不變烏鵲不敢近乾統間追封
 蘭陵郡王 耶律撻不也字撒班系出季父房父富家仕至林
 牙重熙間破夏人千金肅軍有功優加賞資撻不也清寧中補
 庫印郎君累遷承典宮使以手重元亂功知點檢司事賜平亂
 功臣為懷德軍節度使咸雍五年遷遙葦剋大康三年授北院
 宣徽使知乙辛奸謀將害太子密結蕭忽古欲殺乙辛蕭特里
 得蕭十三等反被其黨誣構殺之乾統間追封漆水郡王 蕭
 撻不也字幹里端國舅郡王高九之孫性剛直咸雍中補祇候
 郎君大康元年為彰愍宮使尚趙國公主拜駙馬都尉二十年十
 二月己丑由左夸離畢為南院都統軍使三年改漢人行宮都
 部署同知與耶律撻不也善乙辛嫉之告以同謀廢立不勝撻
 掠誣伏上引問昏瞶不能自陳遂見殺同追封蘭陵郡王 蕭
 忽古字阿斯憐敵烈族子性忠直趨捷有力甫冠補禁軍咸雍
 初從招討使耶律趙三討背部之違命者及請降來介有能躍

馳奔而上者以候捷相詭趙三問左右誰能此忽古被重鎧而
 出手不及攀一躍而上使者大駭於是妻之以女帝聞召為護
 衛惡乙辛以校校得幸肆行兇暴嘗伏于所經橋下欲伺其過
 殺之會暴雨壞橋不果後又欲殺于獵所為親友所阻乙辛知
 而械繫之考掠不服流于邊及太子廢召至殺之乾統初追贈
 龍虎衛上將軍

蕭訛幹字訛里本與乙薛俱國舅少父房之後祖阿剌終採訪
 使父別里刺即道宗后父訛幹親維律性和易年十四尚越國
 公主拜駙馬都尉為祿候郎君班詳穩轉殿前副點檢大康五
 年年十八封蘭陵郡王七年遷漢人行宮都部署兼知樞密院
 事八年帝欲立皇孫為嗣恐無以解天下疑乃出訛幹為國舅
 詳穩降皇后為惠妃遷于乾州其母燕國夫人入朝擅取驛馬
 至是發覺奪其封號併發其妹魯如為巫蠱伏誅召訛幹與公
 主離婚籍入典聖宮流烏古敵烈部天慶中以妹復尊為皇太
 妃名訛幹為南女直詳穩遷征東副統軍時廣州渤海作亂與
 駙馬蕭韓家奴襲其不備平之復敗敵將侯樂于川州是歲東
 京叛遇敵來擊師潰獨訛幹率麾下數人力戰殺于陣追貶龍
 虎衛上將軍 蕭乙薛字特免性謹愿壽隆間累任劇官天慶
 初知國舅詳穩事遷殿前副點檢金兵起為行軍副都統以失
 利能出為武定軍節度使遷西京留守七年討劇賊董履兒戰
 易水西大破之以功為北府宰相加左僕射兼東北路都統十
 年金陷上京詔兼上京留守東北路統軍使為政寬猛得宜振
 民窮困眾咸愛之保大二年軍潰左遷西南面招討使以部民
 流散不赴天祚播遷給侍從不闕拜殿前都點檢知北院樞密

私簡錄 卷一百一十二 遼史 卷一百一十二

私簡錄 卷一百一十二 遼史 卷一百一十二

使事凡金兵所過諸營敗卒復聚上京再遣乙薛留守以安撫之明年盧彥倫以城叛乙薛被執數月以居官無過得釋後爲耶律大石所殺

蕭普達字彈隱統和初爲南院承旨開泰六年出爲烏古部節度使七年討平敵烈部叛徙之大部爲烏古敵烈部都監遣敵烈騎卒取北阻卜名馬以獻賜詔褒獎太平十年爲乙室部大王重熙初復改烏古敵烈部都詳穩討諸蕃有功其人深練邊事能以悅使人有所俘獲悉散麾下由是大得衆心歷西南面招討使以討党項叛入西夏中流矢歿于陣帝聞惜之厚賜銀絹贈同中書門下平章事

耶律阿息保字特里典五院部人祖胡劣徙居西北部世爲招討司吏阿息保自幼慷慨有大志年十六以才幹補內史天慶

初轉樞密院侍御知國將亡前後進諫甚切金人起兵城境上

遣往詰問詔曰若歸阿疎敢不聽命還具以聞又陷寧江州邊兵屢敗遣與耶律章奴等齎書而東冀以脅降因請獨往日臣前使依詔開諭畧無所屈若所請不遂後無相見今臣適異國必無生還朝野皆壯之既至果見執久乃遁歸遷都巡捕使六年從阿疎討章奴加領軍衛大將軍尋爲奚六部禿里太尉後阿疎反以偏師進擊臨陣墜馬被擒因阿疎有舊得免屢勸阿疎好殺全活者衆會阿疎敗復還囚之中京數歲保大二年金兵入京始出獄尋爲敵烈皮室詳穩魏王淳僭號招之封其書以獻因諫上束兵甚銳未可輕敵及石鞏鐸之敗天祚奔竄名阿息保不時至疑有肅心并怒爲淳所招殺之人以死非其罪多痛惜者 天祚初奔陰山節度使和尚與林牙馬哥男慎思

俱被擒金都統杲使阿隣護送得里底和尚雅里斯等入金得里底道亡金祖誅阿鄰和尚弟道溫爲興中尹金祖使設都本以兵千人與和尚往招之和尚在道屢欲亡去不得拘至興中城下反以矢繫書射城中教道溫母降事泄設都本責以汝何反覆如此對曰以忠報國雖死不恨何謂反覆乃殺之既而金軍遇道都統字迭等道溫在其中相與隔水而語金帥宗望承制招之字迭唯諾無降意宗望謂道溫曰汝兄和尚因戰而獲未嘗加罪後以叛誅能無痛悼道溫曰吾兄辱於見獲榮於死國宗望頷馬和尚曰能爲我取此乎對曰能遂以所部渡水擊敗其衆直趨道溫射中其臂獲而殺之

耶律章奴字特末衍季父房之後父查刺養高不仕章奴明敏善談論大安中補牌印郎君乾統元年累遷右中丞兼領牌印

宿直事天慶四年授東北路統軍副使五年改咸州路兵馬副知天祚親征女直以爲都監大軍渡鴨子河章奴與耶律木者謀立魏國王淳會淳猶豫未決章奴知事不成率麾下誘草寇數百攻掠曉懷等州取府庫財物至柘州率僚屬告太祖廟我大遼基業由太祖百戰而成邇來天祚耽樂是從不恤萬機強敵肆侮師徒敗績天下土崩加以盜賊蜂起邦國危于累卵臣等添預族屬世蒙恩渥竊見興宗皇帝孫魏國王淳道德隆厚能理世安民欲立以主社稷上安九廟之靈下救萬民之命此舉實出至誠會淳適好草甸大事未遂冀累聖垂祐西至慶州復祀諸廟仍述所以舉兵之意移檄州縣請陞官僚士卒稍稍爲心時饒州渤海及侯瑛等相繼來應衆至數萬趨廣平淀犯行宮其黨耶律女古等暴橫不法劫掠婦女財畜章奴不能制

內懷悔恨攻上京又不克自鴨子河亡去順國女直阿鴉產率兵追敗之殺其將耶律彌里直擒貴族二百餘人並斬首以殉其妻子配役繡院及散諸近侍為奴婢餘得脫者皆遁去章奴詐為使者欲奔女直為邏者所獲縛送行在腰斬狗于五京蕭特烈字訛都梳達葦注可汗官分人乾統中入宿衛出為順義軍節度使天慶四年轉咸州路兵馬同知五年以兵敗奪節度使保大元年遷隗古部節度使及天祚在山西集羣收兵特烈為副統軍聞金兵將至諭士卒以君臣之義死戰于石碓鐸金兵不戰特烈伺隙攻之天祚喜甚名嬪御諸子登高同觀將誌之金兵望日月旗知天祚在其下以勁兵直趨奮擊無敢當者天祚遁走特烈所至招集散亡尋為中軍都統復敗于梯已山天祚決意渡河奔夏從臣切諫不聽人情惶懼不知所為

弘簡錄 卷一百一十一 六 禮節行六

特烈陰謂耶律兀直曰事勢如此億兆離心正我輩效節之秋不早為計柰社稷何遂共劫梁王雅里奔西北諸部立為帝特烈為樞密使雅里卒欲擇可立者會耶律兀直言與宗四世孫敵烈木才德純備衆皆曰可遂僭立焉特烈任職如故未三旬與敵烈木俱為亂兵所殺

耶律木者字能典補古只之後為人魁偉雄辨乾統初補祇候郎君因柴册加觀察使天慶五年受詔監都統耶律幹里柔戰及敗左遷銀州刺史徙咸州糾將聞章奴亡去即引麾下往會道為游兵所執送行在所上問予何負而反對曰臣誠無憾但以天下大亂已非遠有小人滿朝賢臣竄斥誠不忍見天皇帝艱難之業一旦土崩痛入骨髓而有此舉初非為身計也後數日復問木者厲聲數上過惡陳社稷危亡之本遂殺之 妻蕭

氏小字訛里本國舅李董之女性端怒有容色自幼與他女異年十八于歸謹裕貞婉娣奴推尊之夫死哀毀逾禮已葬所親曰夫婦之道如陰陽表裏無陽則陰不能立無表則裏無所附且生必有死理之自然木者早歲登朝罹此酷毒復何依恃儻死者可見則從不可見則當與俱侍婢慰勉竟無回意自刃而卒

耶律氏太師適魯之妹小字常哥幼爽秀有成人風及長操行修潔自誓不嫁能詩文不苟作讀過曆見前人得失歷能品藻成雍間作文以述時政其畧曰君以民為體民以君為心人主當任忠賢人臣當去比周則政化平陰陽順欲懷遠則崇恩尚德欲強國則輕徭薄賦四端五典為治教之本六府三事實生民之命淫侈可以為戒勤儉可以為師錯枉則人不敢詐顯忠

弘簡錄 卷一百一十一 七 禮節行六

則人不敢欺勿泥空門崇飾土木勿事邊鄙妄廢金帛滿當思溢安必慮危刑罰當罪則民勸善不寶遠物則賢者至建萬世磐石之業制諸部強橫之心欲率下則先正身欲治遠則始朝廷上稱善耶律乙辛因愛其才屢求詩遺以回文知其諷已銜之大康三年皇太子坐事謫兄適魯鎮州常哥布衣蔬食與之俱往人問何為自苦如此答曰皇儲無罪遭廢我輩豈美食安寢之時及太子被害不勝哀痛後卒于家年七十

蕭氏小字意辛父陶蘇幹母胡獨公主意辛美姿容知讀書年二十始嫁耶律奴事親睦族以孝謹聞嘗與娣奴會爭言厭魅以取夫寵意辛獨曰不若禮法衆欲聞其說答曰修己以潔奉長以敬事夫以柔撫下以寬毋使君子見其輕易則自然取重於夫矣問者大慚會夫與乙辛有隙被誣奪爵流烏古部上欲

使意幸絕婚辭曰陛下妾葭莘之親使免流竄實天地之恩然夫婦之義生死以之妾自笄年從奴一旦臨難頓爾乖離背刺帝之道於禽獸何異幸陛下哀憐與奴俱行妾即死無恨帝感其言從之久在貶所親執役事雖勞無難色事夫禮敬有加于舊壽隆中上書乞子孫為著帳郎君帝嘉其節舉家召還子國隱乾統間始仕保大中意幸在臨漢謂諸子曰吾度虛彥倫必叛汝輩速避我當死之賊至遇害

蕭氏小字接蘭惠四世女孫聰慧謹愿年二十始嫁耶律中事夫敬順親戚咸譽其德中嘗謂曰汝可相如昔以前貞淑為鑑遂發心誦習多涉古今天慶中盜起輒潛置刃誓不被汗會賊道而免久之帝召中為五院都監語其妻曰吾本無宦情今不能免我當以死報因汝能從我乎對曰謹奉教及金兵御地嶺

弘簡錄

卷二百十二

九

西盡徙其民中守節死接蘭躍馬突出至中死所自殺

耶律速撒字阿敏性忠直簡毅練武事應曆初為侍從累遷突呂不部節度使歷朔濟祥順聖五州都總管俄為教睦宮太師保寧三年改九部都詳穩四年伐克項屢立戰功手詔勞之聖宗即位命討阻卜統和元年正月辛巳獻俘詔褒美三月辛丑又奏克項捷遣使慰勞十月癸巳奏敵烈部及叛番來降悉復故地二年十一月又討阻卜殺其部長撻刺于三年又奏未不姑諸部至近琯旁董易古姑請行俘掠不允時皇太后稱制西邊甫定賴以專務安集諸蕃利害輒具以聞太后益信任之連撤凡臨戎陳與士卒同甘苦所獲均賜將校賞願討逆威信大振在遼二十年卒

耶律鐸珍字敵董積慶宮人仕統和間性政簡不顧小節人初

短之後使宋分總羸師以從及戰取緋帛被介冑以自標顯出入敵陣格殺甚衆太后望見而喜名語効力如此何患不濟厚

實之自是多任以軍事俄投東北詳穩開泰二年進討阻卜克之重熙間歷東路統軍天德軍節度使十七年城西邊命相地及造戰艦百三十艘上置兵下立馬規制堅壯甚稱上旨西征又詔率兵由別道進會于河濱敵兵阻河而陳帝御戰艦絕河擊之大捷而歸親賜卮酒仍問所欲對曰臣幸被聖恩得効駑力萬死不能報國又將何求帝愈重之手書其衣裾曰勤國忠君舉世無雙尋卒于官年七十子低烈歷觀察節度使

耶律僕里篤字燕隱突呂不四世孫開泰間為本班郎若有捕盜功樞使蕭朴薦之遷率府率太平中同知南院宜徽事累遷彰聖軍節度使十六年知典中府以獄空聞十八年伐夏攝西

弘簡錄

卷二百十二

九

南面招討使十九年夏人侵金肅軍敗之斬首萬餘級加右武衛上將軍時近邊尋收散被寇掠還倒塌嶺都監以治之桴鼓不鳴二十年知金肅軍事俄副宰相趙惟節總領邊城橋道務粟以稱職聞清寧初歷長寧軍節度使致仕咸雍間卒子阿固質終倒塌嶺都監

耶律韓八字朝隱古五世孫素儻有大志不屑細務喜怒不形大平中襲衣匹馬來游京師寓行宮側適帝微服出獵見而問之汝為何人因不識漫應曰我北院部人來覓官耳帝召與語知有長才陰識之會北院奏南京疑獄久不決召馳驛審錄至則量情據理人無冤者上嘉之命籍羣牧馬闕其二同事者考尋不已韓八畧不加詰即先馳奏帝益信任景福元年為左

夸尚畢徙北面林牙眷遇優異守邊重任政務寬仁實府庫振

貧乏以報上知重熙六年改北院大王愈竭忠謹知無不言便益為多十二年又改南院大王十七年卒年五十五篋無舊畜施無新衣上聞悼惜遣使弔祭給葬具

寶景庸中京人中書令振之子聰敏好學清寧中第進士授秘書省校書郎累遷少府少監咸雍六年授樞密直學士尋知漢人行宮副部署事大安初遷南院樞密副使監修國史轉南府宰相兼知樞密院事賜同德功臣封陳國公有疾表請致仕不從加太子太保授武定軍節度使審決冤滯輕重得宜以獄空

間七年拜中京留守九年薨諡曰肅憲子瑜三司副使大公鼎渤海人先世籍遼陽率賓縣統和間徙豪右實中京因家于大定會祖忠禮資使父信典中主簿公鼎幼莊愿長而好學咸雍十年登第調瀋州觀察判官時遼東雨水傷稼樞密院大

弘簡錄 卷一百一十二 遼行六
發瀕河丁壯以完隄防有司承令峻急疏奏罷其事曰邊障甫寧大興役事非利國便農之道朝廷從之是歲水不為災瀕河千里人莫不悅改良鄉令省徭役務農桑建孔子廟學部民服化累遷典國軍節度副使時有隸屬坊者以羅畢為名擾害川里閭閻已久民並不堪為言于上即命禁戢後因造朝大臣諭上嘉納之意因疏一郡獲安誠為大幸願均其賜及於他郡詔可俄徙長春州錢帛都提點車駕如春水貴主例為假貸公鼎拒之頗聞怨言語不顧曰豈可輟官用徇人情此吾之職不敢廢也俄拜大理卿多所平反天祚即位歷長寧軍節度使南京副留守改東京戶部使聞渤海人作亂殺留守蕭保先單騎行郡真副留守高清明集奚漢兵千人捕誅首惡陳以禍福餘眾投兵而拜是不欺我敢弗聽命安輯如故尋除中京留守賜號

貞亮功臣乘傳赴官遇盜賊充斥于路即叩馬乞自新給以符約俾還田業問者接踵而至不旬日境內清肅上聞之加賜保節功臣奏人心反側慮生他變因從其請肆赦以安之累表乞歸不許會奴賊張撒入率無賴賭聚公鼎欲擊勢有不能嘆曰吾欲謝事久矣為世故所牽不幸至此豈命也夫因憂憤成疾保大元年卒年七十九子昌齡左承制昌嗣洺州刺史昌期鎮寧軍節度使

蕭文字國華安州防禦使直善之子篤志力學喜愠不形大康初掌秦越國王中丞司事以才幹稱諒知北面帖黃有司奏王邦彥子爭廢數歲不能定命文諱之立決事駕將還宮承詔問曹儀衛雖執事林林指顧如一俄遷率國軍節度同知歷國舅都監壽隆永知易州兼西南面安撫使高陽土沃民富吏其邑

弘簡錄 卷一百一十二 遼行六
者每類于貨文至民苦之悉去舊弊務農桑崇禮教小民感化遇大旱祈禱輒雨屬縣多蝗議捕除之以為天災但宜反躬自責一夕蝗盡去遺者散在草莽為鳥鵲所食人謂虔誠所感後遭霖雨不止隨禱復霽歲獲大熟時稱外戚賢者高陽民勒石頌之文後遷唐古部節度使卒

耶律那也字穆斯惟蒲古只之後父於當為北剋從伐夏戰歿季父趙三始為宿直官累遷北而林牙咸雍四年拜北院大王改西南面招討使太康中西北諸部擾邊拜為招討使兼行軍都統往討平之以功多被賞賚卒 那也敦厚才敏九歲以父死王事加諸衛小將軍至題里司徒尋召為宿直將軍太康三年轉進鞏剋南院留守同知大安二年知右夸離軍事四年改南院樞密同知九年為倒場嶺節度使北阻卜長磨古斯叛與

達里底拔思母並寇創場嶺遣與招討都監耶律胡呂率精騎二千往討破之壽隆元年復討達里拔思等有功賜詔褒美改烏古敵烈部統軍使邊境以寧部民乞留詔許再任乾統六年拜中京留守終北院大王為人廉介長于理民每有鬪訟親敷曲直不尚威嚴常曰凡治人本欲分別是非何事迫脅以立已各故所至以惠化稱耶律胡呂字蘇撒欲穩之後左監門衛大將軍楊五之子性謙謹與人無適莫重熙末補殿殿小底以善職屢遷千牛衛大將軍以討平阻卜功那也薦為漢人行宮副部署兼知太和宮事致仕加同中書門下平章事卒耶律鐸魯幹季父房之後為人廉約重義重熙末給事誥勅院咸雍中累遷南京留守同知被召以部民懇留賜詔褒獎太康初改西南面招討使為北面林牙遷左尙書居官所至有聲

弘簡錄 卷二百十二 主 遼傳行六

吏民畏愛大安五年拜南府宰相壽隆初致仕退居鄉里子普古為烏古部節度使遣人來迎既至見積委甚富貴以辭親入仕常以裕國安民為事枉道欺君以苟貨利非吾志也命駕而歸未幾卒普古後為盜所殺

王繼思棧州人年十餘睿知皇后南征與趙安仁俱被俘為宦者自幼聰慧知書長通國語擢內謁者內侍左廂押班聖宗親政遷尚衣庫使為人性好游談不喜權利所得賜賚市書至萬卷載以自隨誦讀不倦每宋使來聘多克宣賜使累至左承宣監門衛大將軍靈州觀察使內庫都提點卒趙安仁字小喜深州樂壽人統和中為黃門令秦晉國王府祇候王堯授內侍省押班御院通進時父母兄弟俱在南朝每一念及涕洟俱越開泰八年遂與李勝哥謀奔南土為游兵所擒聖宗以為恩親

冒死而亡亦孝子用心實可憐憫救之初欽哀與仁德有限密令伺察動靜懼仁德威權實重復謀亡歸仁德欲誅之欽哀復為營救而免重熙初欽哀攝政欲廢帝立少子重元帝與安仁謀遷太后慶州守陵授安仁左承宣監門衛大將軍克契丹漢人渤海內侍都知兼都提點會上復思太后親馭奉迎見日責曰汝負萬死我嘗營救不望汝報何為離間我母子耶安仁無以答遂死

伶官羅衣輕滑稽通變一時諧謔多所規諷時夏國元昊獲遣人輒剽其鼻有奔北者惟恐追及及與宗敗單騎突出幾不得脫羅衣輕止之曰且觀鼻在否上怒以彘索繫帳後將殺之太子笑曰打評底不是黃昏緣應聲曰行兵底亦不是唐太宗上笑遂釋之上嘗與太弟重元雙陸賭以居民城邑帝屢不競前

弘簡錄 卷二百十二 主 遼傳行六

後已償數城朝臣無敢言者一日復博羅衣輕指其肩曰雙陸休癡和你都輸去也帝始悟不復戲

弘簡錄卷二百十三

明刑部員外郎仁和弘齋邵經邦學

皇清翰林院侍講學士四世孫遠平校閱

載記 逐叛亂 附後臣

耶律刺葛 送刺寅底石 耶律轄底 子送 耶律察割 敵愾

耶律海思 弟益都 耶律重元 子混

蕭胡祝 蕭革 蕭迭里得 耶律古迭撒速 耶律乙辛 喜孫張

燕哥蕭十三蕭余里也耶律合魯蕭得 耶律阿思 父獨

裏持蕭訛都幹蕭達魯魯占耶律塔不也

蕭未先 耶律 奚回離保

刺葛字率懶太祖同母仲弟次迭刺次寅底石次安端太祖即位拜刺葛別隱為人性愚檢以計涅烈部破之而驕遂與迭刺

寅底石安端謀反安端妻粘睦姑知之以告按問具服上不忍

弘簡錄 卷二百十三 逐叛亂 十一

加誅與刺葛等登山刑牲告天地曰汝謀此事不過欲富貴耳

出為迭刺部秀离董六年統本部兵攻下平州還滑哥教之復

謀亂乘上親征誘羣弟據西山以阻歸路適車駕還聞而避之

南趨十七濼遣人謝罪上矜憐之許以自新七年駕次赤水城

刺葛等詐降上素服乘赭白馬以將軍耶律樂姑駱刺僅阿鉢

為御解兵器肅侍衛以受之因加慰諭及上次蘆水迭刺謀為

奚王與安端擁千餘騎至紇柵入覲上怒曰爾曹始謀逆亂朕

特恕之使改過自新尚爾反覆將不利於朕遂拘之以所部分

隸諸軍而刺葛引其眾至乙室董淀具天子旗鼓將自立皇太

后陰遣人諭令避去會弭姑乃懷里陽言車駕且至其眾驚潰

掠居民北走上以兵追之刺葛遣寅底石引兵徑趨行宮焚其

輜重廬帳縱兵大殺皇后急遣蜀古魯救之僅得天子旗鼓復

令其黨神速姑焚劫西樓上至土河秣馬休兵若不為意諸將

請急追之上曰俟其遠遁人各懷土其心必離我軍乘之破之

必矣盡以先所獲資畜分賜將士留夸离畢直里姑總政務自

將北追過彌里岡刺葛而木葉山射鬼箭乃執叛人向彼亦以

其法厭之至達里淀選輕騎追及培只河盡獲其黨及輜重生

口先遣室韋及吐渾酋長拔刺迪里姑等五人分兵伏其前路

命北宰相迪里古為先鋒進擊之刺葛率兵逆戰迪里古輕兵

薄之其弟過古只臨陣射殺數十人眾莫敢前相距至晡眾乃

潰迫至柴河自焚其車乘廬帳而去前遇拔刺迪里姑等伏發

合擊遂大敗之刺葛奔潰遺其所奪神帳於路上見而拜奠之

所獲生口盡縱歸本土其黨庫古只磨菜皆而縛請罪師次札

堵河大雨暴漲遣北宰相迪雅率驍騎先渡遂擒刺葛涅里衰

弘簡錄 卷二百十三 逐叛亂 十二

阿鉢於榆河北宰相蕭實魯寅底石自刎不殊刺葛等至行在

以橐索自縛牽羊望拜上還至大嶺時大軍久出輜重不相屬

士卒煮馬駒採野菜以為食孽畜道斃者十七八物賈十倍器

服資貨委棄於楚里河狼籍數百里因更刺葛名暴里上以青

牛白馬祭天地分賜生口六百馬二千三百與大小鵝軍所獲

逆黨雅里彌里生蕪之銅河南軌下放所俘還多為于骨里所

掠上怒引輕騎馳擊復遣驍將分道追襲盡獲其眾并掠者于

厥掠生口三十餘人俾贖其罪放歸本部至石嶺西詔回軍乏

食所棄兵仗召北府兵驗而還之以存离董涅里袞附叛不忍

顯戮命自投崖而死懷其逆黨以妻女賜有功將校所掠珍寶

孳畜還主亡其本物者命責償其家不能償者賜以部曲上親

鞠逆黨怖胡亞里只等辭多連宗室脅從乃杖殺首惡怖胡餘

並原釋于越率懶之子化哥屢蓄姦謀上每優容之而反覆不
俊召父老羣臣正其罪并戮其子分財畜以給衛士凡鞠逆黨
三百餘人獄既具上以人命至重死不復生賜宴一日隨其平
生所好使爲之酒酣或歌或舞或戲射角觥各極其意明日乃
以輕重論刑寅底石安端性本庸弱爲刺葛所使皆釋其罪前
于月赫底里子解里刺葛妻轄刺實預逆謀皆殺之寅底石
妻涅高魯從安端妻轄姑嘗自矜有出人之智安于兇狠豁
壑可塞而貪黷無厭求人之失雖小謂重如泰山身行不義雖
大謂輕於鴻毛昵比羣小謀及婦人同惡相濟以危國祚雖欲
不敗其可得乎北宰相實魯妻徐盧視姑於國至親一旦負朕
從于叛逆未寘之法而病死此天誅也解里自幼與朕嘗同寢
食眷遇之厚冠於宗屬亦與其父背大恩而從不執茲可恕乎

弘簡錄

卷一百一十三

三

遼叛亂十

既而又嘆曰致人于死豈朕所欲若止負朕躬尚可容貸此曹
恣行不道殘害忠良塗炭生民剽掠財產民間昔有萬馬今皆
徒步有國以來所未嘗有實不得已而誅之至神冊二年刺葛
與其子賽保里叛入幽州爲人所殺 述刺爲人性敏給太祖
常言其智卒然圖功吾所不及緩以謀事不如我也適回鶻使
至遣令迂之無能過其語者相從二旬能習其言語因制契丹
小字數少而該貫神冊三年欲南奔事覺知有罪預爲營壙諸
戚請免上素惡其妻涅里哀乃令自縊壙中并以奴女古叛人
曷魯只生瘞其中而赦之天顯元年爲中臺省左大相是歲七
月庚午卒 寅底石字阿辛後受遺詔守太師政事令命輔東
丹王淳欽皇后遣司徒劉沙殺于路重熙間追封許王 安端
字猥隱神冊元年討平雲州三年爲惕隱天贊元年征渤海破

老相兵三萬餘人三月丁丑安邊鄭頡定理三府叛討平之王
午獻俘誅安邊府叛帥二人四年爲北院夸葛董太宗即位有
定策功會同初伐普率兵先出馬門下折代三年立私城爲白
川州置官屬世宗初立以兵往應敗李胡于秦德泉天保初以
功封東丹國賜號明王又坐與子察割通謀穆宗赦罪放歸田
里卒 滑哥者釋魯子性陰險初派父妾懼事彰與剋蕭臺晒
等共害其父歸咎臺晒獲免太祖即位雖知凶逆務廣恩施姑
示含忍授以惕隱復預諸弟亂平羣臣議罪皆謂滑哥不可釋
于是與其子痕只俱陵遲而死勅軍士恣取其產

耶律轄底字涅烈奈肅祖孫夸葛董帖刺之子幼黠而辯險佞
者多附之痕德董可汗時與母兄犯古只爲迭刺部夸葛董故
事爲夸葛董首得行再生禮 卷古只方就帳易服轄底即取紅
袍貂蟬冠乘白馬而出令黨人大呼曰夸葛董出矣衆皆羅拜
因行柴册禮自立爲夸葛董與于越釋魯同知國政及釋魯遇
害轄底懼人圖已挈其二子迭里特剌奔渤海僞爲失明後
因毬馬之會與二子奪良馬奔歸國益爲姦惡常以巧辭獲免
太祖將即位讓轄底辭曰皇帝聖人由天所命臣豈敢當乃爲
于越及太祖自將伐西南諸部轄底誘刺葛等爲亂不從則殺
之車駕還至赤水坡轄底懼與刺葛俱北走至榆河爲追兵所
獲太祖問曰朕初即位嘗以國讓叔父辭之今反欲立吾弟何
也轄底對曰始臣不知天子之貴及陛下即位衛從甚嚴與凡
庶不同臣嘗奏事心動始有窺覷之意度陛下英武必不可取
諸弟懦弱得則易圖若事成豈容之哉復願諸弟責以汝輩乃
從斯人之言迭刺曰謀大事須用如此人事成亦必去之轄底

弘簡錄

卷一百一十三

四

遼叛亂十

不復封因數月縊殺之將刑語以叔父罪當死朕不敢赦事有便國者宜悉言之轄底曰送刺部人衆勢強故多爲亂宜分爲二以弱其勢子迭里特字海隣素有膂力善馳射馬蹏不什尤神于昏視人疾若隔紗視物莫不悉見太祖在潛已加眷遇及即位非迭刺部不爲太祖嘗思鹿醢解醜問能取者進曰臣能得之乘內廐馬逸雙鹿逐射其一欲復射馬蹏躍而前弓猶不弛復獲其一帝歡甚曰吾弟萬人敵會帝患心痛召視之迭里特曰膏肓有瘀血如彈丸然藥不能及必鍼而後愈帝從之嘔出瘀血痛止帝以至親每加賜資然知其爲人未嘗任以職後從刺葛亂而死

察割字歐辛亦名麻答性嗜虐善騎射貌恭而心狡人以爲儒太祖識之曰此兒頑非儒也其父安端嘗使奏事見其目若風

弘備錄 卷二百一十三

五 遊叛亂十

駝而有反相語近侍朕若獨居無令入門太宗滅晉以爲邢州節度使及世宗即位鎮陽安端聞之欲持兩端察割曰太弟忌刻若果立豈容我輩永康王寬厚且與劉哥相善宜往與計安端即與劉哥謀歸世宗及和議成以功封奉寧王令守鎮州多略中國人剝而抉目拔髮斷腕而殺之出入常以鉗鑿挑割具自隨寢處前後掛人肝脰手足言笑自若鎮定之人不勝其毒會安端爲西南面大詳隱察割伴爲父怒陰遣人白帝印名之既至哀泣不勝帝憫之使何女石烈軍出入禁中數被恩遇帝每出獵託以手疾不操弓矢但執鍊鎗馳走屢以家之細事問上信以爲誠時因詣族屬處不克以逞漸徙廬帳迫於行宮屋質察知表列奏狀帝不信反以表示固稱屋質疾已哽咽流涕帝止之曰朕固知之何至泣耶察割時出怨言屋質曲諭之

汝雖無是心因我過疑勿爲非義可也他日屋質又請帝謂其捨父事我可保無他屋質曰於父既不孝於君安能忠不納屢欲謀亂不果會帝伐周至詳古山與太后祭讓國皇帝于行宮羣臣皆醉察割歸見壽安王邀與語王弗從復以謀告耶律盆都從之是夕同率兵入弑太后及帝因僭位號百官不從者執其家屬至夜闔內府物見碼碯盤口此希世寶今爲我有其妻曰壽安及屋質在吾屬無噍類此物何益察割曰壽安年幼屋質不過引數奴詰且來朝何足疑其黨切斯報壽安屋質以兵圍于外察割尋遣人弑皇后于極前舍惶出陣爲敵獵所誘斃殺之諸子皆伏誅 敵獵字烏雅六院孛術木不魯之子少

多詐世宗即位爲都牧都林牙察割亂官僚多被囚繫及壽安王與屋質率兵來討遣人諭曰汝等既行弑逆復將若何其黨

弘備錄 卷二百一十三

六 遊叛亂十

奪壽安王故爲此舉且壽安未必知若遣人藉此爲辭以立壽安爲名庶可免禍察割如其言問誰可使者答曰大王若不疑敵獵請與推撒葛同往說之察割遣之壽安王用敵獵計誘殺察割凡被脅之人無一被害者皆敵獵之力也亂既平帝嘉賞然未顯用敵獵失望居常怏怏陰懷不軌復與其黨謀立妻國事覺伏誅 妻國字勉辛倍子天祿五年遙授武定軍節度使察割亂敵獵以計誘出妻國乎刃之改歷南與上京留守行臨潢尹事穆宗沉湎不恤政事因有覬覦之心應曆二年誘敵獵海恩及羣不逞謀逆事覺按問不服帝曰朕爲壽安王時卿數以此事說我今日豈有虛乎妻國不能對及餘黨盡服遂縊于

可汗州西谷詔有司擇絕後之地以葬 牒蠟字述蘭亦滿古
只後天顯中為中書省右相會同二年與趙思溫持節冊晉帝
及我師伐晉至滹沱河降晉將杜重威牒蠟功居多大同元年
平相州之叛斬首數萬級世宗即位遣使馳報仍命牒蠟執偏
將木者以來其使誤入木者營木者得詔反誘牒蠟執送太后
牒蠟亡歸世宗和約既成封燕王為南京留守察割謀逆牒蠟
方醉其妻扶入其幕因從之明且壽安王討亂凡脅從者皆棄
兵降牒蠟不降陵遲而死妻子皆誅 耶律則字歐新季父房
巷古只之孫性輕佻多力人呼為虎斯天顯間以材勇進每戰
輒克山是得名會同九年太宗入汴命知澶淵控扼河渡天祿
元年燕趙以南皆應劉知遠則與汴守蕭翰棄城歸關先是卷
古只為其弟轄底詐取奪高董白是族中無任六院職事者世
弘簡錄 卷一百一十三 七 遼代風土
宗不悉其事以謂為六院大王察割之亂遣人報則曰事成矣
則遣詳穩蕭胡里以所部軍往命曰當持兩端助其勝者穆宗
即位伏誅籍其家屬
耶律海思字鐸衮釋魯麻子為人機警有口辯為北王府郎君
會同五年應詔赴闕直言時事年僅十八名見賜坐詢以治道
命安端頗德試之數日奏其材臣等不及帝召見問曰與汝言
者何如人也對曰安端言無收檢若空車走峻坂頗德如著靴
行曠野射鵠帝大笑擢宣徽使屢任以事知其素貪賜以金器
即散于親友後從帝伐晉有功皇太后遣耶律屋質責世宗自
立海思得預應對言不為遜世宗命以汝見屋質勿懼及遣海
思見太后還對不稱旨俄領太后諸局事坐謀反死獄中
劉哥字明隱質底石子幼驕狠好陵侮人長益兇狡太宗惡之

使守邊微累遷西南邊大詳穩會同十年叔父安端從帝伐晉
以病先歸與劉哥鄰居世宗立于軍中安端議所往劉哥首建
附世宗之策以本部兵助之既與李胡戰安端擊馬王子天德
馳至以槍刺之劉哥身衛安端射天德貫甲不及膚安端得馬
復戰李胡兵敗劉哥與安端朝于行在及和議成太后問劉哥
曰汝何怨而叛對曰臣父無罪太后殺之以此怨耳事不以功
為惕隱天祿二年與其弟益都天德及蕭翰邀駕觀樗蒲捧觴
上壽袖刃而進帝覺命執之親詰其事劉哥偽誓免死流烏古
部未幾如誓以干頂疽死 益都感忍多力將若蛇皮天祿初
以族屬為皮室詳穩因謀反免死使干轄亞斯因既還復預察
湖之亂陵遲而死異母弟二人化葛里奚塞應曆初以族子甚
見優禮三年或告與衛王宛謀逆下獄備辭獲免四年春復謀
弘簡錄 卷一百一十三 八 遼代風土
反伏誅 蕭翰本名敵烈李崧為製姓名字曰寒良乃敵魯子
天贊初命將兵救張文禮會同初領漢軍侍衛八年伐晉敗晉
將杜重威追至瑒都翰奏可令軍下馬而射帝從其言軍士步
進敵人持短兵猝至我軍失利帝悔之曰此吾川言之過至此
克汴留為宣武軍節度使聞世宗即位委軍事于李從敏從趁
行在皇太后與世宗和議未定問翰汝何怨而叛對曰臣母無
罪太后殺之以此不能無憾又聞屋質以附太后被囚快之因
即因所謂曰汝嘗言我輩不及今在從行何也對曰第願公不
至如此翰默然天祿二年尚帝妹阿不里後與天德謀反下獄
復結劉哥屋質遠入奏之翰等不伏帝不欲發其事屋質因詳
以為不可即詔鞠案伏辜帝竟釋之復與公主以書結安端屋
質得之以奏翰始伏誅

耶律重元小字字吉只聖宗次子材勇絕人眉目秀朗寡言笑
 望者畏之太平三年封秦國王聖宗崩興宗立欽哀皇后稱制
 密謀立重元轉以所謀白于興宗益重之封為皇太弟重熙六
 年七月壬寅生子賜詩及寶玩器物赦死罪以下七年三月
 戊戌朔駕幸行帳十二月己巳判北院樞密使南京留守知元
 帥府事其處戎職未嘗離輦下先是契丹人犯法例須漢人禁
 劫受枉者多重元奏請五京各置契丹警巡使詔從之十八年
 賜以金鈔誓書二十四年三月癸亥生子曲赦行在及長春鎮
 北二州徒以下罪道宗即位冊為皇太叔免拜不名遣安撫南
 京軍民俄任天下兵馬大元帥復賜金券四頂帽二色袍尊寵
 所未有其子涅魯古說其父詐病俟車駕臨問因行弑逆清寧
 九年車駕獵灤水帝知其謀用耶律良計遣人急召涅魯古知
 弘簡錄 卷一百一十三 遼 遼 遼 十

有既壯魁梧桀傲多揚人惡重熙中為祗候郎君九年北大王
 府布俄帳郎君自言先世與國聯姻許置敵史即以為之俄還
 興聖宮使尚秦國公主授駙馬都尉以不諧離婚復尚齊國公
 主為北面林牙清寧中歷北南院樞密副使代族兄木哲為西
 北路招討使木哲為蕭阿剌所愛樞密蕭革嫉之二人不相協
 以是令木哲赴闕至即希革意發其舊事因得罪胡視又欲娶
 稚歲時獻遺珍玩畜產于革二人相愛過于兄弟遂拜胡視同
 知北院樞密事時族弟敵烈為北剋薦其可用授以旗鼓校尉
 又薦國舅詳穩蕭胡篤為宿直官見其辨給壯勇傾心交結每
 遇休沐言論終日人皆怪之因位在樞密乙辛下意怏怏不平
 嘗與重元子涅魯古謀逆欲乘速發時同黨耶律撒刺竹謂胡
 視等曰我軍甚眾乘其無備中夜決戰事莫有成若至明日其
 弘簡錄 卷一百一十三 遼 遼 遼 十

其事泄謀與同黨陳國王陳六并蕭胡視蕭迭里得貼不林牙
 涅刺溥古駙馬參及弟木者圖骨詳穩耶律郭九太保奚叔提
 點烏骨護衛敵不古按答官副韓家奴寶神奴等凡四百餘人
 誘脅弩手軍擁以犯行宮陣于帷外將戰其黨多悔過願各
 自奔潰樞密仁先等率宿衛士討之涅魯古躍馬突出為近侍
 詳穩渤海阿斯護衛蘇射殺之重元被傷而退既知失計北走
 大漠歎曰涅魯古使我至此遂自殺詔族其家先是重元將起
 兵帳前雨赤如血識者謂敗亡之兆 涅魯古小字耶魯籍性
 甚狠與宗一見知其目有反相重熙十一年封安定郡王十七
 年遷楚王為惕隱清寧初徙王吳二年出為武定軍節度使終
 弘簡錄 卷一百一十三 遼 遼 遼 十

誰從我胡視口舍卒中黑白不辨若內外軍相應則吾事去矣
 黎明而發何遲之有重元聽胡視計令四面巡警待旦是夜重
 元僭位號胡視自為樞密使明日戰敗胡視被創單騎遁走至
 十七淩投水死五子同日伏誅 蕭革小字滑哥國舅房林牙
 和尚之子警悟多智數游近習間以諛悅相比昵為流輩所稱
 重熙初拜北面林牙十二年為北面樞密副使明年拜北府宰
 相十五年改北院樞密同知怙寵專權矯情媚上同僚具位而
 已耶律義先因侍燕言革奸佞革但謝之上時語革義先無禮
 當黜對曰其人天性忠直天下皆知莫逃聖鑒今以酒過為罪
 恐弗人望帝悅其犯而不校眷遇益厚十九年拜南院樞密使
 詔班諸王上伐夏更北樞密同知使按軍邊城以為聲援二十
 一年封吳王改知北院進王鄭兼中書令興宗大漸受遺命立

道宗與兄蕭阿剌同掌朝政封楚王革多私撓阿剌每裁正之
由是有隙伺帝意不悅因譖阿剌恃寵有慢上心非臣子禮胡
視陰助之帝大怒繼阿剌于殿下上後知革多計龍遊沂襄八
年致仕封鄭國王其子為重元胥革預其謀陵越而死

蕭迭里得字胡視董國舅少父房之後父雙古尚鈿匿公主仕
至國舅詳穩迭里得幼警敏不羈好射獵太平中以外戚補祇
候郎君歷延昌宮使殿前副點檢重熙十三年伐夏命將偏師
首入敵境多所俘掠遷都點檢改烏古敵烈部都詳穩十八年
再舉西伐奏軍馬器械之事務在選將夏人豈為難制但嚴設
斥埃不用掩襲計何慮不勝帝曰卿其速行無後軍期既而失
利還復為都點檢十九年夏人來侵金肅軍上遣率輕兵督戰
至河南三角川斬候者八人擒觀察使以功命知漢人行宮都
弘簡錄 卷二百十三 遼代亂十

部署事出為西南面招討使族弟黃八家奴告其主私議宮掖
事迭里得寢之事覺決杖削爵為民清寧中上以所坐事非本
犯起為南京統軍使以從涅魯古等亂敗走被擒伏誅

耶律古迭本宮分人素好戲狎不喜繩檢力過人善擊鞠重
熙初為護衛歷宿直官十三年西征以為先鋒夏人伏兵掩之
古迭力戰麾下士多歿乃單騎突出遇夏王元昊來圍勢甚急
古迭馳射應弦輒仆躍馬直擊中堅夏兵不能當捕乃還營敗
與聖宮太保後從重元亂戰敗追擒之陵運而死 耶律撒刺
竹孟父房濂洌之孫性兇暴清寧中累遷宜徽使敗殿前都點
檢首與重元謀亂灤河之役適在敗所聞亂劫獵夫以從既至
知涅魯古已死大悔恨之語重元曰我輩今日惟有死戰何為
若兒戲自取殞滅重元不從遲明戰死 蕭圖古辭字何寧緒

持部人素狡伎有餘好聚斂專復變更法度仕重熙中以能稱
累遷左中丞清寧初歷北面林牙改北院樞密副使辨敏善伺
顏色應對合上意皇太后嘗曰有大事非耶律化哥蕭圖古辭
不能決者過日隆推知使事凡數月所薦引多為重元黨與六
年山知黃龍府八年拜南府宰相頃之為北院樞密使詔許便
宜從事加左監門衛上將軍重元敗為庶人及入與聖宮卒

耶律乙辛字胡視襲五院部人父迭刺紫貧其妻方娠夜夢手
搏殺羊拔其角尾既寤占之羊去角尾為王字後有子當為王
生時在途患無水浴忽見湧泉飲酒以祭適草棘間得二楹因
以祭東而飲之自幼慧黠嘗因牧羊野寢夢人手執日月令食
已食月訖嚼日方半而覺及長美風儀外和內俊重熙中為文
班吏掌太保印陪從入宮皇后見其詳雅如素宦令補筆硯吏
弘簡錄 卷二百十三 遼代亂十

帝亦愛之累遷護衛太保道宗即位賜漢人戶四十命同知點
檢司事常召決疑議陞北院同知歷樞密副使清寧五年為南
院樞密使改知北院封趙王以新參國政未久治體奏留仁先
重元亂不與回鶻海隣裏里耶律撻不也阿斯宮分人急里哥
霞抹只魯並加上將軍諸護衛及士卒庖夫斲手傘子三百餘
各授官有差尋拜北院樞密使進魏王賜匡時翊聖竭忠平亂
功臣咸雍五年加守太師詔四方軍旅許以便宜從事勢震中
外門下饋賂不絕凡阿順者悉蒙薦擢忠直者咸被斥貶太康
元年皇太子始預朝政法度修明乙辛不得逞謀以事訛皇后
令耶律喜孫與馮家奴誣告仁德謀廢立事死乙辛不自安
又欲害太子乘間入奏其黨賄馬蕭霞抹之妹美而賢今帝與
后如天地並位中宮豈可久曠上信而納之尋聞為皇后因林

牙蕭晟壽等俱發姦狀出為中京留守會生日有賜上道近臣
 耶律白斯本往因私厚賂之泣言乙辛無過因讒見出反令姦
 人在朝致陛下孤危臣身在外竊川寒心白斯本還以聞上遣
 人賜乙辛車諭曰無慮弗用行將召矣其黨震抹草欣躍相慶
 時皇太子以母后之故憂見顏色詎以反謀詔使鞠問乙辛迫
 令具伏上怒命誅撒刺及速撒等復恐帝疑引致於庭各荷重
 校不能出氣人不堪其酷惟求速死反奏別無異辭乃囚皇太
 子於上京監衛者皆其黨卒殺之復因山徽奏留皇孫蕭兀納
 諫而止由是始疑乙辛尚未悉知其姦會北幸黑山之平定適
 見扈從官屬多隨其後惡之山知南院大王事例削一字王爵
 改混同王山知典中府七年冬坐以禁物需入外國議法當死
 其黨燕哥奏當入議擊以鐵骨朶朶於來州後謀奔宋及私藏
 弘簡錄 卷二百十三 主 遼叛亂十
 兵甲事覺繼殺之乾統二年與張孝傑蕭十三俱發塚戮屍
 耶律喜孫字盈隱永興宮分人與宗在青宮嘗居左右輔導以
 為傅父欽哀稱制尤見寵任重熙中其子涅哥為近侍坐事伏
 誅遂無嗣帝以有翼戴功欲世其官喜孫之部因見馬印文有
 品部號使隸其部拜南府宰相十五年山為東北路詳穩卒
 張孝傑建州永霸縣人家貧好學登進士第清寧間累遷樞密
 直學士咸雍初坐誤奏事出為惠州刺史俄召復舊職兼知戶
 部司事三年參知政事改樞密院同知加工部侍郎八年封陳
 國公上以奉職勤幹數問以事為北府宰相漢人貴幸無比太
 康元年賜國姓明年秋獵道宗一日射鹿三十燕從官酒酣命
 賦雲上于天詩列坐御榻傍上誦黍離詩知我者謂我心憂不
 知我者謂我何求奏解今天下太平陛下何憂富有四海陛下

何求帝大悅三年羣臣侍燕上曰先帝用仁先化哥以賢智也
 朕有孝傑乙辛不在二臣之下誠為得人朕飲至夜乃罷及皇
 太子被譖孝傑同惡相傾按鞠黨人誣害忠良薦以忠於社稷
 帝又謂可比狄仁傑賜名仁傑許放海東青鴉俄乙辛罷悟其
 姦佞出為武定軍節度使坐私販廣濟湖鹽及擅改詔旨削爵
 貶安肅州大安中死以族產分賜臣下久在相位貪貨無厭時
 與親戚會飲嘗曰無百萬黃金不足以為宰相家及第時詣佛
 寺忽遇風吹幘頭與浮圖齊墜地而碎有老僧曰此人驟貴然
 不得其死竟如所言 耶律燕哥字善寧太祖異母弟鐸穩四
 世孫太師裕里斯之子為人狡佞而放清寧間為左護衛太保
 太康初轉北面林牙乙辛再名倚為耳目凡聞見必以告極愛
 而薦之帝亦以為賢拜左奇萬畢凡殺害忠良多與謀之擢為
 弘簡錄 卷二百十三 南 遼叛亂十
 契丹行宮都部署拜南府宰相遷惕隱大安三年為西京留守
 卒 蕭十三茂古乃部人節度使鐸魯幹之子為人辨黠善揣
 摩人意清寧間以年勞遷護衛太保倚乙辛勢益橫恣出入其
 家凡朝臣有不附者輒使山之遷殿前副點檢謀太子計行遷
 都點檢兼同知樞密院事未幾進北院樞密副使凡陰謀多主
 之不勝稔惡出為保州統軍使卒二子的里得念繼皆伏誅
 蕭余里也字訛都梳便佞滑稽善文工重熙間以外戚進清寧
 初補祇候郎君尚郎國公主拜駙馬都尉累遷南面林牙以父
 阿剌為蕭革所譖出為奉先軍節度使十年冬召為北面林牙
 咸雍中有告與族人木哲謀害乙辛者按無狀出為寧遠軍節
 度使自後揣乙辛意傾心事之薦為國舅詳穩太康初封遼西
 郡王為西北路招討使乙辛復引為北府宰相兼知契丹行宮

都部署事助成構太子謀遷知北院樞密事賜推誠協贊功臣
以女姪妻乙辛子綬也恃勢橫肆常有無君之語朝野側目後
罷為天平軍節度使歸第轉西北路招討使以母憂去官卒
耶律合魯字胡觀董六院舍利與古直之後柔佞喜苟合與弟
吾也清寧初俱附乙辛譖害太子遂見委在擺南面林牙至北
院大王吾也亦至南院大王卒時號二賊 蕭得裏特遜華注
可汗宮分人善阿意順色清寧初乙辛見引累遷北而林牙同
知北院宜敘使事謀陷皇太子仍遣監送上京促其行不令下
車起居飲食數加陵侮至則築圍堵囚之太康中遷西南路招
討使歷順義軍節度使轉因詳穩壽隆五年坐怨望籍入典
聖宮貶西北統軍司卒二子得未訛里乾統間伏誅 蕭訛都
幹國舅少父房之後咸雍中補牌印郎君專希乙辛意欲實誣
弘簡錄 卷一百十三 五 遼復亂十

徒敢烈部節度使復為教鞋宮使天慶元年出為西北路招討
使以疾卒
耶律阿思字撒班太師古昱孫父獨額字胡獨董重熙初為左
護衛將禁兵從伐夏有功授十二行紘司徒令括山西諸郡馬
還遷拽刺詳穩西南未平命同知金肅軍事夏人來侵擊敗之
進混刺與院部節度使清寧元年召為皇太后左護衛太保四
年改寧遠軍節度使東路饑奏振之歷五國烏古部進興軍三
鎮節度使四提軍詳穩大康元年卒追贈同中書門下平章事
阿思清寧初補祇候郎君以善射掌獵事進渤海近侍詳穩
重元亂與護衛蘇射殺其魯古賜號靖亂功臣徙契丹行宮都
部署大安初為北院大王四年封漆水郡王壽隆元年為北院
樞密使監修國史道宗崩受顧命天祥立加于越乾統同詔錄
弘簡錄 卷一百十三 六 遼復亂十
乙辛餘黨蕭遠魯古耶律塔不也等罪重者當籍其家阿思受
賂多所寬貸蕭合魯言當修邊備阿思以金賣國力沮其事
後以風疾失音致仕加尚父封趙王堯年八十追封齊國王
蕭奉先天祥元妃兄為人素負奸佞外寬內忌因妃寵為上眷
倚累官樞密使封蘭陵郡王天慶二年上幸混同江釣魚故事
生女直部長在千里內者皆朝行在適頭魚宴酒半酣上臨軒
使諸長次第歌舞為樂至阿骨打但端立直視辭以不能再三
旨諭不從上密諭奉先吾觀此人意氣豪雄且顧視不常恐貽
後患可託以邊事誅之奉先曰後粗人不知禮義且無大過殺
之恐傷向化之心設有異志茲爾小國何能為上乃止阿骨打
歸知上疑有異志輒起兵先併旁近部族女直阿骨打拒之掠
其家屬二人走訴成州詳穩司送北樞密院奉先不以為意送

徒之內地及金帥某取中京命為鄉導與希尹等招撫吳部後
降奉聖州其官吏皆遷去因舉前監酒李師夔為節度使沈璋
為副使州吏裴隨為觀察判官招集居民遺棄者三千餘家久
之耶律麻吉告與吳十鐸刺結黨叛金主名諭朕得天下皆
由君臣同心同德以成大功初非汝等之力若果欲去必須殺
馬甲冑器械之屬當悉付汝朕不食言若再成擒無所免死欲
留事朕無懷異志朕不汝疑余賄等戰慄不能對命杖鐸刺七
十餘皆不問會三年大舉伐宋以為右都監宋兵四萬救太原
與屋里海逆擊于汾河北擒其帥郝仲連張闕索統制馬忠殺
萬餘人宗翰留之西京十年復謀反為雲內節度耶律奴哥等
所告遂亡去其黨燕京統軍蕭高六伏誅蔚州節度使蕭持謀
自殺邊部斬余賄及諸子函其首以獻加奴哥守太保兼侍中

弘簡錄

卷二百十三

七

趙公鑑劉儒信劉君輔等並授遙鎮節度使以賞之

舊史論曰舜流共工孔子誅少正卯治姦之法嚴矣世不是之
祭反以為忠而信任之不至於流毒宗社而未已道宗之於乙
辛天祥之於奉先萬世之下孰不恨之而不知遼至於此天運
已改自為金國所驅除耳又何怪哉

奚回高保一名翰字接懶奚王武都之後善騎射趨捷而勇與
其兄鼉里刺齊名大安中車駕幸中京補護衛稍遷鐵鶴軍詳
穩歷契丹漢人行宮都部署八年知奚六部大王事天慶同徙
北女直詳穩兼知咸州路兵馬事改東京統軍既而諸蕃入寇
悉破之遷奚六部大王兼總知東路兵馬事金兵來攻引所部
降俄復遁歸及天祥播遷回高保率吏民立泰晉國王淳為帝
偽署知北院樞密事兼諸軍都統屢敗宋兵淳死其妻蕭氏攝

因事金兵由居庸關入蕭氏自古北口出奔回離保留盧龍道
不行會諸奚吏民于越里部仰箭哥山自立號吳國皇帝改元
天復設奚漢渤海三樞密院改東西節度使為二王分司建官
籍渤海奚漢丁為軍命奚人巴軻韓家奴等引兵擊附近契丹
部落劫掠人畜羣情大駭回高保偽立凡八月南入燕地為郭
藥師所敗一軍離心其黨耶律阿古哲與其甥乙室八斤等殺
之其妻阿古聞之自剄而死

弘簡錄卷二百十三

弘簡錄

卷二百十三

七

趙公鑑劉儒信劉君輔等並授遙鎮節度使以賞之

弘簡錄卷二百十四

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金上世一

金之先本出靺鞨備載唐書黑水勃海部中始附高麗至五代時附屬契丹其在南者著籍號熟女直在北者不著籍號生女直因地有黑龍江即混同江長白山故號白山黑水厥初未顯後熙宗追帝祖宗定著始祖諱函普初從高麗來年已六十餘兄阿古迺好佛不肯從仍留高麗獨與弟保活里俱始居完顏部僕幹水之涯保活里居耶懶久之完顏部人殺他族人交惡阿闕不能解語始祖曰若能解此怨部有賢女年六十未嫁願以相配仍為同部始祖迺自往諭曰殺一人而闕不解損傷益多

弘簡錄 卷二百十四

金上世一

易若止誅首亂一人部內以物納償非惟止闕且獲利焉怨家從之乃為約納其家口一馬牛十金六兩後女直俗殺人償於馬牛三十自此始是部衆信服謝以青牛一并許歸婦始祖即以青牛為聘禮而納之兼得貨產後生男長白烏魯次曰幹魯一女曰注思板漢音也遂為完顏部人天會十四年追諡景元皇帝廟號始祖妻明懿皇后烏魯追諡德皇帝妻思皇后烏魯子長曰跋海季曰輩魯跋海追諡安皇帝妻節皇后黑水舊俗無室廬負山水坎地梁木其上覆以土夏則出隨水草以居冬則入處其中遷徙不常跋海子綏可與輩魯俱徙居海古水耕墾樹藝始築室有棟宇之制人呼為納葛里猶漢音也自此遂定居于安出虎水之側弟四信德謝庫德謝夷保謝里忽綏可後追諡定昭皇帝廟號獻祖妻恭靖皇后生七子長石魯次朴都次阿保塞次敏酷

次敏古迺次撒里輩次撒葛周石魯為人剛毅質直自分初無誓契約束欲稍立條教諸父部人皆不悅欲坑殺之已就執叔父謝里忽曰吾兄子賢人必能承家安輯部衆奈何反欲害之亟往彎弓注矢射走其黨石魯乃得免由是稍以條教為治部落寢強遠以惕隱官之來流水烏陸扎部殺完顏部人石魯往治大有所獲乃先頌及謝里忽時諸部猶循舊俗不肯用條教石魯與族人捫保耀武白山之青嶺願者撫之否者伐之入于蘇濱耶懶之地所至克捷還經僕鶻水漢音也惡其地名特已因憊不肯止行至姑里甸得疾追夜寢于村舍洞無門扇捫保以車輪當門為蔽臥于輪下以為扞衛已而有孩懶水烏林苔部人石顯將陰圖之遂中夜啓行至遁刺紀村止焉是夕卒顯與完顏部人寓忽寓出邀于路岐揚言口汝輩以石魯為能而推

弘簡錄 卷二百十四

金上世一

尊之吾今得之矣遂奪其柩加古部人蒲虎復來襲不及石魯之徒告于蒲馬太學與馬紀嶺劫保村完顏部蒙葛巴士等募軍追及與戰始奉柩還時尚未有文字不知歲月晦朔故莫考年壽脩短天會中追諡成襄皇帝廟號昭祖初昭祖無子禱祀求之巫曰男子之魂至矣此子厚有福德子孫昌盛因名曰烏古迺實遼太平元年辛酉歲自始祖至此已六世矣既長能役屬諸部自白山耶懶統門耶懶土骨論之屬以至五國之長皆聽命遼之邊民多逃歸之及遼以兵徒鐵勒烏惹之民亦不肯徙逃而來歸遼使烏魯林牙將兵來索烏古迺恐遼兵深入得如其山川道路險易乃以計止之自恐諸部驚擾變生不測遁戶必不可得烏魯信之許其自行索取而遼時鄰部雖稍從石顯尚拒阻不服烏古迺攻之不克以計告於遼言顯阻塞鷹路

遼主以爲然遣使責讓會春蒐石顯與子婆諸列入見遼主乃
流石顯於邊地而遣婆諸刊還旣而五國蒲肅部節度使拔乙
門咄遼鷹路不通將討之遣同幹諭旨烏古迺復曰可以計取
若用兵彼將走保險阻非歲月可平遼人從之由是陽與拔乙
門好質以妻子襲而擒之往獻遼主名見於寢殿燕賜加等以
爲生女直部族節度使遼人呼節度使爲太師故後亦稱都太
師遼主欲令繫籍受印不肯固辭而還自此漸立綱紀置官屬
舊時無鐵有自鄰國來鬻者與族昆弟傾貲厚買以售因以備
甲冑礪刀劍兵勢稍振前後願歸者衆幹泚水蒲察部泰神忒
保水完顏部統門水溫迺痕部神隱水完顏部皆相繼來附烏
古迺能寬恕容物不暴見喜愠推財分食解衣舉無吝惜人或
忤之亦不念先時有咄去者遣人諭誘之咄者曰汝主活羅也
弘簡錄 卷三十四 金上世一
吾能復之豈爲汝屈哉活羅烏名北方有之狀如大雞善啄物
見牛馬糞春間有嗜啄食之糞死者
糞不得食雖砂石亦食之烏古迺亦不介意其後訕者力屈來
嗜酒好色飲酒過人故以此訕亦不介意其後訕者力屈來
降厚賜遣還曷懶水有率衆降者錄其歲月姓名即遣去俾復
其故人以此益信服之遼咸雍八年十月奉命伐五國沒撚部
謝野勃董烏古迺被重鎧率衆力戰謝野兵敗走校里邁濼水
忽解野不能軍潰去乃旋師道中遇遁亾要遮險阻晝夜拒戰
比至已憊疾作遂卒年五十四追諡惠桓皇帝廟號景祖自此
屢以鷹路誤遼人終不覺悟元配唐括氏生次子劾里鉢有膽
勇材略令襲節度使次頗刺淑次盈歌兄弟以次相傳 劾里
鉢咸雍十年襲位生遼重熙八年己卯其從父政黑勿不循理
長有異志劾里鉢慮其爲變不使將兵但爲部長加意事之跋
黑遂誘桓被散達烏春窩謀罕爲亂託以劾里鉢買鍛工烏不

屯鐵甲爲兵端復問諸部使相疑貳流言欲生則附於跋黑欲
死則附於劾里鉢時衆情無以察劾里鉢乃伴爲具裝欲有所
往陰遣人揚言寇至部衆聞者莫知虛實有保於跋黑之室者
有保於已室者乃盡得兄弟部屬向背彼此之情間數年烏春
來攻舍於阿里矮村桓被散達亦舉兵來遣弟頗刺淑拒之兵
敗會烏春解去劾里鉢率師焚蕩其家殺百許人桓被散達聞
之大會諸部來攻劾里鉢遣頗刺淑求援於遼使裝滿勿喜率
大紫駟馬來遂馳至陣軍更懼桓被盛強皆無人色劾里鉢陽
陽如平常令士卒解甲少憩以水沃面調麩食之有頃軍勢復
振乃引盈歌執其手密語之曰今日之事若勝則已萬一不勝
吾必無生汝今介馬遙觀若我死汝勿救吾骨勿顧慈親戚亟
馳馬奔告於遼繫籍受印乞師以報此誓語畢袒袖不被甲以
弘簡錄 卷三十四 金上世一
繼袍垂褊護前後心戰弓提劍三揚旗鳴鼓身爲先鋒突入敵
陣衆從之遂大勝自阿不特逐北至北隘甸死者如仆麻破多
吐水爲之盡赤仰天大呼今日之捷非天不能及此亦可以知
足矣乃縱使去即引軍還桓被散達自此不能復聚舊部悉歸
遼大安七年也明年幹勒部人孟乃復結烏春窩謀罕舉兵頗
刺淑仍與戰敗之獲孟乃以獻於遼臘醅麻產侵掠野居女直
略來流水牧馬劾里鉢擊之中四創久之疾愈臘醅復略盈歌
牧馬交結諸部乃復伐臘醅麻產圍暮稜木克之盡獲姑里甸
兵麻產遁去遂擒臘醅及婆諸刊皆獻之遼又恐諸部人疑懼
爲亂復請以前後所獻罪人還之旣而自將與歡都介兵圍窩
謀罕棄城遁去大致俘獲師還寢疾止元配孛懶氏勿哭曰汝
惟後我一年命頗刺淑襲節度使語曰汝惟後我三年遂卒襲

位十九年壽五十四追諡聖肅皇帝廟號世祖為人天性嚴重
 智慮過人所經見必識暫聞不念凝寒不縮栗動止不回頭每
 戰未嘗被甲先以夢兆候其勝負嘗乘醉騎驢入室中明且見
 驢跡而悔之自是不復飲酒襲位之初內外潰叛締交為寇乃
 能因敗為功變弱為強基業於是益大 頗刺淑生遼重熙十
 一年壬午自刎機敏善辯初為國相盡心匡輔用兵之際屢當
 一面尤能知遼國政事人情凡有遼事一切委之初遼官聽諸
 人白事恒令遠跪陳辭譯者傳致往往為所錯亂頗刺淑請自
 前委曲而言輒取草木瓦石為籌枚數其事聽者皆竦自是所
 訴無不如意桓赫之戰部人賽罕死其弟活羅陰懷忿忽忽以
 劍脊置其項上曰吾兄為汝輩死矣到汝以償如何遂攻頗刺
 淑於家矢著于門扉復攻歡都衷甲以拒不能入持其門旃而

弘備錄

卷一百十四

五

全上世一

去往附孟乃誘烏春兵渡嶺世祖與遇于蘇素海甸語曰吾昨
 得異夢不可親戰遂命與斜列辭不失借往頗刺淑下馬呼世
 祖與已名祝曰若天助我當為眾部長今日之事神祇監之語
 畢再拜遂以火攻頃之大風自後起烟焰漲天時向八月青草
 皆焚軍隨烟衝擊大敗之遂獲活羅釋其罪左右任使之後竟
 得其力焉時麻產尙據直屋鎧水招之不聽遣烏雅束伐之阿
 骨打別軍取麻產家屬無遺類遂殺麻產獻馘于遼陶溫水民
 來附復遣阿骨打以偏師平泥麗古部抹踰海村跋黑播立開
 等自是寇賊皆息大安八年襲位後三年八月果卒孛懶氏亦
 先卒皆如世祖言天會間追諡穆憲皇帝廟號肅宗 弟盈歌
 字烏魯完 盈歌 湯取 近 割 故 說 稱 揚 割 太 師 生遼重熙二十一年癸巳以擒麻
 產功命為詳穩大安十年甲戌襲位年四十二三年丙子唐括

部跋葛勃董與溫都部人跋忒相殺遣阿骨打率師往追殺跋
 忒復自將往伐阿疎留勃者守之以偏師拔鈍恩城遣使討紇
 石烈部阿閣版及石魯阻五國廐路執殺捕鷹使者時方大寒
 募善射者操勁弓利矢攻之數日入其城出遼使以歸時留可
 詐都與蘇濱水鳥古論敵庫德起兵于米里迷石罕城納根涅
 之子鈍恩亦去於是兩黨作難乃用撤改為都統辭不失阿
 里合憇幹帶副之以伐留可詐都塔塔等謾都訶合石土門伐
 敵庫德鈍恩將援留可乘謾都訶兵未集欲先攻之既石土門
 軍來會迎擊大敗之獲鈍恩敵庫德釋弗殺撤改盡殺留可城
 渠長於是諸路撫寧如舊阿骨打因致盈歌之教於統門渾益
 耶悔星顯四路及嶺東諸部自今勿復稱都部長命勝管隴阿
 等撫定乙離骨嶺注阿門水之西諸部居民又命幹帶及偏裨

弘備錄

卷一百十四

六

全上世一

悉平二涅裘虎二蠢出等路寇盜而還七年庚辰勃者尚守阿
 疎城遣使來諭罷兵盈歌使烏林荅石魯往佐勃者戒之曰
 遼使來可以計却勿聽其言但換我軍衣服旗幟與阿疎城中
 同色令遼使不可辨復遣蒲察部胡魯勃董龜遜孛董與俱勃
 者見遼使詭言我部族自相攻擊干汝等何事誰識汝之太師
 乃援劍刺殺二勃董所乘馬遼使驚駭竟歸居數日破其城阿
 疎復訴於遼遼遣奚節度使乙烈來盈歌至來流水與和村見
 乙烈問阿疎城事徵盈歌馬數百匹凡攻城所獲存者復與之
 不存者備償盈歌與僚佐謀若償阿疎則諸部不復可號令任
 使也乃令主隈禿荅兩水之民陽為阻絕廐路復使斃故德部
 節度使言于遼曰欲開廐路非生女直節度使不可遼不知其
 謀信之命盈歌往討而阿疎城事遂止盈歌聲言平廐路敗於

土溫水而歸八年辛巳遣使特賜物來賞平虜路之功九年
壬年使蒲家奴以遼賜給主隈禿者之民且備慶路而歸冬蕭
海里叛入于阿典部遣族人幹達刺來結和曰願與太師同往
伐遼盍哈執送于遼遂命盍哈捕討募軍得千餘人女直甲兵
之數始見于此前時蓋未嘗滿于也軍次混同水阿骨打勇氣
自倍曰有此甲兵何事不可爾時遼兵數千追海里不能克盍
歌謂遼將姑退爾軍我當獨取海里遼將許之阿骨打策馬突
戰流矢中其首海里墮馬執而殺之大破其軍獻馘于遼金人
自此知遼兵之易與也是役也烏雅東最先登并有功者前行
次以諸軍護俘獲歸所部盍歌朝遼主于漁所大被嘉賞授以
使相錫予加等十年癸未二月還遼遣使授有功官賞是歲高
麗始來通好初諸部各有信牌因用阿骨打議擅置者真于法
弘簡錄 卷一百十四 七 金主之一

載記 金主之一
太祖皇帝姓完顏漢姓曰王諱阿骨打改諱旻世祖第二子母
挈懶氏遼道宗時東方有五色雲氣屢出大若困倉之狀司天
孔致和私竊語人其下當生異人建非常之事天以象告非人
力所能爲也咸雍四年戊申七月一日始生幼時與羣兒戲力
兼數輩舉止端重世祖見遼政日衰坐之于膝循其髮而撫之
曰此兒長大必有所成甫成童即善射遠至三百二十步設都
詞最善射遠猶不及其百步世祖伐十灰請從行因其少不許
心輒異之及圍窩謀罕城時年二十三被短甲免胄不介馬行
圍號令諸軍城中望見遣壯士太峪亟馳刺之倉卒不及備勇
氏活臘胡反馳刺之中峪馬槍折得免世祖驚以爲戒復不令
知與沙忽帶山營殺略且還敵追以重兵遇隘巷失道追者益
弘簡錄 卷一百十四 八 金主之一
惡值岸高與人等馬一躍而過追者乃還世祖寢疾命以事如
遼統軍司將行戒以五月未半速畢事而歸則猶及見汝乃亟
往見烏魯曷古統軍甫還前一日世祖大漸執其手以付穆宗
曰烏雅東榮善惟此了足子契丹事穆宗亦雅重之出入必俱
凡遠出而歸嘗親迓之因欲知其立志有勃海留守贈之以甲
不受穆宗問故答曰使他日被而戰勝則是因彼甲而成功也
其奮勵若此初獻麻產猷遼授以詳隱其伐泥雁古部以達塗
阿爲鄉導沿帥水夜行襲之幽其妻子初溫都部叛忒殺唐括
部拔葛穆宗命伐之太祖夜見赤祥入辭謂穆宗曰此行必克
會大雲寒其與烏古論部兵沿土溫水過末鄰鄉追及跋忒於
阿斯溫山北深之間殺之軍還穆宗親迓於靉建村及撒改伐
留可與將佐議或欲先平邊地部落或欲徑攻留可城不能決

願得太祖至軍穆宗使往日事必有可疑時甲士未發者止有七十盡以界之設都訶使人來告石土門兵尚未到土人欲執以與敵恐請益兵適相遇於斜堆何語曰國兵盡在此矣使敵先得志於設都訶後雖種誅之何益乃分甲士四十與之僅留三十人道遇人曰敵已據益嶺南路矣眾欲由沙偏嶺往太祖罵以汝等何畏敵之甚已而敵聞及守沙偏嶺以拒我乃不見敵竟至撤改軍夜急攻留可城遲明破之還攻烏塔城中人出降復遣蒲家奴招降詐都釋之康宗七年歲不登民多流殍強者轉而為盜數都等欲重其法獲者皆殺之諫曰財者人所致不可偏重反輕人命遂減其法為徵價三倍復多進負賣妻子償者請曰骨肉之愛人心所同願停三年勿徵過後徐圖之聞者感泣自是遠近歸心康宗嘗夢逐狼屢發不中太祖一箭

私簡錄 卷一百一十四 九 金主之一

中之僚佐皆賀以為受命之兆遂以是歲讓位為都勃極烈遣使阿息保來責何以不告喪太祖答曰有喪不能弔乃以為罪乎既而遼命久不至二年甲午始遣使來致襲命遼先每歲遣使市名鷹海東青于海上道出境內使者貪縱徵索無藝公私厭苦之康宗嘗以不遣阿疎為言稍拒其使至是遣蒲家奴習古迺往索阿疎及還官遼主驕肆廢弛之狀始議伐遼召官僚耆舊告以禦備衝要建城堡脩戎器以聽後命遼統軍司聞之遣節度使捏哥來問狀答以設險自守何問也遼復遣阿息保來詰始曰我小國也事大國不敢廢禮今德澤不施而遣使是主以此字小能無望乎若以阿疎與我請事朝貢苟不獲已豈能束手受制阿息保還遼人始為備命統軍蕭撻不野調諸軍於寧江州太祖聞之語諸將佐曰遼人知我將舉兵集諸路軍

備我我必先發制之無為人制眾皆曰善乃禱於皇天后土爵畢大宴僚屬號令諸部時建魯古部實里館來告我部誰從諭以吾舊與汝隣境固當從我若畏遼人自往就之九月建軍寧江州次寧海城諸路兵皆會于來流水得二千五百人致遼之罪申告天地曰世事遼國恪修職貢定為春高謀罕之亂破蕭海里之眾有功不省侵侮是加罪人阿疎屢請不遣今將問罪於遼天地其鑒佑之遂命諸將傳挺而誓曰汝等同心盡力有功者奴婢部曲為良庶人官之先有官者叙進輕重職功苟違誓言身死挺下家屬無赦師次唐括帶幹甲之地諸軍禮射介而立有光如烈火起於人足及戈矛之上人以為祥明日次扎只水光見如初遼人來禦耶律謝十墜馬親射殺救者併中謝十有騎突前又射之徹扎洞胸謝十拔箭走追射之中其背飲矢之半價而死獲所乘馬宗幹與數騎陷遼軍中太祖免胄救之矢拂於額顧見射者一矢而斃大呼將士盡敵而止眾從之勇氣百倍敵大奔自相蹂踐死者十七八撤改不及會戰使其子粘罕等來賀且勸進太祖辭以一戰而勝遂稱大號何示人淺也進攻寧江城州人自東門出溫地痕阿徒罕邀擊盡殲之十月朔克其城獲防禦使大藥師奴陰縱之使招諭遼人鐵驪部來送款次來流域以俘獲賜將士名渤海梁福幹答刺使偽亡去招諭其鄉人曰女直渤海本同一家我與師伐罪不濫及無事也師還謁宣靖皇后以所獲頒宗室耆老以實里館貨產給將士初命諸路以三百戶為謀克十謀克為猛安爾幹等撫定機謀水女直魁古部長胡蘇魯以城降十一月建都統蕭札里副都統撻不野將步騎十萬會于鴨子河北太祖自將擊之

私簡錄 卷一百一十四 十 金主之一

未至而夜時方就枕若有扶其首者三寤而起曰神明警我也
即鳴鼓舉燧而行黎明及河遼兵方壞陵道選壯士十輩擊走
之大軍繼進遂登岸甲士三千七百至者纔三之一俄與敵遇
于出河店會大風起塵埃蔽天乘風勢擊之遼兵潰逐至鞞論
濼殺獲首功及車馬甲兵珍玩不可勝計徧賜官屬將士燕犒
彌日至是兵始滿萬遼人畏之遂不可敵僕他等攻拔賓州兀
惹維鵲室來降遼將赤狗兒戰于賓州僕他渾黜敗之鐵驪王
回齊保以所部降吾睹補蒲察復敗赤狗兒蕭乙薛軍于祥州
東是月吳乞買撤改辭不失率官屬諸將請即帝位不許阿離
合憇蒲家奴粘罕等進曰今大功已建若不稱號無以繫天下
心始告以吾將思之

收國元年正月壬申朔羣臣奉上尊號即皇帝位改元建號上
弘簡錄 卷一百一十四 十一

曰遼以賓鐵為號義取其堅終亦變壞惟金不變不壞金色白
完顏部色尚白旗幟號令悉皆從之于是國號大金元年丙子
自將攻黃龍府進臨益州州人走保黃龍取其餘民以歸留婁
室銀木可守黃龍而自率兵趨達魯古城次寧江州西遼使僧
家奴來議和國書斥上名使為屬國庚子進師有火光正圓自
空而墜上喜此祥徵殆天助也爾白水而拜將士莫不喜躍進
逼達魯古城上登高望遼兵若連雲灌木狀顧謂左右彼心貳
而情怯雖多不足畏遂趨高阜為陣宗雄以右翼先馳遼左軍
左軍却出其陣後遼右軍皆力戰復擊敗之婁室銀木可衝其
中堅宗翰助以中軍乘勝追至其營合圍至且遼軍潰圍出逐
北至阿斐岡步卒盡殪併獲耕具以給諸軍二月師還三月辛
未朔獵于寥勝城四月遼耶律張奴賫議書來留其五人獨遣

張奴回報書亦如之五月庚午朔遼暑于近郊拜天射柳五七
九月歲以為常六月己亥朔張奴復以書來猶斥上名報書亦
斥遼主名論之使降七月戊辰以吳乞買為請班勃極烈官之
者黃撤改及斜也為國論勃極烈尊禮優崇得自由者辭不失為阿買勃極
烈治城也邑者甲戌遼使辭刺以書來留之不遣戊寅九百奚營來降
八月戊戌再征黃龍府次混同江無舟上使一人導前乘藉白
馬徑涉令視吾鞭所指而行諸軍隨之水及馬腹後使舟人測
其渡處深不得其底熙宗天眷二年以黃龍府為九月克黃龍
府遣辭刺還遂班師已卯黃龍見空中癸巳轉撤改為國論忽
魯勃極烈阿丙合憇為國論乙室勃極烈十一月上自將兵二
萬以禦遼主十二月己亥行次交刺會諸將議皆曰遼鋒未易
當遂駐軍丁未上率騎兵親候遼軍獲督餉者知張奴叛遼主
弘簡錄 卷一百一十四 十二

已還亦返至熱結濼戊申與諸將追及遼主于獲步谷岡上以
彼眾我寡兵不可分視其中軍最堅主必在焉敗之可以得志
使右翼先戰兵數交左翼合而攻之遼兵潰我師馳之橫出其
中大敗死者相屬百餘里獲寶物輿輦希輿兵械軍資馬牛不
可勝計遼將蕭特末等焚營遁去論功班師斜也殺數十人溫
迪罕迪忽迭以四謀克兵出阿南本國中完顏蒙剌身被數創
力戰不已皆居最是月夾谷撤喝取開州婆盧火下特鄰城辭
里罕降 二年正月戊子詔曰自破遼兵四方來降者眾宜加
優恤自今契丹奚漢渤海係遼籍女直室韋達魯兀惹鐵驪
諸部官民已降或為軍所俘獲逃遼而還者勿以為罪官其部
長使從宜居處閏月高永昌據東京使捷不野來求援高麗遣
使來賀捷且求保州詔許自取之二月己巳詔曰比以歲凶庶

民艱食多依附豪族因為奴隸及有犯法徵償莫辦或私約立
限者並聽以兩人贖一為良若元約以一人對贖者即從元約
四月乙丑討高永昌五月擒之戮于軍東京州縣及南路係遼
女直皆降詔除遼法省稅賦置猛安謀克一如本朝之制九月
己亥上獵近郊乙巳始製金牌十二月庚申朔吳乞買及羣臣
上尊號曰大聖皇帝改明年元

天輔元年正月開州叛加古撒喇等討平之四月遼秦晉國王
耶律捏里來伐遣迺古乃妻室婆盧火將兵二萬會幹魯古擊
之五月丁巳詔始禁同姓為婚者七月戊申以完顏幹論知東
京事十二月甲子幹魯古等敗捏里兵于燕慕山宋使登州防
禦使馬政以國書來索五代時陷入契丹漢地 二年正月庚
寅遼保安軍節度使張崇降復其職任仍令世襲遣散靺如宋

弘備錄

卷之十四

十一

金主之一

報聘約與夾攻遼地得者有之二月癸丑朔遼使耶律奴哥等
以國書來議和五月丙申命胡突衮如遼六月甲寅詔有司禁
民凌虐典雇良人及倍取贖直者甲戌遼通祺雙遼等州八百
餘戶來歸命分置諸部擇膏腴之地處之七月癸未詔曰匹里
水路完顏木里古渤海大家奴等六謀克民貧乏可具登耗之
數以聞丙申遼戶二百來歸處之泰州詔遣阿里骨李家奴特
里底招諭未降者仍詔達魯古部勃堇辭列凡降附新民善為
存撫來者各令從便安居給以官糧母輒動擾九月戊子詔選
善屬文者以為國書詔令所在訪求博學雄才之士致遣赴
闕閏月庚戌朔以將霍石韓慶和為千戶九百奚部蕭寶乙
辛北部訛里野漢人王六兒王伯龍契丹特末高從祐等各率
眾來降十月癸未以龍化州來降張應古劉仲良為千戶乙未

咸州都統司言漢人李孝功渤海二哥率眾來降命為千戶十
二月甲辰遣李董木李以定遼地論高麗遼寧昌軍節度使劉
宏以懿州三千戶并執遼侯人來降以為千戶川州寇二萬已
降復叛紇石烈照里擊破之 三年正月甲寅東京人為質者
永吉等五人結眾叛事覺誅沒繼有犯者並罪如之丙辰詔罷
古孛董酬幹先時與胡魯古迭八合二部交惡今來送款母相
侵擾五月壬戌詔與遼和其兵典以前曷蘇館回怕里與係籍
不係籍女直凡犯罪流竄亡入于遼者明諭諸路千戶謀克徧
與詢訪共官稱名氏地里具錄以上六月辛卯遼遣太傅習泥
烈等奉冊來上檄冊文不合者數事復之散靺自宋還復遣
馬政及其子宏來聘還日又遣李董辭列曷魯魯等如宋七月辛
亥遼人楊詢卿羅子韋各率眾來降命為謀克八月己丑頒女

弘備錄

卷之十四

十一

金主之一

直字九月以遼冊禮使失期詔諸路軍過江屯駐十一月習泥
烈等復以國書來高麗增曷懶甸長城三尺詔胡刺古習顯慎
固營壘 四年二月辭列曷魯使還宋使趙良嗣王暉來議燕
京西地三月甲辰上語羣臣遼人屢敗遣使求成惟飾虛辭以
為緩師之計當議進討其令咸州路統軍司治軍旅脩器械具
數以聞辛酉詔以四月二十五日進師習泥烈趙良嗣等皆從
五月甲辰次渾河西閣母來會宗雄與降者馬乙持詔先趨上
京諭官民曰遼主失道上下同怨朕與兵以來所過城邑拔其
負固不服撫其降順計汝等必聞之今爾國和好之事反覆見
欺朕不欲天下生靈久罹塗炭遂決策進討重以弔伐之義不
欲殘民故開示明詔諭以禍福其審圖之上京人不聽禦備儲
蓄為固守計甲寅亟命進攻且令泥烈良嗣等觀吾用兵以上

去就親督將士鼓譟而進自旦及巳開母先登克其外城留守
掩不野來降良嗣等奉觴為壽皆稱萬歲是日赦上京官民詔
諭遼副統余觀壬戌次沃黑河上從幹本等諫地遠時暑軍馬
能乏若深入敵境恐有後艱命班師仍分兵攻慶州余觀襲開
母於遼河完顏背答烏塔等戰却之完顏特虎死焉十一月東
京留守司乞本京官民質子增數番代上不許日諸質子已各
受田廬若復番代則往來動搖可並仍舊十二月宋復使馬政
來荷西京之地 五年二月遣昱及宗雄分諸路猛安謀克之
民萬戶屯田泰州以婆盧火統之賜以耕牛四月乙丑朔宗翰
等請伐遼諸路預戒軍事五月遼都統耶律余觀等詣咸州
降六月癸巳率將吏來見庚子詔以吳乞買貳國政斜也為忽
魯勃極烈統領官稱吳勃極烈陰陽官宗翰為移賚勃極烈在第三
弘簡錄 卷一百一十四 五 金主之一

壬辰遣徒單吳甲高慶裔如宋戊戌吳遣耶律坦招徠西南諸
部西至夏國其招討使耶律佛頂來降金肅西平二郡漢軍四
千餘叛去耶律坦與阿沙兀野捷不也簡料新降丁壯迫夜襲
取之開母婁室招降天德雲內寧邊東勝等州獲阿疎而還時
山西諸部城邑雖降人心未固遼主保陰山捏里在燕京吳遣
宗望奏捷兼請上臨軍五月辛酉既至百官入賀賜宴歡甚捏
里上書請罷兵遣楊勉往諭詔曰汝遼之近屬位居將相不能
與國存亡乃竊據孤城僭稱大號若不降附將有後悔是月謀
葛失遣其子道泥刮失貢方物六月戊子朔上親征遼發自上
京吳乞買監國詔曰朕順天弔伐已定三京遼主尚未復兵不
能已今者親征由上京路進恐撫定親民驚疑失業詔至各安
厥居其先降後叛逃入險阻者詔後出首悉免其罪若猶拒命
弘簡錄 卷一百一十四 五 金主之一

七月庚辰詔議親征以連雨罷十一月辛丑以吳為內外諸軍
都統昱與宗翰宗幹宗望宗盤等皆副之甲辰詔曰遼政不綱
人神共棄今欲中外一統故命汝率大軍以行討伐爾其慎重
兵事擇用善謀賞罰必行糧餉必繼勿擾降服勿縱俘掠見可
而進無淹師期事有從權毋須申稟若克中京所得禮樂儀仗
圖書文籍先次津發 六年正月乙亥取中京遂下澤州二月
己亥宗翰等敗遼奚王霞末于北安州奚西節度使訛里刺降
壬寅都統吳遣使奏捷并獻所獲貨寶下詔嘉獎令分遣將士
招降山前諸部山後若未可往即營田牧馬俟及秋成乃圖大
舉三月吳得報知遼主在鴛鴦濼乃發兵追之奔于西京追至
白水濼不及獲其貨寶已巳至西京壬申降之乙亥城中復固
守是月遼秦晉國王耶律涅里即位于燕四月辛卯復取西京

者世世官之或奴婢先生而降金釋為良庚寅蔚州降余親等道降臣來見投翟昭彥田慶皆為刺史徐典為團練使諸官遷叙有差詔曰比以幽薊一方招之不服今欲帥師以往故先安撫山西諸部汝等既已懷服宜加撫存官民未附已前罪無輕重及係官通負皆與釋免丁酉昭彥慶殺知州蕭觀寧等以叛丙午復降十一月詔諭燕京官民王師所至降者赦其罪官皆仍舊十二月上伐燕京丁亥次媯州戊子次居庸關庚寅遼統軍高六等來送欵駕至燕京入南門次于城南銀木哥婁電管陳以待遷樞密左企弓虞仲文曹勇義張彥忠參政康公弼劉彥宗奉表降辛卯百官皆詣軍門叩頭請罪詔一切釋之壬辰上御德勝殿羣臣稱賀甲午命企弓等撫定燕京諸州縣詔西京官吏曰乃者師至燕都已皆撫定惟蕭妃與官屬數人遁去已發兵追襲或至彼路可執以來是歲黃龍府叛宗輔討平之七年正月丁巳遼奚王回鹮保稱帝甲子平州節度使時立愛降詔曲赦其民庚午詔中京都統幹論問撫定人民各安其業朕甚嘉之回鹮保聚徒逆命汝宜計畫無使滋蔓壬申詔招諭回鹮保癸酉招撫諸部庚辰宜錦乾顯成川蒙懿等州皆降甲申詔曰諸州部族歸附日淺民心未寧今農事將興可遣分諭典兵之官無縱軍士動擾人民以廢農業二月乙酉朔命撤八諭降與中府邈來州節度使田顯隔州刺史杜師回遷州刺史高永福潤州刺史張成皆降壬辰詔所在官司郡縣今皆撫定有逃散未降者已釋其罪更宜招諭之前後起遷民戶去鄉未久各有懷土之心可深加存恤毋輒騷動有衣食不足者官賑貸之癸巳又詔顯威東京華路項因兵事未息諸路關津

絕其往來今天下一家務令便民聽從往來其間有被掠及需身者金許自願為良乙未與中宜州復叛丁酉宋使趙良嗣來議燕京地請加歲幣以代燕稅及議畫疆并置榷場交易等事癸卯銀木哥鐸刺如宋乙巳詔都統杲錄用新附之民有材能者戊申詔許宋使分割所與燕京六州之地癸丑大赦改平州為南京以張覺為留守三月癸未宋使盧益趙良嗣馬宏以國書來四月丁亥遣都統幹魯宗望襲遼主于陰山壬辰復書于宋癸巳詔恐軍事留滯自今不必皆從中覆應此路事務申都統司餘皆取決樞密院戊戌契丹九斤聚黨與中府作亂擒之九斤自殺命習古乃婆盧火監護長勝軍及燕京家族工匠由松亭關徙之內地已亥次儒州幹魯使宗望等襲遼權六院司唱高質于白水梁獲之降宗屬秦許等王十五人遼主留輔重私簡錄 卷之百十四 六 金主之一

青塚以兵萬人遁往應州遣兵追襲及之獲其子趙王習泥烈及傳國璽上大喜宴豐懷中東面恭謝天地受之五月甲寅南京留守張覺據城叛詔諭其民丙寅次野狐嶺已巳次落黎濼受俘詔曰遼主孽難自作管居大位伶仃去國深所不忍懷悲負恥恐隕其命如招之肯來盡付戚屬并宗族勿去輿帳善存撫之其習泥烈以下及諸官吏金釋其罪且加撫慰六月壬午朔次鴛鴦濼是日闍母敗張覺于營州丙申上不豫將還上京命宗翰為西南北兩路都統昱與幹魯副之駐兵雲中以備邊已酉次幹獨山驛召吳乞買七月辛酉次牛山宗翰還軍中八月乙未次渾河北吳乞買率宗室百官上謁戊申帝崩于部堵濼西行宮年五十六九月癸丑梓宮至上京乙卯葬宮城西南寧神殿丙辰諸班勃極烈即皇帝位天會三年三月上尊諡曰

武元皇帝廟號太祖立原廟于西京十三年二月辛酉改葬和陵于燕京城南管所駐蹕之地立開天啓祚睿德神功之神皇統四年改和陵曰睿陵五年增諡應乾興運昭德定功睿神莊孝仁明大聖武元皇帝貞元三年十一月改葬于大房山仍號睿陵 帝英謨敏略睿遠大度知人善任人樂爲用世祖陰有取遼之志故兄弟相傳授由康宗以及太祖臨終又以屬穆宗其素志蓋如是也初定東京卽除去遼法減省租稅用本國制度雖平宋之功成于天會間而規摹建置實自此始凡立國百十有九年筭無遺策兵無留行底定大業傳之子孫嗚呼雄哉

弘簡錄卷二百十四終

弘簡錄卷二百十四

七 金主之二

弘簡錄卷二百十五

明刑部

皇清翰林

士四世孫遠平校閱

載記 金主之二

太宗皇帝諱吳乞買改諱晟世祖第四子生遼太康元年乙卯初爲穆宗養子太祖親愛之遇征伐常留居守天輔五年賜詔曰汝惟朕之母弟義均一體是用貳我國政凡軍事違者罔寬其罪從宜處之其餘事無大小一依本朝舊制七年又詔今遼主盡喪其師奔于夏國遼官特列遙設等劫其子雅里而立之已留宗翰等措畫朕親巡已久功亦大就所獲州部正須緩撫是用還都八月中旬可至春州汝率內戚迎我若至豹子崖尤善太祖既崩國論勃極列果耶王昂宗峻宗幹及百官請正帝位不許固請至三以赭袍被體真璽懷中從之己未告祀天地丙寅大赦中外改是年爲天會元年癸酉發春州粟賑降人之徙上京者戊寅詔諸猛安賦米給戶口在內地匱乏者十月壬辰詔以空名宣頭百道給宗翰以便宜遷授勿待奏請恐致稽滯己亥上京慶元寺僧獻佛骨却之閣母及張覺戰于兔耳山閣母敗績十一月壬戌復以空名宣頭及銀牌給上京路軍帥實古通婆盧火等癸亥詔諭南京割武朔二州入于宋勃董幹魯別及勃刺速破走乙室白答於歸化己巳徙遷遼來隰四州之民于瀋州庚午宗望及張覺戰于南京東大敗之覺奔宋壬申張忠嗣以南京降遣使入諭城中復叛己卯詔女直人有先附於遼今復被獲者悉從其所欲居而復之其奴婢部曲金聽爲民十二月辛巳詔咸州以南復州以北年穀不登其應輸南

弘簡錄卷二百十五

七 金主之二

京軍糧免之甲午又詔比問民間乏食稱貸于人至有鬻其子者其聽以丁力等者贖之是日以梟為諸班勃極烈宗幹為國論勃極烈遺董李靖如宋告哀 二年正月庚戌朔設都訶 參議國政壬子諭克南京功賞幹不赦母罪戊午詔李董完顏阿實賚先帝以同姓之人有自鬻及典質其身者命官為贖今問尚有未復者其悉開贖之癸亥詔東京北殿不登減田及市租各半甲戌西南西北兩路都統請勿割山西郡縣與宋土以違先帝之命其速與之乙亥夏國奉表稱藩詔以下寨以北陰山以南乙室耶刺部吐祿濼西之地與之丙子貽宋書索得獲叛亡丁丑始自京師至南京每五十里置驛二月詔有盜發遼諸陵者罪死丁酉命徙移懶路都統董完顏忠子蘇瀕水乙巳詔諭南京官僚小大之事必關自軍帥無得專達朝廷凡

私備錄

卷二百十五

全主之二

京軍帥實古廼以所獲印綬二十二及銀牌來上癸未詔今方農時新降之民訴訟者眾或失田業可俟農隙聽決乙巳詔曷懶路軍帥完顏忽刺古等自今以小故起戰爭甚非所宜後非奉命毋輒往高麗境內捕海狗海東青鴉鵲等物六月閏母克南京殺都統張敦同七月丙戌禁外方使介冗從多者壬辰又詔鶻實等高麗納吾叛亡增其邊備其曲在彼凡有過問毋違常式或來使略整爾行列與之從事敢先犯彼雖捷必罰乙未烏虎部及諸營叛命昱等討平之八月乙巳朔以字董烏瓜乃等賀宋生辰丁巳六部都統撻懶擊走遼鞏路古牙殺其隊將曷魯燥白撒曷等昭古牙率眾來降又破駱駝山金源諸軍與中府降詔增給銀牌十月甲辰朔夏國遣使謝誓詔戊午立帝生日為天清節宋夏遣使來賀甲子詔發寧江州粟賑泰州民被秋潦者丙寅詔有司運米五萬石于廣寧以給南京潤州戊卒以五萬給撻懶實古廼命閻母以甲士千人益合蘇館路字董完顏阿實賚以備高麗戊辰兩路都統奏遼詳穩撻不野來降言耶律大石自稱為王遼主駐余都谷從者不過四千有步騎萬餘欲趨天德詔酌事宜而行十二月戊申以字董高居慶等為賀宋正旦使以後遺使不錄 三年正月癸酉朔宋夏遣使來賀戊子同知宣徽院事韓資正加尚書左僕射為諸宮都部署二月壬戌婁室奏獲遼主詔以起京丁卯分龐葛城地授所徙烏虎里廼烈二部及契丹民三月丙子賑奚契丹新附之民辛巳建乾元殿韓魯以謀葛失來附請授印綬六月庚申以獲遼主遣李用和等如宋告慶七月己卯南京奏錦州野蠶成繭奉其絲綿來獻命賞其長吏詔內外權勢宗室毋得私役百姓及買

私備錄

卷二百十五

全主之二

貧民爲奴甲申詔南京括官豪牧馬以等第取之分給諸軍八月癸卯遼主延禧至京甲辰告太祖廟丙午入見降封海濱王仍詔中外九月壬午廣寧府獻嘉禾癸巳保州路都學董加古撤曷有罪伏誅以李董徒單烏烈代之十月甲辰詔梟及宗翰宗望撻懶開母耶律余覩等伐宋乙巳建太祖廟于西京丁未召耶魯赴京師教授女直字壬戌大有年令每謀克賦牛一具粟一石爲一廩貯之甲子宋易州將韓民殺降處之蔚州十一月辛卯以張忠嗣權簽南京中書樞密院事十二月庚子宗翰下朔州甲辰宗望諸軍及宋郭藥師張企徵劉舜仁戰于白河大破之蒲葦敗宋兵于古北口丙午藥師降蒲察繼果以三百騎過中山戍兵三萬於阨隘之地力戰死之木烈速活里改軍繼至殺二萬餘人戊申宗翰克代州乙卯中山降丙辰宗望破弘簡錄 卷一百一十五 四 金主之二

忠等大敗宋人于西都谷五月癸酉拔高連又敗姚古軍於隆州谷六月丙申朔高麗國王楷奉表稱藩七月丙寅遣高伯淑等宣諭高麗八月庚子復詔伐宋甲寅新城縣進白鳥九月丙寅宗翰克太原已巳復以南京爲平州十月丁未中京進嘉禾十一月甲子宗翰發太原丙寅宗望自真定同趨汴戊辰下威勝軍癸酉撤刺峇破天井關乙亥克隆德府庚辰克澤州諸軍渡河丙戌克懷州遂至汴京閏月丙辰克汴城辛酉宋主桓出居青城十二月癸亥降之庚辰詔曰朕惟國家四境雖遠而兵革未息臣野雖廣而賦畝未闢百工略備而祿秩未均方貢僅脩而賓館未贍是皆出乎民力苟不務本業而抑游手欲上下皆足其可得乎其令所在長吏敦勸農功 五年正月辛卯朔高麗夏遣使同賀宋降癸巳諸臣來上宋降表乙未知密院劉弘簡錄 卷一百一十五 五 金主之二

宋鄭州叛歸于宋命復取之遂遷洛頴汝鄭均房陳蔡并襄鄧
 唐民于河北三月壬辰命南路軍帥實古通通閱節度使完顏
 慎思所領諸部其未置猛安謀克戶口具籍來上五月戊戌移
 沙土古思以本部來附六月己未詔宋祖宗遣事真定賊自稱
 元帥泰王撒剌喝討平之七月乙巳宋主遣使奉表請和詔進
 兵追伐以宋二庶人赴上京八月丁丑告于太祖廟二庶人以
 素服見畢入見于乾元殿封其父昏德公子重昏侯是月詔頒
 州郡職員名稱及俸給因革于中外十月戊寅徙昏德公重昏
 侯于晉州庚辰命諸將會兵伐宋十一月壬辰賑移懶路乙未
 婁室攻晉寧軍守將徐徽言固守不能克 七年二月戊辰宋
 麟府路安撫使折可求以麟府豐三州降已巳婁室塞里鴆沙
 虎等破晉寧軍其守徐徽言據子城拒戰庚午率眾潰圍走擒
 弘簡錄 卷一百一十五 木 金主之二
 之使之拜不拜臨之以兵不動命降將折可求諭降徽言指可
 求大罵出不遜語遂殺之其統制孫昂及士卒皆不屈盡殺之
 甲戌詔禁警巫閭山遼代山陵樵採三月壬寅詔軍興以來良
 人被驅略者聽其血屬贖之左僕射高貞能以韓企先代之仍
 兼侍中五月乙卯拔高連等襲宋主于揚州不及奔于江南宗
 宗弼取和州壬戌渡江敗杜充軍丁卯江寧守陳邦光以城降
 十二月丙戌宗弼取湖州丁亥克杭州遣將追宋主于四明越
 州降戊戌敗宋兵于東關濟曹娥江壬寅敗宋兵于高橋宋主
 入于海 八年正月己未阿里蒲盧渾克明州執守臣趙伯諤
 庚申阿魯補斜里也下太平順昌及濠州杜充降二月乙亥宗
 弼還自杭庚寅取秀州戊戌取平江汴京亂三月丁卯大廸里

復取之宗弼及宋將韓世忠戰于鎮江不利四月丙申復戰于
 江寧敗之諸軍還渡江是日阿魯補戰于柘皋己亥周企戰于
 壽春辛丑婁室戰于淳化皆勝之降醴州及克邠州五月戊申
 詔簽河北河東軍其家屬有流寓河南被俘掠為奴婢者官為
 贖之俾復其業六月壬申詔遣遼統軍使耶律曷禮質節度使
 蕭別離刺等十人分治新附州鎮癸酉詔以昏德公六女為宗
 婦七月丁卯上如東京溫湯徙昏德公重昏侯于鶻里改路九
 月戊申立劉豫為大齊皇帝世脩子禮都大名府癸亥詔獎宗
 輔等敗宋張浚軍于富平降耀州鳳翔十月乙亥上至自東京
 齊帝劉豫遣使謝封冊甲申以鐵驪突尙刺同中書門下平章
 事詔遼宋官上本國詰命等第換授十一月庚戌遣遙鎮節度
 使烏克壽等為齊劉豫生日使 九年正月己亥朔齊使來賀
 弘簡錄 卷一百一十五 七 金主之二
 戊申命籍徒門水以西渾曠星顯魯益三水以北開田給曷懶
 路諸謀克辛亥蒲察鶻拔魯完顏忒里討張萬敵于白馬湖陷
 于敵癸丑張忠嗣以宣政殿大學士知三司使事四月己卯詔
 賑恤新徙戍邊戶有典質親屬者官為贖還給以官牛委官勸
 督田作其績遷戍戶在中路者姑止之五月丙午分遣使者諸
 路勸農六月壬辰賜昏德公重昏侯時服各兩襲八月辛巳回
 鶻隈欲遣使來貢九月己酉和州回鶻執耶律大石之黨撤入
 迪里突迭來獻十月戊寅天清節齊使來賀宗弼與宋吳玠戰
 于和尚原敗績十一月己未遷趙氏疎屬于上京以陝西地賜
 齊一十年正月己酉齊表謝賜地壬子詔如遼制均士庶之族
 賦役皆有等差二月庚午賑上京路戍邊猛安民四月丁卯宗
 翰朝京師庚午以太祖孫亶為諳班勃極烈皇子宗盤為國論

忽魯勃極烈宗幹為國論左勃極烈宗幹為國論右勃極烈宗
輔為左副元帥庚寅賜綠混同江暴漲命賑徙戍江邊戶閏月
辛卯詔分遣楊沙虎等十二人閱諸路丁壯調赴軍七月甲午
上如中京賑泰州路戍邊戶九月余賂謀反出奔其黨燕京統
軍使蕭高六伏誅蔚州節度使蕭特謀葛自殺十月壬寅天清
節大赦上如興中府齊遣使來告母喪十一月癸亥遣武良護
弔祭于齊癸未從撤崗喝請取劔外十三州部族節度使土古
斯捕斬余賂及其諸子函首來獻十二月庚子上至自興中府
十一年正月丁卯撤崗喝敗吳玠于饒峰關二月己亥詔賑
軍士八月甲申命黃龍府置錢帛司戊子趙樛誣告其父昏德
公謀反及其婿劉文彥伏誅戊戌詔比以軍旅未定皆命帥府
擇人授官今並從朝廷選注十一月丙寅賑移懶路十二月癸
弘簡錄 卷之十五 金主之二
未賑曷懶路 十二年正月甲子初改定制度詔示中外以韓
企先為尚書右丞相丙寅如東京二月丁酉撤崗喝敗宋吳玠
軍于固鎮四月至自東京六月甲午以阿盧補為元帥右都監
十三年正月己巳帝崩于明德宮年六十一庚午諡班勃極
烈即皇帝位于柩前三月庚辰上尊諡曰文烈皇帝廟號太宗
乙酉葬和陵皇統四年改號恭陵五年增上尊諡曰體元應運
世德昭功哲惠仁聖文烈皇帝貞元三年十一月戊申改葬于
大房山仍號恭陵 帝在位十三年不好弋獵不嘗聲樂宮室
苑飾無所增益始天輔草創未遑禮樂之事既滅遼舉宋即議
禮更制創立法度治曆明時續以武功遠以文事經國規模轉
有可觀末聽大臣計傳位熙宗使太祖世嗣不失正統回視宋
初可謂行所甚難矣

載記 金主之三

熙宗皇帝諱合剌改名亶父豐王宗峻母蒲察氏天輔三年己
亥歲七月七日生天會十年宗翰宗輔希尹與宗幹議自臬莖
後諸班勃極烈儲位久虛今不早定恐授非其人合刺太祖嫡
孫當立相與請於太宗四月庚午下詔定為儲副戒無自謂冲
切狎于重威惟敬厥德即位以生日同皇考忌辰改立正月十
七日為萬壽節三國各遣使來賀甲戌詔中外公私禁酒癸酉
遣使告哀于齊高麗夏及報即位仍詔齊自今稱臣勿稱子三
月己卯三國使來弔祭戊戌詔諸國使賜宴不舉樂四月甘露
降熊岳縣戊午三國遣使賀即位丙寅昏德公薨遣使致祭及
賜贈九月壬申追尊皇考為景宣皇帝廟號徽宗皇妣惠昭皇
后改葬與陵戊寅尊太祖后紇石烈氏太宗后唐括氏皆為太
弘簡錄 卷之十五 金主之三
皇太后十一月乙亥初頒曆己卯以元帥希尹為左丞相兼侍
中太子少保高麗裔為左丞平陽尹蕭慶為右丞己丑建天開
殿于文刺十二月癸亥始定齊高麗夏朝賀及賜宴朝辭儀賜
農民以京西鹿圍 十四年不改元文移署年止用天會正月
己巳朔上朝太皇太后于兩宮癸酉頒曆于高麗丁丑太皇太
后紇石烈氏崩二月癸卯奉上大行皇太后尊諡丙午附葬睿
陵三月壬午以太保宗翰太師宗磐太傅宗幹金領三省事丁
酉三國遣使來弔八月丙辰追尊九代祖以下曰皇帝皇后定
始祖景祖世祖太祖太宗廟皆不祧十月甲寅以吳激為高麗
王生日使蕭仲恭為齊回謝并生日正旦使 十五年正月癸
亥朔初用大明曆上朝太皇太后于明德宮六月庚戌尚書左
丞高麗裔轉運使劉思有罪伏誅七月丙戌夜京師地震己亥

沈兵與激爵十一月丙午廢齊國降封劉豫為蜀王並行燕尚書省于汴十二月戊辰豫上表謝封爵徙之臨潢府癸未詔改明年元大赦命韓昉耶律紹文等編脩國史

天眷元年正月戊子朔朝明德宮乙卯頒女直小字二月壬戌如爻刺春水乙丑幸天開殿已巳詔罷來流水混同江護邊地

與民耕牧三月庚寅給禁苑隙地於百姓四月丁卯命少府監盧彥倫營建宮室止從儉素壬午朝享天元殿五月己亥詔以

經義詞賦兩科取士六月戊午還宮七月丁酉按出澿河溢壞廬舍民多溺死八月甲寅朔頒行官制癸亥回鶻遣使朝貢已

卯舉河南地與宋以京師為上京府曰會寧舊上京為北京九月乙未詔女直契丹漢人誥命各用本字渤海同漢人丁酉改

燕京樞密院為行臺尚書省以蕭寶耶律暉為平章政事戊戌

弘簡錄 卷一百十五 金主之二

朝明德宮已酉省燕中西三京平州東西等路州縣十月甲寅朔以御前管勾契丹文字李德固為叅知政事已巳禁親王以下佩刀入宮十一月丙辰康宗以上畫像工畢奠獻于乾元殿

十二月癸亥新宮成丁丑立貴妃裴滿氏為皇后 二年二月乙未上如天開殿三月丙辰命百官詳定儀制四月甲戌百官

朝參初用朝服已卯宋遣使謝河南地五月乙巳還宮六月己酉朔初御冠服辛亥吳十謀反伏誅已未上語韓昉朕疑閣貞

觀政要見其君臣議論大可規法對以當時太宗溫顏訪問房杜輩竭忠盡誠其書雖簡足以為法又問明皇何如昉曰初以

艱危得位用姚崇宋璟惟正是行故能成開元之治末年怠于萬機委用李林甫姦諛故致天寶之亂苟能慎終如始則貞觀

之風不難追矣上稱善又問周成王何如昉曰古之賢君上曰

以朕觀之亦由周公輔相之力後世疑周公殺其兄正為社稷

大計不當非之七月辛巳宗磐宗雋謀反伏誅八月辛亥復誅

反者撻懶及翼王鶻懶九月戊寅朔降封太宗諸子丙申初居

新宮立太祖原廟于慶元宮壬寅宋遣王倫等乞歸父喪及母

華氏等拘倫不道十月癸酉夏國使來告喪 三年四月乙巳

朔溫都思忠廉問諸路得廉吏杜遵晦以下百二十四人各進

一階貪吏張軫以下二十一人皆罷之丁丑上如燕京五月丙

子詔復取河南陝西地已卯詔問李仁孝為夏國王是月河南

平六月陝西平宗弼遣使奏捷上次涼涇大旱使蕭彥諫田穀

決西京四七月丁卯詔文武官五品以上致仕給俸祿之半職

三品者仍給僱人八月辛巳詔撫諭陝西五路壬午初定公主

郡縣主及駙馬官品九月戊申上至燕京已酉親饗太祖廟庚

申夏國遣使謝賜贈又謝封冊十二月乙亥宗弼奏宋將岳飛

張俊韓世忠率眾渡江命擊之丁丑地震

皇統元年正月庚戌羣臣上尊號曰崇天體道欽明文武聖德

皇帝初御袞冕癸丑謝太廟大赦改元己未初定命婦封號及

國請置榷場許之二月乙酉收封耶律延禧為豫王昏德公為

天水郡王重昏侯天水郡公己未宴羣臣于瑤池殿適宗弼遣使奏克廬州捷侍臣多進詩稱賀帝覽之曰太平之世當尚文

物自古致治皆由是也七月癸卯以景宣皇帝忌辰命尚食徹

肉九月戊申上至自燕京朝太皇太后于明德宮賜鰥寡孤獨

不能自存者人絹二疋絮三斤是秋蝗宗弼伐宋渡淮宋乞罷

兵十一月己酉高麗夏國賀受尊號辛亥積古殿火十二月天水郡公趙桓乞本品俸詔賜濟之左丞勛進先朝實錄三卷上

焚香立受 二年正月己亥獵來流河乙巳命伐高麗丁未遷宮二月丁卯如天開殿甲戌賑熙河路戊子皇子濟安生大赦辛卯宋遣瑞明殿學士何鑄等進誓表稱臣構言今來盡疆合以淮水中流為界自鄧州西四十里并南四十里為界隸唐鄧州制屬上國其外並西南盡屬光化軍為做邑沿邊州城既蒙恩造許備藩方世世子孫謹守臣節每年皇帝生辰并正旦遣使稱賀不絕歲貢銀絹二十五萬兩匹自壬戌年為首每春季差人般送至泗州交納有渝此盟明神是殛壬辰改封劉豫曹王三月辛丑還宮大雪丙辰遣左宣徽使劉若以袞冕圭冊冊宋皇帝歸其母韋氏故妻邢氏并父母三喪冊文皇帝若曰咨爾宋康王趙構不弔天降喪于爾邦亟濟齊盟自貽顛覆爾越在江表用勳我師十有八年于茲朕用震悼斯民其何罪今天弘簡錄 卷二 百十五 主 全注之三

其悔過誕誘爾衷封奏仰至願身列于藩輔今遣光祿大夫等持節冊爾為帝國號宋世服臣職永為屏翰賜以人口牛馬各千駝百羊萬每歲宋國進貢內仍給銀絹二千兩匹戊午皇子濟安彌月上始正名定制立以為皇太子赦天下丙寅告宋通和庚午五雲樓重明等殿成宴羣臣上菴于酒與近臣飲或繼以夜宰相入諫輒飲以酒曰知卿等意今既飲矣明日當戒因復飲五月癸巳朔不視朝乙卯賜宋誓詔七月甲午回鶻遣使來貢是秋北京廣寧府蝗八月辛未復太宗子胡盧為王賑陝西九月壬辰詔給天水郡王子姪塔并孫天水郡公子及婚俸祿十二月庚午宋遣使來謝壬申獵于核耶朮米路癸未還宮甲申皇太子濟安病劇上與后幸佛寺祈禱曲赦罪囚是夜薨諡曰哀悼 三年正月己丑朔以皇太子喪不御正殿羣臣

請便殿稱賀宋高麗夏使詣皇極殿通賀乙巳萬壽節如正旦儀三月丁酉太皇太后唐括氏崩己酉封子道濟為魏王五月丁巳朔京兆進瑞麥甲申初立太廟社稷六月己酉初置號教軍七月庚辰太原路進獬豸并瑞麥八月乙巳諡太行太皇太后戊申附葬恭陵 四年正月癸丑朔宋高麗夏遣使來賀甲寅詔以去年宋幣賜始祖以下宗室乙丑陝西進嘉禾十有二莖莖皆七穗二月癸未上如東京丙申次百泊河春水丁酉回鶻遣使來賀以粘合韓奴報之五月辛亥朔次薰風殿七月庚午建原廟于東京八月癸未殺魏王道濟九月乙酉上如東京壬子吹于沙河射虎獲之十月乙卯遣使祭遼主陵辛酉詔薰風殿二十里內及巡幸所過五里內並復一歲十一月壬辰立借貸饑民酬賞格甲辰河朔諸郡地震詔復百姓一年其歷死無人收葬者官為斂藏之陝西蒲解汝秦等處歲饑與屋流民為奴婢者官贖為良放還十一月己酉獵于海島十二月甲午至東京 五年二月乙未次濟州春水三月戊辰次天開殿五月戊午初用御製小字壬申平章政事勗諫止酒從之仍布告廷臣九月庚申還京十月辛卯增諡太祖閏月戊寅大名府進牛生麟壬辰懷州進嘉禾十二月戊申增諡始祖以下十帝及太宗徽宗丁巳赦 六年正月壬申封太祖諸孫為王乙亥改于謀勒甲申還京庚寅以邊地賜夏國壬辰如春水從禽導騎快入大澤中帝馬陷因步出不罪導者四月庚子朔還京六月乙丑高麗王楷薨遣使弔祭并起復嗣王峴九月戊辰朔以許王破汴睿宗平陝西鄭王克遼及婁室銀木可皆有大功並為立碑是歲道粘割韓奴招耶律大石被害 七年正月癸未

以西京鹿園為民田三月戊寅高麗遣使謝弔祭起復四月戊午宴便殿上醉酒殺戶部尚書宗禮七月己巳太白經天幽赦幾內十一月乙亥兵部尚書秉德進三角羊 八年二月壬子以哥魯葛波古等使高麗夏國甲寅大理卿宗安等開封高麗王現乙卯如天開殿四月辛丑遣參知政事秉德與烏林苔蒲盧虎等廉察官吏庚戌還京甲寅遺史成六月乙卯高麗王遣使謝封冊七月戊寅責左丞唐括辯奉職不謹杖之八月戊戌宗弼進太祖實錄上焚香立受之閏月庚申宰臣請上獵恐害稼不允丙寅太廟成十一月乙未左丞相宗賢左丞稟等言州郡長吏當益用本國人上曰四海之內皆朕臣子若分別待之豈能致一自今本國及諸色人量才通用之 九年四月壬申夜大風雷雨電震壞寢殿鷓尾有火入上寢燒帷帳帝趨別殿弘簡錄 卷二百十五 金主之四

避之丁丑有龍鬪於利州榆林河水上大風壞民居官舍瓦木人畜皆飄颺十數里死傷至數百人五月戊子曲赦上京囚丁丑天變肆赦怒殺翰林學士張鈞八月庚申從宰臣議徙遼陽渤海之民於燕南侍從高壽星等當遷訴於后以言激使上怒議者杖平章秉德殺左司郎中三合壽星竟得不徙十月乙丑殺北京留守胙王元及弟安武軍節度使查刺左衛將軍特思武庫令耶律八斤妄稱上言宿直將軍蕭榮與元為黨誅之十一月癸未殺皇后裴滿氏名胙王妃撤卯入宮癸巳上獵于忽刺渾土溫遣使殺德妃烏古論氏夾谷氏張氏十二月己酉朔還宮丙辰殺妃裴滿氏於寢殿丁巳平章亮因羣臣震恐夜二鼓弒帝時年三十一降為東昏王葬后裴滿氏墓中貞元三年改大房山之蓼香甸諸王同兆域大定初追諡武靈皇帝別立

廟號曰閔宗十九年升祔太廟增諡弘基繼武莊靖孝成皇帝二十七年改廟號熙宗明年改葬娥眉谷陵曰思陵帝即位之初四方無事臨朝端默敬禮大臣宗翰宗幹宗弼相繼秉政廟算制勝齊國就廢宋人請臣吏清政簡百姓樂業及宗弼既沒舊臣亦多物故內制強后心不能平因無聊賴縱酒酣怒人懷危懼以致于亡惜哉

載記 金主之四

廢帝海陵諱迪古乃改諱亮字元初太祖庶孫父宗幹母大氏以天輔六年壬寅歲生天眷三年年十八授奉國上將軍赴宗弼軍前任使以為行軍萬戶遷驃騎上將軍皇統四年加龍虎衛上將軍光祿大夫為中京留守為人傑多猜忌殘忍任數熙宗以嫡孫嗣位輒懷覬覦在中京專務立威以厭伏小人七弘簡錄 卷二百十五 金主之四

年五月召為同判大宗正事加特進拜尚書右丞轉左丞務攬持權柄用其腹心為臺省要職一日因名對語及太祖創業艱難嗚咽流涕熙宗以為忠八年六月拜平章政事十一月轉右丞相九年正月兼都元帥值生日上以司馬光畫像玉吐鶴鹿馬遺小底大興國賜亮聞悼后亦附賜禮物熙宗不悅杖與國百迫其賜物與國懷怨亮由此不自安三月拜太保領三省事益邀求人舉引用勢望子孫結其驩心四月學士張鈞草詔性旨熙宗問誰使為之左相宗賢以太保對怒之出領行臺尚書省事至良鄉召還初尚莫測所以見名之意大恐既至復位意益危迫時唐括辯與秉德嘗以事被杖亦懷怨望同謀廢立令烏帶告亮言我輩不能匡救且暮必有禍亮問若舉大事誰可立者辯初謂胙王常勝又問其次曰邱王子阿懶亮謂屬疎安

得立辨曰微公人豈敢當亮曰果不得已捨我其誰且夕相與密謀護衛將軍特思疑之以告悼后曰辨等公餘每竊聚語可疑后以告熙宗怒而名辨問與亮謀何事將如我何杖而遣之遂謀為亂使李老僧結興國以為內應與護衛十人長僕散忽土阿里出虎合謀規當夜直與國取符鑰啓門納亮與辨乘德烏帶徒單貞弁亮妹夫特爾隨辨入宮及殿門衛士覺抽刃劫之莫敢動直至寢殿遂弑熙宗來德等奉亮坐殿拜稱萬歲已未大赦改是年為天德元年甲子誓太祖廟乙亥追諡皇考宋高麗夏賀正且使中道遣還 二年正月癸巳尊嫡母徒單氏及母大氏皆為皇太后名徒單氏宮曰永壽大氏宮永寧乙巳詔以七事布中外勵官守務農時慎刑罰揚側陋恤窮民節財用審才實時方臨政每飾情貌以御臣下取軍士屬飯食之幾弘簡錄 卷二百十五 十一 金主之四

書趙資福為御史大夫諭以多徇情無所彈劾朕甚不取自今百官凡有不法即當舉劾無憚權貴 三年正月癸未立春觀擊土牛丁亥初造燈山于宮中戊子生辰宋及二國遣使來賀甲午初置國子監乙未上出獵宰相以下辭于近郊上駐馬戒之曰朕不惜高爵厚祿以任汝等比聞事多留滯汝等苟圖自安不念民事自今朕將察其勤惰以為賞罰其各勉之二月丁巳還宮三月壬辰詔廣燕城建宮室有司圖上營建制度陰陽五姓所宜詔無拘泥四月丙午遷居之賜役夫帛人一匹丙寅罷歲貢鷹雉及皇統間苑中所養禽獸沂州男子吳真犯法當死憫其母老命有司與養濟者為令閏月辛未朔而諭右丞張浩調遷燕京慎無私徇丙子命大官常膳惟進魚肉罷舊貢鵝鴨等歸德軍節度使阿魯補以撤官舍材木構私第賜死戊戌弘簡錄 卷二百十五 十二 金主之四

人鼓仙于中京市

貞元元年正月辛卯朔上在中京不視朝詔有司受宋高麗夏
回紇貢獻二月庚申上如燕京三月甲寅親選良家子百三十
餘人充後宮乙卯改元以遷都詔中外改燕京為中都府曰大
興汴京為南京中京為北京四月戊寅皇太后大氏崩五月乙
卯以京城隙地賜朝官及衛士復徵其錢十月丁巳俄于良鄉
上普過料石岡禱其神曰使吾有天命當得吉卜及是有應封
為靈應大王戊午還宮壬戌太后崩陵未畢從有司請停冬享
及禘祭丙子命內外官聞大功以上喪止給當日假若父母喪
聽給假三日著為令十一月丙戌朔定州獻嘉禾己丑瑤池殿
成十二月戊午特賜貴妃唐括定哥家奴孫梅進士及第閏月
癸巳定社稷制慶癸卯命西京路統 捷頓西北路招討蕭懷
公簡錄 卷二百十五 金主之四

忠臨黃府總管馬和尚烏古迺烈司招討斜野等北巡 二年

正月甲寅朔上建禱不視朝就館賜宋高麗夏使等宴庚申蕭
裕等謀反伏誅三月丙戌幸大興府遣薦舍桃于衍慶宮五月
丁卯始置交鈔庫設使副員七月庚申印造鹽鈔香茶文引置
庫使副丙子九月己未帝武殿擊鞠縱百姓觀癸亥獵于近郊
丁卯次順州是夜還宮時以頓次需索民間一鵝傳用數萬以
一牛易一鵝帝淫嬖不擇骨肉刑殺不問有罪左右有曠職者
或指名呼之寵以顯任常置黃金稱壽間有喜者即令自取
三年三月乙卯命視大房山雲峯寺為山陵建行宮于其麓四
月丁丑朔昏霧四塞日無光凡十有七日五月癸丑南京大內
火乙卯命判大宗正事京等如上京奉遷太祖太宗梓宮丙寅
始營山陵六月丙戌登寶昌門觀角抵戲百姓皆無禁乙未命

右丞相思恭太宗正丞胡拔魯如上京奉遷德宗梓宮及迎永
壽宮皇太后七月辛酉如大房山乙亥還宮八月甲申啓土賜
役夫人絹一疋甲午遣平章蕭玉迎祭祖宗梓宮於廣寧乙未
增置教坊人數九月戊申遣平章張暉迎祭梓宮于宗州乙卯
上責宰臣及左司泄瀉朝廷之事昨授張中孚趙慶襲官除書
未到先已知覺自今尤宜慎密復爾必殺無赦丁卯駕迎梓宮
及皇太后于沙流河庚午射糜以薦梓宮壬申還京十月丙子
皇太后至中都居壽康宮戊寅權奉安太廟神主于延壽寺致
奠梓宮于東郊舉哀己卯梓宮至中都以大安殿為丕承殿安
置壬午命省部諸司便服治事不奏死刑一月辛卯告于丕承
殿乙未如敢宮丙申冊諡永寧皇太后曰慈憲丁酉大房山行
宮成名曰磐寧十一月乙巳朔梓宮發丕承殿戊申山陵禮成
弘簡錄 卷二百十五 金主之四

羣臣稱賀甲寅詔內外大小職官各進一階放免貞元四年租

稅賜軍士久戍不替者人絹三疋銀三兩丙辰燕百官於泰和
殿丁卯奉安神主于太廟戊辰羣臣再賀辛未獵于近郊十二
月己丑還宮丙午水冰乙未上朝太后于壽康宮
正隆元年正月己酉羣臣再上尊號曰聖文武皇帝上自九
月廢朝不出有惡奏名左右司郎中省于卧內庚戌始視朝乙
丑觀角抵戲二月癸酉朔改元大赦庚辰御宣華門觀迎諸佛
賜寺僧絹五百疋絲五十段銀五百兩辛巳改定內外諸司印
記庚子謁山陵辛丑還都三月壬寅朔始定正隆官制并朝參
等格頒行之六月庚辰天水郡公趙桓薨七月己酉命太保昂
如上京奉遷始祖以下梓宮八月丁丑如大房山行視山陵十
月乙酉葬始祖以下十帝于大房山丁酉還宮閏月己亥朔山

陵禮成羣臣稱賀甲辰回鶻遣使貢木鳥籠丹來貢十一月癸巳禁二月八日迎佛二年正月上朝太后于壽康宮二月辛丑初定太廟時享牲牢禮儀癸卯命置局改定親王以下封爵等第追取存者二品以上死者一品告身參酌削降文書中但有王字者皆立限毀抹墳墓碑志僉發而毀之四月戊戌追降景宣皇帝為遼王八月癸卯始置登聞檢院詔尚書省凡事理不當者許投狀類奏覽訖付御史臺鞠問甲寅罷上京留守司九月戊子罷護駕軍別置名龍翔虎步出尚書省文資令史以為外官是秋中都山東河東皆蝗十月壬寅命毀會寧府舊宮殿諸大族第宅及儲慶寺仍平其址而耕種之丁未禁賣古器入他境乙卯初鑄銅錢三年正月宋賀正使孫道夫陛辭上使宣徽使敬回暉諭之曰歸白爾帝事我上國多不以誠今畧

弘簡錄

卷一百一十五

主

置泗州諸榷場罷在鳳翔唐鄧穎蔡鞏洮膠四者二月己丑詔諭宰臣宋國雖臣服有誓約而無誠實不可不備丁未修中都城又造戰船于通州調諸路猛安謀克軍年二十以上五十以下者皆籍之雖親老丁多不許留侍三月丙辰朔遣兵部尚書蕭恭經畫夏國邊界遣使分詣諸道總管府督造兵器材用皆賦於民箭翎一尺至千錢多椎耕牛以供筋革下至烏鵲狗羸無不被害八月調諸路馬以戶口為差計五十六萬餘疋戶自餵養以俟富室有至六十疋者十月乙亥幸通州觀造戰船遂獵于近郊丙子賜紇石烈良弼徒單貞佩刀入宮十二月乙卯宋遣使告母韋氏哀乙丑以左副點檢大懷忠等為宋弔祭使乙亥太醫使祈幸上疏諫伐宋殺之五年二月壬子宋遣使獻遺留物辛未河東陝西地震鎮戎德順軍大風壞廬舍人多

弘簡錄

卷一百一十五

主

隸點檢可步軍都指揮使隸宣徽院十二月癸丑禁中都河北
山東河南河東京兆軍民網捕禽獸及畜養鷹隼者戊辰以軍
興禁朝官飲酒犯者死六年正月壬午上將如南京以蕭玉
為大興尹癸丑宋使徐度等至命參政李通諭以帝王巡守自
古有之朕昔從梁王軍樂南京風土常欲巡幸今營繕將畢期
以二月末先往河南亦欲校獵淮右隙地從兵不踰萬人祖宗
陵廟在此朕不欲久留汝等歸告爾主宣諭朕意無使淮民輒
懷疑懼庚子詔自中都至河南府所過州縣調從獵騎士二千
隨路所至種麥皆空三月庚申徵諸道兵及諸路水手得三萬
人使運戰船癸亥發中都詔百官先赴南京治事尚書省樞密
院大宗正府勸農司太府少府皆從行吏戶兵刑部四方館都
水監大理司官各留一員丙寅次安肅州三月己卯改河南北

弘簡錄

卷一百一十五

三

金主之四

印山為太平山稱舊名者以違制論丁亥將至獲嘉有男子上
書言事斬之所言莫得聞又有契丹人自山馳下伏道左自陳
破東海賊有功為李惟忠所抑立命斬之癸巳次河南府因出
獵幸汝州溫湯視行宮地詔汝州百五十里內州縣置商賈
赴溫湯置市禁扈從母輒離次及游賞飲酒犯者皆死又詔內
地諸猛安赴山後牧馬俟秋並發四月丁未以簽書樞密院事
高景山等為賀宋生日使戊申詔有司移問宋人對境祭親壽
諸州何以剗置堡戍庚戌帝獵汝水有奔鹿突之墮馬嘔血數
日以為將亡之兆癸未契丹請部及六月癸卯上如南京壬戌
次近郊左丞相張浩率百官迎謁癸亥上備法駕入于南京至
南薰門大雨入承天門迅雷大風七月己丑賜隨駕從軍千戶
謀克等錢帛大括天下贏馬殺亡遼耶律氏宋趙氏子男凡百

三十餘人八月壬寅單州賊杜奎據城叛遣都點檢耶律湛右
驍騎副都指揮使大磐討之癸卯北邊有警詔白彥恭紇石烈
志寧完顏毅英唐括孛古的往討契丹時山東賊犯沂州臨沂
令胡撒力戰而死大名府賊王九等據城叛眾至數萬契丹邊
六斤王三輩皆以十數騎張旗幟白晝公行官軍莫敢近所過
州縣開劫府庫物置于市令人攫取之小人皆喜良民不勝其
害太府監高彥福大理正耶律道翰林待制大穎出使還皆言
于朝上惡聞怒而杖之仍除穎名自是人不敢言庚寅上自將
兵伐宋分諸道兵為神策神威神捷神銳神毅神翼神勇神果
神畧神鋒武勝武定武威武安武捷武平武成武毅武銳武揚
武翼武震威定威信威勝威捷威烈威毅威震威畧威果威勇
三十二總管進自壽春以樞密使昂為左領軍大都督李通副

弘簡錄

卷一百一十五

三

金主之四

之紇石烈良弼為右領軍大都督判大宗正烏延蒲盧渾副之
徒單真為左監軍同判大宗正事徒單承年為右監軍左宣徽
使許霖為左都監河南尹蒲察幹論為右都監名諸將授方畧
賜宴於尚書省諭以太師梁王連年南伐淹延歲月今舉兵必
不如彼遠則百日近止旬月惟爾將士無以征行為勞戮力一
心以成大功當厚加旌賞其或弛慢刑茲無赦又命工部尚書
蘇保衡為浙東道水軍都統制副以益都尹卿家由海道徑趨
臨安太原尹葦為漢南道行營兵馬都統制濟南尹僕散烏者
副之自蔡州進河中尹徒單合嘉為西蜀道行營兵馬都統制
平陽尹張中彥副之由鳳翔取散關駐軍以俟後命武勝武平
武捷三軍為前鋒徒單貞別將兵二萬入淮陰甲午上發南京
詔皇后及太子居守張浩蕭玉敬嗣輝留治省事凡妃嬪皆從

行宮中慟哭久之時軍中將士多亡歸者曷蘇館猛安福壽東京謀克金住等始于大名授甲印舉部亡歸從者相屬於道衆至萬餘公言我輩今往東京立新天子十月丙午世宗卽位于遼陽數其弑逆大罪凡數十事丁未大軍渡淮至宿次見築垣者殺四方館使張永鈐將至廬州築壘州城之北以居漢南道劉萼取通化軍蔣州信陽軍徒單貞敗宋將王權于盱眙進取揚州前鋒軍至段寨宋戍兵皆逃去敗之于蔚子橋又敗之于巢縣斬二百級權兵千餘夜中來襲射却之與宋人夜焚其積聚逃去詰旦追之宋人逆戰猛安韓棠軍却遂失利溫都與刺奔北武捷軍副總管阿散率猛安謀克力戰却之權退保南岸癸亥上次和州百官奉表起居阿散等進階賞賚有差徒單合嘉駐散關宋人攻克秦州鳳家城并德順州蘇保衡與敵私通象

卷一百十五
金主之四

戰于海道敗績上遣獲術謀良虎特爾補往東京害世宗行至遼東卽位詔至撤八執而殺之十一月庚午左司郎中兀不喝等聞赦入白改元事上拊髀歎曰我本欲滅宋後取一戎衣天下大定語改元大定豈非天命乎因出其書以示亟命完顏元宜爲浙西道兵馬都統制刑部尚書郭安國副之上臨江築壇刑黑白馬祭天被金甲登臺投竿豕江中遣武平總管阿隣武捷總管阿撒率兵先渡江上置黃紅二旗於岸上以號令紅旗立則進黃旗仆則止兩舟進逼南岸水淺不得進與宋兵相對射良久矢盡皆爲所獲上遂還和州將趨揚州過烏江觀項羽廟嘆曰如此英雄不得天下誠可惜也甲午會舟師于瓜洲期以明日渡江乙未元宜等軍反帝遇弑年四十四在位十三年大定二年降封爲海陵郡王諡曰煬遷其柩於寧德宮葬大房山

鹿門谷諸王北域中二十年有司奏晉趙王倫廢帝自立惠帝反正廢爲庶人今煬王罪惡尤過於倫不當仍封爲王近城坐葬詔乃降爲庶人遷之西南四十里

弘簡錄卷二百十五 終

弘簡錄

卷一百十五

五

金主之四

弘簡錄卷二百十六

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金主之五

世宗皇帝本諱烏祿改諱雍太祖孫父宗輔母李氏以天輔七年癸卯三月一日生于上京既長體貌奇偉美鬚長過其腹胸間有七子如北斗形性仁孝沉靜明達善騎射國人推為第一每出獵者老皆隨而觀之皇統間授光祿大夫封葛王為兵部尚書天德初判會寧牧并大宗正事改中興燕京留守又輔濟南尹貞元初留守西京三年改東京進封趙王正隆二年例降鄭國公進衛公三年再任留守徙曹國公嘗夜有大星流入留守第中六年五月居母喪哀毀過禮一日方寢有紅光照室

弘簡錄

卷二百十六

金主之五

及黃龍見居寢上是歲東梁水漲溢高與城等人皆惶駭親出登城舉酒酌之木即退時契丹撤八反擁謀克括里攻陷韓州據咸平府將犯東京八月起復東京留守會遣婆速路總管完顏謀衍將兵四百討賊王括城中得子弟數百咸願為兵益造兵仗飾器甲以易李石主留務大謀發兵賊至密州覘者傳言兵十萬且至賊懼遁去還至清河遇故吏六斤南來具言海陵殺母及兄子植奴阿里白樞密使僕散忽土等且言遣人來害宗室兄弟間之大懼其副留守高存福女在海陵後宮嘗使伺王起居密遣人白海陵造兵甲事李石勸宜早圖遂與推官李彥隆託為擊毬即于座上執存福是月復有雲來自西黃龍見雲中十月辛丑逃回萬戶完顏福壽高忠建盧萬家奴等率所領兵二萬來附謀衍亦自長安率兵五千即以臣禮上謁乙巳

諸軍入城共擊殺存福等丙午慶雲見官屬諸軍勸進固讓良久始從同諸人告太祖廟還御宣政殿即皇帝位丁未大赦改是歲為大定元年給復天下三年正隆軍興進錢粟者量授以官由是民出財物佐官用者甚衆已酉饗將士賜官賞各有差自今官吏闕員必不可已者量用新人丁巳出內府金銀器物贍軍吏癸亥詔諭南京張浩甲子與平軍節度使張玄素上謁乙丑遣移刺札八招契丹諸部為亂者十一月已卯調民間馬充軍用事畢還主死者給價時將幸中都詔都轉運使左淵凡殿位張設悉依舊制毋得擅增并役一夫以擾百姓但謹園禁嚴出入而已壬午命右司員外郎完顏兀古出詔諭高麗癸未遣權元師左都監吾札忽右都監神土懣廣寧尹僕散渾坦討契丹諸部甲申追尊皇考曰簡肅皇帝皇妣蒲察氏曰欽慈皇

弘簡錄

卷二百十六

金主之五

后李氏曰貞懿皇后羣臣上尊號曰仁明聖孝皇帝乙酉追復東昏王帝號詔中外封子實魯刺許王胡土瓦楚王戊子辭謁祖廟及貞懿皇后園陵乙丑如中都次小口使留守宗憲先往壬辰次梁魚務前受命討契丹白彥敬與志寧來上所統軍數丙申次義州丁酉宋人破陝州防禦使折可直降同知防禦事李柔立死之十二月乙卯次三河縣完顏敬英來朝詔令規措南邊及陝西等路事丙辰次通州延安尹唐括德溫來朝丁巳至中都戊午謁太祖廟己未御貞元殿受羣臣朝庚申以元師左監軍高忠建等為報諭宋國使壬戌詔復扈從軍士三年丙寅同知河間尹高昌福上書上覽之再三詔內外大小職官各陳便宜 二年正月戊辰朔日食詔減御膳及宮中食物之半語宰相曰汝職進賢退不肖有才能高於己者或懼其分權往

往不肯引置同列朕甚不取卿等毋以此為心辛未御大和殿宴百官宗戚命婦賜賚有差壬申勅御史臺檢察六部文移有稽滯不當者皆舉劾之甲戌除迎賽神佛禁令乙亥如大房山丙子獻享山陵禮畢有司夙備將出獵左丞相晏等諫曰邊事未寧不宜游幸遂還宮明日諭以朕常慕古之帝王虛心受諫卿等有懷即言毋緘默以自便辛巳賜扈從萬戶銀百兩猛安五十兩謀克絹十疋甲士絹五匹錢六貫下至阿里喜有差詔中外遣左副點檢蒲察阿罕等賞賚河南將士詔前工部尙書蘇保衡太子少保高思廉振賜山東百姓粟帛無妻者具姓名以聞庚寅行納粟補官法壬辰上諭宰執朕即位未半年可行之事甚多近日全無敷奏朕深居九重正賴卿等贊襄各思所長以聞朕豈有倦怠甲午又言卿等當察民間利害及時事弘簡錄 卷一百一十六 五十五 金主之五

殿火三月乙巳免南京正隆丁夫貨役錢辛亥以廉平誠論中外官吏癸亥詔河南陝西山東良民被鹵為賊者赦正之四月己巳建帝生日為萬春節乙亥夏國遣使來賀并賀即位及進方物辛巳宴之于貞元殿上察其儀從座廡下者食不精膳怒日何以服遠人之心杖掌食官各六十癸未夏使朝辭乞互市從之壬辰詔北征將士應契丹與大軍未戰而降者不得殺傷仍安撫之後招誘來降者除奴婢准已鹵為定外親屬各還其家仍官為換贖五月戊戌遣高忠建會北征將帥以討契丹壬寅立楚王允迪為皇太子六月庚午命僕散忠義經略契丹詔出內府金銀十萬兩以給軍用戊寅詔守禦居庸關古北口石門關罷其征稅惟譏察契丹姦細捕獲者加官賞庚辰宋與高麗遣使賀即位壬午忠義與窩斡戰于花道大敗之戊子紇石烈良弼完顏思敬將所部軍同討窩斡七月甲寅詔論契丹八月丁卯永興縣進嘉禾癸酉上語宰臣問者百姓陳言猶有所補卿等位居機要略無獻替徒以聽斷獄訟簿書期會何人不能唐虞之聖猶務舍己從人兼覽博照乃能成治正隆專任獨見故取敗亡朕早夜孜孜冀聞謫論卿等宜體朕意凡百司宜吏上書言事為有司所抑者許進表以聞朕將親覽以觀人材優劣丁丑免齊國妃韓王亨樞密忽土留守嶺等家親屬在宮籍者乙酉詔左諫議大夫石琚監察御史馮仲尹廉察河北東路仍詔御史臺卿等所劾惟諸局行移稽滯及緩於赴局者此特細事自三公以下官僚善惡邪正略不審察朕將治卿等罪矣九月甲午朔完顏謀衍擒奚猛安合住乙未詔紇石烈良弼以便宜招撫奚契丹之叛者庚子完顏思敬獲契丹窩斡餘衆

悉平思敬獻俘京師甲辰皇太子幸百官上表賀乙巳頒詔天下庚戌改葬睿宗皇帝辛酉奉遷梓宮于磐寧宮十月戊辰如山陵謁梓宮哭盡哀癸酉還宮丙子忠義等還軍上謁戊子葬景陵大赦十一月癸巳朔詔僕散忠義等伐宋丁酉第職官廉能汚濫不職各為三等而黜陟之十二月乙酉遣邢部侍郎劉仲淵等廉察宣諭東京北京等路太子少詹事楊伯雄等廉問山西等路官吏能否 三年正月壬子遣客省使烏居仁賞勞河南軍士二月庚午上語宰相澤州饑民流散逐食甚可矜恤移於山西富民贖濟仍于道路計口給食丙戌趙景元等以亂言伏誅討平東京僧法通妖術亂眾者三月丙申中都以南八路蝗詔尚書省遣官捕之壬寅詔戶部侍郎魏子平等九人分詣諸路猛安謀克勸農及廉問官吏甲辰詔臨潢漢民逐食於私簡錄 卷二百十六 五 金主之五

會寧府濟信等州庚戌免去年租稅四月丁丑詔吏犯賊罪會赦不叙乙酉賑山西路猛安謀克貧民給六十日糧是月取商鞬環州復宋所侵一十六州五月乙未重五幸廣樂園射柳皇太子親王百官皆從射勝者賜物有差還御常武殿賜宴擊毬歲以為常丙申宋人破靈壁虹縣癸卯河南路都統奚撻不也叛入于宋毋幹里懶絲坐當死上憫其老特詔原之丙午宋人攻破宿州辛亥更定出征軍逃亡法癸丑詔諭契丹餘黨四方肅定民意稍蘇如能自新並釋其罪若執蒲連越父子來者仍官賞之甲寅紇石烈志寧復取宿州河南副統李木魯定方死于陣乙卯中都蝗詔參政完顏守道按問大興府捕蝗官六月丙子詔正隆末濟州路逃回軍士為中都官軍所邀殺者官為收葬已卯觀稼于近郊八月庚午詔祖宗時有勞効未曾遷賞

者五品以上奏開六品以下及無職事者尚書省約量升除戊寅詔罷契丹猛安謀克以其戶隸女直乙酉如大房山丁亥薦享于睿陵戊子還宮九月丁酉秋獵丙午詔翰林待制劉仲誨等廉問車駕所經州縣乙卯還宮十月甲子太享于太廟癸酉冬獵十一月壬辰還都戊申詔饋獻權要求仕者各追一官降除受者具狀奏裁庚戌詔中都平州及饑荒地并經契丹剽掠有質賣妻子者官為收贖流民未復業增限招誘癸丑罷貢金線段死十二月丁丑臘獵于近郊以所獲鴈山陵歲以為常四年正月戊子罷諸路府州元日及萬春節貢獻丁酉如安州春水遇大雪詔扈從各舍民家人日支錢一百與其主時獲頭鵝使薦山陵歲以為常甲辰宋遣密議官胡昉致書來議和好其言失信元帥府拘昉軍中以原書進上覽之曰宋之失信行私簡錄 卷二百十六 六 金主之五

人何罪當即遣還邊事從宜措置二月丁巳免安州今年賦役及保塞縣御城邊吳二村凡扈從人嘗止其家亦復一年辛酉獵于高陽之北庚午還都庚辰北京粟價踴貴詔免歲課并段匹一年三月庚子京師地震四月甲戌出宮女二十一人五月旱癸卯勅有司審冤獄禁宮中音樂放毬場役夫乙巳詔禮部尚書王競禱雨于北岳己酉命石琚等北郊祭壬子雨是月尚幹餘黨蒲連越伏誅六月壬戌紇石烈良弼等還軍以為平章政事甲子雨足命有司祭謝嶽鎮海濱于北郊己巳幸東宮觀皇太子疾庚午初定祭五嶽四瀆禮辛未觀稼于近郊庚辰征南帥府請益伐宋軍萬五千詔以騎三千步四千赴之并陝西議入蜀利害以聞辛丑大風雷雨拔木八月壬申上復論宰臣卿每奏皆常事凡治國安民及朝政不便於民者咸未嘗及

如此則宰相之任誰不能之已卯如大房山辛巳致祭山陵九月癸未朔還都乙酉上諭宰臣勢力之家親讞訟情囑官吏往往屈法徇情宜一切禁止已丑又言北京懿州臨瀛等路嘗經契丹寇掠平薊二州近復蝗旱百姓艱食父母兄弟不能相保多冒鬻為奴朕甚聞之可速遣使閱實其數出內庫物贖之乙未幸鷹房怒主者以鷹隼置內省堂上痛責其人俾置他所十月癸亥朔獵于密雲縣丙寅還都已卯命泰寧軍節度使張弘信等二十四人分路通檢諸路物力十一月辛卯冬獵戊戌次河間府辛丑尚書省火甲辰次清州閏月壬子朔還都十二月丁亥尚書省奏都統高景山取商州已丑臘獵于近郊是歲天有年斷死罪十有七人五年正月乙卯詔泰州臨瀛接壤設邊堡七十駐兵萬三千已未宋通問使魏杞等以國書來稱弘簡錄 卷二百十六 七 金主之五

路通檢地土等第稅法癸酉大霧晝晦十二月己丑獵于近郊宋夏高麗各遣使來賀尊號六年正月庚午勅有司宮中張設毋以塗金為飾三月甲寅上如西京庚申次歸化州留守唐括德溫上謁戊辰入城庚午朝謁祖廟壬申擊毬百姓縱觀四月甲戌朔詔月朔禁屠幸五月戊申幸華嚴寺觀故違諸帝銅像詔主僧謹視之壬子詔給復雲中大同縣及警巡院一年壬戌將幸銀山賜扈從軍士錢五萬貫有改損苗稼者金償之六月丙戌發自西京庚子獵于銀山七月辛酉次三义口八月辛未朔次涼陘庚辰獵于望雲之南山九月辛丑朔還京十月甲申朝享于太廟詔免雄莫等州今年田租丁酉如安肅州冬獵十一月丙午還都癸丑以右副都點檢烏古論元忠為賀宋正旦使上語宰臣朝官當慎選其人庶可激勵其餘若不當則啓弘簡錄 卷二百十六 八 金主之五

辨人才優劣惟徇已欲多所升擢朕即位以來以此為戒止取
實才用之近聞蠡州同知移刺延壽在官汚濫詢其出身乃正
隆時薦房子自今如此局分不得授以臨民職任十一月乙丑
朔上語宰臣近來縣令多非其人其令吏部察其善惡明加黜
陟丁丑歲星晝見十二月戊戌東京留守徒單合喜北京留守
完顏謀衍肇州防禦使蒲察通俱朝辭上諭之曰卿等雖有才
然用心多詐朕左右須忠實人故特命補外賜卿金帶者答其
服勞之久也又顧謂左宣徽使敬嗣暉曰如卿不可謂無才所
欠者純實耳是歲斷死囚二十人 八年正月乙丑上語宰臣
朕治天下方與卿等共之事有不可各當面陳以輔朕之不逮
慎毋阿順取容卿等致位公相正行道揚名之時苟或偷安自
便雖為今日之幸後世以為何如羣臣皆稱萬歲幸未又語秘
弘簡錄 卷二百十六 九 金主之五

書監移刺子敬等口昔唐虞之時未有華飾漢文帝務為純儉
朕於宮室惟恐過度已詔戶工二部自今宮中之飾勿用黃金
其或典修即損宮人歲費以充之近亦不復營建矣如宴飲之
事惟木子生日及歲旦上元中秋飲之亦未嘗至醉尤不信佛
法嘗笑梁武帝避道宗以民戶賜寺僧加以三公之官其惑甚
矣庚辰行皇太子冊禮二月甲午朔制子為改嫁母服三年又
諭敬嗣暉曰凡為人臣若上欲要君之恩下欲于民之譽必虧
忠節卿宜戒之四月丙午詔口馬者軍旅所用牛者農耕之資
殺牛有禁馬亦何殊其令禁之五月甲子北望旋大震風雨雹
廣十里長六十里乙丑上如涼陘丁卯歲星晝見庚寅改旺國
崖日靜寧山曷里濟東川日金蓮川六月河決李固渡木入曹
州七月甲子制盜羣牧馬者死者給錢三百貫戊辰上語平

章政事思敬等曰朕思得賢士寤寐不忘自今朝臣出外即令
體訪外任職官廉能及草萊之士可以助治者具姓名以聞甲
戌秋獵已卯次三义口上諭點檢司沿路禾稼甚佳其扈從人
少有蹂踐則當汝罪八月乙卯還京九月庚午幸東宮癸酉上
諭宰臣卿等舉用人材凡已所知識必使他人舉奏朕甚不喜
如其果賢何必以親疎為避忌也辛巳上語李石口臺憲因在
分別邪正然內外百司豈謂無人惟見卿等劾人之罪不聞舉
善自今宜令監察御史分路刺舉善惡以聞十月己丑朔詔中
外戒諭官吏貪墨乙未命涿州刺史兼提點山陵自明年正月
為始每朔望致祭朔則用素望則用肉丁酉命圖畫功臣於太
祖廟其未立碑者立之辛亥詔罷復州歲貢鹿筋十一月乙丑
幸東宮十二月戊子朔遣武定軍節度使移刺按等招諭阻鞮
弘簡錄 卷二百十六 十 金主之五

九年正月辛酉上與敬嗣暉移刺子敬論古今事因口亡遼
日培食羊三百亦豈能盡用徒傷生耳朕雖處至尊每當食常
思貧民饑餒猶在已也彼身為惡而口祈福何益之有如海陵
以張仲軻為諫議何以得聞忠言朕與大臣論議一事非正不
言卿等當思人臣之道必以正對庚午詔諸州縣和羅毋得抑
配百姓戊寅契丹外失刺等謀叛伏誅丙戌制漢人渤海兄弟
之妻服闋歸宗以禮續婚者聽二月庚子以中都等路水詔免
稅曹單二州尤甚給復一年甲寅詔女直與諸色人公事相關
只就女直理問三月丁卯尚書省定網捕禽獸法至徒上以重
物輕民非朕之意自今有犯可杖而釋之詔中丞移刺道廉問
山東河南辛未禁民間銷金改作明金等辛巳大名路諸猛安
民戶艱食遣使發粟減價出之四月己丑詔宰臣宜諭百官朕

觀在位之臣初入仕時競求聲譽以取爵位既至顯達即徇默苟容爲自安計宜知朕意甚所不取癸巳遣翰林脩撰蒲察元虎監察御史完顏惕沙分詣河北西路大名河南山東等路勸猛安謀克務農五月戊辰尚書省奏興造越附二王府應發役夫上口朕見宮中竹有枯瘁者欲令更植恐勞人而止二王府各有引從人力又奴婢甚多何得更役百姓爾等但以例爲請海陵橫役無度可盡爲例耶自今在都浮役久爲例者仍舊餘並官給備直重者奏聞六月庚寅冀州張和等反伏誅戊戌以久旱命宮中母用扇庚子雨七月乙卯朔罷東北路採珠壬申觀稼于近郊八月甲申朔有司奏日食以雨不見伐鼓用幣如常禮九月罷皇太子月料歲給錢五萬貫上語臺臣比問朝官內有擬中官物以規貨利者汝何不言皆對曰不知上曰朕尚弘簡錄 卷二百十六 十一 拾註之五

上謂彼劫於權臣耳詔不許并却其貢物七月壬午秋獵放圍場役夫扈從糧食竝從官給敢有縱畜牧蹂踐禾稼者杖之仍償其直八月己未薨京十月甲寅如霸州冬獵乙丑上語大臣比因巡獵聞固安縣令高昌裔不職已令罷之霸州司候成奉先共職謹恪可進一階除固安令辛未上語宰臣朕凡論事有未能深究其利害者卿等宜悉心論列無爲面從而退有後言十一月辛巳制盜太廟物者與盜宮中物論同甲申上幸東宮癸巳夏國誅任得敬遣使來謝詔慰諭之十二月丙寅上語宰臣比體中不佳有妨朝事今觀所奏事皆依條格殊無一利國之事若一朝行一事歲計有餘則其利博矣朕居深宮豈能悉知外事卿等尤當注意 十一年正月壬午詔職官年七十以上致仕者不拘官品並給俸祿之半丙申命賑南京屯田猛安被水災者戊戌尚書省奏汾陽軍節度副使牛信昌生日受饋獻法當奪官上曰朝廷行事苟不自正何以正天下在京宰執樞密生日節辰饋獻不少此而不問小官饋獻即加按劾豈正天下之道自今悉宜罷去又詔宰臣往歲清暑山西近路禾稼甚廣殆無畜牧之地因移於五里外今聞民皆去之他所甚可矜憫其令依舊耕種事有類此卿等宜即告朕無忽四月丁未歸德府民賊安兒謀反伏誅大理卿李昌圖廉問真定尹徒單貞成平尹石抹阿受賊不法不即黜罷杖之癸亥高麗國王弟昭廢主現自立詐稱讓國遣使以表來上五月辛卯詔遣吏部侍郎靖使高麗問故六月己酉詔朕居深宮勞民之事豈能盡知諸路常貢數內同州沙苑羊非悉用徒勞民爾罷之自今似此當具以聞戊午觀稼于近郊八月癸卯朔詔朝臣朕嘗諭汝

等國家利便治體遺闕皆可直言外路官民亦嘗言事汝等終無一語凡政事所行豈能皆當自今直言得失毋有所隱乙巳上語宰臣隨朝之官自謂歷一考則當得某職兩考則當得某職第務因循碌碌而已賞罰不明豈能勸勉自今外路官與內除者察其公勤則升用之但苟簡於事不須任滿便以本品出之庚戌又詔應因窩幹被掠女直及諸色人未經刷放者官為贖放隱匿者以違制論其年勿不能稱說住貫者從便住坐又語宰臣五品以下副員甚多朕不能知難於得人三品以上朕則知之卿等曾無一言見舉者欲畫久安之計與百姓之利而無良輔佐所行皆尋常事耳雖日日視朝何益之有卿等宜勉思之九月癸未獵於橫山庚寅還都十月甲寅上語宰臣朕已行之事卿等以為成命不可復更但承順而已一無執奏且卿弘簡錄 卷二百十六 金主之五

等凡奏何嘗不從自今朕旨雖出宜審而行有未便者即奏改之或有在下位言尚書省所行未便亦當就改毋拒而不從丙寅紇石烈良弼等進睿宗實錄十一月戊寅幸東宮上語皇太子曰吾兒在儲貳之位朕為汝措天下無復有經營之事汝惟無忘祖宗純厚之風以勤脩道德為孝明信賞罰為治而已若如遼海濱王嫉國人愛其子而殺之此何理也子為眾愛愈為美事所為若此安有不亡若太宗有道之君伐高麗不終命高宗繼之如此之事朕不汝遺又命以事出李勣我死投以僕射彼必能致死力于汝夫人臣受恩於父安有忘報於子朕御臣下惟以誠實耳羣臣皆稱萬歲丙戌朝享于太廟丁亥有事于圓丘大赦癸巳羣臣奉上尊號曰應天興祚欽文廣武仁德聖孝皇帝十二月癸卯冬獵乙卯還宮 十二年正月戊寅裕有

司凡陳言文字皆國政利害自今言有可行以其本封送祕書監當行者錄副付所司丙申以水旱免中都西京南京河北河東山西陝西去年租稅二月壬寅上名諸王府長史論之曰朕選汝等正欲勸導諸王使之為善如諸王所為有所未善當力陳之尚或不從則具某日行某事以奏若阿意不言朕惟汝罪丙午尚書省奏暗察明訪清強官城陽軍同知山和尙等皆著政聲速議陞除進官旌賞庚戌如順州春水癸丑還都丙辰詔自今官長不法其僚佐不能糾正又不言上者金坐之三月乙亥詔尚書省賊汗之官已被廉問若仍舊職必復害民其遣使諸道即日罷之丁丑詔遣宿直將軍烏古論思列冊封王皓為高麗國王庚寅雨土癸巳回紇遣使來貢丁酉北京曹貴等謀反伏誅四川旱命禱祠山川丁巳西北路納合七斤等謀反伏誅癸亥詔宰臣諸府少尹多闕員當選進士雖資叙未至而有政聲者擢用之丁卯阻糶來貢五月癸酉如百花川甲戌命賑山東東路劄刺溫猛安民饑丁丑次阻居久旱而雨戊寅觀稼戒扈從蹂踐民田禁百官及承應人不得服純黃油衣癸未論宰臣朕每次舍凡秣馬之具皆假於民間多亡失不還其主此彈壓官不職可擇人代之所過即令詢問但有亡失並與償直乙酉詔給西北路人戶牛六月甲寅如金蓮川九月丙子還京丁亥太白晝見在日前鄜州李方等謀反伏誅十月高麗國王王皓遣使謝封冊十一月丙子上深責曹國公主家奴犯事宛平令劉彥炳杖之主乃折辱令此可見臺臣徇勢畏忌命各奪俸一月丁丑因御史大夫璋奏太祖武元皇帝受天明命太宗皇帝奄定宋土自古帝王之興必稱受命當製大金受命之寶

以明示萬世上曰卿言正合朕意乃遣使夏國市玉壬午同州民屈立等謀反伏誅戊子諭宰臣令語記注官凡朕之言動及與卿等所議皆當與其於善惡無或有隱故此紀錄詳悉十二月丁酉詔遣官分路選年二十以上四十以下有門地才行及善射者充護衛不得過百人戊戌冀州王璉等謀反伏誅辛丑出宮女二十餘人辛亥禁鑄錢官以宴飲廢公務壬子詔金銀坑冶聽民開採毋得收稅癸丑獵于近郊己未詔自今除名人子孫有在任者並取奏裁 十三年正月癸酉尚書省奏南客車俊等因權場貿易誤犯邊界罪當死上曰日本非故意徐令放還恐彼國復治其罪毋令知之甲戌詔有司嚴禁州縣坊里為民害者聞月辛酉洛陽縣賊聚眾攻盧氏縣殺縣令李庭才亡入于宋三月乙卯上語宰臣會寧乃國家典王之地自海

弘簡錄

卷二百十六

五

金主之五

陵遷都永安寢忘舊風朕時嘗見女直風俗迄今不忘今之燕飲音樂皆習漢風蓋以備禮本非朕心所好東宮不知女直風俗第以朕故猶尚存之恐異時一變此風非長久之計甚欲一至會寧使子孫得見舊俗庶幾習效之乙亥上御睿思殿命歌女直詞顧謂皇太子及諸王曰朕思先朝所行之事未嘗暫忘故時聽此詞亦欲令汝輩知之漢人風俗不如女直純實至於文字語言或不通曉是忘本也自今當體朕意至於子孫亦當遵朕教誡五月戊戌禁女直人毋得譯為漢姓又命應衛士有不閑女直語者並勒習學仍自後不得漢語甲辰尚書省奏鄂州民范三毆殺人當死而親老無侍上曰在醜不爭謂之孝孝然後能養親若以一朝之忿忘其身寧能事親乎可論如法其親官與養濟七月庚子復以會寧府為上京庚戌罷歲課雉尾

八月丁卯詔賜諸猛安謀克廉能三等官賞丁亥秋獵九月辛亥還都壬子大名府僧李智究等謀反伏誅十月乙丑歲星晝見十一月壬子吏部尚書梁肅請禁奴婢服羅綺上曰行之當有漸始朕宮中服御常自節約舊服明金者已減大半近聞民間風俗比正隆時稍覺淳儉卿等當更務從儉素使民知所效也 十四年二月丙寅命刑部尚書梁肅等為宋詳問使戊寅詔免去年被水旱百姓租稅三月甲午上語大臣海陵純尚吏事當時宰執止以乘贖為功卿等當思經濟之術不可枉于故常也又徧諭猛克之民今後不許殺生祈祭凡宴會必遇節辰及祭天畢方許自二月一日至八月終恐妨農功並禁飲燕亦不許赴會他所雖閒月有犯痛飲者抵罪四月乙丑上諭宰臣祈福建寺雖已條禁尚多犯者宜申約束無令徒費財用戊辰

弘簡錄

卷二百十六

五

金主之五

有事于太廟以皇太子攝行事五月丙戌朔詳問使梁肅等還甲午如金蓮川八月丁巳次虬里舌日中白龍見御帳東小港中須臾乘雲雷而去癸亥獵于彌離補九月丁亥還都癸卯上退朝詔侍臣曰朕自潛邸踐阼以至于今於親屬舊知未嘗輒有所徇近御史臺奏樞密使永中嘗致書河南統軍使完顏仲託以賣馬朕知而不問自意欺此一事夙夜思之甚如有疾已酉宋遣使報聘十月乙卯朔詔圖畫功臣衍慶宮聖武殿之左右廡有司奏惟五人有諡餘十五人令考檢功狀擬定諡號以進從之十一月戊戌召尚食局使諭之曰大官之食皆民脂膏日者品味太多不可徧舉徒為虛費自今止進可口者數品而已 十五年七月丙午粘拔思與所部康里孛古等內附九月戊子至自金蓮川辛卯高麗西京留守趙位寵叛其君請舉趙

悲憤以西鴨綠江以東四十餘城內附不納丙申幸新宮閏月
 巳酉朔定應禁弓箭槍刀許路分品官家奴客旅等帶弓箭辛
 亥上詣左丞相良弼曰今之在官者須職位稱愜所望然後始
 加勉力其或稍不如意則止以度日為務此豈忠臣之道丁巳
 又言在昔海陵時丞相秉德等皆有能名然為政不務遠圖止
 以苛刻為事一月之間杖殺二十餘人罪皆不至於死海陵為
 人如虎此輩尚欲以術數要之以至賣直取死得為能乎辛酉
 高麗國王奏告趙位寵伏誅并謝不納詔慰答之壬戌詔親王
 百官僚人所服紅紫改為黑紫甲戌詔年老之人毋注縣今年
 老而任從政其佐亦擇壯者參用十月乙未冬獵丁未還都十
 一月乙卯上幸東宮初唐古部族節度使移刺毛得之子殺其
 妻而逃上命捕之皇姑梁國公主請赦宥上語宰臣公主婦人
 私簡錄 卷二百十六 七 金主之五
 不識典法罪尚可恕毛得請託至此豈可貸宥不許 十六年
 正月甲寅詔免去歲被水旱路分租稅甲子詔宗屬未附玉牒
 者並與編次丙寅上與親王宰執從官從容論古今興廢事曰
 經籍之興其來久矣垂教後世無不盡善今之學者多能誦之
 而不能行者多矣苟不能行誦之何益女直舊風雖不知書然
 其祭天地敬親戚尊者老接賓客信朋友禮意欵曲皆出自然
 與古書所載無異汝輩當習學之不可忘其舊風戊辰宮中火
 庚午上按鷹高橋見道側醉人墮驢而臥命左右扶而乘之送
 至其家辛未皇始邀上至私第諸妃皆從宴飲甚歡公主每進
 酒上立飲之三月丙午朔日食改賀萬春節用明日戊申臨潢
 兩豆戊午上御廣仁殿皇太子親王皆侍膳上從容訓之日大
 凡資用當務節省如其有餘可周親戚勿為妄費因舉所御服

此已三年未嘗更換尚爾完好汝等宜識之壬申復置吾都梳
 部禿里許其部長體土胡魯雅里密斯入獻四月丙戌詔京府
 設學養士及定宗室宰相子程試等第戊子制商賈舟車不得
 用馬壬寅如金蓮川五月戊申南京宮殿火留守轉運司皆抵
 罪庚申早遣使禱雨靜寧山神有頃而雨六月山東兩路蝗七
 月壬子夏津縣令移刺山住坐賊伏誅八月辛巳次霹靂濼九
 月乙巳還宮巳酉諭左丞相良弼曰西邊自來不備儲蓄其令
 所在和羅以為緩急之備癸丑又諭之日海陵非理殺戮臣下
 甚可哀憫其字論出等遺骸令逐處訪求官為收葬十月丙申
 詔諭宰執諸王小字未嘗更以女直語鄉等擇名以上十一月
 壬寅朔尚書省奏河北東路胡刺溫猛安所轄李术魯舍所
 謀克讓其兄子蒲刺列上賢而從之仍議加恩賞十二月壬申
 弘簡錄 卷二百十六 八 金主之五
 朔詔諸科出身人四十年方注縣今年歲太遠今後仕及三十
 二年別無職犯追奪使與縣令丙子詔諸流移人老病者官與
 養濟巳卯上諭宰臣朕以萬幾之繁豈無一失凡已經奏斷事
 有未當卿等但言之朕當更改必無吝也庚寅定榷場香茶罪
 賞法 十七年正月丙午有司奏高麗所進玉帶未真當却之
 上曰小國無能辨識誤以為玉若復却之豈禮體耶不聽戊申
 詔於衍慶宮聖武殿西建世祖神御殿東建太宗睿宗神御殿
 巳酉詔西北路招討司契丹民戶其嘗叛者已行措置其不叛
 及放良奴隸可徙烏古里石壘部令及春耕作庚戌詔吏部考
 功郎詳考諸大臣勞績其應賜功臣號者即以聞不許令子孫
 自陳壬子上詣宰臣親親報功先王之令則朕念宗室中其先
 有功於國今年高者往往未有官稱欲稍加以官乃詔行之壬

戊詔游陵時大臣無辜被戮家屬籍沒者並釋為良宋天水郡王被害子孫親屬所寄骨殖官為葬於本處遼豫王親屬木入本塾者亦遷耐之三月辛亥詔免去年河北山東陝西河東西京遼東等十路被旱蝗租稅又詔尚書省賑東京婆速曷速館三路回奏三路之粟不能周給上曰自古帝王皆以蓄積為國家長計朕嘗語卿等遇豐年即廣糴以備凶歉皆言倉庫盈溢至欲賑濟乃云不給朕將積以獨用耶今可於隣道取濟自後預備歲以為常四月戊寅諭宰臣郡縣之官雖以罪解一二歲後亦須再用猛安謀克皆創業勤勞有功之人其世襲之官不宜以小罪奪免雖年未及六十欲令子孫承襲者聽五月尚書省奏皇家袒免以上親燕饗班次並從唐制癸卯幸姚村淀賜七品以下官及宗室子諸局承應人射柳賞罰有差六月己卯

弘簡錄 卷一百一十六 五 金主之五

語宰臣朕年老恐因一時喜怒處置有所不當卿等即當執奏毋為面從成朕之失七月大雨河決上雖退朝留心政事嘗責大臣於國家事未嘗用心一日問尚書省歲賜西北路戌兵羊三萬如何運致宰臣不能對八月己巳觀稼于近郊庚辰上語宰臣今在下僚豈無人材但在上者忌或勝已不為汲引至於阿僚所見事雖當理亦以為非已意從之則人謂政非已出如此者多朕甚惡之近觀大理寺所斷雖制有正條理不能行者別具情見朕惟取其所長夫為人之理他人之善者從之則可謂善矣丙戌上語中丞紇石烈邁御史之職在於體察糾問吏治能否務去其擾民且冀得賢今如所差東北路監察輒受訟牒聽其妄告使為政者如何則可大不稱職命杖之五十九月戊申秋獵甲子還都十月己巳夏國進百頭帳詔却之境上後

因邊臣懇求進入乃許之癸酉詔以羊十萬付烏古里石墨蓄牧收其滋息以予貧民辛巳上語宰臣昔狄仁傑起自下僚力扶唐祚使既危而安延數百年之永雖以其賢若非婁師德何以自薦今在位乃不問薦賢何也癸未又言古之諫者不惟有補於國亦以顯名終身今觀上封章者殊無大利害不遇為利而已昔海陵南伐祁辛以一醫士極諫至戮於市此本朝以來一人而已惟有監察御史田忠孺所言不私今當升擢以勵其餘十二月戊辰禁渤海舊俗婚娶多不以禮必先獲竊自今犯者以姦論壬申上語宰執朕觀宗室中鮮有及朕之壽者今年五十有五若踰六十必倦於政事恐不能有所為宜及朕之康強凡女直猛安謀克及國家政事未完法令未一者宜皆脩舉凡所施行朕不為息 十八年正月壬戌如春水二月丙寅朔

弘簡錄 卷一百一十六 五 金主之五

次管壯丙子次華港己丑還宮三月丁未上語宰執縣令之職最為親民當得賢材用之朕巡幸所至必令體訪官吏臧否比見石城玉田兩縣令皆年老苟祿而已惟玉田主簿石抹查乃能吏可授本縣令與石瑯所奏良鄉令焦旭慶都令李伯達皆擢用之己酉獻州人殷小二等謀反伏誅五月丙午如金蓮川閏六月辛丑命賑西南西北兩路招討司民及烏古里石墨部轉戶饑七月丙子上語宰臣職官始犯賊罪容有過誤至于再犯是無改過之心自今不論多寡並除名八月乙巳還京十月庚寅朔陝州防禦使石抹斡家奴賊罪除名十一月丙子尚書省奏崇信縣令石安節買車材於部民三日不償其直當削官一階解職上因言朝廷之政太寬則人不知懼太猛則小玷亦將不免今後但當取其貪污與清白之尤者數人黜陟之則人自

知懲勸矣戊寅上賁宰臣趙承元前為曹王府文學與王邸婢
姦杖除名何故再任官爵擬注雖由卿輩予奪之權當出干朕
今以一曹王言其才能幹敏遠爾從之假皇太子有所論則其
從可知矣今後卿等慎勿公受請屬十二月壬子羣臣奉上大
金受命萬世之寶奏告天地宗廟社稷上御正殿受之 十九
年正月丁卯如春水二月巳酉還宮乙卯免去年被水旱民田
租稅賑西南路招討司所部民三月乙丑尚書省奏廢課院務
官顏葵等六十八人各削一階上以權治乃遺法弊則當更悉
赦之已巳上因觀史前多溢美起居注移刺傑因奏近時上每
屏人議事雖史官亦不預問虛實何由而知上曰朕與宰相改
之辛未又言自古姦邪之臣欲有規求往往私其黨與不肯明
言先託以他事陽不與而陰力為之其遇國家建儲恐其聰明
弘簡錄 卷一百十六 主 金主之五

不利於已往往風以陰事破壞其議惟擇昏懦者立之冀他日
可弄權為利如晉武欲立其弟而姦臣沮之竟立惠帝以致喪
亂此明驗也丁丑又語宰臣朕觀前代人臣將諫於君必先與
父母妻子訣示以必死同列目視者亦不顧身又為之諫此盡
忠於國人所難能今後糾彈之官知有犯法而不舉者減犯人
罪一等科之闕親者許回避時上下猶多奉釋老意欲徵福上
蚤年亦頗惑之旋悟其非語宰相曰上天立君使之治民若盤
樂息忽欲以僥倖祈福難矣果能愛養下民上當天心福必報
之五月戊寅幸大寧宮七月癸酉密州民許通等謀反伏誅庚
辰還宮八月戊戌以宋大觀錢當五用丙午濟南民劉溪忠謀
反伏誅九月癸亥秋獵癸未還都十月辛卯西南路招討使哲
典以賊罪伏誅辛亥制知情服內成親者雖自首仍依律坐之

十一月壬戌改葬昭德皇后大赦壬申上如河間東獵癸未還
京 二十年正月戊午定試令史并冒隆罪賞格壬戌命歲以
錢五千貫造隨朝百官節酒及水燭藥炭視品秩給之已巳如
春水丙子幸石城縣行宮丁丑以玉田縣行宮之地偏林為御
林大淀梁為長春淀二月丁未還都三月乙丑以新定猛安謀
克詔免中都西京河北山東河東陝西路去年租稅四月巳亥
大寧宮火乙巳上語宰臣女直官多言朕食用太儉朕謂不然
本以年高不欲屠宰物命夫一食多費豈為美事貴為天子能
自節約亦不惡也其服御常使澣濯至干破碎乃始更易向時
帳幕常用塗金為飾今則不爾但令足用何事紛華自後惟宗
室及外戚并一品命婦衣服始聽用明金庚戌如金蓮川五月
丙寅京師地震生黑白毛七月早八月壬午秋獵九月壬戌還
弘簡錄 卷一百十六 主 金主之五

京丙子蒲速碗羣牧老忽謀叛伏誅詔徙通洛河移馬河兩猛
安於大名東平等路安置十月庚辰朔更定銓注縣令丞簿格
辛巳詔西北路招討司每進馬馳鷹鶴等輒率欵部內自今並
罷之壬午上語宰臣朕知察問細微非人君之體然以卿等殊
不用心如山後官地皆為親王公主權勢之家所占轉租於民
自今凡有日占十頃以上皆籍入官均給貧民戊戌又言凡人
在下位欲冀升進勉為公廉及至通顯觀其施為方見本心如
招討哲典初在定州同知繼為都司未嘗少有私徇所至皆清
白著名及為招討不同守人心險于山川誠難知也壬寅上覽
資治通鑑編次累代廢典甚有鑒戒司馬光川心如此古之良
史無以加也校書郎毛麾老儒朕屢問以事應對該博可除太
常職事以備討論十一月乙亥上諭宰臣郡守選人資考雖未

及廉能者則升之以屬其餘若青年岐國但一言合意便升用之一言之失使責罰之安能知人賢否朕則不然衆所與者用之不以獨見爲是也己亥河決衛州辛丑獵于近郊 二十一年正月壬子夏國請復綏德軍權場仍許就館市易上問山東大名等路民驕縱者侈不事耕稼詔遣閩實計口授地必令自耕地有餘而力不贍者方許招人租佃仍禁農時飲酒二月乙巳元妃李氏喪將致祭典德宮有司請由薊門上恐妨市民生業特從他道仍詔街衢不必毀撤門肆簾箔三月丁未朔幸長春宮聞薊平樂等州民乏食命有司發粟以糶貸其貧不能者有司恐貧民不能償止貸有戶籍者以監察御史石抹元禮鄭遠卿不糾舉各笞四十漁陽令夾谷移里罕司候判官劉居漸各削三官通州刺史郭邦傑奪俸更遣人閱實賑貸乙丑遼弘簡錄 卷二百十六 五 金主之五

州民宋忠恩州民鄭明等各亂言伏誅丁卯上語宰臣近聞宗州節度使阿思邁行事多不法監察未嘗舉劾郡牧副使僕散那也取部人二莠杖至爲細事乃便劾奏難謂稱職自今監察職事脩舉者與遷擢不稱者大則降罰小則決責不去其官二月乙未上語宰臣朕觀自古人君多進用讒諂其間蒙蔽爲害非細若漢明帝尚未免此朕雖不及古之明君惟近習讒言未嘗入耳至於宰臣亦未嘗私議偏用一人四月戊申增築泰州臨潢府等路邊堡及屋宇庚戌親祀衍慶宮奉安昭祖以下三祖三宗御容壬申幸壽安宮七月丙戌還都 二十二年三月丁丑命尚書省申勅西北路招討司勒猛安謀克官督部人習武備甲申諭戶部今放行幸山後所須並不得取之民間雖所用人夫並以官錢和雇違者杖八十罷職癸巳詔前所重脩

制條頒行之四月乙卯行監臨院務官食直法戊午從皇太子請削明肅尊號詔中外甲子如金蓮川六月庚子朔制立放良人奴隸內娶良人爲妻所生男女卽爲良民七月辛巳帝微覺有恙宰臣奏事請退止曰豈以朕之暑爽於和而倦臨朝之大政耶面使終其奏甲午秋獵九月戊寅還京己丑以東京留守同知裔在任專恣失上下之分謫授復州刺史乙未壽州刺史訛里也同知查刺軍事判官孫紹先推場副使韓仲英等以受商路禁物出界皆處死十月辛丑徙河間宗室于平州庚戌給享于太廟十一月甲申玉口縣令移刺查坐贓伏誅戊子冬獵十二月庚子還都癸丑獵于近郊辛酉立強取諸部羊馬法二十三年正月庚午詔有司但獲強盜迹狀旣明賞隨給之勿得更待辛巳廣樂園燈山火壬午如春水詔夾道三十里內弘簡錄 卷二百十六 五 金主之五

被役之民與免今年租稅仍給傭直甲午大邦基伏誅二月乙巳還都庚戌上覽御史臺進所察州縣官罪謂皆細碎事務又止錄其惡而不舉其善尤爲官者所難其併察善惡以聞三月丙子初製宣命之寶金玉各一庚辰潞州涉縣人陳圓亂言伏未乙酉雨土四月癸丑地生白毛壬戌幸壽安宮勅有司爲民禳早是夕雨五月庚午罷縣令不任職大難訛只等十人仍進六十以上者官兩階六十以下官一階並給半俸甲戌命應部除官管以罪罷而再叙者遣使按其治迹如有善狀方許授以縣令若無治狀不以任數多少並不得授丁亥雷雹六月壬子上在宮中苦暑通宵不寐因念小民比屋屛隘何以安處八月乙未觀稼于東郊命發女直字孝經千部付點檢司分賜獲衛親軍癸卯還都乙巳大名府猛安人馬和尚謀叛伏誅九月已

已譯經所進譯過易書論語孟子老子楊子文中子劉子及新唐書命頒行之因語諸王宰執朕所以令譯五經者正欲女直人知仁義道德所在耳辛未秋獵十月癸巳還都庚戌幸東宮賜皇孫吾都補洗兒禮已未慶雲見閏十一月甲午上語宰臣朕常思帝王之政固以寬慈為德惟賞罰不濫即可矣不可如梁武帝專務寬慈以至綱紀大壞汝等宜以為戒戊午歲星晝見已未上語宰臣女直進士可依漢兒進士補省令史夫儒者操行清潔非禮不行以吏出身自幼習其食墨至於為官不能遷改政道與廢實由於此庚申尚書省奏事上顧左司員外郎徐偉斯人純而幹右司郎中郭邦傑直而頗躁十二月癸酉上語宰臣海陵自以不道恐上京宗室起而圖之故不問疎近並徙之南豈不知漢光武宋康王及繼大統乎過慮若此何其謬也乙酉高麗來告母喪 二十四年正月辛卯朔徐州進芝草十有八莖真定進稼禾二本六莖異畝同穎戊戌如長春宮春水二月壬申還都丙戌以東上關門使完顏進兒等為高麗勅祭使西上關門使大仲尹為慰問使虞王府長史永明為起復使三月甲午上將如上京尚書省進皇太子守國諸儀丁酉辭陵壬寅駕輿宰執以下奉辭于通州上語之曰卿輩皆故老宜悉心輔太子守國以副朕意又語樞密徒單克寧曰朕巡省之後脫有事卿必親之母忽細微大難圖也又顧六部官曰朕問省部文字多以小不合而駁之苟求自便致累歲不能結絕朕甚惡之自今可行則行可能則罷毋使在下有滯留之歎四月庚申次廣寧府丙寅次東京丁卯朝謁孝寧宮給復東京百里丙辰秋稅租一年在城隨闕年七十者補一官徒罪以下獨之

乙酉觀漁于混同江五月己丑至上京居于光興宮庚寅朝謁于慶元宮戊戌端午宴郊老宗父子皇武殿語之曰朕思故鄉積有日矣今既至此可極歡飲賜諸王妃主宰執百官命婦各有差宗戚皆需醉起舞竟日乃罷六月辛酉幸按出虎水臨漪亭壬戌閱馬于綠野淀七月己未上語宰臣天子巡狩當舉善罰惡凡士民之孝弟嫺睦者舉而用之其不顧廉耻無行之人則教戒之不悛者加以懲罰丙午獵于勃野淀乙卯又言今時之人有罪不問既過之後不知有罪必責及謂每事尋罪風俗偷薄如此不以文德感之安能復古卿等以德輔佐當使復還古風八月乙亥詔免上京今年市稅九月甲辰歲星晝見十月丁卯獵于近郊十一月甲午詔有司報論宋與高麗夏國上京天寒地遠正旦生日不須遣使丙午尚書省奏徙速頻胡里改弘簡錄 卷二百十六 金主之五 三猛安二十四謀克以賞上京十二月丙辰獵于近郊 二十五年正月乙酉朔受朝丁亥宴妃嬪親王公主文武從官于光德殿宗室宗婦及五品以上命婦與坐者千七百餘人賞賚有差二月癸酉以東平尹烏古論思列怨望殺之丁丑如春水四月己未還宮癸亥幸皇武殿擊毬許士民縱觀甲子詔還速頻胡里改兩路三十謀克為三猛安移置率督畔窟之地以賞上京壬申曲赦會寧府免今年租稅百姓年七十以上者補一官甲戌以會寧府官一人兼太宗正丞以治宗室之政上語羣臣朕樂上京風物每奏慰都輒用威愴祖宗舊邦不忍捨去萬歲之後當置朕於太祖之側卿等無怠朕言丁丑宴宗室宗婦于皇武殿大功親賜官三階小功二階總麻一階年高屬近者加宣武將軍及封宗女賜銀絹各有差曰朕尋常不飲酒今日甚

欲成醉此樂不易得也因各以次起舞上曰吾來數月未有一人歌本曲者吾爲汝等歌之命宗室子弟叙坐殿下者皆坐殿上聽上自歌其詞道王業之艱難及繼述之不易至慨想祖宗成抃賜上壽皆稱萬歲於是諸夫人更歌本曲如私家之會既醉上復續調至一鼓乃罷已卯駕還庚辰宗室成屬奉辭上曰朕久思故鄉甚欲留一二歲京師天下根本不能久于此也太平歲久國無征徭汝等皆奔縱往往貧乏朕甚憐之當務儉約無忘祖先艱難因泣數行下宗室成屬皆感泣而退五月庚寅平章政事襄奉御平山等射懷孕兔上怒杖平山三十名襄誠傍之乃下詔射未祭獸及諸胎孕不許採捕冬月雪尺以上不許用網罟者罪之壬寅次天平山好水川癸卯遣使臨潢秦

弘簡錄

卷二百十六

五

金主之五

州勸農六月甲寅獵近山見川壘不治命答田者庚申皇太子允恭薨七月戊申發好水川九月辛巳朔次轄沙河賜百歲老姬帛甲申次進水名見百二十歲女直老人能道太祖開創時事上嘉歎賜食與帛已酉還京臨奠宣孝皇太子于熙春園十月丙辰上語宰臣護衛年老始出臨民手字尚不諳誓何以治民天子以兆民爲子不能家宋而撫在用人而已知其不能而強授之百姓其謂我何今親軍數多宜稍減損詔定額爲三千宰臣退上語左右惻其年老艱于久立可置小榻廊下使少休息丁丑命學士院諫院秘書監司天臺著作局閣門通進拱衛直武器署等官凡直宮中午前許退十一月丙申夏國遣使問起居十二月甲戌制增留守統軍總管招討都轉運府尹轉運節度使月俸二十六年正月甲辰如長春宮春水二月癸酉

還都上特懇於人才遇大理卿剛用右丞粘割幹特刺言前吏部尚書唐括貢可乃授之因語之曰朕每季求仕人問以疑難令剖決之其才識可取者仍訪察政迹如其言行相副卽加陞用三月己丑尚書省擬除授上又曰卿等在省未嘗薦士止限資級安能得人如齊桓公本中庸主得一管仲遂成霸業古亦有布衣入相者聞宋亦多用山東河南流寓疏遠之人皆不拘於貴近朕夙夜以思難得徧知如必俟全才而後進蓋亦難矣古來宰相幸不過三五年而退罕有三二十年者外官三品以上語幹能固不易亦必有德行最優之人但無故得進耳癸巳香山寺成駕臨幸賜名大永安給田二千畝粟七千株錢二萬貫丁酉以親軍完顏乞奴言制猛安謀克皆先讀女直字經史然後承襲因言但令稍通古今則不肯爲非乞奴一僉人乃能

弘簡錄

卷二百十六

五

金主之五

言此審其有益何憚而不從四月壬子尚書省奏定院務監官虧兌陪納法及橫班格因曰朕想前代之君勿失師保之訓及其卽位多不知稼穡艱難如遼主聞民間乏食謂何不食乾腊其失天下蓋由此朕嘗歷外任稔知下情故常日御膳每從減省嘗有一公主至無餘膳可與當直官目睹而奏朕却以雖日用五十羊亦不難然皆民之脂膏不忍爲也監臨官惟知利己不知其利自何而來其情可惡昔隋煬帝時楊素專權行事乃不慎委任之道也丙子尚書省奏中都路都轉運同知趙職瑞在職應錢穀利害文字多不題署降授石州刺史上曰比有上書言職官犯者不可復用朕謂此言極當如軍期急速權可使用今天下無事復用此輩何以戒將來特命除名六月癸亥尚書省奏速頻胡里改世襲謀克事上曰其人皆身悍昔世祖與

之隣苦戰累年僅能克復其後乍服乍叛至穆康時始服聲教
 近世亦嘗分徙朕欲稍遷其民上京實國家長久之計也上以
 時相多姑息女直人語曰朕意未嘗不知優恤然涉於賊罪雖
 朕子弟亦不能恕必痛繩之八月戊寅河決衛州命戶部侍郎
 王寂都水少監王汝嘉徙衛州胙城縣丁亥尚書省奏遣吏部
 侍郎李晏等二十六人分路推排諸物力上因語宰臣比聞
 河水泛溢民罹其害貨產皆空今何復遺張汝霖對曰今推排
 皆非被災之處上曰雖然必隣道也既隣于水豈無驚擾遷避
 者何獨貨產尚有餘哉甲午秋獵九月壬子次薊州辛丑幸仙
 洞寺壬寅幸香林淨名二寺九月甲辰朔幸盤山上方寺因徧
 歷中盤天香感化諸寺庚申還都十月庚寅上語宰相朕聞宋
 軍自來教習不輟我軍專務遊惰如西南西北兩路招討司地
 弘備錄 卷一百一十六 五 金主之五
 隘人戶無處罔獵不能開習騎射委各猛安謀克官依時教練
 勿謂天下既安而無豫防之心一旦有警軍不可用豈不敗事
 其令以時訓練有弛慢過期及不親監視命決罰之十一月甲
 辰朔上語宰臣女直中人材傑出者少若起身刀筆雖有力可
 用其廉介之節終不能及進士今有至老不能得五品者况欲
 至卿相乎如脩注崇壁斯人孱弱付之以事未必能辦以其謹
 厚長者故置諸左右欲諸官效其為人也戊午以左警巡副使
 鶻沙通敏善斷擢殿中侍御史兼右三部司正庚申立原王璟
 為皇太孫因誠之曰唐太子承乾所為多非度太宗縱而弗檢
 遂至於廢如早為禁止當不至是朕今年老尚聞善不服毋讀
 史傳見善人不忘忠孝檢身廉潔未嘗不為典起孔子云見善
 如不及見不善如探湯大哉言乎汝勉之哉復語之曰平時用

人宜尚平直至於軍職當用權謀使人不易測可以集事唐太
 宗自少年能用兵後雖居帝位猶不能改晚磨剪鬚皆權謀也
 十二月甲申上退朝御香閣左諫議黃久約使宋還而奏道經
 宿泗見貢新枇杷者州縣調民急遽上諭之曰有司奉上惟沽
 辦事之名不問利害如何朕嘗欲得新荔枝兵部遂於道路特
 設舖遞若非卿言朕豈知之夫為人無識一旦臨事便至顛沛
 宮中事無大小朕所以常親覽因不得人故也如使得人寧復
 他慮亟命罷之丁亥又語宰臣朕年來惟以省約為務常膳止
 四五味已厭厭之比初即位十減七八宰臣對以天子不同餘
 人上曰天子亦人耳枉費安用 二十七年正月庚戌如長春
 宮春水二月乙亥還都癸未命曲陽縣置錢監賜名利通乙酉
 上語宰執曰朕觀唐史惟魏徵善諫所言皆國家大事甚得諫
 弘備錄 卷一百一十六 五 金主之五
 臣之體朕自即位以來言事者雖有在妄未嘗罪之卿等當言
 而不言若有所疑夫君臣無疑千古嘉會朕見緘默不言之人
 不欲觀之矣宰執無以對丁亥命沿河京府州縣長貳官金帶
 管勾河防事及免中都河北等路農夫被災者差稅一年衛懷
 孟鄭四州塞河勞役并免今年差稅已丑諭宰執曰近侍局官
 須選忠直練達之人用之朕雖不聽讒言設使佞人在側將恐
 漸漬聽從之矣又問寶坻尉蒙括特末也清廉未知為政何如
 幹特刺對以部民多所稱譽但未知主何一事上曰凡為官但
 得清廉可矣安得全才可進升為令又言朕時或體中不佳未
 嘗不視朝諸王百官但有微疾便不治事自今宜戒之丙申命
 罪人在禁有疾聽親屬入視三月乙卯從尚書省言孟家山金
 口關下視都城百四十餘尺恐暴木為害亟命閉之四月丙申

如金蓮川辛丑京師地震五月壬子詔罷曷懶路所進海葱及
太府監日進時果因言國初風俗淳儉居家惟用布衣非大會
賓客未嘗輒烹羊豕朕嘗念當時節儉之風不欲妄費今惟上
林諸果三日一進庚午有旨問所進御膳味不調尚食局直長
言臣偶聞老母病劇私心憤亂如喪魂魄以此有失嘗視臣罪
萬死上嘉其孝卽令還家侍疾俟平愈乃來七月壬子秋獵八
月丙戌次雙山子九月己亥朔還都上語宰臣所過州縣其小
官多幹事益朕前嘗有賞擢故皆勉力以此見專任責罰不如
用賞之有激勸也十月庚辰給享于太廟十一月上因平章政
事崇尹致仕語宰臣曰卿等老矣殊無可以自代者顧右丞汝
霖若卿亦右丞相所進襄及汝霖同對臣等苟有所知豈敢不
言但無人耳上曰春秋諸國分裂土地褊小皆稱有賢今朕自
弘簡錄 卷二百十六 圭 金主之五

退宴于神龍殿諸王公主以次捧觴上壽上雖甚以本國音自
度曲言臨御久春秋高渺然思國家基緒之重萬世無窮之託
以戒皇太孫當脩身養德善于持守及命左丞相克寧盡忠輔
導之意上先自唱皇太孫及克寧和之極驩而罷戊申命隨朝
六品外路五品舉進士已在官才可居翰苑者試制詔等文字
三道取文理優贍者補充學士院職任應赴部求仕人老病骨
昧者勅令致仕給以半俸甲寅幸壽安宮四月癸酉命增外任
小官及繁雜局分承應人俸癸未建女直大學禁不得收稱漢
姓學南人衣裝犯者抵罪選宿儒高才者充教授給俸與丞簿
等五月戊申宋使來謝弔祭八月辛未還都庚辰上語宰臣近
聞烏底改有不順服之意若遣使責問彼或抵捍不遜則邊境
生事有不可已者朕嘗思之招徠遠人於國家殊無所益彼來
弘簡錄 卷二百十六 圭 金主之五

華飾必不堅固今仁政煥遼時所建全無華飾但見他處歲歲脩完惟此殿如舊以此見虛華無實者不能經久也今土木之工滅裂尤甚吏與工匠相結為姦侵尅工物戶工部官支錢度材惟務苟辦至有工役纔畢隨即欵漏者自今體究重抵以罪庚戌上語宰臣朕近讀漢書見光武所為人所難能當更始賊害不思報怨事之如平日人不見其威容天下已定雖不及高祖英雄大度然無布衣龐豪之氣汝霖又言湖陽公主以言激怒但笑而受之其事何如上日光武聞直言而怒解可謂賢主若令宣拜謝其主則非也癸丑幸太尉克寧第十二月乙亥帝不豫庚辰赦天下乙酉詔皇太孫攝政戊子詔克寧喪汝霖宿於內殿 二十九年正月壬辰朔帝大漸不能視朝詔遣宋高麗賀正且使還癸巳崩于福安殿壽六十七己亥殯于太安

弘簡錄

卷一百一十六

十一

金主之五

殿三月辛卯朔上尊諡日光天興運文德武功聖明仁孝皇帝廟號世宗四月乙酉葬興陵 自金之興用兵不息重以熙宗鮮終海陵不道賦役繁興干戈並起內亂外禍貪殘尤甚百姓顛危愁困殆盡帝久典外郡明禍亂之故知得失之效雖由勸進一時天命人心所歸從古聖賢所不能辭既而南北講好與民休息躬節儉崇孝弟信賞罰重農桑慎守令之選嚴廉察之責却任得敬分國之請拒趙位寵郡縣之獻孳孳為治夜以繼日可謂得為君之道矣

三嘆未央

冊曰紛紛記注浮泛無當孰意斯時嘉言孔彰反覆終篇

弘簡錄卷二百十六終

弘簡錄卷二百十七

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金主之六

章宗皇帝父皇太子凡恭母徒單氏大定八年世宗幸金蓮川七月丙戌次冰井而生翌日幸東宮宴飲歡甚語太子曰祖宗積慶以有今日皆社稷之福也又語司徒李石樞審紇石烈志寧等曰朕子雖多皇后止有太子一人幸見嫡孫朕愛麻達葛山地衍而氣清適皇孫生即小字麻達葛羣臣皆稱萬歲年十一封金源郡王令習本朝語言文字及漢字經書以進士完顏匡司經徐孝美等侍讀二十四年太子令奉表詣上京問安仍請車駕還都世宗嘉其意賜勅書答諭明年萬春節復奉表朝

弘簡錄

卷一百一十七

十一

金主之六

賀太子薨上遣滕王府長史再與御院通進阿里刺來護視十二月進封原王判大興府事入以國語謝世宗喜令宰臣諭旨朕嘗命諸王學本朝語惟汝甚習朕因其年幼且服制中未可付以職務亦須令學政事京輦之任欲令親見朝廷議論習知政事之體故也問其行事咸言見事甚明予奪皆不失當曹幽二王俱弗能及又聞有女直人訴事以女直語問之漢人訴事以漢語問之不忘本者聖人之道也以西夏小邦崇尚舊俗猶能保國數百年故凡事莫如一任其真也明年四月賜名璟五月拜右丞相方四日世宗問京尹與省事同乎對曰不同上笑曰京尹浩穰尚書省總大體所以不同自後屢試以事甚有可學之資論令觀官中輿地圖可以具知天下遠近扼塞十一月詔立為太子

從古禮嫡長孫爲後建立在朕保守在汝宜行正養德勿近邪
佞事朕必盡忠孝無失衆望則惟汝嘉次年三月辛亥上御大
安殿授冊赦中外丁巳謁謝太廟及山陵始受百官履賀詔選
秉性純謹正直者以爲官屬勿用有權術之人上嘗語以爾讀
先朝實錄太祖征麻產至泥淖馬不能進捨而步戰創業之艱
如此可不思乎世宗不豫詔於慶和殿東廡攝政聽受五品以
下官丁亥受攝政之寶崩日卽位柩前丙申大赦賜內外官單
恩兩重三品以上一重免今歲租稅并自來懸欠係官等錢錄
寡孤獨人絹一匹米兩石甲辰以大理卿王元德等報哀于宋
并二國二月癸亥始聽政追尊皇考爲皇帝母爲皇太后更所
居宮曰隆慶甲子命學士院進呈漢唐使民事及當今急務戊
辰詔官籍監戶舊係睿宗及大行皇帝皇考之奴婢者悉放爲
弘簡錄 卷一百一十七 二 金主六
良已已敕御史臺目今監察令本臺辟舉任內不稱職亦從奏
罷丁丑增定百官俸乙酉詔有司稽考典故許引用宋事是月
宋主內禪立光宗三月壬辰朝于隆慶宮已酉立生辰爲天壽
節五月丙午耐廟禮成大赦丁未地生白毛庚戌詔罷送宣錢
今後諸護衛考滿賜官錢二千貫壬子收收錄功臣子孫量材
於局分承應戊午河溢曹州閏月丙寅觀稼於近郊壬申封乳
母孫氏蕭國夫人姚氏莘國夫人癸未詔學士院自今誥詞並
用四六乙酉詔諸有司身承應人係將來受親民之職可命所
屬論使爲學其護衛符寶奉御奉職侍直近密當選有德行學
問之人爲之教授六月己丑朔從有司言律科舉人止知讀律
不知教化之原必使通治論語孟子涵養器度遇府會試委經
義試官出題別試與本科通定去留庚寅詔有司請親王到任

各給錢二十萬辛卯上納修起居注完顏烏者知登聞院孫譯
言罷圍獵拾遺馬升上儉德箴乙未詔曰朕初卽位憂勞萬民
每念刑獄未平農桑未勉吏或不循法度以隳吾治朝廷遣使
廉問事難周悉惟提刑勸農采訪之官自古有之今分九路專
設是職並兼勸農采訪事屯田鎮防諸軍皆屬焉丁酉幸慶壽
寺作盧溝石橋七月辛酉減民地稅十之一河東南北路十之
二下田十之三辛巳初設經童科詔京府節鎮防禦州設學養
士其長貳幕職內各以進士官提控其事仍具入衙八月戊子
朔奉皇太后幸壽安宮壬辰初定品官子孫試補令史格及提
刑司所掌三十二條設女直契丹漢兒知法各一人左司諫執
安民上疏勸上崇節儉去嗜欲廣學問凡三事丁酉如大房山
戊戌謁奠諸陵己亥還都九月庚申詔增守山陵爲二十丁給
弘簡錄 卷一百一十七 三 金主六
地十頃丙子獵于近郊張汝霖諫詔答曰卿能每事如此朕復
何憂然時異事殊如能斟酌得中斯爲當矣十月辛卯上以翰
林闕人從汝霖薦以鳳翔治中郝傑爲之丙申冬獵己亥次羅
山庚子次玉田辛丑沁沁與丹州進嘉禾丁亥次寶坻癸丑還宮
十一月戊辰諭尚書省每歲令內外官各舉所知限以所舉之
數違者悉坐蔽賢之罪仍依唐制凡五品以上官到任卽舉自
代並從提刑司採訪之己巳初制轉遞文字法辛巳詔有司今
後諸處或有饑饉令總管節度使或提刑司先行賑貸或賑濟
然後言上十二月丙戌朔詔罷鑄錢丁亥密州進白雉戊戌復
置北京遼東運鹽使司罷巡鹽使己亥賑寧化保德嵐州饑其
流移復業給復一年乙巳祭奠興陵壬子諭臺臣提刑司所舉
劾多小過行則失大禮不行恐有所沮其以此意諭之冬無雪

是歲遣使弔祭并賀即位生辰正旦遠宋及二國並如故事
 明昌元年正月丙辰朔改元以居喪不受朝賀甲子如大房山
 乙丑奠謁典裕二陵丙寅還都戊辰勅外路求世宗御書辛未
 如近畿春水二月甲辰還都三月乙巳擊毬於西苑百寮會觀
 乙亥初設應制及宏詞科壬午如壽安宮五月不雨乙卯祈于
 北郊及太廟戊午拜天于西苑射柳擊毬縱百姓觀壬戌祈雨
 于社稷甲子制省元及四舉終場人許該恩已巳祈雨于太廟
 庚午置知登聞鼓院事官一員勅設此院所以通達冤枉舊嘗
 鎖戶其令開之丙子雨未降望祭嶽鎮海濱于北郊以祈六月
 甲辰勅僧道三年一試七月丁丑詔罷西北路蝦蟇山市場八
 月乙酉詔設常平倉壬辰幸玉泉山即日還宮癸巳罷諸府鎮
 流泉務選才幹之官為諸州刺史皆名見諭戒之戊戌集百官
 弘簡錄 卷二百十七 四 金注六
 議何以使民棄末務本以廣儲蓄戶部尚書鄧儼右丞移刺履
 叅政守貞徒單諡曰凡人之情見美則願若不節以制度將見
 奢侈無極費用過多民之貧乏殆由此致方今承平之際正宜
 講究此事為經久法上是其言以諭宰相丁未獵于近郊九月
 壬子朔天壽節以喪不受朝丙辰以廉能進擢北海縣令張翔
 等十八人官壬戌如秋山十月丁亥還宮丁未獵于近郊十一
 月乙卯詔以惑眾亂民禁罷全真及五行毘盧丙子冬獵已卯
 次雄州判真定府事吳王永成判定武軍節度隋王永升來朝
 十二月壬午免獵地今年稅丁亥次饒陽丁酉還都 二年正
 月庚戌朔喪未除不受朝甲寅始許宮中稱聖主乙卯皇太后
 不豫日往侍疾丙夜乃還辛酉崩丙寅以左副都點檢面等報
 哀于宋高麗夏各遣使來弔祭甲戌百官表請聽政不許戊寅

詔賜隨括里部羊三萬以重幣五百端絹二千匹以振其乏二
 月壬辰上始視朝勅以科目近多得人因尚書省奏增取進士
 今後有司會試程文但合格者取之母限人數丙午初設王傅
 府尉官三月癸亥赦有司但州府名犯前代國號者不得以封
 臣下詔改遼為恒州宋為汴州秦為緡州晉為并州漢為益州
 梁為郃州齊為彭州殷為譙州唐為絳州吳為鄂州蜀為夔州
 陳為宛州隋為涇州虞為澤州四月乙酉附葬裕陵戊子制諸
 部內災傷主司應言而不言及妄言者罪庚寅禁民庶不得服
 純黃銀褐色婦人勿禁辛卯幸壽安宮諫官張暉等疏止其行
 不允癸巳諭有司自今女直字直譯為漢字罷國史院專寫契
 丹字者戊戌增太學博士助教員己亥學士院新進唐杜甫韓
 愈劉禹錫杜牧賈島王建宋王禹偁歐陽修王安石蘇軾張耒
 弘簡錄 卷二百十七 五 金注六
 秦觀等集二十六部庚子改壽安宮名萬寧壬寅車駕臨幸五
 月庚戌赦自今四日一奏事仍免朝戊辰詔以終場舉人克御
 史臺令史六月癸巳禁稱本朝人及本朝言語為蕃違者杖之
 七月己未觀稼于近郊八月己亥勅山東河北關食等處許納
 粟補官九月甲寅如大房山乙卯謁奠裕陵丙辰還都庚申如
 秋山十月己丑還都壬寅河北山東早減死罪一等徒以下釋
 之十一月戊午夏人殺邊將阿魯帶 三年正月乙巳朔皇太
 后喪不受朝丙辰小祥從尚書省議依元年世宗忌辰例諸王
 陪位服慙素去金玉之飾百官不視事仍禁音樂屠宰壬戌如
 春水二月壬辰還京辛丑詔追復田穀等官爵三月辛巳初設
 左右衛副將軍癸未盧溝石橋成幸熙春園丁亥如萬寧宮上
 嘗問忻州陳毅上書其一極論守令之弊上謂方今正欲知之

命宰臣面問所以救之之道如教所言隨處有司不能奉行
制爲人備僱尚須出力况食國家之祿而乃如是得無虧臣子
之行乎其令檢會前後所降條理舉行之丁酉命有司祈雨望
祀嶽鎮海濱于北郊四月甲辰旱災祈雨于社稷丙辰下詔責
躬丁卯上親望祭如前儀戊辰遣中丞吳鼎樞等會決中都宛
獄外路委提刑司處決左丞守貞等上表乞解職不允叅政衛
萬公入謝上令速行前詔能不急之役省無名之費議冗官決
滯獄四事五月甲戌雨戊寅出宮女百八十三人尚書省奏山
東河北饑已委宣差所至安撫賑濟復遣右三部司正文淵
往視之戊子雨足百官入賀己丑禱謝諸神六月癸卯定諸路
提刑司條制宰臣請罷之上曰若論官止三十餘員猶患不得
其人州郡三百餘處其能盡得人乎弗許甲寅久雨復命有司
弘簡錄 卷二百十七 六 金主六

問太常卿張暉古有三恪今何無之令具典故以聞九月庚午
朔諭尚書省去歲被災傷處所闕租稅及借貸錢粟若便徵之
恐貧民未蘇俟豐收日以分數察徵可也又言隨路提刑司舊
止察老病不任職及不堪親民者改除他路若他路提刑覆察
得實勿復注親民之職卿等共議行之己卯如秋山免圍場經
過人戶今歲夏秋租稅之半會當差役者復一年十月壬寅還
京丙午敕御史臺提刑司自今保申廉能官勿復有乞升品語
應保舉官及試中書判者委官覆察言行相副量與陞除隨朝
及六品以上各隨所長用之甲寅敕置常平倉處並令州府提
刑縣官兼管勾其事以所糴多寡約量陞降定爲永制戊午諭
尚書省訪求博物多知之士己巳獵于近郊十一月丙子詔臣
庶名犯古帝王而姓復同者禁之周公孔子之名亦令回避戊
寅升和州爲彰德府十二月辛亥諭有司祈雪癸亥獵于近郊
丙辰有赤氣見于北方丁巳敕華州下邽縣置武定鎮倉京兆
櫟陽縣置粟邑鎮倉許州舞陽縣置北舞渡倉各設倉草都監
一人縣官兼領之 四年正月己巳朔不受朝賀癸未上責宰
臣朕既嘗語卿百官當使久於其職如蘇德秀方任太興府推
官復改戶曹今又除禮部主事人才豈能兼之以後不可輕易
又言凡稱政有異迹者謂其斷事有軼才也若止清廉此乃本
分以貪汙者多故顯其異耳宰臣對曰今所察舉皆先才後德
巧猾之徒雖有贓污未見汰去猶爲能吏此廉恥所以喪也若
諭所司察舉官吏必審真僞使有才無行者不能覲覲非道求
進者加之糾劾則奔競之俗息而廉恥可興矣上嘉納之癸巳
諭點檢司行宮外地及圍獵之處悉與民耕雖禁地聽民持農

器出入丙申東京路副使王勝進薦論之曰汝職非輕民間利害官吏邪正畧不具聞而乃以薦進此豈汝所職耶後毋復爾二月戊戌朔如春水始以春秋二仲月上戊日祭社稷及日月風雨雷師常祀癸丑獵于姚村浞癸亥還京三月戊辰朔誠諭諸路提刑司朕特設此官本欲安民于合五年効猶未著多由不識本體職事徒事細碎以致州縣例皆畏縮不敢行事邇者山東民饑朕使賑濟此卿等不職故至於此既往之失其思俊改甲戌定民習角紙槍棒罪甲申幸香山永安寺及玉泉山甲午敕自今御史臺奏事並令修注回避四月丁酉朔幸興陵崇妃第始命舉樂自已亥至癸卯丞相清臣率百官及耆艾學官劉璣亦率大學諸生趙楷等詣紫宸門三表請上尊號上以比年五穀不登百姓流離正當戒懼修身之日豈得虛受榮名弘簡錄 卷二百十七 入金注六

不許戊申禘于太廟庚戌如萬寧宮丁巳敕女直進士及第後仍試以騎射中選者升擢之乙丑減尚廩食穀馬五月丙寅朔曹王永升率諸王請上尊號亦不許甲戌久雨觀稼于近郊辛巳徧諭諸路月具雨澤田禾分數以聞癸未禁命賑河北諸路及河州被水饑民六月丙辰以晴致祭嶽鎮海濱八月己亥歲星太白晝見庚子大赦甲辰還京辛亥國史院進世宗實錄上服袍帶御仁政殿降座立受之九月甲子朔天壽節始御大安殿受親王百官及朱高麗夏使朝賀戊辰敕尚書省卽位以後士庶言事關係國家邊防大利害已嘗施行者可特補一官有益於官民量給以賞庚午如山陵次奉先縣辛未拜天于縣西壬申致奠諸陵癸酉如秋山十一月壬午雨木冰丙戌詔諸職官以賊污不職被罪以廉能獲升者隨路京府州縣列其姓名

揭之公署以示勸懲十二月甲午朔夏國嗣子李純佑遣使奉故王仁孝遺表以進仍來訃告以西上閤門使大畧等為敕祭慰問使甲寅冊長白山神為開天弘聖帝丙辰獵于近郊是歲大有年邢洛深冀及河北十六謀克之地野蠶成繭 五年正月乙丑昭容李氏進位淑妃己巳初用唐宋典禮皇后忌辰皆廢務尚書省進區田法詔相地宜務從民便乙亥詔封始製女直字葉魯各神立廟上京納里渾莊歲時致祭官其子孫以主奠獻辛巳遣國子祭酒劉璣冊李純佑為夏國王丁亥幸城南別宮丁酉初定長吏勸課能否賞罰格從尚書省奏皇太后祥除已久易所居隆慶宮為東宮慈訓殿為承華殿戊戌詔購求崇文總目內所闕書籍癸丑命宣徽使移刺敏戶部主事赤蓋質理哥相視北邊營屯經畫長久之計三月壬申初定限錢禁弘簡錄 卷二百十七 入金注六

戊子置弘文院譯寫經書四月壬辰朔幸北苑壬子特賜翰林待制溫迪罕迪翰林學士承旨中奉大夫乙卯幸景明宮五月庚午次烏十撤八戊子桓撫二州旱遣使禱于縉山六月壬辰如冰井己亥出獵登胡土白山酌酒再拜曹王永升以下進酒丙午拜天曲赦西北路己未如查沙秋山七月戊辰獵于豁赤火一發貫雙鹿賜恩從官有差辛巳次魯溫合失不乙酉次冰井丙戌天壽節宴樞光殿凡從官及承當人遇單恩遷秩者並受宣敕於殿前時久雨初霽有龍曳尾于雲間上舉御羹中有髮戒左右毋言八月辛亥還京壬子河決陽武故隄灌封丘而東丁巳賜從幸山後親軍銀絹各有差九月壬申宋遣使來告孝宗之喪戊寅遣尼龐古鑑等為弔祭使敕尚書省集百官議備邊事壬午特推恩東宮舊人司經王伯溫等八人官有差甲

申命上京等九路并諸林及紘等處選軍三萬俟來春調發仍命諸路并北阻黠以六年夏會兵臨潢十月庚寅宋遣使獻遺留物壬寅戶部員外郎何格賑河決被災人戶壬子尚書省奏升提刑司所察廉官南皮縣令史肅以下十有二人上知其中大典主簿蒙括蠻都其人澆浮常才命再察之閏月戊午朔宋遣使來報即位甲戌以河南北提刑使王啓等爲賀宋主即位使乙亥獵于近郊丙戌以翰林待制與屯忠孝權戶部侍郎太府少監溫昉權工部侍郎行戶工部事修治河防免被災民戶今年秋稅十二月癸未敕尚書省自今獻蠶芝嘉禾者賞之六年正月辛卯詔給天大郡公家屬田宅壬辰如春水庚戌罷陝西括地辛酉諭胥持國河上役夫聚居恐生疾疫可舉醫護視之乙卯次御林二月丁巳朔敕有司行宮側及獵所有農者勿禁已未始祭高禩庚午還宮丁丑京師地震大雨雹晝晦震應天門右鵠尾癸未宋遣使來報謝三月甲午以翰林直學士李木魯子元兼右司諫監察御史田仲禮爲左拾遺翰林修撰僕散訛可兼右拾遺諭之曰國家設置諫官非取虛名蓋責實效庶幾有所裨益卿等皆朝廷選擢置之諫職如國家利害官吏邪正極言無隱近路鐸左遷本以他罪卿等勿以被責遂畏縮不言其悉心戮力毋得緘默丙申如萬寧宮戊戌括羣牧所三招討司猛安謀克隨札及迭刺唐古部諸抹西京太原官民馳五千克北邊糧運惟民以馳載爲業者勿括又以銀五十萬兩錢二十三萬貫以備支給銀五萬兩金孟二千八百兩金牌百兩銀孟八千兩絹五萬匹雜綵千端衣四百四十六襲以備賞勞庚子郡舉才行之士崔介然以下三人賜進士及第李貞

因以下十五人同進士出身四月丙子幸玉泉山戊寅修河工畢進胥持國官二階與屯忠孝以下三十六人各一階獲嘉令王維翰以下五十六人各賜銀幣有差五月丙戌命減萬寧宮陳設九十四所辛卯以出師遣禮部尚書張暉告于廟社乙未鎬王永中以罪賜死罪諫官買守謙僕散訛可奏對不實罷之田仲禮并中丞孫卽康右補闕蒙括胡刺各罰金二十斤乙巳詔諸路猛安謀克農隙講武本路提刑司察其惰者罰之六月丙寅以久雨祭七月丙申幸曹王永升第甲辰始定文武官六貫石以上承應人并及廢者若在籍儒生章服制八月己巳以溫敦伯英言命禮部令學官講經乙亥敕宮中承應人出職後三年內犯賊罪者元舉官連坐不在去官之限著爲令辛巳木波進馬九月甲申冊靜寧山神爲鎮安公忽土白山神爲瑞聖弘簡錄 卷二一七 金注六
公辛卯如秋山十月丙辰還京十一月壬寅初定猛安謀克鎮邊後放免者授官格禁射糧軍應役但成隊伍不得持兵器乙巳以唐括貢移刺仲方張暉等二十三人克計議官凡軍事得預議所進奏帖可直言利害無用浮詞戊申初定縣官增水田陞除制十二月右丞相襄率駙馬都尉僕散揆等進軍大盪濼分兵攻取諸營乙卯詔招撫北邊軍民乙亥加五鎮四瀆王爵庚辰幸後園閱軍器
承安元年正月甲申大盪濼羣牧使移刺視等爲廣吉刺部兵所敗死之丁亥國學齋長張守愚上平邊議三篇特授本學教授仍以其議付史館二月初造虎符發兵甲子命有司祀高禩如新儀丁卯右相襄左丞衛至自軍前己巳復命還軍辛未幸都南行宮春水甲戌還宮三月丁酉如萬寧宮不雨遣官望祭

獄鎮海濱于北郊癸卯救人命至重不可不慎自今刑獄雖已
 奏行其間恐有疑枉其再議以聞甲辰遣參政尼龐古鑑祈雨
 于社稷丁未復遣使就祈于東嶽四月辛亥命右丞胥持節再
 禱于太廟壬子遣使審決冤獄京城禁徽扇戊午初行區種法
 民十五以上六十以下有土田者丁種一畝時久不雨命大臣
 仍分禱社稷太廟北嶽北郊甲戌宰相奏趙承元請追上孝懿
 皇太后冊寶然後行諡冊禮禮官執奏已詔示中外無追冊禮
 罷之五月庚辰制詔稼于近郊因國區田乙酉以久旱徙市庚
 寅詔復市如常庚子雨足六月甲寅百姓艱食詔出倉粟十萬
 石減價以糴之乙丑平晉縣民利通家蠶自成綿段長七尺一
 寸五分潤四尺九寸詔賜絹十匹庚午幸環秀亭觀稼七月庚
 辰御紫宸殿受諸王宰執百官賀各賜以酒仍以酒萬尊置通

弘簡錄

卷一百一十七

三

金主六

衛賜民縱飲乙酉敕今後高麗夏使入見敷奏令新設各國通
 事具公服與開門使上殿監聽戊子命有司收瘞西北路陣亡
 骸骨八月癸丑幸玉泉山甲子以郊祀日期詔中外戊辰還京
 九月丁丑朔天壽節幸天長觀祈禱壬午照左丞相襄酒百尊
 癸未都人進酒詔以三千一百瓶賜北邊軍吏丙辰裕享于太
 廟十一月庚寅特滿郡牧契丹陲鎖德壽反秦州軍擊敗之丁
 酉朝享于太廟戊戌南郊大赦改元己亥曹王永升率親王百
 官賀癸卯命有司祈雪仍遣官祈于東嶽十二月己酉遣提點
 太醫近侍局使李仁惠勞賜北邊將士授官者萬一千人授賞
 者幾二萬人凡川銀二十萬兩絹五萬匹錢三十二萬貫二
 年春正月丁亥如安州春水丁酉還京辛丑宋主遣使告其母
 后喪三月壬午命戶部侍郎溫昉佩金符行六部尚書於撫州

庚寅幸西園閱軍器丁酉參知政事裔代左丞相襄行省于北
 京四月甲寅如萬寧宮丙辰命有司祈雨望祭嶽鎮海濱于北
 郊甲子祈雨于社稷從尚書省奏比歲北邊調度頗多請降僧
 道空名度牒紫褐師德號以助軍儲癸酉親王宣收始用女直
 字五月甲戌朔諭宰臣比以軍須隨路賦調司縣不度緩急促
 期徵歛使民費及數倍胥克又乘之以侵暴其令提刑司究察
 之丙子再諭官吏今綱紀不立官吏施慢遷延苟簡習以成弊
 職官多以吉善求名計得自安國家何賴焉至於徇情賣法省
 部令史尤甚尚書省其戒諭之庚辰升撫州為鎮寧軍辛巳雨
 足報祭諸神己丑皇子生封為壽王未踰年薨六月丙午雨雹
 庚戌詔罷瑤光殿工作甲寅置全州盤安軍節度使置安豐縣
 閏月甲午出西橫門觀稼七月壬寅朔幸天長觀建普天大醮

弘簡錄

卷一百一十七

三

金主六

七日禁屠宰無奏刑百司權停決罰己未命西上開門使劉頗
 賜參知政事裔宴于行省戊辰天壽節御紫宸殿受朝八月辛
 巳以邊事未寧詔集六品以上官於尚書省問攻守之計議者
 八十四人言攻者五守者四十六且攻且守者三十三名對膚
 思殿論難久之癸未還京九月壬寅遣官分詣上東西北四京
 咸平臨潢等路招募漢軍不足則簽補之乙巳夏使賀天壽節
 朝辭詔答許復保安蘭州榷場乙丑始置軍器監掌治戎器班
 少府監下設甲坊利器二署隸焉十月庚午朔初設講議所官
 十員共議錢穀以中都路轉運使孫鐸戶部侍郎高汝礪等為
 之壬午尚書省行下諸路推排人戶物力甲午大雪賜普濟院
 米千石為粥以食貧民十一月甲辰冬至有事于南郊乙巳以
 新貴救國場地內無禁樵採壬子諭尚書省猛安謀克既不隸

提刑司宜令監察御史察其裁否甲子諭宰臣朕居九重民間難以徧知令採利害以聞十二月己巳朔敕御史臺糾察諸佞趨走有實跡者已卯始鑄永安寶貨癸未遣戶部侍郎上官瞻體究西京逃亡勸率沿邊軍民耕種戶部郎中李敬幾規措臨潢等路農務乙酉諭宰臣今後木潦旱蝗盜賊竊發命提刑司預爲規畫戊子諭西南路將士三年正月癸卯諭有司凡接伴宋夏使者毋以語言相勝務存大體奉使者亦必得人乃可乙卯罷講議所丙辰如城府縣未改鄉南行宮等處春丁巳併上京東京兩路提刑使副爲一俱兼安撫使副專掌教習武事毋令改其本俗甲子還宮乙丑宋遣使告祖母喪以武衛軍都指揮使烏林答天益等爲弔祭使二月己巳朔幸建春宮辛巳諭宰臣自今內外官闕有才能可任者雖資歷未及亦俱以聞

弘簡錄

卷一百一十七

西 金主六

百餘人已巳還都丙戌高麗權國事王暉遣使奉表來告四年二月乙丑如建春宮春水己巳還宮庚午御宣華門觀迎佛會壬申諭有司自三月一日爲始每旬三品至五品官各一人轉對六品亦以次對臺諫勿與有應奏事與轉對官相見無面對者聽其上章庚辰上諭點檢司自蒲河至長河及細河以東朕常所經行官爲和買其地令百姓耕之仍免其租稅三月己亥遣使冊王暉爲高麗國王辛丑戶部尚書孫鐸郎中李仲畧國子祭酒趙忱始轉對香閣乙卯從宰臣議罷諸路提點刑獄改爲按察使司戊午雨雹四月戊辰如萬寧宮五月壬辰朔早下詔責躬求直言避殿減膳審理冤獄戊戌命有司望祭嶽瀆禱雨己亥應奉翰林文字陳載上言四事一邊民苦于寇掠二農民困于軍須三審決冤滯一切從寬苟縱有罪四行省官員例獲厚賞而沿邊司縣曾不霑及此干和氣致旱災之所由也上是之戊申京畿雨上諭宰臣諸路旱或因闕政今惟大典宛平兩縣不雨得非守令之過司空彥等上表待罪上以罪已答之令各還職庚戌尚書省奏上更定給發虎符制著于令壬子祈雨于太廟乙卯更定軍功賞格六月丁卯雨復御殿加膳甲戌雨足命有司報謝丁丑從右補闕楊廷秀言自轉對官外復令隨朝八品以上外路五品以上及出使外路有時政得失民間利病可言者並許移檢院以聞癸未奉職醜和尚進浮漏水稱影儀簡儀圖命有司依式造之丁亥定宮中親戚非公事傳達語言轉遞諸物及書簡出入者罪之七月甲辰更定尚藥儀警局學者格丙辰久雨令大典府祈晴八月己巳獵于近郊壬申獵于香山甲戌以皇嗣未立命有司祈于太廟庚辰還宮九

弘簡錄

卷一百一十七

五 金主六

月庚寅朔天壽節敕宜徽院官凡致仕宰執悉名與宴己亥如
 朔州秋山十月丙寅還京甲申初置審官院乙未敕京府州縣
 設普濟院每歲十月至來年四月設粥以食貧民庚戌命有司
 祈雪十二月李氏進封元妃辛酉更定考試隨朝檢知法條格
 從右補闕楊庭秀請類集太祖太宗世宗三朝聖訓以時觀覽
 仍詔增熙宗為四朝癸未增設國史院女直漢人同修史各一
 人 五年正月乙未從尚書省言更定科舉法會試取策論詞
 賦經義不得過六百人合格者不及其數則闕之丙申如春水
 諭點檢司車駕所至仍令百姓市易二月辛未還宮辛巳詔應
 奉翰林文字溫迪罕天興與其兄直學士思齊同條定撰制誥
 文字不須迴避仍為定制丁未上是楊庭秀言令及第左右官
 一人應入史事者編次日曆或一月或一季封送史院仍令送
 弘簡錄 卷二百十七 金主六

著作局潤色付之三月庚申大睦親府進重修玉牒定皇族收
 養異姓男為子者徒三年姓同者減二等立嫡違法者徒一年
 壬戌命有司禱雨癸亥雨尚書孫鐸大理卿完顏撒剌因于司
 業蒙括仁本名對便殿丙寅如萬寧宮戊辰定本國婚聘禮居
 祖父母喪并妻亡服內婚娶聽離制丙子尚書省宰
 相豈可止徇人情要當重惜名爵所擬商州同知蒲察西京為
 濟南府判官此人不堪朕常記之止與七品足矣辛巳改山東
 東路舊皇城猛安名曰合里歌阿隣四月丙午尚書省進律義
 五月乙卯朔雨足遣使報祭丁巳定策諭進士及承慶人試弓
 箭格敕重五拜天服公裳者拜禮仍舊諸便服者並用女直拜
 已未敕諸路按察司糾察親民官不許以大杖笞人庚辰地震
 詔定進納官有犯決斷法六月乙巳遣有司祈晴望祭嶽瀆七

月乙卯朔以肅遣官報謝諸神八月壬辰幸香山乙未還宮庚
 申更定鎮防軍犯徒配役法九月癸亥如秋山十月庚寅還京
 庚子宋遣使來告孝宗哀以工部尚書烏古論龍等為弔祭使
 辛丑集百官于尚書省問問者亢旱近則久陰凡政有錯謬其
 各以所見對十一月乙卯以國史院編修呂卿雲為左補闕兼
 應奉翰林文字審官院駁以資淺上諭之曰明昌間卿雲嘗上
 書言宮掖事辭甚切直皆他人不能言者卿雲蓋不知也臣下
 言事不令外人知乃是謹密正當顯用卿宜悉之己巳宋復遣
 使來告光宗哀以河南路統軍使克等為弔祭使十二月癸未
 朔詔改明年元

泰和元年正月壬戌宋遣使獻先帝遺留物己巳從太府少監
 孫復上言方今入仕者三萬七千餘員而門廕補敘居三之二
 弘簡錄 卷二百十七 金主六

諸司待闕動至累年蓋以補廢猥多流品混淆本末相舛至於
 進納之人既無勞績又非科第而亦廢及子孫無所分別欲流
 之清必澄其源乃更定廢敘法而頒行之尚書省奏今杖式輕
 細民不知畏請用大杖詔頒銅杖式不許過五分庚午如長春
 宮春水二月丁未還京三月壬申幸天長觀癸酉如萬寧宮乙
 亥宋遣使來報謝四月甲辰詔諭契丹人戶累經簽軍立功者
 官賞恩例與女直人同仍許養馬為吏五月甲寅擊毬于臨武
 殿令都民縱觀壬戌幸玉泉山六月己卯幸香山辛卯祈雨己
 亥諭尚書省申明舊制舉行風俗奢僭之禁凡猛安謀克每戶
 田四十畝鬻者有禁樹桑一畝毀者有刑按察司以時勸督但
 有汗萊闕乏并坐所臨長吏有故慢者量決罰之仍減牛頭稅
 三之一乙巳詔推排西北京遼東三路人戶物力許諸科徵鋪

馬黃河夫軍須等錢折納銀一半願納錢鈔者聽丁未詔有司
 修蓮花漏七月辛酉禁放良人不得應諸科舉子孫不在禁限
 乙丑更定右選注縣令丞簿格九月戊申朔更定瞻學養仕洪
 生員給民佃官田人六十畝歲支粟三十石國子生人百八畝
 歲給以所入官為掌其數甲寅如秋山丙子還宮十月乙酉給
 享于太廟壬辰御史臺奏在制按察司官比任終遺官考嚴然
 後尚書省命官覆察之今監察御史添設員多宜分四路巡行
 每路女直漢人各一同往從之壬寅敕有司購遺書宜償其價
 以廣搜訪藏書之家有珍惜不願送官者官為騰寫早復還之
 仍量給其直之半十一月辛亥敕尚書凡役衆勞民之事慎勿
 輕行丁巳諭工部比開懷州有橙結實官吏檢視擾民今復進
 柑必致重擾其誠所司遇有則進無則已十二月辛巳敕改原
 弘簡錄 卷二百十七 六 金主六

廟春秋祭祀稱朝獻丁酉司空襄等進新定律令敕條格式五
 十二卷詔頒行之 二年正月乙卯始朝獻于衍慶宮每歲五
 不庚申幸芳苑觀燈甲戌如建春宮二月戊戌初置內侍寄祿
 官乙巳還宮三月甲寅初置宮苑司都同監各一人四月庚辰
 幸昇國長公主第問疾癸卯如萬寧宮命有司祈雨五月戊申
 如泰和宮改名曰慶寧長樂川曰雲龍辛亥初薦新于太廟壬
 戌諭有司金井捺鉢朕留不過二三日所止一涼履足矣若加
 修治徒費人力其藩籬不急之處用圍幕可也己巳敕御史臺
 京師拜廟及巡幸所過州縣止令灑掃不得以黃土覆道違者
 糾之六月辛卯諭尚書省諸路禾稼及雨多寡令州以聞七月
 辛亥有司奏還宮日請用黃麾杖不許八月丙申風風見于磁
 州武安縣鼓山石聖臺詔中外丁酉皇子生九月甲寅以拱衛

直都指揮使完顏瑋等為賀宋生日使戒以兩國和好汝不宜
 爭細故傷大體十月丙戌獵于近郊十一月甲辰頒詔中外更
 定國運為土德臘用辰十二月癸酉皇子晬日放僧道戒牒三
 千戊寅冬獵丁酉還都冬無雪 三年正月癸酉遣官祈雪于
 北嶽庚辰如建春宮二月癸丑還宮三月庚辰如萬寧宮甲午
 如玉泉山四月乙巳禘于太廟丁巳敕有司祈雨頒土龍法五
 月壬午拜天射柳上三發三中四品以上官侍宴魚藻殿以天
 氣方暑命兵士甲者釋之辛卯皇子為王薨丙申作太極宮六
 月壬寅詔選聰明方正之士修起居注詰點檢司諸親軍所設
 教授其法何如及授業人通大義者有幾各具以聞壬戌遣官
 行視中都田禾雨澤分數七月庚辰獵于近郊丁亥上諭宰臣
 凡奏事朕欲徐思或如己者若除授事可俟三五日再奏餘並
 弘簡錄 卷二百十七 九 金主六

二十日奏之八月庚申命編修官左客克宮教賜銀幣九月壬
 辰詔定千戶謀克受隨處捕盜官公移盜急不即以衆應之者
 罪有差十月庚申完顏匡等進世宗實錄上降座立受之壬戌
 奉御完顏阿魯帶使宋還言韓侂胄市馬厲兵將謀北侵上怒
 以為生事笞之五十出為彰德府判未幾果實仍擢安國軍節
 度副使丁卯諭尚書省自今士庶陳言可悉令詣闕量與食直
 給居官舍其言切直及繫利害重者並三日內聞奏十一月丁
 丑冬獵獲兔以薦山陵十二月己酉賜天長觀額為太極宮辛
 亥詔諸親王公主每歲寒食十月朔聽朝謁典裕二陵忌辰亦
 如之癸丑詔遣監察御史分按諸路必女直與漢人偕戊午敕
 行宮名曰光春其朝殿曰蘭阜寢殿曰輝寧 四年正月辛未
 如光春宮春水壬申陰霧水冰辛卯高麗嗣子諛遣使來告其

宣撫河南軍民及得爾國有司公移稱已罷黜邊臣抽去兵卒朕方以天下為度不介小嫌罷宜撫司未幾盜賊甚于前日比來羣臣屢以爾國渝盟為言朕惟和好歲久委曲涵容恐姪宋皇帝或未詳知若依前不息雖兼愛生靈豈能終已卿等當以朕意具言之汝主丙申宋興元守將吳曦遣兵圍抹熟龍堡部將蒲鮮長安擊走之斬其將丁未如春木庚戌宋人入撒牟谷陝西統軍判官完顏擢刺鞏州兵馬鈐轄完顏七斤約宋西和州守將會境上俄伏發為所襲木波部長趙彥雄等七人死焉擢刺馬陷渾中中流矢七斤僅以身免二月甲戌詔按察司既差監察體訪復遣官覆察誠為繁冗自今差監察時即別遣官與俱更不覆察明昌初奉御蒲察五斤出使山東因河間百姓饑移提刑司開倉賑之還具以聞時上初臨政太傅徒單克寧弘簡錄 卷二百十七 辛 金 注 六

完顏忠京兆同知烏古論兒州守京兆要害以鳳翔臨洮路莽漢弓箭手及耕翻翅軍散據邊陲耕翻翅軍名也元帥右監軍蒲察貞分總其事甲子宋人攻天水界乙丑入東柯各部將劉鐸戰敗之丙寅仍詔撥領行省于汴許以便宜升諸道統軍司為兵馬都統府盡徵諸道兵授完顏執中山東西路兵馬都統使定海軍節度使完顏撒刺副之完顏克為陝西五路兵馬都統使知臨洮府石林仲溫副之皆聽撥節制辛未曦攻來遠鎮之蘭家嶺丙子詔內外各將官職納馬丁丑宋人入新息內鄉又入泗州戊寅入褒信己卯入虹縣庚辰入穎上五月壬午宋李爽圍壽州俊邁入蕪縣秦詵攻蔡州防禦使完顏佛住敗之又入金城海口殺長山尉執二巡檢以去丙戌遣告天地太廟社稷宋叛盟出師丁亥親告于衍慶宮戊子加授兼左副元帥完顏弘簡錄 卷二百十七 壬 金 注 六

捷并送俊邁赴闕降詔褒諭賜紇石烈貞并邦烈史乞搭等爵賞有差宋將李爽圍壽州刺史徒單義拒守踰月不能下壬子河南統軍判官乞住及買哥等以兵來援義出兵應之爽大敗與其副田林僅脫身而去餘兵赴淮者衆脫者纔十之四丁巳詔彰德府朱韓侂胄祖琦墳毋得損壞仍禁樵採庚申右翼都統完顏賽不敗宋曹統制于溱水辛酉詔有司凡宋宗族所居各具以聞長官常加提控壬戌平章揆遣人報壽州捷戊辰詔升壽州爲防禦以義爲使免今年租稅諸科名錢釋死罪以下擢乞住昌武軍節度同知買哥河南路統軍判官都統賽不副統蒲鮮萬奴各進爵一級賜金幣有差辛未木星晝見至七月戊申經天乙亥賊兵六千攻鹽州鞏州戍將完顏王喜隊校僕散六斤猛安龍延常擊走之斬首二百級七月癸未宋商榮攻

弘簡錄

卷一百一十七

金

生

東海縣令完顏卞僧復敗之還中伏矢死贈海州刺史給其家銀五百兩絹百匹仍官一子甲午宋統制戚春以舟師攻邳州刺史完顏從正敗之春赴水死斬其副夏統制八月庚戌山東帥來報邳州之捷乙亥赦唐鄧穎蔡六州免來年租稅三分之一九月詔安慰陝西畧日京兆鳳翔臨洮三路百姓因被宋兵逼脅或背國從僞沒落外境若能自歸者依舊各令復業元拋地土依數給付其受宋人旗勝結構等值時驚擾因而避役逃亡未發覺者許令所在官司陳首並行釋免更不追究軍前可用之人隨宜任使限外不首復罪如初辛未宋程松遣將曲昌世襲方山原自率兵數萬分道襲和尚原西山寨龍門等關是日大霧四塞旣而暴雨戍兵不知其來松遂據之蒲察貞遣行軍副統貴滿阿里隴州同知完顏李論伏兵千人方山原下萬

已與屯散合門美原縣令木虎合查別將壯士五百取關道潛登出宋兵上自高而下宋兵大駭伏兵合擊遂破之貞乃分遣合查部將完顏出軍奴率兵千人出黃兒谷取和尚原會州同知女奚列南家押軍猛安粘割撤改率兵千人出大寧谷取西山寨貞自以兵七百出中路取龍門等關時已焚關道且修且進至小關松將楊廷據險注射貞不得前復令阿里爲疑兵潛遣猛安胡信率甲士五十繞出其後反擊宋兵大亂就陣斬廷衆走二里關復敗宋將彭統導領走龍門追擊大破之合查乘夜潛登和尚原絕頂宋人驚以爲神皆散走破其衆二千生獲數十人南家斬木開道以登西山再與宋兵遇皆敗之遂盡復故地乙酉戊夜北方有赤白氣數道起于王良之下行至北斗開陽搖光之東庚寅救行尚書省有方畧出衆武藝絕倫才幹

弘簡錄

卷一百一十七

金

生

辦事工巧過人者其招選之戊戌左丞僕散端行省于汴己亥戶部侍郎梁鎰行六部尚書事於山東辛丑夏國王李純祐廢遣左司郎中溫迪罕思敬冊其姪李安全爲夏國王甲辰職將馮興楊雄李珪等入秦州承裕等又擊破之斬雄珪十月戊申朔揆督諸道進兵行省兵三萬出穎壽河南路子仁兵三萬出澗口匡兵二萬五千出唐鄧執中兵二萬出清口克兵一萬出陳倉貞兵一萬出成紀完顏綱步騎一萬出臨潭仲溫步騎五千出鹽川完顏璘五千出來遠十一月壬午匡攻下棗陽取隨州遂攻襄陽破其外城丁亥揆克安豐軍取霍丘克舍山次廬江執中克淮陰遂圍楚州綱圍祐州下荔川閻川等城子仁克定遠縣滁州下來安全椒貞克天水宕昌西和州壬辰宋督視江淮兵馬事丘宿遣劉祐來乞和庚子日斜有流星二光芒如

炬幾及一丈起東北沒東南癸卯帝復遣林拱宋顯等以書幣
乞和十二月丁未朔匡復克宜城揆攻和州壬子貞又克成州
綱次大源縣降之癸丑宋吳曦納款于綱戊午克攻下大散關
遣元顏抄合下鳳州己未子仁克真州帝復遣陳壁等奉書乞
和乙丑元帥揆班師戊辰綱以朝命假太倉使馬良顯齎詔書
金印立曦為蜀王詔畧曰威畧震主者身危功蓋天下者不賞
卿家專制蜀漢積有歲年猜嫌既明進退維谷君臣之義已同
路人譬之被桐之葉不可復合騎虎之勢難以中下朕每一思
之未嘗不當憤歎息而卿猶儼然自安且卿自視翼贊之功孰
與岳飛一旦見忌遂被參奪之誅故智者順時而動明者因機
而發比年趙擴昏辱受制強臣頓違誓約增屯軍馬招納叛亡
失道如此亡不旋日朕已分命虎臣臨江問罪長驅並駕飛渡
弘簡錄 卷二百一十七 金主六

官同對于廣仁殿庚寅揆還駐下蔡有疾代以左丞相崇治已
亥有司奏更定茶禁辛丑匡取穀城二月丙辰赦鳳成西和階
山五州宋知樞密院張巖遣方信孺以書詣揆端乞和己未匡
克荆門軍癸亥吳曦遣使三奉表來謝封爵陳誓言且賀全蜀
內附親王百官稱賀癸酉遣木虎高琪翰林直學士喬宇冊曦
為蜀國王是月曦復被誅詔贈太師命德順州刺史完顏思忠
招魂葬于水洛縣以族兄吳端子為曦後三月戊子幸太極宮
庚寅詔撫諭陝西軍士壬辰宋復攻破階州癸巳破西和州乙
未綱至鳳翔詔撤五州之兵分保要害庚子詔諸軍還以近侍
局直長為四川安慰使四月癸丑宋又乘蒲察貞撤黃牛戍遂
攻破散關鞏州鈐轄完顏阿失死之戊辰詔元帥府分遣諸將
遊奕淮南諸州癸酉復下散關五月丙申宋張巖復遣信孺以
弘簡錄 卷二百一十七 金主六

以獻丙戌尚書省奏陝州防禦使紇石烈孛孫禁民糶罪之壬辰宋錢象祖以誅侂冑後書行省詔完顏匡移檄于宋函首以贖淮南故地十二月壬寅朔翰林直學士陳大任修遼史成詔新定學令削去薛居正五代史止用歐陽修所撰丙午詔策論進士免試弓箭擊毬 八年正月癸酉詔收毀大鈔行小鈔乙亥未安丙遣兵襲鶴嶺關把回游摑刺擊走之斬其將景統領丙子左司郎中劉昂通州刺史史肅監察御史王宇吏部主事曹元員外郎徒單永康太倉使馬良顯順州刺史唐括直思白坐與蒲陰令太中私議朝政皆杖之癸未如春水丙戌如光春宮二月乙巳宋錢象祖遣王柝請川陝開隘甲寅如建春宮庚申諭有司時方農作雖在禁地亦令耕種己巳還宮三月庚寅諭尚書省與宋和上問宋人復能背盟否右司郎中王維翰對

弘簡錄 卷一百一十七 金主六

曰宋主怠于政事南兵佻弱兩淮擾後千里蕭條其臣懲侂冑師且無復敢執其咎者不足憂也四月癸卯日暈三重皆內黃外赤戊申禘于太廟庚戌如萬寧宮甲寅敕尚書省北邊無事東北路招討司還治泰州就兼節度使其副招討仍置于邊詔論有司以苗稼方興宜速遣官分道巡行農事以備蟲蛇問月辛未上諭宰臣翰林侍讀學士蒲察畏也言宋遼謝使雖未到闕當先擇報聘人其言甚當此方更始之際凡有禮數皆在奉使自後永為永例不可不慎甲午雨雹五月丁未御應天門備黃麾立仗親王文武合班起居上表稱賀遣戶書高汝礪禮書張行簡奏告天地武衛都指揮徒單鏞告太廟御史中丞孟鑄告社稷尚書省宣露布懸宋賊臣韓侂冑蘇師旦首于通衢漆而藏之軍器庫頒詔天下己未更元帥府為樞密院癸亥移天

壽節於十月十五日六月癸酉宋通謝使禮部尚書許奕右武衛上將軍吳衡等奉其主書入見甲戌謝于衍慶宮癸未以許宋平詔中外免河南山東陝西等六路今年夏稅河東河北大名等五路半之戊子飛蝗入京畿詔遣使分路捕之丁酉以副都點檢完顏侃為宋諭成使禮部侍郎喬宇副之七月詔頒捕蝗圖于中外戊申宋使朝辭答書通謝并致誓書八月士申更定遼東行使鈔法癸酉如建春宮庚寅如秋山九月甲子遣吏部尚書賈守謙等一十三人分詣諸路與各路按察司官推排民戶物力上名見香閣諭以除推收外其銷之者當盡除之如一戶元物力三百貫今蠲減二百五十貫倘不能當新強者如一戶三百貫勿添盡量存氣力止添二百貫卿等宜各用心十年之間百姓感當賦役利害非細苟不稱所委治罪當不輕

弘簡錄 卷一百一十七 金主六

也十一月丁酉朔詔諸路按察使並兼轉運使初設三司使掌判監鐵度文勸農事以樞密使紇石烈孛孫之癸卯詔戒諭尚書省國家之治在於紀綱紀綱所先賞罰必信今乃上自省部之重下逮司縣之間律度非循私懷自便遷延曠歲苟且成風習此為恒從何致理朝廷者百官之本京師者諸夏之儀其妨自今各懲已往遵繩奉法竭力赴功無枉撓以循情無依違而避勢壹歸于正用範乃民是日御臨武殿試護衛丁未敕諭臨潢泰州路兵馬都總管承裔等修邊備乙卯帝不豫丙辰崩于福安殿年四十一大安元年正月諡曰憲天光運仁文義武神聖英孝皇帝廟號章宗二月甲申葬道陵 帝在位二十年承世宗治平日久宇內小康乃正禮樂修刑法定官制典章文物粲然成一代治規又數問侍臣漢宣綜核名實唐代考課之

法蓋欲跨遼宋而比跡于漢唐羣臣內外上事章數十上請正尊號固却不受以終其身亦可謂有志於治者矣然婢寵擅朝冢嗣未立疏忌宗室傳授匪人向之所謂維持鞏固於久遠者徒為文具而不得為後世子孫一日之用金源氏從此衰矣

弘簡錄卷二百十七終

弘簡錄

卷二百十七

七

三

金主之七

弘簡錄卷二百十八

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金主之七

衛紹王諱允濟小字興勝以避顯宗諱改允為永乃世宗第七子母元妃李氏王長身美髯天資儉約不好華飾初封薛王進滕王大定十七年授世襲猛安二十五年加開府儀同三司二十六年為祕書監明年轉刑部尚書又明年改殿前都點檢章宗初進封薛王起復判安武軍節度使五月至冀州到任表謝賜詔優答進封韓王明昌四年改判興平軍五年轉沁南軍承安二年封衛王三年改昭義軍泰和元年判彰德府五年判平陽府又改武定軍節度使初章宗誅鄭王永蹈趙王允中久頗悔之八年十一月衛王入朝時章宗已感嗽疾因無繼嗣其諸叔并兄弟雖存意皆不在惟愛王柔弱鮮智能故獨留之王自以永蹈母弟堅辭欲行上力疾與之擊毬因語王曰叔不欲作王人違辭去耶無何大漸王尚未發李氏及黃門李新喜平章完顏匡定策傳遺詔畧曰皇叔衛王承世宗之遺體鍾厚慶於元妃人望所歸曆數斯在今朕上體太祖皇帝傳受至公之意付昇寶祚仰皇帝位於樞前衛王固讓再三始承詔舉哀明日羣臣朝見于大安殿詔路府州縣為大行皇帝服七日大安元年正月辛丑飛星如火起天市垣有尾跡若赤龍壬戌改元大赦立元妃徒單氏為皇后二月乙丑朔太白晝見經天壬辰詔曰章宗皇帝以天下重器畀于眇躬遺旨掖庭內人有娠者兩位如其中有男則立為儲或如所生皆男則擇其可立

者立之申諭多方皎如天日朕思克副遺意曲為盡心昨聞有
 爽于安養朕憂念不置軫懷靡寧告于先帝願降靈祉默賜保
 全早生聖嗣甲午命欽懷皇后母鄭國公主及乳母蕭國夫人
 守視大臣專為調護丁酉平章僕散端左丞孫即康奏言賈氏
 當以十一月免乳今已出三月范氏產期合在正月而太醫副
 使儀師顏言自年前十一月診得范氏元氣有損調治迄今脉
 息雖和胎形已失及范氏自願於神御前削髮為尼庚子封皇
 子六人為王三月甲辰道陵禮成大赦詔自今於朕名不連續
 及臬詠等字不須別改五月宋與高麗遣使來賀即位七月幸
 海王莊臨奠魯國公主八月帝生日為萬秋節各遣使來賀九
 月如大房山謁奠睿裕道三陵百官表請建儲不允十月歲星
 犯左執法已卯詔戒勵風俗十一月平陽地震有聲如雷自西
 弘簡錄 卷一百一十八 二 金主之七
 北來壓死民口甚眾十二月詔一戶三人死者免租稅一年二
 人及傷者免半年貧民給葬錢五千傷者三千 二年正月庚
 戌朔日中有流星出大如盆其色碧向西行漸如車輪尾長數
 丈没于蜀中至地復起光散如火二月客星入紫微垣光散為
 赤龍地大震有聲如雷四月校大金儀禮北方有黑氣如大道
 東西亘天徐邳州河清五百餘里以告宗廟社稷五月詔儒臣
 編續資治通鑑六月大旱下詔罪已振貧民闕食者曲赦西京
 太原兩路雜犯死罪減一等徒以下免丙寅地震至七八月不
 止乙丑立子胖王從恪為皇太子丁卯獵于近郊戊辰夏人侵
 葭州九月地震大震乙未詔求直言招勇敢撫流亡庚子遣使慰
 撫宣德行省軍士丙午京師戒嚴上日出巡撫百官請視朝不
 允辛亥宣德行省罷癸丑詔撫諭中都西京清倉被兵民戶十

一月獵于近郊中都大悲閣東渠內火自出逾旬乃滅閣南剝
 竿下石罅中火自出人近之即滅俄復出如是者復旬日中都
 火歟民居是歲大饑禁百姓不得傳說邊事 三年正月乙酉
 朔焚惑入氏中宋高麗夏遣使來賀二月焚惑犯房宿有大風
 從北來發屋折木通玄門與東華門重關俱折問月焚惑犯健
 閉星三月大悲閣災延及民居有黑氣起北方廣長若大堤內
 有三白氣貫之如龍火狀詔括民間馬令職官各出有差四月
 大元兵起遣西北路招討使粘合合打乞和不許六月壬寅更
 定軍前賞罰格八月獎諭行省官獨吉思忠完顏承裕等河南
 大名路軍逃歸下詔招撫之九月思忠承裕敗績于會河堡全
 軍皆覆居庸關失守萬戶瓜頭屯古北口禁男子不得輒出中
 都城門大元前軍至中都中外戒嚴十月每夜初更正東西北
 弘簡錄 卷一百一十八 三 金主之七
 天明如月初出經月乃滅焚惑犯壘壁陣上京留守徒單鑑遣
 同知烏古孫兀屯將兵二萬衛中都上巡撫諸軍十一月殺河
 南陳言人郝贊右丞相益發中都在城軍時德興弘州昌平懷
 來緝山豐閭密雲撫寧集寧東過平灤南至清滄由臨潢過遼
 河西南至折代皆歸大元十二月簽陝西兩路漢軍五千人赴
 中都太保張行簡丞相僕散端宿禁中議軍事
 崇慶元年正月朔改元赦宋夏遣使來賀三月大旱遣使冊李
 遵頊為夏國王夏人犯葭州延安路兵馬總管完顏奴婢禦之
 五月簽陝西勇敢軍二萬人射糧軍一萬人赴中都括陝西馬
 詔賈空名勅糜河東陝西大饑斗米錢數千流莩滿野以南京
 留守僕散端為河南陝西安撫使提控軍馬七月有風自東來
 吹帛一段高數十丈飛動如龍形墜於拱辰門八月萬秋節以

兵事不設宴十月曲赦西京遼東北京十一月振河東南路南
京路陝西東路山東西路衛州旱災十二月夏遣使謝封冊
至寧元年正月遣官振河東陝西饑二月詔撫諭遼東三月太
陰太白與日並見相去尺餘五月改元詔諭咸平路契丹部人
復起嘯聚者六月陝西大旱夏人犯保安州殺刺史又犯慶陽
府殺同知七月以刑部尚書王維叅知政事八月戊子大霧晝
晦治中福海別將兵屯城北辛卯胡沙虎矯詔以誅反者爲名
招福海執而殺之奪其兵壬辰遂作亂叩東華遣人呼守直親
軍百戶冬兒五十戶蒲察六斤不應許以世襲猛安三品官職
亦不應都點檢徒單鎬繼而出護衛斜烈乞兒親軍春山共搥
鎖啓門胡沙虎以兵入宮盡逐衛士代以其黨突已逼帝出宮
載以素車囚之故邸以武衛軍二百人錮守之遣黃門入收符
弘簡錄 卷二百十八 四 金主之七
聖尚宮左夫人鄭氏端居聖所聞變拒其人曰聖乃天子所用
汝何人敢取之黃門曰今天時大變主上猶且不保况聖乎御
侍當思自脫計鄭厲聲罵曰若輩宮中近侍恩遇尤隆君難不
以死報之反爲逆監奪聖耶我死可決聖必不與遂瞑目不語
黃門出胡沙虎使宦者李思中弑帝於邸立宣宗請廢爲庶人
詔百官二百餘人議衆相視莫敢言獨拾遺白廷秀奮然曰先
朝素無失德在禮不當廢從之者禮書張敬甫戶部武文伯諫
議張信甫麗才卿石抹晉卿等二十四人太保張行簡請用漢
昌邑王晉海西公故事降爲侯侍御史完顏訛出等十人請降
復王封胡沙虎執前議紛然不定宣宗曰譬諸問途百人日東
行是十人日西行是行道之人果適東乎適西乎朕徐思之丙
戌降封東海郡侯十月辛亥虎被高琪殺甲寅諫議張行信上

疏曰春秋之法國君立不以道若嘗與諸侯盟會卽列爲諸侯
東海在位已六年矣爲其臣者誰敢干之胡沙虎握兵入城躬
行弑逆當是時惟鄴陽石古乃率衆赴闕論其忠烈在朝食祿
者皆當愧之陛下始親萬機海內望治亟宜褒顯延及子孫庶
幾少慰貞魂激天下義氣宋徐美之弑營陽王立文帝卽位誅
之亦以奉迎之功特免妻子胡沙虎國之大賊世所共惡今雖
已死而罪名未正合暴其過惡先布中外除名削爵緣坐其家
然後爲快陛下若不忍援立之勞則依倣元嘉故事亦足以示
懲戒矣未宣宗乃下詔削虎官爵封鄭氏資明夫人凡從石古
乃鄴陽戰者千戶賞錢五百貫謀克三百貫蒲鞏散軍二百貫
各遷官兩階戰沒者贈賞付其家冬兒加龍虎衛上將軍再遷
宿直將軍蒲察六斤加定遠大將軍武衛軍鈐轄貞祐四年詔
弘簡錄 卷二百十八 五 金主之七
追復衛王諡曰紹 時因亂後記注亡失史不復載逮元中統
間翰林學士承旨王鶚承摭當時詔令故金部令史寶祥年八
十九能記憶舊事從得二十餘條司天提點張正之寫災異十
六條張承旨家載舊事五條楊雲翼日錄四十條陳老日錄三
十條藏在史館今校其重複刪其繁雜畧存梗槩又於金掌奏
日女官大明居士王氏所記得資明夫人授聖事討著于篇
載記 金主八之上
宣宗皇帝諱吾盾補顯宗庶長子母昭華劉氏大定三年癸未
三月十三日生世宗養于宮中十八年封溫國公加特進二十
六年賜名珣二十九年進封豐王加開府儀同三司累判兵吏
部并永定軍承安元年進封翼王泰和五年改賜名從嘉八年
進封邢王又封昇王判彰德軍所至著祥異紇石烈執中遣其

黨徒軍銘等迎于彰德既至親王百官上表勸進九月甲辰即
 皇帝位於大安殿加執中太師乙巳朔諭尚書省凡事規畫悉
 依世宗所斷行之羣臣若有見聞各直言勿隱丁未臨奠于衛
 王第有司奏舊禮當設坐哭上命撤坐伏哭盡哀勅有司以禮
 改葬戊申御仁政殿視朝壬子改是年為貞祐元年大赦恩賚
 中外臣民有差丙辰左諫議張行信上言崇節儉廣聽納明賞
 罰三事上納之丙寅詔論六品以下官事有可言者言之無隱
 閏月戊辰朔拜日于仁政殿自是每月為常庚午告天地廟社
 復舊名珣詔中外不須迴避前所更名辛未追尊皇妣為皇太
 后是日皇妃皇子至自彰德甲申立子守忠為皇太子甲午減
 定監察御史為十二員十月丁酉朔元兵下涿州京師戒嚴辛
 丑元遣乙里只來壬子設京城鎮撫彈壓官置招賢所癸亥放
 弘簡錄 卷二百十八 金主之八
 宮女百三十八十一月戊辰夏人攻會州徒單醜兒出兵擊走
 之庚午詔百官會議尚書省乞和于元癸未元兵徇河間府并
 滄與觀州乙未定亡失告身文憑格十二月丁酉朔上御應天
 門詔諭軍士仍出銀以賜之 二年正月丁卯朔邊事亟免朝
 賀辛未元兵徇彰德府宋人攻秦州統軍使石抹仲溫擊却之
 癸未從有司奏權止今年禘享朝獻原廟及皇太后冊禮乙酉
 元兵徇益都府乙未徇懷州沁南軍節度使宋展死之二月壬
 子元乙里只札八來丙辰罷按察司壬戌元乙里只復來三月
 辛未遣左丞完顏承輝詣元軍請和丁丑赦國內癸未大括粟
 庚寅詔百官議于尚書省奉衛紹王公主歸元議和是為公主
 皇后辛卯詔許諸人納粟買官壬辰元兵下嵐州四月戊戌奉
 遷昭聖皇后柩權厝于新寺時山東河北諸郡失守惟真定清

沃大名東平徐邳海州數城僅存河東州縣亦多殘燬庚子元
 允和議兵退大赦國內命僕散安貞與兵部尚書裴滿子仁刑
 部尚書武都分道宣撫安集遺黎甲辰詔有司具陣亡人子孫
 以備錄用乙卯從尚書省奏巡幸南京已未葬衛紹王五月乙
 亥決意遷都詔告國內太學生趙昉等四百人上章極論和議
 之害朝廷大計已定不能中止慰諭遣之丙子詣原廟奉辭戊
 寅先詔諭僕散端等壬午車駕發中都丙戌次定典禁有司扈
 從踐蹂民田所踐禾稼計直酬之丁亥次安肅州完顏弼以兵
 迎見癸巳次中山府六月癸丑次內丘縣戊午次彰德府曲赦
 境內庚申次鉅橋鎮南京行宮寶鎮閣災壬戌次宜村黃龍見
 西北七月車駕至南京立元妃溫敦氏為皇后百官上表稱賀
 庚子皇太子至詔曲赦中都路丁未夏人入邊命移文賁之甲
 寅罷經畧司九月壬戌朔日食皇孫生癸亥山東路報萊州之
 捷庚辰詔訓練軍士丁亥太白晝見于軫戊子禁軍官圍獵十
 月甲午詔遣官市木波西羌馬陝西軍戶戰死者給糧贍其家
 丁酉元兵徇順州丙辰元兵收成州諭大名行省李術魯德裕
 貶損用度十一月辛未賜衛紹王家屬餼廩癸酉詔有司答夏
 國牒丙子許諸色人試武舉蘭州譯人程陳僧叛西結夏人為
 援辛巳熒惑犯房宿鈞鈴星癸未曲赦遼東路勅罷宣撫司輒
 擬官十二月頒勸農詔戊戌遣真定元帥承錫等授中都丁未
 以和議既定聽民南渡乙卯元兵徇懿州 三年正月辛酉朔
 宋遣使來賀壬戌遣內侍諭承錫防邊母以和議為辭癸亥曲
 宴宋使及羣臣甲戌定文武五品以上侍坐員遂為常制乙丑
 詔宣撫阿海總管合住討賊劉仁祖張汝楫戊辰從尚書省言

內外軍人入粟補官者多行伍浸虛謝俟平定應監差者與三
酬門戶有職事者陞一等其子弟應廢者罷之乙亥夏人犯環
州北京軍亂殺宣撫使與屯襄曲赦其罪英諭官吏命招撫之
丁丑右副元帥蒲察七斤以其軍降於元中都危急詔元帥左
監軍永錫將中山真定保涿兵一萬左都監烏古論慶壽將大
名兵萬八千以御史中丞李英運糧大名行省叅政李木魯德
裕調發詔曰中都重地廟社在焉宜急往援付以空名宣勅許
視功遷叙逗撓者治以軍律辛巳皇太子疾輟視朝乙酉薨二
月辛卯環州刺史烏古論延壽及斜卯毛良虎等敗夏人于州
境詔進官有差元使乙里只來勅宗臣饋以酒饌乙未改寧邊
州隸嵐州丁酉從戶部郎中與屯阿虎請諸色人遷官並視女
直人有司妄生分別以違制論丙午尚書省以南遷後吏部秋
冬置選南京春夏置選中都赴調者不便請併選於南京從之
丁巳日初出赤如血欲沒復然戊年大風壞隆德殿鴟尾時河
北殘燬官吏多求河南差占以避難三月壬戌詔文武五品以
上辟舉州縣官不聽以他事差古仍勅終任有勞績者升以遇
領職事應降罰者亦止本處居住有任兵戎者不可離別注以
往丙寅勅河東河北大名長貳官訓練隨處義兵鄰境有警賞
其拔授降人自拔歸國者遷職仍列其姓名以招諭來者五品
已上官公舉沿河州縣官罷軟不勝職任者汰去仍許今季到
部人內先擇能者量緩急易之乙亥永錫慶壽兵至霸州北李
英破酒軍無紀律元兵攻之遂大敗丁丑勅遼東宣撫使蒲鮮
萬奴選精銳屯瀋州廣寧以候進止壬申立上生日為長春節
宋遣使來賀戊寅諭尚書省自去冬不雨雪議弛諸處碾磑以

弘簡錄 卷一百一十八 九

其水溉民田已卯始雨庚辰從御史臺言在京軍官及委差官
芻糧券例悉同征行密院委差有俸人吏非征行不必給壬午
山東宣撫司報大沫壩之捷夾谷石里哥及汲烈擒賊渠劉二
祖等斬之前後殲賊萬計己丑曲赦山東路禁州縣置刃於杖
以決罪人時京師道遠隔絕前京兆治中李友直結華州防禦
同知馮朝河州防禦判官郝遵甫平涼府同致仕楊庭秀水洛
縣主簿宿徽等圍樂州民號忠義扈駕相挺為亂殺其防禦判
官完顏八斤及城中女直人以書約長勝軍都統楊珪為府兵
所得珪諱之請有效誘友直等執之寔所招千餘人納仗阮諸
城下安撫司以便宜族友直等事聞增八斤及被害官軍十餘
人各一官賻錢三百貫珪伏誅四月丙申河南路蝗遣官分捕
上諭宰臣朕在潛邸聞捕蝗者止及道傍使者不見處即不加
弘簡錄 卷一百一十八 九

意當以此意戒之又言舊制夏至後免朝四日一奏事此在平
時可已方今多故勿憚朕勞但使國事無廢則善矣癸卯籍赴
選監當官為軍乙巳罷南京行六部尚書曲赦蒲察七斤脅從
黨與募能殺獲者以其官官之丙午以調度不給罷隨朝六品
以下官奉應輸備錢減經兵州府縣官吏及備內軍夫有祿人
被差不出本境者並罷給券出境者以其半給之丁未啓故皇
太子敢權葬迎朔門外諡曰莊獻壬子遣使同山西宣撫司招
撫軍民選其民勇健者為軍仍降詔諭有司勿拒河北避兵之
民所至加以存卹檢覈朝廷差遣官券曆無故稽留中道者罪
之中都破壬戌降空名宣勅紫衣師德號度牒以補軍儲辛未
立守忠子鏗為皇太孫數月天諡曰冲懷辛巳上諭宰臣多事
之秋陳言者朕於宮中置局命方正官數員擇可取者付出施

行戊子謀伐西夏遣大臣鎮撫京兆七月戊午朔元兵收濟源縣已未徵弓箭于內外品官三品以上三副四品五品二副餘以等級徵之丁憂致仕者免庚申置陳穎漕運提舉官以戶部勾當官往來督察是夕有星如太白色青白有尾出紫微垣北極傍入貫索中辛酉詔河間孤城移其軍民就粟清州河北郡縣軍須並減河南之半壬戌括民間騾付諸軍與馬參用癸亥定尚書所造諸符樞密院鹿宜撫司魚都統司虎甲戌借平陽民租一年命裁損宮中歲給減致仕官俸給之半丁丑肅宗與明德皇后神主至自中都奉安于明俊殿戊寅月入畢宿戊夜犯畢大星甲申改交鈔名貞祐寶券八月戊子朔以陝西統軍使完顏合打簽樞密院事己丑制軍府庶事樞密院官須與經歷官裁決經歷議是而院官不從許直以聞癸巳詔遣官體究弘簡錄 卷一百一十八 十一 金主之八

京西路新遷軍戶壬子置行省于陝西乙卯增沿河關羅之法十取其八以抑販粟之弊仍嚴禁私渡增步軍萬人戍京以西四萬人戍京以東選陝西騎兵二千增京畿之衛諭陝西堅守延安臨洮環慶蘭會保安綏德平涼德順鎮戎涇原邠坊邠寧乾耀等處要害分渭南州郡步兵屯平原令宜撫使治邠州副使治同州之澄城以統之更以步騎守沿渭諸津九月丁巳朔定職官避難不仕違限者奪三官永不升注丙寅樞密院言邊事方急昨陝西河東世襲蕃部巡檢與猛安謀克例罷其俸宜仍給之庶獲其用其西邊弓箭手有才武出眾獲功未推賞者令宜撫司覈實以聞從之戊辰設潼關提控總領軍馬等官置河北東路行總管府於原武陽武封丘陳留延津通許杞諸縣以治所徙軍戶辛未鎮防軍段仲連進牟三百詔遷三官壬申

建蘇門縣為輝州癸酉朝謁世祖太祖御容于啓慶宮行獻享禮始用樂甲戌朝謁太宗熙宗睿宗御容行獻享禮詔開滑濟濟曹勝諸州置連珠寨如衛州乙亥詔經兵處河北山東等路及平涼慶陽臨洮府涇邠秦鞏德順諸州職事官並以二十月為滿募隨處主帥及官軍義軍將校有能率眾復取中都者封王遷一品官階授二品職能戰却敵善誘降人取附都州縣者予本處長官散官隨職遷授餘州縣遞減二等紅襖賊周元兒陷深祁州東鹿安平無極等縣與定帥府以計破之斬元兒及殺其黨五百餘人丁丑詔司縣官能募民進糧五千石以上減一資考萬石以上遷一官減二資考二萬石以上升官一等法見闕庚辰陝西宜撫司來上第五將城萬戶楊再興擊走夏人之捷付以空名宣勅凡夏人入寇有能臨陣立功者五品以下弘簡錄 卷一百一十八 十二 金主之八

並聽遷授乙酉置大名行總管府于祐城縣以治所徙軍戶十月丁亥夏人入保安都統完顏國家奴破之攻延安成將又敗之是日捷至戊戌遼東宜撫司報敗留哥之捷丙午夏人陷臨洮陝西宜撫副使完顏胡失刺被執癸丑遼東賊蒲鮮萬奴僭號改元天泰十一月戊午密院進王世安取盱眙楚州之策以為招撫使與泗州元帥府所遣人同往淮南計度其事戊辰夏人犯綏德克戎寨官軍敗之犯綏平又敗之賞有功將士及來告捷者叅知政事徒單思忠言今陳言者多撥拾細故乞不送省止令近侍局度其可否發遣上曰若爾是塞言路凡係國家者豈得不由尚書省乎庚午上與左丞汝礪商畧遣官括田賜軍之利害汝礪言不便者數端乃詔有司罷其令仍給軍糧之半其半給實價因語宰臣朕恐括地擾民罷其令矣官荒牧馬

地軍戶願耕者聽已爲民承種者勿欲甲戌移刺塔不也軍人破夏數萬人於熟羊寨丙子詔市民間輓車廢疾牝馬置羣收中以圖滋息知臨洮府陀滿胡士門破夏人八萬於城下庚辰上語宰臣舊例點檢左右將軍近侍局官護衛承應人秩滿皆賜匹帛雖所司爲之製造然不免賦取於民近亦罷之止給寶券至於朕所服御亦以官絲付太府監織之自今勿復及民壬午元兵徇彰德府知府陀滿斜烈死之十三月乙酉朔徙朔州民分屯嵐石隰吉絳解等州戊子以軍事免樞密院官朝拜庚寅太白晝見壬辰詔免元日朝賀及親王公主進酒乙未太康縣人劉全時溫東平府民李寧謀反伏誅壬寅詔林州刺史惟宏與都提控從坦同經理邊事諸將功賞次第便宜行之四年正月癸亥朔上面諭御史臺今日且視朝百官既拜之後始

弘簡錄

卷一百一十八

主

金主之八

之臣籍其數立廟致祭三月丁巳曲赦中都河北等路議軍戶給地事乙丑延州刺史溫撤可喜上疏言皇太子宜選正人爲師保已已命禮部尚書張行信提控社稷預告其事庚午滄州經畧副使張文破趙福復恩州丙子曲赦遼東路庚辰復邢州捷至四月己丑陝西行省報秦州官軍破妖賊趙川劉高二之捷遣官鞫單州防禦使僕散倬之罪罷其城役丙申河南陝西蝗丁酉太白晝見于奎己亥夏人葩俄族都管汪三郎進千羊率其蕃戶來歸詔納之優給其直辛丑兗州泗水人郝定僭稱大漢皇帝署置百官攻陷秦安滕兗單諸州及萊蕪新泰等十餘縣滕邳之間道路不通詔樞密院招捕禦備五月癸丑朔行都太廟成禮官奏禮從簡約惟以親行祔享爲敬請權停鹵簿儀仗及宮縣樂舞從之山東行省上沂州捷已巳夏人將圍臨洮鞏州關長安命陝西行省嚴爲之備六月壬辰遼西偽瀛王張致遣完顏南合張頑僧上表來歸詔授致特進行北京路元帥府事兼本路宣撫使南合北京兵馬總管同知頑僧廣寧府同知丙申水星晝見于奎百有一日乃伏癸卯詔有司祈雨罷河北諸路宣撫更置經畧司壬子旱詔李革審決京師冤獄七月甲寅郝定伏誅乙卯飛蝗過京師勅減尚食品物及後宮歲給織帛有差閏月辛卯復深州癸巳翰林學士完顏字迭進中興事跡甲午詔舉奇才絕力之士頒格賞罰提控都副統等官互舉其屬許功過相除品官及草澤人一體升降庚子詔河南陝西鎮防軍應及納粟補官者當役如舊候事定乃聽赴銓八月甲寅三原縣僧廣惠進僧道納粟多寡與都副統儀及監寺等格從其言謂之乙亥命大名控撫便募人持詔往諭中都

弘簡錄

卷一百一十八

主

金主之八

民丙子元兵攻延安九月辛巳朔攻定州壬辰攻代州經畧使
 與屯醜和尚禦戰敗績身被數創被執欲降不屈死之十月已
 未上幸親王百官奉安祖宗神主于太廟行耐享禮赦中外庚
 申招射生獵戶練習武藝知山徑者分屯陝饒要地辛酉元兵
 攻潼關西安軍節度使泥龐古蒲魯虎禦戰成兵皆潰死之乙
 丑詔立賞格諭河南官吏軍民募立功之士命叅政徒單思忠
 提控京師鎮撫移刺周刺阿不屯關陝詔吏禮兵工四部尚書
 董治防城器械擊坎奔築垣墻戊辰命張行信攝太尉奉安社
 稷禮樂咸殺其數已巳元兵徇汝州諭附京民盡徙其獨糧入
 城官儲併運之公河惟存通報小舟餘皆焚之庚午詔宿柵州
 縣簽民為兵就署隊長以自防遏河南行省胥鼎自將精兵入
 援上命樞府督軍應之辛未置官領招賢所事有自負長才不
 弘簡錄 卷一百一十八 金主之八
 為人所知者聽赴所自陳其間智勇識畧能區畫者內外官採
 訪以聞得實超任仍賞舉主壬申以龍虎衛上將軍裴滿羊哥
 知歸德府兼行樞密院事丙子知河南府完顏合打以徵兵失
 應坐誅已卯戶部郎中魏琦没于王事命官其子已卯從吏部
 令史韓希祖言自今會以戰功致身者盡拘京師備用十一月
 庚辰朔增定守禦官及軍人遷賞格乙酉元兵至沔池右副元
 帥蒲察阿里不孫軍潰失其所佩虎符辛卯詔立功五品以上
 官賜餼御前六品以下官賜餼近侍局癸巳上諭皇太子京城
 提控官有以文資充者彼豈知兵其速易之甲午放免諸職官
 僚從及諸司局射糧兵卒嘗選充軍者戊戌勅諸州縣簽籍軍
 民以備上寇已亥華州元帥府復濼關庚子元兵退罷在京防
 城民軍河南路統軍使紇石烈掃合發兵後期誅之十二月癸

亥元兵攻平陽丙寅徇大名府壬申進自代州神仙橫城及平
 定承天鎮諸隘攻太原府乙亥木虎高琪請修南京裏城時民
 力方困上嘆此役一興病滋甚矣城雖完固朕亦何能獨安此
 乎是故扶風郿縣蘇傷麥京兆鳳翔同華河南鄆裕汝亳宿泗
 等州大蝗分遣往捕之
 興定元年正月癸未宋賀正使朝鮮上語宰臣聞息州南境有
 盜此乃彼界饑民公准為亂爾宋人何故來擾高琪請伐之以
 廣疆土上曰朕意不然但能守祖宗所付足矣安事外討琪謝
 臣言誠過今雨雪應期皆聖德所致而能包容小國天下幸甚
 乙未詔中都西京北京等路策論進士及武舉人權試于南京
 東平婆速上京等四路丙申東平行省言調兵以來吏卒因勞
 進爵多至五品例獲封贈及民年七十並該單恩若人往自陳
 弘簡錄 卷一百一十八 金主之八
 公私俱費請令本路為製誥勅類赴朝廷以求印署使受命者
 量輸諸物而給之庶人力不勞兵食少濟從之乙巳元兵攻觀
 州二月戊申朔初用貞祐通寶一貫賞寶券千貫已酉命樞密
 院汰罷軟軍上尚書省議減冗員用官馬給驛傳以紓民力癸
 丑罷招賢所乙卯皇孫生百官稱賀詔無用樂已未元兵徇忻
 代詔定坐乏軍備州縣官積階至三品者聽行部決遣尚書省
 請罷州府學生原給上不許三月戊寅勅事關刑名當面議之
 勿聽轉奏乙酉上宮中見蝗遣官分道督捕仍戒勿以苛暴擾
 民已亥元兵攻新城庚子攻霸州四月庚戌滕州花帽軍作亂
 詔山東行省討之南陽五朶山盜眾至千餘命節度副使移刺
 羊哥討之遇于方城招降不從上前奮擊殺其眾殆盡戊午單
 州南寇傷稼詔遣官勸諭農民改蒔秋田官給其種平定州賊

閻德用之黨顯殺德用以其衆降時詔與兵伐宋所招義軍各道總領使副叅知政事李革疏請以義軍界州縣爲今之計當養兵息民養銳待敵宋雖造噐止可自備若不忍小忿以動遠畧恐敵乘之及不能支尚書省上奏秋防在邇改法非便姑如舊制命州縣各司察之壬申詔論遼東請將亟討蒲鮮萬奴并捕受僞署官家屬得所降按察使高禮妻子皆戮之五月戊寅陝西行省奏破夏人于大北岔丁亥民苑汝濟上書陳言利害上以示宰臣有可采者即施行之壬辰延州原武縣雨雹傷稼詔官貸民種改時癸巳宋人攻頴州焚掠而去戊戌行樞密院兵敗宋人于泥河灣又敗之癸城縣辛丑宋人取澠水縣癸卯陝西行省奏蘭州水軍千戶李平等苦提控滿察燕京貪暴殺之搆夏人以叛脅其徒張俊俱行衆以計盡獲之便宜遷官弘簡錄 卷一百一十八 金主之二

人犯黃鶴全官軍敗之乙巳初置集賢院知院事同知院事等官宋人及土寇攻海州經畧使擊破其衆又戰石湫南戰漣水縣戰中土橋宋兵敗績夏人圍羊狼寨帥府發諸鎮兵擊走之八月戊申木波賊犯洮州行省敗之遁去癸丑宋人攻確山縣爲我軍所敗命大臣議其事集賢院諮議官朱益上書陳禦敵三策壬戌海州經畧使阿不罕奴失刺及提控李元與宋人戰屢捷多所俘獲甲子徙欄通渡經畧司於黃陵峒乙丑制增定擒捕逃軍賞格及居停人罪九月戊寅夏人犯緱德之克戎寨都統羅世卿逆擊却之已卯蔡州帥府偵宋人將窺息州以輕兵誘其進別以銳師逆擊之鹵其將沈俊壬午改元大赦辛卯元兵徇隰州及汾西縣癸巳攻沁州乙未元兵攻太原毀箕掌寨丁酉薄太原城攻交城清源癸卯立汾河冰壩鹿角十月丁未霖雨詔寬農民輸稅之限甲寅命高汝礪張行簡同脩章宗實錄癸丑息州帥府獻破宋人于中渡之捷乙卯元兵徇中山府及新樂縣丙辰丹州進嘉禾異畝同穎辛酉制定州府司集官失覺姦細罪及職官不求仕規避不赴任法乙丑元兵下磁州又收鄒平長山及淄州壬午從宜移刺買奴言五朶山賊魚張二等屢詔免罪若悉誅之恐乖恩信且其親屬淪落宋境近在均州或相構亂乞貸其死徙之歸德雖陳鈞許間爲便詔許之已丑元兵收山東濱棣博三州庚寅下沂州甲午河西拘納錢納等族千餘戶來歸戊戌元兵攻太原府庚子語宰臣朕聞百姓流亡通賦皆配見戶人何以堪又添徵軍須錢太多亡者詎肯復業宰臣請命行部官闕實蠲貸已代納者給以恩例或除他役或減本戶雜征四之一止曰朕於此事未嘗去懷其

亟行之十二月甲辰朔元兵攻潞州都統馮甫死之戊申即疊
移風若得日本國大船中有太宰府民七十二人因羅遇風飄
至中國詔有司覆驗無他給以糧餉俾還本國庚戌元帥左監
軍蒲察五斤進右副元帥權遼東行省叅知政事是日元兵平
益都府甲寅海州經畧使報提控韓壁敗宋人于鹽倉己未元
兵復攻沂州官民棄城遁辛酉又下密州

二年正月乙亥詔議賑恤免中京嵩汝等州通租壬午宋人攻
淮北唐州元帥府擊敗之獲統領季雄輔陳阜以歸癸未元帥
并近侍局副使訛可遣使報南師之捷乙酉元兵圍夏王城李
遵頊命其子居守出走西涼詔諭諸帥府明斥候嚴守備戊子
宋人攻泗州又戰却之二月癸卯宋人侵青口行樞密院遣兵
敗之甲辰克宋敵關論胥鼎可保則保不可保則焚毀而還丙
弘簡錄 卷二百十八 金主之八

午訛可敗宋人于防山庚戌海州經畧敗宋兵于胸山表請繼
其軍儲督東平帥府發兵護送資糧以應之許州長社縣何冕
等謀反伏誅丁巳壽州行樞密院破宋人高柳橋水砦奪其民
而還壬戌訛可遣兵板宋柵碁盤嶺又破其寨於裴家莊寒山
嶺龍門關等處得粟二千餘石乙丑上諭樞密院中京商號諸
州軍人願畊屯田比括地授之聞徐宿軍謂予田必絕其廩給
獨不願受朕意豈肯其令曉之又諭尚書省聞吏部多繳駁中
都納粟官殊不知方闕乏時利害如何又責立功戰陣人保官
若輩皆義軍白丁豈識職官朕在都時嘗植恩授規運薪炭入
城者以官此豈容偽亦為所沮自今勿復如是三月庚辰尚書
集文資官雜議進士之選詔依泰和例行之癸未訛可敗宋人
于光化軍戊子諭宰臣舊制廷試進士日晡後出宮恐能文而

思進者不得盡其才其今日沒乃出辛卯削陝西行尚書楊貞
五官累杖解職壬辰訛可表言官軍自桐栢入宋境所向克捷
蒲察五斤奏左監軍哥不孛誣殺防州宣撫副使紇石烈按敦
上從尚書省奏按敦徐議郵典使牢籠哥不孛五斤又奏遼東
使宜阿里不孫貸糧高麗不應輒以兵掠其境上遣人往諭使
知與兵非上國意四月乙巳置河南捕盜使副以濮王府尉完
顏毛良虎為宜差提控以巡督之丙午戶部尚書夾谷必蘭為
翰林學士承旨權遼東行省叅知政事庚戌御史劾集賢院諮
議官李維嶽本中山府無極縣進士趙孝選家奴乞正其事上
命以官銀五十兩贖放為良任使仍舊乙卯特賜武舉溫迺罕
繳住以下一百四十人及第戊午紅襖賊犯徐邳行樞密院兵
大破之癸亥以蝗旱遣重臣審理冤獄并督捕丁卯河南諸郡

弘簡錄 卷二百十八 金主之八
蝗丁卯臨洮路報敗宋人之捷東平行省又奏敗黑旗賊拔膠
西縣梁賊李全來援併破之戊辰河北行省敗紅襖賊進至密
州降偽將校數十士卒七百悉服其業五月甲戌招撫副使黃
稠阿魯魯破李全于莒州及日照縣之南三道擊之追奔四
十里辛巳策論詞賦經義進士及武舉人入見賜誥命章服山
東招撫司奏萊州民曲貴殺節度經略使內族轉奴自稱元帥
構宋人據城叛遣官王庭玉黃稠阿魯魯等討平之斬偽統制
白珍及牙校數十人生擒偽節度使呂忠及貴等十餘人誅之
朝命庭玉保萊朱琛保密阿魯魯保寧海以安輯其民辛卯壽
州行樞密院南城軍攻辛城鎮一軍趨史河與宋人戰勝之壬
辰河北行省復黃縣乙未第鳳翔秦鞏三道南征將士功各遷
其官己亥元兵徇錦州元帥劉仲亨死之六月甲辰樞密院奏

大元集兵應州飛狐將分道南下詔陝西河東各路義士土兵
蕃漢弓箭手宜亟教閱以備緩急東平單州衝要豫徙其農民
種畜置可守之城脩近城水砦因以為固潼谷遠連商虢宜令
兩帥府選官按視阨塞壬子紅襖賊犯沂州官軍敗之追至白
里港都提控齊信沒於陣丙辰遣監察御史粘剌校失往河中
絳解等郡同守土官商度可保城池丁巳久旱上諭宰臣治京
獄寃囚有小民納石炭過請官錢論死欲從寬宥高琪不可遂
止時軍前後官多有濫冒御史言戶部員外郎臧伯昇供億息
州偶遇官軍戰勝冒遷一官乞論其罪上以勢違帥府多故之
秋豈為一官遂忘大計但令今後釐正七月辛未詔賞南征將
士夏人犯龜谷提控夾谷瑞及其副趙防擊走之已卯遣官望
祀嶽鎮游濟于北郊分享太廟社稷祭九宮貴神于東郊以禱
弘簡錄 卷一百一十八 全主之八

有當亟行者先行後聞戊子置秦關等九守禦使命完顏蒲
察等分戍諸兀元兵徇汾州節度使兀頰訛出虎死之庚寅李
全破密州執招撫副使黃綱阿魯答魯度同知夾谷寺家奴辛
卯元兵下孝義縣乙未設隨處行六部官以京府節鎮長官充
侍郎郎中員外主事勾當官聽所屬任使州府官全充勸農使
餘充副使丙申李全破壽光縣十月甲辰又破鄒平縣戊申破
臨朐縣已酉元兵徇絳潞壬子攻平陽提控郭用死之癸丑下
平陽甲寅詔諸部錄囚官凡坐軍期者皆奏獻權平定州刺史
范鐸坐棄城伏誅丙辰宋人攻澠水縣提控劉瑛敗之丁巳元
兵攻澤戊午從尚書省言獲姦細叛亡率多僧道詔沿邊諸州
惟本處受度聽依舊居止來自河北山東遣入內郡議其出入
甲子詔河東北路忻代寧化東勝諸州全受嵐州帥府節制十
弘簡錄 卷一百一十八 全主之八

陽軍節度使權元帥石監軍嵐州元帥古里甲完復河東給空
名宣勅及金銀符許便宜遷注以招脅從丁巳籍瀕河墾兵癸
亥詔伐宋命皇太子撫軍得鼎言樞密掌天下兵凡事已屬東
宮又設諸道行院樞密但奉行文書而已自今軍中號令關賞
罰者皆明注詔旨毋容軍司得售姦欺從之上憂南征帥不得
其人與太子謀天下之廣緩恐無可倚嘆息而罷

弘簡錄卷二百十八

卷二百十八

注

弘簡錄卷二百十九

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金主八之下

宣宗興定三年正月丙子定鎮戍征行官減資歷月日格戊寅
議行均輸稅民種地畝勅和市邊城軍需無至亂民壬午大雪
命停葺器物庫廡舍丁夫免單丁民戶月輸軍需錢丙戌紇石
烈牙吾塔伐宋奏捷上語侍臣此事朕豈得已近日遣使質欲
講和彼既不從安得不用兵也時元兵已定太原河北事勢難
料集百官議備禦長久之計胥鼎上言沿邊州府官至于掌兵
及守禦邊隘者征行暴露備歷艱險一體減定資歷年月以示
激勸其近制軍前立功犯罪之人行院帥府不得輒行誅賞此

弘簡錄卷二百十九

注

見朝廷至意賞由中出示恩有歸可從至於部分失律主將不
得卽治其罪則將權太輕下無所畏而令莫得行矣上以問樞
密對如鼎言乃詔自今四品以下皆得專決丁酉鄧州帥府提
控婁室有罪滅死削爵二月丙午上語宰臣江淮之人號稱悞
弱自官軍攻蔓菁囑其衆困甚脅之無一肯降我蒙河朔州郡
一遇北將往往出降誠爲可嘆已酉白撒已得鳳州取武休關
將遂取獨詔尚書省議朕意殊不然假令得之亦何可守此舉
蓋爲宋人渝盟初豈貪其土地邪朕重惜生靈惟和議早成爲
佳爾已未詔將奏捷僕散安貞入宋境破梁縣等軍擒統制李
申之完顏賽不牙吾塔破白石關平山砦陝西兵破虎頭關取
與元洋州上聞大悅三月庚午又被宋人于七口倉甲戌高麗
表言先請朝貢今道路不通請俟平定後議通款命行省姑示

鞏磨勿絕其好已卯提控與屯吾里不敗宋人于上津縣軍還至濠州宋人來拒牙吾塔擊走之丙戌安貞破宋人于石塘山辛卯又破之于塗山壬辰賽不敗之于老口鎮又敗之于石橋崖時太原等路州縣各闕正官令民推其所愛為長從行省量與職任及運解鹽入陝西以濟調度命符鼎兼領其事其朝廷已授者別議任使問月壬寅叛賊王公嘉構宋人取沂州丁未諭樞密院議晉安東平河中諸部備兵之策辛亥少府少監粘割梭失言利害七事甲寅以南伐師還罷南邊州郡籍民為兵戊午夏人破茂州之通泰若刺史紘石烈王家奴戰沒壬戌治書侍御史蒲魯虎上書請選太子師傅甲子賞南伐功晉鼎等各遷官四月丙寅朔裕宿等州置元帥府選陝西步騎精銳六千人實京兆戊辰選精銳六萬分屯平涼涇邠乾耀等州庚午

弘簡錄 卷一百一十九 金生八下

時暑給脩城夫病者藥餌甲戌李全寇日照博興紘石烈萬奴敗之寇即墨完顏僧壽又敗之遂復萊州戊寅曲赦河東南北路詔陝西簽軍如河南例丁亥命防禦使徒單福定等帥所部義軍與沂州民老幼盡徙于邳戊子遼州總領提控唐括徇兒帥師復太原府詔右司諫郭著撫諭其軍民七月丁酉籍邳海等州義軍脅從歸國人給地三十畝有力者五十畝仍蠲差稅充軍者日支糧二升號決勝軍時襄城功未畢尚書欲增調民上慮妨農并糧儲不繼諭樞臣言是役之興實為大計今功已過半偶值霖潦成功差進所議增丁夫勢必驗口不令妨業比及防秋當告成矣卿等善為計畫無貽朕憂庚子平涼等處地震遣徒單思忠祭地祇于上清宮曲赦陝西山西路甲辰置京東西南三路行三司勸民種麥無種粒者貸之八月戊辰遣

弘簡錄 卷一百一十九 金生八下

告大廟百官奉表稱賀詔中外已卯元兵次單州境詔諸路民應避兵而不欲者亟遣人以利害曉之癸未襄城畢工百官稱賀安宰臣便殿仍建碑于會朝門遷擊一官賜琪汝礪思忠金鼎各一重幣三丁亥天兵屯綿上壬辰命有司并開舍給薪米以濟貧民期明年二月罷俟時平則贍之以為常十一月癸巳朔前嵐州倉使張祐自夏國來歸已亥元兵徇彰德府辛丑詔朝官七品外路六品以上官歲舉縣令一人上聞戶部令史蘇唐催封丘租期限迫促民有刈生禾來輸者遣吏按問杖唐五十縣令高希隆減二等甲寅徐州總領納合六哥大破紅襖賊于狄山禮部郎中林撚胡魯刺上疏言時事丁巳高琪下獄泰安軍副使張天翼為賊張林所執以歸宋繁之楚州至是逃歸授睢州刺史戊午元兵平晉安府十二月誅琪

弘簡錄 卷一百一十九 四 金生八下

四年正月壬辰朔詔免朝丁酉元兵下好義堡庚戌宋步騎十萬聞鄧州聞援軍至夜焚營去招撫副使木虎移刺蒼追及之奪其俘還壬子晝晦有頃大雷電雨以風癸丑戶部侍郎張師魯上書請遣騎兵數千及春淮蜀並進以撓宋三月癸卯長春節免朝乙巳林州元帥惟良擒叛人單仲李俊誅之降其黨盧廣已酉南京兵馬使木甲賽也行懷孟帥府事壬子經略使完顏陳兒擊敗紅襖賊于忙兒復取海州四月癸亥安武軍節度使柴茂破紅襖賊于棗強邠州經略使段增順破叛賊甄全于唐縣夏人犯邊元帥石蓋合喜破之戊辰禘于太廟元遣趙瑞攻孟州提控魯德王安復大名府庚辰京平帥府總領提控蒲察山兒破紅襖賊于聊城五月癸巳紅襖賊寇樂陵監山橫海節度使王福連擊敗之張聚來寇又敗之甲午上擊鞠于臨武

殿癸卯元兵徇嶺州丙辰徇兗州秦定軍節度使完顏畏可死之六月京畿不雨勅有司開獄雜犯以下釋之丁丑元遣楊在攻下大名又攻開州及東月長垣等縣已卯祈雨庚辰宋方子忻來歸命有司若不善視或德之歸漏泄機事其增廢優遇處之鄭州七月辛卯雨宋人及紅襖賊犯河朔諸郡皆降獨滄州經略使王福固守會益都賊張林來攻福乃叛降林帥府請討之癸丑林州行元帥府遣總領嚴祿等討紅襖賊于彰德府生擒偽安撫使王九甲寅遣烏古論仲端等使于元八月戊午朔嚴實成江王贊據濟南山東招撫高居實遣人招嚴實于青崖皆獲其款以聞李全犯東平府監軍王庭玉敗之擒其偽安撫軍節度使張林庚申上諭樞密謂州民渡淮為宋軍者凡十村可追索主者懲一二以誠其餘庚午夏人陷會州刺史烏古論

弘簡錄 卷一百一十九 五 金生八下

世顯降甲戌陝西行省報龜谷敗夏人之捷乙亥上諭宰臣河南水災唐鄂尤甚悉除其租餘順成之方止責正供免和羅雜徵折輸桑皮故紙流民佃荒田者如上優免丙子陝西行省與夏人議和戊寅定選補親軍法造官于河南陝西選之已卯罷葭州招撫司丙戌徙隨路諸軍戶于河南京東西南路各設檢察使副九月辛卯進章宗寶錄戊戌元木華里屯軍其定置總領元帥府于歸德以壽州陳留兩鎮兵屬之壬寅宋人屯皂郊堡行軍提控完顏蓋都擊敗之元遣塔忽等來癸卯夏人來侵甲辰滕州招捕提控夏義勇討紅襖賊敗之已酉夏人陷西寧州尚書省都事僕散奴失不坐誅駙馬都尉徒單壽春奪官一階杖六十甲寅宋人出秦州及夏人來侵丙辰鞏州行元帥府事石蓋合喜報定西州之捷十月壬戌元遣蒙古塔忽訛里

刺等來已卯陝西東路行省報緘德州之捷紅襖賊一月四寇泗州掠人畜而去癸未京西山寨各設守禦使副令本路帥府總之論陝西行省圖復會州十一月戊子黃陵峒經界使烏古論石虎等以戰陣失律伏誅甲午河南水遣官勸課更浮山縣名忠孝乙巳詔柴茂權真定行元帥府左都監蓋仁貴攝右都監元木華里國王引兵圍東平十二月甲戌祁雪禮部郎中權左司諫抹撻胡魯刺上封事庚戌臘享于太廟乙酉鎮南軍節度使溫迪罕思敬上書言錢幣稅賦二事

五年正月丙戌朔免朝壬辰議禦西夏及征南事論皇太子以東平禦敵方畧甲午論樞密院南伐事常詳議其便丁酉元兵攻天井關戊戌宋人襲泗州西城提控王祿死之乙巳詔諸道共集蔡州庚戌山東行省報東平之捷二月丙辰朔置招撫司

弘簡錄 卷一百一十九 本 逢注八下
于單州曲赦東平府庚申下詔伐宋以內族惟弼權中京行院同簽樞密事幹勒合打權蔡息行元帥府右都監納合降福權宿州行院簽樞密事李木魯達阿權唐鄂行元帥府右都監完顏訛論副右都監戊辰罷懷州行元帥府復置招撫司與孟州經畧司命受中京行樞密院節制癸未以旱災詔中外赦河南路三月丙戌朔上御仁安殿祈雨仍望祭于北郊庚寅宋人圍唐鄧完顏訛論力戰却之前鄧州千戶李木魯毛良虎自拔歸國訛論以便宜選三官授唐州同知乙未罷河南路行三司丙申進徒單思忠尚書右丞兼脩國史以太子詹事僕散毅夫叅知政事上以近侍局多不留心採訪外事命宰臣照章宗時秩滿以所采事定升降預為攷覈之法以激勸之己亥叛民竄趙兒招夏人八據來羌城李木魯合住誘以重賞脅從人為內應

督兵悉攻城拔之庚子賜林州行元帥府經歷官康瑤進士及第丙午築壇祀雷雨師壬子雨五月戊戌宋人據楚兵官軍復之庚子納蘭記僧伏誅告人趙銳升職四等七月己亥義勇軍叛據碭山縣詔增給徐州清口等處戍兵衣糧辛亥單州招撫劉瓊乞移河南糧濟其軍詔給之八月壬子朔罷黃陵峒招撫司上諭尚書省碭山叛軍家屬囚歸德旬餘不給糧恐傷其生又諭樞密河北艱食民欲南來者日益多速令渡之毋致殍死癸亥林懷帥府邀擊紅襖賊千伏恩村敗之甲子詔南征潰軍復歸而能力戰者依出界立功格給賞乙丑宋人掠沈丘殺縣令九月甲申京東歲饑多盜遣御史大夫紇石烈胡失門為宣慰使往撫安之丁亥詔州府及軍官捕盜慢職四品以下宣慰使決之三品以上奏裁戊子增授恩州招撫使軒成官改授西

弘簡錄 卷一百一十九 本 逢注八下
省節制十月癸丑命僕散毅夫行尚書省于京東督諸軍務糧乙卯太醫侯濟張子英治皇孫疾不療罪當死上不忍命杖七十除名戊午遣親軍討河南羣盜辛酉元兵攻緘德州丁卯夏人犯定西積石之境戊寅分京畿戍卒萬二千河中民兵八千將以許州元帥紇石烈鶴壽屯潼關西十一月癸未陝西東路行省報安塞堡敗夏人之捷太子親王百官表賀却之甲申論太府減損食品庚寅募民興南陽水田乙未夏人復攻兪谷宋人攻斬縣紅襖賊掠宿州辛丑詔獨徐邳宿泗等州逋租歸德毫壽穎停闢逋戶租外仍獨三之一逋戶田廬有司募民承業禁其毀損以俟來復有能墾闢閒田除其科稅蒲城縣民李文秀等謀反伏誅壬寅宋人焚穎州執防禦判官而去元兵攻延安元帥合達買住及其將士擊敗之加賜賞賚仍下詔獎諭十

二月辛亥朔元兵下潼關詔省院議禦備王子罷辟舉縣令法
 丁巳禮部侍郎烏古孫仲端翰林待制安庭珍使北還各遷一
 階庚申罷河南義軍丁卯罷新舊民軍減樞密院學兵官及京
 城戍兵仍諭行院帥府毋擅增設發補辛未罷行總管府及招
 討統軍檢察等司定宋人來歸賞格及詐誘征防軍人逃亡罪
 法閏月辛巳朔元兵徇鄜州乙酉提控木甲咬住破沈丘賊于
 原瓦丙戌頒詔無論河南土寇定招捕官賞格已丑孫瑀及捕
 盜官吾古出招降泰和縣賊二千詔斬其首惡餘皆釋之保靜
 軍節度同知郭澍以徵糧失期誣殺平民坐誅辛卯官軍復葭
 州癸巳通遠軍節度使李術魯合住削官丙申紅襖賊夜入蒙
 城縣大掠而去縣官失其符印軍民死者甚衆已亥發兵捕京
 東盜并撫諭百姓壬寅發上林署粟賑貧民陳毫等州鹿邑城
 弘備錄 卷一百一十九 九 注入下

父諸縣盜蠶起起樞府遣官討之捕盜軍所過殘民遣御史往
 按視軍所獲牛有司以官錢收贖已酉更造典定寶泉每一貫
 當通寶四百貫
 元光元年正月庚戌朔免朔辛亥元帥惟弼破紅襖賊于張窰
 店壬午遣官墾種京東西南三路水田甲寅詔陝西西路行省
 徙京兆者兵退還治平涼防州刺史把移失刺以棄城伏誅鄭
 州防禦使裴滿羊哥同知古里甲石倫除名西面節度使把古
 乃住奪官壬辰詔徙中京唐鄧商號許陝等州屯軍及諸軍家
 屬赴京兆同華就糧二月乙酉陝西西路行省請以厚賞募河
 西諸蕃部族寺僧圖復大通城命行省樞密院籌之癸巳上諭
 宰臣宋人攻平輿褒信我師力戰却之事狀已詳其遣清望官
 齋空名宣勅覈實給之庶見朝廷懇於勸獎無俟帥府上功然

後推賞乙未元兵屯葭州甲辰上念鄜延被兵嘗發民粟給軍
 詔除延安鄜坊丹葭綏德稅租仍令有司償其粟立不足者許
 補官戊申恆州軍變萬戶呼延棫等千餘人殺掠城中焚廬舍
 而去已酉遣行元帥府事訛可節制三路軍馬伐宋同簽行樞
 密院時全副之三月辛酉宋人掠確山縣之劉村戊辰樞密院
 委差官賈天安上書言利害壬申御史劾徒單思忠以病馬輪
 官冒取高價論監主自盜上顧惜大體降授陳州防禦使癸酉
 提控李師林敗夏人于永木嶺郭文振表近得俘者言南北合
 兵將攻河南陝西詔樞密備禦四月辛巳置大司農司設大司
 農卿少卿丞京東西南三路陝西並置行司兼採訪公事設捕
 盜方畧壬午元兵攻陵川縣丁酉削林懷路行元帥府事惟良
 官兩階罷之戊戌更定辟舉縣令之法命復行之制諸監官及
 弘備錄 卷一百一十九 九 注入下

八品以下職事試補侍衛親軍籍丁憂待闋追殿等官以備防
 秋召致政胥鼎等赴省議利害丁未行樞密院報淮南之捷五
 月戊申朔元兵屯隰吉翼等州六月戊寅朔陳州防禦使呂子
 羽坐乏軍典自盡造舟運陝西糧由大慶關渡抵湖城癸未大
 赦丁酉紅襖賊掠柳子鎮驅百姓及驛馬而去提控張瑀追擊
 奪所掠還偽監軍王二據黎陽縣提控王泉討之復其城七月
 庚戌元將按察兒屯晉安冀州之境已未歸德行樞密院王庭
 玉報曹州破紅襖賊之捷庚申定監當官選法河北羣盜犯封
 丘開封界令樞密院禦捕戊辰紅襖賊襲徐州之十八里砦又
 襲古城桃園官軍破之乙亥太白晝見經天與日爭光八月丁
 丑定西征將士官賞有差已卯彗星見西方大赦改元上諭宰
 臣放書已頒時刻之間人命所係其令將命者速往刻期而至

甲申增定藏匿逃亡親軍罪及告捕賞格積石州番族叛附于夏鞏州提控尼龍古三郎討之獲羊千口進尚磨詔却之王寅祈雨九月丙午朔陝西行省備邊乙卯議經畧淮南已巳宋人掠遂平縣之石砦店復侵南陽唐州提控夾谷九住敗之十月丁丑夏人掠德順之神林堡壬午宋張恣攻零子鎮爲幹魯朶所敗酋其裨將二人河中府萬戶孫仲威執其安撫使阿不罕胡魯刺據城叛陝西行省遣將討平之癸未復曹州甲申上獵于近郊詔免百官送迎并百姓治道庚寅徙彰德招撫使杜先軍於衛州乙未元兵下榮州之胡壁堡及臨晉十一月丁未元兵徇同州戊辰元蒙古蒲花攻鳳翔府十二月乙亥朔上語皇太子吾嘗夜思天下事必索燭以記明而卽行汝亦當然丁亥壘州總管青宜可卒特命其子角襲職戊子詔復置近待局

弘簡錄

卷一百一十九

注八下

說書官諭以奉御奉職皆少年不知書朕憶曩時日爲講諭自古君臣父子之教使知所以事上者已丑蘭州提控唐括賚敗夏人于質孤堡元大軍攻鳳翔

二年正月甲辰朔詔免朔賀乙巳元兵下河中府壬子奪壽州防禦使完顏乃刺官四階時宰臣遇有人言便宜事屢奏乞作中旨行之上曰帝王從諫足稱聖治豈可掠美以爲己出不聽戊午李癩驢以罪罷宰臣請竊以散地上曰此輩豪傑正須誠待若以術制適使自疑但不畀軍政外補何害乃授恆州刺史時嚮爵恩例有起復丁憂官之令上謂教人以不孝亦不許二月壬午詔尚書省議軍官犯罪舊制更不在用今多故之秋人才難得除大罪外徒刑追配有武藝善掌兵者量才復用丁亥大赦已亥鳳翔圍解三月甲辰朔宋人襲汝陽辛酉禁茶壬戌

詔以鳳翔戰功及頒賞等級編論諸部梓未詔職官犯罪非死罪除名遇赦幸免有才幹者中外僉用四月癸酉朔復霍州汾西縣詔給空名宣勅還賞將士之有功者丙子設京兆南山安撫司丁丑贈死節鳳翔萬戶完顏醜和懷遠大將軍其父恕除以功例賞外遷兩官升職二等已卯遣官閱河南帥府見兵籍簽寄居官民及閉官橐石親丁并遼東河北客戶爲軍五月癸卯朔女造元光重寶及元光珍貨同銀行用丙午復河中府及榮州遣人持檄招前恆山公武仙及東平嚴實已未參政殺夫言脅從人號忠孝軍置汾淮者所爲多不法請防閑之上曰人心惟頌又之何如若果有術遠方猶且聽命不然雖左右亦難防閑正在廓開大度而已若是而不能致太平者命也六月乙亥京東總帥報淮南之捷戊子議遣人招李全張林甲午詔罷

弘簡錄

卷一百一十九

注八下

河中行省置元帥府七月壬寅朔夏人犯積石州寇界寺族多陷沒惟桑通寺僧看通昭通斯沒及答那寺僧奔鞠等拒而不從詔賞諸僧鈐轄正將等官給以廩祿乙巳遣兵守衛解州鹽池庚戌以空名宣勅遷賞諸部降人壬子除市易用銀及銀與寶泉私相交易之禁癸丑勅諸御史比聞朝官及承應人月給俸糧多雜糲土出納斗斛小大不一此皆理所不容而臺官初不問事事須朕言之安用汝曹也乙卯丹鳳門壞丁巳陰坡族之骨鞠門等叛歸夏夾谷瑞發兵討之以捷聞戊午宰臣方對有司奏前奉御溫敦太平卒上大駭曰朕屢欲授太平一職每以事阻憶昔海陵時有二護衛私語一曰富貴在天一曰由君所賜輒授言由君所賜者以五品職意謂誠由己也而其人以疾卒章宗將拜平章張萬公丞相亦遂不起凡此皆命也八月

壬申詔賞京兆路官軍保全南山諸谷之功各以人數多寡爲等第千人以上官一階三千人以上兩階五千人以上三階仍升職一等能以力戰護之者又增一階戰沒者就以贈之甲戌神州經畧使納合六哥叛遣官招納拒命詔牙吾塔會行院兵討之能捕獲者除見定官外仍與世襲謀克丙戌遣官分行蔡息陳臺唐鄧裕諸州凡民丁相聚立砦避兵與各巡檢軍相依者五千戶以上置砦長一員五百戶增副一員能安民弭盜勸農者諭功注授九月庚子朔宋人入壽州女奚烈蒲乃力戰却之壬寅樞密院奏提控術甲剽只罕破宋人之功甲辰宋人攻南陽官軍與戰于胡陂奮力却之提控術虎春兒爲所殺贈以銀青榮祿大夫丙午牙吾塔報桃固淮陽之捷戊申降人孫那佐自李全軍中歸遙授知東平府兼山東西路兵馬都總管癸卯簡錄 卷一百一十九 主 注 入下

丑叛將六哥所署爲都統烏古論賽漢夾谷留住等來歸丙寅扎也胡魯等叛邳州南城十月乙亥制行樞密院及元帥府農隙之月分番巡徼校獵月不過三次丁丑上獵于近郊已卯於于太廟辛卯詔石壕店沔池永寧縣各屯兵千人壬辰滕州人時明謀反伏誅戊戌唐鄧行元帥報淮南之捷十一月辛丑牙吾塔報邳州之捷函叛人六哥首以獻丙午邳州紅襖賊三千來降朝議置諸陳許之間上恐家屬尚在河朔餘黨必殺之所得者寡被害者衆亦何安忍命使撫諭加以官賞遣還果忠於我雖處河朔豈應負我且餘衆感恩將有效順者矣戊午論上黨公完顏開及文振史詠王遇張道盧芝等各與所都帥府相視可耕土田及瀕河北岸之地分界而種之以給軍餉給以空名宣命金銀符賞功辛酉鞏州行元帥府報會州破夏人之捷

十二月己巳朔徙沿淮巡檢邊軍于內地辛巳詔延安土人充司縣官義軍使者選人代之量免其民差稅邳州民丁死戰陣者各贈官一階歸德徐邳宿泗永亳穎壽等州復業及新地民免差稅二年見戶一年嘗供給邳州者復免一年之半睢州陳留杞縣免三之一丁亥帝不豫免朝戊子皇太子率百官及王妃公主入問起居庚寅崩于寧德殿壽六十一壬辰宣遺詔赦中外諡曰繼天與統述道勤仁英武聖孝皇帝廟號宣宗正大元年三月庚申葬德陵 帝當金源末運雖乏撥亂反正之材而有勵精圖治之志迹其勤政憂民中興之業蓋可期也然而性本猜忌崇信督御獎用吏胥苛刻成風舉措失當懷巨惡援立之私緩趙鞅晉陽之責既不能罪高琪而遂相之方且徃於徐威牽制羣議南開宋蚌西啓夏侮兵力既分功不補患曾未數年遂至再遷失國豈不重可歎哉

載記 金主之九

哀宗皇帝本名寧甲速宜宗第三子母王皇后以承安三年八月二十三日生於翼耶賜名守禮泰和中授金紫光祿大夫宣宗登極進封遂王授祕書監殿前都點檢改樞密使立爲皇太子仍控制樞密院事改賜守緒上病喉痺危篤暮夜近臣皆出惟前朝資明夫人鄭氏年老侍側帝知其可託語以速召皇太子主後事言絕而崩夫人祕之俄頃皇后及貴妃麗氏問安寢問麗素陰狡機慧常慮其子英王守純年長不得立心懷鞅望恐乘機爲變即給之曰上方更衣且少休他室伺其入遂鎖之悉召大臣迎皇太子始啓戶出后妃發喪時英王已先在內皇太子始至知之分遣樞密院及東宮親衛總領移刺蒲阿集軍

續修四庫全書 史部 別史類 卷一百一十九 主 注 入下

三萬屯于東華門街部署既定命護衛四人監守純於近侍局
乃於樞前即皇帝位詔畧曰朕述先帝之遺意有便於時欲行
而未及者悉奉而行之國家已有定制有司往往以情破法使
人罔遭刑憲今後律有本條而不遵者坐以故入人罪草澤士
庶許令直言軍國利害雖涉譏諷無可采取者不坐罪宋自
宣宗遷汴後以本朝不足慮絕不往來至是羣臣建言可因國
表遣使報哀副以遺留物因與講解盡撤邊備共守武休之險
下省院議皆言朝廷若先遣人恐於國體有虧遂不遣

正大元年正月戊戌朔改元庚子上居廬百官始奏事以左司
政事權參政石盞尉忻為尚書右丞太常卿李蹊為翰林承旨
權參知政事甲辰賜策論進士李學論長河以下十人經義進
士張介以下五人及第戊申賜詞賦進士王鶚以下五十人及
第詔刑部登聞鼓院母鎖閉防護聽有冤者陳訴六月辛卯

立妃徒單氏為皇后遣樞密判官彩刺蒲阿率兵至光州榜諭
宋界軍民更不南伐七月己亥詔論百官各勤乃職癸卯補脩
大樂十月戊午夏國遣使來脩好十二月甲寅改定辟舉縣令
法課以六事左丞張行信上言先帝詔書國內刑不上大夫治
以廉恥高琪所定職官犯罪的決百餘條乞改依舊制詔畧施
行之二年正月甲申有黃黑之震四月甲午京畿旱遣使處
囚鈞與許州大雨雹丁酉鄭州雨傷麥五月丁丑旱甚責已避
殿減膳赦罪七月都水滯察毛花輦殺人免死除名八月鞏州
元帥田瑄反母第十哥殺之山降以為涇州節度使世襲猛安
九月與夏國議和事金以兄國書稱弟各用本國年號遣使來
聘十月新軍政改總領為都尉癸亥遣禮部尚書與牧良弼大

理卿裴滿欽市侍御史烏古孫弘毅為夏國報成使乙亥而論
臺諫宋人輕犯邊界我以輕騎襲之冀其懲創通好以息吾民
夏人從來臣屬我朝今稱帝以和我尚不以為辱宋果行成尚
欲用兵乎卿等宜悉朕意十二月內族王家奴故殺鮮于主簿
權貴多救之者上謂國家衰弱之際生靈有幾英王朕兄尚不
敢妄撻一人朕為人主亦不敢無罪害物族子恃勢如此吾民
何賴特命斬之是歲立褒忠廟祀死節士十有三人各塑其像
仍書子孫姓名于御屏量材官之禁宿酒青口巡邊官兵毋復
擅殺過淮紅襖軍詔趙秉文楊雲翼作龜鏡萬年錄三年三
月陝西旱詔尚書省議裁減用度四月辛卯親享太廟鄰國夫
人車經御路過廟前不下詔繫僕婢于獄杖之辛丑旱遣官禱
于濟瀆癸卯祈于太廟禁緞扇河南大雨雹已酉遣使慮囚捕

蝗五月己未雨宋兵掠壽州境癸亥永州桃園軍失利死者四
百人乙丑大雨壬申詔諭隴州趙甫等能以土地來歸當任使
之六月辛卯京東大雨雹蝗盡死壬子詔諭高麗及遼東行省
務不謂討反賊萬家奴赦脅從者八月辛卯詔設益政院于內
廷以楊雲翼等為益政院說書官日二人直備顧問十月丁酉
夏使來報哀十一月庚申議與宋脩好已巳宋忠義軍夏全自
楚州來歸王義深張惠范成進相繼以城降詔封全金源惠臨
淄義深東平成進膠西皆郡王辛未改楚州為平淮府赦諸路
從宋及淮楚官吏軍民并其家屬和宋議寢丙子元兵征西夏
平中興府台陝西行省及總帥完顏訛可牙吾塔赴汴議兵事
詔給銀二十五萬兩諭陝西兩省從其給賞凡從事三品以下
官聽以功過賞罰之遣中大夫完顏履信為弔祭夏國使四

年正月壬戌增築中京城浚汴堤并外濠二月蒲阿牙吾塔復
 平陽執知府李七斤獲馬八千以銀贖兩獲男女分賜官軍者
 聽自便三月元兵平德順府復下平陽已已徵夏稅二倍五月
 丁丑元兵平臨洮府陝西行省進三策上策自將出戰中策幸
 陝州下策棄秦保潼關俱不從六月戊申朔遣前御史大夫完
 顏合周為大元議和使丙辰地震太白入井賜詞賦經義盧亞
 以下進士及第七月元兵自鳳翔徇京兆關中大震壬辰以中
 丞烏古孫卜吉祭酒裴滿阿虎帶兼司農卿簽民軍勸率富民
 入保城聚兼督秋稅令百姓知避遷之計丁酉赦陝西東西兩
 路賜民今年租八月庚戌詔有司罷遣防備丁壯脩城民夫軍
 須差發應不悉者權停已已立帝生日為萬年節同知集賢院
 史公奕進大定遺訓待制呂造進尚書要畧是日大風落左掖
 弘簡錄 卷一百一十九 金注之九
 門賜尾壞丹鳳門扉隕霜禾盡損李全自益都復入楚州據之
 命招以淮南王爵全言義深成進皆我部曲而受王封何以處
 我竟不至壬戌上獵監察御史進諫怒以趨名賈直詔責之十
 一月乙未日晝有白虹二貫于上丁酉獵近郊十二月元兵下
 商州壬子遣使安撫陝西以牛千頭賜貧民 五年正月丁丑
 親祭三廟庚辰遣知開封府事完顏麻斤出如大元弔慰丙戌
 議擊肝胎二月乙巳朔大寒雷雨雪木之華者盡死三月乙酉
 監察御史烏古論不魯劾近侍張文壽張仁壽李麟之受饋
 遣上怒凡四日不視朝御史再言三姦不已始曲赦其罪而出
 之四月辛亥議放還西夏人口丙寅親衛軍王咬兒酬酒殺其
 孫大理寺當以徒刑特命斬之六月壬戌早赦雜犯死罪已下
 八月乙卯遣使禱于上清宮九月庚寅雨足始種麥十一月辛

已進宣宗實錄十二月庚子朔完顏麻斤出以奉使不職免死
 除名改完顏訥申待講學士充國信使癸丑以陝西大寒賜軍
 士柴炭銀有差京兆鳳翔府司竹監進竹令分給之 六年二
 月丙辰耀州刺史李興有戰功詔賜玉兔帶金帶五月隴州
 防禦使石抹冬兒進西鵝鵠詔却之七月罷陝西行省軍中浮
 費十月元兵駐慶陽界詔陝西行省遣使奉羊酒幣帛乞緩師
 請和十一月遣使選試陝西歸順人得軍二千以藝優者充忠
 孝軍次充合里合軍十二月詔蒲阿牙吾塔權簽樞密院事與
 訛可救慶陽罷附京獵地聽民耕稼 七年正月慶陽圍解命
 訛可屯邠州蒲阿牙吾塔還京五月詔釋清口宋敗軍三千人
 願留者五百人以屯許州徐悉縱遣之賜經義詞賦李塘以下
 進士出身有差七月元軍入陝西京兆同華之間破南山岩柵
 弘簡錄 卷一百一十九 金注之九
 六十餘所八月賜陝西死事之孤鹽引及絹仍量材任使 入
 年正月元兵圍鳳翔合建蒲阿瞻望逗遣密院判官白華右
 司郎中夾谷八里門馳問目今二月過半有怠歸之形諸軍何
 故不動蒲阿曰彼軍絕無糧餉正使欲戰不得欲留不能將自
 做矣合達初言不可動再言見機可動則動矣還奏上知其怯
 復遣傳旨鳳翔固久恐守者力不能支爾等當領軍出關宿華
 陰界略與渭北軍交手大兵聞之必當奔赴且以少紓鳳翔之
 恐兩省廻奏領旨華東還仰天浩歎曰事至于此無如之何四
 月丁巳朔赦免京西路軍需錢一年旱災州縣差稅從實減貸
 元兵入鳳翔府兩行省棄京兆遷居民於河南留慶山奴守之
 五月李全妻楊妙真以全陷汜于宋構浮梁楚州北就北帥校
 魯劄乞師復讐上恐離河南不遠遣合達蒲阿屯桃源界激河

1 子 亥 日 年 入 書 寫 9 版 文 小

口以備侵軼因約宋將趙范趙葵為夾攻之計宋八里莊人拒之詔改八里莊為鎮淮府七月宋將樊浮梁九月丙申慈聖宮皇太后溫敦氏崩遣詣園陵制度務從儉約元兵駐河中府慶山奴乘京兆東還召合達蒲阿赴汴議引兵趨河中府懼不敢行還陝州出師至冷水谷而歸元兵攻河中府合達蒲阿遣元帥王政率兵萬人救之十一月丁未元兵由金州進曉峰關報至時日已暮省院官入奏北軍冒險萬里經歷二年方入武休其勞已極今但以兵屯睢鄭呂武歸德及守洛陽潼關懷孟等處京師積糧數多命河南州郡堅壁清野百姓聚保山砦彼欲攻不能欲戰不得師老食盡不擊自歸矣上太息曰南渡二十年所在之民破田宅鬻妻子以養軍士朕在東官日立親衛騎兵武衛護衛十三都尉每尉衆至萬人疆壯趨捷極為精練忠孝軍萬八千皆回紇河西中州人被掠逃歸者今敵至不能迎戰徒以自保京城雖存何以爲國天下其謂我何朕熟思之存亡有天命惟不負民可也乃詔諸將屯軍襄鄧十二月己未河中府破合達蒲阿率諸軍入鄧州楊沃衍完顏彝武仙皆引兵來會出屯順陽戊辰元兵渡漢江而北丙子畢渡分道趨汴京師戒嚴詔脩樓櫓及守禦備

弘簡錄

卷二百十九

大

金主之世

卯愛實上書請斬二人以肅軍政不報壬辰衛州節度使完顏斜捨阿不棄城走汴甲午元兵薄鄭州與白坡兵合屯軍元帥馬伯堅以城降防禦使烏林荅咬住死之乙未元游騎至汴城丁酉大雪兩省軍及元兵戰鈞州之三峯山大潰自是兵不復振已亥義勝軍校侯進社正張興率所部北降庚子御端門肆赦改元開興辛丑潼關守將李平降壬寅扶溝民錢大亨李鈞叛殺縣令王浩及其簿尉庚戌許州軍變殺元帥古里甲石倫等以城降二月甲寅元兵徇臨潼攝縣令張若愚死之戊午次盧氏大雪關陝行省徒單兀典總帥納合合閏兩軍乘潼關而東未戰軍潰咸敗而死完顏重喜降斬于馬前都尉鄭偁殺都尉苗英亦降戮其妻子己未元兵下睢州乙丑攻歸德庚午括京師民軍二十萬分隸諸帥三月丁亥元軍平中京甲午命平章白撒宿上清宮樞副合喜宿大佛寺以備緩急元遣使自鄭州來諭降使者立出國書以授譯史轉授宰相上起立受之以付有司書索翰林學士趙秉文衍聖公孔元措等二十七家及歸順人家屬蒲阿妻子繡女工匠鷹人又數十人庚子封荆王子訛可爲曹王議以爲質壬寅曹王入辭宴于宮中命左丞李蹊送之諫議大夫裴滿阿虎帶太府監國世榮爲講和使戶部侍郎楊樅權參知政事分軍防守四城置局養無家俘民四月癸丑兵士李新有功擢四方館使丁巳遣戶部侍郎楊仁奉金帛詣軍前乞和戊午又以珍異往謝許和甲子又改元天興詔內外官民能完復州郡者遷賞有差出金帛酒炙犒飪軍士減御膳罷冗員上書不得稱聖改聖旨爲制旨釋鑄厲王衛紹五二族禁錮聽自便乙丑百官初起居于隆德殿前丙寅以尚書

弘簡錄

卷二百十九

大

金主之世

省兼樞密院事丁卯放宮女聽以衣裝自隨金珠留宿士卒戊辰汴京解嚴步軍始出封丘門采薪蔬已已建威都尉完顏兀詢同元使沒忒入城庚午見使臣於龍德殿辛未開鄭門聽百姓男子出入遷民告山者日以萬數甲戌御承天門大饗將士間有聲屈者亟命還宮乙亥有詔止奏事五月乙酉內族思烈行鄧州尚書省以名援兵丙戌拜天於大慶殿放京城四面軍李辛不奉詔戊子裕州鎮防軍將領賀都喜率西軍二千人入援辛卯大寒如冬汴京大疫凡五十日諸門出死者九十餘萬人貧不能葬者不在是數辛丑上御香閣面責宰相乙丑將相受保城爵賞六月庚戌朔詔百官舉大將劉益上不能用癸丑以出師鋼門禁飛虎軍二百人奪封丘門出奔丙辰開官馬殺其齊者以食庚申塞京城四門以便守禦辛未復脩汴城以疫後國戶僧道醫師粥棺者擅厚利命有司倍征之以助其用乙亥李蹊送曹王與其子全俱還七月庚辰朔兵刃有火辛巳軍士擲登聞鼓乞將劉益癸未右丞顏蓋世魯罷以完顏奴申參知政事甲申飛虎軍事申福蔡元擅殺北使唐慶等三十餘人于館詔貫其罪和議遂絕丁亥拜天于承天門下出內府及兩宮物賜軍士戊子下令招軍命簽民為之鞏昌民百二十赴援乙未新軍有擲登聞鼓者杖殺之乙巳金木火太陰會于軫翼丙午思烈武仙及鞏昌總帥完顏忽斜虎率諸將兵自汝州入援命李蹊勸諭石蓋合喜出兵一萬八月己酉朔屯杏花營又益以五千兵始進屯中牟故城辛亥斜虎思烈遇元兵于京水大潰中京元帥左監軍任守貞死之合喜棄輜重奔至鄭門聚兵乃入甲寅免為庶人因籍其家以賜軍士降監軍長樂為符

寶郎戊午括民間粟已未籍徒單兀典完顏重喜納合合開家貲戊辰復起侯摯行京都路尚書省事乙亥賈官及許買進士第授入賈京城民楊興廷州刺史劉仲溫許州刺史九月戊寅朔詔減親衛軍已丑軍士殺鄭門守者庚辰復起張開王義深范成進為元帥完顏合周權參知政事乙未召民賣放下年軍需錢上戶田租如之辛丑夜大雷工部尚書范乃速震死閏月辛亥遣張開溫撤辛劉益高顯率步軍護陳留通許糧道戊午招民為鄉導已未連有書姦臣姓名者以箭射入宮得之辛酉再括京城粟以御史大夫合周點檢徒單百家等主之十月前司農卿李煥飛語詔繫李蹊并戶部侍郎楊慥于獄以失軍儲坐罪除名慥家貲被籍遂以換權戶部尚書尋赦殘欠糧其應以糧事繫者皆釋之乙未詔徵諸道兵期以十二月一日入援弘簡錄 卷一百一十九 辛 金庄之九 十一月丁未朔賜貧民粥已酉衛州軍校白晝取豐備倉米壬子京城人相食癸丑詔曹門宋門放士民出就食壬戌召諸將相入議事丙寅河解元帥權典寶軍節度使趙傑襲據陝州以叛殺行省阿不罕奴十刺以下凡二十一人誣以為反上知其究不能直就投偉元帥左監軍兼西安軍節度使行總帥府事尋亦歸北十二月丙子朔以事勢危急甲申詔議親出以賽不白撒訛出李蹊徒單百家等率諸軍扈從完顏奴申習捏阿不裏城四面都總領戶部尚書完顏珠頰外城東而元帥把撒合南面元帥木甲咬住西面元帥李魯買奴北面元帥學士承旨烏古孫卜吉提控諸王府同判大陸親府事內族合周管宮掖事行省左右司郎中烏古孫奴申兼知宮省事御史大夫裴滿阿虎帶兼鎮撫軍民京城都彈壓除拜既定以京城付之擢

前儀封令魏璠為翰林脩撰如鄧州招武仙入援丁亥上御端
門發府庫及兩府器皿宮人衣服賜將士庚子帝躬絳紗袍
從如常儀與太后皇后諸妃大慟而別行次公主苑太后遣中
宮持米肉徧犒軍士辛丑至開陽門外麾留守官及京城父老
退詔諭戍兵口社稷宗廟在此汝等壯士毋以不預進發之數
便謂無功若保守無虞將來功賞願豈在戰士下聞者皆灑泣
是日鞏昌元帥完顏忽斜虎至自金昌為上言京西三百里之
間無井竈不可往東行之議遂決以為尚書右丞從行遂次陳
留壬寅次杞縣癸卯次黃城甲辰次黃陵乙巳諸將復請幸
河朔從之 二年正月丙午朔濟河北風大作後軍不克濟丁
未元將回古乃追擊于南岸元帥完顏猪兒賀都喜紇石烈訛
諭等死之溺死者近千人建威都尉完顏兀論山降于元帝於
弘簡錄 卷一百一十九 注之九

后命往召承恪既入宣誥受百官拜舞山呼以天子袞冕后服
上進遣送二相所佩虎符請元將速不斛納欵凡除拜皆以監
國為辭署工部尚書溫迪罕二十吏部侍郎劉仲周金為參知
政事宜徵使與屯舜卿為左丞戶部侍郎張正倫為右丞都事
張節師肅為左右司郎中省樑元好問員外郎都轉運知事王
天祺懷州同知康璠金為左右司都事開封判官李禹翼乘官
去戶部主事鄭著名不起左副點檢完顏阿散右副點檢溫敦
阿里皆死癸酉元將速不斛進兵汴京乙亥遣右宜徵提點近
侍局事移刺粘古如徐州相地形察倉庫虛實二月丙子朔括
城中糧知歸德府石盡女魯惟乞盡散衛兵出城就食蔡帥烏
古論鎬表請臨幸上遣直學士烏古論蒲鮮以幸蔡之意諭其
州人戊辰蒲察官奴以忠孝軍為亂攻殺馬用女魯惟點檢徒
弘簡錄 卷一百一十九 注之九

北岸望之震懼丁酉上率從官為猪兒等設祭哭之皆贈以官
錄用其子姪斬兀論出二弟以殉赦河朔招集兵糧議取衛州
元帥蒲察官奴將忠孝軍千人東面元帥高顯果毅都尉粘哥
咬住領軍萬人為前鋒庚戌上次漚麻岡元帥和速嘉兀底不
繼至辛亥白撒引兵攻衛州不克乙卯問河南大兵濟自張家
渡至衛之西南詔班師戊午車駕次蒲城復還魏已未帝夜棄
六軍渡河與副元帥合里合六七人走歸德侍衛皆不知巡警
如故庚申諸軍知帝已往遂潰辛酉夜四鼓帝狼狽由西門入
城赦府囚軍民普單一官賜進士終場王輔以下十六人出身
戊辰崔立舉兵為亂殺參知政事完顏奴中樞密副使完顏斜
捨阿不勒兵入見太后集百官議監國言衛紹王太子梁王承
恪其妹公主在北兵中可立之乃遣其黨御史中丞韓鐸以太

勸獎已上義深據靈壁望口寨以叛遣近侍直長女奚烈完出
 將徐宿兵討之義深敗走連水入宋已亥上入蔡州城中僧道
 父老千人拜伏道左見帝儀衛蕭條莫不感泣帝亦歔歔者久
 之遣近侍諭以國家涵養汝輩百有餘年今朕無德令爾塗炭
 汝輩無忘祖宗之德皆泣下呼萬歲辛丑詔徐州行省抹撻兀
 典赴蔡州以權參政簽樞密院事七月癸卯朔敕蔡州管內
 雜犯死罪以下官吏軍民普單兩官經應辦者更遷一官弛門
 禁貨蔡人便之乙巳完顏藥師為鎮南軍節度使兼蔡州
 管內觀察使戊申左右司郎中烏古論蒲鮮兼息州刺史權元
 帥右都監權總帥婁室同簽樞密院事丁巳護衛蒲鮮石魯負
 祖宗御容至自汴勅有司奉安于乾元寺丁卯定進馬還賞格
 每甲馬一匹或二匹以上還賞有差自是西山帥臣范真姬汝
 弘簡錄 卷一百一十九 金主之九
 作等各以馬進凡得千餘匹以抹撻兀典領之又遣使分詣諸
 道選兵赴蔡得精銳萬人命工部侍郎木甲咬住監繕器甲踰
 月告成軍威稍振八月癸酉朔以秦州元帥粘哥完展權陝西
 行省參知政事諭以蠟書期九月中徵兵與上會于饒豐關欲
 出宋不意以取興元甲戌青山招撫盧進奏元使王楸諭宋還
 宋以軍護其行帝為之懼丁丑閱兵于見山亭癸未元帥楚珩
 復立壽州於蒙城詔遷賞有差州縣官皆令真授乙酉元召宋
 兵攻唐州破其城宋駐兵息州南丙戌詔抹撻兀典婁室行省
 院于息州以兵襲宋人于中渡店斬獲甚眾庚寅初設四隅機
 察官乙未萬年節州郡二十餘所以表來賓辛丑設和羅及惠
 民司官以年老進士二人為之太醫數人更直給病人藥九月
 癸卯朔假致仕內族阿虎帶同僉大睦親府事使宋借糧入辭

帝諭以宋人負朕實深朕自即位以來戒飭邊將無犯南界凡
 遇有請征討者未嘗不切責之向得宋一州隨即付與近淮陰
 來歸多以金幣為贖朕不肯受財貨取付之全城秋毫不計清
 口臨陣生獲人數千悉遣以資糧今乘我做據壽入唐攻鄧朕
 諒為謀亦淺大元滅國四十以及西夏夏亡及於我我亡必及
 於宋唇亡齒寒自然之理若與我連和正所以自為也既至論
 宋不許時諸帥往往擁兵自固戊申魯山帥元志冒險數百里
 率兵入援且戰且行比至眾千餘幾喪其半上表異之賜以大
 信牌升為總帥庚戌重九拜天子節度使歷羣臣陪從成禮上
 面諭國家自開創酒養汝等百有餘年且先世立功已身被堅
 執銳積亦有年今當厄運與朕同患可謂忠矣比聞北兵將至
 正汝等立功報國之秋縱死王事不夫為忠孝之鬼况往者立
 弘簡錄 卷二百十九 金主之九
 功常患不知今朕親臨其可不勉因各賜卮酒餘未竟馳騎馳
 奏敵兵突至將士踴躍請戰分軍防守以總帥李木魯婁室守
 城東面內族承麟副之烏古論竊守南面元志副之兀林答胡
 土守西面忠孝軍元帥蔡八兒副之權殿前右點檢王山兒守
 北面元帥紇石烈拍壽副之西安軍節度兼殿前右衛將軍行
 元帥府事女奚烈完出守東南元帥左都監夾谷當哥副之殿
 前右衛將軍權左副都點檢內族斜烈守于城都尉王愛實副
 之辛亥元兵築長壘圍蔡城已未括城中粟禁公私釀酒十月
 戊辰更造天輿會辛巳縱饑民老稚羸疾者出城甲申給饑
 民船聽採城壕菱茨草以食戊子徵諸道兵辛卯水上開射于
 子城并義軍戰歿被創者皆賞以麥有差十一月辛丑朔以左
 副都點檢阿勒根移失刺為宣差鎮撫都彈壓別設彈壓四員

副之四隅機察亦隸焉宋遣其將江海孟珙帥兵萬人獻樞三十萬石助元兵攻蔡十二月甲戌上親山撫軍盡籍民丁防守括婦人壯捷者假男子衣帽運大石丁丑元兵火練江宋兵決柴潭入汝水已卯元兵破外城宿州副總帥高刺哥戰歿己丑元兵指西城帝語侍臣我爲金紫十月太子十年人主十年自知無大過惡死無所恨特恨祖宗傳祚百年至我而絕與自古荒淫暴亂之君等爲亡國因此介於懷自來亡國之君往往爲人囚繫或爲俘獻或辱於階庭閉之空谷朕志已決必不至此是日王愛實戰歿砲軍總帥王銳殺夾谷當哥率三十人降元與寅以御用器皿賞戰士甲午帝微服車兵夜出東城謀遁及柵不果而還乙未殺尙廐馬五十疋官馬一百五十疋犒將士三年正月壬寅開柴潭神爲護國靈應王甲辰以近侍分弘簡錄卷二百十九 金庄之九

至於衛紹紀綱大壞亡徵已見宣宗南度乘厥本根外征餘威連兵宋夏內致困憊自速土崩哀宗之世無足爲者區區生聚圖存於亡力盡乃斃可哀也矣在禮國君死社稷今始見焉

弘簡錄卷二百十九 終
弘簡錄卷二百十九 終
金庄之九

王訛魯天會十三年尊為太皇太后宮號慶元十四年正旦熙
宗朝于慶元宮然後御乾元殿受羣臣賀是月崩耐葬睿陵諡
曰欽憲熙宗以有保佑功與聖穆三后並耐太祖廟室 又次
僕散氏生睿宗宗輔及陶王訛魯朶天會十三年追冊德妃大
定元年追諡宣獻皇后併耐太廟 元妃烏古論氏生梁王宗
弼衛王宗強蜀王宗敏 崇妃蕭氏王紀生習泥烈息王寧吉
莒王燕孫熙宗時封為貴妃天德二年正月進元妃是月又進
太妃海陵母大氏事之甚謹每有宴集太妃上坐大氏執婦禮
海陵積不能平誣以隱惡殺之併殺少子任王隈喝大定十九
年詔改葬命太宗正丞宗安監護葬事遣使致祭上欲復太妃
舊號從禮官議非以子貴不得稱太止當追復妃號乃封崇妃
娘子獨奴可生都王幹忽

弘簡錄 卷二百二十一 三 金瓶梅

太宗后唐括氏熙宗雖殺宗譽猶畏物論矯情加以存恤與欽
憲俱尊為太皇太后號明德宮贈后父阿魯東太尉宋國公祖
實匹司徒英國公曾祖阿魯瑄司空溫國公自欽憲崩後每歲
且節朔上朝明德宮然後御乾元殿受賀歲以為常皇統元年
自上燕京還朝謁于明德宮明年上如天開殿皇子生使者馳
報太后至天開殿上與皇后親迎之二年崩諡曰欽仁皇后耐
葬恭陵四月上奉祭伏哭盡哀
熙宗后裴滿氏婆盧木部人父達本名忽撻為人淳直孝友天
輔六年從蒲家奴追叛寇於鐵呂川力戰有功天眷元年授世
襲猛安后初封貴妃立為皇后拜忽撻太尉封徐國公奉朝請
贈曾祖斜也司空祖鶴沙司徒皇統元年羣臣上尊號冊為慈
明恭孝順德皇后除忽撻會寧牧二年太子濟安生熙宗喜甚

大赦告天地宗廟彌月冊為皇太子封后父為王賜人口馬牛
羊橐駝隨朝職官並遷一資以後漸次干預政事頗掣制帝無
所忌憚朝官依之者往往得至顯貴宰相奔走其門因見帝臨
御數年繼嗣不立左丞相亮方有寵聞其生日后附賜禮物帝
聞之從此積怒遂殺后海陵弑帝欲收人心以要衆譽恭揚熙
宗過惡言其死無罪追諡為悼皇后仍封忽撻為王天德三年
薨子忽覲為燕京留守以罪免居中都海陵命馳驛計之及葬
使秘書監納合椿年致祭賻銀五百兩復起忽覲為鄭州防禦
使改安國軍節度使大定間復熙宗帝號加諡后為悼平皇后
耐葬思陵 賢妃生魏王道濟皇統三年命為中京留守以直
學士阿懶為都點檢張玄素為同點檢左右輔導之母初居外
至是養之宮中未幾熙宗怒亦殺之

弘簡錄 卷二百二十一 四 金瓶梅

海陵嫡母徒單氏德宗正室無子次室李氏生鄭王克養以為
子又次大氏生三子長即海陵徒單氏賢遇下有恩大氏事之
甚謹相得歡甚怒克嗜酒常切責之反愛海陵海陵自以母與
徒單嫡妾分懸心常不安及聞弑信宗與太祖妃蕭氏相顧愕
然曰帝雖失道人臣可至此徒單入宮見海陵不為慶賀海陵
銜之未幾徒單與大氏俱尊為皇太后后贈后父蒲帶與大氏父
俱贈太尉封王值海陵生日飲燕大氏起為壽徒單方與諸宗
婦公主語因怨久之海陵怒而出明日召諸人與徒單語者皆
杖之大氏勸謂不可答以今日豈可尚如前時自是嫌隙愈深
海陵既遷中都獨留徒單於上京心常憂懼每中使至必易衣
以俛命大氏在中都常思念太后每生日必遣秘書監納合椿
年上壽及大氏病篤謂海陵曰徒單太后待吾母子甚厚慎毋

相忘。汝以我故不令兩宮借來中都。我死必迎致事之。當如事我。會遣右丞相僕散師恭宗正丞所拔魯往。上京奉還。山陵因仰迎。太后俱來。繼使平章蕭玉往廣寧迎祭梓宮。海陵謂玉曰：「醫至。則山多佳致。祭奠禮畢。可奏太后於山水佳處遊覽。」及至流沙河。駕親迎。謁梓宮。遂謁見太后。至即命左右約杖二束。自隨。跪於太后前。請曰：「亮不孝久闕溫清。願太后后痛咎之。」后下親執之。起。叱杖者使去。曰：「今庶民有克家子。立百金之產。尚且愛之。有子如此。寧忍笞乎？」既至帥百官郊迎。入居壽康宮。是日。上及後宮宰臣以下奉觴上壽。極歡而罷。在宮中外極恭順。太后坐起。自扶掖之。常從輿輦。徒行所進御物。或自執之。見者嘉上至孝。后亦信為誠然。以諫伐宋。海陵不喜。每謁后還。必忿怒人。不知其所以。遷汴居于寧德宮。后使侍婢高福娘問起居。即勅必簡錄卷二百二十五 金瓶

宗自軍中名師恭還。殺之。及殺阿斯子孫。數八二子。忽沙二子。封高福娘為郡國夫人。許征南回。以為妃。賜銀二千兩。以特未哥為澤州刺史。勅戒無酣酒。陵福娘殿。必殺汝。其嬖幸若此。大定間。諡曰哀皇后。特未哥與福娘皆伏誅。先是海陵既得志。大氏歡甚。平日春秋高飲酒。不過數杯。至是沉醉。上使中使來見。太后飲醉甚。為可樂。贈曾祖堅嗣司空。祖臣寶司徒。父吳天太尉。國公。又進為王兄。典國。奴開府。儀同三司。衛國公。及有疾。編求方藥。賜錢至十萬貫。不得效。崩。日詔尚書省。應隨朝官。自四月十九日為始。至五月一日。方治事。凡禁樂一月。外路自詔書已。到後官司三日。不治事。禁樂一月。登鐘七晝夜。貞元三年。大祥將遷山陵。梓宮猶在。敢所率後宮親食。哭之。親行册禮。諡曰慈憲皇后。九月。與德宗合葬于大房山。升祔太廟。後與徒單后弘簡錄卷二百二十六 金瓶

皆削去。諡號徒單為遼王妃。大氏與順妃李氏寧妃蕭氏文妃徒單氏並降為遼王夫人。

海陵后徒單氏。父恭外戚。有傳。后初封岐國妃。天德二年。改封惠妃。九月。立為皇后。生太子光英。三年十一月二十一日。后生日。百僚稱賀於武德殿。后因太子生居深宮之中。不知民間稼穡之務。乃給農夫織婦艱苦之狀。為圖以賜。遇上生日。太子轉以為獻。帝大異之。與侍臣締觀。亟稱其賢。命藏以絳囊。久之。後官寢多。后寵頗衰。希得進見。光英保母張氏嘗為海陵所幸。耶律徽在北京。與海陵游。從令其妻侯氏入宮。侍后亦幸之。徽本名神涅。負官錢二千六百餘萬。皆得除免。及幸南京。備法駕乘玉輅。與后共載。而入。伐宋。留后居守。被執。後后徙中都。居于大氏故宮。頃之。世宗憐其無依。詔歸上京。父母家。賜錢二千貫。

奴婢皆給官廩大定十年卒時帝是欲無厭後宮諸妃十二位
又有昭儀至克媛九位婕妤美人才人三位殿直最下其他不
可舉教自皇后而下第二娘子大氏封貴妃進惠妃第三娘子
蕭氏初封昭容後進淑妃耶律氏初封修容進昭媛昭儀貞元
元年又進大氏妹妃正隆二年至元妃蕭氏貞元二年進封宸
妃耶律氏貞元三年進封麗妃此猶在卽位之初尚有尊卑之
序等威之辨以後侈心益萌淫肆盡或從姊妹幹離不女壽寧
縣主什古喪夫寡居兀木女靜樂縣主蒲刺及習然宗傳女師
姑兒再從姊妹宗木女混同郡君莎里古真與妹餘都母鸞表
兄張定安妻奈刺忽麗妃耶律氏妹蒲魯胡只咸使高師姑內
哥阿古等傳達言語與之私通進封蒲刺壽康公主什古昭寧
公主莎里古真壽陽縣主分屬諸妃位下奈刺忽麗元妃位蒲
魯胡只屬麗妃位莎里古真餘都屬貴妃位什古重節屬昭妃
位蒲刺師姑兒屬淑妃位每當赴召先於殿位小殿置琴阮其
中時什古已色衰常譏訕之以爲笑樂餘都貌亦不揚肌膚潔
白可愛惟習然莎里古真最寵恃勢皆決其夫習然夫稍嗚押
護衛直宿古真夫撒速近侍局直宿海陵輒謂之曰爾妻年少
遇直宿不可令宿於家常令在妃位下每召入必親伺候廊下
立久則坐於高師姑膝上戲以汝爲天子何勞苦如此答曰我
固以天子易得此等期會真難得乃爲可貴其臥內嘗遍設地
衣各相保逐爲戲又聞古真等在外亦恣淫泆大怒罵曰爾愛
貴官有貴如天子者乎爾愛人才有才兼文武似我者乎爾愛
娛樂有豐富偉岸過於我者乎少頃氣咽不能言復撫慰之曰
無謂我聞知便爾慚慙遇燕會當行立自如無爲衆所測度恐

致非笑其無所忌耻如此又凡宮人在外有夫者皆分番出入
欲率意幸之盡遣其夫往上海婦人皆不聽出外常令教坊番
直禁中每行幸必使奏樂撤其幃帳故使人見及說淫穢語於
其前遇室女不得遂使元妃以手左右之凡妃嬪列坐皆褻褻
衣率意開敞其觀傍令人效其形狀一宮皆以爲笑仍禁給從
男子不得舉首違者刑其目女使闌懶有夫在外封以縣君欲
幸之惡其有娠飲以麝香水躬自採拉其腹竟墮其胎蒲察阿
虎逃女又察乃妙慶宜公主所生嫁秉德之弟特里秉德誅當
連坐太后使梧桐請而得免白欲納之太后曰是兒始生先帝
親抱至家養之至于成人帝雖舅猶父也不可其後嫁宗室安
達海之子乙刺補因數使人諷納之有完顏守誠者本名遇里
來與又察素通事覺殺之太后爲又察求哀得釋復爲家奴告
弘簡錄 卷二二一
以守誠死詈上語涉不道遂自臨問殺之 阿里虎姓蒲察氏
駙馬沒里野女初嫁宗盤子阿虎逃被誅再嫁宗室南家又死
時南家父突葛速爲元帥都監與海陵皆從兀木南京欲取之
突葛速不從遂止及篡位方三日詔遣阿里虎歸父母家闕兩
月納之特封賢妃進昭妃以素嗜酒爲海陵責讓不聽由是寵
衰因與前夫阿虎逃所生女鄰國夫人重節淫亂進封蓬萊縣
主阿里虎怒重節批其頰頗有詆訾之言海陵聞之愈不悅誣
以衣遺前夫之子將殺之徒單后率諸妃嬪求哀得免有侍女
勝哥例以諸妃皆克假厮兒服男子衣冠嘗與臥起厨婢三娘
以告海陵不以爲疑惟戒勿管筆三娘阿里虎榜殺之以是月
光英生忌不行戮自知不免卽不食日焚香禱祝逾月已頽斃
不知所爲因使人殺之併殺侍婢擊三娘者 彌勒姓耶律

氏乃蕭拱妻擇特懶之妹天德二年命拱取之干汴過燕京拱父仲恭見其身形非若處女嘆曰上必致疑殺拱矣及入宮果非處女明日遣出遂致蕭拱于死即以擇特懶賜宗望子文為妻彌勒出宮數月復召入命為充媛後封柔妃其母張氏亦封莘國夫人伯母蘭陵郡君蕭氏為華國夫人既而詭以彌勒召擇特懶入宮亦亂之阿懶本皇叔曹國王宗敏妻海陵殺而納之封為昭妃大臣奏宗敏屬近尊行不可乃令出宮又乘德弟弘里妻高氏海陵殺諸宗室釋其婦女與宗本子莎魯判妻宗固子胡里刺妻并胡失來妻皆欲納之宮中諷宰相蕭裕奏請行之裕曰近殺宗室中外議論紛紜奈何復為此耶海陵曰吾固知裕不肯從乃使徒單貞自以已意諷裕曰朕嗣續未廣此黨人婦女有朕中外親納之何如裕言必不肯已惟上自擇

弘簡錄 卷二百二十 九 金后妃一

貞謂裕上意已有所屬公固止之將成疾矣裕不得已乃具奏遂納之封高氏為修儀加其父高耶魯瓦輔國上將軍封母完顏氏密國夫人先是惡悼后干政自即位來不使母后得預政事適高氏以家事列訴遂遣還父母家詔自今凡后妃有請于宰相者收其使以聞 察八者亦姓耶律嘗許嫁奚人蕭堂古帶海陵納之封為昭媛堂古帶為護衛察八使侍女習然以軟金鶴鶉袋數枚遺之事覺召問之以實對詔釋其罪海陵登寶昌門樓以察八狗諸后妃手刃擊之墮門下死因并誅習然世宗嫡母蒲察氏廢宗元配父按補母即太祖之妹初封潞王妃皇統六年進號冀國王妃正隆例親王止封一字封許王妃世宗即位廢宗升祔追諡慈皇后贈曾祖賽補司空韓國公祖蒲刺司徒鄭國公父按補太尉曹國公大定二年祔葬景陵

生母李氏遼陽人父雜訛只仕遼至桂州觀察使天輔間遷東京士族女子有姿德者赴上京入府宗即生世宗自幼教以義方嘗密語所親吾兒有奇相貴不可言居上京內治謹嚴賦獲皆守規矩衣服飲食器皿無不精潔致睦親族周給貧乏宗室中甚敬愛之性復明敏剛正有決容貌端整言不妄發恐仍舊俗寡居宗族接續之乃祝髮為比丘尼號通慧圓明大師賜紫衣歸遼陽營建清安禪寺別為尼院居之正隆六年五月卒世宗即位尊諡為貞懿皇后臨終謂世宗曰卿土之念人情所同吾已用浮屠法置塔于此不必合葬也我死毋忘此言世宗深念遺命乃即東京清安寺建神御名報德殿詔有司增大舊塔仍起奉慈殿於塔前名孝寧宮勅禮部尚書王兢為塔銘以叙其意贈后曾祖參君司空潞國公父太尉隋國公封后妹為邢

弘簡錄 卷二百二十 十 金后妃一

因夫人賜銀千兩錦綺二十端絹五百疋及翰林學士張景仁作清安寺碑文不稱旨詔左丞石琚共修之世宗至東京幸其寺世宗后烏林答氏其先居海羅伊河世為烏林答部長率部族來歸居上京與本朝為婚姻家曾祖勝管康宗時累使高麗父石土黑騎射絕倫從太祖伐遼領行軍猛安雖在行伍間不嗜殺人以功授世襲謀克為東京留守后聰敏孝慈容儀整肅在父母家宗族皆敬重之既歸世宗事舅姑孝謹治家有叙甚得婦道性不妒忌所生惟太子一人為擇後房以廣繼嗣廢宗元宋得白玉帶乃帝王服御沒後寶畜之后言此非王邸所宜有當獻之天子世宗從之熙宗悼后果大喜雖以晚年酗酒獨得無間後海陵將謀篡立深忌宗室后又勸多獻奇寶故瘞骨肅

犀佩刀吐鵝良玉茶器之類以悅其心海陵以為恭順畏已忌刻之心願解嘗因有疾世宗為視醫藥數日不離去辭曰大王視妾過厚其知者以為視疾不知者必有專妒之嫌婦道以正家為大第恐德薄無補內治安能効煩妾所為惟欲已厚也及從任濟南遭上淫濇盛行亦來召之后念若便身亡海陵必殺世宗惟奉詔去此而死庶幾可免而辭世宗我當自勉不可累大王召王府臣僕張謹言論之曰汝乃王腹心人為我禱諸東嶽我不負王使皇天后土明監我心又召家人語以我自初年為婦以至今日未嘗見王有違道之事矧汝等皆先國王時舊人當念舊恩無效今諸宗奴僕往往傲恨以誣陷其主違此言者我死後於冥中觀之眾皆泣下從行離濟南知后立意必不肯受汗辱防護甚謹既至良鄉去中都纔七十里防之稍緩后

弘簡錄

卷一百二十一

十一

金后妃一

十一年皇太子生日世宗宴東宮酒酣命后女豫國公主起舞上流涕曰先皇后婦道至矣朕所以不立中宮者正念后德今無其比故也十二年四月復命立廟于太廟東北隅五月車駕幸土魯原致奠十九年改卜于大房山十一月甲寅皇后梓宮至近郊百官奉迎乙卯車駕如楊村致祭丙辰上登車送哭之慟戊午奉安于馨寧宮庚申葬于坤厚陵諸妃耐焉二十九年耐葬興陵章宗時有司奏太祖諡有昭德字改諡明德皇后元妃李氏父石外戚有傳生鄒王允蹈衛紹王允濟潞王允德昭儀梁氏生豫王允成母早卒命同養為子大定元年封賢妃二年進貴妃七年加封元妃時既不立后特尊元妃下皇后一等在諸妃上雖貴不得預政故宮壺無事二十一年二月從上幸長春宮戊子以疾薨詔允成允蹈允濟允德皆服衰經已丑

弘簡錄

卷一百二十一

十一

金后妃一

其家法可尚選為皇太子妃大定四年九月備禮親迎於貞第
 上親臨宴盡歡而罷對諸王妃公主稱其容止合度服飾得中
 爾等當法效之八年七月將臨尊道宣徽使移刺神獨幹賜以
 名馬寶刀御膳喻妃以刀寘左右願平安得雄有度既而皇孫
 生又賜御服佩刀等物謂太子曰今幸得孫觀其骨相不凡朕
 為祖宗社稷大慶后素謙謹每畏其家世崇寵見父母流涕而
 言高明之家古人所忌願善自保持其後果以海陵事敗其遠
 慮如此章宗即位尊為皇太后命稱令旨更所居仁壽宮名曰
 隆慶宮設衛尉等官詔有司歲奉金銀錢幣絹綿布疋他所應
 用內庫奉之母拘其數上月朝至五六見事有未安者必加嚴
 誡愈加敬儉未嘗見喜愠與諸大長公主加禮悖睦九族恩紀
 皆洽性好詩書喜老莊學純淡清懿惡聞人過造次必於禮故
 弘簡錄 卷一百一十 金后妃一

決佞之言無所得入且恕以容物逮賴御以和其有生子而母
 亡者視如已出慈訓無間御下以公雖至親無所阿徇嘗誡諸
 姪皇帝以我故推恩外家當盡忠圖報勿謂小善為無益而弗
 為小惡為無傷而弗去毋藉吾為可恃輒肆非違以干國家常
 憲又因妹并國夫人嫂涇國夫人等侍側諭以爾家累葉豐厚
 宜節約財用吾受天下之養終不能多取以富爾之私室時有
 以玉盃進者却之且誠以貴異物而殫財用非我所欲我既賜
 予有度爾輒獻此何能自給徒費汝財我實無用後勿復爾明
 昌元年世宗服未終禮官議以五月奉上册寶后以禮所未安
 弗許上屢為之請終不忍改服錦繡佩珠玉當俟服闋行之上
 因太后執意甚堅諭有司其待來年竟以二年正月崩於隆慶
 宮年四十五諡曰孝懿祔葬裕陵 次室劉氏遼陽人天眷二

年九月己亥夜其家若見有黃衣女子入其母室中者俄頃而
 生性聰慧凡字過目不忘初讀孝經旬日終卷喜佛書世宗為
 東京留守因擊毬見而奇之使于府中見貞懿皇后視其進退
 閑雅無恣睢之色大定元年選入東宮逾二年生宣宗是日大
 雨震電驚悸得疾尋卒年二十三承安五年初贈昭華宣宗即
 位追尊為皇太后升祔顯宗廟追諡昭聖皇后貞祐三年十二
 月乙未勅贈三代官爵

章宗后蒲察氏上京路村速河人父鼎壽外戚有傳后始生有
 紅光被體移時不退就養於姨英國公主既長姿性淑明丰儀
 粹穆知讀書為文孝事冀國一如所生大定二十三年章宗為
 金源郡王行納采禮世宗遣近侍局使徒單快忠就賜金百兩
 銀千兩廐馬六匹重綵三十端拜命問慶雲見于日側觀者異
 弘簡錄 卷一百一十 金后妃一

之是年十一月備禮親迎詔親王宰執三品已上官及命婦會
 禮封金源郡王夫人後進封妃生絳王洪裕而懿即位追冊為
 后諡曰欽懷奉安神主于坤寧宮歲時致祭大安初祔葬道陵
 李氏師兒大定末以監戶女子入宮從宮教張建學誦書故事
 以青紗隔障蔽內外宮教居障外諸宮女居障內不得面見有
 不識字及義所疑難皆自障內映紗指以請問宮教自障外口
 說教之惟師兒聲音清亮易為領解章宗嘗問宮中教女子誰
 可教者建不知其誰對曰就中聲音清亮者最優乃以語宦者
 梁道譽師兒才美勸納之時上好文辭妃性慧黠能作字知文
 義尤善何侯顏色迎合古意遂大愛幸明昌四年封為昭容明
 年進封淑妃父相及曾祖祖父皆追贈金紫光祿大夫上柱國
 隴西郡公兄喜兒舊嘗為盜至是官宣徽使安國軍節度使弟

鐵哥擢近侍局使少府監勢傾朝野射利競進之徒爭趨其門
南京李炳中山李著與通譜系超取顯美胥持國附依以致宰
相怙財固位上下紛然知其姦竊不敢擊雖擊亦莫能去也一
日帝宴宮中優人璚頭戲于前問上國有何符瑞優曰汝不
聞鳳皇見乎若嚮上飛則風雨順時嚮下飛則五穀豐登嚮外
飛則四國來朝嚮裏飛則加官進祿上笑而罷自欽懷后沒中
宮虛位久帝屬意李氏以其微甚大臣臺諫固執不從帝不得
已進封為元妃其勢位熏赫實與皇后作時帝以繼嗣未立禱
祀太廟山陵少府監張汝猷因轉對乞遣近臣詣諸岳觀廟祈
禱詔遣刑部員外郎完顏匡以往泰和二年八月丁酉元妃生
皇子忒隣羣臣上表稱賀宴五品以上于神龍殿六品以下于
東廡下詔平章政事徒單益報謝太廟南北郊右丞完顏匡報
弘簡錄 卷一百一十一 皇后妃一

有身與黃門李新喜竊計欲取他兒假充皇嗣遂於年前閏月
十日因買承御病嘔吐腹中若有積塊死與其母王盼兒及新
喜謀令買氏詐稱有身俟將臨月於李家取兒以入月日不偶
則規別取以為皇嗣遇章宗崩謀不及行竊呼提點近侍局烏
古論慶壽與計因品藻諸王議復不定方先帝疾危數召元妃
不到及索衣服亦不即來曾與其母私竊別議况以平日疾妃
遇有幸御令女巫李定奴作紙木人鴛鴦符燄魅致絕聖嗣所
為不軌事既發露遣大臣按問遂俱欵服命宰臣往審亦如之
有司議法當極刑詔以久侍先帝乃與買氏賜令自盡王盼兒
李新喜并喜兒鐵哥等各正典刑仍追除係監籍於遠地安置
及衛王被廢宣宗詔言章宗彌留並無完顏匡都提點中外事
務勅古乃匡欲專定策功構致如此朕惟章宗皇帝聖德聰明
弘簡錄 卷一百一十一 皇后妃一

謝山陵遣使亳州報謝太清宮及高禱彌月封為葛王與世宗
初封同尚書省奏國號並無系屬乃於瀛王下附葛國號十二
月癸酉滿三月勅放僧道度牒三千道設醮于玄真觀為忒隣
祈福又報謝北嶽并長白山丁丑御慶和殿浴皇子詔百官用
元旦禮儀進酒稱賀五品以上進禮物生凡二歲而薨及資明
夫人林氏生荆王洪靖諸姬生榮王洪熙英王洪衍壽王洪輝
皆以二三歲或數月輒夭至泰和八年承御買氏及范氏皆有
娠未及乳月章宗疾頗因素於父兄中最愛衛王永濟欲立為
繼體元妃語帝此非輕言者及大漸使內侍潘守恒召王守恒
語妃莫大之事當與大臣議乃遣近侍局副使徒單張僧召平
章完顏匡至宣華門外遂與定策始發勅同傳遺詔即皇帝位
大安元年四月有訴元妃潛計負恩因儲嗣未立令宮人詐作

宣宗后王氏中都人父徵時嘗夢二玉梳化為月已而生二女
及沒有芝生于樞宣宗初封翼王章宗詔求民家子以廣繼嗣
時后與麗氏偕入王邸見其姊有姿色又納之貞祐元年九月
封后為元妃姊為淑妃麗氏為真妃后無子淑妃生哀宗養以
為己于二年七月立為皇后賜姓溫敦氏姊進元妃追封曾祖
得壽司空真國公祖璞司徒益國公父彥昌太尉汴國公妣劉
氏楊氏馬氏三國夫人哀宗即位並尊姊妹為皇太后妹宮曰
仁聖姊宮曰慈聖進封父南陽郡王受封之日大風昏霾黃氣

充塞天地已而后夢丐者數萬踵其後心甚惡之占者曰后者天下之母百姓貧窶將誰訴焉后遂勅有司京城設粥與藥及壬辰癸巳歲河南饑饉元兵圍汴加以大疫汴城之民死者百餘萬后皆目覩焉哀宗釋服將禘饗太廟先期有司奏冕服成上請仁聖慈聖兩太后御內殿因試衣之以見兩宮大悅上更便服奉觴為壽仁聖諭上曰祖宗初取天下甚不為易何時使四方承平百姓安樂天子服此法服於中都祖廟行禘饗乎上曰阿婆有此意臣亦何嘗敢忘慈聖太后亦曰恒有此心則見此當有期矣遂酌酒歡然而罷姊性端嚴頗達古今哀宗已立為皇太子有過尚切責之及即位始免桎楚一日宮中就食尚器進玉盤碟於后及太子以瑪瑙器進麗氏后見之怒召主者責曰誰令汝妾生分別若非飲食細故必令有司杖殺汝矣是

弘簡錄 卷一百一十一 金史紀事本末

後宮中奉真妃有加後有告荆王謀不軌者下獄議已決帝言于后后曰汝止一兄奈何以讒言欲害之章宗殺伯與叔享年不永皇嗣又絕何為欲效之耶趣赦出使來見我移時不至吾不見汝矣帝起后立待王至涕泣慰撫之哀宗寵一宮人欲立為后后惡其微賤因命出之上不得已命出宮語使者曰爾出東華門不計何人首遇者即賜之點檢撤合雜教上騎鞠后傳旨戒之云汝為人臣當輔主以正顧乃教之戲耶再有聞必大杖汝矣比年小捷國勢頗振文士有奏賦頌以聖德中興為言后聞不悅曰帝年少氣銳無懼心則驕怠生今幸一勝何等中興而若輩諂之如是正大八年九月丙申崩諡曰明惠遺命園陵制度務從儉約十二月己未葬汴城迎朔門外五里莊獻太子墓西明年被發遣中官往視以兵護宮女十人出迎朔門奉

柩至城下是夜復葬之

哀宗后徒單氏宣宗及太后有疾嘗割膚以進宣宗聞而嘉之與定四年后父鎮南軍節度使頡魯有罪宣宗以后純孝因曲赦之聽其致仕正大元年立為皇后九年帝以河朔失利奔于歸德京城猶未知正月丁酉夜遣后弟四喜與內臣馬福惠近侍木甲荅失不奉迎后與仁聖王太后託為報捷執小黃旗以入至則奏兩宮以奉迎之意及取柔妃裴滿氏令人張秀藥皇乳母鞏國夫人等十餘人外皆放遣之又取宮中寶物馬蹄金四百枚大珠如栗黃者七千枚生金山一龍腦板二及信瑞御璽仍許賜忠孝軍以兩宮隨行物之半是日召二相人議烏占孫奴申固諫不可四喜作色曰我奉制旨迎兩宮有敢言不行者當以別勅從事二相不復敢言行議遂決壬寅太后御仁安殿出錠金及七寶金洗分賜從行忠孝軍是夜兩宮騎而出至陳留見城外二三處火起疑有兵退回間奴申初不欲行即承太后旨馳還癸卯入京頃四喜家少頃還宮復議以是夜再往太后憊於鞍馬不能動遂止明日崔立變四喜獨與裴完顏氏及塔失不父咬住領忠孝騎卒九十七奪曹門不得出轉陳州門守者裕州防禦使阿不罕斜合已遁去經歷官完顏合住權師職麾門卒出四喜等至歸德上驚問兩宮何如二人奏京城軍變不及入宮上問汝父汝妻何獨得出咸無以荅下之獄皆斬於市及京城破兩宮諸妃嬪皆北遷不知所終 惟寶符李氏從至宣德州居摩訶院李氏自入院止寢佛殿中作為幡旛會當同后妃北行起龍庭即於佛像前自縊死書紙于門曰寶符御侍此處身故後人至其處見其遺跡憐而哀之 舊史贊

弘簡錄 卷一百一十一 金史紀事本末

曰天子娶后王姬下嫁。豈不重哉。秦漢以來。無世世男身之家。而關雎之道缺。外戚驕盈。而肅雝之義乖。蓋古者異姓世爵。公侯與天子為婚姻。他姓不得參焉。女為王后。已尚王姬。而自貴其貴。富厚不加焉。寵榮不與焉。使漢唐行此道。則無呂氏王氏武氏之難。公主下嫁。各安其分。各得其所矣。金之徒。單孥。擯唐括蒲察裴滿紇石烈僕散。皆貴族也。天子娶后。必于是。公主下嫁。必于是。與周之齊紀無異。此婚禮之最得宜者。盛於漢唐矣。

弘簡錄卷二百二十終

卷二百二十

九

金后妃一

弘簡錄卷二百二十一

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金內族一 始祖以下諸子

盆納拔達 歡都子谷神謀演孫 冶訶子阿魯補侍被

石土門弟趙古乃子 胡十門 合住子布輝

突合速 幹魯古 阿魯補子方

金諸宗室自始祖至康宗凡八世皆以部名完顏為氏。始祖孫安帝之子謝奪保子曰盆納。謝庫德孫曰拔達。與歡都冶訶。劾者五人共佐世祖有功。推以為首。時國步艱難。五人者入預謀。議出蒞行陣。未嘗離左右。勤勞最著。盆納勇毅善射。時同有名。日惡。天會十五年。追贈開府儀同三司。拔達儀同三司。明昌五。弘簡錄 卷二百二十一 金內族一

年五人同配。饗世祖廟廷。又准德東里保皆加古部人。申乃因醜阿皆。馳滿部人。富者粘沒罕。完顏部人。阿庫德白達。皆雅達。瀾水完顏部。勃董此七人者。當搆離之際。能一心竭力輔戴。世祖與木甲部。勃董達紀。胡蕪木虎部人。勝昆主保溫。趙痕部人。阿庫德五人。又其次者。當跋黑變時。使人召阿庫德。答曰。吾不知他其死生。與太師共。蓋指白達。喜曰。我心正如此。烏春兵來。可堅壁自守。且勿與戰。達紀胡蕪居琵琶里。郭水烏春兵出。其間終不為變。拒而不從。勝昆居胡不干村。烏春兵來。止其兄。澤不乃勃董家。勝昆被圍。後解去世。祖殺澤不乃。從勝昆請免其。孛戮世祖。破桓被散。達主保死焉。天會十五年。准德申乃。因阿庫德白達。皆贈金紫光祿大夫。東里保。靺阿富者。粘沒罕。達紀。胡蘇勝昆主保。溫趙痕。阿庫德。皆贈銀青光祿大夫。

歡都祖石魯與貽祖同時同部同名交相得嘗曰生則同川居死則同谷葬土人呼為賢石魯而別貽祖為勇石魯嘗佐貽祖耀武於青嶺白山又與掠蜀東水人二女長遠回幼澤賽貽祖與賢石魯各納一為妾後皆別去至景祖時始定諸部君臣之分其子効孫舉族來歸與孟乃兄弟俱居安山虎水北湖凱山南地名和陵 歡都以獲麻產功遊拜為詳穩孟乃欲除去之與烏春誘結幹魯緝出水居人啓彘會其家被火陰約隸人不歌束詭稱放火為歡都胡土二人使注都謂世祖曰不歌束來告前日之火歡都等縱之可執以來世祖疑之石盧幹勒董比孟乃兄弟也豈以一二人之故與兄弟構怨乎不如與之便歡都被甲執戟起曰彼為亂之人設取太師兄弟亦與之乎我輩決不可往必若用戰當盡力致死穆宗壯其所見正與已合

弘簡錄 卷二百二十一 全內錄一

贈之以馬曰戰則乘此世祖審知其謀乃往見孟乃隔澗刺水與之言曰所告縱火之由謹當如約宜先遣不歌束來至則殺之馬前孟乃慚愧而去臘醅麻產之戰歡都入陣擊鬪左右出入者數四烏春窩謀罕之難亦與焉時驛臘勃董富者撻懶乃穆宗后弟未嘗助軍世祖欲囚軍還滅之遂馳馬前進歡都執轡諫曰獨不念蒲陽溫之婦乎世祖感其言而止 譯語蒲陽溫也後穆宗德歡都言以撻懶女曷羅晒妻其子谷神久之幹善幹脫以姑里甸兵來歸世祖使斜鉢勃董往撫定不能訓齊其人為蒲察部故石拔石等所誘入城陷三百餘人命歡都為都統往治其罪盡解斜鉢所將軍擒故石拔石初耶悔水納喝部撒八之弟曰阿注阿與人爭部族官不得直來歸穆宗辭不失破烏春時獲其姊納為次室撫其二甥三濱撒達至是撒達來

告阿注阿必為亂辭不失不信殺之後果為變窺穆宗晨出獵糾率其人操戈入宅奪據寢門劫妻及家人等歡都奔見阿注阿曰閨門眷屬豈足劫質徒使之驚恐耳汝故識我盍以我為質再三言之始從撒改辭不失使人告急於獵所穆宗先亦心動罷獵中途逢告者日午至阿注阿要與盟欲使係案女直知名官僚送我兄弟親屬由咸州路入遼與我軍金瓶馬穆宗皆從之歡都亦送至遼境遂執之及阿魯不太魯等七人行至黃龍府使人盡遮黨屬惟縱其親人使去遂殺三濱并其母具報於遼遼人流阿注阿於曷董城後因懷鄉亡歸附於係案女直其官僚之室復為所亂乃見殺穆宗初襲位諸父子習烈斜鉢威有異言歡都止之汝輩若紛爭則吾必不默然但已眾聞之始帖然歷事四君出入四十年征伐之際遇敵則先戰廣延大

弘簡錄 卷二百二十一 全內錄一

議多用其謀世祖嘗曰吾有歡都則何事不成肅宗委任冠於近屬穆宗凡圖遼事皆專倚信康宗以父叔替人尤加敬禮多所補益十一年二月得疾避於米里每水薨年六十三天會十五年追贈開府儀同三司代國公明昌五年諡曰忠敏長子谷神次子謀演當阿注阿之難代歡都為質後與宗峻俱侍太祖特加眷顧宗峻嘗坐其上命移居下有勃董三人爭千戶責曰汝輩能如歡都父子有勞於國者乎改命謀演為千戶三人者皆隸焉天輔五年十二月卒贈太子少傅 谷神改名希尹常在行陣從太祖及撒改與諸將戰比有功又命因契丹舊制撰本國字備制度依倣漢人楷書合本國語天輔三年成太祖大悅命頒行之賜馬匹襲衣後熙宗亦製女直字相與並行希尹所撰謂之女直大字熙宗所撰謂之小字與趙古乃妻室余脂

襲遼人迪六和尙雅里斯棄中京走降其旁近人民而還吳人落虎來降從使招其父西節度使訛里刺以本部降宗翰襲遼帝於五院司以爲前驅所將纔八騎與戰一日三敗之降人麻哲言遼主在漠委輜重將奔西京追至乙室部不及而還宗翰入朝以權西南西北兩路都統夏國與婁室書責諸帥棄盟軍入其境多掠取者希尹奏盟不可信上令酌宜行之果與大石合謀取山西諸郡嚴爲禦備不可不察大舉伐宋任元帥右監軍執二主以歸賜鐵券除常赦不原之罪餘釋不問復從宗翰追康王於揚州入朝請立熙宗爲儲嗣卽位拜左丞相兼侍中加開府儀同三司有大政皆身先執咎天眷元年罷爲典中尹二年復相封陳王與誅宗營宗尙時熙宗未有皇子嫉希尹者誣以竊議神器遂賜死并殺其子昭武大將軍同修國史把答弘簡錄 卷一百二十一 四 金內族一

又言右副元帥謀衍將兵討賊不力代以僕散忠義紇石烈志寧東方以平大定二年宮中十六位火方事完時已入夏頗妨民力因諫而罷未幾改太子詹事兼右諫議大夫馳驛規畫山東兩路軍糧及賑民饑乃籍大姓戶口限以歲儲使盡輸其贏入官復給其直以是軍民皆足拜參知政事兼太子少保懇辭論以乃祖勲在王室朕亦悉卿忠謹以是擢用無爲多讓時契丹餘黨尙多未附臨潢秦州民擾不安詔令佩金符往安撫之給羣牧馬千疋以備軍用因指致契丹骨迭孫合等內附民以寧息進尙書左丞兼太子少師嘗從獵近郊有虎傷獵夫帝欲親射之叩馬極諫而止俄拜平章政事遷右丞相監修國史授世襲謀克熙宗實錄告成帝稱爲直筆雖祖谷神行事有未當者尙不爲隱尋請避賢路不許進拜太尉尙書令改左丞相弘簡錄 卷一百二十一 五 金內族一

歷大興府治中同知改西京留守同知臺臣奏其治有善狀材能勝其兄世宗語章宗可用卽位名為刑部尙書兼右諫議大夫尋為賀宋生日使還拜參知政事時上新政銳意於治嘗問漢宣帝綜核名實之道因誦樞機周密品式詳備以對上曰行之果何始答曰在陛下厲精無倦耳久之進尙書左丞授上京世襲諫克明昌三年夏旱表乞解職詔以卿達機務朕所親倚不須引咎惟思助理懇辭命參政夾谷衡諭旨卿早登庶仕才用聲績朕所素知擢任政府於今數載毗贊實多今特授卿知東平府素號雄藩兼比年饑歉正賴經畫其往綏撫仍賜金幣廐馬以寵其行他日上問宰臣右丞劉璋對曰以彼之才治一路誠為有餘但方今人材無出其右淹留於外誠可惜也尋改西京留守四年召拜平章政事封蕭國公上御後閣諭以乃祖弘簡錄

卷二百二十一 六 金內漢一

佐命積有勲勞特加委用比者行事多太過門下少慎擇復與丞相不協自今勉盡乃心與丞相議事宜相和諧因賜玉帶併與御史蒲刺都所彈宴賜北部有取受事不報者朕度卿必不爾故以示卿舊制監察御史凡八員漢人四員皆進士而女直四員文資右職參注上從其奏此乃清要之職流品自異始一體純用進士及奏節用省費之道並嘉納焉上一日問司吏移轉事對曰今吏權重而積弊深移轉為便又因歎乏才言今國家選舉之法惟女直漢人進士得人居多此舉更宜增取其諸司局承應人舊無出身大定後纔許叙用經童科古不常設本朝皇統間取及五十人因為常選天德間以為無補罷之陛下卽位放及百數誠恐積久不勝銓擬宜稍裁減以清流品又議以鄭王允蹈等家產均給諸王恩命已出不為大害如董壽罪

人特恩釋之已為幸矣不宜更加爵賞以為宮籟監都管勾土是其言自明昌初北邊屢有警或請出兵擊之上意方南顧塞河不可復用兵於北奏言彼屢突軼吾圍今一懲之後當不復來因論及守禦之法惟有皇統以前故事捨此無法爾素以讀書通法律明習國朝故事金自有國七十年禮樂刑政因遵宋舊制雜亂無章悉賴更定脩正為一代法其儀式條約多所裁訂故明昌之治號稱清明又喜推轂善類接引後進朝廷正人多出門下帝不悅右諫議賈守謙拾遺路鐸救鑄王允中言過切直命治其罪守貞持不決疑其有黨乃出知濟南府仍補前舉守貞者董師中路鐸等於外言其固有才力然太遊權譽方之貞儒則未也以彼之才而能平心守正朝廷豈可少離俄以在政府日嘗與近侍竊語宮掖事妄稱奏下命有司鞫問欵伏弘簡錄

卷二百二十一 七 金內漢一

奪官解職承安元年降授河中防禦使五年改部羅火扎石合節度使久之遷知都府事時南鄆用兵山東重地須得大臣安撫復移知濟南卒上悼惜之敕有司致祭贈贈禮物諡曰肅為人剛直明亮凡朝廷論議皆傳經以對上嘗與泛論人材概述其心術行事臧否無少隱胥持國輩忌之竟以直罷後趙秉文上書言願陛下進君子退小人上問謂誰對曰君子故相完顏守貞小人今參政胥持國其為天下推重如此 守能本名胡刺累官商州刺史正隆末宋人陷商州被執大定五年因完顏仲諤和誓書遂與新息縣令完顏按辰俱歸至京入見詔給舊官之俸十九年任西北路招討使在任貪墨自恣時詔徙窩幹徐黨於臨潢泰州輒受重賂不遣又受賕補賽也蕃部通事發覺上因責守道爾之親弟何不先訓戒之併責監察專任糾彈

未嘗舉劾杖決除名

治訶系出景祖居神隱水為完顏部勃董與同部把里安團二勃董幹混水蒲察部胡都化斡都二勃董統八門水溫迤痕部活里蓋勃董俱來歸金國自此益大肅宗拒赦再失利世祖命與以本部謀克兵助之天會十五年贈銀青光祿大夫明昌五年加特進謚忠濟子阿魯補骨赦訛古乃散答阿魯補魁偉多智略勇於戰副未冠從軍下咸州東京遊人來取海州從勃董麻吉往援道遇重敵力戰斬首千級從幹魯古攻遼州以十餘騎破敵七百命徇北地招降營帳并民戶數千時已下西京閣母攻應州未下退營於州北夜遣率兵伺敵動靜道遇城中出兵三千來襲斬首百餘獲馬六十後又引千兵擊遼東三萬於馬邑之境斬其將於陣天會初宗望討張覺遣與阿里

弘簡錄

卷二百二十一

八

金內族一

帶迎擊應州援兵斬敵數千而還復從其兄虞剴率兵三千攻乾州在道病卒代領其眾降乾州軍及營帳三十獲印四十與僕廸攻下義州宗望與郭藥師戰於白河命以二謀克兵先登奮戰賞資特異至汴破淮南援兵斬其二將大軍退次孟陽姚平仲來襲阿魯補適當其中力戰敗之還至河間大名開德合兵十餘萬來爭即夜發輕兵詰旦至衛縣遇敵斬首數千級餘皆潰去大兵次邢州薄沱橋已焚先以偏師營之宗望比至見橋已成大喜賞以真定庫物論功遷長勝軍千戶再從伐宋破并陘下樂城自大名濟河屯於洺州之境時康王留相州出大名府兵來攻我營乘夜潛引二百騎出敵後反擊敗之居數日敵復來乘蘇統制兵先至未集亟引三百騎出戰大敗其眾殺蘇統制大軍既克汴京從捷頓攻恩州時洺州已下復叛會阿

魯補引兵先至城下敗城中兵執其守佐遂與蒲幹歡取信德

軍又以步兵五千從宗弼取開德大名境內多盜命留屯其地賊犯莘縣聞其至即潰去晝夜追襲及於館陶皆俘以歸復從宗弼襲康王渡淮以兵四千留和州總督江淮戍將討未附郡縣遂攻下太平黎其城以偏師討盧州敗其騎六千擒三校明日復破敵二萬於慎縣斬首五百張未合步騎數萬圍城阿魯補兵止二千潰圍力戰竟敗之追殺四十里獲馬三百而還再攻盧州騎兵五百出戰敗之斬其二校師還與趙古不敗敵萬眾於柘臯宗弼趨陝西道聞大名復叛遣往經略獨與譯者至城下招降之悉收民間兵器送官吏民按堵如故擢為大名開德路都統齊國建又屯兵汴城外及廢日復先入城備變除為歸德尹割河南與宋入為燕京內省使復河南命先濟河撫定

弘簡錄

卷二百二十一

九

金內族一

諸郡再尹歸德為河南路都統宋將岳飛劉光世等兵犯歸德連擊敗之復取亳宿等州河南平論功為景皇統五年拜行臺參知政事元帥右監軍改發運路統軍至歸德軍節度使海陵左軍中營惡之發其在汴取官舍材木構私第於恩州遂論死人皆惜之年五十五本以將家子屢從征伐立功歷官有惠愛得民心大定三年贈儀同三司始以其子為右衛將軍襲猛安兼合扎謀克賜銀絹重綵骨赦善騎射有材幹從討桓赦烏春留可皆有功復從太祖力戰寧江州出河店破遼親軍皆受賞資襲其父謀克伐宋之役合以右翼軍佐銀木可守太原四戰汾州兩柏榆次嵐寇潞兵來援者皆破之大軍圍汴復引萬戶軍敗其援兵寇潞等州仍叛又引兵取之并收撫保德火山而還後領軍鎮夏遼凡十二年天會八年授世襲猛安天眷初

為天德軍節度使致仕累遷開府儀同三司卒年八十五子喜哥襲加宣武將軍 訛古乃姿質魁偉年十四隸宗翰軍中善馳驛日能千里常領兵行前為偵候大軍襲遼主有北部勇者同瓜來援臨陣擒之復引甲騎六十追獲遼招討徒山并公主牙不里以獻及伐宋屢遣將命以行天會八年從宗翰在燕間余睹反黎明馳往日未照至天德皇統元年以功授寧遠大將軍蒙刺唐古部節度使五年授千戶六年遷西北路招討使九年為天德尹西南路招討使天德二年召見四年遷臨洮尹加金紫光祿大夫卒於官年五十三 散答子補查自上京極堅河徙屯天德初為元帥府扎也使按四方事能得其實號為稱職皇統間除開遠軍節度同知斥候嚴整邊境無事正隆初為中都路兵馬判官捕得京畿大盜四十餘人百姓獲安改安化軍節度副使大定二年領行軍萬戶充邳州刺史知軍事領本州萬戶管所屯九猛安軍昌武軍節度使山東副都統散改南征以行元帥府副統事入為太子少詹事再遷開遠軍節度使襲伯父骨朮猛安歷婆連路兵馬都總管西北路招討使卒為人性廉潔忠直臨事能斷凡被任使無不稱云

石土門漢字作神徒門始祖弟保活里五世孫世居耶懶路為完顏部長雖同宗屬久不遘問景祖時父直窩海使部人逸孫來請復過宗系留之歲餘厚其餼廩善遇之及還贈以幣帛結其厚意久之耶懶歲饑景祖助之馬牛糶費使世祖往致會有疾石土門日夕相顧不離左右疾愈握手為別約他日無相忘奠位交好益深隣部不悅遂合兵攻之石土門使弟阿斯憇率二百人南下拒敵敵兵千人已出其東據高泉石土門將五千

人迎擊射中敵將幹里本勇士之馬幹里本反射中石土門腹石土門拔箭戰愈力阿斯憇遂與敢勇七人殺幹里本諸部兵皆敗石土門因招諭諸部使附於世祖世祖嘉之後伐烏春純恩秋庫德等皆以所部從戰有功阿斯憇卒終喪大會其族太祖率官屬往焉就訪以伐遼之議方祭有飛鳥自東而西太祖射之矢貫左翼而墜石土門持前稱慶以為吉兆即以金版獻之後以本部兵從擊高麗及伐遼功尤多王師攻下西京賜以金牌其子蟬蠢從行上語之曰吾妃之妹白散者在遼俟其獲當以為汝婦竟如其言復以西征諸將皆從率善射者三百來衛京師遇太宗居守喜其至親出迎勞繼聞黃龍府叛與宗輔討平之賜奴婢五百口師還賞賚良渥未幾卒年六十一為人體貌魁偉勇敢善戰質直孝友盟記辨拙臨事果斷正隆二年封金源郡王子習夫思敬 弟迪古乃名忠字阿思魁太視器重之與宗翰宗幹希尹相從過其家馮肩而語曰此來非徒然將有謀於汝為我夾之遼名為大國其實空虛可取主驕士怯戰陣無勇吾欲舉兵仗義而西君以為如何迪古乃勸曰以公英武士眾樂為之用遼帝荒於政獵政令無常特易與耳太祖然之明年使婆連火來徵兵迪古乃以兵會收國元年與銀木哥守達魯古路二年與幹魯蒲察會幹魯古討高永昌破其兵東京降又敗耶律捏里於燕黎山拔顯州乾惠等州降天輔二年與婁室俱入見上駐軍草濼責以遼主近在中京而敢輒來各杖之命取奉聖州破其兵五千於鷄鳴山降其城上入燕京命出德勝口以代石土門為耶懶路都勃董復因耶懶地薄斥鹵遷其部於蘇濱水仍益以實勅之田熙宗即位進太子

弘簡錄 卷二百二十一 金內旗一

弘簡錄 卷二百二十一 金內旗一

太師十四年加保大軍節度使同平章事天德二年配饗太祖廟廷大定二年追封金源郡王 習失康宗時從幹賽破高麗軍又從太祖攻寧江州摧鋒力戰授猛安從斜也克中京襲遼主於鴛鴦濼略定山敗夏將李良輔兵與婁室俱獲遼帝於余睹谷伐宋與銀木可圍守太原明年合敗宋兵三千於襄垣遇伏兵二千又敗之遂下潞城西京兵來拒戰逆擊復敗乃降至汴宗翰以懷孟北阻太行南瀕河控制險要使統十二猛安軍鎮撫之至則珍平寇盜招集流亡四境以安天會五年堯熙宗時贈特進大定間諭威敏十五年與斜也撒改宗幹宗翰宗望宗弼習不失幹魯希尹婁室宗雄闊母銀木可阿離合慈完顏忠蒲家奴撒離喝劉彥宗幹魯古韓企先并習失凡二十一

弘簡錄

卷二百二十一

三

金內錄一

王徙封鉅鹿母憂起復改益都尹正隆二年例奪王爵為慶陽尹大定二年授西南路招討使封濟國公兼天德軍節度使俄為北路都統佩金牌一銀牌二以西北路招討唐括季古底副之詔季古底曰爾兵少思敬未至不得先戰僕散忠義敗窩幹於陷泉詔思敬選新馬三千備追襲窩幹入於奚中思敬以舊領軍入奚地張哥宅會大軍討之敗偽節度特末也獲二百餘人賊降將稍合住與其黨神獨幹執窩幹并其母徐輩妻子弟姪家屬及金銀牌印請思敬降獻俘京師論功賜金銀鷹馬拜右副元帥經畧山東初猛安謀克屯田山東各隨所受地主散處州縣世宗不欲猛安謀克與民雜處欲使相聚以居遣戶部郎中完顏讓往元帥府議之思敬與山東路總管徒單克寧議曰大軍方進伐宋宜以家屬權寓州縣量留軍衆以為俾禦俟

弘簡錄

卷二百二十一

三

金內錄一

邊事寧息猛安謀克各使聚居則軍民俱便還奏上從之其後遂以猛安謀克自為保聚其田土與民田犬牙相入者互易之久之召還拜平章政事先是皆并猛安謀克及海陵時無功授猛克者皆罷之失職者甚衆思敬請量才用之上從其請拜樞密使上疏論五事其一女直人可依漢人以文理選試其二契丹人可分隸女直猛安其三監濼官可罷去其四與猛安同勾當副千戶官亦可罷其三女直人可罷去其四與猛安同女直語言文字上皆從之其後女直人試進士夾谷衡尼履古鑑徒單鑑完顏匡輩皆由此致宰相實思敬啓之也久之上謂思敬曰朕欲修熙宗實錄卿嘗為侍從必能記其事跡對曰熙宗時內外皆得人風雨時年數豐登賊息百姓安此其大概也何必餘事上大悅世宗喜立事故其後諫如此大定十三年堯

上輟朝臨喪哭之慟曰舊臣也賻贈加厚葬禮悉從官給孫吾
 侃木特大定二十四年除明威將軍授速濱路寶鄰山猛安
 胡十門者曷燕館人也父撻不野事遼為大尉胡十門善漢語
 通契丹大小字勇而善戰高永昌據東京指曷燕館人爭欲歸
 之胡十門不肯指其族人謀曰吾遠祖兄弟三人同出高麗今
 大聖皇帝之祖入女直吾祖阿古迺留高麗自高麗歸于遼吾
 與皇帝皆三祖之後吾豈能為永昌臣哉於是率其部族詣徽
 改烏魯降營于馳回山之下永昌攻之胡十門力戰不能敵奔
 于撒改及攻開州胡十門以糧餉給軍後攻保州遂將以舟師
 遁胡十門邀擊敗之降其士卒賞賜甚厚以為曷燕館七部李
 董給銀牌一木牌三天輔二年卒贈監門衛上將軍再贈驃騎
 衛上將軍子鉤空嘗從攻顯州領四謀克軍破漁梁務功最以
 弘簡錄 卷二百二十一 西 金內族一

其父所管十部為曷燕館都李董時有合住者亦自稱阿古迺
 苗裔阿古迺始祖見也
 合住易速館慈里海水人仕遼領辰復二州漢人渤海子蒲速
 越襲父職再遷靜江中正軍節度使佩金牌為曷速館女直部
 長子余里也與胡十門同時歸朝屢以糧餉助伐高永昌及高
 麗新羅後從宗擊伐宋以功遷真定府路安撫使兼曹州防禦
 使佩金牌授慈里海水世襲猛安長子布輝譏女真契丹漢字
 善騎射年十八宗弼選為扎也從阿里蒲廬渾追宋康王于明
 州睿宗問其才名置麾下從經畧山東河北陝西襲其父猛安
 授昭勇大將軍海陵伐宋以本猛安兵從半道與南征萬戶完
 顏福壽等俱云歸謁世宗于遼陽世宗即位除同知曷燕館節
 度使事刑部侍郎糾哥為都統命布輝副之坐擅署置官吏私

用宮中財物削兩階解職未浹旬世宗獻享山陵兵部尚書可
 喜昭毅大將軍幹論中都同知完顏璋等謀反欲因上謁山陵
 舉事幹論與布輝親舊與之謀議事具可喜傳既知事不可成
 乃與可喜璋執幹論等上變可喜不肯以始謀誅首遂并誅之
 而賞布輝璋除布輝涪州防禦使累遷順天軍節度使致仕卒
 年六十七 福壽初襲父合住職授定遠大將軍累加金吾衛
 上將軍海陵省併猛安謀克遂停封正隆末海陵伐宋福壽領
 婁室臺答葛二猛安由山東道進至泰安既受甲福壽乃誘將
 校北還高忠建盧萬家奴等亦各率眾歸東京欲共立世
 宗至遼口世宗遣徒單思忠府吏張謀魯瓦等來迎察其去就
 思忠等以數騎馳入軍中問將軍何為至此福壽等言海陵失
 道不能保天下國公乃太祖皇帝親孫我輩欲推戴為主以此
 弘簡錄 卷二百二十一 五 金內族一

來耳諸軍皆東向拜呼萬歲為壽以授思忠於是督諸軍渡遼
 水徑至東京城下輪軍士擐甲入衛宮城殺高存福等明日與
 諸將及東京吏民勸進世宗即位以福壽為元帥右監軍賜銀
 幣御馬未幾從完顏謀衍討白彥敬斡石烈志寧于北京又命
 將兵進討高幹俘獲生口萬計召還授興平軍節度使復其世
 襲猛安尋領濟州路諸軍事大定三年卒
 突合速宗室子鞏罕塞人初隸萬戶石奴家奴麾下嘗領偏師
 破雲中諸山寇盜宗望攻平州遣突合速討應州賊平之及伐
 宋在宗翰軍以八謀克破石嶺關屯兵數萬進取文水縣後從
 諸帥列屯汾州之境宋河東軍帥郝仲連張思正陝西軍帥張
 關索及其統制馬忠合兵數萬來援皆敗之宗翰南伐至潞還
 太原猶未下即留完顏銀木可總督諸軍經畧其地會朱援兵

大至突合速從馬五沃魯破宋兵四千于文木宋將黃迪等以兵三十萬柵于縣之西山復與耿守忠合兵九千擊之殺八萬餘人獲馬及貨糧甚衆宋制置使姚古率兵至隆州谷突合速與拔离速以步騎萬餘禦之种師中兵十萬據榆大銀米可乃名突合速使中分其兵而還與活女等合兵八千擊之斬師中于殺熊嶺宋將張灝以兵十萬營于文木近郊復與拔离速擊破之潞州復叛宋兵號十七萬骨骸突合速拔离速皆被圍突合速麾軍士下馬力戰遂潰圍而出及再舉伐宋宗翰命婁室率軍先趨汴婁室至澤州突合速沃魯以五百騎爲前驅往招河陽先據黃河津宋兵萬餘背水陣進擊敗之皆擠于水遂降河陽汴軍平諸將西趨陝津略定河東郡縣突合速取憲州遇其授軍擊敗之生禽其將李董濂現米魯等攻保德未下突合速進兵助擊梯衝並進遂克其城李董烏谷攻石州屢敗亡其三將軍士死者數百人突合速力戰破之六年宗輔駐師鄆州突合速西取均房遂下其城攻唐蔡陳州及潁昌府皆克之天眷初除彰德軍節度使爲元帥左監軍後改濟南尹天德間封定國公授世襲千戶卒七十二正隆二年贈應國公

幹魯古世爲勃董伐遼使與阿魯論降幹忽魯兩路係遼女直戰敗遼兵殺節度使撻不也酷輩嶺阿魯臺罕等十四大斃皆降復與婁室擊遼都統實婁於咸州斬之克其城隨滿忽吐以所部降隣部戶七千亦來歸又與遼將喝補戰破其軍數萬太祖嘉之以爲咸州軍帥佐幹魯伐高末昌時胡突古叛入於遼居東京南索之以歸以便宜署爲千戶其無功散都魯訛魯補亦除以官而無罪謀克斛拔魯黃哥達及保等咸解其職太

祖盡復之罷胡突古等時幹魯古軍中闕馬在官者匿於私家命檢括之遼耶律捏里來伐迺命以咸州兵合婁室婆盧火往擊捏里遣書請和答以阿疎叛亡索而不獲至於交兵及行人賽刺亦不遣還若歸此二人和好之議方敢奏聞捏里復書降去人痕李等見還則當送阿疎等上以痕李乃交兵後來降阿疎則平日以罪亡去其事特異乃詔捏里令此月十三日送阿疎至顯州各遣重臣議疆場事捏里軍蒞黎山幹魯古以兵萬人成東京太祖使迺婁室益以兵萬人使傳詔諸將曰遼主失道肆命徂征惟爾將士當體朕意拒命者討之服者撫安之母食俘掠毋肆殺戮欲請和當廢昏主立賢者副朕弔伐之意然後議約可定否當盡并爾國其審圖之幹魯古等攻顯州知東京事完顏幹論以兵來會先渡遼水得降戶千餘

遂薄顯州郭藥師乘夜來襲幹論擊走之幹魯古等遂與捏里等戰於羨黎山遼兵大敗迺北至阿里真破獲佛頂家屬進圍顯州攻城西南軍士神篤先入燒其佛寺煙烟撲人守陴者不能立諸軍乘之遂拔顯州降乾懿豪徽成川惠等州改乾州爲閭陽縣遼諸陵在焉徙成川州人居同銀二州捏里再書請和承前詔答之駐軍顯州聽命上賜幹魯古等馬十匹詔以汝等力推大敵攻下諸城朕甚嘉之遼主未獲人心易搖不可恃勝失傳在咸州久多立功亦頗自恣及是劫里保雙古等告其不法事言遼主在中京不追襲咸州糧草數不以實顯州所獲生口財畜多與高論等自取鞫問引伏詔降爲謀克代以宗室子開哥爲咸州路都統使擇顯州降附之民才可幹事者授之謀克其豪右誠心歸附者擬爲猛安錄其姓名以聞飢貧之民

官厥給之天輔六年以討賊于牛心山道病卒天眷中贈特進
配享太祖廟庭諡莊翼

阿高補系出景祖屢從征伐滅遼舉宋皆有功天會九年宗輔

經畧陝西以為左翼都統與右翼都統宗弼撫定鞏洮河西寧

蘭廓等州軍來賓定遠和政甘肅洮安隴等城寨及鎮堡蕃

漢營部四十餘處漢官軍民蕃部首長甚眾於是涇源熙河兩

路皆平詔以兄猛安沙夷質親管餘戶以為世襲謀克天會十

二年除元帥右都監十五年遷左監軍天眷三年從宗弼復河

南遷左副元帥皇統三年封譚國公六年為行臺左丞相踰月

薨大定間大褒功臣重定行慶宮圖像有所未盡始於歡都石

上門渾黜設都訶石古乃蒲查斜卯阿里拔离速蒲察石家奴

完顏蒙适活女突合速婆盧火烏延蒲盧渾阿魯補烏林答泰

弘簡錄 卷一百二十一 大 金 內 族 二

欲完顏烏也大臭赤蓋耶律馬五韓常終于阿高補共二十

二人咸著勳焉子方累官京兆少尹遷陝西路統軍都監在

職無功專事財賄不恤軍旅大定三年遷元帥右都監轉左監

軍改順天軍節度使除西南路招討使佐以兵部郎中高通為

招討都監詔通曰卿到天德母以其官長曲從之務簡閱沿邊

士卒毋用孱弱之人及僕隸代役女直素風凡酒食會聚以騎

射為樂今則奔基雙陸宜悉禁止令習騎射從其居處之便亦

不可招集擾害久之方坐強買部人馬降耀州刺史通亦坐賊

除名方後遷橫海軍節度使入為同簽大宗正簽書樞密院事

奠父謀克

弘簡錄卷二百二十一終

弘簡錄卷二百二十一

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金內族二 景祖以下諸子

劾者 子 宗 孫 宗 幹 魯 劾 孫 子

麻 頗 子 沒 都 本 阿 里 合 憲 子 晏 孫 宗 道 漫 都 訶

烏 古 出 子 習 不 失 冒 不 奔 視 子 宗 浩

景祖九子長劾者與德帝子輩魯之孫胡率之子劾者同名前

劫者事語見帝紀天會八年追封特進此劫者性柔和國族當

異居命與世祖同邸不令治兵專治家務早卒追封韓國公弟

頗速刺納其妻加古氏子撒改以父長不得立命為國相能

馴服諸部訟獄咸得其情穆宗自將誅鋤強梗不服已者使撒

弘簡錄 卷一百二十一 大 金 內 族 二

改取馬紀嶺道攻阿疎和期同會阿疎城下行次阿不塞水烏

延部斜勒勃董來謁說撒改曰聞國相與太師為深入必取之

計宜先撫定潞養星顯之路離其黨附奪其民人然後合軍未

晚撒改從之攻下鈍恩城鈍恩在南阿疎在北與初議不合穆

宗頗不然之及遼使來止勿攻阿疎然後以取鈍恩城為功用

為都統與太祖攻破留可城誅其渠帥取孛累貨產而還鳩塔

已脫身在外其城亦撒守備而降康宗沒令分治諸部人民撤

改統來流水以南太祖統匹脫水以北明年甲午啓太祖用兵

伐遼自以近屬身任大計戰于界外獲謝十賜以所乘馬使告

克撒改及將士驩呼曰義兵始至遼界一戰而勝滅遼必自此

始遣子粘罕及希尹來賀捷因勸進太祖未從十二月復率諸

將勸進太祖即位與羣臣前跪奏事上起泣止之今日成功皆

諸君協輔之力吾雖處大位未易改舊俗也撤改等感激拜謝
時上嘗赴諸族宴集答拜如賓主天輔後始正君臣之禮拜國
論勃極烈加國論胡魯勃極烈五年薨太祖往吊乘白馬勞額
哭之慟及葬復親臨以所御馬爲人敦厚多智長于用人家
居純儉好稼穡每以宗臣爲內外倚重不以戰多爲其功天會
十五年追封燕國王正隆例降陳國公大定三年改贈金源郡
王配饗太祖廟庭諡忠毅子宗翰宗憲 宗翰本名粘沒喝漢
語訛爲粘罕年十七軍中服其勇前後議論多與太祖意合天
輔五年四月從擊遼都統耶律訛里朶以爲右軍大勝于達魯
古城奏遼主失德中外離心我朝興師大業既定而根本弗除
後必爲患今乘其寡可襲取之天時人事不可失也太祖然之
卽命諸路戒備軍事五月戊戌射柳宴羣臣親酌酒以飲曰今
弘簡錄 卷二百二十二 二 金內 二
議西征謀元帥宗室中雖有長者無以易之汝當治兵以俟師
期卽解御衣以賜拜爲移資勃極烈使西襲遼帝不果行十一
月上言諸軍久駐人思自奮馬亦壯健宜乘此時進取中京羣
臣言時方大寒太祖不聽竟用其策既克中京令率偏師趨北
安州與婁室徒單綽里合兵大敗奚王霞末北安遂降駐軍遣
希尹經略近地復遼護衛耶律習泥烈迺知遼主獵于鴛鴦澤
西北西南兩路兵馬皆羸弱不可用使搆盪溫都移刺保報都
統杲遼主窮迫猶事敗獵不恤危亡兼自殺其子臣民失望衆
益離心攻取之策幸速見論杲使奔賄來報項奉詔旨不令便
趨山西當審詳徐議時已整衆伺候兵期及奔賄至恐失機會
決策進兵使移刺保復往報初受命許便宜從事遼人可取其
勢已見一失機會後難圖矣今以精兵六千出瓢嶺以襲遼主

當與大軍會于何地又聞遼主將自五院司來拒戰乃倍道兼
行一宿而至遼主逃去復破耿守忠兵時第扎保廼沒于陣天
眷中贈爲特進罕已撫定西路州縣部族謁上于行在所遂從
取燕京平日賜以金器有差還軍爲鴛鴦澤以爲都統吳勃極烈
幹魯副之駐軍雲中寄以方面太宗卽位入見奏先帝時山西
南京諸部漢官軍帥皆得承制除授今南京皆循舊制惟山西
優以朝命詔一用先帝燕京所降詔勅從事給以空名宣頭百
道當遷官資者以便空度其勤力而遷授之宋人請割諸城復
奏先帝征遼之初圖宋協力夾攻故許以燕地及宋既盟之後
請加幣以求山西諸鎮當時辭其加幣盟以無容通逃誘擾邊
民今宋數路招納叛亡厚以恩賞累書叛人姓名約童貫期以
月日一無所致盟未甚年今尚如此可望其萬世守約乎且西
弘簡錄 卷二百二十二 三 金內 二
鄙未寧割付山西諸郡則諸軍失屯據之所將有經略或難持
久請姑置勿割上悉如所請諸將獲耶律馬哥歸之京師詔給
其軍戰馬七百匹并田種千石米七千石以賑新附之民諸路
戶口按籍查索比及農時度地以居又請分宗望兵討諸部詔
別給以精銳五千遣往經略夏國奉表稱藩上甚嘉之復賜良
馬十匹使自擇二匹餘賜羣帥又令按籍索張覓及逃亡戶口
于宋宋人不遣與宗翰等俱請伐宋以爲左副元帥由太原路
進發自河陰降朔克代圍太原府敗宋河南陝西援兵四萬于
汾河之北殺萬餘人以久不聞趨汴之問留銀米可等守圍率
師而南降威勝軍下隆德府卽鄆州至澤州始知割三鎮講和宋
遣路允迪以詔書來太原人不受詔取文水及孟縣復留銀米
可圍太原罕還山西得宋少帝所貽余賄書以興復遼社稷爲

辭蕭仲恭獻之詔復伐宋八月發自西京九月丙寅克太原執宋經略使張孝純等鵠沙虎取平遙降靈石介休孝義諸縣十一月甲子自太原趨汴降定諸縣遂取澤州撤刺荅等先已破天井關進逼河陽破宋兵萬人降其城復攻懷州克之丁亥渡河閏月至汴與宗望會兵宋約盡河為界復請修好不從丙辰銀木可等克汴州辛酉宋少帝詣軍前十二月癸亥奉表降遣最就軍中賜宗翰宗望使皆執其手以勞之將帥士卒立功者第其高下遷賞其殞身行陣沒於王事者厚卹其家賜贈官爵務從優厚四月以宋三主并宗族四百七十餘人及珪璋寶印袞冕車輅祭器大樂靈臺圖書與大軍北還七月頒賜鐵券除反逆外餘皆不問資與優厚奏河北河東府鎮州縣請擇前資官良能者任之以安新民上遣耶律暉等從行詔黃龍府路南弘備錄 卷一百二十一 四 全內卷二

路東京路於所部各選如暉者遣之罕趨洛陽宋董植以兵至鄭州州人復叛罕使諸將擊植軍復取鄭州遂遷洛陽襄陽潁昌汝鄭均房唐鄧陳蔡之民於河北遣婁室平陝西州郡時河東寇盜尚多乃分留將士夾河屯守還師山西昏德公致書請立趙氏奉職修貢民心必喜萬世利也罕受其書不荅康王遣王師正奉表密以書招誘契丹漢人獲其書奏聞下詔南伐河北諸將欲罷陝西兵併力而南河東諸將不肯曰陝西界隣西夏事體重大罕奏初與夏約夾攻宋人夏人弗應反與耶律大石交通今吾若舍陝西弗攻彼必謂我有急難且河北不足虞宜先事陝西略定五路既弱西夏然後取宋議久不決請于上曰先窮康王所往追之俟平當立藩輔如張邦昌者陝右之地亦未可置而不取乃使婁室蒲察帥師繩果婆盧火監戰平陝

西銀木可守太原耶律余睹留西京罕會東軍于黎陽津會宗輔于濮進兵至東平宋知府權邦彥棄家宵遁降其城駐軍東平五十里復取徐州盡得宋人所運江淮金幣與宗輔分給諸軍遣拔离速烏林荅泰欲馬五襲康王于揚州未至百五十里馬五以五百騎先馳至城下王聞兵來已於前一夕渡江致書請存趙氏社稷削去皇帝大號自稱宋康王趙構謹致書大金元帥閣下其四月七日兩書皆然元帥府荅其書招之使降康王入海追之弗及入朝語宗幹希尹等曰儲位久虛先帝嫡孫當立我日夜未嘗忘此相與定議立宗峻子合刺固請再三太宗以其大臣義不可奪從之拜為國論右勃極烈兼都元帥熙宗即位加太保尚書令領三省事封晉國王乞致仕不許天會十四年七月辛巳薨年五十八追封周宋國王生平內能謀國外能謀敵決策制勝有古名將之風臨潢既捷諸將皆怠忽而請伐不已越千里以襲遼主諸將皆畏顧而請期不已復好訪問女直老人多得祖宗遺事觀其欲置江淮專事陝服當時無有能識其意者甫釋干戈敘祗歸朝以定熙宗之位義正理直入服其誠特以在西京坑殺句降者千人故後嗣寡少正隆例降金源郡王大定間改贈秦王諡桓忠配享太祖廟廷孫秉德糾哥 糾哥資質鄙惡貪受財賄累官曷蘓館節度同知大定二年除刑部侍郎充都統與副統完顏布輝自東京先赴中都輒署置官吏私用宮中財物事覺當死世宗特寬之糾哥除名布輝削兩階解職復起為大宗正丞除邢州刺史又坐枉法徙鄭州再起同知興中尹遷唐括部族節度使歷開遠順義軍復為御史所劾三犯當死皆以祖父大功特免後終勸農副使

宗憲本名阿懶年十六選入學太宗駕幸與諸生上謁見其進
止恂雅令誦所習女直字書語音清亮兼通契丹漢字善應對
上嗟賞久之從破汴京衆人爭取府庫財物獨載圖書以歸遇
朝議制度禮樂往往不足謂方今奄有遼宋當遠引前古因時
制宜成一代之法何乃近取遼人制處因仍其舊乎與希尹意
合嘗器重之復延爭捷懶宗傳以齊地與宋宗弼如其策果復
取之以功授昭武大將軍修國史累官尚書左丞熙宗美其識
慮深遠自今以往其盡言無隱宗憲拜謝令攝門下侍郎熙宗
以疑似殺希尹久乃閔惜語以希尹有大功朕將錄用其孫對
曰陛下所念至深从生幸甚以臣言之若不先味死者無罪生
者何由得仙上是其言即日復希尹官爵孫守道後至宰相皇
統五年將肆赦議罪恩止及女直人宗憲奏曰莫非王臣慶幸
弘簡錄 卷二百二十二 木 金內漢二
豈可有間遂改其文使均被焉轉行臺平章政事天德初爲中
京留守安武軍節度使封河內郡王改太原尹進封鉅鹿郡王
正隆例奪王爵再遷震武武定軍節度使開世宗卽位先已棄
官來歸會遣使召之曰叔若能來必速至此毋爲志寧彥敬所
遏使者相遇中都遂見上下小遼口除中都留守卽遣赴任與
元帥殺英同議軍事明年改西南二京攝行臺尚書省事時年
已老上因其耆舊更歷事多皇太子年少謙訓導之名爲太子
太師俄拜平章政事賜以太祖實錄上以移刺高山奴父祖有
功擢爲祕書少監宗憲言其前爲寧州刺史做很貪墨不可以
玷班行卽命追還制命會又有言諸路猛安謀克怙其世襲多
擾部民請同流官以三十月爲考宗憲上議昔太祖撫定天下
誓封功臣今若改爲遷調卽非舊約臣謂但當明核善惡進賢

退不肖有不職者擇弟姪中賢者代之上從其議大定五年拜
右丞相六年九月癸丑薨年五十九上輟朝悼惜命百官致奠
賜以銀絹重緜
次幹魯康宗初使佐幹帶伐幹豁勃董拔其城以歸又代幹賽
將兵數月對築九城與高麗抗出戰入守幹賽因之卒敗高麗
渤海人高末昌見遼政日衰領兵三千屯東京八瓶口妄意非
常乘東京漢人有怨誘諸渤海弁其戍卒入據東京旬月之間
遠近響應有兵八千僭稱帝號改元隆基遼人討之不能克乃
詔幹魯統內外諸軍伐之幹魯方趨東京遼兵六萬來攻照散
城阿徒罕勃董烏論石準與戰於益禔之地大破之五月幹魯
取濟州末昌聞而大懼使家奴鐸刺資金印銀牌願去名號稱
藩渤海降人高禎言其意非真特以緩師亟命進兵末昌率衆
來拒遇于沃里活水我軍旣濟敵衆不戰而却逐北至東京城
明日復戰大敗之末昌奔長松島東京人恩勝奴仙哥等執其
妻子以城降捷不野復執末昌及鐸刺以獻皆殺之拜爲南路
都統迭勃極烈一作武九月謁見于婆魯買水上慰勞之辛亥幸
其第張宴官屬皆預賜賚有差燭俛水部實里古遠殺酬幹僕
忽得以叛命分胡刺古烏春之兵討之幹魯至石里罕河實里
古達遜去追及于合捷刺山誅其首惡四人撫定餘衆下詔嘉
獎分其民三百戶爲一謀克推衆所服者領之仍質其子弟而
還西京已降復據城西浮圖下射攻城者因與鶴巴魯攻奪浮
圖率精銳下射城中破之夏國使李仁輔將兵救遼與婁室合
軍擊敗於天德追至野谷殺數千人餘兵二萬渡泗水漂溺不
可勝計拜爲西南路都統遣勃刺淑撒曷憇以兵往襲遼主照

里背各邀擊之遣使奏捷賴陛下威靈屢敗敵兵今已無歸勢必來降已嚴戒隣境毋納宋人詔徧諭有功將士俟朕至彼當次第推賞太祖還京又命副宗翰為西北西南兩路都統任以便空委夏人屢求援兵不盡歸我戶口沮吾追襲遼主宋人敢言自取疆土于夏侵畧新所割地誠有異圖宜謹守備詔盡索在夏戶口通聞兩國事密處之因請弗空割山西地與宋則遼不能與郭藥師交通詔從之復奏宋不遣歲幣戶口事且將渝盟不可不備與宗望等意合乃以行西南西北兩路都統事天會五年十二月乙亥薨皇統五年追封鄭國王配享太祖廟庭子撒八銀青光祿大夫孫賽里

次劾孫亦柔善人天會大封宗室追封王爵正隆例降鄭國公子昱本名蒲家奴嘗從太祖伐留可塢塔又使招降詐都康宗弘簡錄 卷二百二十二 金內族二

八年係遼籍女直統石烈部阿里保太學阻兵招納亡命命以偏師夜行晝止抵石勒水襲擊破之盡俘其孥而還邊氓自此無復亡者後與宗雄視泰州地土太祖因徙萬家屯田于其地天輔五年拜吳勃極烈副都統梟領內外諸軍以取中京遼帝西走梟使昱以兵一千助撻懶擊遼都統馬哥不及乃與賽里斜野降其西北居延之衆降民與毗室部稍復逃叛率兵襲之至鐵呂川遇敵八千力戰兵敗值察刺以兵來會追及敵兵于黃水與燉按打海被十一創竟敗敵兵而還獲畜產甚衆軍于旺國崖西賽里亦以兵會太祖自草深追遼帝昱為前鋒戒之曰彼若深溝高壘未可與戰即偵伺巡邏勿令遞去以俟大軍若其無備便可擊也上次胡夷珍川吳十馬和尚至小魚深夜潛入遼主營執新羅奴以還遂知遼帝所在昱等晝夜兼行追

及于石鞏鐸遼帝逃去復與宗望追至烏里質鐸不及而還後佐宗翰為西北西南兩路副都統討平烏虎部叛天會間為大司空封王天眷二年宗磐等被誅其辭連及奪職遂薨天德初配享太祖廟廷正隆例封豫國公

次麻頰天會十五年出世襲猛安封王正隆例封虞國公子諤都本孝友恭謹多謀而善戰年十五隸軍中從攻窩盧歡及係遼女直胡失荅等為變身自為質從歸中途以計殺守者而還攻寧江州取黃龍府破高末昌取春泰州皆有功多受賞資遂為謀克討嶺東未服州郡過土河東山敗賊三千人奚契丹寇土河西與猛安蒙葛麻吉擊之摧鋒力戰破其衆九萬奚衆萬餘保阿隣旬復擊敗之降其旁近居人復以五百騎破遼兵一千生擒其將以歸與闍母攻興中府中流矢卒年三十七天弘簡錄 卷二百二十二 金內族二

眷中贈金紫光祿大夫諡英毅 弟蠻視襲父猛安卒子掃合襲卒子撒合輩襲卒子惟銘襲惟銘本名沒烈字子鑄駢脅多力喜周給人至寧初守楊文閣有功兼都統護漕運負祐二年佩金牌襲親軍家屬遷汴遙授祁州同知充提控三年破紅襖賊於大沫塌惟銘入自北門諸軍繼進生獲劉二祖功最遷泰安軍節度副使改遂王府尉都水少監東平府治中紇石烈牙吾塔為同知以刃誤傷之罪當削降仍從軍自請討花帽賊于曹濟間行省蒙古綱奏其功復前職遷祁州經略使卒子從傑襲猛安累功遙授鎮南軍節度副使

次阿爾合德聰敏辨給凡一聞見終身不忘復從捷善戰年十八值世祖擒臘酷菴稜水人尚反側不自安介往撫察之又與斜鉢合兵攻窩謀罕棄城逃去從撤改討平雷可其功居多贊

成太祖伐遼在行間屢有戰功擒蕭海里使獻馘于遼及還勸
進既即位獨與宗翰以耕具九事為獻伏願陛下毋忘稼穡艱
難太祖敬而受之項之為國論乙室勃極烈女直初無文字獨
能默記祖宗族屬并時事會破遼獲契丹漢人命與糾葛同修
本朝譜牒凡見人舊雖未嘗識聞其父祖名即能道其部族世
次所出或偶及積年舊事人悉遺忘輒一一辨析言之有質疑
者皆釋其意義世祖稱為人不可及天輔三年寢疾宗翰日往
候視因得祖宗舊俗法度上臨問以國家事對曰四方未平國
俗多以良馬殉葬可禁止之乃獻平生所乘戰馬上嘆曰臨終
不亂念及國家事真賢臣也薨年四十九上哭之慟及葬復親
臨之熙宗時追封隋國王天德中降為公贈開府儀同三司大
定間配饗太祖廟廷諡曰剛憲子贊也幹論孫宗道宗尹宗寧
弘簡錄 卷一百二十一 全內其二

魯補驍驍促召率宗室數人入見即拜左丞相封廣平郡王宴
勞彌日未幾兼都元帥大定二年進拜太尉復致仕還鄉里遷
詔有司致祭贈銀幣甚厚 宗道本名八十通周易孟子善
騎射大定五年充閭門祇候累除近侍右丞相烏古論
元忠左將軍僕散揆等皆因燕集有所竊議即密以聞世宗嘉
之授右衛將軍出為西南路副招討章宗即位改平陽府同知
陝西路副統軍左宣徽使移刺仲方舉以自代除西北路招討
使故事諸部駕馬八百餘匹悉歸不受諸部咸治提
刑司察廉名為殿前右副都點檢尋轉陝西路統軍使以鎮靜
得軍民心特進三階兼知京兆府事夏早俾長安令取太白嶽
木部迎於遠郊及城而雨是歲大稔人以爲精意所感刊石紀
之承安二年為賀宋正旦使復改河南路統軍使泗州民張偉
弘簡錄 卷一百二十一 全內其二

負楚州賈人王萬貨錢五千餘貫三年不償萬理索誣以言彼
界事情始疑其冤廉問果得實乃坐偉而歸萬人服其明改知
河中府有惠政民立像於層觀以時祭之移知臨洮以病解秦
和四年卒贈龍虎衛上將軍 宗尹本名阿里罕賽也之子初
充護衛改牌印祇候為右衛將軍歷順天歸德彰化唐古部族
橫海五軍節度使正隆南伐領神略都總管先鋒渡淮取揚州
及瓜渡大定二年改河南路副都統時宋陷汝州殺刺史烏古
徐麻撥及漢軍二十人宗尹遣萬戶李木魯定方完顏阿喝懶
夾谷清臣烏古論三合舉雜訛只將騎四千往救復取汝州除
大名尹項之為河南路統軍使遷元帥左都監南京留守論以
卿年少壯心力多帶前任點檢京尹勤力不怠而處事述錯勉
脩職業以副朕意賜通犀帶麻馬八年置山東路統軍司即以

為使俄遷樞密副使錄其父功授世襲前與路屯河猛安并親
 管謀克加太子太保上問宰臣宗尹才雖無大過人而性行淳
 厚且國之舊臣朕欲相之何如宰執皆曰甚協眾望即日拜平
 章政事封代國公兼太子太傅上問民間甚苦錢幣不通對曰
 錢者有限之物積于上者滯於下所以不通海陵軍興為一切
 之賦有萊園房稅養馬錢大定初軍事未息調度不繼故因仍
 不改今天下無事府庫充積悉空罷去世宗從之論曰卿留意
 百姓朕復何慮太尉守道老矣捨卿而誰他日謂宰臣宗尹治
 家嚴密他人不及復顧謂宗尹政事亦當如此有頃北方歲饑
 議輸粟賑濟廷臣皆言舊積有餘秋成在近不必更勞輸輓宗
 尹曰國家平時積粟本以備凶歲必待秋成則億者眾矣人有
 損瘠其如防成何復從之時詔凡承襲人不識女直字者勒令

弘簡錄 卷二百二十一 全內 蘇二

習學會宗尹子銀木可襲猛安守道子神果奴襲謀克上嘗識
 二子但習漢字未習女直字自今著令女直契丹漢字皆學其
 一節許承襲上將幸上京因臨潢烏古里石壘歲皆不登奏言
 南道歲熟芻粟賤送由南道往既至問同簽大宗正事宗寧不
 能撫其宗室子孫往往不事生業令察其事隨空懲戒奏曰隨
 仕之子父後不還本土以此多奸游蕩命召還之及宴宗室于
 皇武殿擊毬為樂語以其間人材孰可用者因舉奉國幹事子
 按出虎豫國公昱曾孫阿魯可任使上口度可任何職咸以為
 奉御更訪其餘以問二十七年乞致仕詔卿久任外官不聞有
 過失但恨用卿稍晚今精力似衰若勉留卿四方恐以為私今
 雖致仕將居何所朕欲留卿時相從游如何對曰臣餘閑之年
 豈不欲留但恐聖主心厭棄耳况鄉里故老亦無存者雖到彼

尚誰與游因賜甲第一區凡宴集飲徹皆從焉明年薨 宗寧
 本名阿土古性勤厚明敏有大志起家為征南都統從海陵戰
 瓜洲渡功最歷邢州刺史大定二年為會寧府路押軍萬戶擢
 歸德軍節度使時方旱蝗督民掩捕如數給粟數日盡絕移鎮
 寧昌天德軍改知臨潢府事世宗嘗語宰臣宗寧智慮雖淺然
 所至人皆愛之即命為行軍右翼都統充賀宋正旦使累遷兵
 部尚書授隆州路和剛猛安烈里沒世襲謀克出知大名府事
 徙鎮利涉軍俄同簽大遼親府事素因多病欲處以涼地俾知
 咸平擢其子符寶郎直為韓州刺史以便養無幾復入同判大
 睦親府事拜平章政事明昌二年薨為人約儉如寒素臨事不
 苟其鎮臨潢聞知隣國有警民乏糧即令以牛易粟敵知有食
 道去後窩斡亂邊民復苦無牛仍令入粟易牛既而民得牛而

弘簡錄 卷二百二十一 全內 蘇二

倉粟倍於舊其經畫如此
 次設都訶穆宗時統門渾蠢木合流地烏古論部人忽沙渾勃
 董之子留可詐都二人間誘與純鳩塔兩部之民作亂合黨揚
 言徒單部烏古論部二黨咸十四部為一蒲察部之黨七部為
 一凡三十五部完顏部祇十二而已以三十五部戰十二部必
 可取勝由是敵庫德鈍恩皆叛與世祖降附諸部亦皆離心時
 不從亂者惟烏延部達紀保之子斜勒勃董使其兄保骨臘以
 其甲來歸及統門水溫剋痕部阿里保勃董乞兵為援撒葛周
 勃董等皆使人來告難穆宗使謫都訶伐之分以太祖甲四十
 迎擊大破之降米里迷石罕城留可先在遼未獲詐都亦詣蒲
 家奴降太祖釋之諸部皆安業如故天會二年為阿捨勃極烈
 參議國政明年三月乙亥薨天會中追封王正隆例降鄭國公

明昌五年諡定濟次子謀里也海陵時誣以謀反子孫二十人皆被害

庶弟烏古出初昭祖無子與次室達胡末禱于巫日男子之兆雖見然性不馴良長而酗酒殘忍無親親之恩不可受也昭祖方念後嗣未廣亦願受之既長名之曰烏古出方音日及昭祖

沒屢忤嫡母欲害景祖方謀殺之部人怒以為此子生性主父母之業奈何殺之遂免生習不失亦作辭不失長而健捷能左右射肅宗拒桓被散達世祖使習不失先陣於脫歸改原待吾

三揚旗三鳴鼓即棄旗決戰死生惟在今日世祖既出習不失白陣後奮擊敗其騎軍所乘馬中九矢不能馳遂棄之陣中步趨而出馬亦隨歸桓被散達既敗論功居多既而疑木甲甲里

驚與烏春等為變遣單騎往觀李里驚與忽魯置酒樓上以飲弘簡錄 卷一百二十一 金剛錄二

之習不失聞其私語若將執已者即一躍而下傍出藩籬之外乘馬奔歸其推鋒居前勇力強趨率此類孟乃約烏春舉兵使肅宗前戰束縋縱火燒燬天大敗烏春執孟乃以歸復獲麻

產獻減于遼拜為詳穩又佐撤收攻下留可城太祖伐遼使領千兵夾侍左右出河店之役惟習不失策與太祖合卒破十萬

之師挫其軍鋒相與勸進收國元年拜阿買勃極烈其倚任與敵改比天輔七年令輔太宗居守會耶王昂違律失衆法當死

請于太祖兄弟骨肉恩當掩義寧刑法以全之今國家獲燕京納宋幣生世宗迭有大慮可減即死若主上有貴以我為解太

宗然之杖昂以聞是歲七月堯正隆二年贈開府儀同三司追封曹國公大定三年進封金源郡王配饗太祖廟廷諡曰忠毅

子鶻沙虎國初有功天會中為真定留守孫捷不也名宗亨

性忠謹天輔初充護衛擒宗睿宗尙有功加忠勇與昭信校尉尙殿局直長三年陞本局副使丁父憂會選有材望為宗正官

屬起復拜淑溫特宗室將軍改會寧府少尹歷登獻二州刺史為澤牧使北京路轉運同知改澤州定國軍節度使海陵南伐

領武陽軍都統管過淮世宗即位班賜手詔入朝授右宣徽使未幾為西北路兵馬都統討契丹窩幹令統萬戶烏延查刺七

謀克兵以為左翼賊兵來犯查刺奮擊敗之宗亨指畫失空遂敗回又縱軍士取賊所棄資囊人畜而自有之坐降卑州刺史

餘見高幹傳後弟賽里名宗賢初為護衛從都統景襄帝為德樂又從蒲家奴以兵助德懷襲耶律馬哥使與斜野裝補

初捷達魯古厥列耶律吳十等各率兵分行招諭獲遼留守迪越家人輜重并降收官木盧瓦得馬甚多使逐水草牧之賽弘簡錄 卷一百二十一 金剛錄二

里等趨業迭以偏師深入敵遊擊之撤合戰沒蒲家奴至旺國崖西賽里以兵會之累官至左副點檢天眷二年坐會飲宗尙

家奪爵未幾復之皇統四年授世襲謀克轉都點檢封幽國公拜平章政事自獲衛未十年至右丞相兼中書令皇統八年進

太保左丞相兼修國史與海陵同在相位進太師領三省事以左副元帥兼都元帥感激思効以報朝廷悼后為母黨未嘗附

之嘗勸熙宗選後宮以廣繼嗣不少顧忌海陵亦未嘗少有假借嘗心憚賽里外以屬尊加敬內實忌之知與悼后有怨因共

力排出之為南西二京留守領行臺尙書省事賽里亦不因是少變胙王帝勝死熙宗納其妻宮中將立為后賽里爭之弒逆

已行議以熙宗將議立后召諸王大臣賽里信以為然將入宮被執猶以為常勝妻將立而先殺之語人曰誰能為我言者我

死固不足惜，獨念主上左右無助，爾遂遇害。弟習不主年十六伐宋，攻下懷仁縣，功居最。從宗輔經略陝西，以兵七百入丹州，諸山遇盜三千，擊敗之。又破賊四千，生擒其將，出隴州，以兵四百，敗敵數千。宋兵七千來取鞏州，復擊走之。又以五千兵敗吳玠之衆三萬，白塔口遇敵五千，復敗之。別降定遠等寨，皇統二年授臨洮尹。同知丁憂，起復，改孟州防禦使。遷臨洮尹，復以罪罷。正隆三年起為京兆尹，改河南尹。卒年五十八。

奔賭名昂景祖弟孛黑之孫斜幹之子。年十五，侍太祖會令數人，兩兩角力，祖顧之曰：汝能此乎？對曰：有命敢不勉。遂連仆六人，祖喜曰：汝吾宗弟，自今勿遠。左右居數日，賜金牌令佩，以侍人。年十七，伐遼，佩所賜金牌從軍。平燕京，策功賜甲第一區。天輔六年，都統臬遣與溫敦思詣宗翰，追遼主于鴛鴦濼。天會二年，南京叛，聞母又遣與劉彥宗分兵討之。宗望伐宋，承制拜為河南諸路兵馬都統，稱金牌郎君。及攻汴，以兵三千為宗弼前鋒。時遣使入城，宋人不納。比暮，昂兵千人先馳至北門，諭之以事，遂得入。宗望至汴，令開母慳，昂等屯于城之東北隅。宋主遁去，遣昂等率輕騎環城巡邏，所領止八謀克，遇敵萬人與戰，敗之。溺死其步軍過半。七年，大軍渡江，遣昂等以兵追宋主時已入會稽，俄為堅守計，列兵數千陣於郭東竹葦間。諸將欲擊之，昂曰：此詐也，不若急攻城。不然，將由他門逸去。諸將猶豫未決，宋主果單舟於他門入海，不獲而還。宗弼經略熙泰，遣昂與撤離喝領兵八千攻取河西郡縣，遂取寧洮安隴二寨，進至河州。安撫使郭寧偕降，攻樂州，復進取三寨。至西寧州，都護許居簡以城降。吐蕃酋長之孫趙鈐轄率其所部木波首領五人來

降，昂別領兵四千往積石，降其軍及所部五寨官吏，追吐番鈐轄等十二人至廓州，招之不下，攻取之。天眷元年，授鎮國上將軍，除東平尹。明年夏，宋將岳飛兵十萬來攻城，中軍祇五千，倉卒出禦，時桑柘茂，使於林間多張旗幟，以為疑兵。自將精兵陳於前，飛不敢動，相持數日而退。昂勒兵追躡至精口，附水屯營，時霖雨晝夜不止，促衆北行，諸將皆諫，昂怒不應，鳴鼓督之下，令敢後者斬。棄去幾二十里而止。是夜宋人果來劫營，無所得，而還。諸將入賀，且問其故，昂曰：宋兵沿流而下者走也，逆流而上者誘我必追也。今大雨泥淖，彼所行安，我陸行，勞士卒饑乏，弓矢疲弱，我軍居其下，流勢不便利，其襲我必矣。衆皆稱善。飛復圍邳州，甚急，城中兵纔千餘，守將懼，遣人求救。昂語以符至其城西南隅，有塹深丈餘，可速實之，守將如其教，填之。飛果自此穴地而入，知有備，遂止。昂舉兵以為聲援，飛乃退。在東平七年，改益都尹。累東北路招討使，崇義軍節度使，遷會寧牧。天德初，徙節安武軍，遷元帥。右都監轉左監軍，授上京路移里閔幹，幹渾河世襲猛安，海陵以其功不足為酬，益以四謀克讓其三於族兄弟，祇受親嘗謀克。尋拜樞密副使，加太子少保。進樞密使，尚書左丞相，坐怒族弟妻去衣杖其脊，亦被杖五十。久之拜太尉，封濟國公。又進太保，判大宗正事，累封楚葛衛齊四國公。南伐為左領軍，大都督，因辭濟江舟小，海陵怒詔與蒲盧潭明日先濟，昂懼欲亡去，抵韓復遣人止之。曰：前言一時之怒耳，既而軍變，使人至南京殺太子光英，遣其子宗浩與塔魯印祇候回海等奉表入賀。見日世宗深加慰勞，進封漢國公。拜都元帥，行帥府，山東經略邊事未幾，奉遷廢宗皇帝梓宮以為勅葬。

私簡錄 卷一百二十一 金內兼二

使事畢還鎮三年召至京以疾薨年六十四上輟朝臨奠賜銀絹重緜妻大氏卽海陵母之從姊見昂在海陵時縱飲沉酣輒數日不醒及還自揚州爲置酒私第未數行輒臥不飲怪而問之昂曰吾本非嗜酒者若向時不自沈晦被教久矣今遇遭明時正當自愛聞者稱之素親睦兄弟尤善施予遇親族有貧困者必厚給之至茵帳衣食器皿僕馬之屬一無所吝人或勸爲子孫計昂曰人各有命但使其能自立爾何至爲奴使耶君子以爲達宗浩字師孟本名老漢海陵時爲入殿小底馳賀世宗見之喜命充符寶祇候從父山東幕府領萬戶授兵馬都總管判官父憂起復襲猛安職爲河南府判官母喪服闋授陝州防禦同知察廉能第一等陞彰化軍節度同知累遷同樞密院事改曷蕪節度世宗稽有才幹可及者無幾二十三年徵爲

弘簡錄 卷一百二十二 大 金內族二

吉刺之勢必分彼既畏我見討而復擊肘仇敵則理必求降因遣主簿撒領軍二百爲先鋒戒以若廣吉刺降可就徵其兵以圖合底忻仍偵餘部所在速使來報大軍當進與汝擊破之必矣撤入敵境廣吉刺果降遂徵其騎萬四千馳報以待宗浩前軍至忒里葛山遇山只昆所統石魯潭灘兩部擊走之斬首千二百級俘生口車畜甚衆進至呼歇水敵勢大感於是合底忻部長自古帶山只昆部長胡必刺及婆速火所遣和火者皆乞降承詔諭遣而胡必刺部迪列土近在移來河不肯降移軍討之斬首三百級赴水死十四五獲牛羊車帳合底忻等棄輜重遁去撤與廣吉利部長忒里虎追躡及之於窩里不水縱擊大破之婆速火九部斬首溺死四千五百餘獲驢馬牛羊不可勝計軍還婆速火乞內屬并請置吏上優詔褒諭遷光祿大夫以

弘簡錄 卷一百二十二 大 金內族二

敵亦非不早大國兵尚未出即指已得之泗州諸軍屯于境外者盡令撤戍而南悔艾之誠于茲可見江外之地特為屏蔽傑如來論何以為國至于首事人等誤國之罪固無所逃若使執縛以送則本朝不得自致其罰所有歲幣前誓已增大定所減之數於通謝禮幣之外別致微誠庶幾以此易彼其歸投之人皆雀鼠偷生一時竄匿往往不知存亡當隆興時固有大朝名族貴將南來者許約各不取索况茲瑣瑣何足云至如泗州等處驅掠人悉當護送歸業夫締新好者不念舊惡成大功者不較小利欲望力賜開陳捐棄前過開略他事玉帛交馳歡好如初復誓方信播重以書來詳味其辭於請和之意雖若婉遜而所盡之事猶未悉從惟言當還泗州等處驅掠而已至於貢幣則欲以舊數為增追叛亡則欲以橫恩為例而稱臣割地縛送盜臣三事又並飾虛說弗肯如約豈以為朝廷過求有不可從將度德量力背城與我一角勝負哉乃者帥府奉命征討未及出師姑以逐處戍兵隨安捍禦所向摧破旋即底平爰及泗州不勞而復今乃自謂折其已得斂軍撤戍以為悔過之効是豈誠實之言據陝西宣撫司申報今夏宋人犯邊者十餘次並為我軍擊退泉斬捕獲蓋以億計然則所來請和其理安在又言名分之論今昔事殊者蓋大定之初失在正隆致南服不定故特施大惠易為姪國以鎮撫之今以小犯大曲在於彼既以絕大定之好則復舊稱臣於理為宜若為非臣子所敢言何在皇統時獨敢言哉又謂江外之地將為屏蔽夫藩籬之固當守信義如不務此雖長江之險亦不可恃何況區區兩淮之地乎昔江左六朝之時淮南屢嘗屬于中國至後周顯德間南唐李

景獻處符斬黃畫江為界是亦皆能為國今信孺齋到哲書乃云疆界並依大國皇統與彼隆興年已盡為定若是則既不言割彼之地則欲得我之已有者豈理也哉又通謝禮幣之外別備錢一百萬貫折金銀各三萬兩專以塞再增幣之費及歲幣添五萬兩足其言無可准止是復皇統舊額而已安得為增欽奉聖訓昔宣靖之際棄信背盟我師問罪并割三鎮以乞和今既無故典兵茂棄信背盟雖盡獻江淮之地猶不足以自贖况彼國嘗自言叔父姪子與君臣父子略不相遠如能依舊稱臣即許以江淮之間取中為界如欲世為子國即當盡割淮南直以大江為界陝西邊而並以大軍已占為定據元謀姪臣必使縛送緣彼懇欲自致其罰可令兩首以獻歲幣亦更添五萬兩足以表悔謝之實方信孺言語反覆詭詐之罪過於胡昉不足取

弘簡錄 卷一百二十一 全內錄二

信如李大性朱致和李璧吳瑄輩似乎忠實可遣詣軍前聚議然自古兵交容使人在其間姑放令回報其後宋人竟請以叔為伯增歲幣備犒軍銀兩姪臣佞肖師且首以獻而乞盟焉泰和七年九月薨于汴計聞上震悼輟朝命其子宿直將軍天下奴奔赴喪所仍命葬畢持給像至都臨奠以南京副留守張巖叟為勅祭兼發引使莒州刺史女奚列孛葛速為勅葬使仍捕軍前武士及旗鼓倍角各五十并隨行親屬官員親軍送至葬所賻贈甚厚諡曰通敏

弘簡錄卷一百二十一 終

弘簡錄卷二百二十三

明刑部員外郎仁和弘齋邵經邦學

皇清翰林院侍講學士四世孫遠平校閱

載紀 金內族三 世祖以下諸子

幹帶 子宗 斜也 子宗 幹賽 子宗 幹者 孫 開母 子宗

吾都補 子宗 撒揭喝 子宗 醜淡 子宗 撻懶 子宗

烏野 子宗 掃合 子宗 宗雄 子宗 阿爾 子宗 隈可 子宗

世祖第三子幹帶太祖同母弟自幼於眾弟中最愛之年二十餘從撒改伐爾可為裨將議主攻城太祖將至軍迎謂之曰留可城且下勿或他議太祖從之眾議乃決幹帶急起治攻具其夜進兵攻城迎明破之因盡平二涅囊虎路二蠶出路寇盜康宗二年蘇濱水諸部不聽命令與幹賽幹魯同往治其事行次

卷二百二十三

金內族三

活羅海川撒阿村名諸部官吏告諭皆至惟舍國部幹豁勃董不至將兵伐之募軍于蘇濱水幹豁完聚固守攻而拔之進師北琴海闊登路攻拔弘武城取叛者以歸幹准部狄庫德勃董職德部斯故速勃董既至復亡去遇鳩塔於馬紀嶺執二人以降太祖以事如寧江州欲與偕行辭以兵役久勞未及息遂不果往太祖還至來流水忽夢其家有變覺而深念之至則聞已寢疾過家門不入徑至其家問疾遂薨年三十四太祖哭之慟為人剛毅果斷服川整肅薄賦決策有世祖風軍旅之事多專任之及太祖平遼恨其不及見天會十五年追贈儀同三司封魏王諡定肅孫活里甲為人坦率善修飾海陵惡之誣以與宗義謀反殺之第五子斜也改名皋亦與太祖共母收國元年為吳勃極烈天

輔元年領兵一萬攻泰州下金山縣降女固脾室四部及渤海人遂克泰州移城中積粟於烏林野賑先降諸部因徙之內地五年為忽魯勃極烈都統內外諸軍取遼中京謀知遼人欲焚勃極徙居民遷去奚王霞末又欲窺我兵少則迎戰若不敵則退保山西其實皆無鬪志皋乃委翰重以輕兵擊之六年正月克高恩回紇三城遼兵聞風不戰而潰遂克中京獲駝馬牛羊器甲車兩分兵屯守要害遣使奏捷獻俘詔曰汝等提兵于外克副所任攻下城邑撫安人民朕甚嘉之更當熟議見可則行如欲益兵具數來上無恃一戰之勝輒自弛慢其善撫存降附宜諭將士使知朕意奚王遣騎兵三十餘給以明旦乞降皋信之使阿里出等往迎兵乃圍之納合鈍恩等下馬據坂皆殊死戰因敗霞末追殺至莽而還宗翰移書請進兵追遼主皋意未

卷二百二十三

金內族三

決宗幹勸以當從其策乃約共會奚王領始定議出青嶺朔羊城深會軍襲擊遼主山草深西走其都統馬哥趨摘里撻宗翰遣撻懶往擊兵祇一千皋益之獲遼樞密使得里底節度使和尚雅里斯余里野等使招西京降後叛者不從命諸將力攻取之留守蕭察刺踰城降分遣諸將招撫未降州郡及諸部族復書耶律捏里賁以不先稟命上國輒稱大號若能自歸當以燕京留守處之捏里復書昨即位時在兩國絕聘交兵之際奚王與文武百官同心推戴何暇請命今諸軍已集備欲加兵未能束手待斃昔我先世未嘗殘害大金人民能以位號日益強大今忘此施欲絕我宗祀於義何如備蒙惠顧感恩何已皋復書閣下向為元帥總統諸軍任非不重竟無尺寸之功欲據一城以抗國兵不亦難乎所任用者前既不能死國今誰肯為用而

云主辱臣死欲恃此以成功計亦疎矣。韓府奉詔歸者官之逆者討之若執迷不從期于殄滅後已。果因請上親征詔於六月朔旦啓行使馬和尚奉迎于撻魯河上至鷲鷲泉上謁上追遼主至回鹘陟川南伐燕京大率聖州詔自今諸訴訟誓付都統果決遣若有大疑即令問奏太祖既定燕京還次鷲鷲泉不豫還京師以果從太宗即位拜為諸班勃極烈與宗幹俱治國政天會三年代宋果領都元帥居京師宗翰宗望分道進兵八年九月辛酉薨皇統三年追封遼國王天德二年配享太祖廟廷正隆例封遼王大定十五年諡曰智烈子半吉改名宗義天德間為平章政事海陵尤忌諸子盛強欲盡除之陰使妃父撻不野圖之詳略互見撒魯喝傳中坐是子孫百餘人皆被殺惟斜也幼子阿虎里妻撻不野女獨救其死後封為王授世弘簡錄

卷一百二十三

全書卷三

襲于戶大定初追復宗義官爵贈特進弟蒲馬字論山阿魯隈喝並贈龍虎衛上將軍第六子幹賽穆宗初幹准部人冷刺海葛安二字並暴其族人幹遠罕及抄畧阿活里侵及納根坦所部忒石木紇石烈部族遣納根涅字董往治涅擅募蘇濱水人為兵不聽輒攻略之遂攻烏古論部敵庫德入米里迷石罕城其人來告時幹賽尚幼遣與冷河往問狀納根涅雖伏不肯償所取以遞去治河等皆不欲追幹賽督軍而進至把忽嶺西毛密水及之大破其衆納根涅死焉還乃撫定蘇濱水阿里民鈍恩皆復其所執涅母及其妻子而歸穆宗嘉其能集事器異之康宗四年幹賽將內外兵佐以劾古活徐苗蒲察狄古迺以伐高麗使宗人木魯分兵為十隊更出迭入遂大破之適其母和徐隈疾篤召還代以幹

魯木後復至再破高麗軍與木魯進剛亞魯城克之高麗請和盡歸前後亡命及所侵故地退九城之成遂與之和皇統五年追封衛國王子宗末本名挑撻長身美髯忠確勇毅天眷初預誅宗磐擢寧遠大將軍皇統初充牌印祇候五年出為趙州刺史轉興平軍節度使改大名尹貞元三年歷昭德臨洮二軍厚翔尹大定二年入為工部尚書性滯不習事與蘇保衡完顏余里也遷加代宋士官賞凡與土賊戰者一槩加之世宗惟其濫語宰相曰若一槩追還必生怨望其與土賊戰有能以寡敵衆一人敵三十人以上者依已還為定改同簽大宗正事震武軍節度使卒木魯後從太祖克寧江州收黃龍府出河店建魯古城護步苔岡皆力戰有功東京降為本路招安副使敗遼兵破同副營蘇州漢民叛走木魯追復之以功為謀克天輔四弘簡錄

卷一百二十三

全書卷三

年卒年四十一皇統中贈鎮國上將軍次幹者天會十五年追封魯王正隆例改封公子神土德皇統六年卒贈驃騎衛上將軍孫璋本名胡麻愈多勇略通女直契丹漢字年十八元帥撒魯喝引在麾下以事如京師見宗弼與語悅之令襲父謀克天德三年充牌印祇候因勸掌中都留守事左衛將軍蒲察沙夷只歸世宗不從遂與守城官烏林苔石家奴烏林苔恩徒單三勝蒲察蒲查等以兵晨入府殺沙夷只及判官漫然撤魯喝推宗強子阿瓊為留守璋行同知事遣石家奴三人并中都轉運使左淵子貽慶大興少尹李天吉子磐奉表如東京賀即位世宗嘉之以三人為武義將軍充護衛賜貽慶及第授從仕郎磐充閤門祇候就以璋為中都同知心常不安遂謀為亂語在可喜傳上誅李惟忠等賞璋為彰化軍

節度使宋將吳璘出散關據寶雞以西詔璋赴元帥都監徒單合喜軍前任使宋人據原州寧州刺史顏蓋門都攻以兵四千不克宋將姚良輔兵十萬又至權副統完顏習尼列引千騎援門都諸將畏良輔兵多皆不敢戰璋至會平涼涇州潘原長武等戍兵合二萬人使押軍猛安石抹許里阿補兵二千軍於城北習尼列兵三千軍於城西北十里麥子原皆據高阜為陣璋以本部兵陣於城西良輔出自北嶺先遣萬人攻阿補自引軍九萬陣麥子原下分為八陣捍以劍看行馬外列騎士步卒居中敢死士鎖足行馬間持大刀為拒別以騎二千襲璋軍璋遣萬戶特里失烏也以押軍猛安慶喜照撤兵二千援阿補道撤屋出崔尹以兵二千益習尼列阿補與宋人接戰良久敗之宋兵在麥子原者敢堅習尼列與移刺補奧屯等各兵五千沿壕為伏餘兵皆捨馬步戰擊其前行騎士走之行馬以前衝以長槍以後射以勁弓良輔兵稍挫習尼列乘勝應兵撤其行馬遂破七陣良輔復整兵出習尼列少却而璋已被城下宋兵與習尼列會整兵奮擊僕根等伏兵皆起大破良輔軍斬首萬餘級墜壕死者不可勝數鎖足行馬者盡殪之獲甲矢萬餘器仗稱是良輔亦中兩創脫去遂圍原州穴其西城城圯宋人宵遁璋等入原州璘知京兆尹烏延蒲壽黑寧州刺史赤蓋胡速魯改已去德順復入據之合喜以璋權都統習尼列權副統將兵二萬救德順璋率騎兵前行與璘戰于張義堡遂沙山下敗之斬首數十級追北四十餘里遂至德順城東璘據北城險要為營兩軍相遇凡五接戰璘軍敗走璋追至城下璘與其城上兵相應以弩夾射璋軍伴却城中出兵來追璋反旆與戰大敗之

弘簡錄 卷一百二十三 五 金內三

合喜遣統軍都監泥河以兵七千來會與璘軍復戰敗之璘遣兵據東山堡璋與泥河急擊之習尼列兵復逼東山堡璘短兵來拒退走其城北營兵六千來戰璋之漢軍少却傷者二百人璘遂焚璋攻具習尼列望見火發亟引將士來赴遂與劉安漢軍三百人擊敗之璋率移刺補猛安兵踰北岡璘軍隔壘而射移刺補少却璘軍三萬皆走險據作三陣亦環以劍看行馬璋遣萬戶石抹迭勒由別路自後擊之特里失烏也移刺補以二千人當其前射以強弓璘兵大敗墮溝壑者甚眾璋軍度淵追之斬數千級而還合喜再使查刺來問策諸將皆曰宋兵恃險不善野戰我退軍平涼彼必棄險來就然後可圖璋曰不然彼恃其眾非恃險昔人有言寧棄千軍不棄寸土故退兵不如濟師我退軍平涼彼軍深入吾地固壘以拒將如之何及合喜親率兵來赴詰且璘乘陰霧斷其分兵四道來襲戰于城東離而復合者數四漢軍千戶李展率麾下兵先登奮擊璘軍陣動璋乘勝踵擊敗之追至北岡璘走險璋急擊之殺畧殆盡宋經略使荆阜步騎尚三萬自德順西去璋與尼列以兵萬餘追擊之反出其前還自赤溝遇其前鋒敗之復與其中軍戰自日吳至暮乃罷阜乘夜來襲營為退八十里未曉尼列追之璋兵至上八節宋兵據險為陣璋捨馬步戰地險不得接相拒至曙宋兵動璋乘之追至甘谷城尼列兵亦至擒宋將朱承以下十二人宋兵宵遁璋遂班師尼列追至伏羌城不及而還命轉西北路招討使名為元帥左都監兼安武軍節度使賜以弓矢衣帶佩刀加益都尹行至海州宋人棄去得糧三萬六千餘石安集其人復其屯戍五年宋人約和罷三路都統復置陝西路統軍

弘簡錄 卷一百二十三 六 金內三

司以璋為統軍使久之兼京兆尹名為御史大夫璋奏竊觀文武百官有相為朋黨者今在臺自臣外無女直人乞不限資考量材奏擬上問朋黨為誰即糾治之朕選女直未得其人豈以資考為限論其人材而已十三年改大興尹為賀宋正且使至臨安宋人請以太子接書不從因就館取之且赴宴多受禮物上聞之怒欲寘極刑左相良弼奏璋為將大破宋軍營之已久將因此坑陷亦未可知若遽殺璋墮其計中上以為然與副使客省使高翊各杖除名沒入其所受禮物歲餘復起為景州刺史遷武定軍節度使授山東西路蒲底山擊兀魯河謀克改臨洪尹十九年卒

第十一子闊母始佐幹魯克濟州城中出奔者邀擊殆盡與高永昌隔沃里活水眾遇渚不敢進獨率所部先濟諸軍畢濟屯

弘簡錄 卷一百二十三

七 金內裝三

東京城下其人來戰破之于首山殲其眾獲馬五百匹拜為成州路副都統令斜葛留兵一千鎮守命以餘兵會于渾河至臨潢府先登克其外城又從都統臬至中京山城沿上河以進城中兵三千餘皆不能守遂克之宗翰等攻西京闊母妻室於城東為木洞以捍蔽矢石於北隅以芻藁塞其隄城中出兵萬餘將燒之溫迪罕蒲匪率眾力戰復却又為四輪革車高出於堞闊母與麾下乘車先登諸軍繼之遂克西京與遠步騎五千戰于朔州之境斬首三百級遠騎三百駐于河陰步兵五千屯馬邑縣南復擊破之壞其營壘盡獲車馬器械又以兵三千擊遠兵三萬于京西令曰若不勝敵不可以生時以一擊十不致之死地不可使勝乃命士卒皆去馬陣于溝壑之間人殊死戰遠兵大敗追至其營而止明日復敗七百餘人又討典中府宜

州叛人下詔招諭之曰遼之土地皆為我有彼雖復叛終皆吾民可縱其耕稼毋得侵掠勃董蒙括斜鉢吾提等獲契丹九斤與中平拜為南路都統詔曰回鹘保以烏合之眾保據險阻其勢必將自斃若彼不出掠毋庸攻討張覺叛大于宋自鄧州往討擊走之逐北至榆關復敗之於營州東北欲乘勝進取南京以方暑雨逐水草休息使僕他蒙括兩猛安屯潤州戒州縣不得與覺交通九月復破覺將王孝古於新安敗其軍于樓峯口惟死耳山之戰闊母大敗太宗使宗望來問狀即將其軍討覺破之太宗乃赦闊母連殺偽都統張敦固遂克南京上遣使迎勞命屯兵鎮守令有司運米五萬石于廣寧給南京潤州戍卒詔以南路歲饒特許回獵奏宋敗盟有狀使副宗望討伐以其屬尊先皇帝任使有功請讓為都統撤喝副之先鋒渡河圍汴

弘簡錄 卷一百二十三

八 金內裝三

宋人請盟還與劉彥宗留燕京節制諸軍八月復伐宋克汴州與捷頓分擊城中諸軍潰而西出者十三萬人大敗之師還擢元帥左都監攻下河間大破宋兵萬餘於莫州宗輔徇地淄青又與宗劄分兵破山谷諸屯進克濰州及議伐康王闊母欲先定河北然後進討太宗酌取其議使引兵取陝西天眷六年正月辛巳薨年四十熙宗追封吳國王配享太祖廟庭正隆改封諱王大定徙封魯王諡莊襄 子宗敘本名德壽奇偉有大志喜談兵天德二年克護衛武義將軍世襲謀克擢御院通進遷翰林待制兼修注轉因于司業兼左補闕正隆初轉符寶郎離除宮職皆帶劍押領宿衛遷大宗正丞母憂起復為侍衛親軍馬軍都指揮使改左驍騎契丹撒八反轉咸平尹兼本路兵馬都總管許以便宜乃出松亭關至廣寧聞世宗即位復還與中

見於梁魚務授寧昌軍節度使明年二月契丹來攻自將擊之
遇騎千餘漢兵百二十皆散走獨與女直渤海三十騎盡銳力
戰身被二創所乘馬中箭而仆遂為所執居百餘日盡得賊中
虛實會有臨潢民移刺阿塔等盜馬授之得脫歸見元帥謀行
平章元宜曰賊眾烏合無紀律破之易爾帥府欲授軍職不肯
受燭取驛馬赴京得名入條陳賊中虛實及謀行貪吝諸軍進
退不合事機詔大臣議皆然其言進拜兵部尚書領右翼都統
率宗寧烏延查刺烏林荅刺撤兵各千人號三萬佐忠義軍至
花道遇賊與戰會左翼先敗走忠義亦引却獨勒本部遮擊磨
帳下士三百捨馬步戰賊不得逞大軍整列復至合勢擊之賊
遂敗去追至七渡河又大敗之賊平人為右宣徽使宋兵據海
州將謀深入詔往禦之遷元帥右監軍因駐山東分兵據守要
害敵不得西尋奉詔與左副元帥志寧參議軍事四年入朝奏
暑月在近頓兵邊陲飛輓艱上從其請俟秋涼進發還軍面
授成算賜襲衣弓矢九月渡淮引兵出唐鄧至襄陽屢戰皆捷
明年宋人請和軍還除河南路統軍使河決李固渡分流曹單
之間詔與梁肅往視奏言河道填淤不能受水故有決溢之患
今欲復其故道卒難成功幸而可塞他日不免決溢山東非曹
單比也沿河數州驟興大役人心動搖恐宋人乘間扇誘構為
邊患遂止不塞十年召拜參知政事上諭曩奏黃河利害甚合
朕意朕念百姓差調官吏為姦率欽星火所費倍蓰委積經年
腐朽不可復用若此等類百孔千瘡百姓何以堪之卿參朝政
宜擇利而行以副朕心及與上諭南邊事對曰南人遺謀來多
得我事情我遺謀人多不得其實蓋彼以厚賞故也十一年奉

弘簡錄

卷一百二十三

九

全內錄三

詔巡邊六月至軍將戰有疾七月病甚遺表朝政得失及邊防
利害薨年四十六上惜其勤勞國家他人不能及傷悼不已親
朝遣敬嗣暉致祭賜銀絹重綵初因宗敘請募貧民戍邊屯田
給以廩粟使貧者無艱食之患富家亦免更代之勞上善其言
而未行十七年因語宰臣戍邊之卒歲冒寒暑往來番休馬牛
往者皆死且奪其農時敗其生業朕甚憫之卿等以何術使百
姓安于田里而邊圉固往歲參政宗敘嘗為朕言此事可謂
盡心於國今以兩路招討司烏古里石壘部族臨潢泰州等路
分置堡戍詳定以聞朕將親覽又聞其子孫家用不給詔賜錢
三千貫明昌五年配享世宗廟庭
最幼子吾都補改名昂為人悖戾嘗從太祖征伐天輔六年與
稍喝以兵四千監護都部降人處之嶺東就以兵守臨潢府昂
弘簡錄 卷一百二十三 九 全內錄三
不能撫御騷動煩擾降人苦之多叛亡者上聞之使出里底戒
諭及過上京諸部已降者復歸還主惟章愍官小室章二部達
內地稍喝駐兵不與討襲時太宗居守詔言違命失眾當重
法若有所疑則禁錮之俟師還定議其副辭不失勤因國慶可
薄其罰乃杖昂七十拘之泰州而殺稍喝天會六年昂權元帥
左都監十五年為西京留守天眷三年為平章政事皇統元年
封漆水郡王二年十一月甲寅薨追封耶王 子鄭家皇統初
以宗室子授定遠大將軍除磁州刺史天德間為右諫議大夫
累遷會寧益都尹安化軍節度使海陵伐宋為浙東道副統制
與蘇保衡以舟師自海道趨臨安至松林島阻風泊島間詰旦
舟人望見敵舟請為備素不曉海路問此去幾何若測以水路
且三百里遂不設備有頃風迅即至擲以火炮顧見左右舟中

皆火發度不得脫赴水死時年四十一 次子鶴壽本名吾都不累官耶魯瓦羣牧使契丹撤八反使五院部人老和尚率眾來招謝曰吾宗室子受國厚恩寧殺我不能與賊反遂與二子皆被殺

撤高喝名皋安帝六代孫秦州都統婆盧火之族胡盧補山之子雄偉有才略世祖養以為子太祖愛之常令在軍故不隨遷秦州仍居安出虎水凡宗翰宗望等克汴定河北皆從闡毋攻下河間雄州李成棄城走皋遂擊大破之雄州遂降宗輔經畧山東留皋河上真定賊自稱元帥秦王擊破其眾執而戮之又從宗輔平陝西徇地自渭以西降順德鎮戎軍并涇原路進平熙河明年同奔覲討平河外降寧洮安隴二寨并降下河及樂州至西寧盡降其都護官屬其木波族長等皆迎降復攻慶陽

弘簡錄

卷一百二十三

上

金內族三

敗其拒者遂降其城慕洧聞之亦以環州來降得城寨十三步騎一萬詔書褒美陝西既定留兵屯衝要使總之無何請收劍外十三州與宋王彥軍七千遇于沙會樂敗之遂克金州連破吳玠諸軍于饒風關取真符縣及洋州入興元府敗玠兵于固鎮擒其兩將撤葛祝等盡破宋兵下諸砦及仙人關天會十四年為元帥右監軍宗弼復取河南令自河中出陝西既至鳳翔擊走宋軍時宋軍在京西者甚眾諸將以暑雨欲駐軍且聞宋兵九萬會于涇州留諸將屯環慶獨引輕騎往取六月敗之于涇宋兵走涇州拔离速追擊大敗之未幾為右副元帥皇統三年封應國公賜資甚厚熙宗出獵賜具裝馬二命射于園中加開府儀同三司將還軍命宰臣饒之海陵升蒲州為河中府拜為尹入朝進封國王從行官吏皆官賞之因從容言唐建成不

道太宗以義除之即位之後力行善政後世稱賢陛下以前主失德大義廢絕當如唐太宗則善矣海陵聞其言色變自此忌恨念久握兵在外頗得士心以為行臺左丞相賜玉帶璽書賜尊以殊禮陰諭右丞相大吳無使果預軍事果尚不知始至勢孤每事輒爭吳詭曰太師梁王以陝西事屬公以河南事屬吳果爭之不得白於朝大臣首報曰如梁王教帥府令史進設希意誣果父子并平章宗義尚書謀里野等謀反學果手署并印文詐為家書與其子御史大夫宗安從左都監奔視上變有司鞫問不服掠笞楚毒宗安神色不變曰今雖無以自明九泉之下當有冤對吾終不能引屈與宗義謀里野皆被害遂使厥魯軍殺果于汴族其家親屬坐死者二十餘人遷奔視元帥左監軍開府儀同三司遂設為博州同知賜錢三百萬大定初詔復

弘簡錄

卷一百二十三

上

金內族三

官爵三年追封金源郡王益莊襄以郡王品秩官為營葬十七年配享太宗廟庭 世祖曾孫醜漢名衷中都司屬司人祖霸合布里封鄆王父悟烈官至特進大定中衷收兒闕門祇候授代州宣銳軍都指揮使歲旱州委禱雨于五臺靈澤步致其水雨隨降人為刻石紀之四遷引進使兼典客署令改尚鞞局使扈從北幸賜廐馬二以旌其勤尋為夏國王李仁孝封冊使歷寧海蠡州刺史平賦役無擾民頃遺愛入為大睦親府丞除順義軍節度使陞辭賜金幣特寵異之移鎮鎮西泰和六年致仕卒為人孝悌貞謹深悉本朝婚禮皇族婚嫁每令相之治復有能大安初追贈輔國上將軍 穆宗子撻懶名昌初從宗翰襲遼主遷駕為樂追都統馬哥不

及收其羣牧獲樞密使得里底及其子磨哥那野以還及太祖
自將襲大魚濼留輜重于草濼使撻懶牙卯守之奚路險阻經
畧爲難兵官渾熟不能安輔其衆命爲奚六路軍帥鎮之時回
揭保部族來附餘衆奔潰命習古迺婆盧火護送赴燕戒以若
遇險阻卽分兵以行其後撫定奚部及分兩路邊界表請設官
鎮守上依東京渤海列置千戶謀克久之討劾山速古部奚人
因據險來戰殺獲殆盡其速古噉里鐵尼十三巖皆平之又遣
奚馬和尚攻下品達魯古井五院司諸部執其節度乙列詔以
克副所託良用嘉歎建州遼輦昭古牙部族乃遠外戚撻懶擊
走之獲其妻孥及官豪之家又擒殺隊將曷魯燥白撒葛降民
戶千餘進降金源縣詔贈賜銀牌十又降遼輦二部再破輦中
兵降建州官屬得山砦二十村堡五百八十昭古牙勢感亦降
弘簡錄 卷二百二十三 金內族三

左副都元帥封魯國王張邦昌被誅詔諸將復求可立者乃力
舉劉豫及豫廢倡議與宋以廢齊舊地語載宗萬傳以久持兵
柄謀反有狀詔以劉尊有大功因釋不問出爲行臺左丞相手
詔慰遣既至燕京愈驕肆不法復與翼王勳懶有謀朝議漸悉
其與宋交通會復有上變告者方下詔加誅撻懶自燕京南走
將入于宋追及于祁州殺之并殺勳懶及宗人活爾胡土撻懶
二子幹帶烏達補而赦其黨與
烏野諱勗字勉道穆宗第五子生而好學國人呼爲秀才年十
六從太祖攻寧江州又從幹離不襲遼主于石鞏鐸太宗嗣位
自軍中召還與謀政事粘罕等旣受宋降使就軍中勞之問其
所欲惟好書耳乃載數車而還天會六年詔求訪祖宗遺事以
備國史命勗與耶律迺越掌之勗等採摭遺言舊事自始祖以
弘簡錄 卷二百二十三 金內族三

上焚香立受之賞賚有差詔與平章奕職俸外別給二品親王俸儀蓋異數也。因宴五雲樓進酒稱謝帝起立俄同修國史進拜平章政事尤懿皇后忌辰熙宗將出獵勸諫而止後又獵于海島三日之間凡遇五虎親射獲之勸獻束符射虎賦上悅賜以佩刀玉帶良馬時上日與近臣酣飲或繼以夜因諫稍止進拜左丞相兼侍中八年奏上太祖實錄二十卷賜金銀重綵絹并通犀玉鈎帶出領行臺尚書省事召拜大保領三省事封魯國王為人剛正寡言游陵方用事朝臣多附之者一日大臣會議游陵後至勸面責之曰吾年五十餘猶不敢後爾少年強健乃敢如此游陵跪謝九年進拜太師封漢國王游陵篡立加恩大臣以收人望封秦漢國王及宗本無罪誅勸罷頓白因上表請老不許賜以玉帶優詔諭之有大事令宰臣就第商議入

弘簡錄 卷二百二十三 全內族三

朝不拜因稱疾篤表請愈切以本官致仕進封周宋國王正隆初與宗室俱遷中都二年例封金源郡王薨年五十九撰定女直郡望姓氏譜及他文甚衆其諫表甚有典則能以契丹字爲詩文凡游宴有可言者輒作詩以見意詔鑲板行之 子宗秀字實甫本名斯里忽涉獵經史通契丹大小字善騎射亦因平亂除定遠大將軍授以宗磐世襲猛安從宗弼復取河南與海陵俱赴軍前任使率步騎三千扼朱將岳飛衝要破其軍于毫宿之間師還爲太原尹改獎速路統軍使高麗遣使以土產獻却之入爲刑部尚書改御史中丞授翰林學士天德初轉承旨封宿國公賜玉帶歷平陽尹昭義軍節度使封廣平郡王正隆二年卒官年四十二例贈金紫光祿大夫

穆宗曾孫掃合名齊父胡八曾寧州刺史齊大定中克屬司將

軍授復州軍事同知在職廉能初復州合廝罕關地方七百餘里因圍獵禁民樵捕齊言其地肥行令賦民開種則公私有益上然之爲弛禁即牧民田居收利甚溥因建其地名合廝罕猛安自本朝以來宗室未有爲刑部員外郎者特以授之章宗立改戶部出爲磁州刺史治以寬簡未嘗留獄屬邑武安有道士視觀宇不謹吏民爲請隣郡王師者代主之道士忿奪其利告王私置銅器法當徒獄上齊審其誣時王師有德不忍反坐乃當以准首俱釋其罪磁名郡刺史皆經遊選郡人以前政有聲如劉徽榮程輝高德裕皆所不及河北提刑司以治狀聞明昌三年始議置諸王傳頗難其選乃以齊克王傳王將至任郡猛安迎接齊峻却之王怪問故答曰三國藩輔猛安皆總戎職於王何利焉却之以遠嫌也王悅服會家奴爲不法輒發還本猛

弘簡錄 卷二百二十三 全內族三

安終更無敢犯者明年授山東東西路副統軍兼同知益都府事有惠愛郡人爲之立碑轉彰化軍節度使六年移利涉軍召見勞慰擢上京留守承安二年致仕卒爲人明法令識治體所至有聲與丞相承暉並稱

康宗長子謀良虎名宗雄始生時世祖見其風骨非常他日必爲國器因解佩刀置其側俟成人則使佩之九歲能射逸兔十

一射中奔鹿世祖坐之膝上賜以銀器曰異日必出倫輩既長風表奇偉善談辯多智畧孝敬謙謹人愛敬之復以材武躡捷挽強射遠幾三百步嘗走馬射三疊已中其二馬蹶躍而下步射獲之又與捷懶逐兔捷懶已發矢反顧接之就射兔中其輕捷如此康宗喪遠使阿息保來乘馬至靈帷階下擇取贈之馬太祖怒欲殺之因諫而止及將舉兵勸太祖逸主驕侈可取

又不知兵一蕭游里不能擒而我擒之言合上憲攻寧江州渤海兵銳甚宗雄以所部敗之論功授世襲謀克出河店之役推鋒力戰居多達魯古城之戰命將右軍身先士卒遼兵已却復助左軍繞出其後擊之遼衆大潰乘勝逐北日已暮圍之黎明遼兵突圍出追殺至乙呂白石而還上撫其背賜以御服曰朕有此子何事不濟及遼主以七十萬衆至馳門諸將皆曰不宜速戰宗雄曰不然遼兵雖衆將皆庸懦士卒備備不足畏也賊之掌握間耳上曰善乃率衆直前短兵接仍令前行持挺擊遼馬首後行者射之大敗遼兵上嘉其功執手勞之賜以御介冑及御戰馬寶貨奴婢斜也攻春州使與宗幹婁取金山縣行近白鷹林獲候者七人縱其一歸縣人聞大軍至奔潰遂下金山復與斜也俱取泰州太祖自將取臨潢府遣爲先鋒遇遼兵弘簡錄 卷二百二十三 金內族三 五千與戰大軍隨至大破之留守撻不野降賞以其女既而與蒲家奴按視泰州地土大宜種植包其土來奏上從之徙萬餘家往屯田西京既降復叛議者以糧盡欲罷攻宗雄曰西京都會若委而去之不惟降者離心遼之餘黨與夏人且將窺伺矣乃立重賞以激士心既而夜中有火大如斗墜于城中占曰此城破之象克日賜黃金百兩衣十襲及奴婢等又與宗翰等擊耿守忠兵七千于西京之東四十里大破之迎謁太祖于鴛鴦澤從至歸化州疾篤宗幹問所欲言對曰國家大業既成主上壽考萬年肅清四方死且無恨遂卒年四十四太祖來問疾不及見哭之勸謂羣臣曰此子謀畧過人臨陣勇決少見其比詔合扎千戶駙馬石家奴護喪歸葬於歸化州爲人好學嗜書嘗從上獵諷中流矢拔去神色不變恐上知罪及射者託疾歸家臥

兩月因學契丹大小字盡通之國初立法定制皆與宗幹建白行焉及與遼議和晉詔契丹漢字復與宗翰希尹主其事天眷中追封太師齊國公天德二年加秦漢國王正隆例降太傅金源郡王大定二年追封楚王諡威敏配享太祖廟庭 長子蒲魯虎襲猛安卒贈金紫光祿大夫孫桓端襲官至金吾衛上將軍卒子泉頰未襲而死孫蒲帶襲之大定末累官同簽大睦親府事北京臨潢提刑使朝辭于慶和殿上曰建立官制當寬猛得中凡軍民事相涉者均平決遣鈐東家人部曲勿使沮擾郡縣今以司獄隸提刑司惟冀獄行無冤耳既退復遣近臣諭曰卿等皆妙簡才良付以專責盡心舉職別有旌賞否則有罰次子阿鄰穎悟辯敏通女直契丹大小字及漢字幼時嘗入宮熙宗見而奇之曰是兒他日必能宣力國家年十八授定遠大將軍弘簡錄 卷二百二十三 大 金內族三 將軍順天軍節度使天德二年用康遷益都尹兼山東東路兵馬都總管歷鎮秦寧定海鎮西安固四軍伐宋爲神勇武平等軍都總管由壽州渡淮與移刺元宜合兵三萬爲先鋒是歲十月至廬州敗宋將王權軍十餘萬于柘皋鎮滑子橋至和州南復與權軍八萬餘會戰又敗之追殺至江上斬首數千級軍還將渡淮舟楫甚少軍士爭渡不得預復生口知可涉慮識以柳枝命本部涉濟既至北岸遇宋人邀擊爭渡者多被殺獨得全軍而返遷兵部尚書監督經畫征僞幹諸軍糧餉授以金牌一銀牌四敗賊還至鉅州以疾卒喪至京師上命致祭于永安寺百官赴弔賻銀絹重綵 又次按答海一名阿魯綰性端重不輕發有父風年十五太祖賜以一品傘二十餘御毬場分朋擊毬連勝三算宗工舊老咸異之賞賚獨厚天眷二年命襲父猛

安以讓兄子喚端除太宗正丞加武定軍節度使奉朝請改侍衛親軍都指揮使封金源郡王又進譚王同判太宗正事別授世襲猛安海陵將遷中都諫曰棄祖宗興王之地而他徙非義也海陵不悅留之上京徙河間以其土瘠隨便遷其族二十五家于平州久之進封耶王改魏王除濟南尹地復車濕改西京留守正隆例奪王爵除廢寧尹世宗即位詔至其弟燕京勒拒弗受言甚指斥按答海曰此府近遼陽勢不能抗耶且受之從諸郡上謁東京有司議持兩端請併誅之上以按答海為弟所惑若正隆剪刈宗室朕不可效特命釋之獨誅燕京不數日復判太宗正事再遷太子太保封蘭陵郡王改勸農使給官田三百頃屋三百間宗州官田百頃進金源郡王致仕大定八年名見上謂宗室者老如卿者能幾賜錢萬貫甲第一區留京師弘簡錄 卷一百二十三 九 金內版三

使預巡幸毳毼宴會十四年薨年六十七臨終戒諸子曰汝輩勿以生富貴中而為暴戾宜自謙退海陵以猜忌剪滅宗室我惟純謹得免當思效之勿墜吾家
康宗子隈可名假喝美鬚髯勇健有才畧從太祖伐遼取寧江州戰出河店天眷二年授驃騎上將軍除迭魯苾撒兀詳穩遷累忠順興平軍節度使天德二年入為太宗正丞四年出為昭德軍節度使授上京路扎里瓜猛安所屬世襲謀克改德昌軍節度使封廣平郡王正隆例改曷速館節度使再轉忠順軍大定元年封宗國公為勸農使卒官年六十五初宗幹納宗雄妻海陵術之及篡位使宿直將軍晁霞牌印間山往河間囚之與其子婦及孫常春胡里刺胡刺鶻魯等并茶礼之子七人皆殺而焚之樂其骨於濠水大定十七年詔有司收葬

弘簡錄卷二百二十三 終

卷一百二十三

九 金內版三

弘簡錄卷二百二十四

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金內族四 太祖諸子

宗峻子常 宗輔子克克襄袞 宗望子齊京文

宗弼子亨 宗傑子阿鄰可喜 宗敏 宗傳

太祖嫡子宗峻本諱繩果天輔五年命領合札猛安合札猛安者太子之

也受金牌從都統某取中京遂與俱襲遼主于鴛鴦濼西京

復叛耿守忠引兵五千來救至城東四十里蒲察烏烈谷救先

擊之宗峻與宗翰等繼至敵先據城南浮圖下射士卒多傷宗

峻曰先取是則西京可下攻果克之亟率麾下中衝其陣餘兵

皆下馬從旁交射守忠敗走盡殲其衆遂下西京太祖崩與兄

宗幹率宗室羣臣立太宗天會二年七月壬午薨後因于合刺

以長孫嗣立是為熙宗追上尊諡曰景宣皇帝廟號徽宗改葬

興陵海陵弒立降為顯王世宗復尊之 次子常勝名元為北

京留守封胙王弟查刺安武軍節度使皇統七年賜燕便殿熙

宗酌酒賜元辭不能飲上怒仗劍逼之元逃去命左丞宗憲召

元亦與俱去上益怒時戶部尚書宗禮在側使之跪手殺之適

河南軍士孫進自稱皇弟按察大王熙宗疑是常勝使特恩鞠

之無狀時海陵將謀廢立忌胙王有人望不除之將不得立唐

括辯復惡特思欲併除之謂熙宗曰孫進反有端不稱他人乃

稱皇弟大王特恩鞠不以實故出之熙宗以為然使辯與蕭肆

覆按特思自誣服乃殺常勝查刺并特恩海陵乘此遂擠阿榜

及弟捷榜皆殺之非上本意篡立後追封常勝查刺阿榜官爵

親臨葬所致祭為人天性賢哲外若愚訥臨事明敏過人與世

宗兄弟間尤欬密 子育本名合住大定二十七年自南京副

留守遷大宗正丞兼勸農副使為人清廉幹治不忝乃父

次子宗輔初諱訛里朶大定上尊諡追改宗堯生而魁偉尊嚴

望者畏懼性復寬恕好施惠尚誠實常居帷幄與諸子皆總戎

旅天輔六年太祖親征太宗居守黃龍府安福哥誘新降之民

以叛宗輔與烏古迺討平之南路軍帥鶻實答以賊敗詔往闕

賞咸稱平允天會五年代宗望為右副元帥駐兵燕京分遣諸

將徇地淄青發自河間至樂安破宋馬括兵二十萬明年二月

移刺古破宋臺宗雋宋忠軍五萬于大名獲之冀州人乘夜出

兵襲照里營擊敗之宋主奉表請和密以書誘契丹漢人詔伐

宋令發河北攻克大名取東平及徐州降劉豫於濟南襲宋主

于揚州語在宗翰傳中時婁室經畧陝西所下城邑叛服不常

其監戰阿盧補請益兵帥府會諸將議曰陝西五路兵力雄勁

非不足用而緩懷之道有所未盡誠得位望隆重恩威兼濟如

皇子者以往可指日而定詔乃使宗輔以右副元帥總陝西征

伐諭令戮力自愛時宋張浚兵取陝西宗輔至洛水治兵與浚

戰于富平自日中至于昏非凡六合戰破之耀州鳳翔府皆來

降遂下涇渭二州敗宋經畧使劉侃軍于瓦亭涇原路統制張

中孚知鎮戎軍李彥琦咸以城降招討都監馬五擊走宋秦鳳

路都統制吳玠軍于隴州宗輔進兵降甘泉等三堡取保川城

破宋熙河路副總管軍三萬獲馬千餘拔安西等二寨分遣都

統阿盧補宗弼招撫城邑之未下者凡得擊洮河樂西寧蘭廓

積石等州定遠和政甘喀卓洮安隴等城寨及鎮堡蕃漢營部

四十餘所并涇原熙河皆平遂班師與宗翰俱朝京師授立熙宗為諸班勃極烈宗輔為左副元帥十三年五月甲申行次媯州薨年四十陪塋層陵追封潞王諡襄穆皇統六年進冀國王正隆二年追贈太師上柱國改封許王世宗即位追上尊諡立德顯仁啓聖廣運文武簡肅皇帝廟號睿宗二年改塋于大房山號景陵

庶長子宗幹本名幹本伐遼至其界使車衆先往填塹士卒畢度遇渤海軍馳突而前左翼七謀克少却遂犯中軍太祖戒杲遇大敵不可易使宗幹馳出控止導騎哲垓之馬杲乃還從戰達魯古城以中軍為疑兵及攻下黃龍府太祖即欲取春州宗幹勸以休息士卒遂班師既而得降人言泰州無備可取復令斜也取之又下金山縣宗雄屬以兵三千招集未降諸部宗幹

弘簡錄 卷一百二十四 金內族四

擇土人材幹者以詔書諭之遂降女固牌室四部及渤海人太祖以暑月克臨潢府深入敵境至沃黑河諫以士罷馬乏糧俾不繼恐有後報復從之宗翰嘗再使諭都統杲移資勃極烈灼見事機彼已發兵不可中止請從其策當時無宗幹言杲終無進兵意既會軍于羊城濛使宗幹以精兵六千襲遼至五院司復敗耿守忠兵語在前傳太宗即位非為國論勃極烈與斜也同輔政天會三年既獲遼主啓太宗始議禮制度正官名定服色典庠序設選舉治曆明時熙宗即位以有保傅之力拜太傅領三省事天眷二年進太師封梁宋國王監修國史入朝不拜賜以杖令策上殿復有足疾詔設坐奏事詔議南伐率羣臣奏構蒙再造之恩不思報德妄自矜張所求無厭今若不取後恐難圖上曰彼將謂我不能奄有河南之地遂詔中外復河南疆

土皇統元年賜車輿上殿制詔不名從上幸燕京有疾駕親臨問自燕京還至野狐嶺因疾亟不行復臨問語及軍國事上悲泣不已明日再同后往視后親饋食至暮而還為赦罪囚以讓五月己酉薨報朝七日其制如此日官奏戊亥不宜哭上曰君臣之義骨肉之親豈可避之因哭之慟生日亦不舉樂喪至上京幸其第視殯事葬日仍臨視之次子海陵篡立追諡憲古弘道文昭武烈孝睿明皇帝廟號德宗以故第為興聖宮大定二年除去廟號改諡明肅皇帝及海陵廢追削明肅帝號封為皇伯大師遼王諡忠烈妻子諸孫皆從降例明昌四年配享太祖廟庭餘子克充喪衾 充本名神土慈熙宗初加光祿大夫天眷間留守汴京皇統中封淄國公為吏部尚書進封代王遷同判大宗正事九年正月戊戌拜右丞相壬寅轉左丞相薨追

弘簡錄 卷一百二十四 金內族四

封鄭王大定二十二年降儀同三司左丞相長子擅奴為歸德軍節度使幼子阿里白定遠大將軍和魯忽土猛安忽隣河謀克俱為海陵所殺世宗贈檀奴榮祿大夫阿里白輔國上將軍詔有司改葬 仲子元奴名永元字惇禮幼聰敏口誦千言善左氏春秋通其大義皇統元年試宗室子作詩中格天德初授百女山世襲謀克與弟耶補兒逃歸遼陽世宗即位授永元世襲猛安為宗正丞改符寶郎灤州刺史耶補兒襲其謀克轉棧州防禦使時張弘信通檢山東督責苛急專以多得民間物力為功永元面責之曰朝廷立法本以差調不均今反妄加殘酷箠擊農民有至死者達官子孫使與商賈同處上役豈立法不意哉弘信無以對自是棧州賦稅得以實自占累遷奉寧震武軍節度使大定六年母憂起復改崇義軍又徙順義軍歷典大

蒲多知民間利害所至稱治朔州西境多盜而滑吏大姓又竄獄訟亂賦役至乃剔其宿姦百姓安之政迹尤著其民並為立祠會與濟州防禦使幹論坐孽畜小過俱解職頃之起為保大軍節度使歷昭義絳陽震武三軍遷濟南尹北京副留守改與中尹終彰德軍節度使年五十一遣使致祭贈銀絹雜綵充本名梧桐皇統七年由左副點檢轉都點檢九年為會寧牧改左宣徽使使宋還值海陵篡立拜司徒兼都元帥領三省事進太尉盡賜以太祖妃蕭氏財產羅都元帥府立樞密院即命為使天德四年十二月晦堯元旦輟朝不受賀進封克王大定例降特進子阿合大定中為符寶祗候至定武軍節度同知襄本名永慶海陵母弟為輔國上將軍卒天德二年追封衛王再贈司徒大定例降銀青光祿大夫子和尚封應國公賜名樂善弘簡錄 卷二百二十四 五 金內儀四

第二子宗望本名幹離不每從征伐常在左右與都統吳出青嶺遇遼兵三百餘掠降人家貲悉生致之審得遼主所在虛實獨與馬和尚馳擊大敗而走生擒五人主尚在驚驚未去進兵追之主走陰山弟普王捏里自立新定雲中諸州人心不固奉杲命與十餘騎跋涉兵寇經數千里請上臨軍論以懸軍遠伐豈能盡合機宜朕即啓行既次大梁西南杲使希尹奉請從西南招討司諸部人于內地上問當出何路宗望對曰中京殘敵芻糧不給由上京臨潢府為宜然新降之人遠爾騷動未降者必皆疑懼勞師害人所失多矣上迺下其議命軍帥度宜行之上聞遼主在大魚濼自將精兵萬人襲之晝夜兼行及石韋鐸馬多困乏軍士至者纔千人遼軍尚二萬五千方治營壘先鋒呈與余略議我軍未集人馬疲劇未可以戰宗望爭曰今追及遼主而不亟戰日入而逃則無及矣兩軍遂戰短兵接遼人圍者數重士皆殊死鬪主度吾兵少與嬪御方自高阜下臨平地觀看余略指示諸將此遼主庵蓋若萃而薄之可以得志騎兵馳赴之主果望見大驚逃去之間遼兵大潰宗望等還燕京已定命佐幹魯為副都統襲主陰山將至青塚泉遇泥濘不能進獨與當海四騎以繩繫遼都統林牙大石使為鄉導直至其營主時已往應州諸嬪御驚駭爭欲出奔命騎下執之有頃後軍至降遼太叔胡盧瓦妃捏里次妃遼漢夫人并其子泰許二王女骨欲餘里衍幹里衍大與野次與野趙王妃幹里衍招討迪六詳穩心斥節度使李迭赤狗兒得車萬餘乘惟寧王雅里及其長女乘車亂亡去進至掃里門為書以招遼主方自金城來知其族屬皆見俘執率兵五千餘決戰宗望所引千兵擊敗

之相去僅百步復遞去獲其子趙王習泥烈及傳國璽上于行
 在太祖喜錄諸帥功加以厚賞獻俘賜以遼國公主餘里衍
 遼主使謀盧瓦持免鈕金印請降宗望受之視其文乃元帥燕
 國王之印復遣書招諭以石晉北遷事又遣使諭夏國曲示和
 好以沮其救遼之心進兵趨天德復遼耶律慎思侯人吳十回
 言夏國迎護遼主渡河傳檄諭之果欲附我當執送遼主若猶
 疑貳恐有後悔無何使問開母敗狀就以其軍討覺降瀕海郡
 縣與戰南京城東覺敗奔入于宋城中人執其父及二子來獻
 宗望殺之賞有功將士各有差移書責宋納叛且徵軍糧請空
 名宜頭增信牌安撫新降之民詔以新附長吏職員仍舊命諸
 路轉輸軍糧勿督於宋給以銀牌其遷潤來隰四州人徙于滌
 州者俟畢農各復其業方遣使以詔書宣諭張敦固等出降使
 弘簡錄 卷二百二十四 七 金內懷四

者與俱入城收兵城中人復殺之立敦固為都統劫府庫掠居
 民乘城拒守引兵八千分四隊出戰又大敗敦固等以屢嘗拒
 戰不敢遽降再三開諭許其望闕通拜乃開一門遣開母入奏
 下詔赦南京官民罪無大小皆釋之官職如舊別勅有司輕徭
 賦勸稼穡聞北歲不登若如舊徵歛恐民匱乏乃度其糧數賦
 之射糧軍願為民者使復田里時遷潤來隰之民尚保山砦亦
 從其請特選良吏招撫俄召赴關宋兵三千自海道來破九寨
 殺馬城縣戍將節度使度盧幹取其銀牌兵仗及馬而去又聞
 童貫郭藥師治軍燕山乃首建伐宋之策奏曰若不伐宋必為
 後患上意決以監開母劉彥宗兩軍自燕山路進至三河破藥
 師兵四萬五千遂取燕山府盡收其軍寶馬萬匹甲冑五萬兵
 七萬州縣悉平宋中山戍將王彥劉璧率部下二千來降次邯

鄆宋李邦請修舊好留之軍中不遣自藥師降益知宋之虛實
 請以為燕京留守及董才降益知宋之地里請任以軍事太宗
 俱從之賜以國姓咸給金牌四年諸軍由滑州渡河圍汴宋沈
 晦以督書三鎮地圖至軍中歲幣割地一依定約遂與宋平退
 軍孟陽候騎覺姚平仲兵來襲分遣諸將迎擊大破之復進攻
 城問舉兵之狀少帝大恐使宇文虛中辨說初不知其事且將
 加罪其人乃輟弗攻師還河北兩鎮不下分兵進討罷常勝軍
 給還燕人田業命將士分屯安肅雄霸廣信之境已還山西拜
 右副元帥有功將士遷賞有差八月詔復伐宋會諸將發自保
 州耶律鐸破宋兵三萬于雄州殺萬餘人那野等敗宋軍七千
 於中山高六董才又破宋兵三千於廣信降其罪及旁近縣鎮
 宋种師閔軍四萬駐井陘宗望大破之遂取天成軍東還克真
 弘簡錄 卷二百二十四 八 金內懷四

定殺知府李邈得戶三萬降其五縣自真定趨汴十一月戊辰
 宗望至河上降魏縣諸軍渡河留諸將分出大名之境臨河大
 名諸縣并德清軍開德府皆克之阿里剗以騎兵三千取胙城
 先趨汴破宋軍六千于路抵城覆宋兵千人擒其數將因分遣
 諸將還宋援兵閏月壬辰朔宋兵一萬自汴州出戰選勁勇五
 千使當海忽魯維魯失擊敗之自克汴與勞賜並與宗翰傳同
 大軍北還分諸將鎮守河北宗望乃西上涼陘是月堯天會十
 三年封魏王皇統三年進許晉國王天德二年加贈太師意燕
 國王配享太宗廟廷正隆例降大定三年改封宋王諡桓肅子
 齊京文 齊本名愛速長身美髯天眷三年授鎮國上將軍皇
 統初遷光祿大夫正隆六年加銀青榮祿大夫大定初授特進
 安武軍節度使本以近屬上所寵遇而性庸滯無才能三年罷

節度官給隨朝三品俸卒子敵住上命英王爽於諸公主女中
為擇其婚禮幣官給 京本名忽魯累遷特進天德二年除翰
林學士承旨兼修國史加開府儀同三司歷工禮兵三部尚書
判大宗正事封曹王除河間尹正隆例降瀋國公北京留守居
喪起復益都尹六年坐違制飲酒降濼州刺史未幾改絳陽軍
節度使海陵遣護衛忽魯往殺之由間道走入汾州境得免世
宗卽位來見于桃花塢復判大宗正事封壽王加禮兄弟情若
同生大定二年正月日食上不視朝詔京代拜行禮語以朕每
見天象變異輒思政事之闕寤寐自責不遑凡事必審思而後
行猶懼獨見未能盡善每令羣臣集議庶幾無過舉也時未罷
伐宋兵用度不足百官罕給全俸開京家口數百賜以白金重
綵絹匹改西京留守加賜佩刀鹿馬其妻公壽嘗召日者孫邦
弘簡錄 卷一百二十四 九 金內族四
榮推京祿命官至太師爵封王京曰此上更無加乎邦榮察
其意乃詐為圖讖稱所得卦有獨權之兆京復使推世宗當生
年月家人孫小哥哥妄作謠言誑惑如邦榮指京信之大定五年
三月邦榮上變詔刑部侍郎高德基戶部員外完顏兀古出往
鞠皆欵伏獄成還奏上特免其死決杖除名嵐州樓煩縣安置
給第一區月支節度庫俸隨以奴婢百口仍給上田遺兀古出
劉琬宣詔曰朕與汝皆太祖之孫尤為親愛汝亦自知之何為
而懷此心朕念骨肉不忍盡法汝若尚不思過朕雖不加誅天
地豈能容汝也十二年兄文復謀反皇太子併趙王允中及宰
臣皆言惟不除京今致此患上曰天下大器歸於有德海陵失
道朕乃得之但務修德餘何足慮遣使宣諭卿兄弟舊封國公
不在職事朕進封王爵委以大藩不知恩幸乃蓄怨心謀為不

軌其罪兄弟妻子皆當緣坐朕念宋王有大功于國故置不問
文之家產應沒入者盡與卿兄子敵住仍襲京山東西路徒母
堅猛安卿宜悉此意二十年十一月上復問宰臣京之罪始於
妻卜休咎太祖諸孫存者無幾朕欲召置左右不使任職但慮
給之何如皆應曰非宜上曰朕若修德何必豫慎疑忌遂止
文本名胡刺皇統間授世襲謀克加奉國上將軍居京頗自
放驕縱無度輿廼使左淵嘗從穢術鼓仙者游于市中海陵召
鼓仙詰問窮竟本末殺之咸被責讓貞元初除秘書監犯姦決
杖除名俄復之封以王爵正隆例降郎國公以喪去大定初起
復翰林學士承旨同判大宗正事歷昌武武定二軍節度使留
京師奉朝請三年賜上常御條服佩刀而遣之語以朕無兄弟
見卿往外郡惻然傷懷卿宜加檢束自今懲咎悔過赤心事朕
弘簡錄 卷一百二十四 十 金內族四
無患朕不知也俄除廣寧尹召判大宗正事改封英王復除真
定尹賜以衣帶改大名尹徙封荆王坐多取猛安謀克良馬買
民物不償直占役弓手詭納稅草諸違法事露奪爵降德州防
禦使僚佐皆坐不矯正解職因是怏怏日與奴石林合住忽里
者為怨言合住揣知其意詭言南京路猛安阿古合住謀克頗
里銀木可與大王厚善果欲舉大事彼皆願從文信其言使奴
剛哥等往遺書幣召日者康洪密占休咎洪言來歲甚吉方遣
兵仗盡陣圍隸僕重喜詣河北東路上變遣總管判官李特防
禦判官剛越往捕是夜文知覺亡去事聞二官決杖除名廷遣
右司郎中紇石烈哲典翰林修撰阿不罕訛里也督所在捕獲
者遷官賜錢至十二月被獲伏誅餘皆論死特釋其妻木實慎
時北京曹貴鄭州李方坐是亦陷大戮因詔自今宗室及官職

除占問嫁娶修造葺事不得推算相命違坐徒從重

第四子宗弼本名幹殿金語作兀朮同兄弟望在軍嘗率百騎馳擊越盧亨古野里斯等敗之矢盡奪遼兵士槍獨殺八人仍同襲取遼主于鶻鶻深從伐宋取湯陰縣降其卒三千至御河橋已焚不得渡合魯索以七十騎涉水而過殺宋焚橋軍五百宗弼引三千騎竟游汴城宋上皇出奔選百騎追之弗及獲馬三千匹而還復從宗輔狗地淄青敗宋鄭宗孟數萬衆遂克青州復破賊將趙成并黃瓊軍取臨朐軍還遇敵三萬于河上擊敗之殺萬餘人追宋康王初攻開德府糧乏轉攻濮州前鋒烏林谷泰欲破王善二十萬衆克其城降旁近五縣復攻開德先登奮擊破之攻大名軍復先登河北平宋主自揚州奔江南分道代之進攻歸德城中兵自西北二門出爲當海所敗方絕隍弘簡錄 卷二百二十四 十一 全內族四 築道列檄治具因懼遂降又攻下睢陽至壽春宋安撫使馬世元率官屬出迎進下廬州再降巢縣時鄭瓊萬餘衆守和州當海等復破之遂渡江將至江寧西二十里宋杜充率步騎六萬來拒戰勦盧補當海廸虎大臭合擊破之宋陳邦光以江寧府降留長安奴幹里也守江寧使阿魯補幹里也別將兵狗地下太平濠州句容溧陽等縣沂江而西屢敗張永等兵充遂降宗弼取廣德軍路追襲宋主取湖州遂至餘杭官守巨室皆逃去攻克杭州留城中宋主走入于海分麾下兵會攻明州克之而自引兵取秀與平江韓世忠以舟師扼江口我軍舟小并丹漢軍沒者二百餘人遂自鎮江沂流西上世忠來襲奪其大舟十艘循南岸且戰且行世忠循北岸艤檣大艦連絡數倍宗弼軍前後擊柝自夜達旦世忠挑戰不絕一日數接將至黃天蕩因

老勣河故道一日夜開三十里迤秦淮宗弼乃得至江寧捷檣

使移刺古自天長來援恭欲亦以兵來會連敗宋兵將渡江而北宗弼軍渡自東移刺古渡自西與宋兵戰江口世忠分舟師絕江上下舟皆張五綳因選善射者乘輕舟射以火箭五綳皆自焚煙燄滿江世忠不能軍追北七十里僅能自免舟軍殲焉還從宗輔定陝西與張浚遇于富平宗弼陷重圍中韓常流矢中目怒而拔去其血淋漓塞之以土宗弼躍馬奮呼俱出搏戰遂敗浚軍又與阿魯補相降熙河逕原兩路及攻吳玠于和尚原抵險不可進方退軍遇伏且戰且行走三十里將至平地宋軍陣于山口宗弼大敗將士多沒明年復攻和尚原克之天會十五年爲右副元帥封藩王天眷二年自軍中入朝拜都元帥進封越國王察知捷懶與宋人交通路道詔往燕京誅之即領弘簡錄 卷二百二十四 十一 全內族四 行臺尚書省事治民訟錢穀兼總帥府決諸州郡軍旅之事既久任方面深究利害請即舉兵復河南疆土詔由黎陽趨汴遣孔彥舟下汴鄭兩州王伯龍取陳州李成取洛陽自率衆取亳州及順昌府嵩汝等州相次皆下因天暑還軍于汴三年河南平上遣使勞問加太保有功將士三千重授忠承校尉又攻克嵐石保德九月壬寅來朝見上于燕京起立酌酒飲之賜以甲冑弓矢良馬二匹庚申還軍皇統元年進伐淮南克廬州復朝燕京詔與宰相同入奏事拜左丞相兼侍中監脩國史詔以燕京路隸尚書省西京及山後諸郡族隸元帥府七月己酉還軍渡淮以書責讓宋人答書乞加寬宥有令遣信臣來稟讓宋主乞先飲兵許敵邑拜表闕下上遣護衛將軍撤改往勞之宋遣曹助來上督書畫淮爲界仍進旅帶進拜宗弼太傅表乞致仕優

詔不許賜以金券皇統三年爲太師領三省事自宗翰死宗幹宗偉捷愷湛溺富貴人人有自爲之心宗幹獨立無如奈何時無宗弼國勢危殆屢矣八年十月辛酉堯世宗嘗言宗翰之後惟宗弼一人非虛言也大定十五年諡忠烈十八年配享太宗廟庭 子學選名亨熙宗時封芮主爲猛安加銀青光祿大夫海陵墓立加特進素號材武勇直絕人以爲右衛將軍將謁太廟密諭之曰朕疑太宗諸子太強得卿衛左右可無慮耳賜以良弓辭曰弱不可用海陵遂忌之出爲其定尹歷中與東京留守家奴梁遵誣告與衛士符公弼謀反考驗無狀坐誅海陵益疑之改除廣寧尹使李老僧伺察動靜亨至廣寧待老僧甚厚常因蒲博多遺財物不忍致亨死罪遲疑者久之海陵再使小底訛論促老僧會渤海大族六斤坐累爲奴頗慧黠因與侍妾私通懼亨聞知密誣欲因間刺海陵老僧捕繫以問遣工部尚書耶律安禮大理正忒里等鞠之復無驗海陵怒竟遣老僧夜至囚所殺之正隆六年復殺妃徒單氏次妃大氏及子羊蹄等三人大定中追復官爵封韓王并妻子詔有司改葬 宗傑本名沒里野天會五年堯十三年諡孝悼天眷元年追封越王以其長子與爲會寧牧封節王後歷上燕西三京留守皇統三年堯海陵將謀弑立構其子阿楞捷楞并宗傑妻皆殺之大定間贈宗傑太師進封越王 宗強本名阿魯天眷元年定封國制初封紀王三年代宗固爲燕京留守改封衛王至太師皇統二年十月甲午堯輟朝七日喪至上京上親臨哭之慟仍親視喪事子阿鄰名爽天德三年受世襲猛安正隆二年除橫海軍節度使改安武軍留守奉朝

請海陵將伐宋嚴酒禁爽坐與徒單貞會飲下遷歸化州刺史亦猛安未幾復其官海陵渡淮分遣使者剪滅宗室爽憂懼不知所出會世宗即位爽弟阿瑄遣人來報即棄妻子奔迎至梁魚務入見世宗大悅除殿前馬步軍都指揮使封溫王改秘書監母憂起復遷太子太保進封壽王賜宴神龍殿語以朕賴卿兄弟之福安享快樂在正隆時朝夕常懼不保爽泣下頓首未幾判大宗正事有疾特遷其子符寶祗候思列爲忠順軍節度副使時年尚少未開政事入謝諭以朕意冀卿因喜而愈自今訓以義方使有善可稱別加陞擢疾少間將從上如涼陘賜錢千萬進封英王累太子太傅并太師復世襲猛安加封榮王二十三年堯上悼痛輟朝遣官致祭賜銀絹重綵陪葬山陵親王百官送葬 弟可喜累官唐括部族節度使降忻州刺史畏避海陵棗州來歸迎見世宗于麻吉鋪除兵部尚書素負才勇過人自以太祖孫頗有異志世宗初至中都怪傷多事屢從諸軍未暇行賞成出怨言有幹論者正隆末爲昭武大將軍監完顏殺英軍于歸化道遇獨吉和尚持大定赦文至彰德使人招之幹論不聽率兵來拒和尚邀入相州收其甲兵置酒相勞幹論兵皆不肯戰遂請降和尚邀入相州收其甲兵置酒相勞幹論北腹疾不肯飲至夜與其腹心密謀欲執和尚爲所覺不得發與河南統軍司令史幹里朶俱謁世宗亦撫慰之幹論自憊初無降志幹里朶爲人狡險咸不自安欲因扈從軍士怨望作亂往約押軍猛安沃窟刺從之大定二年上謁山陵可喜中道稱疾而歸乙亥夜召李惟忠完顏璋并布輝同會其家沃窟刺以兵赴之璋曰今不得高松軍事不成遂與可喜布輝共擒幹論



惟忠幹里采沃窟刺請官自首下獄皆伏誅可喜不肯自言其始謀及與幹論面質然後歎伏上念兄弟少太祖孫惟數人在惻然傷之詔罪止可喜一身其兄弟子孫皆不緣坐 阿瑊長身多力天德二年累授奉國金吾衛上將軍居於中都世宗即位與璋殺留守沙離只自行留守事語見璋傳大定二年授橫海軍節度使賜以名鷹時方年少詔以卿有才力宜自戒慎留心政事改武定軍母憂起復轉興平軍賜以襲衣廐馬遷廣寧尹坐賊犯法當死以親親故曲為全貸杖削解職頃之起為平涼并濟南尹入見常武殿上申諭戒以自今戒懼勿復使惡聲達于朕聽未幾卒于官年二十七命有司致祭賜銀絹重緜宗教本名阿魯補天眷元年封那王皇統三年為東京留守拜左副元帥兼會寧收進都元帥兼判大宗正事加太保領三省弘簡錄 卷二百二十四 五 金內族四

事尋領行臺尚書省事封曹國王屢憂熙宗性直殘殺乘左右無人密語海陵國家事重奈何教殺大臣海陵將以為指斥自念無語不可發及秋熙宗畏其屬尊且材勇欲構誣以除之時世宗為葛王使召之宗教疑懼不敢往王曰叔父今不即往至明日如何相見不得已入宮海陵尚猶豫以問烏帶答曰彼太祖子不殺之必有異議乃使僕散忽土刃擊宗教左右走避膚髮復藉血肉遍地葛王見之問於衆曰國王何罪而死烏帶曰天許大事尚已行之此蟻盈爾何足道者天德三年追封太師進封爵妃蒲察氏進國號封子撒合章舒國公賜名褒進封王阿里罕封密國公正隆六年見殺大定間詔復官爵

宗傳本名訛魯觀為東京留守時劉豫已廢撻懶自河南入朝倡議以廢齊故地界宋熙宗命羣臣議皆曰不可獨宗傳與相

合謂我委地與宋必然德我宗幹等爭之不能得宗憲復折之曰我俘宋父兄弟怨匪一日若復資以土地是助讐以戕我何德之有不聽撻懶弟昂亦謂不可既退責以他人尚有從者汝乃異議乎坊曰苟利國家豈敢私耶天眷元年拜宗傳左丞相開府儀同三司兼侍中封陳王二年加太保進封克國王領三省事時宗磐位首相竟以河南陝西地與宋後坐交結朋黨伏誅

冊曰金國獻典賞資內族五人夾輔 宗徽 宗德 宗顯 四君誕育而今而後臭鴉魚肉

弘簡錄卷二百二十四終 卷二百二十四 五 金內族四